



11. 1. 91

11-11-71

1

D I V I
T H O M A E
 A Q U I N A T I S
 D O C T O R I S A N G E L I C I
 O R D I N I S P R A E D I C A T O R U M
O P E R A .

E D I T I O A L T E R A V E N E T A
 a d p l u r i m a e x e m p l a c o m p a r a t a , & e m e n d a t a :

A C C E D U N T

V i t a , s e u E l o g i u m c i u s a I A C O B O E C H A R D O d i l i g e n t i s s i m e c o n c i n n a t u m ,
 & B E R N A R D I M A R I A E D E R U B E I S i n s i n g u l a O p e r a
 A d m o n i t i o n e s p r a e v i a e .

T O M U S D E C I M U S Q U I N T U S

complectens Q U A E S T I O N E S D I S P U T A T A S D E M A L O & c. ut in indice.



V E N E T I I S ,
 M D C C L I .

C u d e b a t I O S E P H B E T T I N E L L I
 E X P R I V I L E G I O E X C E L L E N T I S S I M I S E N A T U S .

I N D E X

QUAESTIONUM, & ARTICULORUM

Quae in hoc volumine continentur.

QUAESTIONES DE MALO.

QUAESTIO I.

De malo in communi.

- Art. 1.* **U**trum malum sit aliquid.
Art. 2. Utrum sit in bono.
Art. 3. Utrum bonum sit causa mali.
Art. 4. Utrum malum convenienter dividatur in culpam, & poenam.
Art. 5. Utrum habeat plus de ratione mali culpa, vel poena.

QUAESTIO II.

De peccatis.

- Art. 1.* Utrum in quolibet peccato sit aliquis actus.
Art. 2. Utrum peccatum consistat in actu voluntatis tantum.
Art. 3. Utrum peccatum consistat principaliter in actu voluntatis.
Art. 4. Utrum omnis actus sit indifferens.
Art. 5. Utrum aliqui actus sint indifferentes.
Art. 6. Utrum circumstantiae det species peccato.
Art. 7. Utrum aliqua circumstantia aggravet peccatum.
Art. 8. Utrum circumstantia aggravet in infinitum.
Art. 9. Utrum omnia peccata sint paria.
Art. 10. Utrum peccatum sit gravius, eo quod maiori bono opponitur.
Art. 11. Utrum peccatum diminuat bonum naturae.
Art. 12. Utrum peccatum possit corrumpere totum bonum naturae.

QUAESTIO III.

De causa peccati.

- Art. 1.* Utrum sit Deus causa peccati.
Art. 2. Utrum occasio peccati sit a Deo.

- Art. 3.* Utrum diabolus sit causa peccati.
Art. 4. Utrum diabolus possit inducere hominem ad peccandum interius persuadendo.
Art. 5. Utrum omnia peccata a diabolo suggerantur.
Art. 6. De causa peccati ex parte hominis peccantis, utrum scilicet ignorantia possit esse causa peccati.
Art. 7. Utrum ignorantia sit peccatum.
Art. 8. Utrum ignorantia excuset peccatum, vel diminuat.
Art. 9. Utrum sit possibile quod aliquis sciens ex infirmitate peccet.
Art. 10. Utrum peccata quae ex infirmitate committuntur, imputentur homini ad culpam.
Art. 11. Utrum infirmitas alleviet, vel aggravet peccatum.
Art. 12. Utrum aliquis possit ex malitia, vel ex certa scientia peccare.
Art. 13. Utrum ille qui peccat ex malitia, gravius peccet quam ille qui peccat ex infirmitate.
Art. 14. Utrum omne peccatum ex malitia sit peccatum in Spiritum sanctum.
Art. 15. Utrum peccatum in Spiritum sanctum possit remitti.

QUAESTIO IV.

De peccato originali.

- Art. 1.* Utrum aliquod peccatum ex origine contrahatur.
Art. 2. Quid sit peccatum originale.
Art. 3. Num peccatum originale, sicut in subiecto, in carne, vel in anima sit.
Art. 4. Utrum peccatum originale per prius sit in potentiis animae quam in essentia.
Art. 5. Utrum peccatum originale per prius sit in voluntate quam in aliis potentiis.
Art. 6. Utrum peccatum originale ab Adam derivetur in omnes qui seminaliter ab ipso procedunt.
Art. 7. Utrum illi qui nascuntur materialiter tantum de Adam, peccatum originale contrahant.
Art. 8. Utrum peccatum parentum originaliter in posteros transeat.

A 2 QUAE-

INDEX QUAEST. ET ARTIC.

QUAESTIO V.

De pœna originalis peccati.

- Art. 1.* Utrum sit conveniens pœna originalis peccati carentia visionis divinæ.
Art. 2. Utrum originali peccato debeatur pœna sensus.
Art. 3. Utrum patiantur afflictionem interioris doloris qui cum solo originali decedunt.
Art. 4. Utrum mors, & alij defectus huius vitæ sint pœna originalis peccati.
Art. 5. Utrum mors, & huiusmodi sint defectus homini naturales.

QUAESTIO VI.

De electione humana.

- Art. unic.* Utrum homo habeat electionem suorum actuum, aut ex necessitate eligat.

QUAESTIO VII.

De peccato veniali.

- Art. 1.* Utrum veniale peccatum convenienter dividatur contra mortale.
Art. 2. Utrum diminuat eorum casum.
Art. 3. Utrum veniale peccatum possit mortale fieri.
Art. 4. Utrum circumstantia faciat de veniali mortale.
Art. 5. Utrum in ratione superiori possit esse peccatum.
Art. 6. Utrum in sensualitate possit esse peccatum veniale.
Art. 7. Utrum homo in statu innocentiz poterit peccare venialiter.
Art. 8. Utrum primi motus in infidelibus sint peccata venialia.
Art. 9. Utrum Angelus bonus, vel malus possit peccare venialiter.
Art. 10. Utrum peccatum veniale sine caritate puniatur pœna æterna.
Art. 11. Utrum aliqua peccata venialia post hanc vitam remittantur in purgatorio.
Art. 12. De remissione peccatorum venialium in hac vita.

QUAESTIO VIII.

De vitiis capitalibus, & primo de superbia.

- Art. 1.* Utrum sint peccata capitalia septem, vel plura, vel pauciora.

- Art. 2.* Utrum superbia sit peccatum speciale.
Art. 3. Utrum superbia sit in irascibili.
Art. 4. De speciebus superbiæ.

QUAESTIO IX.

De inani gloria.

- Art. 1.* Utrum inanis gloria sit peccatum.
Art. 2. Utrum sit peccatum mortale.
Art. 3. De filiabus inanis gloriæ, quæ sunt inobedientia, iactantia, hypocrisis, contentio, pertinacia, discordia, novitatum præsumptio.

QUAESTIO X.

De invidia.

- Art. 1.* Utrum invidia sit peccatum.
Art. 2. Utrum sit mortale peccatum.
Art. 3. Utrum sit vitium capitale.

QUAESTIO XI.

De accidia.

- Art. 1.* Utrum accidia sit peccatum.
Art. 2. Utrum accidia sit speciale peccatum.
Art. 3. Utrum sit peccatum mortale.
Art. 4. Utrum sit vitium capitale.

QUAESTIO XII.

De ira.

- Art. 1.* Utrum ira sit mala, & utrum aliqua ira sit bona.
Art. 2. Utrum aliqua ira possit esse peccatum, an non.
Art. 3. Utrum possit esse peccatum mortale.
Art. 4. Utrum ira possit esse levius peccatum odio, & invidia, & huiusmodi.
Art. 5. Utrum possit esse vitium capitale.

QUAESTIO XIII.

De avaritia.

- Art. 1.* Utrum avaritia sit vitium speciale.
Art. 2. Utrum sit peccatum mortale.
Art. 3. Utrum sit vitium capitale.
Art. 4. Utrum mutare ad usuram sit peccatum mortale.

QUAE-

INDEX QUAEST. ET ARTIC.

QUAESTIO XIV. QUAESTIONES

De gula.

- Art. 1.* Utrum gula semper sit peccatum.
Art. 2. Utrum sit peccatum mortale.
Art. 3. De speciebus gulæ.
Art. 4. Utrum sit vitium capitale.

QUAESTIO XV.

De luxuria.

- Art. 1.* Utrum omnis actus luxuriæ sit peccatum.
Art. 2. Utrum actus luxuriæ sit peccatum mortale.
Art. 3. De speciebus luxuriæ, quæ sunt fornicatio, adulterium, incestus, stuprum, raptus, & peccatum contra naturam.
Art. 4. Utrum luxuria sit vitium capitale.

QUAESTIO XVI.

De demonibus.

- Art. 1.* Utrum dæmones habeant corpora naturaliter sibi unita.
Art. 2. Utrum sint naturaliter mali, aut voluntate.
Art. 3. Utrum diabolus peccando appetierit æqualitatem divinam.
Art. 4. Utrum peccare potuerit in primo instanti suæ creationis.
Art. 5. Utrum in eis possit liberum arbitrium reverti ad bonum post peccatum.
Art. 6. Utrum intellectus Angeli post peccatum sit obrebratus, ut in eo possit cadere error, vel deceptio.
Art. 7. Utrum dæmones cognoscant futura.
Art. 8. Utrum cognoscant cogitationes eorum.
Art. 9. Utrum possint transmutare corpora transmutatione formali.
Art. 10. Utrum possint movere corpora localiter.
Art. 11. Utrum possint immutare partem animæ cognoscitivam, quantum ad vim sensitivam interiorem, vel exteriorem.
Art. 12. Utrum possint immutare intellectum hominis,

De spiritualibus creaturis, de anima, de
 unione Verbi incarnati, & de vir-
 tutibus.

QUAESTIO UNICA

De spiritualibus creaturis.

- Art. 1.* **U**trum substantia spiritualis sit composita ex materia, & forma.
Art. 2. Utrum possit uniri corpori.
Art. 3. Utrum spiritualis substantia quæ est anima humana, uniatur corpori per medium.
Art. 4. Utrum tota anima sit in qualibet parte corporis.
Art. 5. Utrum aliqua substantia spiritualis creata, sit non unita corpori.
Art. 6. Utrum substantia spiritualis celestis corpori uniatur.
Art. 7. Utrum corpori aereo uniatur.
Art. 8. Utrum omnes Angeli differant specie ad invicem.
Art. 9. Utrum intellectus possibilis sit unus in omnibus hominibus.
Art. 10. Utrum intellectus agens sit unus omnium hominum.
Art. 11. Utrum potentie animæ sint idem quod eius essentia.

QUAESTIO UNICA

De anima.

- Art. 1.* Utrum anima humana possit esse forma, & hoc aliquid.
Art. 2. Utrum sit separata secundum esse a corpore.
Art. 3. Utrum sit una in omnibus.
Art. 4. Utrum necesse sit ponere intellectum agentem.
Art. 5. Utrum intellectus agens sit unus, & separatus.
Art. 6. Utrum anima sit composita ex materia, & forma.
Art. 7. Utrum Angelus, & anima differant specie.
Art. 8. Utrum anima rationalis possit uniri corpori humano.
Art. 9. Utrum uniatur materiæ corporali.
Art. 10. Utrum tota sit in toto corpore, & in qualibet parte eius.
Art. 11. Utrum anima rationalis vegetabilis, & sensibilis sit una substantia.
Art. 12. Utrum anima sit suæ potentie.
Art. 13. Utrum potentie animæ distinguantur per obiecta.

Art. 14.

INDEX QUAEST. ET ARTIC.

- Art. 14.** Utrum anima sit immortalis.
Art. 15. Utrum anima separata a corpore possit intelligere.
Art. 16. Utrum anima coniuncta corpori possit intelligere substantias separatas.
Art. 17. Utrum anima separata intelligat substantias separatas.
Art. 18. Utrum anima separata intelligat omnia naturalia.
Art. 19. Utrum potentiae sensitivae remaneant in anima separata.
Art. 20. Utrum anima separata cognoscat singularia.
Art. 21. Utrum pati possit poenam ab igne corporeo.

QUAESTIO UNICA

De unione Verbi incarnati.

- Art. 1.** Utrum unio facta sit in persona, vel in natura.
Art. 2. Utrum in Christo sit tantum una hypostasis vel suppositum, aut duo.
Art. 3. Utrum Christus sit unum naturaliter, aut duo.
Art. 4. Utrum in Christo sit tantum unum esse.
Art. 5. Utrum in Christo sit tantum una operatio.

QUAESTIO UNICA

De virtutibus in communi.

- Art. 1.** Utrum virtutes sint habitus.
Art. 2. Utrum definitio virtutis quam ponit Augustinus, sit conveniens.
Art. 3. Utrum potentia animae possit esse virtutis subiectum.
Art. 4. Utrum irascibilis, & concupiscibilis possint esse subiectum virtutis.
Art. 5. Utrum voluntas sit subiectum virtutis.
Art. 6. Utrum in intellectu practico sit virtus sicut in subiecto.
Art. 7. Utrum in intellectu speculativo sit virtus.
Art. 8. Utrum virtutes sint in nobis a natura.
Art. 9. Utrum virtutes acquirantur ex actibus.
Art. 10. Utrum sint aliquae virtutes ex infusione.
Art. 11. Utrum virtus infusa augeatur.
Art. 12. Utrum recte virtutes distinguantur.
Art. 13. Utrum virtus sit in medio.

QUAESTIO UNICA

De virtutibus theologicis.

- Art. 1.** Utrum caritas sit quid creatum in anima, vel sit ipse Spiritus sanctus.
Art. 2. Utrum caritas sit virtus.
Art. 3. Utrum caritas sit forma virtutum.
Art. 4. Utrum caritas sit una virtus.
Art. 5. Utrum caritas sit virtus distincta ab aliis virtutibus, vel non.
Art. 6. Utrum caritas possit esse cum peccato mortali.
Art. 7. Utrum obiectum diligibile ex caritate sit rationalis creatura.
Art. 8. Utrum diligere inimicos sit de perfectione consilii.
Art. 9. Utrum sit aliquis ordo diligendorum in caritate.
Art. 10. Utrum possibile sit caritatem esse perfectam in hac vita.
Art. 11. Utrum omnes teneantur ad perfectam caritatem habendam.
Art. 12. Utrum caritas semel habita, possit amitti.
Art. 13. Utrum per unum actum peccati mortalis caritas amittatur.

QUAESTIO UNICA

De correctione fratrum.

- Art. 1.** Utrum correctio fraterna sit in precepto.
Art. 2. Utrum ordo correctionis sit in precepto.

QUAESTIO UNICA

De spe.

- Art. 1.** Utrum spes sit virtus.
Art. 2. Utrum spes sit in voluntate sicut in subiecto.
Art. 3. Utrum spes sit prior caritate.
Art. 4. Utrum spes sit solum in viatoribus.

QUAESTIO UNICA.

De virtutibus cardinalibus.

- Art. 1.** Utrum prudentia, iustitia, temperantia, fortitudo sint dicendae quatuor virtutes cardinales.
Art. 2. Utrum virtutes sint connexae.
Art. 3. Utrum omnes virtutes in uno homine sint aequales.
Art. 4. Utrum virtutes cardinales maneant in patria.

INDEX QUÆST. ET ARTIC.

QUÆSTIO XIV.

De gula.

- Art. 1.* Utrum gula semper sit peccatum.
Art. 2. Utrum sit peccatum mortale.
Art. 3. De speciebus gula.
Art. 4. Utrum sit vitium capitale.

QUÆSTIO XV.

De luxuria.

- Art. 1.* Utrum omnis actus luxuriæ sit peccatum.
Art. 2. Utrum actus luxuriæ sit peccatum mortale.
Art. 3. De speciebus luxuriæ, quæ sunt fornicatio, adulterium, incestus, stuprum, raptus, & peccatum contra naturam.
Art. 4. Utrum luxuria sit vitium capitale.

QUÆSTIO XVI.

De demonibus.

- Art. 1.* Utrum dæmones habeant corpora naturaliter sibi unita.
Art. 2. Utrum sint naturaliter mali, aut voluntate.
Art. 3. Utrum diabolus peccando appetierit equalitatem divinam.
Art. 4. Utrum peccare potuerit in primo instanti suæ creationis.
Art. 5. Utrum in eis possit liberum arbitrium reverti ad bonum post peccatum.
Art. 6. Utrum intellectus Angelî post peccatum sit obtenebratus, ut in eo possit cadere error, vel deceptio.
Art. 7. Utrum dæmones cognoscant futura.
Art. 8. Utrum cognoscant cogitationes eorum.
Art. 9. Utrum possint transmutare corpora transmutatione formali.
Art. 10. Utrum possint movere corpora localiter.
Art. 11. Utrum possint immutare partem animæ cognoscitivam, quantum ad vim sensitivam interiorem, vel exteriorem.
Art. 12. Utrum possint immutare intellectum hominis.

QUÆSTIONES

De spiritualibus creaturis, de anima, & de unione Verbi incarnati.

QUÆSTIO UNICA

De spiritualibus creaturis.

- Art. 1.* Utrum substantia spiritalis sit composita ex materia, & forma.
Art. 2. Utrum possit uniri corpori.
Art. 3. Utrum spiritalis substantia quæ est anima humana, uniatur corpori per medium.
Art. 4. Utrum tota anima sit in qualibet parte corporis.
Art. 5. Utrum aliqua substantia spiritalis creata, sit non unita corpori.
Art. 6. Utrum substantia spiritalis celestis corpori uniatur.
Art. 7. Utrum corpori aereo uniatur.
Art. 8. Utrum omnes Angeli differant specie ad invicem.
Art. 9. Utrum intellectus possibilis sit unus in omnibus hominibus.
Art. 10. Utrum intellectus agens sit unus omnium hominum.
Art. 11. Utrum potentia animæ sint idem quod eius essentia.

QUÆSTIO UNICA

De anima.

- Art. 1.* Utrum anima humana possit esse forma, & hoc aliquid.
Art. 2. Utrum sit separata secundum esse a corpore.
Art. 3. Utrum sit una in omnibus.
Art. 4. Utrum necesse sit ponere intellectum agentem.
Art. 5. Utrum intellectus agens sit unus, & separatus.
Art. 6. Utrum anima sit composita ex materia, & forma.
Art. 7. Utrum Angelus, & anima differant specie.
Art. 8. Utrum anima rationalis possit uniri corpori humano.
Art. 9. Utrum uniatur materiæ corporali.
Art. 10. Utrum tota sit in toto corpore, & in qualibet parte eius.
Art. 11. Utrum anima rationalis, vegetabilis,

INDEX QUÆST. ET ARTIC.

- lis, &c. sensibilis sit una substantia.
Art. 12. Utrum anima sit suæ potentiz.
Art. 13. Utrum potentiz animæ distinguantur per objecta.
Art. 14. Utrum anima sit immortalis.
Art. 15. Utrum anima separata a corpore possit intelligere.
Art. 16. Utrum anima coniuncta corpori possit intelligere substantias separatas.
Art. 17. Utrum anima separata, intelligat substantias separatas.
Art. 18. Utrum anima separata intelligat omnia naturalia.
Art. 19. Utrum potentiz sensitivæ remaneant in anima separata.
Art. 20. Utrum anima separata cognoscat singularia.

Art. 21. Utrum pati possit penam ab igne corporeo.

QUÆSTIO UNICA.

De unione Verbi incarnati.

- Art. 1.* Utrum unio facta sit in persona, vel in natura.
Art. 2. Utrum in Christo sit tantum una hypostasis vel suppositum, aut duo.
Art. 3. Utrum Christus sit unum naturaliter, aut duo.
Art. 4. Utrum in Christo sit tantum unum esse.
Art. 5. Utrum in Christo sit tantum una operatio.

7

D I V I

T H O M A E

A Q U I N A T I S

D O C T O R I S A N G E L I C I

Q U A E S T I O N E S D I S P U T A T A E

D E M A L O .

Q U A E S T I O P R I M A .

De malo in communi :

& habet quinque articulos .



Primo enim quaeritur , utrum malum sit aliquid .

Secundo . Utrum malum sit in bono .

Tertio . Utrum bonum sit causa mali .

Quarto . Utrum malum convenienter dividatur per culpam , & poenam .

Quinto . Quid plus habeat de ratione mali , utrum culpa , an poena .

ARTICULUS PRIMUS .

(a) Utrum malum sit aliquid .

1. P. quæst. xli. art. 2. & 1. Sent. dist. xxvi. art.

3. & 11. dist. xxxiv. quæst. 1. art. 2. & 3. &

111. cont. Gent. cap. vii. v. 111. 1x.

Questio est de malo : & primo quaeritur , an malum sit aliquid . Et videtur quod sic . Omne enim creatum aliquid est . Sed malum est aliquid creatum , secundum illud 11ai. xlv. 7. *Ego Dominus faciens pacem , & creans malum .* Ergo malum est aliquid .

2. Præterea . Utrumque contrarium est aliquid in natura : quia contraria sunt in eodem genere posita . Sed malum est contrarium bono , secundum illud Eccli. xxxiii.

1x. *Contra bonum malum .* Ergo malum est aliquid .

3. Sed dicendum , quod malum in abstracto acceptum non est contrarium , sed privatio ; sed aliquid malum in concreto acceptum est contrarium , & est aliquid . Sed contra . Nihil est contrarium alteri secundum id in quo cum eo convenit : nigrum enim non contrariatur albo secundum quod est color . Sed secundum id quod subleñitur ipsi malo , convenit malum cum bono . Ergo secundum illud , malum non contrariatur bono , sed secundum hoc ipsum quod est malum : malum ergo , inquantum est malum , est aliquid .

4. Præterea . Oppositio formæ , & privationis invenitur etiam in rebus naturalibus . Sed non dicitur , quod in rebus naturalibus malum contrarietur bono , sed solum in moralibus : quia malum , & bonum , secundum quod sunt contraria , continent sub se virtutem , & vitium . Ergo contrarietas mali , & boni non intelligitur secundum oppositionem privationis , & habitus .

5. Præterea . Dionysius (de div. Nom. cap. xv. a med.) & Damascenus (Lib. 11. cap. 1v.) dicunt , quod malum est sicut tenebra . Tenebra autem contrariatur lumini , ut dicitur 11. de Anim. (com. lxx.) Ergo & malum contrariatur bono , & non solum est eius privatio .

6. Præterea . Augustinus dicit (Lib. lxxxiii. Qq. quæst. xxi.) quod illud quod semel est , numquam totaliter cedit in non esse . Si ergo

go

(a) Ad. deff. simul.

8 QUAEST. I. DE MALO IN COMMUNI ART. I.

go aer illuminatur a sole, illud lumen creatum in aere non totaliter deficit esse: nec potest dici, quod recolligitur in suo principio. Ergo remanet in subiecto aliquid eius, quod est sicut dispositio imperfecta; & hoc vocatur tenebra. Ergo tenebra est aliquid contrarium luminis, & non privatio sola. Et eadem ratio est de malo, & bono. Ergo malum non est sola privatio boni, sed contrarium.

7. Præterea. Inter privationem & habitum non est medium in susceptible. Sed inter bonum & malum est aliquid medium; nec omnia sunt bona, & mala, ut dicitur in predicamentis (in post. predicamen. cap. de oppositis, a. ed.) Ergo bonum, & malum non opponuntur ut privative opposita, sed ut contraria, inter quæ potest esse medium: & sic malum aliquid est.

8. Præterea. Omne quod corrumpit, agit. Sed malum, inquantum malum, corrumpit, ut Dionysius dicit iv. cap. de divin. Nom. Ergo malum, inquantum malum, agit. Sed nihil agit nisi inquantum est aliquid. Ergo malum, inquantum malum, est aliquid.

9. Sed dicendum, quod corrumpere non est agere, sed defectus actionis. Sed contra. Corruptio est motus, vel mutatio. Ergo corrumpere est movere. Sed movere est agere. Ergo corrumpere est agere.

10. Præterea. Invenitur corruptio naturalis, sicut & generatio, ut dicit Philosophus in V. Physic. (com. vii.) Sed in omni motu naturali est aliquid per se intentum a natura corruptentis. Corruptum autem est proprium mali, ut Dionysius dicit (cap. iv. de div. Nomin. part. 4.) Ergo malum habet aliquam naturam intendentem aliquem finem.

11. Præterea. Quod non est aliquid, non potest esse genus: quia non ens non sunt species; ut dicit Philosophus IV. Physic. (com. lxxv.) Sed malum est genus: dicitur enim in predicamentis (in cap. de oppositis) quod bonum, & malum non sunt in genere, sed sunt genera aliorum. Ergo malum est aliquid.

12. Præterea. Quod non est aliquid, non potest esse differentia constitutiva alicuius: quia omnis differentia est unum & ens, ut dicitur in III. Metaphys. (com. 1.) Sed bonum, & malum sunt differentie constitutive virtutis, & viti. Ergo malum est aliquid.

13. Præterea. Illud quod non est aliquid, non potest intendi, & remitti. Sed malum

intenditur, & remittitur: malum enim malum est homicidium quam adulterium. Nec potest dici, quod dicatur maius malum inquantum corruptum plus de bono: quia corruptio boni est effectus mali; causa autem non intenditur, & remittitur propter effectum, sed e converso. Ergo malum est aliquid.

14. Præterea. Omne quod habet esse per positionem, in loco, est aliquid. Sed malum est huiusmodi: dicit enim Augustinus (Ench. cap. xi.) quod malum suo loco positum eminentius commendat bonum. Nec potest dici, hoc esse intelligendum de malo ex parte boni in quo est: quia malum commendat bonum, secundum oppositionem quam habet ad ipsum, secundum quod opposita iuxta se posita magis elucescunt. Ergo malum, inquantum est malum, est aliquid.

15. Præterea. Philosophus in V. Phys. (com. vii.) dicit, quod omnis mutatio est ex subiecto in subiectum, vel ex subiecto in non subiectum, vel ex non subiecto in subiectum: & nominat subiectum quod affirmatione monstratur. Cum autem aliquis mutatur de bono in malum, non mutatur de subiecto in non subiectum, neque de non subiecto in subiectum: quia hæ mutationes sunt generatio, & corruptio. Ergo mutatur de subiecto in subiectum, & sic videtur quod malum sit aliquid affirmative existens.

16. Præterea. Philosophus dicit in I. de gener. (com. xxi.) quod corruptio unius est generatio alterius. Sed malum, inquantum malum, est corruptivum, secundum Dionysium iv. cap. de divin. Nomin. Ergo malum, inquantum malum, est generativum alicuius; & ita oportet quod sit aliquid: quia omne quod generatur, generatur ex alio.

17. Præterea. Bonum habet rationem appetibilis: quia bonum est quod omnia appetunt, ut dicitur in I. Ethic. (in princ.) & eadem ratione malum habet rationem fugibilis. Sed contingit quod aliquid negative significatum appetitur naturaliter, & aliquid affirmative significatum naturaliter fugitur; sicut ovis naturaliter fugit præsentiam lupi, & appetit eius absentiam. Ergo non magis bonum est aliquid quam malum.

18. Præterea. Pœna, inquantum pœna, est iusta; & quod iustum est, bonum est. Ergo pœna, inquantum pœna, est aliquid bonum. Sed pœna, inquantum pœna, est aliquid malum: dividitur enim malum per pœnam, & culpam. Ergo aliquid malum, inquantum

inquantum huiusmodi, est bonum. Sed omne bonum est aliquid. Ergo malum, inquantum est malum, est aliquid.

19. Præterea. Si bonitas non esset aliquid, nihil esset bonum. Ergo similiter si malitia non esset aliquid, nihil esset malum. Sed constat multa mala esse. Ergo malitia aliquid est.

20. Sed dicendum, quod malum non est ens naturæ, aut moris, sed ens rationis. Sed contra est quod Philosophus dicit in VI. Metaph. (com. viii.) quod bonum, & malum sunt in rebus; sed verum, & falsum sunt in intellectu. Ergo malum non est ens rationis tantum, sed est aliquid in rebus naturalibus.

Sed contra est quod Augustinus dicit XI. de civit. Dei (cap. ix. in fin.) quod malum non est natura aliqua; sed defectus boni hoc nomen accepit.

Præterea. Ioan. t. 3. dicitur: *Omnia per ipsum facta sunt*. Sed malum non est factum per Verbum, ut Augustinus dicit (tract. i. in Ioan. a. med.) Ergo malum non est aliquid.

Præterea. Ibidem subditur: *Sine ipso factum est nihil*; id est, peccatum: quia peccatum nihil est, & nihil sunt homines, cum peccant: "ut dicit Glossa (Augustini) ibidem: & eadem ratione quodlibet aliud malum nihil est. Ergo malum non est aliquid.

Respondendo dicendum, quod sicut album, ita & malum dupliciter dicitur. Uno enim modo cum dicitur album, potest intelligi id quod est albedini subiectum; alio modo album dicitur id quod est album, inquantum est album, scilicet ipsum accidens. Et similiter malum uno modo potest intelligi id quod est (subiectum mali; & hoc aliquid est: alio modo potest intelligi ipsum malum; & hoc non est aliquid, sed est ipsa privatio alicuius particularis boni. Ad cuius evidentiam sciendum est, quod bonum proprie est aliquid, inquantum est appetibile: nam secundum Philosophum in I. Ethic. optime definitur bonum dicentes, quod bonum est quod omnia appetunt: malum autem dicitur id quod opponitur bono. Unde oportet malum esse id quod opponitur appetibili inquantum huiusmodi. Hoc autem impossibile est esse aliquid: quod triplici ratione apparet. Primo; quidem quia appetibile habet rationem finis: ordo autem finium est sicut & ordo agentium. Quanto enim aliquod agens est superius, & universalius, tanto & finis propter quem agit, est universalius bonum:

nam omne agens agit propter finem, & propter aliquod bonum: & hoc manifeste apparet in rebus humanis. Nam restor civitatis intendit bonum aliquod particulare, quod est civitatis bonum. Rex autem, qui est illo superior, intendit bonum universale, scilicet totius regni pacem. Cum ergo in causis agentibus non sit procedere in infinitum, sed oporteat devenire ad unum primum, quod est universale causa essendi, oportet quod etiam sit aliquod universale bonum, in quod omnia bona reducuntur: & hoc non potest esse aliud quam hoc ipsum quod est primum & universale agens: quia cum appetibile moveat appetitum, primum autem movens oportet esse non motum; necesse est primum & universale appetibile esse primum & universale bonum, quod omnia operatur propter appetitum sui ipsius. Sicut ergo quidquid est in rebus, oportet quod proveniat a prima & universali causa essendi; ita quidquid est in rebus, oportet quod proveniat a primo & universali bono. Quod autem proveniat a primo & universali bono, non potest esse nisi bonum particulare tantum; sicut quod proveniat a prima & universali causa essendi, est aliquod particulare ens. Omne ergo quod est aliquid in rebus, oportet quod sit aliquod particulare bonum: unde non potest secundum id quod est, bono opponi. Unde relinquatur quod malum, secundum quod est malum, non est aliquid in rebus, sed est alicuius particularis boni privatio, alicui particulari bono inherens. Secundo hoc idem apparet, quia quidquid est in rebus, habet aliquam inclinationem, & appetitum alicuius sibi convenientis. Quod autem habet rationem appetibilis, habet rationem boni. Quidquid ergo est in rebus, habet convenientiam cum aliquo bono. Malum autem, inquantum huiusmodi, non convenit cum bono, sed opponitur ei. Malum ergo non est aliquid in rebus. Sed si malum esset aliqua res, nihil appeteret, nec ab aliquo appeteretur, & per consequens non haberet aliquam actionem, nec aliquem motum: quia nihil agit, vel movetur, nisi propter appetitum finis. Tercio idem apparet ex hoc quod ipsum esse maxime habet rationem appetibilis: unde videmus quod unumquodque naturaliter appetit conservare suum esse, & refugit destruktiva sui esse, & eis pro posse resistit. Sic ergo ipsum esse, inquantum est appetibile, est bonum. Oportet ergo quod malum, quod universaliter opponitur bono, opponatur etiam ei quod est esse. Quod autem

S. Th. Oper. Tom. XV.

B oppo-

oppositum ei quod est esse, non potest esse aliquid. Unde dico, quod id quod est malum, non est aliquid; sed id cui accidit esse malum, est aliquid, inquantum malum privat communis aliquid particulare bonum; sicut & hoc ipsum quod est cæcum esse, non est aliquid; sed id cui accidit cæcum esse, est aliquid.

Ad primum ergo dicendum, quod aliquid dicitur esse malum dupliciter: uno quidem modo simpliciter, alio vero modo secundum quid. Illud autem dicitur simpliciter malum quod est secundum se malum. Hoc autem est quod privatur aliquo particulari bono quod est ex debito suæ perfectionis; sicut ægrotudo est malum animalis, quia privat æqualitatem humorum, quæ requiritur ad perfectum esse animalis. Sed secundum quid dicitur esse malum quod non est malum secundum se, sed alicuius, quia scilicet non privatur aliquo bono quod sit de debito suæ perfectionis, sed quod est de debito perfectionis alterius rei; sicut in igne est privatio formæ aquæ, quæ non est de debito perfectionis ignis, sed de debito perfectionis aquæ: unde ignis non est secundum se malus, sed est malus aquæ. Similiter autem ordo iustitiæ habet adiunctam privationem particularis boni alicuius peccantis, inquantum ordo iustitiæ hoc requirit ut aliquis peccans privetur bono quod appetit. Sic ergo pœna ipsa est bona simpliciter, sed est mala huic: & hoc malum dicitur Deus creare, pacem autem facere: quia ad pacem non cooperatur appetitus peccantis, ad pacem autem cooperatur appetitus pacem recipientis. Creare autem est aliquid facere nullo præsupposito. Et sic patet quod malum dicitur esse creatum, non inquantum est malum, sed inquantum est simpliciter bonum, & secundum quid malum.

Ad secundum dicendum, quod bonum, & malum proprie opponuntur ut privatio, & habitus: quia, ut Simplicius dicit in commento Prædicamentorum (in prædicamentis qualitatis) illa proprie dicuntur contraria quorum utrumque est aliquid secundum naturam, sicut calidum, & frigidum, album, & nigrum; sed alia quorum unum est secundum naturam, & aliud recessus a natura, non opponuntur proprie ut contraria, sed ut privatio, & habitus. Sed duplex est privatio: una quidem quæ est in privatum esse, ut mors, & cecitas; alia vero quæ est in privari, ut ægrotudo, quæ est via in mortem, & ophthalmia, quæ est via in cecitatem: & huiusmodi privationes interdum di-

curantur contrariæ, inquantum adhuc retinent aliquid de eo quod privatur: & hoc modo malum dicitur contrarium, quia non privatur totum bonum, sed aliquid de bono remanet.

Ad tertium dicendum, quod nisi nigrum aliquid retineret de natura coloris, non posset esse contrarium albo: quia contraria oportet esse in eodem genere. Licet ergo hoc in quo convenit album cum nigro, non sufficiat ad rationem contrarietatis, tamen sine hoc contrarietas esse non potest: & similiter licet id in quo convenit malum cum bono, non sufficiat ad rationem contrarietatis, tamen sine hoc contrarietas esse non posset.

Ad quartum dicendum, quod ideo in moralibus magis quam in naturalibus malum contrarium bono dicitur, quia moralia ex voluntate dependent; voluntatis autem obiectum est bonum, & malum. Omnis autem actus denominatur, & speciem recipit ab obiecto. Sic ergo actus voluntatis, inquantum fertur in malum, recipit rationem, & nomen mali; & hoc malum contrariatur proprie bono: & hæc contrarietas ex actibus in habitus transit, inquantum actus, & habitus simulantur.

Ad quintum dicendum, quod tenebra non est contrarium luminis, sed privatio; sed Aristoteles frequenter utitur nomine contrarii pro privatione, quia ipse dicit, quod privatio quodammodo est contrarium, & quod prima contrarietas est privatio, & forma.

Ad sextum dicendum, quod adveniente tenebra nihil remanet de lumine; sed remanet solum potentia ad lumen, quæ non est aliquid tenebræ, sed subiectum eius. Sic enim antequam illuminaretur aer, erat solum in potentia ad lumen. Nec proprie loquendo lumen est, aut fit, aut corrumpitur; sed aer illuminatus esse, aut fieri, aut corrumpi dicitur secundum lumen.

Ad septimum dicendum, quod, sicut Simplicius dicit in commento prædicamentorum (in postprædicamentis, cap. de oppositis) inter malum & bonum, secundum quod in moribus accipitur, invenitur aliquid medium; sicut actus indifferens est medium inter actum vitiosum & virtuosum.

Ad octavum dicendum, quod malum abstracte accipiendo, id est hoc ipsum quod est malum, dicitur corrumpere, non quidem active, sed formaliter, inquantum scilicet est ipsa corruptio boni; sicut & cecitas dicitur corrumpere visum, inquantum est ipsa visus corruptio, seu privatio; sed id quod est malum, si sit quidem malum simpliciter, id est

ideft secundum feipfum, fic quidem corrup-
pit, ideft corruptum ducit in actum, & ef-
fectum, non agendo; fed deagendo, ideft
per defectum activæ virtutis; ficut semen in-
digestum deficit in generando, & producit
partum monstruofum, qui est corruptio na-
turalis ordinis. Sed id quod non est simpli-
citer & secundum fe malum, secundum vir-
tutem activam, perfectam corruptionem fa-
cit, non simpliciter, fed alicuius.

Ad nonum dicendum, quod corrumpere
formaliter non est movere, nec agere, fed
corruptum esse; corrumpere autem active est
movere, & agere; ita tamen quod quidquid
est ibi de actione, vel motione, pertinet ad
virtutem boni; quod autem est ibi de defe-
ctu, pertinet ad malum, qualitercumque ac-
cipiatur; ficut quidquid est in claudicatione
de motu, est ex virtute gressiva, defectus
autem rectitudinis est ex virtute curvitate; &
ignis generat ignem in quantum habet talem
formam, corrumpit tamen aquam, in quan-
tum huic formæ adiungitur talis privatio.

Ad decimum dicendum, quod corruptio
quæ est ab eo quod est malum simpliciter,
& secundum feipsum, non potest esse natu-
ralis, fed magis est casus a natura; fed cor-
ruptio quæ est ab eo quod est malum alicui,
potest esse secundum naturam, ficut quod
ignis corrumpat aquam: & tunc id quod in-
tendit, est bonum simpliciter, scilicet forma
ignis. Quod autem intenditur principaliter,
est esse ignis generati, & secundario non ef-
se aquæ, in quantum ad esse ignis requiritur.

Ad undecimum dicendum, quod verbum
illud Philosophi difficultatem habet: quia
si malum, & bonum non sunt in genere,
fed sunt genera, cassatur decem prædicamen-
torum distinctio: & ideo, ut Simplicius di-
cit in commento prædicamentorum (ubi sup.)
quidam solventes dixerunt, quod verbum Phi-
losophi sic est intelligendum, quod bonum,
& malum sunt genera contrariorum, scilicet
virtutis & vitii, non tamen sunt in genere
contrario, fed in qualitate. Sed expositio hæc
non videtur conveniens: quia istud tertium
membrum non differt a primo quod ponit,
scilicet quod quedam contraria sunt in uno
genere. Unde Porphyrius dixit (eod. loc.)
quod contrarium quoddam sunt univoca,
& ista sunt vel in uno genere proximo, ut
album, & nigrum in genere coloris, quod
est primum membrum divisionis ab Aristote-
le possum; vel in contrariis generibus

proximis, ficut castitas, & impudicitia, quæ
sunt sub virtute, & vitio, quod est secun-
dum membrum: quoddam vero sunt æquivo-
ca, ficut bonum quod circuit omnia genera,
ficut & ens, & similiter malum: & ideo bo-
num, & malum dixit non esse nec in uno
genere, nec in pluribus, fed ipsa esse gene-
ra, prout genus dici potest id quod genera
transcendit, ficut ens, & unum. Simplicius
vero ponit duas alias solutiones: quarum una
est, quod bonum, & malum dicuntur gene-
ra contrariorum, in quantum unum contra-
riorum est defectivum respectu alterius, ficut
nigrum respectu albi, & amarum respectu
dulcis: & sic omnia contraria quodam-
modo reducuntur ad bonum, & malum,
prout omnis defectus pertinet ad rationem
mali. Unde & in I. Physic. (com. iv.)
dicitur, quod semper contraria comparantur
ad invicem, ut melius, & peius. Alia so-
lutio est, quod Aristoteles dixit hoc secundum
opinionem Pythagoræ, qui posuit duos or-
dines rerum: quorum unus comprehenditur
sub bono, & alius sub malo. Multoties et-
iam in Logica utitur exemplis, non veris se-
cundum opinionem propriam, fed probabili-
bus secundum (a) aliorum opinionem. Et
sic patet secundum prædicta quod non oportet
ponere quod malum sit aliquid.

Ad duodecimum dicendum, quod bonum,
& malum non sunt differentiz nisi in mora-
libus, in quibus malum positive aliquid di-
citur, secundum quod ipse actus voluntatis
denominatur malus a voluto; licet & ipsum
malum non possit esse volitum nisi sub ra-
tione boni.

Ad decimumtertium dicendum, quod un-
umquodque est magis malum altero, non
per accessum ad aliquid summe malum, vel
per participationem diversam alicuius formæ,
ficut dicitur aliquid magis vel minus album
secundum diversam participationem albedi-
nis; fed dicitur aliquid magis vel minus ma-
lum, secundum quod magis vel minus pri-
vatur de bono, non quidem effective, fed
formaliter. Homicidium enim dicitur maius
peccatum quam adulterium, non quia ma-
gis corrumpat bonum naturale animæ; fed
quia magis removel bonitatem ipsius actus:
plus autem contrariatur caritati bono, quo
debet informari actus virtuosus, homicidium,
quam adulterium.

Ad decimumquartum dicendum, quod ni-
hil prohibet malum habere loci positionem
secundum id quod in eo de bono retinetur,
B 2 & quod

12 QUAEST. I. DE MALO IN COMMUNI ART. I. & II.

& quod commendat bonum sua oppositione inquantum est malum.

Ad decimum quintum dicendum, quod subiectum quod est affirmatiue monstratum, non solum est contrarium, sed etiam privatio. Dicit enim Philosophus ibidem, quod aliqua privatio affirmatione monstratur, ut nudum: & praeterea nihil prohibet dicere mutationem de bono in malum quandam corruptionem esse, ut sic possit dici mutatio de subiecto in non subiectum; cum tamen homo de bonitate virtutis in malitiam mutatur, est motus de qualitate in qualitate, ut patet per praemissa.

Ad decimum sextum dicendum, quod, sicut Dionysius solvit (loc. cit. in argum.) malum est corruptivum inquantum est malum; generativum autem non est inquantum malum, sed inquantum retinet aliquid de bono.

Ad decimum septimum dicendum, quod non esse nunquam appetitur, nisi inquantum per aliquid non esse conservatur proprium esse; sicut ovis absentiam lupi appetit propter conservationem propriae vitae; nec praesentiam lupi refugit, nisi inquantum est suae vitae corruptiva. Ex quo patet quod ens appetitur per seipsum, fugitur autem per accidens; non ens autem fugitur per se, & appetitur per accidens: & ideo bonum, inquantum bonum, est aliquid; malum autem, inquantum malum, est privatio.

Ad decimum octavum dicendum, quod poena, inquantum est poena, est malum alicuius; inquantum est iusta, est bonum simpliciter. Nihil autem prohibet id quod est bonum simpliciter, esse malum alicuius; sicut forma ignis est bonum simpliciter, sed est malum aquae.

Ad decimum nonum dicendum, quod ens dicitur dupliciter. Uno modo secundum quod significat naturam decem generum; & sic neque malum, neque aliqua privatio est eius, neque aliquid. Alio modo secundum quod respondetur ad questionem *an est i* & sic malum est, sicut & cecitas est. Non tamen malum est aliquid: quia esse aliquid non solum significat quod respondetur ad questionem *an est*, sed etiam quod respondetur ad questionem *quid est*.

Ad vicesimum dicendum, quod malum quidem est in rebus, sed ut privatio, non autem ut aliquid reale; sed in ratione est ut aliquid intellectum: & ideo potest dici, quod malum est ens rationis, & non rei, quia in intellectu est aliquid, non autem in re: & hoc ipsum quod est esse intellectum,

secundum quod aliquid dicitur ens rationis, est bonum: bonum enim est aliquid intelligi.

ARTICULUS II.

Utrum malum sit in bono.

I. P. quest. xlviii. art. 2. & II. Sent. dist. xxxiv. art. 4. & III. cont. Gent. cap. xi.

Secundo quaeritur, utrum malum sit in bono. Et videtur quod non. Dicit enim Dionysius iv. cap. de divin. Nomin. quod malum neque est existens, neque in existentibus: & hoc probat per hoc quod omne existens est bonum. Malum autem non est in bono. Ergo non est in existente: & sic videtur quodam manifeste uti, quod malum non sit in bono.

2. Sed dicendum, quod malum est in existente, & in bono, non inquantum est existens, vel bonum, sed inquantum est deficiens. Sed contra. Omnis defectus pertinet ad rationem mali. Si ergo malum est in existente, inquantum est deficiens, malum est in existente inquantum existens est malum. Malum ergo aliquid praesupponitur in existente ad hoc quod possit esse subiectum mali: & redibit questio de illo malo quod sit eius subiectum? & si existens, inquantum est deficiens, est eius subiectum, oportebit praesupponere aliquid aliud malum, & sic in infinitum procedere. Standum est ergo in primo, ut scilicet si malum est in existente, sit in eo, non inquantum est deficiens, sed inquantum est existens: quod est contra Dionysium.

3. Praeterea. Malum, & bonum sunt opposita. Sed unum oppositorum non est in alio, sicut frigidum non est in igne. Ergo malum non est in bono.

4. Sed dicendum, quod malum non est in bono sibi opposito, sed in alio. Sed contra. Omne illud quod convenit multis, convenit eis per unam naturam. Sed bonum convenit multis, similiter & malum. Ergo per unam naturam communem bonum convenit omnibus bonis, & malum omnibus malis. Sed malum communiter acceptum, oppositum est bono. Ergo malum quodlibet opponitur cuiuslibet bono; & sic si aliquod malum est in aliquo bono, sequitur quod oppositum sit in suo opposito.

5. Praeterea. Augustinus dicit in Ench. (cap. xlii. in princ.) quod in hoc quod malum est in bono, fallit Dialecticorum regula,

gula, quæ dicit, quod contraria simul esse non possunt. Non autem falleret, si malum non esset in bono sibi opposito. Ergo ex hoc quod malum est in bono, sequitur quod oppositum sit in opposito; quod omnino esse non potest: quia omnia opposita includunt in se contradictionem, contradictoria autem simul esse non possunt. Non ergo malum est in bono.

6. Præterea. Omne quod inest alicui, aut causatur ex subiecto, sicut accidens naturale, ut calor ex igne; aut ex aliquo exteriori agente, sicut calor aquæ ex igne, qui est accidens innaturale. Si ergo malum sit in bono, aut causatur ex bono, aut ab aliquo alio. Sed non ex bono, quia bonum non potest esse causa mali, secundum illud *Matthæi vii. Non potest arbor bona fructus malos facere*. Nec iterum causatur ab aliquo alio: quia & hoc vel est malum, vel est commune principium mali, & boni. Sed non potest esse malum non causatum ex bono causa mali quod est in bono: quia sic sequeretur quod non omnis binarius haberet ante se unitatem. Nec iterum potest esse quod sit unum commune principium boni, & mali: quia idem secundum idem non facit diversam, & disformiam. Ergo nullo modo malum potest esse in bono.

7. Præterea. Nullum accidens diminuit, vel corrumpit subiectum in quo est. Sed malum diminuit, vel corrumpit bonum. Ergo malum non est in bono.

8. Præterea. Sicut bonum respicit actum, ita malum e contrario respicit potentiam: unde malum non invenitur nisi in his quæ sunt in potentia, ut dicitur in IX. *Metaph.* (com. xxi.) Sed malum est in potentia, sicut & quælibet privatio. Non ergo malum est in bono, sed in malo.

9. Præterea. Bonum, & finis sunt idem, ut dicitur in V. *Metaph.* (com. iiii.) & in II. *Physic.* (com. xxxi.) Forma autem, & finis incidunt in idem, ut dicitur in II. *Physic.* (com. lxx.) Sed privatio formæ substantialis excludit formam materia. Ergo non relinquit aliquod bonum. Cum ergo privatio sit in materia, & habeat rationem mali, videtur quod non omne malum sit in bono.

10. Præterea. Quanto aliquod subiectum perfectius est, tanto & accidens magis in eo invenitur; sicut quanto ignis perfectior est, tanto magis est calidus. Si ergo malum sit in bono sicut in subiecto, sequeretur quod

quanto bonum perfectius est, tanto magis sit ibi malum; quod est impossibile.

11. Præterea. Omne subiectum est conservativum accidentis. Sed malum non conservatur a bono, sicut in subiecto, sed magis destruitur. Ergo malum non est in bono sicut in subiecto.

12. Præterea. Omne accidens denominat suum subiectum. Si ergo malum sit in bono, denominabit bonum; & ita sequeretur quod bonum sit malum, quod est contra id quod dicitur *Isai. v. 20. Ve qui (a) dicunt bonum malum*.

13. Præterea. Quod non est ens, non est in aliquo. Sed malum non est ens. Ergo non est in bono.

14. Præterea. Sicut defectus est de ratione mali, ita perfectio est de ratione boni. Sed malum non est in aliquo perfecto, cum sit corruptio. Ergo malum non est in bono.

15. Præterea. Bonum est quod omnia appetunt. Sed id quod est subiectum malo, non est appetibile: vivere enim in miseriis nullus appetit, ut dicitur IX. *Ethic.* Ergo id quod est subiectum mali, non est bonum.

16. Præterea. Nihil nocet nisi suo opposito. Si ergo malum non sit in bono sibi opposito, sed in quodam alio bono, non nocet ei, & sic non habebit rationem mali: quia in tantum est malum, in quantum nocet bono, ut Augustinus dicit in *Ench.* (cap. xii.) & in *Lib. de natura boni* (cap. vi.) In malo autem sibi opposito esse non potest. Ergo in nullo bono est malum.

Sed contra est quod Augustinus dicit in *Ench.* (cap. xiv.) quod malum nisi in bono esse non potest.

Præterea. Malum est privatio boni, ut Augustinus dicit [*Ench.* cap. xi.] Sed privatio determinat sibi subiectum: est enim negatio in subiecto, ut dicitur in IV. *Metaph.* (com. iv.) Ergo malum determinat sibi subiectum. Sed omne subiectum, cum sit existens, est bonum: quia bonum & ens convertuntur. Ergo malum est in bono.

Respondeo dicendum, quod malum non potest esse nisi in bono. Ad cuius evidentiam sciendum est, quod de bono dupliciter contingit loqui: uno modo de bono absolute; alio modo secundum quod dicitur bonum hoc, ut bonus oculus. Loquendo ergo de bono absolute, bonum habet amplissimam extensionem, etiam ampliorem quam ens, ut Platonicus placuit. Cum enim bonum sit

(a) Vulgata, dicitur.

id quod est appetibile, id quod est secundum se appetibile, est secundum se bonum. Hoc autem est finis. Sed quia ex hoc quod appetimus finem, sequitur quod appetamus ea quae in finem ordinantur, consequens est ut ea quae ordinantur in finem ex hoc ipso quod in finem, vel bonum ordinantur, boni rationem obtineant: unde utilia sub divisione boni comprehenduntur. Omne autem quod est in potentia ad bonum, ex hoc ipso quod est in potentia ad bonum, habet ad bonum ordinem; cum esse in potentia nihil aliud sit quam ordinari in actum. Pater ergo quod id quod est in potentia, ex hoc ipso quod est in potentia, habet rationem boni. Omne ergo subiectum, inquantum est in potentia respectu cuiuscumque perfectionis, etiam materia prima, ex hoc ipso quod est in potentia, habet boni rationem. Et quia Platonici non distinguebant inter materiam & privationem, ordinantes materiam cum non ente, dicebant, quod bonum ad plura se extendit quam ens. Et hanc viam videtur secutus Dionysius in Lib. de divin. Nomin. (cap. v.) bonum praeordinans enti. Et quamvis materia distingatur a privatione, & non sit non ens nisi per accidens, adhuc tamen haec consideratio quantum ad aliquid vera est: quia materia prima non dicitur ens nisi in potentia, & esse simpliciter habet per formam; sed potentiam habet per seipsum: & cum potentia pertineat ad rationem boni, ut dictum est, sequitur quod bonum conveniat ei per seipsum. Quamvis autem quodcumque ens, sive in actu, sive in potentia, absolute bonum dici possit; non tamen ex hoc ipso quolibet res est bonum hoc; sicut si aliquis homo sit bonus simpliciter, non sequitur quod sit bonus cytharizans, sed tunc tantum, quando habet perfectionem in arte cytharizandi. Sic ergo licet homo, secundum hoc ipsum quod est homo, sit quoddam bonum, non tamen ex hoc ipso est bonus homo; sed id quod facit bonum unumquodque, est propria virtus eius. Virtus enim est quae bonum facit habentem, secundum Philosophum in II. Ethic. (cap. vi. in prin.) Virtus autem est ultimum potentiae rei, ut dicitur in I. de celo (com. cxvi.) Ex quo patet quod tunc dicitur aliquid bonum hoc, quando habet perfectionem propriam; sicut homo bonus quando habet perfectionem hominis, & bonus oculus quando habet perfectionem oculi. Secundum praemissa ergo apparet triplici rei dici bonum. Uno enim modo ipsa perfectio rei bonum eius dicitur; sicut acumen visus dicitur bonum oculi, & virtus dicitur

bonum hominis. Secundo dicitur bonum res quae habet suam perfectionem; sicut homo virtuosus, & oculus acute videns. Tercio modo dicitur bonum ipsum subiectum, secundum quod est in potentia ad perfectionem; sicut anima ad virtutem, & substantia oculi ad acumen visus. Cum autem malum, ut supra dictum est, nihil aliud sit quam privatio debita perfectioni; privatio autem non sit nisi in ente in potentia, quia hoc privari dicimus quod natum est habere aliquid, & non habet; sequitur quod malum sit in bono, secundum quod ens in potentia dicitur bonum. Bonum autem quod est perfectio, per malum privatur: unde in tali bono non potest esse malum. Bonum autem quod est compositum ex subiecto, & perfectione, diminuitur per malum, inquantum tollitur perfectio, & remanet subiectum; sicut cecitas privat visum, & diminuit oculum videntem, & est in substantia oculi, vel etiam in ipso animali, sicut in subiecto. Unde si aliquid bonum est quod est actus purus nullam potentiam permissionem habens, cuiusmodi est Deus, in tali bono nullo modo potest esse malum.

Ad primum ergo dicendum, quod Dionysius non intendit quod malum non sit inexistens, sicut privatio in subiecto; sed quod sicut non est aliquid per se existens, ita non est aliquid positive in subiecto existens.

Ad secundum dicendum, quod cum dicitur quod malum est inexistens, inquantum est deficiens, potest hoc intelligi dupliciter. Uno modo quod ly *inquantum* designet quamdam concomitantiam; & sic est verum quod dicitur, eo modo loquendi quo dici posset, quod album est in corpore, inquantum corpus est album. Alio modo ita quod ly *inquantum* designet rationem praeristentem in subiecto; & sic procedit ratio.

Ad tertium dicendum, quod malum non opponitur bono in quo est: est enim in bono quod est in potentia. Malum autem est privatio, potentia autem non opponitur neque privationi, neque perfectioni; sed subalternatur utrique. Dionysius tamen in xv. cap. de divin. Nomin. (part. 4.) utitur hac ratione ad ostendendum, quod malum non est in bono tamquam aliquid existens.

Ad quartum dicendum, quod ratio illa multiplicem defectum habet. Nam quod primo dicitur, quod id quod convenit pluribus, convenit eis secundum unam naturam communem, veritatem habet in his quae de pluribus univoce praedicantur. Bonum autem non praedicatur univoce de omnibus bonis, sicut

sicut nec ens de omnibus entibus, cum utrumque circumeat omnia genera. Et hac ratione Aristoteles in I. Ethic. (com. vi.) ostendit quod non est una communis idea boni. Secundo quia dato quod bonum diceretur univoce, & etiam malum, tamen malum cum sit privatio, non dicitur de multis secundum unam intentionem. Terrio, dato quod utrumque univocum esset, & utrumque aliquam naturam significaret; posset quidem dici, quod communis natura mali opponeretur communi naturae boni; non tamen oporteret quod quodlibet malum opponeretur quilibet bono; sicut vitium in communi opponitur virtuti in communi; non tamen quodlibet vitium quilibet virtuti: intemperantia enim non opponitur liberalitati.

Ad quintum dicendum, quod in hoc quod malum est in bono, non fallit regula Dialectorum secundum rei veritatem, quia malum non est in bono sibi opposito, ut dictum est; sed fallit secundum quamdam apparentiam, prout malum absolute dictum, & bonum, videntur oppositionem habere.

Ad sextum dicendum, quod malum, cum non sit in subiecto sicut accidens naturale, non causatur ex subiecto, sicut nec privatio ex potentia: nec iterum habet exterius causam per se, sed per accedens tantum, ut patet (infra quaest. 111.) cum de causa mali quaeretur.

Ad septimum dicendum, quod malum non est sicut in subiecto in bono quod diminuit, vel corrumpit; sed potius in bono, secundum quod ens in potentia dicitur bonum.

Ad octavum dicendum, quod quamvis actus secundum se sit bonum, non tamen sequitur quod potentia secundum se sit malum, sed privatio quae opponitur actui. Potentia vero ex hoc ipso quod habet ordinem ad actum, habet rationem boni, ut dictum est (in corp. art.)

Ad nonum dicendum, quod in illa ratione multiplex defectus est. Primo enim licet finis sit secundum se bonum, non tamen solus finis est bonum, sed etiam ea quae ordinantur ad finem, ex ipso ordine habent rationem boni, ut dictum est. Secundo quia licet aliquis finis sit idem cum forma, non tamen sequitur quod omnis finis sit forma: nam in quibusdam etiam ipsa operatio, vel usus est finis, ut dicitur in I. Ethic. (com. 1.) Et iterum cum factum sit quodammodo finis facientis, dispositio ad formam est finis in artibus quae materiam preparant: & ipsa materia, secundum quod est facta ab arte divina, hac ratione est bonum, & fi-

nis, prout ad ipsam terminatur actio creantis.

Ad decimum dicendum, quod ratio illa procedit de accidentibus quae consequuntur naturam subiecti, sicut calor consequitur naturam ignis: aliter tamen est de accidente quod est recessus a natura, sicut aegritudo. Non enim sequitur, si aegritudo est accidens animalis, quod quanto animal fuerit fortius, tanto sit magis aegrum, sed quod tanto sit minus aegrum: & eadem ratio est de quolibet malo. Potest tamen dici, quod quanto aliquid magis est in potentia, & magis aptum ad bonum, tanto pelius sit ipsum privari bono. Bonum autem quod est subiectum mali, est potentia: & sic aliquo modo quanto magis est bonum quod est subiectum mali, tanto magis est malum.

Ad undecimum dicendum, quod subiectum conservat accidens quod naturaliter ei inest. Sic autem malum non est in bono tamquam naturaliter inherens bono; & tamen malum non potest esse, si totaliter bonum destrueretur.

Ad duodecimum dicendum, quod, sicut dicit Augustinus in Enchir. (cap. xxi.) sententia prophetica est contra eos qui dicunt bonum, in quantum est bonum, esse malum; non autem est contra eos qui dicunt id quod est secundum aliquid bonum, secundum aliud esse malum.

Ad decimumtertium dicendum, quod malum non dicitur esse in bono quasi aliquid positive dictum, sed sicut privatio.

Ad decimumquartum dicendum, quod non solum id quod est perfectum, habet rationem boni, sed etiam id quod est in potentia ad perfectionem: & in tali bono est malum.

Ad decimumquintum dicendum, quod id quod est subiectum privationi, licet non sit appetibile ex eo quod est sub privatione, est tamen appetibile ex eo quod est in potentia ad perfectionem: & secundum hanc rationem est bonum.

Ad decimumsextum dicendum, quod malum nocet bono composito ex potentia & actu, in quantum auferit ei suam perfectionem: nocet etiam ipsi bono quod est in potentia, non quasi aliquid eius auferens, sed in quantum est ipsa ablatio, vel privatio perfectionis cui opponitur.

ARTICULUS III.

Utrum bonum sit causa mali.

I. P. *quæst.* xlii. *art.* 1. & 2. & 1. *quæst.* lxxv. *art.* 1. & 11. *Sent. dist.* 1. *quæst.* 1. *art.* 1. & 11. *com. Gen. cap.* xli.

Tertio quæritur, utrum bonum sit causa mali. Et videtur quod non. Dicitur enim Matth. vii. *Non potest arbor bona fructus malos facere.* Fructus autem dicitur effectus causæ. Ergo bonum non potest esse causa mali.

8. Præterea. Effectus habet similitudinem in sua causa: quia omne agens agit sibi simile. Sed similitudo mali non præexistit in bono. Ergo bonum non est causa mali.

9. Præterea. Ea quæ sunt causatorum, substantialiter præexistunt in causis. Si ergo malum causatur ex bono, malum substantialiter præexistit in bono; quod est impossibile.

10. Præterea. Unum oppositum non est causa alterius. Sed malum opponitur bono. Ergo bonum non est causa mali.

11. Præterea. Dionysius dicit iv. cap. de div. Nom. (par. 4.) quod malum non est ex bono; & si ex bono est, non est malum.

6. Sed dicendum, quod bonum, inquantum deficiens, est causa mali. Sed contra. Omnis defectus habet rationem mali. Si ergo bonum est causa mali, inquantum est deficiens, sequitur quod bonum est causa mali, inquantum præhabet in se aliquod malum; & tunc redibit quæstio de illo malo. Aut ergo procedetur in infinitum; aut oportebit reducere in aliquod primum malum, quod sit causa mali; aut oportebit dicere quod bonum, inquantum huiusmodi, est causa mali.

7. Sed dicendum, quod ille defectus qui præexistit in bono, secundum quod est causa mali, non est malum in actu, sed defectibilitas, sive potentia ad defectum. Sed contra. Philosophus dicit in 11. Phys. (com. xxxiv.) quod causæ secundum potentiam comparantur effectibus secundum potentiam, & causæ secundum actum comparantur effectibus secundum actum. Ex hoc ergo quod est aliquid potens deficere, non est causa defectus in actu, quod est malum in actu.

8. Præterea. Posita causa sufficienti ponitur effectus: quia de ratione causæ est quod

faciat debere esse effectum. Sed non quodcumque est defectibilitas in aliqua creatura, invenitur in ea malum in actu. Sit ergo aliquid defectibile nondum deficiens in instanti quod est A, in B autem deficiat actu. Aut ergo aliquid advenit in B quod non erat in A, aut nihil. Si nihil, non deficiet in B, sicut non deficiebat in A; si autem aliquid additum est, aut est bonum, aut malum. Si malum, erit abire in infinitum sicut prius: si bonum, ergo bonum, inquantum huiusmodi, est causa mali; & sic sequitur quod magis bonum sit causa magis mali, & summum bonum causa summi mali. Non ergo bonum, inquantum est deficiens, est causa mali.

9. Præterea. Omne bonum inquantum est creatum, est potens deficere. Si ergo bonum, inquantum est potens deficere, est causa mali, sequitur quod bonum, inquantum est creatum, sit causa mali. Sed semper bonum creatum manet creatum. Ergo semper erit causa mali; quod est inconueniens.

10. Præterea. Si bonum, inquantum deficiens actu, vel potentia, est causa mali, sequitur quod Deus, qui nullo modo est deficiens nec actu, nec potentia, non possit esse causa mali; quod est contra illud quod dicitur Isai. xlv. 7. *Ego Dominus creans malum;* & Amos. iii. 6. (a) *Non est malum in civitate quod Deus non fecerit.* Ergo bonum non est causa mali, inquantum est deficiens.

11. Præterea. Sicut se habet perfectio ad bonum, ita se habet defectus ad malum. Ergo commutativum sicut se habet defectus ad bonum, ita se habet perfectio ad malum; Sed aliquis defectus, inquantum est defectus, est causa boni; sicut fides, inquantum est visio enigmatica, quod ad defectum visionis pertinet, est causa meriti. Ergo bonum, inquantum est perfectum, & non inquantum est deficiens, potest esse causa mali.

12. Præterea. Ad operandum tria requiruntur, ratio dirigens, voluntas imperans, & potentia exequens. Sed defectus in ratione, qui est ignorantia, excusat a malo, id est a culpa, & sic non est causa mali; & similiter defectus potentie, qui est infirmitas, excusat. Ergo & defectus qui est in voluntate, excusat. Non ergo voluntas, inquantum est bonum deficiens, est causa mali.

13. Præterea. Si voluntas, inquantum est deficiens, est causa mali; aut ergo inquantum est deficiens a bono quod debet ei inesse,

(a) Vulgata: *Ubi est malum in civitate quod Dominus non fecerit*

esse, & hæc est pœna, & sic pœna præderet culpam; aut a bono quod non debet ei inesse, & ex tali defectu nullum malum sequitur: non enim aliquid malum sequitur in lapide ex hoc quod non habet visum. Nullum ergo bonum est causa mali inquantum est deficient.

14. Sed dicendum, quod bonum, inquantum huiusmodi, potest esse causa mali, sed per accedens. Sed contra. Actio agentis per accedens attingit ad effectum, sicut actio effodientis sepulcrum attingit ad thesaurum inventum. Si ergo bonum est causa mali per accedens, sequitur quod actio boni pertingit ad ipsum malum; quod videtur inconueniens.

15. Præterea. Agens aliquid illicitum præter intentionem, non peccat; sicut si aliquis intendat percutere hostem, & percutiat patrem. Per accedens autem causa alicuius est quod non intendit ipsum. Si ergo malum non habet causam nisi per accedens, sequitur quod nullus faciendo malum peccat; quod est inconueniens.

16. Præterea. Omnis causa per accedens reducitur ad causam per se. Si ergo malum habeat causam per accedens, videtur sequi quod malum haberet causam per se.

17. Præterea. Illud quod provenit per accedens, provenit ut in paucioribus. Sed malum provenit ut in pluribus: quia, ut dicitur Eccl. 1. 15. *Stultorum infinitus est numerus*. Ergo malum habet causam per se, & non per accedens.

18. Præterea. Natura est causa per se eorum quæ naturaliter fiunt, ut dicitur II. Phys. (com. 111. & seq.) Sed aliqua mala fiunt naturaliter, scilicet corrumpi, & senescere, ut dicitur in V. Phys. Ergo non est dicendum, quod bonum sit causa mali per accedens.

19. Præterea. Bonum est actus, & potentia. Sed neutrum est causa mali: nam forma, quæ est actus, privatur per malum; bonum autem quod est potentia, se habet ad utrumque, scilicet ad bonum, & ad malum. Ergo nullum bonum est causa mali.

Sed contra est quod Augustinus dicit in Enchir. (cap. xiv. & xv.) quod malum non potest oriri nisi ex bono.

Præterea. Dionysius dicit iv. cap. de div. Nom. quod omnium malorum principium, & finis est bonum.

Respondendo dicendum, quod causa mali est bonum, eo modo quo malum causam habere potest. Sciendum est enim, quod malum causam per se habere non potest. Quod qui-

dem tripliciter apparet. Primo quidem quia illud quod per se causam habet, est intentum a sua causa: quod enim provenit præter intentionem agentis, non est effectus per se, sed per accedens; sicut effusio sepulcri per accedens est causa inventionis thesauri, cum provenit præter intentionem fodientis sepulcrum. Malum autem, inquantum huiusmodi, non potest esse intentum, nec aliquo modo volitum, vel desideratum: quia omne appetibile habet rationem boni, cui opponitur malum inquantum huiusmodi. Unde videmus quod nullus facit aliquid malum nisi intendens aliquid bonum, ut sibi videtur; sicut adultero bonum videtur quod de statione sensibili fruatur, & propter hoc adulterium committit. Unde relinquitur quod malum non habeat causam per se. Secundo idem apparet; quia omnis effectus per se habet aliquam similitudinem suæ causæ, vel secundum eandem rationem, sicut in agentibus univocis, vel secundum deficientem rationem, sicut in agentibus æquivocis: omnis enim causa agens agit secundum quod actu est, quod pertinet ad rationem boni. Unde malum, secundum quod huiusmodi, non assimilatur causæ agentis secundum id quod est agens. Relinquitur ergo quod malum non habeat causam per se. Tercio idem apparet ex hoc quod omnis causa per se, habet certum, & determinatum ordinem ad suum effectum: quod autem sit secundum ordinem, non est malum, sed malum accidit in prætermittendo ordinem. Unde malum, secundum quod huiusmodi, non habet causam per se, oportet tamen quod malum aliquo modo causam habeat. Manifestum est enim, cum malum non sit aliquid per se existens, sed sit aliquid inhaerens, ut privatio (quæ quidem est defectus eius quod est natum inesse, & non inesse) quod esse malum non naturaliter inest ei cui inest. Si enim aliquis defectus est alicui rei naturaliter, non potest dici quod sit malum eius, sicut non est malum homini non habere alas, nec lapidini habere visum, quia est secundum naturam. Omne autem ens quod non naturaliter inest alicui, oportet habere aliquam causam: non enim aqua esset calida nisi ab aliqua causa. Unde relinquitur quod omne malum habeat aliquam causam, sed per accedens, ex quo per se causam habere non potest. Omne autem quod est per accedens, reducitur ad id quod est per se. Si autem malum non habeat causam per se, ut offensum est, relinquitur quod solum bonum habeat causam per se. Nec potest per se causa boni esse nisi bonum,

num, cum causa per se causet sibi simile. Relinquitur ergo quod cuiuslibet mali, bonum sit causa per accidens. Contingit autem & malum, quod est defectivum bonum, esse causam mali; sed tamen oportet devenire ad hoc quod prima causa mali non sit malum, sed bonum. Est ergo duplex modus quo malum causatur ex bono. Uno modo bonum est causa mali in quantum est deficiens; alio modo in quantum est per accidens agens. Quod quidem in rebus naturalibus de facili apparet: huius enim mali quod est corruptio aquae, causa est virtus ignis activa. Quae quidem non principaliter intendit, & per se non esse aquae; sed principaliter intendit formam ignis inducere in materiam, cui coniungitur ex necessitate non esse aquae: & sic per accidens est quod ignis faciat aquam non esse. Huius vero mali quod est infirmitas partus, causa est virtus deficiens in femine. Sed si queratur causa huius defectus quod est malum feminis, erit devenire in aliquod bonum quod est causa mali per accidens, & non in quantum est deficiens. Huius enim defectus qui est in femine, causa est aliquod principium alterans, quod inducit qualitatem con trariam qualitati quae requiritur ad bonam dispositionem feminis. Cuius alterantis virtus quanto fuerit perfectior, tanto hanc qualitatem contrariam magis inducet, & per consequens defectum feminis consequentem. Unde malum feminis non causatur ex bono, in quantum est deficiens; sed causatur ex bono, in quantum est perfectum, sed per accidens. In voluntariis autem quodammodo similiter se habet, sed non quantum ad omnia. Manifestum est enim quod delectabile secundum sensum movet voluntatem ad alteri, & afficit eam ad delectandum talem delectatione, quae excludit ordinem rationis, & legis divinae; quod est malum morale. Si ergo ita esset quod voluntas ex necessitate reciperet impressionem delectabilis allicientis, sicut ex necessitate corpus naturale recipit impressionem agentis, omnino idem esset in voluntariis, & naturalibus. Non est autem sic: quia quantumcumque exterius sensibile alligat, in potestate tamen voluntatis est recipere, vel non recipere: unde mali quod accidit ex hoc quod recipit, non est causa ipsum delectabile movens, sed magis ipsa voluntas. Quae quidem est causa mali secundum utrumque praedictorum modorum, scilicet & per accidens, & in quantum est bonum deficiens: per accidens quidem, in quantum voluntas fertur in aliquid quod est bo-

num secundum quid, sed habet coniunctum quod est simpliciter malum; sed ut bonum deficiens, in quantum in voluntate oportet praeconsiderare aliquem defectum ante ipsam electionem deficientem, per quam eligit secundum quid bonum, quod est simpliciter malum: quod sic patet. In omnibus enim quorum unum debet esse regula, & mensura alterius, bonum in regulato, & mensurato est ex hoc quod regulatur, & conformatur regulae, & mensurae; malum vero ex hoc quod est non regulari, vel mensurari. Si ergo sit aliquis artifex qui debeat aliquid lignum recte incidere secundum aliquam regulam, si non directe incidat, quod est male incidere, hac mala incisio causabitur ex hoc defectu quod artifex erat sine regula, & mensura. Similiter delectatio, & quodlibet aliud in rebus humanis est mensurandum, & regulandum secundum regulam rationis, & legis divinae: unde non uti regulae rationis, & legis divinae, praetelligitur in voluntate ante inordinatam electionem. Huiusmodi autem quod est non uti regula praedicta, non oportet aliquam causam querere: quia ad hoc sufficit ipsa libertas voluntatis, per quam potest agere, vel non agere: & hoc ipsum quod est non attendere actu ad talem regulam in se consideratam, non est malum, nec culpa. *non peccat*: quia anima non tenetur, nec potest attendere ad huiusmodi regulam semper in actu: sed ex hoc accipit primo rationem culpae, quod si ne actuali consideratione regulae procedat ad huiusmodi electionem: sicut artifex non peccat in eo quod non semper tenet mensuram; sed ex hoc quod non tenens mensuram procedit ad incidendum: & similiter culpa voluntatis non est in hoc quod actu non attendit ad regulam rationis, vel legis divinae; sed ex hoc quod non habens regulam, vel mensuram huiusmodi, procedit ad eligendum: & inde est quod Augustinus dicit in XII. de civit. Dei (cap. vi. & vii. & Lib. XIV. cap. xiii.) quod voluntas est causa peccati in quantum est deficiens; sed illum defectum comparat silentio, vel tenebris, quia scilicet defectus ille est negatio sola.

Ad primum ergo dicendum, quod, sicut Augustinus solvit in Enchir. (cap. xv.) per arborem intelligitur voluntas, per fructum intelligitur opus exterius. Sic ergo intelligendum est, quod arbor bona non potest fructus malos facere, quia ex bona voluntate non procedit opus malum, sicut nec ex mala voluntate procedit opus bonum.

Sed tamen & ipsa mala voluntas est ex aliquo bono, sicut & ipsa mala arbor causatur ex terra bona. Sicut enim supra dictum est, si aliquis effectus malus eauseretur ex causa mala, quæ est bonum deficiens; tamen oportet devenire ad hoc quod malum causeretur per accidens (a) a bono non deficiente.

Ad secundum dicendum, quod obiectio illa procedit de causa per se: in tali enim causa præexistit similitudo effectus. Sic autem bonum non est causa mali, ut dictum est, sed per accidens.

Ad tertium dicendum, quod etiam illa ratio procedit de causa, & effectu per se: causa enim quæ substantialiter præbet quod est in effectu, est causa per se.

Ad quartum dicendum, quod oppositum non est causa sui oppositi per se; sed per accidens nihil prohibet. Frigidum enim est causa calidi, conversum quodammodo, & ambiens, ut dicitur in VIII. Physic. (com. viii.)

Ad quintum dicendum, quod Dionysius ibi intelligit quod malum non sit ex bono sicut ex causa per se; sed postea in eodem capite ostendit quod malum sit ex bono per accidens.

Ad sextum dicendum, quod aliquod bonum est causa mali inquantum est deficiens; non tamen hoc solummodo bonum est causa mali, sed etiam quodammodo bonum, non inquantum est deficiens, est causa mali per accidens. Sed in voluntariis causa mali, quod est peccatum, est voluntas deficiens; sed ille defectus non habet rationem nec culpæ, nec pænæ, secundum quod præintelligitur peccato, sicut expositum est. Nec huiusmodi defectus oportet aliam causam querere: unde non oportet procedere in infinitum. Cum ergo dicitur, quod bonum, inquantum est deficiens, est causa mali, si ly inquantum designet aliquid præexistens, sic non est universaliter verum; si autem designet concomitantiam, sic verum est universaliter, quia omne quod causat malum, est deficiens, id est defectum eaus; sicut si diceretur, quod omne calefaciens calefacit inquantum est calefaciens.

Ad septimum dicendum, quod bonum, inquantum habet aptitudinem ad deficientiandum, non est sufficiens causa quod sit in actu, sed inquantum habet aliquem defectum in actu, sicut etiam in voluntate expositum est (in corp. art.) Quamvis etiam non sit necessarium quod habeat qualemcumque de-

fectum ad hoc quod sit causa mali: quia si non sit deficiens, potest esse per accidens causa mali.

Et per hoc etiam patet responsio ad octavum.

Ad nonum dicendum, quod bonum ex hoc quod est creatum, aliquo modo potest deficere illo defectu ex quo malum voluntarium procedit: quia ex hoc ipso quod est creatum, sequitur quod ipsum sit subiectum alteri sicut regulæ, & mensuræ. Si autem ipsum esset sua regula, & mensura, non posset sine regula ad opus procedere. Propter hoc Deus, qui est sua regula, peccare non potest; sicut nec artifex peccare posset in incisione ligni, si sua manus regula esset incisionis.

Ad decimum dicendum, quod, sicut iam dictum est (in solut. 6.) non oportet quod bonum quod est causa mali per accidens, sit bonum deficiens. Sic autem Deus est causa mali pænæ: non enim in puniendo intendit malum eius quod punitur, sed ordinem suæ iustitiæ imprimere rebus, ad quod sequitur malum huius quod punitur, sicut ad formam ignis sequitur privatio formæ aquæ.

Ad undecimum dicendum, quod fides non est meritoria ex hoc quod est cognitio arigmatica; sed ex hoc quod tali cognitione voluntas bene utitur, assentiendo scilicet his quæ non vider, propter Deum. Nihil autem prohibet quod etiam aliquis bene utendo malo mereatur; sicut e contrario aliquis male utendo bono demeretur.

Ad duodecimum dicendum, quod defectus ipse voluntatis est culpa, sicut defectus intellectus est ignorantia, & sicut defectus potentie exsequentis est infirmitas. Sic ergo defectus voluntatis non excusat a culpa, sicut nec defectus intellectus excludit ignorantiam, neque defectus potentie excludit infirmitatem.

Ad decimumtertium dicendum, quod defectus qui præintelligitur in voluntate ante peccatum, non est culpa, neque pænæ, sed negatio puræ; sed accipit rationem culpæ ex hoc ipso quod cum tali negatione se applicat ad opus. Ex ipsa enim applicatione ad opus fit debitum illud bonum quo caret, scilicet attendere actu ad regulam rationis, & legis divinæ.

Ad decimumquartum dicendum, quod causa per accidens dicitur aliquid alicuius dupliciter. Uno modo ex parte causæ, sicut causa domus per se est edificator, cui accidit

C 2 esse

(a) A bono deficiente.

esse musicum; & sic musicum, quod accidit, bonum cui coniungitur, quod est effectus per causae per se, dicitur per accidentis causa domus. Alio modo ex parte effectus; ut si dicitur, quod edificator est causa domus per se; causa autem alicuius quod accidit domui, est per accidentis; sicut quod domus sit fortunata, vel infortunata, hoc est quod alicui in domo facta accidat bene, vel male. Cum ergo dicitur, quod bonum est causa mali per accidentis, intelligendum est secundum accidentis quod accidit effectui, in quantum scilicet bonum est causa alicuius boni, cui accidit quidam privatio quae dicitur malum. Licet autem aliquando actio causae pertingat ad ipsum effectum qui est per accidentis, sicut effodiens sepulcrum per suam effossionem invenit thesaurum; non tamen hoc est semper verum: operatio enim edificatoris non pertingit ad hoc quod habitanti in domo bene, vel male accidat. Et sic dico, quod actio boni non pertingit ad malum causarum: propter quod Dionysius dicit iv. cap. de divin. Nom. quod malum non solum est praeter intentionem, sed etiam praeter viam: quia motus per se non terminatur ad malum.

Ad decimumquintum dicendum, quod aliquando accidentis alicuius effectus coniungitur ei ut in paucioribus, & raro; & tunc agens dum intendit effectum per se, non oportet quod aliquo modo intendat effectum per accidentis. Aliquando vero huiusmodi accidentis concomitatur effectum principaliter intentum semper, vel ut in pluribus; & tunc accidentis non separatur ab intentione agentis. Si ergo bono quod voluntas intendit, adiungitur aliquod malum ut in paucioribus, potest excusari a peccato; sicut si aliquis incidens lignum in silva per quam raro transit homo, proiciens lignum interficiat hominem. Sed si semper, vel ut in pluribus adiungatur malum bono quod per se intendit, non excusatur a peccato, licet illud malum non per se intendat. Delectatio autem quae est in adulterio, semper coniungitur malum, scilicet privatio ordinis iustitiae: unde non excusatur a peccato: quia ex hoc ipso quod eligit bonum cui semper coniungitur malum, etsi non velit malum secundum seipsum, magis tamen vult incidere in hoc malum quam carere tali bono.

Ad decimum sextum dicendum, quod sicut per accidentis quod est ex parte causae reducitur ad causam per se agentem; ita per accidentis quod est ex parte effectus, reducitur ad alium effectum per se. Malum vero cum sit effectus per accidentis, reducitur ad

bonum cui coniungitur, quod est effectus per se.

Ad decimumseptimum dicendum, quod non semper id quod est per accidentis, est ut in paucioribus, sed quandoque est semper, aut in pluribus; sicut vadens ad forum causa emendi, aut semper, aut in pluribus invenit multitudinem hominum, quamvis hoc non intendat. Similiter adulter intendens bonum cui semper coniungitur malum, semper incidit in malum. Quod autem accidit in hominibus quod bonum sit ut in paucioribus, malum ut in pluribus, ex hoc contingit quod pluribus modis contingit deviare a medio quam medium tenere, ut dicitur in II. Ethic. (cap. vi.) & quia sensibilia bona sunt magis nota apud multos quam bona rationis.

Ad decimum octavum dicendum, quod corruptio dicitur mutatio naturalis, non secundum naturam particularem eius quod corrumpitur, sed secundum naturam universalem, quae movet ad generationem, vel corruptionem: ad generationem quidem propter se, ad corruptionem autem in quantum generatio sine corruptione esse non potest. Et sic non est per se, & principaliter intenta corruptio, sed generatio tantum.

Ad decimum nonum dicendum, quod causa mali per accidentis non est bonum quod privatur per malum, neque bonum quod subternitur malo; sed bonum quod est agens, quod inducendo unam formam, privat aliam.

ARTICULUS IV.

Utrum malum convenienter dividatur per penam, & culpam.

I. P. quæst. xlviii. art. 5. II. Sent. dist. xxxv. art. 1. & III. dist. xxxiv. quæst. 11. art. 3. quæstione. 1. corp.

Quarto quaeritur, utrum malum convenienter dividatur per culpam, & penam. Et videtur quod non. Quia omnis bona divisio est per opposita. Sed pena, & culpa non sunt opposita: quia aliquod peccatum est pena peccati, ut Gregorius dicit super Ezech. (homil. xi.) Ergo malum non convenienter dividitur per penam, & culpam.

2. Sed dicendum, quod peccatum non est pena in quantum peccatum, sed per quamdam concomitantiam. Sed contra. Actus, in quantum est inordinatus, est malus. Sed

Inquantum est inordinatus, est poena: dicit enim Augustinus in I. Confess. (cap. xii. in fin.) *Iniisti Domine, & sic est, ut omnis inordinatus animus sibi ipse sit poena.*

3. Præterea. Perfectio secunda, quæ est operatio, est melior quam prima, quæ est forma, vel habitus: unde & Philosophus probat in I. Ethic. (cap. viii.) quod summum bonum humanum, scilicet felicitas, non est habitus, sed operatio. Si igitur privati prima perfectione est poena, multo magis peccatum, quod tollit secundam perfectionem, scilicet malum operationis, est poena.

4. Præterea. Omnis passio anxietatem inducet, videtur poenam habere. Sed multa peccata sunt cum passionibus anxietatem inducentibus, sicut invidia, accidia, ira, & huiusmodi: & multa etiam sunt difficultatem habentia in operando, sicut in persona impiorum dicitur Sap. v. 7 *Ambulavimus vias difficiles.* Ergo videtur quod peccatum, in quantum huiusmodi, sit poena.

5. Præterea. Si peccatum per concomitantiam est poena, omne peccatum quod concomitatur aliqua poena, erit poena. Sed primum peccatum concomitatur aliqua poena. Ergo sequitur quod primum peccatum sit poena: quod est contra Augustinum, qui dicit sola illa peccata esse poenas quæ sunt media inter primum peccatum apostatiæ, & ultimam poenam gehennæ.

6. Præterea. Sicut dicit Augustinus in Lib. de natura boni (cap. iv. xxxvi. & xxxvii.) malum est corruptio modi, speciei, & ordinis naturalis: & loquitur de malo incommuni. Postmodum autem ad rationem poenæ pertinere dicit quod adverteretur naturæ. Ergo videtur quod omne malum sit poena. Non ergo debet malum dividi per poenam, & culpam.

7. Præterea. Contingit aliquem gratiam non habentem peccare. Culpa autem omnis, cum sit malum, aliquod bonum privat: non autem privat bonum gratiæ, cum suppositum sit quod gratiam non habear. Ergo privat bonum naturæ: ergo est poena: quia de ratione poenæ est ut adverteretur naturæ bono, ut Augustinus dicit.

8. Præterea. Ipse actus peccati, secundum hoc quod est actus quidam, & bonus est, & a Deo est. Secundum hoc ergo est in eo malum culpæ secundum quod est in eo aliqua corruptio. Sed omnis corruptio habet rationem poenæ. Ergo malum culpæ, inquantum est malum, est poena; & ita non debet dividi culpa contra poenam.

9. Præterea. Illud quod secundum seipsum est bonum, non debet poni ut divinum mali. Sed poena, inquantum huiusmodi, est bona, quia est iusta: unde & satisfaciens laudatur de hoc quod poenam volunt pro peccatis subire. Ergo poena non debet poni ut divinum mali.

10. Præterea. Aliquod malum est quod nec est poena, nec culpa, scilicet malum naturæ. Ergo insufficienter dividitur malum per poenam, & culpam.

11. Præterea. De ratione poenæ est quod sit contra voluntatem; de ratione autem culpæ est quod sit voluntaria. Aliqua autem mala patitur homo quæ nec vult, nec sunt contra eius voluntatem; sicut si alicuius res in eius absentia diripiatur eo ignorante. Ergo malum non sufficienter dividitur per poenam, & culpam.

12. Præterea. Quoties dicitur unum oppositorum, toties dicitur & reliquum, ut Philosophus dicit (I. Topic. cap. xiii.) Sed bonum dicitur tripliciter, videlicet honestum, utile, & delectabile. Ergo & malum in tria debet dividi, & non in duo tantum.

13. Præterea. Secundum Philosophum in II. Ethic. (cap. vi. a med.) malum est multiplicius quam bonum. Sed est triplex bonum, scilicet naturæ, gratiæ, & gloriæ. Ergo videtur quod malum debeat esse multiplicius; & ita videtur quod malum inconveniente dividatur per duo tantum.

Sed contra est quod Augustinus (Fulgentius) dicit in Lib. de Fide ad Petrum (cap. xxi.) *Geminum est creatura rationalis malum: unum quo voluntarie deficit a summo bono; alterum quo in vita puniatur*: per quæ duo exprimitur poena, & culpa. Ergo malum dividitur per poenam, & culpam.

Respondeo dicendum, quod natura rationalis, vel intellectualis quodam speciali modo se habet ad bonum, & malum præ aliis creaturis: quia quælibet alia creatura naturaliter ordinatur in aliquod particulare bonum, intellectualis autem natura sola apprehendit ipsam rationem boni commune per intellectum, & in bonum commune movetur per appetitum voluntatis: & ideo malum rationalis creaturæ speciali quadam divisione dividitur per culpam, & poenam. Hæc enim divisio non est mali nisi secundum quod in rationali natura invenitur, ut patet ex auctoritate Augustini inducta; ex qua etiam huiusmodi ratio accipi potest, quia scilicet de ratione culpæ est quod sit secundum voluntatem, de ratione autem poenæ est quod sit contra voluntatem. Volun-

tas autem in sola natura intellectuali invenitur. Horum autem duorum distinctio sic potest accipi. Cum enim malum opponatur bono, necesse est quod secundum divisionem boni dividatur malum. Bonum autem quamdam perfectionem designat. Perfectio autem est duplex; scilicet prima, quæ est forma, vel habitus; & secunda, quæ est operatio. Ad perfectionem autem primam, cuius usus est operatio, potest reduci omne illud quo utimur operando. Unde & contrario duplex malum invenitur. Unum quidem in ipso agente, secundum quod privatur vel forma, vel habitu, vel quocumque quod necessarium sit ad operandum; sicut cæcitas, vel curvitas tibie quoddam malum est. Aliud vero malum est in ipso actu deficiente, sicut si dicamus claudicationem esse aliquod malum. Sicut autem in aliis contingit hæc duo reperiri, ita & in natura intellectuali, quæ per voluntatem operatur: in qua manifestum est quod inordinata actio voluntatis habet rationem culpæ: ex hoc enim aliquis vituperatur, & culpabilis redditur, quod inordinatam actionem voluntarie operatur. Est autem & in creatura intellectuali invenire malum secundum privationem formæ, aut habitus, aut cuiuscumque alterius, quod posset esse necessarium ad bene operandum, sive pertineat ad animam; sive ad corpus; sive ad res exteriores: & tale malum, secundum fidei catholicæ sententiam, necesse est quod pœna dicatur. Sunt enim tria de ratione pœnæ. Quorum unum est quod habeat respectum ad culpam: dicitur enim proprie aliquis puniri quando patitur malum pro aliquo quod commisit. Habet autem hoc traditio fidei, quod nullum documentum creatura rationalis potuisset incurrere neque quantum ad animam, neque quantum ad corpus, neque quantum ad aliqua exteriora, nisi peccato præcedente vel in persona, vel saltem in natura: & sic sequitur quod omnis talis boni privatio, quo uti quis potest ad bene operandum in hominibus, pœna dicatur, & pari ratione in Angelis: & sic omne malum rationalis creaturæ vel sub culpa, vel sub pœna continetur. Secundum vero quod pertinet ad rationem pœnæ, est quod voluntati repugnet. Voluntas enim uniuscuiusque inclinationem habet in proprium bonum: unde privari proprio bono, voluntati repugnat. Sciendum tamen est, quod pœna tripliciter repugnat voluntati. Quandoque quidem voluntati actuali, sicut cum quis se sciente sustinet aliquam pœnam. Quandoque vero est contra voluntatem tantum habitualement, sic-

ut cum alicui ignorantia subtrahitur aliquod bonum, de quo doleat, si sciret. Quandoque vero solum contra naturalem inclinationem voluntatis, sicut cum quis privatur habitu virtutis, qui virtutem habere non vult, sed tamen naturalis inclinatio voluntatis est ad bonum virtutis. Tertium vero esse videtur de ratione pœnæ ut in quadam passione consistat. Ea enim quæ contra voluntatem eveniunt, non sunt a principio intrinseco, quod est voluntas, sed a principio extrinseco, cuius effectus passio dicitur. Sic ergo tripliciter pœna, & culpa differunt. Primo quidem quia culpa est malum ipsum actionis, pœna autem est malum agentis. Sed hæc duo mala aliter ordinantur in naturalibus, & voluntariis: nam in naturalibus ex malo agentis sequitur malum actionis, sicut ex tibia curva sequitur claudicatio; in voluntariis autem e converso, ex malo actionis, quod est culpa, sequitur malum agentis, quod est pœna, divina providentia culpam per pœnam ordinante. Secundo modo differt pœna a culpa per hoc quod est secundum voluntatem, & contra voluntatem esse, ut patet per auctoritatem Augustini supra inductam. Tertio vero per hoc quod culpa est in agendo, pœna vero in patiendo, ut patet per Augustinum in I. de lib. arb. (in princ.) ubi culpam nominat malum quod agimus, pœnam vero malum quod patimur.

Ad primum ergo dicendum, quod cum de ratione culpæ sit quod sit voluntaria, de ratione autem pœnæ quod sit contra voluntatem, ut dictum est; impossibile est quod idem secundum idem sit pœna, & culpa: quia idem secundum idem non potest esse voluntarium, & contra voluntatem; sed secundum diversa nihil prohibet: eienim quod volumus, potest esse aliquid connectum quod naturaliter voluntati repugnet; & querendo quod volumus, incurrimus in id quod nolumus: & hoc in peccantibus accidit: dum inordinate afficiuntur ad aliquod bonum creatum, incurunt separationem a bono increato, & alia huiusmodi, que non vellent. Et sic idem secundum diversa potest esse & culpa, & pœna, sed non secundum idem.

Ad secundum dicendum, quod ipse actus non est volutus inquantum est inordinatus, sed secundum aliquid aliud; quod dum voluntas querit, in prædictam inordinationem incurrit, quam non vellet: & sic ex eo quod est volutum, habet rationem culpæ; ex eo vero quod inordinationem invite quis quodammodo patitur, immiscetur ratio pœnæ.

Ad

Ad tertium dicendum, quod ipsa inordinata actio, secundum quod a voluntate procedit, rationem culpæ habet; secundum vero quod eligeos ex hac incurrit impedimentum debite operationis, hoc pertinet ad rationem pœnæ. Unde idem potest esse pœna, & culpa, sed non secundum idem.

Ad quartum dicendum, quod huiusmodi etiam anxietates passionum consequuntur in peccante præter voluntatem ipsius: eligit enim iracundus sic insurgere in punitionem alterius, ut ipse ex hoc nullam auxietatem, vel laborem pateretur: unde cum in ista incurrit præter suam voluntatem, hoc ad rationem pœnæ pertinet.

Ad quintum dicendum, quod magis denominatur aliquid ab eo a quo dependet, quam ab eo quod dependet ab ipso. Peccatum autem habet pœnam concomitantem dupliciter. Uno quidem modo sicut a qua quodammodo dependet, sicut cum aliquis propter culpam præcedentem a gratia deferitur, ex hoc sequitur ipsum peccare. Unde ipsum peccatum dicitur pœna ratione deferentis gratiæ, a qua quodammodo dependet: & sic primum peccatum non potest dici pœna, sed peccata sequentia. Alio vero modo peccatum habet pœnam concomitantem, quæ consequitur ex ipso; sicut est separatio a Deo, vel privatio gratiæ, vel inordinatio agentis, vel anxietas passionis, seu laboris: & a pœna sic concomitante non ita proprie peccatum dicitur pœna; quamvis etiam & sic possit dici pœna causaliter, sicut Augustinus dicit (Lib. I. Confess. cap. xxi. in fin.) quod inordinatus animus sibi ipse est pœna.

Ad sextum dicendum, quod malum in communi acceptum, est corruptio naturalis modi, speciei, & ordinis in communi; malum vero pœnæ, in ipso agente; malum vero culpæ, iniquitatum huiusmodi, in ipsa actione.

Ad septimum dicendum, quod in eo qui non habet gratiam, culpa privat aptitudinem ad gratiam, non totaliter tollendo, sed diminuendo ipsam. Hæc autem privatio non est malum culpæ formaliter, sed effectus eius, quod est pœna. Malum autem culpæ formaliter est privatio modi, speciei, & ordinis in ipso actu voluntatis.

Ad octavum dicendum, quod corruptio boni in actione, inquantum huiusmodi, non est pœna agentis per se loquendo; sed effectus actionis, si actioni puniri competeret. Sed ex hac corruptioe, vel privatione actionis, consequitur aliqua corruptio, vel

privatio in agente, quæ habet rationem pœnæ.

Ad nonum dicendum, quod pœna, secundum quod comparatur ad subiectum, est malum; inquantum privat illud aliquo modo, sed secundum quod comparatur ad agens quod infert pœnam, sic interdum habet rationem boni, quando puniens propter iustitiam punit.

Ad decimum dicendum, quod ista divisio, sicut dictum est, non est mali communiter accepti, sed mali secundum quod in rationali creatura invenitur; in qua non potest esse aliquod malum quod non sit culpa, vel pœna, ut dictum est. Intelligendum tamen est, quod non omnis defectus habet rationem mali, sed defectus boni quod ortum est haberi. Unde non est defectus homini quod non potest volare, & per consequens nec culpa est, nec pœna.

Ad undecimum dicendum, quod incommoda, vel damna quæ quis nesciens patitur, licet non sint contra voluntatem actualem, sunt tamen contra voluntatem naturalem, vel habituales, ut dictum est.

Ad duodecimum dicendum, quod bonum utile ordioatur in delectabile, & honestum, sicut in finem: & sic duo sunt principalia bona, scilicet honestum, & delectabile; quibus opponuntur duo mala, culpa quidem honesto, pœna vero delectabili.

Ad decimumtertium dicendum, quod de singulis horum trium bonorum, scilicet naturæ, gratiæ, & gloriæ, ita se habet culpa ad pœnam a pœna distinguuntur, ut dictum est.

ARTICULUS V.

Utrum plus habeat de ratione mali pœna, vel culpa.

I. P. qu. xlviii. art. 6. & 1. 2. quæst. xix. art. 1. corp. & qu. lxxvi. art. 4. corp. & 11. Sent. dist. xxvii. quæst. 111. art. 2. corp.

Quinto quaeritur, quid habeat plus de ratione mali, utrum pœna, vel culpa. Et videtur quod pœna. Sicut enim se habet meritum ad præmium, ita se habet culpa ad pœnam. Sed præmium est maius bonum quam meritum. Ergo pœna est magis malum quam culpa.

2. Præterea. Illud est magis malum quod opponitur magis bono. Sed pœna opponitur bono

bono agentis, culpa autem bono actionis. Cum ergo melius sit agens quam actio, videtur quod peius sit poena quam culpa.

3. Sed dicendum, quod culpa est magis malum quam poena, inquantum separat a summo bono. Sed contra. Nihil magis separat a summo bono quam ipsa separatio a summo bono. Sed ipsa separatio a summo bono est poena. Ergo adhuc poena est maius malum quam culpa.

4. Præterea. Finis est magis bonum quam ordo ad finem. Sed ipsa privatio finis est poena, quæ dicitur carentia visionis divinæ; malum autem culpæ est per privationem ordinis ad finem. Ergo maius malum est poena quam culpa.

5. Præterea. Magis malum est privari possibilitate ad actum quam solo actu, sicut maius malum est cæcitas per quam privatur potentia visiva, quam tenebra per quam impeditur ipsa visio. Sed culpa opponitur ipsi merito; privatio autem gratiæ, per quam est possibilitas ad merendum, est poena. Ergo poena est magis malum quam culpa.

6. Sed dicendum, quod culpa est magis malum quam poena: quia etiam huius poenæ culpa est causa. Sed contra. Licet in causis per se, causa sit potior effectu, tamen hoc non est necessarium in causis per accidens: contingit enim causam per accidens esse minus bonum quam effectum, sicut effusio leprosi est causa per accidens inventionis thesauri: & similiter contingit causam per accidens esse minus malum quam effectum; sicut impingere ad lapidem est minus malum quam incidere in manus hostis persequentis, quod per accidens ex hoc sequitur. Sed poena est effectus culpæ per accidens: non enim qui peccat, intendit incidere in penam. Non ergo sufficit ad hoc quod culpa sit magis malum quam poena, hoc quod culpa est causa poenæ.

7. Præterea. Si culpa habet rationem mali, quia est causa poenæ; ergo malitia culpæ est propter malitiam poenæ. Sed propter quod unumquodque, & illud magis. Ergo poena erit magis malum quam culpa.

8. Præterea. Quod dicitur de aliquo formaliter, verius convenit ei quam quod dicitur de aliquo causaliter; sicut verius dicitur sanum animal quam medicina. Si ergo malitia culpæ attenditur secundum hoc quod est causa poenæ, sequitur quod magis malum sit poena quam culpa: quia malum dicitur de culpa causaliter, de poena vero formaliter.

9. Sed dicendum, quod malum dicitur etiam

de culpa formaliter. Sed contra. Formaliter dicitur aliquid malum, inquantum inest sibi privatio boni. Sed maius bonum est quod tollitur per ipsam privationem; quæ est poena, scilicet ipse finis, quam quod privatur per malum quod inest culpæ, quod est ordo ad finem. Ergo adhuc magis malum erit poena quam culpa.

10. Præterea. Sicut dicit Dionysius iv. cap. de divin. Nom. nullus respiciens ad malum operatur: & idem dicit, quod malum est præter voluntatem. Ergo quod magis est præter voluntatem, magis est malum. Sed poena est magis præter voluntatem quam culpa: quia de ratione poenæ est ut sit contra voluntatem, ut dictum est (art. præced.) Ergo magis malum est poena quam culpa.

11. Præterea. Sicut de ratione boni est quod sit appetibile, ita de ratione mali est quod sit fugibile. Ergo quod est magis fugibile, est magis malum. Culpa autem fugitur propter poenam; & sic poena magis fugitur, quia propter quod unumquodque, & illud magis. Ergo poena est magis malum quam culpa.

12. Præterea. Sequens privatio plus nocet quam prima, sicut sequens vulnus plus nocet quam primum. Sed poena sequitur ad culpam. Ergo plus nocet quam culpa: ergo est magis malum: quia malum dicitur inquantum nocet, secundum Augustinum in Enchir. (cap. xii.)

13. Præterea. Poena destruit subiectum; quia mors est poena quedam; culpa autem non, sed solum commaculat. Ergo plus nocet poena quam culpa: ergo est magis malum.

14. Præterea. Illud quod prælegitur a viro iusto, præsumitur esse minus malum. Sed Loth, cum esset iustus, prælegit culpam poenæ, offerens scilicet filias suas libidini Sodomitarum, quod erat culpa, ne patereetur iniuriam in domo sua, dum hospitibus suis violentia inferretur, quod est poena. Ergo poena est magis malum quam culpa.

15. Præterea. Deus pro peccato temporali infert penam æternam: quia, ut dicit Gregorius, æternum est quod cruciatur, temporale quod delectatur. Sed malum æternum est peius quam malum temporale, sicut & bonum æternum melius est temporali. Ergo poena est magis malum quam culpa.

16. Præterea. Secundum Philosophum in H. Topic. malum est in pluribus quam bonum. Sed poena est in pluribus quam culpa, sicut poena habet ad minus poenam annexam. Ergo poena est magis malum quam culpa.

17. Præterea. Sicut in bonis finis est melior

hior his quæ sunt ad finem, ita in malis est peior. Sed pœna est finis culpæ. Ergo pœna est magis malum quam culpa.

18. Præterea. A qualibet culpa potest homo liberari: unde reprehenditur Cain, qui dixit Gen. iv. 13. *Major est iniquitas mea, quam ut veniam merear*: Sed aliquam pœna est a qua non potest homoliberari, scilicet pœna inferni. Ergo pœna est magis malum quam culpa.

19. Præterea. Quando aliquid secundum analogiam dicitur de pluribus, de illo videtur prius dici quod magis est famosum tale. Sed magis est famosum quod pœna sit malum quam culpa: quia plures reputant pœnam pro malo quam culpam. Ergo malum per prius dicitur de pœna quam de culpa.

20. Præterea. Fomes est ex quo omnia peccata oriuntur, & sic est prius quam aliquid peccatum. Sed fomes est quædam pœna. Ergo pœna est magis malum quam culpa.

Sed contra. Illud quod odium magis boni, est magis malum quam illud quod magis odium mali. Sed, sicut Augustinus dicit III. de civit. Dei (cap. 1.) mala pœnæ magis odium mali, mala vero culpæ magis odium boni. Ergo culpa est magis malum quam pœna.

Præterea. Secundum Augustinum in Lib. de natura boni (cap. iv. xxxvi. & xxxvii.) malum est privatio ordinis. Sed plus elongatur ab ordine culpa quam pœna: quia culpa de se inordinata est, ordinatur autem per pœnam. Ergo culpa est magis malum quam pœna.

Præterea. Malum culpæ opponitur bono honesto, malum vero pœnæ bono delectabili. Sed bonum honestum est melius quam bonum delectabile. Ergo malum culpæ est peius quam malum pœnæ.

Respondendo dicendum, quod ista questio superficie tenus facilius videtur propter hoc quod multi pœnas non comprehendunt nisi corporales, vel quæ afflictionem sensui ingerunt, quæ absque dubio minus habent de ratione mali quam culpa, quæ opponitur gratiæ, & gloriæ. Sed quia etiam privatio gratiæ, & gloriæ, pœnæ quædam sunt, videntur ad minus ex æquo causam mali habere, si consideretur bonum cui utrumque malum opponitur: quia etiam privatio ipsius finis ultimi, quod est optimum, pœnæ rationem habet. Sed evidentibus rationibus ostendi potest quod culpa simpliciter habeat plus de ratione mali. Primo quidem quia

S. Th. Oper. Tom. XV.

omne quod facit subiectum tale, magis est tale quam quod subiectum tale facere non potest; sicut si album inest alicui, ita quod subiectum per hoc album dici non potest, minus habet de ratione albi, quam si per hoc fiat subiectum album: quod enim inest alicui ita quod non afficiat, & denominet suum subiectum, videtur inesse secundum quid; simpliciter autem quod suum subiectum afficit, & denominat. Manifestum autem est quod ex malo culpæ dicitur malus ille cui inest, non autem ex malo pœnæ in quantum huiusmodi: unde Dionysius dicit iv. cap. de div. Nom. quod puniri non est malum; sed fieri pœna dignum. Unde consequens est quod malum culpæ plus habeat de ratione mali quam malum pœnæ. Causa autem quare ex malo culpæ aliquid dicitur malum, & non ex malo pœnæ, hinc accipienda est. Bonum enim, & malum dicitur simpliciter quidem secundum actum; secundum quid vero secundum potentiam: posse enim esse bonum, vel malum non simpliciter, sed secundum quid bonum, vel malum est. Actus autem est duplex; scilicet primus, qui est habitus, vel forma; & secundus, qui est operatio; sicut scientia, & considerare. Actus autem primo inhærente adhuc adest potentia ad actum secundum; sicut sciens nondum actu considerat, sed considerare potest. Simpliciter ergo bonum, vel malum dicimus, secundum actum secundum, qui est operatio; secundum vero actum primum attenditur bonum, vel malum quodammodo secundum quid. Manifestum est autem quod in habentibus voluntatem, per actum voluntatis quælibet potentia, & habitus in bonum actum reducit: quia voluntas habet pro obiecto universale bonum, sub quo continentur omnia particularia bona, propter quæ operantur potentie, & habitus quæcumque. Semper autem potentia quæ tendit ad finem principalem, movet per suum imperium potentiam quæ tendit ad finem secundarium: sicut gubernatoria ars imperat navigantibus, & militaris equestri. Non enim ex hoc ipso quod aliquis habet habitum grammaticæ, bene loquitur, potest enim habens habitum non uti habitu, aut contra habitum agere, sicut cum grammaticus scienter sollicitum facit; sed tunc recte operatur secundum artem, quando vult. Et ideo homo qui habet bonam voluntatem, dicitur simpliciter bonus homo, quasi per actum bonæ voluntatis omnibus quæ habet bene utatur. Ex hoc vero quod habet habitum grammaticæ, non dicitur bonus homo, sed bo-

D nus

nus grammaticus: & similiter est de malo. Quia ergo malum culpæ est malum in actu voluntatis, malum autem pænæ est privatio eius quod voluntas potest uti quocumque modo ad bonam operationem; inde est quod malum culpæ facit hominem simpliciter malum, non autem malum pænæ. Secunda ratio est, quia cum Deus sit ipsa essentia bonitatis, quanto aliquid magis est alienum a Deo, tanto habet magis rationem mali. Magis autem alienum est a Deo culpa quam pænæ: nam Deus est auctor pænæ, non autem auctor culpæ. Ex hoc ergo apparet quod culpa est magis malum quam pænæ. Causa autem quare Deus est auctor pænæ, non autem culpæ, hinc sumitur. Malum enim culpæ, quod est in actu voluntatis, opponitur directe actui caritatis, quæ est prima perfectio, & principalis voluntatis. Caritas autem ordinat actum voluntatis in Deum; non autem solum sic quod homo bono divino fruatur, hoc enim pertinet ad amorem qui dicitur concupiscentiæ; sed secundum quod bonum divinum est in ipso Deo, quod ad amorem amicitiae pertinet. Hoc autem non potest esse a Deo, quod bonum divinum, secundum quod in se ipso est, quis non velit; cum e contrario Deus omnem voluntatem inclinet ad volendum quod ipse vult: vult autem summum bonum, secundum quod in se ipso est. Unde malum culpæ non potest esse a Deo. Potest autem Deus velle quod ipsum bonum divinum, vel quodcumque aliud bonum sub eo, subtrahatur alicui, qui ad hoc (a) oportunitatem non habet: hoc enim bonum ordinis exigit ut nihil habeat id quo dignum non esset. Ipsa autem subtrahitio boni increati, vel cuiuscumque alterius boni ab eo qui indignus est, rationem pænæ habet. Deus ergo est auctor pænæ; sed auctor culpæ esse non potest. Tertia ratio est, quia illud malum quod sapiens artifex inducit ad vitandum (b) aliud malum, minus habet de ratione mali quam illud malum ad quod vitandum inducitur; sicut si medicus sapiens præcidat manum, ne pereat corpus, manifestum est quod minus malum est præcisio manus quam destructio corporis. Manifestum est autem quod Dei sapientia pœnam inducit ad hoc quod vitetur culpa vel ab eo qui punitur, vel saltem ab aliis, secundum illud Iob xiv. 29. *Fugite a facie (c) iniquitatis, quoniam ultor iniquitatis est gladius.* Sic ergo patet quod maius malum est culpa, ad cuius evitacionem inducitur pœna, quam

ipsa pœna. Quarta ratio est, quia malum culpæ consistit in operari; malum autem pænæ in hoc quod est pati, sicut supra dictum est (art. præced.) Quod autem habet operationem malam, offenditur iam esse malum; quod autem patitur aliquid mali, non per hoc offenditur malum esse, sed esse quasi in via ad malum: quia quod patitur aliquid, movetur ad illud; sicut ex ipsa claudicatione offenditur quod tibia iam subiaceat malo; ex hoc vero quod infertur ei passio, nondum subiaceat deicctui, sed est in via ad deficientium. Sicut enim operatio quæ est existentis in actu, est melior quam motus ad actum, & perfectionem; ita & malum operationis in se consideratum plus habet de ratione mali quam malum passionis. Et ideo culpa habet plus de ratione mali quam pœna.

Ad primum ergo dicendum, quod si compararetur præmium ad meritum, & pœna ad culpam quantum ad terminationem; sic invenitur similis comparatio utrobique: quia sicut meritum terminatur ad præmium, ita culpa terminatur ad pœnam. Sed si comparatur quantum ad intentionem, non est similis comparatio utrobique, sed magis e converso. Nam sicut aliquis operatur meritum propter præmium acquitendum, ita aliquis infert pœnam propter culpam vitandam: unde sicut præmium est melius merito; ita culpa est peior quam pœna.

Ad secundum dicendum, quod bonum agentis est non solum perfectio prima, cuius privatio est pœna; sed etiam perfectio secunda, quæ operatio est, cui opponitur culpa: & melior est ipsa perfectio secunda quam prima. Et ideo culpa, quæ opponitur perfectioni secundæ, habet plus de ratione mali quam pœna, quæ opponitur perfectioni primæ.

Ad tertium dicendum, quod culpa separat a Deo separatione quæ opponitur unioni caritatis, secundum quam quis vult bonum ipsius Dei, secundum quod in se est; pœna autem separat a Deo separatione quæ opponitur fructuioni, qua homo fruitur bono divino: & sic separatio culpæ est peior quam separatio pænæ.

Ad quartum dicendum, quod separatio ordinis ad finem potest accipi dupliciter: uno modo in ipso homine, & sic ordinis privatio ad finem est pœna, sicut & privatio finis; alio modo in actione, & sic privatio ordinis ad finem est culpa: ex hoc enim homo

(a) *Per se oportunitatem.* (b) *Ad illud.* (c) *Volgata gladii.*

mo culpabilis est quod agit actionem non ordinatam ad finem debitum. Unde non est comparatio mali culpae ad malum poenae, sicut finis, & ordinis finem, quia utrumque aliquo modo privatur, & finem, & ordinem ad finem.

Ad quintum dicendum, quod privatio ipsius habitualis gratiae est poena; sed depravatio actus (a) qui deberet ex gratia procedere, est malum culpae. Et sic patet quod malum culpae opponitur perfectiori bono, quia operatio est perfectio ipsius habitus.

Ad sextum dicendum, quod culpa quamvis sit per accidens causa poenae ex parte patientis poenam, tamen ex parte inferentis est causa per se: hoc enim intendit puniens, ut propter culpam poenam inferat.

Ad septimum dicendum, quod non ideo culpa est malum, quia pro culpa inferitur poena; sed potius e converso ideo inferitur malum poenae ad coercendam, & ordinandam malitiam culpae. Et sic patet quod malum non dicitur de culpa solum causaliter, sed etiam formaliter, & principaliter quam de poena, ut ex dictis patet.

Et per hoc patet solutio ad octavum, & novum.

Ad decimum dicendum, quod non est iudicandum de rebus secundum existimationem malorum, sed secundum existimationem bonorum; sicut non est iudicandum de saporibus secundum existimationem aegri, sed secundum existimationem sani. Et ideo non est iudicanda poena peior, quia mali magis eam fugiunt; sed potius iudicanda est culpa deterius, quia boni magis fugiunt ipsam.

Ad undecimum dicendum, quod virtuosus aut fugere culpam propter seipsam, & non propter poenam: sed malorum est fugere culpam propter poenam, secundum illud Horatii:

Oderunt peccare mali formidine poena:

Oderunt peccare boni virtutis amore.

Sed quod plus est, Deus poenam non infert nisi propter culpam, ut dictum est.

Ad duodecimum dicendum, quod sequens privatio est peior quam praecedens, quando includit ipsam. Et sic videtur posse dici, quod poena cum culpa est peior quam culpa tantum. Et hoc quidem verum est ex parte eius qui puniunt, sed ex parte punientis, poena habet rationem iustitiae, & ordinis: & sic per adiunctionem boni efficitur culpa minus mala, ut Boetius probat in Libro de Consolator. (IV. prola. ix.)

Ad decimumtertium dicendum, quod culpa,

& poena pertineat ad naturam rationalem, quae secundum id quod rationalis est, incorruptibilis est: unde poena proprium subiectum non tollit, etsi auferatur vita corporis per poenam. Unde concedo quod corpori simpliciter loquendo, peior sit poena quam culpa.

Ad decimumquartum dicendum, quod Loth non praelegit culpam poenae, sed ostendit ordinem esse servandum in fuga culpae: quia tolerabilior est, si quis committit minorem culpam quam maiorem.

Ad decimumquintum dicendum, quod licet culpa sit temporalis quantum ad actum, est tamen aeterna (nisi per penitentiam deleatur) quantum ad reatum, & maculam: & aeternitas culpae est causa aeternitatis poenae.

Ad decimumsextum dicendum, quod esse in pluribus accidit alicui malo, scilicet quod est in moribus hominum, ex eo quod plures sequuntur naturam sensibilem quam rationem. Et ideo non oportet quod quanto aliquid magis est in pluribus, tanto sit magis malum: quia secundum hoc peccata venialia, quae plures committunt, essent peiora quam mortalia.

Ad decimumseptimum dicendum, quod poena est finis culpae quantum ad terminationem, sed non quantum ad intentionem, ut supra dictum est.

Ad decimumoctavum dicendum, quod ideo a poena inferni non potest aliquis redire ad vitam, quia culpa eorum qui sunt in inferno, expiari non potest. Unde per hoc non ostenditur quod poena sit magis malum quam culpa.

Ad decimumnonum dicendum, quod aliquod omen dicitur per prius de uno quam de alio dupliciter: uno modo quantum ad nominis impositionem; alio modo quantum ad rei naturam: sicut nomina dicta de Deo, & creaturis, quantum ad nominum impositionem per prius dicuntur de creaturis; quantum vero ad rei naturam per prius dicuntur de Deo, a quo in creaturas omnis perfectio derivatur. Et similiter nihil prohibet quod malum per prius dicatur secundum nominis impositionem de poena; per posterius vero secundum rei veritatem.

Ad viceimum dicendum, quod fomes est principium culpae in potentia; sed malum in actu est peius quam malum in potentia, ut Philosophus dicit in IX. Metaph. (com. xix.) unde fomes non est magis malum quam culpa.

QUAESTIO II.

*De peccatis,**in duodecim articulos diuisa.*

Primo enim quaeritur, utrum in omni peccato sit aliquis actus.

Secundo. Utrum peccatum consistat in actu voluntatis tantum.

Tertio. Utrum peccatum principaliter consistat in actu voluntatis.

Quarto. Utrum omnis actus sit indifferens.

Quinto. Utrum aliqui sint actus indifferentes.

Sexto. Utrum circumstantia det speciem peccato, vel variet in aliud genus peccati.

Septimo. Utrum aliqua circumstantia aggravet peccatum cui non det speciem.

Octavo. Utrum circumstantia aggravet peccatum in infinitum, ita ut de veniali fiat mortale.

Nono. Utrum omnia peccata sint paria.

Decimo. Utrum peccatum sit gravius, eo quod maiori bono opponitur.

Undecimo. Utrum peccatum diminuat bonum naturae.

Duodecimo. Utrum peccatum possit corrumpere totum bonum naturae.

ARTICULUS I.

Utrum in omni peccato sit aliquis actus.

Questio est de peccatis. Et primo quaeritur, utrum in quolibet peccato sit aliquis actus. Et videtur quod sic. Dicit enim Augustinus (Lib. XXII. contra Faustum cap. xxvii.) quod peccatum est dictum, vel factum, vel concupitum contra legem Dei. Sed in quolibet illorum trium importatur aliquis actus. Ergo in quolibet peccato est aliquis actus.

2. Praeterea. Augustinus dicit (I. Retract. cap. ix. & xiii.) quod peccatum est adeo voluntarium, quod si non sit voluntarium, non est peccatum. Sed nihil potest esse voluntarium, nisi per actum voluntatis. Ergo in aliquo peccato oportet esse ad minus actum voluntatis.

3. Praeterea. Contraria sunt in eodem genere. Sed meritum, & demeritum sunt contraria. Cum ergo meritum sit de genere a-

ctus (quia actibus meremur) videtur quod pari ratione demeritum, sive peccatum.

4. Praeterea. Peccatum privatio quaedam est: quia, sicut dicit Augustinus (tract. i. in Ioan.) peccatum nihil est. Privatio autem fundatur in aliquo. Ergo oportet esse aliquem actum in quo peccatum sustentetur.

5. Praeterea. Augustinus dicit in Enchir. (cap. xiv. & xv.) quod malum nisi in bono esse non potest. Illud autem bonum in quo fundatur malitia peccati, est actus. Ergo in quolibet peccato oportet esse actum.

6. Praeterea. Augustinus dicit in Lib. lxxxviii. Quest. (quest. xxiv. in fin.) quod oec peccatum, (a) aut recte factum imputari cuiquam iuste potest qui nihil propria fecerit voluntate. Sed non potest propria voluntate aliquid facere absque actu. Ergo nihil potest homini imputari ad peccatum, nisi sit ibi aliquis actus.

7. Praeterea. Damascenus dicit (Lib. II. cap. xxiv.) quod laus, & vituperium sequuntur actus. Cuiuslibet autem peccato debetur vituperium. Ergo omne peccatum in actu consistit.

8. Praeterea. Glossa (interlin. ydicit Rom. vii. (super illud, Quod inhabitat in me peccatum) quod omne peccatum in actu est ex concupiscentia. Quod autem est ex concupiscentia, non est absque actu. Ergo nullum peccatum est absque actu.

9. Praeterea. Si aliquod peccatum est absque actu, maxime hoc videtur de peccato omissionis. Sed ommissio non est absque actu: quia ommissio negatio quaedam est; omnis (b) autem negatio in affirmatione fundatur: & sic oportet peccatum omissionis in aliquo actu fundari. Multo ergo magis quodlibet aliud peccatum.

10. Praeterea. Ommissio non est peccatum, nisi in quantum repugnat legi Dei. Sed hoc non est absque contemptu; contemptus autem est per aliquem actum. Ergo peccatum omissionis fundatur in aliquo actu, & multo magis alia peccata.

11. Praeterea. Si peccatum omissionis consistit in sola negatione actus, sequeretur quod quamdiu aliquis non agit, tamdiu peccaret; & ita esset periculosus peccatum omissionis quam peccatum transgressionis, quod transit actu, licet maneant reatu. Hoc autem non est verum, quia peccatum transgressionis ceteris paribus est maius: maius enim est furari quam non dare elemosynam. Non ergo

(a) Ali. autem, non recte. (b) Ali. enim.

go peccatum omissionis in sola oegatione consistit.

12. Præterea . Secundum Philosophum in II. Physic. (com. lxxxix.) peccatum invenitur in his quæ sunt ad finem . Ad finem autem aliquid ordinatur per operationem . Ergo omne peccatum in actu consistit .

1. Sed contra est quoddicitur Iacob. iv. 17. *Scienti bonum, & non facienti, peccatum est illi.* Ergo ipsum non facere est peccatum .

2. Præterea . Pena non iuste infligitur nisi pro peccato . Sed pro sola dimissione actus, pena infligitur , ulla consideratione habita de aliquo actu adiuncto . Ergo io sola dimissione actus consistit peccatum .

3. Præterea . Secundum Philosophum in II. Physic. (com. lxxxix.) peccatum contingit io his quæ sunt secundum artem , & in his quæ sunt secundum naturam . Sicut ergo in his quæ sunt secundum naturam , peccatum est contra naturam esse ; ita in his quæ sunt secundum artem , peccatum est contra artem esse : & similiter in moralibus peccatum est contra rationem esse . Sed contra naturam non solum sunt motus , sed etiam quietes , ut dicitur in V. Phys. (com. lxxv. & lxxvi.) Ergo & in moralibus peccata sunt non solum actus , sed etiam cessationes ab actu , si sint præter rationem .

4. Præterea . Contingit voluntatem in neutrum partem contradictionis ferri . Non enim vere dicitur , quod Deus velit mala fieri , quia sic esset actor eorum ; nec etiam quod velit mala non fieri , quia sic eius voluntas non esset efficax ad implendum omne quod vult . Ponatur ergo quod aliquis teneatur nunc dare elemosynam , & tamen neque vult dare , neque vult non dare , quia nihil de hoc cogitat ; tamen peccat , & iuste pro hoc punitur . Ergo etiam absque actu voluntatis potest esse aliquid peccatum .

5. Sed dicendum , quod licet actus voluntatis non feratur neque ad dandum elemosynam , neque ad non dandum ; tamen feratur in aliquid aliud per quod impeditur a dando . Sed contra . Illud aliud in quod feratur , per accidens se habet ad peccatum omissionis : non enim opponitur præcepto affirmativo legis , ex cuius oppositione sequitur peccatum omissionis . Iudicium autem non est dandum denatura alicuius secundum illud quod est per accidens , sed secundum id quod est per se . Ergo non debet dici , quod peccatum omissionis consistat in actu propter actum adiunctum .

6. Præterea . Etiam io peccato transgressionis contingit aliquem actum adiungi , qui

tamen ad peccatum transgressionis non pertinet , quia per accidens se habet ad ipsum ; sicut contingit furantem aliquem loqui , vel videre . Ergo nec actus adiunctus omissioni ad peccatum omissionis pertinet .

7. Præterea . Sicut sunt aliqui actus qui non possint bene fieri , ut fornicari , & mentiri ; ita sunt aliqui actus qui non possint male fieri , ut diligere Deum , & laudare ipsum . Sed contingit aliquem omittem occupari circa laudem Dei ; sicut si aliquis eo tempore quo tenetur honorare parentes , laudibus divinis insilat , parentes non honorans , constat quod ille peccat omitendo ; oec tamen ad hoc peccatum potest pertinere actus laudis divinæ , quia non potest male fieri . Ergo totum peccatum consistit in sola omissione actus debiti . Non ergo actus requiritur ad peccatum .

8. Præterea . In peccato originali non est aliquis actus . Ergo non omne peccatum io actu consistit .

9. Præterea . Augustinus dicit in Lib. lxxxix. Quæst. (qu. xxvi.) *Alia sunt peccata infirmitatis, alia imperitiae, alia malitiae.* Infirmitas autem , & imperitia contraria sunt virtuti , & sapientie , malitia est etiam contraria bonitati ; contraria autem sunt in eodem genere . Cum ergo virtus , sapientia , & bonitas sint habitus , videtur quod peccata sint habitus . Sed habitus potest esse sine actu . Ergo peccatum potest esse sine actu .

Respondetur dicendum , quod circa hoc sunt duæ opiniones . Quidam enim dixerunt , quod in quolibet peccato etiam omissionis est aliquis actus , vel interior voluntas (sicut cum aliquis peccat non dans elemosynam , vult non dare elemosynam) vel etiam aliquis actus exterior adiunctus , quo retrahitur ab actu debito ; sive ille actus simul fiat cum omissione , sicut cum aliquis volens ludere ; dimittit ire ad Ecclesiam ; sive sit præcedens , sicut cum aliquis impeditur ne surgat ad matutinas , qui nimis vigilavit in sero circa aliquid se occupando . Et hæc opinio innuitur verbo Augustini dicentis (Lib. XXII. contra Paulum cap. xxvii.) quod peccatum est dictum , vel factum , vel concupitum contra legem Dei . Alii vero dixerunt , quod peccatum omissionis non habet aliquem actum , sed ipsum desistere ab actu est omissionis peccatum ; & exponunt dictum Augustini dicentis , quod peccatum est dictum , vel factum , vel concupitum , per hoc quod concupiscere , & non concupiscere , dicere , & non dicere , facere , & non facere pro eodem accipiuntur ,

tur quantum ad rationem peccati. Unde in Glossa (ordin.) dicitur Roman. vii. (super illud, *Quod enim operor non intelligo*) quod *operor*, & *non operor* sunt partes eius quod est *operor*. Et hoc videtur rationabiliter dici: quia affirmatio, & negatio ad idem genus referuntur: unde Augustinus dicit in Lib. de Trinit. (V. cap. vi. & vii.) quod ingenitum pertinet ad genus relationis, sicut & genitum. Utraque autem opinio secundum aliquod veritatem habet. Si enim consideretur id quod requiritur ad peccatum, sicut de essentia peccati existens, sic ad peccatum omissionis non requiritur actus; sed per se loquendo peccatum omissionis in ipsa cessatione ab actu consistit: & hoc patet, si rationem peccati attendamus. Peccatum enim, ut Philosophus dicit in II. Phys. (com. lxxxii.) contingit & in his quae sunt secundum naturam, & in his quae sunt secundum artem, quando non consequitur finem naturae, vel ars, propter quem operatur. Quod autem finem non consequatur operans per artem, vel per naturam, contingit ex hoc quod declinat a mensura, vel regula debite operationis: quae quidem in naturalibus est ipsa naturae inclinatio, consequens aliquam formam; in artificialibus vero est ipsa regula artis. Sic ergo in peccato duo possunt attendi, scilicet recessus a regula, vel a mensura, & recessus a fine. Contingit autem quandoque recedere a fine, & non recedere a regula, vel a mensura, qua quis operatur propter finem & in natura, & in arte. In natura quidem, sicut si in stomacho ponatur aliquid non digestibile, ut ferrum, vel lapis, defectus digestionis absque peccato naturae contingit. Similiter si medicus secundum artem dat potionem, & infirmus non sanetur, vel quia habet morbum incurabilem, vel quia aliquid contra suam sanitatem agit; medicus quidem non peccat, licet finem non consequatur. Si autem e converso finem consequeretur, sed tamen a regula artis diverteret, nihilominus peccare diceretur. Ex quo patet quod magis est de ratione peccati praeterire regulam actionis quam etiam deficere ab actionis fine. Hoc est ergo per se de ratione peccati, sive in natura, sive in arte, sive in moribus, quod opponitur regulae actionis. Regula autem actionis, quia constituit medium inter superfluum & diminutum, necesse est ut quaedam reseat, & quaedam statuatur. Unde & in ratione naturali, & etiam in lege divina, ex quibus nostri actus regulari debent, quaedam praecipua negativa, quaedam affirmativa con-

tinentur. Sicut autem negationi opponitur affirmatio, ita affirmationi opponitur negatio: unde sicut agere imputatur homini ad peccatum, quia opponitur praecepto legis negativo; ita & ipsum non agere, quia opponitur praecepto affirmativo. Sic ergo per se loquendo potest esse aliquod peccatum ad quod non requiritur aliquis actus, qui sit de essentia peccati: & secundum hoc habet veritatem secunda opinio. Si autem consideretur id quod requiritur ad peccatum ut causa peccati, sic oportet quod ad quodlibet peccatum, etiam omissionis, aliquis actus requiratur: quod sic patet. Ut enim, Philosophus dicit in VIII. Physic. si aliquid quandoque movetur, quandoque non movetur, oportet assignare aliquam causam quae sit: videmus enim quod eodem modo se habent mobile, & movente, similiter aliquid movetur, vel non movetur. Eadem autem ratione si aliquis non agit quod agere debet, oportet huius esse aliquam causam. Si autem causa fuerit totaliter extrinseca, talis ommissio non habet rationem peccati: sicut si aliquis a lapide cadente laesus, impediatur ne ad Ecclesiam vadat, aut si aliquo furante impediatur ne elemosinam det. Tunc ergo solum ommissio imputatur ad peccatum, cum habet causam intrinsecam, non quamcumque, sed voluntariam: quia si etiam impediretur ex causa intrinseca non voluntaria, puta febre; eadem ratio esset sicut & de causa extrinseca. Ad hoc ergo quod ommissio sit peccatum, requiritur quod ommissio causetur ex aliquo actu voluntario. Sed voluntas est causa alicuius quandoque quidem per se, quandoque autem per accidens: per se quidem, sicut quando per intentionem agit ad talem effectum, puta si aliquis volens invenire thesaurum fodiens inveniat; per accidens autem, sicut quando praeter intentionem, puta si aliquis volens fodere sepulcrum, fodiendo inveniat thesaurum. Sic ergo actus voluntarius quandoque est per se causa omissionis, non tamen ita quod voluntas directe feratur in omissionem, quia non ens, & malum est praeter intentionem, & voluntatem, ut Dionysius dicit iv. cap. de divin. Nom. voluntatis autem obiectum est ens, & bonum: sed indirecte fertur in aliquid positivum cum provisione omissionis consequentis: sicut cum aliquis vult ludere, sciens quod ad hoc concommitatur non ire ad Ecclesiam; sicut & in transgressionibus dicimus, quod fur vult aurum non refugiens iniustitiae deformitatem. Quandoque vero actus voluntarius est causa per accidens omissionis; sicut cum.

cum alicui occupato circa aliquem actum non venit in mentem id quod facere tenetur. Et non differt quantum ad hoc, utrum actus voluntarius, qui est causa omissionis per se, vel per accidens, simul sit cum ipsa omissione, vel etiam precedat; sicut dictum est de eo qui nimia occupatione tarde incipiendo dormire, impeditur se ne surgeret matutinarum hora. Sic ergo quantum ad hoc prima opinio vera est, quod ad omissionem requiritur actus voluntarius ut causa. Quia ergo utraque opinio aliquo modo vera est, ad utraque rationes respondere oportet.

Ad primum ergo dicendum, quod in illa definitione peccati accipiendum est pro eodem dictum, & non dictum, factum, & non factum, ut supra dictum est.

Ad secundum dicendum, quod aliquid dicitur esse voluntarium, non solum quia cadit sub voluntatis actu, sed quia cadit sub potestate voluntatis. Sic enim & ipsum non velle dicitur voluntarium: quia in potestate voluntatis est velle, & non velle; & similiter facere, & non facere.

Ad tertium dicendum, quod plura requiruntur ad bonum quam ad malum: quia, ut dicit Dionysius iv. cap. de divin. Nom. bonum est ex causa una, & integra, malum autem ex particularibus defectibus. Ad hoc ergo quod sit meritum, requiritur quod sit actus voluntatis; sed ad hoc quod sit demeritum, sufficit hoc solum quod non velit bonum quando debet; nec oportet quod semper velit malum.

Ad quartum dicendum, quod in peccato transgressionis non est verum quod peccatum sit privatio; sed quod peccatum est actus privatus debito ordine, sicut furtum, vel adulterium est quidam actus inordinatus: eo enim modo peccatum nihil est quo nihil sunt homines cum peccant: non quidem ita quod sint ipsum nihil, sed quia iniquitatem peccant, privantur quodam bono; & ipsa privatio est non ens in subiecto. Et similiter peccatum est actus privatus ordine debito, & secundum ipsam privationem dicitur nihil. Sed in peccato omissionis per se loquendo verum est quod est sola privatio. Subiectum autem privationis non est habitus, sed potentia; sicut subiectum cecitatis non est visio, sed id quod est aptum natum videre. Omissionis ergo subiectum est non quidem actus aliquis, sed potestas voluntatis.

Et sic patet solutio ad quintum quod obicitur de malo.

Ad sextum dicendum, quod in illa auctoritate sub facere includitur etiam non facere, sicut dictum est.

Ad septimum dicendum, quod laus, & vituperium non solum debentur actibus voluntariis, sed etiam cessantibus ab actu.

Ad octavum dicendum, quod illa ratio concludit quod actus requiratur ad omissionem sicut causa; quamvis possit dici, quod fomes de quo ibi loquitur Glossa, non est actualis concupiscentia, sed habitualis.

Ad nonum dicendum, quod non omnis negatio fundatur super affirmationem realem: quia, ut Philosophus dicit in prædicationis (in postpredicationis cap. de oppositis) non sedere vere dici potest & de eo quod est, & de eo quod non est: sed tamen omnis negatio fundatur in aliqua affirmatione intellecta, vel imaginata. Necessè est enim esse apprehensum id de quo aliquid negatur. Sic ergo non est necessarium quod ommissio fundetur in actu reali existente. Si tamen omnis negatio in aliqua affirmatione reali fundaretur, ut sic negatio pro privatione poneretur, non deberet fundari ommissio, quæ est negatio actus, fundaretur in actu, sed quod fundaretur in potentia voluntatis.

Ad decimum dicendum, quod non solum in omissione, sed nec etiam in transgressionis semper est necessarium quod sit actualis contemptus, sed contemptus quidam habitualis, vel etiam interpretatus: quia scilicet interpretatur aliquem contemnere qui non facit quod iubetur, vel facit quod prohibetur.

Ad undecimum dicendum, quod ommissio opponitur præcepto affirmativo; quod licet obliget semper, non tamen obligat ad semper. Non enim obligatur homo ad hoc quod semper iustitiam parentibus honorandis; sed tamen semper obligatur homo ut parentes honoret tempore debito. Tandem ergo durat actu peccatum omissionis, quamdiu durat tempus ad quod obligat præceptum affirmativum; quo transeunte transit actu, & manet reatu: & iterum redeunte tali tempore iteratur ommissio.

Ad duodecimum dicendum, quod sicut aliquis deficit a fine male agendo, ita deflendo a debito actu.

Ad primum ergo quod in contrarium obicitur, dicendum, quod ex illa auctoritate habetur quod ipsum non facere bonum sit peccatum; non autem removeret quin huius-

iustitiam quod est non facere bonum, non sit aliquis actus.

Ad secundum dicendum, quod poena datur pro omissione actus sicut pro culpa; sed tamen culpam contingit causari ab aliquo actu, qui quandoque est culpa (sicut cum peccatum est causa peccati) quandoque vero non culpa.

Ad tertium dicendum, quod etiam quies inaturalis ex aliquo actu precedente causatur.

Ad quartum dicendum, quod Deus neque vult mala fieri, neque vult mala non fieri; sed tamen hoc ipsum vult quod est se non velle mala fieri, & non velle mala non fieri.

Ad quintum dicendum, quod actus qui requiritur ad omissionem, non semper se habet per accidens ad ipsum, sed quandoque est causa per se, ut dictum est.

Et similiter dicendum est ad sextum de transgressione.

Ad septimum dicendum, quod omnis actus per rationem regulari debet: unde omnis actus potest non bene fieri, si non sit debite regulatus, ut scilicet fiat quando debet, & propter quod debet, & sic de aliis quae sunt in actibus observanda. Unde etiam hoc ipsum quod est diligere Deum, potest male fieri, puta si quis diligat Deum propter temporalia: & hoc ipsum quod est laudare Deum ore, potest male fieri, si hoc faciat quando non debet, quando scilicet alia facere tenetur. Sed si actus accipitur regulatus sicut significatur cum dicitur, Temperanter agere, vel iuste agere, sic non potest male fieri. Si tamen daretur quod aliquis actus non posset male fieri, non esset inconveniens, si esset causa per accidens omissionis: quia bonum potest esse per accidens causa mali.

Ad octavum dicendum, quod etiam peccati originalis causa est aliquis actus, scilicet peccatum actuale primi parentis.

Ad nonum dicendum, quod sicut ex parte virtutum est actus, & habitus, ita ex parte vitiorum. Habitus tamen possunt dici virtutes, vel vitia; sed soli actus dicuntur merita, vel peccata.

ARTICULUS H.

Utrum peccatum consistat in actu voluntatis tantum.

Secundo queritur, utrum peccatum consistat in actu voluntatis tantum. Et videtur quod sic. Dicit enim Augustinus in Lib. Retractionum (l. cap. ix. circa med.) quod non nisi voluntate peccatur. Ergo peccatum in solo actu voluntatis consistit.

2. Præterea. Augustinus dicit in Lib. de duabus animabus: Peccatum est voluntas revivendi, vel acquirendi quod iustitia venas. Voluntas autem hic accipitur pro actu voluntatis. Ergo peccatum in solo actu voluntatis consistit.

3. Præterea. Augustinus dicit (de bono coniugali cap. xxi.) quod continentia est habitus mentis; sed per actum exteriorem manifestatur. Ergo & e contrario incontinentia, & omne peccatum in sola voluntate consistit: actus enim exteriores solummodo manifestant peccatum.

4. Præterea. Chrysostomus dicit super Matth. (homil. xix.) quod voluntas est quæ aut remuneratur pro bono, aut condemnatur pro malo. Opera autem testimonia sunt voluntatis. Non ergo querit Deus opera propter se, ut scitis quomodo iudicare; sed propter actus, ut omnes intelligant, quia iustus est Deus. Id autem solum pro quo Deus punit, est peccatum. Ergo peccatum in solo actu voluntatis consistit.

5. Præterea. Id quo posito, vel remoto nihilominus peccatum manet, accidentaliter se habet ad peccatum. Sed posito, vel remoto exteriori actu, nihilominus peccatum in sola voluntate manet. Ergo exteriores actus accidentaliter se habent ad peccatum: non ergo in eis peccatum consistit, sed in solo interiori actu voluntatis.

6. Præterea. Nullus actus imputatur alicui ad peccatum, qui nullo modo est in potestate eius: unde si aliquis accipiat manum alicuius hominis contra eius voluntatem, & cum ea interficiat hominem, peccatum homicidii non imputatur homini cuius manus percutit, sed ei qui utitur manu. Exteriora autem membra nullo modo possunt resistere imperio voluntatis. Non ergo in actibus exterioribus membrorum consistit peccatum, sed in actu voluntatis, quæ utitur membris.

7. Præterea. Augustinus dicit in Libro de vera

vera relig. (cap. xxxiii.) quod si aliquis videat remum fractum in aqua; non est hoc vitium visus qui nuntiat quod accepit ut nuntiaret, (a) sed est vitium virtutis quæ debet iudicare. Sed exteriora corporis membra hunc ordinem acceperunt a Deo ut faciant quod voluntas imperat. Ergo vitium, vel peccatum non est in actibus eorum, sed in actu voluntatis.

8. Præterea. Si peccatum consistit in actu voluntatis, & iterum in actu exteriori, maius erit peccatum peccare simul voluntate, & exteriori actu, quam peccare interiori actu tantum: quia sicut quantum additum quanto, maius facit quantum; ita peccatum additum peccato videtur facere maius peccatum. Sed hoc non est verum: dicitur enim in Glossa (interlin.) Matth. xxi. *Quantum intendis, tantum facis*. Et sic non est maius peccatum interioris voluntatis, & exterioris actus, quam interioris actus tantum. Noc ergo peccatum consistit in exteriori actu, sed solum in interiori.

9. Præterea. Si sint duo aliqui habentes æqualem voluntatem idem peccatum committendi, puta fornicationem: & unus habet opportunitatem, & implet voluntatem suam; & alius non habet, sed vellet habere: manifestum est quod inter istos duos non est differentia quantum ad aliquid quod sit in potestate eorum. Sed secundum id quod non est in potestate alicuius, non attenditur peccatum, & per consequens neque peccati augmentum. Ergo unus eorum non magis peccat quam alius; & ita videtur in solo actu voluntatis peccatum consistere.

10. Præterea. Peccatum corrumpit bonum gratiæ, quæ non est sicut in subiecto in aliqua inferiorum virium, sed in voluntate. Opposita autem sunt circa idem. Ergo peccatum in sola voluntate consistit.

11. Præterea. Actus interior est causa exterioris actus. Idem autem non est causa sui ipsius. Cum ergo peccatum sit unum & idem, videtur quod si consistat in actu voluntatis, non possit consistere in actu exteriori.

12. Præterea. Idem accidens non potest esse in duobus subiectis. Sed deformitas comparatur ad actum deformem, sicut accidens ad subiectum. Cum ergo unus peccati sit una deformitas, non potest unum peccatum consistere in duobus actibus, scilicet interiori, & exteriori. Manifestum est autem quod peccatum est in interiori actu voluntatis. Ergo nullo modo in exteriori.

S. Th. Oper. Tom. XV.

13. Præterea. Anselmus dicit in Lib. de conceptu virginali (cap. iv. ante med.) de actibus exterioribus loquens: *In bonum essentia nulla consistit infirma*. Ergo eadem ratione neque iustitia, & sic peccatum in actu exteriori non consistit.

14. Præterea. Augustinus dicit (Lib. I. de nuptiis, & concup. cap. xxvi.) quod peccatum transit actu, & manet reatu. Hoc autem non esset, si ipse actus exterior esset peccatum. Ergo ipse actus exterior non est peccatum.

Sed contra. Omne illud quod prohibetur lege Dei, est peccatum: quia peccatum est dictum, vel factum, vel concupitum contra legem Dei. Sed actus exterior lege Dei prohibetur Exod. xx. cum dicitur: *Non occides, non mactaberis, non furum facies*: & scilicet sum prohibetur actus interior, cum dicitur: *Non concupisces*. Ergo non solum actus voluntatis est peccatum, sed etiam actus exterior.

Respondeo dicendum, quod circa hoc fuit triplex opinio. Quidam enim dixerunt, quod nullus actus neque interior, neque exterior secundum se est peccatum; sed sola privatio habet rationem peccati, propter hoc quod Augustinus dicit (trakt. i. in Ioan.) quod peccatum nihil est. Alii vero dixerunt, quod peccatum consistit in solo interiori actu voluntatis. Quidam vero dixerunt, quod peccatum consistit & in interiori actu voluntatis, & in exteriori actu. Et quamvis hæc opinio magis contineat veritatem, tamen omnes aequaliter veræ sunt. Sed considerandum est, quod hæc tria, malum, peccatum, & culpa, se habent ad invicem ut communis, & minus commune. Nam commune est in quocumque enim, sive in subiecto, sive in actu, sit privatio formæ, aut ordinis, aut mensuræ debite mali rationem habet. Sed peccatum dicitur aliquis actus debito ordine, aut forma, sive mensura carens: unde potest dici, quod tibia curva sit mala tibia; non tamen potest dici, quod sit peccatum; nisi forte eo modo loquendi quo peccatum dicitur effectus peccati: sed ipsa claudicatio peccatum dicitur. Quilibet enim actus inordinatus potest dici peccatum vel naturæ, vel artis, vel moris. Sed rationem culpæ non habet peccatum, nisi ex eo quod est voluntarium: nulli enim imputatur ad culpam aliquis inordinatus actus, nisi ex eo quod est in eius potestate. Et sic patet quod peccatum est in plus quam culpa;

E

(a) Id. etiam est.

culpa; licet secundum communem usum loquendi apud Theologos pro eodem sumantur peccatum, & culpa. Qui ergo consideraverunt in peccato solum rationem mali, dixerunt, quod substantia aclus non est peccatum, sed deformitas aclus. Qui vero consideraverunt in peccato solum id unde habet rationem culpae, dixerunt peccatum in sola voluntate consistere. Sed oportet in peccato considerare non solum ipsam deformitatem, sed etiam aclus deformitati substratum: quia peccatum non est deformitas, sed aclus deformis. Deformitas autem aclus est per hoc quod discordat a debita regula rationis, vel legis Dei. Quae quidem deformitas invenitur non solum in aclus interiori, sed etiam exteriori. Sed tamen hoc ipsum quod aclus exterior deformis imputatur homini ad culpam, est a voluntate. Et sic patet quod si totum id quod est in peccato, considerare volumus, peccatum non solum consistit in privatione, neque solum in aclus interiori, sed etiam in aclus exteriori. Et quod dicimus de aclus in peccato transgressionis, est etiam intelligendum de remotione aclus in peccato omissionis, ut in superiori quaestione (art. praec.) habitum est.

Ad primum ergo dicendum, quod voluntate producit non solum aclus interior quem voluntas elicit, sed etiam aclus exterior quem voluntas imperat; & ita etiam hoc ipsum quod exteriori aclus peccatur, voluntate peccatur.

Ad secundum dicendum, quod peccatum dicitur esse voluntas, non quod tota essentia peccati sit in aclus voluntatis, sed quia totum peccatum consistit in voluntate sicut in radice.

Ad tertium dicendum, quod ex voluntate est quod aliquis aclus sit laudabilis, seu meritorius, & virtuosus, vel culpabilis, & demeritorius, & vitiosus. Et ideo quaelibet virtus, & vitium dicitur esse habitus mentis, & voluntatis; non quia ad aclus virtutis, & vitii pertineant etiam exteriores aclus, sed quia non sunt aclus virtutis, & vitii, nisi secundum quod a voluntate mentis imperantur.

Ad quartum dicendum, quod sola voluntas dicitur remunerari, vel condemnari, quia nihil condemnatur, vel remuneratur nisi per hoc quod est a voluntate.

Ad quintum dicendum, quod in aclus animae illud quo posito, vel remoto nihilominus alterum manet, non semper se habet

accidentaliter, sed materialiter quandoque. Semper enim illud quod est ratio alterius, se habet ad illud sicut formale ad materialem; puta, in aclus sensus color videtur per lumen, & se habet ut materiale ad lumen, quod potest videri etiam sine colore, licet color non possit videri sine lumine. Et similiter in aclus voluntatis finis est ratio volendi id quod est ad finem: unde finis est appetibilis etiam sine eo quod est ad finem, & tamen id quod est ad finem, non accidentaliter se habet ad appetibile, sed materialiter. Et similiter est intelligendum de principio, & conclusione: quia principium potest intelligi sine conclusione, sed non e converso. Quia ergo aclus voluntatis est ratio quare aclus exterior sit culpabilis, quantum ad hoc quod est esse peccatum culpabile, aclus voluntatis se habet ut formale ad aclus exteriorem, & aclus exterior se habet non accidentaliter, sed materialiter ad tale peccatum.

Ad sextum dicendum, quod illius aclus cuius manu aliquid uteretur ad occidendum, esset quidem aclus inordinatus, sed non haberet rationem culpae, nisi per comparisonem ad illum qui utitur alterius manu. Et similiter aclus exterior membri habet deformitatem, sed non habet rationem culpae, nisi per hoc quod est a voluntate. Unde si essent duae personae voluntas, & manus, manus non peccaret; sed voluntas peccaret non solum per aclus proprium, qui est velle, sed etiam per aclus manus qua utitur. Nunc autem unus homo est cuius est uterque aclus, & pro utroque punitur.

Et per hoc patet solutio ad septimum.

Ad octavum dicendum, quod si quaeratur, utrum tantum peccet qui sola voluntate peccat, quantum qui peccat voluntate, & aclus; dicendum est, quod hoc potest contingere dupliciter. Uno modo ita quod sit aequalitas ex parte voluntatis; alio modo ita quod non sit aequalitas. Contingit autem inaequalitatem voluntatis esse tripliciter. Uno modo secundum (a) numerum; puta, si aliquis uno motu voluntatis vult peccare, & cum non habeat opportunitatem, transit voluntatis motus: in alio autem qui primo habet motum voluntatis, postmodum opportunitatem habens, iteratur voluntatis aclus; & sic est in eo duplex mala voluntas, una sine aclus, & alia cum aclus. Alio modo potest attendi inaequalitas quantum ad modum; puta, si unus habens voluntatem peccandi, sciens se non

non habere opportunitatem, desistit a tali motu voluntatis; alius autem sciens se habere facultatem peccandi continuat voluntatis motum quousque ad actum perveniat. Tercio modo contingit inaequalitatem voluntatis esse quantum ad intentionem: sunt enim aliqui actus peccati delectabiles, in quibus voluntatis augetur quasi remoto freno rationis, quae ante actum aliquoties remurmurabat. Qualitercumque autem sit inaequalitas voluntatis, & inaequalitas peccati. Si autem sit omnino aequalitas ex parte voluntatis, sic distinguendum videtur in peccato sicut in merito. Qui enim habet voluntatem dandi eleemosynam, & non dat, quia non habet facultatem, tantumdem meretur, quantum si daret per comparationem ad primum essentiale, quod est gaudium de Deo: hoc enim primum respondet caritati, quae ad voluntatem pertinet; sed per comparationem ad primum accidentale, quod est gaudium de quocumque bono creato, magis meretur qui non solum vult dare, sed dat: gaudebit enim, non solum quia dare voluit, sed quia dedit, & ex omnibus bonis quae ex illa datione proveniunt. Et similiter si consideretur quantitas demeriti per comparationem ad poenam essentialem, quae consistit in separatione a Deo, & dolore exinde proveniente, non minus demeretur qui sola voluntate quam qui voluntate, & actu peccat: quia haec poena est contemptus Dei, qui respicit voluntatem; sed quantum ad poenam secundariam, quae est dolor de quocumque alio malo, sic magis demeretur qui actu, & voluntate peccat: habebit enim dolorem non solum de eo quod male voluit, sed etiam de eo quod male fecit, & de omnibus malis quae de eius maleficio proveniunt. Unde & poenitens qui poenam futuram poenitendo praevinit, de omnibus talibus dolet. Quod ergo dicitur, quod quantum additum quanto, facit maius, intelligendum est ubi utrumque dicitur quantum secundum eandem rationem; sed ubi unum est ratio alterius quod sit quantum, hoc non oportet; sicut si lignum est longum, erit linea longa, nec oportet quod lignum cum linea sit longius quam linea, quia linea est ratio longitudinis ligno; sicut etiam dictum est, quod actus exterior habet rationem culpae ab actu voluntatis. Quod vero dicitur, *Quantum intendis, tantum facis*, habet locum in malis: quia si aliquis intendat peccare mortaliter, etiam si committat actum qui de genere suo est peccatum veniale, vel nullum, mortaliter peccat: quia conscientia erronea ligat. Si vero

aliquis intendat opus meritorium facere committens aliquid quod de genere suo est peccatum mortale, non meretur: quia conscientia erronea non excusat. Si tamen habet intentionem comprehendatur non solum intentio finis, sed voluntas operis, sic verum est in bono, & in malo, quod quantum aliquis intendit, tantum facit. Qui enim vult occidere sanctos, ut obsequium praestet Deo, aut qui vult facere furtum, ut det eleemosynam, videtur quidem habere intentionem bonam, sed voluntatem malam. Et propter hoc si sub intentione etiam voluntas comprehendatur, ut totum intentio nominetur, erit etiam intentio mala.

Ad nonum dicendum, quod nullus meretur, nec demeretur pro habitu, sed pro actu: unde contingit quod aliquis est sic fragilis, quod si tentatio sibi superveniret, peccaret; qui tamen si tentatio non superveniat, actu non peccat. Nec propter hoc demeretur: quia, ut Augustinus dicit (in Lib. de praedest. sanctorum cap. x. & de bono perseverantiae cap. x. in princ.) non punitur aliquis a Deo pro eo quod facturus esset, sed pro eo quod facit. Licet ergo opportunitatem peccati habere, vel non habere, non sit in potestate peccantis; tamen uti oportunitate habita, vel non uti, est in potestate ipsius. Et ex hoc peccat, & peccatum eius augetur.

Ad decimum dicendum, quod omne peccatum non est in aliis actibus, nisi in quantum sunt a voluntate: propter hoc per peccatum principaliter privatur id quod est in voluntate.

Ad undecimum dicendum, quod omne quod comparatur ad alterum ut ratio eius, se habet ad ipsum sicut forma ad materiam: unde ex duobus sit unum, sicut ex materia & forma. Et propter hoc color, & lumen sunt unum visibile, quia color est visibilis propter lumen. Et similiter cum actus exterior habet rationem peccati ab actu voluntatis, idem peccatum est actus voluntatis, & actus exterior coniunctus; sed si aliquis primo velit tantum, & postea volens faciat, sunt duo peccata, quia iteratur voluntatis actus. Quando autem ex duobus sit unum, nihil prohibet illorum duorum unum alterius causam esse. Et sic actus voluntatis, est actus exterioris causa, sicut & actus superioris virtutis est causa actus inferioris, & semper formaliter se habet ad ipsum.

Ad duodecimum dicendum, quod in utroque actu, interiori, & exteriori, consistit deformitas peccati; sed tamen una deformitas

E a est

est utriusque: quod ideo est, quia in uno eorum causatur deformitas ex alio.

Ad decimumtertium dicendum, quod in essentia actuum exteriorum dicitur nulla consistere iustitia: quia actus exteriores non pertinent ad genus moris, nisi secundum quod sunt voluntarii.

Ad decimumquartum dicendum, quod reatus, id est obligatio ad poenam, est quidam effectus consequens ad peccatum: unde cum dicitur, quod peccatum transit actu, & manet reatu, idem est ac si diceretur, quod transit per suam essentiam, & manet in effectu.

ARTICULUS III.

Utrum peccatum principaliter consistat in actu voluntatis.

Tertio quaeritur, utrum peccatum principaliter consistat in actu voluntatis. Et videtur quod non. Denominatio enim fit a principali, ut dicitur II. de Anima (com. xlix.) Sed peccatum denominatur ab exteriori actu, ut cum dicitur furtum, vel homicidium. Non ergo peccatum principaliter consistit in actu voluntatis.

2. Praeterea. Actus voluntatis non potest esse malus: quia ipsa potentia voluntatis bona est; nec potest arbor bona fructus malos facere, ut dicitur Matth. vii. 18. Ergo peccatum non consistit principaliter in actu voluntatis.

3. Praeterea. Anselmus dicit in Lib. de casu diaboli (cap. vii. & xii.) *Non est malum motus voluntatis, sed voluntas, vel movens voluntatem.* Motus autem voluntatis est actus ipsius. Ergo peccatum non consistit principaliter in actu voluntatis.

4. Praeterea. Quae necessitate sunt, non sunt voluntate. Sed Augustinus dicit (Lib. I. de lib. arb. cap. xii.) quod quaedam necessitate facta, sunt improbanda, & ita sunt peccata. Non ergo principaliter peccatum in voluntate consistit.

5. Praeterea. Roman. vii. dicit Glossa (interlin. super illud, *Quod inhabitat in me peccatum*) quod omne peccatum est ex concupiscentia: quae quidem non est in voluntate, sed in vi concupiscibili. Non ergo peccatum principaliter consistit in voluntate.

6. Praeterea. Infectio potentialium animae non est nisi per peccatum. Sed dicitur, quod concupiscibilis inter alias vires est maxime

infecta. Ergo in ea principaliter consistit peccatum: non ergo in voluntate.

7. Praeterea. Potentiae appetitivae consequenter se habent ad apprehensivas. Sed apprehensivae intellectivae partis accipiunt ab apprehensivis partis sensitivae. Ergo & appetitivae superiores ab appetitivis inferioribus; & sic peccatum per prius videtur consistere in actu appetitivae in inferioribus, quae est irascibilis, & concupiscibilis, quam in actu voluntatis.

8. Praeterea. Propter quod numquodque, & illud magis, ut dicitur in I. Posteriorum (com. v.) Sed actus voluntatis est malus, quia actus exterior est malus: ideo enim vel le furari est malum, quia furari malum est. Non ergo per prius est peccatum in actu voluntatis.

9. Praeterea. Voluntas tendit in bonum sicut in suum obiectum: unde semper est vel veri boni, & tunc non est peccatum; vel apparentis boni non existentis, & tunc est peccatum. Sed quod appareat aliquid bonum non existens, est ex vitio intellectus, vel alterius apprehensivae virtutis. Non ergo principaliter consistit peccatum in voluntate.

Sed contra est quod Augustinus dicit in Lib. de liber. arbit. (I. cap. xii. circa finem.) *Certum est in omni malefaciendi genere libidinem dominari.* Libido autem ad voluntatem pertinet. Ergo principaliter peccatum in voluntate consistit.

Respondeo dicendum, quod quaedam peccata sunt, in quibus actus exteriores non sunt secundum se mali, sed secundum quod ex corrupta intentione, vel voluntate procedunt; puta, cum quis vult dare elemosynam propter inanem gloriam; & in huiusmodi peccatis manifestum est quod omnibus modis peccatum principaliter consistit in voluntate. Quaedam autem peccata sunt in quibus exteriores actus sunt secundum se mali, sic, ut patet in furto, adulterio, homicidio, & similibus; & in istis duplici distinctione opus esse videtur. Quarum prima est, quod principaliter dicitur, scilicet primordialiter, & complete. Altera distinctio est, quod actus exterior dupliciter considerari potest: uno modo secundum quod est in apprehensione secundum suam rationem; alio modo secundum quod est in operis executione. Si ergo consideretur actus secundum se malus, puta furtum, vel homicidium, prout est in apprehensione secundum suam rationem, sic primordialiter in ipso invenitur ratio mali: quia non est vestitus debitis circumstantiis, & ex

& ex hoc ipso quod est actus malus, id est privatus debito modo, specie, & ordine, habet rationem peccati. Sic enim in consideratione comparatur ad voluntatem ut obiectum, prout est volutus. Sicut autem actus sunt praevis potentis, ita & obiecta actibus: unde primordialiter invenitur ratio mali, & peccati in actu exteriori sic considerato, quam in actu voluntatis; sed ratio culpae, & moralis mali completur secundum quod accedit actus voluntatis: & sic complete malum culpae est in actu voluntatis; sed si accipiat actus peccati secundum quod est in executione operis, est primordialiter & per prius est culpa in voluntate. Ideo autem diximus per prius esse malum in actu exteriori quam in voluntate, si actus exterior in apprehensione consideretur; & converso autem, si consideretur in executione operis: quia actus exterior comparatur ad actum voluntatis ut obiectum quod habet rationem finis. Finis autem est posterior in esse, sed prior in intentione.

Ad primum ergo dicendum, quod actus habet speciem ab obiecto: & propter hoc peccatum denominatur ab actu exteriori secundum quod comparatur ad ipsum ut obiectum.

Ad secundum dicendum, quod voluntas secundum suam naturam est bona, unde & actus eius naturalis semper est bonus: & dico actum naturalem voluntatis, prout homo vult felicitatem naturaliter, esse, vivere, & beatitudinem. Si autem loquamur de bono morali, sic voluntas secundum se considerata nec est bona, nec mala; sed se habet in potentia ad bonum, vel malum.

Ad tertium dicendum, quod Anselmus loquitur quando actus exterior est secundum se malus: tunc enim motus voluntatis accipit rationem mali ex movente, id est ex ipso actu inquantum est obiectum.

Ad quartum dicendum, quod necessitas coactionis absolute repugnat voluntario; & talis necessitas omnino excludit culpam. Est tamen quædam necessitas mixta voluntario, puta cum nauta cogitur mercem in mare proicere, ut vitet submersionem navis: & ea quæ ex tali necessitate fiunt, possunt habere rationem culpæ, inquantum habent aliquid de voluntario. Sunt enim huiusmodi facta magis voluntaria quam involuntaria, ut Philosophus dicit in III. Ethic. (cap. iv.)

Ad quintum dicendum, quod quandoque sub inordinata concupiscentia etiam voluntas includitur; sed si accipiat concupiscentia etiam secundum quod pertinet ad vim

concupiscentiam, peccatum dicitur oriri ex concupiscentia, non quod in ipsa concupiscentia sit principaliter peccatum, sed quia est incitativum ad peccandum. Principaliter autem est peccatum in voluntate, secundum quod male concupiscentia consentit.

Ad sextum dicendum, quod concupiscentia dicitur esse maxime infecta quantum ad transfusionem peccati originalis a parentibus in posteros; sed hæc ipsa infectio processit ab inordinata voluntate primi parentis.

Ad septimum dicendum, quod actus apprehensionis in nobis, qui scientiam a rebus accipimus, est secundum motum a rebus ad animam. Viciniores autem sunt rebus sensibilibus sensus quam intellectus; & ideo sequitur quod sicut sensus recipit a rebus sensibilibus, ita intellectus a sensibus. Actus autem appetitive virtutis est secundum motum ab anima ad res: & ideo e converso naturaliter ab appetitu superiori procedit motus ad appetitum inferiorem, ut dicitur in III. de Anima (com. liv. & lvi.)

Ad octavum dicendum, quod actus interior dicitur esse malus propter actum exteriorem, sicut propter obiectum; tamen culpa completur in actu interiori.

Ad nonum dicendum, quod id quod non est vere bonum, apparet bonum dupliciter. Quandoque quidem ex vitio intellectus, sicut cum habet falsam opinionem aliquis de aliquo agendo, ut patet in eo qui putat fornicationem non esse peccatum, vel etiam in eo qui non habet usum rationis: & talis defectus ex parte intellectus proveniens dimittit culpam, vel totaliter excusat. Aliquando autem non est defectus ex parte ipsius intellectus, sed magis ex parte voluntatis: qualis enim est unusquisque, talis & finis videtur ei, ut dicitur III. Ethic. (cap. v.) Experimento enim cognoscimus quod aliter videtur nobis bonum aliquid, vel malum circa ea quæ amamus, & ea quæ odimus. Et ideo cum aliquis est inordinate affectus ad aliquid, impeditur iudicium intellectus in particulari eligibili ex inordinata affectione. Et sic principaliter vitium est non in cognitione, sed in affectione. Et ideo qui sic peccat, non dicitur ex ignorantia peccare, sed ignorans, ut dicitur in I. Ethicor. (cap. i. a med.)

ARTICULUS IV.

Utrum omnis actus sit indifferens.

Quarto quaeritur, utrum omnis actus sit indifferens. Er videtur quod sic. Dicit enim Anselmus in Libr. de conceptu virginali (cap. iv. ante med.) *In bonum, id est actuum, essentia nulla est iniustitia, & eadem ratione nulla iniustitia.* Sed ille actus dicitur indifferens in quo neque est iustitia, neque iniustitia. Ergo omnes actus sunt indifferentes.

2. Præterea. Quod est secundum se bonum, non potest esse malum: quia quod per se inest alicui, inest ei ex necessitate. Sed non est aliquis actus qui non possit male fieri, etiam hoc ipsum quod est Deum diligere, ut patet in eo qui diligit Deum propter temporalia. Ergo nullus actus est secundum se bonus, & pari ratione neque secundum se malus. Omnis ergo actus secundum se est indifferens.

3. Præterea. Cum bonum, & ens convertantur, ab eodem habebit aliquid quod sit bonum, & quod sit ens. Sed actus habet esse morale a voluntate: si enim non sit voluntarius, non est actus moralis. Ergo & bonitatem moralem, & malitiam habet a voluntate. Ergo secundum se neque est bonus, neque malus, sed indifferens.

4. Sed dicendum, quod licet actus habeat quod sit moralis, inquantum est voluntarius, quod est quoddam commune; tamen hoc speciale, quod est esse bonum, vel esse malum, habet secundum se. Sed contra. Bonum, & malum sunt differentiae actuum moralium. Sed differentiae per se dividunt genus; & sic oportet quod non ad aliud referantur differentiae quam genus. Si ergo hoc commune quod est esse morale, habet actus a voluntate, ab eadem etiam voluntate habebit quod sit bonus, vel malus; & sic secundum se est indifferens.

5. Præterea. Actus moralis dicitur bonus, inquantum est debitis circumstantiis vestitus; malum autem, inquantum vestitus indebitis circumstantiis. Sed circumstantiae, cum sint accidentia actus, sunt præter speciem ipsius. Cum ergo illud dicatur alicui secundum se convenire quod convenit ei secundum suam speciem, videtur quod actus secundum se nec sit bonus, nec malus, sed indifferens.

6. Præterea. Sicut album, & nigrum invenitur in eadem specie hominis; ita bonum, & malum in eadem specie actus. Non

enim differt specie accedere ad suam, & ad non suam, quod ex effectu apparet: utrobique enim nascitur homo: & tamen unum eorum est bonum, aliud malum. Sed album, & nigrum non per se conveniunt homini. Ergo neque bonum, & malum per se conveniunt actui; & ita omnis actus secundum se consideratus est indifferens.

7. Præterea. Ea quæ per se infunt, non variantur circa aliquid idem numero; sicut non est idem numerus par, & impar. Sed unum & eundem actum numero contingit esse bonum, & malum: est enim unus numero actus qui est continuus. In actu autem continuato contingit primo bonum, & postea malum inveniri, aut e converso: puta, si aliquis incipiat ire ad Ecclesiam ex mala intentione, & in processu itineris convertatur eius intentio in bonum. Ergo bonum, & malum non per se conveniunt actui; & ita quilibet actus de se est indifferens.

8. Præterea. Malum inquantum malum, est non ens. Sed non ens non potest esse de substantia alicuius entis. Ergo cum actus sit quoddam ens, non potest aliquis actus secundum se esse malus, & per consequens nec bonus: quia bonus actus malo contrariatur. Contraria autem sunt unius generis. Ergo idem quod prius.

9. Præterea. Actus bonus dicitur, vel malus ex ordine ad finem. Sed actus non accipit speciem a fine: quia sic quoscunque actus contingeret esse eiusdem speciei, cum diversos actus ad unum finem ordinari contingeret. Ergo malum, & bonum non pertinent ad speciem actus; & sic actus secundum se considerati nec sunt boni, nec mali, sed indifferentes.

10. Præterea. Bonum, & malum non solum in actibus inveniuntur, sed etiam in aliis rebus. In aliis autem non diversificantur speciem. Ergo neque in actibus: & sic actus secundum se non sunt boni, nec mali.

11. Præterea. Actus morales boni, dicuntur actus virtuosus; actus autem mali, actus vitiosus. Virtus autem, & vitium sunt in genere habitus. Ergo quod actus sit bonus, vel malus, habet ex alio genere, & non secundum seipsum.

12. Præterea. Prius non dependet a proprietatibus posterioris. Sed actus est prior naturaliter quam moralis: quia omnis actus moralis est actus, sed non convertitur. Cum ergo bonum, & malum sint proprietates moris, non secundum se convenient actui inquantum est actus,

13. Præterea. Quod naturaliter est tale, semper, & ubique tale est. Sed iusta, & bona non semper, & ubique talia sunt: quædam enim iustum est fieri in uno loco, ac tempore, quæ non est iustum fieri in alio. Nihil est ergo naturaliter iustum, aut bonum, & per consequens neque iniustum, aut malum. Ergo omnis actus secundum se est indifferens.

Sed contra est quod Augustinus dicit in Lib. de sermone Domini in monte (II. cap. xxviii. parum a princ.) quod quædam sunt quæ non possunt bono animo fieri, sicut sunt stupra, blasphemiz, & huiusmodi, de quibus nobis iudicare permittitur. Non ergo omnes actus sunt indifferentes.

Respondeo dicendum, quod circa hoc apud antiquos Doctores fuit diversa opinio. Quidam enim dixerunt, omnes actus de se esse indifferentes; quod alii negaverunt, dicentes, quosdam actus esse per se bonos, & quosdam per se malos. Ad huius autem veritatis investigationem considerandum est, quod bonum importat quædam perfectionem, cuius perfectionis privatio malum est, ut utamur large nomine perfectionis, secundum quod in se comprehendit convenientiam mensuram, & formam, & ordinem. Unde Augustinus in Lib. de natura boni (cap. xxvi. & xxvii.) constituit rationem boni in modo, specie, & ordine, & in horum privatione rationem mali. Manifestum est autem quod non est eadem perfectio propria omnium, sed diversa diversorum; sive accipiat diversitas quæ est inter diversas species, ut inter equum & bovem, quorum est diversa perfectio; sive inter genus & speciem, ut inter animal & hominem: aliquid enim pertinet ad perfectionem hominis quod non pertinet ad perfectionem animalis. Unde aliter oportet accipere bonum animalis, & bonum hominis, equi, & bovis: & idem dicendum est de malo. Manifestum est enim quod non habere manus in homine est malum, non autem in equo, aut bove, aut etiam in animali inquantum est animal: & similiter dicendum est in actibus de bono, & malo. Nam alia est consideratio boni, & mali in actu secundum quod est actus, & in diversis specialibus actibus. Nam si consideremus actum inquantum est actus, bonitas eius est ut sit quædam emanatio secundum virtutem agentis: & ideo secundum diversitatem agentium, diversimode accipitur bonum, & malum in actibus. In rebus autem naturalibus actus bonus est qui est secundum convenientiam naturæ agentis, ma-

lus autem qui non convenit naturæ agentis: & sic contingit de uno & eodem actu diversimode iudicari secundum comparisonem ad diversa agentia. Nam hoc quod est moveri sursum, si comparatur ad ignem, est bonus actus, quia est ei naturalis; si autem comparatur ad terram, est malus actus, quia est contra naturam eius; si vero comparatur ad corpus mobile in communi, non habet rationem nec boni, nec mali. Loquimur autem nunc de actibus hominis: unde bonum, & malum in actibus, secundum quod nunc loquimur, est accipiendum secundum id quod est proprium hominis inquantum est homo. Hæc autem est ratio, unde bonum, & malum in actibus humanis consideratur, secundum quod actus concordat rationi informatae lege divina vel naturaliter, vel per doctrinam, vel per infusionem: unde Dionysius ait xv. cap. de divin. Nomin. quod animæ malum est præter rationem esse, corpori præter naturam. Sic ergo si esse secundum, vel præter rationem pertinet ad speciem actus humani, oportet dicere quod aliqui actus humani sunt secundum se boni, & aliqui secundum se mali. Dicimus enim per se convenire alicui non solum quod convenit ei ratione sui generis, sed etiam quod convenit ei ratione suæ speciei; sicut rationale, & irrationale per se insunt animalibus ratione suarum specierum, licet non ratione huius generis quod est animal: non enim animal, inquantum est animal, est rationale, vel irrationale. Si vero esse præter rationem, vel secundum rationem, non pertinet ad speciem actus humani, sequitur quod actus humani per se nec boni, nec mali sunt, sed indifferentes; sicut homines per se nec albi, nec nigri sunt. Hoc est ergo ex quo veritas huius questionis dependet. Ad cuius evidentiam considerandum est, quod cum actus recipiat speciem ab obiecto, secundum aliquam rationem obiecti specificabitur actus comparatus ad unum activum principium, secundum quam rationem non specificabitur comparatus ad aliud. Cognoscere enim colorem, & cognoscere sonum sunt diversi actus secundum speciem, si ad sensum referantur: quia hæc secundum se sensibilia sunt, non autem si referantur ad intellectum: quia ab intellectu comprehenduntur sub una communi ratione obiecti, scilicet entis, aut veri. Et similiter sentire album, & nigrum differt specie, si referatur ad visum, non si referatur ad gustum. Ex quo potest accipi quod actus cuiuslibet potentiz specificatur secundum id quod per se pertinet ad illam pot-

potentiam, non autem secundum id quod pertinet ad eam solum per accidens. Si ergo obiecta humanorum actuum considerentur quae habeant differentias secundum aliquid per se ad rationem pertinens, erunt actus specie differentes, secundum quod sunt actus alius alterius potentiae; sicut cognoscere mulierem suam, & cognoscere mulierem non suam, sunt actus habentes obiecta differentia secundum aliquid ad rationem pertinens: nam suum, & non suum determinantur secundum regulam rationis: quae tamen differentiae per accidens se habent, si comparentur ad vim generativam, vel etiam ad vim concupiscibilem. Et ideo cognoscere suam, & cognoscere non suam, specie differunt secundum quod sunt actus rationis, non autem secundum quod sunt actus generativae, aut concupiscibilis. Infantum autem sunt actus humani, inquantum sunt actus rationis. Sic ergo patet quod differunt specie, inquantum sunt actus humani. Patet ergo quod actus humani ex specie sua habent quod sint boni, vel mali. Et ideo simpliciter dicendum est, actus aliquos humanos esse secundum se bonos, vel malos, & non omnes esse indifferentes; nisi forte secundum quod considerantur in suo genere tantum. Sicut enim dicitur, quod animal inquantum est animal, neque rationis, neque irrationale est; ita potest dici, quod actus humanus inquantum est actus, nondum habet rationem boni, vel mali moralis, nisi aliquid addatur ad speciem contrahens: licet etiam ex hoc ipso quod est actus humanus, & ulterius ex hoc quod est ens, habeat aliquam rationem boni, sed non huius boni moralis, quod est secundum rationem esse, de quo nunc agimus.

Ad primum ergo dicendum, quod Anselmus loquitur de actibus secundum rationem generis, & non secundum rationem speciei.

Ad secundum dicendum, quod illud quod consequitur speciem alius, semper (a) inest ei. Cum ergo actus hominis speciem consequatur ex ratione obiecti, secundum quam est bonus, vel malus; actus sic specificatus in bono, nunquam potest esse malus, nec specificatus in malo, umquam potest esse bonus. Contingit tamen actui secundum se bono adiungi aliquid alium actum malum secundum aliquem ordinem: & secundum illum actum malum bonus aliquando dicitur maleficari, non quod in se ipso sit malus; sicut dare eleemosynam pauperi, vel dilige-

re Deum est actus secundum se bonus; sed referre actum huiusmodi ad finem aliquem inordinatum, scilicet cupiditatis, aut inanis gloriae, est quidam alius actus malus; qui tamen duo actus quodam ordine in unum rediguntur. Bonum autem, ut Diorysius dicit (cap. iv. de divin. Nomin. parte 4.) est ex tota & integra causa, malum autem ex singularibus defectibus. Et ideo quidquid horum sit malum, sive actus, sive inordinatio actus in finem, totum iudicatur malum. Non autem totum iudicatur bonum, nisi utrumque fuerit bonum; sicut nec iudicatur homo pulcher, nisi omnia eius membra fuerint decora; turpis autem iudicatur, etiam si unum eius membrum fuerit deforme. Et inde est quod actus malus non potest bene fieri: ex quo enim actus malus est, non potest esse integrum bonum: sed actus bonus potest male fieri: quia non requiritur quod sit integrum malum, sed sufficit quod sit particulariter malum.

Ad tertium dicendum, quod esse voluntarium pertinet ad rationem actus humani, inquantum est actus humanus: unde quod inest ei inquantum est voluntarium, sive secundum genus, sive secundum differentiam, non inest ei per accidens, sed per se.

Per quod patet solutio ad quartum.

Ad quintum dicendum, quod circumstantiae se habent ad actus morales, sicut accidentia quae sunt praeter rationem speciei ad res naturales. Actus autem moralis, sicut dictum est, recipit speciem ab obiecto secundum quod comparatur ad rationem: & ideo dicitur communiter, quod actus quidam sunt boni, vel mali ex genere; & quod actus bonus ex genere, est actus cadens supra debitam materiam, sicut pascere elurentem; actus autem malus ex genere est qui cadit supra indebitam materiam, sicut subtrahere aliena: materia enim actus dicitur obiectum ipsum. Sed supra hanc bonitatem, vel malitiam potest supervenire alia bonitas, vel malitia ex aliquo extrinseco, quod vocatur circumstantia; sicut ex loco, vel tempore, aut conditione agentis, aut huiusmodi; puta, si subtrahat non suus ex loco sacro, vel propter indigentiam, aut aliquid huiusmodi. Et licet huiusmodi bonitas, vel malitia non per se conveniat actui morali secundum quod in sua specie consideratur; aliqua tamen bonitas, vel malitia convenit ei secundum suam speciem: quia, sicut supra dictum est (in corp. art.) secundum diversas per-

lectiones est diversa ratio bonitatis.

Ad sextum dicendum, quod in eadem specie actus moralis potest esse bonum, & malum ex circumstantia; sicut in eadem specie hominis potest esse album, & nigrum. Sed tamen actus qui secundum se sunt boni, differunt specie ab actibus qui sunt secundum se mali, prout sunt actus morales, licet forte non differant specie, prout sunt actus naturales, ut patet de his duobus actibus, cognoscere suam, & cognoscere non suam.

Ad septimum dicendum, quod nihil prohibet aliquid esse idem numero secundum unum genus, quod tamen secundum aliud genus non solum numero, sed specie differat; sicut si sit aliquod corpus continuum in una parte album, & in alia parte nigrum, est unum numero inquantum est continuum, sed differt non solum numero, sed specie inquantum est coloratum. Et similiter si in aliquo actu continuo, primo feratur intentio ad bonum, postea ad malum, sequitur quod sit unus actus numero secundum suam naturam, sed tamen differt specie, secundum quod est in genere moris; licet etiam dici possit, quod ille actus semper retinet vel bonitatem, vel malitiam quam habet ex sua specie, licet possit circa eundem actum variari intentionis actus secundum diversos fines.

Ad octavum dicendum, quod sicut in naturalibus privatio consequitur aliquam formam, sicut ad formam aquae consequitur privatio formae ignis; ita in moralibus ad positionem alicuius modi, vel speciei, vel ordinis, sequitur privatio debiti modi, aut speciei, vel ordinis. Et ita ex eo quod positive in actu invenitur, recipit actus speciem; sed ex privatione consequente dicitur malus: & sicut per se convenit aquae non esse ignem, ita per se convenit tali actui, & secundum suam speciem esse malum.

Ad nonum dicendum, quod duplex est finis, proximus, & remotus. Finis proximus actus idem est quod obiectum, & ab hoc recipit speciem. Ex fine autem remoto non habet speciem; sed ordo ad talem finem est circumstantia actus.

Ad decimum dicendum, quod bonum habet rationem finis: unde finis inquantum humilmodi, est obiectum voluntatis. Et quia moralia a voluntate dependent, inde est quod bonum, & malum in moralibus specie differunt; non autem sic est in aliis.

Ad undecimum dicendum, quod aliqui actus dicuntur virtuosus, vel vitiosus, non solum ex hoc quod procedunt ex habitu virtutis, vel vitii, sed quia sunt similes illis actibus

S. Th. Oper. Tom. XP.

qui a talibus habitibus procedunt. Unde etiam aliqui antequam habeat virtutem, operatur actum virtuosum; aliter tamen postquam habet virtutem. Nam antequam habeat virtutem, operatur quidem iusta, sed non iuste, & casta, sed non caste; sed postquam habet virtutem, operatur iusta iuste, & casta caste, ut patet per Philosophum II. Ethic. (cap. 19.) Sic ergo patet quod triplex est gradus bonitatis, & malitiae in actibus moralibus. Primo quidem secundum suum genus, & speciem, per comparisonem ad obiectum, sive materiam; secundo ex circumstantia; tertio vero ex habitu informantem.

Ad duodecimum dicendum, quod ratio procedit de actu secundum rationem generis, ex qua non habet bonitatem, vel malitiam moralem; habet tamen secundum speciem, sicut dictum est (in corp. art.)

Ad decimumtertium dicendum, quod iusta, & bona possunt dupliciter considerari. Uno modo formaliter; & sic semper, & ubique sunt eadem: quia principia iuris, quae sunt in naturali ratione, non mutantur. Alio modo materialiter; & sic non sunt eadem iusta, & bona ubique, & apud omnes; sed oportet ea, lege determinari. Et hoc contingit propter mutabilitatem naturae humanae, & diversas conditiones hominum, & rerum, secundum diversitatem locorum, & temporum; sicut hoc semper est iustum quod in emptione, & venditione fiat commutatio secundum aequivalentes; sed pro mensura frumenti iustum est ut in tali loco, vel tempore tantum detur, & in alio loco, vel tempore non tantum, sed plus, vel minus.

ARTICULUS V.

Utrum aliqui actus sint indifferentes.

Quinto quaeritur, utrum aliqui actus sint indifferentes. Et videtur quod non. Ens enim, inquantum est ens, est bonum: enti autem opponitur non ens, bono vero malum. Sed inter ens & non ens nihil est medium. Ergo nec inter bonum & malum. Necessse est ergo omnes actus esse bonos, vel malos, & nullum indifferentem.

2. Sed dicendum, quod ens, & bonum non convertuntur in genere moris, sed in genere naturae; & sic non oportet quod bonum, & malum in genere moris sint immediata. Sed contra. Maius bonum est bonum moris quam bonum naturae. Ergo maiorem habet oppositionem ad malum. Si ergo bonum

F. num

num naturæ immediate opponitur malo, multo magis bonum moris.

3. Præterea. Malum non opponitur bono contrarie, quia malum nihil ponit, sed opponitur ei privative. Privative autem opposita non habent medium circa proprium susceptibile: proprium autem susceptibile boni, & mali moralis est actus humanus. Ergo omnis actus humanus est bonus, vel malus, & nullus indifferens.

4. Præterea. Actus humanus est a voluntate deliberata. Voluntas autem deliberata semper agit propter finem. Ergo omnis actus humanus est propter finem. Finis autem omnis aut est bonus, aut malus: qui autem est ad bonum est bonus; qui vero ad malum, est malus. Ergo omnis actus humanus vel est bonus, vel malus, & nullus indifferens.

5. Præterea. Omnis operatio humana vel est uti, vel frui. Quicumque autem utitur, aut recte utitur, aut perversè, quod est abuti: & similiter quicumque fruitor, aut Deo fruitor, quod est bonum, aut creatura, quod est malum. Ergo omnis actus humanus vel est bonus, vel malus.

6. Præterea. Ut Augustinus dicit in Lib. lxxxiii. Quæst. (quæst. xlv.) in natura nullus actus est casualis: habet enim quilibet actus causas occultas, licet nobis ignotas. Sed sicut est casuale in natura, ita videtur esse indifferens in moralibus, quod est præter intentionem boni, vel mali. Ergo nullus actus moralis est indifferens.

7. Præterea. Omnis actus procedens a voluntate informata caritate est meritorius; omnis vero actus procedens a voluntate non informata caritate est demeritorius: quia omnes tenentur ad conformandum voluntatem suam voluntati divinæ, præcipue quantum ad modum volendi, ut ex caritate velit quæ vult, sicut & Deus; quod non potest observare qui caritatem non habet. Ergo quilibet actus est meritorius, vel demeritorius, & nullus est indifferens.

8. Præterea. Nullus damnatur nisi pro culpa. Sed aliquis damnatur propter hoc quod non habet caritatem, ut patet Matth. xxii. de illo qui exclusus est a nuptiis, propter hoc quod non habuit vestem nuptialem, per quam caritas significatur. Ergo non habere caritatem est peccatum; & quicquid sit a non habente caritatem, est demeritorium; & sic idem quod prius.

9. Præterea. Philosophus dicit in VII. Ethic. quod actiones in moralibus sunt sicut conclusiones in syllogisticis, in quibus est

verum, & falsum, sicut & in moralibus bonum, & malum. Sed omnis conclusio est vera, vel falsa. Ergo omnis actus moralis est vel bonus, vel malus, & nullus indifferens.

10. Præterea. Gregorius VI. Moralium (cap. xii.) dicit, quod mali inde voluntatem peragunt, unde contrarie nituntur. Multo ergo magis illi qui non contrarie nituntur, Dei voluntatem peragunt. Peragere autem Dei voluntatem est bonum. Ergo sequitur quod omnis actus sit bonus, & nullus actus sit indifferens.

11. Præterea. Ad hoc quod aliquis sit actus meritorius in habente caritatem, non requiritur quod actu referatur in Deum, sed sufficit quod actu referatur in aliquem finem convenientem, qui habitu referatur in Deum; sicut si aliquis volens peregrinari propter Deum, emat equum, nihil actu de Deo cogitans, sed solum de via quam iam in Deum ordinaverat, hoc est enim meritorium. Sed constat quod ille qui habet caritatem, se, & omnia sua ordinavit in Deum, cui inhæret ut ultimo fini. Ergo quidquid ordinat vel ad se, vel ad quodcumque aliud sui, meritorie agit, etiam si actu de Deo non cogitet; nisi impediatur per aliquam inordinationem actus, qui non sit referibilis in Deum. Sed hoc non potest esse quia sit peccatum saltem veniale. Ergo omnis actus habentis caritatem vel est meritorius, vel est peccatum, & nullus indifferens: & eadem ratio videtur de aliis.

12. Sed dicendum, quod potest actus non esse meritorius, nec inordinatus ex hoc solo quod aliquis negligenter, & ex quadam subreptione non promptereferat in finem convenientem. Sed contra. Ipsa negligentia peccatum est, vel mortale, vel veniale: peccata etiam quadam venialia ex subreptione fiunt, ut patet præcipue in primis moribus concupiscentiæ. Ergo per hoc non excluditur quin sit peccatum veniale.

13. Præterea. Glossa Augustini (de fide & operibus cap. vi.) dicit I. Corinth. iii. quod lignum, fenum, & stipulam ædificat qui rebus concessis inhæret magis quam debet. Sed qui lignum, fenum, & stipulam ædificat, peccat; alias non puniretur igne. Ergo qui inhæret rebus concessis magis quam debet, peccat. Sed quicumque agit, vel inhæret rebus concessis, vel non concessis: si non concessis, peccat; si concessis magis quam debet, similiter peccat; si secundum quod debet, bene agit. Ergo omnis humanus actus vel est bonus, vel

vel malus, & nullus indifferens.

Sed contra est quod Augustinus dicit in Lib. de sermone Domini in monte (II. cap. xxviii.) quod quædam sunt facta media quæ possunt bono, & malo animo fieri, de quibus temerarium est iudicare.

Præterea. Philosophus dicit (in postprædicam. cap. de oppositis) quod bonum, & malum sunt contraria mediata. Ergo est aliquid medium inter bonum & malum, quod est indifferens.

Respondendo dicendum, quod, sicut supra (art. præced.) dictum est, actus moralis præter bonitatem, & malitiam quam habet ex sua specie, potest habere aliam bonitatem, vel malitiam ex circumstantiis, quæ comparantur ad actum moralem sicut accidentia quædam. Sicut autem genus consideratur in sua ratione sine differentiis, sine quibus non potest esse species; ita species consideratur secundum suam rationem sine accidentibus, sine quibus tamen non potest esse individuum. Non enim dicitur de ratione hominis esse album, vel esse nigrum, vel aliquid huiusmodi. Impossibile est tamen esse aliquid hominem singularem, quin sit albus, vel niger, vel aliquid huiusmodi. Sic ergo loquendo de actibus moralibus, secundum quod in suis speciebus considerantur, possunt dici boni, vel mali ex genere; sed bonitas, vel malitia quæ est ex circumstantiis, non convenit ei secundum suum genus, vel speciem; sed individuus actibustalis bonitas, vel malitia convenire potest. Si ergo loquamur de actu morali secundum suam speciem, sic non omnis actus moralis est bonus, vel malus, sed aliquis est indifferens: quia actus moralis speciem habet ex obiecto secundum ordinem ad rationem, ut supra (art. præced.) dictum est. Est autem aliquod obiectum quod importat aliquid conveniens rationi, & facit esse bonum ex genere, sicut vestire nudum; aliquid autem obiectum quod importat aliquid discordans a ratione, sicut tollere alienum, & hoc facit malum in genere; quoddam vero obiectum est quod neque importat aliquid conveniens rationi, neque aliquid a ratione discordans, sicut levare felleam de terra, vel aliquid huiusmodi; & huiusmodi dicitur indifferens. Et quantum ad hoc bene dixerunt qui actus dividerunt trifarie, dicentes, quosdam esse bonos, quosdam malos, quosdam indifferentes. Si vero loquamur de actu morali secundum individuum, sic quilibet particularis actus moralis necesse est quod sit bonus, vel malus propter aliquam circumstantiam. Non enim pot-

est contingere quod actus singularis sine circumstantiis fiat, quæ ipsum rectum faciant, vel indirectum. Si enim fiat quodcumque quando oportet, & ubi oportet, & sicut oportet &c. huiusmodi actus est ordinatus, & bonus; si vero aliquid horum deficiat, actus est inordinatus, & malus. Et hoc maxime considerari potest in circumstantia finis. Quod enim fit propter iustam necessitatem, vel propter piam utilitatem, laudabiliter fit, & bonus est actus; quod vero caret iusta necessitate, & pia utilitate, otiosum reputatur, ut Gregorius dicit (Lib. VII. Moral. cap. xxv. ante med.) Otiosum autem verbum est peccatum, & multo magis factum: dicitur enim Maith. xxi. 26. *Omne verbum otiosum quod locuti fuerint homines, reddent de eo rationem.* Sic ergo bonus actus, & malus actus ex genere, sunt opposita mediata, & est aliquis actus qui in specie consideratus est indifferens. Bonum autem, & malum ex circumstantia sunt immediata; quia distinguuntur secundum oppositionem affirmationis, & negationis, scilicet per hoc quod est secundum quod oportet, & non secundum quod oportet secundum omnes circumstantias. Hoc autem bonum, & malum est proprium actus singularis: & ideo nullus actus humanos singularis, est indifferens: & dico actum humanum qui est a voluntate deliberata. Si enim sit aliquis actus sine deliberatione procedens ex sola imaginatione, sicut confectio barba, aut aliquid huiusmodi, huiusmodi actus est extra genus moris: unde non participat bonitatem, vel malitiam moralem.

Ad primum ergo dicendum, quod licet ens, in quantum est ens, sit bonum, non tamen omne non ens est malum: nam non habere oculos lapidi non est malum. Unde non oportet, si ens, & non ens sint immediata, quod bonum, & malum sint immediata.

Ad secundum dicendum, quod ens, & bonum convertuntur simpliciter, & in quolibet genere: unde Philosophus in I. Ethic. (cap. vi.) secundum genera entium distinguit bonum. Sed verum est quod ens simpliciter non convertitur cum bono moris, sicut nec etiam cum bono naturæ. Bonum autem moris est quodammodo maius bonum quam bonum naturæ, in quantum scilicet est actus, & perfectio naturalis boni; licet aliquo modo bonum naturæ sit melius, sicut substantia accidente. Pater autem quod nec etiam bonum naturæ, & malum immediate opponuntur: quia non omne non ens est ma-

lum, sicut omne ens est bonum. Unde ratio non sequitur.

Ad tertium dicendum, quod bonum, & malum in moralibus opponuntur contrarie, & non secundum privationem, & habitum. Malum enim ponit aliquid, in quantum consequitur quendam ordinem, vel modum, vel speciem, ut supra dictum est: unde nihil prohibet ea opponi mediate, sicut Philosophus ponit. Sed malum in natura consequitur privationem simpliciter: unde bonum, & malum naturæ licet non sint immediata simpliciter, ut dictum est, sunt tamen immediata circa proprium susceptibile, ut privatio, & habitus.

Quartum, & quintum concedimus: procedunt enim de actu non in specie, sed de actu singulari prout exit a voluntate.

Ad sextum dicendum, quod in natura nihil est casuale secundum relationem ad causam primam, quia omnia sunt a Deo provisæ; sed sunt aliqua casualia per comparisonem ad causas proximas: habere enim causam non excludit casuale, sed habere causam per se: casualia enim sunt quæ ex causis per accidens oriuntur. In actibus autem hominis sunt aliqui quidem qui sunt propter finem imaginatum, sed non deliberatum, sicut ut conficatio barbæ, vel aliquid huiusmodi, qui in genere moris quodammodo se habent sicut actus casuales in natura, quia non sunt a ratione, quæ est per se causa moralium actuum.

Ad septimum dicendum, quod non omnis actus procedens a voluntate informata caritate est meritorius, si voluntas pro potentia accipiat; alioquin venialia peccata essent meritoria, quæ committunt interdum etiam caritatem habentes. Sed verum est quod omnis actus qui est ex caritate, est meritorius. Hoc autem est simpliciter falsum, quod omnis actus qui non est ex voluntate informata caritate sit demeritorius: alioquin illi qui sunt in peccato mortali, in quolibet suo actu peccarent, nec eis esset consulendum quod interim quidquid boni possent facerent, nec opera ab eis facta quæ sunt de genere bonorum, disponent eos ad gratiam: quæ omnia sunt falsa. Teneatur autem quilibet ad conformandum voluntatem suam voluntati divinæ, quantum ad hoc quod velit quidquid vult Deus eum velle secundum quod Dei voluntas innoscitur per prohibitiones & præcepta; non autem quantum ad hoc quod ex caritate velit, nisi secundum illos qui dicunt quod modus caritatis est in præcepto. Quæ quidem opinio aliquialiter vera est; a-

lioquin sic caritate posset aliquis legem implere, quod est Pelagianæ impietatis: nec tamen est vera omnino, quia sic aliquis caritatem non habens, honorans parentes peccaret mortaliter ex omissione modi, quod est falsum. Unde modus sub necessitate præcepti includitur, secundum quod præceptum ordinatur ad consecutionem beatitudinis, non autem secundum quod ordinatur ad vitandum reatum poenæ: unde qui honorat parentes, non habens caritatem, non meretur vitam æternam, sed tamen neque demeretur. Ex quo patet quod non omnis humanus actus, etiam in singulari consideratus, est meritorius, vel demeritorius, licet omnis sit bonus, vel malus. Et hoc dico propter eos qui caritatem non habent, qui mereri non possunt. Sed habentibus caritatem omnis actus est meritorius, vel demeritorius, ut obiciendo probatum est.

Ad octavum dicendum, quod non habere caritatem, non meretur poenam. Sicut enim habitibus non meremur, sed actibus; ita neque ipsa carentia habituum demeretur. Demeretur autem aliquis per hoc quod obseculum caritati ponit vel omitendo, vel committendo. Neque ille in Evangelio puniendus dicitur, quia non habuit vestem nuptialem; sed quia non habens vestem nuptialem ad sacrum convivium intraverat: dictum est enim ei: *Quomodo hic intrasti non habens vestem nuptialem?*

Ad nonum dicendum, quod verum, & falsum opponuntur secundum ens, & non ens: verum enim est cum dicitur esse quod est, vel non esse quod non est; falsum autem cum dicitur esse quod non est, vel non esse quod est. Unde sicut nec inter esse & non esse est medium, ita nec inter verum & falsum. De bono autem, & malo alia ratio est, ut ex supra dictis patet.

Ad decimum dicendum, quod illi qui contrarie nituntur voluntati Dei, implent ipsam præter intentionem suam; sicut Iudei occidentes Christum, impleverunt voluntatem Dei de redemptione humani generis præter suam intentionem. Hoc autem est unum exemplorum quæ Gregorius ponit. Sic autem implere Dei voluntatem neque est bonum, neque laudabile.

Alia tria concedimus: procedunt enim de executione singularis actus.

Concedimus etiam quæ adducuntur in oppositum: procedunt enim de bono, & malo actu ex genere.

ARTICULUS VI.

*Utrum circumstantia det speciem peccato, aut
variet ipsam.*

1. 2. *quest. lxxii. art. 8.*

Sexto quaeritur, utrum circumstantia det speciem peccato, aut variet ipsam transferendo in aliud genus peccati. Et videtur quod non. Principium enim speciei est intrinsecum; circumstantia autem est extrinseca, ut ipsum nomen sonat. Ergo circumstantia non dat speciem peccato.

2. Sed dicendum, quod id quod est circumstantia actui in specie naturae considerato, dat speciem actui inquantum est moralis. Sed contra. Sicut se habet obiectum ad actum in genere, ita se habet obiectum morale ad actum moralem. Sed obiectum dat speciem actui. Ergo obiectum morale actui morali: non ergo circumstantia.

3. Præterea. Idem actus peccati habet multas circumstantias. Si ergo circumstantia dat speciem peccato, sequitur quod idem peccatum sit in diversis speciebus; quod est impossibile.

4. Præterea. Id quod iam est sub specie constitutum, non accipit speciem ab alio, nisi priori specie corrupta. Sed furtum est iam constitutum in aliqua specie peccati; per circumstantiam autem istam additam quæ est furari de loco sacro, aut rem sacram, non aufertur prima species, quia adhuc est furtum. Ergo prædicta circumstantia non dat aliquam speciem peccato; & pari ratione nec aliqua alia.

5. Præterea. Peccata videntur diversificari ab invicem secundum superabundantiam, & defectum; sic enim opponitur liberalitas prodigalitati. Sed abundantia, & defectus videntur ad unam solam circumstantiam pertinere, quæ est quantum. Ergo alie circumstantie non diversificant speciem peccatorum.

6. Præterea. Peccatum omne est voluntarium, ut Augustinus dicit (Lib. I. Retract. cap. ix. & xiii.) Sed voluntas non fertur super circumstantia; sicut cum aliquis furatur vas aureum consecratum, non curat de consecrato, sed solum de auro. Ergo ista circumstantia non dat speciem peccato, & pari ratione nec alie.

7. Præterea. Illud quod non manet, sed statim transit, non potest variari a specie quam prius habuit. Sed actus peccati non

non manet, sed statim transit. Ergo circumstantia non potest variare speciem peccati.

8. Præterea. Sicut contingit esse defectum in moralibus secundum aliquas circumstantias, ita & in naturalibus: monstra enim contingunt in natura quandoque propter arctitudinem loci, quandoque autem propter abundantiam materię, aut etiam diminutionem, & ex aliis huiusmodi causis; & tamen semper est idem in specie quod nascitur. Ergo nec in moralibus species peccati diversificatur per corruptionem diversarum circumstantiarum.

9. Præterea. Finis dat speciem in moralibus, quia ex intentione iudicatur actus moralis bonus, vel malus. Sed circumstantia non est finis. Ergo circumstantia non dat speciem peccato.

10. Præterea. Peccatum opponitur virtuti. Sed circumstantia non variat speciem virtutis: eiusdem enim virtutis est benefacere clerico, vel laico, scilicet liberalitatis, vel misericordie. Ergo circumstantia non variat speciem peccati.

11. Præterea. Si circumstantia mutet speciem peccati, oportet quod peccatum aggravet. Sed quandoque non aggravat, illa scilicet quæ videtur speciem mutare, puta si sit ignorata; ut si aliquis accedat ad coniugiam quam nescit coniugatam, adulterium facit; nec tamen videtur aggravari peccatum, quia minimum habet de ratione peccati, quod minimum habet de voluntario. Non ergo huiusmodi circumstantia mutat speciem peccati.

12. Præterea. Si ista circumstantia, quæ est sacrum, dat speciem peccato; cum remaneat ibi furtum, sequitur quod sit ibi & sacrilegium, & furtum: & sic in uno actu facit duo peccata; quod videtur inconveniens.

13. Præterea. Secundum Philosophum in Lib. Ethic. actio in moralibus est sicut conclusio in speculativis. Sed circumstantia non variat speciem conclusionis. Ergo neque variat speciem actus moralis; & sic non dat speciem peccato.

14. Præterea. Sicut sunt quidam actus morales, ita & sunt quidam actus artis. Sed circumstantia non variat speciem actus artificialis: quia non refert, in quocumque loco, vel in quocumque tempore, aut ex quacumque causa faber cultellum faciat, quantum ad speciem artis. Ergo nec circumstantia variat speciem actus moralis.

15. Præterea. Malum ex genere consuevit dividi contra malum ex circumstantia. Sed malum

malum ex genere pertinet ad ipsam speciem peccati. Ergo malum ex circumstantia non pertinet ad speciem peccati: non ergo circumstantia dat speciem peccato.

16. Præterea. Circumstantia, in quantum aggravat, facit maius malum. Sed magis, & minus non diversificant speciem. Ergo circumstantia aggravans non variat speciem peccati.

Sed contra. Locus est circumstantia quædam. Sed locus dat speciem peccato: dicitur enim sacrilegium esse, si aliquis de loco sacro furetur. Ergo circumstantia dat speciem peccato.

Præterea. Si aliquis cognoscat mulierem coniugatam, adulterium committit, quod est quædam species peccati. Sed solutam esse, vel coniugatam mulierem est quædam circumstantia actus. Ergo circumstantia dat speciem peccato.

Respondetur dicendum, quod ad evidentiam huius questionis tria consideranda sunt. Primo unde peccatum speciem habeat; secundo quid sit circumstantia; & sic tertio poterit esse manifestum quomodo circumstantia dat speciem peccato. Quantum ergo ad primum, considerandum est, quod cum actus moralis sit actus qui est a ratione procedens voluntarius, oportet quod actus moralis speciem habeat secundum aliquid in obiecto consideratum, quod ordinem habeat ad rationem. Et sic præced. quæst. (art. præced.) dictum est, quod si sit conveniens rationi, erit actus bonus secundum speciem; si autem sit discordans a ratione, secundum speciem malus erit. Hoc autem quod est non conveniens rationi circa obiectum consideratum, diversificare potest peccati speciem dupliciter: uno modo quidem materialiter, alio modo formaliter. Materialiter quidem per oppositum ad virtutem. Differunt enim virtutes specie, secundum quod ratio medium advenit in diversis materiis: puta, infirmitas est secundum quod ratio medium constituit in commutationibus, & distributionibus, & huiusmodi actionibus; temperantia autem secundum quod in concupiscentiis; fortitudo secundum quod in timoribus, & audaciis; & sic de aliis: nec debet alicui inconvenientis videri, si diversificantur species virtutum secundum diversas materias, cum diversitas materiae consueverit esse causa diversitatis non specierum, sed individuorum: quia etiam in naturalibus diversitas materie diversitatem in specie causat, quando diversitas materie diversitatem forme requirit:

unde & in moralibus necesse est diversas specie virtutes esse circa diversas materias, in quibus ratio diversimode advenit medium. Sicut in concupiscentiis advenit medium refrenando: unde & virtus in eis constituta propinquior est defectui quam superabundantiae, ut ipsum temperantiae nomen ostendit. In audaciis autem, & timoribus non retrahendo, sed magis impellendo ratio advenit medium: unde virtus in his constituta propinquior est superabundantiae quam defectui, ut ipsum fortitudinis nomen ostendit: & similiter est videre in ceteris. Sic ergo & per oppositum ad virtutes, peccata differunt specie secundum diversas materias, puta homicidium, adulterium, & furtum. Nec est dicendum, quod differant specie secundum differentiam præceptorum; sed magis e converso præcepta distinguuntur secundum differentiam virtutum, & vitiorum: quia præcepta ad hoc sunt ut secundum virtutem operemur, & peccata vitemus. Si vero aliqua essent peccata solum quia prohibita, in his rationabile esset ut secundum differentiam præceptorum specie peccata differrent. Sed quia circa unam materiam, cum sit una virtus, coingunt esse peccata specie diversa; oportet secundo considerare formaliter diversitatem speciei in peccatis, prout scilicet peccatur vel secundum superabundantiam, vel secundum defectum, sicut differt timiditas a presumptione, & illiberalitas a prodigalitate: vel secundum diversas circumstantias, sicut species gulae distinguuntur secundum ea quæ in hoc versu continentur;

Preprope, laute, nimis, ardentem, fludiose.

Sic ergo habito qualiter peccata specie differant, considerandum est quid sit circumstantia. Dicitur autem circumstantia: quod circumstat actum, quasi extrinsecus extra actus substantiam consideratum. Hoc autem est uno quidem modo ex parte causæ, sive finalis, cum consideramus cur fecerit; sive ex parte agentis principalis, cum consideramus quis fecerit, sive ex parte instrumenti, cum consideramus quo instrumento fecerit, vel quibus auxiliis. Alio modo circumstat actum ex parte mensuræ, puta cum consideramus ubi, vel quando fecerit. Tertio modo ex parte ipsius actus, sive consideremus modum agendi, puta utrum lente, vel fortiter percussit, frequenter, aut semel; sive consideremus obiectum, sive materiam actus, puta utrum percussit patrem, vel extraneum; sive etiam effectum quem agendo induxit,

duxit, puta utrum peccatum veniale sit, vel etiam occiderit: quia omnia continentur hoc versu:

Quis, quid, ubi, quibus auxiliis, cur, quomodo, quando.

Ita tamen quod in quid includatur non solum effectus, sed etiam obiectum, ut intelligatur & quod, & circa quid. His ergo visis, considerandum est, quod sicut in aliis aliud est extrinsecum superiori, quod est intrinsecum inferiori, ut rationabile est prae rationem animalis, quod tamen est de ratione hominis; ita aliquid est circumstantia respectu actus communis considerati quod respectu actus magis in speciali considerati, non potest circumstantia dici: sicut si consideremus hunc actum qui est accipere pecuniam, non est de ratione eius quod sit aliena: unde alienum se habet ad actum sic consideratum ut circumstantia: sed de ratione furti est quod sit aliena, unde non est circumstantia furti. Non tamen oportet quod omne quod est praeter rationem superioris, sit de ratione inferioris. Nam album, sicut non est de ratione animalis, ita non est de ratione hominis: unde accidentaliter comparatur ad utrumque. Et similiter non oportet quod omne quod est circumstantia communioris actus, constituat speciem aliquam in actibus, sed illud tantum quod per se pertinet ad actum. Iam autem dictum est, quod ad actum moralem aliquid per se pertinet, secundum quod comparatur ad rationem ut conveniens, & repugnans. Si ergo circumstantia addita nullam specialem repugnantiam ad rationem importet, non dat speciem actui: puta, uti re alba, nihil addit ad rationem pertinens, unde album non constituit speciem actus moralis; sed uti realia addit aliquid ad rationem pertinens, unde constituit speciem actus moralis. Sed considerandum est ulterius, quod circumstantia addita ad rationem pertinens potest constituere novam speciem peccati dupliciter. Uno modo ita quod species per circumstantiam constituta sit quaedam species illius peccati quod prius considerabatur in actu communiori, sive species peccati constituitur formaliter, sive materialiter: materialiter quidem, sicut si supra hoc quod dico uti re aliena, addatur uxore, ex quo constituitur adulterium; formaliter autem, sicut si accipiam rem alienam de loco sacro, sit enim sacrilegium, quod est species furti. Aliquando autem per circumstantiam constituitur quaedam alia species disparata, non pertinens ad illud genus peccati; sicut si ego fuserem

alienam, ut possim homicidium facere, vel simoniam committere, tibiatur ad speciem peccati omnino disparatam; & huiusmodi. Simile etiam in aliis rebus invenimus. Si enim supra coloratum consideretur album, sit species qualis, quod prius considerabatur; si autem supra coloratum intelligatur dulce, sit alia species qualis omnino disparata. Cuius diversitatis ratio est, quia cum id quod additur, est per se divisivum eius cui additur, facit speciem eius; cum autem per accidens se habet ad ipsum, habet quidem speciem suam, quae tamen non est species eius cui additur: quia quod advenit per accideos, non fit unum per se cum eo cui advenit. Sic ergo patet quomodo circumstantia potest constituere speciem peccati.

Ad primum ergo dicendum, quod illud quod consideratur ut circumstantia, & extrinsecum respectu actus aliquo modo considerati, potest etiam considerari ut intrinsecum respectu actus alio modo considerati, & dare speciem ipsi.

Ad secundum dicendum, quod sicut actus in communi recipit speciem ab obiecto, ita actus moralis recipit speciem ab obiecto morali; non tamen propter hoc excluditur quin recipiat speciem per circumstantias: quia ex circumstantia potest considerari in obiecto aliqua nova conditio per quam dat speciem actui: puta, si dicam, accipere rem alienam in loco sacro existentem, hic consideratur conditio obiecti ex circumstantia loci; & sic fit species furti quae est sacrilegium, ex circumstantia loci, & non ex conditione obiecti. Et similiter necesse est accidere, quandoque species peccati quae per circumstantiam constituitur, comparatur ad peccatum praeterintellektum ut species ad genus, sicut sacrilegium ad furtum, vel adulterium ad fornicationem. Quando vero species peccati ex circumstantia proveniens, non est species peccati praeterintellektu, sed est quaedam alia species disparata; tunc potest intelligi quod circumstantia dat speciem, non secundum quod ex ea resultat aliqua conditio circa obiectum, sed secundum quod illa circumstantia consideratur ut obiectum alterius actus circumstantis: sicut si aliquis moriebatur ut furetur, additur quaedam alia species peccati propter actum intentionis tendentem in malum finem, qui est obiectum intentionis: & similiter si quis faciat aliquid indecens in tempore sacro, tempus sacrum, quod consideratur ut circumstantia respectu actus indecentis qui in eo fit, potest considerari ut obiectum respectu alterius actus circa

circumstantis, qui est contemnere tempus sacrum. Et simile potest dici in aliis.

Ad tertium dicendum, quod quando circumstantia constituit speciem quæ comparatur ad peccatum præintellectum sicut species ad genus subalternum, non sequitur quod idem sit in diversis speciebus: esse enim sub homine, & sub animali, non est esse sub diversis speciebus: quia homo vere est id quod est animal: & simile est de sacrilegio, & furto. Sed si circumstantia constituat aliam speciem peccati disparatam, sequitur eundem actum esse sub diversis speciebus peccati. Nec hoc est inconveniens, quia species peccati non est species actus secundum suam naturam, sicut supra (art. præc.) dictum est, sed secundum esse morale, quod comparatur ad naturam actus sicut quale ad substantiam, vel potius sicut deformitas qualis ad subiectum. Sicut ergo non est inconveniens quod idem corpus sit album, & dulce, quæ sunt diversæ species qualitates, & quod idem homo sit cæcus, & surdus, qui sunt diversæ defectus secundum speciem; ita non est inconveniens quod idem actus sit in diversis speciebus peccati.

Et per hoc etiam patet responsio ad quartum.

Ad quintum dicendum, quod non omnis differentia peccatorum est secundum superabundantiam, & defectum, sed secundum diversam materiam, & secundum defectum, aut superabundantiam in diversis circumstantiis. Et tamen superabundantia, & defectus non solum attenditur secundum quantum, sed secundum quascumque circumstantias: quia si aliquis operetur ubi non oportet, vel quando non oportet, & similiter in ceteris, erit abundantia; defectus autem, si in quocumque prædictorum deficiat.

Ad sextum dicendum, quod licet principaliter voluntas furantis non feratur ad rem sacram, sed ad aurum, fertur tamen super rem sacram ex consequenti: magis enim vult rem sacram accipere quam auro carere.

Ad septimum dicendum, quod cum dicitur quod circumstantia mutat speciem peccati, aut transfert in aliud genus, non intelligitur quod actus prius existens in una specie iterum resumatur, & fiat alterius speciei; sed quia actus qui absque circumstantia consideratur non esse in tali specie peccati, circumstantia superveniente illam speciem peccati habet.

Ad octavum dicendum, quod defectus circumstantiæ in natura non mutat speciem substantialem naturæ, sed mutat speciem defor-

mitatis: alia enim species monstri est quæ caufatur ex arctitudine loci, & ex multitudine materiz. Et similiter est in proposito, ut dictum est.

Ad nonum dicendum, quod actus moralis non habet speciem a fine remoto, sed a fine proximo, qui est obiectum. Dictum est autem, quod circumstantia dat speciem inquantum est obiectum alicuius actus, vel inquantum ex ea resultat aliqua conditio circa obiectum.

Ad decimum dicendum, quod etiam in virtutibus circumstantia transfert in aliam speciem, licet non omnis: facere enim magnos sumptus, est actus magnificentiz; sed facere magnos sumptus in templo construendo, est actus religionis.

Ad undecimum dicendum, quod omnis circumstantia constituit aliquam speciem peccati, necesse est quod aggravet: quia si absque hac circumstantia non erat peccatum, facit de non peccato peccatum. Si autem erat peccatum, inducit plures peccati deformitates. Si autem talis circumstantia sit penitus ignorata tali ignorantia quæ non habeat culpam, speciem peccati non constituit formaliter loquendo, sed materialiter tantum; sicut si aliquis accedit ad coniugatam quam non credit coniugatam, committit quidem id quod est adulterium, non quasi adulter, quia forma talis actus est ex ratione, & voluntate. Quod autem ignoratur, non est voluntarium. Unde si accederet ad coniugatam alterius, quam pararet esse suam uxorem, esset absque peccato, sicut cum Lia subducta est Iacob, loco Rachelis.

Ad duodecimum dicendum, quod si circumstantia constituit speciem quæ se habeat ad peccatum præintellectum ut speciem eius, sicut adulterium ad fornicationem, non sunt duo peccata, sed unum, sicut Sortes non est duz substantiæ, propter hoc quod homo est, & animal; sed si constituit speciem disparatam peccati, erit quidem unum peccatum propter unam substantiam actus, sed multiplex propter multas & diversas deformitates peccati; sicut pomum est unum quale propter unitatem subiecti, sed multiplex quale propter diversitatem coloris, & saporis.

Ad decimumtertium dicendum, quod similitudo conclusionis ad actionem moralem attenditur quantum ad hoc quod sicut actus syllogisticus terminatur ad conclusionem, ita processus rationis in moralibus terminatur ad opus; non autem est similitudo quantum ad omnia. Nam operationes morales sunt in singularibus, in quibus diversæ circumstantiæ

ritz considerantur; conclusiones autem in rebus speculativis sunt per abstractionem a singularibus. Et tamen etiam conclusiones variantur circa aliquas circumstantias pertinentes ad rationem syllogismi: aliter enim se habent conclusiones in materia necessaria, & in materia contingenti; & in diversis scientiis est diversus modus conclusionum.

Ad decimumquartum dicendum, quod etiam actiones artis variantur secundum diversas circumstantias ad rationem artis pertinentes: aliter enim operatur artifex domum ex cimento, & aliter ex luto, aliter etiam in una regione quam in alia. Sed considerandum est, quod aliqua circumstantia pertinet ad rationem actus moralis quae non pertinet ad rationem artis, & e converso.

Ad decimumquintum dicendum, quod cum distinguitur malum ex circumstantia contra malum ex genere, dicitur malum ex circumstantia quod aggravat quidem, sed non transfert in aliud genus.

Ad decimumsextum dicendum, quod magis, & minus quandoque consequuntur diversas formas, & tunc diversificant speciem; sicut si dicamus quod rubrum est magis coloratum quam pallidum. Quandoque vero consequuntur diversam participationem unius & eisdem formae, & tunc non diversificant speciem; sicut si aliquid dicatur altero magis album.

ARTICULUS VII.

Utrum aliqua circumstantia aggravet peccatum qua non conferat peccato speciem.

1. 2. quaest. lxxii. art. 7. in corp.

Septimo queritur, utrum aliqua circumstantia aggravet peccatum quae non conferat peccato speciem. Et videtur quod non. Peccatum enim habet malitiam ex parte aversionis. Sed circumstantia se tenet ex parte conversionis. Non ergo circumstantia aggravat malitiam peccati.

2. Praeterea. Si circumstantia habeat in se aliquam malitiam, consuevit speciem aliquam peccati; si autem non habeat in se aliquam malitiam, nulla ratio est quare peccatum per eam aggravetur. Non ergo potest esse aliqua circumstantia aggravans quin det speciem peccato.

3. Praeterea. Dionysius dicit (cap. de divinis nominibus) quod bonum est ex una & eadem causa, malum autem ex singularibus defectibus. Sed secundum quamlibet circum-

S. Th. Oper. Tom. XV.

stantiam consideratur aliquis defectus singularis. Ergo secundum quamlibet circumstantiam aggravantem est aliqua species mali, & peccati.

4. Praeterea. Omnis circumstantia aggravans facit differentiam in malitia, quae est quodammodo substantia peccati, in quantum est peccatum. Sed id quod facit differentiam in substantia, variat speciem. Ergo omnis circumstantia aggravans variat speciem peccati.

5. Praeterea. Ex eisdem augemur, & sumus: augemur enim ex his ex quibus nutrimur, nutrimur autem ex his ex quibus sumus, ut dicitur II. de generat. (com. 1.) Si ergo augeatur malitia peccati per aliquam circumstantiam aggravantem, videtur quod per eandem habeat esse aliqua peccati species.

6. Praeterea. Virtus, & vitium opponuntur. Omnis autem virtus constituitur in specie per circumstantias: aggredi enim terribilia secundum quod oportet, ubi oportet, & quando oportet, & similiter circa alias circumstantias, fortitudinis est. Ergo & peccatum secundum quamcumque circumstantiam speciem accipit.

7. Praeterea. Peccatum habet speciem ex obiecto. Sed secundum quamlibet circumstantiam, ad minus aggravantem, variatur obiectum in bonitate, & malitia. Ergo omnis circumstantia aggravans dat speciem peccato.

8. Praeterea. De similibus idem est iudicium. Sed aliqua circumstantia speciem semper dat peccato, sicut obiectum quod dicitur quid, & finis qui significatur per hoc quod dicitur cur in versu praedicto. Ergo pari ratione omnes aliae circumstantiae, quando aggravant peccatum, dant speciem peccato.

Sed contra. Multum furari est gravius quam parum furari; non tamen est alia species peccati. Ergo non omnis circumstantia aggravans variat speciem peccati.

Respondeo dicendum, quod circumstantia tripliciter se habet ad actum peccati. Quandoque enim neque variat speciem, neque aggravat, sicut percutere hominem indutum veste alba, vel rubra. Quandoque vero speciem peccati consuevit: sive actus cui advenit circumstantia, ex suo genere indifferens sit, sicut cum aliquis levat festucam de terra in contemptum alterius; sive sit bonus ex genere, sicut cum aliquis dat elemosinam propter laudem humanam; sive sit malus ex genere, & addatur sibi alia species malitiae.

G ex

ex circumstantia, sicut cum aliquis furatur rem sacram. Aliquando vero aggravat quidem peccatum, non tamen constituit peccati speciem, sicut cum aliquis furatur multum. Et huius diversitatis ratio est, quia si circumstantia adveniens alicui indifferenter se habeat quantum ad rationem, talis circumstantia nec dat speciem peccato, nec aggravat: nihil enim ad rationem pertinet, utrum ille qui percutitur, tali, vel tali veste induatur. Si vero differentiam aliquam habeat per comparationem ad rationem; aut importat aliquid repugnans rationi primo & per se, & tunc dat peccato speciem, sicut accipere alienum; aut primo & per se non importat aliquid rationi repugnans, sed per comparationem ad id quod primo & per se rationi repugnat, aliquam repugnantiam habet ad rationem; sicut accipere aliquid in magna quantitate, nihil repugnans rationi potest dici; sed accipere alienum in magna quantitate, dicit maiorem repugnantiam ad rationem. Unde ista circumstantia aggravat peccatum, inquantum est determinativa illius circumstantiae quae dabit speciem peccato. Quartum autem membrum non potest esse, ut circumstantia det speciem peccato, & non aggravat, ut supra dictum est.

Ad primum ergo dicendum, quod inordinata conversio ad commutabile bonum, est causa averfionis: & ideo circumstantiae quae tenent ex parte conversionis, addere possunt ad malitiam quae est ex parte averfionis.

Ad secundum dicendum, quod circumstantia quae aggravat, & non dat speciem peccato, non continet ex se aliquam malitiam, sed est determinativa alterius circumstantiae malitiam continentis.

Ad tertium dicendum, quod cuiuslibet circumstantiae defectus potest causare peccati speciem; sed non semper invenitur defectus in quolibet circumstantia secundum se, sed quandoque in una per comparationem ad aliam.

Ad quartum dicendum, quod circumstantia aggravans non semper mutat speciem malitiae, sed quandoque solum quantitatem.

Ad quintum dicendum, quod sicut ea quibus nutrimur, & augeamur, non semper constituunt novam substantiam, sed quandoque conservant, vel augent substantiam praexistentem; ita non oportet quod circumstantiae semper novam speciem peccati causent, sed quandoque augent praexistentem.

Ad sextum dicendum, quod sicut virtus quodammodo habet speciem ex circumstan-

tiis debitis, ita & peccatum ex defectu alicuius debitorum circumstantiarum; sed tamen non quolibet circumstantia facit defectum peccati; cum quaedam sint indifferentes, quaedam vero aliarum determinativae.

Ad septimum dicendum, quod circumstantia aggravans facit quidem aliquam variationem malitiae circa obiectum, sed non semper speciei, sed quandoque quantitatis tantum.

Ad octavum dicendum, quod in obiecto aliquo est multas condiciones invenire, & nihil prohibet id quod consideratur ut obiectum secundum unam conditionem, considerari ut circumstantiam secundum aliam, quae quandoque dat speciem peccato, quandoque non. Sicut res aliena est proprium obiectum furti datus sibi speciem: potest etiam res aliena esse magnae quantitatis; & haec circumstantia non dat speciem, sed aggravat tantum: potest etiam res aliena esse sacra; & haec circumstantia constituit novam speciem peccati: potest etiam res aliena esse alba, vel nigra; & haec erit circumstantia ex parte obiecti indifferens, nec aggravans, nec speciem constituens. Similiter dicendum est de fine, quod finis proximus est idem quod obiectum, & similiter dicendum est de eo sicut & de obiecto. Finis autem remotus ponitur ut circumstantia.

ARTICULUS VIII.

Utrum circumstantia aggravet in infinitum.

O Cravo quzratur, utrum circumstantia aggravet in infinitum, ita scilicet quod de veniali faciat mortale. Et videtur quod sic. Adam enim in statu innocentiae venialiter peccare non potuit. Ergo omne peccatum fuisset sibi mortale. Sed postea non omne peccatum fuit sibi mortale; nec est haec diversitas nisi secundum circumstantiam personae. Ergo circumstantia aggravat in infinitum.

2. Praeterea. Maius est de non peccato facere peccatum, quam de veniali facere mortale. Sed circumstantia facit de non peccato peccatum: negotiari [scilicet] secundum se non est peccatum, sed tamen clericus peccatum est propter circumstantiam personae. Ergo multo magis circumstantia de veniali facit mortale.

3. Praeterea. Semel inebriari est peccatum veniale. Dicitur autem, quod multoties inebriari est peccatum mortale. Ergo ista circumstantia quousque facit de veniali mortale.

4. Prae-

4. Præterea. Peccatum quod ex certa malitia fit, dicitur esse irremissibile, & non veniale. Ergo circumstantia aggravat in infinitum.

5. Præterea. Hieronymus dicit (in epistaph: ad Eustoch.) quod nuge in ore laici nugæ sunt, in ore autem sacerdotis blasphemiz. Blasphemia autem est ex suo genere peccatum mortale. Ergo circumstantia personæ facit de veniali mortale.

Sed contra. Circumstantia comparatur ad peccatum sicut accidens ad subiectum. Sed in subiecto finito non potest esse accidens infinitum. Ergo circumstantia non potest dare peccato gravitatem infinitam, quæ est gravitas peccati mortalis.

Respondeo dicendum, quod, sicut dictum est (art. præced.) circumstantia aggravans quandoque constituit novam speciem peccati, quandoque autem non. Manifestum est autem quod peccatum mortale, & veniale non sunt eiusdem speciei. Sicut enim aliqui actus ex suo genere sunt boni, & aliqui ex suo genere sunt mali; ita aliqua peccata ex suo genere sunt venialia, & aliqua ex suo genere mortalia. Circumstantia ergo quæ sic aggravat ut novam speciem peccati constituit, potest constituere speciem peccati mortalis, & ita aggravat in infinitum; puta, si aliquis loquatur verbum locosum, ut provocet ad libidinem, vel ad odium. Si autem sic aggravet quod non constituit novam speciem peccati, non potest aggravare in infinitum, faciendo de veniali mortale: quia semper maior est gravitas quæ est ex peccati specie, quam quæ est ex circumstantia speciem non constituenne.

Ad primum ergo dicendum, quod non ea ratione dicitur, quod Adam venialiter peccare non potuerit, quia ea quæ nobis sunt venialia, essent mortalia; sed quia ea quæ nobis sunt venialia, committere non potuit antequam mortaliter peccaret: nisi enim averteretur a Deo per peccatum mortale, nullus defectus in eo esse poterat nec animæ, nec corporis.

Ad secundum dicendum, quod circumstantia quæ facit de non peccato peccatum, constituit peccati speciem: & talis circumstantia potest etiam de veniali facere mortale.

Ad tertium dicendum, quod multoties inebriari non est circumstantia constituens speciem peccati: & ideo sicut semel inebriari est peccatum veniale, ita & multoties inebriari per se loquendo; per accidens autem,

& dispositive multoties inebriari potest esse peccatum mortale; puta, si ex consuetudine in tantam complacentiam ebrietatis perduceretur, quod etiam divino præcepto contemto inebriari proponeret.

Ad quartum dicendum, quod peccare ex certa malitia, est peccare ex electione, id est voluntarium, & scientem; & hoc contingit dupliciter. Uno modo per hoc quod aliquis repellit a se ea quibus a peccato retrahi posset, puta spem veniæ, vel timorem divinæ iustitiæ: & talis circumstantia constituit speciem peccati in Spiritum sanctum, quod dicitur irremissibile. Alio modo potest contingere ex sola habitus inclinatione: & talis circumstantia non constituit speciem, nec facit de veniali mortale. Non enim quicumque voluntarius, & sciens dicit verbum otiosum, mortaliter peccat.

Ad quintum dicendum, quod circumstantia personæ etsi aggravet, non tamen facit ex veniali mortale, nisi constituat speciem peccati; puta, si sacerdos aliquid faciat contra præceptum sibi datum (a) a sacerdotibus, vel contra votum. Verbum autem Hieronymi intelligitur per exaggerationem dictum, vel per occasionem: quia nugæ in ore sacerdotis possunt esse aliis occasio blasphemiæ.

ARTICULUS IX.

Utrum omnia peccata sint paria.

Nono quaeritur, utrum omnia peccata sint paria. Et videtur quod sic. Dicitur enim Iac. 11. 10. *Quicumque totam legem servaverit, offendat autem in uno, factus est omnium reus*: & ideo Hieronymus dicit super Eccle. (cap. 11.) exponens illud, *Qui in uno offenderit, multa bona perdit*: „& qui „subiacet uni virio, omnibus subiacet.“ Sed extra omne nihil est. Ergo nullus potest magis peccare quam ille qui peccat uni se subdit; & sic omnia peccata sunt paria.

2. Præterea. Peccatum est mors animæ. Sed in corpore una mors non est maior quam alia, quia omnis mortuus æqualiter mortuus est. Ergo nec unum peccatum est maius altero.

3. Præterea. Pœna respondet culpæ. Sed omnium peccatorum erit una pœna in inferno, secundum illud Isai. xlv. 22. *Congregabuntur (a) congregatione unius fascis, & claudentur in carcere*. Ergo & omnium peccatorum est eadem gravitas.

G 2

4. Præ

(a) *Fascis a superioribus*. (b) *Valgata*: in congregatione unius fascis in lacum; & claudentur ibi in carcere.

4. Præterea. Peccare nihil est aliud quam transgredi rectitudinem rationis, vel legis divinæ. Sed si interdiciatur alicui ab aliquo iudice ne certum limitem transgrediatur, non refert quantum ad transgressionem, utrum in multum, vel parum, limitem positum transeat. Ergo nihil differt quantum ad transgressionem peccati quidquid homo faciat, dummodo rectitudinem rationis, & legis divinæ non fervet.

5. Præterea. Infinitum non est maius infinito. Sed quodlibet peccatum mortale est infinitum, quia est contra bonum infinitum, quod est Deus: unde & pœnam infinitam meretur. Ergo unum peccatum mortale non est maius alio.

6. Præterea. Malum dicitur per privationem boni. Sed omne peccatum mortale privat æqualiter gratiam, nihil de ea dimittens. Ergo omnia peccata mortalia sunt æqualia.

7. Præterea. Secundum Philosophum in II. Metaph. (com. iv.) si aliquid dicitur magis, & minus, hoc est per comparationem ad id quod est simpliciter, sicut aliquid dicitur magis, & minus album, per comparationem ad id quod est simpliciter album. Sed nihil est simpliciter malum, quod careat omni bono. Ergo non est aliquid alterius magis, vel minus malum; & sic omnia peccata sunt paria.

8. Præterea. Peccata virtutibus opponuntur. Sed virtutes omnes sunt æquales: unde dicitur Apoc. xxi. quod latera sunt æqualia. Ergo & omnia peccata sunt paria.

9. Præterea. Si unum peccatum est gravius altero, sequeretur quod peccatum quod in maiori re committitur, esset gravius quam peccatum quod committitur in minori; sicut si dicatur quod furari multum, est gravius peccatum quam furari parum. Sed hoc non est verum, quia sequeretur quod ille qui minorem iniquitatem committit, committeret etiam maiorem: dicitur enim Lucæ xvi. 10. *Qui in modico iniquus est, & in maiori iniquus est.* Non ergo unum peccatum est gravius altero.

10. Præterea. Peccatum consistit in aversione ab incommutabili bono, & conversione ad commutabile bonum. Sed huiusmodi conversio, & aversio non recipit magis & minus: quia anima, cum sit simplex, ad quod convertitur, tota convertitur, & a quo avertitur, tota avertitur. Ergo unum peccatum non est gravius altero.

11. Præterea. Augustinus dicit in Lib. de Trin. quod magnitudinem humani peccati

ostendit magnitudo remedii: quia oportuit illud morte Christi deleri. Ergo si idem remedium est contra omnia peccata, omnia peccata sunt æqualiter magna.

12. Præterea. Sicut dicit Dionysius iv. cap. de divin. Nomin. bonum est ex una & tota causa, malum autem ex singularibus defectibus. Quilibet autem defectus tollit integritatem. Ergo quilibet defectus tollit totam boni rationem. Non ergo unum peccatum est gravius altero.

13. Præterea. Virtus est simplex, cum sit forma quædam. Ergo si tollitur, tota tollitur. Sed ex hoc est peccatum malum, quia tollit virtutem. Ergo omnia peccata sunt æqualiter mala, quia unumquodque æqualiter tollit virtutem.

14. Præterea. Ab eodem aliquid habet quod sit tale, & quod sit magis tale. Si ergo album est disgregativum visus, magis album est magis disgregativum. Sed actus habet rationem peccati ex aversione a Deo. Cum ergo omnia peccata conveniant in aversione a Deo, omnia peccata erunt æqualia.

15. Præterea. Quanto maior est qui offenditur, tanto peccatum est gravius; sicut gravius peccat qui percutit Regem quam qui percutit militem. Sed in omni peccato unus & idem est qui contemnitur, scilicet Deus. Ergo omnia peccata sunt æqualia.

16. Præterea. Genus æqualiter participatur a suis speciebus. Sed peccatum est genus omnium peccatorum. Ergo omnia peccata sunt æqualia, & æqualiter peccat quicumque peccat.

17. Præterea. Malum dicitur per privationem boni. Quantitas autem privationis cognosci potest ex eo quod post privationem relinquitur. Idem autem est quod relinquitur de bono post quodlibet peccatum: relinquitur enim ipsa natura animæ, & libertas arbitrii, per quam homo potest eligere bonum, & malum. Ergo unum peccatum non est magis malum quam aliud.

18. Præterea. Circumstantiæ se habent ad virtutem sicut substantiales differentiæ. Sed si una substantialis differentia tollatur, omnes tolluntur, quia corrumpitur subsistens. Cum ergo quodlibet peccatum aliquam circumstantiam virtutis tollat, quodlibet peccatum tollit omnes; & ita unum peccatum non erit gravius alio.

Sed contra est quod dicitur Ioan. xix. 11. *Propterea qui tradidit me sibi, maius peccatum habet.*

Præterea. Secundum Augustinum (Lib. I. de

I. de lib. arb. cap. 111. circa fin.) libido est causa peccati. Sed non omnis libido est aequalis. Ergo nec omnia peccata sunt paria.

Respondeo dicendum, quod opinio Stoicorum fuit, omnia peccata esse paria: ex quo derivata est quorundam modernorum hereticorum opinio dicentium, nullam inaequalitatem esse nec inter peccata, nec inter merita, & similiter nec inter praemia, nec inter supplicia. Fuerunt autem Stoici moti ad hoc ponendum, quia considerabant quod aliquid ex hoc habet rationem peccati solummodo, quia est praeter rectitudinem rationis; sicut patet quod adulterium est peccatum, non quia commisserit mulieri sit secundum se malum, sed quia praeter rectitudinem rationis fit; & idem patet in aliis. Idem autem est, si dicatur praeter legem divinam quantum ad propositum pertinet: utrumque enim privationem quandam importat; privatio autem non videtur suscipere magis, & minus. Unde si aliquid sit malum per privationem alicuius, non videtur differre qualitercumque se habeat, dummodo privetur; sicut si iudex alicui certum limitem statuatur, si illum praeterierit, non refert utrum multum, vel parum. Et similiter dicebant, quod non refert dummodo aliquis peccando rectitudinem rationis praeterat, qualitercumque, vel ex quacumque causa hoc faciat, ac si peccare nihil esset aliud quam quasdam positas lineas transire. Tota ergo ratio huius rationis solvenda hinc sumenda est, ut consideremus qualiter in his quae per privationem dicuntur, possit, vel non possit magis, vel minus inveniri. Est ergo considerandum, quod est duplex privatio. Quaedam quae est privatio pura, sicut tenebra, quae nihil lucis relinquit, & mors, quae non relinquit aliquid vitae. Quaedam vero privatio est non pura, sed aliquid relinquens: unde non solum est privatio, sed etiam contrarium; sicut aegritudo, quae non tollit totam commensurationem sanitatis, sed aliquid eius; & simile est de turpi, & dissimili, & inaequali, & falso, & omnibus similibus. Et videntur huiusmodi privationes a praemissis differre in hoc quod primae privationes sunt quasi (a) in corruptum esse; secundae vero significant quasi in via corruptionis. Quia ergo in primis privationibus totum privatur, & id quod positive dicitur, non est de ratione privationis, non differt in talibus privationibus quacumque ex causa, vel quocumque modo

aliquis privetur, ut propter hoc dicatur magis, vel minus privatus: non enim mortuus est minus qui uno vulnere percussus interit, quam qui duobus, vel tribus; nec minus est tenebrosa domus, si candela veletur uno velamine, quam si duobus, vel tribus. In secundis autem privationibus non totum privatur, & quod positive dicitur, est de ratione eius quod dicitur privative: & ideo talia recipiunt magis, & minus secundum differentiam eius quod dicitur positive; sicut aegritudo dicitur maior, si fuerit causa tollens sanitatem aut maior, aut multiplicior: & idem est in turpitudine, & in dissimilitudine, & in huiusmodi. Est ergo consideranda in peccatis quedam differentia: nam peccata omissionis per se loquendo consistunt in sola privatione pracepti quod omittitur, ut supra ostensum est: unde in peccato omissionis conditio actus adiuncti, quia per accidens se habet, nullo modo facit peccatum omissionis per se loquendo magis, vel minus: sicut si alicui praecipitur ut vadat ad Ecclesiam, non attenditur in peccato omissionis, utrum sit prope Ecclesiam, vel longe, dummodo ad Ecclesiam non vadat; nisi forte per accidens, inquantum differentia illius adiuncti pertineret ad minorem, vel maiorem contemptum. Nec tamen propter hoc omnia peccata omissionis sunt paria: quia praepcepta disparia sunt vel propter diversam auctoritatem praecipientis, vel propter diversam dignitatem, aut necessitatem praepceptorum. Peccatum vero transgressionis consistit in deformitate alicuius actus, quae quidem deformitas non tollit totum ordinem rationis, sed aliquid eius; puta, si aliquis comedit quando non debet, & remanet quod comedit ubi debet, vel propter quod debet. Nec potest actus remanente totaliter rationis proportio tolli: unde dicit Philosophus in IV. Ethic. (cap. v. parum ante med.) quod si malum sit integrum, importabile sit, & seipsum destruit. Sicut ergo non omnis deformitas corporis est aequalis, sed quaedam est alia maior, secundum quod privantur plura ad decorem pertinentia, vel aliquid principalis; ita non omnis deformitas, vel inordinatio actus est aequalis, sed quaedam est alia maior. Unde nec omnia peccata sunt paria.

Ad primum ergo dicendum, quod verbum Iacobi non est sic intelligendum, quod ille qui in uno praepcepto legis offendit, tantum reatum incurrat, quantum si omnia transgredere.

(a) *id.* in corrupto esse.

deretur; sed quia quodammodo reatum incurrit pro contemptu omnium præceptorum, non in omnibus, sed in uno: qui enim unum præceptum contemnit, intantum omnia præcepta contemnit, inquantum contemnit Deum, ex quo omnia præcepta auctoritatem habent: unde statim subdit: *Qui enim dixit, Non occides, dixit, Non machaberis*. Et similiter intelligendum est verbum Hieronymi.

Ad secundum dicendum, quod mors animæ est privatio gratiæ, per quam anima Deo uniebatur: privatio autem gratiæ non est essentialiter ipsa culpa, sed effectus culpe, (a) & poena, ut supra dictum est in quæst. de malo (quæst. præced. art. 4. & 5.) Unde peccatum dicitur mors animæ non essentialiter, sed effective. Essentialiter vero peccatum est actus deformis, vel inordinatus.

Ad tertium dicendum, quod in supplicio damnatorum est aliquid commune omnibus, quod respondet contemptui Dei, puta carentia visionis divinæ, & perpetuitas poenæ; & quantum ad hoc (b) dicuntur congregari congregatione unius fascis: & est aliquid in quo differunt, secundum quod quidam magis torquentur quam alii; & quantum ad hoc Matth. xxi. dicuntur colligari sicut zizaniorum fasciculi ad comburendum.

Ad quartum dicendum, quod ille qui transiit lineam præstitutam sibi per limites a iudice, non peccat nisi quia non tenet se infra terminum sibi præstitutum; & sic directe peccatum eius est peccatum omissionis. Si autem præciperetur ei directe quod non ambularet, manifestum est quod quanto plus ambulando procederet, tanto gravius puniretur. Vel aliter dicendum, quod in his quæ non sunt mala, nisi quia prohibita, qui præceptum non servat, totaliter privat id ad quod teneretur; sed in his quæ sunt mala per se, & non solum quia prohibita, non totaliter tollitur bonum cui opponitur malum; & ideo tanto gravius peccatur, quanto plus de eo tollitur.

Ad quintum dicendum, quod a bono infinito aliquis avertitur actu finito: & ideo peccatum essentialiter finitum est, licet habeat aliquam habitudinem ad bonum infinitum.

Ad sextum dicendum, quod peccatum essentialiter non est privatio gratiæ, sed casualiter, ut dictum est.

Ad septimum dicendum, quod in privativis non dicitur aliquid magis, vel minus per accessum ad terminum, sed magis per recessum.

Unde & ibidem Philosophus probat per hoc quod est aliquid magis, vel minus falsum, quod sit aliquid simpliciter verum. Ad hoc ergo quod aliquid sit magis, vel minus malum, non requiritur quod sit aliquid simpliciter malum, sed quod sit aliquid simpliciter bonum.

Ad octavum dicendum, quod virtutes omnes sunt æquales, non quantitate, cum Apostolus dicat, quod maior est caritas; sed proportionem, inquantum unaquæque æqualiter se habet ad suum actum: sicut si quis diceret omnes digitos manus esse æquales proportionem, non quantitate. Peccata autem nec proportionem sunt paria: quia non dependent ex una causa, sicut virtutes, quæ dependent omnes ex prudentia, vel caritate; peccatorum autem diversæ sunt radices.

Ad nonum dicendum, quod peccatum quod committitur in re maiori est maius: unde furtum maioris rei est gravius peccatum, quia magis opponitur æqualitati iustitiæ. Verbum autem Domini non sic est intelligendum, quod qui facit minorem iniquitatem, maiorem faceret: multi enim dicunt verbum otiosum qui non dicerent blasphemiam. Sed est intelligendum, quod facilius est in minoribus servare iustitiam quam in maioribus: unde qui in minoribus non servat, nec in maioribus servaret.

Ad decimum dicendum, quod quamvis anima sit simplex in esse, est tamen multiplex in virtute, non solum secundum quod habet multas potentias, sed quia secundum unam & eandem potentiam ad multa se habet, & multipliciter in illa ferri potest: unde non est necessarium quod omnis eius aversio, vel conversio sit æqualis.

Ad undecimum dicendum, quod omnibus peccatis mortalibus oportuit subveniri per mortem Christi, propter gravitatem quam habent ex contemptu boni infiniti; sed tamen nihil prohibet quin per unum peccatum magis contemnatur Deus quam per aliud.

Ad duodecimum dicendum, quod in quolibet peccato tollitur integritas boni, sed non totum bonum; quinimo in uno plus, in alio minus, ut dictum est.

Ad decimumtertium dicendum, quod peccatum directe opponitur actui virtutis, ad quod multæ circumstantiæ requiruntur: & præterea diversæ sunt virtutes, & una earum est alia maior. Unde non oportet omnia peccata esse æqualia.

Ad decimumquartum dicendum, quod ratio

(a) *Ad. & poenæ.* (b) *Ad. dicimus.*

rio illa procederet, si peccatum esset privatio tantum; sed quia habet in sui ratione positionem aliquam, recipit magis, & minus, ut dictum est.

Ad decimumquintum dicendum, quod quantitas contemptus non solum mensuratur ex parte eius qui offenditur, sed etiam ex parte actus quod quis contemnitur, qui potest esse intensior, vel remissior.

Ad decimumsextum dicendum, quod omnia animalia sunt aequaliter animalia, non tamen sunt aequalia animalia, sed unum animal est altius maius, & perfectius: & similiter non oportet quod omnia peccata propter hoc sint paria.

Ad decimumseptimum dicendum, quod post peccatum remanet & natura animae, & libertas voluntatis; minuitur tamen habitus ad bonum, & per unum peccatum plus, & per aliud minus.

Ad decimumoctavum dicendum, quod circumstantiae non se habent nec in virtute, nec in peccato sicut differentiae substantiales; alioquin omnis circumstantia constitueretur in genere, vel specie virtutis, aut peccati; sed magis se habent per modum accidentium, ut supra (art. 6. & 7.) dictum est: & praeterea hoc non est verum quod sublata una differentia essentiali omnes tollantur: sublata enim rationali remanet vivum, ut dicitur in Lib. de causis (prop. 1.) non quidem idem numero propter destructionem subiecti, sed idem ratione.

ARTICULUS X.

Utrum peccatum sit gravius ex eo quod maiori bono opponitur.

1. 2. quaest. lxxiii. art. 4.

Decimo quaeritur, utrum peccatum sit gravius ex eo quod maiori bono opponitur. Et videtur quod non. Quia secundum Augustinum (Enchir. cap. xii.) ex hoc aliquid dicitur malum quod admittit bonum. Quod ergo plus admittit de bono, est magis malum. Sed primum peccatum, etiam si minori virtuti opponatur, plus admittit de bono quam secundum: quia privatur hominem gratia, & vita aeterna. Non ergo peccatum est ex hoc gravius quod maiori virtuti opponitur.

2. Praeterea. Caritas secundum Apostolum I. Corinth. xiii. est maior fide, & spe. Odium autem, quod opponitur caritati, non est gravius peccatum quam infidelitas, &

desperatio, quae opponitur fidei; & spei. Non ergo peccatum est gravius, quod maiori bono opponitur.

3. Praeterea. Quod aliquis sciens, vel ignorans peccet, accidentaliter se habet ad bonum cui opponitur peccatum. Si ergo ex hoc unum peccatum esset alio gravius quod maiori bono opponitur, sequeretur quod non gravius peccaret qui sciens peccat quam qui peccat ignorans; quod patet esse falsum.

4. Praeterea. Quantitas peccati respondet quantitati culpae. Sed quaedam peccata quae sunt in proximum, gravius leguntur puniri quam peccata in Deum commissa; sicut peccatum blasphemiae, quod est peccatum in Deum, punitum est simpliciter lapidatione, ut habetur Lev. xxiv. peccatum autem schismatis punitum est per inconvenerum mortem multorum, ut habetur Num. xxvi. Ergo gravius est peccatum quod committitur in proximum quam quod committitur in Deum; cum tamen maiori bono opponatur peccatum quod in Deum committitur.

Sed contra est quod Philosophus dicit VIII. Ethic. (cap. x. circa princ.) quod sicut bono opponitur malum, ita optimo opponitur pessimum.

Respondeo dicendum, quod gravitas peccati potest pensari ex duobus: uno modo ex parte ipsius actus; alio modo ex parte agentis. Ex parte autem actus est duo considerare, scilicet speciem actus, & accidentis eius, quod supra circumstantiam diximus. Actus autem speciem habet ex obiecto, sicut iam supra dictum est. Gravitatis ergo peccati quam habet ex specie sua, attenditur ex parte obiecti, sive materiae: & secundum hanc considerationem gravius peccatum dicitur ex suo genere quod maiori bono virtutis opponitur: unde cum bonum virtutis consistat in ordinatione amoris, ut Augustinus dicit (Lib. I. de moribus Ecclesiae cap. xv.) Deum autem super omnia diligere debeamus; peccata quae sunt in Deum, sicut idolatria, blasphemia, & huiusmodi, secundum suum genus sunt reputanda gravissima. Inter peccata autem quae sunt in proximum, tanto aliqua sunt aliis graviora, quanto maiori bono proximi opponuntur. Maximum autem bonum proximi est ipsa vita hominis, cui opponitur peccatum homicidii, quod tollit actuale hominis vitam; & peccatum luxuriae, quod opponitur vitae hominis in potentia, quia est inordinatio quaedam circa actum generationis humanae. Unde inter omnia peccata quae sunt in proximum, gravius est homicidium secundum genus suum; & se-

& secundum locum tenet adulterium, & fornicatio, & huiusmodi peccata carnalia; tertium autem locum tenet furtum, & rapina, & huiusmodi, per quae in exterioribus bonis laeditur proximus. In singulis autem horum generum sunt diversi gradus, in quibus mensura peccati secundum genus suum oportet accipere, secundum quod bonum oppositum magis, vel minus per caritatem debet amari. Ex parte autem circumstantiae est etiam gravitas in peccato, non ex specie sua, sed accidentalis. Similiter etiam ex parte agentis attenditur gravitas in peccato, secundum quod magis, vel minus voluntarius peccat: voluntas enim est causa peccati, ut supra (art. 2. & 3.) diximus. Sed haec gravitas non competit peccato secundum suam speciem: & ideo si gravitas peccati attendatur secundum speciem eius, tanto invenitur peccatum gravius, quanto maiori bono opponitur.

Ad primum ergo dicendum, quod in peccato invenitur duplex boni ademptio. Una formalis, per quam tollitur ordo virtutis; & quantum ad hanc non refert utrum primo, vel secundo peccet: quia secundum peccatum potest plus privare de ordine virtutis in actu quam primum. Alia vero est ademptio boni, quae est effectus peccati, scilicet privatio gratiae, & gloriae; & quantum ad hanc primum peccatum plus tollit quam secundum; sed hoc est per accidens, quia secundum non invenit quod primum invenit. Per ea autem quae sunt per accidens, non est iudicium de rebus sumendum.

Ad secundum dicendum, quod fides, & spes sunt praerambula ad caritatem: unde infidelitas, quae opponitur fidei, & desperatio, quae opponitur spei, maxime opponuntur caritati, quia radicatus eam evellunt.

Ad tertium dicendum, quod aliquem peccare sciens, vel ignorans, licet accedat alicui peccato speciali, puta furto quantum ad species eius, tamen quantum ad rationem generis, id est in quantum est peccatum, non accidit, quia de ratione peccati est ut sit voluntarium: unde ignorantia, quae dimittit voluntarium, dimittit etiam rationem peccati.

Ad quartum dicendum, quod poenae quae inferuntur a Deo in futura vita, respondent gravitati culpae: unde Apostolus Roman. 11. 2. dicit, quod iudicium Dei est secundum veritatem in eos qui talia agunt. Sed poenae quae in praesenti vita ideo inferuntur sive a Deo, sive ab homine, non semper respondent gra-

vitati culpae. Interdum enim minor culpa graviore poena punitur temporaliter propter maius periculum evitandum: poenae enim praesentis vitae quasi medicinae adhibentur. Peccatum autem schismatis periculosissimum est in rebus humanis, quia dissolvit totum regimen humanae societatis.

ARTICULUS XI.

Utrum peccatum diminuat bonum naturae.

1. 2. quæst. lxxxv. art. 1.

UNdecimo quaeritur, utrum peccatum diminuat bonum naturae. Et videtur quod non. Nullum enim diminutum est integrum. Sed bona naturalia manent integra demonibus post peccatum, ut dicit Dionysius cap. iv. de divin. Nomin. Ergo bonum naturae non diminuitur per peccatum.

2. Praeterea. Accidens non tollit suum subiectum. Sed malum culpae est in bono naturae sicut in subiecto. Ergo malum culpae non tollit aliquid a bono naturae, & ita non diminuit ipsum.

3. Sed diceretur, quod bonum naturae diminuitur per malum culpae, non quantum ad substantiam subiecti, sed quantum ad aptitudinem, sive ad habilitatem. Sed contra. Privatio nihil tollit de eo quod est commune sibi, & formae oppositae. Sed sicut substantia subiecti est communis privationi, & formae, ita etiam aptitudo, sive habilitas: requirit enim privatio in subiecto aptitudinem ad formam oppositam. Ergo privatio nihil tollit de habilitate subiecti.

4. Praeterea. Diminui quoddam pati est. Pati autem in suscipiendo est, agere autem in emittendo magis. Nihil ergo diminuitur secundum actum suum. Sed peccatum in actu consistit. Ergo per peccatum non diminuitur bonum naturae peccantis.

5. Sed diceretur, quod peccatum est actus potentiae quae non diminuitur, sed sola eius habilitas. Sed contra. Pati dicitur aliquid non solum si subtrahatur ei aliquid quod sit de substantia eius, sed etiam si subtrahatur accidens eius: aqua enim pati dicitur non solum cum amittit formam substantialem, sed etiam cum calefacta frigiditatem amittit. Habilitas autem est accidens potentiae. Ergo si diminuat habilitas, ipsa potentia patietur per actum proprium, quod videtur impossibile secundum praedicta.

6. Praeterea. In rebus naturalibus agens patitur, non tamen patitur secundum quod agit:

agit : nam agit quidem secundum quod est actu, patitur autem secundum quod est in potentia ; sicut aer actu calidus in frigidatur per aquam, in quantum est frigidus in potentia ; calefacit autem aquam, in quantum est actu calidus. Sed hoc est communiter verum in omnibus quod nihil secundum idem est actu, & potentia. Nihil ergo patitur secundum quod agit : neque ergo peccans diminuitur in suo bono naturali per propriam actionem peccati.

7. Præterea. Diminuere est agere quoddam. Sed actus non agit : esset enim procedere in infinitum, cum omne quod agit, actum causet. Cum ergo peccatum sit actus quidam, videtur quod peccatum non diminuat bonum naturæ.

8. Præterea. Cum d' minutio sit motus quidam, diminuere movere est. Nihil autem movet seipsum ; moveret autem seipsum aliquid, si super suam actionem moveretur. Non ergo peccans diminuitur in suo bono naturæ per suam actionem peccati.

9. Præterea. Dionysius dicit iv. cap. de divin. Non in. quod malum non agit nisi virtute boni. Sed peccatum in virtute boni non corrumpit bonum naturæ : quia virtus boni non est corruptiva, sed salvativa magis. Ergo peccatum non diminuit bonum naturæ.

10. Præterea. Augustinus dicit in Ench. (cap. xiii. in princ.) quod in bono, & malo fallit Dialecticorum regula, quæ dicit, quod opposita non sunt simul. Non autem falleret, nisi malum esset in bono sibi opposito sicut in subiecto. Est ergo peccatum in bono naturæ sibi opposito sicut in subiecto. Sed nullum accidens diminuit suum subiectum. Ergo peccatum non diminuit bonum naturæ, etiam secundum quod est ei oppositum.

11. Præterea. Si peccatum diminueret bonum naturæ, diminueretur libertas arbitrii, in quo præcipue peccatum consistit. Sed Bernardus dicit in Lib. de lib. arb. (aliquantulum a princ.) quod liberum arbitrium detrimentum non patitur in damnatis. Ergo bonum naturæ non diminuitur per peccatum.

12. Præterea. Si peccatum diminuit habilitatem naturalem ad bonum, aut ex parte subiecti, aut ex parte boni ad quod subiectum est habile : inter hæc enim duo habilitas consideratur quasi medium quoddam. Non autem diminuit ipsam ex parte subiecti, sicut nec ipsum subiectum. Secundum autem quod coniungitur cum bono virtutis,

S. Th. Oper. Tom. XV.

vel gratiæ, videtur habilitas prædicta pertinere ad genus moris. Sic ergo per peccatum nullo modo diminuitur bonum naturæ.

13. Præterea. Augustinus dicit VIII. super Genes. ad litteram (Lib. IX. cap. x.) quod infusio gratiæ est sicut illuminatio, & per consequens peccatum est sicut obtenebratio mentis. Sed tenebra non tollit ab ære habilitatem ad lumen. Ergo nec etiam peccatum tollit aliquid de habilitate ad gratiam.

14. Præterea. Habilitas naturalis ad bonum videtur esse idem quod iustitia naturalis. Iustitia autem est restitudo quoddam voluntatis, ut Anselmus dicit in Lib. de veritate (cap. xiii.) Restitudo autem non potest diminui, quia omne rectum æqualiter est rectum. Ergo neque bonum naturæ, quod est habilitas naturalis, diminuitur per peccatum.

15. Præterea. Augustinus dicit in Lib. de immortalitate animæ (cap. ix.) quod mutato aliquo, mutatur id quod in eo est. Sed diminutio est quoddam species motus. Ergo diminuto subiecto, diminuitur accidens quod in eo est. Sed culpa est in bono naturæ sicut in subiecto. Si ergo culpa diminuit bonum naturæ, diminuit semetipsam ; quod est inconveniens.

16. Præterea. Secundum Philosophum in II. Ethic. (cap. v.) tria sunt in anima : potentia, habitus, & passio. Sed passio non diminuitur per peccatum ; quinimmo per peccata multiplicatur : unde & passiones peccatorum dicuntur ad Rom. vii. habitus autem virtutis totaliter tollitur per peccatum ; potentia autem totaliter manet. Nullum ergo bonum naturæ est in anima quod per peccatum diminuat.

Sed contra est quod Lucæ x. super illud, *Ex plagis immoſſis abierunt*, dicit Glossa (ordinari.) quod peccatis humanæ naturæ integritas violatur. Non autem violatur integritas nisi per diminutionem. Ergo peccatum diminuit bonum naturæ.

Præterea. Augustinus dicit XI. de civit. Dei (cap. ix.) quod vitium est malum, quia nocet naturæ bonæ : quod non esset, nisi adimeret aliquid. Diminuit ergo bonum naturæ.

Præterea. Augustinus dicit in IV. Musicz (cap. v. non procul a fin.) quod anima per peccatum facta est imbecillior. Diminuitur ergo bonum naturæ in ipsa per peccatum.

Præterea. Creatura rationalis se habet ad gratiam sicut oculus ad lumen. Sed oculus

H in

in tenebris existens fit minus habilis ad videndum lucem. Ergo anima diu in peccato manens, fit minus habilis ad percipiendam gratiam; & ita bonum naturæ, quod est habitus, dimittitur per peccatum.

Respondeo dicendum, quod quia diminueretur est quoddam agere, considerandum est, quod modis aliquid agere dicitur, ut sciatur qualiter peccatum bonum naturæ diminueat. Dicitur autem proprie quidem agere ipsum agens quod actum producit, abusive autem id quo agens agit; sicut proprie quidem pictor facit album parietem; sed quia facit album per albedinem, consuevit etiam dici, quod albo facit album. Quot ergo modis id quod proprie est agens, dicitur agere, tot etiam modis agere dicitur abusive id quo agens agit. Agens autem principaliter dicitur agere aliquid & per se, & per accidens: per se quidem quod agit secundum propriam formam, per accidens autem quod agit removendo prohibens; sicut per se quidem illuminat domum sol, per accidens vero qui aperit fenestram, quæ erat obstaculum luminis. Rursus principale agens dicitur aliquid agere primo, & aliquid consequenter; sicut generans primo quidem dat formam, consequenter autem dat motum, & omnia quæ consequuntur ad formam unde generans dicitur movens gravium, & levium, ut dicitur in VIII. Physic. (com. xxxi.) Quod autem dictum est in effectibus positivis, similiter oportet intelligi quantum ad effectus privationis: sic enim corrumpens, & diminuens est movens, sicut & generans, & augens. Unde manifeste accipitur, quod sicut removens obstaculum luminis dicitur per accidens illuminare, & etiam ipsa remotio obstaculi, abusive tamen; ita etiam ponens obstaculum luminis dicitur obtenebrare, & etiam ipsum obstaculum. Sicut autem lumen a sole diffunditur in aërem, ita gratia a Deo infunditur animæ: quæ quidem est supra naturam animæ; & tamen in natura animæ, vel cuiuscumque creaturæ rationalis est aptitudo quædam ad gratiæ susceptionem, & per gratiam susceptionem fortificatur in debitis actibus. Peccatum autem est quoddam obstaculum interpositum inter animam & Deum, secundum illud Isai. lxx. 2. (a) *Peccata vestra diviserunt inter vos & Deum vestrum.* Cuius ratio est, quia sicut interior aer domus non illuminatur a sole, nisi directe aspiat so-

lem; & hoc dicitur illuminationis obstaculum quod huiusmodi respectus rectitudinem impedit: ita anima non potest illuminari a Deo per gratiæ susceptionem, nisi directe convertatur in ipsum. Hanc autem conversionem impedit peccatum, quod convertit animam in oppositum, quod scilicet est contra legem Dei. Unde manifestum est quod peccatum est obstaculum quoddam impediens gratiæ susceptionem. Omne autem obstaculum alicuius perfectionis, aut formæ, simul cum hoc quod excludit formam, vel perfectionem quamcumque, facit susceptivum minus aptum, vel habile ad formæ receptionem; & ulterius per consequens impedit effectus formæ, vel perfectionis in subiecto, & maxime si obstaculum illud fuerit aliquid inherens vel habitu, vel actu. Manifestum est enim quod id quod movetur uno motu, non simul movetur contrario, & est etiam minus aptum, vel habile in motu contrario moveatur; sicut etiam quod est calidum, est minus aptum ut sit frigidum, difficilius enim frigidi impressionem recipit. Sic ergo peccatum, quod est obstaculum gratiæ, non solum excludit gratiam, sed etiam facit animam minus aptam, vel habilem ad gratiæ susceptionem; & sic diminuit aptitudinem, vel habilitatem (b) a bono ad gratiam. Unde cum huiusmodi habitus sit quoddam bonum naturæ, peccatum diminuit bonum naturæ; & quia gratia naturam perficit & quantum ad intellectum, & quantum ad voluntatem, & quantum ad inferiores animæ partes obaudibiles rationi, irascibilem dico, & concupiscibilem; peccatum excludendo gratiam, & huiusmodi auxilia naturæ, dicitur vulnerare naturam. Unde ignorantia, malitia, & huiusmodi dicuntur quædam naturæ vulnera consequentia ex peccato.

Ad primum ergo dicendum, quod bonum naturæ integrum manet quantum ad substantiam boni naturalis; sed per peccatum diminuitur aptitudo ad gratiam, ut dictum est, quæ quidem est quoddam bonum naturæ.

Ad secundum dicendum, quod accidens etsi non tollat substantiam sui subiecti, potest tamen diminueretur habilitatem ad aliud accideo; sicut calor diminuit habilitatem ad frigus; & ita est in proposito, ut dictum est.

Ad tertium dicendum, quod secundum Phi-

(a) *Vulnera iniquitates vestre.* (b) *Id. ad bonum, ad gratiam. Forte animæ ad gratiam, vel ad bonum gratiæ.*

Philosophum in III. Physic. (com. x.) dicitur, quod potentia sanum, & potentia ægrum est idem subiecto propter unam substantiam subiecti, quæ est in potentia ad utrumque; differunt tamen ratione, quia ratio potentiz sumitur ab actu. Sic ergo peccatum non diminuit habilitatem ad gratiam ex ea parte quæ radicatur in substantia animæ; sic enim communis est una existens contrarium: sed ex ea parte quæ ordinatur ad oppositum, prout differens est.

Ad quartum dicendum, quod ad actum naturalem concurrunt actus multarum potentialium animæ, quarum quædam sunt motivæ aliarum, sicut intellectus movet voluntatem, & voluntas movet irascibilem, & concupiscibilem. Movens autem imprimit aliquid in motum. Unde patet quod in actu morali non est sola emissio, sed etiam receptio: & propter hoc ex actibus moralibus potest causari aliquid in agente, ut habitus, vel dispositio, vel etiam aliquid oppositum his.

Quintum concedimus.

Ad sextum dicendum, quod actio naturalis consistit in emissionem tantum: unde actio naturalis nihil causat in agente, maxime in simplicibus agentibus, quæ non sunt compositæ ex agente, & patiente, vel movente, & moto: in his enim quæ sic compositæ sunt, videtur eadem ratio esse quæ est in actibus moralibus.

Ad septimum dicendum, quod actus non proprie dicitur agere, sed abusive, quia est quo agens agit.

Ad octavum dicendum, quod nihil secundum idem movet seipsum; sed secundum diversas partes nihil prohibet, ut patet in VIII. Physic. (com. xxx.) & sic accidit in actu morali, ut dictum est.

Ad nonum dicendum, quod aliquid bonum particulare est corruptivum alterius boni particularis propter contrarietatem quam habet ad ipsum: & sic nihil prohibet malum, prout agit in virtute boni particularis, esse alterius boni corruptivum; sicut frigidum est corruptivum calidi: & hoc modo peccatum corruptit bonum iustitiæ, convertendo se ad aliquid bonum sine modo, & ordine, & per consequens diminuit aptitudinem ad iustitiam.

Ad decimum dicendum, quod bonum, & malum possunt dupliciter considerari. Uno modo secundum communem rationem boni, & mali; & sic quodlibet malum opponitur cuilibet bono: & ita dicit Augustinus fallere Dialecticorum regulam,

dum malum est in bono. Alio modo possunt considerari secundum specialem rationem huius vel illius boni, vel mali; & sic non quodlibet malum opponitur cuilibet bono, sed hoc huic, ut excitas visui, & intemperantia temperantiz; & hoc modo malum nunquam est in bono sibi opposito; nec in hoc fallitur Dialecticorum regula.

Ad undecimum dicendum, quod liberum arbitrium non patitur detrimentum in damnatis quantum ad libertatem, quæ non intenditur, aut remittitur; sed patitur detrimentum quantum ad libertatem quæ est a culpa, & miseria.

Ad duodecimum dicendum, quod habilitas ad gratiam totaliter se tenet ex parte naturæ, etiam secundum quod ordinatur ad bonum moris.

Ad decimumtertium dicendum, quod peccatum non est privatio pura, sicut tenebra, sed est aliquid positive, & ideo se habet ut quoddam obstaculum gratiæ; sed ipsa privatio gratiæ se habet ut tenebra. Obstaculum autem diminuit habilitatem, ut dictum est.

Ad decimumquartum dicendum, quod habilitas ad gratiam non est idem quod iustitia naturalis, sed est ordo boni naturalis ad gratiam. Nec tamen hoc est verum quod iustitia naturalis diminui non possit. Restitudo enim secundum hoc diminui potest quod id quod erat rectum secundum totum, in aliqua parte curvetur; & hoc modo iustitia naturalis diminuitur secundum quod in aliquo obliquatur; puta, in eo qui fornicatur, obliquatur naturalis iustitia quantum ad directionem concupiscientiarum, & sic de aliis. In nullo tamen iustitia naturalis totaliter corrumpitur.

Ad decimumquintum dicendum, quod id quod est in aliquo, movetur ad motum eius in quo est, quantum ad id in quo ab eo dependet, non quantum ad aliud. Anima enim in corpore existens dependet a corpore quantum ad locum, non autem quantum ad esse, nec quantum ad quantitatem; & ideo per accidens movetur localiter moto corpore; non tamen diminuitur anima diminuto corpore, nec corrumpitur corrupto corpore. Malum autem culpæ non habet quantitatem ex bono naturæ, sed magis per recessum a bono naturæ, sicut agritudo habet quantitatem per recessum a naturali dispositione corporis. Unde malum culpæ non diminuitur diminuto bono naturæ, sicut neque morbus debilitata natura, sed magis augetur.

Ad decimum sextum dicendum, quod in potentia includitur etiamabilitas, sive aptitudo ad bonum gratiæ: quæ quidemabilitas diminuitur, ut dictum est, licet ipsa potentia non minuat.

ARTICULUS XII.

Utrum peccatum possit corrumpere totum bonum naturæ.

DUODECIMO quaeritur, utrum peccatum possit corrumpere totum bonum naturæ. Et videtur quod sic. Omne enim finitum per continuum diminutionem potest totaliter auferri. Sed bonum naturæ, quod estabilitas, est quoddam finitum, cum sit creatum. Ergo si diminuitur per peccatum, ut dictum est (art. præced.) totaliter potest auferri.

2. Præterea. Bonum naturæ, quod estabilitas ad gratiam, videtur diminui, vel tolli per aversionem a gratia. Aversio autem habet statum, & non procedit in infinitum, quia conversio quæ ei opponitur, statum habet: non enim est in homine caritas infinita. Ergo diminutio boni naturalis statum habet; quod non esset, si semper aliquid de bono naturæ remaneret: quia bonum naturæ semper natum est diminui per peccatum. Ergo videtur quod bonum naturæ totaliter per peccatum tolli possit.

3. Præterea. Privatio totaliter tollit habilitatem: cæcus enim nullo modo est habilis ad videndum. Sed culpa est quidam privatio. Ergo videtur quod totaliter tollat bonum naturæ, quod estabilitas.

4. Præterea. Peccatum est tenebra spiritalis, ut Damascenus dicit (Lib. II. cap. xv. circa princ.) Sed tenebra totaliter potest excludere lucem. Ergo totaliter potest culpa excludere bonum.

5. Præterea. Sicut se habet bonum gratiæ ad malum naturæ, ita se habet malum culpæ ad bonum naturæ. Sed per gratiam excludi potest totum malum naturæ, idest fomes, qui est inclinatio ad culpam, ut patet in beatis. Ergo per malum culpæ potest tolli totum bonum naturæ, quod estabilitas ad gratiam.

6. Præterea. Ibiabilitas ad gratiam remanere non potest, ubi est impossibilitas gratiam consequendi. Sed status damnationis, ad quem pervenitur per culpam, inducit impossibilitatem consequendi gratiam. Ergo per culpam potest tolli totum bonum naturæ, quod estabilitas ad gratiam.

7. Præterea. Dionysius i v. cap. de divin. Nomin. dicit, quod malum est defectus naturalis habitudinis: quod maxime videtur competere malo culpæ. Ergo videtur quod totaliter bonum naturæ, quod estabilitas, per peccatum deficiat.

8. Præterea. Quidquid ponit aliquid extra statum naturæ, videtur tollere bonum naturæ. Sed peccatum ponit peccantem extra statum naturæ: dicit enim Damascenus (Lib. II. cap. iv. par. a princ.) quod Angelus peccans cecidit ab eo quod est secundum naturam, in id quod est præternaturam. Ergo peccatum tollit bonum naturæ.

9. Præterea. Privatio non privat nisi quod est. Sed gratia non fuit in Angelis ante peccatum. Ergo peccatum Angeli non privavit gratiæ bonum. Relinquitur ergo quod privaverit bonum naturæ.

10. Præterea. Diminutio est quidam motus. Idem est autem motus totius, & partium, ut glebæ unius, & totius terræ, ut dicitur in IV. Physic. (com. alviii.) Si ergo aliquid de bono naturæ diminuitur per peccatum, totum bonum naturæ per peccatum tolli potest.

Sed contra. Quamdiu manet voluntas, remanetabilitas ad bonum. Sed peccatum non tollit voluntatem, quinimodo in voluntate consistit. Ergo videtur quod peccatum non possit tollere totum bonum naturæ, quod estabilitas.

Respondendo dicendum, quod impossibile est quod per peccatum tollatur totaliter bonum naturæ, quod est aptitudo, velabilitas ad gratiam. Sed ex hoc videtur difficultas insurgere, quia cum illaabilitas sit finita, videtur quod per continuum diminutionem totaliter debere possit. Quamquidem difficultatem aliqui vitare voluerunt, accipientes similitudinem ex continuo finito, quod in infinitum dividitur, si fiat divisio secundum eandem proportionem; puta, si a linea finita subtrahatur tertia pars eius, & iterum tertia pars residui, & sic inde, numquam stabit divisio, sed poterit in infinitum procedere. Hoc autem iam proposito locum non habet: quia cum procedit divisio lineæ secundum eandem proportionem, semper pars secundo subtrahitur minor quam pars quæ primo subtrahitur; sicut maius est tertium totius, quam tertium duarum partium residuarum, & sic de aliis: non autem potest dici, quod per secundum peccatum minus diminuat de habilitate prædicta quam per primum; im-

mo

mo forte æqualiter, vel etiam plus, si peccatum fuerit gravius. Et ideo aliter dicendum, quod habilitas diminui potest dupliciter: uno modo per subtractionem; alio modo per contrarii appositionem. Per subtractionem quidem, sicut aliquod corpus est habile ad calefaciendum per calorem quem habet: unde diminuto calore diminuitur habilitas calefaciendi. Per appositionem autem contrarii, sicut aqua calefacta habet naturalem aptitudinem, vel habilitatem ad refrigerationem; sed quanto plus fuerit appositum de calore, tanto minuitur habilitas ad frigus: hic enim modus diminutionis qui est per appositionem contrarii, magis habet locum in potentiis passivis, & receptivis; primus autem modus in potentiis activis; quamvis uterque modus in utrisque potentiis aliquoties inveniri possit. Quando ergo est diminutio habilitatis per subtractionem, tunc totaliter habilitas potest auferri ablato eo quod habilitatem causabat; quando vero habilitas diminuitur per appositionem contrarii, tunc considerandum est utrum appositio contrarii (a) excedens possit corrumpere subiectum, aut non. Si enim potest corrumpere subiectum, potest totaliter habilitas tolli, sicut tantum potest augeri calor in aqua, quod corrumpatur aqua; & sic totaliter tollitur habilitas quæ speciem aquæ consequbatur. Si autem per appositionem contrarii, quantumcumque multiplicetur, non possit subiectum corrumpi, semper quidem minuitur habilitas contrario appposito crescente, nusquam tamen totaliter tollitur propter permanentiam subiecti, in quo radicatur talis habilitas; sicut quantumcumque calidum crederet, non tolleret aptitudinem materię primæ, quæ est incorruptibilis, ad formam aquæ. Manifestum est autem quod habilitas naturæ rationalis ad gratiam est sicut potentia susceptiva, & quod talis habilitas naturæ rationali consequbatur in quantum huiusmodi. Dicitur est autem supra (art. præced.) quod diminutio huius habilitatis est per appositionem contrarii, dum scilicet creatura rationalis avertitur a Deo per conversionem ad contrarium. Unde cum natura rationalis sit incorruptibilis, & non desinat esse, quantumcumque peccatum multiplicetur, consequens est quod habilitas ad bonum gratiæ semper diminuat per appositionem peccati, ita tamen quod nunquam totaliter tollatur: & sic in proposito diminutio procedit in infinitum per oppositum (b) ad appositionem, sicut in continuis e-

converso appositio fit in infinitum per oppositum ad divisionem, dum quod uni lineæ subtrahitur, alteri opponitur.

Ad primum ergo dicendum, quod ratio illa procederet, si bonum naturæ diminueretur per subtractionem, sicut iam dictum est.

Ad secundum dicendum, quod conversio, & aversio habent statum quo perveniunt actui: quia non est conversio, vel aversio actu in finita: non tamen habent statum quantum ad id quod est in potentia: quia tam merita, quam demerita possunt in infinitum multiplicari.

Ad tertium dicendum, quod privatio quæ tollit potentiam, tollit totaliter habilitatem, sicut cæcitas, quæ tollit potentiam visivam; nisi forte secundum quod remanet habilitas, vel aptitudo in radice potentiz, id est in essentia animæ. Privatio autem quæ tollit actum, non auferit habilitatem: & talis privatio est privatio gratiæ, sicut & tenebra, quæ est privatio lucis ab aere. Peccatum autem non est ipsa privatio gratiæ, sed obflaculum quoddam, quo gratia privatur, ut supra dictum est.

Ad quartum dicendum, quod sicut tenebra excludit lucem sibi oppositam, non autem aptitudinem ad lucem, quæ est in aere; similiter per peccatum excluditur gratia, non autem aptitudo ad gratiam.

Ad quintum dicendum, quod pronitas ad malum, quæ dicitur fomes, non consequbatur naturam sicut habilitas ad bonum, sed consequbatur corruptionem naturæ, quæ est ex culpa: & ideo fomes totaliter per gratiam tolli potest, non autem bonum naturæ per culpam.

Ad sextum dicendum, quod impossibilitas ad gratiam quæ est in damnatis, non est ex totali subtractione habilitatis naturalis ad bonum, sed ex oblatione voluntatis in malo, & ex immobilitate divinæ sententiæ, ne eis in perpetuum gratia apponatur.

Ad septimum dicendum, quod defectus naturalis aptitudinis non sic intelligitur quod tota naturalis aptitudo deficiat, sed quia deficiat a sua perfectione.

Et similiter dicendum ad octavum, quod peccatum non totaliter ponit extra statum naturæ, sed extra eius perfectionem.

Ad nonum dicendum, quod privatio non solum privat quod est, sed etiam id quod natum est esse: potest enim aliquis privari aliquo quod nunquam habuit, dummodo natus fuisset habere. Et tamen hoc non est

78.

(a) *ad exercens*, (b) *ad oppositum*.

verum, quod Angeli in principio suae creationis gratiam non habuerunt: simul enim Deus in eis condidit naturam, & largitus est gratiam, ut Augustinus dicit XI. de civit. Dei (cap. ix. a med.)

Ad decimum dicendum, quod ratio illa procederet, si diminutio illa heret per subtractionem partis.

QUAESTIO III.

De causa peccati,

in quindecim articulis divisa.

Primo enim quaeritur, utrum Deus sit causa peccati.

Secundo. Utrum actio peccati sit a Deo.

Tertio. Utrum diabolus sit causa peccati.

Quarto. Utrum diabolus possit inducere homines ad peccandum interius persuadendo.

Quinto. Utrum omne peccatum veniat ex suggestione diaboli.

Sexto. Utrum ignorantia possit esse causa peccati.

Septimo. Utrum ignorantia sit peccatum.

Octavo. Utrum ignorantia excuset, vel diminuat peccatum.

Nono. Utrum sciens ex infirmitate peccet.

Decimo. Utrum peccatum ex infirmitate factum imputetur homini ad culpam mortalem.

Undecimo. Utrum infirmitas alleviet, vel agraвет peccatum.

Duodecimo. Utrum aliquis possit ex malitia, vel cetera scientia peccare.

Tertiodecimo. Utrum gravius peccet qui ex infirmitate peccat quam qui ex malitia.

Quartodecimo. Utrum omne peccatum ex malitia sit peccatum in Spiritum sanctum.

Quintodecimo. Utrum peccatum in Spiritum sanctum possit remitti.

ARTICULUS I.

Utrum Deus sit causa peccati.

1. 2. quaest. lxxix. art. 1.

Questio est de causa peccati. Et primo quaeritur, utrum Deus sit causa peccati. Et videtur quod sic. Dicit enim Apostolus ad Romanos 1. *Tradidit eos Deus in reprobum sensum, ut faciant quae non conveniunt: ubi dicit Glossa Augustini sumpta ex Lib. de gratia, & lib. arbitrio (cap. xxi.*

a med.) „Manifestum est Deum operari in cordibus hominum, inclinando voluntates eorum in quodcumque voluerit, sive ad bonum, sive ad malum.“ Sed inclinatio voluntatis ad malum est peccatum. Ergo Deus est causa peccati.

2. Sed diceretur, quod inclinatio voluntatis ad malum, dicitur esse a Deo inquantum est poena: unde ibidem de Dei iudicio loquitur. Sed contra. Non potest esse idem secundum idem poena, & culpa, ut supra (quaest. 1. de malo art. 4. & 5.) dictum est: quia poena secundum suam rationem repugnat voluntati, culpa autem secundum suam rationem est voluntaria. Sed inclinatio voluntatis pertinet ad rationem voluntarii. Si ergo Deus inclinat voluntatem in malum, videtur quod & ipse sit causa culpae, inquantum est culpa.

3. Praeterea. Sicut culpa opponitur bono gratiae, ita poena opponitur bono naturae. Sed non impeditur quin Deus sit causa poenae per hoc quod est causa naturae. Ergo neque impeditur esse causa culpae per hoc quod est causa gratiae.

4. Praeterea. Quidquid est causa causae, est causa causati. Sed liberum arbitrium est causa peccati, cuius causa est Deus. Ergo Deus est causa peccati.

5. Praeterea. Illud ad quod inclinat virtus data a Deo, est causatum a Deo. Sed virtutes quaedam datae a Deo inclinant ad peccatum, sicut irascibilis ad homicidium, & concupiscibilis ad adultetium. Ergo Deus est causa peccati.

6. Praeterea. Quicumque inclinat voluntatem suam, vel alterius ad malum, est causa peccati: puta, si homo faciendo elemosynam inclinet voluntatem suam ut inteneat inanem gloriam. Sed Deus inclinat voluntatem hominis in malum, ut iam dictum est. Ergo est causa peccati.

7. Praeterea. Dionysius dicit iv. cap. de div. Nom. quod apud Deum causae malorum sunt. Sed non sunt in Deo otiosae. Ergo Deus est causa malorum, inter quae computantur peccata.

8. Praeterea. Augustinus dicit in Lib. de natura & gratia (cap. xxvi. a med.) quod gratia in anima est sicut lux, per quam homo bonum operatur, & sine qua bonum operari non potest. Sic ergo gratia est causa meriti. Ergo per oppositum subtractio gratiae est causa peccati. Sed Deus est qui subtrahit gratiam. Ergo Deus est causa peccati.

9. Praeterea. Augustinus dicit II. Confess. (cap.

(cap. vii.) *Gratia tua detulit, quaecunque mala non feci.* Non esset autem imputandum gratiæ, quod homo male non faceret, si carens gratia posset non peccare. Non ergo peccatum est causa quod aliquis privetur gratia; sed magis privatio gratiæ est causa peccandi: & sic sequitur, ut prius, quod Deus sit causa peccandi.

10. Præterea. Omnis laus creaturæ præcipue Deo debet attribui. Sed in laudem viri iusti dicitur Eccli. xxxi. 10. *Qui potuit transgredi, & non est transgressus.* Ergo multo magis hoc competit Deo. Potest ergo Deus peccare, & per consequens esse causa peccati.

11. Præterea. Philosophus dicit in IV. Topic. (cap. v. a med.) *Potest Deus, & studiose prava facere.* Hoc est autem peccare. Ergo Deus potest peccare.

12. Præterea. Bene sequitur: Sortes potest currere, si vult; ergo simpliciter potest currere. Sed hæc est vera, *Deus potest peccare, si vult*, quia hoc ipsum quod est velle peccare, est peccare. Ergo Deus potest peccare simpliciter: & sic idem quod prius.

13. Præterea. Qui occasione damni dat, dampnum dedisse videtur. Sed Deus dedit occasionem peccandi homini per præceptum quod dedit, ut dicitur Rom. vii. Ergo Deus est causa peccati.

14. Præterea. Cum malum causetur a bono, videtur quod malum maximum causetur a maximo bono. Sed maximum malum est culpa, quæ facit bonum hominem, vel Angelum, malum. Ergo causatur a maximo bono, quod est Deus.

15. Præterea. Eiusdem est dare dominium, & auferre. Sed Dei est dare dominium animæ super corpus. Ergo & eius est auferre. Sed solummodo per peccatum auferitur quod spiritui non subiciatur caro. Ergo Deus est causa peccati.

16. Præterea. Quod est causa alicuius naturæ, est causa motus proprii, & naturalis ipsius. Sed Deus est causa naturæ voluntatis: proprius autem, & naturalis motus voluntatis est averſio, sicut proprius motus, & naturalis lapidis est descendere, ut Augustinus dicit in Lib. de lib. arbit. Ergo Deus est causa averſionis; & sic cum in averſione ratio culpæ consistat, videtur quod Deus sit causa culpæ.

17. Præterea. Qui præcipit peccatum, est causa peccati. Sed Deus invenit præcipisse peccatum, ut dicitur III. Reg. ult. 22. ubi

cum spiritus mendacii dixisset: *Egrediat, & ero spiritus mendax in ore Prophetarum:* Dominus dixit: *Egredere, & fac:* & Oseæ i. dicitur, quod Dominus præcepit Oseæ ut sumeret mulierem fornicariam, & faceret ex ea filios fornicationum. Ergo Deus est causa peccati.

18. Præterea. Eiusdem est agere, & posse: quia, ut dicit Philosophus (Lib. de somno, & vigil. cap. 1.) cuius est potentia, eius est actio. Sed Deus est causa eius quod est posse peccare. Ergo est causa eius quod est peccare.

Sed contra est quod dicit Augustinus in Lib. lxxxiii. *Quæstionum* (circa princ. Libri) quod Deo auctore non sit homo deterior. Sed peccato fit homo deterior. Ergo Deus non est auctor peccati.

Præterea. Fulgentius (Lib. I. ad Monimum a med.) dicit, quod Deus non est auctor illius rei cuius est ultor. Sed Deus est ultor peccati. Ergo non est auctor peccati.

Præterea. Deus non est causa nisi eius quod diligit: quia hoc dicitur Sapient. xi. 25. *Diligis omnia que sunt, & nihil odisti eorum que fecisti.* Odit autem peccatum, secundum illud Sapient. xiv. p. (a) *Pariter odio sunt Deo impius, & impietas eius.* Ergo Deus non est auctor peccati.

Respondeo dicendum, quod causa peccati est aliquis dupliciter: uno modo quia ipse peccat; alio modo quia facit alterum peccare: quorum neutrum Deo convenire potest. Quod enim Deus peccare non possit, manifestum est & ex communi ratione peccati, & ex propria ratione moralis peccati, quod dicitur culpa. Peccatum enim communiter dictum, secundum quod in rebus naturalibus, & artificialibus invenitur, ex eo provenit quod aliquis in agendo non attingit ad finem propter quem agit; quod contingit ex defectu activi principii; sicut si Grammaticus non recte scribat, contingit ex defectu artis, si tamen recte scribere intendit: & quod natura peccet in formatione animalis, sicut contingit in partibus monstruosis, contingit ex defectu activæ virtutis in semine. Peccatum vero, secundum quod proprie in moribus dicitur, habet rationem culpæ, & provenit ex eo quod voluntas deficit a debito fine, per hoc quod in finem indebitum tendit. In Deo autem neque activum principium potest esse deficiens, eo quod eius potentia est infinita; nec eius voluntas potest deficere a debito fine,

ne, quia ipsa eius voluntas, quae est etiam eius natura, est bonitas summa, quae est ultimus finis, & prima regula omnium voluntatum: unde naturaliter eius voluntas inheret summo bono, nec potest ab eo deficere, sicut nec alicuius rei appetitus naturalis deficere potest, quin appetat suum bonum naturale. Sic ergo Deus causa peccati esse non potest, eo quod ipse peccet. Similiter etiam non potest esse causa peccati, eo quod alios faciat peccare: peccatum enim, prout nunc de peccato loquimur, consistit in aversione voluntatis creatae ab ultimo fine. Impossibile est autem quod Deus faciat voluntatem alicuius ab ultimo fine averti, cum ipsemet sit ultimus finis. Quod enim communiter invenitur in omnibus agentibus creatis, oportet quod hoc habeat ex imitatione primi agentis, quod dat omnibus suam similitudinem, secundum quod capere possunt, prout Dionysius dicit in ix. cap. de div. Nom. (non procul a fin.) Unumquodque autem agens creatum invenitur per suam actionem alia quodammodo ad seipsum attrahere, assimilando ea; vel per similitudinem formae, sicut cum calidum calefacit vel convertendo alia ad finem suum, sicut homo per praeceptum alios movet ad finem quem intendit. Est ergo hoc Deo conveniens quod omnia ad seipsum convertat, & per consequens quod nihil avertat a seipso. Ipse autem est summum bonum. Unde non potest esse causa aversionis voluntatis a summo bono, in quo ratio culpae consistit, prout nunc loquimur de culpa. Impossibile est ergo quod Deus sit causa peccati.

Ad primum ergo dicendum, quod Deus dicitur tradere aliquos in reprobum sensum, vel inclinare voluntates in malum, non quidem agendo, vel movendo, sed potius deserendo, vel non impediendo; sicut si aliquis non daret manum cadenti, diceretur esse causa casus illius. Hoc autem Deus ex iusto iudicio facit, quod aliquibus auxilium non praestat ne cadant.

Et per hoc etiam patet solutio ad secundum.

Ad tertium dicendum, quod poena opponitur cuidam particulari bono. Non est autem contra rationem summi boni auferre aliquod particulare bonum, cum particulate bonum auferatur per appositionem alterius boni, quod interdum est melius; sicut forma aquae auferatur per appositionem formae ignis, & similiter bonum naturae particularis auferitur per poenam, per appositionem melioris boni, per hoc scilicet quod Deus

ordinem iustitiae in rebus statuit. Sed malum culpae est per aversionem a summo bono, a quo summum bonum avertere non potest: unde Deus potest esse causa poenae, sed non causa culpae.

Ad quartum dicendum, quod effectus causati, in quantum est causatum, reductur in causam. Si autem aliquid procedat a causato, non secundum quod est causatum, hoc non oportet in causam reducti. Sicut morus tibiae causatur a virtute motiva animalis, quae tibiam movet; sed obliquitas ambulationis non provenit a tibia secundum quod est mota a virtute motiva, sed secundum quod deficit a suscipiendo influxum motivae virtutis per suum defectum: & ideo claudicatio non causatur a virtute motiva. Sic ergo peccatum causatur a libero arbitrio secundum quod deficit a Deo: unde non oportet quod Deus sit causa peccati, licet sit causa liberi arbitrii.

Ad quintum dicendum, quod peccata non proveniunt ex inclinatione irascibilis, aut concupiscibilis, secundum quod sunt a Deo instituta, sed secundum quod debentur ab ordine institutionis ipsius: sic enim sunt instituta in homine, quod rationi lubaeant: unde quando praeter ordinem rationis ad peccatum inclinant, hoc non est a Deo.

Ad sextum dicendum, quod ratio illa non procedit: quia Deus non inclinat voluntatem ad malum, agendo, vel movendo, sed gratiam non apponendo, ut dictum est.

Ad septimum dicendum, quod causae malorum sunt particularia bona, quae deficere possunt: huiusmodi autem particularia bona sunt apud Deum, sicut effectus apud causam, in quantum sunt bona; & pro tanto dicuntur causae malorum apud Deum esse, non quia ipse sit causa malorum.

Ad octavum dicendum, quod Deus, quantum est in se, omnibus se communicat pro captu eorum: unde quod res aliqua a participatione bonitatis ipsius deficiat, est ex hoc quod in ipsa invenitur aliquod impedimentum participationis divinae. Sic ergo quod gratia alicui non apponatur, non est causa ex Deo, sed ex hoc quod ipse cui gratia apponitur, impedimentum gratiae praestat, in quantum avertitur a non avertente se lumine, ut Dionysius dicit (cap. iv. de div. Nom. circa fin.).

Ad nonum dicendum, quod aliter loquendum est de homine secundum statum naturae conditae, & aliter secundum statum naturae corruptae: quia secundum statum naturae

con-

conditæ homo nihil habebat impellens ad malum, licet bonum naturæ non sufficeret ad gloriæ consecutionem: & ideo indigebat auxilio gratiæ ad merendum, non autem indigebat ad peccata vitandum, quia per hoc quod naturaliter acceperat, poterat stare: sed in statu naturæ corruptæ habet impellens ad malum, & ideo indiget auxilio gratiæ ne cadat: & secundum hunc statum Augustinus, divinæ gratiæ deputat quæcumque mala non fecit; sed hic status ex præcedenti culpa provenit.

Ad decimumdicendum, quod aliquid potest esse laudabile in inferiori quod ad laudem superioris non pertinet; sicut esse suribundum, est laudabile in cane, non autem in homine, ut Dionysius dicit (cap. iv. de div. Nom. part. 4. post med.) & similiter non transgredi cum possit pertinet ad laudem hominis, sed deficit a laude divina.

Ad undecimumdicendum, quod verbum illud Philosophi intelligitur non de eo qui est Deus per naturam, sed de his qui dicuntur dii vel secundum opinionem, ut dii gentium, vel per participationem, ut homines supra humanum modum virtuosos, quibus attribuit heroicam, seu divinam virtutem in VII. Ethic. (in princ.) Vel potest dici secundum quosdam, quod Deus dicitur posse prava facere, quia potest, si vult.

Ad duodecimumdicendum, quod istius conditionalis, Sortes potest currere, si vult, antecedens est possibile, & ideo sequitur possibilitas consequentis; sed in hac conditionali, *Deus potest peccare, si vult*, antecedens est impossibile: non enim potest, Deus velle malum: & ideo non est simile.

Ad decimumtertiumdicendum, quod duplex est occasio, scilicet data, & accepta. Præceptum autem est occasio peccati, non quidem data a præcipiente, sed accepta ab eo cui præceptum datur: unde & Apostolus significanter dicit (Rom. vii. 8.) *Occasione accepta peccatum per mandatum operatum est in me unum concupiscentiam*. Dicitur enim occasio dari peccandi, quando fit aliquid minus rectum, ex quo per exemplum alii provocantur ad peccandum. Si autem aliquis faciat rectum opus, & alius inde provocetur ad peccandum, non erit occasio data, sed accepta, sicut cum Pharisei scandalizabantur de doctrina Christi. Mandatum autem erat sanctum, & iustum, ut dicitur ad Rom. vii. Unde Deus præcipiendo non dedit occasionem peccandi, sed homo accepit.

Ad decimumquartumdicendum, quod

S. Tb. Oper. Tom. XV.

bonum, inquantum bonum, esset causa mali, sequeretur quod maximum bonum sit causa maximi mali; sed bonum est causa mali, inquantum est deficiens. Unde quanto est magis bonum, tanto minus est causa mali.

Ad decimumquintumdicendum, quod auferre spiritui dominium super carnem, est contra naturalem iustitiæ ordinem: & ideo hoc Deo convenire non potest, qui est ipsa iustitia.

Ad decimum sextumdicendum, quod motus averſionis dicitur proprius, & naturalis voluntatis secundum statum naturæ corruptæ, non autem secundum statum naturæ conditæ.

Ad decimumseptimumdicendum, quod id quod dicitur, *Egredere, & fac*, non est intelligendum per modum præcepti, sed per modum permissionis; sicut & quod dicitur ad Iudam (Ioann. xiii. 27.) *Quo facis fac citius*; eo modo loquendi quo permissio Dei dicitur eius voluntas. Quod vero dicitur ad Oseam: *Accipe tibi mulierem fornicariam &c.* intelligitur secundum modum præcepti; sed præceptum divinum facit ut non sit peccatum quod aliter esset peccatum. Potest enim Deus, ut Bernardus dicit (de præc. & dispens. aliquant. a prin. Lib.) dispensare in præceptis secundæ tabulæ, per quæ homo immediate ordinatur ad proximum: bonum enim proximi est quoddam bonum particulare. Non autem potest dispensare in præceptis primæ tabulæ, per quæ homo ordinatur in Deum, qui a seipso alios non potest avertere: non enim potest negare seipsum, ut dicitur II. ad Tim. 32. quamvis quidam dicant, quod ea quæ dicuntur de Osea, sunt intelligenda contigisse in visione prophetiæ.

Ad decimumoctavumdicendum, quod ex verbo illo Philosophi intelligitur quod idem est quod potest agere, & quod agit; non autem quod quidquid sit causa potentiz, sit etiam causa actus.

ARTICULUS II.

Utrum actio peccati sit a Deo.

Secundo queritur, utrum actio peccati sit a Deo. Et videtur quod non. Homo enim non dicitur esse causa peccati, nisi quia est causa actionis peccati: nihil enim ad malum intendens operatur, ut Dionysius dicit iv. cap. de div. Nom. Sed Deus non est auctor peccati, ut supra dictum est.

I Er.

Ergo non est causa actionis peccati.

2. Præterea. Quidquid est causa alicuius, est causa eius quod convenit ei secundum rationem suæ speciei; sicut si aliquis est causa Sortis, sequitur quod sit causa hominis. Sed quidam actus sunt qui ex sua specie habent quod sint peccata. Si ergo actio peccati sit a Deo, sequitur quod peccatum sit a Deo.

3. Præterea. Omne quod est a Deo, est res aliqua. Actus autem peccati non est res aliqua, ut Augustinus dicit in Lib. de perfectione iustitiæ (non procul a princ.) Ergo actus peccati non est a Deo.

4. Præterea. Actus peccati est actus liberi arbitrii, quod ideo dicitur liberum, quia seipsum movet ad agendum. Sed omne id cuius actio causatur ab alio, movetur ab illo; & sic non movetur a seipso, nec est liberum. Actus ergo peccati non est a Deo.

Sed contra est quod Augustinus dicit in III. de Trinit. (cap. iv. circa med.) quod voluntas Dei est causa omnium specierum, & motuum. Sed actus peccati est quidam motus liberi arbitrii. Ergo est a Deo.

Respondendum dicendum, quod apud antiquos circa hoc erat duplex opinio. Quidam enim dixerunt antiquitus, actionem peccati non esse a Deo, attendentes ad ipsam peccati deformitatem, quæ a Deo non est. Quidam vero dixerunt, actionem peccati esse a Deo, attendentes ad ipsam essentiam actus; quam oportet ponere a Deo esse, duplici ratione. Primo quidem ratione communi, quia cum ipse Deus sit ens per suam essentiam, quia sua essentia est suum esse, oportet quod omne quod quocumque modo est, derivetur ab ipso: nihil enim aliud est quod sit suum esse; sed omnia dicuntur entia per quamdam participationem. Omne autem quod per participationem dicitur tale, derivatur ab eo quod est per essentiam, sicut omnia ignita derivantur ab eo quod est per essentiam ignis. Manifestum est autem quod actio peccati est quoddam ens, & in predicamento entis positum; unde necesse est dicere, quod sit a Deo. Secundo autem idem patet ratione speciali. Necesse est enim omnes motus secundarum causarum causari a primo movente, sicut omnes motus inferiorum corporum causantur a motu cæli. Deus autem est primus movens respectu omnium motuum & spiritualium, & corporalium, sicut corpus calefere est principium omnium motuum inferiorum corporum. Unde cum actus peccati sit quidam motus liberi arbitrii, necesse est dicere, quod actus peccati, inquantum est actus, sit a Deo. Sed tamen

attendendum est, quod motus primi moventis non recipitur uniformiter in omnibus mobilibus, sed in unoquoque secundum proprium modum. Alio enim modo causatur a motu cæli motus corporum inanimatorum, quæ non movent seipsa, & alio modo motus animalium, quæ moventur seipsa. Rursusque alio modo consequitur ex motu cæli pullulatio plantæ in qua virtus generativa non deficit, sed producit perfectum germen; alio modo pullulatio plantæ cuius virtus generativa est debilis, & producit germen inutile. Cum enim aliquid est in debita dispositione ad recipiendum motionem primi moventis, consequitur actio perfecta secundum intentionem primi moventis; sed si non sit in debita dispositione, & aptitudine ad recipiendum motionem primi moventis, sequitur actio imperfecta: & tunc id quod est ibi actionis, reducitur ad primum movens sicut in causam; quod autem est ibi de defectu, non reducitur in primum movens sicut in causam, quia talis defectus consequitur in actione ex hoc quod agens deficit ab ordine primi moventis, ut dictum est: sicut quidquid est de motu in claudicatione, est ex virtute motiva animalis; sed quidquid est ibi de defectu, non est a virtute motiva, sed a tibia, secundum quod deficit ab opportunitate mobilitatis a virtute motiva. Sic ergo dicendum, quod cum Deus sit primum principium motionis omnium, quædam sic moventur ab ipso quod etiam ipsa seipsa movent, sicut quæ habent liberum arbitrium: quæ si fuerint in debita dispositione, & ordine debito ad recipiendum motionem qua moventur a Deo, sequuntur bonæ actiones, quæ totaliter reducuntur in Deum sicut in causam; si autem deficient a debito ordine, sequitur actio inordinata, quæ est actio peccati: & sic id quod est ibi de actione, reducitur in Deum sicut in causam; quod autem est ibi de inordinatione, vel deformitate, non habet Deum causam, sed solum liberum arbitrium. Et propter hoc dicitur, quod actio peccati est a Deo, sed peccatum non est a Deo.

Ad primum ergo dicendum, quod homo qui peccat, licet per se non velit deformitatem peccati, tamen deformitas peccati aliquo modo cadit sub voluntate peccantis, dum scilicet magis eligit deformitatem peccati incurtere quam ab actu cessare. Sed deformitas peccati nullo modo cadit sub voluntate divina, sed consequitur ex hoc quod liberum arbitrium recedit ab ordine voluntatis divinæ.

Ad secundum dicendum, quod deformitas peccati non consequitur speciem actus secundum quod est in genere naturæ; sic autem a Deo cautatur; sed consequitur speciem actus secundum quod est moralis, prout cautatur ex libero arbitrio, sicut in alia questione (quæst. 11. art. 2. & 3.) dictum est.

Ad tertium dicendum, quod ens, & res simpliciter dicitur de substantia, de accidentibus autem secundum quid: & secundum hoc Augustinus dicit actus non esse res.

Ad quartum dicendum, quod cum dicitur aliquid movere seipsum, ponitur idem esse movens, & motum; cum autem dicitur, quod aliquid movetur ab altero, ponitur aliud esse movens, & aliud motum. Manifestum est autem quod cum aliquid movet alterum, non ex hoc ipso quod est movens, ponitur quod est primum movens: unde non excluditur quin ab altero moveatur, & ab altero habeat similiter hoc ipsum quod movet: similiter cum aliquid movet seipsum, non excluditur quin ab alio moveatur, a quo habet hoc ipsum quod seipsum movet: & sic non repugnat libertati quod Deus est causa actus liberi arbitrii.

ARTICULUS III.

Utrum diabolus sit causa peccati.

1. 2. quæst. lxxx. art. 1.

Tertio quaeritur, utrum diabolus sit causa peccati. Et videtur quod sic. Dicitur enim Sapient. 11. 24. *Invidia diaboli mors intravit in orbem terrarum.* Sed mors consequitur ex peccato. Ergo diabolus est causa peccati.

2. Præterea. Peccatum in affectu consistit. Sed Augustinus dicit IV. de Trin. (cap. xii. circa princ.) quod diabolus suæ societati malignos affectus inspirat: & Beda dicit super Actus Apostolorum (cap. v. super illud, *Cui tentavit vos satanas?*) quod animam in affectum malitiæ trahit. Ergo diabolus est causa peccati.

3. Præterea. Inferius natum est a superiori moveri. Sed sicut intellectus hominis ordinatur: sed infra intellectum angelicum, ita voluntas humana est infra voluntatem angelicam: semper enim virtus appetitiva proportionatur apprehensiva. Ergo angelus malus per suam malam voluntatem potest movere voluntatem hominis ad malum, & sic potest esse causa peccati.

4. Præterea. Ildorus dicit in Lib. de sum-

mo bono (Lib. III. cap. v. a med.) quod diabolus corda hominum occultis cupiditatibus urit. Sed *radix omnium malorum est cupiditas*, ut dicitur I. ad Tim. ult. 10. Ergo videtur quod diabolus possit esse causa peccati.

5. Præterea. Omne quod se habet ad utrumlibet, indiget aliquo determinante ad hoc quod exeat in actum. Sed liberum arbitrium hominis ad utrumlibet se habet, scilicet ad bonum, & malum. Ergo ad hoc quod exeat in actum peccati, indiget quod ab aliquo determinetur ad malum. Maxime autem hoc videtur fieri a diabolo, cuius voluntas est determinata ad malum. Ergo videtur quod diabolus sit causa peccati.

6. Præterea. Augustinus dicit in Enchir. (cap. xxiii. in fin.) quod causa peccati est voluntas mutabilis, primo quidem Angelis, deinde vero hominis. Sed primum in quolibet genere est causa eorum quæ sunt post. Ergo videtur quod mala voluntas diaboli sit causa malæ voluntatis hominis.

7. Præterea. In cogitatione peccatum consistit: unde dicitur Ilaie 1.16. *Averte malum cogitationum vestrarum ab oculis meis.* Sed diabolus potest causare in nobis cogitationes, ut videtur: quia vis cogitativa est potentia corporali organo alligata; diabolus autem potest corpora immutare. Ergo videtur quod diabolus possit esse directe causa peccati.

8. Præterea. Augustinus dicit (Lib. XIX. de civ. Dei. cap. xv.) quod nonnullum vitium est, cum caro concupiscit adversus spiritum. Sed hanc concupiscentiam, ut videtur, potest diabolus causare: quia vis concupiscibilis est actus organi corporalis. Ergo videtur quod directe possit esse causa peccati.

9. Præterea. Augustinus dicit super Genes. ad litteram (Lib. XII. cap. xv. circa med.) quod quando sic species rerum presentantur homini, ut non discernantur a rebus, sequitur inordinatio in carne: hoc autem dicit fieri posse spirituali virtute Angelis boni, vel mali. Inordinatio autem quæ est in carne, non est sine peccato. Ergo videtur quod diabolus possit esse directe causa peccati.

10. Præterea. Commentator in XI. Metaph. inducit verba Themistii dicentis, quod natura inferior agit quasi memorata a superioribus causis. Sed causæ superiores sunt proprie, & directe causæ eius quod agitur ab inferioribus causis. Quod ergo potest commemorare aliquid inferiori agenti, videtur

quod sit causa actus eius. Sed diabolus potest commemorare aliquid homini unde movetur ad peccandum. Ergo videtur quod diabolus possit esse directe causa peccati.

11. Præterea. (a) Philosophus I. Ethic. eudemiorum (sive II. Moralium ad Eudemum) inquit, quid sit principium operationis in anima, & ostendit quod oportet esse aliquid extrinsecum. Omne enim quod incipit de novo, habet aliquam causam: incipit enim homo operari, quia vult; incipit autem velle, quia præconfluitur. Si autem præconfluitur propter aliquid consilium præcedens, aut est procedere in infinitum, aut oportet ponere aliquid principium extrinsecum, quod primo movet hominem ad consiliandum: nisi forte aliquis dicat, quod hoc est a fortuna: ex quo sequeretur omnes actus humanos esse fortuitos. Hoc autem principium in bonis quidem dicit esse Deum, qui non est causa peccati, ut supra ostensum est. Cum ergo homo incipiat agere, velle, & consiliari ad peccandum, videtur quod oporteat huius esse aliquam extrinsecam causam, quæ non potest esse alia nisi diabolus. Ipse ergo est causa peccati.

12. Præterea. Cuiuscumque potestati subiaceret motivum, eius potestati subiaceret & motus qui a motivo causatur. Motivum autem voluntatis est aliquid apprehensum per sensum, vel intellectum; quorum utrumque subiaceret potestati diaboli: dicit enim Augustinus in Lib. lxxxiii. Quæstionum (quæst. xii, in princ.) *Serpis hoc malum, scilicet quod est a diabolo, per omnes aditus sensuales, dat se figuris, accommodat coloribus, adhaeret sonis, latet in ira, in fallacia sermonis, odoribus se subicit, insundit superbia, & quibusdam nebulis implet omnes meatus intelligentie.* Ergo in potestate diaboli est quod moveat voluntatem; & ita directe est causa peccati.

13. Præterea. Diabolus emit hominem propter peccatum, secundum illud Isaie I. 1. (b) *Ece iniquitates vestras venundati estis.* Sed emptor dat pretium venditori. Ergo peccatum in homine causatur a diabolo.

14. Præterea. Hieronymus dicit, quod sic ut Deus est perfectio boni, ita diabolus est perfectio mali, licet in homine sint quædam incentiva vitiorum. Sed Deus est per se causa bonorum nostrorum. Ergo videtur quod diabolus etiam sit directe causa peccatorum nostrorum.

15. Præterea. Sicut Angelus bonus se habet ad bonum, ita malus angelus ad malum. Sed Angelus bonus reducit homines ad bonum: quia, sicut Dionysius dicit (cap. iv. cæl. Hierat.) lex divinitatis est, ultima per media reducere. Ergo videtur quod malus angelus possit reducere hominem ad malum; & ita videtur quod diabolus sit causa peccati.

Sed contra est quod Augustinus dicit in Lib. lxxxiii. Quæstionum (quæst. iv. a med.) quod ad hominis voluntatem causa depravationis eius redit, sive aliquo, sive nullo suadente depravatus sit. Sed homo depravatur per peccatum. Ergo causa peccati hominis non est diabolus, sed voluntas humana.

Præterea. Augustinus dicit in Lib. I. de lib. arbit. (in princ. & cap. xi. & xii.) quod non est aliquid causa peccati humani; sed quilibet est causa suæ malitiæ.

Præterea. Peccatum hominis ex libero arbitrio procedit. Sed diabolus non potest liberum arbitrium hominis movere: hoc enim libero arbitrio repugnaret. Non est ergo diabolus causa peccati.

Respondeo dicendum, quod causa aliquid movens multipliciter dicitur. Quandoque enim dicitur causa id quod est disponens, vel quod est consilians, vel quod est præcipiens; quandoque vero dicitur causa id quod est perficiens: & hæc proprie & vere causa dicitur, quia causa est ad quam sequitur effectus. Ad actionem autem perficientis statim effectus sequitur, non autem ad actionem disponentis, vel consulentis, vel imperantis. Suasio enim non cogit invitum, ut Augustinus dicit in Lib. lxxxiii. Quæstionum (quæst. iv. a med.) Sic ergo dicendum est, quod diabolus humani peccati causa esse potest per modum disponentis, vel persuadentis interius, aut exterioris; aut etiam per modum præcipientis, ut apparet in his qui se manifeste diabolo subdiderunt. Sed per modum perficientis causa peccati esse non potest. Sicut enim in formis producendis causa perficiens est ex cuius actione directe consequitur forma, ita in actibus eliciendis causa perficiens est ex cuius actione agens directe inclinatur ad agendum. Peccatum autem non est forma, sed actus. Illud ergo per se potest esse causa peccati quod potest directe movere voluntatem ad actum peccati. Est autem considerandum, quod

(a) *Ad Philosophum III. Ethic. eudemiorum inquit etc.* (b) *Vulgata: Ece in iniquitatibus vestris venundati estis.*

quod voluntas ad aliquid inclinari dicitur dupliciter: uno modo ab exteriori; alio modo ab interiori. Ab exteriori quidem, sicut ab obiecto apprehenso: nam bonum apprehensum movet dicitur voluntatem: & per hunc modum dicitur movere consilium, vel suadens, inquantum scilicet facit apparere aliquid esse bonum. Ab interiori autem movetur voluntas, sicut ab eo quod producit ipsum voluntatis actum. Obiectum autem propositum voluntati, non ex necessitate movet voluntatem, licet intellectus ex necessitate assentiat interdum propositæ veritati. Cuius diversitatis ratio est, quia tam intellectus, quam voluntas ex necessitate tendit in illud ad quod naturaliter ordinatur: naturale enim est determinari ad unum. Unde intellectus ex necessitate assentit principiis primis naturaliter notis, nec potest eorum contrariis assentire; & similiter voluntas naturaliter vult, & ex necessitate beatitudinem, nec aliquis potest velle miseriam. Unde in intellectu contingit quod ea quæ necessaria coherentiam habent cum primis principiis naturaliter cognitis, ex necessitate moveant intellectum, sicut conclusiones demonstratæ, quando apparent; quæ si negentur, oportet negari primæ principia, ex quibus ex necessitate consequuntur. Si vero sint aliquæ conclusiones quæ non necessaria coherentiam habeant cum primis principiis naturaliter notis, sicut contingentia, & opinabilia, non cogitur his intellectus assentire. Similiter etiam neque necessariis, quæ necessario connectuntur primis principiis, ex necessitate assentit, antequam huiusmodi necessariam connexionem cognoscat. Sic ergo videtur & circa voluntatem, quod voluntas ad nihilum ex necessitate movetur quod non appareat habere necessariam connexionem cum beatitudine, quæ est naturaliter volita. Manifestum est autem quod huiusmodi particularia bona non habent necessariam connexionem cum beatitudine, quia sine quolibet eorum potest homo esse beatus. Unde quantumcumque homini proponatur aliquid eorum ut bonum, voluntas non ex necessitate in illud tendit. Bonum autem perfectum, quod est Deus, necessariam quidem connexionem habet cum beatitudine hominis, quia sine eo non potest homo esse beatus; verumtamen necessitas huius connexionis non manifeste apparet homini in hac vita, quia Deum per essentiam non videt: & ideo etiam voluntas hominis in hac vita non ex necessitate Deo adhæret; sed voluntas eorum qui Deum per essentiam videntes,

manifeste cognoscunt ipsum esse essentiam bonitatis, & beatitudinem hominis, non potest Deo non inhærere, sicut nec voluntas nostra potest nunc beatitudinem non velle. Patet ergo quod obiectum non ex necessitate movet hominem ad agendum. Relinquitur ergo quod causa perficiens, & propria voluntarii actus sit solum id quod operatur interiorius. Hoc autem nihil aliud esse potest quam ipsa voluntas sicut causa secunda, & Deus sicut causa prima. Cuius ratio est, quia actus voluntatis nihil est aliud quam inclinatio quædam voluntatis in volitum, sicut & appetitus naturalis nihil est aliud quam inclinatio naturæ ad aliquid. Inclinatio autem naturæ est & a forma naturali, & ab eo quod dedit formam: unde dicitur quod motus ignis sursum est ab eius levitate, & a generante quod talem formam creavit. Sic ergo motus voluntatis directe procedit a voluntate, & a Deo, qui est voluntatis causa, qui solus in voluntate operatur, & voluntatem inclinare potest in quodcumque voluerit. Deus autem non est causa peccati, ut supra (art. 1. & 2. huius quæst.) ostensum est. Relinquitur ergo quod nihil aliud sit directe causa peccati humani nisi voluntas. Sic ergo manifestum est quod diabolus non est proprie causa peccati, sed per modum persuadentis tantum.

Ad primum ergo dicendum, quod mors intravit in orbem terrarum per invidiam diaboli, inquantum persuasit primo homini peccatum.

Ad secundum dicendum, quod diabolus dicitur inspirare homini affectum malignum, vel etiam trahere animam in affectum malitiae per modum persuadentis.

Ad tertium dicendum, quod inferius natum est moveri a superiori, sicut passivum ab activo per exteriorē immutationem, ut aer ab igne. Exterior autem immutatio non infert necessitatem voluntati, ut ostensum est. Unde diabolus quamvis ordine naturæ sit supra animam humanam, non tamen ex necessitate potest voluntatem eius movere; & sic non est proprie causa peccati. Nam proprie causa dicitur ad quam ex necessitate sequitur aliquid.

Ad quartum dicendum, quod diabolus dicitur urere corda hominum cupiditatibus, persuadendo.

Ad quintum dicendum, quod voluntas cum sit ad utrumlibet, per aliquid determinatur ad unum, scilicet per consilium rationis: nec oportet hoc esse per aliquod agens extrinsecum.

Ad

Ad sextum dicendum, quod peccatum angelis, & hominibus non habent ordinem naturae ad invicem, sed solum ordinem temporis: accidit enim quod diabolus peccavit antequam homo, & potuisset & conversio accidere. Unde non oportet quod peccatum diaboli sit causa peccati hominis.

Ad septimum dicendum, quod in cogitationibus non est peccatum, nisi secundum quod per eas aliquis inclinatur ad malum, vel retrahitur a bono; quod remanet in libero arbitrio voluntatis, quaecumque cogitationes insurgant. Unde non oportet, si a liquid est causa cogitationis, quod sit causa peccati.

Ad octavum dicendum, quod concupiscentia carnis contra spiritum est actus sensualitatis, in qua potest esse peccatum, secundum quod motus eius potest impediri vel referri ratione. Unde si motus sensualitatis insurgat ex aliqua transmutatione corporali, ratione actualiter resistente, quod est in arbitrio voluntatis, nullum est ibi peccatum. Unde patet quod in arbitrio voluntatis positum est omne peccatum.

Ad nonum dicendum, quod hoc quod rerum species, vel similitudines non discernantur a rebus ipsis, contingit ex hoc quod vis altior, quae indicare, & discernere potest, ligatur; sicut propter motum digitorum unum apparet duo secundum tactum, nisi alia potentia contradicat, puta visus. Sic ergo cum offeruntur imaginariae similitudines, inhaeretur eis quasi rebus ipsis; nisi sit aliqua alia vis quae contradicat, puta sensus, aut ratio. Si autem sit ligata ratio, & sensus sopitus, inhaeretur similitudinibus sicut ipsis rebus, ut in visus dormientium accidit, & in phreneticis. Sic ergo daemones facere possunt ut homines non discernant species a rebus, in quantum Deo permittente perturbant interiores vires sensitivas; quibus perturbatis ligatur usus rationis humanae, quae indiget praedictis viribus ad suum actum, sicut patet in arripitiis. Ligato autem usu rationis nihil imputatur homini ad peccatum, sicut nec bestiae. Unde secundum hoc diabolus non erit causa peccati, etiam si sit causa actus qui alias esset peccatum.

Ad decimum dicendum, quod natura inferior a causis superioribus ex necessitate movetur: & ideo causae superiores a quibus natura inferior dicitur rememorata, proprie, & directe sunt causa naturalium effectuum: sed commemoratio diaboli non ex necessitate movet voluntatem: & ideo non est simile.

Ad undecimum dicendum, quod Deus est universale principium cuiuslibet consilii, & voluntatis, & actus humani, sicut supra (in corp. art.) dictum est; sed quod error, & peccatum, & deformitas accidit in consilio, voluntate, & actione humana, hoc provenit ex defectu hominis. Nec oportet huius aliam extrinsecam causam assignare.

Ad duodecimum dicendum, quod apprehensum non movet voluntatem ex necessitate, sicut offensum est (loc. cit.) & ideo quantumcumque apprehensum per sensum, vel intellectum tubiaceat diaboli potestati, non tamen sufficienter potest voluntatem movere ad peccandum.

Ad decimumtertium dicendum, quod diabolus dat homini peccatum per modum persuadentis.

Ad decimumquartum dicendum, quod similitudo illa non attenditur quantum ad omnia: Deus enim est actor bonorum nostrorum operum & sicut exterius persuadens, & sicut interius movens, diabolus autem non est causa peccati nisi sicut exterius persuadens, ut offensum est (in corp. art.).

Ad decimumquintum dicendum, quod Angelus bonus reducit hominem in Deum, non quidem directe movendo voluntatem, sed per modum persuadentis; & sic etiam diabolus inclinat ad peccatum.

ARTICULUS IV.

Utrum diabolus possit inducere hominem ad peccandum, interius persuadendo.

1. 2. quæst. lxxx. art. 2.

Quarto queritur, utrum diabolus possit inducere hominem ad peccandum, interius persuadendo. Et videtur quod non. Omne enim agens a proposito cognoscit suum effectum. Sed diabolus interius cogitationes non potest videre, ut dicitur in Lib. de eccles. dogmatibus (cap. lxxx. in princ.) Ergo non potest interius persuadere, cogitationes interiores causando.

2. Præterea. Formæ nobiliori modo sunt in viribus in eoribus quam in materia corporali. Sed diabolus non potest imprimere formas in materia corporali, nisi forte per aliqua semina naturalia adhibita: quia materia corporalis non obedit ad nutum transgressoribus angelis, ut Augustinus dicit in III. de Trinit. (cap. viii.) Ergo non potest imprimere formas in viribus interioribus.

3. Præterea. Philosophus probat in VII. Metaph. (com. xxviii.) quod formæ quæ sunt in materia, non causantur a formis quæ sunt extra materiam, sed a formis quæ sunt in materia; sicut forma carnis, & ossis causatur a formis quæ sunt in his carnibus, & in his ossibus. Formæ autem virtutum sensitivarum sunt receptæ in organo corporali. Ergo non possunt causari a diabolo, qui est substantia immaterialis.

4. Præterea. Operari præter ordinem naturæ est eius solius, scilicet Dei, qui ordinem naturæ instituit. Sed ordo quidam naturalis est actuum interiorum virtutum animæ: nam phantasia est motus factus a sensu secundum actum, ut dicitur in III. de Anima (II. com. cxi.) & sic ulterius procedendo una potentia movetur ab alia. Ergo diabolus non potest interiores motus, vel actus virtutum animæ causare, nisi hoc procedat a sensu.

5. Præterea. Operationes vitæ produciuntur ab interiori principio. Sed omnes actus interiorum virtutum sunt quædam operationes vitæ. Ergo non possunt causari a diabolo, sed solum ab interiori principio.

6. Præterea. Eiusdem effectus non est nisi eadem causa secundum speciem. Sed actus interiorum virtutum causantur a sensu. Non ergo eadem actione secundum speciem possunt causari a diabolo.

7. Præterea. Vis sensitiva est dignior quam vis nutritiva. Sed diabolus non potest causare actum virtutis nutritivæ, ut formet carnem, aut os. Ergo diabolus non potest causare actum alicuius interiorum virtutum animæ.

Sed contra est quod diabolus non solum visibiliter, sed etiam invisibiliter hominem tentare dicitur: quod non esset, nisi aliquid interius homini persuaderet. Ergo diabolus interius incitat ad peccandum.

Respondeo dicendum, quod, sicut supra (art. præc.) dictum est, diabolus non potest esse causa peccati humani, sicut directe movens hominis voluntatem, sed solum per modum persuadentis. Persuadet autem aliquid homini dupliciter, visibiliter, & invisibiliter. Visibiliter quidem, sicut cum in aliqua specie homini sensibiliter apparet, & ei sensibiliter loquitur, & persuadet peccatum, sicut tentavit primum hominem in paradiso in specie serpentis, & Christum in deserto in aliqua specie ei visibiliter apprensus. Non autem est putandum, quod solum sic persuadet homini: quia sequeretur quod nulla alia peccata fierent ex instinctu diaboli, nisi quæ diabolus visibiliter appa-

rens persuadet. Et ideo dicendum est, quod etiam invisibiliter instigat hominem ad peccandum. Quod quidem fit, & per modum persuasionis, & per modum dissimulationis. Per modum quidem persuasionis, sicut cum proponitur aliquid virtutis cognoscitivæ ut bonum. Hoc autem potest fieri tripliciter: quia proponitur vel quantum ad intellectum, vel quantum ad sensum interiore, vel etiam quantum ad sensum exterioriore. Quantum ad intellectum quidem, quia intellectus humanus potest adjuvari ab intellectu angelico ad aliquid cognoscendum per actum illuminationis cuiusdam, ut Dionysius dicit (cap. xv. cæl. hierar.) Quamvis enim Angelus non possit directe causare actum voluntatis, eo quod actus voluntatis nihil est aliud quam inclinatio quædam ab interiori procedens; potest tamen imprimere in intellectum, cuius actus consistit in recipiendo ab exteriori: unde dicitur, quod intelligere est pati quoddam. Quamvis autem diabolus secundum ordinem sue naturæ posset homini aliquid persuadere, intellectum eius illuminando, sicut facit bonus Angelus; non tamen hoc facit: quia intellectus quanto magis illuminatur, tanto magis potest sibi cavere a deceptione, quam diabolus intendit. Unde relinquitur quod persuasio interior diaboli, & quæcumque eius revelatio non sit per illuminationem intellectus, sed solum per impressionem quandam in vires sensitivas interiores, aut exteriores. Ad videndum autem qualiter in vires interiores imprimere possit, considerandum est, quod natura corporalis naturaliter nata est moveri localiter a spirituali; non autem nata est formari ab ea immediate, sed ab aliquo corporali agente, ut probatur in VII. Metaph. (com. xxviii.) & ideo materia corporalis naturaliter obedit Angelo bono, vel malo ad motum localem: & per hunc modum demones semina colligere possunt, quæ adhibent aliquibus effectibus mirabiliter faciendis, ut Augustinus dicit in IV. de Trinit. (III. cap. viii.) Sed quantum ad formationem, materia corporalis creatura spirituali non obedit ad natum. Unde demones non possunt materiam corporealem formare nisi virtute corporalium seminum, ut Augustinus dicit [ubi sup.] Quæcumque ergo ex motu locali materie corporali accidere possunt, nihil prohibet per demones fieri, nisi divinitus impediuntur. Apparitio autem, sive representatio specierum sensibilibus in organis interioribus conservatarum, potest fieri per aliquem motum localem materie cor-

corporalis, sicut Philosophus in Lib. de somno & vigil. (cap. 111.) assignans causam apparitionis somniorum, dicit, quod cum animal dormierit, descendente plurimo sanguine ad principium sensitivum, simul descendunt motus, sive impressiones derelictae ex sensibilibus morioisibus, quae in spiritibus sensibilibus conservantur, & movent principium apprehensivum, in quod apparent, ac si tunc principium sensitivum a rebus ipsis exterioribus immutaretur. Quod ergo accidit in dormientibus de apparitionibus somniorum ex naturali motu locali spirituum, & humorum, potest accidere ex consimili motu locali per dæmones procurato, aliquando quidem in dormientibus, aliquando autem in vigilantibus, in quibus dæmones movere possunt interiores spiritus, & humores: aliquando quidem usque ad hoc quod totaliter usus rationis ligetur, ut apparet in arreptitiis (manifestum est enim ex magna perturbatione spirituum, & humorum impediri rationis actum, ut patet in phreneticis, & dormientibus, & ebriis) aliquando autem absque ligamine rationis; sicut & homines vigilantes, & usum rationis habentes, per voluntariam commotionem spirituum, & humorum, species interius conservatas quasi de quibusdam thesauris educunt ad principium sensitivum, ut res aliquas imaginentur. Cum ergo dæmones hoc in vigilantibus, & usum rationis habentibus operentur, tanto magis, & facilius percipit aliquis speciem ad principium redactam, & in eius moratur cogitatione, quanto magis a passione aliqua detinetur: quia Philosophus in eodem Lib. (cap. 11) dicit, quod aliquis in passione existens a nodica similitudine movetur, sicut amans ex modica similitudine amari. Et ideo dæmones tentatores dicuntur, quia experiuntur per actus hominum, quibus passionibus magis subduntur, ut secundum hoc in eorum imaginatione efficacius imprimant quod intendunt. Similiter etiam per commotionem sensibilibus spirituum in sensus exteriores imprimere possunt, qui secundum retractionem, vel multiplicationem sensibilibus spirituum, vel subtilius, vel hebetius aliquid percipiunt. Subtiliter autem aliquis videt, vel audit, dum fuerint spiritus sensibiles abundantes, & puri; hebetius, cum contrarium fuerit: & hoc modo Augustinus dicit (in Lib. xxxiii. Question. quæst. xxii.) quod hoc malum per dæmones illatum serpit per omnes seculi. Sic ergo patet quod diabolus interius persuadet peccatum, im-

primendo in vires sensitivas interiores, vel exteriores; per modum autem dispositionis potest esse causa peccati, inquantum per similem commotionem spirituum, & humorum facit aliquos magis dispositos ad irascendum, vel ad concupiscendum, vel ad aliquid huiusmodi. Manifestum est enim quod corpore aliquid dispositio est homo magis pronus ad concupiscendum, & iram, & huiusmodi passiones, quibus insurgentibus homo disponitur ad consensum. Sic ergo patet quod diabolus interius instigat ad peccatum persuadendo, & disponendo, non autem perficiendo peccatum.

Ad primum ergo dicendum, quod cogitationes internas diabolus non potest videre in seipsis, sed in suis effectibus.

Ad secundum dicendum, quod non imprimit in imaginationem, causando formam de novo: unde diabolus non potest facere quod cæcus natus imaginaretur colores: sed imprimit per motum localem, ut dictum est.

Et similiter dicendum ad tertium.

Ad quartum dicendum, quod hoc diabolus non facit præter naturæ ordinem, sed movendo localiter principia intrinseca, ex quibus nata sunt huiusmodi provire.

Et per hoc patet solutio ad quintum, & sextum.

Ad septimum dicendum, quod eodem modo diabolus per aliquam aggregationem spirituum, & humorum facere potest quod aliquid citius, vel tardius digeretur; sed hoc non est ita propinquum suo proposito.

ARTICULUS V.

Utrum omnia peccata a diabolo suggerantur.

1. 2. quæst. lxxx. art. 4.

Quinto quaeritur, utrum omnia peccata a diabolo suggerantur. Et videtur quod sic. Dicit enim Damascenus (Lib. II. cap. 14.) quod omnis malitia, & omnis immunditia a diabolo excogitatur sunt.

2. Præterea. Dionysius dicit in 3. cap. de div. Nom. quod multitudo dæmonum causa est omnium malorum & sibi, & etiam aliis.

3. Præterea. De quolibet peccatore dici potest quod Dominus Iudæis dixit Ioan. viii. 44. *Vos ex patre diabolo estis.* Hoc autem non esset, nisi peccatum omne a diabolo aliquid causaretur. Omne ergo peccatum est ex instinctu diaboli.

ARTICULUS VI.

Utrum ignorantia sit causa peccati.

1. 2. *quest. lxxvi. art. 1.*

4. Præterea. Iſidorus dicit in Lib. de ſummo bono (cap. v. a med.) *Eodem blandimento decipiuntur nunc homines quo primi parentes in paradifo decepti ſunt.* Sed illi decepti ſunt ex ſuggeſtione diaboli. Ergo etiam nunc omne peccatum ex ſuggeſtione diaboli committitur.

Sed contra hoc eſt quod dicitur in Lib. de eccle. dogmatibus (cap. lxxxii. in princ.) *Non omnes cogitationes noſtre male a diabolo excitantur, ſed aliquoties ex noſtri arbitrii motu emergunt.*

Reſpondeo dicendum, quod cauſa alicuius poſſeſt aliquid dici dupliciter: uno modo directe; alio modo indirecte. Indirecte quidem, ſicut cum aliquid agens cauſat aliquam diſpoſitionem ad aliquid effectum, dicitur eſſe occasionaliter, & indirecte cauſa illius effectus; ſicut ſi dicatur, quod ille qui ſecat ligna, eſt occaſio combuſtionis iſporum: & hoc modo dicendum eſt, quod diabolus eſt cauſa omnium peccatorum noſtrorum: quia ipſe inſtigavit primum hominem ad peccandum, ex cuius peccato conſecuta eſt in toto humano genere quedam pronitas ad omnia peccata: & per hunc modum intelligenda ſunt verba Damasceni, & Dionyſii. Directe autem dicitur aliquid eſſe cauſa alicuius, quod operatur directe ad illud: & hoc modo diabolus non eſt cauſa omnis peccati: non enim omnia peccata committuntur diabolo inſtigante, ſed quedam ex libertate arbitrii, & carnis corruptione: quia, ut Origenes dicit (Lib. III. Periar. cap. 11.) etiam ſi diabolus non eſſet, homines haberent appetitum cibi, & venereorum, & huiusmodi, circa que inordinato multa contingit, niſi per rationem talis appetitus reſrenetur, & maxime ſuppoſita corruptione naturæ. Reſrenare autem, & ordinare huiusmodi appetitum, ſubiacet libero arbitrio. Sic ergo non eſt neceſſarium omnia peccata ex inſtinctu diaboli provenire. Si qua tamen ex inſtinctu eius proveniunt, ad ea complenda eo blandimento decipiuntur homines nunc quo primi parentes, ut Iſidorus dicit: & ſi qua etiam peccata abſque inſtinctu diaboli perpetrantur, per ea tamen ſunt homines filii diaboli, in quantum ipſum prius peccantem imitantur. Non eſt tamen aliquid genus peccati quod interdum ex inſtinctu diaboli non proveniat.

Et per hoc patet ſolutio ad obiecta.

Sexto quaeritur de cauſa peccati ex parte ipſius hominis peccantis, utrum ignorantia poſſit eſſe cauſa peccati. Et videtur quod non. Ignorantia enim cauſat involuntarium, ut Damascenus dicit (Lib. II. cap. xxiv.) Sed involuntarium opponitur peccato: peccatum enim adeo eſt voluntarium, quod ſi non ſit voluntarium, non eſt peccatum, ut Auguſtinus dicit (in Lib. de vera religione cap. xiv.) Ergo ignorantia non poſſeſt eſſe cauſa peccati.

2. Præterea. Cauſa, & effectus coniunguntur. Sed ignorantia, & peccatum non coniunguntur: quia ignorantia eſt in intellectu, peccatum autem in voluntate, ut Auguſtinus dicit (in Lib. de duabus animabus cap. x. & xi.) Ergo ignorantia non poſſeſt eſſe cauſa peccati.

3. Præterea. Augmentata cauſa, augmentatur effectus, ſicut augmentato igne augmentatur calefactio. Augmentata autem ignorantia, non augetur peccatum; quinimo tanta poſſeſt eſſe ignorantia quod omnino peccatum excludatur. Ergo ignorantia non eſt cauſa peccati.

4. Præterea. Cum in peccato ſint duo, ſcilicet averſio, & converſio, cauſam peccati ex parte converſionis oportet accipere: quia ex parte averſionis peccatum habet rationem mali; malum autem non habet cauſam, ut dicit Dionyſius iv. cap. de div. Nom. Sed ignorantia non videtur reſpicere peccatum ex parte converſionis, ſed magis ex parte averſionis. Ergo ignorantia non eſt cauſa peccati.

5. Præterea. Si aliqua ignorantia eſt cauſa peccati, maxime hoc videtur de ignorantia vitioſa, quæ dicitur ignorantia affectata. Sed cum aliquis voluntarie ignorans in aliquod peccatum ex hoc incidit illius peccati magis videtur eſſe cauſa voluntas ignorandi quam ignorantia ipſa. Non eſt ergo dicendum, quod ignorantia ſit cauſa peccati.

6. Præterea. Ignorantia videtur eſſe cauſa innocentiz, vel miſericordiz: dicit enim Apoſt. I. ad Tim. 1. 13. *Miſericordiam conſecutus ſum, quia ignorans feci.* Sed miſericordia opponitur peccato: quia quanto aliquis magis peccat, tanto minus eſt miſericordia dignus. Ergo ignorantia non eſt cauſa peccati.

K

7. Præ

7. Præterea. Quatuor sunt genera causarum, & secundum nullum horum ignorantia potest esse causa peccati. Neque enim est causa finalis, cum non inteodatur ex peccato: nec causa materialis, cum materia peccati sit id circa quod versatur peccati actus, ut intemperantia concupiscentia: neque etiam causa formalis, aut movens, quia ignorantia est privatio quædam, privatio autem non habet rationem formæ, neque moventis. Ergo ignorantia nullo modo potest esse causa peccati.

8. Præterea. Sicut Beda dicit, ignorantia quoddam vulnus est ex peccato consequens. Magis ergo videtur peccatum esse causa ignorantie quam quod ignorantia sit causa peccati.

Sed contra est quod Isidorus dicit in II. Lib. de summo bono (cap. xvii.) *Tribus modis peccatum geritur, hoc est ignorantia, infirmitate, & industria*. Sunt ergo aliqua peccata quæ ex ignorantia committuntur. Est ergo ignorantia alicuius peccati causa.

Præterea. Augustinus dicit in II. de lib. arbit. (cap. xviii. in princ.) quod multa per ignorantiam facta recte improbantur. Quæ autem improbantur, proprie sunt peccata. Ergo aliqua peccata per ignorantiam committuntur; & sic ignorantia est quorundam peccatorum causa.

Respondendo dicendum, quod ignorantia potest esse causa peccati; & reducitur ad genus causæ efficientis, vel moventis. Sed sciendum, quod est duplex movens, ut in VIII. Physicorum (com. xxvii.) dicitur, scilicet movens per se, & movens per accidens, quod est removens prohibens; sicut in motu gravium, & levium moveos per se est generans, quod dat gravi, vel levi formam, quam consequitur talis motus; per accidens autem movet qui removet id quod prohibebat motum, sicut qui removet columnam, dicitur movere lapidem superpositum columnæ. Sciendum est autem, quod cum scientia practica sit directiva in humanis operibus, non solum per huiusmodi scientiamducimur ad bonum, sed etiam revocamur a malis; & sic ipsa scientia est prohibitiva malorum. Ignorantia ergo, quæ huiusmodi scientiam tollit, recte dicitur esse causa peccati, sicut removens prohibens, ut manifeste patet in operibus artis. Scientia enim grammaticæ dirigit ad congrue loquendum, & prohibet incongruitatem locutionis: unde ignorantia grammaticæ potest dici causa in-

congruæ locutionis, sicut removens prohibens, vel magis sicut ipsa remotio prohibentis: & similiter in actibus moralibus scientia practica dirigit: & ideo ignorantia huiusmodi scientiæ secundum modum prædictum peccati moralis est causa. Sed sciendum, quod duplex scientia dirigit in actibus moralibus, quæ prohibere potest peccatum: una scilicet universalis, per quam iudicamus aliquem actum esse rectum, vel deformem; & tali scientia interdum aliquis a peccato prohibetur, sicut aliquis considerans fornicationem esse peccatum, abstinere a fornicatione; & si per ignorantiam removeretur talis scientia, ignorantia esset fornicationis causa; & si esset talis ignorantia quæ non omnino excusaret a peccato, sicut quandoque contingit, ut infra (art. 8.) dicitur, talis ignorantia esset causa peccati. Alia vero scientia quæ dirigit in moralibus actibus, & prohibere potest peccatum, est scientia particularis, scilicet circumstantiarum ipsius actus: universalis enim scientia non movet sine particulari, ut dicitur in III. de Anima. Contingit autem per scientiam alicuius circumstantiæ, uno modo aliquem revocari a peccato simpliciter; alio modo per scientiam circumstantiæ non prohibetur aliquis a peccando simpliciter, sed a tali genere (a) peccati: sicut si aliquis sagittator cognosceret transentem esse hominem, nullo modo sagittaret; sed quia nescit hominem esse, sed æstimat esse cervum, emittendo sagittam, interficit hominem: & sic ignorantia circumstantiæ causat homicidium, quod est peccatum; nisi sit talis ignorantia, quæ omnino excuset, ut infra (art. eod.) dicitur. Si autem aliquis sagittator velit quidem occidere hominem, sed non patrem, si sciret eum qui transit esse patrem, nullo modo sagittaret; sed quia ignorat eum esse patrem, sagittando interficit: unde ignorantia ista causat manifeste peccatum homicidii: quia in omnem eventum iste sagittator est reus homicidii, licet non sit reus patricidii in omni casu. Sic ergo patet quod contingit diversimode ignorantiam esse causam peccati.

Ad primum ergo dicendum, quod dupliciter contingit ignorantiam non excludere sic totaliter voluntarium quod tollatur omnino ratio peccati. Unoquidem modo quando ipsa ignorantia est voluntaria: quia tunc per consequens id quod ex ignorantia sequitur, voluntarium iudicatur. Alio modo

quant-

(a) d. peccandi.

ARTICULUS VII.

Utrum ignorantia sit peccatum.

I. 2. *quest. lxxv. art. 2.*

quando etiam ignoraretur aliquid, aliud tamen scitur quod sufficiat ad rationem peccati, sicut dictum est de eo qui sagittando interfecit eum quem ignorat esse patrem, sed tamen scit esse hominem; & sic quamvis involuntarie committat patricidium, voluntarie tamen committit homicidium.

Ad secundum dicendum, quod quamvis intellectus, & voluntas sint diversae potentiae, tamen coniunguntur, inquantum intellectus quodammodo movet voluntatem, secundum quod bonum intellectum est obiectum voluntatis, & per consequens ignorantia peccato coniungi potest.

Ad tertium dicendum, quod (a) dictum, Augmentata causa, augetur effectus, habet locum in causis per se, non autem in causis per accidens, cuiusmodi est removens prohibens.

Ad quartum dicendum, quod ignorantia etiam ex parte conversionis est causa peccati, inquantum removet prohibens conversionem peccati.

Ad quintum dicendum, quod sicut removens columnam dicitur causa casus lapidis, & ipsa columnae remotio; ita etiam causa peccati potest dici & ipsa voluntas carenti scientia, & ipsa scientiae remotio. Tamen non est dicendum, quod solum illa ignorantia sit causa peccati quae est peccatum: ignorantia enim circumstantiae non est peccatum, sed tamen potest esse causa peccati, ut dictum est.

Ad sextum dicendum, quod ignorantia secundum diversa potest esse causa oppositorum. Nam inquantum tollit scientiam, quae prohibebat peccatum, dicitur esse causa peccati; inquantum autem tollit, vel diminuit voluntarium, habet excusare a peccato, & esse miser cordis, vel innocentiae causa.

Ad septimum dicendum, quod ignorantia reducitur ad genus causae moventis, non per se, sed per accidens, ut dictum est.

Ad octavum dicendum, quod nihil prohibet ignorantiam esse effectum alicuius peccati, & causam alterius; sicut & concupiscentia fornicis est in nobis causata ex peccato primi parentis, & tamen est causa multorum actualium peccatorum.

Sextimo quaeritur, utrum ignorantia sit peccatum. Et videtur quod non. Opposita enim sunt unius generis. Unde Augustinus dicit in V. de Trinit. (cap. vii. ante med.) quod homo, & non homo, utrumque secundum substantiam dicitur. Sed ignorantia opponitur scientiae; scientia autem est in genere habitus. Ergo & ignorantia. Sed peccatum non est in genere habitus, sed magis in genere actus: quia peccatum est factum, vel dictum, vel concupiscentium contra legem Dei. Ergo ignorantia non est peccatum.

2. Praeterea. Gratia magis opponitur peccato quam scientia: quia scientia potest esse cum peccato, non autem gratia. Sed privatio gratiae non est peccatum, sed poena. Ergo neque ignorantia, quae est privatio scientiae, est peccatum, sed magis poena.

3. Praeterea. In Lib. de regulis Theologiae dicitur, quod nulla privatio est meritum praemii, vel poenae. Sed omne peccatum est meritum poenae. Ergo nulla privatio est peccatum. Ignorantia autem est privatio. Ergo ignorantia non est peccatum.

4. Praeterea. Per rationem a brutis differimus. Remoto ergo eo quod est rationis, remanet solum id quod est nobis, & brutis commune. Sed in brutis non est peccatum. Ergo ignorantia in nobis, per quam tollitur id quod ad rationem pertinet, non est peccatum.

5. Praeterea. Si aliqua ignorantia sit peccatum, oportet quod illa ignorantia sit voluntaria, & sic voluntatem habet praecedentem. Sed quando voluntas ignorantiam praecedit, in ipsa voluntate ignorandi peccatum consistit. Non ergo ignorantia est peccatum, sed voluntas ignorandi.

6. Praeterea. Augustinus dicit in Lib. Retract. (I. cap. xii. circa med.) *Qui nesciens peccavit, non incongruenter volens peccasse dici potest; quamvis & ipse quod nesciens fecit, volens tamen fecit, quia voluit actum peccati.* In sola ergo voluntate actus peccati consistit. Ipsa ergo ignorantia non est peccatum.

7. Praeterea. Augustinus dicit in Lib. de lib. arb. (III. cap. xix.) *Non tibi imputatur*

(a) *Ad* quod augmentata causa, augetur effectus

sur ad culpam, si invitus ignores, sed si scire neglexeris. Ipsa ergo negligentia scientiæ est peccatum, & non ignorantia.

8. Præterea. Omne peccatum vel est actus elicitus a voluntate, vel est actus a voluntate imperatus. Sed ignorantia non elicitur a voluntate, quia non est in voluntate, sed in intellectu. Similiter non imperatur a voluntate: ignorantia enim non potest esse voluta, quia omnes homines naturaliter scire desiderant.

9. Præterea. Omne peccatum est voluntarium. Voluntarium autem est in cognoscere, ut dicitur in III. Ethic. Ergo ignorantia, quæ cognitionem excludit, non potest esse peccatum.

10. Præterea. Omne peccatum per poenitentiam tollitur. Sed post poenitentiam ignorantia manet. Ergo non est peccatum.

11. Præterea. Nullum peccatum manet actu, & transit reatu, nisi originale. Sed ignorantia manet actu etiam transeunte reatu. Cum ergo non sit peccatum originale, quia sic sequeretur quod esset in omnibus, videtur quod non sit peccatum.

12. Præterea. Ignorantia continue manet in ignorante. Si ergo ignorantia esset peccatum, sequeretur quod per singula momenta ignorans infinitis peccaret.

Sed contra est quod dicitur I. ad Corinth. XIV. 38. *Si quis ignorat, ignorabitur*, scilicet per reprobationem. Sed talis reprobatio debetur peccato. Ergo ignorantia est peccatum.

Præterea. Augustinus dicit in Lib. de lib. arb. (III. cap. xxiv.) quod stulticia est rerum appetendarum, & fugiendarum vitiosa ignorantia. Sed omne vitiosum est peccatum. Ergo aliqua ignorantia est peccatum.

Respondeo dicendum, quod differt nescientia, ignorantia, & error. Nescientia enim simplicem negationem scientiæ importat. Ignorantia vero quandoque quidem significat scientiæ privationem; & tunc ignorantia nihil est aliud quam carere scientia quam quis natus est habere: hoc enim est de ratione privationis cuiuslibet. Quandoque autem ignorantia est aliquid scientiæ contrarium, quæ dicitur ignorantia perversa dispositionis; puta, cum quis habet habitum falsorum principiorum, & falsarum opinionum, ex quibus impeditur a scientia veritatis. Error autem est approbare falsa pro veris: unde addit actum quandam super ignorantiam: potest enim esse ignorantia sine hoc

quod aliquis de ignotis sententiam ferat; & tunc ignorans est, & non errans: sed quando iam falsam sententiam fert de his quæ nescit, tunc proprie dicitur errare. Et quia peccatum in actu consistit, error manifeste habet rationem peccati. Non enim est absque præsumptione, quod aliquis de ignotis sententiam ferat, & maxime in quibus periculum existit. Sed nescientia de se nec rationem culpæ, nec poenæ habet: quod enim aliquis nesciat ea quæ ad ipsum non pertinent scire, vel quæ non est natus scire, nec culpa, nec poena est. Unde in Angelis beatis est nescientia, ut Dionysius dicit vi. cap. ecclæs. Hierar. Sed ignorantia de se rationem poenæ dicit; non autem omnis ignorantia habet rationem culpæ: ignorare enim ea quæ quis non tenetur scire, absque culpa est; sed ignorantia illa quæ quis ignorat ea quæ tenetur scire, non est absque peccato. Tenetur autem scire quilibet ea quibus dirigatur in propriis actibus. Unde omnis homo tenetur scire ea quæ fidei sunt, quia fides intentionem dirigit; & tenetur scire præcepta decalogi, per quæ potest peccata vitare, & bonum facere. Unde & coram omni populo sunt divinitus promulgata, ut habetur Exod. xx. Secretiora autem legis Moyses, & Aaron a Domino audierunt. Unuiusque autem super hæc tenetur scire quæ ad suum officium pertinent, sicut Episcopus ea quæ pertinent ad officium episcopale, & sacerdos ea quæ pertinent ad officium sacerdotale, & sic de aliis: & horum ignorantia non est sine culpa. Potest ergo talis ignorantia considerari tripliciter. Uno modo secundum se; & sic non habet rationem culpæ, sed poenæ. Dicitur enim supra (quaest. præc. art. 2. & 3.) quod malum culpæ est privatio ordinis in actu, malum autem poenæ est privatio perfectionis a subiecto agente: unde privatio gratiæ, vel scientiæ, habet rationem poenæ, si secundum se consideretur. Alio modo potest considerari talis ignorantia per comparisonem ad causam: sicut enim causa scientiæ est applicatio animi ad sciendum, ita causa ignorantie est animus ad sciendum non applicare: & hoc ipsum quod est non applicare animus ad sciendum id quod quis debet scire, est peccatum omissionis. Unde si talis privatio cum causa præcedenti accipitur, erit peccatum actuale, per modum quo omisso peccatum dicitur. Tertio modo potest considerari talis ignorantia per comparisonem ad id quod ex

ea sequitur : & sic quandoque est causa peccati, ut supra dictum est. Potest etiam ignorantia pertinere ad peccatum originale, ut dicit Hugo de sancto Victore (Lib. I. de sacram. part. vii. cap. xxvii. xxviii. xxix.) quod sic considerandum est. In peccato originali est aliquid formale, scilicet carentia originalis iustitiae, quae pertinet ad voluntatem. Sicut autem ex originali iustitia, per quam voluntas Deo coniungebatur, fiebat quaedam perfectionis redundantia in alias vires, ita scilicet quod ratione illustrata cognitione veritatis, irascibilis, & concupiscentibus forsiterentur reclusionem a ratione; ita subtrahita originali iustitia a voluntate, deficit cognitio veritatis in intellectu, & reclusio in irascibili, & concupiscentibus : & sic ignorantia, & omnes sunt materialia in peccato originali, sicut & conversio ad bonum commutabile in peccato actuali.

Ad primum ergo dicendum, quod privatio scientiae, & gratiae habet rationem culpae, secundum quod accipiuntur simul cum sua causa, quae pertinet ad genus actus : non agere enim, & agere in eodem genere considerantur, secundum regulam Augustini inductam.

Et per hoc patet solutio ad secundum, & tertium.

Ad quartum dicendum, quod ignorantia quavis privet aliquam rationis perfectionem, non tamen tollit ipsam rationem, per quam a brutis differimus : unde ratio non sequitur.

Ad quintum dicendum, quod cuiuslibet peccati radix in voluntate consistit, sicut supra (quaest. ii. de malo art. 2. & 3.) dictum est : nec tamen sequitur quod propter hoc actus volutus non sit peccatum. Unde nec etiam dicitur, quod ignorantia non sit peccatum, licet radix peccati in voluntate ignorandi consistat.

Ad sextum dicendum, quod Augustinus loquitur ibi de peccato quod per ignorantiam agitur. Hoc autem peccatum quandoque in sola voluntate actus consistit, & non in ipsa ignorantia. Dictum est enim supra (art. praee.) quod non omnis ignorantia est peccatum, quae est causa peccati.

Ad septimum dicendum, quod ignorantia quae est omnino involuntaria, non est peccatum : & hoc est quod Augustinus dicit (Lib. iii. de lib. arb. cap. xix.) *Non tibi imputatur ad culpam, si invitus ignores* : per hoc autem quod addit, *sed si scire neglexeris*, dat intelligere, quod ignorantia

habet quod sit peccatum ex negligentia praecedente, quae nihil est aliud quam non applicare animum ad sciendum ea quae quis debet scire.

Ad octavum dicendum, quod nihil prohibet aliquid esse secundum se naturaliter volutum, quod tamen non volumus propter aliquid adiunctum. Sicut aliquis naturaliter vult integritatem sui corporis conservari, & tamen interdum vult sibi abscindi manum vitiatam, si ex ea periculum totius corporis timeat : & similiter naturaliter vult homo scientiam, sed tamen propter laborem addiscendi, vel ne impediatur a peccato quod diligit, scientiam recusat : & sic ignorantia est a voluntate quodammodo imperata.

Ad nonum dicendum, quod licet ignorans non cognoscat illud quod ignorat, cognoscit tamen vel ignorantiam ipsam, vel id propter quod non refugit ignorantiam : & ita ignorantia potest esse peccatum voluntarium.

Ad decimum dicendum, quod post penitentiam licet remaneat ignorantia, tollitur tamen ignorantiae reatus.

Ad undecimum dicendum, quod peccatum ignorantiae non consistit in sola privatione scientiae, sed in ea simul cum causa praecedente, quae est negligentia addiscendi. Quae quidem negligentia si maneret actu, reatus non transiret. Est tamen ignorantia, eum qua omnes nascimur, quodammodo ad peccatum originale pertinens, ut dictum est (in corp. art.)

Ad duodecimum dicendum, quod sicut in aliis peccatis omissionis non continetur peccatum aliquis quando non agit, sed solum in tempore pro quo aliquis obligatur ad agendum : ita est etiam & de ignorantia dicendum.

ARTICULUS VIII.

Utrum ignorantia excuset peccatum, vel diminuat.

1. 2. quaest. lxxvi. art. 2. & 4.

Ocravo queritur, utrum ignorantia excuset peccatum, vel diminuat. Et videtur quod non. Illud enim quod aggravat peccatum, non excusat ipsum nec in toto, nec in parte. Sed ignorantia aggravat peccatum : dicit enim Amrosius (Ambrosiaster) super illud ad Rom. 11. *An ignoras quod benignitas Dei &c.* „ Gravissime pec-

„ cas „

„cas, si ignoras.“ Ergo ignorantia non excusat peccatum neque a toto, neque a tanto

2. Præterea. In Decretis dicitur xlv. causa quæst. 1. quod ille qui communicavit eum hæreticis, ex hoc ipso magis peccavit quod nescivit eos errare. Sic ergo ignorantia aggravat peccatum, & non excusat.

3. Præterea. Ignorantia consequitur ebrietatem. Sed ebrius qui propter ebrietatem committit homicidium, aut aliquod peccatum, meretur duplices maledictiones, ut dicitur in III. Ethicor. (cap. v.) Ergo ignorantia non diminuit, sed augeat peccatum.

4. Præterea. Peccatum peccato additum fit maius. Sed ignorantia ipsa est quoddam peccatum, ut dictum est (art. præced.) Ergo non diminuit, sed augeat peccatum.

5. Præterea. Id quod communiter invenitur in omni peccato, non diminuit peccatum. Sed ignorantia communiter invenitur in omni peccato: quia, ut dicitur in III. Ethic. (cap. 1.) omnis malus ignorans: cui consonat quod dicitur Prov. xiv. 22. *Errant qui operantur malum.* Ergo ignorantia non diminuit, vel excusat peccatum.

Sed contra. Peccatum maxime consistit in contemptu Dei. Sed ignorantia dimiuit contemptum, vel totaliter tollit. Ergo excusat peccatum vel in toto, vel in parte.

Respondendo dicendum: quod cum de ratione peccati sit quod sit voluntarium, intuitum ignorantia habet excusare peccatum in toto, vel in parte, inquantum tollit voluntarium. Est autem considerandum, quod ignorantia voluntarium sequens tollere potest, non autem voluntarium præcedens. Cum autem ignorantia sit in intellectu, ordo ignorantie ad voluntarium considerari potest ex ordine intellectus ad voluntatem: præcedit enim ex necessitate actus intellectus actum voluntatis, quia bonum intellectum est voluntatis obiectum: & ideo sublata cognitione intellectus per ignorantiam, aufertur voluntatis actus; & sic tollitur voluntarium quantum ad id quod est ignoratum. Unde si in eodem actu aliquid sit ignoratum, & aliquid scitum, potest esse voluntarium quantum ad id quod est scitum, semper tamen est involuntarium quantum ad id quod est ignoratum; sive ignoretur deformitas actus (puta, cum aliquis nescit fornicationem esse peccatum, voluntarie quidem facit fornicationem, sed non voluntarie facit peccatum) sive ignoretur circumstantia actus, sicut cum aliquis accedit ad mulierem quam credit esse suam, voluntarie quidem accedit

ad mulierem, sed non voluntarie ad non suam. Et quamvis semper ignorantia causet non voluntarium, non tamen semper causat involuntarium. Non voluntarium enim dicitur per solam remotionem actus voluntatis; sed involuntarium dicitur per hoc quod voluntas contrariatur ei quod fit: unde ad involuntarium sequitur tristitia, quæ tamen non consequitur semper ad non voluntarium. Contingit enim quandoque quod aliquis accedens ad non suam, quam credit suam esse, quamvis non velit actu ad non suam accedere, quia nescit eam esse non suam, tamen vult habitu, & velle actu, si sciret: unde cum postea percipit eam non fuisse suam, non tristatur, sed gaudet, nisi mutaverit voluntatem. Sed rursus voluntatis actus potest præcedere actum intellectus, sicut cum aliquis vult se intelligere: & eadem ratione ignorantia sub voluntate cadit, & fit voluntaria. Hoc autem contingit tripliciter. Primo quidem quando aliquis directe vult ignorare scientiam salutis, ne re-trahatur a peccato, quod amat. Unde dicitur Iob xxi. 14. de quibusdam, quod dixerunt Deo: *Recede a nobis, scientiam viarum tuarum nolumus.* Secundo ignorantia dicitur voluntaria indirecte: quia non adhibet studium ad cognoscendum; & hæc est ignorantia negligentia. Sed quia non dicitur aliquis negligere, nisi cum debitum prætermittit, non videtur ad negligentiam pertinere quod aliquis non applicat animum ad quodlibet cognoscendum, sed solum si non applicet animum ad cognoscendum ea quæ cognoscere debet vel simpliciter, & secundum omne tempus (unde ignorantia iuris ad negligentiam reputatur) vel in aliquo casu, ut cum quis emitit sagittam in aliquo loco ubi homines solent transire, ad negligentiam sibi imputatur, si scire non studeat, an tunc aliquis transeat; & talis ignorantia per negligentiam contingens, voluntaria iudicatur. Tercio dicitur aliqua ignorantia voluntaria per accidens, ex eo scilicet quod aliquis directe, vel indirecte vult aliquid ad quod sequitur ipsum ignorare. Directe quidem, sicut apparet in ebrio, qui vult superflue vinum potare, per quod privatur rationis usu; indirecte autem cum aliquis negligit repellere insurgentes passionis motus, qui percrecentes ligant rationis usum in particulari eligibili, secundum quod dicitur omnis malus ignorans. Quia ergo quod ex voluntario causatur, voluntarium in moralibus reputatur; inquantum ignorantia ipsa est voluntaria, tantum deficit ab hoc quod

cau-

causet non voluntarium, & per consequens ab hoc quod excuset peccatum. Cum ergo aliquis directe vult ignorare, ut a peccato per scientiam non retrahatur; talis ignorantia non excusat peccatum nec in toto, nec in parte, sed magis auget: ex magno enim amore peccandi videtur contingere quod aliquis detrimentum scientiae pati vellet, ad hoc quod libere peccato inhæreat. Quando autem aliquis indirecte vult ignorare, quia negligit addicere, vel etiam quando per accidens ignorantiam vult, dum vult directe, vel indirecte aliquid ad quod ignorantia sequitur: talis ignorantia non totaliter causat involuntarium in actu sequenti: quia actus sequens ex hoc ipso quod procedit ex ignorantia, quæ est voluntaria, est quodammodo voluntarius; sed tamen ignorantia præcedens diminuit rationem voluntarii: minus enim est voluntarius actus qui ex tali ignorantia procedit, quam si scienter talem actum aliquis eligeret absque omni ignorantia: & ideo talis ignorantia non excusat actum sequentem a toto, sed a tanto. Sed tamen hoc est advertendum, quod quandoque & ipse actus sequens, & ignorantia præcedens sunt unum peccatum, sicut voluntas, & actus exterior dicuntur unum peccatum. Unde potest contingere quod non minus aggravatur peccatum ex voluntario ignorantia quam excusetur ex voluntario actus diminuto. Si autem ignorantia nullo prædictorum modorum sit voluntaria, puta cum est invincibilis, & tamen est absque omni inordinatione voluntatis, tunc totaliter facit actum sequentem involuntarium.

Ad primum ergo dicendum, quod verbum illud Ambrosii sic solet exponi. *Gravissime peccas, si ignoras*, idest periculosissime: quia dum nescis te peccare, remedium non quaeris. Vel loquitur de ignorantia affectata, qua aliquis ignorare vult, ne a peccato retrahatur. Vel loquitur de ignorantia receptorum beneficiorum: quia quod aliquis non cognoscere studeat percepta beneficia, est summus ingratitude gradus. Vel loquitur de ignorantia infidelitatis, quæ in se quidem est gravissimum peccatum; licet etiam peccatum ex tali ignorantia commissum diminuat, secundum illud Apostoli I. ad Timoth. 1. *Misericordiam consecutus sum, quia ignorans feci in incredulitate mea*.

Ad secundum dicendum, quod auctoritas illa loquitur de ignorantia infidelitatis.

Ad tertium dicendum, quod ebrius qui facit homicidium, meretur duplices maledictiones, quia duo peccata facit; & minus

tamen peccat in homicidio quam si sobrius occideret.

Ad quartum dicendum, quod etiam ignorantia quæ est peccatum, inquantum est voluntaria, diminuit voluntarium sequentis actus, & ex hoc peccatum sequens diminuit; & potest esse quod plus diminuat de sequenti peccato quam sit quantitas sui peccati.

Ad quintum dicendum, quod in eo qui peccat per habitum, & ex electione, talis ignorantia est simpliciter affectata: unde non diminuit peccatum. Ignorantia autem eius qui peccat per passionem, est voluntaria per accidens, ut dictum est, & diminuit peccatum: hoc enim est ex infirmitate peccare, per quod peccatum diminuitur.

ARTICULUS IX.

Utrum sit possibile quod aliquis sciens ex infirmitate peccet.

2. 2. quæst. lxxvii. art. 2.

Nono quaeritur, utrum sit possibile quod aliquis sciens ex infirmitate peccet. Et videtur quod non. Nullus enim ex infirmitate aliquid facere dicitur. in cuius voluntate est constitutum ut ab illo præservetur. Sed in voluntate cuiuslibet scientis est constitutum ut a peccato præservetur: dicitur enim Eccli. xv. 16. *Si volueris servare mandata, servabunt te*. Ergo nullus sciens ex infirmitate peccat.

2. Præterea. Nullus ex infirmitate peccat cui adest fortissimum auxilium contra peccatum. Sed cuiuslibet scienti adest fortissimum auxilium contra peccatum, scilicet scientiæ certitudo. Ergo nullus sciens ex infirmitate peccat.

3. Præterea. Nulla potentia potest in actum procedere nisi secundum rationem vel subiecti, sicut visus non potest videre nisi colorata. Sed obiectum voluntatis, in cuius actu principaliter consistit peccatum, est bonum apprehensum, sicut dicitur in III. de Anima (com. xlix. & seq.) Ergo in actu voluntatis non potest esse peccatum, nisi sit aliquis defectus in apprehensione boni. Sed talem defectum excludit scientia. Ergo non est possibile quod aliquis sciens ex infirmitate peccet.

4. Præterea. Voluntas non est nisi boni, vel apparentis boni: nam malum est involuntarium, ut Dionysius dicit iv. cap. de divin. Nom. Sed inquantum voluntas est veri boni, non invenitur in ea peccatum.

Ergo

Ergo omne peccatum est in voluntate secundum quod est apparet boni, & non existens; quod non est sine ignorantia. Ergo non potest esse quod aliquis sciens ex infirmitate peccet.

5. Sed dicendum, quod ille qui est sciens in universali, potest habere ignorantiam in particulari operabili, & sic peccabit; puta, si sciat in universali nullam fornicationem esse faciendam, & tunc autem nunc esse fornicandum. Sed contra: Sicut Philosophus probat II. Perih. (cap. ult.) opiniones quae sunt de contradicloriis, sunt contrariae. Universalis autem negativa, & particularis affirmativa sunt contradicloriae. Cum ergo nullus possit simul habere contrarias opiniones, quia contraria non simul possunt inesse eidem, videtur quod non possit esse quod aliquis opinans in universali, nullam fornicationem esse faciendam, simul in particulari possit opinari hanc esse faciendam.

6. Sed dicendum, quod opiniones quae sunt de contradicloriis, sunt contrariae: scientia autem non contrariatur opinioni, cum non sint unius generis. Sed contra. Plus distat scientia ob opinionem falsam quam opinio vera: quia opinio est cum formidine contrarii, non autem scientia. Si ergo simul cum opinione falsa aliquis non potest habere opinionem veram contrariam, multo minus poterit habere scientiam.

7. Praeterea. Quicumque scit universale, & scit singulare contineri sub universali, simul inducens cognoscit singulare, ut dicitur in I. Poster. (com. 11.) sicut qui scit omnem mulam esse sterilem, simul dum scit hoc animal esse mulam, scit illud esse sterile. Sed ille qui scit nullam fornicationem esse faciendam, nisi etiam sciet hunc actum esse fornicationem, non reputaretur scierit, sed ignoraret peccare. Ergo si non perignorantiam peccat, non solum scit in universali, sed etiam scit in particulari.

8. Praeterea. Voces sunt signa intellectuum, ut Philosophus dicit (Lib. I. Perih. in princ.) Sed ille qui actu eligit fornicari, si interrogaretur, responderet, hoc esse peccatum, & non esse faciendum. Ergo non est verum quod ignoret in particulari, sciat autem in universali, ut dicebatur.

9. Praeterea. Augustinus dicit XIV. de civit. Dei (cap. xi.) quod erubescencia exinguit concupiscentiam. Oritur autem erubescencia ex scientia. Ergo scientia extinguit concupiscentiam. Infirmitas autem animi maxime ad concupiscentiam pertinet.

Ergo scientia aufert peccatum, quod est ex infirmitate. Non ergo est possibile quod aliquis sciens ex infirmitate peccet.

10. Praeterea. Ille dicitur sciens peccare qui scit esse peccatum quod facit. Sed ratio peccati consistit in offensā Dei. Considerate autem offensam Dei, confringit concupiscentiam, secundum illud Psalm. cxviii. 120. *Confrige timore tuo carnes meas: a iudiciis enim tuis timeo.* Ergo scientia impedit peccatum quod est ex infirmitate concupiscentiae; & sic idem quod prius.

11. Praeterea. Beda ponit infirmitatem inter quatuor vulnera quae consequuntur ex peccato; & sic habet rationem poenae. Sed poena non est causa peccati, sed magis ordinatur ad corrigendum peccata. Ergo peccatum scientis non potest esse ex infirmitate.

12. Praeterea. Infirmitas animi attenditur secundum passiones quae sunt in parte sensitiva. Peccatum autem consistit in consensu voluntatis, quod est in parte intellectiva. Causa autem oportet quod coniungatur effectui, quia omnis actio fit per contactum. Ergo infirmitas non potest esse causa peccati.

13. Praeterea. Passivum magis immutatur a propinquiori activo quam remotori. Sed scientia, cum sit in intellectu, propinquior est voluntati quam infirmitas, seu passio, quae tenet ex parte inferiori, quae carni coniungitur, secundum illud Matth. xxvi. 41. *Spiritus quidem promptus est, caro autem infirma.* Ergo non videtur possibile quod aliquis ex infirmitate peccet contra conscientiam agens.

14. Praeterea. Pars superior animae, in qua est intellectus, & voluntas, imperat inferioribus partibus animae, in quibus sunt passiones, scilicet irascibilis, & concupiscibilis, & etiam membris corporis. Sed defectus existens in membris corporis non immutat imperium voluntatis, sed solum executionem actus. Ergo neque defectus qui est ex parte irascibilis, & concupiscibilis secundum infirmitatem passionum, immutat imperium voluntatis. Sed in imperio voluntatis consistit peccatum. Ergo nullum peccatum est ex infirmitate.

15. Praeterea. Passionibus neque mere-mur, neque demeremur. Sed ipsum demeritum est peccatum. Ergo nullum peccatum est ex passione, quae est infirmitas animae.

Sed contra est quod Iñstitor dicit in Lib. de summo bono (II. cap. xviii.) quod quaedam peccata ex infirmitate committuntur.

Pra-

Præterea. Apofolus dicit ad Rom. vii. 5. *Passiones peccatorum, quæ per legem erant, operabantur in membris meis, ut fructificarent morti.* Quod autem fructificet morti, est peccatum, secundum illud Rom. vi. 23. *Stipendia peccati mors.* Ergo ex passionibus quæ sunt infirmitates animæ, aliqua peccata committuntur.

Respondetur dicendum, quod communiter ab omnibus ponitur, aliqua peccata ex infirmitate committi; quæ a peccatis ignorantie non distinguantur, nisi contingeret aliquem scientem ex infirmitate peccare: & ideo concedendum est, quod possibile est aliquem scientem peccare ex infirmitate. Ad cuius evidentiæ primo considerare oportet quid per nomen infirmitatis intelligamus. Est autem hoc accipiendum ex similitudine infirmitatis corporis. Est autem corpus infirmum, quando aliquis humorem non subditur virtuti regitivæ totius corporis; puta, cum aliquis humor excedit in caliditate, vel frigidityte, vel in aliquo huiusmodi. Sicut autem est quedam vis regitiva corporis, ita ratio est regitiva omnium interiorum affectionum: unde cum aliqua affectio non est moderata secundum regimen rationis, sed excedit, aut deficit, dicitur esse animæ infirmitas: & hoc maxime contingit secundum affectiones appetitus sensitivi, quæ passiones dicuntur, ut timor, ira, concupiscentia, & huiusmodi. Unde antiqui huiusmodi animæ passiones, ne ægritudines animæ vocabant, ut Augustinus dicit in Lib. de civ. Dei (XIV. cap. vii. circa fin.) Illud ergo ex infirmitate homo agere dicitur quod agit ex aliqua passione, puta ex ira, vel timore, vel concupiscentia, vel aliquo huiusmodi. Socrates autem, ut Aristoteles dicit in VII. Ethic. (cap. xi.) considerans firmitatem, & certitudinem scientiæ, posuit quod scientia non potest superari a passione, ita scilicet quod nullus homo potest per passionem aliquid facere contra scientiam: & omnes virtutes nominabat scientias, & omnia vitia seu peccata nominabat ignorantias: ex quo sequebatur quod nullus sciens ex infirmitate peccat: quod manifeste contrariatur his quæ quotidie experimur. Et ideo considerandum est, quod habere scientiam contingit multipliciter: uno modo in universali, alio modo in particulari: & uno modo in habitu, alio modo in actu. Potest autem ex passione primo quidem contingere ut id quod scitur in habitu, non consideretur in actu. Manifestum est enim quod quodcumque una potentia intenditur in suo actu, alia potentia vel impeditur, vel totaliter avertitur a suo actu, sicut

cum aliquis intentus est ad aliquem audiendum, non percipit hominem petra transeuntem. Et hoc ideo contingit, quia omnes potentie radicanter in una anima, cuius intentio applicat unamquamque potentiam ad suum actum: & ita cum aliquis fuerit fortiter intentus circa actum unius potentie, minuitur eius intentio circa actum alterius. Sic ergo cum fuerit concupiscentia fortis, aut ira, aut aliquid huiusmodi, impeditur a consideratione scientiæ. Secundo considerandum est, quod passiones animæ, cum sint in appetitu sensitivo, sunt circa particularia: concupiscit enim homo hanc delectationem, sicut & sentit hoc dulce. Scientia autem est in universalis; & tamen universalis scientia non est principium alicuius actus, nisi secundum quod applicatur ad particulare, quia actus circa particularia sunt. Quando ergo passio est fortis circa aliquod particulare, repellit contrarium motum scientiæ circa idem particulare, non solum distrahendo a consideratione scientiæ, ut supra dictum est, sed etiam corrumpendo per viam contrarietatis: & sic ille qui in forti passione est constitutus, etsi consideret aliquo modo in universalis, in particulari tamen impeditur eius consideratio. Tertio considerandum est, quod ex aliqua corporali transmutatione ligatur usus rationis, ut vel totaliter nihil consideret, vel quod non libere considerare possit, sicut patet in dormientibus, & phreneticis. Per passiones autem fit aliqua immutatio circa corpus, ita quod interdum aliqui propter iram, & concupiscentiam, vel aliquam huiusmodi passionem in insaniam incidunt. Et ideo quando huiusmodi passiones sunt fortes, per ipsam transmutationem corporalem ligant quodammodo rationem, ut liberum iudicium de particularibus agendis non habeat. Et sic nihil prohibet aliquem scientem secundum habitum, & in universali, per infirmitatem peccare.

Ad primum ergo dicendum, quod in voluntate hominis positum est quod servetur a peccato; sed in hoc infirmatur per passionem, ut perfecte non velit, ligato rationis usu, sicut dictum est (in corp. art.)

Ad secundum dicendum, quod scientia, quamvis in se sit certissima, tamen, sicut dictum est (ibid.) impeditur in particulari per passionem, ut contra peccatum auxilium ferre non possit.

Ad tertium dicendum, quod voluntas movetur secundum exigentiam boni apprehensi; sed quod hoc particulare appetibile apprehendatur ut bonum secundum rationis iu-

L di-

dicium, impeditur interdum per passionem, sicut dictum est (ibid.)

Ad quartum dicendum, quod voluntas semper tendit in aliquid sub ratione boni. Sed quod aliquid appareat bonum quod non est bonum, quandoque quidem contingit ex hac quod rationis iudicium est perversum etiam in universalibus, & tunc est peccatum ex ignorantia; quandoque vero ex hoc quod impeditur in particulari propter passionem, & tunc est peccatum ex infirmitate.

Ad quintum dicendum, quod non potest esse quod aliquis haberet simul aut scientiam, aut opinionem veram in actu de universalibus affirmativo, & opinionem falsam de particularibus negativo, aut e converso; sed bene potest contingere quod aliquis habeat in habitu scientiam, aut opinionem veram de uno contradictorio, & opinionem falsam in actu de alio: actus enim non contrariatur habitui, sed actui.

Et per hoc patet solutio ad sextum.

Ad septimum dicendum, quod cum actus peccati, & virtutis sit secundum electionem; electio autem est appetitus praconscripti, consilium vero est quidam inquisitio; necesse est quod in quolibet actu virtutis, vel peccati sit quaedam deductio quasi syllogistica; sed tamen aliter syllogizat temperatus, aliter continens, aliter incontinens. Temperatus enim movetur tantum secundum iudicium rationis: unde utitur syllogismo trium propositionum, quasi sic deducens. Nulla fornicatio est committenda; hic actus est fornicatio: ergo non est faciendus. Intemperatus vero totaliter sequitur concupiscentiam; & ideo etiam ipse utitur syllogismo trium propositionum, quasi sic deducens: Omni delectabili est fruendum; hic actus est delectabilis: ergo hoc est fruendum. Sed tamen continens quam incontinens dupliciter movetur, secundum rationem quidem ad vitandum peccatum, secundum concupiscentiam vero ad committendum; sed in continente vincit iudicium rationis, in incontinente vero motus concupiscentiae. Unde uterque utitur syllogismo quatuor propositionum, sed ad contrarias conclusiones. Continens enim sic syllogizat: Nullum peccatum est faciendum; & hoc proponit secundum iudicium rationis; secundum vero motum concupiscentiae versatur in corde eius quod omne delectabile est prosequendum; sed quia iudicium rationis in eo vincit, assumit, & concludit sub primo: Hoc est peccatum: ergo non est faciendum. Incontinens vero, in quo vincit motus concupis-

centiae, assumit, & concludit sub secundo: Hoc est delectabile: ergo est prosequendum: & talis proprie est qui peccat ex infirmitate. Et ideo patet quod licet sciat in universalibus, non tamen scit in particularibus: quia non assumit secundum rationem, sed secundum concupiscentiam.

Ad octavum dicendum, quod, sicut Philosophus dicit in VII. Ethic. (cap. x.) sicut ebrius aliqua verba profert, qui tamen interior non intelligit; ita ille qui a passione est victus, etiam exterior ore dicat hunc actum esse vitandum, tamen in corde suo iudicat hoc esse faciendum: unde aliud dicit exterior, & aliud interior sentit.

Ad nonum dicendum, quod scientia quidem aliquando concupiscentiam vincit, vel concitando erubescenciam, aut horrorem divinae offensa; sed nihil prohibet quod aliquando & ipsa scientia passione vincatur in particularibus.

Unde patet solutio ad decimum.

Ad undecimum dicendum, quod omnis poena, sua consideratione a peccato avertit; sed non omnis poena avertit a peccato, secundum quod iam est illata. Privatio enim gratiae est poena quaedam, nec tamen per hoc aliquis a peccato avertitur quod gratia privatur, sed per hoc quod considerat se gratia privari, si peccet: & simile dicendum est de ignorantia.

Ad duodecimum dicendum, quod consensus in actu pertinet quidem ad appetitum intellectivum, sed tamen non fit sine applicatione ad particulare, in quo plurimum possunt passiones animae: & ideo per passiones consensus quandoque immutatur.

Ad decimumtertium dicendum, quod ratio est propinquior voluntati quam passio; sed particulari appetibili est propinquior passio quam ratio universalis.

Ad decimumquartum dicendum, quod anima praestit corpori sicut servo, qui non potest reniri imperio domini; sed ratio praestit irascibili, & concupiscibili, ut Philosophus dicit in I. Politic. (cap. 111.) regali, aut politico principatu, qui ad liberos est; & ideo potest irascibilis, & concupiscibilis etiam rationis imperio obviare, sicut & liberi cives interdum obviant imperio Principis.

Ad decimumquintum dicendum, quod passionibus oque meremur, neque demeremur, quasi in eis principaliter meritum, vel demeritum consistat; sed tamen possunt adjuvare, vel impedire ad merendum, vel demerendum.

ARTICULUS X.

Utrum peccata quae per infirmitatem committuntur, imputentur homini ad culpam mortalem.

r. 2. *quaest. lxxvii. art. 8.*

DEcimo quaeritur, utrum peccata quae per infirmitatem committuntur, imputentur homini ad culpam mortalem. Et videtur quod non. Nihil enim imputatur ad culpam mortalem quod homo non facit voluntarie. Sed huiusmodi peccata quae ex infirmitate committuntur, non facit homo voluntarie: de his enim Apostolus dicit ad Galat. v. 17. *Caro concupiscit adversus spiritum . . . ut non quaecumque vultis, illa faciatis.* Ergo huiusmodi peccata non imputantur homini ad culpam mortalem.

2. Praeterea. Nulla virtus passiva potest operari, nisi secundum quod movetur a suo activo. Sed ratio proprie nata est movere voluntatem. Si ergo iudicium rationis fuerit impeditum per passionem, videtur quod non sit in potestate voluntatis vitare peccatum. Non ergo imputatur ei ad culpam mortalem.

3. Praeterea. Passio animae magis de propinquo impedit rationem, & voluntatem, quam passio corporis. Sed passio corporis totaliter excusat a culpa ea quae inordinate committuntur, sicut patet de his quae sunt a dormientibus, & a phreneticis. Ergo passio animae multo magis excusat a culpa.

4. Sed diceretur, quod passio animae est voluntaria, passio autem corporis non est voluntaria. Sed contra. Causa non est prior quam effectus. Sed passio ex hoc quod est voluntaria, non habet rationem culpae mortalis, sed venialis tantum. Ergo neque ex ea potest caulari peccatum mortale.

5. Praeterea. Peccatum non aggravatur ex eventu in infinitum, ut scilicet quod erat in se veniale, propter eventum fiat mortale. Sed ipsa passio, si non sequeretur mala electio, non esset peccatum mortale. Ergo propter hoc quod sequitur electio mala, non incurrit homo culpam peccati mortalis; & sic peccata quae ex infirmitate committuntur, non sunt mortalia.

Sed contra est quod dicit Apostolus ad Rom. vii. 5. *Passiones peccatorum operantur in membris nostris, ut fructificent mortem.* Sed nihil fructificat mortem nisi peccatum mortale. Ergo peccata quae committuntur

per passionem, sive per infirmitatem, possunt esse mortalia.

Respondeo dicendum, quod cum ex infirmitate, sive ex passione aliquis interdum committat adulterium, & multa flagitia, seu facinora, sicut fecit Petrus cum Christum negavit ex timore, nulli dubium esse debet quin peccata ex infirmitate perpetrata, quandoque sint mortalia. Ad cuius evidentiam considerandum est, quod necessitas quae est ex suppositione alicuius quod subiacet voluntati, non tollit rationem peccati mortalis. Sicut si gladius insignatus alicui in membris vitalibus, necesse est quod moriatur; sed infixio cultelli est voluntaria. Unde mors illius qui cultello percutitur, imputatur percutienti ad culpam mortalem. Similiter dicendum est in proposito: posito eorum quod ratio sit ligata per passionem, necesse est quod sequatur perversa electio; sed in potestate voluntatis est hoc ligamen rationis repellere. Dictum est enim (art. praec.) quod ratio ligatur ex hoc quod intentio animae applicatur vehementer ad actum appetitus sensitivi: unde avertitur a considerando in particulari id quod habitualiter in universali cognoscit. Applicare autem intentionem ad aliquid, vel non applicare, in potestate voluntatis existit. Unde in potestate voluntatis est quod ligamen rationis excludat. Actus ergo commissus, qui ex tali ligamine procedit, est voluntarius, unde non excusatur a culpa etiam mortali. Sed si ligatio rationis per passionem tantum procederet, quod non esset in potestate voluntatis huiusmodi ligamen remove, puta si per aliquam animae passionem aliquis in insaniam verteretur, quidquid committeret, non imputaretur ei ad culpam, sicut nec alii insano, nisi forte quantum ad principium talis passionis quod fuit voluntarium: poterat enim voluntas a principio impedire ne passio in tantum procederet; sicut homicidium per ebrietatem commissum imputatur homini ad culpam, quia principium ebrietatis fuit voluntarium.

Ad primum ergo dicendum, quod illud quod homo facit ex passione ligatus, non vult homo facere extra passionem existens; sed per passionem ad hoc deducitur ut veli, passione rationem ligante.

Ad secundum dicendum, quod voluntas non solum movetur ab apprehensione rationis ligata ex passione, sed etiam habet in potestate ligamen rationis excludere, ut dictum est: & pro tanto imputatur ei ad culpam quod facit.

Ad tertium dicendum, quod removere passionem corporalem, non est in potestate voluntatis, sicut removere passionem animae: quia natura corporalis non obedit voluntati rationali, sicut appetitus sensitivus: & ideo non est simile.

Ad quartum dicendum, quod nihil prohibet aliquid non esse peccatum mortale simpliciter quod tamen in casu est peccatum mortale; sicut non dare eleemosynam pauperi fame morienti, est peccatum mortale, quod tamen alias peccatum mortale non esset: & similiter in proposito non velle repellere passionem aliquam, etsi simpliciter non sit peccatum mortale, tamen in hoc casu quando inclinatur usque ad consensum peccati mortalis, est peccatum mortale.

Ad quintum dicendum, quod eventus in possetum procedens, & improvisus, non aggravat in infinitum; sed eventus consuetus, & praevisus potest aggravare in infinitum, ut sit peccatum mortale quod alias non esset; sicut proicere sagittam, non est peccatum mortale; proicere sagittam cum occisione hominis, sed est peccatum mortale: & similiter non repellere passionem inclinantem ad peccatum mortale, non est absque peccato mortali.

ARTICULUS XI.

Utrum infirmitas alleviet, vel aggravet peccatum.

1, 2. *quest. lxxvii. art. 6.*

UNdecimo quaeritur, utrum infirmitas alleviet, vel aggravet peccatum. Et videtur quod aggravet. Sicut enim se habet bona passio ad meritum, ita se habet mala passio ad peccatum. Sed bona passio auget meritum: magis enim est laudabile, & meritum quod aliquis eleemosynam faciat ex compassione misericordiae, quam sine compassione misericordiae faciat, ut patet per Augustinum IX. de civit. Dei (cap. v.). Ergo etiam facere peccatum cum passione, est magis vituperabile, & magis peccatum. Sed peccare ex passione est peccare ex infirmitate, ut dictum est (art. praec.). Ergo infirmitas aggravat peccatum.

2. Praeterea. Cum omne peccatum sit ex libidine, ut Augustinus dicit (Lib. I. de lib. arb. cap. 111.) quanto ex maiori libidine aliquis peccat, tanto magis videtur peccare. Sed libido est quaedam passio animae, & infirmitas. Ergo infirmitas aggravat peccatum.

3. Praeterea. Augmentata causa augetur effectus, sicut ex maiori calore sequitur maior calefactio. Si ergo infirmitas est causa peccati, sequitur quod maior infirmitas sit causa maioris peccati; & sic infirmitas aggravat peccatum.

Sed contra. Illud propter quod peccatum sit remissibile, non aggravat, sed diminuit peccatum. Sed propter infirmitatem dicitur aliquod peccatum magis remissibile. Ergo infirmitas non aggravat, sed diminuit peccatum.

Respondeo dicendum, quod peccare ex infirmitate est peccare ex passione, ut dictum est. Passio autem appetitus sensitivi dupliciter se habet ad motum voluntatis: uno modo ut praecedens; alio modo ut consequens. Ut praecedens quidem, sicut cum propter passionem inclinatur voluntas ad aliquid volendum; & sic passio diminuit rationem meriti, & rationem demeriti: quia meritum, & demeritum in electione consistit ex ratione praecedente. Passio autem obnubilat, vel etiam ligat iudicium rationis. Quanto autem iudicium rationis fuerit purius, tanto electio est perspicacior ad merendum, vel demerendum. Unde qui inducitur ad beneficendum ex iudicio rationis, laudabiliter operatur quam qui inducitur ad hoc idem ex sola animi passione, hic enim interdum errare potest indebitum miserando: & similiter ille qui inducitur ad peccandum ex deliberatione rationis, magis peccat quam ille qui inducitur ad peccandum ex sola animi passione. Ut consequens autem consideratur passio, quando ex forti motu voluntatis commovetur appetitus inferior ad passionem; & sic passio addit ad meritum, vel demeritum, quia est signum passio quod motus voluntatis sit fortior: & hoc modo verum est quod ille qui cum maiori compassione facit eleemosynam, magis meretur, & qui cum maiori libidine facit peccatum, magis peccat: quia hoc est signum quod motus voluntatis sit fortior. Sed hoc non est ex passione benefacere, vel peccare, sed potius pati ex electione boni vel mali.

Unde patet responsio ad primum, & secundum.

Ad tertium dicendum, quod de ratione peccati est quod sit voluntarium. Voluntarium autem dicitur cuius principium est in ipso agente: & ideo quanto principium interiorius magis augetur, tanto etiam peccatum sit gravius; quanto autem principium exteriorius magis augetur, tanto peccatum sit levius. Passio autem est principium extrinsecum.

eum voluntatis; motus autem voluntatis est principium intersecum: & ideo quanto motus voluntatis fuerit fortior ad peccandum, tanto peccatum est maius; sed quanto passio fuerit fortior impelleas ad peccandum, tanto fit minus.

ARTICULUS XII.

Utrum aliquis possit ex malitia, seu ex certa scientia peccare.

1. 2. *quest. lxxv. art. 1. 2. & 3.*

DUODECIMO quaeritur, utrum aliquis possit ex malitia, seu ex certa scientia peccare. Et videtur quod non. Ad illud enim homo intendit quod ex certa scientia operatur. Sed secundum quod Dionysius dicit iv. cap. de divin. Nom. nullus intendens ad malum operatur. Ergo nullus ex certa scientia malum operatur.

1. *Præterea.* Nulla potentia potest moveri nisi in suum obiectum. Sed obiectum voluntatis est bonum apprehensum. Ergo nullus potest velle id quod scit esse malum; & ita nullus potest ex certa scientia peccare.

2. Sed dicendum, quod voluntas tendit in aliquid bonum, cui coniungitur malum; & pro tanto dicitur tendere in malum. Sed contra. Quæ non sunt separata secundum rem, possunt separari secundum actum animæ tam secundum intellectum, quam secundum affectum: possumus enim intelligere rotundum sine materia sensibili; & aliquis vult esse Abbas sine hoc quod sit monachus. Etsi ergo malum coniungatur alicui bono, non tamen oportet (ut videtur) quod feratur in malum ex hoc quod feratur in bonum cui coniungitur malum.

3. *Præterea.* Denominatio non fit ab eo quod est secundum accedens, sed ab eo quod per se competit rei: quia secundum hoc de re iudicatur. Sed aliquis ex hoc quod vult aliquid secundum se, non dicitur velle illud quod est ei adiunctum, nisi per accedens; sicut qui amat vinum propter dulce, non amat vinum nisi per accedens: & sic qui vult aliquid bonum cui coniungitur malum, non vult illud malum nisi per accedens. Non ergo debet dici, quod ex malitia peccet, quasi volens malum.

4. *Præterea.* Quicumque peccat ex infirmitate, habet voluntatem mali quod coniungitur alicui bono. Si ergo ob hoc dicatur aliquis ex malitia peccare, sequitur etiam

quod ille qui ex infirmitate peccat, ex malitia peccet; quod patet esse falsum.

5. Sed dicendum, quod voluntas eius qui ex malitia peccat, ex se nititur in malum modo prædicto; non autem voluntas eius qui peccat ex infirmitate, sed quia mota ex passione. Sed contra. Ex se moveri ad aliquid, est secundum suam formam, & naturam inclinari in illud, sicut grave ex se movetur deorsum. Sed voluntas ex sua forma & natura non tendit in malum, sed magis in bonum. Ergo voluntas non potest ex se tendere in malum; & sic nullus ex malitia peccabit.

6. *Præterea.* Quia voluntas ex se tendit in bonum secundum communem rationem boni, oportet quod in differentias boni tendat ex alio determinante inclinata. Sunt autem differentie boni, bonum verum, & bonum apparens. In verum autem bonum tendit voluntas ex iudicio rationis. Ergo in apparens bonum, cui coniungitur malum, non tendit ex se, sed ex aliquo alio inclinante. Nullus ergo ex malitia peccat.

7. *Præterea.* Malitia quandoque sumitur pro culpa, secundum quod opponitur virtuti; quandoque vero sumitur pro pena, secundum quod Beda, dicit quatuor esse contraria ex peccato, ignorantiam, infirmitatem, malitiam, & concupiscentiam. Sed non potest dici aliquis ex malitia peccare, fit accipiat malitia pro culpa, quia sic idem esset causa sui ipsius, scilicet malitia malitiæ; neque iterum secundum quod sumitur pro pena, quia omnis poenæ pertinet ad rationem infirmitatis, & sic ex malitia peccare esset ex infirmitate peccare, quod est inconveniens. Nullus ergo ex malitia peccat.

8. *Præterea.* Contingit interdum quod aliquis aliquid levissimum peccatum ex certa scientia committit, puta dicendo verbum otiosum, aut mendacium incofum. Sed peccatum quod est ex malitia, dicitur esse gravissimum. Non ergo peccare ex certa scientia, est peccare ex malitia.

9. *Præterea.* Dionysius dicit iv. cap. de div. Nomin. quod bonum est principium, & finis cuiuslibet actionis. Sed illud ex quo aliquis peccat, vel est principium interius inclinans ad peccandum, sicut habitus, vel passio, aut aliquid huiusmodi; vel est finis intentus. Nullus ergo ex malitia peccat.

10. *Præterea.* Si aliquis ex malitia peccat, maxime hoc videtur de eo qui eligit peccare. Sed secundum Damascenum (Lib. ii. cap. xxi. v. 11.) omne peccatum est ex electione. Ergo omne peccatum esset ex malitia.

11. *Præ-*

12. Præterea. Malitia opponitur virtuti ; & ita cum virtus sit habitus, malitia etiam est habitus : quia contraria sunt in eodem genere. Aliqui autem habitus virtutum sunt in irascibili, & concupiscibili, sicut detemperantia, & fortitudo Philosophus dicit in III. Ethic. (cap. x.) quod sunt irrationabilium partium. Harum autem potentiarum animæ non est eligere, sed liberi arbitrii. Peccatum ergo quod ex electione committitur, non debet dici ex malitia procedere.

13. Præterea. Ille qui ex malitia peccat, videtur hoc ipsum velle quod est peccare, & malum operari. Sed hoc non potest contingere, quia synderesis nunquam extinguatur, quæ semper remurmurat malo. Nullus ergo ex malitia peccat.

1. Sed contra est quod dicitur Iob xxxiv.

27. *Quasi de industria recesserunt a Deo, (a) & vias eius intelligere noluerunt. Sed recedere a Deo est peccare. Ergo aliqui de industria peccant; quod est ex malitia peccare.*

2. Præterea. Augustinus dicit in Libro II. Confess. (cap. vi.) quod cum furaretur poma non ipsa poma, sed defectum suum amabat, scilicet ipsum furtum. Sed amare ipsum malum, est ex malitia peccare. Ergo aliquis ex malitia peccat.

3. Præterea. Invidia est malitia quædam. Sed aliqui ex invidia peccant. Ergo aliqui peccant ex malitia.

Respondeo dicendum, quod, sicut Philosophus dicit in III. Ethic. (cap. x.) aliqui posuerunt, quod nullus voluntarie est malus: contra quos Philosophus ibidem dicit, quod irrationabile est dicere, quod aliquis velit ad lterum committere, & non velit esse iniustus. Cuius ratio est, quia voluntarium dicitur aliquid, non solum si voluntas feratur in illud primo & per se, sicut in finem, sed etiam si feratur in illud ut ad finem; sicut etiam infirmus non solum vult consequi sanitatem, sed etiam vult bibere medicinam amaram, quam alias nolit, ad hoc ut sanitatem consequatur: & similiter mercator proicit merces in mari voluntarie, ne depercat navis. Si ergo contingat quod aliquis intantum velit aliqua delectatione frui, pnta adulterio, vel quocumque huiusmodi appetibili, ut non refugiat incurrere deformitatem peccati, quam percipit esse coniunctam ei quod vult, non solum dicitur velle illud bonum quod principaliter vult, sed etiam ipsam deformitatem quam pati eligit, ne bono cupito privetur:

unde adulter & delectationem vult quidem principaliter, & secundario vult deformitatem, sicut ponit Augustinus exemplum in Lib. II. de sermone Domini in monte (cap. xxix.) quod aliquis propter amorem alicuius ancillæ voluntarie sustinet duram servitutem domini eius. Sed ad hoc quod aliquis intantum velit aliquid bonum commutabile, quod non refugiat averti a bono incommutabili, potest contingere dupliciter: uno modo ex eo quod nefcit illi bono commutabili talem aversionem esse coniunctam; & tunc dicitur ex ignorantia peccare, alio modo ex aliquo interius inclinante voluntatem in bonum illud. Invenitur autem aliquid in alterum inclinari dupliciter: uno modo quasi ab alio passum, sicut cum lapis projicitur sursum; alio modo per formam propriam, & tunc ex seipso inclinatur in illud, sicut cum lapis cadit deorsum. Et similiter voluntas inclinatur in bonum commutabile, cui adiungitur deformitas peccati, quandoque quidem ex aliqua passione, & tunc dicitur ex infirmitate peccare, sicut supra dictum est; aliquando autem ex aliquo habitu, quando per consuetudinem inclinari in tale bonum, est ei iam verum quasi in habitum, & naturam; & tunc ex proprio motu absque aliqua passione inclinatur ad illud: & hoc est peccare ex electione, sive ex industria, aut certa scientia, aut etiam ex malitia.

Ad primum ergo dicendum, quod nullus operans intendit ad malum quasi principaliter volitum; sed tamen ex consequenti fit alicui ipsum malum voluntarium, dum non refugit incurrere in malum ad hoc quod perfruatur bono concupito.

Ad secundum dicendum, quod voluntas semper fertur principaliter in bonum aliquod; & ex vehementi motu in aliquod bonum contingit quod sustineatur malum quod est illi bono coniunctum.

Ad tertium dicendum, quod aliquando contingit voluntatem ferri in aliquod bonum cui coniungitur malum, & tamen non fertur in malum illud; sicut si aliquis appetat delectationem quæ est in adulterio, & tamen (b) refugeret adulterii deformitatem, & ex hoc etiam delectationem abiceret; sed aliquando contingit quod aliquis propter delectationem etiam voluntarie incurrit deformitatem culpæ.

Ad quartum dicendum, quod illud quod coniungitur bono principaliter desiderato, si sit

(a) Vulgata & *et amare vias*. (b) *Al. refugit*.

Ut improvifum, & ignotum, non eft volitum nifi per accidens; ficut cum aliquis ex ignorantia peccans vult aliquid quod nefcit efle peccatum, quod tamen in rei veritate peccatum eft: talis enim non vult malum nifi per accidens. Sed fi fciat illud efle malum, iam ex confequenti illud malum vult, ut dictum eft, & non folum per accidens.

Ad quintum dicendum, quod cum dicitur aliquis peccare ex aliquo, datur intelligi quod illud fit primum principium peccati. In eo autem qui peccat ex infirmitate, voluntas mali non eft primum principium peccati, fed caufatur ex paffione; fed (a) in eo qui peccat ex malitia, voluntas mali eft primum principium peccati, quia ex feipfo, & per habitum proprium inclinatur in voluntatem mali, non ex aliquo exteriori principio.

Ad fextum dicendum, quod forma per quam peccans operatur, non folum eft ipfa potentia voluntatis, fed habitus qui interius inclinatur per modum cuiusdam nature.

Et per hoc patet folutio ad feptimum.

Ad octavum dicendum, quod cum dicitur aliquis ex malitia peccare, malitia poteft ibi sumi vel pro habitu qui opponitur virtuti, vel pro culpa, fecundum quod interior voluntatis actus, feu electio dicitur culpa, & eft caufa interioris actus: unde non fequitur quod idem fit caufa fui ipfius.

Ad nonum dicendum, quod malitia opponitur virtuti, quæ eft bona qualitas mentis; peccatum autem veniale non eft contrarium virtuti: unde fi aliquis de induftria peccatum veniale committat, non eft ex malitia.

Ad decimum dicendum, quod bonum eft principium, & finis actionis primo & principaliter; fed fecundario, & confequenter etiam malum poteft efle volitum, ut dictum eft (in corp. art.)

Ad undecimum dicendum, quod etiam in peccato infirmitatis poteft efle electio; quæ tamen non eft primum principium peccandi, cum caufetur ex paffione: & ideo non dicitur talis ex electione peccare, quamvis eligens peccet.

Ad duodecimum dicendum, quod ficut paffio in irafcibili, vel concupifcibili exiftens caufat electionem, inquantum ligat rationem ad momentum; ita habitus in his potentiis exiftens caufat electionem, inquantum ligat rationem, non iam per modum

paffionis petramfeantis, fed per modum forme immanentis.

Ad decimumtertium dicendum, quod ad fynderefim pertinent univerfalia principia iuris naturalis, circa quæ nullus errat; fed ratio ligatur per paffionem, vel habitum in eo qui peccat, quantum ad particularia eligibilia.

Ea vero quæ in contrarium obijciuntur, licet verum concludant, tamen in fecundo argumento confiderandum eft, quod cum Auguftinus dicit, quod ipfum defectum amavit, non poma quæ furabatur, non eft fic intelligendum, quafi defectus ipfe, vel deformitas culpæ poffit efle primo & per fe volita; fed primo & per fe volitum erat vel gerere morem aliis, vel experientiam habere alicuius, vel facere aliquid improbitate, aut aliquid huiusmodi. In tertio vero argumento notandum eft, quod non omne peccatum, quod ex alio peccato caufatur, poteft dici ex malitia efle commiffum: quia poteft efle quod illud primum peccatum, quod eft caufa alterius, fit commiffum ex infirmitate, vel paffione. Ad hoc autem quod aliquis ex malitia peccet, oportet quod malitia fit primum peccandi principium, ut dictum eft.

ARTICULUS XIII.

Utrum ille qui peccat ex malitia, gravius peccet quam ille qui peccat ex infirmitate.

1. 2. quæft. lxxviii. art. 4.

Tertiodecimo quæritur, utrum ille qui peccat ex malitia, gravius peccet quam ille qui peccat ex infirmitate. Et videtur quod non. Dicitur enim Apocal. 111. 15. *Utinam calidus efferet, aut frigidus. Sed quia tepidus es, incipiam te evomere ex ore meo.* Calidus enim videtur efle qui bonum operatur; tepidus autem qui ex infirmitate peccat, ficut incontinens; omnino autem frigidus qui ex malitia peccat, ficut intemperatus. Ergo periculofius eft ex infirmitate quam ex malitia peccare.

2. Præterea. Eccle. xlii. 14. dicitur: *Melior eft iniquitas viri quam mulier bone faciens*: quod a quibusdam fic intelligitur, ut per virum intelligatur aliquis strenuus ad aliquid fortiter operandum, per mulierem autem aliquis remiffus, & tepidus in operando. Primum autem videtur compete-

re

(a) id. in eo peccato.

re in temperato, qui ex malitia operatur, ut dictum est; secundum autem incontinentem, qui peccat ex infirmitate. Ergo peius est ex infirmitate quam ex malitia peccare.

3. Præterea. In collationibus patrum (collar. iv. & est Abbatis Danielis, cap. xix.) dicitur, quod facilius ad fervorem perfectionis pervenit peccator quam monachus remissus & tepidus. Sed peccator maxime est qui ex malitia operatur, remissus autem est aliquis qui infirmatur in operando. Ergo peius est ex infirmitate peccare quam ex malitia.

4. Præterea. Ille periculosissime infirmatur cui nec cibis, nec medicina quæ alios iuvat, potest prodesse. Sed incontinenti qui ex infirmitate peccat, non profuit neque scientia, neque bonum propositum, quia avertitur per passionem. Ergo periculosissime peccat.

5. Præterea. Quanto aliquis maiori passione impellitur ad peccandum, tanto levius peccat. Sed maior est impulsio quæ est per habitum, quam quæ est per passionem. Ergo minus peccat ille qui ex habitu inclinatur ad peccandum, qui dicitur ex malitia peccare, ut dictum est, quam qui inclinatur ex passione, qui dicitur ex infirmitate peccare.

6. Præterea. Ille qui peccat ex malitia, movetur ad malum ex forma sibi inhærente, quæ movet per modum naturæ. Quod autem naturaliter movetur ad aliquid, ex necessitate movetur ad illud, & non voluntarie. Ergo ille qui peccat ex malitia certa, non peccat voluntarie: ergo vel nihil, vel minimum peccat.

Sed contra. Illud quod inclinatur ad misericordiam, alleviat peccatum. Sed infirmus inclinatur ad misericordiam, secundum illud Psal. cx. 13. *Miseretur est Dominus timentibus se, quoniam ipse cognovit signum vestrum nostrum.* Ergo peccatum ex infirmitate est levius quam peccatum quod committitur ex malitia.

Respondetur dicendum, quod peccatum ex malitia committitur, ceteris paribus, est gravius peccato quod committitur ex infirmitate: cuius ratio ex tribus apparet. Primo quidem quia cum voluntarium dicatur cuius principium est in ipso, quanto magis principium actus est in ipso agente, tanto magis est voluntarium, & per consequens tanto magis est peccatum, si actus sit malus. Manifestum est autem ex præmissis (art. 9. & 10.) quod cum aliquis ex passione peccat, principium peccati est passio, quæ est in appetitu sensitivo, & sic huiusmodi prin-

cipium est extrinsecum a voluntate; sed quando peccat ex habitu (quod est ex malitia peccare) tunc voluntas per seipsam tendit in actum peccati, quasi iam totaliter inclinatur ex habitu per modum naturalis inclinationis in actum peccati: unde peccatum est magis voluntarium, & per consequens gravius. Secundo quia in eo qui peccat ex infirmitate, seu ex passione, voluntas inclinatur ad actum peccati, quamdiu passio durat; sed statim abeunte passione, quæ cito transit, voluntas recedit ab illa inclinatione, & redit ad propositum bonum, penitens de peccato commisso: sed in eo qui peccat ex malitia, voluntas inclinatur in actum peccati manente habitu, qui non transit, sed perseverat, ut forma quædam iam immanens, & connaturalis facta. Unde qui sic peccat, perseverant in voluntate peccandi, & non de facili penitent: & ideo Philosophus in VII. Ethic. (cap. viii.) in temperatum comparat ei qui continue ab infirmitate gravatur, puta phthisico, vel hydroptico; incontinentem autem ei qui certis temporibus assigitur, & non continue, sicut epileptico. Et sic manifestum est quod gravius, & periculosius peccat qui peccat ex malitia, quam qui peccat ex infirmitate. Tertio quia ille qui peccat ex infirmitate, habet voluntatem ordinatam in bonum finem: bonum enim proponit, & querit, sed interdum recedit a proposito propter passionem: sed ille qui peccat ex malitia, habet voluntatem ordinatam in malum finem: habet enim firmatum propositum ad peccandum. Manifestum est autem quod finis in appetibilibus, & operabilibus se habet sicut principium in speculativis, ut Philosophus dicit in II. Physic. (com. viii.) Ille autem gravissime ignorat, & periculosissime qui errat circa principia: quia talis non potest reduci per aliqua principia priora. Ille autem qui errat tantum circa conclusiones, potest reduci per principia, in quibus non errat. Sic ergo gravissime, & periculosius peccat qui peccat ex malitia, & non potest de facili revocari, sicut revocatur ille qui peccat ex infirmitate, in quo ad minus manet bonum propositum.

Ad primum ergo dicendum, quod frigidus ibi vocatur infidelis, qualicumque excusationem habet ex hoc quod per ignorantiam peccat, secundum illud Apostoli 1. Tim. i. 13. *Misericordiam consecutus sum, quia ignorans feci in incredulitate mea.* Tepidus autem vocatur Christianus peccator, qui in eodem genere peccati gravius peccat, secundum

secundum illud Apostoli ad Hebr. x. 29. *Quanto putatis deteriora mereri supplicia qui... sanguinem testamenti pollutum duxerit? &c.* Unde auctoritas illa non est ad propositum.

Ad secundum dicendum, quod secundum Glossam (ordinar.) vir ibi dicitur aliquis discretus, & strenuus, qui etsi aliquando peccet, tamen ex ipso peccato sumit occasionem boni, puta humilitatis, & maioris cautela; mulier autem ibi dicitur aliquis indiscretus, qui ex bono quod facit, sumit occasionem sui periculi, dum ex eo per superbiam deiticitur. Vel potest dici secundum litteralem sensum, quod melior est iniquitas viri, id est vir iniquus, ad commorandum, quam mulier beneficiens. Facilius enim homo precipitare in peccatum ex familiari conversatione cum bona muliere quam cum malo viro. Ex hoc patet per hoc quod praemittitur: *In medio mulierum noli commorari*: & per illud quod sequitur: *Et mulier confidens in approbatione*. Unde hoc (a) hoc est ad propositum. Ad tertium dicendum, quod ille qui est remissus in beneficiando, incomparabiliter melior est quam ille qui malum facit; & ex hoc ipso contingit quod peccator considerans malum suum, quandoque vehementer ita contra illud movetur quod ad fervorem perfectionis proficit; sed ille qui operatur bonum, licet remisse, non habet aliquid quod multum horrere debeat: unde magis quiescit in statu suo, & non ita de facili transferretur ad meliora.

Ad quartum dicendum; quod ille qui peccat ex infirmitate, licet dum peccat non iuvetur ex scientia, & bono proposito, tamen de facili potest postmodum iuvari paulatim consuescendo, & resistere potest passioni; sed ille qui peccat ex malitia, difficile reducit, sicut ille etiam qui errat circa principia, ut dictum est (in corp. art.).

Ad quintum dicendum, quod impulsio quae est ex passione, dimittit peccatum, quia est quasi ex exteriori; impulsio autem quae est ex voluntate, auger peccatum. Quanto enim morus voluntatis est vehementior ad peccandum, tanto gravior peccat. Habitus autem facit motum voluntatis vehementiorem: & ideo ille qui peccat ex habitu, gravior peccat.

Ad sextum dicendum, quod habitus virtutis, vel vitii est forma animae rationalis. Omnis autem forma est in aliquo secundum modum recipientis. De natura autem rationalis creaturae est quod sit arbitrio libera:

S. Th. Oper. Tom. XV.

nam habitus virtutis, vel vitii non inclinatur voluntatem ex necessitate, sic quod aliquis non possit contra rationem habitus operari; sed difficile est operari contra id ad quod habitus inclinatur.

ARTICULUS XIV.

Utrum omne peccatum ex malitia sit peccatum in Spiritum sanctum.

2. 2. quæst. XIV. art. 1.

Quartodecimo quaeritur, utrum omne peccatum ex malitia, sit peccatum in Spiritum sanctum. Et videtur quod non. Peccatum enim in Spiritum sanctum est peccatum oris, ut patet per id quod dicitur Matth. xii. 31. *Qui dixerit contra Spiritum sanctum verbum, non remittetur ei neque in hoc saeculo, neque in futuro*. Peccatum autem ex malitia potest esse cordis, & operis. Ergo non omne peccatum ex malitia, est peccatum in Spiritum sanctum.

2. Præterea. Peccatum in Spiritum sanctum est speciale genus peccati, habet enim determinatas species, ut patet per Magistrum xlii. dist. II. Lib. Sententiarum, scilicet obstinationem, desperationem, & huiusmodi. Sed peccatum ex malitia non est speciale genus peccati: contingit enim secundum quodlibet genus peccati peccare ex malitia, sicut ex infirmitate, & ex ignorantia. Ergo non omne peccatum ex malitia, est peccatum in Spiritum sanctum.

3. Præterea. Peccatum in Spiritum sanctum est peccatum blasphemiae, ut patet per id quod habetur Lucæ xi. 10. *Et autem qui in Spiritum sanctum blasphemaverit, non remittetur*. Sed blasphemia est quoddam speciale peccatum. Cum ergo peccatum ex certa malitia non sit speciale peccatum, quia invenitur in quolibet genere peccati, videtur quod non omne peccatum ex malitia, sit peccatum in Spiritum sanctum.

4. Præterea. Peccatum ex malitia dicitur (a) cui complacet malitia propter se, sicut piis placet bonitas propter se, ut Magister dicit xlii. dist. II. Lib. Sentent. Sed ex hoc quod alicui placet virtus propter se, non constituitur aliqua determinata species virtutis. Ergo nec ex hoc quod alicui placet malitia propter se, constituitur aliqua determinata species peccati: & sic cum peccatum in Spiritum sanctum sit determinata

M spe-

(a) id est non. (b) *Fieri* cum placet; vel peccare ex malitia dicitur cui de.

species peccati, videtur quod non omne peccatum quod est ex malitia, sit peccatum in Spiritum sanctum.

5. Præterea. Augustinus dicit ad Bonifacium Comitem (epist. l. non remote a fin.) quod omne peccatum, quocumque modo homo se alienaverit a Deo usque ad finem vitæ suæ, est peccatum in Spiritum sanctum. Sed hoc contingit de peccato etiam quod est ex infirmitate, & ignorantia. Ergo non est idem peccare in Spiritum sanctum, & peccare ex malitia.

6. Præterea. Magister dicit in II. Sentent. (dist. xl.iii.) quod illi peccant in Spiritum sanctum qui putant suam malitiam exuperare bonitatem divinam. Sed qui sic putant, errant, & omnes errantes ignorant. Ergo videtur quod peccatum in Spiritum sanctum magis sit peccatum ignorantiae quam infirmitatis.

7. Præterea. Aliquis dicitur peccare ex aliquo dupliciter: uno modo sicut ex potentia, vel habitu, aut dispositione eliciente actum; alio modo sicut ex fine movente. Sed non potest dici, quod peccans in Spiritum sanctum peccet ex malitia sicut ex habitu, vel dispositione eliciente actum, quia sic omne peccatum esset in Spiritum sanctum: nec iterum sicut ex fine movente, quia malitia, inquantum est malitia, non potest esse finis movens: nullum enim intendens ad malum operatur, ut Dionysius dicit iv. cap. de divin. Nom. Si autem malitia dicitur movens propter bonum apparens, cui coniungitur, sic omne peccatum esset ex malitia, quia in omni peccato est movens aliquod bonum apparens, quod est coniunctum malo. Non ergo peccatum in Spiritum sanctum est idem quod peccatum ex malitia.

8. Præterea. Duplex est malitia: scilicet malitia contracta, prout Beda ponit eam unum de quatuor quæ consequuntur ex peccato primi parentis: est etiam malitia acta, quæ est peccatum actuale. Sed peccatum in Spiritum sanctum non potest dici peccatum ex malitia contracta: quia malitia contracta ad defectum, & infirmitatem naturæ pertinet; & sic peccatum in Spiritum sanctum esset peccatum ex infirmitate neque etiam ex malitia acta: quia sic oporteret quod ante peccatum in Spiritum sanctum semper præcederet peccatum aliquod actuale; quod non est verum in omni specie peccati in Spiritum sanctum. Non ergo peccatum in Spiritum sanctum est peccatum ex malitia.

9. Præterea. Peccatum in Spiritum sanctum dicitur a Magistris quod non facili-

mittitur. Sed hoc convenit cuilibet peccato quod procedit ex habitu. Dicit enim Augustinus in Lib. Confess. (VIII. cap. 117.) quod ex perversa voluntate sequitur libido, ex libidine consuetudo peccandi, ex consuetudine necessitas. Ergo omne peccatum quod est ex habitu, etiam si non sit ex malitia, sed ex infirmitate, vel ignorantia, est peccatum in Spiritum sanctum: nam habitus vitiosus ex consuetudine causatur. Non ergo idem est peccare in Spiritum sanctum, & peccare ex malitia.

Sed contra est quod Magister dicit xl. et dist. II. Libri Sententiarum, quod ille in Spiritum sanctum peccat cui malitia propter seipsam placet. Sed talis dicitur peccare ex malitia. Ergo idem est peccare ex malitia, & peccare in Spiritum sanctum.

Præterea. Sicut Patri appropriatur potentia, & Filio sapientia, ita Spiritui sancto appropriatur bonitas. Sed ille qui peccat ex infirmitate, quæ opponitur potentie, dicitur peccare in Patrem, & ille qui peccat ex ignorantia, quæ opponitur sapientie, dicitur peccare in Filium. Ergo ille qui peccat ex malitia, quæ opponitur bonitati, dicitur peccare in Spiritum sanctum.

Respondeo dicendum, quod de peccato in Spiritum sanctum multipliciter aliqui sunt locuti. Nam sancti Doctores qui fuerunt ante Augustinum scilicet Hilarius, Ambrosius, Hieronymus, & Chrysostomus dixerunt, quod peccatum in Spiritum sanctum dicitur, cum aliquis Spiritum sanctum blasphemat; sive Spiritus sanctus accipiatur essentialiter, prout tota Trinitas potest dici etiam Spiritus sanctus; sive accipiatur personaliter, secundum quod est tertia in Trinitate persona. Et hoc satis consonare videtur litteræ Evangelii, unde hæc questio sumit originem. Nam cum Pharisei dicerent Christum in Beelzebub eicere demonia, & divinitatem Christi, & Spiritum sanctum, per quem Christus operabatur, blasphemabant, attribuentes principi demoniorum quod Christus virtute suæ divinitatis, aut per Spiritum sanctum operabatur. Unde & peccato in Spiritum sanctum in Evangelio contraponitur peccatum quod est in Filium, id est quod est in humanitatem Christi. Sed quia dicitur, quod peccatum in Spiritum sanctum non remittitur neque in hoc sæculo, neque in futuro, sequi videtur quod quicumque blasphemat Spiritum sanctum, vel divinitatem Christi, nunquam sui peccati remissionem habere possit, ut Augustinus obicit in Lib. de verb. Domini (serm. xi.) cum

tamen Iudæis, & hæreticis blasphemantibus divinitatem Christi, & Spiritum sanctum, non denegetur baptismus, in quo datur remissio peccatorum. Et ideo Augustinus in Lib. de sermone Domini in monte (I. cap. xlv.) peccatum in Spiritum sanctum videtur restringere ad eos qui post agnitam veritatem, & sacramentorum susceptionem, blasphemant Spiritum sanctum, non solum verbo, ut infideles, blasphemando ipsam personam Spiritus sancti; sed etiam vel corde invidentes veritati, & gratiæ quæ est a Spiritu sancto, vel etiam opere impugnantes. Nec obstat quod Pharisei, quibus Dominus talia loquebatur, infideles erant, nondum fidei sacramentis imbuti: quia Dominus non intendebat dicere, quod ipsi adhuc peccarent in Spiritum sanctum irremissibiliter, cum ipse subdit: *Aut facite arborem bonam, & fructum eius bonum &c.* sed intendebat eos monere ne blasphemando sicut faciebant, ad gradum irremissibilis peccati quandoque pervenirent. Sed contra hoc iterum obicit Augustinus in Lib. de verb. Domini (serm. xi.) quia Dominus non dicit, quod ei qui peccaverit in Spiritum sanctum, non fiat remissio in baptismo; sed quod non fiat remissio in hoc sæculo, vel futuro quocumque modo. Unde hoc peccatum non videtur magis pertinere ad baptizatos quam ad alios; cum tamen nulli peccanti si pœnuerit, in Ecclesia pœnitentia denegetur. Et ideo hanc sententiam retractat in Lib. Retractionum (I. cap. xix.) addens quod tunc solum impugnor agnitæ veritatis, & invidens fraternæ gratiæ dicitur peccare in Spiritum sanctum, quando in hoc perseverat usque ad mortem. Et ad huius evidentiam considerandum, quod ipse circa hoc dicit in Lib. de verb. Domini: dicit enim ibi, attendendum esse, quod non omne quod indefinite in sacra Scriptura proponitur, est universaliter accipiendum; sicut quod dicitur Ioan. xv. 22. *Si non venissem, & locutus eis non fuisset, peccatum non haberent*: non est sic intelligendum quasi nullum peccatum haberent, sed quia non haberent aliquod unum peccatum, quod commiserunt contemnendo prædicationem, & miracula Christi. Sic ergo cum dicitur, *Qui dixerit verbum contra Spiritum sanctum*, determinate; & similiter quod dicitur in Marco, & Luca, *Qui blasphemaverit in Spiritum sanctum &c.* intelligendum est qui aliquo determinato modo blasphemaverit. Est autem attendendum, quod verbum contra Spiritum sanctum dicitur non solum ore, sed etiam corde, &

opere; & quod multa verba ad idem pertinentia unum verbum dicuntur, sicut frequenter legitur in Prophetis. Verbum quod locutus est Dominus ad Isaiam, & Hieremiam. Manifestum est autem quod Spiritus sanctus caritas est; per caritatem autem fit remissio peccatorum in Ecclesia: & ideo remissio peccatorum est effectus appropriatus Spiritui sancto, secundum illud Ioan. xx. 22. *Accipite Spiritum sanctum: quorum remiseritis peccata, remittuntur eis.* Ille ergo dicitur loqui verbum irremissibile in Spiritum sanctum qui corde, & ore, & opere sic remissioni peccatorum repugnat, ut in peccato perseveret usque ad mortem. Et ideo secundum Augustinum (in serm. xi. de verbis Domini) impœnitentia perseverans usque ad mortem, est peccatum in Spiritum sanctum. Sicut autem remissio peccatorum appropriatur Spiritui sancto, ita & bonitas. Unde Magistri sequentes aliquo modo Augustinum, dixerunt, quod ille dicit verbum, & blasphemiam in Spiritum sanctum qui peccat ex malitia, quæ contrariatur bonitati, & Spiritui sancto. Sic ergo si loquamur de peccato in Spiritum sanctum secundum sententiam antiquorum sanctorum, vel etiam secundum sententiam Augustini, non omne peccatum ex malitia est peccatum in Spiritum sanctum, sicut ex dictis potest esse manifestum. Si autem loquamur secundum dicta magistra, quæ non sunt contemnenda, sic dici potest, quod proprie loquendo de peccato in Spiritum sanctum, non omne peccatum ex malitia est peccatum in Spiritum sanctum. Ille enim ex malitia peccare dicitur, ut supra dictum est, cuius voluntas per se inclinatur in bonum aliquod quod habet malitiam annexam: quod quidem contingit dupliciter. Nam & in rebus naturalibus dupliciter aliquid movetur; vel propter inclinationem, sicut grave deorsum; vel propter remotionem prohibentis, sicut aqua effunditur fracto vase. Sic ergo voluntas quandoque fertur per se in huiusmodi bonum ex propria inclinatione habitus acquisiti; quandoque vero ex remotione eius quod prohibebat a peccato, sicut spes, & timor Dei, & alia dona Spiritus sancti, quibus homo retrahitur a peccato. Unde proprie ille peccat in Spiritum sanctum cuius voluntas ex hoc tendit in peccatum, quia abicit huiusmodi Spiritus sancti retinacula: propter quod & desperatio, & præsumptio, & obstinatio, & huiusmodi ponunt species peccati in Spiritum sanctum, ut patet per Magistrum xl. i. dist. II. Sententiarum

Large tamen loquendo, etiam ille qui ex inclinatione habitus peccat, potest dici peccare in Spiritum sanctum: quia etiam ipse ex consequenti renititur bonitati Spiritus sancti.

Ad primum ergo dicendum, quod secundum sententiam antiquorum sanctorum patrum, peccatum in Spiritum sanctum est peccatum verbi, quo quis contra Spiritum sanctum blasphemat; secundum vero alias opiniones oportet dicere, quod etiam est quoddam verbum & cordis, & operis, quia & corde, & opere aliquid dicimus, secundum illud I. Corinth. xii. 3. *Nemo potest dicere, Dominus Iesus, nisi in Spiritu sancto*, idest corde, ore, & opere, ut Glossa ibidem exponit.

Ad secundum dicendum, quod secundum expositionem antiquorum sanctorum, & etiam secundum expositionem magistralem peccatum in Spiritum sanctum potest dici speciale genus peccati; dum tamen peccatum ex malitia accipitur proprie secundum quod aliquis peccat ex hoc quod abiicit beneficium Spiritus sancti, quibus retrahitur a peccato. Sed si accipitur peccatum ex malitia secundum quod est ex inclinatione habitus, sic non est speciale genus peccati, sed quoddam peccati circumstantia, quae potest in quolibet genere peccati inveniri. Et similiter etiam est dicendum, si peccatum in Spiritum sanctum sit finalis impenitentia, secundum expositionem Augustini (serm. xi. de ver. Dom.).

Ad tertium dicendum, quod blasphemia in Spiritum sanctum secundum antiquos sanctos accipitur prout est speciale peccatum oris; sed secundum Augustinum, & Magistros continetur sub blasphemia omnis repugnatio ad dona Spiritus sancti, sive fiat corde, sive ore, sive opere.

Ad quartum dicendum, quod si alicui virtus complaceret propter se, propter considerationem alicuius superioris moventis, ex hoc sequeretur ratio specialis virtutis; sicut si aliquis delestaretur in castitate propter amorem Dei, hoc pertineret ad virtutem castitatis; & similiter etiam si alicui complaceret malitia propter contemptum spei, vel timoris, hoc pertinet ad rationem specialium peccatorum, scilicet desperationis, & praesumptionis, quae sunt species peccati in Spiritum sanctum.

Ad quintum dicendum, quod ratio illa procedit secundum intentionem Augustini: sic autem peccatum in Spiritum sanctum non est speciale genus peccati.

Ad sextum dicendum, quod desperatus; qui dicitur peccare in Spiritum sanctum, putat suam malitiam exuperare bonitatem divinam, non quantum ad opinionem, sic enim peccaret peccato infidelitatis, sed quia se habet ad modum ita putantis, inquantum ex consideratione suorum scelerum de divina bonitate diffidit.

Ad septimum dicendum, quod, sicut supra (art. 12. & 13.) dictum est, aliquis potest dici ex malitia peccare uno quidem modo, sicut ex habitu inclinante, secundum quod malitia dicitur habitus virtuti oppositus. Nec verum est quod quicumque peccat hoc modo, ex malitia peccet: non enim quicumque iniusta agit, iam habet habitum iniustitiae; cum homo ex iniustis operationibus ad habitum iniustitiae perveniat, ut dicitur in II. Ethic. (cap. xiv.) Alio modo potest intelligi quod aliquis ex malitia peccet, quia vult bonum cum coniungitur malum, nec inclinatur ad illud ex aliqua passione, vel ignorantia: & sic etiam manifestum est quod non omnis peccans, ex malitia peccat.

Ad octavum dicendum, quod malitia contracta dicitur quendam pronitas quae ex corruptione fornicis nobis inest ad mala agenda; & sic non accipitur malitia, cum dicitur aliquis ex malitia peccare; sed accipitur malitia pro malitia acta, secundum quod ipsa interior electio dicitur malitia; & sic intelligendum est quod semper cum aliquis peccat ex malitia, est interior actus peccati qui dicitur malitia, ex qua procedit exterior actus peccati.

Ad nonum dicendum, quod peccatum quod fit ex inclinatione habitus, habet quidem aliquam rationem ut possit dici peccatum in Spiritum sanctum; sed & aliis modis peccatum in Spiritum sanctum accipi potest, ut dictum est (in corp. art.).

ARTICULUS XV.

Utrum peccatum in Spiritum sanctum possit remitti.

2. 2. quæst. xiv. art. 3.

Quintodecimo quaeritur, utrum peccatum in Spiritum sanctum possit remitti. Et videtur quod non. Dicitur enim Matth. xxi. 31. *quod qui dixerit verbum contra Spiritum sanctum, non remittetur ei neque in hoc saeculo, neque in futuro*. Ergo peccatum in Spiritum sanctum nunquam remittitur.

2. Sed

2. Sed dicendum, quod dicitur non remitti, quia de difficili remittitur. Sed contra est quod dicitur Marc. 111. 29. *Qui blasphemaveris in Spiritum sanctum, non habet remissionem in aeternum, sed reus erit aeterni delicti.* Non autem est reus aeterni delicti, cuius peccatum dimittitur. Ergo peccatum in Spiritum sanctum nullo modo remittitur.

3. Præterea. Pro omni peccato quod dimittitur, est orandum. Sed pro peccato in Spiritum sanctum non est orandum: dicitur enim I. Ioan. ult. 16. *Est peccatum ad mortem; non pro eo dico ut oret quis.* Ergo peccatum in Spiritum sanctum nullo modo remitti potest.

4. Præterea. Augustinus dicit in Lib. de serm. Domini in monte (I. cap. xlv. paulo a princ.) quod tanta est labes huius peccati, quod humilitatem deprecandi subire non potest. Sed cum initium peccati sit superbia, ut dicitur Eccle. xi. nullum peccatum potest sanari nisi per humilitatem: quia contraria contrariis curantur. Ergo peccatum in Spiritum sanctum non potest remitti.

5. Præterea. Augustinus dicit in Lib. lxxxiii. Questionum (quæst. xxvi.) quod peccata imbecillitatis, & ignorantie sunt venialia, non autem peccatum malitie. Sed dicuntur venialia, quia sunt remissibilia. Ergo peccatum ex malitia, quod est in Spiritum sanctum, non est remissibile.

Sed contra est quod dicitur Matth. xii. 31. *quod omne peccatum, & blasphemia remittetur hominibus.*

Præterea. Nullus peccat ex eo quod non sperat se posse prosequi quod est impossibile. Si ergo impossibile esset aliquid peccatum remitti, desperaus de remissione illius peccati non peccaret; quod patet esse falsum.

Præterea. Augustinus dicit (serm. xi. de verb. Dom. a med.) quod de nemine desperandum est, quoad est in via. Sed nullo peccatum trahit hominem extra statum vite. Ergo de nullo homine est desperandum; & sic omne peccatum est remissibile.

Respondeo dicendum, quod veritas huius questionis ex præmissis potest esse manifesta. Si enim accipiat peccatum in Spiritum sanctum secundum acceptionem Augustini, sic planum est quod peccatum in Spiritum sanctum nullo modo remitti potest. Ex quo enim homo in peccato perseverat usque ad mortem etiam absque poenitentia, nullo modo peccatum ei remittitur, loquendo de peccatis mortalibus, secundum quæ attenditur impoenitentia, quam Augustinus ponit

(serm. xi. de verb. Dom.) esse peccatum in Spiritum sanctum. Sunt tamen aliqua peccata levia, & venialia, quæ remittuntur in futuro sæculo, ut Gregorius dicit (IV. Dialog. cap. xxxix.) Secundum autem alias acceptiones peccatum in Spiritum sanctum non dicitur irremissibile, quia videlicet nullo modo remittatur, sed quia remittitur difficultus: & hoc dicitur duplici ratione. Primo quidem ex parte poenæ, ut peccatum dicatur remissibile quod habet aliquam excusationem, ut minus debeat puniri, sicut calor dicitur remitti quando diminuitur: & hoc modo peccatum quod ex ignorantia, vel infirmitate committitur, dicitur esse remissibile: quia ignorantia, & infirmitas alleviant peccatum, non autem malitia. Similiter etiam aliquam excusationem habere videbantur qui contra Christi humanitatem blasphemabant, dicentes eum potatorem vini esse, quia ex infirmitate carnis eius movebantur ad blasphemandum; sed illi qui blasphemant divinitatem Christi, vel virtutem Spiritus sancti, nihil excusationis habent, quod eorum peccatum alleviet. Alio modo potest dici irremissibile quantum ad culpam. Ad cuius evidentiam considerandum est, quod in rebus inferioribus dicitur aliquid impossibile per privationem potentie activæ inferioris, licet non excludatur potentia divina. Sicut si dicamus, quod Lazarus resurgere est impossibile, sublati vite principio creato; non tamen per hoc excludimus quod Deus eum resuscitare non possit. In eo autem qui peccat in Spiritum sanctum, abiciuntur adminicula remissionis peccati, in quantum aliquis contemnit Spiritum sanctum, & dona eius, quibus fit remissio peccatorum in Ecclesia: & similiter ille qui peccat ex malitia per inclinationem habitus, habet ignorantiam debiti finis, per quem posset reduci ad bonum, ut supra (art. 12. & 13.) dictum est. Et ideo secundum huiusmodi acceptiones peccatum in Spiritum sanctum dicitur irremissibile, quia sunt ablata illa remedia quibus homo iuvatur ad remissionem peccati; non tamen est irremissibile, si consideretur virtus divinæ gratiæ tamquam activum principium, & status liberi arbitrii nondum confirmati in malo, sicut principium materiale.

Ad primum ergo dicendum, quod intellectus est: *Non remittitur in hoc sæculo, neque in futuro, diversimodo secundum sententiam Augustini, & aliorum;* sicut dictum est. Chrysostomus tamen (homil. xlii. in Matth.) facilius se expedit referens ad hoc quod

quod Iudaei pro blasphemis in Christum illatis passuri erant penam & in hoc saeculo per Romanos, & in futuro saeculo in damnatione inferni.

Ad secundum dicendum, quod peccatum in Spiritum sanctum dicitur æternum delictum, quia quantum est de se, æternitatem habet; sed ex misericordia Dei finiri potest: sicut & caritas dicitur numquam excidere, quantum est de se, licet quandoque excidat ex vitio peccantis.

Ad tertium dicendum, quod peccatum ad mortem potest intelligi: quo aliquis usque ad mortem perseverat: & sic pro tali non est orandum, quia suffragia non profunt damnatis, qui sine penitentia decedunt. Si autem intelligatur peccatum ad mortem, id est quod ex malitia committitur, sic non prohibetur quin aliquis pro eo oret; sed non quicumque, quia non quicumque est tanti meriti, ut orando ei gratiam impetrare possit, quia sanatio talium est quasi miraculosa; sicut si diceretur pro suscitatione mortui, non dico ut oret quis pro eo, id est quicumque, sed aliquis magni meriti apud Deum.

Ad quartum dicendum, quod verbum illud est intelligendum, quia tales de facili humiliari non possunt, non quod omnino non possint.

Ad quintum dicendum, quod veniale tripliciter dicitur. Uno modo ex genere, sicut verbum otiosum dicitur peccatum veniale. Alio modo ex eventu, sicut dicitur peccatum veniale motus concupiscentiae sine consensu. Tertio modo dicitur veniale ex causa, quia scilicet habet causam veniæ, quæ alleviat peccatum: & hoc modo intelligendum est quod peccatum imbecillitatis, & nescientiae sunt venialia, non autem peccatum industriæ, sive malitiæ.

QUAESTIO IV.

De peccato originali,

in octo articulis divisa.

Primo enim quaeritur, utrum aliquod peccatum ex origine contrahatur.

Secundo. Utrum peccatum originale sit concupiscentia.

Tertio. Utrum originale peccatum sit in carne, vel in anima, sicut in subiecto.

Quarto. Utrum peccatum originale per prius sit in potentia animæ quam in essentia.

Quinto. Utrum prius sit in voluntate quam in aliis potentiis.

Sexto. Utrum derivetur in omnes qui seminaliter procedunt ab Adam.

Septimo. Utrum illi qui materialiter nascuntur ab Adam, contrahant originale.

Octavo. Utrum peccata proximorum parentum transcant in posterum.

ARTICULUS I.

Utrum peccatum aliquod ex origine contrahatur.

1. 2. quest. lxxx1. art. 1.

Questio est de peccato originali: & primo quaeritur, utrum aliquod peccatum ex origine contrahatur. Et videtur quod non. Dicitur enim Ecclesi. xv. 18. *Ante hominem vitam, & mortem, bonum, & malum: (a) quodcumque volueris, dabitur ei.* Ex quo potest accipi, quod peccatum, quod est spiritualis mors animæ, in voluntate consistit. Sed nihil quod homo contrahit ex origine sua, consistit in eius voluntate. Ergo nullum peccatum contrahit homo ex sua origine.

2. Præterea. Accidens non traducitur, nisi per translationem sui subiecti. Subiectum autem peccati est anima rationalis. Cum ergo anima rationalis non traducatur per originem, ut habetur in Lib. de eccl. dogmatibus (cap. xiv.) videtur quod neque aliud quod peccatum per originem contrahatur.

3. Sed dicendum, quod licet subiectum peccati non traducatur, traducitur tamen caro, quæ est causa peccati. Sed contra. Ad translationem accidentis non sufficit translatio eius quod non est sufficiens causa: quia ea posita, non ponitur effectus. Sed caro non est sufficiens causa peccati: quia quantumcumque caro alliciatur ad peccandum, in potestate tamen voluntatis est assentire, vel non assentire; & sic ipsa voluntas est sufficiens causa peccati. Sed voluntas non traducitur. Ergo translatio carnis non sufficit ad translationem alicuius peccati.

4. Præterea. Peccatum secundum quod nunc accipitur, est cui debetur poena, & increpatio. Sed nulli defectui ex origine contracto debetur increpatio, & poena: sicut enim dicit Philosophus in III. Ethic. (cap. 1.) si quis est cæcus ex infirmitate, non increpatur; increpatur autem, si sit cæcus ex ebrietate. Ergo nullus defectus qui ex

(a) Vulgata: quod placuerit ei, dabitur illi.

ex origine contrahitur, habet rationem peccati.

5. Præterea. Augustinus in I. de lib. arb. (in princ.) distinguit duplex malum : unum quod agimus, quod est malum culpæ : & aliud quod patimur, quod pertinet ad malum pœnæ. Sed omnis defectus qui est ex alio, habet rationem passionis : nam passio est effectus, illatioque actionis. Ergo nihil quod contrahitur per originem ex alio, habet rationem peccati, sed solum rationem pœnæ.

6. Præterea. Io Lib. de ecclesiasticis dogmatibus (cap. lxxvi.) dicitur : *Bona est caro nostra, utpote a bono Deo creata*. Sed bonum non est causa mali, secundum illud Matth. vii. 18. *Non potest arbor bona fructus malos facere*. Ergo peccatum originale non contrahitur per carnis originem.

7. Præterea. Iste dependet anima a carne postquam ei est unita quam in ipsa eius unitione. Sed postquam anima iam est carni unita, non potest infici a carne nisi per solum consensum. Ergo neque in ipsa unitione. Peccatum ergo originale non potest contrahi per carnis originem.

8. Præterea. Si origo carnis vitia peccatum causat in anima, quando origo fuerit magis vitata, tanto maius peccatum causabit. Sed in illis qui nascuntur ex fornicatione, magis est vitata origo, quam in illis qui nascuntur ex legitimo matrimonio. Sequeretur ergo quod illi qui ex fornicatione nascuntur, maius peccatum contrahant nascendo; quod patet esse falsum: quia non debetur eis maior pœna.

9. Præterea. Si peccatum originale contrahitur per carnis originem, hoc non est nisi inquantum caro est corrupta. Aut ergo illa corruptio est moralis, aut naturalis. Sed moralis esse non potest: quia corruptionis moralis subiectum non est caro, sed anima. Similiter autem nec naturalis: quia sequeretur quod inficeret animam naturalis actione, idest per qualitates activas, & passivas; quod patet esse falsum. Nullo ergo modo peccatum contrahitur per carnis originem.

10. Præterea. Defectus qui consecutus est ex peccato primi parentis, est carentia originalis iustitiæ, ut Anselmus dicit (in Lib. de conceptu virgin. cap. xxiii. & xxvi.) & sic cum originalis iustitia sit quiddam spirituale, sequitur quod defectus prædictus sit etiam spiritualis. Corruptio autem carnis est quiddam corporale. Spiritualia autem, & corporalia sunt diversorum generum; & sic spirituale non potest causare effectum corporalem.

Non ergo ex peccato primi parentis potuit causari corruptio in carne nostra, ex qua in nobis peccatum per originem transfunderetur.

11. Præterea. Secundum Augustinum (Ansel. io Lib. de conceptu virgin. cap. xxiii. & xxvi.) peccatum originale est carentia originalis iustitiæ. Aut ergo originalis iustitia conveniebat animæ primi hominis naturaliter ex sua creatione, aut fuit donum superadditum ex divina liberalitate. Si autem fuit animæ naturalis, numquam eam amisisset peccando: quia, ut Dionysius dicit iv. cap. de div. Nom. (part. 4.) data naturalia etiam in dæmonibus permanserunt; & sic etiam omnes homines originale iustitiam habere: quia quod est naturale uoi animæ, est omnibus animabus naturale; & ita nullus nasceretur cum peccato originali, idest cum carentia originalis iustitiæ. Si autem fuit iustitia illa donum superadditum ex liberalitate divina: aut ergo Deus animæ hominis nascentis illud donum dat, aut non. Si dat, non nasceretur homo cum carentia originalis iustitiæ, neque potest anima eius per carnem infici. Si autem non datur a Deo, hoc non videtur ei esse imputandum, sed Deo, qui non dedit. Nullo ergo modo homo per originem peccatum contrahere potest.

12. Præterea. Anima rationalis non supervenit alicui formæ præexistenti: quia non adveniret materiæ tamquam forma substantialis, sed tamquam materia accidentalis, quæ adveoit subiecto iam existenti in actu. Oportet ergo quod adveniente anima rationali, deficiant omnes formæ præexistentes, & per consequens omnia accidentia. Cessat ergo & ipsa corruptio seminis, si qua inerat a generante. Non ergo anima adveniens per carnem inquinari potest.

13. Præterea. Motus sequitur naturam elementis prædominantis io corporibus mixtis, & per consequens omnes proprietates consequuntur illud quod prædominatur in composito. Sed anima prædominatur corpori in homine, qui ex utroque componitur; anima autem ex sua origine habet puritatem. Licet ergo caro ex sua origine aliquam impuritatem contrahat, videtur tamen quod homo nascens non debeat dici infectus peccato, sed purus.

14. Præterea. Peccatum est cui aliqua pœna debetur. Sed peccato quod per originem contrahitur, non debetur aliqua pœna: nam carentia visionis divine, quæ commu- oiter assignatur ei pro pœna, non videtur esse

esse aliqua poena: quia si homo mereretur absque omni peccato, & gratiam non haberet, non posset pervenire ad visionem divinam, in qua consistit vita aeterna, secundum illud Ioan. xviii. 3. *Hec est vita aeterna, ut cognoscant te solum verum Deum: & Apostolus dicit Rom. vi. 23. Gratia Dei vita aeterna.* Non ergo est aliud peccatum quod per originem contrahatur.

15. Præterea. Sicut causa prima est nobilior quam secunda, ita causa secunda est nobilior quam effectus. Sed si peccatum traducitur a primo parente, corruptio consecuta est in carne per animam primi hominis peccantis, & ex carne perducitur ad animam hominis qui nascitur ex Adam; & sic anima primi hominis est sicut causa prima, caro autem sicut causa secunda, & anima hominis generati sicut effectus ultimus. Sic ergo anima primi hominis erit nobilior, & caro nobilior quam anima hominis generati: quod est inconveniens. Non ergo peccatum potest traduci per originem.

16. Præterea. Nihil agit, nisi in quantum est actu. Sed in semine non est actu peccatum. Non ergo per semen decusum anima infici potest aliquo peccato.

17. Præterea. Nunc potest esse idem causa infectionis peccati, & meriti. Sed actus generationis aliquando potest esse meritorius; puta cum aliquis in gratia existens, ad uxorem accedit causa generandæ proles, vel debiti reddendi. Non ergo ex hoc poterit causari infectio peccati in prole.

18. Præterea. Causa particularis non inducit effectum universalem. Sed peccatum Adæ fuit quoddam particulare. Non ergo potuit inficere totam humanam naturam aliquo peccato.

19. Præterea. Dominus dicit Ezech. viii. 4. *Omnes animæ mee sunt; & vers. 20. Filius non portabit iniquitatem patris.* Portaret autem, si pro peccato primi hominis hi qui ab eo nascuntur, damarentur. Non ergo peccatum in posteris Adæ traducitur propter eius peccatum.

Sed contra est quod dicitur ad Rom. v. 12. *Per unum hominem peccatum in hunc mundum intravit.* Sed nunc per imitationem: quia sic per diabolum peccatum in mundum intravit, secundum illud Sapient. xi. 24. *Invidia diaboli mors introiit in orbem terrarum. Instantur autem illum qui sunt ex parte eius.* Ergo per originem vitiatam peccatum a primo homine in posteris derivatur.

Præterea. Augustinus dicit XIV. de civ.

Dei, quod primus homo sponte depravatus genuit filios depravatos. Sed depravatio non habet nisi per peccatum. Ergo filii Adam ex sua origine peccatum contrahunt.

Respondeo dicendum, quod Pelagiani negaverunt, aliud peccatum per originem posse traduci. Sed hoc ex magna parte excludit necessitatem redemptionis factæ per Christum, quæ maxime videtur necessaria fuisse ad abolendam infectionem peccati, quæ a primo parente in totam eius posteritatem derivata est, dicente Apostolo ad Roman. v. 18. *quod sicut per unius delictum processum est in omnes homines in condemnationem, sic & per unius iustitiam in omnes homines in iustificationem vite.* Excluditur etiam necessitas puerorum baptizandi: quod tamen communis Ecclesiæ consuetudo habet ab Apostolis derivata, ut Dionysius dicit in eccles. Hierar. (cap. xv.) Et ideo simpliciter dicendum est, quod peccatum traducitur per originem a primo parente in posteros. Ad cuius evidentiam considerandum est, quod aliquis homo singularis dupliciter potest considerari. Uno modo secundum quod est quædam persona singularis; alio modo, secundum quod est pars alicuius collegii: & utroque modo ad eum potest aliquis actus pertinere: pertinet enim ad eum, in quantum est singularis persona, ille actus quem proprio arbitrio, & per seipsum facit; sed in quantum est pars collegii, potest ad eum pertinere actus alienus quem per seipsum non facit, nec proprio arbitrio; sed qui fit a toto collegio, vel a pluribus de collegio, vel a principe collegii; sicut illud quod princeps civitatis facit, dicitur civitas facere, ut Philosophus dicit. Huiusmodi enim collegium hominum reputatur quasi unus homo, ita quod diversi homines in diversis officiis constituti sunt quasi diversa membra unius corporis naturalis, ut Apostolus inducit de membris Ecclesiæ I. ad Corinth. xii. Sic ergo tota multitudo hominum a primo parente humanam naturam accipientium, quasi unum collegium, vel potius sicut unum corpus unius hominis consideranda est: in qua quidem multitudine unusquisque homo, etiam ipse Adam, potest considerari vel quasi singularis persona, vel quasi aliud membrum huius multitudinis, quæ per naturalem originem derivatur ab uno. Est autem considerandum, quod primo homini in sua institutione datum fuerat divinitus quoddam supernaturale donum, scilicet originalis iustitia, per quam ratio subdebatur Deo, & inferiores vires rationi, & corpus animæ.

Hoc

Hoc autem donum non fuerat datum primo homini ut singulari personæ tantum, sed ut cuidam principio totius humanæ naturæ, ut scilicet ab eo per originem derivaretur in posteros. Hoc autem donum acceptum primus homo per liberum arbitrium peccans amisit eo tenore quo sibi datum fuerat, scilicet pro se, & pro tota sua posteritate. Defectus ergo huius doni totam eius posteritatem consequitur: & sic iste defectus eo modo traducitur in posteros quo modo traducitur humana natura: quæ quidem traducitur non quidem secundum se totam, sed secundum aliquam sui partem, scilicet secundum carnem, cui Deus animam infundit: & sic sicut anima divinitus infusa pertinet ad naturam humanam, ab Adam derivatam propter carnem, cui coniungitur; ita & defectus prædictus pertinet ad animam propter carnem, quæ ab Adam propagatur non solum secundum corpulentam tubilantiam, sed etiam secundum seminalem rationem, idest non solum materialiter, sed sicut ab activo principio: sic enim filius accipit a patre naturam humanam. Si ergo consideretur iste defectus hoc modo per originem in istum hominem derivatus, secundum illud quod iste homo est quidam persona singularis, sic huiusmodi defectus non potest habere rationem culpæ, ad cuius rationem requiritur quod sit voluntaria; sed si consideretur iste homo generatus sicut quoddam membrum totius humanæ naturæ a primo parente propagatæ, ac si omnes homines essent unus homo, sic habet rationem culpæ propter voluntarium eius principium, quod est actuale peccatum primi parentis: sicut si dicamus, quod motus manus ad homicidium perpetrandum, secundum quod manus per se consideratur, non habet rationem culpæ, quia manus de necessitate movetur ab alio; si autem consideretur ut est pars totius hominis, qui voluntate agit, sic habet rationem culpæ, quia sic est voluntarius. Sicut ergo homicidium non dicitur culpa manus, sed culpa totius hominis; ita huiusmodi defectus non dicitur esse peccatum personale, sed peccatum totius naturæ: nec ad personam pertinet, nisi in quantum natura inficit personam. Et sicut ad unum peccatum faciendum diversæ partes hominis adhibentur, scilicet voluntas, ratio, manus, & oculus, & huiusmodi, & tamen est unum solum peccatum propter unitatem principii, scilicet voluntatis, a quo peccatio ad omnes actus partium derivatur; ita & ratione principii in tota natura humana

S. Tb. Oper. Tom. XV.

consideratur quasi unum peccatum originale: propter quod Apostolus dicit Rom. v. 12. *In quo omnes peccaverunt*: quod secundum Augustinum (Lib. I. de nup. & concup. cap. x.) potest intelligi: *in quo, scilicet primo homine, vel in quo peccato primi hominis, ut peccatum primi hominis sit quasi commune peccatum omnium.*

Ad primum ergo dicendum, quod peccatum quod per originem contrahitur, dicitur voluntarium ratione sui principii, scilicet voluntatis primi parentis, ut dictum est (in corp. art.)

Ad secundum dicendum, quod istud peccatum consequitur totam naturam humanam: unde subiectum huius peccati est anima, secundum quod est pars humanæ naturæ: & ideo sicut humana natura traducitur, licet anima non traducatur; ita etiam peccatum originale traducitur, licet anima non traducatur.

Ad tertium dicendum, quod caro non est sufficiens causa peccati actualis, sed peccati originalis est sufficiens causa; sicut & traductio carnis est sufficiens causa, materialiter tamen humanæ naturæ.

Ad quartum dicendum, quod ei quod est per originem contractum, non debetur poena, & increpatio, si referatur ad personam, quia sic non habet rationem voluntarii; sed si referatur ad naturam, sic habet rationem voluntarii, ut dictum est (in corp. art.) & hoc modo debetur ei increpatio, & poena.

Ad quintum dicendum, quod defectus per originem contractus habet quidem rationem existentis ab alio, si referatur ad personam, non autem si referatur ad naturam: sic enim est quasi a principio intrinseco.

Ad sextum dicendum, quod caro nostra in sui natura bona est, sed secundum quod est privata originali iustitia propter peccatum primi parentis, sic causat originale peccatum.

Ad septimum dicendum, quod, sicut dictum est (in corp. art.) peccatum originale per se loquendo est peccatum nature: non personæ, nisi ratione naturæ infectæ. Actus autem generationis proprie deservit naturæ, quia ordinatur ad conservationem speciei; sed carnem iam esse animæ unitam pertinet ad constitutionem personæ: & ideo caro magis causat originale peccatum prout consideratur in via generationis quam prout est iam unita.

Ad octavum dicendum, quod in illis qui nascuntur ex fornicatione, est quidem origo dupliciter vitiosa, vitio scilicet naturæ,

N

quod

quod traducitur ex Adam, & vitio per-
næ, idest patris generantis, ex quo vitio
nulla infectio in prole reliquitur. Quilibet
enim generans traducit peccatum originale,
inquantum generat ex Adam, non inquantum
generat ex Petro, vel Martino; idest,
per id quod habet ab Adam, non per id
quod est proprium sibi.

Ad nonum dicendum, quod corruptio quæ
est de caroe, est quidam actus naturalis, sed
intentione, & virtute moralis. Ex peccato
enim primi parentis destituta est caro eius
illa virtute, ut ex ea possit decidi semen,
per quod originalis iustitia in alios propa-
getur: & sic in semine defectus huius vir-
tutis est defectus moralis corruptionis, &
quedam intentio eius; sicut dicimus inten-
tionem colotis esse in aere, & intentionem
animæ esse in semine. Et ex hoc etiam est
ibi virtus ad similem imperfectionem, sicut
est ibi virtus ad productionem humanæ na-
turæ in prole generata.

Ad decimum dicendum, quod nihil pro-
hibet a causa spiritali causari effectum cor-
poralem. Nam & Boetius dicit in Lib. de
Trinit. (ante med.) quod formæ quæ sunt
in materia, venerunt a formis quæ sunt si-
ne materia: & in nobis ipsis a voluntate
mouetur inferior appetitus, ad cuius motum
sequitur transmutatio corporalis.

Ad undecimum dicendum, quod origina-
lis iustitia fuit superaddita primo homini ex
liberalitate divina; sed quod huic animæ
non derat a Deo, non est ex parte eius,
sed ex parte humanæ naturæ, in qua inve-
nitur contrarium prohibens.

Ad duodecimum dicendum, quod in se-
mine est corruptio originalis peccati non ac-
tu, sed virtute, eo modo quo est ibi vir-
tute humana natura: quæ quidem virtus ac-
tiva in semine est in spiritu spumoso, ut
Aristoteles dicit in Lib. de generat. anima-
lium (II. cap. 111.) non autem in mate-
ria quæ amittit unam formam, & recipit
aliam.

Ad decimumtertium dicendum, quod, sic-
ut Dionysius dicit 1v. cap. de divin. Nom.
(a med.) bonum contingit ex tota integra
causa, sed malum provenit etiam ex singu-
laribus defectibus: & ideo defectus qui est
ex parte corporis, sufficit ad integritatem hu-
manæ naturæ tollendam.

Ad decimumquartum dicendum, quod ca-
rentia divinæ visionis dupliciter competit
alicui. Uno modo sic quod non habeat in
se unde possit ad divinam visionem perve-
nire; & sic carentia divinæ visionis compe-

teret ei qui in solis naturalibus esset etiam
absque peccato: sic enim carentia divinæ
visionis non est pœna, sed defectus conse-
quens omnem naturam creatam: quia nulla
creatura ex suis naturalibus potest pervenire
ad visionem divinam. Alio modo potest al-
licui competere carentia divinæ visionis hoc
modo ut habeat in se aliquid ex quo de-
beatur ei quod careat visione divina; & sic
carentia visionis divinæ est pœna & origina-
lis, & actualis peccati.

Ad decimumquintum dicendum, quod du-
plex est causa. Una principalis quæ agit per
propriam formam; & hæc est nobilior quam
effectus inquantum est causa. Alia est cau-
sa instrumentalis, quæ non agit per formam
propriam, sed inquantum est mota ab alio;
& hanc non oportet nobiliorem esse effectui;
sicut serra non est nobilior quam domus.
Hoc autem modo semeo carnale est causa
naturæ humanæ in prole, & etiam culpæ
originalis in anima eius.

Ad decimumsextum dicendum, quod a-
liquo agens est in actu multipliciter. Uno
modo secundum propriam formam, quæ vel
continet formam effectus secundum similitu-
dinem speciei, sicut ignis generat ignem,
vel secundum virtutem tantum, sicut sol
geometat ignem. Alio modo secundum mo-
tum ab alio; & hoc modo instrumentum a-
git ut ens actu: & sic etiam semen est ac-
tu, inquantum in est eo motus, & intentio
animæ generantis, secundum Philosophum in
Lib. de generat. animalium (II. cap. viii.)
& ex hoc habet virtutem causandi a hu-
manam naturam, & originale peccatum.

Ad decimumseptimum dicendum, quod
aliquis vir iustus accedendo ad uxorem me-
retur secundum id quod est proprium sibi;
& sic non transmittit peccatum originale,
sed secundum id quod habet ab Adam, ut
supra dictum est.

Ad decimumoctavum dicendum, quod
Adam, inquantum fuit principium humanæ
naturæ, habuit rationem causæ universalis;
& ita per eius actum corrupta est tota hu-
mana natura, quæ ab eo propagatur.

Ad decimumnonum dicendum, quod pec-
catum primi hominis est quoddammodo pec-
catum commune totius humanæ naturæ, ut
dictum est: & ideo cum aliquis puniatur pro
peccato primi parentis, non puniatur pro pec-
cato alterius, sed pro peccato suo.

ARTICULUS II.

Quid sit peccatum originale.

Secundo queritur, quid sit peccatum originale. Et videtur quod sit concupiscentia. Dicit enim Augustinus in Lib. de baptismo parvulorum (Lib. I. de peccat. mer. cap. ix.) *Adam prae imitationis exemplum, occulta etiam tabe carnalis concupiscentiae suae infectus in se omnes de sua stirpe venturos: unde Apostolus recte ait (Rom. v. 12.) In quo omnes peccaverunt.* Sed peccatum originale est in quo omnes peccaverunt, ut dictum est. Ergo peccatum originale est concupiscentia.

2. Praeterea. Anselmus dicit in Lib. de conceptu virginali (cap. 11.) *Sic factus est ne inordinatam concupiscentiam sentire non deberet.* Sed, sicut in eodem Lib. dicit, *peccatum est non solum cum non habet homo quod debet habere, sed etiam cum habet quod non debet habere.* Ergo concupiscentia contracta, est peccatum originale.

3. Praeterea. Augustinus dicit in Lib. Retractionum (I. cap. xv.) quod concupiscentiae reatus in baptismo solvitur. Sed proprie solvitur in baptismo reatus originalis peccati. Ergo concupiscentia est originale peccatum.

1. Sed contra. Damascenus dicit in Lib. II. (cap. iv. & xxx.) quod peccatum est ex eo quod aliquis avertitur ab eo quod est secundum naturam, in id quod est contra naturam: ex quo habetur quod peccatum est contra naturam. Sed concupiscentia est naturalis: hanc enim natura omnia animalia docuit. Ergo concupiscentia non est peccatum originale.

2. Sed dicendum, quod concupiscentia est naturalis secundum naturam corruptam, non autem secundum naturam institutam. Sed contra. Concupiscentia est proprius actus potentiae concupiscibilis. Sed vis concupiscibilis est naturalis, etiam secundum naturam institutam. Ergo etiam concupiscentia.

3. Praeterea. Nullum peccatum se habet ad bonum, & ad malum. Sed concupiscentia est & boni, puta sapientiae, & mali, puta rapinae. Ergo concupiscentia de se non est peccatum originale.

4. Praeterea. Concupiscentia nominat vel habitum, vel actum. Sed secundum quod nominat actum, est peccatum actuale, non originale; secundum autem quod nominat habitum, non potest esse peccatum origina-

le: quia habitus in aliquo homine acquisitus ex propriis eius actibus malis non est peccatum, alioquin continue peccaret, & continue demeretur; & sic multo minus habitualis concupiscentia causata in hoc homine ex actu primi parentis habet nomen peccati. Nullo ergo modo concupiscentia est originale peccatum.

5. Praeterea. Omnis habitus aut est naturalis, aut acquisitus, aut infusus. Sed peccatum originale non est habitus naturalis: quia secundum Dionysium iv. cap. de divin. Nomin. (part. 4) nihil quod inest alicui secundum naturam, est ei malum. Similiter etiam nec est habitus acquisitus: quia habitus acquisiti causantur ex actibus, ut patet per Philosophum in II. Ethic. (cap. 1. & 11.) peccatum autem originale non acquiritur ex actibus, sed trahitur per originem. Similiter etiam non est habitus infusus: quia talium habituum solus Deus est causa intus in anima operans: qui tamen non potest esse causa peccati. Nullo ergo modo peccatum originale est habitualis concupiscentia.

6. Praeterea. Secundum communem Theologorum sententiam, in bonis habitus praecedit actum: quia habitus infusus est a Deo, actus autem est a nobis: in malis autem actus praecedit habitum. Si ergo peccatum originale sit habitualis concupiscentia, sequeretur quod mali actus, qui sunt peccata actualia, praecederent peccatum originale; quod est inconveniens.

7. Praeterea. Peccatum originale ponitur esse somes omnis peccati. Sed peccata non solum causantur ex concupiscentia, sed etiam per malitiam, vel ignorantiam, ut in superioribus (quest. praeced. art. 8. & seqq.) habitum est. Ergo peccatum originale non est concupiscentia.

8. Praeterea. Si concupiscentia est originale peccatum, aut hoc habet per sui essentiam; & sic remanente concupiscentia post baptismum, non esset solum peccatum originale, quod est inconveniens: aut dicitur peccatum originale propter aliquod aliud adiunctum; & sic illud aliud magis est peccatum originale. Non ergo peccatum originale est concupiscentia.

9. Praeterea. Accidens causatur ex principiis subiecti. Sed peccati originalis subiectum est anima; concupiscentiae autem causa non est anima, sed caro. Ergo concupiscentia non est originale peccatum.

10. Praeterea. Concupiscentia maxime videtur esse originale peccatum, secundum quod importat necessitatem concupiscendi.

Sed hæc necessitas dupliciter intelligi potest. Uno modo ut sit necessitas consentiendi motibus concupiscentiæ: quæ quidem necessitas non potest dici peccatum originale, quia non manet post baptismum; originale autem manet actus, & transit reatu. Alia autem est necessitas sentiendi concupiscentiæ motus; sed nec hæc potest esse originale peccatum. Aut enim esset originale peccatum propter seipsam, aut propter aliud. Si propter seipsam, cum talis necessitas maneat post baptismum, sequeretur quod peccatum originale maneret post baptismum; si autem propter aliud, scilicet propter carentiam originalis iustitiæ, nec hoc videtur esse possibile: quia necessitas sentiendi huiusmodi motus se habet ad peccatum originale, sicut sentire in actu se habet ad peccatum actuale. Sentire autem in actu motus concupiscentiæ, non est peccatum actuale propter hoc quod adiungitur ei carentia gratiæ, alioquin in istis qui sunt sine gratia, quilibet motus concupiscentiæ esset peccatum: quod patet esse falsum; cum quandoque per rationem naturalem concupiscentiæ moribus resistant. Neque ergo necessitas sentiendi huiusmodi motus est peccatum originale propter carentiam originalis iustitiæ adiunctam; & sic nullo modo concupiscentia est originale peccatum.

11. Præterea. Si concupiscentia est originale peccatum, aut hoc esset essentialiter, aut causaliter. Sed non essentialiter: quia concupiscentia est causa originalis peccati secundum Augustinum (Lib. I. de nuptiis & concup. cap. xxiii. & xxiv.) causa autem est extra essentialiam rei. Similiter autem neque causaliter: quia causa præcedit effectum; concupiscentia autem non præcedit carentiam originalis iustitiæ, in qua maxime consistit ratio originalis peccati; sed magis ex ea sequitur. Nullo ergo modo concupiscentia est originale peccatum.

12. Præterea. Sicut in statu naturæ corruptæ, concupiscentia repugnat rationi, ita & irascibilis. Ergo non magis debet dici concupiscentia originale peccatum quam ira.

1. Item offendeatur quod peccatum originale sit ignorantia. Dicit enim Anselmus in Lib. de prædestinatione (de concordia prædestinationis, & gratiæ in cap. quod incipit, *Respondeo nunc*, parum ante med.) quod humanæ naturæ imputatur ad peccatum originale impotentia iustitiæ habendi, & eam intelligendi. Sed impotentia intelligendi pertinet ad ignorantiam. Ergo peccatum originale est ignorantia.

2. Præterea. In eodem Lib. dicitur, quod minoratio pulchritudinis humanæ naturæ imputatur ad peccatum. Sed maxima pulchritudo humanæ naturæ consistit in splendore scientiæ. Ergo videtur quod peccatum originale quod imputatur humanæ naturæ, sit minoratio scientiæ, scilicet ignorantia.

3. Præterea. Hugo de sancto Visiore dicit, quod vitium quod nascendo contraximus, est per ignorantiam in mente, & per concupiscentiam in carne. Sed huiusmodi vitium est peccatum originale. Ergo peccatum originale non magis est concupiscentia quam ignorantia.

1. Sed contra. Ignorantia est aliud a concupiscentia, nec est in eodem subiecto. Sed idem non est in diversis generibus, nec in diversis subiectis. Ergo originale peccatum cum sit concupiscentia, non potest esse ignorantia.

2. Præterea. Sicut intellectus defectum patitur propter originale peccatum, ite & inferiores vires, ut generativa, & etiam ipsum corpus. Si ergo ignorantia, quæ est defectus intellectus, ponatur esse peccatum originale, pari ratione & omnes defectus inferiorum virium, & etiam ipsius corporis; quod videtur inconveniens.

1. Item. Offendeatur quod peccatum originale est carentia originalis iustitiæ. Anselmus enim sic argumentatur in Lib. de conceptu virginali: Omne peccatum est iniustitia, & per consequens excludit aliquam iustitiam. Sed peccatum originale non excludit aliam iustitiam quam originalem. Ergo originale peccatum est carentia originalis iustitiæ.

1. Sed contra. Culpa dicitur per privationem gratiæ gratum facientis. Sed originalis iniustitia non includit gratiam gratum facientem: quia in originali iniustitia primus homo conditus fuit, non autem in gratia gratum faciente, ut videtur per Magistrum in II. Sententiarum (dist. xxiv.) Ergo carentia originalis iustitiæ non constituit rationem peccati.

2. Præterea. Originalis iniustitia non restituitur per baptismum: quia adhuc vires inferiores rationi resistent. Si ergo peccatum originale esset carentia originalis iustitiæ, sequeretur quod peccatum originale non solveretur per baptismum; quod est hæreticum.

3. Præterea. Subiectum debet poni in definitione accidentis. Sed cum dicitur quod peccatum originale est carentia originalis iustitiæ, non fit ibi mentio de subiecto. Ergo assignatio est insufficiens.

4. Præterea. Sicut originalis iniustitia tollitur

litur per peccatum originale, ita gratia tollitur per peccatum actuale. Sed carentia gratiae non est ipsum peccatum actuale, sed effectus eius. Ergo neque carentia originalis iustitiae est ipsum peccatum originale.

1. Item. Offendebatur quod peccatum originale sit poena, & culpa: quia super illud Psalmum lxxxv. *Benedixisti Domine terram tuam*, dicit Glossa, quod id quod contrahimus ab Adam, est poena, & culpa. Hoc autem est peccatum originale. Ergo peccatum originale est poena, & culpa.

2. Præterea. Ambrosius dicit, quod vitium, sive poena naturam corrumpit; culpa Deum offendet. Sed originale peccatum facit utrumque. Ergo est & culpa, & poena.

1. Sed contra. Hugo de sancto Victore dicit (Lib. I. de sacram. part. vii. cap. xx. & seq.) quod peccatum originale est *mortalis infirmitas, quam consequitur concupiscendi necessitas*. Sed infirmitas nominat poenam. Ergo peccatum originale est poena tantum.

2. Præterea. Anselmus (Lib. de peccato originali cap. xxviii.) loquens de peccato originali, comparat ipsum servituti quam patiuntur aliqui pro peccato patris, qui peccavit crimine iſtae maleſtatis. Sed talis servitus est poena tantum. Ergo peccatum originale est poena tantum.

3. Præterea. Augustinus dicit in XV. de Civit. Dei (Lib. XIV. cap. xix.) quod peccatum originale est languor naturæ. Sed languor nominat poenam. Ergo peccatum originale est tantum poena.

Respondendo dicendum, quod veritas huius questionis accipi potest ex his quæ supra dicta sunt. Dicitur enim supra (art. præced.) quod peccatum originale est huius personæ, vel illius, prout consideratur ut pars quædam multitudinis ab Adam derivatæ, ac si esset quoddam membrum unius hominis. Dicitur est etiam, quod unius hominis peccantis est unum peccatum, secundum quod ad totum refertur, & ad primum peccandi principium; licet executio peccati fiat per diversa membra. Sic ergo peccatum originale in isto homine, vel in illo nihil est aliud quam id quod ad ipsum pervenit per originem ex peccato primi parentis. Sicut peccatum in manu, aut in oculo nihil aliud est quam id quod pervenit ad manum, vel ad oculum ex motione primi principii peccantis, quod est voluntas; licet ex una parte fiat motio per naturalem originem, ex alia vero parte per imperium voluntatis. Id vero quod pervenit ad manum de peccato unius hominis singularis, est qui-

dam effectus & impressio motus primi inordinati, qui erat in voluntate: unde oportet quod eius similitudinem gerat. Motus autem voluntatis inordinatus, est conversio ad bonum aliquod temporale absque ordine convenienti ad debitum finem. Quæ quidem inordinatio est aversio ab incommutabili bono; & hoc est quasi formale, illud autem quasi materiale: nam formalis ratio moralis actus accipitur per comparisonem ad finem. Unde & id quod ad manum pertinet de peccato unius hominis, nihil aliud est quam applicatio eius ad aliquem effectum sine aliquo ordine iustitiæ. Iam vero si motus voluntatis pervenit ad aliquod quod non est susceptivum peccati, puta ad lanceam, vel gladium, non dicimus ibi esse peccatum, nisi virtualiter, & per modum effectus, in quantum scilicet lancea, vel gladius movetur per actum peccati, & percipit peccati effectum, non quod ipsa lancea, vel gladius peccet, quia non sunt aliquid hominis peccantis, sicut manus, vel oculus. Sic ergo in peccato primi parentis fuit aliquid formale, scilicet aversio ab incommutabili bono, & aliquid materiale, scilicet conversio ad bonum commutabile. Ex hoc autem quod aversus fuit ab incommutabili bono, donum originalis iustitiæ amisit; ex hoc vero quod conversus est inordinate ad commutabile bonum, inferiores vires quæ erigi debebant ad rationem, depreſſæ sunt ad inferiora. Sic ergo & in his quæ ex eius stirpe oriuntur, & superior pars animæ caret debito ordine ad Deum, qui erat per originalem iustitiam, & inferiores vires non subduntur rationi, sed ad inferiora convertuntur secundum proprium impetum, & ipsum etiam corpus in corruptionem tendit secundum inclinationem contrariorum, ex quibus componitur; sed superior pars animæ, & etiam quædam inferiorum virium, quæ sunt sub voluntate, & ei natæ sunt obedire, recipiunt huiusmodi sequelam primi peccati secundum rationem culpæ: sunt enim culpæ susceptivæ huiusmodi partes. Sed inferiores vires, quæ non subduntur voluntati, scilicet potentie animæ vegetabilis, & etiam ipsum corpus, suscipiunt huiusmodi sequelam secundum rationem poenæ, non secundum rationem culpæ; nisi forte virtualiter, prout scilicet huiusmodi poena peccatum consequens, peccati est productiva, secundum quod vis generativa per decisionem corporalis seminis operatur ad translationem peccati originalis simul cum humana natura. Sed inter superiores vires quæ suscipiunt defectum per origi-

originem traductum, secundum rationem culpæ, una est quæ omnes alias movet, scilicet voluntas; omnes autem alia moventur ab ea ad suos actus. Semper autem quod est ex parte agentis & moventis, est sicut formale; quod autem est ex parte mobilis & patientis, est sicut materiale. Er ideo cum carentia originalis iustitiæ se habeat ex parte voluntatis; ex parte autem inferiorum virium a voluntate motarum sit pronitas ad inordinate appetendum, quæ concupiscentia dici potest; sequitur quod peccatum originale in hoc homine vel in illo nihil est aliud quam concupiscentia cum carentia originalis iustitiæ; ita tamen quod carentia originalis iustitiæ est quasi formale in peccato originali, concupiscentia autem est quasi materiale; sicut & in peccato actuali aversio ab incommutabili bono est quasi formale, conversio autem ad commutabile bonum est quasi materiale; ut sic intelligatur in peccato originali averfa anima, & conversio, sicut in peccato actuali actus, ut ita dicam, aversus, & conversus.

Concedendæ sunt ergo rationes quibus probatur quod originale peccatum sit concupiscentia.

Ad primum vero eorum quæ in contrarium obiciebantur, dicendum, quod aliquid potest esse naturale homini dupliciter. Uno modo inquantum est animal; & sic naturale est ei, quod concupiscibilis feratur in delectabile secundum sensum communiter loquendo. Alio modo inquantum est homo, idest animal rationale; & sic naturale est ei quod concupiscibilis feratur in delectabile sensus secundum ordinem rationis. Concupiscentia ergo, per quam prona est vis concupiscibilis, ut feratur in delectabile sensus præter ordinem rationis, est contra naturam hominis inquantum est homo, & ita pertinet ad peccatum originale.

Ad secundum dicendum, quod sicut vis concupiscibilis naturalis est homini secundum naturam institutam; ita & quod subdatur rationi, est ei naturale, secundum id quod Philosophus dicit in III. de Anima (com. lix.) quod appetitus sensitivus sequitur appetitum rationis, sicut sphaera movetur a sphaera.

Ad tertium dicendum, quod concupiscentia est quidem boni, secundum quod sequitur ordinem rationis; est autem mali, secundum quod est præter ordinem rationis; quia, ut Dionysius dicit in xv. cap. de divinis Nominibus, malum hominis est præter rationem esse; & inde est quod furere præ-

ter rationem est malum in homine, quamvis sit bonum in cane.

Ad quartum dicendum, quod concupiscentia secundum quod pertinet ad originale peccatum, non est concupiscentia actualis, sed habitualis. Sed intelligendum est, quod ex habitu efficiuntur habiles ad aliquid. Duplīter autem aliquid agens potest esse habile ad aliquid agendum. Uno modo ex aliqua forma inclinante ad hoc, sicut corpus grave ex forma sua quam habet a generante, inclinatur deorsum; alio modo ex subtractione eius quod impediēbat; sicut vinum effunditur fractis circulis qui effusionem impediēbant, & equus concitatus precipitanter vadit rupto freno quo retinebatur. Sic ergo concupiscentia habitualis potest dici dupliciter. Uno modo aliqua dispositio, vel habitus inclinans ad concupiscendum; sicut si in aliquo ex frequenti actuali concupiscentia causaretur concupiscentiæ habitus; & sic concupiscentia non dicitur originale peccatum. Alio modo potest intelligi habitualis concupiscentia, ipsa pronitas, velabilitas ad concupiscendum, quæ est ex hoc quod vis concupiscibilis non potest subdatur rationi, subdito freno originalis iustitiæ; & hoc modo peccatum originale materialiter loquendo est habitualis concupiscentia. Nec tamen sequitur, si habitualis concupiscentia positive accepta non habet rationem peccati actualis secundum quod causatur ex actibus personæ, quod propter hoc habitualis concupiscentia per remotionem accepta non habeat rationem originalis peccati secundum quod ex actu primi parentis causatur: quia peccatum originale non eadem ratione dicitur peccatum quia & actuale: quia actuale peccatum in actu voluntario alicuius personæ consistit; & ideo quod ad talem actum non pertinet, non habet rationem actualis peccati; sed peccatum originale est personæ secundum naturam, quam ab alio traxit per originem; & ideo omnis defectus in natura prolis inventus derivatus a peccato primi parentis, habet rationem peccati originalis, dummodo sit in subiecto quod sit susceptivum culpæ. Nam, sicut Augustinus dicit in I. Retrahar. (Lib. I. de nuptiis & concup. cap. xxi.) concupiscentia dicitur peccatum, quia est a peccato facta.

Ad quintum dicendum, quod sicut habitus vitiosus, qui est proprius huius personæ, est acquisitus ex actibus huius personæ; ita & habitualis concupiscentia quæ pertinet ad peccatum naturæ, est acquisita ex voluntario.

rio.

vio actu primi parentis: non autem est naturalis proprie loquendo, neque infusa.

Ad sextum dicendum, quod obiectio illa procedit de habitu personali positive dicto: talis autem habitus non est peccatum originale.

Ad septimum dicendum, quod sub peccato originali comprehenditur & malitia, & ignorantia. Sicut enim concupiscentia contracta per originem, nihil est aliud quam defectus inferiorum virtutum a retinaculo iustitiae originalis; ita malitia contracta nihil aliud est quam defectus ipsius voluntatis ab originali iustitia: & inde incurrit omnem proutatem ad mala eligendum. Et sic secundum praemissa malitia se habet in peccato originali ut formale; concupiscentia autem ut materiale. De ignorantia autem postea dicetur.

Ad octavum dicendum, quod aliquid dicitur aliqualiter propter aliud, non solum sicut propter accidens, sed etiam sicut propter formale principium; sicut corpus dicitur vivum propter animam; nec tamen sequitur quod corpus non sit pars rei viventis. Et similiter concupiscentia dicitur originale peccatum propter carentiam originalis iustitiae; quae sicut dictum est, se habet ad ipsam ut formale ad materiale: unde non sequitur quod concupiscentia non sit aliquid originalis peccati.

Ad nonum dicendum, quod accidens naturale causatur ex principiis subiecti; non autem accidens innaturale, cuiusmodi est peccatum originale: & tamen etiam peccatum originale causatur a voluntate primi parentis.

Ad decimum dicendum, quod concupiscentia, secundum quod est aliquid originalis peccati, non nominat necessitatem consentiendi motibus concupiscentiae inordinatis; sed nominat necessitatem sentiendi: quae quidem manet post baptismum; sed non manet cum carentia originalis iustitiae, ex qua est reatus poenae. Et ideo dicitur, quod manet actu, & transit reatu. Nec tamen oportet quod necessitas sentiendi concupiscentiae motus, non habeat rationem originalis peccati, propter hoc quod sentire huiusmodi motus non habet rationem peccati actualis propter carentiam gratiae: quia peccatum actuale in actu consistit, est enim actus inordinatus. Et ideo defectus qui consistit actuale peccatum, est ipsa inordinatio actus, non autem carentia gratiae, quae est defectus in subiecto peccati. Sed peccatum originale est peccatum naturae: & id-

eo inordinatio naturae per subtractionem originalis iustitiae facit rationem originalis peccati.

Ad undecimum dicendum, quod concupiscentia potest dupliciter considerari. Uno modo secundum quod est in alio; & hoc modo concupiscentia quae est in patre, ponitur causa originalis peccati quod est in filio; & non est de essentia eius, sed praecedit ipsum. Alio modo potest considerari secundum quod est in eodem; & sic est causa per modum materiae, quae est de essentia rei, & praecedit quodammodo per modum materiae, sicut & corpus praecedit animam in ordine causae materialis. Dictum est enim supra, quod ex carne, ad quam pertinet concupiscentia, inficitur anima, ad quam pertinet carentia originalis iustitiae.

Ad duodecimum dicendum, quod etiam corruptio irascibilis materialiter se habet in peccato originali, sicut & corruptio concupiscibilis; denominatur tamen magis a concupiscibili propter duo. Primo quidem quia omnes passiones irascibilis ab amore oriuntur, qui est in concupiscibili; & ad gaudium, vel tristitiam terminantur, quae sunt etiam in concupiscibili: unde & communiter tam motus concupiscibilis, quam irascibilis, concupiscentia dici potest. Secundo quia peccatum originale traducitur per actum generationis, in qua maxime est delectatio, circa quam apparet inordinatio concupiscibilis: unde concupiscibilis dicitur non solum corrupta, sed etiam infecta, in quantum per huiusmodi actum traducitur originale peccatum.

Ad illud autem quod quaerebatur de ignorantia, dicendum est, quod inter alias vires etiam intellectus a voluntate movetur; & sic defectus intellectus etiam continetur materialiter sub peccato originali. Qui quidem defectus est carentia illius scientiae naturalis quam homo in primo statu habuisset. Et per hunc modum ignorantia materialiter continetur sub peccato originali.

Ad primum vero quod in contrarium obicitur, dicendum est, quod cum peccatum originale sit peccatum naturae, sicut natura humana ex multis partibus componitur, ita multa conveniunt ad originale peccatum, scilicet defectus diversarum partium humanae naturae.

Ad secundum dicendum, quod ea quae non sunt nata obedire rationi, non sunt susceptiva culpae: & ideo in eis defectus traductus non habet rationem culpae, sed poenae tantum. Intellectus autem est suscepti-

vus

vus culpæ: potest enim aliquis & mereri, & demereri per actum intellectus, secundum quod est voluntarius: & ideo non est simile.

Ad illud autem quod quærebatur de carentia originalis iustitiæ, dicendum est, quod est sicut formale in originali peccato, ut dictum est.

Ad primum vero quod in contrarium obijcitur, dicendum, quod originalis iustitia includit gratiam gratum facientem: nec credo verum esse, quod homo sit creatus in naturalibus puris. Si tamen non includit gratiam gratum facientem, non tamen propter hoc excludit quin carentia originalis iustitiæ habeat rationem culpæ: quia ex hoc ipso quod aliquis peccat contra dictamen rationis naturalis, incurrit culpam. Rectitudo enim gratiæ non est sine rectitudine naturæ.

Ad secundum dicendum, quod iustitia originalis restituitur in baptismo quantum ad hoc quod superior pars animæ coniungitur Deo, per cuius privationem inerat reatus culpæ, sed non quantum ad hoc quod rationi subiciantur inferiores vires: ex huiusmodi enim defectu est concupiscentia quæ manet post baptismum.

Ad tertium dicendum, quod in desolitione iustitiæ ponitur voluntas. Est enim iustitia rectitudo voluntatis, ut Anselmus dicit (Lib. de concept. virg. cap. 111.) & ideo ex quo iustitia ponitur in definitione originalis peccati, non deest ibi subiectum; sicut si simus ponatur in definitione alicuius, non oportet quod ponatur ibi natus, quod ponitur in definitione simi.

Ad quartum dicendum, quod privatio gratiæ non est in ipso actu, sed in subiecto actus; & ideo non pertinet ad peccatum actuale: sed carentia originalis iustitiæ est in natura; & ideo potest pertinere ad originale peccatum, quod est peccatum naturæ.

Ad id vero quod quærebatur, utrum sit pœna tantum, vel pœna & culpa, dicendum sicut supra dictum est, quod si comparatur ad istum hominem prout est persona quædam, non habito respectu ad naturam, sic est pœna; si autem comparatur ad principium in quo omnes peccaverunt, sic habet rationem culpæ.

Et per hoc patet de facili responsio ad obiectiones.

ARTICULUS III.

Utrum peccatum originale sit sicut in subiecto, in carne, vel in anima.

1. 2. quæst. lxxxiii. art. 1.

Tertio quæritur, in quo sit peccatum originale, sicut in subiecto, utrum scilicet in carne, vel in anima. Et videtur quod in carne, & non in anima. Anima enim est creata a Deo. Sed a Deo non habet immunditiam peccati, nec etiam ex seipsa, quia sic esset actuale peccatum. Ergo nullo modo originale peccatum est in anima.

2. Præterea. In quocumque est peccatum originale, ille peccavit in Adam, secundum illud Apostoli Rom. v. 12. *In quo omnes peccaverunt*. Sed anima huius hominis non peccavit in Adam, quia non erat ibi. Ergo in anima non est peccatum originale.

3. Præterea. Augustinus dicit in Libro contra quinque hæreses (cap. v.) quod radii solis sparguntur per sæces, nec inquinantur. Sed anima est quædam lux spiritalis, & sic est virtuosior quam lux corporalis. Ergo anima non inquinatur per immunditias carnis.

4. Præterea. Pœna respondet culpæ. Sed pœna peccati originalis est mors, quæ non est solus animæ, sed coniuncti. Ergo peccatum originale non est in anima, sed in coniuncto.

5. Præterea. Verius est aliquid in causa quam in effectu. Si ergo causa infectionis animæ est ex carne, videtur quod originale peccatum magis sit in carne quam in anima.

Sed contra est quod Ambrosius dicit (Lib. de Noe & arca cap. xxi. a medio) quod idem est susceptivum virtutis, & vitii. Sed caro non est susceptiva virtutis. Ergo nec vitii.

Respondeo dicendum, quod ad huius quæstionis intelligentiam duas distinctiones considerare oportet. Primo quidem quod aliquid dupliciter dicitur esse in aliquo: uno modo sicut in proprio subiecto alio modo sicut in causa. Proprium autem subiectum alicuius accidentis coæquatur ipsi accidenti: puta, si volumus considerare proprium subiectum felicitatis, & virtutis, cum felicitas, & virtus sint propria hominis, proprium subiectum utriusque erit id quod est proprium hominis, scilicet pars animæ rationalis, ut Philosophus probat in 1. Ethic. (cap. vii.) Causa autem est duplex, scilicet instrumen-

talis,

talis, & principalis. In principali quidem causa est aliquod secundum similitudinem formae, vel eiusdem speciei, si sit causa univoca; puta, cum homo generat hominem, vel ignis ignem: vel secundum aliquam excellentiorem formam, si sit agens non univocum; sicut sol generat hominem. In causa autem instrumentali est aliquis effectus secundum virtutem, quam recipit instrumentum a causa principali, inquantum movetur ab ea. Aliter enim est forma domus in lapidibus, & lignis, tamquam in proprio subiecto; & aliter in anima artificis tamquam in causa principali; & aliter in terra. & securi tamquam in causa instrumentali. Manifestum est autem quod esse susceptivum peccati est proprium hominis. Unde oportet quod proprium subiectum peccati cuiuscumque sit id quod est proprium hominis, scilicet anima rationalis, secundum quam homo est homo: & sic peccatum originale est in anima rationali sicut in proprio subiecto. Semen autem carnale sicut est instrumentalit causa translationis humanæ naturæ in prolem, ita est instrumentalit causa translationis peccati originalis: & ita peccatum originale est in carne, id est in carnali semine, virtute, sicut in causa instrumentali. Secundo considerandum est, quod duplex est ordo, scilicet naturæ, & temporis. Ordine quidem naturæ perfectum est prius imperfecto, & actus potentia; ordine vero generationis, & temporis, e converso imperfectum est prius perfecto, & potentia actu. Sic ergo in ordine naturæ per prius est peccatum originale in anima, in qua est sicut in proprio subiecto, quam in carne, in qua est sicut in causa instrumentali; sed in carne est per prius ordine generationis, & temporis.

Ad primum ergo dicendum, quod anima rationalis non habet immunditiam peccati originalis; nec est a se, nec a Deo, sed ex unione ad carnem: sic enim fit pars humanæ naturæ derivatæ ab Adam.

Ad secundum dicendum, quod cum peccatum originale sit peccatum naturæ, non pertinet ad animam, nisi inquantum est pars humanæ naturæ: humana autem natura fuit originaliter in Adam secundum aliquam partem sui, scilicet secundum carnem, & secundum dispositionem ad animam: & secundum hoc dicitur homo in Adam peccasse peccato originali.

Ad tertium dicendum, quod Augustinus inducit illud exemplum ad ostendendum, quod verbum Dei non maculatur ex unione seu adiunctione ad carnem. Nam verbum

S. Th. Oper. Tom. XV.

Dei non unitur carni ut forma: & ita se habet sicut lux non immixta corpori, sicut sicut radii non permiscetur specibus. Sed anima unitur corpori ut forma: & ideo comparatur luci incorporatæ, quæ inquiritur ex admixtione; sicut patet de radio transeunte per aerem nubilosum, qui obscuratur.

Ad quantum dicendum, quod mors, inquantum est poena originalis peccati, causatur ex hoc quod anima amisit virtutem quæ posset suum corpus continere immune a corruptione: & sic etiam ista poena principaliter pertinet ad animam.

Ad quintum dicendum, quod nobilior est aliquid in causa principali quam in effectu; non autem in causa instrumentali: sic autem est & humana natura per peccatum originale in carnali semine. Unde sicut humana natura non est verius in semine quam in corpore illa organizato, ita neque peccatum originale est verius in carne quam in anima.

ARTICULUS IV.

Utrum peccatum originale per prius sit in potentia anime quam in essentia.

1. 2. quæst. lxxxiii. art. 2.

Quarto quaeritur, utrum peccatum originale per prius sit in potentia animæ quam in essentia. Et videtur quod sic. Quia secundum Anselmum (Lib. de concept. virginali cap. xxiii. & xxvi. & Lib. de peccato origin. cap. ii. iii. & seq.) ut supra dictum est, peccatum originale est carentia originalis iustitiæ. Sed originalis iustitia est in voluntate, ut ipse dicit. Ergo peccatum originale est per prius in voluntate, quæ est potentia quædam.

2. Præterea. Secundum Augustinum, sicut supra dictum est, peccatum originale est concupiscentia. Sed concupiscentia pertinet ad potentias animæ. Ergo peccatum originale per prius est in potentia.

3. Præterea. Peccatum originale dicitur esse fomes peccati, inquantum inclinat ad actus peccatorum. Sed inclinatio ad actum pertinet ad potentiam. Ergo peccatum originale est in potentia animæ.

4. Præterea. Peccatum originale est inordinatio quædam, opposita ordinationi originalis iustitiæ. Sed inordinatio non potest esse in essentia animæ, in qua non est distinctio, quam præsupponit ordo, & inordinatio.

O
na

natio: potentiz vero animaz distinctz sunt. Ergo peccatum originale per prius non est in essentia animaz, sed in potentiis.

5. Præterea. Peccatum originale huius qui nascitur, derivatur a peccato Adæ, quod per prius corruptit potentias animaz quam essentiam. Sed effectus simulatur causæ. Ergo & peccatum originale per prius inficit potentias animaz quam essentiam.

6. Præterea. Anima secundum suam essentiam est forma corporis, dans ei esse, & vitam. Defectus ergo pertinens ad essentiam animaz est defectus vitæ, qui est mors, vel necessitas moriendi. Sed huius defectus non habet rationem culpæ, sed pœnz. Ergo culpa originalis non est in essentia animaz.

7. Præterea. Anima non est susceptiva peccati, nisi inquantum est rationalis. Sed dicitur rationalis secundum aliquas potentias rationales. Ergo peccatum per prius est in potentiis animaz quam in essentia.

Sed contra. Peccatum originale contrahit anima ex unione ad carnem. Sed anima uniatur carni per suam essentiam, ut forma eius. Ergo peccatum originale est per prius in essentia animaz.

Præterea. Peccatum originale non est per prius peccatum personæ quam naturæ, ut supra (art. 1. & 2.) dictum est. Anima autem per essentiam suam constituit humanam naturam, inquantum est corporis forma; per potentias autem suas est principium actuum, quod ad potentias pertinet: actus enim sunt individuum, secundum Philosophum (1. Metaph. non remote a princ.) Ergo peccatum originale per prius est in essentia animaz quam in potentiis.

Præterea. Peccatum originale in uno homine est unum; potentiz autem sunt multe, quæ tamen uniuntur in una essentia animaz. Sed unum accidens non est in pluribus subiectis, nisi inquantum uniuntur. Ergo peccatum originale per prius est in essentia animaz quam in potentiis.

Præterea. Peccatum originale per originem contrahitur. Sed origo terminatur ad essentiam animaz: quia finis generationis est forma generati. Ergo peccatum originale directe respicit essentiam animaz.

Præterea. Peccatum originale secundum Anselmum (locis in argum. 1. citatis) est carentia originalis iustitiæ. Sed originalis iustitia fuit quoddam donum datum humanæ naturæ, non personæ: alioquin non fuisset traducta in posteros: & sic pertinebat ad essentiam animaz, quæ est natura, & forma corporis. Pari ergo ratione & peccatum ori-

ginale per prius est in essentia animaz quam in potentiis.

Præterea. Omne illud quod per prius est in potentiis animaz quam in essentia, est in anima secundum quod comparatur ad obiectum: quod autem est in anima per comparisonem ad subiectum, per prius est in essentia animaz quam in potentiis. Peccatum autem originale non est in anima per comparisonem ad obiecta, sed per comparisonem ad subiectum, quod est caro, a qua inflectionem trahit. Ergo peccatum originale per prius est in essentia animaz quam in potentiis.

Respondendo dicendum, quod peccatum originale aliquo modo est & in essentia animaz, & in potentiis: quia defectus ex culpa primi parentis ad totam animam pervenit. Sed considerare oportet, utrum per prius sit in essentia animaz quam in potentiis. Et primo quidem aspectu potest alicui videri quod sit per prius in essentia, ea ratione quia peccatum originale est unum, potentiz autem animaz uniuntur in essentia eius tamquam in communi radice. Sed ista ratio non cogit: quia potentiz animaz etiam uniuntur alio modo, scilicet unitate ordinis, & etiam unitate alicuius primæ potentiz movens, & dirigens: sed oportet aliunde huius veritatis inquisitionem accipere. Et quidem cum peccatum originale ex carne derivetur ad animam, nulli dubium esse potest, quin aliquo modo, saltem in via generationis, & temporis, per prius sit peccatum originale in essentia animaz quam in potentiis; cum anima per suam essentiam immediate corpori uniatur ut forma, non autem per suas potentias, ut alibi ostensum est. Sed si quis dicat, quod peccatum originale est per prius in essentia animaz ordine generationis, & temporis, quam in potentiis animaz; sed in potentiis est prius ordine naturæ, sicut prius dictum est de anima, & carne; hoc stare non potest. Non enim eodem modo comparatur essentia animaz ad animam: nam corpus comparatur ad animam ut materia ad formam; materia autem præcedit formam in via generationis, & temporis, sed forma præcedit materiam in via perfectionis, & naturæ. Essentia autem animæ comparatur ad potentias sicut forma substantialis ad proprietates naturales consequentes: substantia autem est prior accidente, tempore, natura, & secundum rationem, ut probatur in VII. Metaph. (com. 1v.) Unde omnibus modis peccatum originale per prius est in essentia animaz quam in

in potentiis, & ab essentia animæ derivatur ad potentias; sicut & naturæ processus est ab essentia animæ ad potentias. Peccatum autem originale respicit naturam, ut dictum est.

Ad primum ergo dicendum, quod iustitia originalis non sic erat in voluntate, quin per prius esset in essentia animæ: erat enim donum collatum naturæ.

Ad secundum dicendum, quod concupiscentia est peccatum originale materialiter, & quasi per derivationem a superiori, ut supra dictum est.

Ad tertium dicendum, quod essentia animæ comparatur ad potentias sicut forma substantialis ad proprietates consequentes, puta forma ignis ad calidum. Calor autem non agit nisi in virtute formæ essentialis ignis: alioquin non ageret ad formam substantialem. Unde forma substantialis est primum principium actionis. Et sic etiam essentia animæ est per prius, principium actionis quam potentia.

Ad quartum dicendum, quod inordinatio potentiarum animæ est ex defectu naturæ, qui primo & principaliter respicit essentiam animæ.

Ad quintum dicendum, quod in Adam persona corrupta naturam; & ideo in eo primo fuit corruptio in potentiis animæ quam in essentia: sed in homine qui nascitur ex Adam, natura corrupta personam; & ideo in isto per prius corruptio pertinet ad essentiam quam ad potentias.

Ad sextum dicendum, quod essentia animæ non solum est forma corporis dans ei vitam, sed etiam est principium potentiarum; & sic per prius est peccatum originale in essentia animæ.

Ad septimum dicendum, quod ipsæ potentie rationales derivantur ab essentia animæ inquantum est agens naturæ; & ideo esse susceptivum peccati derivatur ad potentias ab essentia animæ.

ARTICULUS V.

Utrum peccatum originale per prius sit in voluntate quam in aliis potentiis.

1. 2. quæst. lxxxiv. art. 6.

Quinto queritur, unum peccatum originale prius sit in voluntate quam in aliis potentiis. Et videtur quod non. Peccatum enim originale est infectio quædam. Sed inter potentias animæ, generativa dici-

tur esse magis infecta. Ergo peccatum originale per prius est in generativa potentia, & non in voluntate.

2. Præterea. Carentia originalis iustitiæ, quam Anselmus (loc. cit. in art. præc.) dicit esse originale peccatum, attenditur secundum hoc quod inferiores vires rebellant rationi. Sed huiusmodi rebellio est in inferioribus viribus. Ergo peccatum originale per prius est in inferioribus viribus.

3. Præterea. In peccato actuali aversio ab incommutabili bono sequitur conversionem ad commutabile bonum. Sed in peccato originali concupiscentia se habet sicut conversio in peccato actuali, sicut supra (art. 2.) dictum est. Ergo cum concupiscentia sit in viribus inferioribus, peccatum originale per prius est in viribus inferioribus.

4. Præterea. Peccatum originale, ut dictum est, est carentia originalis iustitiæ. Iustitia autem est virtus moralis: omnes autem virtutes morales sunt in irrationabilibus partibus animæ, ut Commentor dicit in III. Ethic. (cap. x.) Ergo peccatum originale etiam est per prius in irrationabilibus partibus animæ.

5. Præterea. Peccatum originale est quædam perversio regiminis animæ. Sed regimen animæ pertinet ad rationem. Ergo peccatum originale per prius est in ratione quam in voluntate.

6. Præterea. Pœna peccati originalis est carentia visionis divinæ, quæ pertinet ad intellectum. Sed pœna respondet culpæ. Ergo peccatum originale per prius est in intellectu quam in voluntate.

Sed contra est quod Anselmus dicit in Lib. de conceptu virginali (cap. lxx. a med.) quod iustitia est restitutio voluntatis. Sed peccatum originale est privatio originalis iustitiæ. Ergo est prius in voluntate.

Respondeo dicendum, quod subiectum virtutis, aut vitii invenitur esse aliqua pars animæ, secundum quod participat aliquid ab aliqua superiori potentia; sicut irascibilis, & concupiscibilis sunt subiectum aliquarum virtutum, inquantum participant rationem. Unde oportet dicere, quod rationale sit primo & per se subiectum virtutis. Ad hoc ergo quod inveiatur primum subiectum peccati originalis in potentiis animæ, oportet considerare quæ sit illa potentia a qua omnes alie habent quod sint susceptivæ peccati: oportet enim ex necessitate quod ad illam potentiam peccatum originale per prius derivetur ab essentia animæ. Manifestum est autem quod peccatum, secundum quod nunc

de peccato loquimur, est cui debetur poena. Ex hoc autem actibus nostris poenadetur, & increpatio, quia sunt voluntarii. Unde a voluntate derivatur ad alias potentias animae, quod sunt susceptivae peccati. Unde patet quod peccatum originale per prius est in voluntate inter omnes potentias animae.

Ad primum ergo dicendum, quod sicut supra (art. 3.) dictum est, infectio peccati dicitur esse in aliquo vel in actu sicut in proprio subiecto, vel virtute sicut in causa. Causa autem originalis peccati est actus generationis, qui quidem ad virtutem generativam pertinet sicut ad exequentem, & ad concupiscibilem sicut ad appetentem, & imperantem, ad sensum autem tactus sicut ad sentientem delectationem, & nuntiantem. Unde infectio originalis peccati dicitur esse per prius in istis potentis virtute sicut in causa, non autem sicut in proprio subiecto.

Ad secundum dicendum, quod rebellio inferiorum virtutum ad superiores est per subtractionem virtutis, quae inerat viribus superioribus, sicut supra (art. 2.) dictum est: & ideo peccatum originale magis est in superioribus viribus quam in inferioribus.

Ad tertium dicendum, quod aversio sequitur conversionem in via generationis; sed ratio peccati actualis perficitur in aversione; & similiter ratio peccati originalis in iustitia privatione: & ideo per prius est peccatum originale in voluntate.

Ad quartum dicendum, quod dictum Commentatoris non habet veritatem in omnibus virtutibus moralibus, sed solum in his quae sunt circa passiones, quae sunt irrationabilium partium. Iustitia autem non est circa passiones, sed circa operationes, ut dicitur in V. Ethic. (cap. 1.) unde iustitia non est in irascibili, & concupiscibili, sed in voluntate. Et sic quatuor virtutes principales sunt in quatuor potentiis, quae sunt susceptivae virtutis: prudentia quidem in ratione, iustitia in voluntate, temperantia in concupiscibili, fortitudo in irascibili.

Ad quintum dicendum, quod perversum regimen rationis non habet rationem culpae, nisi in quantum est voluntarium; & ita etiam ratio habet a voluntate quod possit esse subiectum peccati.

Ad sextum dicendum, quod carentia visionis divinae est poena in hoc quod repugnat voluntati: hoc enim est de ratione poenae, ut supra (quæst. 1. de malo art. 4. & 5.) dictum est: & sic in quantum est poena, pertinet ad voluntatem.

(a) Alii Ergo generat infectum originali peccato.

ARTICULUS VI.

Utrum peccatum originale ab Adam derivetur in omnes qui seminales ab ipso procedunt.

1. 2. quæst. lxxx. art. 3.

Sexto quaeritur, utrum peccatum originale ab Adam derivetur in omnes qui seminales ab ipso procedunt. Et videtur quod non. Mori enim est poena originalis peccati. Sed quidam in fine mundi, qui reperientur vivi Domino veniente ad iudicium, non moriuntur, ut dicit Hieronymus ad Marcellam. Ergo non nascuntur cum peccato originali.

2. Sed dicendum, quod in hoc opinio Hieronymi non tenebatur ab omnibus; & sic ratio non ex necessitate concludit. Sed contra. Id quod ex necessitate sequitur ex opinabili, non est erroneum, neque contra fidem; sicut ex contingenti, quamvis falso, non sequitur impossibile. Sed homines aliquos ex Adam genitos non mori est opinabile. Ergo & aliquos sine originali nasci, quod ex hoc sequitur, non est erroneum.

3. Præterea. Sicut Augustinus dicit in Enchirid. (cap. cxv.) tribus primis petitionibus orationis dominicæ poscuntur æterna, reliquis quatuor temporalia. Sed inter alia quatuor petitur dimissio peccatorum, vel debitorum, quorum unum est necessitas generandi cum originali peccato. Cum ergo inconveniens sit dicere, quod oratio totius Ecclesiae non exaudiatur, videtur quod aliqui in hac temporali vita generare potuerunt filios sine originali peccato.

4. Præterea. Nullus potest ab aliquo necipere quod non est in eo. Sed in baptizato non est peccatum originale: tollitur enim per baptismum. Ergo nullus a parte baptizato nascens contrahit originale peccatum.

5. Præterea. Apostolus dicit Rom. xi. 16. *Si radix sancta, & vami: & Dominus dicit Matth. vii. 17. quod arbor bona fructus bonus facit.* Si ergo pater est sanctus & bonus, non generat filium peccato originali infectum.

6. Præterea. Sicut oppositum in opposito, & propositum in proposito. Sed peccator generat peccatorem. (a) Ergo & iustus generat iustum.

7. Præterea. Apostolus dicit ad Rom. v. 15. *Non sicut delictum Adæ, ita & donum Christi.*

Christi; sed donum Christi est multo potentius. Sed peccatum transfusum ab Adam in aliquem, ab eo propagatur in filium. Ergo & donum Christi per baptismum ab aliquo derivatum, ab eo transfertur in filium; & sic filii baptizatorum sine peccato originali nascuntur.

8. Præterea. Augustinus dicit in Lib. de baptismo parvulorum: *Non plus nocuit transgressio primi prævaricatoris quam voluit incarnatio, seu redemptio Salvatoris*. Sed redemptio Salvatoris non valet omnibus hominibus. Ergo nec transgressio Adæ nocet omnibus hominibus; & sic non omnes qui ex Adam feminaliter generantur, contrahunt ab eo originale peccatum.

9. Præterea. Corruptio inferiori non corrumpitur superius; non enim sequitur, si non sit homo, quod non sit animal, sed e converso. Sed natura humana est superius ad quamcumque personam humanæ naturæ. Non ergo personalis infectio ipsius Adæ potuit corrumpere totam naturam humanam originali peccato.

10. Præterea. Per baptismum aut tollitur corruptio naturæ, aut non. Si tollitur, non ergo per actum naturæ transfunditur peccatum originale in prolem; si autem non tollitur, æqualiter se habet illa corruptio ad animam generantis, & ad animam prolis genitæ. Si ergo animam generantis non inficit culpa originali, neque anima prolis genitæ culpa inficitur originali.

11. Præterea. Anselmus, dicit in Lib. de conceptu virginali (cap. vii. a med.) quod peccatum non est magis in semine quam in spūto. Sed nihil potest conferre alteri quod non habet. Ergo generatio quæ fit ex semine Adæ, non causat peccatum originale in prole.

12. Præterea. Augustinus dicit in Lib. de perfectione iustitie (ratiocinat. ix.) *Quod ex necessitate naturæ fit, culpa caret*. Sed quicquid causatur ex semine in prole, causatur ex necessitate naturæ. Ergo culpa caret. Non ergo qui ex Adam feminaliter generantur, peccatum originale contrahunt.

13. Præterea. Semen est quoddam corpus. Sed actio corporis non est in momento, sed in tempore; anima autem per culpam inficitur in momento. Non ergo talis infectio causatur ex semine.

14. Præterea. Philosophus dicit in XV. de animalibus (l. de gener. anim. cap. xix.) quod semen est superfluum alimenti; & sic semen ex quo iste homo generatur, non fuit in Adam. Sed peccatum originale contra-

hitur ab aliquibus secundum quod in Adam peccaverunt, ut Apostolus dicit Rom. v. Non ergo per feminalem generationem peccatum originale derivatur ab Adam in omnes homines.

15. Præterea. Agens proximum plus imprimat quam remotum: cuius signum est quod agens proximum generat sibi simile in specie, non autem agens remotum; sicut homo generatus est similis in specie homini generanti, non autem soli. Sed infectio naturæ sicut fuit in Adam, ita etiam est in proximo parente. Ergo non debet dici, quod illi qui nunc generantur, contrahunt peccatum originale ab Adam, sed a proximis parentibus.

16. Præterea. Augustinus dicit in Lib. de nupt. & concupisc. (l. cap. xxi. & xxiv.) quod peccatum transmittit in prolem non propago, sed libido: & sic videtur quod si generatio esset sine libidine, peccatum non traderetur in prolem. Sed generatio sine libidine, & cum libidine non facit diversam dispositionem in semine, nisi secundum maiorem & minorem intensiorem caloris. Cum enim semen fit quoddam corpus elementatum, diversa dispositio eius in agendo reducitur ad qualitates activas elementorum. Sed a causa differenti solum secundum intensiorem, & remissionem non producit effectus diversus secundum speciem. Sicut ergo propagatio sine libidine non traderet peccatum originale, ita nec propagatio cum libidine.

17. Præterea. Caritas libidinem diminuit. Caritas autem potest augeri in infinitum. Cum ergo libido non sit infinita, videtur quod libido possit totaliter tolli per caritatem: & sic non est necessarium quod omnes cum originali peccato nascantur.

18. Præterea. Libido vel pertinet ad inordinationem sensualitatis, vel ad improbam voluntatem. Sed neutrum horum invenitur in iustis generantibus. Ergo illi qui ex eis generantur, non contrahunt originale peccatum.

19. Præterea. Sicut bonum est diffusivum, ut dicit Dionysius (cap. xv. de div. Nom. in princ.) ita malum est restrictivum. Sed bonum Adæ, puta penitentia eius, non diffunditur in omnes. Ergo multo minus malum ipsius.

20. Præterea. Peccatum ex Adam traducitur in alios, inquantum in Adam peccaverunt. Sed Adam peccavit comedendo vetitum pomum: non autem potest dici quod omnes comederint vetitum pomum, Adam comedente. Ergo neque quod peccaverunt

eo peccante ; & sic peccatum originale non transit ab Adam in omnes homines.

Sed contra est quod Apostolus dicit Rom. v. 12. *Per unum hominem peccatum in hunc mundum intravit, & per peccatum mors ; & ita mors in omnes transiit, in quo omnes peccaverunt.*

Præterea. Augustinus (Fulgentius) dicit in Libro de fide ad Petrum (cap. 11.) quod sicut non potest esse in hominibus sine libidine concubitus, ita non potest esse sine peccato conceptus.

Respondeo dicendum, quod erroneum est dicere, quod aliqui seminaliter ab Adam deriventur absque originali peccato : sicut enim aliqui homines essent qui non indigerent redemptione facta per Christum. Unde simpliciter concedendum est, quod omnes qui seminaliter ab Adam propagantur, peccatum originale contrahunt mox in ipsa suâ animatione, quod ex his quæ supra (art. 1.) dicta sunt, potest esse manifestum. Dictum enim est supra, quod peccatum originale hoc modo comparatur ad totam humanam naturam ex Adam propagatam, sicut peccatum actuale comparatur ad unam personam hominis singularem ; ac sic omnes homines, in quantum ab Adam derivantur, sint unus homo, cuius diversa membra sunt diversæ personæ. Manifestum est autem quod peccatum actuale primo invenitur in aliquo principio, scilicet in voluntate, quæ primo est susceptiva peccati, ut supra dictum est, & ab ea derivatur in alias potentias animæ, & etiam in membra corporis, secundum quod moventur a voluntate : sic enim actus sunt voluntarii, qui exiuntur ad rationem peccati. Sic ergo & peccatum originale primo considerandum est in Adam, ut in quodam principio, a quo derivatur ad omnes qui ab eo moventur. Sicut autem moventur partes unius hominis per imperium volutatis, ita movetur filius a patre per vim generativam : unde Philosophus dicit in II. Phys. (comment. xxix.) quod pater est causa filii ut movens : & in Libro de generat. animalium (II. cap. xvi.) dicitur, quod in semine est quædam motio ab anima patris, quæ movet materiam ad formam concepti. Sic ergo huiusmodi motio quæ est per originem a primo parente, derivatur in omnes qui seminaliter ab eo procedunt, contra huc ab eo originale peccatum.

Ad primum ergo dicendum, quod Hieronymus non ponit hoc asserendo, sed secundum

opinionem quorundam, ut patet in epistola quam scribit ad Minervium de resurrectione carnis, in qua circa hoc plures opiniones ponit ; inter quas recitat, quosdam fuisse opinatos, quod illi qui in adventu Domini vivi invenientur, numquam moriuntur, propter illud quod Apostolus dicit I. ad Thessal. iv. 16. *ex persona eorum loquens : Nos qui vivimus, simul rapiemur in nubibus obviam Christo in æra :* quod alii exponunt, non quod non moriantur, sed quod parum in morte durabunt, statim resurgentes : & hoc communis tenetur.

Ad secundum dicendum, quod dato quod illi qui vivi reperientur in adventu Domini, numquam moriantur, non sequitur ex necessitate quod peccatum originale non contraxerint. Pœna enim propria originalis peccati est necessitas moriendi, secundum illud Apostoli Rom. vii. 10. *Corpus quidem mortuum est propter peccatum*, id est necessitati mortis addictum, ut Augustinus exponit (Lib. I. de peccatorum meritis cap. v. & vii.) Potest autem contingere quod aliqui necessitatem moriendi habeant, qui tamen numquam moriuntur, divioa virtute mortem prohibente ; sicut potest contingere quod grave generatum, deorsum non feratur propter aliquod impediens.

Ad tertium dicendum, quod hoc debitum generandi cum originali peccato in hac vita dimittitur, non quantum ad hoc quod aliquis generet sine peccato, sed quantum ad hoc quod aliqui cum peccato nati a peccato mundantur virtute Christi. Nam per debita intelliguntur peccata, ut dicit Augustinus in Lib. de sermone Dom. in monte. (II. cap. xiii. & xviii.)

Ad quartum dicendum, quod peccatum originale opponitur iustitiæ originali, per quam superior pars animæ & Deo coniungebatur, & inferioribus viribus imperabatur, & etiam corpus absque corruptione poterat conservare. Per baptismum ergo tollitur peccatum originale quantum ad hoc quod datur gratia, per quam superior pars animæ Deo coniungitur ; non autem datur animæ virtus per quam possit conservare corpus absque corruptione, aut per quam possit superior pars conservare inferiores abque omni rebellionem : unde manet post baptismum & necessitas moriendi, & concupiscentia, quæ est materiale in originali peccato. Et sic quantum ad superiorem partem animæ participat novitatem Christi ; sed quantum ad inferiores animæ vires, & etiam ipsum corpus, remanet adhuc vetustas quæ est ex Adam.

Ma-

Manifestum est autem quod homo baptizatus non generat secundum superiorem partem animae, sed secundum inferiores, & secundum corpus : & ideo homo baptizatus non transfundit in prolem novitatem Christi, sed vetustatem Adæ. Et propter hoc licet ipse non habeat peccatum originale, in quantum est culpa, transfundit tamen peccatum originale in prolem.

Et per hoc patet solutio ad quintum.

Ad sextum dicendum, quod modus ille arguendi tenet quantum ad id quod convenit opposito, in quantum est oppositum, non autem quantum ad id quod est commune utrique oppositorum. Sequitur eodem, si nigrum congregat visum, quod album disgregat; non autem sequitur quod album sit invisibile, si nigrum est (a) visibile: quia hoc convenit ei secundum colorem, qui est generis utriusque. Vetustas autem Adæ, quantum ad inferiores vires, & ad ipsum corpus, est communis & iusta, & peccatori; & secundum hoc peccator generat peccatorem. Unde non sequitur, quod iustus generet prolem sine peccato.

Ad septimum dicendum, quod donum Christi est potentius quam delictum Adæ, quia restituit homines in altiore statu quam Adam ante peccatum habuit, scilicet statu gloriæ, qui est absque periculo peccandi. Sed hoc oportet quod agatur per conformitatem ad Christum, ut effectus sit similis causæ. Sic enim Christus assumpsit vetustatem peccatoris, ut per mortem nos a morte redimeret, & sic resurgendo vitam repararet; ita quod homines per Christum primo quidem Christo conformantur per gratiam, manente vetustate peccati, ut tandem resurgentes transferantur in gloriam. Et ex hac peccatitate, quæ remanet in baptizatis quantum ad inferiores vires, traducunt originale peccatum. Nec est inconveniens quod poena sit causa culpæ: quia vires inferiores non sunt susceptivæ culpæ, nisi in quantum possunt moveri a superioribus: & ideo remota culpa a superiori parte animæ, non remanet ratio culpæ in inferioribus actu, sed virtute, in quantum sunt generationis humanæ principium.

Ad octavum dicendum, quod sicut peccatum Adæ nocet omnibus qui carnaliter nascuntur ex ipso, ita redemptio Christi valet omnibus qui spiritualiter ex eo nascuntur.

Ad novum dicendum, quod natura abso-

lute accepta in plus est quam persona; sed natura in persona considerata includitur infra fines personæ: & per hunc modum persona potest inficere naturam. Et quia a persona primi parentis personæ omnes quæ ab eo feminaliter propagantur, naturam humanam accipiunt; ideo talis corruptio naturæ derivatur ad omnes; sicut si aqua corrumpatur in fonte, corruptio deveiret ad totum rivum derivatum ex fonte.

Ad decimum dicendum, quod in anima parentis baptizati est aliquid resistens corruptioni originalis peccati, scilicet sacramentum Christi: quod quidem impedimentum non est (b) in anima prolis genitæ. Vel dicendum, quod infectio naturæ non transit ad animam, nisi per actum generationis, quæ est actus naturæ: & ideo non transit in animam generantis, sed in animam generati, qui est terminus generationis.

Ad undecimum dicendum, quod peccatum non est actu in femine, sed virtute, in quantum est principium generationis humanæ, ut supra dictum est.

Ad duodecimum dicendum, quod defectus originalis non habet rationem culpæ ex hoc, quod ex necessitate trahitur per feminealem generationem, sed ex hoc quod natura est infecta infectione quæ reputatur voluntaria propter sui principium, ut supra dictum est.

Ad decimum tertium dicendum, quod semen hoc modo agit ad infectionem animæ sicut agit ad completionem humanæ naturæ. Sicut ergo actio seminis est in tempore, sed tamen completio naturæ humanæ est in instanti per adventum ultimæ formæ; ita & infectio peccati originalis in instanti causatur a primo parente, quamvis actio seminis non sit in instanti.

Ad decimum quartum dicendum, quod aliqui crediderunt, quod peccatum originale a primo parente non posset traduci in posterum, nisi omnes homines materialiter fuissent in Adam: & ideo ponunt, quod semen non est superfluum alimenti, sed traducitur ab ipso Adam. Sed hoc non potest esse: quia sic semen esset aliquid resolutum de substantia generantis. Quod autem resolvitur de substantia alius, (c) recedit a natura ipsius, & est in via corruptionis: unde non potest esse principium generationis in eadem natura. Et ex hoc Philosophus concludit, quod semen non est aliquid resolutum de substantia, sed superfluum alimenti. Per hoc autem non excluditur quia peccatum originale contrahatur

(a) Al. invisibile. (b) Al. desit in. (c) Al. recedit natura.

tur a primo parente. Conditiō enim generati magis dependet ab agente, quod disponit materiam, & dat formam, quam a materia, quæ a priori dispositione recedens, & formam priorem amittens, novam dispositionem, & formam recipit ab agente. Unde non refert quantum ad contractionem originalis peccati, undecumque materia humani corporis venerit, sed a quo agente in speciem naturæ humanæ fuerit commutata.

Ad decimum quintum dicendum, quod agens propinquum, & remotum possunt distingui dupliciter: uno modo per se, alio modo per accidens. Per accidens quidem, sicut cum remotio & distantia attenditur tantum secundum locum, vel secundum tempus, vel secundum aliquid huiusmodi accidentale causæ, in quantum est causa: & sic verum est quod agens propinquum magis imprimit in effectum quam agens remotum; sicut ignis propinquus magis calefacit quam ignis remotus, & malum propinquum secundum tempus magis movet animam quam remotum. Per se autem distinguuntur agens propinquum, & remotum, secundum naturalem ordinem causarum in causando: & hoc modo agens remotum plus influit in effectum quam agens propinquum. Dicitur enim in Libro de causis (prop. 1.) quod omnis causa primaria plus est influens super suum causatum quam causa secunda: quia causa secunda non agit nisi ex virtute causæ primæ. Quod autem effectus recipit interdum speciem agentis propinqui, & non agentis remoti, non est propter defectum influentiæ quæ fit ab agente remoto, sed propter defectum materiæ, quæ non potest recipere tam excellentem formam: unde si materia sit susceptiva formæ principalis agentis, recipiet eam magis quam formam agentis propinqui; sicut domus magis recipit formam artis quam formam instrumenti. Quia ergo vetustas originalis peccati invenitur in omnibus secundum quod sunt moti a primo parente, ut supra dictum est: ideo nullus transmittit peccatum originale, nisi prout generat in virtute primi agentis. Et propter hoc magis dicitur contrahi ab Adam quam a proximo parente.

Ad decimum sextum dicendum, quod libido nominat inordinatam concupiscentiam actualem. Dictum est autem supra (in solutione ad 3. arg. artic. 2. in corp.) quod materiale in originali peccato est concupiscentia habitualis, quæ provenit ex hoc quod ratio non habet virtutem totaliter inferiores vires refrenandi. Sic ergo libido actuali quæ est in coitu, est signum concupiscentiæ ha-

bitualis, quæ materialiter se habet in originali peccato. Causa autem quod aliquis transmittat originale peccatum in prolem, est id quod remanet in eo de peccato originali, etiam post baptismum, ut dictum est (in solutione ad 3. & 7. arg.) scilicet concupiscentia, vel fomes. Sic enim patet quod libido actualis non est causa quod transmittatur originale peccatum, sed signum causæ. Unde si miraculose fieret ut actualis libido totaliter removeretur coitu manente, tamen nihilominus proles traheret peccatum originale. Unde Augustinus cum dixit quod libido transmittit peccatum, posuit signum pro signato. Obiectio autem procedebat de hac libidine actuali: ad quam quidem cooperatur calor intensior; non tamen tota causa est ex calore, sed principalior causa est ex virtute talis animæ quæ principaliter operatur in semine, ut dicit Philosophus.

Ad decimum septimum dicendum, quod caritas diminuit actualem libidinem, in quantum concupiscibilis obedit rationi; non autem sic obedit in statu naturæ corruptæ, quin aliquid de motu proprio retineat, etiam præter ordinem rationis; & ideo omnino non tollitur libido, quantumcumque caritas viæ augeatur.

Ad decimum octavum dicendum, quod in actu generationis, etiam in iustis, est actualis libido dum concupiscibilis immoderate in delectabile carnis tendit, & voluntas etiam, & sic contra rationem nihil faciat, aut velit, tamen ordinem rationis actualis non attendit propter vehementiam passionis.

Ad decimum nonum dicendum, quod principium peccati est ex nobis, principium autem boni meritorii est ex Deo: unde in Adam fuit aliquod bonum quod potuit omnibus communicari, scilicet originalis iustitia, quam tamen a Deo habuit; sed malum quod in alios transmittit, habuit ex seipso; ut potius dici possit quod Deus fuisset transfusor boni; homo autem est transfusor mali. Bonum autem penitentia ipsius non est transfusum ad alios, quia eius principium fuit gratia personaliter illi homini data.

Ad vicesimum dicendum, quod comedere significat actum personalem, sed peccare potest pertinere ad personam, & ad naturam: & ideo illi qui recipiunt naturam humanam ab Adam, dicuntur in Adam peccasse, non autem dicuntur in Adam comedisse.

ARTICULUS VII.

Utrum illi qui nascuntur materialiter tantum de Adam, peccatum originale contrahant.

1. 2. quæst. lxxxi. art. 4.

SEPTIMO queritur, utrum illi qui nascuntur materialiter tantum de Adam, peccatum originale contrahant. Et videtur quod sic. Anima enim inficitur peccato originali propter infectionem carnis cui unitur. Sed caro hominis peccatoris est infecta infectione peccati in actu, semen autem in virtute tantum quia cum caret anima rationali, non est susceptivum infectionis peccati. Magis ergo contrahit maculam originalis peccati homo qui miraculose formaretur ex carne alicuius habentis peccatum originale, puta ex ossa, vel pede, vel manu, quam si generetur ex femine.

2. Præterea. Gen. i. r. dicit quædam Glossa, quod in lumbis Adæ tota posteritas fuit corrupta: quia non est separata prius in loco viæ, sed postea in loco exilii. Sed si aliquis homo formaretur de corpore alterius hominis, puta de manu, vel pede, separaretur caro eius in loco supplicii. Ergo contraheret corruptionem originalis peccati.

3. Præterea. Peccatum originale est peccatum totius naturæ hominæ, ut supra (art. 1. & 2. huius quæst. & art. præced. ad argu. 9.) dictum est. Sed ille homo qui formaretur ex carne alterius hominis, pertineret ad humanam naturam. Ergo contraheret peccatum originale.

4. Præterea. In generatione hominis, & cuiuslibet animalis, materia corporis ministratur a femina. Sed anima inficitur per infectionem peccati, ex hoc quod unitur materię corporali. Ergo licet Adam non peccasset, Eva peccante, proles ex utroque nata peccatum originale contraheret, non propter infectionem virilis seminis, sed propter materiam tantum.

5. Præterea. Mors, & corruptio quælibet provenit ex necessitate materię. Sed materia ministratur a matre. Ergo si Eva fuisset facta mortalis, & passibilis peccando, Adam non peccante, filii qui nascerentur, passibiles, & mortales fuissent. Sed pœna non est sine culpa. Ergo peccatum originale contraxissent.

6. Præterea. Damascenus dicit in III. Libro (orthod. Fidei cap. 11. & xli.) quod Spi-

S. Th. Oper. Tom. XV.

ritus sanctus supervenit virginĩ purgans ipsam. Non autem potest dici, quod illa purgatio fuerit superflua: quia cum natura creata nihil superfluum operetur, multo minus Spiritus sanctus. Si ergo purgatione non præcedente corpus Christi assumptum fuisset de virgine, contraxisset nihilominus originale peccatum. Et sic videtur quod hoc ipsum sufficiat ad contrahendum originale peccatum, quod aliquis materialiter ex Adam carnem accipiat.

Sed contra est quod Augustinus dicit X. super Genes. ad litt. (cap. xix. xx. & xxi.) quod Christus non peccavit in Adam, neque decimatus fuit in lumbis Abraham: quia non fuit ibi secundum feminalem rationem, sed solum secundum corruptantam substantiam.

Respondeo dicendum, quod huius quæstionis veritas ex præmissis potest accipi. Dictum est enim supra (art. præced.) quod peccatum originale a primo parente derivatur in posteros, in quantum posteri moventur a primo parente per originem. Manifestum est autem quod materis non est movere, sed moveri: unde qualitercumque aliquis materialiter procedit ex Adam, vel ex his qui ab Adam processerunt, nullo modo contraheret originale peccatum, nisi seminaliter propagaretur ex eo; sicut nec etiam peccatum originale contraheret, si aliquis homo de novo formaretur de terra. Non enim refert quantum ad conditionem hominis, de qua materia formetur, sed a quod agente formetur: quia ab agente recipit formam, & dispositiones, ut dictum est. Materia vero non retinet priorem formam, aut dispositionem, sed novam acquirit per generationem.

Ad primum ergo dicendum, quod si aliquis homo formaretur ex digito, vel carne alterius hominis, hoc non posset esse nisi carne illa corrupta, & recedente a sua dispositione: quia generatio unius est corruptio alterius. Unde infectio quæ præcessit in carne, non remaneret ad inficiendum animam.

Ad secundum dicendum, quod quod Glossa illa non est sic intelligenda, quod locus exilii sit causa contrahendi originale peccatum: quia si homo post peccatum in paradiso terrestri remanisset, transmississet originale peccatum in posteros. Sed causa traditionis originalis peccati est corruptio naturæ humanæ in primo parente; locus autem exilii est concomitans ad corruptionem: unde in Glossa illa locus ponitur quasi concomitans causam, & non quasi causa.

P

Ad

Ad tertium dicendum, quod peccatum originale non pertinet ad naturam humanam absolute; sed secundum quod derivatur ab Adam per viam seminalem, ut dictum est.

Ad quartum dicendum, quod filii quinaferentur ex Adam, ipso non peccante, & Eva peccante, non contraherent (a) originale peccatum: quia originale peccatum contrahitur per virtutem moventem ad naturam humanam, quae est in semine maris secundum Philosophum (I. de gener. animalium cap. xx.) Et ideo quamvis Eva primo peccaverit, significanter tamen Apostolus dicit, quod per unum hominem peccatum in mundum intravit.

Ad quintum dicendum, quod aliquibus visum est quod illi qui nascerentur ex Adam non peccante, & Eva peccante, mortales, & passibiles essent, propter hoc quod ista consequuntur materiam, quam ministrat mater: & tunc mortalitas, & passibilitas non essent defectus poenales, sed naturales. Sed melius dicendum est, quod non essent passibiles, neque mortales: si enim Adam non peccasset, transfudisset iustitiam originalem in posterum, ad quam pertinet quod non solum anima subdatur Deo, sed etiam corpus subdatur animae; per quod excluditur passibilitas, & mortalitas.

Ad sextum dicendum, quod ex hoc quod Christus fuit conceptus ex virgine sine virili semine, habuit quod non contraheret originale peccatum. Praecessit autem purgatio non tamquam ad hoc necessaria ut sine originali peccato conciperetur, sed quia carnem quam Verbum Dei suscepit, omnis puritas decebat.

ARTICULUS VIII.

Utrum peccata proximorum parentum originaliter in posterum transiant.

1. 2. quaest. lxxxv art. 2.

Octavo quaeritur, utrum peccata proximorum parentum originaliter in posterum transiant. Et videtur quod sic. David enim ex legitimo matrimonio natus dicit (Psal. l. 7.) *Ecce enim in iniquitatibus conceptus sum, & in peccatis conceptus mater mea*: ex quo videtur quod multa sunt originalia peccata unius hominis. Sed hoc esse non posset, si peccata proximorum pa-

rentum originaliter non transirent in posterum, sed solum peccatum primi hominis. Ergo peccata proximorum parentum originaliter transiunt in posterum.

2. Præterea. Sicut natura humana fuit in Adam, ita in singulis hominibus. Sed Adam suo peccato actuali corrupti naturam humanam, & corruptam transmisit in posterum: quia qualem habuit, talem communicavit. Ergo & quilibet alius suo peccato actuali corrupti naturam humanam in seipso, & huiusmodi corruptionem transmittit in posterum; & sic peccata actualia proximorum parentum transiunt originaliter in posterum, sicut & peccatum primi parentis.

3. Sed diceretur, quod in Adam fuit humana natura integra; & ideo potuit eam corrumpere suo actuali peccato: in aliis autem hominibus est natura humana iam corrupta; & ideo per eorum actualia peccata corrumpi non potest. Sed contra est quod Apocal. ult. 11. dicitur: *Qui iustus est, iustificetur adhuc; & qui in iudiciis, sordescat adhuc*. Sed esse (b) eam in sordibus peccati est esse corruptam. Ergo natura quae est in aliquo corrupta, potest adhuc ulterius corrumpi.

4. Sed dicendum, quod illa corruptio naturae quae fiebat per peccatum primi parentis, de natura integra fecit corruptam; & ideo potuit causare transfusionem originalis peccati; sed aliae corruptiones naturae quae fiunt per peccata actualia, hoc non faciunt; & ideo non causant transfusionem originalis peccati. Sed contra. Medium comparatum uni extremorum habet rationem alterius; sicut pallidum comparatur ad album, ut nigrum ad album. Sed minus corruptum, medium est inter integrum & magis corruptum. Ergo idem operatur corruptio naturae qua transmutatur de integro in corruptum, & corruptio qua transmutatur de minus corrupto in magis corruptum.

5. Sed dicendum, quod natura humana fuit in primo homine sicut in primo principio; & ideo potuit in eo corrumpi, non autem in aliis. Sed contra. Si primo homine non peccante aliquis posterorum eius peccasset, corrupta fuisset in eo natura humana, & talem transmisisset in posterum; & tamen in eo non fuisset humana natura sicut in primo principio. Non ergo requiritur ad transfusionem originalis peccati quod natura humana corrumpatur per primum naturae principium.

6. Prae-

(a) *Al. desit originale peccatum.* (b) *Forte naturam.*

6. Præterea . Exod. xx. 5. dicitur : *Ego sum Deus solus, visitans iniquitatem patrum in filios in tertiam & quartam generationem* : quod non potest referri nisi ad peccatum actuale proximorum parentum . Ergo peccata actualia proximorum parentum originaliter traducuntur in posterum .

7. Sed diceretur, quod hoc intelligitur de transitu peccatorum quantum ad poenam, non autem quantum ad culpam . Sed contra . Effectus non potest esse sine causa sua . Sed poena est effectus culpæ . Ergo si traducitur poena, necesse est ut tradatur & culpa .

8. Sed diceretur, quod poena quæ supponit culpam, non semper est in eodem, sed quandoque in alio . Sed contra . Poena a Deo est, & iusta est . Iustitia autem est æqualitas quadam . Oportet ergo quod poena inæqualitatem culpæ ad æqualitatem reducat . Sed hoc non posset esse, nisi in eodem fieret æqualitas per poenam in quo præcessit inæqualitas per culpam, ut scilicet patiatur aliquod secundum voluntatem Dei, contra voluntatem suam, qui peccando fecit contra voluntatem Dei, secundum voluntatem suam . Oportet ergo quod ad eundem transeat poena ad quem transit culpa .

9. Præterea . Matth. xxv. 1. Iudæi dixerunt : *Sanguis eius super nos, & super filios nostræ* : quod exponens Augustinus in quodam sermone de passione dicit : „ Ecce quæ bona ad heredes suos quodam sacri legi testimonio transmittunt : macula sanguinis perfundunt, & posterum perimunt . “ Ergo peccatum actuale aliorum hominum quam Adam transit ad posterum etiam quantum ad maculam .

10. Præterea . Adam peccante omnes in eo peccavimus, ut dicit Apostolus ; & hoc ideo quod in eo eramus secundum seminale rationem, ut Augustinus dicit (Lib. X. sup. Genes. cap. xii. xx. xxi.) Sed sicut fuimus in Adam secundum seminale rationem, ita etiam in proximis parentibus . Ergo etiam eis peccantibus nos peccavimus ; & ita originaliter eorum peccata ad nos transeunt .

11. Præterea . Mors, quæ est privatio vitæ, est poena originalis peccati . Sed vita hominis semper magis & magis minoratur : in principio enim mentis diutius homines vivebant quam modo . Ergo cum poena crearetur, videtur quod augeatur a culpa ; & sic per peccata actualia proximorum parentum

aliquid addatur ad originale peccatum quod trahitur ex primo parente .

12. Præterea . Ante institutionem circumcisionis pueri salvabantur in sola fide parentum, ut Gregorius dicit (IV. Moral. cap. 11. circa med.) Ergo & per infidelitatem (a) damnabantur . Sed infidelitas est peccatum actuale . Ergo actuale peccatum proximorum parentum transit ad posterum .

13. Præterea . Efficacius est ad agendum quod inest secundum speciem, & secundum rem, quam quod inest secundum speciem tantum . Sed turpitudine corporalis imaginata, quæ est secundum speciem tantum in generante, transit ad posterum : unde Hieronymus dicit in libro de Hebraicis questionibus, quod quædam mulier peperit puerum nigrum ad aspectum Aethiopis in pariete depicti . Ergo multo magis turpitudine peccati, quæ est in anima patris & secundum rem, & secundum speciem, transit ad posterum .

14. Præterea . Magis aliquis potest communicare alteri quod habet a seipso quam quod habet ab alio . Sed proximi parentes transfundunt in posterum corruptionem peccati originalis, quæ in eos ab Adam derivatur . Ergo multo magis transfundunt corruptionem actualium peccatorum .

15. Præterea . Secundum iura canonica, & civilia filii obligantur pro peccatis parentum : nam filii (b) servorum, quamvis sint ex libera matre geniti, addicuntur servituti ; heredes autem alicuius fustis obligantur pro furto patris secundum iura canonica, etiam si nihil ad eos de furto pervenerit, lite etiam non contestata cum patre ; filii etiam eorum qui peccant crimine læsæ maiestatis, portant parentum ignominiam . Ergo peccata parentum ad filios transeunt .

16. Præterea . Magis conveniunt filii cum proximis parentibus quam cum primo parente, & immediatius se habent ad eos . Si ergo peccatum primi parentis transit in posterum, multo magis peccata proximorum parentum .

17. Præterea . Ea quæ sunt corporis, traducto corpore traducuntur . Sed quædam peccata actualia pertinent ad corpus : dicit enim Apost. I. ad Corinth. vi. 18. *Omne peccatum quodcumque fecerit homo, extra corpus est ; qui autem fornicatur, in corpus suum peccat* . Ergo huiusmodi peccata actualia a proximis parentibus originaliter ad posterum derivantur .

P 2 Sed

(a) scilicet damnabantur . (b) scilicet servorum .

Sed contra. Peccatum opponitur merito. Sed merita parentum non derivantur ad posterum: alioquin non omnes nasceremur filii iustæ. Ergo peccata actualia proximorum parentum non in posterum transeunt.

Præterea. Ezech. xviii. 20. dicitur: *Filius non portabit iniquitatem patris*. Portaret autem, si a patre in ipsum transiret. Ergo peccata proximorum parentum non transeunt in filios.

Respondendo dicendum, quod super hoc Augustinus questionem movet in Enchiridio (cap. xlii. & xliii.) & insolutam dimittit. Sed si diligenter consideretur, impossibile est quod peccata actualia proximorum parentum originaliter in posterum transeant. Ad cuius evidentiam notandum est, quod generans evincendum naturam suam speciei communicat generato, & per consequens omnia accidentia quæ speciem consequuntur: sicut enim homo generat hominem, ita risibilis risibilem. Si autem virtus generantis sit fortis, tradit similitudinem suam genero etiam quantum ad accidentia individualia. Sed hoc verum est de accidentibus quæ aliquid ad corpus pertinent, non autem de accidentibus quæ solum pertinent ad animam, maxime intellectivam, quæ non est virtus in organo corporali: homo enim albus plerumque generat filium album, & magnus magnus; nunquam autem Grammaticus Grammaticum, aut Physicus Physicum. Quia vero per peccatum, gratiæ donum privatur, oportet idem considerare in peccato quod consideratur in dono gratiæ, quod tollitur per peccatum. Fuit autem in principio conditionis humanæ quoddam donum gratuitum primo homini divinitus datum non ratione personæ suæ tantum, sed ratione totius naturæ humanæ ab eo derivandæ, quod donum fuit originalis iustitiæ. Huius etiam doni virtus non solum residebat in superiori parte animæ, quæ est intellectiva; sed diffundeatur ad inferiores animæ partes, quæ continebantur virtute doni prædicti totaliter sub ratione; & ulterius usque ad corpus, in quo nihil poterat accidere, dono prædicto manente, quod contrarietur uniioni ipsius ad animam. Et ideo rationabiliter hoc donum fuisse ad posterum propagatum propter duo: primo quidem quia consequebatur naturam ex Dei mutare, licet non ex ordine naturæ; secundo quia pertinebat usque ad corpus, quod per generationem traducitur. Hoc autem donum sublatum est per primum peccatum primi parentis: unde rationabiliter & pecca-

tum illud propter easdem causas per originem ad posterum derivatur. Sed alia peccata actualia vel ipsius primi parentis, vel etiam aliorum opponuntur dono gratiæ quod divinitus confertur alicui ratione personæ suæ tantum; & iterum residet vis eius in sola anima intellectiva, neque derivatur ad corpus, ut per huiusmodi gratiam tollatur corruptibilitas corporis. Et ideo nec ipsa gratia traducitur, nec etiam peccata actualia quorumcumque parentum, etiam ipsius Adæ, præter primum eius peccatum, traducuntur in posterum per modum originis. Possunt autem peccata actualia proximorum parentum derivari ad filios per imitationem propter convetiam, onem assiduam filiorum cum eis.

Ad primum ergo dicendum, quod peccatum originale in uno homine est unum tantum; sed dicitur pluraliter: *In peccatis concepti n. e. mater mea*: propter quatuor. Primo quidem secundum consuetudinem Scripturæ, in qua ponitur plurale pro singulari, ut patet Matth. 11. 20. *Multis sunt qui querelant animam meam*: quod dicitur pro solo Herode. Secundo quia peccatum originale est quodammodo causa sequentium peccatorum; & ita virtute continet in se multa peccata. Tercio quia in peccato actuali primi parentis, ex quo peccatum originale causatur, fuit multiplex peccati deformitas: fuit enim ibi superbia, inobedientia, gula, & furtum. Quarto quia corruptio originalis peccati ad diversas hominis partes pertinet; sed tamen propter hoc peccatum originale in homine non potest dici plura, nisi secundum quid.

Ad secundum dicendum, quod Adam suum peccatum actuali corruptit naturam humanam subtrahendo donum gratuitum, quod poterat transire in posterum; quod non fit per actualia peccata proximorum parentum, ut ex dictis patet: quamvis addant ad hanc corruptionem per subtrahendum gratiæ, vel aptitudinis ad ipsam gratiam quæ est donum personale.

Et per hoc patet responsio ad tertium, quartum, & quintum.

Ad sextum dicendum, quod hoc dicitur, quia peccatum transit a parentibus in posterum quantum ad poenam. Verumtamen considerandum est, quod duplex est poena. Una spiritualis, quæ pertinet ad animam; & tali poena, filius nunquam punitur pro patre; & hoc ideo quia anima filii non est ex anima patris, sed immediate causatur a Deo. Et hæc ratio assignatur Ezech. xvi. 1. q.

Sic.

Sicut anima patris mea est, ita & anima filii mea est: & vers. 20. Filius non portabit iniquitatem patris. Alia poena est corporalis, vel eorum quae ad corpus pertinent; & quantum ad hanc poenam filii pro parentibus puniuntur, praesertim quando conformantur parentibus in culpa: quantum enim ad corpus, quod a parente traducitur, filius est aliquid proprium.

Ad septimum dicendum, quod poena temporalis, qua filius quandoque punitur, habet pro causa culpam in patre precedentem.

Ad octavum dicendum, quod in quantum filius est aliquid patris, sic in poena filii punitur etiam pater.

Ad nonum dicendum, quod sanguis Christi obligat filios Iudaeorum, in quantum sunt imitatores paternae malitiae ipsam approbando.

Ad decimum dicendum, quod in primo parente, & in proximis parentibus fuimus secundum communicationem naturae, non tamen secundum communicationem in persona: & ideo peccato subtrahente donum naturae participamus, non autem peccato subtrahente donum personae.

Ad undecimum dicendum, quod hoc quod modo minus homines vivunt quam in principio mundi, non est propter aggravationem originalis peccati, neque propter continuum debilitationem naturae, ut quidam dicunt: alioquin per processum temporis semper magis & magis vita hominis breviretur, quod patet esse falsum; cum modo tantum homines vivant, sicut & in tempore David, qui dicebat (Psalm. lxxxix. 10.) *Dies annorum nostrorum in ipsis septuaginta annis. Illa ergo diuturnitas vitae fuit ex virtute divina, ut genus humanum multiplicaretur.*

Ad duodecimum dicendum, quod a principio humani generis remedium contra originale peccatum adhiberi non potuit, nisi per virtutem mediatoris Dei & hominis Iesu Christi. Fides ergo antiquorum cum aliqua protestatione fidei valebat parvulis ad salutem, non prout erat quidam actus meritorius credentium (unde non requirebatur quod esset actus fidei formatæ) sed ex parte rei credite, scilicet ipsius mediatoris. Sic enim & sacramenta, quae postea sunt instituta, valent, in quantum sunt quaedam fidei protestationes: unde non sequitur quod infidelitas parentum filiis noceret, nisi per accidens, sicut removens remedium peccati.

Ad decimumtertium dicendum, quod ima-

ginatio est vis quaedam in organo corporali: unde ad speciem imaginatam mutatur (spiritus corporeus, in quo fundatur vis formativa, quae operatur in femine: & ideo interdum aliqua imitatio fit in prole ex imaginatione parentis in ipso coitu, si fit fortis. Sed infectio peccati maxime actualis totaliter manet in anima, & non pertinet ad corpus. Unde non est simile.

Ad decimumquartum dicendum, quod ratio illa procedit ceteris paribus.

Ad decimumquintum dicendum, quod ratio illa procedit de transitu peccati quantum ad poenam corporalem.

Ad decimumsextum dicendum, quod magis contraheret homo peccatum a proximo parente quam a primo, si per peccatum proximi parentis tolleretur aliquid donum naturae, sicut per peccatum primi parentis est ablatum.

Ad decimumseptimum dicendum, quod ille qui fornicatur, dicitur peccare in corpore suum, non quia macula huius peccati sit in corpore, immo est in anima, sicut & gratia cui opponitur; sed quia completur hoc peccatum in corporis delectatione, & in quadam corporis resolutione, quod in nullo alio peccato contingit. Nam in peccato gulae non fit aliqua resolutio corporalis; in peccatis vero spiritualibus non est delectatio corporalis.

QUAESTIO V.

De poena originalis peccati,

in quinque articulos divisa.

Primo enim quaeritur, utrum poena originalis peccati sit carentia divinae visionis.

Secundo. Utrum peccato originali debeat poena sensibilis.

Tertio. Utrum patientia afflictionem interioris doloris qui decedunt cum solo originali.

Quarto. Utrum mors, & alii defectus huius vitae sint poenae originalis peccati.

Quinto. Utrum mors, & huiusmodi defectus sint homini naturales.

ARTICULUS I.

Utrum poena originalis peccati sit carentia visionis divinæ.

Questio est de poena originalis peccati.

Et primo queritur, utrum sit conveniens poena originalis peccati carentia visionis divinæ. Et videtur quod non. Quia, ut dicitur II. Physic. (com. lxiii.) frustra est quod est ad finem quem non consequitur. Sed homo naturaliter ordinatur ad beatitudinem sicut ad finem ultimum: quæ quidem beatitudo in divina visione consistit. Ergo frustra est homo, si non perveniat ad visionem divinam. Sed Deus propter peccatum originale non destitit causare hominum generationem, ut Damascenus dicit. Cum ergo in operibus Dei nihil sit frustra, videtur quod homo propter peccatum quod ex sua origine contrahit, non incurrat reatum carentiæ visionis divinæ.

2. Præterea. Ezech. xviii. 4. dicitur: *Omnes anime meæ sunt: (a) sicut anima filii mei est, ita & anima patris mei est.* Ex quo potest accipi, quod omnes anime immediate sunt a Deo creatæ, & quod una non traducitur ab alia. Ergo poena quæ tantum pertinet ad animam, non debet aliquis puniri pro peccato originali, quod a primo parente traducitur. Sed carentia divinæ visionis est poena ad solam animam pertinet, sicut & ipsa visio divina solius anime est. Ergo carentia divinæ visionis non est poena debita originali peccato.

3. Præterea. Augustinus dicit in Enchir. (cap. xciii.) quod mitissima est poena eorum qui pro solo peccato originali puniuntur. Sed Chrysostomus dicit super Matth. (homil. xlvii. ad popul. Antioch.) quod carentia divinæ visionis est maxima poena, & intollerabilior quam gehenna. Ergo carentia visionis divinæ non est conveniens poena originalis peccati.

4. Sed diceretur, quod sola carentia visionis divinæ est minor poena quam carentia visionis divinæ cum poena sensus, quæ debetur peccato actuali. Sed contra. Poena, cum sit quoddam malum, in privatione alii cuius boni consistit. Sed proportio privationum ad invicem est sicut proportio eorum quæ privantur: sic enim surditas se habet ad cæcitatem sicut auditus ad visum. Sed per carentiam divinæ visionis privatur homo Deo; per poenam autem sensus privatur quo-

dam bono creato, scilicet sensus deflectione, vel aliquo huiusmodi. Bonum autem creatum additum bono increato, non facit magis beatum: dicit enim Augustinus in Lib. Confess. (V. cap. xv.) ad Deum loquens: *Qui te, & illa movet, scilicet creaturas, non propter illa beator, sed propter te solum beatus.* Ergo qui privatur bono increato solo per carentiam visionis divinæ, non est minus miser quam ille qui cum hoc patitur poena sensus.

5. Sed dicendum, quod licet non sit minus beatus quantum ad primum essentialē, est tamen minus beatus quantum ad primum accidentale. Sed contra. Primum accidentale accidentaliter se habet ad beatitudinem. Sed per intentionem accidentis non intenditur id cuius est accidens: non enim si homo est magis albus, propter hoc fit magis homo. Ergo beatitudo, quæ essentialiter consistit in fruitione summi boni, non intenditur per quodcumque bonum creatum additum.

6. Præterea. Cum bonum increatum in infinitum excedat bonum creatum, comparatur bonum creatum ad bonum increatum sicut punctus ad lineam. Sed linea non efficitur maior per adiectionem puncti. Ergo nec per additionem boni creati fit maior beatitudo, quæ consistit in fruitione boni increati.

7. Sed dicendum, quod quamvis Deus sit bonum infinitum, tamen visio Dei non est bonum infinitum: quia Deus ab intellectu creato finite videtur: & ita qui privatur visione divina, non privatur bono infinito. Sed contra. Cuicumque subtrahitur sua perfectio, privatur sua perfectione. Sed visio est perfectio videntis. Ergo cuicumque subtrahitur visio, privatur ipso viso: & sic cum ipsum visum sit bonum infinitum, qui privatur Dei visione, privatur bono infinito.

8. Præterea. Ipse Deus est hominis merces, qui ad Abraham dixit: (a) *Ego Dominus merces magna nimis:* Gen. xv. 1. Ergo qui privatur ultima mercede, quæ consistit in divina visione, privatur ipso Deo, qui est bonum infinitum.

9. Præterea. Peccato originali debetur minor poena quam peccato veniali: aliquoquin poena peccati originalis non esset mitissima, ut dicit Augustinus. Sed peccato veniali debetur poena sensibilis, non autem carentia visionis divinæ. Cum ergo indubitanter ca-

(a) Vulgata: *ut anima patris, ita & anima filii mei est.* (b) Vulgata: *ego pretior tui sum, & merces tua magna nimis.*

rentia visionis divinæ sine poena sensus sit maior poena quam poena sensus sine carentia visionis divinæ, videtur quod peccato originali non debeat pro poena carentia visionis divinæ.

10. Sed dicendum, quod peccato veniali debetur carentia divinæ visionis ad tempus, sicut & poena sensus. Sed contra. Aeternitas addita plus aggravat poenam carentiæ visionis divinæ quam poena sensibilis temporalis: unde nullus tam (a) male dispositus est qui non vellet potius quamcumque poenam temporalem subire quam perpetua visione divina carere. Si ergo peccatum originale puniatur perpetua carentia visionis divinæ, magis puniatur quam peccatum veniale; & ita non est mitissima eorum poena.

11. Præterea. Secundum leges dicimus: *Dignus est misericordia qui altero vitio laboravit*. Sed ille qui puniatur pro solo peccato originali, laboravit alieno vitio, scilicet primi parentis. Ergo dignus est misericordia. Non ergo ei debetur poena gravissima, quæ est carentia visionis divinæ.

12. Præterea. Augustinus dicit in Lib. de duabus animabus (cap. xi. circa princ.) *Rem tenere quemcumque, quia non fecit quod facere non potuit, summa iniustitia, & infamia est*. Sed nihil tale cadit in Deum. Cum ergo puer qui nascitur, vitare non potuerit originale peccatum, videtur quod ex hoc non incurrit reatum alicuius poenæ.

13. Præterea. Peccatum originale est privatio originalis iustitiæ, ut Augustinus (Anselmus in Lib. de peccato origina.) dicit. Sed habenti originale iustitiam, cum possit non habere gratiam, non debetur visio divina. Ergo nec peccato originali respondet perpetua carentia visionis divinæ.

14. Præterea. Ut legitur Genes. 22. Adam se excusavit dicens: *Mulier quam dedisti mihi, dedit mihi, & comedi*: fuisseque iusticiæ excusatio, & poenam non mereretur, si suggestioni mulieris resistere non potuisset. Sed Deus dedit carnem animæ, cuius inflectioni resistere non potest. Ergo non videtur quod ex hoc obligetur ad aliquam poenam.

15. Præterea. Homini in naturalibus constituto, etiam si nunquam peccasset, deberetur ei carentia visionis divinæ, ad quam pervenire non potuit nisi per gratiam. Sed poena proprie debetur peccato. Ergo carentia visionis divinæ non potest dici poena peccati originalis.

Sed contra est quod Gregorius dicit in IV. Moralium (cap. xxiiii. in novis ex-temp.) *Peregrina mens lucem, ut est, videre non valet: quia hanc ei captivitas sue damnationis abscondit*.

Præterea. Innocentius III. dicit in Decretalibus (Lib. III. tit. xlii. cap. Maiores) quod originali peccato debetur pro poena carentia visionis divinæ.

Respondeo dicendum, quod conveniens poena originalis peccati est carentia visionis divinæ. Ad cuius evidentiam considerandum est, quod cum ad perfectionem alicuius rei duo pertinere videantur: quorum primum est quod sit capax alicuius boni magni, vel actu habeat illud; aliud vero est quod exteriori auxilio non indigeat in nullo, vel in paucis: prima conditio præponderat secundæ: multo enim melius est quod est capax magni boni, quamvis ad illud obtinendum indigeat multis auxiliis quam illud quod non est capax nisi parvi boni; quod tamen absque exteriori auxilio, vel cum paucis auxiliis consequi potest; sicut melius dispositum dicimus esse corpus alicuius hominis, si possit consequi perfectam sanitatem, licet multis auxiliis medicinarum, quam si possit consequi solum sanitarum quandam imperfectam absque auxilio medicinarum. Creatura ergo rationalis in hoc præeminet omni creaturæ, quod capax est summi boni per divinam visionem & fructum; licet ad hoc consequendum naturæ propriæ principia non sufficiant, sed ad hoc indigeat auxilio divinæ gratiæ. Sed circa hoc considerandum est, quod aliquod divinum auxilium necessarium est communiter omni creaturæ rationali, scilicet auxilium gratiæ gratum facientis, quæ quilibet creatura rationalis indiget, ut possit pervenire ad beatitudinem perfectam, secundum illud Apostoli ad Rom. vi. 23. *Gratia Dei, vita eterna*. Sed præter hoc auxilium necessarium fuit homini aliud supernaturale auxilium, ratione sum compositionis. Est enim homo compositus ex anima, & corpore, & ex natura intellectuali, & sensibili; quæ quodammodo si sue naturæ relinquatur, intellectum aggravant, & impediunt, ne libere ad summum fastigium contemplationis pervenire possit. Hoc autem auxilium fuit originalis iustitia, per quam mens hominis si subderetur Deo, ei subderetur totaliter inferiores vires, & ipsum corpus, neque ratio impediretur quominus posset in Deum tendere. Et sicut pos-

pus est propter animam, & sensus propter intellectum; ita hoc auxilium, quo continetur corpus sub anima, & vires sensitivæ sub mente intellectuali, est quasi dispositio quædam ad illud auxilium quo mens humana ordinatur ad videndum Deum, & ad fruendum ipso. Hoc autem auxilium originalis iustitiæ subtrahitur per peccatum originale, ut supra ostensum est. Cum autem aliquis peccando abiciat a se illud per quod disponebatur ad aliquod bonum acquirendum, metetur ut ei subtrahatur illud bonum ad quod obtinendum disponebatur, & ipsa substractio illius boni est conveniens poenæ eius; & ideo conveniens poenæ peccati originalis est substractio gratiæ, & per consequens visionis divinæ, ad quam homo per gratiam ordinatur.

Ad primum ergo dicendum, quod homo frustra & vane factus esset, si beatitudinem consequi non posset, sicut quilibet res quæ non potest consequi ultimum finem. Unde ne homo frustra & vane factus esset, cum peccato originali nascens, a principio humani generis proposuit Deus homini remedium, per quod ab hac vanitate liberaretur, scilicet ipsum mediatorum Deum & hominem Iesum Christum, per cuius fidem impedimentum peccati originalis subtrahi posset. Unde in Psalm. xxxviii. 48. dicitur: *Memorate quæ mea substantia: numquid enim vane constituisti omnes filios hominum?* quod exponens Glossa (Augusti. concione 11. in Psalm. lxxxviii. a med.) dicit, quod David petit incarnationem Filii, qui de sua substantia carnem assumpturus erat, & per ipsum homines erant a vanitate liberandi.

Ad secundum dicendum, quod anima hominis pueri qui sine baptismo decedit, non punitur carentia visionis divinæ propter peccatum Adæ, secundum quod fuit personale peccatum eius; sed punitur pro infectione originalis culpe, quam incurrit ex unione ad corpus, quod a primo parente tradidit secundum seminalem rationem. Iniusum enim esset ut derivaretur reatus poenæ, nisi & derivaretur infectio culpe: unde Apostolus Rom. v. 12. præmittit derivationem culpe derivationi poenæ, dicens: *Per unum hominem peccatum in mundum intravit, & per peccatum mors.*

Ad tertium dicendum, quod gravitas aliquius poenæ potest attendi dupliciter. Uno modo ex parte ipsius boni quod privatur per malum poenæ; & sic carentia visionis divinæ, & fruitionis Dei, est gravissima poen-

rum. Alio modo per comparisonem ad eum qui punitur; & sic tanto est gravior poenæ, quanto id quod subtrahitur, est magis proprium & connaturale ei cui subtrahitur; sicut magis diceretur puniri hominem, si auferretur ei patrimonium suum, quam si impediretur ne perveniret ad regnum quod ei non debetur. Et per hunc modum dicitur esse mitissima omnium poenarum sola carentia visionis divinæ, inquantum visio divinæ essentiae est quoddam bonum omnino supernaturaliale.

Ad quartum dicendum, quod bonum creatum additum bono increato non facit maius bonum, nec magis beatum. Cuius ratio est, quia si duo participantia coniungantur, augeri potest in eis id quod participatur; sed si participans addatur ei quod est per essentiam tale, non facit aliquid maius: sicut duo calida adiuncta ad invicem, possunt fieri magis calidum; sed si esset aliquid quod esset calor per essentiam suam subsistens, ex nullius calidi additione intenderetur. Cum ergo Deus sit ipsa essentia bonitatis, ut Dionysius dicit in Lib. de divin. Nomin. (cap. 1. a med.) omnia autem alia sint bona per participationem, ex nullius boni additione fit Deus magis bonus: quia cuiuslibet creaturæ bonitas continetur in ipso. Undecum beatitudo nihil sit aliud quam adeptio boni perfecti, quodcumque aliud bonum superaddatur divinæ visioni, aut fruitioni, non faciet magis beatum: alioquin Deus esset factus beatorum condendo creaturas. Nec tamen est eadem ratio de beatitudine, & miseria: quia sicut beatitudo consistit in coniunctione ad Deum, ita miseria consistit in recessu a Deo; a cuius quidem similitudine, & participatione recedit quis per cuiuslibet boni privationem: unde quolibet bonum privatum facit magis miserum, licet non quolibet bonum additum faciat magis beatum: quia per bonum additum, homo non magis Deo adhæret quam si ei immediate coniungatur; sed per bonum substractum magis ab eo elongatur.

Ad quintum dicendum, quod additio præmii accidentalitatis non facit magis beatum: quia præmium accidentale attenditur secundum aliquod bonum creatum; vera autem beatitudo hominis attenditur solum secundum bonum increatum. Sed sicut bonum creatum est quædam similitudo, & participatio boni increati; ita adeptio boni creati est quædam similitudinalitas beatitudinis, per quam tamen vera beatitudo non augetur.

Ad

Ad sextum dicendum, quod sicut punctum non auget lineam, ita bonum creatum non auget beatitudinem.

Septimum, & octavum concedimus: qui enim divina visione, & fruitione privatur, ipso Deo privatur.

Ad nonum dicendum, quod peccatum veniale originali comparatum, quodammodo est maius, & quodammodo est minus. Peccatum enim veniale comparatum huic personae vel illi, magis habet de ratione peccati quam peccatum originale: quia peccatum veniale est peccatum voluntarium voluntate huius personae, non autem peccatum originale. Sed originale peccatum comparatum ad naturam est gravius: quia privat naturam maiori bono quam peccatum veniale privet personam, scilicet bono gratiae: & propter hoc debetur ei carentia visionis divinae: quia ad visionem divinam non pervenitur nisi per gratiam, quam veniale peccatum non excludit.

Ad decimum dicendum, quod perpetuitas poenae consequitur perpetuitatem culpae, quae provenit ex carentia gratiae: quia culpa non potest remitti nisi per gratiam. Et quia per peccatum originale excluditur gratia, non autem per peccatum veniale: ideo peccato originali debetur poena perpetua, non autem peccato veniali.

Ad undecimum dicendum, quod iste puer decedens sine baptismo, laboravit quidem vitio alieno quantum ad causam, quia scilicet peccatum ab alio traxit; laboravit tamen vitio proprio, in quantum a primo parente culpam contraxit: & ideo dignus est misericordia diminvente, non tamen totaliter relaxante.

Ad duodecimum dicendum, quod puer iste sine baptismo decedens non habet reatum ex hoc quod non fecit aliquid, hoc enim efficit peccatum omissionis; sed habet reatum ex eo quod infectione culpae originalis contraxit.

Ad decimumtertium dicendum, quod ratio illa procedit secundum opinionem potentium, quod gratia gratum faciens non includatur in ratione originalis iustitiae; quod tamen credo esse falsum: quia cum originalis iustitia primordialiter consistat in subiectione humanae mentis ad Deum, quae firma esse non potest nisi per gratiam, iustitia originalis sine gratia esse non potuit. Et ideo habenti originale iustitiam debebatur visio divina. Sed tamen praedicta opinione supposita, adhuc ratio non concludit: quia licet originali iustitia gratiam non

includeret, tamen erat quaedam dispositio quae praerexigebatur ad gratiam: & ideo quod contrariatur originali iustitiae, contrariatur etiam gratiae; sicut quod contrariatur iustitiae naturali, contrariatur gratiae, ut furtum, homicidium, & alia huiusmodi.

Ad decimumquartum dicendum, quod si vir non potuisset resistere persuasioni mulieris, sufficeret excusatus fuisse a peccato actuali, quod propria voluntate committitur: & sic etiam anima huius pueri excusata est a reatu actualis peccati; non autem a reatu originalis, cuius infectionem contrahit per unionem ad carnem.

Ad decimumquintum dicendum, quod homo in solis naturalibus constitutus careret quidem visione divina, si sic decederet; sed tamen non competere ei debuit non habendi. Aliud est enim non debere habere, quod non habet rationem poenae, sed defectus tantum; & aliud debere non habere, quod habet rationem poenae.

ARTICULUS II.

Utrum peccato originali debeat poena sensus.

Secundo quaeritur, utrum peccato originali debeat poena sensus. Et videtur quod sic. Dicit enim Augustinus in Hippognost. (Lib. de Fide & ope. cap. 111. parum ante med.) quod parvuli decedentes sine baptismo experientur gehennam. Sed gehenna nominat poenam sensus. Ergo peccato originali debetur poena sensus.

2. Praeterea. Augustinus (Fulgentius) dicit in Lib. de Fide ad Petrum (cap. xxvii.) *Firmiter tene, & nullatenus dubites, parvulos qui sine sacramento baptismatis de hoc saeculo transierunt, aeterno supplicio puniendos.* Sed supplicium nominat poenam sensus. Ergo peccato originali debetur poena sensus.

3. Praeterea. Gregorius dicit IX. Moral. (cap. xii. in nov. exemp.) super illud Iob, *Multiplicavit vulnera mea sine causa*, quod „a culpa originali sacramenta non liberant: & licet ex proprio nihil egerint, tamen illuc ad tormenta perveniunt.“ Sed tormentum nominat poenam sensus. Ergo peccato originali debetur poena sensus.

4. Praeterea. Peccatum originale huius pueri videtur esse eiusdem speciei cum peccato actuali primi parentis, cum procedat ab eo sicut effectus a propria causa. Sed

Q pecc-

Peccato actuali primi parentis debetur poena sensus. Ergo & peccato originali huius pueri.

5. Præterea. Agens coniunctum passibili inducit poenam sensus. Sed animæ puerorum sunt passibiles, & etiam corpora post resurrectionem; cum non habeant dotem impassibilitatis. Ergo ad præsentiam ignis poenam sensus patientur.

6. Præterea. Post iudicium poena peccatorum consummabitur. Sed poena puerorum in baptismo decedentium, qui pro solo originali puniuntur, non posset post iudicium consummari, nisi carentia visionis divinæ, quam nunquam (a) non sustinent, aliqua poena sensus adderetur. Ergo peccato originali debetur poena sensus.

7. Præterea. Poena debetur culpæ. Sed causa peccati originalis est caro. Cum ergo carni non debeat aliqua poena, nisi sensus, videtur quod peccato originali debeat maxime poena sensus.

8. Præterea. Si aliquis decedat cum peccato originali, & veniali simul, patietur perpetuo poenam sensus. Sed poena perpetua non debetur peccato veniali. Ergo debetur peccato originali poena sensibilis perpetua.

Sed contra est quod Bernardus dicit (serm. 111. de resurrect. parum ante med.) quod *sola propria voluntas ardet in inferno*. Sed originale peccatum non est peccatum propriæ voluntatis, immo consequitur ex voluntate aliena. Ergo peccato originali non debetur poena sensus.

Præterea. Innocentius III. dicit in Decretali (Lib. III. titulo xlii. qui est de baptismo, & eius effectu cap. *Maiores*) quod poena sensus debetur peccato actuali. Sed originale peccatum non est actuale. Ergo ei poena sensus non debetur.

Respondendo dicendum, quod communiter dicitur: Peccato originali non debetur poena sensus, sed solum poena damni, scilicet carentia visionis divinæ. Et hoc videtur esse rationale propter tria. Primo quidem quia persona quilibet est alicuius naturæ suppositum: & ideo ad ea quæ sunt naturæ, perse & immediate ordinatur; ad ea vero quæ sunt supra naturam, ordinatur mediante natura. Quod ergo detrimentum aliquod patitur aliqua persona in his quæ sunt supra naturam, potest contingere vel ex vicio naturæ, vel ex vicio personæ; quod autem detrimentum patitur in his quæ sunt natu-

re, hoc non videtur posse contingere nisi propter vitium proprium personæ. Ut autem ex præmissis patet, peccatum originale est vitium naturæ, peccatum autem actuale est vitium personæ. Gratia autem, & visio divina sunt supra naturam humanam; & ideo privatio gratiæ, & carentia visionis divinæ debentur alicui personæ non solum propter actuale peccatum, sed etiam propter originale. Poena autem sensus opponitur integritati naturæ, & bonæ eius habitudini; & ideo poena sensus non debetur alicui nisi propter peccatum actuale. Secundo quia poena proportionatur culpæ; & id eo peccato actuali mortali, in quo invenitur averſio ab incommutabili bono, & conversio ad bonum commutabile, debetur & poena damni, scilicet carentia visionis divinæ respondens averſioni, & poena sensus respondens conversioni. Sed in peccato originali non est conversio, sed sola averſio, vel aliquid averſionis respondens, scilicet destitutio animæ a iustitia originali: & ideo peccato originali non debetur poena sensus, sed solum poena damni, scilicet carentia visionis divinæ. Tertio quia poena sensus nunquam debetur habituali dispositioni: non enim aliquis puniatur ex hoc quod est habilis ad furandum, sed ex hoc quod actu furatur: sed habituali privationi absque omni actu debetur aliquid damnum; puta, qui non habet scientiam litterarum, ex hoc ipso indignus est promotione ad episcopalem dignitatem. In peccato autem originali invenitur quidem concupiscentia per modum habitualis dispositionis, quæ parvulum facit habitilem ad concupiscendum, ut Augustinus dicit (serm. xlv. de tempore) adultum autem actu concupiscentem. Et ideo parvulo defuncto cum originali non debetur poena sensus, sed solum poena damni; quia scilicet non est idoneus perducere ad visionem divinam propter privationem originalis iustitiæ.

Ad primum ergo dicendum, quod nomen tormenti, supplicii, gehennæ, & cruciarum, vel si quid simile in dictis sanctorum inveniantur, est large accipiendum pro poena, ut ponatur species pro genere. Ideo autem sancti tali modo loquendi usi sunt, ut detestabilem redderent errorem Pelagianorum, qui asserbant in parvulis nullum peccatum esse, nec eis aliquam penam deberi.

Et per hoc patet solutio ad secundum, & tertium, & ad omnia similia.

Ad quartum dicendum, quod in uno peccato

(a) *id. deſt. sen.*

ARTICULUS III.

Utrum patiantur afflictionem interioris doloris qui enim solo originali decedunt.

eato primi parentis omnes peccaverunt, ut Apostolus dicit Rom. vii. sed ad illud unum peccatum non omnes eodem modo se habent: pertinet enim illud peccatum ad Adam per propriam voluntatem, & est eius actualis peccatum; & ideo ei pro huiusmodi peccato poena actualis debebatur: sed ad alios pertinet per originem, & non per actuale voluntatem; & ideo aliis pro huiusmodi peccato non debetur poena sensus.

Ad quintum dicendum, quod in statu futuræ vitæ, ignis, & alia huiusmodi activa non agunt in animas, aut in corpora hominum secundum necessitatem naturæ, sed magis secundum ordinem divinæ iustitiæ: quia ille status est recipiendi pro meritis. Unde cum divina iustitia non exigit quod pueris, qui cum solo originali peccato decedunt, poena sensus debeat, nihil ab huiusmodi activis tales parientur.

Ad sextum dicendum, quod poena puerorum cum originali decedentium, post indicium consummabitur, inquantum ipsi qui punientur hac poena, consummati erunt per carnis resurrectionem.

Ad septimum dicendum, quod quamvis peccatum originale per carnem derivetur ad animam, non tamen habet rationem culpæ, nisi secundum quod pergit ad animam: & ideo poena non debetur dispositioni carnis: & si aliquando caro puniatur, hoc est propter animæ culpam.

Ad octavum dicendum, quod hæc poenitio non videtur multis esse possibilis, quod aliqui decedat cum peccato originali, & veniali tantum: quia defectus ætatis quamdiu excusat a peccato mortali, multo magis excusat a peccato veniali propter defectum usus rationis. Postquam vero usum rationis habent, tenentur salutis suæ curam agere: quod si fecerint, iam absque peccato originali erunt, gratia superveniente; si autem non fecerint, talis omisso est eis peccatum mortale. Si tamen esset possibile quod aliqui cum peccato originali, & veniali decederet, dico quod puniretur poena sensus æterna. Aeternitas enim poenæ, ut dictum est, concomitur carentiam gratiæ, ex qua proveniunt æternitas culpæ. Et inde est quod peccatum veniale in eo qui recedit cum mortali, quia nunquam remittitur, æterna poena punitur propter gratiæ carentiam. Et similis ratio esset, si quis decederet cum originali, & veniali peccato.

Tertio queritur, utrum patiantur afflictionem interioris doloris qui cum solo originali decedunt. Et videtur quod sic. Omne enim quod naturaliter desideratur, si non habeatur quando est tempus habendi, causat afflictionem & dolorem; sicut patet, si quis cibum non habeat quando est naturæ necessarius. Sed homo naturaliter appetit beatitudinem: tempus autem habendi ipsam est post hanc vitam. Cum ergo illi qui cum peccato originali decedunt, beatitudinem non consequantur, quia carent visione divina, videtur quod afflictionem patiantur.

1. Præterea. Sicut pueri baptizati se habent ad meritum Christi, ita non baptizati se habent ad demeritum Adæ. Sed pueri baptizati gaudent propter meritum Christi. Ergo pueri non baptizati dolent propter demeritum Adæ.

2. Præterea. De ratione poenæ est quod sit contraria voluntati. Sed omne quod est contrarium voluntati, est contristans, ut auctor est Philosophus in V. Metaphys. (com. vi.) Ergo si patiuntur aliquam poenam, oportet quod inde tristentur.

3. Præterea. In perpetuum separari ab eo quem quis amat, est maxime afflictivum. Sed pueri naturaliter Deum amant. Ergo cum sciant se ab eo in perpetuum separatos, videtur quod hoc non possit esse sine afflictione.

Sed contra. Dolor poenæ, seu afflictio poenæ debetur delectationi culpæ, secundum illud Apoc. xviii. 7. *Quantum glorificavit se, & in deliciis fuit, tantum date ei tormentum, & luctum.* Sed in peccato originali nulla fuit delectatio. Ergo neque, in poena erit aliquis dolor, sive afflictio.

Respondetur dicendum, quod aliqui posuerunt, quod pueri sentiant aliquem dolorem, vel afflictionem interioriorem ex carentia visionis divinæ, licet iste dolor non habeat in eis rationem vermis conscientie: quia non sunt sibi conscii quod in eorum potestate fuerit culpam originale vitare. Sed nulla ratio videtur esse quare subtrahatur eis exterior poena sensus, si attribuitur eis interior afflictio, quæ est multo magis poenalis, & magis opponitur mitissimæ poenæ, quam Augustinus (Enchir. cap. xciii.) eis attribuit.

buit. Et idealis videtur, & melius, quod nullam afflictionem etiam interioriorem sentiant. Et huius rationem aliqui diversimodo assignant. Quidam enim dicunt, quod animæ puerorum cum originali decedentium sunt in tantis tenebris ignorantie constitutæ, quod nesciunt se ad beatitudinem esse factas, nec aliquid circa hoc cogitant: & ideo nullam patiuntur de hoc afflictionem. Sed hoc non videtur convenienter dici. Primo quidem quia cum in pueris non sit peccatum actuale, quod est proprie peccatum personale, non debetur eis ut detrimentum aut quod patiuntur in naturalibus bonis, secundum rationem supra assignatam: est autem naturale animæ separatæ, ut non minus, sed magis in cognitione vigeat quam anima quæ sunt hic: & ideo non est probabile quod tantam ignorantiam patiuntur. Secundo quia secundum hoc illi qui sunt damnati in inferno, melioris (a) conditionis essent quantum ad nobilitatem sui patrem, scilicet intellectum, in minoribus ignorantie tenebris existentes: & nullus est, ut Augustinus dicit (Lib. XI. de civit. Dei, cap. xviii. a med.) qui non mallet dolorem pati cum sana merse quam gaudere infans huius. Et ideo alii assignant causam huius, quod non assiluntur, ex dispositione voluntatis ipsorum. Non enim post mortem in animam mutatur dispositio voluntatis, neque in bonum, neque in malum. Unde cum pueri ante usum rationis non habeant actum inordinatum voluntatis, neque etiam post mortem habebunt. Non est autem abique inordinatione voluntatis quod aliquis doleat se non habere quod numquam potuit adipisci; sicut inordinatum esset, si aliquis rusticus doleat de hoc quod non esset regnum adeptus. Quia ergo pueri post mortem sciunt se numquam potuisse illam gloriam celestem adipisci, ex eius carentia non dolebunt. Possumus tamen utrumque coniungentes medianam viam tenere, ut dicamus, quod animæ puerorum naturali quidem cognitione non carent, qualis debetur animæ separatæ secundum suam naturam, sed carent supernaturali cognitione; quæ hic in nobis per fidem plantatur: eo quod nec hic fidem habuerunt in actu, nec sacramentum fidei suscepunt. Pertinet autem ad naturalem cognitionem quod anima sciat se propter beatitudinem creatam, & quod beatitudo consistit in adeptione perfecti boni; sed quod illud bonum perfectum ad quod homo sa-

lus est, sit illa gloria quam sancti possident, est supra cognitionem naturalem. Unde Apostolus dicit I. ad Corinth. 12. 9. quod nec oculus vidit, nec auris audivit, nec in cor hominis ascendit, quæ preparavit Deus diligentibus se: & postea subdit: Nobis autem revelavit Deus per Spiritum suum: quæ quidem revelatio ad fidem pertinet. Et ideo se privari tali bono, animæ puerorum non cognoscunt: & propter hoc non dolent, sed hoc quod per naturam habent, absque dolore possident.

Ad primum ergo dicendum, quod animæ puerorum in peccato originali decedentium cognoscunt quidem beatitudinem in generali secundum communem rationem, non autem in speciali; & ideo de eius amissione non dolent.

Ad secundum dicendum, quod, sicut Apostolus dicit Roman. v. maior est donum Christi quam peccatum Adæ: & ideo non oportet, si pueri baptizati gaudent propter meritum Christi, quod non baptizati doleant propter peccatum Adæ.

Ad tertium dicendum, quod pena non semper responder actuali voluntati; puta, cum aliquis abiens infamatur, aut etiam bonis suis spoliatur se ignorante: sed oportet quod pena semper sit vel contra actualem voluntatem, vel etiam habitualement, vel saltem contra inclinationem naturalem, ut supra (quæst. 1. de malo art. 4. & 5.) dictum est, cum de malo pene ageretur.

Ad quartum dicendum, quod pueri in originali decedentes, sunt quidem separati a Deo perpetuo quantum ad amissionem gloriæ, quam ignorant, non tamen quantum ad participationem naturalium bonorum, quæ cognoscunt.

ARTICULUS IV.

Utrum mors, & alii defectus huius vite sint pæna originalis peccati.

1. 2. quæst. lxxxv. per tot.

Quarto quaeritur, utrum mors, & alii defectus huius vite sint pæna originalis peccati. Et videtur quod non. Dicit enim Seneca (Lib. VI. naturalium quaestionum in fine illius) *Mors est hominis natura, non pæna*. Eadem ergo ratione nec alii defectus qui ad mortem ordinantur.

2. Præterea. Quidquid communiter invenitur

(a) scilicet cognitione

nitur in multis, convenit eis ratione alicuius quod in eis communiter invenitur. Sed mors, & alii defectus ad ipsam ordinati, communes sunt homini, & aliis animalibus. Ergo secundum aliquid commune inveniuntur in eis. Sed alii animalibus non conveniunt ratione culpæ, quæ in eis esse non potest. Ergo nec hominibus; & sic non sunt poena originalis peccati.

3. Præterea. Poena debet esse proportionabilis peccato: (a) Dent. xxv. 2. *Pro mensura delicti erit & plagarum modus.* Sed culpa originalis est æqualis omnibus qui ex Adam nascuntur; defectus autem prædicti non sunt æquales: quia quidam statim nascuntur ægrotativi, quidam diversimode læsi, quidam bene dispositi. Huiusmodi ergo defectus non sunt poena originalis peccati.

4. Præterea. Huiusmodi defectus sunt quædam poena sensus. Sed poena sensus debetur peccato propter conversum nem in debitam ad bonum commutabilem: quæ quidem conversio non est in originali peccato. Ergo huiusmodi defectus non respondet ei pro poena.

5. Præterea. Gravius puniuntur homines post hanc vitam quam in hac vita. Sed post hanc vitam non debetur peccato originali poena sensus, ut dictum est. Ergo nec in hac vita; & sic idem quod prius.

6. Præterea. Poena respondet culpæ. Sed culpa pertinet ad hominem in quantum est homo. Cum ergo mors, & alia huiusmodi non sint hominis in eo quod homo, quia etiam aliis insunt; videtur quod huiusmodi defectus non fiat poenæ.

7. Præterea. Peccatum originale est privatio originalis iustitiæ, quæ inerat huiusmodi secundum animam. Sed huiusmodi defectus pertinent ad corpus. Non ergo respondent peccato originali pro poena.

8. Præterea. Si Adam non peccasset, filii eius peccare potuissent; & si peccassent, morerentur. Sed non propter originale peccatum, quod in eis non fuisset. Ergo mors non est poena peccati originalis.

Sed contra est quod dicitur Roman. vi. 23. *Stipendium peccati mors*; & Rom. viii. 10. *Corpus mortuum est propter peccatum.*

Præterea. Genes. 11. 17. dicitur: *Quicumque dis comederitis, morte moriemini.*

Præterea. Augustinus dicit in XIII. de Trin. (cap. xvi.) & XV. de civit. Dei, & contra epistolam fundamenti, quod huiusmodi defectus veniunt de damnatione peccati. Isidorus etiam dicit in Libro de sum

mo bono, quod si homo non peccasset, nec eum aqua submergeret, nec ignis combureret, nec alia huiusmodi provenirent. Ergo omnes huiusmodi defectus sunt poena peccati originalis.

Respondeo dicendum, quod absque omni dubio secundum fidem catholicam tenendum est, quod mors, & omnes huiusmodi defectus præsentis vitæ, sunt poena peccati originalis. Sed sciendum est, quod duplex est poena. Una quidem quasi taxata pro peccato, alia vero concomitans: sicut videmus quod iudex pro aliquo crimine facit aliquem hominem excæcari; sed ad excæcationem eius consequuntur multa incommoda, puta quod mendicet, & alia huiusmodi: sed ipsa cæcitas est poena taxata pro peccato; ad hoc enim intendit iudex ut peccantem visu privet; sed defectus consequentes non ponderat; unde contingit quod si plures propter idem peccatum excæcentur, in uno consequuntur plura incommoda quam in alio. Nec tamen hoc redundat in iniustitiam iudicis: quia huiusmodi incommoda non erant ab eo pro peccato iniusta, sed consequebantur per accidens quantum ad eius intentionem. Et similiter potest dici in proposito. Nam homini in primordio suæ conditionis fuerat a Deo datum quoddam auxilium originalis iustitiæ, per quod præservabatur ab omnibus huiusmodi defectibus: quo quidem auxilio privata est tota humana natura propter peccatum primi parentis, ut ex supradictis patet: ad cuius auxilii privationem consequuntur diversa incommoda, quæ diversimode inveniuntur in diversis, licet habeant æqualem culpam originalis peccati. Hoc ramen interesse videtur inter Deum punientem, & hominem iniucem, quod homo iudex non potest prævidere eventus sequentes, unde nec eos potest ponderare, dum infert penam pro culpa; propter quod rationabiliter huiusmodi incommodorum inæqualitas, eius iustitiæ non derogat; sed Deus omnes eventus futuros prænovit, unde videretur ad eius iniustitiam pertinere, si æqualiter subiacerentur culpæ, inæqualiter huiusmodi incommoda provenirent.

Ad hæc ergo dubitationem tollendam posuit Origenes (Lib. I. Periar. cap. vii. & viii.) quod animæ antequam corporibus unirentur, diversa merita habuerunt, pro quorum diversitate consequuntur in corporibus quibus uniantur, maiora vel minora incommoda: & inde est, ut ipse dicit, quod

(a) *Id.* ut est Dent.

quod quidam mox nati vexantur a demone, vel cæci nascuntur, vel aliqua huiusmodi incommoda patiuntur. Sed hoc repugnat apostolicæ doctrinæ: dicit enim Apostolus Rom. ix. 11. de Iacob, & Esau loquens: *Cum nondum nati essent, aut aliquid boni, vel mali egressum* &c. Eadem autem est ratio de omnibus. Unde non est dicendum, quod animæ habuerint merita bona, vel mala, antequam corporibus unirentur. Est etiam contra rationem. Nam cum naturaliter anima sit pars humanæ naturæ, imperfecta est sine corpore existens, sicut est qualibet pars separata a toto. Inconueniens autem fuisset quod Deus ab imperfectis suam operationem inciperet: unde non est rationabile quod animam creaverit ante corpus, sicut neque quod manum formauerit extra hominem.

Et ideo aliter est dicendum, quod huiusmodi diuersitas quæ circa hos defectus accidit in hominibus, est a Deo prævisa, & ordinata, non quidem propter aliqua merita in alia vita existentia, sed quandoque quidem propter aliqua peccata parentum. Cum enim filius sit aliquid patris secundum corpus, quod ab ipso trahit, non autem secundum animam, quæ immediate a Deo creatur; non est inconueniens quod pro peccato patris filius corporaliter puniatur, licet non pena spirituali, quæ pertinet ad animam, sicut etiam homo puniatur in aliis rebus suis. Quandoque vero ordinantur huiusmodi defectus, non ut pena peccati alicuius, sed ut remedium contra peccatum sequens, vel propter profectum virtutis, aut eius qui hoc patitur, aut alterius; sicut Dominus dicit Ioan. ix. 3. de cæco nato: *Neque hic peccauit, neque parentes eius; sed ut manifestentur opera Dei in illo*: quod expediens erat ad humanam salutem. Sed hoc ipsum quod homo talis conditionis est, ut ei subueniatur, vel ad vitandum peccatum, vel ad profectum virtutis per huiusmodi incommoda, siue defectus, ad infirmitatem humanæ naturæ pertinet, quæ ex peccato primi parentis derivatur; sicut quod corpus hominis sit sic dispositum quod ad eum sanandum indigeat sectione, ad eius infirmitatem pertinet. Et ideo omnes isti defectus respondent peccato originali ut pena concomitans.

Ad primum ergo dicendum, quod illud auxilium datum homini a Deo, scilicet, originalis iustitia, fuit gratuitum: unde per rationem considerari non potuit: & ideo Seneca, & alii gentiles Philosophi non confi-

derauerunt huiusmodi defectus sub ratione pœnæ.

Ad secundum dicendum, quod aliis animalibus non fuit huiusmodi auxilium collatum, nec per culpam aliquid ante perdidit, unde huiusmodi incommoda sequerentur, sicut est in hominibus; & ideo non est similis ratio: sicut in eo qui cespitat propter cæcitatem in qua natus est, huiusmodi cespitatio non habet rationem pœnæ quantum ad iustitiam humanam, sed naturalis defectus; in eo autem qui cacatus est propter crimen, habet rationem pœnæ.

Ad tertium dicendum, quod huiusmodi defectus non sunt pœna taxata pro peccato, sed pœna concomitans, ut dictum est (in corp. art.)

Ad quartum dicendum, quod pœna sensus taxata non debetur nisi conversioni a diuili; sed alia ratio est de pœna concomitante.

Ad quintum dicendum, quod post mortem non est status proficiendi ad virtutem, vel deficiendi per peccatum; sed recipiendi pro meritis: unde omnes defectus qui sunt post mortem, taxantur pro culpa; non autem ordinantur vel ad profectum virtutis, vel ad euersionem peccati: & inde est quod pueris post mortem non debetur pena sensus.

Ad sextum dicendum, quod aliquid quod in homine habet rationem culpæ, ut occidere hominem, potest quidem esse in aliis animalibus, non tamen habens rationem culpæ, quæ consistit in hoc quod sit secundum voluntatem, quæ in brutis esse non potest: & similiter defectus qui sunt communes homini, & aliis animalibus, in homine habent rationem pœnæ, quæ consistit in hoc quod sit contra voluntatem, non autem in aliis animalibus. Nam ratio pœnæ, & culpæ est hominis, secundum quod homo.

Ad septimum dicendum, quod per iustitiam originale conservabatur debita habitudo corporis sub anima, quamvis ipsa in anima esset: & ideo conuenienter ad peccatum originale, quo priuatur originalis iustitia, sequuntur defectus corporales.

Ad octauum dicendum, quod secundum quosdam si Adam non peccasset tentatus, statim confirmatus fuisset in iustitia, & omnes posterii eius confirmati in iustitia nascerentur; & secundum hoc obiectio locum non habet. Sed hoc credo esse falsum: quia corporis conditio in primo statu respondebat

COR.

conditioni animæ : unde quamdiu corpus erat animale, & anima erat mutabilis nondum perfecte spiritualis effecta. Generate autem pertinet ad animale vitam : unde sequitur quod filii Adam non nascerentur iniustitia confirmati. Si ergo aliquis ex posteris Adam peccasset, eo non peccante, morderetur quidem propter suum peccatum actuale, sicut Adam mortuus fuit : sed posterius morderetur propter peccatum originale.

ARTICULUS V.

Utrum mors, & huiusmodi defectus sint homini naturales.

1. 2. quæst. lxxxv. art. 6.

Quinto quaeritur, utrum mors, & huiusmodi defectus sint homini naturales. Et videtur quod sic. Corpus enim hominis compositum ex contrariis. Sed omne compositum ex contrariis, est naturaliter corruptibile. Ergo homo naturaliter est mortalis, & per consequens ceteris defectibus subiectus.

2. Sed dicendum, quod hoc quod corpus hominis dissolvatur propter contrarietatem in ipso existentem, accipit ex subtractione originalis iustitiæ : unde non est naturale, sed pœnale. Sed contra. Si mors, & corruptio sequitur in homine per subtractionem originalis iustitiæ, quæ hos defectus prohibebat, sequitur quod huiusmodi defectus causantur ex peccato, sicut a removente prohibens. Sed motus qui sequitur ex remotione prohibentis, est naturalis, etiam si removens prohibens sit agens voluntarium : sicut cum aliquis homo removet columnam, cadit lapis superpositus, & motus eius est naturalis. Ergo nihilominus mors, & corruptio sunt naturales homini.

3. Præterea. Homo in primo statu fuit immortalis, quasi potens non mori : in ultimo autem statu erit immortalis, quasi non potens mori : in medio autem statu est omnibus modis mortalis, quasi necesse habens mori. Sed immortalitas ultimi status non erit naturalis, sed per gratiam consummationem, quæ est gloria. Ergo neque immortalitas primi status fuit naturalis. Mori ergo fuit naturale.

4. Præterea. Homo secundum conditionem suam naturæ, si sibi relinquatur, moritur : sed quod in primo statu conservaretur a morte, hoc erat per aliquod donum divinitus datum. Sed si aliquid facta Deo in re-

aliqua præter eius naturam, nihilominus sua dispositio est ei naturalis : sicut si Deus faceret aquam ferventem, nihilominus esset naturaliter frigida. Ergo nihilominus homo in primo statu erat naturaliter mortalis.

5. Præterea. Sicut homini supernaturaliter datum est quod posset non mori, ita supernaturaliter ei datur quod possit Deum videre. Sed hoc quod homo caret divina visione, non est contra naturam. Ergo neque etiam quod caret immortalitate. Mors ergo non est contra naturam.

6. Præterea. Corpus hominis etiam ante peccatum, compositum erat ex quatuor elementis, & ita in eo erant qualitates activæ, & passivæ. Ad has autem naturaliter sequitur corruptio : agens enim naturaliter assimilatur sibi patiens : quo facto corrumpitur passum, & per consequens ipsum compositum. Ergo corpus hominis etiam ante peccatum, naturaliter erat corruptibile.

7. Præterea. Vita hominis conservatur per actionem naturalis caloris, quod est agens naturale. Sed omne agens naturale in agendo aliquam diminutionem parit : agit enim passum, secundum Philosophum (Lib. 1. de generat. com. 1111.) Omne autem finitum, non continue aliquid ab eo abicitur, necesse est quod totaliter consumatur. Cum ergo calor naturalis in corpore hominis fuerit finitus, necesse est quod tandem consumeretur secundum suam naturam : & ita homo naturaliter mortuus fuisset etiam ante peccatum.

8. Præterea. Corpus hominis finitum erat. In eo autem fiebat deperditio : alioquin cibo non indiguisset. Cum ergo per continuum deperditionem quolibet finitum quandoque consumatur, videtur quod necesse fuerit naturaliter corpus hominis corrumpi etiam ante peccatum.

9. Præterea. Augustinus dicit (Lib. lxxxv. Q. quæst. xix.) quod posse non mori conveiebat homini ex beneficio signi vitæ. Sed hoc videtur esse impossibile : quia si signum vitæ corruptibile erat, incorruptionem præstare non poterat : si autem erat incorruptibile, in usum hominis venire non poterat per modum nutrimenti. Ergo posse non mori non in erat homini : sed naturaliter, & ex necessitate mortuus fuisset.

10. Præterea. Quod de se est possibile, numquam per aliud fit necessarium : unde quod est per se corruptibile, numquam per aliud potest fieri incorruptibile : corruptibile enim & incorruptibile differunt secundum genus, ut dicitur in X. Metaph. (com.

xvi.)

xxvi.) Eorum autem quæ genere differunt, non est transmutatio in invicem. Sed corpus hominis secundum seipsum corruptibile erat, utpote ex contrariis compositum. Ergo nullo modo per aliud poterat fieri incorruptibile. Sic ergo naturaliter moreretur, etiam si non peccasset.

11. Præterea. Si homo ante peccatum non poterat non mori, aut posse non mori erat gratiæ, aut naturæ: si gratiæ, ergo poterat mori; quod est contra Magistrum xxiv. dist. II. Lib. Sentent. si autem erat naturæ, ergo potuit quidem vulnerari, sed non totaliter tolli: homo enim per peccatum spoliatus est gratiis, & vulneratus in naturalibus, ut dicitur in Glossa (ordinar.) Luc. x. Nullo ergo modo ante peccatum inerat homini posse non mori.

12. Præterea. In omni composito ex contrariis necesse est quod sit inæqualitas, secundum Philosophum. Si enim contraria convenirent æqualiter ad constitutionem mixti, unum non esset formalius altero, sed omnia ex æquo essent in actu. Non autem fit ex pluribus unum, nisi unum se habeat ad alterum sicut potentia ad actum. Inæqualitas autem est principium corruptionis ex necessitate: quia id quod est fortius, corrumpit id quod est debilius. Ergo corpus hominis erat ex naturali necessitate corruptibile, nisi homo non peccasset.

13. Præterea. Eandem naturam secundum substantiam habet homo ante peccatum, & post; alioquin non esset eiusdem speciei. Sed homini post peccatum, secundum naturam suam substantiam convenit necessitas moriendi, ex hoc scilicet quod materia est in potentia ad aliam formam. Ergo & ante peccatum naturali necessitate mortuus fuisset.

14. Sed diceretur, quod ante peccatum conservabatur a Deo, ne moreretur. Sed contra. Id ad quod sequuntur contradictoria esse simul verum, numquam fit a Deo. Sed ad hoc quod est aliquid existens in potentia subsistere actioni agentis, & non corrumpi, sequitur contradictoria esse simul, scilicet esse in potentia, & non esse in potentia: nam de ratione existentis in potentia est quod reducatur in actum per agens. Non ergo corpus hominis ante peccatum fuisset incorruptibile, Deo corruptionem prohibente.

15. Præterea. Augustinus dicit VII. super Genes. ad litteram (cap. xxiii. & xxiv. colligitur, expresse id habet in VII. de civit. Dei cap. xxx.) quod ita Deus res administrat, quod proprius motus

eas agere finit. Sed proprius motus & naturalis corporis ex contrariis compositi est ut in corruptionem tendat. Hoc ergo non prohibebatur a Deo.

16. Præterea. Illud quod est supra naturalem ordinem, non potest fieri per aliquam virtutem creatam: quia omnis virtus creata operatur secundum rationes seminales naturæ inditas, ut Augustinus dicit III. de Trin. (cap. viii.) Iustitia autem originalis erat quoddam donum creatum. Ergo eius virtute non poterat homo a corruptione præservari.

17. Præterea. Quod est in omnibus, vel in pluribus, non est contra naturam. Sed mors invenitur in omnibus hominibus post peccatum. Ergo non est contra naturam.

Sed contra. Omne quod est ad finem, proportionatur fini. Sed homo factus est propter finem perpetuæ beatitudinis. Ergo secundum naturam suam habet perpetuitatem.

Præterea. Formæ proportionatur materia secundum naturam. Sed anima intellectiva, quæ est forma humani corporis, est incorruptibilis. Ergo & corpus humanum est naturaliter incorruptibile; & sic mors, & corruptio sunt contra naturam humanam corporis.

Respondendo dicendum, quod secundum Philosophum in II. Physic. (com. 1. & v.) naturale dicitur dupliciter: vel id quod habet naturam, sicut dicimus corpora naturalia; vel illud quod consequitur naturam secundum naturam existentem, sicut dicimus, quod ferri sursum est naturale igni: & sic loquimur nunc de naturali, quod est secundum naturam. Unde cum natura dicatur dupliciter, scilicet forma, & materia, dupliciter dicitur aliquid naturale vel secundum formam, vel secundum materiam. Secundum formam quidem, sicut naturale est igni, quod calefaciat, nam actio consequitur formam; secundum materiam autem, sicut aqua est naturale quod ab igne calefieri possit. Cumque forma sit magis natura quam materia, naturalius est quod est naturale secundum formam quam quod est naturale secundum materiam. Sed id quod consequitur materiam, dupliciter accipi potest: uno modo secundum quod congruit formæ; & hoc est quod agens eligit in materia; alio modo non secundum quod congruit formæ, immo forte repugnat etiam formæ; & fini, sed est ex necessitate materię; & talis conditio non est electa, vel intentata ab agente: sicut artifex qui facit ferram ad secundum, quæ-

rit ferrum, quia est materia apta ad formam ferræ, & ad finem eius, propter suam duritiem. Invenitur tamen in ferro aliqua conditio, secundum quam ferrum non habet aptitudinem nec ad formam, nec ad finem, sicut quod est frangibile, vel contrahens rubiginem, vel aliquid huiusmodi, quæ sunt impeditiva finis: unde non sunt electa ab agente, sed magis ab agente repudiarentur, si esset possibile. Unde etiam Philosophus dicit in XIX. de animalibus, quod in accidentibus individui non est querenda causa finalis, sed solum causa materialis: proveniunt enim ex dispositione materiæ, non ex intentione agentis. Sic ergo homini est ali-quid naturale secundum suam formam, ut intelligere, velle, & alia huiusmodi; aliqua vero sunt et naturalia secundum suam materiam, quod est corpus. Corporis autem humani conditio dupliciter considerari potest: uno modo secundum aptitudinem ad formam; alio modo secundum id quod consequitur in ipso secundum necessitatem materiæ tantum. Secundum aptitudinem quidem ad formam, necessarium est corpus humanum esse ex elementis compositum, & medie complexionatum. Cum enim anima humana sit intellectiva in potentia, unitur corpori, ut per sensus accipiat species intelligibiles, quibus fit intelligens actu. Non enim unio animæ ad corpus est propter corpus, sed propter animam: non enim forma est propter materiam, sed materia propter formam. Primus autem sensus est tactus, qui quodammodo est fundamentum aliorum: organum autem tactus oportet esse medium inter contraria, ut probatur in II. de Anima (com. cxi.). Unde corpus congruens tali animæ fuit corpus ex contrariis compositum. Quod autem sequitur ex necessitate materiæ quod sit corruptibile, secundum hanc conditionem non habet aptitudinem ad formam, sed magis repugnantiam ad formam. Et quidem omnis corruptio cuiuscunque rei naturalis, non est secundum convenientiam ad formam: nam cum forma sit principium essendi, corruptio, quæ est via ad non esse, opponitur ei: unde Philosophus dicit in II. de cal. & mundo (com. xxxv.). quod corruptio seminom, & omnis defectus sunt contra naturam particulatam huius rei determinatæ per formam, quamvis sint secundum naturam universalem, cuius virtute reducit materia in actum cuiuslibet formæ, ad quam est in potentia, & uno generato necesse est aliud corrumpi: sed specialis modo corruptio proveniens ex necessi-

tate materiæ est præter convenientiam huius formæ, quæ est anima intellectiva. Nam aliæ formæ sunt corruptibiles saltem per accidens; sed anima intellectiva non est corruptibilis nec per se, nec per accidens. Unde si in natura inveniri potuisset aliquid corpus ex elementis compositum quod esset incorruptibile, proculdubio tale corpus esset conveniens animæ secundum naturam; sicut si posset inveniri ferrum infrangibile, & rubiginem non contrahens, esset convenientissima materia ad ferram: & talem artifex quereretur; sed quia talis inveniri non potest, accipit qualem potest, scilicet durum vel frangibilem. Et similiter quia natura non potest invenire corpus ex elementis compositum quod secundum naturam materiæ sit incorruptibile, aptatur naturaliter animæ incorruptibili corpus organicum, licet corruptibile. Sed quia Deus, qui est hominis institutor, hanc necessitatem materiæ suæ omnipotentia potuit prohibere ne in actum prodiret, eius virtute collatum est homini ante peccatum ut a morte præservaretur, quousque tali beneficio se reddidit peccando indignum; sicut & faber præstat ferro, ex quo operatur, si posset, quod nunquam frangeretur. Sic ergo mors, & corruptio naturalis est homini secundum necessitatem materiæ, sed secundum rationem formæ esset ei conveniens immortalitas: ad quam tamen præstandam naturæ principia non sufficiunt; sed aptitudo quædam naturalis ad eam convenit homini secundum animam; complementum autem eius est ex supernaturali virtute: sicut Philosophus dicit in II. Ethic. (in princ.) quod hæcmodi aptitudinem ad virtutes morales ex natura; sed periciuntur in nobis per consuetudinem. Et in quantum immortalitas est nobis naturalis, mors, & corruptio est nobis contra naturam.

Ad primum ergo dicendum, quod ratio illa procedit ex parte necessitatis materiæ.

Et similiter dicendum ad secundum.

Ad tertium dicendum, quod ratio illa procedit de immortalitate non quantum ad aptitudinem, sed quantum ad conservationem.

Ad quartum dicendum, quod fervor repugnat aque ratione suæ formæ, non autem immortalitas homini, ut dictum est: unde non est simile. Et tamen dicendum est, quod ea quæ divinitus sunt in rebus, supra naturam quidem sunt, non autem contra naturam: quia inest cuilibet rei crea-

ter naturalis subiectione ad Creatorem, multo magis quam corporibus inferioribus ad corpora caelestia; & tamen ea quae contingunt in corporibus inferioribus secundum impressionem caelestium corporum, ut fluxus, & refluxus maris, non sunt contra naturam, ut Commentator dicit in III. de cal. & mundo (com. xx.)

Ad quintum dicendum, quod visio divina est supra naturam humanam non solum quantum ad naturam, sed etiam quantum ad formam: excedit enim naturam humani intellectus.

Ad sextum dicendum, quod ita sunt contrariae qualitates in corpore mixto, sicut sunt contraria elementa in mundo: & sicut contraria elementa non se invicem corrumpunt, quia conservantur per virtutem corporis caelestis, a quo actiones eorum regulantur; ita contrariae qualitates in corpore mixto regulantur, & conservantur, ne se invicem corrumpant, per formam substantialem, quae est impressio quaedam caelestis corporis: nihil enim in istis inferioribus agit ad speciem, nisi per virtutem corporis caelestis. Unde quamdiu forma habet suum vigorem ex impressione caelestis corporis, conservatur corpus mixtum in esse: & inde est quod corpus caeleste per accessum, & recessum, causat generationem, & corruptionem in istis inferioribus, & quod durationes omnium corporum inferiorum mensurantur periodo corporum caelestium. Unde si aliqua forma esset cuius vigor semper remaneret ex impressione suae causae, numquam sequeretur corruptio per actionem qualitatum activarum, & passivarum.

Ad septimum dicendum, quod licet agentis physici virtus patiendo diminuat, tamen potest reparari: unde videmus in partibus universi reparationem fieri virtutis activae, per hoc quod elementa calida, quorum virtus diminuitur in hieme per solis absentiam, reparatur in aestate per solis propinquitatem: & hoc fit in quolibet corpore mixto, quamdiu durat virtus formae conservantis elementorum mixturem.

Ad octavum dicendum, quod deperditio humiditatis, quae fiebat in corpore Adam per actionem caloris naturalis, reparabatur per cibum assumptum; & sic conservari poterat, ne totaliter consumeretur.

Ad nonum dicendum, quod illud quod ex alimento aggeneratur, est quasi extraneum respectu eius in quo prius fundabatur virtus speciei humanae. Unde sicut virtus vini per admixtionem aquae paulatim minoratur, &

tandem deficit; ita virtus speciei per admixtionem nutrimentalis humiditatis paulatim diminuitur, & tandem deficit: unde animal necesse est diminui, & tandem mori, ut dicitur in I. de generatione. Et contra hunc defectum subveniebat lignum vitae, reparandum virtutem speciei in pristinum vigorem sua virtute; non tamen ita quod semel assumptum in alimentum virtutem daret in perpetuum durandi (corruptibile enim erat, unde perpetuitatis causa per se esse non poterat) sed confortabat virtutem naturalem ad diutius durandum secundum determinatum tempus; quo finito iterum assumi poterat, ut diutius viveret; & sic inde quousque homo transferretur in statum gloriae, in quo iam alimento non indigeret. Sic ergo lignum vitae coadiuvabat ad immortalitatem; sed principalis causa immortalitatis erat virtus a Deo animae collata.

Ad decimum dicendum, quod id quod de sui natura est possibile, numquam per aliud fit necessarium, secundum suam naturam, ita scilicet quod naturam necessitatis habeat. Tamen quod est possibile ex seipso, fit necessarium per aliud, licet non naturaliter; sicut accidit in omnibus violentis, quae dicuntur necessaria per aliud, ut dicitur in V. Metaphys. (com. vi.)

Ad undecimum dicendum, quod posse non mori gratia erat; sed non gratia gratum facientis secundum quoddam: unde homo in statu illo mereri non poterat. Secundum alios autem hoc donum immortalitatis ex gratia gratum faciente procedebat; & homo in statu illo mereri poterat.

Ad duodecimum dicendum, quod inaequalitas elementorum conservatur in mixto per virtutem formae, quamdiu a causa sua conservatur.

Ad decimumtertium dicendum, quod materia est in potentia ad aliam formam; sed tamen ab exteriori agente non potest reduci in actum, nisi illud agens sit fortius quam formae vigor quem habet ex influentia suae causae. Huius autem formae quae est anima humana, causa est solus Deus, cuius virtus excedit in infinitum omnem virtutem alterius agentis; & ideo quamdiu voluit conservare hominem in esse sua virtute, a nullo exteriori, vel interiori agente poterat corrumpi: sicut etiam manifeste videmus, quod per virtutem corporis caelestis formae materiales conservantur in esse contra actionem corrumpentis.

Ad decimumquartum dicendum, quod de ratione potentiae est quod reducat in actum

ab agente ; sed actus unus in potentia existens, impedit reductionem potentiae in alium actum : unde nisi agens fuerit fortius quam virtus formae quae est in materia, siue quam habet ex ipsa, siue quam habet ex conservante, non reducetur in actum per agens exterius; non enim parvus ignis corrumpere potest magnam aquam. Unde non est mirum, si per influxum divinum anima humana potens erat in statu innocentiae ad resistendum omni contrario agenti.

Ad decimum quintum dicendum, quod proprios motus rerum qui ad earum perfectionem pertinent, Deus sua gubernatione non impedit; sed motus rerum quid earum defectum pertinent, aliquando a Deo tolluntur ex abundantia bonitatis ipsius.

Ad decimum sextum dicendum, quod ipsa forma est effectus agentis : unde idem est quod agens facit effective, & quod formaliter; sicut pictor dicitur colorare parietem, & etiam color. Per hunc ergo modum solus Deus effective immortalitatem hominis causat; sed anima causat hoc formaliter per donum sibi divinitus influxum, siue in statu innocentiae, siue in statu glorie.

Ad decimum septimum dicendum, quod ratio illa procedit de hoc quod est simpliciter contra naturam : hoc enim nullo modo est in omnibus, vel in pluribus. Sed mors quodammodo est secundum naturam, & quodammodo contra naturam; ut dictum est.

Ad ea vero quae in contrarium obijciuntur, de facili patet solutio per praemissa. Nam illa beatitudo aeterna ad quam homo ordinatur, est supra naturam: unde non oportet quod immortalitas homini conveniat per naturam. Et similiter etiam corpus est proportionatum animae humanae, licet sit corruptibile, ut expositum est.

QUAESTIO VI.

De electione humana, seu libero arbitrio.

ARTICULUS UNICUS.

Utrum homo habeat liberam electionem suorum actuum, aut ex necessitate eligat.

I. P. quæst. lxxxix. art. 2.

Questio est de electione humana : & unum quaeritur hic, utrum homo habeat liberam electionem suorum actuum,

aut ex necessitate eligat. Et videtur quod non libere, sed ex necessitate eligat. Dicitur enim Hierem. x. 23. *Non est homini via eius, nec viri est ambulare, & dirigit gressus suos.* Sed illud respectu cuius homo habet libertatem, eius est, quasi in ipsius dominio constitutum. Ergo videtur quod homo suarum viarum, & suorum actuum liberam electionem non habeat.

2. Sed dicendum, quod hoc refertur ad executionem electionum, quae interdum non sunt in hominis potestate. Sed contra est quod Apostolus dicit ad Rom. ix. 16. *Non est volentis, scilicet velle, neque currentis, scilicet currere; sed miserationis Dei.* Sed sicut currere pertinet ad exteriorem executionem actuum, ita velle ad interiorem electionem. Ergo etiam interiores electiones non sunt in hominis potestate. Sed sunt homini ex Deo.

3. Sed dicendum, quod homo ad eligendum movetur quodam interiori instinctu, scilicet ab ipso Deo, & immobiliter, non tamen hoc repugnat libertati. Sed contra est, quod cum omne animal moveat seipsum per appetitum, alia tamen animalia ab homine non habent liberam electionem : quia eorum appetitus a quodam exteriori movente movetur, scilicet ex virtute corporis caelestis, vel ex actione alicuius alterius corporis. Si ergo voluntas hominis immobiliter movetur a Deo, sequitur quod homo non habeat liberam electionem suorum actuum.

4. Præterea. Violentum est cuius principium est extra, nil conferente vim passio. Si ergo voluntarie electionis principium sit ab extra, scilicet Deus, videtur quod voluntas per violentiam, & ex necessitate moveatur. Non ergo habet liberam electionem suorum actuum.

5. Præterea. Impossibile est voluntatem hominis discordare a voluntate Dei : quia, sicut Augustinus dicit in Enchir. aut homo facit quod vult Deus, aut Deus de eo suam voluntatem implet. Sed voluntas Dei est immutabilis. Ergo & voluntas hominis. Omnes ergo humanae electiones ex immobili electione procedunt.

6. Præterea. Nullius potentiae actus potest esse nisi in suum obiectum; sicut visus actio non potest esse nisi circa visibile. Sed obiectum voluntatis est bonum. Ergo voluntas non potest velle nisi bonum. Ex necessitate ergo vult bonum, & non habet liberam electionem boni, vel mali.

7. Præterea. Omnis potentia ad quam

comparatur (suum obiectum ut movens ad mobile, est potentia passiva, & suum operari est pati; sicut sensibile movet sensum: unde sensus est potentia passiva, & sentire est quoddam pati. Sed obiectum voluntatis comparatur ad voluntatem ut movens ad mobile: dicit enim Philosophus III. de Anima (com. liv.) & XI. Metaph. quod appetibile est movens non motum; appetitus autem est movens motum. Ergo voluntas est potentia passiva, & velle est pati. Sed omnis potentia passiva ex necessitate movetur a suo activo, si sit sufficiens. Ergo videtur quod voluntas de necessitate moveatur ab appetibili. Non ergo est liberum homini velle, vel non velle.

8. Sed dicendum, quod voluntas habet necessitatem respectu finis ultimi, quia omnis homo ex necessitate vult esse beatus; non autem respectu eorum quae sunt ad finem. Sed contra! Sicut finis est obiectum voluntatis, ita & quod est ad finem: quia utrumque habet rationem boni. Si ergo voluntas ex necessitate movetur in finem, videtur etiam quod ex necessitate moveatur in id quod est ad finem.

9. Praeterea. Ubi est idem motivum, & idem mobile, est & idem modus movendi. Sed cum aliquis vult finem, & ea quae sunt ad finem, idem est quod movetur, scilicet voluntas, & idem est movens: quia ea quae sunt ad finem, non vult aliquis, nisi in quantum vult finem. Ergo est idem modus movendi; ut scilicet sicut aliquis ex necessitate vult finem ultimum, ita ex necessitate vult ea quae sunt ad finem.

10. Praeterea. Sicut intellectus est potentia separata a materia, ita & voluntas. Sed intellectus ex necessitate movetur a suo obiecto: cogitur enim homo ex necessitate assentire alicui veritati per violentiam rationis. Ergo eadem ratione & voluntas necessario movetur a suo obiecto.

11. Praeterea. Dispositio primi moventis relinquatur in omnibus sequentibus: quia omnia secunda moventia movent in quantum sunt mota a primo movente. Sed in ordine motorum voluntariorum, primum movens est appetibile apprehensum. Cum ergo apprehensio appetibilis necessitatem patitur, si per demonstrationem probetur aliquid esse bonum, videtur quod necessitas derivetur ad omnes motus sequentes; & ita voluntas non libere, sed ex necessitate movetur ad volendum.

12. Praeterea. Res magis est motiva quam

intentio. Sed secundum Philosophum in VI. Metaph. (com. viii.) bonum est in rebus, verum autem in mente; & sic bonum est res, verum autem intentio. Ergo magis habet rationem motivum bonum quam verum. Sed verum ex necessitate movet intellectum, ut dictum est. Ergo bonum ex necessitate movet voluntatem.

13. Praeterea. Dilectio, quae pertinet ad voluntatem, est vehementior motus quam cognitio, quae pertinet ad intellectum: quia cognitio assimilatur, sed dilectio transformatur, ut habetur per Dionysium iv. cap. de divinis Nominibus. Ergo voluntas est magis mobilis quam intellectus. Si ergo intellectus ex necessitate movetur, videtur quod multo magis voluntas.

14. Sed diceretur, quod actio intellectus est secundum motum ad animam; actus autem voluntatis est secundum motum ab anima: & sic intellectus habet magis rationem passivi, voluntas autem magis rationem activi, unde non necessitate patitur a suo obiecto. Sed contra. Assentire pertinet ad intellectum, sicut consentire ad voluntatem. Sed assentire significat motum in rem cui assentitur, sicut & consentire in rem cui consentitur. Ergo non magis est motus voluntatis ab anima quam motus intellectus.

15. Praeterea. Si voluntas respectu ad aliqua volita non ex necessitate moveatur, necesse est dicere, quod se habeat ad opposita: quia quod non necesse est esse, possibile est non esse. Sed omne quod est in potentia ad opposita, non reducit in actum alicuius eorum, nisi per aliquid ens actu, quod facit illud quod erat in potentia esse in actu. Quod autem faciat aliquid esse actu, dicimus esse causam eius. Oportebit ergo, si voluntas aliquid determinate vult, quod sit aliqua causa quae faciat ipsam hoc velle. Causa autem posita, necesse est effectum poni, ut Avicenna probat (Lib. VI. Metaph. cap. 1. & 11.) quia si causa posita adhuc est possibile effectum non esse, indigebit adhuc alio reducete de potentia in actum; & sic primum non erat sufficiens causa. Ergo voluntas ex necessitate movetur ad aliquid volendum.

16. Praeterea. Nulla virtus se habens ad contraria est activa: quia omnis virtus activa potest agere id cuius est activa. Possibili autem posito non sequitur impossibile: sequeretur (a) enim duo opposita esse simul, quod est impossibile. Sed voluntas est potentia

(a) Al. autem.

entia activa. Ergo non se habet ad opposita, sed de necessitate terminatur ad unum.

17. Præterea. Voluntas aliquando incipit eligere, cum prius non eligeret. Aut ergo quia mutatur a dispositione in qua prius erat, aut non. Si non, sequitur quod sicut prius non eligebat, ita nec modo; & sic non eligens eligeret, quod est impossibile. Si autem mutatur eius dispositio, necesse est quod ab aliquo sit mutata, quia omne quod movetur, ab alio movetur. Movens autem imponit necessitatem mobili, alias non sufficienter moveret ipsum. Ergo voluntas ex necessitate movetur.

18. Sed dicendum, quod rationes istæ concludunt de potentia materiali, quæ est in materia, non autem de potentia immateriali, quæ est voluntas. Sed contra. Principium totius humanæ cognitionis est sensus. Nihil ergo potest cognosci ab homine, nisi secundum quod cadit sub sensum vel ipsum, vel effectus eius; Sed ipsa virtus se habens ad opposita, non cadit sub sensum: in effectibus enim eius, qui sub sensum cadunt, non inveniuntur duo actus contrarii simul existere; sed semper videmus quod determinate unum procedit in actum. Ergo non possumus iudicare esse in homine aliquam activam potentiam ad opposita se habentem.

19. Præterea. Cum potentia dicatur ad actum, sicut se habet actus ad actum, ita se habet potentia ad potentiam. Sed duo actus oppositi non possunt esse simul. Ergo nec potest esse una potentia ad duo opposita.

20. Præterea. Secundum Augustinum in I. de Trin. (cap. 1. ante med.) nihil est sibi ipsi causa ut sit. Ergo pari ratione nihil est sibi ipsi causa ut moveatur. Voluntas ergo non movet seipsam; sed necesse est quod ab aliquo moveatur: quia incipit agere post, cum prius non ageret; & omne tale aliquid modo movetur: unde & de Deo dicimus, quod non incipit velle, postquam voluerat propter eius immobilitatem. Ergo necesse est quod voluntas ab alio moveatur. Sed quod ab alio movetur, necessitatem ab alio patitur. Ergo voluntas necessario vult, & non libere.

21. Præterea. Omne multiforme reducit ad aliquid uniforme. Sed motus humani sunt varii, & multiformes. Ergo reducuntur in motum cæli, qui uniformis est, sicut in causam. Sed quod causatur ex motu cæli,

ex necessitate provenit: quia causa naturalis ex necessitate producit effectum suum, nisi sit aliquid impediens. Morum autem cælestis corporis non potest aliquid impedire, quin consequatur suum effectum: quia oporteret quod & actus illius impediens reduceretur in aliquid principium cælestis sicut in causam. Ergo videtur quod motus humani ex necessitate proveniant, & non ex libera electione.

22. Præterea. Qui facit quod non vult, non habet liberam electionem. Sed homo facit quod non vult: ad Roman. vii. 15. *Quod odi malum, illud facio*. Ergo homo non habet liberam electionem suorum actuum.

23. Præterea. Augustinus dicit in Enchir. (cap. xxx. circa princ.) quod homo male utens libero arbitrio se (a) perdidit, & ipsum. Sed libere eligere non est nisi habentis liberum arbitrium. Ergo homo non habet liberam electionem.

24. Præterea. Augustinus dicit in VII. Confess. (cap. v. paulo a princ.) quod dum consuetudini non resistit, sit necessitas. Ergo videtur quod saltem in his qui sunt assueti aliquid facere, voluntas ex necessitate movetur.

Sed contra est quod dicit Eccli. xv. 14. *Deus ab initio constituit hominem, & reliquit eum in manu consilii sui*. Hoc autem non esset, nisi haberet liberam electionem, quæ est appetitus præconsilii, ut dicitur in III. Ethic. (cap. 11. & 111.) Ergo homo habet liberam electionem suorum actuum.

Præterea. Potentia rationales sunt ad opposita secundum Philosophum (IX. Metaph. com. 111.) Sed voluntas est potentia rationalis: est enim in ratione, ut dicitur in III. de Anima (com. 111.). Ergo voluntas se habet ad opposita, & non ex necessitate movetur ad unum.

Præterea. Secundum Philosophum in III. Ethic. (cap. v.) homo est dominus sui actus, & in ipso est agere, & non agere. Sed hoc non esset, si non haberet liberam electionem suorum actuum.

Respondeo dicendum, quod quidam posuerunt, quod voluntas hominis ex necessitate movetur ad aliquid eligendum; nec tamen ponebant, quod voluntas cogeretur. Non enim omne necessarium est violentum; sed solum id cuius principium est extra: unde & motus naturales inveniuntur aliqui necessarii, non tamen violenti: violentum enim

enim repugnat naturali, sicut & voluntario: quia utriusque principium est intra, violentum autem principium est extra. Hæc autem opinio est hæretica: tollit enim rationem meriti, & demeriti in humanis actibus. Non enim videtur esse meritum, vel demeritum quod aliquis sic ex necessitate agit quod vitare non possit. Est etiam annumeranda inter extraneas Philosophiarum opiniones: quia non solum contrariatur fidei, sed subvertit omnia principia Philosophiarum moralis. Si enim non sit liberum aliquid in nobis, sed ex necessitate movemur ad volendum, tollitur deliberatio, exhortatio, præceptum, & punitio, & laus, & vituperium, circa quæ moralis Philosophia constituitur. Huiusmodi autem opiniones, quæ destrunt principia alicuius partis Philosophiarum, dicuntur positiones extraneæ: sicut nihil moveri, quod destruit principia scientiæ naturalis. Ad huiusmodi autem positiones ponendas induci sunt aliqui homines partim quidem propter potestatem, partim propter at quas rationes sophisticas, quas solvere non poterunt, ut dicitur in IV. Metaphysic.

Ad evidentiam ergo veritatis circa hanc quæestionem primo considerandum est, quod sicut in aliis rebus est aliquod principium proprium actuum, ita etiam in hominibus. Hoc autem actuum, sive motivum principium in hominibus proprie est intellectus, & voluntas, ut dicitur in III. de Anima (com. xlii. & seq.) Quod quidem principium partim convenit cum principio activo in rebus naturalibus, partim ab eo differt. Convenit quidem, quia sicut in rebus naturalibus invenitur forma, quæ est principium actionis, & inclinatio consequens formam, quæ dicitur appetitus naturalis, ex quibus sequitur actio; ita in homine invenitur forma intellectiva, & inclinatio voluntatis consequens formam apprehensam, ex quibus sequitur exterior actio: sed in hoc est differentia, quia forma rei naturalis est forma individuatæ per materiam, unde & inclinatio ipsam consequens est determinata ad unum; sed forma intellectiva est universalis, sub qua multa possunt comprehendi: unde cum actus sint in singularibus, in quibus nullum est quod adæquet potentiam universalem, remanet inclinatio voluntatis indeterminata se habens ad multa: sicut si artifex coicipiat formam domus in universalis, sub qua comprehenduntur diversæ figuræ domus, potest voluntas eius inclinari ad hoc quod faciat domum quadratam, vel ro-

tundam, vel alterius figuræ. Principium autem activum in brutis animalibus medio modo se habet inter utrumque. Nam forma apprehensa per sensum est individualis, sicut & forma rei naturalis: & ideo ex ea sequitur inclinatio ad unum actum, sicut in rebus naturalibus; sed tamen non semper eadem forma recipitur in sensu, sicut est in rebus naturalibus, quia ignis est semper calidus, sed nunc una, nunc alia, puta, nunc forma delectabilis, nunc tristis: unde nunc fugit, nunc prosequitur; in quo convenit cum principio activo humano. Secundo considerandum est, quod potentia aliqua dupliciter movetur: uno modo ex parte subiecti, alio modo ex parte obiecti. Ex parte subiecti quidem, sicut visus per immutationem dispositionis organi movetur ad clarius, vel minus clare videndum; ex parte vero obiecti, sicut visus nunc videt album; nunc videt nigrum: & prima quidem immutatio pertinet ad ipsum exercitium actus, ut scilicet agatur, vel non agatur, sicut melius, vel debilius agatur; secunda vero immutatio pertinet ad specificationem actus: nam actus specificatur per obiectum. Est autem considerandum, quod in rebus naturalibus specificatio quidem actus est ex forma; ipsum autem exercitium est ab agente, quod causat ipsam motionem. Movens autem agit propter finem. Unde reliquitur quod primum principium motionis, quantum ad exercitium actus, sit ex fine. Si autem consideremus obiecta voluntatis, & intellectus, invenimus quod obiectum intellectus est primum principium in genere causæ formalis, est enim eius obiectum ens, & verum; sed obiectum voluntatis est primum principium in genere causæ finalis, nam eius obiectum est bonum, sub quo comprehenduntur omnes fines, sicut sub vera comprehenduntur omnes formæ apprehensæ. Unde & ipsum bonum, in quantum est quædam forma apprehensibilis, continetur sub vero quasi quoddam verum; & ipsum verum, in quantum est finis intellectualis operationis, continetur sub bono ut quoddam particulare bonum. Si ergo consideremus motum potentiarum animæ ex parte obiecti specificantis actum, primum principium motionis est ex intellectu: hoc enim modo bonum intellectum movet, etiam ipsam voluntatem. Si autem consideremus motus potentiarum animæ ex parte exercitii actus, sic principium motionis est ex voluntate. Nam semper per potentiam, ad quam pertinet finis principalis, movet ad actum potentiam.

entiam ad quam pertinet id quod est ad finem; sicut militaris movet fenorum fabricem ad operandum: & hoc modo voluntas movet seipsam, & omnes alias potentias. Intellego enim, quia volo; & similiter utor omnibus potentiis, & habitibus, quia volo: unde & Commentator definit habitum in III. de Anima (com. xviii.) quod habitus est, quo quis utitur cum voluerit.

Sic ergo ad ostendendum, quod voluntas non ex necessitate movetur, oportet considerare motum voluntatis & quantum ad exercitium actus, & quantum ad determinationem actus, qui est ex obiecto. Quantum ergo ad exercitium actus, primo quidem manifestum est quod voluntas movetur a seipsa: sicut enim movet alias potentias, ita & seipsam movet. Nec propter hoc sequitur quod voluntas secundum idem sit in potentia, & in actu. Sicut enim homo secundum intellectum in via inventionis movet seipsum ad scientiam, in quantum ex uno notum in actu venit in aliquid ignotum, quod erat solum in potentia notum; ita per hoc quod homo aliquid vult in actu, movet se ad velle aliquid aliud in actu; sicut per hoc quod vult sanitatem, movet se ad velle sanare sumere potionem: ex hoc enim quod vult sanitatem, incipit consiliari de his que conueniunt ad sanitatem; & tandem determinato consilio vult accipere potionem. Sic ergo voluntatem accipiendi potionem praecedit consilium, quod quidem procedit ex voluntate volentis consiliari. Cum ergo voluntas se consilio moveat, consilium autem est inquisitio quaedam non demonstrativa, sed ad opposita viam habens, non ex necessitate voluntas seipsam movet. Sed cum voluntas non semper voluerit consiliari, necesse est quod ab aliquo moveatur ad hoc quod velit consiliari: & si quidem a seipsa, necesse est iterum quod motum voluntatis praecedat consilium, & consilium praecedat actus voluntatis: & cum hoc in infinitum procedere non possit, necesse est ponere, quod quantum ad primum motum voluntatis moveatur voluntas cuiuscumque non semper actus volentis ab aliquo exteriori, cuius instinctu voluntas velle incipiat.

Posuerunt ergo quidam, quod iste instinctus est a corpore caelesti. Sed hoc esse non potest. Cum enim voluntas sit in ratione secundum Philosophum in II. de Anima (com. xlii.) ratio autem intellectus non sit virtus corporea, impossibile est quod virtus corporis caelestis moveat ipsam voluntatem directe. Ponere autem, quod voluntas

hominum moveatur ex impressione caelestis corporis, sicut appetitus brutorum animalium movetur, est secundum opinionem ponentium non differre intellectum a sensu. Ad hoc enim refert Philosophus in Lib. de Anima (II. com. cl.) verbum quorundam dicentium, quod talis est voluntas in hominibus qualem inducit pater virorum, deorumque, idest caelum, vel sol.

Retinquitur ergo, sicut concludit Aristoteles in cap. de bona fortuna (Lib. VII. Moral. ad Eudemum cap. xviii.) quod id quod primo movet voluntatem, & intellectum, sit aliquid supra voluntatem, & intellectum, scilicet Deus: qui cum omnia moveat secundum rationem mobilium, ut levia sursum, & gravia deorsum, etiam voluntatem movet secundum eius conditionem, non ut ex necessitate, sed ut indeterminate se habentem ad multa. Patet ergo quod si consideretur motus voluntatis ex parte exercitii actus, non movetur ex necessitate; si autem consideretur motus voluntatis ex parte obiecti determinantis actum voluntatis ad hoc vel illud volendum, considerandum est, quod obiectum movens voluntatem est bonum convenienti apprehensum: unde si aliquid bonum proponatur quod apprehendatur in ratione boni, non autem in ratione convenientis, non movebit voluntatem. Cum autem consilia, & electiones sint circa particularia, quorum est actus, requiritur ut id quod apprehenditur ut bonum, & convenienti, apprehendatur ut bonum, & convenienti in particulari, & non in universali tantum. Si ergo apprehendatur aliquid ut bonum convenienti secundum omnia particularia quae considerari possunt, ex necessitate movebit voluntatem; & propter hoc homo ex necessitate appetit beatitudinem, quae secundum Boetium (Lib. III. de consolat. profa 2.) est status omnium bonorum congregatione perfectus. Dico autem ex necessitate quantum ad determinationem actus, quia non potest velle oppositum; non autem quantum ad exercitium actus: quia potest aliquis non velle tunc cogitare de beatitudine: quia etiam ipsi actus intellectus, & voluntatis particulares sunt. Si autem sit tale bonum quod non inveniatur esse bonum secundum omnia particularia, quae considerari possunt, non ex necessitate movebit etiam quantum ad determinationem actus: poterit enim aliquis velle eius oppositum, etiam de eo cogitare: quia forte est bonum, vel convenienti secundum aliquid aliud particulare consideratum; sicut quod est bonum sanitati, non est bonum

num delectationis, & sic de aliis. Et quod voluntas feratur in id quod sibi offertur magis secundum hanc particularem conditionem quam secundum aliam, potest contingere tripliciter. Uno quidem modo in quantum una praeponderat, & tunc movetur voluntas secundum rationem; puta, cum homo praelegit id quod est utile sanitati, eo quod est utile voluptati. Alio vero modo in quantum cogitat de una particulari circumstantia, & non de alia; & hoc contingit plerumque per aliquam occasionem exhibitam vel ab interiori, vel ab exteriori, ut ei talis cogitatio occurrat. Terrio vero modo contingit ex dispositione hominis: quia secundum Philosophum (Lib. III. Ethic. cap. v. a med.) qualis unusquisque est, talis finis videtur ei. Unde aliter movetur ad aliquid voluntas irati, & voluntas quieti: quia non idem est conveniens utrique, sicut etiam aliter acceptatur cibus a sano, & aegro. Si ergo dispositio, per quam alicui videtur aliquid bonum, & conveniens, fuerit naturalis, & non subiacens voluntati, ex necessitate naturali voluntas praelegit illud, sicut omnes homines naturaliter desiderant esse, vivere, & intelligere. Si autem sit talis dispositio quae non sit naturalis, sed subiacens voluntati; puta, cum aliquid disponitur per habitum, vel passionem ad hoc quod sibi videatur aliquid vel bonum, vel malum in hoc particulari; non ex necessitate movetur voluntas: quia poterit hanc dispositionem removere, ut sibi non videatur aliquid sic; ut scilicet cum aliquis quietat in se iram, ut non iudicet de aliquo tamquam iratus. Facilius tamen removetur passio quam habitus. Sic ergo quantum ad aliqua voluntas ex necessitate movetur ex parte obiecti, non autem quantum ad omnia; sed ex parte exercitii actus, non ex necessitate movetur.

Ad primum ergo dicendum, quod aequitas ista dupliciter potest intelligi. Uno modo ut loquatur Propheta quantum ad executionem electionis: non enim est in potestate hominis ut expleat in effectu quod mente deliberat. Alio modo potest intelligi quantum ad hoc quod etiam interior voluntas movetur ab aliquo superiori principio, quod est Deus: & secundum hoc Apostolus dicit, quod non est *volentis*, scilicet velle, *neque currentis*, currere, sicut primi principii, sed *Dei miserentis*.

Unde patet solutio ad secundum.

Ad tertium dicendum, quod animalia bruta moventur per instinctum superioris agen-

tis ad aliquid determinatum secundum modum formae particularis, cuius conceptionem sequitur appetitus sensitivus. Sed Deus movere quidem voluntatem immutabiliter propter efficaciam virtutis moventis, quae deficere non potest; sed propter naturam voluntatis motae, quae indifferenter se habet ad diversa, non inducitur necessitas, sed mater libertas: sicut etiam in omnibus providentia divina infallibiliter operatur, & tamen a causis contingentibus proveniunt effectus contingenter, in quantum Deus omnia movet proportionabiliter, unumquodque secundum suum modum.

Ad quartum dicendum, quod voluntas aliquid consent cum a Deo movetur: ipsa enim est quae operatur, sed mota a Deo: & id eo motus eius quamvis sit ab extrinseco sicut a primo principio, non tamen est violentus.

Ad quintum dicendum, quod voluntas hominis quodammodo discordat a Dei voluntate, in quantum scilicet vult aliquid quod Deus non vult eam velle, ut cum vult peccare; licet etiam non velit Deus voluntatem hoc non velle: quia si vellet hoc Deus, fieret: omnia enim quaecumque voluit Dominus fecit. Et quamvis hoc modo discordet voluntas hominis a Dei voluntate quantum ad motum voluntatis, nunquam tamen potest discordare quantum ad exitum vel eventum: quia semper voluntas hominis hunc eventum sortitur, quod Deus de homine suam voluntatem implet. Sed quantum ad modum volendi, non oportet quod voluntas hominis Dei voluntati conformetur: quia Deus aeternaliter, & infinite vult unumquodque, non tamen homo: propter quod dicitur Isai. lv. 9. *Sicut exultantur celi a terra, ita sunt exaltatae viae meae a viis vestris*.

Ad sextum dicendum, quod ex hoc quod bonum est obiectum voluntatis, potest haberi quod voluntas nihil velit nisi sub ratione boni. Sed quia sub ratione boni multa & diversa continentur, non potest ex hoc haberi, quod ex necessitate voluntas moveatur in hoc vel in illud.

Ad septimum dicendum, quod activum non ex necessitate movetur, nisi quando superat virtutem passivi. Cum autem voluntas se habeat in potentia respectu boni universalis, nullum bonum superat virtutem voluntatis quasi ex necessitate ipsam movens, nisi id quod est secundum omnem considerationem bonum: & hoc solum est bonum perfectum, quod est beatitudo, quod voluntas

voluntas non potest non velle, ita scilicet quod velit eius oppositum; potest tamen non velle actum, quia potest avertere cogitationem beatitudinis; inquantum movet intellectum ad suum actum; & quantum ad hoc nec ipsam beatitudinem ex necessitate vult: sicut etiam aliquis non ex necessitate calefceret, si posset calidum a se repellere cum vellet.

Ad octavum dicendum, quod finis est ratio volendi ea quae sunt ad finem. Unde non similiter se habet voluntas ad utrumque.

Ad nonum dicendum, quod quando ad finem non potest perveniri nisi una via, tunc eadem ratio est volendi finem, & ea quae sunt ad finem; sed ita non est in proposito: nam multis viis ad beatitudinem perveniri potest: & ideo licet homo ex necessitate velit beatitudinem, nihil tamen eorum quae ad beatitudinem dicuntur, ex necessitate vult.

Ad decimum dicendum, quod de intellectu, & voluntate quodammodo est simile, & quodammodo dissimile. Dissimile quidem quantum ad exercitium actus: nam intellectus movetur a voluntate ad agendum, voluntas autem non ab alia potentia, sed a seipsa. Sed ex parte obiecti est utrobique similitudo: sicut enim voluntas movetur ex necessitate ab obiecto quod est omnifariam bonum, non autem ab obiecto quod potest accipi secundum aliquam rationem ut malum; ita etiam intellectus ex necessitate movetur a vero necessario, quod non potest accipi ut falsum, non autem a vero contingenti, quod potest accipi ut falsum.

Ad undecimum dicendum, quod dispositio primi moventis manet in his quae ab eo moventur, inquantum moventur ab ipso, sic enim eius similitudinem recipiunt; non tamen oportet quod totaliter eius similitudinem sequantur: unde primum principium movens est immobile, non autem alia.

Ad duodecimum dicendum, quod ex hoc ipso quod verum est intentio quadam quasi in mente existens, habet quod sit magis formale quam bonum, & magis motivum in ratione obiecti; sed bonum est magis motivum secundum rationem finis, ut dictum est (in corp. art.)

Ad decimumtertium dicendum, quod amor dicitur transformare amantem in amatum, inquantum per amorem movetur amans ad ipsam rem amatam; cognitio vero assimilat, inquantum similitudo cogniti fit in cognoscente: quorum primum pertinet ad imi-

tationem, quae est ab agente, quod quaerit finem; secundum vero pertinet ad imitationem, quae est secundum formam.

Ad decimumquartum dicendum, quod assentire non nominat motum intellectus ad rem, sed magis ad conceptionem rei quae habetur in mente; cui intellectus assentit dum iudicat eam esse veram.

Ad decimumquintum dicendum, quod non omnis causa ex necessitate inducit effectum, etiam si sit causa sufficiens, eo quod causa potest impediri, ut quandoque effectum suum non consequatur; sicut causae naturales, quae non ex necessitate producant suos effectus, sed ut in pluribus, quia in paucioribus impediuntur. Sic ergo illa causa quae facit voluntatem aliquid velle, non oportet quod ex necessitate hoc faciat, quia potest per ipsam voluntatem impedimentum praestari, vel removendo talem considerationem quae inducit eum ad volendum, vel considerando oppositum, scilicet quod hoc quod proponitur ut bonum, secundum aliquid non est bonum.

Ad decimumsextum dicendum, quod Philosophus in VI. Metaph. (Lib. IX. com. iv. & x.) offendit per illud medium, non quod aliqua potentia non sit activa ad contraria se habens, sed quod potentia activa ad contraria se habens non ex necessitate producat suum effectum. Hoc enim posito, manifeste sequeretur quod contraria essent finis. Si autem detur, quod a qua potentia activa ad opposita se habeat, non sequitur opposita esse finis: quia esset utrumque oppositorum, ad quod potentia se habet, sit possibile, unum tamen est impossibile alteri.

Ad decimumseptimum dicendum, quod voluntas quando de novo incipit eligere, transmutatur a sua priori dispositione quantum ad hoc quod prius erat eligens in potentia, & postea fit eligens actu: & hac quidem transmutatio est ab aliquo movente, inquantum ipsa voluntas movet seipsam ad agendum, & inquantum etiam movetur ab aliquo exteriori agente, scilicet Deo. Non tamen ex necessitate movetur, ut dictum est (in corp. art.)

Ad decimumoctavum dicendum, quod principium humanae cognitionis est a sensu; non tamen oportet quod quicquid ab homine cognoscitur, sit sensui obiectum, vel per effectum sensibilem immediate cognoscatur: nam & ipse intellectus intelligit seipsum per actum suum, qui non est sensui subiectus; similiter etiam & interiori actum voluntatis

tatis intelligit, inquantum per actum intellectus quodammodo movetur voluntas, & alio modo actus intellectus causatur a voluntate, ut dictum est (in corp. art.) sicut effectus cognoscitur per causam, & causa per effectum. Dato tamen quod potentia voluntatis ad opposita se habens non possit cognosci nisi per effectum sensibilem, adhuc ratio non sequitur. Sicut enim universale, quod est ubique, & semper, cognoscitur a nobis per singularem, quod sunt hic & nunc; & materia prima, quae est in potentia ad diversas formas, cognoscitur a nobis per successione formaturum, quae tamen non sunt simul in materia: ita & potentia voluntatis ad opposita se habens cognoscitur a nobis, non quidem per hoc quod actus oppositi sunt simul, sed quia successive sibi invicem succedunt ab eodem principio.

Ad decimum nonum dicendum, quod ista propositio: *Sicut se habet actus ad actum, ita se habet potentia ad potentiam*: quodammodo est vera, & quodammodo est falsa. Si enim accipitur actus ex quo correspondens potentia ut universale obiectum ipsius, veritatem habet propositio: sic enim se habet auditus ad visum, sicut sonus ad colorem. Si autem accipitur id quod continetur sub obiecto universali sicut particularis actus, sic propositio veritatem non habet: una est enim potentia visiva, cum tamen album, & nigrum non sint idem. Licet ergo simul insit homini potentia voluntatis ad opposita se habens, tamen opposita illa ad quae se habet voluntas, non sunt simul.

Ad viceimum dicendum, quod idem secundum idem non movet seipsum; sed secundum aliud potest seipsum movere: sic enim intellectus, inquantum intelligit actum principia, reducit seipsum de potentia in actum quantum ad conclusiones; & voluntas inquantum vult finem, reducit se in actum quantum ad ea quae sunt ad finem.

Ad viceimum primum dicendum, quod motus voluntatis, cum sint multiformes, reducuntur ad aliquod principium uniforme: quod tamen non est corpus caeleste, sed Deus, ut dictum est (in corp.) si accipitur principium quod directe voluntatem movet. Si autem loquamur de motu voluntatis secundum quod movetur ab exteriori sensibili per occasionem, sic motus voluntatis reducit in corpus caeleste. Nec tamen ex necessitate voluntas movetur: non enim est necessarium quod praesentis cibis delectabilibus, voluntas appetat ipsos. Neque tamen verum est quod ea quae directe causantur a

corporibus caelestibus, ex necessitate ab ipsis proveniant: ut enim Philosophus dicit in VI. Metaphys. (com. v. vi. & vii.) si omnis effectus ea aliqua causa procederet, & omnis causa ex necessitate produceret suum effectum, sequeretur quod omnia essent necessaria. Sed utrumque istorum est falsum: quia aliquae causae, etiam cum sint sufficientes, non ex necessitate produciunt suos effectus, quia possunt impedi, sicut patet in omnibus causis naturalibus. Nec iterum verum est quod omne quod fit, habeat causam naturalem: ea enim quae sunt per accidens, non sunt ab aliqua causa activa naturali: quia quod est per accidens, non est ens, & unum. Sic ergo occurrit impedientis, cum sit per accidens, non reduci in corpus caeleste sicut in causam: agit enim corpus caeleste per modum agentis naturalis.

Ad viceimum secundum dicendum, quod ille qui facit quod non vult, non habet liberam actionem; sed potest habere liberam voluntatem.

Ad viceimum tertium dicendum, quod homo peccans liberum arbitrium perdit quantum ad libertatem quae est a culpa, & miseria, non autem quantum ad libertatem quae est a coactione.

Ad viceimum quartum dicendum, quod consuetudo facit necessitatem non simpliciter, sed in repentinis praecipue: nam ex deliberatione quantumcumque consuetudine potest contra consuetudinem agere.

QUAESTIO VII.

De peccato veniali,

in duodecim articulos divisa.

Primo enim quaeritur, utrum veniale peccatum convenienter dividatur contra mortale.

Secundo. Utrum peccatum veniale diminuat caritatem.

Tertio. Utrum veniale peccatum possit fieri mortale.

Quarto. Utrum circumstantia faciat de veniali mortale.

Quinto. Utrum in ratione superiori possit esse veniale peccatum.

Sexto. Utrum in sensualitate possit esse peccatum veniale.

Septimo. Utrum homo in statu innocentiae potuerit peccare venialiter.

Octa-

Octavo. Utrum primi motus in infidelibus sint peccata venialia.

Nono. Utrum Angelus bonus, vel malus possit peccare venialiter.

Decimo. Utrum peccatum veniale sine caritate puniatur poena aeterna.

Undecimo. Utrum aliqua peccata venialia remittantur post hanc vitam in purgatorio.

Duodecimo. Utrum peccata venialia remittantur hic per asperisionem aquae benedictae.

ARTICULUS I.

Utrum veniale peccatum dividatur contra mortale.

Questio est de veniali peccato: & primo queritur, utrum veniale peccatum convenienter dividatur contra mortale. Et videtur quod non. Quia, ut Augustinus dicit XXII. contra Faustum (cap. xxviii. in princ.) peccatum est dictum, vel factum, vel concupitum contra legem aeternam. Sed omne peccatum quod est contra legem aeternam, est mortale. Ergo omne peccatum est mortale. Non ergo recte dividitur peccatum in mortale, & veniale.

2. Præterea. Peccatum meretur poenam secundum suam rationem. Poenae autem contrariatur venia, quae tollit ipsam. Ergo veniale repugnat rationi peccati. Sed nulla differentia divisiva generis repugnat ei. Ergo peccatum non potest convenienter dividi per mortale, & veniale.

3. Præterea. Quicumque inordinate convertitur, convertitur ad aliquod bonum commutabile. Sed qui convertitur ad bonum commutabile, avertitur ab incommutabili: quia qui accedit ad unum terminum, recedit ab altero in quolibet motu. Ergo quicumque peccat, avertitur a bono incommutabili. Hoc autem est peccare mortaliter. Ergo quicumque peccat, peccat mortaliter. Non ergo peccatorum aliud est mortale, & aliud veniale.

4. Præterea. Omne peccatum consistit in aliquo inordinato amore creaturae. Sed quicumque amat, aut amat ut utens, aut ut fruens. Qui autem amat creaturam ut utens, non peccat: quia refert eam ad finem beatitudinis, quod est uti, ut beatus Augustinus dicit in I. de doctr. christi. (cap. iv.) Si autem amat creaturam ut fruens ea, pec-

cat mortaliter: quia constituit finem ultimum in creatura. Ergo amans creaturam vel non peccat, vel peccat mortaliter; & sic idem quod prius.

5. Præterea. Eorum quae ex opposito dividuntur, unum non transit in alterum: numquam enim albedo fit nigredo, neque e converso. Sed veniale fit mortale: dicit enim quidam Glossa (Augustini, ut refertur in Decret. dist. xxv. cap. *Unum orarium*) super *Beati quorum remissa sunt iniquitates* (Psalm. xxxi.). „Nihil est adeo veniale quin possit fieri mortale dum placet.“ Ergo veniale non (a) debet dividi contra mortale.

6. Præterea. Si non placet, non est peccatum, quia non est voluntarium; si autem placet, est mortale, ut patet per Glossam inductam (arg. præc.) Ergo aut non est peccatum, aut est mortale.

7. Præterea. Quod disponit ad aliquid, non dividitur contra illud: quia unum oppositorum non disponit ad alterum. Sed veniale disponit ad mortale. Ergo veniale non debet dividi contra mortale.

8. Præterea. Anselmus dicit in Lib. *Cur Deus homo* (I. cap. xi. parum a princ.) quod debitum est quod voluntas creaturae rationalis sit subdita voluntati divinae: hoc qui tollit, tollit honorem Deo debitum, & eum dehonorat. Sed dehonorare Deum est peccare mortaliter. Quicumque autem peccat, hoc modo dehonorat Deum: quia non subicit suam voluntatem voluntati divinae. Ergo quicumque peccat, peccat mortaliter.

9. Præterea. Homo tenetur ex præcepto ut omnia quae facit, ordinet in Deum sicut in finem: dicitur enim I. ad Corinth. x. 31. *Sive manducatis, sive bibitis, sive aliquid aliud facitis, omnia in gloriam Dei facite*. Sed peccatum veniale non est referibile in Deum. Ergo quicumque peccat venialiter, facit contra præceptum: ergo peccat mortaliter.

10. Præterea. Augustinus dicit in Lib. lxxxiii. Quæstionum (quæst. xxx. parum a princ.) *Hoc est totum & solum malum hominis, uti fruendis, vel frui utendis*. Sed utrumque istorum est peccatum mortale: quia ille qui utitur fruendis, non constituit ultimum finem (b) in Deo, quo solo fruendum est; ille autem qui fruitur utendis, constituit ultimum finem in creatura: quorum utrumque facit peccatum mortale. Ergo.

S 2 omne

(a) *Id.* dicitur. (b) *Id.* in Deum.

omne malum culpæ est peccatum mortale.

11. Præterea. Cum pœna respondeat culpæ, ubi est eadem pœna, videtur esse eadem ratio culpæ. Sed peccato veniali debetur eadem pœna quæ & mortali: dicit enim Augustinus in quodam sermone de purgatorio (serm. 1v. in die animarum) quod adulari alicui alteri personæ est peccatum veniale: & tamen clericus pro adulatione degradatur, ut habetur xlvj. dist. (cap. Clericus in primo.) Ergo eadem est ratio culpæ venialis, & mortalis. Non ergo peccatum veniale dividitur convenienter contra mortale.

12. Sed dicendum, quod peccatum veniale differt a mortali, subiecto: nam veniale peccatum est in sensualitate, mortale autem in ratione. Sed contra. (1.) Consensus in actum pertinet ad rationem superiorem, secundum Augustinum in Lib. de Trin. (Lib. XII. cap. xii.) Sed aliquis consensus in actum est veniale peccatum, sicut consentire in verbum otiosum. Ergo assignata differentia nunc est conveniens.

13. Præterea. Primi motus spiritualium peccatorum sunt peccata venialia. Non autem sunt in sensualitate, sed magis in ratione. Ergo peccatum veniale non est tantum in sensualitate.

14. Præterea. Illud in quo communicamus cum brutis, non videtur esse subiectum peccati: cum in brutis non sit peccatum. Sed in sensualitate communicamus cum brutis. Ergo in sensualitate non potest esse peccatum nec veniale, nec mortale.

15. Præterea. Necessitas excludit rationem peccati: quia in his quæ ex necessitate sunt, non est laus, vel vituperium. Sed sensualitas subicitur necessitati: quia est alligata organo corporali. Ergo in sensualitate non potest esse peccatum.

16. Præterea. Anselmus dicit (Lib. de peccato origin. cap. 1v.) quod sola voluntas puniatur. Pœna autem debetur peccato. Ergo in sola voluntate est peccatum: non ergo in sensualitate.

17. Præterea. Si in superiori ratione sit peccatum mortale, aut hoc erit directe, aut indirecte. Sed directe & secundum se peccatum mortale in ea esse non potest, quia non potest errare: cum secundum Augustinum (XII. de Trin. cap. 11. in fine) eius sit inspicere rationes æternas, in quibus non est error. Errant autem qui operantur malum,

ut dicitur Proverb. xiv. 22. Similiter nec indirecte ex hoc quod non cohibet inferiores vires: non est enim hoc in eius potestate, quia per originale peccatum amissis potestate continendi inferiores vires, ut Augustinus dicit (Lib. I. de nuptiis, & conc. cap. xxi.) Ergo in ratione superiori non potest esse peccatum mortale.

18. Item. Diceretur, quod peccatum veniale, & mortale differunt in hoc quod aliquis peccans mortaliter, diligit creaturam plus quam Deum; peccans autem venialiter, diligit creaturam infra Deum. Sed contra. Ponatur quod aliquis putet fornicationem simplicem non esse peccatum mortale, & fornicetur tali opinione durante; sed fornicari dimitteret, si sciret hoc esse contra Deum: constat quod iste peccat mortaliter, quia ignorantia iuris non excusat eum. Et tamen plus diligit Deum quam fornicationem: illud enim plus diligit propter quod alterum dimittitur. Ergo non omnis qui peccat mortaliter, diligit creaturam plus quam Deum.

19. Præterea. Magis, & minus non differunt speciem. Sed mortale, & veniale differunt specie. Ergo non differunt per hoc quod est magis, vel minus creaturam quam Deum diligere.

20. Præterea. Ubicumque est invenire maius, & minus, est invenire æquale: quia remoto eo quod superabundat a maiori, remanet æquale. Sed contingit aliquem plus diligere creaturam quam Deum, & etiam minus. Ergo contingit etiam æqualiter creaturam diligere Deo: ergo erit aliquod peccatum medium inter mortale, & veniale; & sic divisio non erit sufficiens.

21. Item. Diceretur, quod peccatum mortale, & veniale differunt quantum ad effectum in hoc quod peccatum mortale privat gratiam, veniale autem non. Sed contra. Gratia non potest esse sine virtute. Sed veniale peccatum tollit virtutem, quæ consistit in ordine amoris, secundum Augustinum in Lib. de moribus Ecclesiæ (cap. xv.) veniale autem peccatum ordinem amoris tollit; alias non esset peccatum. Ergo etiam veniale peccatum tollit gratiam.

22. Præterea. Ad gratiam pertinet ordinare hominem in Deum sicut in suum finem. Sed veniale tollit ordinem in Deum sicut in finem: non enim potest ordinari in Deum sicut in finem. Ergo veniale peccatum tollit gratiam.

23. Præterea. Quicumque offenditur Deus, ille non habet eius gratiam. Sed propter veniale offenditur alicui Deus, quia puni- eum. Ergo veniale tollit gratiam.

24. Item. Diceretur, quod peccatum veniale differt a mortali quantum ad reatum: nam peccatum mortale facit reum pœna æterna, peccatum vero veniale pœna tempo- rali. Sed contra. Augustinus dicit super Ioannem (tract. lxxxix.) quod inibi- litas est peccatum, quo terrent omnia retinen- tur; & sic patet quod infideli peccata venialia non dimittuntur. Sed manente culpa non tollitur reus pœnæ. Ergo peccata venialia infidelium puniuntur pœna æterna. Non ergo peccatum veniale differt a morta- li, ut contra illud dividi possit.

Sed contra est quod dicitur I. Inan. 1. 8. *Si dixerimus quia peccatum non habemus, non ipsos seducimus.* Sed hoc non potest in- telligi de peccato mortali, ut Augustinus dicit (tract. t. in Canon. Ioannis) quia in sanctis peccatum mortale non est. Ergo est aliquod peccatum veniale, quod potest dividi contra mortale.

Præterea, Augustinus dicit homil. vii. (xli.) super Ioannem, quod crimen est quod damnationem meretur. Veniale autem est quod non meretur damnationem. Ergo pec- catum veniale convenienter contra mortale dividitur.

Respondendo dicendum, quod veniale dicitur a venia. Tripliciter autem a venia dicitur aliquod peccatum veniale. Primo quidem modo, quia iam consecutum est veniam, sicut Ambrosius dicit (Lib. de paradiso cap. xiv. a med.) quod peccatum mortale per confessionem fit veniale: & hoc dicitur secundum quosdam veniale ab eventu. Patet autem quod hoc veniale contra mortale non dividitur. Secundo dicitur peccatum veniale, quia habet in se aliquam causam veniæ, non quod non puniatur, sed quod minus puniatur: & hoc modo dicitur veniale peccatum quod est ex inimitate, vel exigentia: quia inimitas peccatum excusat vel in toto, vel in parte: & hoc dicitur secundum quosdam veniale, ex causa tamen. Nec hoc etiam veniale contra mortale dividitur: quia contingit aliquem ex ignorantia, vel inimitate peccantem peccare mortaliter, ut in superioribus questionibus habitum est. Tertio modo dicitur aliquod peccatum veniale, quia quantum est de se, veniam non excludit, id est terminationem pœnæ: & hoc modo veniale dividitur con-

tra mortale, quod quantum est de se, me- ratur pœnam æternam, & sic veniam ex- cludit, id est terminationem pœnæ: & hoc secundum quosdam dicitur veniale in genere.

Ut autem differentiam ad distinguendum veniale peccatum a mortali inquiramus, considerandum est, quod differunt quidem secundum reatum: nam peccatum mortale meretur pœnam æternam, peccatum vero veniale pœnam temporalem. Sed ista diffe- rentia consequitur rationem peccati morta- lis, & venialis; non autem constituit ipsam. Non enim ex hoc est tale peccatum, quia talis pœna ei debetur; sed potius e conver- so, quia peccatum est tale, ideo talis pœ- na ei debetur. Similiter etiam differunt quantum ad effectum: nam peccatum mor- tale privat gratiam, veniale autem non. Sed nec ista est differentia quam querimus: quia ista differentia consequitur ad rationem peccati: ex eo enim quod peccatum est tale, talis effectum habet, & non e conver- so. Differentia autem quæ est ex parte sub- iecti, constitueret diversam rationem pecca- ti, si peccatum veniale semper esset in sen- sualitate, & in ratione semper esset pecca- tum mortale. Sic enim secundum subiectum distinguitur virtus intellectualis a morali se- cundum Philosophum in Lib. Ethic. (Lib. I. cap. ult. & Lib. VI. cap. 1.) quia virtus moralis est in rationali participative, id est in appetitiva; virtus autem intellectualis in ipsa ratione. Sed hoc non est verum: quia peccatum veniale potest etiam esse in ratio- ne, ut in obiciendo (arg. 12.) est os- tensum. Unde etiam secundum hanc diffe- rentiam non potest sumi diversitas ratio utrius- que peccati. Quarta vero differentia, quæ est secundum modum diligendi constituit quidem diversam rationem peccati; sed so- lum quantum ad actum voluntatis, quod est ex parte agentis. Peccatum autem veniale, non solum consistit in actu interiori voluntatis, sed etiam in actu exteriori. Sunt enim quidam exterioresactus qui ex genere suo sunt peccata venialia, ut dicere verbuni otiosum, vel mendacium locosum, & huiusmodi; sunt autem quedam quæ ex genere suo sunt peccata mortalia, ut homi- cidium, adulterium, blasphemia, & huius- modi. Diversitas autem quæ est ex parte actus voluntatis, non diversificat genera exteriorum actuum: nam aliquod quod est bonum ex genere, potest fieri ex mala volun- tate; puta, si quis det elemosynam propter inanem gloriam: similiter aliquod quod est ve-

veniale ex suo genere, potest esse mortale propter voluntatem facientis; puta, si quis dicat verbum otiosum in contemptum Dei. Sed exteriores actus differunt genere per sua obiecta: unde dicitur communiter, quod bonum in genere est actus cadens supra debitam materiam, & malum in genere est actus cadens supra indebitam materiam. Oportet ergo quod malum veniale ex genere dicatur ex eo quod cadit super aliquam materiam non debitam; & similiter mortale ex genere.

Ad hoc ergo investigandum, considerandum est, quod peccatum consistit in quadam deordinatione animæ, sicut morbus consistit in quadam deordinatione corporis: unde peccatum est quasi quidam morbus animæ; & hoc est venia peccatum quod curatio morbo. Sicut ergo sunt quidam morbi curabiles, quidam incurabiles, qui dicuntur mortales; ita sunt quædam peccata quasi curabilia, quæ dicuntur venialia, & quædam quantum est de se incurabilia, licet a Deo curati possint, quæ dicuntur mortalia. Dicitur autem morbus incurabilis & mortalis, per quem tollitur aliquod principium vitæ. Hoc enim si tollatur, non remanet aliquid per quod reparari possit: & ideo talis morbus curari non potest, sed inducit mortem. Est autem aliquis morbus qui non tollit aliquod principiorum vitæ, sed aliquod eorum consequentium ad principia vitæ, (a) quæ per principia vitæ reparari possunt; puta, febris tertiana, quæ consistit in superabundantia cholæræ, quam virtus naturæ superare potest. Principium autem in operationibus est finis, secundum Philosophum in VI. Ethic. (Lib. VII. cap. viii. a. med.) Unde principium spiritualis vitæ, quæ consistit in rectitudine actionis, est finis humanarum actionum, qui est caritas Dei, & proximi: *finis enim precepti caritas est*, ut dicitur I. ad Tim. i. 5. Per caritatem enim anima coniungitur Deo, qui est vita animæ, sicut anima est vita corporis. Et ideo si caritas excludatur, est peccatum mortale: non enim remanet aliquod principium vitæ, per quod iste defectus reparetur, sed reparari potest per Spiritum sanctum: quia, sicut dicitur Roman. v. 5. *caritas Dei diffusa est in cordibus nostris per Spiritum sanctum, qui datus est nobis*. Si autem sit talis defectus relictionis qui caritatem non excludat, erit peccatum veniale: quia per caritatem remanentem, quasi per principium vitæ, omnes de-

fectus reparari possunt: *universa enim delicta operis caritas*, ut dicitur Proverb. x. 12. Quod autem aliquod peccatum excludat caritatem, vel non excludat, potest contingere dupliciter: uno modo ex parte peccantis; alio modo ex ipso genere operis. Ex parte quidem peccantis dupliciter. Uno modo quia actus peccati est potentia talis cuius non est ordinare ad finem; & ideo nec eius est averti a fine: & ideo motus sensualitatis non potest esse peccatum mortale, sed veniale tantum: ordinare enim aliquid ad finem, pertinet ad rationem tantum. Alio modo ex eo quod potentia quæ potest ordinare in finem, & averti a fine, actum aliquem qui etiam de se non contrariatur fini, potest ordinare in contrarium finis; puta, si quis verbum otiosum dicat in contemptum Dei, quod contrariatur caritati, hoc erit peccatum mortale; sed non ex genere operis, sed ex perversa voluntate facientis. Alio modo contingit quod aliquod peccatum contrarietur caritati, vel non contrarietur ex ipso genere operis, quod est ex parte obiecti, vel materię, quæ est contraria caritati, vel non contraria. Sicut enim aliquis cibus est ex se contrarius vitæ, puta cibus venenosus; aliis autem cibus non est contrarius vitæ, licet impedimentum aliquod afferat ad rectam habitudinem vitæ, puta cibus grossus, & non bonæ digestionis, vel etiam si sit bonæ digestionis, quia non sumitur secundum mensuram debitam: ita etiam in actibus humanis aliquid invenitur quod de se contrariatur caritati Dei, & proximi: illa scilicet per quæ tollitur subiectio, & reverentia hominis ad Deum, ut blasphemia, idolatria, & huiusmodi; & etiam ea quæ tollunt convivium societatis humanæ, sicut furtum, homicidium, & huiusmodi: non enim possent homines convivere ad invicem, ubi passim & indifferenter ista perpetrarentur; & ista sunt peccata mortalia ex suo genere, quacumque intentione, vel voluntate fiant. Quædam autem sunt, quæ licet inordinationem: aliquam contineant, non tamen directe excludunt alterum prædictorum; sicut quod homo dicat mendacium non in fide, neque ad nocendum proximo, sed ad delectandum, vel etiam ad iuvandum; vel si quis excedat in cibo, vel potu, & alia huiusmodi: unde ista sunt venialia peccata ex suo genere.

Ad primum ergo dicendum, quod duplex est divisio: una qua dividitur genus univer-

salium

(a) Al. quia.

cum in suas species, quæ ex æquo participant genus, sicut animal in bovem, & equum; alia est divisio communis analogi in ea de quibus dicitur secundum prius & posterius; sicut ens dividitur per substantiam, & accedens, & per potentiam, & actum: & in talibus ratio communis perfecte saluatur in uno; in aliis autem secundum quid, & per posterius; & talis est divisio peccati per veniale, & mortale. Unde prædicta definitio peccati perfecte quidem convenit peccato mortali, imperfecte autem & secundum quid peccato veniali: unde convenienter dicitur, quod peccatum veniale non est contra legem, sed præter legem: quia si in aliquo recedit ab ordine legis, non tamen ipsam corrumpit, quia non corrumpit dilectionem, quæ est plenitudo legis, ut dicitur Rom. xii.

Ad secundum dicendum, quod veniale est differentia diminuens de ratione peccati, & talis differentia invenitur in omnibus quæ participant aliquod commune imperfecte, & secundum quid.

Ad tertium dicendum, quod finis habet rationem termini, non autem id quod est ad finem. Veniale autem non convertitur ad bonum commutabile ut ad finem; & ideo non convertitur ad ipsum ut ad alium terminum a Deo, ut propter hoc sit necessarium a Deo averti.

Ad quartum dicendum, quod ille qui peccat venialiter, non fruitur creatura, sed utitur ea: refert enim eam habitu in Deum, licet non actu. Nec in hoc contra præceptum facit, quia non teoetur semper actu referre in Deum.

Ad quintum dicendum, quod veniale peccatum, in quantum veniale, numquam fit mortale, sicut nec albedo fit nigredo; sed actus qui est venialis in suo genere, potest fieri mortale peccatum ex voluntate ponentis finem in creatura: quia & id quod est ex natura sua frigidum, potest fieri calidum, sicut aqua.

Ad sextum dicendum, quod peccatum veniale fit mortale, quando placet non quocumque modo, sed sicut finis.

Ad septimum dicendum, quod aliquando aliquid dividitur contra alterum, quia secundum essentiam suam opponuntur; sicut album & nigrum, calidum & frigidum: & hominum unum non disponit ad alterum. Aliquando autem aliqua dividuntur ad invicem, quia opponuntur secundum rationem perfecti, & imperfecti, quorum unum ordi-

natur ad alterum, sicut accidens ad substantiam, & potentia ad actum: & hoc modo etiam veniale dividitur contra mortale, & disponit ad ipsum.

Ad octavum dicendum, quod voluntas creaturæ rationalis obligatur ad hoc quod sit subdita Deo; sed hoc fit per præcepta affirmativa; & negativa: quorum negativa obligant semper, & ad semper; affirmativa vero obligant semper, sed non ad semper. Cum ergo aliquis peccat venialiter, tunc quidem non reddit honorem debitum Deo, servando præceptum affirmativum in actu; sed hoc non est peccare mortaliter; sicut peccat mortaliter qui dehonorat Deum, transgrediendo præceptum negativum, vel non implendo præceptum affirmativum tempore quo obligat.

Ad nonum dicendum, quod cum illud præceptum Apostoli sit affirmativum, non obligat ad hoc quod semper observetur in actu. Observatur autem semper in habitu, quamdiu homo habitualiter habet Deum sicut ultimum finem; quod non excluditur per peccatum veniale.

Ad decimum dicendum, quod Augustinus ibi loquitur de perfecto malo culpæ, quod est peccatum mortale.

Ad undecimum dicendum, quod adulari solummodo ad placendum, ex genere suo est peccatum veniale, cum sit quidam vanitas; sed adulari ad decipiendum, est peccatum mortale, secundum illud Isai. lxxi.

12. *Popule meus, qui beatum te dicunt, isti te decipiunt*: & de tali adulatione loquitur canon Clericus qui (dist. xlv.) unde ibi dicitur quod clericus qui vacat adulationibus, & predicationibus, debet degradari.

Ad duodecimum dicendum, quod illa differentia ex parte subiecti non est constitutiva mortalitatis, & venialis peccati; sed est concomitans: & ideo nihil prohibet aliquod peccatum veniale esse in superiori ratione.

Et similiter dicendum ad decimumtertium.

Ad decimumquartum dicendum, quod sensualitas in brutis non participat aliquo modo ratione, sicut in nobis, ut dicitur in I. Ethic. (cap. ult.) & secundum hoc potest esse subiectum peccati.

Ad decimumquintum dicendum, quod etiam ipsum organum corporale obedit aliquo modo rationi; & secundum hoc in actu eius potest esse peccatum, & similiter in actu sensualitatis.

Ad decimumsextum dicendum, quod in sola

solā voluntate est peccatum sicut in primo movente; in aliis autem vitibus sicut in imperatis, & motis.

Ad decimumseptimum dicendum, quod in superiori ratione potest esse mortale peccatum & directe, & indirecte. Erri enim non erret inquantum aspicit rationes æternas, errare tamen potest inquantum ab eis potest averti. Similiter etiam dicendum, quod ex peccato originali non est consecutum quod nullo modo inferiores vires obediunt rationi; sed in hoc quod non totaliter obediunt, sicut in statu innocentiz.

Ad decimumoctavum dicendum, quod illa differentia conveniens est, secundum quod differentia peccati mortalis, & venialis accipitur ex parte voluntatis; sed quædam sunt mortalia ex suo genere, quæ qualicumque voluntate fiant, semper sunt peccata mortalia: & de istis procedit obiectio. In his autem ipsum opus ex suo genere est contra dilectionem Dei; sicut si aliquis lædat aliquem, ipso opere contra caritatem facit.

Ad decimumnonum dicendum, quod magis, & minus quando consequuntur rationes diversas, diversificant speciem: & ita est in proposito. Nam diligere aliquid ut finem, & sicut id quod est ad finem, non habet eandem rationem dilectionis.

Ad vicecesimum dicendum, quod bene contingit in aliquo qui est extra caritatem, quod aliquam creaturam diligat plus quam Deum, & aliquam æqualiter Deo, & aliquam etiam minus Deo; sed non contingit quod aliquis diligat aliquam creaturam æqualiter Deo, ita quod nullam diligat plus quam Deum: quia necesse est quod homo in aliquo uno constituat ultimum finem suæ voluntatis.

Ad vicecesimum dicendum, quod illa differentia est consecutiva; & non constitutiva mortalis, & venialis peccati. Ille autem qui peccat venialiter, caret ordine amoris in aliquo actu circa ea quæ sunt ad finem, non autem simpliciter quantum ad finem ipsum; & ideo non tollit virtutem, nec gratiam.

Ad vicecesimumsecundum dicendum, quod aliud est non ordinari in Deum, quod convenit veniali; & aliud est excludere ordinem ad Deum, quod convenit mortali.

Ad vicecesimumtercium dicendum, quod illud qui peccat venialiter, Deus punit, non tamquam odiens ipsum, sed tamen quam filium quem diligit, purgans, & emundans.

Ad vicecesimumquartum dicendum, quod

peccata venialia eorum qui in infidelitate decedunt, vel in quocumque peccato mortali, æternaliter puniuntur, non propter se, quia non privant gratiam, sed propter peccatum coniunctum, per quod gratia est privata.

ARTICULUS II.

Utrum peccatum veniale diminuat caritatem.

1. 2. *quæst. lxxvii. & lxxxix.*

Secundo queritur, utrum peccatum veniale diminuat caritatem. Et videtur quod sic. Dicit enim Augustinus X. Confessi. (cap. xxix. a nied.) *Minus te amat qui tecum aliquid amat, quod non propter te amat. Sed ille qui peccat venialiter, aliquid amat cum Deo, quod non propter Deum amat; alias non peccaret amando. Ergo ille qui peccat venialiter, minus amat Deum.*

2. Præterea. Contraria nata sunt fericea idem. Augmentum, & diminutio sunt contraria. Caritas autem augetur, secundum illud ad Philipp. 1. 9. *Oro ut caritas vestra magis & magis abundet.* Ergo etiam diminuitur. Sed non diminuitur per peccatum mortale, immo totaliter tollitur. Ergo diminuitur per peccatum veniale.

3. Sed dicendum, quod caritas quantum ad suam acquisitionem diminuitur per peccatum veniale, quia facit peccatum veniale ut minus aliquis de caritate recipiat; sed postquam caritas est iam infusa, non potest per peccatum veniale diminui. Sed contra. Secundum Philosophum in II. Ethic. (cap. 1. 11. 111.) eadem sunt per quæ generatur virtus, corrumpitur, & diminuitur. Si ergo peccatum veniale facit ad hoc quod generetur per infusionem minor caritas, faciet etiam ad hoc quod caritas habita diminuat.

4. Præterea. Quidquid diminuit differentiam constitutivam alicuius speciei, diminuit essentiam eius. Sed difficile mobile est differentia constitutiva habitus, quam diminuit peccatum veniale: quia per peccatum veniale fit homo promior ad calum mortalis peccati, per quod amittitur caritas. Ergo veniale peccatum diminuit habitum caritatis.

5. Præterea. Omnis amor vel est cupiditatis, vel caritatis, ut accipitur ab Augustinus

Abus IX. de Trin. (Lib. VIII. cap. vii. in princ.) Sed ille qui peccat venialiter, amat creaturam, non quidem amore caritatis, quia *caritas non agit perperam*, ut dicitur I. ad Corinth. xiii. 4. Ergo amore cupiditatis. Sed augmentum cupiditatis videtur esse diminutio caritatis: quia, ut Augustinus dicit in Lib. lxxxix. Quæstionum (quæst. xxxvi.) ipsum nutrimentum caritatis est diminutio cupiditatis. Ergo videtur quod peccatum veniale diminuat caritatem.

6. Præterea. Augustinus dicit in VIII. super Genes. ad litteram (cap. xxi.) quod caritas, vel gratia comparatur ad animam sicut lux ad aerem. Sed lux aeris diminuitur, si aliquod obstaculum lucis ponatur, puta cum densior sit per vaporem. Ergo & caritas, vel gratia diminuitur per veniale, quod est quoddam obstaculum caritatis, & obnubilatio mentis.

7. Præterea. Omne id quod successive corrumpitur, potest diminui. Sed caritas successive corrumpitur. Ergo caritas potest diminui. Minor probatur dupliciter. Primo quidem quia omne quod corrumpitur, est subiectum corruptionis. Sed caritas corrumpitur. Ergo est subiectum corruptionis. Aliquid ergo eius est corruptum, & aliquid adhuc manet; & sic successive corrumpitur. Secundo sic. Caritas non corrumpitur quando est; nec etiam quando totaliter non est, quia iam corrupta est. Ergo corrumpitur quando partim est, & partim non est. Successive ergo corrumpitur. Ergo potest diminui; sed non per mortale: ergo per veniale.

8. Præterea. Sicut in peccato mortali est inordinatio simpliciter, ita in peccato veniali est inordinatio secundum quid. Sed inordinatio simpliciter, quæ est peccati mortalis, tollit simpliciter ordinationem caritatis. Ergo inordinatio secundum quid tollit ordinationem caritatis secundum quid: ergo diminuit ipsam.

9. Præterea. Ex multis actibus peccatorum venialium generatur aliquis habitus. Sed actus peccati venialis impedit actum caritatis. Ergo & habitus venialis peccati impedit habitum caritatis: ergo diminuit ipsum.

10. Præterea. Omnis offensio diminuit dilectionem. Sed peccatum veniale est quedam offensio, cum habeat rationem culpæ. Ergo peccatum veniale diminuit dilectionem caritatis.

S. Th. Oper. Tom. XV.

11. Præterea. Bernardus dicit in quodam serm. de purific. (serm. xi. in fin.) quod non procedere in via Dei est retrocedere. Sed ille qui peccat venialiter, non procedit in via Dei. Ergo retrocedit; quod non esset, nisi veniale diminueret caritatem.

12. Præterea. Omnis virtus unita fortior est quam multiplicata: unde & amor unitus fortior est quam ad plura dispersus: propter quod dicit Philosophus in VIII. Ethic. (cap. vi.) quod impossibile est plures intense diligere. Sed ille qui peccat venialiter, amorem suum dispergit ad alia quam ad Deum. Ergo diminuitur in eo virtus caritatis.

13. Præterea. Proverb. xxi. 16. dicitur: *Septies in die cadit iustus, & resurgit*: quod exponit Glossa (ordin. ibid.) de casu qui fit per veniale. Sed per veniale non cadit homo a caritate. Ergo cadit a perfecto gradu caritatis. Diminuitur ergo caritas per veniale peccatum.

14. Præterea. Per caritatem meretur homo gloriam vite æternæ. Sed per veniale peccatum retardatur homo a consecratione vite æternæ. Ergo per veniale peccatum diminuitur caritas.

15. Præterea. Illa quæ impediunt vitam corporalem, vel sanitatem, diminuunt ipsam. Sed veniale peccatum est quoddam impedimentum spiritualis vite, quæ est per caritatem, ut supra dictum est. Ergo per peccatum veniale diminuitur caritas.

16. Præterea. Operatio sequitur formam. Quod ergo impedit actum, diminuit formam. Sed veniale impedit actum caritatis. Ergo diminuit ipsam caritatem.

17. Præterea. Fervor est proprium accendens caritatis: unde dicitur Rom. xxi. 11. *Spiritu ferventes*. Sed veniale diminuit fervorem caritatis, ut communiter dicitur. Ergo diminuit caritatem.

Sed contra. Quod in infinitum distat ab aliquo, additum, vel subtractum non diminuit ipsum, nec auget; sicut patet de puncto, & linea. Sed veniale in infinitum distat a caritate: quia caritas diligit Deum sicut infinitum bonum, veniale autem diligit creaturam sicut quoddam bonum finitum.

Præterea. Diminuta caritate diminuitur præmium vite æternæ, quod commensuratur quantitati caritatis. Sed veniale peccatum non diminuit præmium vite æternæ: alioquin pena eius esset æterna, scilicet æterna diminutio gloriæ. Ergo peccatum

T ve-

veniale non diminuit caritatem.

Præterea. Omne finitum per continuum diminutionem totaliter tollitur. Sed caritas est quidam habitus finitus in anima. Ergo peccatum veniale, si diminuat caritatem, multiplicatum, totaliter tolleretur ipsam; quod est inconveniens.

Respondetur dicendum, quod quia augmentum, & diminutio considerantur circa quantitatem, oportet ad huius questionis evidentiam considerare, quæ sit quantitas caritatis. Cum autem caritas sit quædam forma, & sit habitus, seu virtus, oportet eius quantitatem dupliciter considerare: uno quidem modo secundum quod est forma; alio modo secundum quod est talis forma, quæ est habitus, vel virtus. Quantitas autem formæ quædam est per accidens, quædam per se. Per accidens quidem, sicut dicitur quanta ratione subiecti, ut albedo ratione superficiæ: sed ista quantitas non habet locum in proposito, quia mens, quæ est subiectum caritatis, non est quanta. Quantitas autem per se alicuius formæ attenditur tripliciter. Uno modo ex parte causæ agentis: quanto enim fuerit fortior virtus activa, tanto inducit perfectiorem formam, perfectius reducens subiectum de potentia in actum; sicut magnus calor magis calefacit quam parvus. Alio modo ex parte subiecti, quod quidem perfectius recipit formam ex actione agentis, quanto melius fuerit dispositum; sicut lignum siccum magis calefit quam viride, & aer quam aqua ab eodem igne. Tercio modo consideratur quantitas alicuius formæ inquantum est virtus, vel habitus ex parte obiecti. Virtus enim dicitur magna quæ potest in aliquod magnum. Omnis etiam habitus ex obiecto & specie, & quantitatem habet. Si ergo consideremus quantitatem caritatis ex parte obiecti, sic nullo modo potest augeri, vel minui. Ea enim quorum ratio consistit in aliquo indivisibili, non intenduntur, nec remittuntur: & hæc est ratio quare quilibet species numerica retineatur in se, & remissione, quia completur per unitatem: semper enim unitas addita facit speciem. Obiectum autem caritatis habet indivisibilem rationem, & consistit in termino: est enim obiectum caritatis Deus, prout est summum bonum, & ultimus finis. Sed ex parte causæ agentis, & ex parte subiecti caritas potest esse maior, vel minor. Ex parte quidem agentis, non propter maiorem, vel minorem virtutem eius; sed pro-

pter sapientiam, & voluntatem ipsius, secundum quam diversas mensuras gratiæ, & caritatis distribuit hominibus, secundum illud Ephes. iv. 7. *Unicuique nostrum data est gratia secundum mensuram donationis Christi*. Ex parte vero subiecti etiam, inquantum homo se magis, vel minus per bona opera ad gratiam, vel caritatem disponit. Tamen sciendum est, quod bona opera hominis aliter se habent ad quantitatem caritatis quantum ad ipsum fieri caritatis, & aliter quando caritas est iam in perfecto esse: nam opera hominis ante caritatem comparantur ad ipsam, & ad quantitatem eius, non per modum meriti, cum caritas sit merendi principium; sed solum per modum materialis dispositionis; sed caritate iam habita, ipsa per sua opera meretur augeri, ut aucta mereatur & perfici, sicut Augustinus dicit (tract. v. in Iona.) Veniale autem peccatum non potest esse causa ut caritas habita diminuat, nec ex parte causæ agentis, scilicet Dei, nec ex parte causæ recipientis, scilicet hominis. Ex parte quidem agentis causa diminutionis esse non potest: quia veniale peccatum non potest mereri diminutionem caritatis, sicut actus ex caritate factus meretur eius augmentum: hoc enim meretur aliquis in quod sua voluntas inclinatur. Qui autem peccat venialiter, non sic inclinatur ad creaturam, ut avertatur a Deo aliquo modo: non enim convertitur ad creaturam sicut ad finem, sed sicut ad id quod est ad finem. Qui autem inordinate se habet circa id quod est ad finem, non propter hoc minoratur eius affectus circa finem: sicut si aliquis inordinate se habeat in sumendo medicinam, non propter hoc minoratur desiderium eius ad sanitatem. Unde patet quod veniale non meretur diminutionem caritatis iam habitæ. Similiter dicendum, quod nec etiam ex parte subiecti ipsam diminui potest: quod ex duobus apparet. Primo quidem quia peccatum veniale non secundum idem est in anima secundum quod inest caritas: nam caritas inest animæ secundum superiorem eius partem, prout ordinatur in aliquod sicut in summum bonum, & in ultimum finem; peccatum autem veniale habet aliquam inordinationem, non tamen attingentem ad ordinem ultimi finis. Unde etiam si esset contrarium, non diminueret caritatem; sicut nec nigredo in pede diminuit albedinem capitis. Secundo quia forma in subiecto diminuitur per aliquam mixtionem contrarii, prout

prout dicit Philosophus (Topic. IV. cap. 17.) illud esse albus quod est nigro impermixtus. Veniale autem peccatum non habet contrarietatem ad caritatem : quia non respiciunt idem obiectum secundum rationem : non enim veniale est inordinatio circa ultimum finem, qui est obiectum caritatis. Et ideo peccatum veniale nullo modo caritatem habitum diminuit. Potest tamen peccatum veniale esse aliqua causa ut a principio minor caritas infundatur, in quantum scilicet impedit actum liberi arbitrii, quo homo ad gratiam suscipiendam disponitur : & per hunc etiam modum potest impedire ne caritas habita crescat, impediendo scilicet actum meritorium, quo quis caritatis augmentum mereatur.

Ad primum ergo dicendum, quod iste qui peccat venialiter, amat aliquid cum Deo, quod etsi non actu, tamen habitu propter Deum amat.

Ad secundum dicendum, quod caritas potest habere causam sui augmenti meritoriam ex parte hominis, & effectivam ex parte bonitatis divinae, cuius est semper promovere ad bonum ; sed non potest habere causam diminutionis, neque meritoriam ex parte hominis, ut dictum est, neque effectivam ex parte Dei : quia ex ipso non est quod homo fiat deterior, ut Augustinus dicit in Lib. lxxxiii. Quaestione.

Ad tertium dicendum, quod ratio illa procederet, si veniale esset directe causa parva caritatis in suo fieri. Non est autem directe causa, sed quasi per accidens, in quantum scilicet impedit actum liberi arbitrii, quo quis disponitur ad caritatem. Actus autem liberi arbitrii requiritur quidem in adultis ad infusionem gratiae, vel caritatis : non autem requiritur ad conservationem habitus iam suscepti : unde impedit actum non diminuitur caritas iam habita.

Ad quartum dicendum, quod difficile mobile non est differentia constitutiva habitus : nec enim dispositio, & habitus sunt diversae species ; alioquin non posset una & eadem qualitas quae prius fuit dispositio, postea fieri habitus. Sed facile mobile, & difficile mobile se habent sicut perfectum, & imperfectum circa eandem rem. Dato autem quod difficile mobile esset differentia constitutiva, adhuc ratio non sequeretur : quia quod aliquis habitus fiat de facili mobilis, potest contingere dupliciter. Uno quidem modo per se, quia scilicet non habet ita perfectum esse in subiecto ; & sic quidquid diminueret

hoc quod est difficile mobile circa habitum, diminueret ipsum habitum. Alio modo per accidens, ex eo scilicet quod inducitur dispositio ad contrarium ; ut si dicamus, quod forma aquae per suspensionem caloris fiat minus de diffibili mobilis ; & tamen constat quod forma substantialis non diminuitur : & per hunc modum veniale diminuit hoc quod est difficile mobile circa caritatem : & per hunc modum etiam est intelligendum quod quidam dicunt, quod veniale diminuit caritatem quantum ad radicationem in subiecto, non quidem per se, sed per accidens, ut dictum est.

Ad quintum dicendum, quod diminutio cupiditatis dicitur esse nutrimentum, sive conservatio caritatis, non autem augmentum : quia scilicet diminutio cupiditatis diminuit venialia, quae disponunt ad amissionem caritatis.

Ad sextum dicendum, quod vapor crassus recipitur in eadem parte aeris in qua recipitur lux ; & ideo diminuit lucem : sed veniale non attingit ad summam partem animae secundum habitudinem eius ad summum bonum : & ideo non potest diminuire caritatem iam habitam, licet possit impedire magnitudinem eius in acquirendo ipsam : sicut tenebrositas aeris extra domum existentis, non diminuet claritatem in domo existentem ex causa intrinseca ; diminueret autem intentionem claritatis radii veniens ex extrinseco ad domum. Perfectio autem superioris partis animae quantum ad sui generationem dependet a bona dispositione inferiorum partium, non autem quantum ad sui conservationem : homo enim naturaliter per inferiora, & sensibilia ad interiora intelligibilia pertingit : unde etiam defectus visus, aut auditus potest impedire acquisitionem scientiae ; non tamen diminuit scientiam iam acquisitam.

Ad septimum dicendum, quod hoc non est verum universaliter, quod omne quod successive corrumpitur, diminuitur : quia forma substantialis successive amittitur, si consideretur alteratio praecedens, prout Philosophus dicit in VI. Physic. quod id quod corrumpitur, corrumpebatur, & corrumpitur ; & tamen forma substantialis non diminuitur. Sic autem caritas quandoque successive amittitur, si consideretur praecedens dispositio ad amissionem. Sed si consideretur ipsa amissio secundum se, non successive amittitur. Et quod dicit, quod caritas, quia corrumpitur, est subiectum corruptionis, est o-

magis falsum. Noo enim albedo aut aliqua forma dicitur corrumpi, quia ipsa sit subiectum corruptionis; sed subiectum albedinis est subiectum corruptionis, inquantum desinit esse album. Similiter etiam dicendum est, quod si accipiatur ipsa corruptio formae secundum se, prout est in termino motus, idem est corrumpi, & nunc primo corruptum esse; sicut idem est illuminari, & illuminatum esse. Quando autem primo corruptum est aliquid, tunc non est, ut dicitur in VIII. Physf. & ideo quando caritas corrumpitur, non est.

Ad octavum dicendum, quod inordinatio simpliciter tollit ordinationem caritatis simpliciter, quia attingit animam secundum superiorem partem; & inordinatio secundum quid, tollit secundum quid ordinationem caritatis in aliquo actu, prout ordo caritatis a superiori parte animae ad inferiores derivatur: sed de ipsa caritate, secundum quod est in suprema parte, nihil diminuit; sicut nigredo quae est in pede, nihil diminuit de albedine quae est in capite.

Ad nonum dicendum, quod ex multis peccatis venialibus potest causari aliquis habitus; sed ille habitus nec tollit, nec diminuit caritatem: quia nec in eodem est, nec circa idem.

Ad decimum dicendum, quod peccatum veniale, cum non importet aversionem, proprie loquendo, noo habet rationem offensae.

Ad undecimum dicendum, quod aliquis procedit in via Dei, non solum quando ipsa caritas augetur in actu, sed quando disponitur ad augmentum caritatis: sicut puer non actu crescit toto tempore augmenti; sed quandoque crescit in actu, quandoque disponitur ad augmentum. Et similiter aliquis retrocedit in via Dei, non solum per diminutionem caritatis, sed etiam per hoc quod retardatur a proficiendo, vel etiam per hoc quod disponitur ad casum: quorum utrumque fit per veniale peccatum.

Ad duodecimum dicendum, quod amor qui ad multa diffunditur, secundum rationem eandem diminuitur; sed diffusio amoris secundum unam rationem, non diminuit amorem qui est secundum aliam rationem: puta, si aliquis habeat multos amicos, non propter hoc minus diligit filium, vel uxorem; sed si amaret multas uxores, minueretur amor qui est ad unam; & si haberet

multos filios, minueretur amor qui est ad unigenitum. Per peccatum aereum veniale diffunditur amor hominis ad creaturas, non secundum rationem finis, prout amatur Deus: & ideo non diminuitur amor ad Deum in habitu, sed forte in actu.

Ad decimumtertium dicendum, quod per peccatum veniale cadit non quidem a caritate ipsa, vel a perfecto gradu caritatis, sed ab aliquo caritatis actu.

Ad decimumquartum dicendum, quod veniale nihil diminuit de gloria, sed solum retardat consecutionem gloriae: & similiter nihil diminuit de caritate, sed solum retardat actum, & augmentum eius.

Ad decimumquintum dicendum, quod aliqua impediunt perfectionem, vel actum saninitatis, quae tamen non diminuunt sanitatem; sicut aliqui sunt cibi difficile digestibiles inquantum impediunt facilem digestionem.

Ad decimumsextum dicendum, quod actus potest diminui dupliciter. Uno modo quantum ad facilitatem agendi, ut scilicet homo non possit tantum agere; & sic quod diminuit actum, diminuit principium actus, quod est forma. Alio modo quantum ad executionem actus; & sic non oportet quod id quod diminuit actum, diminuat formam: non enim diminuit gravitatem lapidis columna quae retinet ipsum ne cadat deorsum; nec diminuit virtutem gressivam hominis qui ligat ipsum. Et per hunc modum veniale diminuit actum caritatis, noo autem primo modo.

Ad decimumseptimum dicendum, quod fervor potest accipi dupliciter. Uno modo secundum quod importat intentionem inclinationis amanti in amatum; & talis fervor est essentialis caritati, & non diminiuitur per veniale peccatum. Alio modo dicitur fervor caritatis secundum quod redundat (a) motus dilectionis etiam in inferiores vires, ut quodammodo non solum cor, sed etiam caro exultat in Deum; & talis fervor diminuitur per veniale peccatum absque diminutione caritatis.

AR-

ARTICULUS III.

Utrum peccatum veniale possit fieri mortale.

Tertio queritur, utrum peccatum veniale possit fieri mortale. Et videtur quod sic. Dicit enim Augustinus super Ioann. (tract. xii.) exponens illud, *Qui incredulus est Filio, non videbit vitam* : „ Plura „ peccata minuta, si negligantur, occi- „ dunt. „ Sed ex hoc dicitur aliquod pec- catum mortale, quod occidit spiritualiter. Ergo plura peccata minuta, idest venialia, faciunt mortale.

2. Præterea. Super illud Psalm. (xxxix.) *Multiplacati sunt super capillos capitis mei, dicit Glossa Augustini* . „ Vitæ gravia, „ cave ne obruaris arena. „ Per arenam autem intelliguntur peccata minuta, scilicet venialia. Ergo multa peccata venialia ob- ruunt, vel occidunt hominem ; & sic idem quod prius.

3. Sed dicendum, quod multa venialia di- cuntur occidere, vel obruere, in quantum disponunt ad mortale. Sed contra. Augustinus dicit in regula (111. cap. v.) quod *superbia bonis operibus infundatur, ut pereant* ; & sic etiam videtur quod etiam bona ope- ra sint aliqua dispositio ad peccatum morta- le ; sed tamen non dicuntur occidere, vel ob- ruere. Ergo nec peccata venialia, ratione prædicta possunt dici obruere, vel occide- re. Videtur ergo quod per se veniale fiat mortale.

4. Præterea. Veniale est dispositio ad mor- tale. Sed dispositio fit habitus secundum Phi- losophum in Prædicamentis (in prædicam. qualitatis non remote a princ.) Ergo ve- niale fit mortale.

5. Præterea. Motus sensualitatis est ve- niale peccatum. Sed adveniente confensura- tionis fit mortale, ut patet per Augustinum in Lib. de Trin. (XII. cap. xii.) Ergo veniale peccatum potest fieri mortale.

6. Præterea. Contingit in ipsa ratione su- periori esse aliquem motum infidelitatis ex surreptione, qui est peccatum veniale. Con- sensus autem superveniens non destruit ef- fectum prioris motus, qui erat veniale pec- catum ; & tamen facit peccatum mortale. Ergo veniale potest fieri mortale.

7. Præterea. Peccatum veniale, & mor- tale quandoque differunt secundum diversos personarum gradus. Dicitur enim in Decret. dist. xxv. quod non concordare discordes est peccatum mortale laico ; sed Episcopo vide-

tur esse peccatum mortale : quia propter hoc degradatur, ut videtur dist. 1117. Per- sona autem inferioris gradus potest transfe- ri in superiorem gradum. Ergo peccatum veniale potest fieri mortale.

8. Præterea. Secundum Chrysostomum (homil. lxxxvii. in Matth. a med.) ri- sus, & ioculatio sunt peccata venialia. Sed risus fit peccatum mortale : dicitur enim Prov. xiv. 13. *Risus doloris miscbitur, & extre- ma gaudii lætus occupat*, Glossa, „ perse- „ tus ; „ qñi tamen non deberet nisi pec- cato mortali. Ergo veniale peccatum potest fieri mortale.

9. Præterea. Quæcumque non distinguun- tur nisi per accidens, unum potest fieri al- terum. Sed veniale, & mortale non distin- guuntur nisi per accidens : ea enim quæ per se distinguuntur, non transmutantur in in- vicem ; veniale autem, & mortale in invicem transmutantur : quia nihil adeo est ve- niale, quin fiat mortale dum placet ; & si- militer omnis culpa mortalis per confessio- nem fit venialis. Ergo veniale peccatum po- test fieri mortale.

10. Præterea. Minimum bonum per ac- cessum ad Deum fit maximum ; sicut motus liberi arbitrii per informationem gratiæ fit meritorius. Ergo per recessum a Deo mini- mum malum potest fieri maximum. Mini- mum autem malum in genere peccatorum est veniale, maximum autem est peccatum mortale. Ergo veniale potest fieri mor- tale.

11. Præterea. Boetius dicit in Lib. de Consola. (IV. profa vii. a med.) quod pec- cata se habent ad animam sicut languores ad corpus. Sed minimus languor per aug- mentum potest fieri maximus. Ergo mini- mum peccatum, scilicet veniale, potest fieri maximum ; scilicet mortale.

12. Præterea. Ordines Angelorum forma- liter constituuntur per dona gratiarum. Sed ordines Angelorum differunt specie. Ergo & dona gratiarum specie differunt. Sed per aug- mentum meriti aliquis qui primo mete- batur assumi ad inferiorem ordinem Ange- lorum, postea meretur assumi ad superiorem. Ergo minor gratia fit maior, licet specie dif- ferant. Pari ergo ratione peccatum veniale potest fieri mortale.

13. Præterea. Status innocentie non in- finitum excedit statum naturæ corruptæ. Sed quilibet motus venialis in statu inno- centie fuisset mortalis. Ergo & modo in statu naturæ corruptæ veniale potest fieri mortale.

14. Præterea. Magis differt bonum, & malum, quam duo mala, scilicet veniale, & mortale: quia bonum, & malum differunt genere, duo autem mala in genere conveniunt: bonum enim, & malum sunt genera aliorum, ut dicitur in Prædicamentis (in Postprædicam. in cap. de oppositis in fin.). Sed eadem actio numero potest esse bona, & mala; puta, cum servus dat elemosynam cum murmure, ex mandato domini ex caritate præcipientis. Ergo multo magis eadem actio numero potest esse veniale, & mortale peccatum.

15. Præterea. Peccatum est quoddam pondus animæ, secundum illud Psalm. xxxvii. *Iniquitates meae supergressæ sunt caput meum, & sicut onus grave gravata sunt super me.* Sed minimum pondus per additionem potest tam grave fieri ut superet virtutem portantis. Ergo veniale peccatum per additionem potest fieri mortale, & excludit virtutem.

16. Præterea. Secundum Augustinum XII. de Trin. (cap. xii.) talis est progressus in unoquoque peccato, qualis in peccato primorum parentum; ita quod sensualitas tenet locum serpentis, ratio inferior locum mulieris, superior vero ratio locum viri. Sed non poterat fieri quod vir comederet de ligno vetito, quin peccaret mortaliter. Ergo in superiori ratione non potest esse nisi peccatum mortale. Quod ergo est veniale in inferiori parte, cum venerit ad superiorem, fiet mortale.

17. Præterea. Si habitus est damnabilis, & actus ex illo procedens damnabilis erit. Sed in infideli non baptizato, cui non est remissum originale peccatum, manet habitus primæ damnationis, ad quem pertinet corruptio somitis. Ergo etiam primi motus ex tali corruptione provenientes sunt eis damnabiles, & peccata mortalia; qui tamen consistat quod secundum se sunt peccata venialia. Ergo peccatum veniale potest fieri mortale.

1. Sed contra. Ex quæ in infinitum differunt, non transiunt in invicem. Sed peccatum mortale, & veniale differunt in infinitum: nam uni debetur pœna temporalis, alii æterna. Ergo peccatum veniale non potest fieri mortale.

2. Præterea. Ea quæ differunt genere, vel specie, non transiunt in invicem. Sed veniale, & mortale differunt genere, vel etiam specie. Ergo veniale numquam potest fieri mortale.

3. Præterea. Una privatio non fit alia: cecitas enim numquam fit surditas. Sed mortale includit privationem finis, veniale autem privationem ordinis ad finem. Ergo veniale numquam potest fieri mortale.

Respondeo dicendum, quod ista quæstio triplicem potest habere intellectum. Uno enim modo potest intelligi, utrum unum & idem peccatum numero, quod prius fuit veniale, postmodum possit fieri mortale. Secundo potest intelligi, utrum peccatum quod ex genere suo est veniale, possit aliquo modo fieri mortale. Tertio modo potest intelligi, utrum multa peccata venialia faciant unum peccatum mortale.

Si ergo primo modo intelligatur, dicendum est, quod peccatum veniale non potest fieri mortale. Cum enim peccatum, secundum quod nunc loquimur, importet actum malum (a) moraliter, oportet ad hoc quod sit unum & idem peccatum numero, quod sit unus actus moraliter. Est autem actus aliquis moralis ex hoc quod est voluntarius: unde unitas actus moralis considerata est secundum voluntatem. Contingit enim quandoque quod actus est unus numero secundum quod est in genere nature; qui tamen non est unus secundum quod est in genere moris propter diversitatem voluntatis: puta, si aliquis vadens continue ad Ecclesiam, in prima parte motus intendat inanem gloriam, in secunda vero intendat Deo servire. Sic ergo contingit quidem in uno actu secundum speciem nature, quod in prima parte sit peccatum veniale, & in secunda peccatum mortale, si voluntas in tantas libidines excreseat, ut faciat opus peccati venialis etiam in contemptum Dei, puta loqui verbum otiosum, vel aliquid huiusmodi; sed sic non est unum peccatum, sed duo, quia non est unus actus secundum genus moris.

Si vero intelligatur quæstio secundo modo, sic dicendum est, quod id quod est peccatum veniale ex genere, potest fieri peccatum mortale, non quidem ex genere, sed ex fine. Ad cuius evidentiam considerandum est, quod cum actus exterior pertineat ad genus moris secundum quod est voluntarius, in actu morali possunt considerari duo obiecta, scilicet obiectum exterioris actus, & obiectum interioris. Quæquidem quandoque sunt unum; puta cum aliquis volens ire ad aliquem locum vadit illuc: quandoque vero sunt diversæ, & contingit quod alterum est bonum, & alterum malum; sicut cum ali-

(a) scilicet sic & infra mortaliter.

quis dat elemosynam volens placere hominibus, obiectum exterioris actus est bonum, obiectum autem interioris actus est malum: & quia actus exterior constituitur in genere moris inquantum est voluntarius, oportet quod formaliter consideretur species moralis actus secundum obiectum interioris actus: nam species actus consideratur secundum obiectum: unde Philosophus dicit in V. Ethic. quod ille qui ut moechetur furatur, magis est moechus quam fur. Sic ergo aliquis actus exterior qui secundum speciem suam, quam habet ab obiecto interiori, est peccatum veniale, secundum obiectum interioris actus, transiit in speciem moralis peccati; sicut cum aliquis dicit verbum otiosum intendens provocare ad libidinem. Contingit etiam quod aliquid est secundum se peccatum veniale non propter obiectum, sed propter imperfectionem suam: puta, motus concupiscentiae in adulterium, qui est in sensualitate, est quidem quantum ad obiectum in genere peccati mortalis; sed quia non perfecte attingit ad malitiam moralem, quia est sine deliberatione rationis, ideo non potest esse peccatum (&) mortale, quod est completum malum in genere moris. Contingit autem tale peccatum fieri mortale, si completionem obtineat, puta superveniente deliberato consensu rationis.

Si vero tertio modo intelligatur, sic dicendum est, quod directe quidem, & efficienter multa peccata venalia non faciunt unum peccatum mortale, ita scilicet quod multa peccata venalia habeant reatum unius peccati mortalis: quod patet duplici ratione. Primo quidem quia quodcumque ex multis aggregatis sit aliquid unum, oportet esse eandem rationem quantitatis utrobique, sic autem ex multis parvis lineis fit una linea; ubi vero est alia ratio quantitatis, ex multis non fit unum: non enim ex multis numeris fit una linea, nec e converso. Peccatum autem veniale non habet eandem rationem magnitudinis cum mortali: nam quantitas peccati mortalis est per averfionem a fine ultimo, quantitas autem peccati venialis est secundum aliquam deordinationem circa ea quae sunt ad finem. Secundo quia veniale peccatum non diminuit caritatem, ut dictum est supra, quam peccatum mortale tollit. Dispositive tamen multa venalia inducunt ad mortale faciendum: quia ex multiplicatione actuum generatur habitus, & crescit avaritia, & delectatio in

peccato; & intantum potest crescere quod facilius inelinatur ad peccandum mortaliter. Tamen ista dispositio non praerogitur ex necessitate ad peccatum mortale: quia etiam venialibus non praecedentibus potest homo peccare mortaliter, & praedicta dispositio venialium praecedente, per caritatem potest homo peccato mortali resistere.

Ad primum ergo dicendum, quod multa peccata minuta occidunt dispositive, ut dictum est.

Et similiter dicendum ad secundum.

Ad tertium dicendum, quod bona opera non disponunt ad peccandum mortaliter, sicut peccata venalia disponunt; sed possunt esse occasio quadam per accidens.

Ad quartum dicendum, quod dispositio comparatur ad habitum sicut imperfectum ad perfectum; sed hoc contingit dupliciter. Uno modo quod perfectum, & imperfectum sint in eadem specie; & sic dispositio fit habitus. Alio modo sic quod perfectum, & imperfectum sint in diversis speciebus; & sic dispositio numquam fit illud ad quod disponit: non enim calor fit forma ignis; & similiter nec peccatum veniale fit mortale.

Ad quintum dicendum, quod ille motus qui fuit in sensualitate peccatum veniale, numquam fiet mortale peccatum; sed ipse consensus superveniens erit peccatum mortale per se.

Ad sextum dicendum, quod surreptio infidelitatis non semper est in superiori rationem; sed quandoque potest esse in imaginatione puta, cum aliquis imaginatur tres personas in divinis sicut tres homines, & movetur subito ad credendum; quandoque autem in ratione inferiori, puta cum aliquis considerat aliqua in creaturis repugnancia fidei Trinitatis; quandoque autem in superiori ratione, puta cum aliquis subito immediate incipit cogitare de Trinitate personarum in divinis, talis surreptio est in superiori ratione, & est peccatum veniale; consensus autem superveniens est alius motus: & ita non sequitur quod sit idem peccatum veniale, & mortale.

Ad septimum dicendum, quod persona est permanens, & ideo potest in altiore gradum moveri; sed peccatum est actus fluxus transiens: unde non est simile.

Ad octavum dicendum, quod luctus extremus occupat extrema gaudii, non cuiuslibet, sed eius gaudii quo quis fruitur creatura.

Ad

Ad nonum dicendum, quod peccatum mortale ex suo genere semper est mortale, & numquam fit veniale peccatum, si accipiar veniale ex genere. Quod autem dicitur, poenitentiam facere de mortali peccato veniale, æquivoce sumitur veniale, sicut patet per distinctionem venialis supra (art. 1.) positam.

Ad decimum dicendum, quod minimum bonum potest intelligi in genere actuum humanorum, actus qui est bonus ex genere, sed non est meritorius, quia non est gratia informatas. Hic autem actus idem numero numquam fit, actus meritorius, qui potest dici maximum bonum in genere humanorum actuum, sicut nec veniale unquam fit mortale.

Ad undecimum dicendum, quod ægritudo, sicut & sanitas, non est actus, sed dispositio, vel habitus: unde eadem numero existens potest transferri de imperfectiori ad perfectius. Sed peccatum est actus transiens: & ideo quantum ad hoc non est simile; sed similitudo attenditur, solum quantum ad hoc quod sicut languor est deordinatio nature, ita peccatum est deordinatio actus.

Ad duodecimum dicendum, quod cum ordo in Angelis ponatur pars hierarchiæ, quæ est facer principatus, manifestum est quod ordo essentialiter consistit in dono gratiæ; & secundum differentiam donorum gratuitorum ordines distinguuntur; licet distinctio naturalium bonorum præsupponatur materialiter, & dispositive. Sed notandum est, quod donum gratiæ potest considerari dupliciter. Uno modo quantum ad hoc quod unit Deo; & quantum ad hoc non distinguuntur ordines Angelorum; sed omnes conveniunt: unde Dionysius dicit (cap. 11. cælestis Hierarch.) quod tota hierarchia Angelorum est ad Deum quantum possibile est similitudo, & unitas. Alio modo potest considerari donum gratiæ inquantum ordinat ad opus; & secundum hoc gratia diversificatur in diversis ordinibus, prout ad diversa officia ordinantur. Homines autem ad hoc dicuntur assumi ad ordines Angelorum, non ratione officiorum, sed propter mensuram gloriæ, & fructus divini: unde non sequitur quod in omnibus gratia specie differat secundum diversum perfectionis statum.

Ad decimumtertium dicendum, quod in statu innocentie homo non poterat venialiter peccare, non quidem ita quod non posset facere ea quæ sunt venialia ex genere, quæ sibi essent mortalia; sed quia omnia il-

la quæ sunt venialia ex genere, facere non poterat: non enim poterat in eo esse inordinatio in inferioribus circa ea quæ sunt ad finem, nisi præcederet in eo inordinatio in superiori parte respectu finis.

Ad decimumquartum dicendum, quod actio ministri, & actio domini ex diversa voluntate procedit: unde moraliter non est una actio.

Ad decimumquintum dicendum, quod in omnibus ponderibus corporalibus est una ratio quantitatis; non autem in peccato mortali, & veniali: unde ratio non sequitur.

Ad decimumseptimum dicendum, quod vir gustando de ligno scientiæ boni & mali fecit contra præceptum divinum; & ideo peccavit mortaliter: & similiter ratio superior quodcumque peccat faciens contra præceptum divinum, peccat mortaliter; sed non semper peccat contra præceptum divinum: & ideo ratio non sequitur.

Ad decimumseptimum dicendum, quod illud est falsum quod proponebatur, scilicet quod si habitus est damnabilis, & actus: peccatum enim mortale non consistit in habitu, sed in actu. Unde si ex multis actibus peccatorum mortalium generetur aliquis habitus, non oportet quod omnis motus qui sequitur ex inclinatione illius habitus, sit peccatum mortale: nullus enim est habens ita confirmatum habitum luxuriæ, vel alterius vitii, quin aliquando secundum rationem motibus eius resistat: & tamen stultum esset dicere, quod talis motus imputaretur ad peccatum mortale ei qui resistit. Unde licet habitualis concupiscentia sit damnabilis in infideli nondum baptizato; non tamen oportet quod quilibet motus concupiscentiæ sit damnabilis per modum peccati mortalis. Et tamen sones non dicitur concupiscentia habitualis positive, sed private, sicut supra dictum est (quæst. v. art. 1. & 2.) per remotionem scilicet originalis iustitiæ: unde motus qui sequitur ex ipsa potentia naturali, non oportet quod semper sit peccatum, ne dum quod sit peccatum mortale. Non est ergo dicendum, quod motus primi sensualitatis in infidelibus sint peccata mortalia, quia multo magis essent peccata mortalia fidelibus: quia in uno & eodem actu plus peccat fidelis quam infidelis, ceteris paribus, ut patet per illud Apostoli ad Hebr. x. 29. *Quanto putatis eum deteriora mereri supplicia, qui sanquinem testamenti pollutum duxerit?* & c.

Petri II. 21. dicitur: *Malus erat eis (a) viam veritatis non cognoscere quam post agnitum re-
troire ab eo quod traditum erat illis sancto
mandato.*

Ad ea vero quæ in contrarium obijciun-
tur, patet (b) responso ex his quæ supra
(in corp. art.) dicta sunt.

ARTICULUS IV.

*Utrum circumstantia faciat de peccato veniali
mortale.*

1. 2. quæst. lxxxviii. art. 5.

Quarto queritur, utrum circumstantia fa-
ciat de peccato veniali mortale. Et
videtur quod sic. Dicit enim Augustinus in
sermone de purgatorio (serm. xv. in die
animarum aliqu. a princ.) quod si diu te-
neatur iracundia, & ebrietas si assidua sit,
transiunt in numerum mortalium peccato-
rum. Sed huiusmodi sunt peccata venialia
ex suo genere; alioquin, semper essent pec-
cata mortalia. Ergo peccatum veniale ex
circumstantia assiduitatis, vel diuturnitatis
fit mortale.

2. Præterea. Delectatio morosa est pecca-
tum mortale, ut Magister dicit xxy. dist.
IV. Lib. Sentent. Sed si non sit morosa,
est veniale peccatum. Ergo circumstantia
morositatis facit de veniali peccato mor-
tale.

3. Præterea. Plus differunt bonum, & ma-
lum in actibus humanis, quam peccatum
veniale, & mortale: quia bonum, & ma-
lum differunt genere: sunt enim genera alio-
rum, ut dicitur in Prædicamentis (in Post-
prædicam. cap. iv. de oppositis in fin.)
Peccatum autem veniale, & mortale, cum
utrumque sit malum, conveniunt in gene-
re. Sed circumstantia facit de bono actu
malum. Ergo multo magis circumstantia
facit de peccato veniali mortale.

4. Præterea. Inter alias circumstantias po-
nitur propter quid: quæ quidem circumstan-
tia pertinet ad finem. Sed propter finem
peccatum veniale fit mortale, ut dictum est
(art. præced.) Ergo circumstantia de ve-
niali facit mortale.

Sed contra. Circumstantia est accidens
actus moralis, sicut ipsum nomen sonat.
Sed esse mortale peccatum pertinet ad spe-
ciem peccati. Cum ergo nullum accidens

constituat speciem eius cuius est accidens,
videtur quod circumstantia non possit de
veniali peccato facere mortale.

Respondeo dicendum, quod actus moralis
dicitur bonus, vel malus ex genere secun-
dum suum obiectum. Supra hanc autem bo-
nitatem, & malitiam potest ei duplex bo-
nitas, vel malitia advenire: una quidem ex
intentione finis, alia ex circumstantia. Et
quia finis est primum obiectum voluntatis,
ideo interior actus consequitur speciem ex
fine: & si interior actus ex fine habet ra-
tionem peccati mortalis, transibit actus ex-
terior in speciem interioris actus, & efficien-
tur peccatum mortale, sicut supra (art.
præced.) dictum est. Sed circumstantia non
semper dat speciem actui morali, sed solum
tunc quando novam deformitatem addit ad
aliam speciem peccati pertinentem; puta,
cum aliquis super hoc quod accedit ad non
suam, accedit ad eam quæ est alterius; &
sic incidit ibi deformitas iniusiuræ: unde illa
circumstantia dat novam speciem, & prop-
rie loquendo, iam non est circumstantia,
sed efficitur specifica differentia actus mora-
lis. Si ergo circumstantia addita addat ta-
lem deformitatem quæ sit contra præceptum
Dei, tunc facit id quod est veniale ex ge-
nere, esse mortale. Id ergo quod est pecca-
tum veniale ex genere, non potest fieri mor-
tale per circumstantiam quæ manet in ratio-
ne circumstantiæ: (c) sed solum per circum-
stantiam quæ transit in aliam speciem. Sed
contingit quandoque quod aliquid est venia-
le non ex suo genere, scilicet ex parte ob-
iecti, sed magis propter imperfectionem
actus: quia non pertingit usque ad delibe-
ratum consensum rationis, qui complet
rationem moralis actus: & tunc talis circum-
stantia, quæ est completiva moralis actus,
facit de veniali peccato mortale, puta de-
liberatus consensus superveniens.

Ad primum ergo dicendum, quod iracun-
dia importat motum ad nocendum proximo.
Inferre autem proximo nocumentum ex suo
genere, est peccatum mortale, quia repu-
gnat caritati quantum ad dilectionem pro-
ximi; sed quando motus sistit in appetitu
inferiori, & ratio non consentit ut nocu-
mentum grave proximo inferat, est pecca-
tum veniale propter imperfectionem actus;
sed si diu teneatur, non potest esse quin de-
liberatio rationis superveniat. Intelligitur
autem teneri diu non quodcumque diu
durat;

(a) Vulgarat non cognoscere viam iustitiae, quam post agnitum retrorsum converti ab eo fecit. (b) Al. re-
dundat ex dictis. (c) Al. sed solum circumstantia.

durat; sed quia potest aliquis per rationem resistere: & tunc morus iracundiae non tenetur etiam diu si duret. Similiter dicendum est de ebrietate: quia ebrietas, quantum in se est, avertit rationem a Deo in actu, ut scilicet ratio ebrietas durante non possit in Deum converti. Et quia homo non tenetur rationem suam semper in Deum convertere actu, propter hoc ebrietas non semper est peccatum mortale; sed quando homo assidue inebriatur, videtur quod non curet quod ratio sua convertatur ad Deum: & in statutu ebrietas est peccatum mortale; sic enim videtur quod conversionem rationis ad Deum contemnat propter delectationem vini.

Ad secundum dicendum, quod similiter dicendum est de delectatione morosa, sicut & de iracundia diu manente.

Ad tertium dicendum, quod circumstantia quando transfert bonum actum in malum, constituit novam speciem peccati, & sic transfert in aliud genus moris; & in tali etiam casu potest de veniali peccato facere mortale.

Ad quartum dicendum, quod finis, in quantum est obiectum actus, dat speciem actui morali; & hac ratione potest facere de veniali mortale.

ARTICULUS V.

Utrum in ratione superiori possit esse veniale peccatum.

1. 2. quaest. lxxv. art. 10.

Quinto quaeritur, utrum in ratione superiori possit esse veniale peccatum. Et videtur quod non. Dicit enim Augustinus in XII. de Trinit. (cap. vii. & cap. xii. in fin.) quod ratio superior inhaeret rationibus aeternis. Ex quo videtur quod in ratione superiori non sit peccatum nisi per aversionem a rationibus aeternis. Sed omne tale peccatum est peccatum mortale. Ergo in ratione superiori non potest esse peccatum nisi mortale.

2. Præterea. Peccatum in aliqua potentia non potest esse nisi per aliquam deordinationem actus in comparatione ad suum obiectum; sicut peccatum in actu visus potest esse non potest nisi per comparationem ad colorem. Sed obiectum superioris rationis est finis ultimus, quod est bonum æternum. Ergo peccatum in superiori ratione esse non potest, nisi per deordinationem cir-

ca finem ultimum. Sed omne tale peccatum est peccatum mortale: nam veniale peccatum est circa ea quæ sunt ad finem, mortale vero circa finem, ut supra (art. 1. huius quaest.) dictum est. Ergo in ratione superiori non potest esse peccatum nisi mortale.

3. Præterea. Superior ratio est quæ participat lumen gratiæ. Sed lux gratiæ virtuosior est quam lux corporalis. Lux autem corporalis, nisi corrumpatur, vel diminuat, non deficit in suo actu: unde multo minus lux spiritualis. Ergo (a) in superiori ratione non potest esse aliquis actus deficiens, nisi vel corrupta gratia, vel diminuta. Sed per veniale peccatum neque tollitur gratia, neque diminuitur, ut supra (loc. cit.) dictum est. Ergo defectus venialis peccati non potest esse in superiori ratione.

4. Præterea. Obiectum superioris rationis est bonum fruendum, quod est bonum æternum. Sed, sicut Augustinus dicit in Lib. lxxxi. Quaest. (quaest. xxx. parum a princ.) omnis humana perversitas est frui utendis, vel uti fruendis. Ergo peccatum in superiori ratione non potest esse, nisi per hoc quod utitur fruendo, quod est Deus. Sed hoc est distingere aliquid magis quam Deum, quod facit peccatum mortale: nam uti est referre aliquid in alterum sicut ad finem. Ergo in superiori ratione non potest esse nisi peccatum mortale.

5. Præterea. Ratio superior, & inferior non sunt diversæ potentie; sed differunt per hoc quod ratio superior procedit ex rationibus aeternis, ratio vero inferior ex rationibus temporalibus, ut habetur apud Augustinum XII. de Trin. (cap. xii.) Sed non potest esse peccatum dum proceditur ex rationibus aeternis, nisi per hoc quod aliquis errat circa rationes aeternas; quod semper est peccatum mortale. Ergo in superiori ratione non potest esse peccatum veniale, sed solum mortale.

6. Præterea. Secundum Philosophum in Lib. de Anima (Lib. III. com. tr.) ratio est semper recta. Sed peccatum opponitur rectitudini. Ergo in ratione superiori non potest esse peccatum veniale.

7. Præterea. Philosophus dicit in I. Ethic. (cap. ult. a med.) quod laudamus rationem continentis, & incontinentis; & sic tam in bonis, quam in malis ratio laudatur. Sed in illo quod laudatur, non est peccatum. Ergo in ratione non est peccatum nec mortale, nec veniale.

8. Præ-

(a) *Id.* in interiori.

8. Præterea. Ratio deliberationem importat. Si ergo aliquod peccatum sit in ratione, oportet quod sit in ea per deliberationem: quia omne quod est in alio, est in eo per modum eius in quo est. Sed peccatum quod est ex deliberatione, est ex industria, sive ex certa malitia, quod est maxime mortale, cum sit peccatum in Spiritum sanctum. Ergo in ratione superiori non potest esse nisi peccatum mortale.

9. Præterea. Ad rationem superiorem pertinet consulere rationes æternas. Sed consilium est deliberatio quidam. Ergo superior ratio numquam peccat nisi ex deliberato consensu; & sic idem quod prius.

10. Præterea. Propter contemptum, veniale peccatum fit mortale, ut supra dictum est. Sed hoc non videtur esse sine contemptu, quod aliquis ex deliberatione peccet. Videtur ergo quod peccatum superioris rationis, cum sit ex deliberatione, numquam sit veniale, sed semper sit mortale.

11. Præterea. In inferioribus viribus animæ invenitur peccatum veniale ex surreptione. Sed peccatum, secundum quod sit in superiori ratione, ex surreptione non potest esse veniale, ut videtur. Ergo in superiori ratione nullo modo potest esse peccatum veniale. Probatur medix. Peccatum quod fit ex surreptione, superveniente deliberato consensu, de veniali fit mortale, per hoc quod ratio deliberans applicat aliquod aliud maius bonum, contra quod agere est maius peccatum: puta, cum insurgit concupiscentia ex surreptione, consideratur in obiecto quod concupiscitur, solum ratio delectationis; cum vero ratio deliberat, considerat aliquid altius, scilicet legem Dei repugnantem concupiscentiæ, quam contemnendo per concupiscentiam peccat homo mortaliter. Sed nihil potest accipi altius quam obiectum superioris rationis, quod est bonum æternum. Ergo si peccatum ex surreptione circa proprium obiectum esset veniale, in superiori ratione non posset fieri mortale per deliberatum consensum. Sed constat quod per deliberatum consensum est mortale. Ergo etiam si sit ex surreptione, est mortale. Nullo ergo modo potest esse peccatum veniale in superiori ratione.

12. Præterea. Ratio superior est principium spiritualis vitæ, sicut cor in animali est principium vitæ corporalis: unde & cordi comparatur, secundum illud Proverb. 17. 23. *Omni custodiam servatorem tuum: quoniam ab ipso vita procedit.* Sed in corde non potest esse aliqua ægrotudo quæ non sit mortalis.

Ergo nec in superiori ratione est aliquod peccatum veniale, sed mortale tantum.

Sed contra. Augustinus dicit in XII. de Trin. (cap. xxi.) quod omnis consensus in actum pertinet ad rationem superiorem. Sed aliquis consensus in actum esse peccatum veniale, utpote cum aliquis consentit, ut dicat verbum otiosum: consensus enim in veniale peccatum est veniale, sicut consensus in mortale est mortale. Ergo in superiori ratione potest esse peccatum veniale.

Præterea. Sicut voluntas in bono, ita ratio delectatur in vero. Sed voluntas potest peccare venialiter, si diligit bonum creatum infra bonum increatum. Ergo ratio superior potest peccare venialiter, si delectatur in vero creato infra verum increatum.

Respondeo dicendum, quod cum ratio sit directiva appetitus, dupliciter convenit esse peccatum in ratione. Uno modo quantum ad actum proprium rationis, utpote cum in aliquo errat adherendo falso, dimisso vero. Alio modo ex hoc quod appetitus post deliberationem rationis in aliquod inordinate fertur: & si quidem deliberatio rationis funditur in aliquibus rationibus temporalibus, puta quod aliquid sit utile vel inutile, decens vel indecens secundum opinionem hominum, dicitur esse peccatum in inferiori ratione; si vero deliberatio fiat per rationes æternas, puta quia est concordans vel discordans præcepto divino, dicitur esse peccatum in ratione superiori. Nam ratio superior dicitur quæ rationibus æternis inhæret, ut dicit Augustinus XII. de Trin. Dupliciter autem eis inhæret, scilicet & conspiciendis eis, & consulendis eis. Inhæret quidem conspiciendis eis ut obiecto proprio; eis autem consulendis inhæret tamquam medio, quod applicat ad dirigendum appetitum, seu actionem. Utroque autem modo potest in superiori ratione esse peccatum veniale, & mortale. Nam inquantum inhæret rationibus æternis conspiciendis, quæ sunt proprium eius obiectum, potest habere & actum deliberatum, & actum non deliberatum, qui surreptio dicitur. Quamvis enim rationis sit deliberare, necesse est tamen quod in omni deliberatione includatur absoluta consideratio. Nam deliberatio nihil est aliud quam quidam discursus, & quodammodo mobilis consideratio. In omni autem motu invenitur aliquid indivisibile, sicut & in tempore invenitur instans, & in linea punctus. Si ergo in superiori ratione circa proprium obiectum fuerit peccatum ex surreptione, erit peccatum veniale; puta, cum aliquis subi-

to apprehendit tamquam impossibile Deum trinum & unum. Non enim est hoc ante peccatum mortale quam ratio adverterat hoc esse contra mandatum Dei: de ratione enim peccati mortalis est quod sit contra præceptum Dei. Cum ergo per deliberationem perceperit ratio, quod discredere esse contra præceptum Dei, efficietur mortale, si discredat. In eo vero quod inheret rationibus æternis tamquam medio, eas consulendo, non potest esse peccatum ex surreptione, quia ipsum consilium deliberationem importat; potest tamen nihilominus etiam hoc modo in ratione superiori esse peccatum veniale, & mortale. In consulendo enim quaerimus & per quod aliquid fieri possit, & per quid aliquid melius fiat. Dupliciter ergo in consulendo rationes æternas potest esse peccatum. Uno modo inquantum secundum huiusmodi deliberationem acceptatur aliquid quid est omnino contrarium fini, ut eo posito non possit ad finem perveniri; & tunc est peccatum mortale; puta, cum aliquis deliberans fornicationem esse contra legem Dei, nihilominus eam eligit, peccat mortaliter. Cum vero acceptatur aliquid quod non excludit finem, sed tamen sine eo melius ad finem perveniri possit, quia in aliquo retardat a fine, vel disponit ad contrarium finis; tunc est peccatum veniale; puta, cum aliquis dicit verbum otiosum etiam deliberans quod est peccatum veniale disponens ad mortale, & in aliquo deficiens a rectitudine iustitiæ, quæ ducit ad Deum.

Ad primum ergo dicendum, quod non oportet quod quodcumque ratio superior peccat, hoc sit per aversionem a rationibus æternis: quia quandoque peccat approbando aliquid quod non est contrarium rationibus æternis, ut dictum est (in corp. art.)

Ad secundum dicendum, quod circa finem potest esse inordinatio dupliciter: aut quia receditur a fine, & hoc est peccatum mortale; aut quia acceptatur aliquid a fine retardans, & hoc est peccatum veniale.

Ad tertium dicendum, quod lux corporalis agit ex necessitate naturæ; & ideo quamdiu manet integra, semper agit, & numquam habet actum diminutum: sed usus caritatis, & gratiæ subiacet arbitrio voluntatis: unde non semper homo habens caritatem, utitur perfectione eius; sed quandoque agit aliquem actum diminutum.

Ad quartum dicendum, quod Augustinus loquitur de peccato mortali, quod est per-

versitas, & malum simpliciter; peccatum autem veniale non proprie potest dici per-versitas, nec est malum nisi secundum quid, ut supra dictum est.

Ad quintum dicendum, quod quando ratio procedens ex rationibus æternis acceptat aliquid contrarium illis rationibus, peccat mortaliter; sed quandoque peccat, non quia sit contrarium illud quod acceptat, sed quia est disponens ad contrarium, & retardans.

Ad sextum dicendum, quod ratio semper dicitur recta vel secundum quod se habet ad prima principia, circa quæ non errat, vel quia error non evenit ex proprietate rationis, sed magis ex eius defectu. Ex proprietate vero phantasmæ consequitur error, inquantum apprehendit similitudines rerum absentium.

Ad septimum dicendum, quod tam continens, quam incontinens habet rationem rectam ad minus in universali: quia & incontinens iudicat esse malum per rationem rectam, acceptare delectationem inhonestam, licet ab hac consideratione universalis deficiat propter passionem. Non tamen sequitur propter hoc quod cuiuslibet peccatoris ratio in universali laudetur: quia intemperatus etiam extra passionem existens iudicat ut bonum delectationem inhonestam uti, tamquam perversa ratione utens.

Ad octavum dicendum, quod etsi ratio deliberet, tamen necesse est quod habeat aliquam considerationem, quæ includitur in ipsa deliberatione, ut dictum est. Nec tamen oportet quod quodcumque ex deliberatione peccat, peccet ex certa malitia, sed solum tunc quando acceptat aliquid contrarium virtuti, ut dicitur in VII. Ethic. Veniale autem peccatum non contrariatur virtuti. Cum ergo ex deliberatione consentit aliquis in veniale peccatum, non propter hoc peccat ex malitia.

Et per hoc patet solutio ad nonum.

Ad decimum dicendum, quod deliberatus consensus non causat Dei contemptum, nisi illud in quod consentit, acceptetur ut contrarium Deo.

Ad undecimum dicendum, quod obiectum superioris rationis, quod est altissimum, potest considerari & secundum cognitionem superiorem, & secundum cognitionem inferiorem. Nam cognitio quam Deus habet de bono æterno, quod est ipse, est supra cognitionem quam homo habet de eo per rationem humanam: & ideo homo in sua cog-

(*) *Id.* quod malum.

gnitione rectificatur per cognitionem divinam, in quantum credit revelationi divinae. Cum vero aliquis subito apprehendit Deum non esse trinum & unum, apprehendit hoc secundum rationem humanam, & est peccatum veniale. Cum vero deliberat, applicat ad hoc cognitionem divinam, considerans quod hoc est contra id quod Deus revelavit, quod aliquis discredet unitatem illius Dei: & ideo fit mortale quasi reductum in contrarietatem altioris medii.

Ad duodecimum dicendum, quod infirmitas immutans naturalem complexionem cordis, aut aliquid ab eo abiciens, semper est mortalis; sed infirmitas inducens inordinationem aliquam in motu eius, non semper est mortalis: & similiter peccatum auferens caritatem a superiori ratione est mortale; non autem peccatum quod facit inordinationem in aliquo actu.

ARTICULUS VI.

Utrum in sensualitate possit esse peccatum veniale.

Sexto quaeritur, utrum in sensualitate possit esse peccatum veniale. Et videtur quod non. Dicit enim Ambrosius (Lib. de Noe & arca cap. xii. a med.) quod illud solum est capabile virtutis quod est capabile vitii. Sed sensualitas non est capabilis virtutis: significatur enim per serpentem, ut Augustinus dicit in XII. de Trinit. (cap. xii. & xiii.) Quia ergo sensualitas non potest esse causa virtutis, ergo nec vitii.

2. Præterea. Secundum Augustinum (Lib. de duabus animabus cap. x. & xi. & I. Retract. cap. ix.) omne peccatum in voluntate est, quia non nisi voluntate peccatur. Sed sensualitas est alia a voluntate. Ergo sensualitatis non est peccatum veniale.

3. Præterea. Peccatum in brutis non invenitur. Sed sensualitas est communis nobis, & brutis. Ergo in sensualitate peccatum esse non potest.

4. Sed dicendum, quod sensualitas in brutis non est obediens rationi, sicut in nobis; & ideo in nobis potest esse subiectum peccati, non autem in brutis. Sed contra. Sensualitas secundum hoc non erit subiectum peccati venialis, nisi in quantum obedit rationi. Sed propter quod unumquodque, illud magis, & prius. Ergo magis est assignandum subiectum peccati venialis ratio quam sensualitas: peccant enim secundum

Philosophum in Topic. qui non assignant primum subiectum accidenti.

5. Præterea. Dispositio, & habitus sunt in eodem. Sed peccatum veniale est dispositio ad mortale. Cum ergo peccatum mortale non possit esse in sensualitate, nec veniale in sensualitate esse poterit.

6. Præterea. Augustinus dicit super Genes. contra Manichæos (Lib. II. cap. xiv. parum ante finem) quod si aliquis motui sensualitatis non consentit, non periclitatur, sed coronatur. Nullus autem venialiter peccans ex hoc coronatur. Ergo motus sensualitatis non est peccatum veniale.

7. Præterea. Augustinus dicit in sermone de operibus misericordiae: *Omne peccatum est contemptus Dei, propter hoc quod contemnuntur mandata eius.* In illa ergo parte animæ potest esse peccatum quæ potest percipere mandatum Dei. Hoc autem non potest esse sensualitas, sed sola ratio. Ergo peccatum veniale non potest esse in sensualitate.

8. Præterea. Nullus peccat in eo quod per voluntatem vitare non potest. Sed homo non potest per voluntatem vitare quin motus concupiscentiæ exurgat, secundum illud Rom. vii. 19. *Non enim quod volo bonum, hoc ago, scilicet non concupiscere, ut Glossa (interlinealis ibi) exponit.* Ergo motus sensualitatis non est peccatum.

Sed contra est quod Magister dicit xxiv. dist. II. Sent. quod si motus concupiscentiæ sit solum in sensualitate, erit peccatum veniale: & sumitur ab Augustino XII. de Trinitate (cap. xii.)

Respondeo dicendum, quod peccatum proprie respicit actum, ut ex superioribus patet. Cum autem nunc loquamur de peccato in moribus, in actu illius potentie conringit esse peccatum, quem contingit esse moralem. Est autem aliquis actus moralis per hoc quod est a ratione, & voluntate ordinatus, & imperatus. Unde quæcumque pars hominis obedit rationi, potest in actu eius esse peccatum. Obedit autem rationi, & voluntati, non solum membrum corporale ad exteriorem actum, sed etiam appetitus sensitivus ad quosdam interiores motus: unde & in actibus exterioribus, & in moribus sensitivi appetitus, qui dicitur sensualitas, potest esse peccatum. Sed considerandum, quod quia actio magis attribuitur principali & primo agenti quam instrumenti, quando interior appetitus, vel membrum exterius operatur ex imperio rationis, attribuitur peccatum non sensualitati, vel membro corporali, sed rationi. Numquam autem

autem contingit quod membrum exterius operetur nisi motum, vela ratione, vel saltem ab imaginatione vel sensu, & appetitu sensitivo: unde peccatum numquam dicitur esse in membris exterioribus, puta manū, vel pede. Sed sensualitas quandoque movetur absque imperio rationis, & voluntatis; & tunc peccatum dicitur esse in sensualitate. Sed tamen hoc peccatum non potest esse mortale, sed veniale tantum. Peccatum enim mortale est per aversionem a fine ultimo, in quem ordinat ratio; sed sensualitas ad illud attingere non potest: unde in sensualitate non potest esse peccatum mortale, sed veniale tantum. Cum enim motus sensualitatis imperatur a ratione, ut patet in eo qui vult concupiscere aliquid mortaliū, talis motus est peccatum mortale; sed non attribuitur sensualitati, sed rationi imperanti.

Ad primum ergo dicendum, quod Ambrosius loquitur de vitio peccati mortalis, quod opponitur virtuti. Veniale autem non contrariatur virtuti, quamvis quaedam virtutes sint irrationalium partium animæ, secundum Philosophum in III. Ethic. (cap. x. in princ.) non quidem inquantum sunt sensitivæ, sed inquantum sunt rationales per participationem.

Ad secundum dicendum, quod Augustinus intelligit omne peccatum esse in voluntate sicut in primo movente, vel movere potente: ex hoc enim motus sensualitatis est peccatum veniale, quia voluntas potest illud impedire.

Ad tertium dicendum, quod sensualitas est subiectum peccati inquantum obedit rationi; sic autem non est communis nobis, & brutis.

Ad quartum dicendum, quod quando actus voluntatis, vel rationis invenitur in peccato; tunc directe potest attribui rationi, vel voluntati, sicut primo motivo, & primo subiecto: sed quando non est ibi aliquis actus voluntatis, vel rationis, sed solus actus sensualitatis, qui dicitur peccatum, quia potest prohiberi per rationem, & voluntatem; tunc peccatum attribuitur sensualitati.

Ad quintum dicendum, quod quando dispositio, & habitus differunt, sicut perfectum, & imperfectum in eadem specie, tunc sunt in eodem; alioquin non oportet. Nam bonitas imaginationis est dispositio ad scientiam: & similiter motus sensualitatis potest esse dispositio ad peccatum mortale, quod est in ratione.

Ad sextum dicendum, quod quando motus illicitus est in sensualitate, tripliciter se potest ad ipsum habere ratio. Uno modo sicut resistens; & tunc nullum est peccatum, sed est meritorium coronæ. Aliquando autem se habet ut imperans, puta cum ex proposito motum concupiscentiæ illicitæ excitat; & tunc si sit illicitum in genere peccati mortalis, erit peccatum mortale. Aliquando autem se habet ut neque prohibens, neque imperans, seu consentiens; & tunc est peccatum veniale.

Ad septimum dicendum, quod Augustinus ibi loquitur de peccato mortali, quod est simpliciter peccatum: nam peccatum veniale est secundum quid peccatum, ut supra dictum est.

Ad octavum dicendum, quod quia appetitus sensitivus movetur ab aliqua apprehensione, & tamen est virtus in organo corporali, dupliciter potest motus eius insurgere: uno modo ex corporis dispositione; alio modo ex aliqua apprehensione. Dispositio autem corporalis non subiacet imperio rationis, sed omnis apprehensio imperio rationis subiacet: potest enim ratio prohibere usum cuiuslibet apprehensivæ potentie, maxime in absentia sensibilis secundum tactum, quod quandoque removeri non potest. Quia ergo peccatum est in sensualitate, secundum quod potest obedire rationi; primus motus sensualitatis, qui est ex dispositione corporali, non est peccatum: & hunc appellant aliqui primo primum: secundus autem motus, qui excitatur ex aliqua apprehensione, est peccatum. Primum enim ratio nullo modo vitare potest; secundum autem vitare potest quantum ad singulos, non autem quantum ad omnes: quia dum avertit cogitationem suam ab uno, incurrit in aliud, ex quo potest insurgere motus illicitus.

ARTICULUS VII.

Utrum homo in statu innocentie poterit peccare venialiter.

1. 2. quæst. lxxxix. art. 3.

SEPTIMO queritur, utrum homo in statu innocentie poterit peccare venialiter. Et videtur quod sic. Quia super illud I. ad Timoth. 11. 2. *Adam non est seductus*, dicit Glossa (ordinaria ex Aug. Lib. XIV. de civ. Dei cap. xi. in fin.), „Inexpertus dicitur, vinæ severitatis, in eo falli potuit, ut cre-

„crederet veniale esse commissum. “ Ex quo videtur quod Adam in statu innocentie crediderit se posse peccare venialiter, etiam antequam mortaliter. Sed ipse melius novit conditionem sui status quam nos. Non est ergo nobis dicendum, quod non potuerit peccare venialiter.

2. Sed dicendum, quod veniale non sumitur (a) ibi pro veniali ex genere, sicut verbum otiosum dicitur veniale peccatum; sed dicitur veniale, idest facile remissibile. Sed contra est quod Gregorius dicit IX. Moral. (cap. xxviii. in novis exemplar.) super illud, *Memento, queso, quod sicut lumen feceris me*: „Venialis est in homine culpa, cum sit irremediabilis in Angelo. “ lo. “ Si ergo aestimasset peccatum suum esse veniale, idest remissibile, non fuisset seductus. Ergo Glossa non est sic exponenda, ut accipiat veniale pro remissibili.

3. Præterea. Peccatum veniale est dispositio ad mortale. Sed dispositio præcedit habitum. Ergo veniale peccatum in homine præcessit mortale.

4. Præterea. Cum nos possimus peccare venialiter; si Adam venialiter peccare non potuit, hoc non fuit nisi propter integritatem sui status. Sed minus opponitur integritati primi status peccatum veniale quam mortale, quod tamen commisit. Ergo multo magis peccatum veniale committere potuit.

5. Præterea. Peccata opponuntur actibus virtuosis. Sed actus virtuosus non fuerunt alterius generis in statu innocentie quam sint modo. Ergo nec actus peccatorum. Si ergo quædam peccata sunt modo venialia, & in statu innocentie fuissent.

6. Præterea. Prius accedit ad minus distans quam ad magis distans. Sed peccatum mortale magis distat a rectitudine primi status quam peccatum veniale. Ergo prius pervenit Adam ad peccatum veniale quam ad peccatum mortale.

7. Præterea. Adam potuit peccare, & bene facere. Sed potuit facere bonum maius, & minus. Ergo potuit facere malum maius, & minus, peccando mortaliter, & venialiter.

8. Præterea. Invenitur aliquis status creturæ rationalis in quo potest quis peccare mortaliter, & venialiter; sicut in nobis accidit. Invenitur etiam alius status in quo non potest quis peccare venialiter, nec mortaliter, sicut in statu gloriæ. Invenitur et-

iam aliquis status in quo non potest peccari venialiter, sed mortaliter tantum. Ergo est aliquis status in quo potest peccari venialiter, & non mortaliter, statu illo durante. Sed hic status non potest esse alius nisi status innocentie. Ergo in statu innocentie poterat homo peccare venialiter, statu illo durante.

9. Præterea. In statu innocentie regimen animæ erat bene ordinatum, propter quod dicitur Eccle. vii. 30. quod Deus fecit hominem rectum. Sed regimen bene ordinatum potest prius debilitari antequam totaliter destruat. Ergo & regimen animæ poterit prius debilitari per peccatum veniale quam totaliter destrui per peccatum mortale.

10. Præterea. Gratia non aufert naturam. Sed liberum arbitrium hominis naturaliter habet quod potest bene facere, & peccare mortaliter, & venialiter. Ergo donum gratuitum originalis iustitiæ non imdebatur quo minus posset venialiter peccare.

11. Præterea. Nihil prohibet defectum esse in actu secundi agentis, nullo defectu existente in actu superioris agentis; sicut contingit esse defectum in vi germinativa plantæ, nullo defectu existente in motu solis. Sed in anima ratio, & sensualitas comparantur sicut superius, & inferius. Ergo potuit esse peccatum veniale in actu sensualitatis, nullo peccato mortali existente in actu rationis, & in statu innocentie.

12. Præterea. Augustinus dicit XI. super Genes. ad litteram (circa finem) quod Adam sollicitavit aliqua experiendi cupiditas, cum mulierem videret accepta illa esca non esse mortuam; non tamen sic tam spiritali mente præditus ullo modo credere potuit, quod eos Deus ab esca illius ligni invidendo venisset. Sed Adam non habuit spirituale mentem post peccatum. Ergo ante peccatum sollicitavit ipsum experiendi cupiditas. Sed experiendi cupiditas est peccatum veniale. Ergo peccatum veniale in Adam præcessit mortale.

13. Præterea. Subitus infidelitatis motus est peccatum veniale. Sed in Eva antequam peccaret, fuit subitus infidelitatis motus: quod patet per hoc quod quasi dubitans dicit (Genes. iii. 3.) *Ne forte moriamur*. Ergo peccavit venialiter antequam mortaliter.

14. Præterea. Secundum Augustinum in Ench. (cap. xi. a med.) peccata sunt in anima sicut morbi in corpore. Sed Adam prius

(a) Alii. nisi.

prius incurrit morbum debilitantem virtutem eius quam incurreret mortem. Ergo pariter prius incurrit debilitatem per peccatum veniale quam mortem spirituales per peccatum mortale.

15. Præterea. Augustinus dicit XII. super Genes. ad litteram (cap. v. in princ.) *Non est arbitrandum, quod esset hominem deiectionis tentator, nisi præcisisset in anima hominis quadam elatio comprimenda.* Sed elatio comprimere non potuit postquam in eam consentit. Ergo surrexerat in eo, antequam fuerat comprimenda per dissensum. Sed talis motus comprimendus, est peccatum veniale. Ergo in Adam fuit peccatum veniale ante consensum.

16. Præterea. Homo fuit deiectionis a tentatore per peccatum mortale. Sed elatio comprimenda præcessit deiectionem, ut ipsa verba Augustini sonant. Ergo peccatum veniale fuit in eo ante peccatum mortale.

Sed contra. Primum peccatum hominis fuit causa mortis, secundum illud Apostoli ad Rom. v. 12. *Per unum hominem in mundum intravit peccatum, & per peccatum mors.* Sed peccatum mortale ex hoc dicitur quod est causa mortis. Ergo primum peccatum hominis oportuit esse mortale.

Præterea. Anselmus dicit in Lib. de conceptu virginali (cap. x. circa med.) *Sic. ut ordo bestia est sine ratione agere, ita ordo humane nature est cum ratione agere.* Sed qui peccat venialiter, non agit cum ratione; alioquin non esset malum, cum Dionysius dicat cap. iv. de divin. Nomin. quod malum hominis est sine ratione esse. Ergo in statu innocentie, in quo integer erat ordo naturæ, non potuit homo venialiter peccare.

Præterea. Omnis motus est a prædominante. Sed in homine in tempore innocentie prædominabat iustitia. Ergo omnis motus illius status erat secundum iustitiam. Illo ergo statu durante, non potuit homo venialiter peccare.

Respondendo dicendum, quod communiter tenetur, Adam in primo statu venialiter non peccasse, antequam peccaret mortaliter. Posset autem aliquis asserere hoc ideo esse, quia peccata quæ sunt nobis venialia, homini in statu innocentie fuissent mortalia propter excellentiam sui status. Sed hoc dici non potest. Contingit enim unum & idem peccatum gravius esse propter personæ excellentiam; sed circumstantia personæ in infinitum non aggravat, ut faciat de veniali mortale, nisi transferat in aliam speciem peccati: sola enim huiusmodi circumstantia de veniali facit mortale, ut supra habitum

est. Hoc autem contingit cum alicui personæ propter aliquam sui status conditionem sit aliquid contra præceptum existens, quod in inferiori persona non habet rationem contra præceptum existentis; sicut in sacerdote uxorem ducere est contra præceptum de voto continentie implendo, non autem in laico qui non vovit: & sic illud quod est vel veniale, vel nullum peccatum in laico, est peccatum mortale in sacerdote. Si vero actus superioris personæ non repugnet præcepto specialiter sibi facto, non est peccatum mortale: quia omne peccatum mortale est contra præceptum divine legis, ut supra dictum est: nisi forte per accidens ratione scandali consequentis, cum hoc sit contra præceptum, præbere fratri occasionem ruine. Non autem potest dici, quod actus peccatorum venialium fuerint aliter contra præceptum primo homini in statu innocentie quam nobis. Unde non potest dici, quod fuissent ipsi peccata mortalia quæ sunt nobis venialia, si ea fecisset, propter excellentiam sui status; sed potius dicendum est, quod conditio sui status talis erat, quod tali statu durante nullo modo poterat peccatum veniale committere. Cuius ratio est, quia taliter homo erat in statu innocentie institutus, ut Augustinus dicit in XIV. de civit. Dei (cap. xv.) quod quamdiu pars superior hominis firmiter Deo inhaeret, omnia inferiora superiori parti subdebantur, non solum partes animæ, sed etiam ipsum corpus, & alia exteriora. Superior autem pars hominis, scilicet mens, a sua rectitudine qua Deo subdebatur, removeri non poterat nisi per peccatum mortale, quod est aversio a Deo. Nulla ergo inordinatio in inferioribus partibus animæ poterat esse, antequam peccaret mortaliter. Unde patet quod peccatum veniale, quod est in sensualitate ante deliberationem rationis, in statu innocentie esse non potuit, cum omnis motus inferiorum partium sequeretur ordinem partis superioris. Sed quia etiam in superiori ratione contingit esse peccatum veniale secundum præmissa, posset alicui videri quod saltem illud veniale peccatum in statu innocentie in Adam esse potuit. Sed & in hoc eadem ratio invenitur, si quis diligenter consideret. Nam cum potentie distinguantur secundum obiecta, secundum ordinem obiectorum est etiam ordo potentiarum. Contingit autem & in obiectis rationis esse ordinem superioris, & inferioris & in speculativis, & in practicis: sicut enim principium indemonstrabile est superius in speculandis, ita finis se habet in opes-

operabilibus. Unde quamdiu superior ratio hominis bene se habuisset circa finem, nullo modo deicere potuisset circa ea quae sunt ad finem proprium indecibilem ordinem inferiorum ad superiora secundum conditionem illius status: sicut & in speculativis quamdiu homo habet rectam existimationem circa principia, nisi sit defectus in connexione principiorum ad conclusiones, non potest incidere aliquis defectus circa conclusiones. Manifestum est autem ex supradictis (art. 1. huius quaest.) quod peccatum mortale est per aversionem a fine, peccatum autem veniale est inordinatio quaedam circa ea quae sunt ad finem. Unde impossibile erat hominem in statu innocentiae peccare prius venialiter quam mortaliter.

Ad primum ergo dicendum, quod in Glossa illa veniale non sumitur pro veniali in genere, sicut nunc de veniali loquimur; sed veniale dicitur facile remissibile.

Ad secundum dicendum, quod peccatum primi hominis veniale quidem fuit, ut Gregorius dicit, quia potuit remitti; non tamen sic de facili, ut ipse existimavit, ut scilicet absque amissione sui status ei remitteretur.

Ad tertium dicendum, quod dupliciter aliquis disponit ad alterum. Uno modo secundum ordinem necessarium & naturalem, sicut calor disponit ad formam ignis; & talis dispositio semper praecedit id ad quod disponit. Alio modo contingenter, & quasi per accidens, sicut ira disponit ad febrem, non tamen oportet quod semper iram febrem praecedat; & hoc modo veniale disponit ad mortale, nec tamen semper praecedit ipsum.

Ad quartum dicendum, quod veniale, & mortale peccatum intantum repugnant integritati primi status, quod illa integritas neutrum eorum compatitur; sed peccatum mortale intantum plus opponitur, quod poterat integritatem primi status corrumpere, non autem peccatum veniale.

Ad quintum dicendum, quod ratio illa procedit secundum illum intellectum quod existimantur ea quae sunt in nobis peccata venialia, potuisse fieri ab Adam, & tamen essent ei peccata mortalia: quod patet esse falsum ex his quae praedicta sunt (in corp. art.)

Ad sextum dicendum, quod ratio illa procedit quando ad magis distans non potest perveniri nisi per minus distans aliquod determinatum; sed quando per diversa rui-

us distantia potest perveniri ad unum magis distans, non oportet quodcumque illam praefigere: sicut si ad locum aliquem possit per diversas vias, non oportet quod antequam perveniat ad aliquid magis distans, perveniat ad aliquid minus distans in via illarum viarum: & similiter non oportet quod homo prius peccet venialiter quam mortaliter.

Ad septimum dicendum, quod Adam potuit facere a principio peccatum mortale vel maius, vel minus; non tamen sequitur quod potuit peccare venialiter: non enim omne peccatum minus est veniale.

Ad octavum dicendum, quod huiusmodi rationes non efficaciter concludunt ubique: potest enim inveniri aliquid sine altero, sicut substantia sine accidente, vel forma sine materia; & tamen alterum sine illo non potest inveniri. Et similiter dici potest, quod etsi inveniat status in quo possit esse peccatum mortale tantum, non propter hoc oportet inveniri statum in quo oporteat tantum esse peccatum veniale; licet possimus dicere, aliquem statum esse in quo non potuit esse peccatum mortale, sed veniale, sicut in sanctificatis ex utero, in Hieremia scilicet, & Ioanne Baptista, & Apostolis: de quibus dicitur (Psalm. lxxv. 4.) *Ego confirmavi columnas eius*: qui creduntur confirmati fuisse per gratiam, ut mortaliter peccare non possent, sed tantum venialiter.

Ad nonum dicendum, quod hoc quod regimen aliquod debilitetur prius quam totaliter corrumpatur, potest contingere vel ex defectu praesidentis, qui deficit in sapientia, vel iustitia; vel ex defectu subditorum, qui non perfecte obediunt. Sed in statu innocentiae mens hominis erat perfecta in sapientia, & iustitia, & inferiora ipsius perfecte ei subdebantur: unde non poterat debilitari regimen animae per peccatum veniale, antequam corrumpetur per mortale.

Ad decimum dicendum, quod perfectio naturae non tollitur per gratiam; sed defectus naturae per gratiam tollitur. Posse autem peccare pertinet ad defectum: unde & per gratiam aucteri potest ab homine, ita quod peccare non possit, sicut patet maxime in beatis.

Ad undecimum dicendum, quod defectum accidere in actu inferioris agentis, non existente defectu in superiori agente, potest contingere ex hoc quod inferius agens non totaliter subditur superiori. Hoc autem non

erat in statu innocentiz: unde ratio non sequitur.

Ad duodecimum dicendum, quod illa experiendi cupiditas subsecuta fuit elationem, quam vir ex verbo mulieris concepit: & hoc verba Augustini declarant, qui dicit (Lib. XI. super Genes. circa fin.) quod virum propter aliquam mentis elationem sollicitavit experiendi cupiditas: & illa elatio fuit primum peccatum hominis, & fuit peccatum mortale: quia contra Deum superbiuit: & tamen cupiditas experiendi id quod est prohibitum, potest esse peccatum mortale. Quod autem dicitur spirituali mente præditus, referendum est ad tempus ante elationem insurgentem: licet dici posset, quod etiam post peccatum habuit vir spirituales mentem, non tamen spiritualitate gratiæ, sed spiritualitate perpicacis intelligentiæ.

Ad decimumtertium dicendum, quod non potest dici subitus motus infidelitatis, vel dubitationis qui etiam in verba prorumpit: & tamen etiam illam dubitationem mulieris in verba prorumpentem elatio quidam in mente eius præcessit ex verbis serpentis, quibus sollicitavit eam de hoc quod præcepto superioris contineretur: statim enim in mentem mulieris surrexit elatio, per quam falsidivit præceptis Dei cohiberi; & ex hoc subsecuta est dubitatio.

Ad decimumquartum dicendum, quod ipsa necessitas moriendi, quam homo statim incurrit, mors quidam hominis dicitur, secundum illud Rom. viii. 10. *Corpus quidem mortuum est propter peccatum*: sicut & peccatum mortale dicitur mors animæ. Actualis autem mors proportionabiliter respondet futuræ damnationi.

Ad decimumquintum dicendum, quod elatio insurgens comprimenda dicitur, ne insurgeret: propositis enim verbis tentatoris, debuit homo sic se habere ut elationem subintrare non permitteret.

Ad decimumsextum dicendum, quod deiectio illa intelligitur secundum actum exterioris peccati, vel etiam secundum amissionem status, quem præcessit elatio sicut causa effectus.

ARTICULUS VIII.

Utrum primi motus in infidelibus sint peccata venialia.

1. 2. quæst. lxxxix. art. 5.

OCTAVO queritur, utrum primi motus in infidelibus sint peccata venialia. Et videtur quod non. Dicit enim Anselmus in Lib. de gratia & lib. arb. (de concordia gratiæ & liber. arb. parum a med.) *Qui non sunt in Christo, scientes carnem, sequuntur damnationem, etiam si non secundum carnem ambulent*. Sed sentire carnem, & non ambulare secundum carnem, est primus motus concupiscentiæ. Cum ergo solum peccatum mortale damnationem increatur, videtur quod primi motus concupiscentiæ in infidelibus, qui non sunt in Christo Iesu, non sint peccata venialia, sed mortalia.

2. Præterea. Apostolus ad Rom. vii. 15. dicit: *Non enim quod volo bonum, hoc ago*, scilicet non concupiscere: & hoc ea ratione sibi concludit non esse damnabile, si non secundum carnem ambulet, quia erat in Christo Iesu, cum dicit (cap. viii. 1.) *Nihil ergo damnationis est*, ex hoc scilicet quod non concupiscunt, *his qui sunt in Christo Iesu, qui non secundum carnem ambulant*. Remota autem causa, removetur effectus. Ergo concupiscere his qui non sunt in Christo Iesu, est damnabile.

3. Præterea. Sicut Anselmus in eodem Lib. dicit, sic homo factus est, ut concupiscentiam sentire non deberet. Ipsi autem debitum videtur homini esse remissum per gratiam baptismalem, quam infideles non habent. Ergo quodcumque infidelis concupiscit, etiam si non consentiat, facit contra debitum. Ergo peccat mortaliter.

Sed contra. In actu peccati plus peccat christianus quam infidelis, ceteris paribus, ut patet per id quod Apostolus ad Hebr. x. 29. *Quanto putatis deteriora mereri supplicia cum qui Christum conculeaverit, & sanguinem testamenti pollutum duxerit* Sed christianus concupiscens, si non consentiat, non peccat mortaliter. Ergo multo minus infidelis.

Respondeo dicendum, quod quidam posuerunt, in infideli etiam primos motus concupiscentiæ esse peccata mortalia: sed hoc esse non potest. Motus enim sensualitatis considerari potest dupliciter. Uno modo se-

cun-

ARTICULUS IX.

Utrum Angelus bonus, vel malus possit peccare venialiter.

cundum se; & sic patet quod non potest esse peccatum mortale: quia peccatum mortale est per aversionem ab ultimo fine, & per contemptum praecepti Dei; sensualitas autem non est capax divini praecepti, nec potest attingere ad ultimum finem: unde motus ejus secundum se consideratus, nullo modo potest esse peccatum mortale. Alio modo potest considerari secundum suum principium, quod est peccatum originale; & hoc modo non potest plus habere de ratione peccati quam peccatum originale habeat: quia effectus inquantum huiusmodi non potest esse potior sua causa; peccatum autem originale in infideli quidem est & secundum culpam, & secundum poenam; in fideli autem remanet quidem poena, sed aufertur culpa, ut supra dictum est (art. 1.) cum de originali disputaretur. Et propter hoc motus sensualitatis in fidelibus est quidem peccatum veniale, secundum quod est actus personalis; sed secundum quod oritur ex originali, non pertinet ad damnationem culpabiliter, sed solum ad quandam poenalitatem; in infideli autem, secundum quod est actus personalis, est similiter peccatum veniale; sed inquantum derivatur a peccato originali, habet aliquod damnationis culpabilis, non quidem secundum rationem peccati actualis mortalis, sed secundum rationem damnationis quae competit originali peccato.

Ad primum ergo dicendum, quod hi qui non sunt in Christo, sentientes carnem, consequuntur damnationem debitam originali peccato, non autem debitam mortali.

Ad secundum dicendum, quod Apostolus intendit concludere, cum dicit, *Nihil ergo damnationis* &c. quod rebellio sumitis est absque damnatione originalis in his qui sunt in Christo Iesu. Ex quo potest haberi, quod in his qui non sunt consecuti gratiam Christi Iesu, sit sordes peccati simul cum culpa originali.

Ad tertium dicendum, quod illud debetum non sentiendi carnem, est debetum habendi originalem iustitiam: ex quo sequitur quod non habens eam, vel aliquid loco eius, sicut gratiam baptismalem, habeat peccatum originale; non autem quod habeat in quolibet suo motu peccatum mortale.

Nono quaeritur, utrum Angelus bonus, vel malus possit peccare venialiter. Et videtur quod sic. Quia, ut Gregorius dicit in homil. Ascensionis (homil. xxi. in Evangel. paulo a princ.) *homo convenit cum Angelo inquantum intelligit*. Sed peccatum veniale potest esse in homine etiam secundum partem intellectivam, & secundum rationem superiorem, & inferiorem, ut supra (art. 5. & 6. huius quaest.) dictum est. Ergo pari ratione peccatum veniale potest esse in Angelo.

2. Præterea. Peccatum mortale consistit in hoc quod diligit aliquis creaturam plus quam Deum; in peccato autem veniali diligitur aliquid minus quam Deus. Sed Angelus potuit magis diligere creaturam quam Deum, quia peccavit mortaliter. Ergo etiam potuit peccare venialiter, diligendo creaturam minus quam Deum: quia qui potest magis diligere, potest etiam minus diligere.

3. Præterea. Peccatum mortale in infinitum distat a veniali: quod patet ex differentia poenarum, quia uni debetur poena temporalis, alteri poena aeterna. Sed Angelus distat in infinitum ab homine. Cum ergo Angeli mali, qui demones dicuntur, faciant interdum aliqua quae hominibus sunt venialia; puta, cum ipsimet dicunt aliqua verba otiosa, vel ad ea dicenda alios inducunt; videtur quod in Angelis non sint mortalia, sed venialia.

4. Præterea. Peccatum quod est ex suo genere veniale, non fit mortale, nisi ex aliquo contemptu. Sed demones quandoque inducunt ad aliqua quae sunt ex suo genere venialia, & sicut ipsi quandoque dicunt, non faciunt hoc ex contemptu Dei, neque ut inducant homines ad peccatum mortale. Ergo peccant venialiter.

Sed contra. Peccatum veniale maxime contingit ex surreptione. Sed surreptio in Angelis bonis, vel malis locum non habet: quia habent intellectum deiformem, ut Dionysius dicit. Ergo in Angelis bonis, vel malis non potest esse peccatum veniale.

Respondeo dicendum, quod in Angelo bono, vel malo peccatum veniale esse non potest. Ratio est, quia Angelus non habet intellectum discursivum, sicut nos habemus.

Hoc autem pertinet ad rationem intellectus discursivi ut principia seorsum interdu consideret, & conclusiones seorsum: & sic contingit quod ab uno in alterum discurrat, nunc hoc, nunc illud considerans. Hoc autem in intellectu deiformi non discursivo esse non potest: sed semper conclusiones considerat in ipsis principis absque omni discursu. Dictum est autem (quæst. 11. de malo art. 6.) quod sic se habet finis ad ea quæ sunt ad finem in appetibilibus, & operativis, sicut se habet principium in demonstrabile ad conclusiones in demonstrativis. Unde in nobis contingit quandoque quod cogitamus, vel afficimur circa ea quæ sunt ad finem tantum, & quandoque solum circa finem: quod in Angelis esse non potest: sed semper motus mentis angelicæ simul fertur in finem, & in ea quæ sunt ad finem: unde numquam in eis potest esse deordinatio circa ea quæ sunt ad finem, nisi simul existente deordinatione circa finem ipsum. In nobis autem contingit esse deordinationem circa ea quæ sunt ad finem per peccatum veniale, mente hominis habitualiter existente fixa in fine: & ideo in hominibus contingit esse peccatum veniale sine mortali, non autem in Angelis: sed omnis inordinatio est in eis per averſionem a fine ultimo, quod facit peccatum mortale: ex hoc enim Angelus peccat quod inhæret alieui bono creato, avetendo se a bono increato.

Ad primum ergo dicendum, quod cum Angelis quidem communicamus secundum intellectum, sed in genere: est tamen secundum speciem magna distantia: quia intellectus Angeli est deiformis, nostra autem intellectus est discursivus, ut dictum est.

Ad secundum dicendum, quod Angelus non est naturæ compositæ, sicut homo, qui ex natura sensibili & corporea inducitur ad amandum aliquid quod non debet, vel quantum non debet. Angelus autem ex hoc peccare potest, quia bonum sibi conveniens amat, non referendo ad Deum: quod est a Deo averſi, & mortaliter peccare. Unde non potest inordinate amare aliquid nisi per averſionem a Deo.

Ad tertium dicendum, quod in omnibus actibus suis voluntariis diabolus mortaliter peccat: quia semper actus liberi arbitrii in ipso procedunt ex intentione suis perversi.

Ad quartum dicendum, quod per hoc ipsum quod inducit homines ad ludicra verba, habet perversam intentionem inducendi eos ad peccatum mortale: & hoc ipsum quod est habere familiaritatem cum ipso, homini

imputatur ad peccatum, tantum quod nec etiam veritatem ab eo requirere debemus, ut Chrysostomus dicit: unde & Dominus eum vera contentem de sua deitate prohibuit, sicut habetur Marci 1. & Lucæ 11. Nec est verbum diaboli credendum, quia mendax est. & mendacii pater, ut dicitur Ioan. vii. 12.

ARTICULUS X.

Utrum peccatum veniale sine caritate puniatur pena æterna.

DEcimo quaeritur, utrum peccatum veniale sine caritate puniatur pena æterna. Et videtur quod non. Remota enim causa, removetur effectus: Sed causa quare peccatum mortale puniatur morte æterna, est, quia perimit bonum æternum: dicit enim Augustinus XXI. de civit. Dei (cap. xxi.) quod homo factus est malo dignus æterno, qui in se perimit bonum quod poterat esse æternum. Hoc autem veniale non facit. Ergo peccatum veniale mortali peccato coniunctum, non puniatur pena æterna.

2. Præterea. Sicut dicitur Deut. xxv. 2. *pro mensura delicti erit & plagarum modus.* Sed peccatum veniale non fit maius ex eo quod adiungitur mortali. Ergo non puniatur maiori pena. Sed quando est tale peccatum mortali in habente caritatem, non puniatur pena æterna. Ergo neque mortali adiunctum pena æterna puniatur.

3. Sed dicendum, quod peccatum veniale in eo qui decedit sine caritate, aggravatur ex adiunctione peccati mortalis, propter circumstantiam finalis impenitentia. Sed contra. Finalis impenitentia, secundum Augustinum in Lib. de verbis Domini (serm. xi. a med.) est peccatum in Spiritum sanctum. Si ergo aggravatur ratione finalis impenitentia, fiet peccatum in Spiritum sanctum; & sic iam non erit veniale, sed mortale.

4. Præterea. Potest contingere etiam in eo qui est in caritate, quod non poeniteat ante mortem de aliquo veniali commissio; nec puniatur pro peccato veniali pena æterna. Non ergo finalis impenitentia tantum aggravat veniale peccatum mortali adiunctum, ut faciat ipsum dignum pena æterna.

5. Præterea. Quanto aliquis est in maiori statu, tanto unius & idem peccatum videtur sibi esse gravius. Sed in maiori statu est ille qui habet caritatem, quam ille qui est.

est in peccato mortali. Ergo peccatum veniale est in eo gravius.

6. Præterea. Contingit quandoque quod aliquis in peccato mortali moriens poenitet de aliquo veniali commissio, mutans in hac vita voluntatem suam quam habuerat de peccando venialiter. Sed in eadem voluntate remanet anima in qua de hoc corpore exit. Ergo non erit in eo qui sic decedit, peccatum veniale post mortem: non ergo pro eo æternaliter punietur.

7. Præterea. Semper Deus punit eitra condignum: unde etiam in Pfalm. lxxvi. dicitur, quod non continet in ira misericordias suas. Sed poenam venialis peccati Deus in futuro non mitigat quantum ad acerbitatem: quia poena purgatorii est maior qualibet poena præfenti, ut Augustinus dicit, & multo magis poena inferni. Ergo mitigat eam quantum ad durationem: non ergo peccatum veniale mortali coniunctum æternaliter punitur.

8. Præterea. Sicut peccatum mortale est sine gratia, ita peccatum originale. Sed peccatum veniale originali coniunctum non punitur æternaliter: non enim punitur in limbo puerorum, quia ibi non est poena sensus; nec in inferno damnatorum, quia ibi punitur solum peccatum mortale; in purgatorio autem non punitur aliquis æternaliter. Ergo nec etiam veniale coniunctum mortali æternaliter punietur.

9. Sed diceretur, quod peccatum veniale non potest esse coniunctum mortali, nisi simul addit peccatum mortale: quia ante usum rationis homo non potest peccare venialiter, post usum vero rationis habitum, est in statu mortalis peccati, nisi convertatur ad Deum; & si convertatur ad Deum, iam habebit gratiam originale peccatum delentem. Sed contra. Quod actus aliquis convertatur ad Deum, cadit sub præcepto affirmativo: præcepta autem affirmativa erit obligent semper, non tamen obligant ad semper. Non ergo statim peccat mortaliter, si non convertatur actu ad Deum, statim habito usu rationis. Potest autem tunc peccare venialiter. Ergo potest esse peccatum veniale cum originali, sine mortali.

10. Præterea. Poena peccati mortalis proportionata est poenæ peccati venialis quantum ad acerbitatem: quia utriusque acerbitas est finita, omne autem finitum est proportionale cuiuslibet finito. Si ergo peccato veniali quod est coniunctum mortali debetur

poena æterna, sicut & mortali, non erit differentia poenarum, nisi secundum acerbitatem. In aliqua ergo proportionem poena peccati mortalis excedit poenam peccati venialis. Tot ergo poterunt multiplicari peccata venialia, quot merebuntur poenam æqualem uni peccato mortali. Hoc autem est falsum: quia ex multis venialibus non fit unum mortale, ut supra (art. 3. huius quæst.) dictum est. Ergo & primum, ex quo sequitur, scilicet quod peccatum veniale coniunctum mortali puniatur poena æterna.

Sed contra. Quod poena peccatorum venialium terminetur, hoc est merito fundamenti, ut patet per Apostolum I. ad Corinth. iii. quod quidem fundamentum est fides formata, ut Augustinus dicit XXI. de civit. Dei (cap. xxvi.) & in Lib. de fide & operibus (cap. xvi.) Hoc autem fundamentum non est in eo qui cum mortali peccato decedit. Ergo poena venialium non terminabitur in ipso.

Respondeo dicendum, quod ea ratione culpa debetur poena, quia culpa ordinatur per poenam: homo enim peccando propria voluntate divinæ iustitiæ ordinem prætermittit. Qui quidem modo reparatur per hoc quod fit de homine iustitia, dum contra suam voluntatem punitur secundum Dei voluntatem. Respondet autem perpetua poena peccato mortali secundum ordinem divinæ iustitiæ & ex ipsa specie peccati, & ex inhærentia ipsius ad subiectum. Ex specie quidem peccati, quia peccatum mortale est directe contra caritatem Dei & proximi, per quam peccati poena remittitur. Qui autem contra aliquem peccat, ex hoc ipso meretur eius beneficio privari; sicut in rebus humanis qui contra rem publicam peccant, hoc ipso in perpetuum societate reipublicæ privantur vel perpetuo exilio, vel etiam morte: in qua, sicut Augustinus dicit XXI. de civit. Dei (cap. x. a med.) non pensatur (a) mora temporis qua quisque occiditur; sed potius quod per mortem in æternum civitatis beneficio privatur, quamvis culpa commissa forte fuerit momentanea, aut brevi tempore perpetrata. Unde & ille qui mortaliter peccat, in quantum contra caritatem peccat, hoc meretur ut remissione privetur, quæ est effectus caritatis: & si Dominus remittit, non est ex merito hominis, sed ex misericordia sua. Ex parte vero inhærentiæ ad subiectum, peccatum poenam perpetuam habet, quia privatur hominum gratia, per quam potest peccatum

catum remitti. Peccato autem manente non solvitur poena: quia in operibus Dei nihil potest esse inordinatum: & ideo sicut homo qui se in puteum proliceret, unde per se non posset exire, quantum est in ipso, faceret ut in perpetuum esset ibi; ita etiam qui mortaliter peccat, quantum in ipso est, se in poenam aeternam inducit. Veniale autem peccatum, cum non sit contra caritatem, non meretur poenam aeternam ex specie peccati, nec ex parte inhærentiæ ad subiectum per se loquendo, quia non privatur gratia; sed per accidens fit irremissibile peccato mortali coniunctum, inquantum est in tubiælo privato gratia; & sic per accidens punitur poena aeterna.

Ad primum ergo dicendum, quod ratio illa procedit de causa pene aeternæ ex specie actus: sic autem veniale peccatum non meretur poenam aeternam, sed alio modo, ut dictum est (in corp. art.)

Ad secundum dicendum, quod acerbitas pene directe respondet quantitati peccati; sed æternitas pene respondet indelebitati ipsius: quæ quidem convenit aliquando veniali peccato per accidens, ut dictum est (loc. cit.)

Ad tertium dicendum, quod illa impenitentia facit peccatum in Spiritum sanctum quæ opponitur caritati, quæ est donum Spiritus sancti: unde non penitet de veniali, quia non est contrarium caritati, non facit peccatum in Spiritum sanctum; sed tamen inquantum est coniunctum mortali cum finali impenitentia, per accidens habet indelebitatem, ut dictum est.

Ad quartum dicendum, quod ille qui non penitet de veniali, penitet autem de mortali, non habet impenitentiam quæ repugnet remissioni peccati: unde non est causa pene aeternæ.

Ad quintum dicendum, quod non propter maiorem culpam ipse venialis, peccatum veniale coniunctum mortali diutius punitur; sed propter indelebitatem quæ provenit ex adiuncto, ut dictum est: & tamen non semper hoc est verum, quod peccata venialia adiuncta peccato mortali sint minora quam adiuncta caritati; quinimmo plerumque sunt maiora, utpote procedentia ex maiori libidine, quam caritas non refrenat. In his vero qui sunt perfectæ caritatis, venialia peccata ut plurimum accidunt ex aliqua surreptione, & cito virtute caritatis remittuntur, secundum illud II. Paral. xxx. 19. *Domini*

bonus propitiabitur cunctis qui in toto corde requirunt Dominum Deum patrum suorum. Et non imputabitur eis quod (a) peccata san-

ctificati sunt.
Ad sextum dicendum, quod peccatum postquam transit actu, potest manere reatu, quem non tollit quælibet mutatio voluntatis, sed solum illa quam caritas operatur.

Ad septimum dicendum, quod poena peccati venialis etiam cum in inferno ponitur, mitigatur quantum ad acerbitatem, quamvis gravius puniatur quam ab homine puniretur, quia maiorem gravitatem habet secundum quod comparatur ad Deum, prout ponitur ab homine.

Ad octavum dicendum, quod non est possibile quod aliquis decedat cum originali peccato, & veniali absque mortali: quia ante usum rationis puer excusatur a peccato mortali, ita ut si etiam committat actum qui de genere suo sit peccatum mortale, non incurrat reatum mortalis peccati, eo quod nondum habet usum rationis: unde multo magis excusatur a reatu peccati venialis, quia quod excusat maius peccatum, multo magis etiam excusat minus: sed postquam habet usum rationis, peccat mortaliter, si non facit quod in se est ad querendum suam salutem; si autem faciat, gratiam consequetur, per quam immunis erit ab originali peccato.

Ad nonum dicendum, quod licet præcepta affirmativa communiter loquendo non obligant ad semper, tamen ad hoc est homo naturali lege obligatus, ut primo fit sollicitus de sua salute, secundum illud Matth. vi. 33. *Primum querite regnum Dei.* Ultimus enim finis naturaliter cadit in appetitum, sicut prima principia naturaliter primo cadunt in apprehensione: sic enim omnia desideria præsupponunt desiderium ultimi finis, sicut omnes speculationes præsupponunt speculationem primorum principiorum.

Ad ultimum dicendum, quod licet in his quæ sunt diversarum rationum, sit proportio finita; tamen id quod imperfectius est, quantumcumque perficiatur, non potest æquare ei quod est perfectius: nigredo enim, quantumcumque intendatur, semper est imperfectior albedine. Poena autem proprie debita peccato mortali est privato divinæ visionis, qualis poena non correspondet peccato veniali: & ideo impossibile est poenam debitam.

bitam peccato veniali aequari poenae quae peccato mortali debetur. Vel disendum quod poena sensus quae inferitur in inferno pro peccato mortali, & veniali, non distat in infinitum, cum ambae sint finitae, & correspondant conversioni ad bonum commutabile, quae etiam in peccato mortali est finita; quamvis forte remorsus conscientiae, qui dicitur vermis, incomparabiliter sit maior in uno quam in alio: distantia autem infinita peccati mortalis a veniali est ex aversione a Deo, quae tantum est in mortali, ex qua perpetuo privatur divina visione; non autem per peccatum veniale, nisi per accidentem, ut dictum est. Nec tamen sequitur quod ex multiplicatione venialium fiat poena secundum intensiorem aequalis poenae peccati mortalis, sed secundum extensionem, quia pluribus modis punietur: & sic ratio non sequitur.

ARTICULUS XI.

Utrum peccata venialia post hanc vitam remittantur in purgatorio.

UNdecimo queritur, utrum peccata venialia post hanc vitam remittantur in purgatorio. Et videtur quod non. Dicitur enim Eccl. xi. 3. Si dignum fuerit praecisum, ubicumque ceciderit, ibi erit, sive ad Austrum, sive ad Aquilonem. Sed praecisio hominis fit per mortem. Ergo post mortem in illo statu remanebit semper in quo moritur. Non ergo post mortem remittitur homini aliquod peccatum.

2. Præterea. Peccatum non immutatur, nisi mutata voluntate peccandi, quae erat causa ipsius peccati; non enim tollitur effectus causa manente. Sed voluntas post mortem non potest mutari, sicut nec Angelus post casum: hoc enim hominibus mors est quod Angelis casus, ut Damascenus dicit (Lib. II. cap. iv. in fine.) Ergo peccatum veniale non potest remitti post hanc vitam.

3. Sed diceretur, quod peccatum mortale, quia simpliciter est voluntarium, requirit ad sui remissionem actualem mutationem voluntatis; non autem peccatum originale, quia non est peccatum voluntarium voluntate personae; neque peccatum veniale, quia non est simpliciter voluntarium, eo quod non potest homo vitare quin venialiter peccet; potest tamen vitare hoc vel illud veniale peccatum. Sed contra. Augustinus dicit in Lib. de penitentia (cap. xii.) quod

homo non potest inchoare novam vitam, nisi poeniteat eum veteris vitae. Sed remissio peccati pertinet ad inchoationem novae vitae. Omne autem peccatum etiam originale, & veniale pertinet ad vetustatem vitae. Cum ergo poenitentia dicat mutationem actualis voluntatis, videtur quod neque peccatum originale, neque veniale possit remitti sine actuali immutatione voluntatis.

4. Præterea. Eodem habitu alicui placet unum oppositorum, & displicet alterum; sicut per habitum liberalitatis placet nobis liberaliter dare, & displicet nobis illiberaliter retinere. Sed per habitum caritatis placet nobis bonum gratiae. Ergo per habitum caritatis displicet nobis malum culpae. Si ergo habitualis displicentia sufficeret ad remissionem peccati venialis, numquam peccatum veniale esset simul cum caritate.

5. Præterea. Remissio peccati venialis pertinet ad profectum spiritualis vitae. Sed profectus spiritualis vitae cum competat statui viatoris, non potest esse post mortem, quae terminat viatoris statum. Ergo peccatum veniale non potest remitti post hanc vitam.

6. Præterea. Eiusdem rationis esse videtur quod aliquis mereatur premium essentiale vel accidentale, & quod ei remittatur peccatum: quia eadem ratione qua aliquis accedit ad unum oppositorum, recedit ab altero. Sed homo post mortem non potest mereri neque premium essentiale, neque accidentale. Ergo pari ratione non potest percipere remissionem peccati neque venialis, neque mortalis.

7. Præterea. Facilius homo in peccatum cadit quam ei remittatur peccatum: quia homo est spiritus per se vadens in peccatum, sed non rediens. Sed post mortem non potest homo peccare venialiter. Ergo neque potest ei remitti peccatum veniale.

8. Præterea. Nullum peccatum quod meretur poenam æternam, remittitur post hanc vitam. Sed peccatum veniale videtur mereri poenam æternam: si enim pro vitiatione peccati venialis homo potest mereri vitam æternam. e contrario pro commissione peccati venialis potest homo mereri poenam æternam. Ergo peccatum veniale non potest remitti post hanc vitam.

9. Præterea. In purgatorio est & gratia, & poena. Sed non remittitur ibi peccatum veniale ratione poenae, tum quia cum poena sit effectus culpae, non agit in culpam, tum

tum quia pari ratione omnis poena tolleretur culpam; quod de poena inferni patet esse falsum. Similiter in ratione gratiae: quia gratia non opponitur peccato veniali, sed compatitur ipsi secum. Ergo peccatum veniale non remittitur in purgatorio.

10. Sed diceretur, quod peccatum veniale in purgatorio remittitur, quia homo in vita ista meruit ut sibi remitteretur. Sed contra. Meritum Christi est efficacius quam meritum cuiuscumque hominis. Sed nullus per sacramenta, quae habent efficaciam ex merito Christi, potest absolvi a peccato futuro. Ergo multo minus potest aliquis mereri ut sibi remittatur peccatum futurum.

11. Praeterea. Sicut peccatum mortale opponitur caritati, ita peccatum veniale opponitur fervori caritatis. Sed fervor caritatis delens peccatum veniale non potest esse in futuro: quia nullus motus novus voluntatis erit ibi. Ergo non poterit peccatum veniale remitti, sicut nec peccatum mortale potest remitti, nisi superveniente nova caritate.

12. Praeterea. Quidquid potest stare cum antecedente, potest stare cum consequente; sicut si album potest stare cum homine, potest etiam stare cum animali: alioquin sequeretur opposita esse simul. Sed ad gratiam finalem ex necessitate sequitur gloria, cum qua peccatum veniale stare non potest. Ergo nec cum gratia finali. Non ergo potest remitti post hanc vitam.

13. Praeterea. Status purgatorii est status medius inter statum praesentis vitae, & statum futurae gloriae. Sed in praesenti vita invenitur & culpa, & poena; in statu autem gloriae neque culpa, neque poena: inter quae est medium vel culpa sine poena, vel poena sine culpa. Sed culpa sine poena esse non potest, quia hoc repugnaret ordini divinae iustitiae. Ergo in purgatorio erit poena sine culpa. Nulla ergo culpa potest remitti post hanc vitam in purgatorio.

14. Praeterea. Nullum sacramentum Ecclesiae est frustra institutum. Sed extrema unctio, cum sit instituta ad remissionem venialium, frustra instituta videretur, si post hanc vitam in purgatorio venialia peccata possent remitti. Non ergo possunt post hanc vitam remitti.

15. Praeterea. Dispositio quae consequitur formam, non remanet in materia, forma recedente: non enim in materia ignis remanet claritas, igne extincto. Ergo nec dispositio materiae remanet in forma a materia

separata. Sed peccatum veniale est dispositio hominis ex parte materiae: nam ex corruptione corporis, quod aggravat animam, venialia peccata contingunt: nam in statu naturae integritate venialia esse non poterant, ut supra (art. 7.) dictum est. Non ergo veniale peccatum remanet in anima a corpore separata; & ita post hanc vitam remitti non potest.

16. Praeterea. Quando est aliquod magnum bonum quod dissetur, & magnum malum quod imminet, excitatur intensum desiderium ad consequendum bonum, & evadendum malum. Sed anima separatae quae est purgatorio obnoxia, imminet magnum malum, scilicet acerba purgatorii poena, & dissetur a maximo bono separato, scilicet a vita aeterna. Ergo statim excitatur in ea servens desiderium. Sed fervor caritatis non compatitur secum veniale. Ergo in purgatorio separata anima veniale habere non potest: ergo non potest veniale peccatum in purgatorio remitti.

17. Praeterea. Ignis purgatorii punit animam, inquantum est instrumentum divinae iustitiae. Non autem ponitur esse instrumentum divinae misericordiae, cuius est peccata remittere. Non ergo post hanc vitam in purgatorio peccatum veniale remittitur.

Sed contra est quod Gregorius dicit in IV. Dialog. (cap. xxxix.) *Datur intelligi quasdam leves culpas post hanc vitam remitti.*

Praeterea. Super illud Matth. xxi. *Ipsae vos baptizabit in Spiritu sancto, & igne*, dicit Glossa (ordinaria:), „ Spiritu in praesenti abluit; post si qua macula (a) „ furtexerit, igne purgatorio ad purum exurit: quod de levioribus credendum est „ peccatis. “

Praeterea. Augustinus dicit (serm. iv. in die animarum) quod illo transitorio igne non capitalia, sed minuta peccata purgantur.

Praeterea. Ambrosius dicit de bono mortis (cap. xi. a med.) *Sicut oculi carnales non possunt solum corporalem videre, si aliqua laeso in eis fuerit; ita nec spirituales possunt videre solum spirituale cum laesione.* Sed peccatum veniale est quidam laesio animae. Non ergo potest anima pervenire ad videndum Deum, quandoque habet maculam venialis peccati. Oportet ergo quod talis macula in purgatorio purgetur.

Respondeo dicendum, quod ad huius questionis evidentiam oportet intelligere quid sit

(a) Forte superest.

fit peccatum remitti, quod nihil aliud est quam peccatum non imputari. Unde in Psal. xxxi. cum praeiussisset: *Beati quorum remissa sunt iniquitates*: quasi exponens subdit: *Beatus vir cui non imputavit peccatum Dominus*. Imputatur autem peccatum alicui in quantum per ipsum impeditur homo a consecutione ultimi finis, qui est beatitudo aeterna: a qua impeditur homo per peccatum & ratione culpae, & ratione reatus poenae. Ratione quidem culpae, quia cum beatitudo aeterna sit perfectum bonum hominis, non compatitur secum aliquam bonitatis minorationem. Ex hoc autem ipso quod aliquis actum peccati commisit, incurrit quamdam boni minoratorem, in quantum scilicet factus est vituperabilis, & indecentiam quamdam habens ad tantum bonum; ex hoc vero quod reus est poenae, etiam impeditur a beatitudine perfecta, quae omnem dolorem, & poenam excludit: *fugiet enim ibi dolor, & gemitus*, ut dicitur Isai. xxxv. 10. Utrumque tamen horum aliter impedit in peccato mortali, & aliter in peccato veniali. Nam in peccato mortali patitur homo bonitatis minorationem per privationem principii ducentis ad finem, scilicet per privationem caritatis; sed in peccato veniali patitur homo minorationem, & impedimentum per quamdam indecentiam actus, quasi impedimento existente in ipso actu quo pergendum erat in finem, salvo tamen principio inclinante. Sicut etiam grave potest impediri oe perveniri deorum vel propter corruptionem gravitatis in ipso, vel propter aliquod impedimentum occurrentes, quo impeditur motus eius ne ad finem naturalem perveniat. Ex parte etiam reatus poenae est differentia. Nam per peccatum mortale meretur quasi inimicus effectus poenam exterminantem; per peccatum vero veniale poenam corrigentem. Aliter ergo remittitur peccatum veniale, & aliter mortale. Nam quantum ad culpam, ad hoc quod peccatum mortale non imputetur, oportet quod tollatur impedimentum, quod erat ex corruptione principii, per novam caritatis, & gratiae infusionem. Hoc autem non requiritur in peccato veniali, quia caritas manebat; sed oportet quod tollatur impedimentum per aliquem fortem impulsu repugnantem impedimento, quod erat appositum ex obice veniali: sicut impedimentum quod contingit ex (*) gravi corruptione, non potest tolli nisi per iteratam eiusdem genera-

tionem; impedimentum vero quod esset ex aliquo obice appposito, tollitur per aliquem violentum motum removemtem ipsum obicem. Sic ergo & veniale quantum ad culpam remittitur per fervorem caritatis, mortale vero per gratiae infusionem. Quantum ad poenam autem peccatum mortale non remittitur, quia habet poenam interminabilem & aeternam; peccatum vero veniale remittitur per exolutionem poenae temporalis finitae. Et hoc quidem quomodo utrumque possit remitti in hac vita, satis manifeste apparet; sed in futura vita mortale peccatum numquam potest remitti quantum ad culpam: non enim post hanc vitam anima immutatur essentiali immutatione per gratiam, & caritatis infusionem de novo; culpa autem non dimissa, nec poena remittitur, ut supra (art. praeced. in corp.) distum est. Sed de peccato veniali quidam dixerunt, quod in habentibus caritatem semper dimittitur in hac vita quantum ad culpam; sed post hanc vitam dimittitur quantum ad poenam, per poenae scilicet solutionem. Sed hoc quidem satis probabile videtur eo his qui cum usu rationis ex hac vita recedunt: non enim est probabile quod aliquis in caritate existens, & cognoscens sibi mortem imminere non moveatur motu caritatis & in Deum, & contra omnia peccata quae fecit, etiam venialia: & hoc sufficit ad remissionem venialium quantum ad culpam, & fortassis etiam quantum ad poenam, si sit intensa dilectio. Sed quandoque contingit quod aliqui in ipsis actibus peccatorum venialium, vel in proposito venialiter peccandi occupantur somno, vel aliqua passione auferente usum rationis, & praeveniuntur morte aequam possint habere usum rationis. Quibus manifestum est quod in hac vita peccata venialia non dimittuntur, & tamen propterea non impediuntur perpetuo a vita aeterna, ad quam oculo modo perveniunt, nisi omnino immunes ab omni culpa effecti. Et ideo oportet dicere, quod venialia remittuntur eis post hanc vitam, etiam quantum ad culpam, eo modo quo remittuntur in hac vita, scilicet per actum caritatis in Deum, repugnantem venialibus in hac vita commissis. Quia tamen post hanc vitam non est status merendi, ille dilectionis motus in eis tollit quidem impedimentum venialis culpae; non tamen meretur absolutionem, vel diminutionem poenae, sicut in hac vita.

Y Ad

[* (a) Forte gravitatis.

Ad primum ergo dicendum, quod peccatum veniale non mutat statum, vel locum hominis; sed est quoddam impedimentum quo differtur homo a consecutione ultimi finis.

Ad secundum dicendum, quod in futura vita non est aliqua essentialis immutatio voluntatis, scilicet quantum ad finem, vel quantum ad caritatem, vel gratiam; potest tamen esse aliqua accidentalis immutatio per remotionem impedimenti. Nam removens prohibens est movens per accidens, ut dicitur in VIII. Physic. (com. lxxxii.)

Ad tertium dicendum, quod eiusdem rationis est quod voluntas seratur in appetitum unius contrarii, & in detestationem alterius. Nullus autem habens usum liberi arbitrii potest inchoare novam vitam, quæ est per gratiæ infusionem, nisi appetat, & amet gratiæ bonum: & ideo oportet quod detestetur omne malum repugnans; ita tamen quod peccata mortalia quæ propria voluntate committit, & directe contrariantur gratiæ, in speciali detestetur; ut sic remota causa subtrahente gratiam, per displicentiam peccati mortalis, tollatur effectus, scilicet privatio gratiæ, per eius infusionem: peccatum autem originale non ex propria voluntate huius personæ contractum est: peccatum autem veniale est quidem propria voluntate huius personæ commissum, non tamen est causa privationis gratiæ: unde non requiritur displicentia in particulari, sed in universali tantum, inquantum habet aliquam rationem repugnantis ad gratiam.

Ad quartum dicendum, quod habitualis displicentia non sufficit ad remissionem venialis, sed requiritur actualis; sufficit tamen generatim.

Ad quintum dicendum, quod remissio culpæ venialis non facit profectum spirituales per se, scilicet quantum ad augmentum spiritualis boni; sed solum per accidens, scilicet quantum ad remotionem impedimenti.

Ad sextum dicendum, quod meritum gloriæ essentialis, vel accidentalis pertinet per se ad profectum spirituales, qui est per augmentum spiritualis boni: unde (a) non est similis ratio.

Ad septimum dicendum, quod anima post mortem transit in alium statum Angelis conformem: unde eadem ratione non potest peccare venialiter, sicut nec Angelus, quia non remanet in ea caritatis usus,

qui est causa remissionis peccati venialis; potest tamen post mortem ei remitti peccatum veniale.

Ad octavum dicendum, quod vitare peccatum veniale potest intelligi dupliciter. Uno modo secundum puram negationem; & sic non meretur vitam æternam: quia etiam dormiens non peccat venialiter, & tamen non meretur. Alio modo secundum aliquam affirmationem, secundum quod dicitur ille vitare peccatum veniale qui vult non peccare venialiter: & quia ista voluntas potest esse ex caritate, ideo vitare peccatum veniale potest esse meritum vitæ æternæ; sed peccare venialiter non repugnat caritati, unde non meretur pœnam æternam.

Ad nonum dicendum, quod remissio venialis peccati in purgatorio quantum ad penam est ex parte purgatorii, quia homo patiendo exsolvit quod debet, & ita cessat reatus; sed quantum ad culpam non remittitur per pœnam neque secundum quod actu sustinetur, quia non est meritoria, neque secundum quod recogitur. Non enim esset motus caritatis quod aliquis detestaretur peccatum veniale propter penam; sed magis esset motus timoris servilis, vel naturalis. Remittitur ergo in purgatorio veniale quantum ad culpam virtute gratiæ, non solum secundum quod est in habitu, quia sic compatitur veniale peccatum, sed propter exitum sine actu caritatis detestantis veniale peccatum.

Ad decimum dicendum, quod nullus potest mereri remissionem futuræ culpæ; potest tamen mereri statum purgatorii, in quo sit sibi culpa remissibilis.

Ad undecimum dicendum, quod post mortem non erit aliquis motus novus voluntatis, qui non præcessit in hac vita in aliqua radice vel naturæ, vel gratiæ. Multi tamen actuales motus voluntatis erunt post hanc vitam, qui non sunt modo: quia alii etiam erunt secundum ea quæ tunc cognoscunt, & experientur.

Ad duodecimum dicendum, quod quando antecedens, & consequens alicuius conditionalis sunt simul, quidquid potest stare cum antecedente, potest stare cum consequente; sed quando non sunt simul, hoc non est necessarium. Sequitur enim, si animal vivit, quod morietur; non tamen quidquid potest stare cum vita, potest stare cum morte: & similiter non quidquid potest stare

(a) *id. de sp. noo.*

stare eum gratia finali, potest stare cum gloria.

Ad decimumtertium dicendum, quod non oportet illud quod est medium quantum ad aliquid, esse medium quantum ad omnia. Sicut ergo purgatorius medius est quidem quantum ad aliqua inter statum presentis vitae, & statum glorie, non tamen quantum ad hoc quod sit ibi culpa sine pena, vel pena sine culpa.

Ad decimumquartum dicendum, quod omnia sacramenta novae legis sunt instituta ad conferendum gratiam. Non autem requiritur ad remissionem peccatorum venialium novae gratiae infusio, ut dictum est, & ideo nec extrema unctio. Nec aliquid sacramentum novae legis est principaliter institutum contra peccata venialia, licet per ea peccata venialia remittantur; sed est instituta extrema unctio ad reliquias peccatorum tollendas.

Ad decimumquintum dicendum, quod licet ex corruptione corporis sit aliqua causa venialis, non tamen venialia sunt sicut in subiecto in corpore, sed in anima: unde non sunt dispositiones materiae, sed formae.

Ad decimumsextum dicendum, quod illa ratio non concludit, quod peccatum veniale in purgatorio non remittatur, sed quod statim ibi non remittatur: & hoc satis videtur probabile.

Ad decimumseptimum dicendum, quod, sicut iam dictum est, remissio culpae non fit per penam, sed per usum gratiae, quae est effectus divinae misericordiae.

ARTICULUS XII.

De remissione peccatorum venialium in hac vita.

DUODECIMO quaeritur de remissione peccatorum venialium in hac vita, utrum scilicet remittantur per asperionem aquae benedictae, unctionem corporis, & huiusmodi. Et videtur quod non. Conferre enim gratiam est proprium sacramentorum novae legis. Sed huiusmodi non dicuntur esse sacramenta. Ergo non conferunt gratiam: non ergo per ea fit remissio alicuius culpae.

2. Præterea. Peccatum mortale non potest stare simul cum gratia, eum qua tamen potest stare veniale; & sic infusio gratiae sufficit ad remissionem peccati mortalis, non autem sufficit ad remissionem peccati

venialis. Videtur ergo quod plus requiritur ad remissionem peccati venialis quam ad remissionem peccati mortalis. Sed per praedicta non potest remitti peccatum mortale. Ergo multo minus peccatum veniale.

3. Præterea. Peccatum veniale remittitur per actum caritatis. Sed actus caritatis ex praemissis causari non potest, sed ab extincto procedit. Ergo per praedicta peccatum veniale remitti non potest.

4. Præterea. Huiusmodi equaliter se habent ad omnia peccata venialia. Si ergo per ea remittitur unum peccatum veniale, pari ratione remittuntur omnia: & sic si remittuntur quantum ad culpam, frequentissime illi qui sunt absque peccato mortali, possunt dicere: Peccatum non habemus: quod est contra id quod habemus I. Ioan. & si per huiusmodi remittatur peccatum etiam quantum ad penam, plurimi statim post mortem ad caelum evolabunt, purgatorii penam non sentientes; quod videtur inconveniens. Non ergo per praedicta, peccata venialia remittuntur.

Sed contra est, quia nihil in Ecclesia observantis agitur frustra. Sed in benedictione aquae fit mentio de remissione culpae. Ergo aliqua culpa per asperionem aquae benedictae remittitur. Non autem culpa mortalis. Ergo venialis.

Respondeo dicendum, quod, sicut supra dictum est, per fervorem caritatis peccata venialia remittuntur: & ideo quaecumque nata sunt excitare fervorem caritatis, possunt causare remissionem peccatorum venialium. Actus autem caritatis ad voluntatem pertinet: quae quidem tripliciter ad aliquid inclinatur: aliquando quidem ex sola ratione aliquid demonstrante; aliquando autem ex ratione simul, & aliquo interiori instinctu, qui est a causa superiori, scilicet Deo; aliquando autem cum hoc etiam ex inclinatione habitus inherentis. Sunt quidem quaedam quae causant remissionem peccati venialis, in quantum inclinant voluntatem ad ferventem caritatis actum secundum tria praedicta; & sic per sacramenta novae legis venialia peccata remittuntur: quia & ratio ea considerat ut quasdam salutes medicinas, & divina virtus in eis secretis operatur salutem, & etiam per ea confertur habitualis gratiae donum. Quaedam veto sunt quae causant remissionem venialis peccati secundum duo praedictorum: non enim causant gratiam, sed excitant rationem ad aliquid considerandum quod excitet caritatis fervorem: & etiam pie creditur quod virtus di-

vina interius operetur excitando dilectionis fervorem: & hoc modo aqua benedicta, benedictio pontificalis, & huiusmodi sacramentalia causant remissionem peccati venialis. Quaedam vero sunt quae causant remissionem venialis peccati, solummodo excitando caritatis fervorem per modum considerationis, sicut oratio dominica, unctio pectoris, & alia huiusmodi.

Ad primum ergo dicendum, quod non est necessarium ad remissionem peccati venialis quod nova gratia conferatur: & ideo potest peccatum veniale dimitti per aliquid quod non est sacramentum.

Ad secundum dicendum, quod habenti usum liberi arbitrii non infunditur nova gratia sine fervore caritatis: unde plura requiruntur ad remissionem peccati mortalis quam venialis.

Ad tertium dicendum, quod praedicta causant fervorem caritatis ipsam voluntatem inclinando, ut dictum est (in corp. art.)

Ad quartum dicendum, quod quamvis huiusmodi aequaliter se habeant ad omnia peccata venialia; tamen fervor ab eis excitatus non aequaliter semper se habet ad omnia; sed quandoque respicit aliqua in speciali, & contra ea efficacius operatur: & si in generali respiciat ea, potest contingere quod non habeat eundem effectum in omnibus, eo quod affectus hominis aliquando habitualiter est inclinatus ad aliqua peccata venialia committenda, ita scilicet quod si in memoria haberentur, non displicerent, vel forte si opportunitas adesset, committerentur: & raro contingit homines in hac mortali vita vivere, ab huiusmodi affectibus liberos esse: unde non possumus fiducialiter dicere: Peccatum non habemus. Et si etiam homo ad horam per huiusmodi remedia ab omnibus venialibus immunitatem consequatur quantum ad culpam, non tamen sequitur quod sit liberatus quantum ad totam poenam; nisi forte sit tantus fervor dilectionis, quod sufficiat ad totius poenae remissionem.

Tertio. Utrum superbia sit in vi irascibili.

Quarto. Utrum convenienter assignentur species superbiae.

ARTICULUS I.

Utrum sint tantum septem capitalia vitia.

1. 2. quæst. lxxxiv. art. 4.

Quæstio est de vitiiis capitalibus: & præcipuum quæritur de numero vitiorum capitalium, quot, & quæ sunt. Et videtur quod sint septem. Dicit enim Gregorius XXXI. Moral. (cap. xvii. in nov. exemp.) *Septem sunt principalia vitia, scilicet inanis gloria, invidia, ira, tristitia, avaritia, ventris ingluviæ, luxuria.*

1. Sed contra. Capitalia vitia videntur dici ex quibus alia oriuntur. Sed omnia vitia oriuntur ex uno vitio, vel ex duobus: dicitur enim I. ad Timoth. vi. 10. *Radix omnium malorum cupiditas: & Eccles. x. 15. dicitur: Initium omnis peccati superbia.* Ergo non sunt septem vitia capitalia.

2. Sed dicendum, quod Apostolus ibi loquitur de cupiditate, non secundum quod est speciale peccatum, sed secundum quod importat quandam generalem inordinationem concupiscentiæ. Sed contra. Cupiditas prout est speciale peccatum, est inordinatus appetitus divitiarum, qui avaritia dicitur. Sed de tali cupiditate ibi loquitur Apostolus: quod patet ex hoc quod ibidem 9. dicit: *Qui volunt divites fieri, incidunt in tentationes, & loquuntur diaboli.* Ergo cupiditas, quæ est radix omnium malorum, est speciale peccatum.

3. Præterea. Vitia virtutibus opponuntur. Sed solum sunt quatuor virtutes cardinales, ut Ambrosius dicit super illud Luc. vi. (Lib. V. in Luc.) *Beati pauperes.* Ergo non sunt nisi quatuor vitia capitalia.

4. Præterea. Ex illo peccato videntur aliud exoriri ad cuius finem aliud peccatum ordinatur: sicut si aliquis ad acquirendum pecuniam mentiatur, mendacium ex avaritia oritur. Sed ad finem cuiuslibet vitii quilibet vitia ordinari possunt. Ergo unum vitium non magis est capitale quam aliud.

5. Præterea. Ea quorum unum naturaliter ex altero oritur, non possunt poni æque principalia. Sed invidia naturaliter ex superbia oritur. Ergo invidia non debet poni vitium capitale conditum superbia.

6. Præterea. Illa videntur esse principalia

QUAESTIO VIII.

De vitiiis capitalibus,

In quatuor articulis divisa.

Primo enim quæritur, utrum sint tantum septem capitalia vitia.

Secundo. Utrum superbia sit speciale peccatum.

vel capitalia vitia, quae habent fines principales. Sed si accipiantur propinqui fines vitiorum, multo plures sunt quam septem; si autem remoti fines accipiuntur, non distinguetur gula a luxuria, quorum utrumque ad delectationem carnis ordinatur tamquam ad finem remotum. Non ergo convenienter assignantur septem vitia capitalia.

7. Præterea. Hæresis est quoddam vitium. Sed in eo qui incurrit hæresim ex pura ignorantia, non causatur hæresis ex aliquo prædictorum vitiorum. Ergo aliquod vitium est quod non oritur ex præmissis; & sic insufficienter assignantur principalia vitia.

8. Præterea. Contingit aliquod peccatum ex bona intentione oriri, ut patet in eo qui furatur ut det eleemosynam. Sed tale peccatum non procedit ex aliquo prædictorum vitiorum. Ergo ex præmissis vitiis non oriuntur omnia peccata.

9. Præterea. Gula videtur ordinari ad delectabile gustus, luxuria vero ad delectabile tactus. Sed etiam in aliis sensibus sunt quædam delectabilia. Ergo deberent accipi principalia vitia secundum alios sensus.

10. Præterea. Omnia peccata ad unum appetitum pertinent videtur: quia voluntas est quæ peccatur, & recte vivitur, ut Augustinus dicit. Sed motus appetitus virtutis est ab anima ad res. In rebus autem non invenitur nisi bonum, & malum, ut dicitur in VI. Metaph. (com. viii.) Ergo sola duo vitia debent esse capitalia, unum respectu boni, & aliud respectu mali.

11. Præterea. Voluntas, ad quam pertinet peccatum, est appetitus intellectivus, qui videtur esse rerum in universali, eo quod sequitur apprehensionem intellectus, quæ est universalis. Sed universalis in genere appetitus sunt bonum, & malum, quæ non sunt in genere, sed sunt genera aliorum, ut dicitur in Prædicamentis (in Postprædic. cap. de oppositis, in fin.) Ergo vitia capitalia non debent distinguí secundum aliqua particularia bona, vel mala; sed solum in generali, ut sint duo secundum differentiam boni, & mali.

12. Præterea. Malum pluribus modis contingit quam bonum: quia bonum contingit ex una & tota causa, malum autem ex singularibus defectibus, ut Dionysius dicit iv. cap. de divin. Nomin. Sed videtur quatuor peccata capitalia sumi secundum aliquem ordinem ad bonum; sicut gula, & luxuria respiciunt bonum delectabile, avaritia bonum utile, superbia bonum honestum, quia

bonis operibus infidatur ut pereant, ut Augustinus dicit. Ergo alia vitia capitalia debent esse plura quam tria.

13. Præterea. Diversorum generum diversa sunt principia, ut dicitur in XI. Metaph. Sed finis in operabilibus, & appetibilibus est sicut principium in speculativis, ut dicitur in VII. Ethic. (cap. viii. a med.) Ergo non possunt diversa genera vitiorum reduci in finem unius vitii; & sic ex uno vitio non possunt plura oriri.

14. Præterea. Si unum vitium ex alio oritur, quasi ad eius finem ordinatur, sequeretur quod idem sit finis utriusque vitii. Aut ergo secundum eandem rationem, aut secundum aliam & aliam. Si secundum aliam rationem, non erit dicendus unus finis, sed plures, quod multitudo, & diversitas obiectorum respondentium potentiis, habitibus, & actibus animæ, magis consideratur secundum rationes obiectorum quam materialiter secundum ipsas res: & sic unum non ordinabitur ad finem alterius; sed utrumque per se habebit ex æquo suum finem. Si autem idem secundum eandem rationem sit finis utriusque vitii, sequetur quod ambo vitia sint unum secundum speciem, sicut in naturalibus quæ habent unam formam sunt unius speciei: finis enim dat speciem in moralibus, sicut forma in naturalibus: & sic non erit origo vitii ex vitio, sed magis quædam unio vitiorum. Non ergo debent poni prædicta tamquam vitia capitalia.

15. Præterea. Philosophus dicit in V. Ethic. (cap. ii. paulo a princ.) quod si aliquis moriatur ut furetur, non est mortuus, sed fur; & sic videtur quod quando aliquod vitium ordinatur ad finem alterius vitii, transeat in speciem eius. Non ergo secundum hoc, vitium ex vitio oritur.

16. Præterea. Super illud Psalm. xviii. *Emundabor a delicto maximo*, dicit Glossa, quod „delictum maximum est superbia,“ quæ qui caret, omni vitio caret. „Ex quo videtur quod superbia sit vitium commune. Sed commune non dividitur contra proprium. Ergo non debet superbia poni vitium capitale condivisum ab aliis, sicut a quibusdam ponitur.

17. Præterea. Super illud Roman. vii. *Concupiscentiam nesciebam, nisi lex diceret, Non concupisces*, dicit Glossa (ordin.) „Bona est lex, quæ dum concupiscentiam prohibet, omne malum prohibet.“ Et sic etiam videtur quod concupiscentia sit vitium commune. Non ergo debet poni spe-

ciali-

cialiter cupiditas, seu avaritia unum de septem vitiis capitalibus.

18. Præterea. Vitia capitalia dicuntur quæ habent fines principales, sicut dictum est. Sed divitiarum, quæ sunt finis avaritiæ, non habent rationem finis principalis: quia non (a) appetuntur nisi sicut utiles, & relaxat aliud: unde Philosophus probat in I. Ethic. (cap. v.) quod in divitiis non possit esse felicitas. Ergo avaritia non debet poni capitale vitium.

19. Præterea. Passiones animæ ad peccata inclinant; unde dicuntur passiones peccatorum Roman. vii. Sed prima passionum est amor, ex qua omnes affectiones animæ oriuntur, ut Augustinus dicit XIV. de civit. Dei (cap. vii. & viii.) Ergo amor inordinatus debet maxime poni vitium capitale; præsertim cum Augustinus in eodem Libro (cap. ult.) dicat, quod amor sui usque ad contemptum Dei facit civitatem Babylonis.

20. Præterea. Quatuor ponuntur principales animæ passiones, scilicet gaudium, & tristitia, spes, & timor, ut patet per Augustinum XIV. de civit. Dei (cap. iiii. vii. & viii.) Sed inter septem vitia capitalia inveniuntur aliqua ad gaudium seu lætitiæ pertinere, sicut est gula, & luxuria: quedam etiam pertinent ad tristitiam, ut accidia, & invidia. Ergo etiam aliqua vitia capitalia debent poni pertinere ad spem, & timorem, præcipue cum ex spe aliqua vitia oriuntur: dicitur enim quod sola spes facit usurarium: & similiter ex timore aliqua oriuntur, quia super illud Psalm. lxxx. *Inmensa igni, & suffosa*, dicit Augustinus, quod omne peccatum oritur ex amore male inflammante, & ex timore male humiliante.

21. Præterea. Ira non ponitur passio principalis. Ergo videtur quod nec vitium capitale deberet poni.

22. Præterea. Principali virtuti principale vitium opponitur. Sed caritas est principalis virtus, quæ & mater, & radix virtutum dicitur, cui opponitur odium. Ergo odium deberet poni vitium capitale.

23. Præterea. I. Ioan. ii. 16. dicitur: *Omne quod est in mundo, aut est concupiscentia carnis, aut est concupiscentia oculorum, aut superbia vite*. Sed aliquis mundanus dicitur, vel in mundo esse propter peccatum. Ergo ista tria solum debent poni vitia capitalia.

24. Præterea. Augustinus in homil. de igne purgatorii (serm. xv. in die animarum aliquid tantulum a princ.) dicit, plura esse capitalia peccata, quæ sunt sacrilegia, homicidia, adulteria, fornicatio, falsum testimonium, rapina, furta, superbia, invidia, avaritia, & si longo tempore teneatur iracundia, & ebrietas, si assidua sit: & habetur in Decretis dist. xxvi. cap. *Si quis* (dist. xxv. cap. *Unum orarium a mod.*) Videtur ergo prius posita vitia septem capitalia, inconvenienter assignata.

Respondeo dicendum, quod capitale vitium a capite dicitur. Caput autem tripliciter sumitur. Dicitur enim primo caput, quoddam animalis membrum; & sic sumitur I. ad Corinth. xi. 4. *Omnis vir orans, aut prophetans velato capite, deturpat caput suum*. Et quia caput est quoddam principium animalis, inde derivatum est nomen capitis ad significandum secundum omne principium, secundum illud Thren. iv. 1. *Dispersi sunt lapides sanctuarii in capite omnium platearum eius*; & Ezech. xvi. 25. *Ad omne caput via edificasti signum prostitutionis tue*. Tertio modo caput significat principem & rectorem populi: nam & alia membra corporis a capite quodammodo reguntur: & hoc modo sumitur caput I. Reg. xv. 17. *Cum esses parvulus in oculis tuis, caput in tribubus Israel facit*; & Amos vi. 1. *Capita populorum pompasque ingredientes domum Israel*. Et secundum has tres significationes capitis potest dici vitium capitale. Dicitur enim quandoque capitale vitium a capite, secundum quod est membrum corporis; & secundum hoc dicitur peccatum capitale quod punitur pena capitis. Sic autem nunc loquimur hic de vitiis capitalibus, sed secundum quod capitale dicitur a capite prout significat principium: unde Gregorius (XXXI. Moral. in novis exemp. cap. xvi.) vitia capitalia, principalia nominat.

Sciendum est autem, quod unum peccatum ex alio potest oriri quatuor modis. Primo quidem ex parte gratiæ substractæ, per quam homo retrahitur a peccato, secundum illud I. Ioan. i. 9. *Omnis (a) qui natus est ex eo, non peccat, quia semen Dei manet in eo*; & secundum hoc, primum peccatum, quod gratia privat, est causa peccatorum subsequenter gratiæ privationem, & quodlibet peccatum potest ex quolibet causari. Hic autem modus causandi est per remotionem prohibentis. Removens autem

(a) Alii agnoscunt. (b) Vulgata: omnis qui natus est ex Deo, peccatum non facit, quoniam semen ipsius in eo est manet.

tem prohibens est movens per accidens, ut dicitur in VIII. Physic. (com. xxiiv.) Nulla autem ars, neque doctrina considerat causas per accidens, ut dicitur in VI. Metaph. (com. iv.) unde secundum istum modum causæ, vel principii, non assignantur vitia capitalia. Secundo modo nunc peccatum causat aliud per modum inclinationis, inquantum scilicet ex precedenti peccato causatur dispositio, vel habitus inclinans ad peccandum: & secundum istum modum originis, omne peccatum causat aliud sibi simile in specie: & ideo nec secundum hunc modum originis dicuntur peccata capitalia. Tercio modo unum peccatum causat aliud ex parte materiz, inquantum; scilicet unum peccatum ministrat materiam alterius, sicut gula ministrat materiam luxuriz, & avaritia dissensionis. Sed nec secundum hunc modum originis dicuntur vitia capitalia: quia quod ministrat materiam peccato, non est causa peccati in actu, sed in potentia, & occasionaliter. Quarto modo unum peccatum causat aliud ex parte finis, inquantum scilicet propter finem unius peccati committit homo aliud peccatum; sicut avaritia causat fraudem, quia homo ad hoc fraudem committit, ut pecuniam lucraretur: & secundum hoc peccatum causatur a peccato in actu & formaliter: & ideo secundum istum modum originis dicuntur vitia capitalia: ita quod ad hoc etiam convenit tertia significatio capitis. Manifestum est enim quod princeps ordinat sibi subiectos ad finem suum; sicut exercitus ordinatur ad finem ducis, ut dicitur in XII. Metaph. (com. ult.) Unde secundum Gregorium (Lib. XXXI. moral. cap. xvii. in novis exemp.) vitia capitalia, sunt quasi duces; & vitia quæ ex eis oriuntur, sunt quasi exercitus. Quod autem unum peccatum ordinetur ad finem alterius, potest dupliciter contingere. Uno modo ex parte ipsius peccantis, cuius voluntas est prior ad finem unius peccati quam alterius; sed hoc accidit peccatis: unde secundum hoc non dicuntur aliqua vitia capitalia. Alio vero modo dicuntur ex ipsa habitudine finium, quorum unus habet quamdam convenientiam cum alio, ita quod ut in pluribus ad ipsum ordinetur; sicut deceptio, quæ est finis fraudis, ordinatur ad pecunias congregandas, quod est finis avaritiæ: & secundum hoc oportet capitalia vitia assumere.

Ille ergo dicuntur capitalia vitia quæ habent quosdam fines principaliter secundum se appetibiles, ut sic ad huiusmodi fines alia

vitia ordinentur. Est autem considerandum, quod eiusdem rationis est quod aliquis prosequatur bonum, & fugiat malum oppositum; sicut gulosus querit delectabile in cibis, & fugit tristitiam quæ est ex absentia ciborum; & simile est in aliis vitiis. Unde vitia capitalia possunt convenienter distinguui secundum differentiam boni, & mali; ita scilicet quod ubicumque occurrit specialis ratio appetibilis, vel fugibilis, ibi est unum vitium capitale ab aliis distinctum. Est ergo considerandum, quod bonum secundum propriam rationem attrahit ad se appetitum; sed quod appetitus refugiat aliquod bonum, est secundum aliquam specialem rationem consideratam circa huiusmodi bonum. Unde oportet secundum huiusmodi rationes considerari alia peccata capitalia ab illis quæ ordinantur ad aliquod bonum prosequendum. Bonum autem hominis est triplex, scilicet bonum animæ, bonum corporis, & bonum exteriorum rerum. Ad bonum ergo animæ, quod est bonum imaginatum, scilicet excellentia honoris, & gloriæ, ordinatur *superbia*, vel *inanis gloria*. Ad bonum autem corporis, pertinet ad conservationem individui, quod est cibus, ordinatur *gula*; ad bonum vero corporis pertinet ad conservationem speciei, sicut est in venereis, pertinet *luxuria*; ad bonum autem exteriorum rerum pertinet *avaritia*. Quod autem aliquod bonum effugiatur, hoc est inquantum est impeditivum alicuius boni inordinate concepti: in quod quidem bonum, secundum quod est impeditivum, duplicem motum habet appetitus, scilicet motum fugæ, & motum insurrectionis contra ipsum. Quantum ergo ad motum fugæ, sumuntur duo vitia capitalia, prout bonum impeditivum boni cupiti consideratur in ipso, vel in alio. In ipso quidem, sicut bonum spirituale impedit quietem, vel delectationem corporalem; & sic est *acedia*, quæ nihil est aliud quam tristitia de aliquo bono spirituali, prout est impeditivum boni corporalis: in alio vero, secundum quod bonum alterius impedit propriam excellentiam; & sic est *invidia*, quæ est dolor alieni boni: insurrectionem vero contra bonum importat *ira*.

Ad primum ergo dicendum, quod sicut in virtutibus consideratur duplex finis, scilicet finis ultimus & communis, qui est felicitas, & finis proprius, qui est bonum proprium uniuscuiusque virtutis; ita etiam in vitiis possunt accipi fines proprii vitiolorum, secundum quod sumuntur vitia capitalia, ut dictum

Etiam est; potest etiam accipi finis ultimus & communis, quod est proprium bonum: ad hoc enim ordinatur omnes fines difficultatis vitiorum. Sed proprium bonum non habet quod sit finis vitiorum, nisi secundum quod inordinate appetitur. Appetitur autem inordinate, secundum quod appetitur praeter ordinem divinae legis. Unde & in omni peccato dicuntur esse duo, scilicet conversio ad commutabile bonum, & aversio a bono incommutabili. Sic ergo ex parte conversionis ponitur principium omnium peccatorum cupiditas quaedam generalis, quae est inordinatus appetitus proprii boni; ex parte vero aversionis ponitur principium peccatorum quaedam generalis superbia, secundum quod homo non subicit se Deo: unde dicitur Ecclesi. x. 24. *quod initium superbiae hominis est apostatare a Deo*. Sic ergo cupiditas, & superbia secundum quod in quadam generalitate sumuntur, non dicuntur quidem vitia capitalia, quia non sunt specialia vitia; sed dicuntur radices quaedam, vel initia vitiorum; sicut si diceretur, quod appetitus felicitatis est radix omnium virtutum. Potest tamen dici, quod etiam cupiditas, & superbia, secundum quod sunt specialia peccata, habent quidem communiter generalem super omnia peccata secundum rationem finium. Nam finis avaritiae se habet ad fines omnium aliorum ut quoddam principium, in quantum per divitias potest homo acquirere omnia quae alia vitia cupiunt: nam pecunia virtute omnia huiusmodi appetibilia continet, secundum illud Ecclesi. x. 10. *Pecunia obediunt omnia*. Finis autem proprius superbiae, scilicet excellentia honoris & gloriae, est sicut terminus omnium huiusmodi finium: nam ex multitudine divitiarum, & ex hoc quod fruitur quibusdam cupitis, potest homo adipisci honorem vel gloriam. Et quamvis in via executionis unum istorum finium sit sicut principium, & aliud ut terminus aliorum finium; non tamen propter haec sola, duo haec vitia debent poni capitalia, quia non ad solos hos fines principaliter intentio appetitus ordinatur.

Et per hoc patet solutio ad secundum.

Ad tertium dicendum, quod virtus constituitur ex hoc quod ordo rationis ponitur in vi appetitiva; vitium autem confurgit ex hoc quod motus appetitivus ab ordine rationis recedit. Non autem secundum idem, ordo rationis ponitur in appetitu, & appetitus recedit ab ordine rationis. Unde licet virtus opponatur vitio, non tamen oportet quod principale vitium opponatur principia-

li virtuti: quia non est eadem ratio originis virtutis, & vitii.

Ad quartum dicendum, quod ex dispositione hominis peccantis potest contingere quod quodlibet vitium ad finem cuiuslibet ordinetur; sed secundum habitudinem obiectum, vel finem, quam habent ad iocunditatem, quaedam determinate a quibusdam oriuntur, a quibus etiam frequentius procedunt. In consideratione autem morali attenditur id quod est ut in pluribus, sicut & in consideratione naturali.

Ad quintum dicendum, quod ex his quae dicta sunt, patet quod invidia ut in pluribus ex superbia oritur: propter hoc enim homo maxime tristatur de bono alterius, quia est propria excellentiae impedivum. Sed quia invidia habet specialem rationem in suo motu, ut scilicet refugiat bonum, propter hoc ponitur seorsum a superbia vitium capitale.

Ad sextum dicendum, quod vitia capitalia accipiuntur secundum fines propinquos, non quidem omnium specialium peccatorum, sed quorundam, ex quibus ut in pluribus nata sunt alia peccata oriri: & ideo etiam gula distinguatur a luxuria, quia alterius rationis est defectus quod est obiectum gulae, & quod est obiectum luxuriae.

Ad septimum dicendum, quod quatuor videntur ad defectum cogitationis pertinere, scilicet nescientia, ignorantia, error, & haeresis. Inter quae nescientia est communis, quia importat simplicem carentiam scientiae, unde & in Angelis Dionysius quendam nescientiam ponit, ut patet in vi. cap. ecclesi. Hierar. Ignorantia vero est quaedam nescientia, eorum scilicet quae homo oatus est scire, & debet. Error vero supra ignorantiam addit applicationem mentis ad contrarium veritatis: ad errorem enim pertinet approbare falsa pro veris. Sed haeresis supra errorem addit aliquid & ex parte materiae, quia est error eorum quae ad finem pertinent, & ex parte errantis, quia importat pertinaciam, quae sola facit haereticum: quae quidem pertinacia ex superbia oritur: magnae enim superbiae est ut homo sensum suum praefert veritati divinitus revelatae. Haeresis ergo ex simplici ignorantia proveniens, si sit peccatum, ex aliquo praedictorum vitiorum exoritur. Imputatur enim homini ad peccatum, si non curat addiscere ea quae scire tenetur. Videtur autem hoc ex accidia provenire, ad quam pertinet refugere spirituale bonum, in quantum est impedivum boni corporalis.

Ad

Ad octavum dicendum, quod ista vitia capitalia dicuntur, quia ex eis ut in pluribus alia vitia oriuntur; licet quandoque aliquod vitium etiam ex bono oriatur. Et tamen potest dici, quod etiam quando aliquis furatur, ut det eleemosynam, hoc etiam peccatum quodammodo ex aliquo capitalium oritur: procedit enim hoc ex ignorantia aliqua, vel errore, quod malum faciat propter bonum. Ignorantia autem, vel error ad accidiam reducit, ut dictum est.

Ad nonum dicendum, quod luxuria, & gula respiciunt delectationem tactus. Gulosus enim non dicitur aliquis ex hoc quod delectetur in sapore cibi; sed in sumptione eius quasi tactu delectatur, ut Philosophus dicit in III. Ethic. (cap. x.) Delectationes autem aliorum sensuum non sunt fines principales: referuntur enim vel ad cognitionem veritatis, sicut in hominibus; vel ad delectabilia tactus, sicut in aliis animalibus: canis enim sentiens leporem, non delectatur in odore, sed in cibo quem expectat. Et ideo secundum delectationes aliorum sensuum non sumuntur aliqua vitia capitalia.

Ad decimum dicendum, quod bonum, & malum in rebus invenitur secundum diversas conditiones: unde non oportet quod solum unum vitium capitale ad bonum ordinetur.

Ad undecimum dicendum, quod sub uno communi universali possunt foni multa universalis magis specialia; sicut sub uno genere generalissimo sumuntur genera subalterna, quae etiam sub intellectu cadunt. Sic etiam appetitus intellectivus potest ferri in diversas bonorum species diversimode.

Ad duodecimum dicendum, quod peccata non distinguuntur secundum differentiam boni, & mali: quia idem peccatum circa aliquod bonum, & circa malum oppositum esse potest, ut dictum est.

Ad decimumtertium dicendum, quod ea quae sunt diversorum generum, quasi generalissimorum, sunt diversa principia secundum rem, licet sint eadem secundum analogiam, ut dicitur in X. Metaph. Sed ea quae continentur sub uno genere generalissimo, licet sint in diversis generibus subalternis, possunt habere eadem principia secundum communitatem illius generis: & hoc modo aliqua vitia diversorum generum possunt reduci in idem principium, quod est finis habens aliquam communem rationem originis.

S. Tb. Oper. Tom. XP.

Ad decimumquartum dicendum, quod quando unum peccatum ordinatur ad finem alterius peccati, idem, & secundum eandem rationem est finis utriusque peccati, sed non eodem ordine: quia unus est finis proximus, alterius remotus. Unde non sequitur quod ambo vitia sint unius speciei: quia moralia non recipiunt speciem a fine remoto, sed a fine proximo.

Ad decimumquintum dicendum, quod aliquis non denominatur fur, vel nactus ex actu, vel passione, sed ex habitu; sicut de iusto, & iniusto, ut Philosophus dicit in V. Ethic. (cap. vi. parum a princ.) Intentio autem hominis provenit ex habitu: & ideo quando aliquis furatur ut moechetur, committit quidem actu peccatum furti, sed tamen intentio procedit ab habitu: & ideo non denominatur fur, sed moechus.

Ad decimumsextum dicendum, quod, sicut dictum est (in corp. art.) superbia dupliciter accipi potest. Uno modo secundum quod importat quamdam rebellionem ad legem Dei; & sic est universalis radix omnium peccatorum, ut Gregorius dicit (Lib. XXXI. Moral. cap. xxxi. in antiquis exemp. in novis vero cap. xxi.) unde non enumerat eam inter vitia capitalia, sed inanem gloriam. Alio modo potest accipi superbia secundum quod est inordinatus appetitus cuiusdam excellentiae; & sic ponitur vitium capitale aliis conditum. Et quia ad huiusmodi excellentiam maxime videtur pertinere humana gloria, ideo Gregorius loco huius superbiae specialis, inanem gloriam ponit.

Et similiter dicendum est ad decimumseptimum: quia etiam concupiscentia ibi accipitur secundum quod est radix generalis.

Ad decimumoctavum dicendum, quod divitiae ex hoc quod habent rationem boni utilis, deficiunt quidem a ratione principalis finis; sed hic defectus recompenfatur propter generalem utilitatem divitiarum, quae quodammodo virtute continent omnia appetibilia mundana.

Ad decimumnonum dicendum, quod sicut Philosophus dicit in II. Rethor. (in princ.) amare est velle bonum alicui. In hoc ergo quod homo appetit sibi quaecumque bona, videtur amare seipsum: & ideo amor sui ipsius non povit seorsum, vel ra-
duix peccati; vel etiam vitium capitale: quia omnes radices, & capita vitiorum includunt inordinatum sui amorem.

Ad vicimum dicendum, quod timor, Z & spes

& spes sunt passiones irascibiles. Omnes autem passiones irascibiles derivantur a passionibus concupiscibilibus : & ideo prima capita vitiorum non sumuntur penes timorem , & spem , sed magis penes delectationem , & tristitiam . Quamvis eorum aliqua vitia ex timore , & spe oriuntur , tamen etiam ipse timor , & spes ex aliis oriuntur , scilicet ex amore vel cupiditate alicuius boni .

Ad viciesimumprimumdicendum , quod ira importat quemdam specialem motum , scilicet insurrectionem contra aliquid : & ideo licet etiam iste motus ex aliis oriatur , tamen quia habet aliam specialem rationem præter alios motus , ponitur seorsum vitium capitale .

Ad viciesimumsecundumdicendum , quod vitium principale non dicitur per oppositionem ad virtutem principalem : & ideo non oportet quod odium sit vitium principale , quamvis caritas sit virtus principalis .

Ad viciesimumtertiundicendum , quod per illa tria quæ Ioannes ponit , importantur primæ quædam origines , & radices peccatorum , scilicet superbia , & cupiditas : nam sub cupiditate generali continetur & concupiscentia carnis , & concupiscentia oculorum .

Ad viciesimumquartumdicendum , quod Augustinus ominat capitalia vitia quæ sunt peccata capitalia : sic enim idem est vitium capitale quod peccatum mortale .

ARTICULUS II.

Quæritur de superbia , utrum sit speciale peccatum .

2. 2. quæst. clix. art. 2.

Secundo queritur de superbia , utrum sit speciale peccatum . Et videtur quod non . Omne enim speciale peccatum corrumpit determinatam virtutem , & potentiam animæ . Sed superbia corrumpit omnes virtutes , & omnes potentias animæ : dicit enim Gregorius XXXIV. Moralium (cap. xvii. circa princ.) *Superbia nequaquam unius virtutis extinctione contenta , per cuncta animæ membra se erigit , & quasi generalis ac pestifer morbus corpus omne corrumpit* : & Isidorus dicit in Libro de summo bono (H. cap. xviii. a med.) quod est ruina omnium virtutum . Ergo superbia non est speciale peccatum .

2. Præterea . Præferre voluntatem suam voluntati superioris , est superbire . Sed qui-

cumque peccat mortaliter , præfert voluntatem suam voluntati superioris , scilicet Dei . Ergo superbit . Omne ergo peccatum est superbia ; & sic non est speciale peccatum .

3. Sed dicendum , quod superbia , in quantum est amor propriæ excellentiæ , sic est speciale peccatum ; in quantum autem importat contemptum Dei , sic est generale peccatum . Sed contra . Omne peccatum speciale habet propriam materiam , sicut gula cibos , luxuria venerea , avaritia divitias . Sed superbia , in quantum est amor propriæ excellentiæ , non habet propriam materiam : quia , sicut Gregorius dicit XXXV. Moralium (cap. xviii. in princ.) *alter erigitur auro , alter colloquio , alter infimis & terrenis , alterque calefit virtutibus* . Ergo superbia , secundo quod est amor propriæ excellentiæ , non est speciale peccatum .

4. Item . Videtur quod nec sit generale , secundum quod importat Dei contemptum . Quicumque enim peccat ex infirmitate , vel ignorantia , non peccat ex contemptu . Sed multi ex ignorantia , vel infirmitate peccantes mortaliter peccant . Non ergo omne peccatum mortale est ex contemptu ; & ita superbia , secundum quod importat contemptum Dei , non est generale peccatum .

5. Præterea . Generali malo non opponitur speciale bonum , sed generale . Sed contemptui Dei opponitur speciale bonum , quod est reverentia Dei pertinet specialiter ad donum timoris . Ergo contemptus Dei non est generale peccatum , & per consequens neque superbia , secundum quod importat Dei contemptum ; & sic prædicta distinctio cessat .

6. Præterea . Illud quod perficit omnia peccata in ratione malitiæ , est generale peccatum . Sed superbia est huiusmodi , ut Gregorius dicit super Ezech. Ergo superbia est generale peccatum .

7. Præterea . Peccata distinguuntur secundo obiecta , sicut & virtutes . Sed superbia habet idem obiectum cum aliis peccatis ; puta cum invidia , quæ dolet de bono alieno , quærens excellentiam propriam , & cum inani gloria , quæ appetit excellentiam in favore humano ; & cum ira , quæ appetit vindictam pertinere ad quamdam excellentiam victoriz . Ergo superbia non est speciale peccatum ab aliis distinctum .

8. Præterea . Illud sine quo nullum peccatum esse potest , est generale omnibus peccatis . Sed superbia est huiusmodi : dicit enim Augustinus in Lib. de natura & gratia (cap. xxix. parum a princ.) quod sine superbia :

perbia appellatione nullum peccatum invenies: & Prosper dicit in Lib. de vita contemplativa (Lib. III. cap. 11. parum a princ.) quod nullum peccatum absque superbia potest, vel potuit esse, aut poterit. Ergo superbia est peccatum generale.

9. Præterea. Illud quod convertitur cum omni peccato, est peccatum generale. Sed superbia est huiusmodi: dicit enim Augustinus in Libro de natura & gratia (cap. xxix.) quod tam superbire peccate est, quam peccare superbire. Ergo superbia est generale peccatum.

10. Præterea. Super illud Eccli. x. 14. *Initium peccati hominis apostatare a Deo*, dicit Glossa (ordinari.) „ Non est maior apostasia quam recedere a Deo, quæ merito „ superbia dicitur. “ Sed quicumque peccat mortaliter, recedit a Deo. Ergo superbit; & sic superbia est generale peccatum.

11. Præterea. In eodem capitulo dicit alia Glossa (ordinari.) „ Caveamus cupiditatem, „ & superbiam, non duo mala, sed unum. “ Ergo superbia non est peccatum speciale ab aliis distinctum.

12. Præterea. Super illud Job xxxiii. *Ut avertat hominem ab iniquitate*, dicit Glossa (ordinari.) „ Contra conditionem superbiæ, est eius præcepta peccando transgrediri, “ scilicet. “ Sed quicumque peccat, transgreditur Dei præcepta: dicit enim Augustinus XXXIII. contra Faustum (cap. xxvii. in princ.) quod peccatum est dictum, vel factum, vel concupitum contra legem æternam. Ergo quicumque peccat, superbit, & omne peccatum est superbia.

13. Præterea. Anselmus dicit, quod anima ex necessitate appetit proprium bonum. Quod autem sit ex necessitate, non est peccatum. Ergo superbia non est peccatum; & ita non est speciale peccatum.

14. Præterea. Si esset speciale peccatum, esset unum de septem vitiis principalibus. Sed Ildorus in Lib. de summo bono (II. cap. xxxvii.) non ponit superbiam inter septem vitia principalia, sed loco eius ponit inanem gloriam. Ergo superbia non est speciale peccatum.

15. Præterea. Augustinus dicit in Lib. de libero arbitrio, quod superbia est amor proprii boni. Sed hoc est commune (a) omni peccato. Ergo superbia est generale peccatum.

16. Præterea. Illud quod est formale in omnibus peccatis, non est speciale peccatum. Sed superbia est huiusmodi: dicit enim Au-

gustinus in Lib. de libero arbitrio (I. cap. ult.) quod peccare est spreto bono incommutabili, bonis commutabilibus adherere: quorum primum, scilicet spernere bonum incommutabile, pertinet ad averfionem, quæ est formale in omni peccato; sicut conversio ad Deum, quæ est per caritatem, est formale in virtutibus. Spernere autem Deum ad superbiam pertinet. Ergo videtur quod superbia sit generale peccatum.

17. Præterea. Nihil quod est ex ordinatione divina, est peccatum. Sed superbia est ex ordinatione divina: dicitur enim Isaïæ lx. 15. *Ponam te in superbiam seculorum*, ubi Glossa Hieronymi dicit, quod est superbia bona, & mala. Et Proverb. viii. 18. dicit Sapientia: *Mecum sunt divitiæ, & gloria, opes superbiæ, & insitiis*. Ergo superbia non est speciale peccatum.

Sed contra est quod Augustinus dicit in Libro de natura & gratia (cap. xxxix. circa med.) *Quærat; & inveniet, secundum legem Dei, superbiam esse peccatum, multum discretum ab aliis vitiis*.

Præterea. Ibidem dicitur, quod multa peccata sunt quæ non sunt superbiæ. Ergo superbia non est generale peccatum.

Præterea. Nullum peccatum generale habet aliud peccatum prius se: Sed superbia habet aliud peccatum prius se: dicitur enim Eccli. x. 14. *Initium superbiæ hominis apostatare a Deo*. Ergo superbia non est generale peccatum.

Præterea. Omne peccatum aliis condivisum, est speciale peccatum. Sed superbia est huiusmodi, ut pater I. Ioan. ii. 16. *Omne quod est in mundo, aut est concupiscentia carnis, aut concupiscentia oculorum, aut superbia vitæ*. Ergo superbia est speciale peccatum.

Præterea. Quodcumque peccatum habet specialem actum, est speciale peccatum. Sed superbia est huiusmodi: quia, ut Augustinus dicit in Lib. de natura & gratia (cap. xxxiii. circa med.) superbia sola in bonis factis cavenda est: & Gregorius dicit, quod superbia prima recedit a Deo, ultima tedit. Ergo superbia est speciale peccatum.

Præterea. Quod per superabundantiam dicitur, uni soli convenit. Sed superbia est maximum peccatum, ut Glossa dicit super illud Psalm. I. *Emundabor a delicto maximo*. Ergo superbia est speciale peccatum.

Respondeo dicendum, quod ad huius questionis evidentiam oportet videre, quid sit peccatum superbiæ, ut sic postmodum videri possit, an sit speciale peccatum. Est er-

go considerandum, quod omne peccatum fundatur in aliquo appetitu naturali: & quia homo quolibet naturali appetitu appetit divinam similitudinem, inquantum omne bonum naturaliter desideratum, est quidam similitudo bonitatis divinae; ideo Augustinus dicit in II. Confessionum Deo loquens: *Fornicatur anima, scilicet peccando, cum avertitur abs te, & querit extra te ea quae pura & liquida non invenit, nisi cum redit ad te.* Sed quia ad rationem pertinet dirigere appetitum, & praecipue secundum quod est lege Dei informata; ideo si appetitus feratur in aliquod bonum naturaliter desideratum secundum regulam rationis, erit appetitus rectus & virtuosus; si vero transcendat regulam rationis, vel ab ea deficiat, erit utrobique peccatum. Sicut appetitus sciendi est homini naturalis: unde si scientiae intendat, secundum quod recta ratio dicitur, erit virtuosum, & laudabile; si vero transcendat aliquis regulam rationis, erit peccatum curiositatis; si vero deficiat, erit peccatum negligentiae. Inter alia autem quae homo desiderat, unum est excellentia. Naturale enim est non solum homini, sed etiam unicuique rei, ut perfectioem in bono concupiscat desideret, quod in quadam excellentia consistit. Si quidem ergo appetitus excellentiam appetit secundum regulam rationis divinitus informatam, erit appetitus rectus, & ad magnanimitatem pertinet, secundum illud Apostoli H. ad Corinth. x. 13. *Nos autem non in immensum gloriamur, quasi in aliena gloria, sed secundum (a) regulam quam mensus est nobis Deus.* Si autem aliquis ab hac regula deficiat, incurrit pusillanimitatis vitium; si vero excedat, erit vitium superbiae, sicut ipsum nomen demonstrat: nam nihil aliud est superbia quam superexcedere propriam mensuram in excellentiae appetitu. Unde Augustinus dicit in XIV. de civit. Dei (cap. xiii. parum a prior.) quod superbia est perverse celsitudinis appetitus. Et quia non est eadem mensura omnium, ideo contingit quod aliquid non imputatur uni ad superbiam quod alteri imputaretur, sicut Episcopo non imputatur ad superbiam, si exerceat ea quae ad propriam excellentiam pertinent; imputaretur autem hoc ad superbiam clerico, vel simplici sacerdoti, si ea quae sunt Episcopi attentaret. Sic ergo excellentia habet propriam rationem cuiusdam determinati appetibilis, quamvis materialiter inveniat in multis: unde manifestum est superbiam esse speciale peccatum. Actus

enim & habitus distinguuntur specie secundum formales obiectorum rationes: unde & Augustinus (Lib. II. Confess. cap. vi. ante med.) sigillatim singulis peccatis propria obiecta attribuit, in quorum appetitu umbram quandam divinae similitudinis imitantur, de superbia sic dicit loquens ad Deum: *Superbia celsitudinem imitatur, cum tu sis unus super omnia Deus excelsus.*

Contingit tamen superbiam quodammodo esse generale peccatum dupliciter. Unoquidem modo per quandam diffusionem, alio modo secundum suum effectum. Quantum ad primum considerandum est, quod, sicut Augustinus dicit XIV. de civit. Dei (cap. ult.) sicut amor Dei facit civitatem Dei, ita amor inordinatus sui facit civitatem Babylonis: & sicut in amore Dei ipse Deus est ultimus finis, ad quem omnia ordinantur quae recto amore diliguntur; ita in amore sui excellentiae invenitur ultimus finis, ad quem omnia alia ordinantur. Nam qui quirit abundare in divitiis, velin scientia, vel honoribus, vel quibuscumque aliiis rebus, per omnia huiusmodi quamdam excellentiam intendit. Est autem hoc considerandum in omnibus actibus, & habitibus operativis, quod ars, vel habitus ad quem pertinet finis, per imperium movet artes, vel habitus versantes circa ea quae sunt ad finem; sicut ars gubernatoria, ad quam pertinet usus navis, qui est finis eius, imperat navifactivae; & idem est videre in omnibus: unde & caritas, quae est amor Dei, imperat omnibus aliis virtutibus: & sic quamvis sit specialis virtus, si consideretur proprium obiectum, tamen secundum quamdam diffusionem sui imperii est communis omnibus virtutibus: unde dicitur forma, & mater omnium virtutum. Et similiter superbia quamvis sit speciale peccatum secundum rationem proprii obiecti, tamen secundum quamdam diffusionem proprii imperii est commune peccatum ad omnia: unde & dicitur radix, & regina omnium peccatorum, ut patet per Gregorium XXXI. Moralium (cap. xxxi. in antiquis exemp. in novis vero cap. xvii.) Quantum vero ad secundum considerandum est, quod unumquodque peccatum considerari potest & secundum affectum, & secundum effectum. Contingit enim quandoque esse aliquod peccatum secundum effectum, non tamen secundum affectum; sicut si aliquis occidat patrem putans occidere hostem, committit quidem peccatum patricidii secundum effectum, non autem secundum affectum:

(a) Vulgata, mensuram regulam.

etiam : sicut & a quibusdam dictum est , quod Milesi quidem stulti non sunt , operantur autem qualia stulti . Sic ergo si accipitur peccatum superbiae secundum effectum , communiter invenitur in omni peccato : est enim quidam effectus superbiae , non subdignus superioris ; quod facit quicumque peccat , inquantum non subditur legi Dei . Si vero consideretur quantum ad affectum , non semper in omni peccato est peccatum superbiae : quia non semper hoc aliquid agitur ex actuali contemptu Dei , vel legis ipsius ; sed quandoque ex ignorantia , quandoque vero ex infirmitate , sive ex aliqua passione : unde Augustinus in Lib. de natura & gratia (cap. xxxix. circa med.) dicit , peccatum superbiae esse ab aliis peccatis discretum .

Ad primum ergo dicendum , quod superbia extinguit omnes virtutes , & corrumpit omnes potentias animae per quamdam diffusionem sui imperii , ut dictum est (in corp. art.)

Ad secundum dicendum , quod praefere voluntatem suam voluntati superioris , est quidem actus superbiae ; sed non semper ex affectu superbiae procedit , ut dictum est (loc. cit.)

Ad tertium dicendum , quod superbia habet propriam materiam , si accipitur formalis ratio sui obiecti , sicut dictum est ; licet illa formalis ratio in omnibus inveniri possit : sicut & magnanimitas , specialis virtus est , & tamen intendit magnum in operibus virtutum , ut Philosophus dicit in IV. Ethic. (cap. xi.)

Ad quartum dicendum , quod superbia secundum quod importat Dei contemptum secundum affectum , non potest esse peccatum generale ; immo etiam est specialius quam superbia secundum quod significat appetitum perverae excellentiae : potest enim esse appetitus perverae excellentiae , non solum si contemnatur Deus , sed etiam si contemnatur homo . Sed si accipitur contemptus Dei secundum effectum , sic salvatur in omnibus peccatis , etiam quae ex infirmitate , vel ignorantia committuntur , ut patet ex dictis (in corp. art.)

Ad quintum dicendum , quod sicut superbia per diffusionem , & effectum invenitur in omnibus peccatis , quamvis sit speciale peccatum ; ita etiam timor eiusdem modis potest inveniri in omnibus actibus virtutum , quamvis sit speciale donum .

Ad sextum dicendum , quod superbia perficit omnia praedicta , ratione malitiae ; non

quia sit essentialiter omnis malitia , sed duobus modis praedictis (in corp. art.)

Ad septimum dicendum , quod invidia , inanis gloria , & ira non habent idem obiectum cum superbia ; sed obiecta eorum ordinantur ad obiectum superbiae sicut ad finem : ideo enim invidia tristatur de bono proximi , & inanis gloria appetit laudem , & ira vindictam , ut per huiusmodi quaedam excellentia habeatur . Ex quo non potest concludi , quod superbia sit idem cum eis , sed quod imperet eis , sicut patet ex dictis .

Ad octavum dicendum , quod auctoritates illae intelliguntur de superbia quantum ad effectum superbiae , sine quo nullum peccatum esse potest , non autem quantum ad superbiae affectum .

Et similiter dicendum ad nonum : si enim superbia secundum effectum convertitur cum eo quod est peccare . Quamvis ad utrumque dici possit , quod Augustinus in Lib. de natura , & gratia (cap. xxxix.) illa verba inducit non ex persona sua , sed ex persona alterius contra quem disputat : unde & postmodum improbat ea , dicens , quod non semper ex superbia peccatur .

Ad decimum dicendum , quod recedere a Deo est superbia secundum effectum .

Et similiter dicendum ad undecimum : quia transgredi praecepta Dei peccando est superbia secundum effectum , non tamen semper secundum affectum .

Ad duodecimum dicendum , quod si accipitur superbia prout secundum effectum est in omni peccato , sic superbia nihil est aliud quam aversio ab incommutabili bono ; cupiditas autem conversio ad commutabile bonum : ex quibus duobus constituitur unum peccatum , sicut ex formali , & materiali , eo quod omne peccatum est aversio ab incommutabili bono , & conversio ad commutabile bonum .

Ad decimumtertium dicendum , quod in appetitu proprio boni contingit esse peccatum , si recedat a regula rationis , ut dictum est (in corp. art.)

Ad decimumquartum dicendum , quod etiam Gregorius XXXI. Moral. (cap. xxxix. in antiquis , & in novis vero cap. xxxvii.) non ponit superbiam unum de vitiis principalibus , sed reginam omnium , & radicem , inquantum ad omnia peccata diffundit suum imperium . Sed per hoc non excluditur quin superbia sit speciale peccatum .

Ad decimumquintum dicendum , quod amor

amor inordinatus proprii boni communiter convenit omni peccato ; & sic etiam convenit superbiae secundum quod id quod est generis, convenit speciei . Potest tamen dici , quod superbia proprie fit amor proprii boni , si hoc quod dicitur *proprii* , sumatur cum quadam præcissione , ita scilicet quod aliquis amet bonum non quasi superioris bonum ; quod proprie ad superbiam pertinet , ut scilicet bonum suum ab alio non recognoscat .

Ad decimum sextum dicendum , quod ratio illa procedit de superbia quantum ad effectum .

Ad decimum septimum dicendum , quod superbia potest uno modo dici ex eo quod superexcedit regulam rationis ; & sic semper superbia est peccatum ; & ita communiter accipitur . Alio modo potest dici superbia ex eo quod superexcedit aliquid aliud ; & sic potest esse superbia bona , ut Hieronymus dicit (*Isaia lxi. super illud In gloria eorum superbieris*) sicut cum aliquis vult operari opera consiliorum , quæ superexcedunt communia opera præceptorum . Vel potest dici , quod cum dicitur , *Ponam te in superbiam sæculorum* , accipitur superbia materialiter ; id est , dabo tibi magnam excellentiam , de qua homines sæculi superbiunt . Et similiter potest intelligi quod dicitur , *Operes superbia* , id est de quibus solent homines superbiere .

ARTICULUS III.

Utrum superbia sit in vi irascibili.

2. 2. *quæst. clxi. art. 3.*

Tertio queritur , utrum superbia sit in vi irascibili . Et videtur quod non . Cum enim irascibilis sit quædam pars sensibilis appetitus , oportet quod quilibet motus irascibilis , sit quædam passio , quia passionem animæ sunt motus appetitus sensitivi . Sed superbia non videtur consistere in aliqua passione ad irascibilem pertinente , neque in timore , neque in audacia , neque in spe , aut desperatione , neque in ira . Ergo superbia non est in irascibili .

2. Præterea . Cum irascibilis sit in parte sensitiva animæ , obiectum irascibilis non potest esse nisi aliquid bonum sensibile . Sed superbia querit excellentiam non solum in bonis sensibilibus , sed etiam in rebus spiritualibus , & intelligibilibus , ut Gregorius dicit in XXXIV. *Moralium* (cap. xviii. in

novis exemplar.) Ergo superbia non potest esse in irascibili sicut in subiecto .

3. Præterea . In dæmonibus non est sensitiva pars animæ , cum sint incorporei . Si ergo superbia esset in irascibili , sequeretur quod superbia non posset esse in dæmonibus : quod paret esse falsum .

4. Præterea . Superbia proprie est contemptus Dei . Sed irascibilis non potest attingere ad hoc obiectum quod est Deus , cum sit potentia animæ sensitivæ . Ergo superbia non est in irascibili sicut in subiecto .

5. Præterea . Avicenna notificat vim irascibilem per hoc quod movetur ad repellendum nocivum , vel corruptens cum appetitu vincendi . Sed hoc non pertinet ad superbiam : non enim intendit repellere nocivum , sed magis excellere in bono . Ergo superbia non est in irascibili .

6. Præterea . Superbia est causa invidiæ . Invidia autem est in concupiscibili , cum sit odium felicitatis alienæ . Ergo superbia non est in irascibili .

7. Præterea . Videtur quod non sit in irascibili , sed magis in rationali . Gregorius enim XXXIII. *Moralium* (cap. vii. in princ.) assignans quatuor species superbiæ , dicit : *Quatuor quippe sunt species , quibus omnis tumor arrogantium demonstratur , cum bonum aut a semetipsis habere se estimant , aut si sibi datum desuper credunt , pro suis se hoc accepisse meritis putant , aut certe comestantes habere quod non habent , aut despectis ceteris singulariter vident appetunt habere quod habent* . Sed omnia ista pertinent ad rationem , scilicet æstimare , putare , credere , enuntiare , & se aliis comparare . Ergo superbia est in ratione .

8. Præterea . Proverb. xi. 2. dicitur : *Ubi humilitas , ibi sapientia* . Sed sapientia est in ratione . Ergo & humilitas : ergo & superbia , quæ humilitati contrariatur : contraria enim nata sunt esse in eodem .

9. Præterea . Bernardus dicit in Lib. de xii. gradibus humilitatis (cap. i. circa finem) quod perfectio humilitatis est cognitio veritatis . Sed cognitio veritatis pertinet ad rationem . Ergo humilitas est in ratione : ergo & superbia .

10. Præterea . Philosophus dicit in III. *Ethic.* (cap. viii.) quod superbus est flos fortitudinis . Sed fictio pertinet ad rationem : fingere enim est repræsentare ; quod est rationis solius , ut dicit Philosophus in sua *Poetria* [cap. ii.] Ergo superbia est in ratione .

11. Præ-

11. Præterea. Habacuc 12. super illud *Quomodo vinum decipis bibentem*, dicit Glossa, quod superbia primum credere altiora de se facit. Sed credere est actus rationis. Ergo primum actus superbiæ est in ratione: ergo ipsa superbia est in ratione.

12. Præterea. Ambrosius dicit super *Beati immaculati* (serm. vii. aliquantulum a princ.) quod lex Dei sola est quæ vires superbiæ potest repellere. Sed lex Dei est in ratione. Ergo & superbia, quæ per eam repellitur.

13. Præterea. Gregorius dicit XXXI. Moralium (cap. xxxi. in antiquis libris, in novis vero cap. xvi.) quod superbia est regina omnium vitiorum. Sed regere ad rationem pertinet. Ergo superbia est in ratione.

14. Præterea. Hieremias xlii. super illud, *Superbia tua, & arrogantia tua* &c. dicit Glossa (interlin.) „Hæreticum non facit error, sed superbia.“ Sed hæresis est in ratione. Ergo & superbia.

15. Præterea. Augustinus dicit in XII. de Trinit. (cap. xxi.) quod in inferiori ratione est peccatum, inquantum non cohibetur a superiori ratione, vel inquantum etiam superior ratio confestit. & sic videtur quod primum peccatum sit in superiori ratione. Sed superbia est primum peccatum. Ergo superbia est in superiori ratione.

16. Præterea. Augustinus dicit, & habetur in Decretis xv. quæst. 1. quod superbia est motus ad consequendum quod iustitia vetat. Sed iustitia ad rationem pertinet, quia per eam hominis est alteri debitum reddere. Superbia est ergo in ratione.

17. Præterea. Augustinus dicit, & habetur in Decret. xxiii. quæst. 14. *Vasis iræ numquam Deus redderet interitum, nisi inveneret in eis spontaneum delictum.* Spontaneum autem dicitur aliquid quod subiacet imperio rationis. Cum ergo maxime reddatur interitus vasis iræ propter superbiam, videtur quod superbia pertineat ad rationem.

18. Præterea. Seneca dicit in quadam epistola [Lib. IX. epist. lxxv.] quod summum bonum hominis est in rationali. Hoc autem est virtus, quam corrumpit superbia, ut dictum est. Ergo etiam superbia est in ratione, & non in irascibili.

19. Præterea. Videtur quod sit in voluntate, & non in irascibili. Quia super illud Matth. 11. 15. *Sic docet nos implere omnia iustitiam*, dicit Glossa (ordin.) „id est perfectam humilitatem.“ Sed iustitia est in voluntate. Ergo & humilitas.

20. Præterea. Ad superbiam præcipue videtur pertinere appetitus honoris. Sed appetere honores est voluntatis. Ergo superbia est in voluntate.

21. Præterea. Superbia est super ire: & sic videtur quod maxime pertineat ad superiorem potentiam, quæ super alias vadit. Hæc autem est voluntas, quæ movet omnes alias potentias. Ergo superbia videtur ad voluntatem pertinere, & non ad irascibilem.

22. Præterea. Videtur quod sit in concupiscibili. Dicitur enim in Lib. Sententiarum Prosperi (cap. cxcxii.) quod superbia est amor propriæ excellentiæ. Sed amor est in concupiscibili. Ergo & superbia.

23. Præterea. Ad superbiam, secundum Augustinum pertinet appetere luxu, & fugere tristitia. Sed hoc pertinet ad concupiscibilem. Ergo superbia est in concupiscibili.

24. Præterea. Ad superbiam pertinet delectari de bono proprio. Sed hoc est concupiscibilis. Ergo superbia videtur esse in concupiscibili, & non in irascibili.

Sed contra est quod Gregorius in II. Moralium [cap. xxxvi. ante med.] ponit contra superbiam donum timoris.

Præterea. Augustinus dicit in XIV. de civit. Dei (cap. xlii. parum a princ.) quod superbia est appetitus perveræ celsitudinis. Sed arduum est subiectum irascibilis. Ergo superbia est in irascibili.

Præterea. Pusillanimitas videtur esse vitium oppositum superbiæ. Pusillanimitas autem est in irascibili, sicut & magnanimitas. Ergo & superbia est in irascibili.

Respondeo dicendum, quod ad huius questionis evidentiam oportet primo considerare, in qua potentia animæ possit esse peccatum, vel virtus, ut sic considerari possit, in qua vi animæ sit superbia tamquam in subiecto. Est ergo considerandum, quod omnis actus virtutis, seu peccati est voluntarius. Sunt autem in nobis duo principia voluntarii actus, scilicet ratio five intellectus, & appetitus: hæc enim sunt duo moventia, ut dicitur in II. de Anima [com. xlii. & seq.] & præcipue quantum ad actus proprios hominis. Ratio autem, cum sit vis apprehensiva, differt a vi appetitiva in hoc quod operatio ratiois, & cuiuslibet virtutis apprehensivæ perficitur in hoc quod apprehensum est in apprehendente: intellectus enim in actu, est intellectum in actu, & sensus in actu est sensatum in actu. Operatio autem appetitivæ consistit in hoc quod appetens movetur ad rem appetitam. Manifeste-

lem solum secundum passionem irae, & non secundum alias passiones.

Ad sextum dicendum, quod invidia non est in irascibili, sed in concupiscibili; cum sit tristitia de alieno bono: tristitia autem est in concupiscibili, sicut & delectatio; & ad eandem etiam vim pertinet odium, sicut & amor. Si tamen invidia esset in irascibili, non propter hoc prohiberetur superbia esse in concupiscibili: quia est causa eius: nihil enim prohibet unum actum, vel passionem alicuius potentiae esse causam alterius actus, vel passionis eiusdem potentiae; sicut amor est causa desiderii, cum tamen utrumque sit in concupiscibili.

Ad septimum dicendum, quod aliquis actus potest ad aliquod vitium pertinere tripliciter: uno modo directe; alio modo antecedenter; & tertio modo consequenter: sicut ad iram directe quidem & essentialiter pertinet quod sit appetitus vindictae; antecedenter autem quod tristetur de aliqua iniuria illata; consequenter autem quod delectetur de punitione eius qui iniuriam intulit. Sic ergo ad superbiam pertinet directe quidem & quasi essentialiter immoderatus appetitus excellentiae; antecedenter autem quod aliquis aestimet se tantum, cui talis excellentia competat; consequenter autem ut ex aestimatione, & appetitu in verba, & facta ostentationis prorumpat. Quorum trium primum pertinet ad irascibilem, alia vero duo ad rationem. Apprehensio enim rationis praecedit appetitivum motum, & imperium rationis de exteriori executione sequitur ipsum.

Ad octavum dicendum, quod humilitas, & sapientia inveniuntur in eodem homine, inquantum humilitas ad sapientiam disponit: quia qui humilis est, subiicit se sapientibus ad discendum, & non innititur sensui proprio. Non tamen oportet quod sapientia, & humilitas sint in eadem parte animae: quia quod est in inferiori, potest disponere ad id quod est superioris; sicut bonitas imaginationis disponit ad scientiam.

Ad nonum dicendum, quod cognitio veritatis se habet ad humilitatem antecedenter: quia dum aliquis veritatem considerat, se ultra suam mensuram non effert.

Ad decimum dicendum, quod fictio se habet ad superbiam consequenter: ex hoc enim quod aliquis appetit excellentiam, consequitur quod talem exterius se exhibeat, ut apud alios aliquo modo excellat.

Ad undecimum dicendum, quod sentire de se altiora dicitur esse primus actus superbiae:

S. Th. Oper. Tom. XV.

quia antecedit ad appetitum excellentiae.

Ad duodecimum dicendum, quod ratio, inquantum regit inferiores vires, & movet eas, retrahit eas ab inordinatis motibus: unde lex Dei, secundum quod est in ratione, excludit superbiam, non quidem formaliter, sicut nigredo excludit albedinem (sic enim essent in eodem) sed effective, sicut pictor excludit nigredinem. Unde non oportet quod superbia sit in ratione, in qua est lex Dei.

Ad decimumtertium dicendum, quod superbia dicitur esse regina aliorum vitiorum, inquantum imperium suum diffundit ad omnia alia vitia, propter ordinem finis eius ad fines aliorum vitiorum, non propter hoc quod sit in ratione.

Ad decimumquartum dicendum, quod haeresis per illam auctoritatem probatur esse effectus superbiae. Nihil autem prohibet id quod est in una vi animae, habere effectum in alia vi animae.

Ad decimumquintum dicendum, quod primum peccatum dicitur esse in ratione antecedenter, in appetitu autem essentialiter, inquantum scilicet vis appetitiva tendit in aliquod illicitum, vel ab eo retardatur iudicio rationis.

Ad decimumsextum dicendum, quod peccatum est in inferiori vi animae, ex eo quod a rectitudine rationis recedit: unde non oportet si iustitia aliquo modo ad rationem pertinet, quod propter hoc omne peccatum essentialiter sit in ratione sicut in subiecto.

Ad decimumseptimum dicendum, quod peccatum dicitur esse voluntarium, sive spontaneum, non solum quando actus eius a voluntate elicitur, sed etiam quando est imperatus ab ea, quae imperat actus inferiorum virium: unde nihil prohibet aliquod peccatum voluntarium in aliqua inferiori vi animae esse.

Ad decimumoctavum dicendum, quod Socrates posuit omnes virtutes esse quasdam scientias, ut dicitur in VI. Ethic. [cap. XIII.] & ideo posuit ipse, & Stoici in hoc eum sequentes, omnes virtutes esse in rationali per essentiam. Sed quia per virtutem moralem magis directe perficitur vis appetitiva quam ipsa ratio, ideo melius est dicendum secundum Aristotelem (VII. Ethic. cap. x.) quod virtutes morales sunt in vi appetitiva, quae est rationalis per participationem, inquantum movetur per imperium rationis.

Ad decimumnonum dicendum, quod omnis virtus quodammodo est iustitia, inquantum.

A a

quantum per rationem ordinatur ad obediendum legi, ut dicitur in V. Ethic. (cap. r.) Unde licet iustitia sit in voluntate, non tamen oportet quod omnes virtutes quæ prædicto modo iustitiæ nomen accipiunt, in ratione, vel voluntate esse dicantur: quia ratio, & voluntas possunt etiam alias vires movere.

Ad vicissimum dicendum, quod appetere honores sensibiles, vel imaginabiles, in quantum habent rationem ardui, vel excellentis, non solum ad voluntatem, sed etiam ad irascibilem pertinet.

Ad vicissimum primum dicendum, quod superbire est super ire excedendo propriam mensuram; quod non solum ad superiorem, sed etiam ad inferiorem pertinere potest.

Ad vicissimum secundum dicendum, quod omnes passionem irascibilis incipiunt ab amore, qui est passio concupiscibilis; & terminantur ad delectationem, & tristitiam, quæ etiam sunt in concupiscibili. Unde nihil prohibet, si ea quæ pertinent ad concupiscibilem, attribuantur antecedenter, vel consequenter superbiz, in irascibili existenti.

Ex per hoc patet solutio ad ea quæ sequuntur.

ARTICULUS IV

De speciebus superbiz.

2. 2. quæst. clix et. art. 4.

Quarto quaeritur de speciebus superbiz, quas assignat Gregorius XXIII. Moralium (cap. vii. in princ.) dicens: *Quatuor quippe sunt species quibus omnis tumor arrogantium demonstratur, cum bonum aut a semetipso habere se existimant, aut si sibi datum desuper credunt, pro suis se hoc accepisse meritis putant, aut certo cum iactant se habere quod non habent, aut despectis ceteris singulariter videri appetunt.* Et videtur quod inconvenienter huiusmodi species superbiz assignentur. Quod enim aliquis existimet bonum se habere non ab alio, sed a semetipso, ad infidelitatem pertinet; cum fides recta hoc habeat, quod Deus omnium bonorum est auctor. Ergo non debet poni species superbiz, quod aliquis existimet bonum a semetipso se habere; sed magis species erroris, vel infidelitatis.

2. Præterea. Inter omnia bona quæ in hac vita habentur, potissimum est bonum gratiæ, de quo etiam contingit aliquos superbire. Sed credere quod gratia detur ho-

mini ex meritis, pertinet ad hæresim Pelagianam. Ergo non debet poni species superbiz, quod aliquis credat id quod habet, esse sibi datum a Deo pro suis meritis.

3. Præterea. Iactare se habere quod non habet, ad mendacium pertinet, quod est vitium distinctum a superbiz. Non ergo debet poni species superbiz.

4. Præterea. Velle videri, ad inanem gloriam pertinet, quæ non est superbiz, sed filia eius, ut Gregorius dicit XXXIV. Moralium (cap. xxxi. in antiquis, in novis vero cap. xvii.) Non ergo debet poni species superbiz, quod aliquis singulariter velit videri.

5. Præterea. Hieronymus dicit, quod nihil est tam superbum, quam ingratus videri. Ingratitudo autem inter istas quatuor species non numeratur. Ergo videtur quod Gregorius insufficienter enumeret species superbiz.

6. Præterea. Augustinus dicit in XIV. de civit. Dei (cap. xiv. in princ.) quod excusare se de peccato commissio, ad superbiam pertinet. Hoc autem inter has species non enumeratur. Ergo insufficienter species superbiz tanguntur.

7. Præterea. Ad superbiam præcipue pertinere videtur quod aliquis presumptuose tendat ad consequendum aliquid quod est supra se. Hoc autem inter istas quatuor non tangitur. Ergo videtur quod insufficienter species superbiz tanguntur.

In contrarium sufficiat auctoritas Gregorii, quæ posita est in argumento primo.

Respondeo dicendum, quod, sicut Dionysius dicit iv. cap. de divin. Nomin. bonum causatur ex una & tota causa, malum autem causatur ex singularibus defectibus; sicut pulchritudo causatur ex hoc quod omnia corporis membra decenter se habent; quorum si unum tantum fuerit indecenter dispositum, turpitudinem inducit. Sic ergo pertinet ad virtutem quod appetitus hominis feratur in aliquam excellentiam secundum regulam rationis, & suam mensuram. Malum autem superbiz in hoc consistit quod aliquis in appetendo aliquod bonum excellens, propriam mensuram excedit. Unde quot modis contingit excedere propriam mensuram in appetitu propriæ excellentiæ, tot sunt species superbiz. Hoc autem contingit tripliciter. Uno modo quantum ad ipsum bonum excellens quod appetitur, ut cum scilicet appetitus fertur in aliquid quod excedit suam mensuram; & secundum hoc est tertia species superbiz, cum scilicet aliquis iactat se habere

habere quod non habet. Alio modo quantum ad modum adipiscendi, ut scilicet habere aliquam excellentiam a se, vel suis meritis, quam non potest obtinere nisi per gratiam alterius: & sic sumuntur primæ duæ species, eo quod aliquid esse a nobis dupliciter contingit: vel simpliciter, sicut cum facimus aliquid; vel per quamdam preparationem, sicut cum aliquid meremur. Tertio modo potest aliquid excedere propriam mensuram quantum ad modum habendi, ut scilicet aliquis afficiatur ad habendum aliquid super cetos, quod competit sibi similiter habere cum ceteris.

Ad primum ergo dicendum, quod estimatio rationis corruptio dupliciter: uno modo in universalis, alio modo in particulari propter aliquam passionem. Corruptio ergo rectæ estimationis circa ea quæ pertinent ad fidem, vel bonos mores, si sit quidem in universalis, pertinet ad peccatum hæresis; non autem si sit in particulari propter passionem, secundum quod *errant omnes qui operantur malum*, ut dicitur Proverb. xiv. 22. sicut si aliquis sentiret in universalis, fornicationem non esse peccatum, esset infidelis; non autem infidelis censetur fornicator, qui eligit fornicationem tamquam bonum propter concupiscentiæ passionem. Similiter si quis in universalis estimaret Deum non esse auctorem omnium bonorum, vel bonum gratiæ esse ex meritis, pertineret ad hæresim; non autem si propter amorem inordinatum excellentiæ, quæ incipit in concupiscentiis, corruptatur in particulari iudicium rationis, ut aliquis præsumat de seipso, tamquam bonum aliquid a se possit habere, aut ex meritis propriis; quod pertinet ad superbium.

Et per hoc patet solutio ad secundum.

Ad tertium dicendum, quod instantia ponitur species superbiæ; non quantum ad ipsum exteriorem actum, qui consequenter se habet ad superbiam, ut supra (art. præced.) dictum est; sed quantum ad interiorem affectum, ex quo talis actus exterior procedit, dum scilicet homo præsumit de seipso, ac si haberet quod non habet; & in talem excellentiam animus eius tendit quæ sibi non competit, nisi haberet quod non habet.

Ad quartum dicendum, quod etiam vel singulariter videri, consequenter ad superbiam pertinet; essentialiter autem quarta species superbiæ in hoc consistit quod homo præsumat de se, ac si singulariter omnes ex-

celleret: & ad huiusmodi excellentiam animus eius afficitur.

Ad quintum dicendum, quod primæ duæ species ad ingratitudinem pertinent. Est enim ingratius qui oco recognoscit beneficium sibi gratis collatum, vel qui æstimat se hoc suis meritis obtinuisse.

Ad sextum dicendum, quod, sicut Philosophus dicit in V. Ethic. (cap. i. circa med.) carere malo accipitur in ratione boni: & ideo sicut ad tertiam speciem pertinet quod aliquis iactet se habere quod non habet; ita etiam quod excuset se de peccato quod habet.

Ad septimum dicendum, quod peccatum superbiæ quandoque evidentiis apparet per aliqua præcedentia, & subsequenta, quam per id in quo essentialiter consistit: & ideo Gregorius species superbiæ assignavit secundum aliquos actus antecedentes, vel consequentes; cum tamen omnes species superbiæ in quadam præsumptione animi essentialiter consistant.

QUAESTIO IX.

De inani gloria,

in tres articulos divisa.

Primo enim queritur, utrum inanis gloria sit peccatum.

Secundo. Utrum inanis gloria sit peccatum mortale.

Tertio. Utrum filiz inanis gloriæ convenienter assignentur.

ARTICULUS I.

Utrum inanis gloria sit peccatum.

2. 2. quæst. cxxxii. art. 1.

Questio est de inani gloria. Et primo queritur, utrum inanis gloria sit peccatum. Et videtur quod non. Consistit enim inanis gloria in eo quod aliquis velit bona sua aliis apparere. Sed hoc non est peccatum, sed laudabile: dicitur enim Matth. v. 16. *Sic luceat lux vestra coram hominibus, ut videant opera vestra bona.* Ergo inanis gloria non est peccatum.

2. Præterea. Appetitus inanis gloriæ in hoc consistit quod aliquis querit bona sua ab hominibus laudari. Sed hoc nobis ab Apostolo mandatur Rom. xii. 17. *Providentes*

Ad 2 scs

tes bona non solum coram Deo, sed etiam coram omnibus hominibus. Ergo inanis gloria non est peccatum.

3. Præterea. Omne peccatum consistit in deordinatione appetitus naturalis. Sed per inanem gloriam non appetitur aliquid quod non sit naturaliter appetibile: est enim naturaliter appetibile quod homo veritatem cognoscat, & quod ipse cognoscatur. Ergo inanis gloria non est peccatum.

4. Præterea. Ephes. v. 1. dicitur: *Estote imitatores Dei, sicut filii carissimi.* Sed in hoc quod homo querit gloriam, fit imitator Dei, qui suam gloriam querit. Ergo videtur quod appetere gloriam non sit peccatum.

5. Præterea. Appetere illud quod homini rependitur pro præmio, non est peccatum. Sed gloria repromittitur homini pro præmio: dicitur enim Iob xxxi. 29. *Qui humiliatus fuerit, erit in gloria:* & Proverb. 11. 35. *Gloriam sapientes possidebunt.* Ergo appetitus gloriæ non est peccatum.

6. Præterea. Illud quod est provocativum ad opera virtutum, non videtur esse peccatum. Sed huiusmodi est appetitus gloriæ: dicit enim Tullius in 1. Tusculanarum questionum (non procul a princ.) *Omnes ad studia accenduntur gloria.* Ergo appetitus gloriæ non est peccatum.

7. Præterea. Illud quod appetitur æqualiter a bonis, & malis, non videtur esse peccatum. Sed Salustius dicit in Catilinario (cap. cuius initium est, *Urbem Romanam a med.*) *Gloriam, & honorem, & imperium bonis, & ignavis æque sibi exoptant.* Ergo appetitus gloriæ non est peccatum.

8. Præterea. Augustinus dicit, quod inanis gloria est iudicium hominum bene de aliquo opinantium. Sed hoc appetere non est peccatum: quia, sicut ipse dicit, crudelis est qui famam suam negligit. Ergo inanis gloria non est peccatum.

9. Præterea. Illud quod est obiectum cupiditatis, non est peccatum, quamvis ipsa cupiditas peccatum sit, ut paret de pecunia, & de pecuniæ cupiditate. Sed inanis gloria est obiectum cupiditatis, ut paret per illud quod dicitur Galat. v. 26. *Non efficiamur inanis gloriæ cupidi.* Ergo inanis gloria non est peccatum.

10. Præterea. Peccatum virtuti opponitur circa eandem materiam. Sed inanis gloria non opponitur veræ gloriæ: possunt enim in eodem esse, ut videtur. Ergo inanis gloria non est peccatum.

Sed contra est quod illud quod impedit

hominem a fide, per quam acceditur ad Deum, est peccatum. Huiusmodi autem est appetitus humanæ gloriæ: dicitur enim Ioh. v. 44. *Quomodo possitis credere qui gloriam que est ad invicem accipitis, & gloriam que a solo Deo est non queritis?* Ergo inanis gloria est peccatum.

Respondeo dicendum, quod ad huius questionis evidentiam oportet primo videre, quid sit gloria; & secundo quid sit vana gloria; & sic tertio inspicere poterit, quomodo inanis gloria sit peccatum. Est ergo sciendum, quod, sicut Augustinus dicit super Iohannem (tract. c. non procul a princ.) gloria claritatem quandam importat: unde glorificari, & clarificari pro eodem in Evangelio sumuntur. Claritas autem importat evidentiam quandam, secundum quam aliquid sit conspicuum & manifestum in suo splendore: & ideo gloria importat quandam manifestationem alicuius in bono. Si autem manifestatur malum alicuius, iam non dicitur gloria, sed magis ignominia: & propter hoc Ambrosius dicit super epistolam ad Rom. quod gloria est clara cum laude notitia. (Id habet Augustinus Lib. lxxxix. Q. quæst. xxxi. circa finem.) Consideratur autem gloria secundum triplicem statum. Nam secundum maximum sui statum gloria consistit in hoc quod bonum alicuius multitudini manifestatur: hoc enim clarum esse dicimus quod ab omnibus, vel a multis percipere videri potest. Unde Tullius dicit (Lib. II. de inventionem in sq. 3. ante fin.) quod gloria est frequens fama cum laude. Et Titus Livius introducit Fabium dicentem: *Neque tempus gloriandi mihi apud unum est.* Sed tamen secundo modo gloria dicitur secundum aliquem sui statum, prout bonum unius vel paucis, vel uni soli manifestatur. Tertio modo etiam gloria dicitur secundum quod bonum alicuius consistit in consideratione sui ipsius, secundum scilicet quod aliquis considerat bonum suum sub ratione cuiusdam claritatis, ut manifestandum, & admirandum multis: & secundum hoc aliquis dicitur gloriari, cum aliquis appetit, vel etiam delectatur circa manifestationem sui boni vel ad multitudinem, vel ad aliquos paucos, sive ad unum, vel ad seipsum tantum. Sed ut sciatur quid sit vana gloria, vel inaniter gloriari, sciendum est, quod vanum tripliciter accipi consuevit. Quandoque enim accipitur vanum pro eo quod non habet substantiam, secundum quod res falsæ dicuntur vanæ: unde dicitur in Psal. tv. 3. *U-*
quid

quid diligitis vanitatem, & quæritis mendacium? Quandoque vero accipitur vanum pro eo quod non habet soliditatem, vel firmitatem, secundum quod dicitur Eccle. 1. 2. *Vanitas vanitatum, & omnia vanitas*: quod dicitur propter mutabilitatem rerum. Quandoque vero dicitur vanum quando aliquid non consequitur finem debitum; sicut dicitur aliquis in vanum medicinam sumpsisse qui non est confectus sanitate: unde dicitur Isai. xli. 4. *In vanum laboravi, sine causa & vana consumpsi fortitudinem meam*. Secundum hoc ergo tripliciter potest dici gloria vana. Primo quidem quando aliquis gloriatur falso, puta de bono quod non habet: unde dicitur 1. ad Corinth. iv. 7. *Quid habet quod non accepisti? Si autem accepisti, quare gloriaris, quasi non acceperis?* Secundo dicitur gloria vana, quando aliquis gloriatur de aliquo bono quod de facili transiit, secundum illud Isai. xl. 6. *Omnis caro fenum, & omnis gloria eius sicut flos feni*. Tertio modo dicitur gloria vana, quando gloria hominis non ordinetur ad debitum finem. Est enim homini naturale quod appetat cognitionem veritatis, quia per hoc perficitur eius intellectus; sed quod aliquis appetat bonum suum ab aliquo cognosci, non est appetitus perfectionis: unde habet quamdam vanitatem, prout hoc non est utile ad aliquem finem. Potest autem laudabiliter ordinari ad tria. Primo quidem ad gloriam Dei: per hoc enim quod bonum alicuius manifestatur, glorificatur Deus, cuius est principaliter illud bonum, sicut primi actoris: unde dicitur Matth. v. 16. *Sic luceat lux vestra coram hominibus, ut videant opera vestra bona, & glorificent Patrem vestrum qui in celis est*. Secundo est utile ad proximorum salutem, qui bonum alicuius cognoscentes edificantur ad imitandum, secundum illud ad Rom. xv. 2. *Unusquisque proximo suo placeat in bonum ad edificationem*. Tertio modo ordinari potest ad utilitatem ipsius hominis, qui dum considerat bona sua ab aliis laudari, de his gratias agit, & firmius in eis persistit: unde Apostolus frequenter fidelibus Christi commemorat ipsorum bona, ut firmius in eis persistant. Si quis ergo appetat manifestationem suorum bonorum, vel etiam in huiusmodi manifestatione delectetur, non propter aliquod trium prædictorum, erit gloria vana. Manifestum est autem quod secundum quolibet horum modorum vana gloria importat quamdam inordinationem appetitus, quæ facit rationem peccati. Unde vana gloria, quocumque modo sumatur, est pecca-

tum; sed tamen tertio modo sumpta communior est: sic enim potest aliquis inaniter gloriari tam de habitis, quam de non habitis, & tam de spiritalibus bonis, quam etiam de temporalibus.

Ad primum ergo dicendum, quod Dominus ibi mandat quod bona nostra faciamus aliis innotescere propter gloriam Dei; unde subditur: *Ut videant opera vestra bona, & glorificent Patrem vestrum qui in celis est*. Hoc autem non est inanis gloriæ.

Ad secundum dicendum, quod Apostolus mandat ut bona coram hominibus provideamus propter eorum utilitatem: unde subdit: *Si fieri potest, quod ex vobis est, cum omnibus hominibus pacem habentes*: quæ etiam intentio vanitatem gloriæ excludit.

Ad tertium dicendum, quod unumquodque perfectum naturaliter communicat se aliis secundum quod possibile est: & hoc competit unicuique rei ex imitatione primi perfecti, scilicet Dei, qui bonitatem suam communicat omnibus. Bonum autem alicuius communicatur aliis & quantum ad esse, & quantum ad cognitionem: unde ad naturalem appetitum pertinere videtur quod aliquis bonum suum innotescere velit. Si ergo hoc referatur ad debitum finem, erit virtutis; si autem non, erit vanitatis.

Ad quartum dicendum, quod cognoscere divinam bonitatem, est ultimus finis rationalis creaturæ: in hoc enim beatitudo consistit: unde gloria Dei non est aliquid aliud referenda; sed proprium ipsius Dei est ut gloria eius propter seipsam quæzetur. Nullius autem creaturæ bonum sua cognitione facit creaturam rationalem beatam: unde nulla creaturæ gloria est propter ipsam quærenda, sed propter aliud.

Ad quintum dicendum, quod propter merito promittitur gloria non vana, sed vera, quæ in cognitione Dei consistit; & talis gloria nunquam est peccatum.

Ad sextum dicendum, quod plures hominum ad bona spiritalia propter aliqua bona temporalia incitantur: non tamen propter hoc inordinata cupiditas bonorum temporalium vitio caret: ita etiam etsi plurimi propter gloriam, virtutis opera faciant, non tamen propter hoc inordinatus appetitus gloriæ vitio caret: quia virtutis opera non sunt propter gloriam faciendi, sed magis propter bonum virtutis, vel potius propter Deum.

Ad septimum dicendum, quod, sicut Augustinus ibi subdit, *boni nituntur ad gloriam vera via*, idest per virtutem. Hoc autem non

non est inaniter appetere gloriam, sed ad eam inordinato conari.

Ad octavum dicendum, quod iudicium bene opinantium de aliquo, ita ad inanem gloriam pertinet, dum absque utilitate appetitur.

Ad nonum dicendum, quod gloria, secundum quod est in his qui cognoscunt bonum nostrum, est obiectum cupiditatis; & sic non est peccatum: potest enim & bene, & male desiderari. Alio modo secundum quod est in appetitu ipso; & sic habet vanitatem, & rationem peccati.

Ad decimum dicendum, quod vera gloria, & inanis gloria possunt esse in eodem, sed non secundum idem.

ARTICULUS II.

Utrum inanis gloria sit peccatum mortale.

2. 2. *quest. cxxxii. art. 3.*

Secundo queritur, utrum inanis gloria sit peccatum mortale. Et videtur quod sic. Nihil enim excludit aeternam mercedem, nisi peccatum mortale. Sed inanis gloria excludit mercedem aeternam: dicitur enim Matth. vi. 1. *Attendite ne iustitiam vestram faciat coram hominibus, ut videamini ab eis: alioquin mercedem non habebitis apud Patrem vestrum qui in celis est.* Ergo inanis gloria est peccatum mortale.

2. Præterea. Chrysostomus ibidem (five alius Auctor hom. xiii. in Matth. io opere imperf. inter princip. & med.) dicit de inani gloria, quod occulte ingreditur, & omnia quæ intus sunt, miserabiliter aufert. Sed nihil aufert interiora & spiritualia bona nisi peccatum mortale. Ergo inanis gloria est peccatum mortale.

3. Præterea. Iob xxxi. 26. dicitur: *Si vidi Solem cum fulgore, & Lunam incedentem clare; & latatum est in abscondito cor meum, & osculatus sum manum meam ore meo: quæ est iniquitas maxima: quod Gregorius exponit XXII. Moralium [cap. vii. & viii.] de inani gloria. Ergo inanis gloria est maximum, & mortale peccatum.*

4. Præterea. Hieronymus dicit (Lib. de xlii. mansionibus mansioni xli. in fin.) quod nihil est tam periculosum quantum gloriæ cupiditas, & instantiæ vitium, & animus de conscientia virtutum tumens. Sed illud quod est maxime periculosum, videtur esse mortale. Ergo inanis gloria est peccatum mortale.

5. Præterea. Omne vitium capitale est peccatum mortale. Sed inanis gloria est vitium capitale. Ergo inanis gloria est mortale peccatum.

6. Præterea. Quicumque furripit quod est Dei proprium, mortaliter peccat, multo magis quam qui furatur rem proximi. Sed quicumque appetit inanem gloriam, usurpat sibi illud quod est proprium Dei: dicitur enim Isa. xlii. 8. *Gloriam meam alteri non dabo: & 1. ad Timoth. i. 17. Soli Deo honor, & gloria.* Ergo videtur quod inanis gloria sit peccatum mortale.

7. Præterea. Peccatum idolatriæ esse videtur, ut gloriæ Dei quis creaturæ attribuat, secundum illud Rom. i. 23. *Mutaverunt gloriam incorruptibilis Dei in similitudinem imaginis corruptibilis hominis.* Sed ille qui appetit gloriam, videtur sibi optare quod Dei est: gloria enim proprie debetur Deo, ut supra dictum est. Ergo inanis gloria est peccatum idolatriæ; & sic sequitur quod sit peccatum mortale.

8. Præterea. Augustinus dicit V. de civitate Dei (cap. xix. non procul a princ.) quod contemnere gloriam magis virtutis est. Sed magno bono contrariatur magnum malum. Ergo appetere gloriam est magnum peccatum.

9. Præterea. Inanis gloria querit hominibus placere: quia secundum Philosophum gloria est quæ nullo, consentiente non cessaret ad esse. Sed querere placere hominibus est peccatum mortale: quia excludit a servitio Christi, secundum illud Galat. i. 10. *Si adhuc hominibus placerem, Christi servus non essem.* Ergo inanis gloria est peccatum mortale.

10. Præterea. Sicut forma dat speciem in rebus naturalibus, ita obiectum in moralibus. Sed ea quæ communicant in uoa forma naturali, non differunt specie. Ergo in moralibus ea quæ communicant in uno obiecto, non differunt specie. Veniale autem, & mortale differunt specie. Cum ergo inanis gloria non habeat nisi unum obiectum, videtur quod non possit esse quod aliqua inanis gloria sit peccatum mortale, & aliqua peccatum veniale. Sed manifestum est, quod aliqua inanis gloria est peccatum mortale. Ergo omnis inanis gloria est peccatum mortale.

Sed contra est quod Matth. x. super illud, *Excutite pulverem de pedibus vestris*, dicit Glossa (ordinaria ibi) „Pulvis est levitas, terrena cogitatio, a qua nec summi, doctores possunt esse immunes, dum in-

„ ten-

, tendunt curis subditorum. " Sed illud quod etiam summi doctores vitare non possunt, est peccatum veniale. Ergo levitas terrenae cogitationis, quae maxime ad inaeoem gloriam pertinet, est peccatum veniale.

Præterea. Chrysostomus dicit super Matth. (alius Auctor loco citato in arg. 5.) quod cum cetera vitia locum habeant in servis diaboli, inanis gloria locum habet etiam in servis Christi. Sed nullum peccatum mortale locum habet in servis Christi. Ergo inanis gloria non est peccatum mortale.

Præterea. Peccatum oris, & operis gravior est quam peccatum cordis. Sed non omnis vanitas in factis, vel verbis est peccatum mortale. Ergo nullo modo dicendum est, quod omnis vana gloria, quae consistit in corde, sit peccatum mortale.

Respondetur dicendum, quod huius questionis veritas ex præcedenti questione manifestari potest. Dictum est enim, quod vana gloria dicitur cum aliquis gloriatur aut de falso, aut de re temporalis, aut cum aliquis gloriam suam non refert in debitum finem. Quantum ergo ad duo manifestum est quod non omnis inanis gloria est peccatum mortale: nullus enim diceret, eum peccare mortaliter qui gloriatur de cantu, æstimans se bene cantare, cum male cantet; nec eum qui gloriatur, quod habeat equum bene currentem. Sed circa tertium modum vanae gloriae videtur esse dubitatio maior: nam cum vanum sit quod non refertur ad debitum finem, videtur gloria hominis vel non esse vana, si referatur in Deum; vel esse peccatum mortale, si non refertur in Deum, sed in ea finis intentionis ponatur: iam enim aliquis creatura frueretur; quod non sit sine peccato mortali. Et ideo considerandum est, quod si aliquis actus non refertur in Deum sicut in finem, potest dupliciter contingere. Uno modo ex parte actus, scilicet eo quod ipse actus non est ordinatus in finem; & sic nullus actus inordinatus est referibilis in finem ultimum, sive sit peccatum mortale, sive veniale: actus enim inordinatus non est convenientis medium quo pervenitur ad finem bonum; sicut nec propositio falsa est convenientis medium quo pervenitur ad scientiam veram. Alio modo contingit ex parte ipsius agentis, cuius scilicet mens non ordinatur actu, vel habitu in debitum finem: ex hoc enim sequitur quod alius a tali mente procedens ordinatur in aliquid aliud sicut in ultimum finem; & tunc semper actus humanus qui non refertur in Deum sicut in finem, est peccatum mortale. Dico autem

mentem hominis non ordinari in Deum actu, vel habitu: quia contingit quandoque quod homo actu non ordinat aliquem actum in Deum, cum tamen actus ille de se non contineat aliquam inordinationem, ratione cuius non sit in Deum referibilis: & tamen quia meos hominis est habitualiter relata in Deum sicut in finem, actus ille non solum non est peccatum, sed etiam est actus meritorius. Sic ergo dicendum est, quod si gloria dicatur vana ex hoc quod non refertur in Deum sicut in finem, propter hoc quod mens hominis de aliquo gloriantis non sit conversa in Deum actu, vel habitu; tunc semper inanis gloria est peccatum mortale: sequitur enim quod homo gloriatur de aliquo bono creato, non relato actu, vel habitu in Deum sicut in finem. Si vero gloria dicatur vana ex hoc quod non refertur in Deum sicut in finem ex parte ipsius actus, quia scilicet non est referibilis in finem, propter hoc quod est inordinatus, sic non semper vana gloria est peccatum mortale: quia quilibet inordinatio gloriae facit gloriam non ordinabilem in Deum; puta, cum aliquis gloriatur de eo de quo non debet gloriari, vel ultra quam debet, vel prætermittit alia circumstantia debita: cum tamen non sequatur peccatum mortale ex hoc quod quilibet debita circumstantia prætermittitur, sed solum quando actus inordinatus est contra legem Dei. Sic ergo dicendum est, quod non semper peccatum inanis gloriae est peccatum mortale.

Ad primum ergo dicebimus, quod Dominus loquitur quando homo opera iustitiae refert ad humanam gloriam sicut ad ultimum finem: tunc enim vana gloria est peccatum mortale, & totaliter excludit a mercede æterna. Potest tamen dici, quod inanis gloria, etiam quando est peccatum veniale, excludit a mercede æterna, non quidem simpliciter, sed ratione alicuius actus determinati, in quantum scilicet facit quod ille actus qui ex inani gloria procedit, non sit remunerabilis mercede æterna, sicut & veniale peccatum non est remunerabile mercede æterna: non tamen inanis gloria quæ est veniale peccatum, excludit hominem simpliciter a mercede vite æternæ.

Ad secundum dicendum, quod dupliciter inanis gloria interiora hominis aufert. Uno modo quantum ad actus interiorum virtutum: non enim meretur præmium vite æternæ, si eos propter inanem gloriam faciat, etiam si inanis gloria sit peccatum veniale. Alio modo quantum ad ipsos interiores

iores habitus, prout scilicet privat hominem interioribus virtutibus. Sed hoc non facit inanis gloria, nisi secundum quod est mortale peccatum.

Ad tertium dicendum, quod ratio illa procedit de inani gloria, secundum quod homo de bonis suis gloriatur in seipso, nullo modo ea referendo in Deum vel actu, vel habitu, prout est peccatum mortale.

Ad quartum dicendum, quod illud dicitur esse periculosum quod de facili inducit aliquem ad pereundum. Inanis autem gloria inducit de facili ad pereundum, in quantum facit ipsum de seipso confidere: unde dicitur esse periculosissimum peccatum, non tam propter gravitatem sui, quam propter hoc quod est dispositio ad gravius peccandum.

Ad quintum dicendum, quod non est estimandum, quod omnia peccataque dicuntur capitalia, sint ex genere suo peccata mortalia: alioquin sequeretur quod omne peccatum gule, & irae esset peccatum mortale; quod patet esse falsum. Unde neque oportet quod omnis inanis gloria sit peccatum mortale, licet inanis gloria sit vitium capitale. Sed quia vitium capitale dicitur ex quo alia peccata oriuntur, sive sint venialia, sive mortalia; dici potest quod omne peccatum quod est capitale respectu aliorum peccatorum mortalius, est mortale peccatum: si tamen capitale peccatum accipiat secundum quod unum peccatum oritur ex alio, quasi ordinatum in finem illius. Manifestum enim est quod quicumque intantum afficitur aliquo peccato, ut ad finem illius consequendum peccare velit mortaliter, etiam in primo peccato mortaliter peccat; sicut si aliquis intantum afficitur ad delectationem gustus, quod propter hoc velit mortaliter peccare, ipsa etiam gula erit ei peccatum mortale: & sic etiam inanis gloria peccatum mortale est, quando aliquis propter inanem gloriam aliud peccatum mortale committit.

Ad sextum dicendum, quod sicut in regno aliter debetur honor & gloria regi, aliter duci, vel militi; ita etiam in universitate rerum aliqua gloria & honor soli Deo debetur; quam cum aliquis sibi usurpare vellet, attribueret sibi quod est Dei: sicut etiam si miles in aliquo regno appeteret gloriam quae regi debetur, ex hoc ipso sibi regiam dignitatem exoptaret. Non autem omnes qui inaniter gloriam concupiscunt, appetunt honorem & gloriam debitam soli Deo, sed quae debetur homini propter ali-

quam excellentiam. Io hoc tamen contra Deum peccant quandoque quod non referunt huiusmodi gloriam ad debitum finem; & sic, licet non usurpet sibi gloriam Dei secundum substantiam, usurpat tamen gloriam Dei quantum ad modum habendi: soli enim Deo competit ut eius gloria in alium finem non referatur.

Ad septimum dicendum, quod quicumque usurparet sibi divinitatis gloriam & honorem, esset vere idolatra, sicut multi tyranni fecisse leguntur; non autem omnes qui inaniter gloriantur, usurpat hoc modo divinam gloriam: unde non omnes sunt idolatrae.

Ad octavum dicendum, quod vitare minora peccata est abundantioris virtutis, ut patet per id quod Domini dicit Marth. v. abundantiores iustitiam esse quae vitat non solum homicidium, sed etiam iram, quam sit iustitia veteris legis, quae prohibet homicidium. Unde per hoc quod contemnere inanem gloriam est magis virtutis, non potest concludi, quod inanis gloria sit grave peccatum.

Ad nonum dicendum, quod placere hominibus, potest & bene, & male desiderari. Si quis enim velit hominibus placere, ut eos in bono edificare possit, hoc est virtuosum, & laudabile: unde & Apostolus dicit Rom. xv. 2. *Unusquisque proximo suo placeat in bonum ad edificationem*.... Sicut ego per omnia omnibus placeo: I. ad Corinth. x. 33. Velle autem placere hominibus propter solam gloriam mundanam, est peccatum inanis gloriae, quandoque quidem mortale, cum scilicet aliquis finem in favore humano constituit, diligens humanum favorem plus quam observantiam mandatorum Dei; & secundum hoc excludit a Dei servitio: quandoque vero est peccatum veniale, quando aliquis inordinate favore hominum delectatur, non tamen contra Deum, sed sub Deo.

Ad decimum dicendum, quod in moralibus obiectum constituit speciem, ooo secundum id quod est materiale in ipso, sed secundum formalem rationem obiecti. Differt autem obiectum inanis gloriae, prout est veniale, & mortale peccatum, secundum rationem formalem obiecti, id est secundum differentiam finis, & eius quod est ad finem: nam peccatum mortale est quando fois in humana gloria constituitur; veniale autem quando non constituitur in ea fois.

ARTICULUS III.

Quæritur de filiabus inanis gloriæ, quæ sunt inobedientia, iactantia &c.

2. 2. quæst. cxxxii. art. 5.

Tertio quæritur de filiabus inanis gloriæ, quæ sunt inobedientia, iactantia, hypocrisis, contentio, pertinacia, discordia, novitatum præsumptio. Et videtur quod inconvenienter assignentur. Hæc enim omnia videantur ad superbiam pertinere, cuius filia est & ipsa inanis gloria. Ergo huiusmodi vitia non debent poni filiz inanis gloriæ; sed simul cum inanigloria debent poni filiz superbiæ.

1. Præterea. Generale peccatum non debet derivari ex alio peccato. Sed inobedientia est generale peccatum: dicit enim Ambrosius (in Lib. de paradiso cap. viii. parum ante med.) quod peccatum est *transgressio legis, & calefctum inobedientia mandatorum*. Ergo inobedientia non debet poni filia inanis gloriæ.

3. Item iactantia est tertia species superbiæ, ut exsupradictis patet. Si ergo iactantia sit filia inanis gloriæ, sequetur quod superbia sit filia inanis gloriæ: quod patet esse falsum, cum superbia sit mater omnium peccatorum, ut Gregorius dicit XXXI. Moralium (cap. xxxi. in antiquis exempl. in novis autem cap. xvii.)

4. Præterea. Contentiones, & discordiæ videntur ex ira maxime provenire. Sed ira est capitale vitium contra inanem gloriam distinctum. Ergo discordia, & contentio non debent poni filiz inanis gloriæ.

Sed in contrarium est auctoritas Gregorii, qui XXXI. Moral. (ubi sup.) has filias inanis gloriæ assignat.

Respondendo dicendum, quod secundum eandem rationem aliquod vitium dicitur esse caput, & mater, inquantum scilicet alia vitia ex se oriuntur, ordinata ad finem eius: hoc enim competit & rationi capitis, secundum quod caput habet vim regitivam respectu eorum quæ sunt sub capite (omnis autem regimini ratio a fine sumitur) competit etiam rationi matris: nam mater est quæ in seipso concipit: unde illud vitium dicitur esse aliorum mater quod procedit ex conceptione proprii finis. Sic ergo cum propter finem inanis gloriæ sit manifestatio propriæ excellentiæ, filiz inanis

S. Tb. Oper. Tom. XV.

gloriæ dicuntur illa vitia per quæ homo ad manifestationem propriæ excellentiæ tendit. Propriam autem excellentiam homo potest manifestare dupliciter: uno modo directe, & alio modo indirecte. Directe quidem aut per verba, & sic est *iactantia*; aut per facta vera, quæ habent aliquam admirationem, & sic est *præsumptio novitatum* (ea enim quæ de novo sunt, solent magis in admiratione hominum esse) aut per facta ficta, & sic est *hypocrisis*. Indirecte autem aliquis suam excellentiam manifestat per hoc quod nititur offendere se non esse ab alio minoratur, & hoc quantum ad quatuor. Primo quidem quantum ad intellectum; & sic est *pertinacia*, per quam homo innititur suæ sententiæ, nolens credere sententiæ saniori. Secundo quantum ad voluntatem; & sic est *discordia*, dum non concordat homo propriam voluntatem voluntati meliorum. Tertio quantum ad verbum; & sic est *contentio*, dum aliquis non vult verbis ab alio superari. Quarto quantum ad factum, dum aliquis non vult facta sua præcepto superioris subicere; & sic est *inobedientia*.

Ad primum ergo dicendum, quod superbia, sicut supra (in corp. art.) dictum est, ponitur generaliter mater omnium vitiorum; & sub ipsa ponuntur septem vitia capitalia, inter quæ inanis gloria est maxime ei affinis: quia excellentiam quam superbia appetit, inanis gloria manifestare intendit, & ex ipsa manifestatione quamdam excellentiam quærit: & ideo per consequens omnes filiz inanis gloriæ, affinitatem cum superbia habent.

Ad secundum dicendum, quod inobedientia ponitur filia inanis gloriæ, prout est speciale peccatum: sic enim nihil aliud est inobedientia quam contemptus præcepti. Inobedientia vero, secundum quod est peccatum generale, significat absolutum recessum a mandatis Dei: quod quandoque fit, non ex contemptu, sed ex infirmitate, vel ignorantia, ut Augustinus dicit in Libro de natura & gratia (cap. xxxi.)

Ad tertium dicendum, quod iactantia ponitur esse species superbiæ quantum ad interioriorem affectum, quo aliquis excellentiam appetit ultra suam mensuram, ut supra (quæst. præced. art. 4.) dictum est; sed quantum ad actum exteriorem, quo aliquis manifestat excellentiam suam verbis, pertinet ad inanem gloriam.

Ad quartum dicendum, quod ex ira nunquam causatur contentio, & discordia, nisi cum adiunctione inanis gloriæ, dum aliquis

Bb

non

non vult videri minor in hoc quod voluntatem suam ad alterius voluntatem reducat, vel quod verba sua minus valida quam verba alterius videantur.

QUAESTIO X.

De invidia,

in tres articulos divisa.

Primo eoim quaeritur, utrum invidia sit peccatum.

Secundo. Utrum invidia sit peccatum mortale.

Tertio. Utrum invidia sit vitium capitale.

ARTICULUS I.

Utrum invidia sit peccatum.

Questio est de invidia. Et primo quaeritur, utrum invidia sit peccatum. Et videtur quod non. Quia, ut Philosophus dicit in II. Ethic. (cap. v. in med.) passionibus non laudamur, nec vituperamur. Sed invidia est passio: dicit eoim Damascenus in II. Lib. (cap. xiv. in fine) quod invidia est tristitia de alienis bonis. Ergo propter invidiam nullus vituperatur. Sed propter omne peccatum aliquis vituperabilis redditur. Ergo invidia non est peccatum.

2. Praeterea. Quod non est voluntarium, non est peccatum, ut Augustinus dicit (Lib. III. de libe. arb. cap. xviii. & de vera religione cap. xiv.) Sed invidia, cum sit tristitia, non est aliquid voluntarium: ut enim Augustinus dicit XIV. de civit. Dei (cap. vi.) *tristitia est de his quae nobis nolentibus acciderunt.* Ergo invidia non est peccatum.

3. Praeterea. Cum malo contrarietur bonum, bonum non movet ad peccatum, quod est malum, sicut nec aliquid contrarium movet ad suum contrarium. Sed motivum invidiae est bonum: dicit enim Remigius, quod invidia est dolor de alieno bono. Ergo &c.

4. Praeterea. Augustinus dicit XIV. de civit. Dei (cap. xiii.) quod in omni peccato est immediata conversio ad bonum commutabile. Sed invidia non est conversio ad aliquid bonum commutabile, sed magis aversio ab eo, cum sit tristitia de alieno bono. Ergo invidia non est peccatum.

5. Praeterea. Augustinus dicit in Lib. de libero arbitrio (I. cap. xii. circa finem)

quod omne peccatum est ex libidine. Sed invidia, cum sit cum tristitia, non procedit ex libidine, quae est appetitus delectationis. Ergo invidia non est peccatum.

6. Praeterea. Id quod est impossibile esse, non potest esse peccatum. Sed impossibile est aliquem invidere, ut videtur: quia cum bonum sit quod omnia appetunt, nullus potest dolere de bono, quod est invidere. Ergo invidia non potest esse peccatum.

7. Praeterea. Omne peccatum in aliquo actu consistit. Sed invidia, cum sit tristitia, diminuit actionem, quae per delectationem perficitur. Ergo invidia diminuit peccatum: ergo non est peccatum.

8. Praeterea. Actus morales dicuntur boni, vel mali secundum formalem rationem obiecti. Sed obiectum invidiae est bonum, ut dictum est: quia est dolor de alieno bono. Ergo actus invidiae est bonus: non est ergo peccatum.

9. Praeterea. Malum poenale dividitur contra malum culpae, ut patet per Augustinum in I. Lib. de libero arbitrio (in princ.) Sed invidia est quoddam malum poenale, ut dicit Ildorus in Lib. de summo bono (III. cap. xxv.) quod *liver*, id est invidia, *suum punit auctorem.* Ergo invidia non est culpa.

10. Praeterea. Augustinus dicit XIV. de civ. Dei, quod omne peccatum est amor improbus. Sed invidia non est amor improbus: quia amor facit gaudere de bonis amici, & tristari de malis. Ergo invidia non est peccatum.

11. Praeterea. Gravius esse videtur invidere alicui circa bona spiritualia quam circa bona corporalia. Sed invidia circa bona spiritualia non est peccatum: dicit enim Hieronymus ad Letam de instructione filiz (ante medium epist.) *Habet socias, cum quibus addiscat, quibus invideat, quarum laudibus moveatur.* Ergo invidia non est peccatum.

Sed contra. Extrema in moralibus sunt vitiosa. Sed invidia est quoddam extremum, ut patet in II. Ethic. (cap. vi. a med.) Ergo invidia est peccatum.

Respondeo dicendum, quod invidia ex suo genere est peccatum. Cum enim actus moralis ex suo obiecto speciem habeat, vel in genere collocetur; ex hoc potest cognoscilique actum morale esse malum ex suo genere, si actus ipse non referatur convenienter ad suam materiam, vel obiectum. Est autem considerandum, quod appetitus virtutis est obiectum bonum, & malum; sicut obiecta intellectus sunt verum, & falsum.

sum. Omnes autem actus appetitivæ virtutis ad duo communia reducuntur, scilicet ad prosecutionem, & fugam; sicut & actus intellectivæ virtutis referuntur ad affirmationem, & negationem; ut hoc sit prosecutio in appetitu quod affirmatio in intellectu, & hoc sit fuga in appetitu quod negatio in intellectu, ut Philosophus dicit in VI. Ethic. (cap. 11. circa princ.) Bonum autem habet rationem attractivi, cum bonum sit quod omnia appetunt, ut dicitur in I. Ethic. (in princ.) & e contrario malum habet rationem repulsi, quia malum est præter voluntatem, & appetitum, ut Dionysius dicit in IV. cap. de divin. Nomin. Sic ergo omnis actus appetitivæ virtutis ad prosecutionem pertinet, cuius obiectum est malum, est actus non conveniens suæ materiæ, vel obiecto: & ideo omnes huiusmodi actus ex genere suo sunt mali, sicut amare malum, & gaudere de malo; sicut etiam est vitium intellectus affirmare falsum: & similiter etiam omnis actus ad fugam pertinet, cuius obiectum est bonum, est non conveniens suæ materiæ, vel obiecto; & ideo omnis talis actus ex suo genere est peccatum; sicut odire bonum, & abominari bonum, & deipso tristiari, quia etiam in intellectu vitium est, negare verum. Non tamen sufficit ad hoc quod actus sit bonus, quod importet prosecutionem boni, vel fugam mali (nisi sit prosecutio boni convenientis, & fuga mali quod ei opponitur) quia plura requiruntur ad bonum, quod pericitur ex tota & integra causa, quam ad malum, quod relinquitur ex singularibus defectibus, ut Dionysius dicit v. cap. de divin. Nomin. invidia autem importat tristitiam ex bono: unde patet quod ex suo genere est peccatum.

Ad primum ergo dicendum, quod cum passio sit motus appetitus sensitivi, ut Damascenus dicit in II. Lib. (cap. xxi.) passio secundum se considerata non potest esse vel virtus, vel vitium, sive aliquid laudabile, vel vituperabile: quia ista pertinent ad rationem: sed secundum quod appetitus sensitivus est aliquid rationalis, inquantum potest obedire rationi, secundum hoc etiam & ipsæ passiones possunt esse laudabiles, vel vituperabiles, prout possunt ordinari, vel reprimi: unde Philosophus ibidem (Lib. II. Ethic. cap. v. circa med.) dicit, quod non laudatur, neque vituperatur qui simpliciter irascitur, sed qui aliquid irascitur, id est secundum ordinem rationis, vel præter ipsum.

Ad secundum dicendum, quod illa autem floritas non dicit, quod tristitia sit motus involuntarius, sed quod obiectum tristitiæ sit aliquid involuntarium. Nihil autem prohibet circa rem involuntariam esse actum hominis bonum, vel malum, prout scilicet rem involuntariam potest aliquis ferre bene, vel male.

Ad tertium dicendum, quod bonum, quantum est de se, semper movet ad bonum; sed ex prava dispositione affectus contingit quod aliquis ex bono moveatur ad malum invidiæ; sicut etiam ex prava dispositione corporis contingit quod cibus sanus sit ei nocivus.

Ad quartum dicendum, quod carere bono accipitur in ratione mali, ut Philosophus dicit in V. Ethic. (cap. 1. circa med.) & secundum hoc adversari bono per tristitiam, in idem redit cum eo quod est converti ad malum, quod adiungitur commutabili bono inordinate amato.

Ad quintum dicendum, quod sicut bonum naturaliter prius est quam malum, quod est privatio eius: ita etiam affectiones animæ quarum obiectum est bonum, naturaliter sunt priores illis affectionibus animæ quarum obiectum est malum: & propter hoc ex eis oriuntur: & ideo odium, & tristitia causantur ex aliquo amore, desiderio, & delectatione: & secundum hoc invidia causatur ex aliqua libidine.

Ad sextum dicendum, quod ex bono sub ratione boni nullus potest tristiari; sed de bono, inquantum apprehenditur sub ratione mali veri, vel apparentis, potest aliquis tristiari: & hoc modo invidia est tristitia de alieno bono, inquantum scilicet est impedimentum propriæ excellentiæ.

Ad septimum dicendum, quod sicut delectatio perficit operationem propriam, ita impedit operationem extraneam, ut Philosophus dicit in X. Ethic. (cap. v.) sicut ille qui delectatur in studendo, magis studet, & minus circa alia occupatur. Sic ergo tristitia, quæ est de bono proximi, impedit affectiones quæ ad bonum proximi tendunt; sed movet ad operationes contrarias, quibus bonum proximi impeditur.

Ad octavum dicendum, quod sicut in amore boni non potest esse peccatum, nisi inquantum id quod amatur, est apprehendatur in ratione boni, non tamen est vere bonum, sed malum; ita etiam tristitia quæ est in bono, quod apprehenditur ut malum, quod non est vere malum, sed apparens, nihilominus est mala, quia non est conveniens

niens tali obiecto, quod est vere bonum. Sic enim actus moralis fit bonus ex obiecto, inquantum est ei conveniens.

Ad nonum dicendum, quod quibusdam peccatis adiunguntur quaedam poenales afflictiones adiunctam, & hoc est a Deo, secundum illud Psalm. xlix. 21. *Arguam te, & statuam contra faciem tuam*: & Augustinus dicit in I. Confess. (cap. xxi. in fin.) *Iussisti Domine, & sic est, ut poena sibi sit omnis inordinatus animus*. Et hoc modo invidia potest esse & poena, & culpa.

Ad decimum dicendum, quod omne peccatum est amor improbus per causam, non per essentiam: quia omnis affectio animae, etiam tristitia, ex amore procedit, ut Augustinus in eodem Libro dicit.

Ad undecimum dicendum, quod Aristoteles I. Rethor. (cap. xi. parum a princ.) distinguens inter zelum & invidiam, dicit: *Zelus ex bonis est virtuosorum; invidere autem est peccatum pravorum*. Zelans enim seipsum praeparat propter emulationem, ut obtineat bona; invidus autem, ut proximus non habeat propter invidiam: invidia enim est cum aliquis tristatur de hoc quod proximus habet bona quae ipse non habet; zelus autem est cum aliquis tristatur de hoc quod ipse non habet bona quae proximus habet. Hieronymus autem in auctoritate praedicta accepit invidiam pro zelo. Est enim laudabile quod aliquis addiscit conetur ad addiscendum quae alius addidit, secundum illud Apostoli I. Corinth. xii. 31. *Aemulamini charitatem meliorem*.

ARTICULUS II.

Utrum invidia sit peccatum mortale.

2. 2. quæst. xxxv. art. 3.

Secundo queritur, utrum invidia sit peccatum mortale. Et videtur quod non. Dicit enim Gregorius XXII. Moral. (cap. xi. in princ.) *Evenire plerumque solet ut non emissæ caritate, inimici nos ruina letificet, & eius gloria contristet*. Hoc autem est invidere. Ergo invidia non tollit caritatem; & ita non dicitur peccatum mortale.

2. Præterea. Damascenus dicit in II. Lib.

(cap. xxii.) quod passio est motus appetitus sensibilis. Hic autem motus sensualitas dicitur, ut Augustinus dicit in XII. de Trinit. (cap. xii.) Ergo invidia, cum sit passio, est in sensualitate, in qua non est nisi veniale peccatum, ut Augustinus dicit in eodem Libro. Ergo invidia non est peccatum mortale.

3. Præterea. Sicut bona ex genere possunt male fieri; ea autem quæ sunt mala ex genere, non possunt bene fieri, ut Augustinus dicit in Libro contra mendacium (cap. vii.) ita ea quæ sunt ex genere venialia, possunt fieri mortalia; ea autem quæ sunt ex genere mortalia, nullo modo possunt esse venialia, sicut patet de homicidio, & adulterio. Sed non omnis invidia est peccatum mortale. Ergo invidia non est peccatum mortale ex genere.

4. Præterea. Peccatum operis in eodem genere est gravius peccato cordis. Sed impedire opere bonum proximi, non semper est peccatum mortale. Ergo non semper est peccatum mortale dolet de bono proximi, quod est invidere.

5. Præterea. In viris perfectis non potest esse peccatum mortale. Sed in eis potest esse aliquis motus invidiæ ex surrptione. Ergo invidia non est peccatum mortale.

6. Præterea. In pueris nondum loquentibus non potest esse peccatum mortale: quia nondum habent usum rationis, in qua sola est peccatum mortale. Sed in pueris potest esse invidia: dicit enim Augustinus in I. Confess. (cap. vii. circa med.) *Vidi ego, & expertus sum zelantem puerum: nondum loquebatur, & insubatur pallidus amaro aspectu collataneum suum*. Ergo invidia non est peccatum mortale.

7. Præterea. Omne peccatum mortale contrariatur ordini caritatis. Sed invidia, quæ tristatur de bono alterius, inquantum redundat in proprium nocumentum, non repugnat ordini caritatis, secundum quem quilibet debet se plus diligere quam alium, & proximos plus quam extraneos, ut Ambrosius dicit. Ergo invidia non est peccatum mortale.

8. Præterea. Omne peccatum mortale alicui virtuti contrariatur. Sed invidia non contrariatur alicui virtuti, sed cuidam passioni, quam Philosophus in II. Ethic. nemesim vocat. Ergo invidia non est peccatum mortale.

1. Sed contra est quod Gregorius dicit in V. Moral. (cap. xxxii. a medio in novis exempl.) exponens id quod habetur Prov.

xiv. P^{mo}

xiv. *Pseudo offium invidia*. „ Per livorist
„ (inquit) vitium ante Dei oculos pereunt
„ bene acta virtutum. “ Sed hoc non facit
nisi peccatum mortale. Ergo invidia est pec-
catum mortale.

2. Præterea. In itinerario Clementis nar-
ratur, quod Petrus dixit, quod tria pecca-
ta æqualiter peccata merentur, cum aliquis
manu occidit, cum lingua detrahit, & cum
corde invidet, vel odit. Sed homicidium est
peccatum mortale. Ergo & invidia.

3. Præterea. Isidorus dicit in Lib. de sum-
mo bono (Hl. cap. xv. ante med.) *Nu-
la virtus est cui non contrarietur invidia : so-
la enim miseria caret invidia*. Sed nihil con-
trariatur omni virtuti nisi peccatum morta-
le. Ergo invidia est peccatum mortale.

4. Præterea. Sicut Augustinus dicit super
illud Psalm. civ. *Convertit cor eorum ut odi-
ret populum suum*, invidia est odium felicitatis
alienæ. Odium autem est ira inveterata,
ut ipse dicit XI. super Genes. ad litteram.
Ergo omnis invidia est aliquid inveteratum;
& ita non potest esse veniale peccatum,
quasi subreptitium.

5. Præterea. Nihil interficit spiritaliter
nisi peccatum mortale. Sed invidia occidit
spiritaliter, secundum illud Iob v. 2. *Par-
vulum occidit invidia*. Et super illud II. ad
Corinth. 11. 15. *Christi bonus odor sumus*,
dicit Glossa (ordin. ex August.) „ Odor
„ iste vegetat diligentes, (a) necat invi-
„ dentes. “ Ergo invidia est peccatum mor-
tale.

Respondendo dicendum, quod, sicut dictum
est (art. 1. huius quæst. & supra quæst.
vii. art. 5.) genus, sive species actus mor-
alis attenditur secundum materiam, vel ob-
iectum : unde etiam actus moralis dicitur
bonus, vel malus secundum suum genus.
Vita autem animæ est per caritatem, quæ
coniungit nos Deo, per quem anima vivit :
unde dicitur I. Ioan. 11. 14. *Qui non di-
ligit, manet in morte* : mors enim est priva-
tio vitæ. Quando ergo ex comparatione ac-
tus ad suam materiam intelligitur aliquid
oppositum caritati, oportet quod actus ille
sit peccatum mortale ex suo genere ; sicut
occidere hominem importat aliquid repu-
gnans caritati, per quam diligimus proxi-
mum, & volumus eum vivere, & esse, &
alia bona habere : hoc enim est de ratione
amicitiæ, ut Philosophus dicit in IX. Ethic.
(cap. 1v.) & ideo homicidium est pec-
catum mortale ex genere suo. Si vero ex com-
paratione actus ad suum obiectum non ap-
pareat aliquid contrarium caritati, non est

peccatum mortale ex suo genere ; sicut di-
cere verbum otiosum, & alia huiusmodi ;
quæ tamen possunt fieri peccata mortalia per
aliquid aliud superveniens, sicut supra (quæst.
vii. de peccatis art. 3. & 4.) habitum est.
Invidere autem importat aliquid caritati re-
pugnans ex ipsa comparatione actus ad suum
obiectum : est enim de ratione amicitie ut
eis velimus bona, sicut & nobis ipsis, ut di-
citur in IX. Ethic. (cap. 1v.) eo quod a-
micus est quodammodo alter ipse. Unde quod
aliquis de felicitate alterius tristet, hoc ma-
nifeste repugnat caritati, inquantum per eam
diligitur proximus : unde Augustinus dicit
in Libro de vera religione (cap. xlvii.
circa princ.) *Qui invidet benevolentem, non
amat benevolentem*. Unde invidia ex suo
genere est peccatum mortale. Est tamen con-
siderandum, quod in genere alicuius pecca-
ri mortalis potest inveniri aliquis actus qui
non est peccatum mortale propter suam im-
perfectionem, quia scilicet non attingit ad
perfectam rationem illius generis. Quod qui-
dem contingit dupliciter. Uno modo ex
parte principii activi, quia scilicet non pro-
cedit a ratione deliberante, quæ est pro-
prium & principale activum principium hu-
manorum actuum : unde subiti motus etiam
in genere homicidii, vel adulterii non sunt
peccata mortalia : quia non attingunt per-
fectam rationem actus moralis, cuius prin-
cipium est ratio. Alio modo potest contin-
gere ex parte obiecti, quod scilicet contin-
get sui parvitatem non attingit ad perfectam ra-
tionem obiecti : quod enim parvum est,
quasi nihil accipit ratio ; sicut patet in spe-
cie furti : si enim aliquis accipiat de agro
alterius unam spicam, vel aliquid huiusmo-
di, non est credendum quod peccet morta-
liter : quia hoc quasi nihil computatur tam
ab illo qui accipit, quam ab illo cuius est
res ipsa. Secundum hoc ergo potest contin-
gere quod aliquis motus invidiæ non est
peccatum mortale, quamvis invidia secun-
dum suum genus sit peccatum mortale, pro-
pter imperfectionem ipsius motus : vel quia
est subitus, & non procedit ex ratione deli-
berata ; vel quia homo tristet de aliquo
bono alterius, quod est adeo parvum, quod
non videtur esse aliquid bonum : puta si a-
liquis invidet alicui simul ludenti, quod
vincat in ludo, puta cum eo currendo, vel
aliquid huiusmodi ludicrum faciendo.

Ad primum ergo dicendum, quod quia in
definitione alicuius non ponitur id quod est
per accidens, sed solum id quod est per se ;
cum dicitur quod invidia est tristitia de fe-
lici-

(a) id. vocat.

licitate, vel gloria alterius, oportet quod intelligatur secundum quod aliquis tristatur de ipsa felicitate alterius, inquantum est huiusmodi: de qua, ea ratione aliquis tristatur, quia vult singulariter excellere: unde qui ab aliquo vincitur in gloria, vel felicitate, & de hoc dolet, proprie dicitur invidere. Contingit autem aliquem tristari de felicitate alterius propter alias rationes quæ ad invidiam non pertinent, sed quandoque ad alia vitia. Quicumque enim odit aliquem, tristatur de felicitate eius, non inquantum est excellentia quædam, sed inquantum est simpliciter bonum quoddam eius quem odit. Cum enim aliquis inimico velit malum, consequens est quod de omni bono eius tristetur. Unde hæc est differentia inter invidentem & odientem: quia invidens non tristatur de bono alterius, nisi per hoc quod excelsit, vel singularitatem suæ gloriæ amittit; odians autem de quocumque bono inimici tristatur. Potest etiam esse & alia ratio, quare aliquis de felicitate alterius tristetur, quia scilicet timet ex hoc aliquod nocumentum sibi provenire, vel aliquibus quos amat: quod magis est timoris quam invidiæ ut Philosophus dicit in II. Rethor. Contingit autem timorem esse & bonum, & malum: unde hoc potest fieri & cum peccato, quando timor est malus; & sine peccato, quando timor est bonus. Unde Gregorius præmissa verba exponens subdit, quod *hoc credimus, cum tuente aliquo quosdam bene erigi credimus; & proficiente illo plures iniuste opprimi formidamus.* Unde etiam interponit, quod talis tristitia est sine invidiæ culpa.

Ad secundum dicendum, quod quando motus est sensualitatis tantum, non potest esse peccatum mortale; sed quando motus tristitiæ ex deliberatione rationis procedit, tunc non solum est sensualitatis, sed etiam rationis: & ideo potest esse peccatum mortale. Quamvis etiam dici possit, quod huiusmodi nomina passionum quandoque signant ipsos simpliciter motus voluntatis; & secundum hoc tristitia non erit in sensualitate, sed in parte rationali.

Ad tertium dicendum, quod illud quod est mortale ex genere, non potest fieri veniale, si actus sit perfectus; potest tamen contingere propter imperfectionem actus, ut dictum est (quæst. viii. art. 3. & in corp. huius art.)

Ad quartum dicendum, quod impedire bonum alicuius potest esse absque peccato mortali propter imperfectionem actus: quia

illud quod impeditur, non habet plenam rationem boni, aut quia est parvum, aut quia est indebitum.

Ad quintum dicendum, quod motus subreptitius invidiæ est imperfectus; & talis etiam invidiæ motus est in pueris, qui non habent usum rationis.

Unde patet responsio ad sextum.

Ad septimum dicendum, quod quandocumque aliquis tristatur de felicitate alterius propter nocumentum quod exinde sibi, vel suis imminet; talis tristitia non est invidiæ, sed timoris: unde quandoque potest esse sine peccato, sicut dictum est.

Ad octavum dicendum, quod invidia respicit duo obiecta. Est enim tristitia de prosperitate alicuius boni; & secundum hoc duabus virtutibus contrariari potest: ex parte enim prosperitatis, de qua dolet, contrariatur ei misericordia, quæ dolet de adversitate bonorum; ex parte autem boni, de cuius prosperitate tristatur, opponitur ei ira per zelum, quæ intelligitur per nemem, quando scilicet aliquis tristatur de hoc quod aliqui mali in sua impietate prosperantur. Et quamvis misericordia, & nemesis passiones videantur secundum rationem tristitiæ; tamen secundum quod supervenit electio rationis, accipiunt rationem virtutis.

Similiter ea quæ in contrarium obiciuntur facile est solvere.

Ad primum ergo dicendum, quod Gregorius ibi loquitur de invidia secundum quod est peccatum mortale: & de tali etiam cordis invidia loquitur beatus Petrus: quæ quidem meretur æqualem penam homicidii quantum ad genus peccati: quia utrumque meretur penam æternam.

Unde patet solutio ad secundum.

Ad tertium dicendum, quod peccatum mortale contrariatur omni virtuti peccantis. Invidia autem, ut Ihsidorus dicit (Lib. III. de summo bono cap. xxv.) contrariatur omni virtuti, non ipsius peccantis, sed alterius. Unde per hoc probari non posset quod invidia sit peccatum mortale.

Ad quartum dicendum, quod invidia non est odium hominis, sed felicitatis, prout sub odio comprehenduntur omnes passiones animæ tendentes in malum, quæ ex odio derivantur. Quod autem dicitur odium esse ira inveterata, non est sic intelligendum quasi omne odium sit tale, sicut est aliquis status motus odii; sed quia ira inveterata odium causat.

Ad quintum dicendum, quod auctoritates illæ loquuntur de invidia secundum quod est peccatum mortale. AR-

ARTICULUS III.

Utrum invidia sit vitium capitale.

2. 2. *quest. xxxvi. art. 4.*

Tertio queritur, utrum invidia sit vitium capitale. Et videtur quod non. Quia ad vitium capitale pertinet habere filias; non autem ad ipsum pertinet quod sit alterius filia. Sed invidia est filia superbiae, sicut Augustinus dicit in Lib. de sancta virginitate (cap. xxxi. circa med.) Ergo invidia non est vitium capitale.

2. Præterea. Invidia est tristitia quædam, ut iam dictum est (art. præced. ad 1. arg.) Tristitia autem importat quendam terminum appetitivi motus: ubi enim homo incurrit malum, quod prius oderat, contristatur. Ergo invidia non est vitium capitale: quia de ratione vitii capitalis est quod ex eo omnia alia vitia oriuntur.

3. Præterea. Cuiuslibet vitio capitali assignantur aliquæ filiae. Sed invidia non videtur habere aliquas filias: assignat enim Gregorius in XXXI. Moral. (cap. xxxi. in antiquis & xvii. in novis exemp.) ei quinque filias, quæ sunt odium, susurratio, detractio, exultatio in adversis, afflictio in prosperis: quorum nullum videtur esse filia invidiæ: nam odium magis nascitur ex ira; susurratio autem, & detractio, & exultatio in adversis procedunt ex odio; afflictio autem in prosperis videtur esse idem quod invidia. Ergo invidia non est vitium capitale.

Sed contra est quod Gregorius XXXI. Moral. (ubi sup.) connumerat invidiam inter vitia capitalia.

Respondeo dicendum, quod, sicut supra (quest. vii. art. 1.) dictum est, vitia capitalia sunt ex quibus alia vitia nata sunt oriri secundum rationem causæ finalis. Finis habet rationem boni. Eodem autem modo tendit appetitus in bonum, & in fructum boni, quæ est delectatio: & ideo sicut appetitus ex intentione boni movetur ad aliquid agendum, ita etiam ex intentione delectationis. Est autem considerandum, quod sicut bonum est finis appetitivi motus qui est profectio; ita malum est finis appetitivi motus qui est fuga: sicut enim aliquis vult obtinere bonum, profectus ipsum; ita aliquis vult carere malo, fugit ab ipso: & sicut delectatio est fructus boni, ita tristitia est quædam malitia, secundum quam

animus opprimitur a malo. Et ideo ex hoc quod homo repudiat tristitiam, inducitur ad multa facienda, per quæ tristitia repellat, vel ad quæ tristitia inclinat. Sic ergo quia invidia est tristitia alienæ gloriæ, in quantum apprehenditur ut quoddam malum, consequens est ut homo ex invidia tendat ad aliqua inordinate facienda contra proximum: & secundum hoc est invidia vitium capitale. In hoc autem conatu invidiæ est aliquid tamquam principium, & aliquid tamquam terminus. Principium quidem est ut aliquis excludat gloriam alterius, quæ eum contristat: quod quidem fit diminuendo bona eius, sive mala de eo dicendo & latenter, quod fit per *susurrationem*, & manifeste, quod fit per *detractionem*. Terminus autem huius conatus potest considerari dupliciter. Uno quidem modo respectu eius cui invidet: & sic motus invidiæ interdum terminatur ad *odium*, scilicet ut homo non solum tristetur de superexcellencia alterius, sed ulterius velit simpliciter mala eius. Alio vero modo terminus huius conatus potest accipi ex parte ipsius invidentis: qui si quidem possit consequi finem intentum, ut diminuat gloriam proximi, gaudet; & sic ponitur filia invidiæ *exultatio in adversis*. Si autem non possit consequi suum propositum, ut scilicet impediatur gloria proximi, tristatur; & sic ponitur filia invidiæ *afflictio in prosperis*.

Ad primum ergo dicendum, quod, sicut Gregorius dicit XXXI. Moralium (loc. cit. in arg. 3.) superbia communis mater est omnium vitiorum: unde per hoc quod invidia est filia superbiæ, non excluditur quin invidia sit vitium capitale.

Ad secundum dicendum, quod tristitia etsi sit terminus in exequendo, est tamen primum in intentione, in quantum scilicet ex fuga tristitiæ multi alii motus procedunt.

Ad tertium dicendum, quod nihil prohibet eadem vitia ex diversis vitiis secundum diversas rationes oriri. Odium ergo nascitur ex ira secundum quod ille quidam iram provocavit, læsionem intulit; ex invidia autem secundum quod eius bonum cui invidetur, apprehenditur ut impeditivum propriæ excellentiæ. Similiter etiam susurratio, & detractio, & exultatio in adversis oriuntur ex odio, in quantum diminuit omne bonum, & procurat omne malum sui inimici: hæc ex invidia proveniunt secundum solam rationem removendi excellentiam. Afflictio autem in prosperis est aliquo modo ipsa invidia, & quodammodo filia eius: secundum enim quod aliquis tristatur de prosperis alius

cus, in quantum adversantur singulari excellentiae alicuius, sic est ipsa invidia; secundum vero quod aliquis tristatur de prosperis alicuius ea ratione quia eveniunt contra suum conatum ad impediendum ea, sic est ista invidia.

QUAESTIO XI.

De accidia,

in quatuor articulos divisa.

Primo enim quaeritur, utrum accidia sit peccatum.
Secundo. Utrum accidia sit peccatum spirituale.

Tertio. Utrum sit peccatum mortale.

Quarto. Utrum sit peccatum capitale.

ARTICULUS I.

Utrum accidia sit peccatum.

2. 2. *quaest. xxxv. art. 1.*

Questio est de accidia. Et primo quaeritur, utrum accidia sit peccatum. Et videtur quod non. Virtus enim, & peccatum, cum sint contraria, sunt in eodem genere. Sed virtus est in genere amoris: dicit enim Augustinus in Lib. de moribus Ecclesiae (cap. xv.) & XV. de civitate Dei, quod virtus est ordo amoris. Cum ergo accidia non sit in genere amoris, sed magis sit tristitia quaedam, ut Damascenus dicit (Lib. II. orthodox. Fidei cap. xiv.) videtur quod accidia non sit peccatum.

2. Praeterea. In Psalm. cvr. super 3. *Confitemini*, ponit Glossa (August. super illud, *Confiteantur Domino miserationes eius*) quatuor tentationes, quae sunt error, difficultas vincendarum concupiscentiarum, tardium, & tempestas saeculi. Sed error, & difficultas, & tempestas saeculi non sunt peccata. Ergo nec tardium, quod est accidia, est peccatum.

3. Praeterea. Omne peccatum est ab homine, secundum illud Osee penult. 9. *Perditio tua ex te, Israel*. Sed accidia, cum sit quaedam tristitia, non est ab homine: quia II. ad Corinth. ix. super illud, *Non existitia, aut ex necessitate*, dicit Glossa (ordinaria ex August. super illud, *Hilarum dato rem*), „Si cum tristitia facis, sit de te, „non tu tamen facis.“ Ergo accidia non est peccatum.

4. Praeterea. Non potest contingere quod actus sit simul meritorius, & peccatum. Sed aliquis actus cum accidia factus est meritorius; puta, cum aliquis ex voto, vel obedientia ieiunat; & tamen ieiunium ipsum contristat, & sic est ibi accidia, quae est tristitia de bono spirituali virtutis. Ergo accidia non semper est peccatum.

5. Praeterea. Damascenus dicit in II. Lib. (cap. xiv.) quod accidia est tristitia aggravans. Sed aggravatio magis videtur esse poena quam culpa. Ergo accidia non est peccatum, sed magis poena.

6. Praeterea. Accidia videtur esse tristitia, vel tardium interni boni, de quo dicitur in Glossa (ordin. ex August.) super illud Psalm. cvr. *Omnes essemus abominata est anima eorum*. Si ergo accidia sit peccatum, aut est peccatum, quia non accipit spirituale bonum, aut quia eo spreto accipit corporale bonum. Sed non potest esse peccatum, quia non accipit spirituale bonum, quia non accipere non est actus, sed privatio quaedam: omnis autem laus, & vituperium sequitur aliquem actum, ut Philosophus dicit in I. Ethic. (cap. xxi.) vituperium autem peccato debetur. Restat ergo, si accidia sit peccatum, quod sit peccatum, quia prosequitur aliquid corporale bonum spirituali contempto. Sed prosecutio boni videtur pertinere ad concupiscibilem, sicut fuga mali ad irascibilem. Ergo videtur quod accidia sit in concupiscibili, cum magis videatur ad irascibilem pertinere.

7. Praeterea. Gregorius dicit XI. Moral. quod accidia est interna mentis tristitia, per quam quis minus devote orat, aut psallit. Sed non est in potestate hominis quod devote orat. Ergo non est in potestate hominis quod accidiam vitet. Accidia ergo non est peccatum: quia nullus peccat in eo quod vitare non potest.

8. Praeterea. Damascenus in II. Lib. (cap. xiv.) ponit accidiam speciem quamdam tristitiae, quae est una de quatuor passionibus. Sed passiones non sunt peccata, quia secundum eas nec laudamur, nec vituperamur. Ergo accidia non est peccatum.

9. Praeterea. Illud quod eligit sapiens, non est peccatum. Sed accidiam, sive tristitiam eligit sapiens: dicitur enim Eccle. vii. v. *quod cor sapientis ubi tristitia*. Ergo accidia, sive tristitia non est peccatum.

10. Praeterea. Illud quod Deus remunerat, non est peccatum. Sed Deus tristitiam remunerat: dicitur enim Malach. iii. 14. ex

per-

persona malorum : *Quod emolumentum habuimus, quia custodimus praecepta eius, & ambulavimus iuxta (a) coram eo ? Ergo accidia, seu tristitia non est peccatum.*

Sed contra est quod Gregorius XXXI. Moral. (cap. xxviii. parum a princ.) accidiam inter alia peccata connumerat : & similiter lúdorum in Libro de summo bono.

Respondeo dicendum, quod, sicut ex Damasceno (Lib. II. cap. xiv.) patet, accidia tristitia quaedam est : unde Gregorius in Moralibus (Lib. XXXI. cap. xxvi. in antiquis, & xvii. in novis exemp.) loco accidit quandoque ponit tristitiam. Obiectum autem tristitiae est malum praesens, ut Damascenus dicit (loc. cit.) Sicut autem est duplex bonum, unum quod est vere bonum, & aliud quod est apparens bonum, propter hoc quod, est secundum quid bonum (non enim est vere bonum quod non est simpliciter bonum) ita etiam est duplex malum, quoddam quod est vere & simpliciter malum, & quoddam quod est apparens & secundum quid malum, & simpliciter est vere bonum. Sicut ergo amor, & concupiscentia, & delectatio quae sunt de vero bono, sunt laudabilia ; quae autem sunt de apparenti bono, & non vere bono, sunt vituperabilia : ita etiam odium, fastidium, & tristitia quae sunt de eo quod est vere malum, sunt laudabilia ; quae autem sunt de eo quod est secundum quid, vel apparens bonum, & simpliciter malum, sunt vituperabilia, & peccata. Accidia autem est tridium, vel tristitia boni spiritualis & interni, ut Augustinus dicit super illud Psalm. cxi. *Omnem escam abominata est anima eorum.* Et ideo cum internum & spirituale bonum sit vere bonum, & non possit esse malum nisi apparens, inquantum scilicet contrariatur carnalibus desideriis ; manifestum est quod accidia, cum sit tristitia, potest dupliciter considerari : uno modo secundum quod est actus appetitus intellectivi, qui est voluntas. Omnia enim huiusmodi affectionum nomina secundum quidem quod sunt actus appetitus sensitivi, passiones quaedam sunt ; secundum vero quod sunt actus appetitus intellectivi, sunt simplices motus voluntatis. Peccatum autem per se & proprie est in voluntate, ut dicit Augustinus (de duabus animabus cap. x. & xi.) Et ideo si accidia nominet actum voluntatis refugientis internum & spirituale bonum, potest ha-

bere perfectam rationem peccati ; si vero accipiat prout est actus appetitus sensitivi, non habet rationem peccati, nisi ex voluntate, inquantum scilicet talis motus potest a voluntate prohiberi : unde si non prohibetur, habet aliquam rationem peccati, sed imperfectam.

Ad primum ergo dicendum, quod amor est principium omnium affectionum, ut patet per Augustinum XIV. de civit. Dei [cap. vii. viii. ix.] & ideo cum dicitur, quod virtus est ordo amoris, est praedictio per causam, non per essentiam : non enim omnis virtus essentialiter est amor, sed omnis affectio virtutis derivatur ex aliquo amore ordinato : & similiter omnis affectio peccati derivatur ab aliquo inordinato amore.

Ad secundum dicendum, quod ille modus argumentandi non est efficax. Non enim oportet ut quicquid praedicatur de uno dividentium aliquod commune, praedicetur etiam de aliis : illa enim quae connumerantur ad invicem ut dividentia aliquod commune, in illo communi conveniunt ; non autem necesse est quod in quolibet alio. Unde illa quatuor conveniunt in hoc communi quod est tentatio. Nihil autem prohibet quin unum eorum sit peccatum, & alia non sint peccata : sicut etiam tentatio quae est a carne, non est sine peccato ; tentatio autem quae est ab hoste, potest esse omnino sine peccato.

Ad tertium dicendum, quod actus qui sunt ex tristitia, vel timore, sunt mixti ex voluntario, & involuntario, ut dicitur in III. Ethic. [cap. i. non remote a princ.] & inquantum habent de involuntario, non sunt ex nobis : nam ipse modus tristitiae est ex nobis.

Ad quartum dicendum, quod nihil prohibet aliquod opus secundum se consideratum esse tristabile, quod tamen est delectabile, secundum quod refertur ad servitium Dei : unde etiam martyres dicuntur in lacrymis seminasse, ut Augustinus exponit [in expositione epistolae ad Gal. cap. vi. a med.] Nec illa tristitia passionis est accidia, quia non est de interiori bono, sed de exteriori malo : de interiori enim bono martyres gaudebant : & tanto illud gaudium erat magis meritum, quanto exterioris malum erat magis contristans. Et similiter si aliquis voluntarie implens obedientiam, vel preceptum, tristetur de aliquo opere afflictivo, vel laborioso ; tristitia talis non est accidia, quia

Cc

(a) Vulgata; eorum Domino exercituum

quia non est de interiori booo, sed de exteriori malo.

Ad quintum dicendum, quod tristitia dicitur esse aggravans, inquantum opprimit affectum, ne insurgat ad operandum: & secundum hoc aggravatio tristitiae in bonis, magis habet rationem culpae quam poenae: quia eius principium est ex nobis.

Ad sextum dicendum, quod irascibilis, & concupiscibilis non distinguuntur secundum prosecutionem, & fugam: quia eiusdem potentiae est prosequi bonum, & fugere malum oppositum: sed distinguuntur secundum hoc quod ad irascibilem pertinet prosecutio, vel fuga boni, vel mali ardui; ad concupiscibilem vero prosecutio, vel fuga boni absolute. Et secundum hoc, sicut spes, & timor pertinent ad irascibilem; ita gaudium, & tristitia pertinent ad concupiscibilem: unde accidia, secundum quod est in appetitu sensitivo, est in concupiscibili. Nec tamen oportet quod accidia non sit peccatum ex eo quod refugit bonum spirituale: tum quia ipsa fuga est quidam motus appetitivus, & non est privatio sola: tum quia etiam si esset privatio sola, quae est non accipere spirituale bonum, hoc etiam posset habere rationem culpae. Et sic dicitur tunc peccatum omissionis.

Ad septimum dicendum, quod devotio hominis est a Deo; sed secundum quod homo potest se disponere ad devotionem habendam, vel etiam devotionem impedire, secundum hoc indevotio est peccatum: sicut in auctoritate industria non dicitur, quod accidia sit indevotio, sed quod ex ea procedat.

Ad octavum dicendum, quod Damascenus non loquitur de accidia secundum quod est peccatum, prout scilicet est tristitia de bono spirituali interno; sed universaliter, prout est de quocumque malo: & ideo loquitur de accidia secundum quod est species passionis, & secundum quod est peccatum.

Ad nonum, & ad decimum dicendum, quod rationes illae procedunt de tristitia eius quod est malum simpliciter, quae latidabilis est.

ARTICULUS II.

Utrum accidia sit speciale peccatum.

2. 2. quæst. xxxv. art. 2.

Secundo quaeritur, utrum accidia sit speciale peccatum. Et videtur quod non. Accidia enim, cum sit tristitia, delectatio-

ni opponitur. Sed delectatio non est specialis virtus: quilibet enim virtuosus delectatur in actu propriae virtutis, ut patet in I. Ethic. (cap. vii. a med.) Ergo tristitia de bono spirituali non est peccatum speciale.

2. Præterea. Illud quod consequitur ad omne peccatum, non est speciale peccatum. Sed tristitia spiritualis boni consequitur ad omne peccatum: unicuique enim est tristabile quod est sibi contrarium. Cuiuslibet enim peccato contrariatur aliquod spirituale bonum virtutis. Ergo accidia non est speciale peccatum.

3. Sed dicendum, quod accidia tristatur de bono spirituali sub speciali ratione, inquantum scilicet est impeditivum corporalis quietis. Sed contra. Appetere corporalem quietem pertinet ad vitia carnalia. Eiusdem autem rationis est appetere aliquid, & tristari de eius impedimento. Si ergo accidia non sit speciale peccatum, oisi quia est impeditiva corporalis quietis, sequeretur quod accidia sit peccatum carnale; cum tamen Gregorius ponat accidiam inter peccata spiritualia, ut patet in XXXI. Moral. (cap. xxxi. in antiquis exemp. in ovis cap. xvix.) Non ergo accidia est speciale peccatum.

Sed contra est quod Gregorius XXXI. Moral. (ut sup.) connumerat ipsam aliis peccatis. Ergo est speciale peccatum.

Respondeo dicendum, quod si accidia esset absolute tristitia cuiuscumque booi specialis secundum quancumque rationem, sequitur ex necessitate non esse peccatum speciale, sed quoddam consequens omnia peccata. Ad hoc ergo quod ponatur speciale peccatum, oportet dici, quod est tristitia de bono spirituali secundum aliquam specialem rationem. Non autem potest dici, quod ista specialis ratio sit, secundum quod est impedimentum alicuius corporalis boni: quia secundum hoc accidia non esset peccatum distinctum ab illo peccato quod est circa illud corporale bonum: quia per eandem rationem aliquis delectatur in uno, & refugit impeditivum eius; sicut etiam in rebus naturalibus ex eadem virtute naturali est quod grave deferat superiorem locum, & tendat in locum inferiorem: & propter hoc videmus, quod sicut propter gulam aliquis delectatur in cibo, ita etiam ex eodem vicio est quod tristetur de abstinencia cibi. Tamen hoc quod est esse impeditivum boni corporalis, est ratio quare bonum spirituale est contristans, non tamen ratio quare tristitia de hoc bono sit peccatum speciale.

Est

ARTICULUS III.

Utrum accidia sit peccatum mortale.

2. 2. *quest. xxxv. art. 3.*

Tertio quæritur, utrum accidia sit peccatum mortale. Et videtur quod non. Nullum enim peccatum mortale invenitur in viris perfectis. Sed accidia est tristitia, quæ invenitur in viris perfectis, ex quorum persona dicit Apostolus [II. Corinth. x. 10.] *Quasi tristes, semper autem gaudentes*. Ergo accidia non est peccatum mortale.

2. Præterea. Omne mortale contrariatur præcepto Dei. Sed accidia non videtur contrariari alicui præcepto: quia inter præcepta decalogi non continetur aliquod præceptum de delectatione. Ergo accidia non est peccatum mortale.

3. Præterea. Cum tristitia sit de malo præfenti, ut Damascenus dicit in II. Lib. [orthodox. Fidei cap. xii.] de accidia, quæ est tristitia quædam, oportet quod sit de aliquo malo præfenti, quod quidem sit vere bonum, malum autem apparens: nec potest esse de vere bono, quod est bonum increatum: tum quia præsentia talis boni non habet tædium, nec tristitiam (dicitur enim Sapient. vii. de divina sapientia, quod non habet tædium conversatio eius, nec tædium convitius illius) tum etiam quia si sit præfens bonum increatum, non potest esse peccatum mortale. Ergo relinquitur quod accidia sit tristitia de aliquo bono creato præfenti. Averti autem a bono creato non facit peccatum mortale; sed solum averti a bono incommutabili increato. Ergo accidia non est peccatum mortale.

4. Præterea. Peccatum operis in eodem genere non est minus quam peccatum cordis. Sed recedere opere ab aliquo bono creato spiritali ducente in Deum, non est peccatum mortale: non enim mortaliter peccat quicumque non ieiunat, vel quicumque non orat. Ergo etiam nec recessus cordis per tristitiam a bono creato, semper est peccatum mortale: & ita accidia non est peccatum mortale ex suo genere: quia si semper esset peccatum mortale, sicut homicidium, & adulterium.

5. Sed diceretur, quod recessus operis ab aliquo bono creato debito, facit peccatum mortale. Sed contra. Opera quæ non sunt

Cc 2 debi-

Est ergo considerandum, quod nihil prohibet aliquid in se consideratum esse speciale bonum, quod tamen est communis bonis multorum: & secundum hoc caritas est specialis virtus, quia primo & principaliter est amor boni divini, secundario autem est amor boni proximorum; cuius bonum est finis omnium, vel multorum aliorum bonorum. Sic ergo aliquod opus alicuius specialis virtutis, puta castitatis, potest esse amabile, vel delectabile dupliciter. Uno modo secundum quod est opus talis virtutis; & hoc est proprium castitati: alio modo secundum quod ordinatur ad bonum divinum; & sic est proprium caritati. Sic ergo dicendum est, quod de hoc speciali bono quod est bonum internum, & divinum, iristari, facit accidiam esse speciale peccatum; sicut hoc bonum amare, facit caritatem speciale esse virtutem. Hoc autem bonum divinum est tristabile homini propter contrarietatem spiritus ad carnem: quia, ut dicit Apostolus ad Galat. v. 17. *caro concupiscit adversus spiritum*: & ideo quando affectus carnis in homine domioatur, fastidit spirituale bonum tamquam sibi contrarium; sicut homo habens gustum infectum, fastidit cibum salubrem, & tristatur de eo, si quando oporteat eum sumere talem cibum. Talis ergo iristitia, & abominatio, seu tædium boni spiritualis, & divini, accidia est, quod est speciale peccatum: unde ad hanc repellendam monet Sapient. Eccli. vi. 26. *Subverte humerum tuum, & porta illam, (a) spirituale sapientiam, & ne accideris in vinculis illius*.

Ad primum ergo dicendum, quod delectatio spiritualis boni, & divini pertinet ad speciale virtutem, quæ est caritas, secundum illud Galat. v. 22. *Fructus autem spiritus, caritas, gaudium, pax*.

Ad secundum dicendum, quod quilibet peccator tristatur de bono spiritali secundum speciale rationem virtutis illius cui contrariatur suum peccatum; sed secundum rationem boni spiritualis divini, quod est speciale obiectum caritatis, contristatur [b] de ipso accidia.

Ad tertium patet responsio per id quod dictum est: contrarietas enim ad quietem corporalem, facit bonum spirituale esse contristabile, non autem facit speciale rationem peccati,

(a) Forte scilicet sapientiam. (b) Al. de ipsa,

debita, quodque magis sunt spiritualia, & tamen ab eis recedere non est peccatum mortale, nisi efficiantur necessaria per votum: immo etiam nullum peccatum est, si aliquis non servet virginitatem, vel paupertatem. Ergo nec etiam omnis tristitia de bono spirituali est peccatum mortale.

6. Præterea. Recedere opere ab aliquo bono spirituali, non est peccatum mortale, nisi inquantum homo ad illud bonum obligatur. Sed etiam si homo obligetur ad hoc quod operetur aliquod bonum spirituale, non tamen obligatur ad hoc quod cum delectatione illud operetur: quia delectatio facta in opere est signum habitus inhaerentis; & sic ad hoc non possunt obligari illi qui non habent habitum virtutis. Ergo etiam accidia, quæ est de bono spirituali debito, non est peccatum mortale.

7. Præterea. Omne peccatum mortale est contrarium spirituali vitæ. Sed non est de necessitate spiritualis vitæ quod aliquis delectabiliter operetur, sed sufficit quod operetur: alioquin quicumque faceret opus quod debet, si non delectaretur in eo, peccaret mortaliter. Ergo accidia, quæ contrariatur spirituali delectationi, non est peccatum mortale.

8. Præterea. Ideo non quilibet concupiscentia est peccatum mortale, quia ex corruptione naturæ nobis imminet pronitas ad concupiscendum. Sed ex eadem corruptione imminet nobis pronitas ad quiescendum, & refugiendum labores; quod videtur ad accidiam pertinere. Ergo non omnis accidia est peccatum mortale.

Sed contra est quod Damascenus dicit (Lib. II. orthod. Fidei cap. XIV.) quod accidia est tristitia quædam. Sed non est tristitia secundum Deum, quia sic non esset peccatum. Ergo est tristitia sæculi. Sed *tristitia sæculi mortem operatur*, ut Apostolus dicit II. ad Corinth. VII. 10. Ergo accidia est peccatum mortale.

Præterea. Augustinus XII. super Genes. ad litteram (cap. XXXIII. non procul a fine) dicit, quod Iacob dicens filiis suis: *Deducitis senectutem meam cum tristitia ad inferos*: videtur hoc timuisse, ne nimia tristitia sic perturbaretur, ut non ad requiem beatorum iret, sed ad inferos peccatorum. Omne autem illud quod retrahit requiem beatorum, & reducit ad inferos peccatorum, est peccatum mortale. Ergo tristitia quæ est accidia, est peccatum mortale.

Præterea. Super illud (Psal. XLr.) *Quare tristiter anima mea?* dicit Glossa, quod

docet hic tristitiam sæculi fugiendam, quæ patientiam, & caritatem, & spem extinguit, & totam bonam vitam confundit. Ergo accidia est peccatum mortale: hoc enim dicimus peccatum mortale quod caritatem, & ceteras virtutes extinguit.

Respondeo dicendum, quod ex præmissis de facili patet quod accidia, secundum quod est speciale peccatum, est peccatum mortale ex suo genere. Importat enim quamdam tristitiam, ex repugnantia humani affectus ad bonum spirituale divinum: talis enim repugnantia contrariatur caritati manifeste, quæ inhaeret bono spirituali, & delectatur in ipso. Cum ergo hoc faciat peccatum esse mortale, quod contrariatur caritati, per quam est animæ vita, manifeste sequitur quod accidia ex genere suo est peccatum mortale: quia, sicut dicitur I. Ioan. III. 14. *qui non diligit, manet in morte*. Et est considerandum, quod sicut invidia, quæ est tristitia de bono proximi, est peccatum mortale ex suo genere, inquantum contrariatur caritati quantum ad dilectionem proximi; ita accidia, quæ est tristitia boni spiritualis divini, est peccatum mortale ex suo genere, inquantum contrariatur caritati quantum ad dilectionem Dei. Hoc tamen verificatur in omnibus peccatis quæ sunt mortalia ex suo genere, quod motus imperfecti ex genere talium peccatorum non sunt peccata mortalia, qui scilicet sunt absque deliberatione rationis. Unde tales motus accidiæ sunt peccata venialia, sicut supra (quæst. X. art. 2.) de motibus invidiæ dictum est. Sed quando affectus carnalis ita prævalet rationi, ut ex deliberatione homo tristetur de bono spirituali divino, manifeste talis motus voluntatis est peccatum mortale.

Ad primum ergo dicendum, quod in viris perfectis potest esse imperfectus motus accidiæ, saltem in sensualitate, propter hoc quod nullus est ita perfectus in quo non remaneat aliqua contrarietas carnis ad spiritum. Apostolus tamen non videtur ibi loqui de tristitia boni spiritualis, quæ est accidia; sed potius de tristitia quæ est de malis temporalibus.

Ad secundum dicendum, quod accidia contrariatur præcepto de sanctificatione sabbati, in quo mandatur, secundum quod est præceptum morale, quies mentis in Deo.

Ad tertium dicendum, quod Deus, secundum quod est præsens menti, non comparatur secum tristitiam, vel peccatum mortale: unde accidia non est tristitia de præsentia ipsius Dei, sed de aliquo bono quod est

est per participationem divinum.

Ad quartum dicendum, quod accidia non est recessus mentalis a quocumque bono spiritali, sed a bono spiritali cui mens ex necessitate debet inhærere, quod est bonum divinum, sicut iam dictum est.

Et per hoc patet solutio ad quintum.

Ad sextum dicendum, quod ratio illa procedit de bono spiritali alicuius actus particularis virtutis: quod enim homo delectetur, non cadit sub præcepto; sed quod delectetur de Deo, hoc cadit sub præcepto, sicut & quod homo Deum diligit, quia delectatio amorem consequitur.

Ad septimum dicendum, quod delectatio quæ provenit ex caritate, cui contrariatur accidia, est de necessitate spiritalis vitæ, sicut & ipsa caritas: & ideo accidia est peccatum mortale.

Ad octavum dicendum, quod sicut concupiscentia, quæ est tantum in sensualitate, quæ provenit ex corruptione naturæ, non est peccatum mortale, quia est motus imperfectus; ita etiam nec talis accidia est peccatum mortale.

ARTICULUS IV.

Utrum accidia sit vitium capitale.

2. *quest. xxxv. art. 4.*

Quarto queritur, utrum accidia sit vitium capitale. Et videtur quod non. Sicut enim delectatio procedit ex amore, ita tristitia procedit ex odio. Sed odium non est vitium capitale. Ergo multo minus accidia, quæ est tristitia quædam.

2. Præterea. Vitia capitalia dicuntur quæ inclinant ad actus aliorum peccatorum. Sed accidia non videtur esse huiusmodi, sed magis immobile reddere: est enim tristitia aggravans, ut Damascenus dicit (Lib. II. Fidei orthod. cap. xiv.) Ergo accidia non est vitium capitale.

3. Præterea. Vitium capitale est quod habet aliquas filias. Sed accidia non videtur esse filia quæ ei assignantur a Gregorio XXXI. Moralib. (cap. xxxi. in antiq. exemp. in novis cap. xvii.) Malitia enim est commune ad omnia peccata; rancor autem pertinet ad odium, quod ex ira nascitur; pusillanimitas vero, & desperatio pertinent ad irascibilem, in qua non est accidia, sed magis in concupiscentia; torpor autem circa præceptum, videtur idcirco esse quod accidia; evagatio vero mentis videtur contrariari ra-

tioni tristitiæ, quæ est contristativa. Ergo accidia non debet poni vitium capitale.

Sed contra est auctoritas Gregorii, qui accidiam, sive tristitiam inter vitia capitalia computat XXXI. Moral. (ut sup.)

Respondeo dicendum, quod, sicut supra (quest. x. art. 3.) dictum est, vitium capitale est ex quo alia vitia oriuntur secundum rationem causæ finalis. Sicut autem homines propter delectationem quamdam procedunt ad multa facienda, vel vitanda; ita etiam & propter tristitiam fugiendam: utrumque enim eiusdem rationis esse videtur; sicut querere bonum, & fugere malum. Cum ergo accidia sit quædam tristitia de bono divino interno, sicut invidia de bono proximi, ut dictum est (art. præced.) & sicut ex invidia multa vitia oriuntur inquantum homo multa facit inordinate ad huiusmodi tristitiam repellendam quæ consequitur de bono proximi; ita etiam & accidia est vitium capitale. Sed quia etiam nullus homo est qui absque delectatione in tristitia manere possit, ut Philosophus dicit in VIII. Ethic. (cap. v. & vi.) ideo extristitia duo consequuntur: quorum unum est ut recedat a contristantibus, aliud est ut ad alia transeat, in quibus delectetur; & secundum hoc Philosophus dicit in H. Ethic. (Lib. VII. cap. xiv. circa med.) quod illi qui non possunt gaudere delectationibus spiritalibus, ut plurimum transferunt se ad delectationes corporales: & secundum hoc ex tristitia, quæ concipitur ex spiritalibus bonis, sequitur *evagatio* circa illicita, in quibus animus carnalis delectatur. In fuga autem tristitiæ talis processus attenditur, quod primo quidem homo ea fugit, secundo etiam prosequitur. Ad fugam autem spiritalium bonorum, quæ delectari possunt, pertinet & recessus a bono divino sperato; & hæc est *desperatio*; & iterum recessus a bono divino sperato; & hæc est *desperatio*: & iterum recessus a bono spiritali agendo: quæ quidem quantum ad communia, quæ sunt de necessitate salutis, est *torpor* circa præcepta; quantum autem ad ardua, quæ cadunt sub consiliis, est *pusillanimitas*. Ulterius autem contingit quod si aliquis invitus detineatur in spiritalibus bonis, quæ ipsum contristant, concipit primo quidem indignationem ad prælatos, vel ad quascunque personas in his detinentes; & hic est *rancor*; secundo vero concipit indignationem, & odium contra etiam ipsa spiritalia bona; & hæc proprie est *malitia*.

Ad primum ergo dicendum, quod in vitutibus

nitibus animi amor, ex quo oritur delectatio, ponitur principalis virtus, quæ est caritas: quia bonum divinum, & bonum proximi est secundum se amabile, non autem est secundum se odibile, sed solum secundum quod ex aliquo accidente contristat: & ideo magis accipiuntur capitalia vitia secundum tristitiam quam secundum odium.

Ad secundum dicendum, quod accidia immobilitat quidem ab his de quibus contristatur; sed ad contraria promptum reddit.

Ad tertium dicendum, quod malitia hic non accipitur secundum quod est communis omni peccato, sed secundum quod importat quandam impugnationem spiritualium bonorum. Nihil etiam prohibet quin rancor ex ira, & ex accidia generetur: idem enim potest ex diversis causis secundum diversas rationes causari. Quod autem pusillanimitas, & desperatio pertinent ad irascibilem, non impedit quin ex accidia causentur: quia passiones irascibilis omnes causantur ex passionibus (a) concupiscibilis. Torpor autem circa ipsa agenda, non est ipsa tristitia, sed tristitiæ effectus. Unde ex accidia oritur tristitia, sicut ex hoc ipso quod constringit, gravat cor: & ideo huiusmodi gravedinem fugiens ad alia evagatur.

QUAESTIO XII.

De Ira,

In quinque articulos divisa.

Primo enim queritur, utrum omnis ira sit mala, vel aliqua ira sit bona.

Secundo. Utrum ira possit esse peccatum, vel non.

Tertio. Utrum ira sit peccatum mortale.

Quarto. Utrum ira sit levius peccatum odio, & invidia.

Quinto. Utrum ira sit vitium capitale,

ARTICULUS I.

Utrum omnis ira sit mala, vel bona.

2. 2. *quest. clviii. art. 1. c. 2.*

Questio est de ira. Et primo queritur, utrum omnis ira sit mala, vel aliqua ira sit bona. Et videtur quod omnis ira sit mala. Hieronymus enim exponens illud Matth. v. *Qui irascitur fratri suo*, sic dicit: „In aliquibus codicibus additur *sine causa*; ceterum in veris definita sententia est, & ira penitus tollitur. Si enim iubemur o-rare pro persecutibus, omnis ira occa-sio tollitur: & hoc omnino est *sine cau-sa*, quia *ira viri iustitiam Dei non opera-tur*.“ Ergo omnis ira est mala, & prohibita.

2. Præterea. Sicut Dionysius dicit in iv. cap. de divin. Nomin. ira est naturalis canini, innaturalis autem homini. Sed id quod est contra naturam hominis, est malum, & peccatum, ut patet per Damascenum in iii. Lib. (cap. xiv. circa finem) Ergo omnis ira est peccatum.

3. Præterea. Malum animæ humanæ est præter rationem: dicit enim Philosophus in vii. Ethic. (cap. vi. in princ.) *Videntur ira audire secundum quid rationem; obaudire autem*, idest non perfecte audire, ut postea exponit. Ergo ira semper est mala.

4. Præterea. Dominus Matth. vii. arguit eum qui habet trabem in oculo suo, & vult eicere festucam de oculo fratris sui. Multo magis ergo est arguendus qui trabem in oculo suo ponit, ut eiciat festucam de oculo alterius. Sed talis est quicumque irascitur, ut alium corrigit. Dicit enim Cassianus in viii. Lib. de institutione Cenobiorum (cap. vi.) quod quilibet iracundiæ motus effervens excizat oculum cordis. Ergo arguendus est quicumque irascitur ad corrigendum fratrem suum, & multo magis, si ex quacumque alia causa aliquis irascitur.

5. Præterea. Perfectio hominis consistit in imitatione divina: unde dicitur Matth. v. 58. *Estote perfecti, sicut Pater vester perfectus est*. Sed, sicut dicitur Sapient. xxi. Deus cum tranquillitate iudicat. Ira autem quietem mentis subvertit, ut Gregorius dicit v. Moral. (cap. xxxi. in novis exemp.) Ergo omnis ira derogat perfectioni humanæ,

ut

(a) *id. in concupiscibilibus,*

ut pote separans oos a similitudine divina.

6. Præterea. Omne quod est bonum, vel indifferens, est utile ad actum virtutis: quia usus bonorum est actus virtutis, ut Augustinus dicit in 11. de lib. arbit. (cap. xviii. & xix. & I. Retr. cap. ix. a med.) Sed nulla ira est utilis ad virtutem: dicit enim Cassianus in Lib. prædico: „Cum Apostolus dicit, *Omnis ira tollatur a nobis*, nullam penitus necessariam, & utilem nobis, excipit. „Tullius etiam dicit in IV. de Tusculanis questionibus. „Fortitudo non indiget advocata iracundia: fatis suis armis munita perfecta est. „Ergo nulla ira est bona.

7. Præterea. Gregorius dicit V. Moral. (cap. xxx. in fin.) *Cum tranquillitatem mentis ira diverberat, dilaniat quodammodo, scissamque perturbat; ut subiecti ipsi non congruat, ad vim intime similitudinis amittat; & sic patet quod ira maxime animæ nocet.* Sed malum dicitur, quia nocet, ut dicit Augustinus in Eochir. (cap. xii.) Ergo omnis ira est mala.

8. Præterea. Levit. ix. super illud, *Ne oderis fratrem tuum in corde tuo*, dicit Glossa (ordin. super illud, *Non queras ultionem*) quod ira est libido ultionis. Sed querere ultionem est contra legem divinam: subditur enim ibidem: *Ne queras ultionem*. Ergo ira semper est peccatum.

9. Præterea. De similibus idem est iudicium. Ergo & de similitur nominatis similiter debet iudicari. Sed ira nominatur inter alia vitia capitalia: quodlibet autem aliorum quæ dicuntur vitia capitalia, semper est malum, & numquam bonum, ut patet discurrenti per singula. Ergo ita semper est mala, & numquam bona.

10. Præterea. Principia etiam sunt in omni quantitate, sunt tamen maxima virtute, ut Philosophus dicit (I. de celo com. xxxiii.) Sed capitalia vitia sunt quædam principia peccatorum. Ergo sunt maxima in malo. Non ergo habent aliquam permissionem boni: & sic nulla ira est bona.

11. Præterea. Illud quod impedit optimum actum hominis, est malum. Sed ira etiam quæ est ex zelo rectitudinis, impedit optimum actum hominis scilicet contemplationem: dicit enim Gregorius V. Moral. (cap. xxxiii. ante med.) *Cum quis a recti emulatione concutitur, ea quæ nisi tranquillo corde percipi non potest contemplatio dissipatur.* Ergo omnis ira est mala.

12. Præterea. Sicut Tullius dicit in IV. de Tusculanis quæst. passiones sunt quidam

morbi animæ. Sed omnis morbus corporalis est malum corporis. Ergo omnis passio animæ est malum eius. Sed ira est quædam passio animæ. Ergo omnis ira est mala.

13. Præterea. Philosophus dicit in Lib. Topic. (IV. cap. v. parum a princ.) quod patiens, & abstinens est qui patitur, & non deducitur; mitis autem & temperatus qui non patitur: & per hoc habetur, quod virtuosum esse consistat in nihil pati: & sic omnis passio repugnat virtuti. Sed omne tale est malum. Ergo omnis ira, cum sit passio, est malum.

14. Præterea. Quicumque usurpat sibi quod Dei est, peccat. Sed quicumque irascitur, usurpat sibi vindictam, quæ competit soli Deo, secundum illud Deut. xxxiii. *Mihi vindicta*, ut Philosophus dicit (Lib. II. Reth. cap. 11. in princ.) Ergo quicumque irascitur, peccat.

15. Præterea. Valerius Maximus (Lib. IV. cap. 1. inter exteroa) narrat de Archyta Tarentino, quod cum servus suus eum offenderet, dixit: *Graviter te puniem, nisi tibi iratus essem.* Ergo videtur quod ira impedit debitam correctionem.

16. Præterea. Si aliqua ira sit bona, hæc non est nisi illa quæ insurgit contra peccatum. Sed nulla ira est talis, quia ira, cum sit passio appetitus sensibilis, non insurgit nisi contra malum sensibile. Ergo nulla ira est bona.

Sed contra. Chrysostomus dicit super Matth. (sive Auctor operis imperfecti hom. xi.) *Qui sine causa irascitur, reus erit; qui vero cum causa, non erit reus. Nam si ira non fuerit, nec doctrina proficit, nec iudicia flant, nec crimina compeſcuntur.* Ergo aliqua ira est bona, & necessaria.

Præterea. Præcepta divina ad nihil inducunt nisi ad bonum. Sed ex præcepto divini inducimur ad irascendum secundum illud Ephes. iv. 26. *Irascimini, & nolite peccare*: & Glossa (ordi. ex Amb.) exponit: „*Irascimini contra peccantes, qui est naturalis motus animæ, qui solet ad profectum pertinere delinquentium. Ideo irascendum dicit, ostendens hanc iram esse bonam.*“ Non ergo omnis ira est mala.

Præterea. Gregorius dicit V. Moral. (cap. xxxiii.) „Non recte intelligent qui irasci nos nobis tantummodo, non etiam proximis delinquentibus volunt. Si enim sic proximis ut nos amare præcipimur; recte fiat ut sic eorum erroribus sicut nostris vitis irascamur.“

Præterea. Damascenus dicit in III. Lib. (cap.

(cap. xxx.) quod ira fuit in Christo : in quod tamen nullum peccatum fuit , ut dicitur I. Petri 11. Ergo non omnis ira est peccatum.

Præterea . Omne peccatum est vituperabile . Sed non omnis qui irascitur , vituperatur . ut Philosophus dicit in II. Ethic. (cap. v.) Ergo non omnis ira est peccatum .

Respondendo dicendum , quod circa hanc questionem fuit olim controversia apud Philosophos : nam Stoici dixerunt , omnem iram esse vitiosam ; Peripatetici autem dicebant , aliquam iram esse bonam . Ut ergo circa hoc , quid sit verius videatur , considerandum est , quod in ira , sicut in qualibet alia passione , duo possumus considerare : unum quod est quasi formale , aliud quod est quasi materiale . Formale quidem in ira est id quod est ex parte animæ appetitivæ , quod scilicet ira sit appetitus vindictæ ; materiale autem id quod pertinet ad commotionem corporalem , scilicet quod ira sit accessio sanguinis circa cor . Ita ergo si consideretur ira secundum id quod est formale in ea , sic potest esse & in appetitu sensitivo , & in appetitu intellectivo , qui est voluntas , secundum quam aliquis potest velle sumere vindictam : & secundum hoc magis manifestum est quod ira potest esse & bona , & mala . Manifestum est enim quod quando aliquis querit vindictam secundum debitum iustitiæ ordinem , hoc est virtutis ; puta , eum vindictam querit ad correctionem peccati servato ordine iuris ; & hoc est irasci contra peccatum . Cum autem aliquis inordinate appetit vindictam , est peccatum : vel quia querit vindictam præter ordinem iuris , vel quia querit vindictam magis intendens exterminationem peccantis quam abolitionem peccati ; & hoc est irasci in fratrem : & quantum ad hoc non fuisset discordia inter Stoicos , & Peripateticos : nam Stoici etiam concessissent , quod aliquando voluntas vindictæ est virtuosa . Sed quantum ad secundum , quod est materiale in ira , scilicet commotio cordis , tota controversia versabatur : quia huiusmodi commotio iudicium rationis impedit , in quo consistit principaliter bonum virtutis : & ideo ex quacumque causa aliquis irascatur , videtur hoc esse in detrimentum virtutis , & pro tanto videtur quod omnis ira sit vitiosa . Sed si quis recte consideret , inveniet Stoicos in sua consideratione tripliciter defecisse . Primo quidem quantum ad hoc quod non distinguebant inter id quod est optimum simpliciter ,

& id quod est optimum huius . Contingit enim aliquid esse melius simpliciter , quod non est huius melius , sicut philosophari est simpliciter melius quam ditari ; sed indigenti necessarii ditari est melius , ut dicitur in III. Topic. (cap. 1.) & furiosum esse est bonum cani secundum eandem conditionem suæ naturæ ; quod tamen non est homini bonum . Sic ergo quia natura hominis composita est ex anima & corpore , & ex natura intellectiva & sensitiva , ad bonum hominis pertinet quod secundum se totum virtuti subdatur , scilicet & secundum partem intellectivam , & secundum partem sensitivam , & secundum corpus : & ideo ad virtutem hominis requiritur ut appetitus debeat vindictæ non solum sit in parte rationali animæ , sed etiam sit in parte sensitiva , & in ipso corpore , & ipsum corpus moveatur ad servandum virtuti . Secundo vero consideraverunt , quod ira , & aliæ huiusmodi passiones dupliciter se possunt habere ad iudicium rationis . Uno modo antecedenter ; & si necesse est ut semper ira , & omnis huiusmodi passio iudicium rationis impediatur : quia anima maxime iudicare potest veritatem in tranquillitate quadam mentis : unde Philosophus etiam dicit (Lib. VII. Physic. com. xx.) quod in quiescendo fit anima sciens , & prudens . Alio modo potest se habere ira ad iudicium rationis ut consequenter : quia scilicet postquam ratio diiudicavit , & ordinavit modum vindictæ , tunc passio insurgit ad exequendum : & sic ira , & aliæ huiusmodi passiones non impediunt iudicium rationis , quia iam præcessit ; sed magis adiuvant ad promptius exequendum , & in hoc sunt utiles virtuti : unde Gregorius dicit in V. Moral. (cap. xxxiii. circa med.) *Curandum summopere est , ne ira , que ut instrumentum virtutis assumitur , menti dominetur , nec quasi domina præeat , sed velut ancilla ad obsequium parata a rationis tergo nequaquam recedat : tunc enim robustius contra vitia erigitur , cum (a) subdita rationi simulatur* . Tertio defecerunt Stoici in hoc quod non recte accipiebant iram , & alias passiones . Cum enim non omnes n. otus appetitivi sint passiones , non distinguebant passiones ab aliis appetitivis motibus in hoc quod alii appetitivi motus sunt in voluntate , passiones autem in appetitu sensitivo : quia non distinguebant inter utrumque appetitum ; sed passiones dicebant motus appetitivos transgredientes temperiem ordinatæ rationis : unde dice-

(a) *id*, subdita ratione.

dicebant, eas esse morbos quosdam animae, sicut morbi corporis transgrediuntur temperiem sanitatis: & secundum hoc oportebat quod omnis ira, & omnis passio sit mala. Sed quia ira secundum veritatem dicitur quicumque motus appetitus sensitivi, & huiusmodi motus potest esse inordinatus a ratione, & secundum quod consequitur iudicium rationis, deservit rationi ad prompte exequendum, & hoc exigit conditio naturae humanae ut appetitus sensitivus moveatur a ratione; inde est quod necesse est dicere secundum Peripateticos, aliquam iram esse bonam & virtuosam.

Ad primum ergo dicendum, quod Hieronymus loquitur de ira quae quis irascitur fratri, ut patet ex verbis Domini, quae exponit: omnis autem talis ira est mala; sed ira quae est contra peccatum, est bona, ut dictum est (in corp. art.)

Ad secundum dicendum, quod ira praedominans rationi non est naturalis homini; sed naturale est ei ut ira rationi deferat.

Ad tertium dicendum, quod Philosophus ibi loquitur de ira incontinentis, quae non subiecitur rationi.

Ad quartum dicendum, quod ira quando consequitur iudicium rationis, turbat quidem aliquam rationem; sed iuvat ad promptitudinem executionis: unde non tollit ordinem rationis, qui iam (a) ex praecedenti iudicio rationis stabilis est: unde & Gregorius dicit in Moral. (Lib. V. cap. xxxiii. parum a princ.) quod ira per vitium excacat oculum mentis; sed ira per zelum non excacat, sed solum turbat.

Ad quintum dicendum, quod Deus est incorporeus: unde sicut sine membris corporis operatur, ita sine appetitu sensitivo: & ramen ad virtutem hominis pertinet quod pro appetitu sensitivo utatur, sicut etiam quod utatur corporeis instrumentis.

Ad sextum dicendum, quod ira praeviens iudicium rationis, non est utilis ad virtutem, sed nociva; subsequens autem est utilis ad exequendum, sicut dictum est [in corp. art.]

Ad septimum dicendum, quod illa verba Gregorii sunt intelligenda de ira per vitium: unde ipse etiam in sequentibus ostendit esse aliam iram laudabilem & virtuosam.

Ad octavum dicendum, quod ultio prohibetur in lege, quae fit ex solo livore vindictae; non autem illa quae est ex zelo iustitiae.

S. Tb. Oper. Tom. XV.

Ad nonum dicendum, quod iudicium non est sumendum ex nominibus, sed ex natura rerum: unde (b) non oportet quod quicumque similiter nominantur, idem iudicium fortiantur: alioquin tolleretur fallacia aequivocationis. Est ergo sciendum, quod, sicut Philosophus dicit in IV. Ethic. (cap. v.) vitia opposita mansuetudini sunt innominata: & ideo utitur nomine passionis pro nomine vitii capitalis. Et quia passio potest esse bona, & mala, ideo ira potest esse bona, & mala. Alia autem vitia capitalia nominantur nominibus propriis vitiorum: & ideo semper sunt mala.

Ad decimum dicendum, quod, sicut Dionysius dicit xv. cap. de divin. Nomin. malum non agit nisi virtute boni: & ideo vitia capitalia non habent quod sint principia ex ratione mali, sed potius ex ratione boni, secundum quam fines eorum sunt appetibiles, & moventes ad aliquos actus. Unde non oportet quod vitia capitalia sint maxime & pure mala. Et tamen potest dici, quod ira, secundum quod est vitium capitale, numquam est bona.

Ad undecimum dicendum, quod non omne illud quod est impeditivum melioris, est malum: alioquin matrimonium esset malum, quia impedit virginitatem: sed ulterius id quod est impeditivum alicuius boni ad horam, potest etiam esse pro tempore illo melius. Unde licet contemplatio sit simpliciter optima inter humanas operationes, tamen in aliquo casu potest esse melior aliqua actio, ad quam coadiuvat ira.

Ad duodecimum dicendum, quod ratio illa procedit de ira secundum quod importat inordinatum motum, ut Stoici accipiebant.

Ad decimumtertium dicendum, quod Philosophus in Lib. Topic. inducit pro exemplis quaedam quae non sunt vera secundum propriam opinionem; sed inducit ea ut probabilia secundum opiniones aliorum: & tale est quod dicit, quod virtus consistit in nihil pati: hoc enim erat probabile secundum opinionem Stoicorum. In II. autem Topic. (II. Ethic. cap. iii.) improbat opiniones eorum qui dicebant, virtutes esse impassibilitates quasdam. Potest tamen dici, quod virtus consistit in nihil pati inordinate.

Ad decimumquartum dicendum, quod ille qui irascitur de peccato fratris sui, non querit vindictam sui, sed vindictam Dei: D d pec-

(a) A. ex praecedentibus. (b) A. desit non.

peccatum enim nihil aliud est quam offensa Dei: & ira ille qui iuste irascitur, non usurpat illud sibi quod Dei est.

Ad decimumquintum dicendum, quod Architas non taxaverat modum vindictæ: & ideo iratus nolebat taxare, ne excederet.

Ad decimumsextum dicendum, quod in ira duo possunt considerari: scilicet causa iræ quam initiat ratio, & hoc potest esse peccatum; & iterum nocumentum, in quod tendit appetitus sensitivus, & hoc est semper aliquid sensibile.

ARTICULUS II.

Utrum ira possit esse peccatum, vel non.

2. 2. quæst. clyt. art. 2.

Secundo queritur, utrum ira possit esse peccatum, vel non. Et videtur quod non. Ira enim passio quædam est. Sed passionibus non meretur, neque demeretur, neque etiam laudatur, aut vituperatur, ut patet per Philosophum in II. Ethic. [cap. v.] Ergo ira non est peccatum.

2. Præterea. Sicut homo claudus est homo, ita natura lapsa est natura. Sed irasci est naturæ lapsæ. Ergo irasci est aliquid conveniens naturæ. Sed nullum tale est peccatum. Ergo ira non est peccatum.

3. Præterea. Illud quod de se est ordinabile ad bonum, vel ad malum, non debet iudicari esse peccatum. Sed ira potest determinari vel ad bonum, vel ad malum. Ergo ira non est secundum se peccatum.

4. Præterea. Actus proprii naturalium virium animæ non sunt peccata: quia peccatum est contra naturam, ut Damascenus dicit in II. Lib. [orth. Fid. cap. iv. & xxx.] Sed ira est actus potentie irascibilis, quæ est quædam naturalis vis animæ. Ergo ira non est peccatum.

5. Præterea. Omne peccatum est voluntarium, ut Augustinus dicit [I. Retract. cap. xlii.] Sed ira non est voluntaria: quia, ut Philosophus dicit in VII. Ethic. [cap. vi.] iratus cum tristitia operatur: tristitia autem est de his quæ nobis nolentibus accidunt, ut Augustinus dicit XIV. de civit. Dei [cap. vi. in med.] Ergo ira non est peccatum.

6. Præterea. Illud quod non est in potestate nostra, non est peccatum: nullus enim peccat in eo quod vitare non potest, ut dicit Augustinus [I. Retract. cap. ix.] Sed ira non est in potestate nostra: quia super

illud Psalm. xv. *Irascimini, & nolite peccare*, dicit Glossa, quod motus iræ non est in potestate nostra. Ergo ira non est peccatum.

7. Præterea. Philosophus dicit (in Lib. problemat. sect. ii. problem. xxvi.) quod ira est accensio sanguinis circa cor. Sed hoc non importat aliquid peccatum. Ergo ira non est peccatum.

8. Præterea. Hieronymus dicit in epistola ad Antonium Monachum (in fin.) quod irasci est hominis, sed non inferre iniuriam, est Christiani. Sed illud quod est hominis in eo quod homo, non est peccatum. Ergo ira non est peccatum.

9. Præterea. In omni peccato est conversio ad commutabile bonum. Sed in ira non est conversio ad commutabile bonum, sed magis ad malum, id est ad nocumentum proximo inferendum. Ergo ira non est peccatum.

Sed contra est quod Apostolus dicit ad Ephes. iv. 31. *Omnis indignatio, & ira tollatur a vobis*: quod non diceret, nisi esset peccatum. Ergo ira est peccatum.

Respondeo dicendum, quod ira importat quendam motum appetitus; non autem importat fugam, sed prosecutionem: est enim appetitus alicuius rei consequendæ. Et quia conveniens obiectum prosecutionis est bonum, non autem malum, ideo supra [quæst. x. art. 1.] dictum est, quod omnes motus appetitivi, quorum obiectum est malum, sicut prosecutionem pertinent; sunt mali, sicut amare, vel concupiscere malum, & gaudere de malo. Ira autem importat quendam appetitum alicuius mali, id est nocuenti, quod querit inferre proximo; non tamen appetit illud sub ratione mali, sed sub ratione boni, quod est iustum vindictivum: propter hoc enim iratus querit alium ledere, ut vindicet iniuriam sibi factam. Motus autem appetitivi magis diiudicantur secundum illud quod est formale in obiecto, quam secundum id quod est materiale in ipso: unde magis est dicendum, quod ira sit prosecutio boni, quam quod sit prosecutio mali: quia id quod querit, est malum materialiter, sed bonum formaliter. Quamvis autem omnis prosecutio mali sit mala, non tamen omnis prosecutio boni est bona; sed oportet considerare an illud bonum sit verum & simpliciter bonum, vel magis sit apparet & secundum quid bonum. Nam prosecutio eius quod est vere & simpliciter bonum, est bona; sicut amor, & concupiscentia sapientie, & gaudium de ipsa: sed prosecutio eius quod

quod est bonum apparet & secundum quid, malum autem simpliciter & secundum rei veritatem, est mala; sicut patet in gula, & luxuria, in quibus vituperatur concupiscentia apparentis, & non veri boni. Sic ergo dicendum est in proposito, quod si ira sit appetitus vindictae secundum quod vere est iusta, tunc ira erit bona & virtuosa, & vocatur ira per zelum. Si autem sit vindictae quae est apparet iusta, & non vere iusta, sic ira est peccatum, quam Gregorius in V. Moral. [cap. xxxi. non procul a princ.] vocat iram per vitium. Est autem vindicta sic desiderata, apparet iusta propter praecedentem iniuriam, quam ratio dicitur esse vindicandam, non tamen est vere & simpliciter iusta, quia non servatur debitus ordo iustitiae, quia forte aliquis querit maiorem vindictam quam debeat, vel quia querit se vindicare sua auctoritate, cum hoc ei non liceat, vel quia querit vindictam non debito fine: & ideo Philosophus dicit in VII. Ethic. (cap. vi. in princ.) quod iratus incipit quidem audire rationem, prout scilicet iudicat esse iniuriam vindicandam; non tamen perfecte audit eam, quia non attendit ut sequatur rectum ordinem vindictae, secundum quod ratio dicitur: unde comparat iram ministris festinantibus exequi mandatum, antequam totum audiant, & propter hoc offendunt.

Ad primum ergo dicebatur, quod passiones oque dicuntur laudabiles, neque vituperabiles: quia secundum se non importat aliquid convenientis rationi, vel rationi repugnans. Si tamen ad passionem addatur aliquid, quod conveniat rationi, erit passio laudabilis; si vero addatur ei aliquid, unde a ratione discordet, erit passio vituperabilis. Et sic ira ponitur peccatum, in quantum rationem (a) perfecte non audit, ut dictum est: & tamen ira dicitur esse peccatum non solum prout est passio, id est motus appetitus sensitivi, sed etiam prout nominat actum intellectivi appetitus, qui est voluntas, ut dictum est (art. praeced.)

Ad secundum dicendum, quod homini claudere potest aliquid convenire in quantum est homo; & hoc per se convenit homini, per accidens autem claudere. Potest etiam ei aliquid convenire in quantum est claudus, quod per accidens se habet ad hominem. Et similiter naturae lapidae ira convenit, in quantum natura est lapide: ex hoc enim con-

tingit quod motus irae discedit ab ordine rationis.

Ad tertium dicendum, sicut supradictum est, quod quia vitium oppositum mansuetudini est innominatum, ideo oomen passionis, quae de se est indifferens, sumitur pro nomine vitii: & hoc modo dicimus iram esse peccatum. Sic autem oon se habet nisi ad malum.

Et similiter dicendum ad quartum: sic eodem ira nominat actum potentiae naturalis, secundum quod est passio quaedam indifferenter se habens ad bonum, & malum.

Ad quintum dicendum, quod quiritur operatur cum tristitia, quae consequitur ex iniuria illata. Unde ex hoc non potest haberi, quod ira sit involuntaria, sed quod aliquod involuntarium sit causa irae: numquam enim aliquis irascitur, nisi aliquid sibi fieret contra suam voluntatem.

Ad sextum dicendum, quod Glossa illa loquitur de ira inordinata, secundum quod est in sensualitate, proveniens plenam deliberationem rationis. Tales autem sensualitatis motus sunt quidem in potestate nostra in particulari, quia possumus unum motum impedire applicando cognitionem ad alia; non tamen possumus impedire quin aliquis motus inordinatus surgat.

Ad septimum dicendum, quod illa definitio irae datur secundum id quod est materiale in ipsa: pertinet enim ad transmutationem corporalem accensio sanguinis circa cor; sed talis corporalis commotio sequitur motum appetitivum, qui est formalis in ira, in quo consistit ratio peccati.

Ad octavum dicendum, quod quandoque nomen hominis accipitur pro infirmitate humana, sicut I. ad Corinth. 111. 3. Cum (b) adhuc sit inter vos zelus, & contentio, nonne carnaliter estis, & secundum hominem ambulatis? & hoc modo irasci inordinate, dicitur esse hominis: quia pertinet ad infirmitatem humanam.

Ad nonum dicendum, quod obiectum irae est malum sub ratione alicuius boni; & ita importat conversionem ad aliquid bonum.

(a) Al. perfectam. (b) Vulgata enim.

ARTICULUS III.

Utrum ira sit peccatum mortale,

' 2. 2. *quæst. clviii. art. 3.*

Tertio quæritur, utrum ira sit peccatum mortale. Et videtur quod sic. Quia ad Ephes. iv. super illud, *Sol non occidat super iracundiam vestram*, dicit Glossa (ordinar.) quod Christus cum ira numquam simul inhabitat. Sed solum peccatum mortale est illud quod Christus in anima nōo compatitur. Ergo ira est peccatum mortale.

2. Præterea. Matth. v. 21. Dominus dicit: *Audiſtis quia dictum est antiquis: Non occides; qui autem occiderit, reus erit iudicio. Ego autem dico vobis, quod omnis qui irascitur fratri suo, reus erit iudicio.* Ex quo patet quod eadem pena debetur iræ in nova lege quæ debebatur homicidio in veteri lege. Sed homicidium in veteri lege semper erat peccatum mortale. Ergo ira in nova lege est peccatum mortale.

3. Præterea. Omne id quod meretur damnationem æternam, est peccatum mortale. Sed ira meretur damnationem æternam, est peccatum mortale. Sed ira meretur damnationem æternam: dicit enim Glossa (ordinaria super illud, *Omnes qui irascitur*) ibidem, quod his tribus, scilicet iudicio, concilio, gehenna, diversæ mansiones in æterna damnatione pro modo peccati singulariter exprimentur. Ergo ira est peccatum mortale.

4. Præterea. Gregorius dicit V. Moral. *Per iram iustitia relinquitur, concordia rumpitur, sancti Spiritus splendor excutitur.* Sed illa non sunt nisi per peccatum mortale. Ergo ira est peccatum mortale.

5. Præterea. Omnis libidinosus appetitus quem sibi Christus retinuit, peccatum est mortale. Sed, sicut Augustinus dicit XIV. de civit. Dei (cap. xv. circa fin.) ira est libido ulciscendi. Vindictam autem sibi Christus retinuit, secundum illud Deuter. xxxiii. 35. *Mibi vindictam, & ego retribuam*, secundum aliam litteram: ubi nos habemus: *Mea est ultio.* Ergo ira est peccatum mortale.

6. Præterea. Illud quod facit augmentum scelerum, videtur esse scelus, id est peccatum mortale. Sed ira facit augmentum scelerum, ut Glossa (ordin.) dicit super illud Prov.

xxix. *Vir iracundus provocat rixas.* Ergo ira est peccatum mortale.

7. Præterea. Nihil corrumpit intellectum nisi excellens peccatum: quia & sensum corrumpunt excellentiæ sensibilibus. Sed ira corrumpit intellectum: dicit enim Gregorius V. Moral. (cap. xxxiii. parum a princ.) quod ira excæcat oculum rationis. Ergo ira est excellens peccatum, cuiusmodi est peccatum mortale.

8. Præterea. Illud quod est contra rationem, videtur esse peccatum mortale. Sed ira inordinata est contra iudicium rationis, ut ex supradictis (art. i. huius quæst.) patet. Ergo ira est peccatum mortale.

9. Præterea. Illud quod est contra naturam hominis, est peccatum mortale. Sed ira est huiusmodi: homo enim est animal mansuetum naturæ; ira autem mansuetudini contrariatur. Ergo ira est peccatum mortale.

10. Præterea. Quidquid contrariatur actui caritatis, est peccatum mortale. Sed ira contrariatur actui caritatis, quæ vult bonum proximo; ira autem vult proximo nocentem. Ergo ira est peccatum mortale.

11. Præterea. Peccatum mortale dicitur ex eo quod spiritualiter occidit. Sed Iob v. 2. dicitur quod (a) virum *stultum interfecit iracundia.* Ergo ira est peccatum mortale.

12. Sed contra. Super illud Psal. xv. *Irascimini, & nolite peccare*, dicit Glossa (ordin. ex Cassiodoro:) „ Venialis est ira quæ non perducitur in effectum. “ Sed ea quæ sunt secundum genus suum peccata mortalia, etiam antequam perducantur ad effectum, numquam sunt venialia secundum solum consensum. Ergo ira ex genere suo non est peccatum mortale.

13. Præterea. Peccatum operis non est minus quam peccatum cordis. Sed opus iræ non semper est peccatum mortale, sicut quando aliquis per iram aliqua modica nocumenta infert, vel leviter impellendo eum, vel obiurgando ipsum, vel aliquid huiusmodi faciendo. Ergo etiam neque ira ex genere suo est peccatum mortale.

14. Præterea. Augustinus dicit IX. de civ. Dei (cap. v. non procul a fin.) quod in disciplina christiana non consideratur an aliquis irascatur, sed magis unde pius animus irascitur. Sed nullum peccatum mortale potest esse simul cum pietate. Ergo ira non est peccatum mortale.

15. Præterea. Est quædam ira quæ est virtuo-

(a) Forte recte, ut habet Vulgata.

tuosa, ut supra (art. 1.) habitum est; & quaedam ira quæ est peccatum mortale. Ergo etiam est quædam media, quæ est peccatum veniale.

5. Præterea. Nullum peccatum mortale potest esse cum Spiritu sancto. Sed ira potest esse cum Spiritu sancto: legitur enim IV. Reg. 11. quod requievit spiritus Eliæ super Eliseum: & tamen maledixit statim postea pueris; & egressi duo urti de saltu laceraverunt ex eis quadraginta duos pueros: quod videtur ad maximam iram pertinere. Ergo ira non est peccatum mortale.

6. Præterea. In lege nova nullum peccatum mortale permittitur. Sed ira permittitur, ut patet in Glossa (ordinar.) ad Ephes. 14. super illud, *Infrascimini, & nolite peccare*. Ergo ira non est peccatum mortale.

7. Præterea. Secundum Philosophum in VII. Ethic. (cap. vi. & vii.) concupiscentia est turpior quam ira. Sed concupiscentia non est semper peccatum mortale. Ergo etiam neque ira.

8. Præterea. Peccatum mortale non est aliquis motus appetitus, præveniens completam deliberationem rationis. Sed ira semper prævenit completam deliberationem rationis: quia numquam perfecte audit rationem, ut in VII. Ethic. (cap. vi.) dicitur. Ergo ira non est peccatum mortale.

Respondeo dicendum, quod cum actus morales ex objectis speciem trahant, secundum eorum objecta considerari debent, utrum ex genere suo sint boni, vel mali: & si mali, utrum mortalia, vel venialia peccata. Dictum est autem, quod obiectum iræ, secundum quod est peccatum, est vindicta iniusta, quæ nihil aliud est quam nocumentum illatum proximo contra iustitiam debitum: hoc autem de sui ratione importat peccatum mortale. Quia enim debitum iustitiæ cadit sub præcepto, quicquid est contra rationem debiti iustitiæ, contrariatur præcepto: unde est peccatum mortale. Unde ira per vitium ex suo genere est peccatum mortale, cum nihil aliud sit quam voluntas nocendi proximo iniuste propter aliquam offensam præcedentem. Sed in aliis peccatis, sicut dictum est (quæst. 11. art. 3. & quæst. x. art. 2.) contingit aliquod peccatum ex genere suo esse mortale, quod tamen propter imperfectionem actus est veniale. Dictum est autem supra (quæst. x. art. 2.) quod actus hominis potest esse imperfectus dupliciter. Uno modo ex parte agentis; & sic imperfectus actus hominis est qui solius est sensualita-

ris, præveniens iudicium rationis, quæ est proprium principium activum in homine: & secundum hoc motus sensualitatis ad quodcumque peccatum mortale, etiam ad adulterium, vel homicidium perpetrandum, est peccatum veniale. Alio modo dicitur actus imperfectus ex parte obiecti, quod propter iræ parvitatem quasi nihil habetur. Nam ratio id quod est modicum, accipit quasi nihil, ut Philosophus dicit in III. Polit. & secundum hoc quamvis accipere rem alienam sit peccatum mortale ex genere suo, tamen accipere aliquod modicum, quod quasi nullius est pretii, vel momenti, non est peccatum mortale; puta, si aliquis acciperet unum modicum racemum de vinea alienius. Utroque autem modo contingit in genere peccati iræ inveniri aliquod peccatum veniale. Uno modo, sicut subitis motus iræ, cui ratio non consentit, & est peccatum veniale: alio modo propter parvitatem nocimenti; puta, si aliquis irascitur contra aliquem puerum, volens eum parum trahere per capillos, vel per aurem, aut aliquod aliud leve facere in sui vindictam. Sed quando aliquis appetit se vindicare non servata iustitia, inferendo aliquod grave nocumentum, cum consensu deliberatæ rationis, talis ira semper est peccatum mortale: & quia quædam ira est peccatum mortale, & quædam veniale, ad utrasque rationes respondendum est.

Ad primum ergo dicendum, quod Glossa illa loquitur de ira per vitium, quando motus iræ est perfectus & ex parte agentis, & ex parte obiecti: sic enim est semper peccatum mortale, ut dictum est (in corp. art.)

Et similiter dicendum ad secundum, & ad tertium, & ad quartum.

Ad quintum dicendum, quod circa vindictam Deus aliquid sibi soli retinuit. Inferre enim vindictam in manifestis delictis, aliis commisit qui constituuntur in ordine alicuius potestatis: dicitur enim de homine pietatem habente, ad Rom. 12. 4. quod est *vindex Dei in iram ei qui male agit*. De oculis vero sibi soli iudicium, & vindictam reservavit, secundum illud I. ad Corinth. 11. 5. *Nolite ante tempus iudicare*. Sibi etiam soli reservavit Deus, ut propter seipsum vindicaretur; homo enim non debet vindicari propter seipsum, sed propter culpam in seipso commissam, quæ est Dei offensam. Quando ergo aliquis querit vindictam propter seipsum, vel præter ordinem iudicia-

ciarix potestatis, usurpat sibi quod Dei est; & ideo peccat mortaliter, nisi sit actus imperfectus, ut dictum est.

Ad sextum dicendum, quod crementum scelerum potest fieri non solum per additionem sceleris ad scelus, sed etiam per occasionem: & hoc modo ira quæ est peccatum veniale, potest facere crementum scelerum.

Ad septimum dicendum, quod intellectum, vel rationem potest aliquid dupliciter corrumpere. Uno modo per se & directe per quamdam contrarietatem; & sic solum peccatum mortale corrumpit iudicium rationis. Alio modo indirecte & per accedens, in quantum impeditur usus rationis per quamdam corporalem commutationem; & hoc modo etiam ira quæ est peccatum veniale, potest impedire usum rationis; non tamen proprie dicitur excicare, nisi quando rationem ducit in consensum peccati.

Ad octavum dicendum, quod ratio dirigit omnia ex fine. Illud ergo directe contrariatur rationi quod excludit debitum finem, & hoc non fit nisi per peccatum mortale. Si autem sit inordinatio circa ea quæ sunt ad finem, non exclusio finis, non est proprie contra rationem, sed præter eam, & est peccatum veniale.

Ad nonum dicendum, quod ira est contra naturam hominis, qui est animal rationale, in quantum contrariatur rationi: & hoc convenit soli iræ quæ est peccatum mortale.

Ad decimum dicendum, quod caritas vult proximo bonum sub ratione boni, & ideo proprie caritati contrariatur odium. Ira autem appetit malum proximo non in quantum malum, sed sub ratione iusti vindicativi, ut dictum est (art. præced.) & ideo ex parte obiecti, quod non est vere iustum, sed apparens, contrariatur iustitiæ; ex parte vero passionis contrariatur mansuetudini, quæ tenet medium in ira.

Ad undecimum dicendum, quod auctoritas illa est intelligenda de perfecto motu iræ per vitium.

Ad primum vero quod in contrarium obicitur, dicendum, quod Glossa illa loquitur de ira quæ est in sola sensualitate, quæ dicitur ad effectum perducere, non solum in exteriori opere, sed etiam per interiorum consensum, qui apud Deum pro facto reputatur.

Ad secundum dicendum, quod ratio illa procedit de ira per zelum, quæ est imperfecta ex parte obiecti.

Ad tertium dicendum, quod pius animus

irascitur ira per zelum, quæ est virtuosa, ut supra dictum est.

Ad quartum dicendum, quod inter vindictam iustam & iniustam nihil est medium: & ideo etiam nec inter iram virtuosam, & iram quæ est peccatum mortale, nisi forte ira imperfecta, quæ est venialis.

Ad quintum dicendum, quod Elifens non maledixit pueris ex ira vitiosa, quasi propter livorem vindictæ, sed ex zelo divinæ iustitiæ.

Ad sextum dicendum, quod Apostolus permittit motum iræ imperfectæ, quæ in sola tenuitate consistit.

Ad septimum dicendum, quod si illa concupiscentia est perfecta eius quod ex genere suo est peccatum mortale, ipsa etiam est peccatum mortale; si tamen sit imperfecta, est peccatum veniale, sicut & de ira dictum est (in corp. art.)

Ad octavum dicendum, quod ira non perfecte audit rationem dissonantem; audit tamen quandoque perfecte rationem consentientem.

ARTICULUS IV.

Utrum ira sit levius peccatum odio, & invidia, & aliis huiusmodi.

2. 2. quæst. cxi. art. 4.

Quarto queritur, utrum ira sit levius peccatum odio, & invidia, & aliis huiusmodi. Et videtur quod non. Quia, ut Augustinus dicit in Enchir. (cap. xxi.) malum dicitur, quia nocet. Ergo quanto aliquid peccatum maius nocumentum affert, tanto gravius est. Sed ira maius nocumentum infert homini quam invidia: dicit enim Hugo de sancto Victore in Lib. de septenario (cap. ii. non longe a princ.) quod *superbia auferit homini Deum, invidia proximum, ira seipsum*. Ergo invidia non est gravius peccatum quam ira.

2. Præterea. Effectus assimilatur suæ causæ. Sed effectus invidiæ est ira, ut Hugo dicit in eodem Libro (ubi sup.) Ergo ira non est minus peccatum quam invidia.

3. Item. Videtur quod non sit minus peccatum quam odium. Quia gravitas peccatorum attenditur secundum effectum. Sed idem est effectus odii, & iræ, scilicet inferre nocumentum proximo. Ergo odium non est gravius peccatum quam ira.

4. Item. Videtur quod sit gravius peccatum quam concupiscentia carnis. Quia secundum

cundum Philosophum in III. Topic. (cap. 11. a med.) si summum huius præminet summo illius, hoc præminet illi. Sed summum peccatum in genere iræ, scilicet homicidium, præminet in gravitate cuiusque peccato in genere concupiscentiæ carnis. Ergo ira est simpliciter gravius peccatum quam concupiscentia carnis.

5. Præterea. Quanto aliquod peccatum est gravius, tanto maiorem penititudinem inducit. Sed penitentia magis est adiuncta iræ quam concupiscentiæ carnis: quia, sicut Philosophus dicit in VII. Ethic. (cap. vi. circa med.) qui irascitur, cum tristitia peccat, concupiscens autem sine tristitia. Ergo ira est gravius peccatum quam concupiscentia.

6. Præterea. Ezech. xvi. 44. dicitur: *Sicut mater, ira & filia*. Sed blasphemia, quæ est filia iræ, secundum Gregorium (Lib. XXXI. Moral. cap. xxxi. in antiq. exempl. in novis vero cap. xvii.) est gravissimum peccatum. Ergo ira est gravius peccatum omnibus aliis vitiis.

Sed contra est quod Augustinus in regula 111. cap. xxxviii. comparat iram festucæ, odium vero trabi.

Respondeo dicendum, quod ibi querenda est differentia, ubi aliqua convenientia invenitur. Peccatum autem iræ convenit cum tribus peccatis in obiecto. Est enim obiectum iræ, sicut dictum est, malum aliquod inferendum sub ratione cuiusdam boni. Ex parte ergo mali convenit cum odio, quod appetit malum alicuius; & cum invidia, quæ dolet de bono: ex parte vero boni desiderati convenit cum concupiscentia, quæ etiam est inordinatus appetitus boni. Sed absolute loquendo ira deficit in gravitate a tribus prædictis vitiis. Nam odium querit malum proximi sub ratione mali, & invidia contrariatur bono proximi sub ratione boni; ira autem non querit malum proximi, nec impedit bonum eius, nisi sub ratione boni, quod est iustum vindicativum: & ira illud quod facit odium, & invidia per se intendens ad malum, vel ad impedimentum boni, hoc facit ira per se intendens ad bonum, per accidens autem ad malum. Semper autem id quod est per se, potius est eo quod est per accidens: & ideo invidia, & odium excedunt in malitia peccatum iræ. Similiter etiam peccatum concupiscentiæ est hoc quod tendit in bonum quod est delectabile secundum sensum; ira autem tendit inordinate in bonum quod est apparens iustum, quod est secundum rationem. Et

ideo cum bonum rationis sit melius quam bonum sensus, motus iræ magis accedit ad virtutem quam motus concupiscentiæ: & ideo simpliciter loquendo est minus peccatum. Unde Philosophus dicit in VII. Ethic. (cap. vi. inter princ. & med.) quod incontinens concupiscentiæ est turpius quam incontinens iræ. Et hinc quidem comparatio attenditur secundum ipsa genera peccatorum: nihil enim prohibet secundum aliquas supervenientes circumstantias iram esse aliis graviorem.

Ad primum ergo dicendum, quod invidia aufert homini proximum per quamdam contrarietatem ad ipsum: sic autem ira non aufert homini seipsum, sed indireste, inquantum per corporalem commotionem iræ impeditur usus rationis, per quam homo non est compos sui ipsius.

Ad secundum dicendum, quod ira secundum Philosophum (II. Rethoric. cap. iv. circa fine) ex tristitia causatur: & ira cum invidia sit quædam tristitia, contingit ex invidia iram causari. Non tamen oportet quod ira sit æqualis invidiæ; quia non semper effectus æquatur suæ causæ, quamvis aliquam similitudinem euz habeat.

Ad tertium dicendum, quod ira, & odium diversimode procedunt ad inferendum nocumentum proximo: & hæc quidem diversitas potest attendi secundum plura, ut Philosophus dicit in II. Reth. (cap. 11. & 12.) Primo quidem quia ira non intendit nocumentum nisi sub ratione iusti vindicativi: unde non querit nocere nisi illis qui nos læserunt, vel aliquos ad nos pertinentes, ut fiat quædam retributio: sed odium potest esse ad quoscumque extraneos, qui nihilumquam nos læserunt, propter hoc quod eorum dispositio contrariatur nostro affectui. Secundo quia ira est semper ad aliquas singulares personas: quia causatur ex aliquibus iniuriis actibus, actus autem sunt singularium: odium autem potest esse ad aliquod commune, sicut homo habet odio totum latronum genus. Tertio quia iratus non querit nocumentum proximi, nisi usque ad illam mensuram quæ requiritur, secundum quod ei videtur vindicativa iustitia; quo quidem adepto quietatur ira: sed odium de quocumque malo non saturatur, querit enim malum proximi secundum se. Quarto quia iratus hoc appetit, ut ille cui nocumentum infert, hoc sentiat, quod propter iniuriam illatam hoc malum sibi evenit: odiens autem non curat qualitercumque immerito malum veniat. Ex quibus etiam patet quod odium

dium est gravius peccatum quam ira.

Ad quartum dicendum, quod ratio illa procederet, si homicidium esset species iræ; non est autem species iræ, sed effectus. Contingit autem quod ex minori malo consequitur quandoque maius malum.

Ad quintum dicendum, quod concupiscentia magis est poenibilis quam etiam ira, eo quod ira plus habet de ratione. Tristitia autem quæ coniungitur iræ, non pertinet ad poenitentiam: quia non est de actu iræ, sed de causa provocante ad iram, scilicet de iniuria illata.

Ad sextum dicendum, quod quia malum nihil causat nisi virtute boni, in processu peccatorum proceditur ab eo quod habet magis speciem boni: & ideo plerumque ex minoribus peccatis homo perducitur in maiora. Unde non oportet quod ira sit tantæ quantitatis sicut blasphemia.

ARTICULUS V.

Utrum ira sit vitium capitale.

2. 2. quæst. clviii. art. 5.

Quinto quaeritur, utrum ira sit vitium capitale. Et videtur quod non. Capitulum enim non est caput. Sed ira habet aliud caput: causatur enim ex tristitia, ut etiam Philosophus dicit (II. Rethoric. cap. xv. circa fin.) Ergo ira non est vitium capitale.

1. Præterea. Omne vitium capitale est speciale peccatum. Sed ira videtur esse generale: quia non contrariatur uni soli virtuti, sed pluribus: contrariatur enim & caritati, & iustitiæ, & transuetudini. Ergo ira non est vitium capitale.

3. Præterea. Aliis vitis capitalibus quædam alia vitia opponuntur, sicut superbix pusillanimitas, accidiz vanitas. Sed iræ non opponitur aliud vitium. Ergo non est vitium capitale.

Sed contra est quod Proverb. xxi. super illud, *Vir iracundus provocat rixas*, dicit Glossa (ordinar.), *lanua omnium vitiorum est iracundia: quæ clausa, virtutibus intrinsecus debetur quies; aperta, ad omne facinus armabitur animus.*

Respondendo dicendum, quod, sicut supra (quæst. x. art. 3.) dictum est, vitium capitale est ex quo alia vitia oriuntur secundum rationem causæ finalis. Contingit autem ut in pluribus, ad finem iracundiz, idest ad vindictam sumendam, multa inor-

dinata fieri; quæ quidem inordinate facta sunt quædam peccata: & ideo ira est vitium capitale, & ponit Gregorius XXXI. Moralium (cap. xxxi. in antiquis exemplis. in novis vero cap. xvii.) sex filias eius, quæ sunt *rixæ, tumor mentis, contumelia, clamor, indignatio, blasphemia*. Et huius ratio est, quia ira potest considerari tripliciter: uno modo secundum quod est in corde; alio modo secundum quod procedit usque ad opus. Secundum autem quod est in corde, unum quidem vitium oritur ex parte suæ causæ, quæ est iniuria illata: non enim nocumentum illatum provocat ad iram, nisi inquantum consideratur sub ratione iniustitiae: sic enim ei debetur vindicta. Quanto autem aliqua persona est vilior, vel magis obnoxia alteri, tanto iniustitiae est quod ei nocumentum inferat: & ideo iratus considerans nocumentum sibi illatum, magnificat in animo suo iniustitiam, & ex hoc procedit ad vindicandum indignitatem personæ inferentis nocumentum: & hæc est proprie *indignatio*. Aliud autem vitium causatur ex ira in corde existente ex parte eius quod iratus appetit. Excogitat enim iratus diversas vias, & modos, per quos possit se vindicare; & talibus cogitationibus quodammodo inflatur animus eius, secundum illud Iob xv. 2. *Numquid sapiens implebit ardore stomachum suum?* & sic ex ira oritur *tumor mentis*. Procedit etiam ira in locutionem: & contra Deum, qui permittit iniurias inferri; & sic ex ira causatur *blasphemia*: & contra proximum, qui infert; & sic sunt duo gradus iræ, quæ tanguntur Matth. v. Quorum unus est cum aliquis prorumpit in verba inordinata sine expressione specialis iniuriæ, ut qui dixerit fratri suo, *Racha*, quæ est interiectio irascens; & sic ex ira oritur *clamor*, idest inordinata & confusa locutio indicans motum iræ. Alius gradus iræ est, cum aliquis prorumpit usque ad verba iniuriosa; sicut cum quis dixerit fratri suo, *Fatue*, ad quod pertinet *contumelia*. Secundum autem quod ira procedit in actum, sic causantur *rixæ*, in quibus includuntur omnia consequentia, sicut vulnerationes, homicidia, & huiusmodi.

Ad primum ergo dicendum, quod tristitia ex qua oritur, non est solum illa tristitia quæ est vitium capitale: unde non continetur sub aliquo capitali vitio.

Ad secundum dicendum, quod ira est speciale vitium; opponitur tamen diversis virtutibus secundum diversas rationes. Nam quan-

quantum ad ipsam inordinationem passionis opponitur mansuetudini; quantum autem ad nocumtum quod intendit inferre, opponitur caritati; quantum autem ad rationem apparentis iustitiae, opponitur veritatis iustitiae: magis tamen opponitur mansuetudini, quae est moderativa irae.

Ad tertium dicendum, quod etiam ira contrariatur aliquod vitium, quod est inordinata remissio irae: de quo Chrysostomus (sive Auctor oper. imperi. in Matth. hom. xi.) dicit super illud Matth. v. *Qui trahitur fratri suo*: „Patientia irrationalis vitia seminat, negligentiam nutrit, & non solum malos, sed etiam bonos invitat ad malum.“ Quia tamen illud vitium est inordinatum, iracundiae non videtur oppositum aliud vitium.

QUAESTIO XIII.

De avaritia,

in quatuor articulos divisa.

Primo enim quaeritur, utrum avaritia sit vitium speciale.

Secundo. Utrum avaritia sit peccatum mortale.

Tertio. Utrum sit vitium capitale.

Quarto. Utrum mutare ad usuram sit peccatum mortale.

ARTICULUS I.

Utrum avaritia sit vitium speciale.

2. 2. quaest. cxviii. art. 2.

Questio est de avaritia. Et primo quaeritur, utrum sit vitium speciale. Et videtur quod non. Omne enim vitium speciale habet materiam specialem: quia semper in moralibus species determinantur secundum obiecta. Sed avaritia non habet materiam specialem, sed generalem: dicit enim Augustinus III. de lib. arb. (cap. xvii.) *Avaritia, quae graece philargyria dicitur, non in solo argento, vel nummis, sed in omnibus rebus quae inordinata cupiuntur, intelligenda est, ubique omnino plus vult quisquam quam satis est.* Ergo avaritia non est speciale peccatum.

2. Praeterea. Id quod continet sub se diversa genera peccatorum, non est speciale peccatum. Sed avaritia continet sub se diversa genera peccatorum: nam etiam sub

avaritia continetur superbia, quae est appetitus inordinatus excellentiae: dicit enim Gregorius in homil. super *Ductus est Iesus* &c. (homil. xvi. in Evang. inter princ. & med.) „Avaritia non solum pecuniae est, sed etiam altitudinis, cum supra modum sublimitas ambitur.“ Ergo avaritia non est speciale peccatum.

3. Praeterea. Tullius dicit, quod avaritia est immoderatus amor habendi. Sed omnia quae ad nos pertinent, habere dicimus, & partes nostrae substantiae, & qualitates, & quantitates, & exteriora accidentia, ut dicit Philosophus in praedicamentis (in Postpraedicam. cap. Habere.) Ergo avaritia non est speciale peccatum.

4. Praeterea. Omne peccatum speciale habet aliud peccatum sibi oppositum, ut dicitur in II. Ethic. (cap. viii.) Sed avaritia non habet aliquod peccatum sibi oppositum, ut patet per Philosophum in V. Ethic. Ergo avaritia non est speciale peccatum.

5. Praeterea. Illud quod se habet ad omnia genera peccatorum, non videtur esse speciale peccatum. Sed avaritia se habet ad omnia genera peccatorum: dicitur enim I. ad Timoth. ult. 10. *Radix omnium malorum est cupiditas*; per quam avaritia intelligitur, ut Augustinus dicit XI. super Genes. ad litteram (cap. xi.) Ergo avaritia non est speciale peccatum.

6. Praeterea. Si avaritia sit speciale peccatum, hoc maxime erit inquantum avaritia est inordinatus appetitus pecuniarum. Sed hoc etiam modo avaritia est peccatum generale, quia omne peccatum est per conversionem ad commutabile bonum, ut Augustinus dicit (Lib. I. de lib. arb. cap. ult.) Bona autem temporalia fere omnia per pecuniam possunt acquiri, secundum illud Eccle. x. 19. *Pecunia obediunt omnia.* Ergo avaritia nullo modo est speciale peccatum.

7. Praeterea. Nullum speciale peccatum contrariatur diversis virtutibus, eo quod unum est contrarium, ut dicitur in X. Metaph. Sed avaritia contrariatur diversis virtutibus: contrariatur enim caritati, ut Augustinus dicit super Genes. ad litteram (Lib. XI. cap. xv.) contrariatur etiam liberalitati, secundum quod commuiter dicitur: contrariatur etiam iustitiae, secundum quod est specialis virtus, ut dicit Chrysostomus (homil. xv. in Matth.) exponens illud Matth. v. *Beati qui esuriunt & sitiunt iustitiam*: iustitia enim dicit vel universalem virtutem, vel particularem avaritiae contrariam.

Ee

S. Th. Oper. Tom. XV.

riam. Ergo avaritia non est speciale peccatum.

8. Præterea. Avaritiæ proprium est ut teneat non retinenda. Sed spiritualia sunt specialiter non retinenda, quia communicata non minuiuntur, sed crescunt. Ergo avaritia est circa spiritualia bona. Manifestum est autem quod est circa bona corporalia. Ergo universaliter circa omnia bona. Non ergo est vitium speciale, sed generale.

Sed contra. Nullum generale dividitur contra specialia. Sed avaritia dividitur contra specialia peccata: Gregorius enim XXXI. Moral. (cap. xxxi. in antiq. exempl. in novis vero cap. xvii.) distinguit avaritiam contra alia vitia capitalia: Genes. etiam xii. in Glossa dicitur, quod diabolus tenuit primum hominem de gula, superbia, & avaritia: & sic avaritia contra alia peccata dividitur. Ergo avaritia est speciale peccatum.

Præterea. Speciali virtuti peccatum speciale contrariatur. Sed avaritia contrariatur iustitiæ secundum quod est virtus specialis, ut patet per auctoritatem Chrysostomi (in argum. 7.) inductam. Ergo avaritia est peccatum speciale.

Præterea. Radix habet rationem principii. Sed principium distinguitur ab his quorum est principium: quia nihil est principium, vel causa sui ipsius. Cum ergo avaritia sit radix omnium malorum, ut Apostolus dicit, videtur quod avaritia sit peccatum distinctum ab aliis peccatis; & ita non est generale peccatum, sed speciale.

Respondeo dicendum, quod avaritia, secundum quod est ex prima sui nominis impositione, significat inordinatam cupiditatem pecuniarum: dicitur enim avarus quasi avidus æris, ut Isidorus dicit in Lib. Etymol. (Lib. X. cap. i. circa med.) & huic consonat quod in greco avaritia philargyria nominatur, quasi amor argenti. Unde cum pecunia sit quædam materia specialis, avaritia videtur secundum primam nominis impositionem speciale quoddam vitium esse; sed secundum quamdam similitudinem ampliatum est hoc nomen ad significandum inordinatam cupiditatem quorumlibet bonorum: & secundum hoc avaritia est generale peccatum, quia in omni peccato est conversio per appetitum inordinatum ad aliquod commutabile bonum: & ideo Augustinus XI. super Genes. ad litteram (cap. x.) dicit, quod est avaritia generalis, quia quis appetit aliquid plusquam oportet; & est a-

varitia specialis, quæ usutatis appellatur amor pecunie. Et huius distinctionis ratio est, quia cum avaritia sit inordinatus amor habendi, sicut habere potest uno modo sumi communiter, & alio modo specialiter; prout dicimur habere possessionem de qua possumus quod volumus facere; ita etiam avaritia sumitur generaliter pro inordinato amore habendi quamcumque rem, & specialiter pro amore habendi possessiones, quæ omnes sub nomine pecunie intelliguntur, quia eorum pretium pecunia mensuratur, ut Philosophus dicit in IV. Ethic. Sed quia peccatum virtuti opponitur, oportet considerare, quod circa possessiones, vel pecunias consistit & iustitia, & liberalitas; aliter tamen & aliter. Ad iustitiam enim pertinet medium æqualitatis constituitur in ipsis rebus possessis, ut scilicet unusquisque habeat quod sibi debetur; liberalitas vero constituit medium in ipsis affectionibus animæ, ut scilicet unusquisque non sit nimium amator vel cupidus pecunie, & quod sit emissivus earum cum delectatione, vel sine tristitia, quando oportet, & ubi oportet. Quidam ergo loquuntur de avaritia sicut de opposito liberalitatis; & secundum hoc avaritia importat quemdam defectum circa emissiones pecuniarum, & quamdam superfluitatem circa acquisitionem, & retentionem earum in superfluo amore pecunie. Philosophus vero in V. Ethic. [Lib. IV. cap. i.] loquitur de avaritia sicut de opposito iustitiæ; & secundum hoc avarus dicitur qui recipit, vel retinet aliena contra debitum iustitiæ. Liberalitati enim opponit non avaritiam, sed illiberalitatem, ut patet in IV. Ethic. (cap. i.) & huic etiam consonat auctoritas Chrysostomi inducta, & etiam id quod dicitur Ezech. xxi. 27. *Principes eius in mediocibus quasi lupi rapientes prædam, ad effundendum sanguinem, & avore lucra stilandum.*

Ad primum ergo dicendum, quod Augustinus ibi loquitur de avaritia communiter dicta.

Et similiter dicendum ad secundum.

Ad tertium dicendum, quod habere specialiter dicimur possessiones, quarum omnino domini sumus: unde cum Tullius dicit, quod avaritia est inordinatus amor habendi, proprie intelligendum est secundum quod dicimur habere possessiones.

Ad quartum dicendum, quod obiectio illa procedit de avaritia secundum quod opponitur iustitiæ. Iustitia enim medium (a) quid est inter superfluum & diminutum; sed

(a) *id. amittitur quid est.*

sed non est medium inter duas malitias, sicut aliae virtutes, ut dicitur in V. Ethic. Sed quod aliquod superabundet in accipiendo, vel retinendo ultra debitum iustitiae, malitia quaedam est, & ad avaritiam pertinet. Quod autem aliquis minus habeat quam sibi debeatur, hoc non est iniustum facere, sed iniustum pati, quod magis est poena, quam culpa: & secundum hoc avaritia opponitur alicui peccato.

Ad quantum dicendum, quod avaritia pertinet ad omnia peccata non sicut genus, sed sicut radix, & principium: & ideo ex hoc non potest concludi, quod avaritia sit generale peccatum, sed quod sit generalis quaedam causa peccatorum.

Ad sextum dicendum, quod quaedam acquiruntur pecunia, quae sunt secundum eandem rationem appetibilia sicut & pecunia, in quantum scilicet sunt utilia ad necessitatem vitae; ut etiam omnia ista, quae possessiones dicuntur, sub pecuniae nomine includuntur; & sunt materia avaritiae specialiter dictae. Quidam vero sunt quae possunt acquiri per pecuniam, & tamen habent aliam rationem appetibilitatis; & ista pertinent ad alia vitia specialia, sicut sublimitas honorum, quae pertinet ad ambitionem, & pravitas laudis, quae pertinet ad inanem gloriam, & delectatio ciborum, quae pertinet ad gulam, & venereorum, quae pertinet ad luxuriam.

Ad septimum dicendum, quod avaritia opponitur iustitiae, & liberalitati secundum diversas acceptiones; caritati vero opponitur sicut & quodlibet peccatum mortale, in quantum constituit finem in bono creato.

Ad octavum dicendum, quod spiritualia bona non sunt retinenda, sed communicanda; non tamen est idem modus habendi, aut communicandi ea, sicut habentur, vel communicantur possessiones: unde non pertinet ad avaritiam proprie dictam.

ARTICULUS II.

Utrum avaritia sit peccatum mortale.

2. 2. *quest. CVIII. art. 4.*

Secundo queritur, utrum avaritia sit peccatum mortale. Et videtur quod sic. Nihil enim excludit a regno Dei nisi peccatum mortale. Sed avaritia excludit a regno Dei: dicitur enim Ephes. v. 5. *Omnis fornicator, aut immundus, aut avarus (quod est idolorum servitus) non habet hereditatem*

in regno Christi, & Dei. Ergo avaritia est peccatum mortale.

2. Præterea. Omne peccatum quod contrariatur caritati, est mortale: quia per caritatem est vita animae, secundum illud I. Ioan. 12. 15. (a) *Si quis diligit seculum, non est perfecta caritas Patris in illo.* Sed avaritia contrariatur caritati: dicit enim Augustinus in Lib. lxxxiii. *Quæstionum (quæst. xxxvi. parum a princ.) quod venenum caritatis est cupiditas.* Ergo avaritia, quæ est idem cupiditati, est peccatum mortale.

3. Præterea. I. Ioan. 11. 15. dicitur: *Si quis diligit mundum, non est caritas Patris in eo.* Sed avaritia ex inordinato amore mundi procedit. Ergo avaritia excludit ab homine caritatem Dei; & ita est peccatum mortale.

4. Præterea. Illud quod contrariatur iustitiae, videtur esse peccatum mortale, eo quod iustitia habet rationem debiti, quod cadit sub precepto. Sed avaritia contrariatur iustitiae: reservat enim aliqua quæ possunt cedere in utilitatem proximorum. Dicit enim Basilius (in serm. ad divites avaros super illud Luc. xii. *Destruam domum meam.*) *Est panis famelicis quem tu teneris; nudi tunica quam conservas; indigentis argentum quod possides. Quocirca tot iniurias, quot exhibere valeres.* Ergo avaritia est peccatum mortale.

5. Præterea. Donum Dei est aliquid perfectius virtute. Sed avaritia opponitur cuidam dono Dei, scilicet pietati, ut habetur in Glossa (ordin.) Lucæ 11. Ergo avaritia est peccatum mortale.

6. Præterea. Peccatum mortale est avaritio a bono incommutabili, & conversio ad commutabile bonum. Sed hoc maxime est in avaritia, quæ est inordinatus appetitus commutabilis boni. Ergo avaritia est peccatum mortale.

7. Præterea. Illud quod deprimit mentem ad terrena, ut ad superiora non possit surgere, videtur esse peccatum mortale. Sed avaritia est huiusmodi: dicit enim Gregorius XIII. Moralium, quod avaritia mentem quam infecerit, ita gravem reddit, ut ad appetenda sublimia attolli non possit. Ergo avaritia est peccatum mortale.

8. Præterea. Insanabilis est conditio gravissimi peccati: nam peccatum in Spiritum sanctum, quod est gravissimum, irreversibile dicitur. Sed avaritia est insanabilis, ut Philosophus dicit in IV. Ethic. (cap. i. non multum procul a fin.) Ergo avaritia est peccatum mortale.

Ee 2 ritia

[a] Vide arg. 1. in *Vulgatam*.

ritia est peccatum mortale, & gravissimum.

1. Sed contra est quod I. ad Corinth. III. super illud, *Si quis edificaverit super hoc fundamentum &c.* dicit Glossa (cap. I. non multum procul a fin.) quod lignum, fenum, & stipulam est superedificat qui cogitat quæ mundi sunt, quodammodo mundo placeat; quod ad peccatum avaritiæ pertinet. Sed per hoc non significatur peccatum mortale, sed veniale: subditur enim quod *salvus erit, sic quasi per ignem.* Ergo avaritia non est peccatum mortale.

2. Præterea. Avaritia prodigalitati opponitur. Sed prodigalitas ex genere suo non est peccatum mortale. Ergo neque avaritia, cum contraria sint in eodem genere.

3. Præterea. Ad avaritiam proprie pertinet superflue temporalia congregare. Hoc autem non semper est peccatum mortale, cum non contrarietur alicui præcepto. Ergo avaritia non est peccatum mortale.

4. Præterea. Non accipere aliena videtur esse laudabile. Sed quandoque avari nolunt accipere aliena, ut Philosophus dicit in IV. Ethic. (cap. I. non remote a fin.) Ergo avaritia quandoque non est malum, & per consequens nec peccatum mortale.

Respondetur dicendum, quod, sicut dictum est, avaritia dicitur dupliciter. Quandoque enim sumitur secundum quod est opposita iustitiæ, & tunc semper est peccatum mortale; nisi forte propter imperfectionem actus, ut supra de aliis vitiis dictum est: sic enim ad avaritiam pertinet accipere, vel retinere aliena iniuste; & hoc semper est peccatum mortale; primi tamen motus in hoc genere non sunt peccata mortalia. Aliquando vero sumitur avaritia secundum quod opponitur liberalitati, quam Philosophus in IV. Ethic. illiberalitatem nominat: & tunc ad avaritiam pertinet excedere in amore, & desiderio pecuniarum, & omnium quæ per pecuniam acquiri possunt: & sic cum communiter loquimur de desiderio & amore, non semper est avaritia peccatum mortale. Si autem loquamur de amore & desiderio strictè, sic avaritia semper est peccatum mortale. Cum enim amor & desiderium sit boni; bonum autem proprie & principaliter sit finis; id autem quod ad finem ordinatur, non habet per se rationem boni nisi propter ordinem finis: inde est quod amor & desiderium proprie & principaliter est finis, secundario autem eorum quæ sunt ad finem. Si ergo avaritia dicatur amor & desiderium temporalium bonorum, ita quod

in eis finis constituitur, avaritia semper erit peccatum mortale: converti enim ad bonum creatum sicut ad finem, facit aversionem ab incommutabili bono, quod debet esse ultimi finis, eo quod non possunt esse plures ultimi fines. Si vero avaritia dicatur inordinatus amor vel desiderium rerum huius mundi communiter loquendo, sic non semper avaritia est peccatum mortale: quia, ut habetur in Glossa (Augusti in Lib. de fide & operibus cap. XVI.) I. ad Corinth. super illud, *Si quis superedificat &c.* quidam adhuc amant secularia, & negotiis terrenis implicati sunt; ita tamen ut cor eorum non recedat a Christo, & nihil Christo præponant.

Ad primum ergo dicendum, quod Apostolus non dicit, quod omnis avarus simpliciter non habeat partem in regno Christi, & Dei; sed addit, *quod est idolorum servitus.* Illa enim avaritia a regno Christi, & Dei excludit quæ comparatur idolatriæ, eo quod honorem Deo debitum exhibet creaturæ, inquantum in temporalibus bonis finem constituit, quod soli Deo debetur.

Ad secundum dicendum, quod cupiditas extinguens caritatem est illa quæ finem constituit in temporalibus bonis; illa autem quæ in eis finem non constituit, quamvis superexcedat debitum modum, non extinguit caritatem, sed impedit eam in suo actu.

Et per hoc patet solutio ad tertium.

Ad quartum dicendum, quod obiectio ista procedit de avaritia secundum quod opponitur iustitiæ: non tamen avaritia quæ est idem quod illiberalitas, semper iustitiæ opponitur: potest enim contingere quod aliquis illiberalis est in hoc quod non dat quod laudabile esset dare, quod tamen dare non est debitum: vel quia etiam illa quæ dar, cum tristitia, & parcitate dar. Basilus autem loquitur in casu illo quando aliquis reoet bona sua pauperibus erogare, puta cum ei superfluum sit, secundum illud Luc. XI. 41. *Quod superest, dare elemosynam;* & talis etiam avaritia contrariatur pietati, ut Glossa ibidem dicit.

Unde patet solutio ad quintum.

Ad sextum dicendum, quod ratio illa procedit de avaritia secundum quod finem in temporalibus bonis constituit.

Et similiter dicendum ad septimum.

Ad octavum dicendum, quod alio modo est insanabilis avaritia, & alio modo peccatum in Spiritum sanctum. Peccatum enim in Spiritum sanctum dicitur esse insanabile

ARTICULUS III.

Utrum avaritia sit vitium capitale.

2. 2. *quæst. cxviii. art. 7. c. 8.*

ex perfecta inhæione voluntatis ad peccatum. Qui enim peccat per ignorantiam, non eligit peccatum nisi per accidens: eligit enim id quod est peccatum, quod tamen nescit esse peccatum. Qui vero peccat per infirmitatem, eligit quod est peccatum per se; sed tamen ex causa de facili transiente, scilicet propter impetum passionis. Sed ille qui ex certa malitia peccat, eligit peccatum ut secundum se appetibile: & ideo talis insanabilitas pertinet ad gravitatem peccati. Sed avaritia dicitur esse insanabilis propter conditionem subiecti, quia humana vita continue vergit in defectum. Omnis autem defectus incitativus est ad avaritiam: propter hoc enim temporalia bona queruntur, ut subveniatur defectibus præsentis vite.

Ad id vero quod primo in contrarium obicitur, dicendum, quod obiectio illa procedit de avaritia secundum quod constituit finem in bonis temporalibus, quæ inordinate amat vel cupit.

Ad secundum dicendum, quod avaritia, sive illiberalitas magis opponitur virtuti liberalitatis quam prodigalitas, ut Philosophus probat in IV. Ethic. (cap. i. vers. fin.) et ita prodigalitas non ita de facili est peccatum mortale sicut illiberalitas, vel avaritia.

Ad tertium dicendum, quod congregare temporalia bona contra iustitiam, semper est peccatum mortale: unde dicitur Habacuch 11. 6. *Ua ei qui multiplicat non sua*. Similiter etiam congregare temporalia bona, etsi non sit contra iustitiam, constituendo tamen in eis finem, est peccatum mortale.

Ad quartum dicendum, quod non accipere aliena secundum se consideratum, non habet rationem peccati: sed non accipere ea quæ ab aliis dantur sub hac intentione ne (a) ipsi aliis dare cogantur, est vituperabile.

Tertio queritur, utrum avaritia sit vitium capitale. Et videtur quod non. Quia avaritia uno modo liberalitati opponitur, ut dictum est. Sed liberalitas non est virtus principialis. Ergo neque avaritia est vitium capitale.

2. Præterea. Vitium capitale, sicut supra (quæst. præced. art. 5.) dictum est, dicitur illud ex quo alia vitia oriuntur secundum rationem causæ finalis. Sed hoc non videtur avaritiæ competere: quia pecunia, quæ est avaritiæ materia, non habet rationem finis, sed semper appetitur ut utile ad finem, ut Philosophus dicit in I. Ethicor. (cap. v. in fine.) Ergo avaritia non est vitium capitale.

3. Præterea. Vitium capitale est ex quo alia oriuntur. Sed avaritia ex aliis vitiis oritur: dicit enim Gregorius XI. Moralium (cap. xxxi. in antiq. exempl. in novis vero cap. xviii.) quod aliquando oritur per elationem, aliquando per timorem: dum enim quidam deficere sibi ad sumptum necessaria timent, mentem ad avaritiam relaxant: sunt alii qui dum potentiores videri appetunt, ad alienarum rerum ambitum succedunt. Ergo avaritia non est vitium capitale.

Sed contra est quod Gregorius XXXI. Moralium (ubi sup.) computat avaritiam inter vitia capitalia.

Respondeo dicendum, quod avaritia inter vitia capitalia computari debet. Cuius ratio est, quia, sicut supra dictum est, vitium capitale dicitur quod habet aliquem principalem finem, ad quem nata sunt alia multa ordinari; & sic secundum originem causæ finalis ex tali vitio multa alia oriuntur. Finis autem totius humanæ vitæ est beatitudo, quam omnes appetunt: unde inquantum in rebus humanis est aliquid participans quamcumque beatitudinis conditionem vere, vel apparenter, habet principalem quandam in genere finem. Sunt autem tres conditiones felicitatis secundum Philosophum in I. Ethic. (cap. viii.) scilicet

(a) al. ipsi aliis, non ipsi aliis.

licet quod sit quoddam perfectum bonum, & per se sufficiens, & cum delectatione. In tantum autem aliquod bonum videtur esse perfectum, inquantum excellentiam quamdam habet: & ideo excellentia videtur esse quoddam principaliter appetibile: & secundum hoc superbia, vel inanis gloria ponitur vitium capitale. In rebus autem sensibilibus maxima delectatio est circa tactum in cibis, & veneris: & ideo gula, & luxuria ponuntur vitia capitalia. Sufficientiam autem temporalium bonorum maxime promittunt divitiæ, ut Boetius dicit in II. & III. de Consol. unde etiam avaritia, quæ est inordinatus appetitus divitiarum, debet poni vitium capitale. Cuius ponit Gregorius XXXI. Moralium (cap. xxxi. in exempl. antiq. in novis cap. xvii.) septem filias, quæ sunt proditio, fraus, fallacia, periuria, inquietudo, violentia, & contra misericordiam obduratio: quarum distinctio sic accipi potest. Ad avaritiam enim pertinent duo. Quorum unum est superbundantia in retinendo, & ex hac parte ex avaritia oritur obduratio contra misericordiam, sive inhumanitas, quia videlicet obdurat cor suum avarus, ne alicui misericorditer de rebus suis subveniat. Aliud autem ad avaritiam pertinet, est, quod superabundantia accipiendo; & secundum hoc avaritia dupliciter considerari potest. Primo quidem secundum quod est in corde avari; & sic ex ea oritur inquietudo: quia ingerit homini sollicitudines & curas superfluas: avarus enim non impletur pecunia, ut dicitur Eccle. v. Secundo vero considerari potest, prout est in executione operis; & sic in acquirendo aliena utitur quandoque quidem vi, & sic sunt violentia; quandoque autem dolo: qui quidem si fiat verbo, erit fallacia in simplici verbo, quo quis decipit alium ad lucrandum; in verbo vero iuramento confirmato erit perjurium. Si autem dolus committatur in opere, sic in rebus quidem erit fraus; quantum ad personas autem proditio, sicut patet de Iuda, qui propter avaritiam factus est proditor Christi.

Ad primum ergo dicendum, quod virtus perficitur secundum rationem; vitium autem perficitur secundum inclinationem appetitus sensitivi: & ideo non oportet quod principale vitium opponatur principali virtuti: quia secundum aliud attenditur principalitas in vitio, & virtute.

Ad secundum dicendum, quod pecunia, etsi habeat rationem utilis, quia tamen ha-

bet rationem universalis, eo quod pecunie obediunt omnia, sicut dicitur Eccle. x. ex hoc ipso habet quamdam similitudinem felicitatis: unde secundum hoc avaritia est vitium capitale, ut dictum est.

Ad tertium dicendum, quod nihil prohibet, vitium capitale, ex quo multa vitia ut plurimum oriuntur, quandoque etiam ab aliis vitiis oriri, ut supra dictum est.

ARTICULUS IV.

Utrum mutare ad usuram sit peccatum mortale.

2. 2. quæst. lxxviii. art. 1.

Quarto quaeritur, utrum mutare ad usuram sit peccatum mortale. Et videtur quod non. Nullum enim peccatum mortale est concessum in lege divina. Sed dare mutuum ad usuram est concessum in lege divina: dicitur enim Deut. xxiii. 19. Non foverabis fratrem tuo ad usuram pecuniam, nec fruges, nec quamlibet aliam rem, sed alimo. Ergo dare mutuum ad usuram non est peccatum mortale.

2. Sed dicendum, quod hoc non est concessum illi populo, sed magis permissum propter eius duritiam, sicut & libellus repudiij. Sed contra. Illud quod permittitur tamquam malum, non reprobitur ut primum iustitiz: quod enim promittitur ut primum, inducit ut bonum, & desiderandum. Sed dare mutuum ad usuram permittitur in lege Dei ut primum iustitiz: dicitur enim Deut. xxviii. 12. Foverabis gentibus militis, & ipse a nullo senus accipies. Ergo dare mutuum ad usuram non est peccatum mortale.

3. Præterea. Prætermittere consilium non est peccatum: quia, ut dicitur I. ad Corinth. vii. mulier non peccat, si nubat, quamvis consilium virginitalis prætermittat. Sed dare mutuum absque usura, ponitur inter consilia: Luc. enim v. 27. dicitur: Diligite inimicos vestros, & benefacite iis qui oderunt vos, & date mutuum nihil inde sperantes: in quo prohibetur usura, ut multi exponunt. Ergo dare mutuum ad usuram, non est peccatum mortale.

4. Præterea. Sicut homo habet dominium suæ domus, aut equi, ita etiam habet dominium suæ pecunie. Sed homo potest locare domum suam, aut equum pro pretio. Ergo par ratione potest homo accipere primum pro pecunia quam mutuat.

5. Præ-

5. Præterea. Non videtur esse pactum illicitum, si aliquis ad hoc obligetur ad quod tenetur ex iure naturali. Sed ex iure naturali tenetur homo ut aliquid recompenset ei qui sibi beneficium contulit. Ille autem qui pecuniam mutuatur, aliquid beneficium confert: subvenit enim necessitati indigentis. Ergo si pro hoc beneficio, aliquo certo pacto obliget eum cui mutuatur, ad hoc quod aliquid sibi retribuatur, non videtur esse pactum illicitum.

6. Præterea. Ius positivum a iure naturali derivatur, ut Tullius dicit in sua Rhetorica (Lib. II. de inventione ante finem libri.) Sed ius civile permittit usuras. Ergo non est contra ius naturale dare mutuum ad usuras. Ergo non est peccatum.

7. Præterea. Si dare mutuum ad usuram sit peccatum, oportet quod alicui virtuti opponatur, & cum in communicatione quadam consistat, scilicet in mutuo, videtur maxime iustitiae opponi, si peccatum sit: nam iustitia circa huiusmodi communicationes consistit, ut dicitur in V. Ethic. (cap. II. non procul a fin. & cap. IV.) Sed iustitiae non opponitur: non enim potest dici, quod ille qui solvit usuras, iniustum patitur: neque enim patitur iniustum a seipso, quia nullus sibi ipsi facit iniustum, ut Philosophus probat in V. Ethic. (Lib. III. cap. ult.) neque etiam ab alio, quia nullus patitur ab alio iniustum, nisi per dolum, aut violentiam, quorum neutrum est in proposito: quia volens, & sciens ille qui accipit mutuum, usuras solvit. Ergo nullo modo patitur iniustum: ergo nec usurarium facit iniustum: non ergo peccat.

8. Sed dicendum, quod est ibi violentum mixtum: vult enim ille qui accipit mutuum, usuras dare quasi coactus. Sed contra. Violentum mixtum ibi habet locum ubi aliqua necessitas imminet, sicut patet in eo qui prolicet merces in mare, ne periretur navis. Sed quandoque aliqui accipiunt mutuum ad usuram absque magna necessitate. Ergo ad minus in tali casu concedere mutuum ad usuram, non est peccatum mortale.

9. Præterea. Quilibet potest alienare illud cuius est dominus. Sed ille qui dat usuram, est dominus suae pecuniae, quam usurario dat. Ergo potest eam alienare; & ita usurarius qui recipit, potest eam licite retinere.

10. Præterea. In contractu mutui duae personae concurrunt, scilicet debitoris, & creditoris. Sed creditor potest dimittere de

eo quod sibi debetur. Ergo & debitor potest absque peccato amplius dare.

11. Præterea. Multo gravius est occidere hominem quam accipere pretium pro pecunia mutuata. Sed occidere hominem in aliquo casu licet. Ergo multo magis dare pecuniam ad usuram in aliquo casu est licitum.

12. Præterea. Illud ad quod homo se obligat, licite potest ab eo exigi. Sed ille qui dat usuram, ad hoc se obligavit, quando mutuum accepit. Ergo licite usurarius potest exigere.

13. Præterea. Simonia committitur, quodcumque munus accipitur, sive a lingua, sive a manu, sive ab obsequio. Si ergo accipere munus a manu pro pecunia mutuata, esset peccatum mortale, pari ratione etiam videretur quod etiam quodcumque obsequium aliquis acciperet pro pecunia mutuata, esset peccatum mortale: quod videtur valde durum.

14. Præterea. Duplex est interesse. Quoddam quidem ex eo quod aliquid non adest, quia scilicet aliquis non acquisivit quod acquirere potuisset; & ad hoc interesse non obligatur aliquis. Aliud est interesse ex eo quod aliquid adest, quia scilicet aliquid subtractum est alicui de hoc quod habebat; & de tali interesse nascitur obligatio. Sed contingit quandoque quod ex pecunia mutuata aliquis damniatur in eo quod habebat. Ergo videtur quod possit pro hoc interesse aliquid accipere absque peccato.

15. Præterea. Laudabilis videtur concedere alicui pecuniam pro aliqua utilitate quam pro sola ostentatione. Sed quando aliquis concedit alicui pecuniam suam causa ostentationis, ut ille divitem se demonstret, potest absque peccato pretium inde accipere. Ergo multo magis, si pro aliqua necessitate pecuniam suam concedat.

16. Præterea. Fasta Christi nobis proponuntur in sacra Scriptura, ut ea imitemur, secundum illud Ioan. XIII. 15. *Exemplum dedi vobis, ut quemadmodum ego feci, ita & vos faciatis.* Sed Dominus de seipso dicit Luc. XIX. 23. *Ego veniens cum usuris exegissem illam, scilicet pecuniam mutuam.* Ergo exigere usuras non est peccatum.

17. Præterea. Quicumque consentit alicui peccanti mortaliter, etiam ipse mortaliter peccat: dicitur enim Roman. 1. 32. *quod digni sunt morte non solum qui ea faciunt, sed etiam qui consentiunt facientibus.* Sed ille qui accipit mutuo pecuniam ad usuras, consentit accipienti usuras. Si ergo mutua-

re

re pecuniam ad usuras est peccatum mortale, etiam accipere mutuo pecuniam sub usuris, erit peccatum mortale: quod per contrarium consuetudinem multorum bonorum fallum esse videtur.

18. Præterea. Ille qui subministrat peccanti mortaliter, peccare videtur, sicut si quis mutaret arma furenti, vel interficere volenti. Si ergo usurarius mortaliter peccat mutuans pecuniam ad usuras, videtur quod etiam illi qui apud eos deponunt pecunias, mortaliter peccent.

19. Sed dicendum, quod si abique necessitate aliquis pecuniam accipiat mutuo sub usuris, aut apud usurarium deponat suam pecuniam, mortaliter peccat; si vero ex necessitate, a peccato excusatur. Sed contra. Necessitas accipiendi mutuum sub usuris, non potest esse nisi ad evitandum aliquod damnum temporale. Sed pro nullo temporali damno debemus consentire, aut materiam ministrare alterius peccato: quia plus debemus diligere animam proximi quam omnia temporalia bona. Ergo pro tali necessitate non excusantur prædicti a peccato mortali.

20. Præterea. Maius peccatum videtur esse furtum quam dare pecuniam mutuo ad usutam: quia illud est omnino involuntarium, hoc autem est aliquo modo voluntarium ex parte eius cuius pecunia accipitur. Sed furtum aliquando potest esse licitum, sicut patet de filiis Israel, qui acceperunt ab Aegyptiis mutuo vasa, quæ non reddiderunt, ut dicitur Exod. xii. Ergo multo magis mutuare pecuniam ad usutam, potest esse sine peccato.

Sed contra est quod Gregorius Nyssenus dicit: *Malignam senioris excogitationem si quis appellaret furtum, aut homicidium, non peccabit. Nam quid refert suffragari pariete quemquam erecta possidere, an seniorum necessitate possidere illicitum?* Sed homicidium, & furtum est peccatum mortale. Ergo etiam dare pecuniam mutuo ad usutam, est peccatum mortale.

Præterea. Si propositum in proposito, & oppositum io opposito, ut Philosophus dicit. Sed non dare pecuniam mutuo ad usutam, ducit homines ad vitam: dicitur enim Ezech. xlviii. quod qui usuras non acceperit, vita vivet: & in Psalm. xiv. 5. *Qui pecuniam suam non dedit ad usutam, hic accipiet benedictionem a Domino.* Ergo accipere usutam

ducit ad mortem, & auferit divinam benedictionem: est ergo peccatum mortale.

Præterea. Omne quod est contra præceptum legis divinæ, est peccatum mortale. Sed dare pecuniam ad usutam est contra præceptum legis divinæ: dicitur enim Exod. xxxi. 25. (a) *Si pecuniam tuam ad usutam dederis populo meo pauperi, qui habet secum, non urgebis eum quasi exactor, nec usuris operaberis.* Ergo dare pecuniam mutuo ad usutam, est peccatum mortale.

Respondeo dicendum, quod dare pecuniam mutuo ad usutam est peccatum mortale. Nec ideo est peccatum, quia est prohibitum; sed potius ideo est prohibitum, quia est secundum se peccatum: est enim contra iustitiam naturalem. Et hoc patet, si quis recte consideret usuræ rationem. Dicitur enim usura ab usu, eo scilicet quod pro usu pecuniæ pretium quoddam accipitur, quasi ipse usus pecuniæ mutuat vendatur. Est autem considerandum, quod diversarum rerum diversus est usus. Quædam enim sunt quarum usus est consumptio substantiæ ipsarum rerum, sicut proprius usus vini est ut bibatur, & in hoc consumitur vini substantia: & similiter proprius usus tritici, aut panis est ut comedatur, quod est consumptio ipsius tritici, vel panis: ita etiam proprius usus pecuniæ est ut expendatur pro commutatione aliarum rerum. Sunt enim inventa omnimoda commutationis gratia, ut Philosophus dicit in VII. Politic. (cap. v. & vii.) Quædam vero res sunt quarum usus non est consumptio substantiæ ipsarum, sicut usus domus est inhabitatio: non est autem de ratione inhabitacionis, quod domus (b) diruatur; si autem contingat quod domus inhabitando in aliquo melioretur, vel deterioretur, hoc est per accidens: & idem est dicendum de equo, & veste, & aliis huiusmodi. Quia ergo huiusmodi res non consumuntur per usum per se loquendo, ideo seorsum potest concedi, aut vendi aut res ipsæ, aut usus, vel simul utrumque: potest enim aliquis vendere domum, retinendo sibi usum domus ad tempus; & similiter potest aliquis vendere usum domus retinendo sibi proprietatem, & dominium domus. Sed in illis rebus quarum usus est consumptio, non est aliud usus rei quam ipsa res: unde cuiusque conceditur usus talium rerum, conceditur etiam & ipsarum rerum dominium, & e con-

(a) Vulgata: Si pecuniam mutuum dederis. (b) Ale. dirigitur.

e converso. Cum ergo aliquis pecuniam mutuat sub hoc pacto quod restituatur sibi pecunia integra, & ulterius pro usu pecuniae vult certum pretium habere, manifestum est quod vendit solum usum pecuniae, & ipsam pecuniam substantiam. Usus autem pecuniae, ut dictum est, non est aliud quam eius substantia: unde vel vendit id quod non est; vel vendit idem bis, ipsam scilicet pecuniam, cuius usus est consumptio eius: & hoc est manifeste contra rationem iustitiae naturalis. Unde mutuare pecuniam pro usura, est secundum se peccatum mortale: & eadem ratio est de omnibus aliis rebus quarum substantia per usum consumitur; sicut patet in vino, tritico, & aliis huiusmodi.

Ad primum ergo dicendum, quod accipere ad usuram ab extraneis, non fuit concessum Iudeis quasi licitum, sed permixtum, ut scilicet pro hoc non punirentur poena temporalis. Cuius quidem permissionis fuit ratio, quia prout erant ad avaritiam: unde permixtum fuit eis minus malum, scilicet accipere usuram a Gentibus, ut vitaretur maius malum, scilicet accipere usuram a Iudeis Deum colentibus. Sed postmodum per Prophetas admoniti sunt ut totaliter ab usuris abstinerent, ut patet per auctoritates in contrarium inducias (in arg. Sed contra.)

Ad secundum dicendum, quod fenerare quandoque large accipitur pro mutuare, ut patet Eccli. xxix. 10. (a) *Multis vero causa nequitiae non fenerati sunt*, id est non mutuaverunt. Mutuare autem pertinet ad eum qui superabundat: & ideo quod dicitur, *Fenerabis*, intelligendum est, mutuabis; ut per hoc detur intelligi, quod intantum affluerent temporalibus bonis, quod ipsi aliis possent mutuare, & a nullo mutuum indigerent accipere.

Ad tertium dicendum, quod secundum superficiem litterarum Evangelii potest esse sensus, quod dare mutuum sit consilium; sed si detur mutuum, quod detur absque spe usurarii lucri, hoc est praeceptum: & quantum ad primum ponitur cum consiliis. Vel potest dici, quod quaedam sunt secundum rei veritatem praecepta, vel prohibitiones, quae tamen sunt supra praecepta secundum Pharisaeorum intellectum; sicut (b) Matth. v. super hoc praeceptum, *Non occides*, quod Pharisei intelligebant de homicidio exteriori, Dominus supererudit: *Qui irascitur fratri suo, reus erit iudicio*. Et hoc modo, S. Tb. Oper. Tom. Xv.

quantum ad Phariseos existimantes non esse prohibitum universaliter pecuniam ad usuram dari, ponitur inter consilia ut detur mutuum absque spe usurarii lucri. Vel potest dici, quod non loquitur ibi de spe usurarii lucri, sed de spe quae ponitur in homine. Non enim debemus bona nostra facere, sperantes ab homine retributionem, sed a solo Deo.

Ad quartum dicendum, quod quidam dicunt, quod domus, & equus deteriorantur per usum: & ideo pro recompensatione potest aliquid accipi; pecunia autem non deterioratur. Sed ista ratio nulla est, quia secundum hoc aliquis non posset iuste accipere maius pretium pro domo sua locata, quam domus inde deterioretur. Est ergo dicendum, quod venditur ipse usus domus licite; non autem pecuniae propter rationem supradictam.

Ad quintum dicendum, quod, sicut Philosophus dicit in IX. Ethic. (cap. 11.) recompensatio beneficii accepti aliter fit in amicitia utilis, & aliter in amicitia honesta: quia in amicitia utilis est mensuranda recompensatio secundum utilitatem quam consecutus est ille qui beneficium accipit; in amicitia autem honesta est recompensatio mensuranda secundum affectum eius qui beneficium dedit. Obligare autem ex certo pacto ad beneficium recompensandum, non competit amicitiae honestae: quia in tali amicitia amicus beneficium affectum amici inclinat ut sibi gratis & liberaliter recompenset cum opportunitas fuerit. Sed obligare certo pacto ad recompensandum beneficium, est proprium in amicitia utilis: & ideo non debet obligari ad plus reddendum quam accepit. Non autem aliquis aliquid plus accepit quam ipsam quantitatem pecuniae: quia eius usus, qui est pecuniae consumptivus, non est aliud quam ipsa pecunia: & ideo non debet ad plus obligari quam ad restituendum pecuniam.

Ad sextum dicendum, quod ius positivum principaliter intendit bonum commune multitudinis. Contingit autem quandoque quod si impediatur aliquid malum, provenit maximum detrimentum communitati: & ideo quandoque ius positivum permittit aliquid dispensative, non quia sit iustum id fieri, sed ne communitas maius incommodum patiatur; sicut etiam Deus aliqua permittit mala fieri in mundo, ne impediatur bona

F f quæ

(a) Vulgata: *Multis non causa nequitiae*. (b) *Al. redundet Dominus*.

quæ ex his malis ipse elicerenovit. Et hoc modo ius positivum permittit usuras propter multas commoditates quas interdum aliqui consequuntur ex pecunia mutuata, licet sub usuris.

Ad septimum dicendum, quod iste qui dat usuram, patitur iniuriam non a seipso, sed ab usurario: quilibet non inerat ei violentiam absolutam, infert tamen ei quandam violentiam mixtam: quia scilicet necessitatem habenti accipere mutuum, gravem conditionem imponit, ut scilicet plus reddat quam sibi præstetur. Et est simile si quis alicui in necessitate confisuto venderet rem aliquam multo amplius quam valeret: esset enim iniusta venditio, sicut & usurarii mutuario est iniusta.

Ad octavum dicendum, quod duplex est necessarium, ut dicitur in V. Metaph. (com. vi.) Quoddam quidem sine quo res non potest esse, sicut cibis est necessarius; quoddam vero est necessarium sine quo res quidem potest esse, non tamen ita bene & commode; & secundum hoc omnia utilia necessaria dicuntur. Semper autem ille qui mutuum accipit, patitur necessitatem vel primo, vel secundo modo.

Ad nonum dicendum, quod ille qui dat pecuniam suam usurario, non dat simpliciter voluntarius, sed quodammodo coactus, ut dictum est.

Ad decimum dicendum, quod sicut creditor licite potest minus accipere sua propria voluntate, ita etiam debitor potest sua propria voluntate amplius dare, & ille cui dat, licite recipere; sed si hoc deducatur in pactum mutui, pactum est illicitum, & illicita est acceptio.

Ad undecimum dicendum, quod occidere non est communiter contra Deum, ut nec mutare; & utrumque potest bene, & male fieri: sed occidere innocentem, importat determinationem mali; & hoc nunquam potest bene fieri, sicut nec dare mutuum ad usuram.

Ad duodecimum dicendum, quod quando obligatio est licita, licite potest exigi ab homine id ad quod se obligavit; sed ipsa obligatio usuraria est naturaliter iniusta: unde non potest usurarius licite exigere id ad quod alium illicite obligavit.

Ad decimumtertium dicendum, quod minus aliquid vel a manu, vela lingua, vel ab obsequio, potest usurarius sperare ex mutuo quod concedit, dupliciter. Uno modo, quasi debitum ex quadam obligatione taci-

ta vel expressa; & sic quodcumque minus speret, illicite sperat. Alio modo potest aliquid minus sperare, non quasi debitum, sed quasi gratuitum, & absque obligatione præstandum; & sic licite potest ille qui mutuat, sperare aliquid minus ab eo cui mutuat; sicut qui facit servitium alicui, confidit de eo ut amicitabiliter suo tempore servitium faciat. Alia tamen ratio est de simoniacis, & de usurariis: quia simoniaci non dat id quod est suum, sed id quod est Christi: & ideo non debet sperare aliquam recompensationem sibi faciendam, sed solum honorem Christi, & utilitatem Ecclesie; sed usurarius nihil alteri præstat, nisi quod suum est: unde potest aliquam amicitabilem recompensationem sperare per modum prædictum.

Ad decimumquartum dicendum, quod ex pecunia mutuata potest ille qui mutuat, incurrere damnum rei iam habitæ dupliciter. Uno modo, ex quo non redditur sibi pecunia statuto termino; & in tali casu ille qui mutuum accepit, tenetur ad interesse. Alio modo infra tempus deputatum, & tunc non tenetur ad interesse ille qui mutuum accepit. Debebat enim ille qui pecuniam mutuavit, sibi cavisse ne detrimentum incurreret. Nec ille qui mutuo accepit, debet damnum incurrere de solutis mutuantis. Et est etiam simile in emptione. Qui enim emit rem aliquam, tantum pro ea iuste dat quantum valet; non autem quantum ille qui vendit, ex eius carentia damnificatur.

Ad decimumquintum dicendum, quod, sicut Philosophus dicit in I. Politic. (cap. vi.) duplex usus potest esse alicuius rei: unus proprius, & principalis; alius secundarius, & communis; sicut calcementi proprius & principalis usus est calcareo, secundarius autem commutatio. Pecunie autem e converso principalis usus est commutatio (propter hanc enim pecunia facta est) secundarius autem usus pecunie potest esse quicumque alius, puta quod ponatur in pigrore, vel quod ostentetur. Commutatio autem est usus quasi consumens substantiam rei commutatæ, inquantum facit eam abesse ab eo qui commutat. Et ideo si quis pecuniam suam alteri concedat ad usum commutationis, qui est proprius pecunie, & pro hoc usu pretium aliud querat ultra fortem, erit contra iustitiam; si vero aliquis concedat alteri pecuniam suam ad usum alium quo pecunia non consumitur, erit eadem ra-

tio quæ est de rebus illis quæ ipso usu non confumuntur, quæ licite locantur, & conceduntur. Unde si quis pecuniam signatam in facculo concedat alicui ad hoc quod ponat eam in pignore, & exinde pretium accipiat, non est usura, quia non est ibi contractus mutui, sed magis locatio & conductio: & eadem est ratio, si quis concedat alteri pecuniam ad usum ostentationis: sicut e converso si quis concedit alteri calceamenta ad usum commutationis, & ex hoc aliud pretium quaereret ultra calceorum valorem, esset usura.

Ad decimum sextum dicendum, quod usura ibi metaphorice dicuntur superexcrecentiæ spiritualium bonorum, quas Deus requirit a nobis propter nostram utilitatem. Ex metaphoricis autem locutionibus non potest argumentario trahi.

Ad decimum septimum dicendum, quod aliud est consentire alicui in malitia, aliud est uti malitia alicuius ad bonum. Ille enim alicui in malitia consentit cui placet ut ille malitiam exerceat, & ad hoc forte eum inducit: & hoc semper est peccatum. Utitur autem malitia alicuius qui hoc quod aliquis malum facit, retorquet ad aliquod bonum: & sic etiam Deus utitur peccatis hominum, ex eis eliciens aliquod bonum. Unde & homini licet uti peccato alterius in bonum. Et hoc patet per Augustinum (epistol. cliv.) qui Publicolæ querenti utrum liceret uti iuramento eius qui per falsos deos iurat, in quo manifeste peccat, respondit, quod qui utitur fide illius quem constat iurasse per deos falsos, & hoc non ad malum, sed ad bonum, non peccat illius se associat, quo per dæmonia iuravit, sed pacto bono eius, quo fidem servavit. Si cui tamen placeret quod alius per falsos deos iuraret, & ad hoc eum induceret, peccaret. Similiter dicendum est in proposito, quod si aliquis propter aliquod bonum utatur malitia usurarii, accipiens ab eo mutuum ad usuram, non peccat: si vero persuaderet quod mutualet suam pecuniam ad usuram ei qui mutualet ad usuram paratus non esset, absque dubio in omni casu peccaret, tamquam peccanti consentiens.

Ad decimum octavum dicendum, quod si quis ea intentione pecuniam alicui usurario committeret, ut exinde lucrum usurarium quaereret, absque dubio peccaret tamquam consentiens in peccatum: & idem videtur

dicendum de eo qui concedit pecuniam suam scienter ei de quo credit quod utatur ea ad usurarium lucrum, quod alias exercere non posset. Si vero aliquis pecuniam suam usurario tradat alias usuras exercenti, non ut ille lucratur, sed propter suam necessitatem, magis utitur malitia eius quam in peccatum ipsius consentiat, vel materiam peccandi ei tradat: & ideo hoc absque peccato fieri potest.

Ad decimum nonum dicendum, quod pro nullo incommodo corporali vitando debet homo consentire in peccatum alterius; sed tamen pro aliquo incommodo vitando potest homo licite uti malitia alterius, vel materiam ei non subtrahere, sed præbere: sicut si latro aliquem iugulare vellet, & ad vitandum mortis periculum aliquis latroni thesaurum suum diripiendum detegeret, non peccaret, exemplo illorum decem virorum, qui dixerunt ad Ismael: *Noli occidere nos, quia habemus (a) thesaurum in agro*, ut habetur Hierem. xli. 8.

Ad vicesimum dicendum, quod hoc quod filii Israël vasa mutuo accepta asportaverunt, non fuit furtum, quia res illæ in eorum dominio transferunt auctoritate eius qui est Dominus omnium.

QUAESTIO XIV.

De gula,

in quatuor articulos divisa.

Primo enim queritur, utrum gula sit peccatum.

Secundo. Utrum gula sit peccatum mortale.

Tertio. Utrum convenienter assignentur species gulæ.

Quarto. Utrum sit vitium capitale.

ARTICULUS I.

Utrum gula semper sit peccatum.

Questio est de gula. Et primo queritur utrum gula semper sit peccatum. Et videtur quod non. Nullus enim peccat in eo quod vitare non potest, ut Augustinus dicit in Lib. de lib. arb. (lib. cap. xviii.) Sed gulam nullus vitare potest: dicit enim Gregorius XXX. Moral. (cap. xxviii. ante

Fi. 2 te

(a) Vulgata thesauros.

te med.) quod per esum voluptas necessitati miscetur. Quid necessitas petat, & quid voluptas suppetat, ignoratur. Ergo gula non est peccatum.

2. Præterea. Augustinus dicit X. Confess. (cap. xxxi.) *Quis est, Domine, qui aliquantum extra metas necessitatis cibum non sumat?* Sed hoc ad gulam pertinet. Gula ergo non potest vitari. Non ergo gula est peccatum.

3. Præterea. Augustinus dicit in II. de lib. arb. (Lib. III. circa princ.) quod ibi nulla culpa est, ubi natura, & necessitas dominatur. Sed ad actum gulæ natura, & necessitas movet. Ergo videtur quod gula non sit peccatum.

4. Præterea. Sicut Philoſophus dicit in II. de Anima (com. xxviii.) esuries est appetitus cibi. Ergo immoderata esuries est immoderatus appetitus cibi sumendi, in quo consistit ratio gulæ. Sed non est in potestate nostra quin immoderate esuriamus. Ergo vitare gulam non est in potestate nostra. Non est ergo peccatum.

5. Præterea. Augustinus dicit X. Confess. (cap. xxxi. paulo a princ.) *Hoc me docuisti, ut quemadmodum medicamenta, sic alimmenta sumpturus accedam.* Sed in sumptione medicamentorum non ponitur aliquod peccatum. Ergo videtur quod nec gula, quæ consistit circa sumptionem alimentorum, sit peccatum.

6. Præterea. Omne peccatum opponitur alicui virtuti, sicut extremum medio, ut patet per Philoſophum in II. Ethic. (cap. vi. a med.) Sed gula non opponitur temperantiae, vel sobrietati, sicut extremum medio: quia oporteret quod virtus corrumpere per defectum sumptionis cibi; quod videtur esse falsum: quia hoc pertinet ad abstinentiam, ut patet in ieiuniis, & aliis huiusmodi. Gula ergo non est peccatum.

Sed contra. Illud videtur esse peccatum per quod sicut per hostem a spirituali consensu impeditur. Sed gula est huiusmodi: dicit enim Gregorius XXX. Moral. (cap. xxvi. parum a princ.) quod ad consensum spiritualis agonis non assurgitur, si non prius intra nosmetipsos hostis positus, gulæ videlicet appetitus, domatur. Ergo gula est peccatum.

Respondere dicendum, quod, sicut Dionysius dicit iv. cap. de divin. Nomin. malum animæ est præter rationem esse: unde in quibuscumque contingit regula rationis discedere, in his contingit esse peccatum. Ni-

hil enim est aliud peccatum quam actus inordinatus, sive malus. Contingit autem a regula rationis discedere & in actionibus exterioribus, & in interioribus animæ passionibus, quæ debent per regulam rationis ordinari. Unde tanto in aliquibus passionibus magis contingit esse peccatum, quanto huiusmodi passionibus difficilius regulæ rationis subduntur. Inter omnes autem passionibus difficilius est delectationem secundum rationem ordinare, & maxime delectationes naturales, quæ sunt contemporaneæ vitæ nostræ: & huiusmodi sunt delectationes in cibis, & potibus, sine quibus humana vita transigi non potest: & ideo circa huiusmodi delectationes plurimum a regula rationis disceditur. Quando vero concupiscentia huiusmodi delectationum transcendit regulam rationis, est peccatum gulæ: unde dicitur, quod gula est immoderatus appetitus edendi. Non autem peccatum gulæ consistit circa exteriores actus, circa ipsam scilicet sumptionem, nisi ex consequenti, inquantum scilicet ex inordinata concupiscentia cibi procedit; sicut est in omnibus aliis vitiis quæ sunt circa passionibus. Unde Augustinus dicit in X. Confess. (cap. xxxi. a med.) *Non ergo immo desistant obsonii timore, sed immoderantiam cupiditatis.* Unde patet quod gula principaliter esse dicitur circa passionibus: & opponitur temperantiæ, prout est circa concupiscentias, & delectationes quæ sunt in cibis, & potibus.

Ad primum ergo dicendum, quod regula rationis hæc est, ut homo sumat cibum secundum quod convenit sustentationi naturæ, & bonæ habitudini hominis, & conversationi eorum cum quibus vivit, ut dicitur in III. Ethic. Quando ergo secundum hanc regulam rationis appetit aliquis, & sumit cibum, secundum necessitatem sumit; quando vero ultra hoc excedit, transcendit regulam rationis, a medio virtutis discedens, ut satisfaciat voluptati. Sed, sicut Philoſophus dicit in II. Ethic. (cap. ult.) a medio virtutis quandoque quidem multum receditur, & istud de facili periculi potest: quandoque autem parum receditur, & istud est imperceptibile: unde parum habet de ratione peccati: & quantum ad hoc intelligendum est verbum Gregorii.

Ad secundum dicendum, quod non quicumque sumit cibum extra metas necessitatis, peccat virio quod: potest enim contingere quod id quod credit sibi esse necessarium, sit superfluum: & tunc concupiscentia

tia cibi non est immoderata, quia non recedit a regula rationis. Gula autem, sicut dictum est (in corp. art.) non importat primo & per se immoderatam cibi sumptionem, sed immoderatam concupiscentiam sumptionis ipsius. Mensura autem ipsius sumptionis cibi sumitur secundum regulam naturae corporalis: unde magis potest esse cognita secundum artem medicinæ quam secundum rationem prudentiæ, secundum quam tamen potest diiudicari, utrum concupiscentia sit moderata, vel immoderata; quamvis de facili nec hoc cognosci possit, ubi non multum a ratione disceditur, sicut dictum est. Sed hoc homo præcipue potest ex auxilio Dei: & ideo Augustinus post verba indulta subdit: *Quisquis est, scilicet qui non sumit cibum extra metas necessitatis, magnus est, magnificet nomen tuum.*

Ad tertium dicendum, quod ad sumendum cibum natura, & necessitas inducit; sed in actu gulæ transcenditur naturæ necessitas, secundum quam ratio concupiscentiam moderatur.

Ad quartum dicendum, quod duplex est appetitus cibi. Unus quidem appetitus naturalis, secundum quod vis appetitiva, reventiva, digestiva, & expulsiua deserviunt nutritivæ, quæ est potentia animæ vegetabilis; & talis appetitus est esuriens, quæ non sequitur aliquam apprehensivam; sed sequitur naturæ indigentiam: unde excessus esuriei non est peccatum moris; sed magis peccatum diminuit, vel totaliter excusat. Alius est appetitus sensitivus consequens apprehensionem, in quo sunt animæ passionēs; & huius appetitus immoderata concupiscentia in sumendis cibis, habet rationem gulæ: unde ratio procedebat ex æquivoco.

Ad quintum dicendum, quod alimenta conveniunt cum medicamentis in hoc quod utraque sumuntur contra defectus naturæ corporalis; sed potest in eis attendi differentia quantum ad duo. Primo quidem quia medicamenta sumuntur secundum regulam artis medicinæ: unde in sumptione medicamentorum si sit inordinatio, magis imputatur medico danti quam infirmo sumenti. Alimenta vero ut pluries sumit homo proprio arbitrio; & ideo sibi imputatur ad peccatum, si propter immoderatam concupiscentiam delectationis ciborum superflue cibum assumat. Secundo differunt, quia sumptio medicamentorum non est delectabilis, sicut sumptio alimentorum; & ita in sumendis medicamentis non est peccatum ex inordinata concupiscentia delectabilis, sicut

est in sumptione ciborum. Tamen si quis infirmus de aliquo delectabili medicamento sumeret ultra debitum, contra consilium medici, propter concupiscentiam delectabilis, similiter peccaret vitio gulæ.

Ad sextum dicendum, quod superfluum, & diminutum, & medium accipitur in virtute morali, non secundum quantitatem absolutam, sed secundum proportionem ad rationem rectam, secundum quam medium virtutis determinatur, ut patet ex ipsa definitione virtutis in II. Ethic. (cap. vi.) & ideo contingit quod aliquando virtus tenet extremum secundum quantitatem absolutam, quæ tamen tenet medium secundum proportionem ad rationem rectam, sicut in IV. Ethic. (cap. xii.) Philosophus dicit de magnanimo, quod magnitudine quidem est extremus, quia scilicet ad maximam tendit, eo autem quod ut oportet, medius. Sic ergo virginitas, & paupertas, & ieiunium, extremum tenent secundum quantitatem absolutam; quæ tamen tenent medium secundum proportionem ad rationem rectam, a qua si quis deficiat, etiam per superfluum abstinencia est peccatum. Unde & Gregorius dicit XXX. Moral. (cap. xxviii.) *Plerumque dum plus iusto caro restringitur, etiam ab exercitatione boni operis enervatur, ut ad orationem, vel predicationem non sufficiat, dum incentiva vitiorum funditus suffocare festinat; & sic dum hostem insequimur, etiam civem, quem diligimus, trucidamus.*

ARTICULUS II.

Utrum gula sit mortale vitium.

Secundo queritur, utrum gula sit peccatum mortale. Et videtur quod sic. Quia Hebr. xxxi. Super illud, *Ne quis fornicator, aut profanus, ut Esau, dicit Glossa (ordin.)* quod Esau fuit profanus, quia gastrimargus, id est gulosus. Sed tamen nullus dicitur profanus, nisi propter peccatum mortale. Ergo gula est peccatum mortale.

2. Præterea. Virtutes non tolluntur nisi per peccatum mortale. Sed per gulam tolluntur virtutes: dicit enim Gregorius XXX. Moral. (cap. xxvi.) *Dominante gula vitio, omne quod fortiter egerunt, perditur; & dum venter non restringitur, simul cuncta virtutes obruntur.* Ergo gula est peccatum mortale.

3. Præterea. Omne quod corrumpit medium virtutis, corrumpit virtutem, quæ in medio consistit, & per consequens est peccatum

catum mortale. Sed gula corrumpit medium virtutis, sicut dictum est. Ergo gula est peccatum mortale.

4. Præterea. Gravius peccatum est quod homo occidat se ipsum, quam quod occidat alium; & similiter gravius peccatum esse videtur quod aliquis inferat nocumentum suo corpori quam corpori alterius. Sed per gulam inferitur nocumentum proprio corpori: dicitur enim Eccli. xxxvii. 33. *In multis efficit erit infirmus; & propter crapulam multis obierunt.* Ergo gula est peccatum mortale, sicut & ira, quæ tendit in nocumentum proximi.

5. Præterea. Sicut ordo præceptorum apparet in beneficiis, ita ordo prohibitionum apparet in peccatis. Sed prima prohibitio homini facta fuit de vitio gulæ, ut patet Genes. ii. ubi Dominus præcepit Adæ ut de ligno scientiæ boni & mali non ederet. Ergo peccatum gulæ est primum & maximum, & ita videtur esse peccatum mortale.

6. Præterea. Peccatum mortale consistit in averfione a Deo. Sed gula avertit hominem a Deo: quia facit hominem idolatrare, secundum illud Exod. xxxii. 6. *Sedit populus manducare, & bibere: & surrexerunt ludere, scilicet in honorem idoli.* Facit etiam fornicari: dicitur enim Osee iv. 10. *Comedent, & non saturabuntur: fornicati sunt, & non cessaverunt.* Ergo gula est peccatum mortale.

7. Præterea. Hieronymus dicit in Lib. contra Iovinianum: *Ciborum aviditas, quæ est avaritiæ mater, quibusdam vinculis animam ligat.* Sed anima non ligatur nisi per peccatum mortale. Ergo gula est peccatum mortale.

8. Præterea. Hieronymus in eodem Lib. dicit, quod contra naturam est per voluptates defluere. Sed illud quod est contra naturam, est peccatum mortale: quia oportet quod etiam fit contra rationem. Ergo gula, quæ consistit in quodam voluptatum fluxu, est peccatum mortale.

9. Præterea. Omne illud peccatum est peccatum mortale cuius effectus etiam est peccatum mortale. Sed effectus gulæ sunt peccata mortalia semper: quia super illud Psalmistæ (Psalm. cxxv. 10.) *Qui percussit Aegyptum cum primogenitis eorum,* dicit Glossa (ordin. ex Callidoro.) „Luxus, superbia, avaritia sunt quæ primo generat venter.“ Ergo gula est peccatum mortale.

10. Præterea. Eccli. xxxix. 31. dicitur:

Initium rei necessarie vite hominum, aqua, ignis, & ferrum, sal, & lac, & panis simulantur, & mel, & boni uvæ, & oleum, & vestimentum: hæc omnia sicut sanctis in bona. sic impiis, & peccatoribus in mala convergentur. Glossa (interlin.). „Peccatoribus, id est abutentibus, convertentur in mala, id est damnationem æternam.“ Sed abusus illorum bonorum pluries fit per gulam. Ergo gula meretur damnationem æternam; & ita est peccatum mortale.

11. Præterea. Illud quod facit hominem bestialem, est peccatum mortale, & gravissimum. Sed intemperantia, cuius pars est gula, facit hominem bestialem, ut Philosophus dicit in III. Ethic. (cap. x.) „Ergo gula est peccatum mortale.“

12. Præterea. Idolatria est peccatum mortale. Sed gula est idolatria quædam: dicitur enim ad Roman. ult. de quibusdam, quod Domino Christo non serviunt, sed suo ventri: & ad Philippen. iii. 18. dicitur: *Multis ambulat quorum finis interior, quorum deus venter est.* Ergo gula est peccatum mortale.

1. Sed contra. Nullum peccatum mortale invenitur in sanctis viris. Sed gula aliquando in sanctis viris invenitur: dicit enim Augustinus in X. Confess. (cap. xxxi.) *Crapula nonnumquam successit sermo tuo: misereberis, ut longe fiat a me.* Crapula autem ad gulam pertinet. Ergo gula non est peccatum mortale.

2. Præterea. Omne peccatum mortale alicui præcepto legis contrariatur. Sed gula non contrariatur alicui præcepto legis, ut patet discurrenti per singula præcepta decalogi. Ergo gula non est peccatum mortale.

3. Præterea. Gregorius dicit X. Moral. (cap. xiv.) exponens illud Iob x. *Ipse novit hominum vanitatem:* „Ex vanitate ad iniquitatem ducimur, cum prius per levitiam delicta defluimus, ut uru cuncta levigante nequaquam post committere etiam graviora timeamus.“ & inter alia exemplificat de gula, subdens: „Dum gula incumbitur, ad levitatem protinus insaniam prodit.“ & sic gula inter levitiam delicta computatur. Sed peccata mortalia non dicuntur levia. Ergo gula non est peccatum mortale.

4. Præterea. Augustinus dicit in sermonibus de purgatorio (serm. iv. in die animarum inter princ. & med.) *Quoties aliquis in cibo aut potu plus accipit quam necessesse est, ad minuta peccata novius pertinet.* Sed

Sed plus accipere in cibo vel potu quam necesse sit, pertinet ad gulam. Ergo gula non est peccatum mortale.

Respondeo dicendum, quod cum quaeritur de aliquo peccato in generali, utrum sit mortale, debet intelligi quaestio, utrum sit mortale ex suo genere: quia, sicut in superioribus multoties dictum est, in quolibet genere peccati mortalis, puta homicidii, vel adulterii, potest inveniri aliquis motus qui est peccatum veniale: & similiter in quolibet genere peccati venialis potest inveniri aliquis actus, qui est peccatum mortale; sicut in genere verbi otiosi, cum refertur ad finem peccati mortalis. Species autem moralis actus sumitur ex obiecto: unde si obiectum peccati alicuius contrariatur caritati, in qua vita spiritualis consistit, necesse est quod illud peccatum sit mortale ex suo genere, vel ex sua specie; sicut blasphemia ex suo obiecto contrariatur caritati quantum ad dilectionem Dei, & homicidium quantum ad dilectionem proximi: unde utrumque est peccatum mortale. Peccatum autem gulæ consistit in concupiscentia inordinata delectationis ciborum. Ipsa autem ciborum delectatio secundum se considerata non contrariatur caritati neque quantum ad dilectionem Dei, neque quantum ad dilectionem proximi; sed secundum quod additur inordinatio, potest quodammodo contrariari, & quodammodo non contrariari. Concupiscentia enim huius delectabilis potest esse inordinata dupliciter. Uno modo sic quod excludat ordinem finis ultimi; quod contingit quando talem delectationem homo appetit ut finem ultimum, eo quod non est possibile unius hominis esse multos fines ultimos: & talis inordinatio repugnat caritati quantum ad dilectionem Dei, qui debet diligere ut finis ultimus. Alio modo concupiscentia potest esse inordinata secundum ea quæ sunt ad finem, salvato ordine finis ultimi; puta, cum aliquis concupiscit nimium cibum vel potum, non tamen sic concupiscit ut propter hoc consequendum vellet transgredi divina præcepta: & talis inordinatio non repugnat caritati. Est autem de ratione gulæ inordinatio concupiscentiæ, non tamen est de ratione eius inordinatio tollens ordinem finis ultimi. Et ideo gula secundum rationem suæ speciei, non habet quod sit peccatum mortale; sed potest quandoque esse peccatum mortale, & quandoque veniale, secundum iam dictos duos inordinationis modos.

Ad primum ergo dicendum, quod Esau propter gulam dictus profanus est, quia in eo tanta fuit inordinatio concupiscentiæ cibi, quod propter cibum primogenita vendidit: unde quodammodo videbatur delectationem cibi concupiscere tamquam finem.

Ad secundum dicendum, quod aliquod peccatum tollit virtutes dupliciter. Uno modo directe, per contrarietatem ad virtutem; & sic tollit virtutes gula quæ est peccatum mortale, sicut & cetera peccata mortalia. Alio modo dispositive; & sic etiam peccata venialia tollunt virtutes: quia, ut dicitur Ecclesi. xix. 1. *qui spernit modicam, paratim desitit*.

Ad tertium dicendum, quod omne peccatum veniale, & mortale corrumpit medium virtutis in actu: non enim efficit peccatum, nisi a medio rationis discederetur: sed habitum virtutis non tollit nisi illud peccatum quod contrariatur caritati, a qua omnes virtutes dependent: & secundum hoc gula quæ est peccatum veniale, non corrumpit medium virtutis in habitu, sed in actu.

Ad quartum dicendum, quod nocumentum proximi est per se obiectum iræ: appetit enim ira vindictam iniustam, quæ consistit in proximi nocumento: sed nocumentum proprii corporis non est proprium obiectum gulæ, sed consequitur quandoque ad obiectum præter intentionem; & tale nocumentum est præter rationem gulæ. Si quis tamen scienter propter immoderatam concupiscentiam cibi grave suo corpori nocumentum inferret, nimis comedendo, & nociva sumendo, non excusaretur a peccato mortali.

Ad quintum dicendum, quod illa prohibitio facta Adæ non fuit prohibitio vitii gulæ: quia poterat absque omni vitio gulæ pomum illud comedi, si prohibitio non intervenisset: sed illud fuit præceptum disciplinæ, ut scilicet homo experiretur quid interesset inter obedientiam bonam, & inobedientiæ malum, sicut Augustinus dicit super Genes. ad litteram (Lib. VIII. cap. xiii. & xiv.) Unde primum peccatum hominis non fuit gula, sed inobedientia, sive superbia.

Ad sextum dicendum, quod gula dispositive inducit ad idolatriam, & luxuriam; non autem ita quod hæc duo sint de ratione gulæ: unde non sequitur quod peccatum gulæ sit peccatum mortale: quia etiam peccatum veniale potest dissonare ad mortale.

Ad

Ad septimum dicendum quod peccatum mortale simpliciter ligat animam, inquantum impedit eam ne per seipsam possit redire in ordinem caritatis; sed peccatum veniale ligat animam secundum quid, inquantum impedit virtutem in actu: & sic gula aliter ligat animam secundum quod est peccatum veniale, & aliter secundum quod est peccatum mortale.

Ad octavum dicendum, quod ratio hominis est natura: unde quidquid est contra rationem, est contra hominis naturam. Sic ergo effluere voluptatibus est contra naturam hominis inquantum transcendit regulam rationis, vel tollendo ordinem finis, quod est simpliciter esse contra rationem, vel tollendo ordinem eorum quae sunt ad finem, quod est esse contra rationem secundum quid, vel magis esse praeter rationem.

Ad nonum dicendum, quod illa tria dicuntur esse effectus gulæ, inquantum gula ad illa vitia disponit; sed ex hoc non sequitur quod gula semper sit peccatum mortale.

Ad decimum dicendum, quod uti esse refertur aliquid in ultimum finem, qui nos beatos facit: unde proprie illi abutuntur rebus creatis qui in eis finem constituunt, non referendo eas in finem ultimum: & hoc meretur damnationem tam in gula quam in aliis peccatis, per quæ homo sic abutitur rebus creatis.

Ad undecimum dicendum, quod Philosophus non dicit, quod intemperantia simpliciter faciat hominem bestialem; sed quia talibus delectationibus gaudere, & maxime eas diligere est bestiale: & hoc ideo quia huiusmodi delectationes sunt in quibus cum bestiis communicamus. Aliæ enim delectationes sunt propriæ hominum. Ille autem maxime has delectationes diligit qui in eis finem constituit.

Ad duodecimum dicendum, quod illi servant ventri suo tamquam deo quia delectationibus ciborum ad ventrem pertinentem finem constituunt, qui in solo Deo est constituendus.

Ad ea vero quæ in contrarium obijciuntur, de facili patet responsio: procedunt enim de gula secundum quod est veniale peccatum.

Oportet autem respondere ad secundum, quod videtur ostendere quod gula nullo modo sit peccatum mortale, quia non contrariatur alicui præcepto. Dicendum est enim, quod præcepta decalogi præcipiunt, & prohibent ea quæ manifeste ratio naturalis ha-

bet ut fiant, vel non fiant: cadunt enim in conceptione communi. Unde non omnia peccata mortalia directe contrariantur præceptis decalogi, sed per quamdam reductionem; sicut prohibitio simplicis fornicationis reducit ad hoc præceptum, *Non mocha-beris*: & similiter prohibitio gulæ, secundum quod est peccatum mortale, per reductionem contrariatur præcepto de sanctificatione sabbati, per quam intelligitur spiritalis quies, quæ impeditur per immoderantiam gulæ.

ARTICULUS III.

Quotnam & quæ sint gulæ species.

Tertio quaeritur de speciebus gulæ, quas Gregorius assignat XXX. Moral. (cap. xxvii.) dicens: *Quinque modis nos gulæ vitium tentat: aliquando namque indigentia tempora prævenit; aliquando cibos lautiores quærit; aliquando quæ sumenda sunt, præparari accuratius appetit; aliquando in ipsa quantitate sumendi mensuram refractionis excedit; aliquando ipso assu immensi desiderii aliquis peccat: & continentur in hoc versu:*

Præpropere, laute, nimis, ardentem, studiose.

Videtur autem quod inconvenienter illæ quinque species gulæ distinguuntur: differunt enim prædicti modi gulæ secundum diversas circumstantias: quia *præpropere* respicit tempus, *laute* respicit substantiam cibi, & sic de aliis. Sed circumstantiæ, cum sint accidentia actuum, non diversificant speciem. Ergo secundum prædicta quinque non debent distingui diversæ species gulæ.

2. Præterea. In quolibet peccato contingit transgredi regulam secundum diversas circumstantias; sicut illiberalis accipit quando non oportet, & ubi non oportet: & similiter secundum alias circumstantias: non tamen secundum hoc distinguuntur diversæ illiberalitatis species. Ergo etiam neque sunt distinguendæ diversæ species gulæ, secundum prædicta quinque.

3. Præterea. Sicut tempus ponitur una circumstantia, ita etiam locus, & substantia peccantis. Si ergo secundum tempus accipitur una species gulæ, debent etiam aliz species accipi secundum locum, & secundum septem alias circumstantias, ut sint septem, vel octo species gulæ.

4. Præterea. Secundum Philosophum in III. Ethic. (cap. x.) temperantia, cui opponitur gula, est circa delectationes gustus, non

non inquantum est gustus, sed inquantum est talis. Sed laute, & studiose videntur pertinere ad bonitatem saporis, qui est proprium obiectum gustus. Ergo inconvenienter secundum illa duo assignantur species gulæ.

5. Præterea. Augustinus dicit X. Confess. (cap. xxxi.) quod populus in eremo, non quia carnes desideravit, sed quia esca desiderio adversus Deum murmuravit, metu it improbari. Sed Gregorius XXX. Moral. (cap. vii.) dicit, quod populus despecto manna cibos carniū petiit, quos lautiores puravit. Ergo appetere lauta cibaria non videtur pertinere ad peccatum gulæ; & sic videtur quod prædictæ species gulæ inconvenienter assignantur.

In contrarium est auctoritas Gregorii (loc. cit.) huiusmodi species distinguendis.

Respondendum, quod in distinguendis speciebus moralium actuum, oportet præcipue attendere ad motiva, quæ sunt propria obiecta actuum voluntariorum, eo quod obiectum movens voluntatem est sicut forma ipsius: unde actus voluntarii distinguuntur secundum diversa motiva, sicut actus rerum naturalium secundum diversas formas agentium. Conringit autem quandoque quod idem motivum est causa quod homo transgrediatur medium virtutis secundum diversas circumstantias; & tunc secundum diversas circumstantias inordinatas non sumuntur diversæ species peccati; sicut in avaritia movetur homo ad rapiendum aliena & in tempore in quo non debet, & in loco in quo non debet, & a personis a quibus non debet, propter unum & idem motivum, scilicet ut congreget pecuniam: & ideo secundum hoc non diversificantur species avaritiæ. Si vero essent diversa motiva ad peccandum, sic essent diversæ species avaritiæ; puta, si ad transgressionem quarundam circumstantiarum inclinaretur propter defectum donationis, ad alias autem propter superabundantiam acceptionis. Sic ergo dicendum est, quod prædictæ species gulæ distinguuntur secundum diversa motiva: ut enim dictum est, peccatum gulæ consistit in concupiscentia inordinata delectationis ciborum. Huiusmodi autem inordinatio potest referri vel ad delectationem, vel ad ipsam concupiscentiam. Causa autem delectationis potest esse vel naturalis, vel artificialis. Naturalis quidem, sicut cum aliquis superflue querit delectari in esu pretiosorum, & electorum rerum, secundum illud Amos vi. 4.

S. Tb. Oper. Tom. XV.

Qui comeditis agnum de grege, & vitulos de medio armenti. Causa autem artificialis delectationis, sicut cum aliquis superflue appetit cibos nimis delicate preparatos. Quantum ergo ad primum modum dicitur laute, quantum ad secundum *studiose*. Ex parte vero concupiscentiæ potest inordinatio diversificari secundum diversa motiva tripliciter. Concupiscentia enim est quidam motus appetitivæ virtutis in delectationem tendens. Inordinata autem vehementia motus etiam in corporalibus secundum tria potest attendi. Primo quidem antequam perveniat ad terminum, in quem tendit; & sic motus vehementer festinat ad terminum pervenire; similiter & concupiscentia, quando est inordinate vehemens, non potest pati dilationem cibi, sed ad esum festinat; & sic accipitur hoc quod dicitur *prepropere*. Secundo vehementia motus consideratur in ipsa perventione ad terminum: quia quod vehementer movetur corporaliter, inordinate coniungitur ei in quod tendit; & similiter quando concupiscentia cibi est vehemens, inordinate homo se habet circa cibi sumptionem; & ad hoc pertinet quod dicitur *ardenter*. Terrio consideratur inordinate vehementia motus corporalis postquam pervenerit ad id in quod tendit, quia non sistit in eo, sed ulterius procedit; & similiter quando aliquis immoderate concupiscit cibum, non sistit concupiscentia eius in cibo moderato, quem natura requirit, sed ulterius sumit: & ad hoc pertinet quod dicitur *nimis*.

Ad primum ergo dicendum, quod prædictæ species non diversificantur propter diversas circumstantias, sed propter diversa motiva, ut dictum est.

Et per hoc etiam patet solutio ad secundum, & tertium: quia non semper transgressio diversarum circumstantiarum habet diversa motiva.

Ad quartum ergo dicendum, quod gulosus non delectatur in cibis lautis, & studiose preparatis propter iudicium saporum, sicut faciunt qui vina probant, quod est proprium gustus inquantum est gustus: huius enim delectationis inordinatio magis pertinet ad curiositatem quam ad gulam: sed delectatur gulosus in ipsa sumptione cibi lauti, & studiose preparati; quæ quidem sumptio est per quandam tactum.

Ad quintum dicendum, quod comedere lauta cibaria non est peccatum, ut Augustinus dicit (Lib. X. Confess. cap. xxxi.) sed concupiscentia inordinata lauti cibi pot.

Gg est

est esse peccatum, secundum intentionem Gregorii.

ARTICULUS IV.

Utrum gula capitale vitium sit.

Quarto queritur, utrum gula sit vitium capitale. Et videtur quod non. Sicut enim contingit esse delectationem in sensu gustus, & tactus, ita etiam in aliis sensibus. Sed circa delectationes aliorum sensuum non ponuntur aliqua vitia capitalia. Ergo neque gula, quae est circa delectationes gustus, debet poni vitium capitale.

2. Præterea. Superbia secundum Gregorium XXXI. Moral. (cap. xxxi. in antiquis exempl. in novis vero cap. xvii.) non ponitur vitium capitale, sed regina vitiorum, quia ex ea omnia vitia oriuntur. Sed ebrietas est radix omnium vitiorum: dicitur enim in Decretis dist. xxv. (cap. *Ante omnia*.) *Ante omnia clericis vitetur ebrietas, quia omnium vitiorum fomes ac vix est.* Ebrietas autem est quædam species gulæ. Ergo gula non debet poni inter vitia capitalia.

3. Præterea. Unum vitium capitale non numeratur inter filias alterius. Sed immunditia, quam Gregorius ponit XXXI. Moral. (ut sup.) filiam gulæ, pertinet ad luxuriam, secundum illud Ephes. v. 3. *Omnis fornicatio, & immunditia sit nec nominetur in vobis.* Ergo cum luxuria sit vitium capitale, videtur quod gula non sit vitium capitale.

4. Præterea. Appetere læta est proprie proprium superborum, ut Bernardus dicit (Lib. de gradib. humilitatis in cap. quod incipit, *Proprium est superborum*.) Sed superbia non est filia alicuius vitii capitalis. Cum ergo inepta lætitia ponatur a Gregorio filia gulæ, videtur quod gula non sit vitium capitale.

In contrarium est quod Gregorius XXXI. Moral. (ubi sup.) ponit gulam inter alia vitia capitalia.

Respondeo dicendum, quod, sicut in præcedentibus questionibus dictum est, vitium capitale dicitur ex quo alia oriuntur secundum rationem causæ finalis, in quantum scilicet obiectum alicuius vitii est multum a pluribus appetibile, & præcipue in quantum habet aliquam similitudinem cum felicitate, quam omnes naturaliter appetunt. Una autem de conditionibus felicitatis est delecta-

tio, sine qua felicitas esse non potest: & ideo peccatum gulæ, quod est circa unam maximarum delectationum in cibis & potibus consistentem, est vitium capitale. Oriuntur autem ex gula vitia quædam quæ eius filiz dicuntur, secundum ea quæ consequi possunt ad immoderatam delectationem in cibis & potibus. Quod quidem considerari potest vel ex parte corporis; & sic ponitur gulæ (a) filia *immunditia*, cuius pollutio de facili sequitur ex nimia cibi sumptione; vel potest considerari ex parte animæ, cuius est regere corpus, & eius regimen impeditur multipliciter propter immoderatam delectationem in cibis & potibus. Et primo quidem quantum ad rationem, cuius acies habetur ex nimia sumptione cibi, vel solitudine circa sumptionem ipsius: quia perturbatis inferioribus viribus corporalibus per inordinatam cibi sumptionem, ipsa ratio per consequens impeditur; & sic ponitur filia gulæ *hebetudo sensus* circa intelligentiam. Secundo sequitur inordinatio in affectu, qui consopio gubernaculo rationis inordinate afficitur, & sic est *inepta lætitia*. Tertio sequitur inordinatio locutionis; & sic est *multiloquium*: quia dum ratio verba non ponderat, consequens est ut homo ad verba superflua dilabatur. Quarto sequitur inordinatio operis; & sic est *securitas*, id est iocunditas quædam in exterioribus gestibus, proveniens ex defectu rationis, cuius erat exteriora membra componere. Sic ergo est gula vitium capitale, & eius filiz sunt quinque, ut Gregorius dicit XXXI. Moral. (ut sup.) scilicet *inepta lætitia*, *securitas*, *multiloquium*, *immunditia*, & *hebetudo sensus* circa intelligentiam.

Ad primum ergo dicendum, quod delectationes aliorum sensuum consequuntur coniunctionem rei delectabilis secundum solam similitudinem; sed delectationes tactus consequuntur coniunctionem rei delectabilis corporalem: & ideo circa delectationes tactus, sicut circa principales & maiores, ponuntur vitia capitalia, & non circa delectationes aliorum sensuum, nisi gustus, secundum quod est tactus quidam.

Ad secundum dicendum, quod ex ebrietate sequuntur omnia peccata, non secundum originem causæ finalis, sed secundum prohibentis remotionem, in quantum scilicet removet iudicium rationis, per quod homo a peccato cohibetur: unde non sequitur quod gula, vel ebrietas sit caput omnium vitiorum,

(a) *id est species,*

rum, sicut superbia; sed quorundam specialiter quæ directe ex gula oriuntur sicut proprii eius effectus.

Ad tertium dicendum, quod pollutio corporis potest provenire ex causa animali, puta ex concupiscentia delectationis apprehensæ; & hoc principaliter pertinet ad luxuriam: vel ex causa corporali, & intrinseca, scilicet ex superfluo humore interius abundante, ex quo stimulatur homo ad corporis pollutionem; & secundum hoc immunditia ponitur filia gulæ.

Ad quartum dicendum, quod superbia est appetere lata; sed gulæ est ut ex ea letitia ineptia sequatur propter rationem impositam, ut dictum est.

QUAESTIO XV.

De luxuria,

in quatuor articulos divisa.

Primo enim queritur, utrum omnis actus luxuriæ sit peccatum.

Secundo. Utrum omnis actus luxuriæ sit peccatum morale.

Tertio. Utrum species luxuriæ convenienter distinguantur.

Quarto. Utrum luxuria sit vitium capitale.

ARTICULUS I.

Utrum quilibet luxuriæ actus peccatum sit.

Questio est de luxuria: & primo queritur, utrum omnis actus luxuriæ sit peccatum. Et videtur quod non. Fornicatio enim est actus luxuriæ. Sed ipsa connumeratur quibusdam quæ non sunt peccata, sed secundum se licita: dicitur enim *Act. xv. 28. Visum est Spiritui sancto, & nobis, nihil ultra imponere oneris vobis quam hæc necessaria, ut abstineatis vos ab immolatis simulacrorum, & sanguine, & suffocato, & fornicatione.* Sed nullus cibi usus secundum se est peccatum, secundum illud *I. ad Tim. iv. 4. Nihil reiiciendum quod cum gratiarum actione percipitur.* Ergo neque fornicatio est peccatum; & ita non omnis actus luxuriæ est peccatum.

2. Præterea. Cognoscere mulierem est actus naturalis, & ita quantum est de se non est peccatum, sicut nec videre ipsam, cum u-

trumque sit actus cuiusdam naturalis potentie. Sed videre mulierem non suam non est peccatum. Ergo neque cognoscere non suam.

3. Præterea. Si fornicatio est peccatum, aut hoc est ratione potentie a qua egreditur actus, aut ratione materię, aut ratione finis. Sed fornicatio non est peccatum ratione potentie, quia potentia a qua egreditur actus, naturalis est: neque enim ratione materię, quia materia est semina ad hunc usum a Deo creata, secundum illud *Genes.*

11. 18. Faciamus ei adiutorium simile sibi: potest enim contingere quod nec ratione finis; puta, si aliquis fornicando intendat generare prolem ad cultum Dei nutriendam. Ergo videtur quod non omnis fornicatio sit peccatum.

4. Præterea. Secundum Philosophum in *XV. de animalibus (I. de generat. animalium cap. xix.)* semen est superfluum alimentum. Sed alia superflua licitum est qualitercumque emittere, & hoc fit absque peccato. Ergo videtur quod similiter hoc contingit in emissionem seminis. Non ergo omnis actus luxuriæ est peccatum.

5. Præterea. Illud quod est peccatum ex genere, non licet fieri quocumque bono fine, secundum illud *Rom. xii. 8. Non sicut quidam dicunt nos dicere: Faciamus mala, ut veniant bona.* Sed, sicut dicit Commentator *V. Ethic. epices*, id est vir virtuosus, committit adulterium cum uxore tyranni, ut tyrannum interficiens liberet patriam. Ergo & adulterium non est secundum se peccatum. Multo ergo minus alii fornicationis actus.

6. Præterea. Nullus actus iustus, inquantum iustus est, est peccatum. Sed fornicatio videtur esse actus iustitię: dicitur enim *Geos. xxxviii. 26.* quod Iudas dixit de Thamar cum qua fornicatus fuerat: *Justior me est, vel iustificata est ex me*, sicut Hebraica veritas habet, ut Hieronymus dicit (*Lib. Qq. Hebraicatum in Genesim.*) Ergo fornicatio non est peccatum.

7. Præterea. Augustinus dicit *VII. de civit. Dei (Lib. XIV. cap. xi. & Lib. XI. cap. xvii.)* quod omne vitium est contra naturam. Sed fornicatio (*a*) non est contra naturam: quia super illud *Rom. i. Nam femine eorum immutaverunt naturalem usum*, dicit Glossa (*August. in Lib. II. de nuptiis & concup. cap. xix. & xx.*) „Naturalis, usus est ut vir & mulier in uno concu-

Gg 2

„bitu

[a] *id. deff. non.*

„bitu coeant.“ Ergo non est peccatum.

8. Præterea. Nullum peccatum committitur secundum præceptum Dei. Sed fornicatio quandoque commissæ est secundum præceptum Dei: dicitur enim Osee 1. 2. *Dixit Dominus ad Oseam: Vade, sume tibi uxorem fornicationum, & fac filios fornicationum.* Ergo fornicatio secundum se non est peccatum.

9. Præterea. Cuilibet vitio quod in superabundantia consistit, opponitur virtus in diminutione consistens. Sed luxuria importat quamdam superfluitatem circa concupiscentias delectationum in venereis; opposita autem diminutio, quæ est (a) virginitas, vel perpetua continentia, non est peccatum, sed laudabile aliquid. Ergo neque luxuria semper est peccatum.

Sed contra est quod dicitur Hebr. xii.

4. *Sit honorabile concubium in omnibus, & iboribus immaculatus: fornicatores enim, & ad uxorem iudicabit Deus.* Sed illud pro quo homo subicitur divino iudicio, est peccatum. Ergo fornicatio, & adulterium, & omnes huiusmodi actus luxuriæ sunt peccata.

Præterea. Tobiz iv. 13. dicitur: *Attende tibi, fili mi, ab omni fornicatione, & præter uxorem tuam numquam patiaris crimen scire.* Sed actus luxuriæ dicuntur qui sunt præter legitimæ uxoris concubium. Ergo omnis luxuriæ actus est peccatum.

Respondeo dicendum, quod luxuria est quoddam vitium temperantiæ oppositum, prout moderatur concupiscentias delectabilium tactus circa venerea; sicut gula opponitur temperantiæ, inquantum est moderativa concupiscentiarum circa delectabilia tactus in cibis & potibus. Unde luxuria quidem principaliter importat inordinationem quamdam circa concupiscentias delectationum in venereis secundum superabundantiam. Huiusmodi autem inordinatio potest esse vel in solis interioribus passionibus, vel etiam ulterius in ipso exteriori actu, qui est inordinatus secundum seipsum, & non solum propter inordinatam concupiscentiam a qua procedit. Ad inordinatam enim concupiscentiam pertinet ut propter concupiscentiam delectabilis aliquis actum exerceat qui secundum se est inordinatus; sicut patet circa concupiscentias pecuniarum: potest enim esse inordinata concupiscentia acquirendi, vel retinendi pecunias suas sibi

debitas; & tunc talis acquisitio, vel retentio pecuniarum non est vitiosa secundum se, sed solum secundum quod ex immoderata concupiscentia provenit: quandoque vero ex inordinata concupiscentia pecuniarum provenit quod homo etiam velit accipere, vel retinere aliena; & tunc ipsa accipio vel retentio secundum se inordinata est, & non solum secundum quod ex inordinata concupiscentia procedit: & utrumque pertinet ad vitium iliberalitatis, ut patet per Philosophum in IV. Ethic. (cap. 1.) Similiter etiam dicendum est de luxuria: quia quandoque quidem importat solam inordinationem anterioris concupiscentiæ: sicut patet in eo qui ex immoderata concupiscentia accedit ad uxorem suam: tunc enim ipse actus non est inordinatus secundum se, sed solum secundum quod procedit ex inordinata concupiscentia; quandoque vero cum inordinatione concupiscentiæ est etiam inordinatio ipsius actus exterioris secundum seipsum; sicut contingit in omni usu genitalium membrorum præter matrimonialem actum. Et quod omnis talis actus sit inordinatus secundum seipsum, apparet ex hoc quod omnis actus humanus dicitur esse inordinatus qui non est proportionatus debito fini; & sicut comestio est inordinata, si non proportionetur corporis salubritati, ad quam ordinatur sicut ad finem. Finis autem usus genitalium membrorum est generatio, & educatio prolis; & ideo omnis usus prædictorum membrorum, qui non est proportionatus generationi prolis, & debet ei educationi, est secundum se inordinatus. Quicumque autem actus prædictorum membrorum est præter commixtionem maris & femine, manifestum est quod non est accommodatus generationi prolis. Omnis vero commixtio maris & femine præter legem matrimonii est improportionata debetæ prolis educationi: est enim lex matrimonii instituta ad excludendum vagos concubitus, qui contrariantur certitudini prolis. Si enim quilibet posset indifferenter ad quamlibet accedere, quæ non esset sibi determinata, tolleretur certitudo prolis, & per consequens sollicitudo patris circa educationem filiorum: & hoc est contra id quod convenit humanæ naturæ: quia naturaliter homines sunt solliciti de prolis certitudine, & de educatione suorum filiorum. Magis etiam hoc pertinet ad patres quam ad matres: quia educatio ad matres pertinet est circa infantilem ætatem;

(a) id. virginitatis.

tem; postea autem ad patrem pertinet educare filium, & instruere eum, & thesaurizare ei in totam vitam. Sicut autem videmus & in aliis animalibus, quod in quacumque specie animalis proles nata indiget communione educationis maris & feminae, ibi non est vagus coitus, sed maris ad aliquam simeliam determinate, ut patet in omnibus avi- bus simul nidificantibus. Unde manifestum est quod omnis commixtio maris & feminae praeter legem matrimonii excludentem va- gos concubitus, est de se inordinata. Non autem nunc agitur, utrum ista determina- tio fiat ad unam habendam, vel ad plures, vel divisibiliter: haec enim ad quaestionem de matrimonio pertinent. Sed qualitercum- que hoc sit, oportet quod omnis commixtio maris & feminae praeter matrimonii legem sit inordinata. Sic ergo omnis luxuriae actus est peccatum vel propter inordinationem ac- tus, vel etiam propter inordinationem so- lus concupiscentiae; quae inordinatio primo & per se ad luxuriam pertinet: dicit enim Augustinus XIII. de civit. Dei (Lib. XII. cap. xxviii.) quod luxuria non est vitium pulchrorum, suaviisque corporum, sed animae perverse amantis corporeas voluptates neglecta temperantia; quia rebus turpia turpioribus, suavia suavioribusque aptamus.

Ad primum ergo dicendum, quod Apo- stoli volentes in primitiva Ecclesia conver- sos ex Gentibus simul in unum convenire cum his qui ex Iudaeis erant conversi, im- pedimenta huius unionis excluderunt, ex utraque parte amputantes id quod aliis one- rorum esse posset: & ideo Gentilibus interdixit quod Iudaeis erant molesta, non sub hac consideratione an essent peccata vel non, sed solum quia scandalum faciebant. Gen- tiles enim existimabant omnem cibum se- cundum se licitum esse ad edendum, quod verum erat; sed Iudaei hoc abhorrebant pro- pter pristinam legis consuetudinem. Et ideo Apostoli Gentilibus interdixerunt pro tem- pore illo cibos maxime abominabiles Iudaeis. E contrario vero Gentiles falso existimabant fornicationem simplicem non esse peccatum, quam Iudaei vere sicut peccatum abomina- bantur instructi per legem. Et ideo hoc etiam Apostoli prohibuerunt tamquam pec- catum, & cum hoc dissidium generans.

Ad secundum dicendum, quod nihil pro- hibet aliquid esse meum ad videndum, quod tamen non est meum ad aliquem alium uti- lum; sicut aurum quod in platea ponitur, est meum ad videndum, non autem ad pos-

sidendum. Similiter etiam mulier potest esse alicuius ad videndum, vel etiam ad pos- sidendum, sicut ancilla; non tamen ad usum coacubitus est sua, nisi secundum determi- nationem legis matrimonii.

Ad tertium dicendum, quod actus luxu- riae est peccatum ratione potentiae, inquan- tum scilicet concupiscentis non continetur sub ordine rationis; & ratione materiae, quia actus conveniens generationi, & edu- cationi proles non solum requirit mulierem pro materia, sed etiam mulierem matrimo- nio determinatam, ut dictum est. Finis etiam ipsius actus secundum suam naturam est inordinatus, licet ex intentione agentis pos- sit esse finis bonus, qui non sufficit ad ex- culationem actus, ut patet in eo qui sura- tur intendens elemosynam dare.

Ad quartum dicendum, quod, sicut Phi- losophus dicit in eodem Lib. semen est su- perfluum quidem quantum ad actum nutri- tive, sed quo indiget ad generationem proles: & ideo omnis voluntaria emissio se- minis est illicita, nisi secundum convenien- tiam ad finem a natura intentum. Alia ve- ro superflua, ut sudor, urina, & huiusmodi, sunt superflua quibus non indiget: & ideo non retet qualitercumque emittan- tur.

Ad quintum dicendum, quod ille Com- mentator in hoc non est sustinendus: pro nulla enim utilitate debet aliquis adulte- rium committere, sicut nec mendacium di- cere debet aliquis propter utilitatem ali- quam, ut Augustinus dicit in Lib. contra mendacium.

Ad sextum dicendum, quod Thamar di- citur esse iustificata, non propter fornicatio- nem quam commisit, sed quia ex alio ge- nere sibi prolem non quaesivit quam ex eo unde sibi vir debebatur.

Ad septimum dicendum, quod actus lu- xuriae potest dici contra naturam dupliciter. Uno modo absolute, quia scilicet est contra naturam omnis animalis; & sic omnis actus luxuriae praeter commixtionem maris & feminae dicitur esse contra naturam, inquan- tum non est proportionatus generationi, quae in quolibet genere animalis fit ex commix- tione utriusque sexus: & hoc modo loquitur Glossa. Alio modo dicitur esse aliquid contra naturam, quia est contra naturam propriam hominis, cuius est ordinare gene- rationis actum ad debitam educationem; & sic omnis fornicatio est contra natu- ram.

Ad octavum dicendum, quod sicut pro- pter

pter præceptum Dei, in cuius potestate sunt omnia, id quod alias fuisset furtem, fuit non furtum filiis Israel Aegyptios spoliatis, ut dicitur Exod. xii. ita & propter auctoritatem ipsius Dei, qui est supra legem matrimonij, concubitus ille non fuit fornicarius, qui alias fornicarius fuisset: unde dicitur uxor fornicationum, & fornicationem filii, non quia tunc esset fornicatio, sed quia alias fornicatio fuisset.

Ad nonum dicendum, quod virginitas, seu perpetua continentia non oppoitur luxuriae sicut extremum, sed sicut medium, eo quod medium in virtutibus non accipitur secundum quantitatem, sed secundum rationem rectam, ut de maganimo Philosophus dicit in IV. Ethic. (cap. 1.) Extremum autem secundum diminutionem esset, si quis præter rationem rectam a carnali commixtione abstinere; ut patet in eo qui debitum uxori reddere contemnit, vel qui abstinere propter aliquam reverentiam dæmonum, sicut nigromantici, & virgines vestales.

ARTICULUS II.

Utrum omnis actus luxuriæ sit peccatum mortale.

Secundo queritur, utrum omnis actus luxuriæ sit peccatum mortale. Er videtur quod non. Quia super illud I. Timoth. iv. *Pietas ad omnia utilis est*, dicit Glossa Ambrosii, „ Omnis summa disciplinæ christiana in misericordia & pietate est: quam aliquis sequens, si lubricum rarois patitur, sine dubio vapulabit, non tamen peribit. “ Sed quicumque peccat mortaliter, non solum vapulat, sed perit. Ergo non quicumque patitur lubricum carnis per actum luxuriæ, mortaliter peccat.

2. Præterea. Omne peccatum mortale alicui præcepto divinæ legis contrariatur. Sed inter peccata luxuriæ solum adulterium præcepto legis contrariatur, illi scilicet præcepto, *Non machaberis*. Ergo solum adulterium inter actus luxuriæ est peccatum mortale.

3. Sed dicendum, quod in prohibitione machiæ, id est adulterij, intelligitur prohibitio omnis illiciti concubitus. Sed contra. In prohibitione maioris peccati non intelligitur prohibitio minoris peccati. Sed adulterium est maius peccatum quam simplex

fornicatio. Ergo in prohibitione adulterij non intelligitur prohibitio simplicis fornicationis.

4. Præterea. Omne peccatum mortale contrariatur caritati, per quam est animæ vita, secundum illud I. Ioan. iii. 14. *Translati sumus de morte ad vitam, quia diligimus fratres*. Sed simplex fornicatio non contrariatur oque dilectioni Dei, quia non est peccatum in Deum, neque etiam dilectioni proximi, quia proximo non facit iniuriam: mulier enim sui iuris existens quæ in actum simplicis fornicationis consentit, iniuriam non patitur: quia nullus patitur iniustum volens, ut Philosophus dicit in V. Ethic. (cap. ult.) Ergo fornicatio secundum suum genus non est peccatum mortale.

5. Præterea. Isidorus dicit in Lib. de summo bono (Lib. II. cap. xxxix. a med.) quod si delectatio fornicationis plus delectat hominem quam amor castitatis, adhuc peccatum regnat in homine. Ex quo videtur quod fornicatio simul possit esse in homine cum virtute castitatis. Sed nullum peccatum mortale potest esse simul in homine cum virtute. Ergo fornicatio non est peccatum mortale.

6. Præterea. Peccatum aliquod dupliciter minoratur: uno modo propter infirmitatem hominis; alio modo propter magnitudinem impugnationis. Sed homo patitur maiorem debilitatem circa peccatum luxuriæ quam circa peccatum gulæ: quia generativa, ad quam pertinet peccatum luxuriæ, non solum est corrupta sicut nutritiva, ad quam pertinet peccatum gulæ, sed etiam est infecta. Similiter etiam maior est impugnetio ex parte hostis circa luxuriam quam circa gulam: quia præcipue diabolus impugnat hominem de luxuria, ut patet per illud quod dicitur Iob xl. 11. (a) *Virtus est in lumbis eius, & potestas eius in umbilico ventris illius*: quod Gregorius refert ad peccatum luxuriæ (Lib. XXXII. Moral. cap. x. io novis exemp.) Ergo videtur quod peccatum luxuriæ sit minus quam peccatum gulæ, ut supra dictum est. Ergo non omnis actus luxuriæ est peccatum mortale.

7. Præterea. Corruptio naturæ humanæ consistit in rebellionem carnis ad spiritum. Sed hæc rebellio confecta est ex peccato gulæ: dicit enim Bernardus exponens id quod habetur Genes. 111. *Vidit mulier lignum* &c. quod ab inordinata concupiscentia ligni

(a) Vulgata: *Fortitudo eius in lumbis eius, & virtus illius in umbilico ventris eius.*

gni vetiti subsecuta est rebellio carnis ad spiritum. Ergo vis nutritiva, ad quam pertinet talis concupiscentia, est magis corrupta quam vis generativa; & sic cum non omnis actus gula sit peccatum mortale, videtur quod multo minus omnis actus luxuriae.

8. Præterea. Pœna respondet culpæ. Sed maior pœna consecuta est vim nutritivam ex peccato primi parentis quam aliquam aliam vim animæ: ad nutritivam enim pertinet esuries, & sitis, & alia huiusmodi, quæ interdum ducunt hominem usque ad mortem. Ergo est maior culpa circa nutritivam quam circa generativam; & sic idem quod prius.

9. Præterea. Peccatum mortale esse non potest nisi in ratione, ut (a) patet per Augustinum XII. de Trin. (cap. xii.) Sed quandoque actus luxuriæ exercetur sine deliberatione rationis, sicut patet de Loth, qui ignoranter ad filias suas accessit, ut habetur Genes. xxi. Ergo videtur quod actus luxuriæ non semper sit peccatum mortale.

10. Præterea. Quando ratio absorbetur, non imputatur aliquid homini ad peccatum mortale. Sed in actu luxuriæ tota ratio absorbetur: quia I. Corinth. vi. super illud, *Qui fornicatur, in corpus suum peccat*, dicit Glossa (interlin.) „Hic proprie servit anima corpori tantum, ut nihil aliud in ipso momento, & experimento tam magis flagitii cogitare homini liceat, aut intendere: quia mentem captivam subdit ipsa submersio, & absorptio libidinis.“ Ergo videtur quod actus luxuriæ non sit peccatum mortale.

11. Præterea. Deuter. xxi. super illud, *Non eris meretrix &c.* dicit Glossa (ordin. ex August.) „Ad eas prohibet accedere, quarum est (b) venialis turpitudine.“ Ergo accedere ad meretricem est peccatum veniale.

12. Præterea. Commixtio maris & femine ordinata est ad auctum generationis, & educationis prolis. Sed quandoque ex fornicario concubitu potest sequi convenienter generatio, & educatio prolis. Ergo non omnis fornicarius concubitus est peccatum mortale.

13. Præterea. Magis impedit bonum generationis, & educationis prolis qui numquam operi generationis intendit quam qui ad mulierem accedit fornicario concubitu.

Si ergo fornicarius concubitus esset peccatum mortale propter impedimentum educationis prolis, multo magis servare continentiam esset peccatum mortale; cum per hoc totaliter generatio prolis impediatur.

14. Præterea. Manifestum est quod ex concubitu mulieris quæ est sterilis, vel vetula, generatio prolis sequi non potest. Sed tamen hoc quandoque fieri potest sine peccato mortali in statu matrimonii. Ergo etiam alii actus luxuriæ ex quibus non sequitur generatio, & debita educatio prolis, possunt esse absque peccato mortali.

15. Præterea. Matth. v. (in Glossa) dicitur, quod si anima fuerit titillata concupiscentia, etsi sit peccatum, non tamen est crimen. Sed talis titillatio est actus luxuriæ. Ergo actus luxuriæ non est crimen, sive peccatum mortale.

16. Præterea. Delectatio fornicationis propter ut est in cogitatione sola, non est peccatum mortale. Sed consensus in veniale peccatum, non est mortale peccatum. Ergo neque etiam consensus rationis in talem delectationem est peccatum mortale: & tamen est actus luxuriæ: ergo non omnis actus luxuriæ est peccatum mortale.

17. Præterea. Illud quod non est peccatum mortale uni, non est peccatum mortale alteri. Sed consensus in delectationem non est peccatum mortale viro habenti uxorem, quia nec etiam ipse actus est ei peccatum mortale. Ergo neque aliis consensus in delectationem luxuriæ est peccatum mortale.

18. Præterea. Actus etiam luxuriæ sunt tactus, amplexus, & oscula. Sed huiusmodi non videntur esse peccata mortalia: cum enim ad Ephes. v. 3. Apostolus dixisset: *Fornicatio, & immunditia, & avaritia, aut turpitudine* (quæ scilicet consistit in amplexibus, & osculis, ut Glossa (interlin.) dicit) aut stultiloquium, aut scurrilitas nec nominetur in vobis: postea subiicit: *Omnis fornicator, aut immundus, aut avarus non habet hereditatem in regno Christi & Dei, prætermissa turpitudine, & stultiloquio, & scurrilitate.* Ergo videtur quod huiusmodi non sint peccata mortalia excludentia a regno Dei.

Sed contra est quod Apostolus dicit ad Galat. v. 19. *Manifesta sunt opera carnis, quæ sunt fornicatio, immunditia, impudicitia, luxuria: & postea subdit: Qui talia agunt, regnum Dei non possidebunt.* Sed nihil excludit

(a) *Id.* desit patet. (b) *Vide solutionem huius argumenti.*

cludit a regno Dei nisi peccatum mortale. Ergo omnis actus luxuriæ est peccatum mortale.

Præterea. Matth. v. 28. dicitur: *Qui videt mulierem ad concupiscendum eam, iam machatus est eam in corde suo: & ita peccat mortaliter.* Sed inter omnes actus luxuriæ primum, & minimum est, ipsam videre mulierem. Ergo multo magis omnes alii actus sunt peccata mortalia.

Respondendo dicendum, quod, sicut supra (art. præc.) dictum est, actus luxuriæ potest esse inordinatus dupliciter: uno modo propter solam inordinationem concupiscentiæ; alio modo etiam propter inordinationem ipsius actus. Quando ergo est peccatum luxuriæ propter solam inordinationem concupiscentiæ, sicut cum aliquis libidine accedit ad suam uxorem, tunc est distinguendum. Quia quandoque est talis inordinatio quæ excludit ordinem finis ultimi, puta cum aliquis intantum concupiscit delectationem venerem, quod ab ea non abstinere propter præceptum Dei, & quod illam mulierem cognoscere vellet, vel etiam aliam præter matrimonii legem; & sic est peccatum mortale, quia concupiscentia non refrenatur intra limites matrimonii. Aliquando vero inordinatio concupiscentiæ non tollit ordinem ultimi finis, quando scilicet aliquis est superabundans in concupiscentia delectationis venerem, tamen (a) potius ab ea abstinere quam contra Dei præceptum ageret: nec istam mulierem, aut aliam cognosceret, si sua uxor non esset: quod tunc concupiscentia sistit infra limites matrimonii, & est peccatum veniale, sicut & supra de gula distinguimus. Si vero sit actus luxuriæ peccatum propter ipsam inordinationem actus, quia scilicet actus non est proportionatus generationi, & educationi proles; tunc dico quod semper est peccatum mortale. Videmus enim quod peccatum mortale est non solum homicidium, per quod vita hominis tollitur, sed etiam furtum, per quod subtrahuntur exteriora bona, quæ ad vitam hominis sustentandam ordinantur: unde dicitur Eccli. xxxiv. 25. *Panis egentium vita pauperis: qui defraudat illum, homo sanguinis est.* Propter quod autem ordinatur ad vitam hominis semen humanum, in quo est homo in potentia, quam quæcumque res exteriores: unde & Philosophus in sua Politica (Lib. II. de generat. animalium cap. 111.) dicit, in semine hominis esse quid-

dam divinum, in quantum scilicet est homo in potentia. Et ideo inordinatio circa emissionem seminis est circa vitam hominis in potentia propinqua. Unde manifestum est quod omnis talis actus luxuriæ est peccatum mortale ex suo genere. Et quia appetitus interior accipit bonitatem vel malitiam ex eo quod appetitur, inde est quod etiam appetitus huiusmodi actus inordinati est peccatum mortale, si sit completus, scilicet cum ratione deliberata: alioquin est peccatum veniale.

Ad primum ergo dicendum, quod Ambrosius ibi loquitur de lubrico carnis secundum quod est veniale peccatum, ut patet in actu matrimoniali, sicut dictum est. Vel potest dici, & melius, quod loquitur etiam de lubrico peccati mortalis. Non est autem simpliciter intelligendum, quod si aliquis in tali lubrico carnis perseveret usque ad mortem, damnationem evadat propter opera pietatis; sed quia opera pietatis frequentata disponunt hominem ad facilius poenitentium, & postquam poenituerit, ad peccata præterita facilius expianda: propter quod etiam Dominus Matth. xxv. per opera misericordie damnandis solum defectum misericordie imputat, quia scilicet non studuerunt per opera misericordie peccata præterita expiare, ut dicit Augustinus XII. de civit. Dei (cap. xvii.)

Ad secundum dicendum, quod per illud præceptum, *Non machaberis*, intelligitur prohiberi omnis illicitus usus genitalium membrorum, qui de genere suo est peccatum mortale.

Ad tertium dicendum, quod præcepta decalogi sunt immediate a Deo populo tradita: unde secundum hanc formam traduntur prout sunt manifesta naturali rationi cuiuslibet hominis etiam popularis. Quilibet autem statim ratione naturali advertere potest adulterium esse peccatum: & ideo inter præcepta decalogi prohibetur adulterium. Fornicatio vero, & alie corruptelæ prohibentur per sequentia legis præcepta, quæ a Deo tradita sunt populo per Moysen: quia scilicet horum inordinatio, cum non manifeste contineat iniuriam proximi, non est omnibus manifesta, sed solum sapientibus, per quos debet ad aliorum notitiam derivari.

Ad quartum dicendum, quod omnes corruptiones luxuriæ, quæ sunt præter legitimum matrimonii usum, sunt peccata in pro-

(a) Al. prius.

proximum, inquantum ^{est} contra bonum proles generandæ, & educandæ, sicut dicitur (art. præced.)

Ad quintum dicendum, quod amor castitatis potest deletare non solum eum qui castitatem habet, sed etiam eum qui virtute castitatis caret, inquantum per rationem naturalem homo iudicat bonum virtutis, & diligit ipsum, & deletatur in eo, etiam si virtutem non habet.

Ad sextum dicendum, quod illa ratio procedit de quantitate peccati quæ attenditur secundum circumstantias, cui præponderat quantitas peccati quæ attenditur secundum speciem actus. Unde patet quod quantumcumque aliquis inducatur ad faciendum homicidium, gravius est peccatum quam si dicat verbum otiosum etiam sine impulsu. Similiter etiam est homo magis impugnetur ad actum luxurie quam ad actum gulæ, & in eo fit debilior; quia tamen actus luxurie est secundum se mortale peccatum, quia habet materiam indebitam caritati repugnantem, quod actus gulæ non habet, ideo non sequitur quod peccatum luxurie sit minus quam peccatum gulæ. Sequeretur autem forte in casu illo quando actus luxurie est veniale peccatum: quia si quis utitur superfluo cibo suo, venialiter peccat, sicut qui superflue utitur sua uxore, nisi aliud sit quod faciat utrobique peccatum mortale. Si quis autem cibo fustivo utatur, vel prohibito per legem, peccat mortaliter; minus tamen quam fornicator, quanto cibis, vel quælibet res exterior a remotiori se habet ad vitam hominis quam semen humanum, sicut dictum est.

Ad septimum dicendum, quod in peccato primi parentis gula fuit materiale, sed formale & principale fuit peccatum superbæ, quo homo noluit sub regula divini præcepti contineri: & ex hoc subsequuta est rebellio carnis ad spiritum, ut Augustinus dicit XIV. de civit. Dei (cap. xv.) non autem ex vitio gulæ.

Ad octavum dicendum, quod rebellio carnis ad spiritum, quæ maxime sentitur in genitalibus membris, maior pœna est quam esuries, & sitis: quia ista est pure corporalis, illa est spiritualis.

Ad nonum dicendum, quod cum ad rationem pertineat consentire ad actum, sicut Augustinus dicit XII. de Trinit. (cap. xii.) non potest esse actus fornicationis absque rationis deliberatione, nisi forte in

eo qui usum rationis non habet: & tunc si hoc impedimentum proveniat ex causa illicita, non omnino excusatur a peccato, sicut patet de Loth, qui ex ebrietate commisit incestum; nisi forte ebrietas illa contingeret absque peccato illius, sicut & in Noe accidit propter inexperience fortitudinis vini. Si autem causa huiusmodi defectus sit absque culpa, sic actus sequens luxuriæ, vel cuiuscumque peccati non imputatur ad peccatum, sicut patet in furiosis, & amebibus.

Ad decimum dicendum, quod in ipso actu luxuriæ ratio deliberare non potest; sed potuit ante deliberare cum consensit in actum: & ideo imputatur ei ad peccatum.

Ad undecimum dicendum, quod littera illa corrupta est: non enim debet dici, quorum venialiter turpido, sed quorum turpido est (a) venialis.

Ad duodecimum dicendum, quod actus generationis ordinatur ad bonum speciei, quod est bonum commune. Bonum autem commune est ordinabile lege; sed bonum privatum subiacet ordinationi unuscuiusque: & ideo quamvis in actu nutritivæ virtutis, quæ ordinatur ad conservationem individui, unusquisque possit sibi determinare cibum convenientem sibi; tamen determinare qualis debeat esse generationis actus non pertinet ad unumquemque, sed ad legislatorem, cuius est ordinare de propagatione filiorum, ut etiam Philosophus dicit in II. Polit. (Lib. VII. cap. xvi.) Lex autem non considerat quid in aliquo casu accidere possit, sed quid convenienter esse consuevit: & ideo licet in aliquo casu possit salvari intentio naturæ in actu fornicationis quantum ad generationem proles, & educationis; nihilominus actus est secundum se inordinatus, & peccatum mortale.

Ad decimumtertium dicendum, quod in statu in quo erat vacandum multiplicationi humani generis, non erat absque vitio quod aliquis ab actu generationis abstineret, tam secundum legem humanam, quam secundum legem divinam; sed tempore gratiæ debet iussere magis ad spirituale propagationem, ad quam magis apti sunt calibrem vitam agentes: & ideo in hoc statu virtuosius reputatur ab actu generationis abstinerere.

Ad decimumquartum dicendum, quod lex communis datur non secundum particularia accidentia, sed secundum communem con-

Id h. gide-

(a) a. venialis.

siderationem : & ideo dicitur actus ille esse contra naturam in genere luxuriae, ex quo non potest sequi generatio secundum communem speciem actus ; non autem ille ex quo non potest sequi propter aliquod particulare accedens, sicut est senectus, vel infirmitas.

Ad decimumquintum dicendum, quod ratio illa procedit de actu luxuriae in quo est vitium propter solam inordinationem concupiscentiae, quae tamen non excludit ordinem ultimi finis.

Ad decimumsextum dicendum, quod consensus in id quod est veniale in genere suo, non est peccatum mortale. Delectatio autem fornicationis cogitatur est peccatum mortale ex genere suo, sicut & ipsa fornicatio ; sed quod sit veniale, hoc est per accedens, propter imperfectionem actus, deficiente deliberatione rationis ; qua adveniente per consensus deliberatum, reddit ad naturam sui generis, ut sit peccatum mortale.

Ad decimumseptimum dicendum, quod, sicut Philosophus dicit in X. Ethic. (cap. xv. & v.) delectationes in bonitate, & malitia consequuntur operationes delectabiles : & ideo sicut carnalis commixtio non est peccatum mortale coniugatum, est autem peccatum mortale non coniugatum ; similis etiam differentia est de delectatione, & de consensu in delectationem : non enim potest esse gravius peccatum consensus in delectationem quam consensus in actum, ut patet per Augustinum XII. de Trinit. (cap. xii.)

Ad decimumoctavum dicendum, quod tactus, amplexus, & oscula, in quantum ordinantur ad actum fornicationis, consequuntur consensus ; in quantum autem ordinantur ad solam delectationem, consequuntur consensus in delectatione, qui est peccatum mortale. Et ideo utroque modo sunt peccata mortalia : quia cum huiusmodi non sunt secundum speciem suam peccata mortalia, sicut fornicatio, & adulterium ; sed solum secundum quod ordinantur ad aliud, id est ad consensus praedictos ; ideo Apostolus non reiteravit de turpitudine, & scurrilitate, & stultiloquio, sed solum de illis quae sunt secundum se peccata mortalia.

ARTICULUS III.

Quos, & quae sint luxuriae species.

Tertio quaeritur de speciebus luxuriae, quae sunt fornicatio, adulterium, incestus, stuprum, raptus, & vitium contra naturam. Et videtur quod inconvenienter distinguantur. Diversitas enim materiae non diversificat speciem. Sed praedicta non distinguuntur nisi secundum materiam, prout scilicet aliquis polluit vel coniugatam, vel virginem, vel alterius conditionis mulierem. Ergo praedicta non sunt diversae species luxuriae.

2. Praeterea. Luxuria per se consistit circa delectationes venereas, quae sunt in commixtione maris & feminae. Sed quod semina sit coniugata, vel soluta, vel virgo, hoc accidit ei. Ergo praedicta non differunt nisi per accedens ; & sic non sunt diversae species, cum differentia per accedens non diversificet speciem.

3. Praeterea. Luxuria per se opponitur temperantiae. Sed aliqua praedictorum opponuntur iustitiae, praecipue adulterium, & raptus. Ergo videtur quod inconvenienter ponantur species luxuriae.

Sed contra est quod Magister in IV. Sentent. (dist. xli.) has species assignat.

Respondens dicendum, quod, sicut supra dictum est, peccatum luxuriae dupliciter habet inordinationem. Uno quidem modo ex parte concupiscentiae ; & talis inordinatio non semper facit peccatum mortale. Alio modo ex parte ipsius actus, qui de se est inordinatus ; & sic semper est peccatum mortale ; & ideo ex hac parte, ex qua est maior gravitas peccati, sumuntur species praedictae luxuriae. Est autem actus luxuriae inordinatus aut ex hoc quod non potest sequi ex actu generatio prolis ; & sic est *vitium contra naturam* : aut ex eo quod non potest sequi debita educatio, quia scilicet mulier non est determinata viro, ut sit sua secundum legem matrimonii : & hoc quidem contingit tripliciter. Primo quia simpliciter non est determinata ut sit sua ; & sic est *fornicatio*, quae est concubitus soluti cum soluta ; & dicitur a fornice, id est ab arcu triumphali, quia ad huiusmodi spectacula conveniebant mulieres quae se prostituunt. Secundo quia non est determinabilis : & hoc vel propter propinquitatem, ex qua reverentia quaedam debetur contraria tali actui ; & sic est *incestus*, qui est con-

concupiscit cum consanguinea, vel affini: aut propter aliquam sanctitatem, vel puritatem; & sic est *stuprum*, quæ est illicita defforatio virginum. Tertio quia mulier est alterius, vel secundum legem matrimonii, & sic est *adulterium*; vel secundum aliquem alium modum, & sic est *raptus*, puta cum puella rapitur de domo patris, cuius curæ subiaceret.

Ad primum ergo dicendum, quod prædicta sex non differunt solum materialiter, sed etiam habent diversas rationes deformitatis: & ideo sunt diversæ species peccati.

Ad secundum dicendum, quod licet prædicta accendant mulieri inquantum est mulier; per se tamen considerantur in muliere secundum quod ad matrimonium ordinatur.

Ad tertium dicendum, quod quia deformitas iniustitiae ordinatur ad finem intemperantiae, ideo totum ad genus intemperantiae pertinet.

ARTICULUS IV.

Utrum luxuria sit vitium capitale.

Quarto queritur, utrum luxuria sit vitium capitale. Et videtur quod non. Immunditia enim ponitur filia gula secundum Gregorium XXXI. Moralium (cap. xxxi. in antiquis exemplaribus. in novis vero cap. xviii.) Sed unum vitium capitale non ponitur filia alterius. Cum ergo immunditia ad luxuriam pertineat, ut patet ad Ephes. v. videtur quod luxuria non sit vitium capitale.

2. Præterea. Isidorus dicit in Lib. de summo bono (Lib. II. cap. xaxviii.) *Qui detinetur superbia, labitur in carnis luxuriam.* Ergo luxuria est filia superbia: non ergo est vitium capitale.

3. Præterea. Desperatio est filia accidia, ut patet per Gregorium XXXI. Moral. (ut sup.) Sed desperatio causat luxuriam, secundum illud Ephes. iv. 19. *Qui desperantes seipsos, tradiderunt se impudiciæ.* Ergo luxuria non est vitium capitale.

Sed contra est quod Gregorius XXXI. Moral. (ubi sup.) ponit luxuriam inter vitia capitalia.

Respondeo dicendum, quod, sicut supra (quæst. præced. art. 4.) dictum est, quia delectatio est una de conditionibus felicitatis, inde est quod vitia quæ habent delectationem pro obiecto, sunt capitalia, ut

pote habentes finem maxime appetibilem, ad quem alia nata sunt ordinari. Delectatio autem venerorum, quæ est finis luxuriæ, est maxima inter delectationes corporales: & ideo luxuria debet poni vitium capitale, & fuit octo filiæ eius, videlicet *cacitas mentis, inconsideratio, inconstancia, precipitatio, amor sui, odium Dei, afflictus, scilicet præsentis sæculi, & desperatio futuræ*, ut patet per Gregorium XXXI. Moralium (ubi sup.) Manifestum est enim quod quando intentio animæ vehementer applicatur ad actum inferioris potentie, superiores potentie debilitantur, & deordinantur in suo actu: & ideo quando in adu luxuriæ propter vehementiam delectationis tota intentio animæ attrahitur ad inferiores vires, id est ad concupiscibilem, & ad sensum tactus, necesse est quod superiores, scilicet ratio, & voluntas, defectum pariantur. Sunt autem quatuor actus rationis, secundum quod dirigit humanos actus: quorum primus est intellectus quidam, quo aliquis recte existimat de fine, qui est sicut principium in operativis, ut Philosophus dicit in II. Physic. (com. lxxxix.) & in quantum hoc impeditur, ponitur filia luxuriæ *cacitas mentis*, secundum illud Daniel. xiii. 56. *Species decipit te, & concupiscentia subvertit cor tuum.* Secundus actus est consilium de agendis, quod per concupiscentiam tollitur: dicit enim Terentius in Eunucho: *Que res in se neque consilium, neque nudum habet ullum, eam consilio regere non potes:* & loquitur in amore libidinoso: & quantum ad hoc ponitur *inconsideratio*. Tertius actus est iudicium de agendis: & hoc etiam impeditur per luxuriam: dicitur enim Daniel. xiii. 9. *quod avertierunt sensum suum, ut non recordarentur indiciorum istorum:* & quantum ad hoc ponitur *precipitatio*, dum scilicet homo inclinatur ad consensum precipitanter non expectato iudicio rationis. Quartus actus est præceptum de agendo, quod etiam impeditur per luxuriam, in quantum homo non persistit in eo quod diiudicavit, sicut etiam Terentius dicit Eunucho: *Hæc verba*, quæ scilicet dicit, *te recessurum ab amica, una falsa lacrymula restringet:* & quantum ad hoc ponitur *inconstancia*. Ex parte vero inordinationis affectus duo sunt consideranda: quorum unum est appetitus delectationis, in quem fertur voluntas ut in finem; & quantum ad hoc ponitur *amor sui*, dum scilicet inordinate sibi appetit delectationem; & per oppositum *odium Dei*, in quantum scilicet prohi-

H h a bes

bet delectationem concupitam : aliud vero est appetitus eorum per quod consequitur quis hunc finem ; & quantum ad hoc ponitur *effectus presentis seculi*, idest omnium eorum per quod ad finem intentum pervenit, quod ad seculum istud pertinet ; & per oppositum ponitur *desperatio futuri seculi*, quia dum nimis affectat carnales delectationes, magis despiciat spirituales.

Ad primum ergo dicendum, quod immunditia ponitur filia gula secundum quod causatur pollutio corporis ex causa corporali, idest ex abundantia humorum ; non autem ex causa animali, scilicet ex concupiscentia, quod precipue pertinet ad luxuriam.

Ad secundum dicendum, quod non est contra rationem vitii capitalis, quod ex superbia oriatur, ex qua omnia oriuntur.

Ad tertium dicendum, quod desperatio est causa luxurie per accidens, sicut removens speciem futuræ beatitudinis, propterquam a luxuria aliquis desinit. Origo autem capitalium vitiorum non attenditur secundum causas per accidens, sed secundum causas per se.

QUAESTIO XVI.

De demonibus,

in duodecim articulos divisa.

Primo enim quaeritur, utrum demones habeant corpora naturaliter sibi unita.

Secundo. Utrum demones sint naturaliter, vel voluntate.

Tertio. Utrum diabolus appetierit aequalitatem divinam.

Quarto. Utrum diabolus peccare potuerit in primo instanti suæ creationis.

Quinto. Utrum liberum arbitrium in demonibus possit redire ad bonum.

Sexto. Utrum intellectus demonis sit obtebratus, ut in eum cadat error.

Septimo. Utrum demones cognoscant futura.

Octavo. Utrum demones cognoscant cogitationes cordium.

Nono. Utrum demones possint transmutare corpora.

Decimo. Utrum demones possint movere corpora localiter.

Undecimo. Utrum possint immutare vim cognoscitivam sensus.

Duodecimo. Utrum possint immutare hominis intellectum.

ARTICULUS I.

Utrum demones habeant corpora sibi naturaliter unita.

Questio est de demonibus : & primo quaeritur, utrum demones habeant corpora naturaliter sibi unita. Et videtur quod sic. Dicit enim Augustinus XI. super Genes. ad litter. (cap. xiii. a roed.) *Inspiritu rationalis creatura bonum est hoc ipsum quod vivit, & vivificat corpus ; sive aerium, sicut ipsius diaboli, vel demonum spiritus ; sive terrenum, sicut hominis anima.* Sed corpus quod vivificatur, est naturaliter unitum spiritui vivificanti : quia vita est quoddam naturale. Ergo demones habent corpora naturaliter sibi unita.

2. Præterea. Experientia fit ex multis memoriis, quæ fit ex sensu præteriti, ut dicitur in principio Metaph. & sic ubique est experientia, est sensus. Sensus autem non est sine corpore naturaliter unito, eo quod sensus est actus organi corporalis. In demonibus autem est experientia : dicit enim Augustinus in II. super Genes. ad litteram (Lib. I. cap. vii. non remote a fine, & Lib. XII. cap. xviii.) quod quedam vera cognoscunt, partim quia ingenii subtilioribus vigent, partim experientia callidior, partim quia a sanctis Angelis discunt. Ergo demones habent corpora sibi naturaliter unita.

3. Præterea. Dionysius dicit iv. cap. de divin. Nomin quod malum in demonibus est furor irrationabilis, demens concupiscentia, & phantasia proterva. Sed hæc tria pertinent ad partem animæ sensitivam, in qua est phantasia, irascibilis, & concupisibilis ; pars autem sensitiva non est sine corpore. Ergo demones habent corpora naturaliter sibi unita.

4. Præterea. Quanto aliquid quod est inferioris ordinis, est superius, tanto maiorem conjunctionem habet cum superiori ordine. Unde in Lib. de causis (prop. xix.) dicitur, quod ex intelligentiis est quæ est intelligentia tantum, scilicet inferior ; & ex eis est quæ est intelligentia divina, scilicet superior ; & ex animabus est quæ est anima tantum, sicut brutorum ; & ex eis est anima intellectualis, sicut hominum ; & ex corporibus quod est corpus tantum, & ex
eis

eis quod est corpus animatum: unde Dionysius dicit vii. cap. de divin. Nomin. quod divina sapientia fines primorum coniungit principis secundorum. Sed aer est nobilissimum corpus quam terra. Cum ergo sint quaedam corpora terrestria animata, multo magis erunt corpora quaedam aerea animata; & huiusmodi daemones dicimus.

5. Præterea. Illud per quod aliquid alicui convenit, magis est illius rei susceptivum; sicut si corpus opacum illuminatur mediante diaphano, diaphanum est magis illuminabile. Sed corpus terrestre hominis, vel alterius animalis vivificatur per spiritus vitales, qui sunt corpora aerea. Ergo corpus aereum est magis animabile quam corpus terrestre; & sic idem quod prius.

6. Præterea. Medium sapit naturam extremorum. Sed corpus supremum, scilicet caeleste, participat vitam, cum sit animatum, secundum Philosophum: similiter etiam in corpore inferiori, scilicet terra, aqua, & in inferiori aeris parte, sunt quaedam corpora animata habentia vitam. Ergo etiam in aere medio sunt quaedam corpora animata viventia. Huiusmodi autem non sunt nisi daemones, quia usque illic aves ascendere non possunt. Ergo daemones sunt animalia habentia corpora naturaliter sibi unita.

7. Præterea. Id quod inest alicui creaturae in comparatione ad Deum, naturaliter inest ei: quia relatio creaturae ad Deum in creatura fundatur. Sed Gregorius dicit in II. Moralium (cap. xxi.) quod Angelorum spiritus comparatione quidem nostrorum corporum spiritus sunt; sed comparatione summi incircumscripti spiritus, corpus: & Damascenus dicit in II. Lib. (ortho. Fidei cap. 111.) quod Angelus incorporeus & immaterialis dicitur quantum ad nos: omne enim comparatur ad Deum, & grossum, & materiale invenitur: solus enim essentialiter immaterialis & incorporeus Deus est. Ergo daemones naturaliter habent corpora sibi unita, cum sint eiusdem naturae cum Angelis.

8. Præterea. Illud quod ponitur in definitione alicuius, est naturale ei: quia definitio significat naturam rei. Sed corpus ponitur in definitione daemonis: dicit enim Calcidius in commento super Tymæum: *Daemon est animal rationale, immortale, passibile animo, æthereum corpore*: & Apuleius dicit in Lib. de Deo Socratis, quod daemones sunt *generis animalia, animo passiva, mente rationalia, corpore aerea, tempore aeterna*: ut Augustinus introducit in VIII. de civit. Dei

(cap. xvi.) Ergo daemones habent corpora naturaliter sibi unita.

9. Præterea. Omne illud quod ratione sui corporis suscipit actionem poenalem ignis materialis, habet corpus sibi naturaliter unitum. Sed daemones sunt huiusmodi: dicit enim Augustinus XXI. de civit. Dei (cap. x.) quod *ignis erit supplicio hominum attributus, & daemonum: quia sunt prava quaedam etiam in demonibus corpora*. Ergo daemones habent corpora naturaliter sibi unita.

10. Præterea. Illud quod inest alicui a principio suae creationis, & semper, naturaliter inest ei. Sed corpus inest daemoni a principio suae creationis, & semper: dicit enim Augustinus IX. de civit. Dei (cap. x) *Hoc ipsum quod mortales sunt homines corpore, ad misericordiam Dei patris pertinere arbitratu est Plotinus, ne semper huius vitae miseria tenerentur: hac misericordia indigna iudicata est iniquitas daemonum, qui in animo passivi, miseria non mortale sicut homines, sed æternum corpus acceperunt*. Ergo daemones habent corpora naturaliter sibi unita.

11. Præterea. Augustinus dicit XI. de civit. Dei (cap. xxiii.) *Ut intelligeremus animarum merita non qualitatibus corporum esse pensanda, aereum corpus possidet pessimus daemon; homo autem, & nunc (scilicet malus longe minor, mitiorisque malitia) & ante peccatum luteum corpus accepit*. Sed hocio habet corpus luteum naturaliter sibi unitum. Ergo & daemon corpus aereum.

12. Præterea. Quanto aliqua substantia est perfectior, tanto magis habet id quod de necessitate exigitur ad eius operationem. Sed anima humana, quae est inferioris naturae quam daemon, habet organa corporalia naturaliter sibi unita, quae exiuntur ad eius operationes. Ergo cum daemones indigeant corporibus ad aliquas operationes (alioquin corpora non assumerent) videtur quod habeant corpora naturaliter sibi unita.

13. Præterea. Plura bona sunt paucioribus meliora. Sed corpus, & spiritus sunt plura bona quam spiritus tantum. Cum ergo homo, qui est inferioris naturae, sit compositus ex corpore & spiritu, multo magis daemon, qui est superioris naturae.

14. Præterea. Nulla alia potentia invenitur a corporeis organis separata, nisi intellectus, & voluntas. Sed daemones quaedam operantur in inferiora corpora, sicut patet Job 1. & 11. quae non operantur sola voluntate: quia hoc est proprium Dei, ut corporalis materia ei ad nutum obediat, sicut dicit Augustinus in III. de Trin. (cap. viii.) & per

& per consequens etiam neque solo intellectu, qui non operatur in exteriora, nisi per voluntatem : & sic daemones habent alias potentias operativas, præter intellectum, & voluntatem. Ergo habent corpora naturaliter sibi unita.

15. Præterea. Nihil potest agere in aliquid distans, nisi virtus eius per medium deferatur in illud. Virtus autem spiritus puri non potest deferri per medium corporale, quia corpus non est capax spiritualis virtutis. Cum ergo daemon agat in aliquid distans, videtur quod non sit spiritus purus ; sed sit aliquid compositum ex corpore & spiritu.

16. Præterea. Virtus imaginativa non est absque organo corporali. Sed in Angelis, & demonibus est virtus imaginativa : dicit enim Augustinus XII. super Genes. ad litter. (cap. xxix.) quod in suo spiritu corporali ærum similitudines futurorum cognitione præformant. Ergo Angeli, & daemones habent corpora naturaliter sibi unita.

17. Præterea. Augustinus dicit in eodem Lib. (cap. xxxii.) quod assumente atque sapiente aliquo spiritu, tollitur anima ad videndas similitudines corporum. Non autem posset anima similitudines corporum videre in substantia omnino spirituali. Ergo spiritus Angeli, vel demonis sapiens animam, habet aliqua corpora organa, in quibus huiusmodi species conservantur.

18. Præterea. Materia est causa multitudinis secundum numerum. Sed Angeli, & etiam daemones sunt plures numero : ponitur enim in eis discretio personalis. Ergo in eis est materia, ex qua causatur pluralitas secundum numerum. Sed hæc est materia sub dimensionibus contenta, quibus separatis : substantia est indivisibilis, ut dicitur in I. Physic. (com. xv.) & sic non poterit per materiae divisionem causari pluralitas numeralis. Ergo in Angelis, & demonibus sunt dimensiones corporales ; & ita habent corpora naturaliter sibi unita.

19. Præterea. Ubicumque invenitur proprietas corporis, invenitur & corpus. Sed egredi, & moveri est proprie corporum ; quod tamen demonibus convenit : dicitur enim Job i. quod egressus est satan a facie Domini. Ergo daemones habent corpora naturaliter sibi unita.

1. Sed contra. Nihil compositum ex anima & corpore dicitur spiritus : unde dicitur

Isaie xxxi. 3. *Ægyptus homo, & non Deus, & equi eorum caro, & non spiritus.* Sed daemones dicuntur spiritus, ut patet Matth. xii. 43. *Cum immundus spiritus exierit ab homine &c.* Ergo daemones non habent corpora naturaliter sibi unita.

2. Præterea. Daemones, & Angeli sunt eiusdem naturæ. Dicit enim Dionysius iv. cap. de divin. Nomin. quod daemones non semper, nec naturaliter sunt mali ; sed (a) per defectum angelicorum bonorum. Angeli autem sunt incorporei, sicut ipse in eodem capit. dicit. Ergo etiam daemones non habent corpora sibi naturaliter unita.

3. Præterea. Damascenus dicit in II. Lib. (cap. i.) quod Angeli non circumterminantur, vel continentur ; cum a parietibus, & ianuis, & claustris, & signaculis indeterminabiles sint. Si autem haberent corpora naturaliter sibi unita, posset concludi ianuis, & claustris, eo quod plura corpora non possunt esse simul in eodem loco ; vel si hoc per divisionem eorum fieret, sequeretur daemonum mors. Non ergo daemones habent corpora naturaliter sibi unita.

4. Præterea. Marc. v. 9. dicitur, quod Domino interroganti a demonibus, *Quod tibi nomen est?* respondit, *Legio, multi enim sumus.* Continet autem legio, sicut Hieronymus dicit super Matth. (cap. xxvi. super illud *legiones duodecim*) sex millia sexcentos sexaginta sex. Non autem esset possibile tot daemones in uno hominis corpore esse, si essent corporei. Non ergo daemones habent corpora sibi naturaliter unita.

Respondeo dicendum, quod si daemones habeant corpora sibi naturaliter unita, si daemones non habeant, hoc non multum refert ad fidem christianæ doctrinæ. Dicit enim Augustinus XXI. de civit. Dei (cap. x. parum a princ.) *Sunt quædam etiam sua demonibus corpora, sicut dedit hominibus visum est, ex isto aere crasso, atque humido, cuius impulsus flante vento sentiunt.* Si tamen quicquam nulla habere daemones corpora assereret, non est laborandum de hac re, aut operosa inquisitione, aut contentiosa disputatione certandum. Ut tamen huius questionis veritas innotescat, considerandum est, quid de corporeo, & incorporeo, & quid de demonibus aliqui sensisse inveniuntur.

Aliqui enim, qui primitus de rebus scrutari cœperunt, nihil nisi corporea esse existimaverunt, sicut de primis naturalibus dicit Aristoteles. Ex quorum opinione deriva-

rivatus est error Manichæorum, qui etiam Deum lucem quamdam corpoream esse posuerunt. Quod contingit ex hoc quod imaginatioem per intellectum transcendere non valebant. Probatur autem aliquid esse incorporeum manifeste ipse operatione intellectus, quæ non potest esse operatio corporis alicuius, ut probatur in III. de Anima (com. x.) Hac ergo opinione exclusæ, posuerunt aliquid, esse quidem aliquid incorporeum, sed nullum huiusmodi esse quod non sit corpori unitum; adeo quod etiam Deum ponebant esse aioniam mundi, ut de Vatrone Augustinus narrat in VII. de civit. Dei (cap. vi. io prioc.) Sed hanc opinionem Anaxagoras quidem exclusit per universalem virtutem movendi omnia, ponens, intellectum qui omnia movet, oportere omnibus esse immixtum. Aristoteles autem (VIII. Physic. com. xxxvii. & III. de aionia com. iv.) per motus perpetuitatem, quæ non potest procedere nisi ab infinita virtute primi motoris. Infinita autem virtus non potest esse in aliqua magnitudine: unde in VIII. Physic. (com. lxxxix. & seq.) concludit quod primus motor caret omni magnitudine corporali. Plato autem per viam abstractionis, ponens bonum, & unum (quæ sine ratione corporis intelligi possunt) subsistere in primo principio sine corpore: & ideo supposito quod primum principium, quod est Deus, neque sit corpus, neque corpori onitus, posuerunt aliqui, hoc solum Dei proprium esse, ceteras vero spirituales substantias corporibus unitas esse. Unde Origenes dicit in I. Periarcon (cap. vi. io fin.) quod solum Dei proprium est ut sine rationali substantia, & absque ulla corporeæ abiectionis societate intelligatur existere. Sed hæc etiam positio evidenti ratione excluditur. Semper enim ubi invenitur aliquid alicui coniunctum, non secundum propriam rationem, sed secundum aliquid aliud, sine illo invenitur; sicut ignis invenitur sine permixtione aliorum elementorum, quæ non pertinent ad propriam eius rationem. Non autem invenitur accidens sine substantia, quia hoc pertinet ad propriam rationem accidentis. Manifestum est autem quod intellectus non unitur corpori inquantum est intellectus, sed secundum alias vires: unde manifestum est quod inveniuntur aliqui intellectus a corpore separati. Deus autem supra intellectum est.

His ergo visis de corporeo, & incorpo-

reo, circa dæmones considerandum est, quod Peripatetici Aristotelis sectatores non posuerunt dæmones esse; sed ea quæ attribuantur dæmonibus, dicebant provenire ex virtute celestium corporum, & aliarum naturalium rerum: unde Augustinus dicit in X. de civit. Dei (cap. xi. a med.) Porphyrio visum fuisse, quod herbis, & lapidibus, & animalibus, & sonis certis quibusdam, ac vocibus, &figurationibus, atque figmentis, quibusdam etiam observatis in cæli coconversione motibus fidenter, fabricari in terra ab hominibus potestates siderum idoneas variis effectibus exequendis. Sed hoc apparet manifeste falsum, per hoc quod inveniuntur aliquæ operationes dæmonum quæ nullo modo possunt ex aliqua naturali causa procedere, puta quod aliquis arreptus a dæmone loquitur linguam ignotam: & multa alia inveniuntur opera dæmonum tam in arreptitiis quam in nigromanticis artibus quæ nullo modo possunt, nisi ex aliquo intellectu, procedere. Et ideo coacti sunt alii etiam Philosophi ponere dæmones esse. Quorum Plotinus, ut Augustinus narrat in IX. de civit. Dei (cap. x. xi. xxi.) dicit, animas hominum dæmones esse, & ex hominibus fieri heroes, si meriti boni sint; lemures autem, seu larvas, si mali; manes autem, si incertum est bonorum eas, seu malorum esse meritum. Sed, sicut Chrysostomus dicit super Matth. (homil. xxi.) dæmones de monumentis exibant perniciosum degma imponere volentes, scilicet quod animæ mortuorum dæmones fiant: unde & multi aruspicum occiderunt pueros, ut animam eorum cooperantem haberent. Non autem habet rationem, posse unam virtutem incorpoream in aliam transmutari substantiam, scilicet animam in substantiam dæmonis: neque etiam rationabile est animam a corpore separatam hic errare. Iustorum enim animæ iu manu Dei sunt; quæ autem sunt peccatorum, confestim hinc abducuntur. Unde hac opinione remota, alii posuerunt, ut Angellinus narrat VIII. de civit. Dei (cap. iv. in princ.) quod omnium aionialium in quibus est anima rationalis, tripartita divisio est, in deos, homines, & dæmones. Deos autem dicebant habere celestia corpora, dæmones aerea, homines terrena: & sic Plato (in Tim.) sub substantiis intellectualibus omnino a corpore separatis hos tres ordines substantiarum corporibus unitarum ponebat. Sed quantum ad dæmones videtur hæc

hæc positio impossibilis esse. Primo quidem quia cum aer sit corpus simile in toto & in partibus, necesse est, si aliquæ partes aeris animatæ ponuntur, quod totus aer sit animatus; quod patet esse falsum: quia nulla operatio vitæ nec per motum, nec per aliquid aliud deprehenditur in toto aere. Secundo quia omne corpus animatum inferius, est organicum, propter diversas operationes animæ. Corpus autem organicum esse non potest, nisi sit in se terminabile, & figurabile; quod aeri non convenit: unde nullum corpus æereum potest esse animatum, præsertim quia si in se non sit terminabile, non posset a circumscripto aere distingui. Tertio, cum forma non sit propter materiam, sed potius e converso; non ideo anima unitur corpori, quia est tale corpus, sed potius corpus unitur animæ, quia est necessarium alicui animali operationi, scilicet propter sensum, vel propter aliquem motum. Non est autem motus necessarius alicuius partis aeris ad generationem rerum, sicut motus cælestium corporum, quæ quidam ponunt animata: unde propter hoc solum spiritualis substantia uniretur aereo corpori, ut ipsum moveret.

Relinquitur ergo quod hoc sit principaliter propter sensum, sicut & in nobis accidit: unde & Platonici posuerunt, dæmones esse animalia animo passiva, quod pertinet ad partem sensitivam (ut refert Augustinus VIII. de civit. Dei cap. vi.) Sensus autem non potest esse sine tactu, qui est fundamentum omnium sensuum: unde eo corrupto corrumpitur animal. Organum autem tactus non potest esse corpus æereum, nec aliquod corpus simplex, ut probatur in Lib. de Anima (Lib. III. com. lxxv.) Unde relinquitur quod nullum corpus æereum possit esse animatum: & ideo dicimus, dæmones non habere corpora naturaliter sibi unita.

Ad primum ergo dicendum, quod Augustinus ibi, & in multis aliis locis loquitur de corporibus dæmonum, secundum quod visum est quibusdam doctis hominibus, id est Platonicis, ut patet ex auctoritate eius supra indulta.

Ad secundum dicendum, quod experientia proprie ad sensum pertinet. Quamvis enim intellectus non solum cognoscat formas separatas, ut Platonici posuerunt (ex Plat. in Tim.) sed etiam corpora, non tamen intellectus cognoscit ea prout sunt hic & nunc, quod est proprie experiri; sed secundum rationem communem. Transfertur enim

experientiæ nomen etiam ad intellectualem cognitionem, sicut etiam ipsa nomina sensuum, ut visus, & auditus. Nihil tamen prohibet dicere, quod Augustinus in demonibus experientiam ponit, secundum quod ponuntur habere corpora, & per consequens sensum.

Ad tertium dicendum, quod satis probabile est quod Dionysius, qui in plurimis suis sectator sententiæ Platonice, opinatus sit cum eis, dæmones esse animalia quædam habentia appetitum, & apprehensionem sensitivam. Potest tamen dici, quod furor, & concupiscentia in dæmonibus ponitur metaphorice propter similitudinem operationis, non secundum quod important quasdam passionis partis sensitivæ pertinentes ad vim irascibilem, & concupiscibilem: quia sicut etiam in sanctis Angelis ponuntur, ut patet per Augustinum IX. de civit. Dei (cap. v.) & per Dionysium II. cap. cælest. Hierar. & similiter phantasia, quæ a visione nomen accepit, ut dicitur in Lib. de Anima (II. text. clvi. & text. clxi.) metaphorice attribuitur dæmonibus, sicut & visus intellectui.

Ad quartum dicendum, quod etsi aer sit nobilior corpus quam terra, tamen & aer, & omnia alia elementa materialiter se habent ad corpora mixta: unde forma corporis mixti est nobilior quam forma elementi. Et propter hoc, quia anima est nobilissima formarum, non potest esse forma aerei corporis, sed solum corporis mixti, in quo terra, & aqua magis secundum quantitatem abundant, ut fiat mixtionis æqualitas.

Ad quintum dicendum, quod anima comparatur ad corpus dupliciter. Uno modo ut forma; & sic spiritus (quod est corpus æereum) non est medium inter animam & corpus mixtum terrestre; sed immediate anima unitur corpori mixto ut forma. Alio modo comparatur anima ad corpus animatum ut motor; & in hac comparatione cadit medium corpus æereum, id est spiritus, inter animam & corpus animatum. Et quia habitudo formæ præcedit habitudinem motoris, consequens est quod per prius sit animabile corpus mixtum terrestre quam corpus æereum.

Ad sextum dicendum, quod si supponatur corpora cælestia esse animata, ut quidam ponunt; non tamen propter hoc oportet quod in media regione sint corpora animata. Corpora enim infima per mixtionem ad

me-

medium deducta, maiorem habent similitudinem cum corporibus caelestibus secundum remotiorem a contrarietate, quam corpora simplicia, puta ignis, & aer, in quibus sunt superexcellentiæ contrariorum.

Ad septimum dicendum, quod possibile est, Damascenum quantum ad hoc secutum esse Origenem, ut crederet & Angelos, & daemones naturaliter sibi unita habere corpora; ratione quorum in comparatione ad nos spiritus dicantur, in comparatione autem ad Deum corporei. Potest tamen dici, quod corporeum accipitur & ab eo, & a Gregorio pro composito, ut ex eorum verbis nihil aliud intelligatur quam quod Angeli, & daemones in comparatione ad nos sunt simplices, in comparatione autem ad Deum sunt compositi.

Ad octavum dicendum, quod definitio illa datur secundum (a) positiones Platoniorum.

Ad nonum dicendum, quod Augustinus etiam ibi loquitur secundum Platonicos: unde dixit ibidem: *Sicut doctis hominibus visum est.*

Ad decimum dicendum, quod Augustinus ibi loquitur contra Platonicos, qui ponebant quod cultus divinitatis est exhibendus propter corporum aeternitatem: contra quos Augustinus eorum positione utitur, ostendens quod si corpora incorruptibilia habent, ex hoc ipso sunt magis miseri, cum sint passivi.

Ad undecimum dicendum, quod Augustinus ibi loquitur contra Origenem, qui ponebat quod pro diversitate meritorum diversi spiritus nobiliora, vel minus nobilia corpora acceperunt: & secundum hoc oportet quod daemones, quorum malitia est maior, haberent grossiora corpora quam homines.

Ad duodecimum dicendum, quod anima habet naturaliter sibi unita corporea organa, quæ exiguntur ad naturales eius operationes. Apparere autem hominibus non est naturalis operatio daemones, neque aliqua alia ad quam requiritur corporeum organum: unde non oportet quod daemones habeant corpora naturaliter sibi unita.

Ad decimumtertium dicendum, quod plura bona sunt paucioribus meliora, dum tamen sint singula unius ordinis. Illud tamen quod in uno habet perfectionem suæ bonitatis, sicut Deus, multo melius est quam illud quod habet suam bonitatem disparti-

tam secundum diversas partes: & secundum hoc Angelus, qui est totaliter spiritus, secundum suam naturam, est melior homine composito ex corpore & spiritu.

Ad decimumquartum dicendum, quod in Angelo, aut demone, si incorporei ponantur, non est alia potentia, neque operatio, nisi intellectus, & voluntas: unde Dionysius dicit iv. cap. de divin. Nomin. quod intellectuales sunt omnes eorum substantiæ, virtutes, & operationes. Oportet enim quod virtus, & operatio cuiuslibet rei consequatur naturam ipsius. Angelus autem non est intellectus secundum suam partem, sicut anima; sed secundum suam totam naturam intellectualis est: unde nulla virtus, seu potentia in Angelo potest esse, nisi pertinens ad apprehensionem, vel appetitum intellectualem. Non autem est inconveniens quod Angeli aliqua corpora solo imperio voluntatis moveant motu dumtaxat locali: videmus enim quod anima humana solo intellectu, & voluntate movet corpus sibi unitum. Quanto autem aliqua substantia intellectualis est alior, tanto habet virtutem motivam magis universalem: unde substantia intellectualis separata a corpore, potest movere imperio voluntatis aliquod corpus non sibi unitum; & tanto magis, quanto substantia intellectualis fuerit altior, in tantum quod ministerio quorundam Angelorum etiam corpora caelestia dicuntur moveri. Est autem solius Dei proprium quod materia corporalis obediat ei ad nutum, quantum ad formarum susceptionem.

Ad decimumquintum dicendum, quod Angelus non agit immediate in aliquod corpus a se distans: quia, ut Damascenus dicit (Lib. I. cap. xvi. & Lib. II. cap. xii.) Angelus ubi est, ibi operatur: seu tamen utendo quibusdam corporibus, quæ solo imperio voluntatis localiter movet, quorum virtus in medio diffunditur, operatur circa aliqua distans; sicut ex virtute corporalium rerum utitur ad aliquos corporales effectus, sicut Augustinus dicit in III. de Trinit. (cap. viii.)

Ad decimumsextum dicendum, quod Augustinus illud non dicit asserendo, sed dubitando: quod patet ex ipso modo loquendi: dicit enim XII. super Genes. ad litter. (cap. xxi.) *Quoniam modo hæc visa in spiritum hominis veniant, utrum ibi primitus in-formentur, an formata ingerantur, & in quodam conjunctione cernantur, ut hominibus An-*

li geli

(a) d. oppositiones.

geli ostendant suas cognitiones verum corporaliū propter similitudines, quando in suo spiritu cognitionem futurorum præformant; & scire difficultissimum est, & si iam sciamus, differre, atque explicare operosissimum. Est autem prima pars verior, scilicet quod Angeli in imaginatione hominis formant similitudines rerum quas demonstrant. Non autem videtur rationabile quod ipsi eas in spiritu suo forment, & formatas in eis spiritus hominis vident.

Unde etiam pater responsio ad decimumseptimum.

Ad decimumoctavum dicendum, quod materia dimensionibus subiecta, est principium distinctionis numeralis in his quibus inveniuntur multa individua unius speciei: huiusmodi enim non differunt secundum formam. Sed in Angelis simul est distinctio specierum, & individuorum: quia in eis non inveniuntur plura individua unius speciei, ut alibi ostensum est.

Ad decimumnonum dicendum, quod Angeli non sunt in loco corporaliter: unde oec ea quæ ad motum localem pertinent, uno voce dicuntur de Angelis, & de corporibus.

Ad primum ergo eorum quæ in contrarium obiciuntur, posset responderi, si quis sufflueret quod dæmones habent corpora ærea, quod dæmones non subduntur suis corporibus sicut nos, sed magis habent corpus suum sibi subiectum, ut Augustinus dicit super Genes. ad litteram. Unde magis possunt dæmones dici spiritus quam nos, quamvis habeant corpora naturaliter sibi unita; præsertim quia etiam ipse aer spiritus nominatur.

Ad secundum potest dici, quod Dionysius omnino voluit superiores Angelos esse incorporeos, sicut & Platonici posuerunt; potest autem esse quod non existimavit dæmones esse ex illis superioribus Angelis, sed ex inferioribus qui habent corpora naturaliter sibi unita. Unde Augustinus dicit in III. super Genes. ad litter. (cap. x.) quod nonnulli nostrum celestes eos putant, vel supercelestes Angelos fuisse, ut Damascenus dicit (Lib. II. cap. iv.) quod principes eorum præerat terrestri ordini.

Ad tertium dicendum, quod sicut aer, cum sit corpus, non potest simul cum alio corpore esse in eodem loco; nec tamen continetur elausis, aut ianuis, quia per tenuissimas vias exire potest; ita etiam de corporibus dæmonum dici potest, præsertim quia non est necessarium ponere quod ha-

beant magnum corpus naturaliter sibi unitum.

Unde etiam patet responsio ad quartum.

ARTICULUS II.

Utrum dæmones sint natura mali, an voluntate.

Secundo quaeritur, utrum dæmones sint natura mali, an voluntate. Et videtur quod non voluntate, sed natura. In dæmone enim, cum sit substantia intellectualis a corpore separata, non est nisi appetitus intellectualis, qui dicitur voluntas. Sed appetitus intellectualis non est nisi simpliciter boni, ut dicitur in XI. Metaph. Nullus autem appetendo id quod est simpliciter bonum, efficitur malus. Ergo dæmon non potuit per voluntatem propriam fieri malus: est ergo naturaliter malus.

2. Præterea. Nihil innaturalium immutabiliter inest: unaqueque enim res sibi relicta redit ad suam naturam. Sed malitia dæmonibus immutabiliter inest. Ergo inest eis a natura.

3. Sed dicendum, quod huiusmodi immutabilitatis causa est voluntas dæmonis. Sed contra. Effectus immutabilis non potest esse a causa mutabili. Sed voluntas dæmonis est mutabilis; alias non potuisset de bono fieri malus propria voluntate. Non ergo immutabiliter malitia dæmonis potest esse ab eius voluntate: ergo est a natura.

4. Præterea. Nulla potentia potest tendere nisi in suum obiectum, sicut visus non potest videre nisi visibile. Sed obiectum voluntatis est bonum apprehensum. Ergo non potest voluntas tendere in aliquid, nisi apprehendatur sub ratione boni. Aut ergo est vere bonum, & sic voluntas non efficitur mala illud appetendo; aut non erit vere bonum, & sic apprehensio erit falsa. Ergo cuiuscumque apprehensio non potest esse falsa, nec voluntas eius potest esse mala. Sed apprehensio dæmonis est solum per intellectum, in quo non cadit falsitas: dicit enim Augustinus in Lib. lxxxiii. Qq. (quaest. xxxii.) *Qui non intelligit verum, nihil intelligit*: & Philosophus in Lib. de Anima (Lib. III. cap. ii.) quod intellectus semper est rectus: unde & circa prima principia, quorum est intellectus, non contingit errare. Ergo neque voluntas dæmonis potest fieri mala.

5. Præterea. Falsitas non accidit in intellectu nostro nisi secundum quod componit, & di-

& dividit; & hoc est in quantum in ratiocinando obnubilatur ratio per phantasiam. Sed intellectus substantiae separatae a corpore non intelligit componendo, & dividendo, neque ratiocinando, & neque phantasmate, quod non est sine corpore. Ergo daemon, qui est substantia separata a corpore, non potest errare secundum intellectum; & sic etiam videtur quod voluntas eius non possit fieri mala.

6. Praeterea. Intelligentiae substantia, & operatio est supra tempus, & in momento aeternitatis. Sed quod huiusmodi est, immutabile est. Ergo cum daemon sit substantia intellectualis, eius operatio non potest morari de bono in malum, secundum operationem voluntatis.

7. Praeterea. Dionysius dicit iv. cap. de divin. Nomin. quod malum est corruptio boni. Corruptio autem non invenitur in his quae carent contrarietate, sicut in corporibus caelestibus; sed solum in his quae habent contrarietatem, scilicet in elementis, & elementatis. Contrarietas autem invenitur quidem in ratione, eo quod (a) habet viam ad opposita; non autem in intellectu, qui sistit in uno: unde comparatur ad rationem sicut centrum ad circulum, & sicut instans ad tempus, ut Boetius dicit in IV. de consolat. (prosa vi.) Ergo malum voluntarii peccati non potest inveniri in daemonibus, qui non sunt substantiae rationales, sicut homines; sed intellectuales, sicut Angeli.

8. Praeterea. Substantiae spirituales sunt nobiliores quam corpora caelestia. Sed in motu corporum caelestium non potest accidere error. Ergo multo minus in motu voluntarii substantiae spirituales.

9. Praeterea. Ideo homo potest sua voluntate fieri malus, quia potest appetere aliquid quod est sibi bonum secundum naturam sensibilem, & est sibi malum secundum naturam intellectualem. Sed hoc non habet locum in daemone: quia non est compositus ex spiritu & corpore, sicut homo. Ergo daemon non potuit propria voluntate fieri malus.

10. Praeterea. Dicitur in Lib. de causis (prop. xiii.) quod substantia intellectualis quando scit essentiam suam, scit reliquas res, & quando scit reliquas res, scit essentiam suam. Ergo quaecumque una res cognita, cognoscit omnia. Non ergo potest contingere quod in aliquo subiecto appetibili

consideret unam circumstantiam secundum quam est bonum, & non consideret aliam secundum quam est malum. Ex hoc autem videtur procedere malitia voluntatis, quod consideratur aliquid prout est bonum secundum quid, & non consideratur secundum quod est malum simpliciter. Ergo videtur quod in substantia intellectuali, cuiusmodi est daemon, non possit esse malitia voluntatis.

11. Praeterea. Malitia voluntatis est quae est corruptiva virtutis per superabundantiam, vel defectum. Sed circa verum, quod est bonum appetibile intellectualis substantiae, non potest esse aliqua superabundantia: quia quantumcumque aliquid est magis verum, tanto melius est. Uode in daemoneibus non est malitia voluntatis.

12. Praeterea. Si daemon est factus malus voluntate, aut voluntate deficiente, aut non. Sed non potest dici quod sit factus malus voluntate non deficiente: quia talis voluntas est bona arbor, quae non potest facere fructum malum, ut dicitur Matth. vii. Si autem voluntate deficiente, ipse defectus boni est quoddam malum, ut dicit Dionysius iv. cap. de divin. Nomin. & tunc iterum quaeretur de illo malo, utrum causetur ex aliqua voluntate deficiente, & sic semper. Cum ergo non sit procedere in infinitum, videtur quod prima causa malitiae daemonis non sit voluntas, sed magis natura.

13. Praeterea. Voluntas hominis movetur ad malum ex tribus, scilicet ex carne, mundo, diabolo. Sed ex his non movetur voluntas daemonis. Ergo non est factus malus voluntate.

14. Praeterea. Potentior est gratia cum natura quam natura sola. Sed gratia cum natura, si non proficit, deficit: quia caritas aut proficit, aut deficit, ut Bernardus dicit (Lib. de gratia & lib. arb. a. med.) Ergo natura etiam sola, si non proficit, deficit. Sed natura daemonis non potuit per se proficere. Ergo ex necessitate deficiens factus est malus. Non ergo est malus voluntate, sed natura.

15. Praeterea. Illud quod inest alicui in primo instanti suae creationis, inest ei naturaliter. Sed daemon potuit esse malus in primo instanti suae creationis; quod videtur ex hoc quod lux corporalis, & quaedam aliae creaturae possunt habere in primo instanti suae creationis, quo esse incipiunt, actum suum: anima etiam pueri in primo instan-

ii 2 ti

(a) ut non habet.

ti quo creatur, inficitur. Ergo dæmon est naturaliter malus.

16. Præterea. Duplex est operatio Dei, scilicet creatio, & gubernatio. Sed non repugnat bonitati gubernantis, quod aliquid malum eius gubernationi subiicitur. Ergo non repugnat bonitati creatantis quod aliquid malum ab ipso creetur; & ita potuit creare dæmonem malum, & sic esset naturaliter malus: quia quod inest alicui ex sua creatione, naturaliter inest ei.

17. Præterea. Qui potest totum, potest & partem. Sed Deus potest Angelo iusto auferre simul naturam, & iustitiam, redigendo ipsum in nihilum. Ergo etiam a principio potuit Angelos privare iustitia. Ergo potuit ipsum facere malum; & sic esset naturaliter malus: quia hoc est unicuique naturale quod est ei a Deo.

18. Præterea. Quibusdam hominibus ex corpore inest naturalis inclinatio ad malum, sicut quidam sunt naturaliter iracundi, vel luxuriosi. Sed dæmones secundum quosdam habent corpora naturaliter sibi unita. Ergo secundum hoc possent esse naturaliter mali.

Sed contra est quod Dionysius dicit (cap. xv. de divin. Nomin.) quod neque dæmones natura sunt mali.

Præterea. Quod inest alicui naturaliter, inest ei semper. Sed dæmon aliquando fuit bonus, secundum illud Ezech. xxviii. 13. *Plenus sapientia in deliciis paradisi fuisti.* Ergo non est naturaliter malus.

Præterea. Super illud Psalm. lxxviii. *Quæ non rapui, tunc exalcebam,* dicit Glossa (ordin. ex August.) quod diabolus voluit rapere divinitatem. Anselmus etiam dicit in Lib. de casu diaboli, quod deseruit iustitiam, volendo quod non debuit. Ergo voluntate est malus, non natura.

Respondeo dicendum, quod aliquid dicitur malum dupliciter. Uno modo quia est in se malum, sicut furtum, vel homicidium; & hoc est simpliciter malum. Alio modo dicitur aliquid malum alicui; & hoc nihil prohibet esse simpliciter bonum, sed secundum quid malum: sicut iustitia, quæ est secundum se & simpliciter bona, in malum latroni vertitur, qui per eam puniatur. Cum autem dicimus aliquid naturaliter esse malum, dupliciter intelligi potest. Uno modo ut malum sit natura ipsius, vel aliquid naturæ eius, sive proprium accidens consequens naturam. Alio modo potest dici aliquid naturaliter malum, quia est ei naturalis inclinatio ad malum; sicut quidam homines sunt naturaliter iracundi, vel concupiscentes.

Primo ergo modo nihil prohibet aliquid esse naturaliter malum in his quibus naturaliter contrarietas inest; sicut ignis quidem in se bonus est, sed naturaliter est malus aquæ, quia eam corrumpit, & e converso: & eadem ratione lupus est naturaliter malus ovi. Sed quod aliquid hoc modo sit in se naturaliter malum, est impossibile: implicare enim contradictionem. Malum enim dicitur unumquodque ex eo quod aliqua perfectione sibi debita privatur. Intantum autem unumquodque perfectum est, inquantum attingit ad id quod competit suæ naturæ. Hoc modo Dionysius multipliciter probat xv. cap. de divin. Nomin. quod dæmones non sunt naturaliter mali. Si autem secundo modo dicitur aliquid malum, quia inest ei naturalis inclinatio ad malum, nec sic etiam dæmonibus competit esse naturaliter malos. Si enim dæmones sunt quadam substantiæ a corporibus separate, intellectuales, naturalis inclinatio ad malum eis inesse non potest duplici ratione. Primo quidem quia appetitus est inclinatio cuiuslibet appetentis: substantiis autem intellectualibus, inquantum huiusmodi, inest appetitus respectu boni simpliciter: unde omnis naturalis inclinatio in eis est ad bonum simpliciter. Cum autem natura inclinet ad sibi simile, quia unumquodque secundum suam naturam bonum est, ut ostensum est; consequens est quod naturalis inclinatio non sit nisi aliquid bonum; inquantum tamen contingit illud bonum esse particulare, & repugnans bono simpliciter, vel etiam bono particulari alterius rei, intantum inclinatio naturalis est ad malum simpliciter, vel ad malum alicuius alterius: sicut concupiscentia inclinatio, quæ est in delectabile secundum sensum, quod est quoddam particulare bonum, si sit immoderata, opponitur bono rationis, quod est bonum simpliciter. Unde manifestum est quod dæmonibus, si sunt substantiæ intellectuales, inclinatio naturalis ad malum simpliciter inesse non potest: quia inclinatio cuiuslibet naturæ est in sibi simile, & per consequens in id quod est sibi conveniens & bonum. Non autem est aliquid malum simpliciter, nisi quia est in se malum, ut dictum est. Unde relinquitur quod cuiusque inest naturalis inclinatio ad malum simpliciter, hoc sit compositum ex duabus naturis, quarum inferior habet inclinationem ad bonum aliquod particulare conveniens naturæ, & repugnans naturæ superiori, secundum quam attenditur bonum simpliciter.

simpliciter ; sicut in homine est inclinatio naturalis ad id quod est conveniens carnali sensui contra bonum rationis . Hoc autem non habet locum in dæmonibus , si sunt substantiæ intellectuales , & simplices , a corporibus separatae . Si autem habent corpora naturaliter sibi unita , nec sic potest inesse eis naturalis inclinatio ad malum secundum totum dæmonum genus . Primo quidem quia cum materia sit propter formam , non est possibile quod tota materia alicuius speciei habeat naturalem repugnantiam ad bonum formale ipsius ; sed forte in aliquibus paucis hoc accidit propter aliquam corruptionem . Unde non est possibile quod dæmonibus universaliter ex natura suorum corporum in sit inclinatio ad malum . Secundo quia , sicut Augustinus dicit super Genes. ad litteram , dæmones non subduntur suis corporibus sicut nos ; sed ea subdita habent , & transformant in quamcumque figuram voluerint : unde ex corporibus suis non possent inesse aliqua inclinatio , quæ multum impediret eos a bono . Sic ergo patet quod dæmones nullo modo naturaliter sunt mali . Relinquitur ergo quod sint voluntate mali ; quod quidem qualiter sit , considerandum restat .

Sciendum est ergo , quod appetitus nihil est aliud quam inclinatio quedam in appetibile : & sicut appetitus naturalis consequitur formam naturalem , ita & appetitus sensitivus , vel rationalis , sive intellectivus sequitur formam apprehensam : non enim est nisi boni apprehensio per sensum , vel intellectum . Non ergo potest malum in appetitu accidere ex hoc quod disordet ab apprehensione , quam sequitur ; sed ex eo quod discordat ab aliqua superiori regula : & ideo considerandum est , utrum illa apprehensio quam sequitur inclinatio huius appetitus , sit dirigibilis aliqua superiori regula . Si non habeat superiorem regulam , qua dirigatur , tunc impossibile est quod sit malum in tali appetitu : & hoc quidem contingit in duobus . Apprehensio enim bruti animalis non habet superiorem regulam qua dirigatur ; & ideo in eius appetitu non potest esse malum . Bonum enim est quod moveatur huiusmodi animal ad concupiscentiam , vel iura secundum formam sensibilem apprehensam : unde Dionysius dicit iv. cap. de div. Nom. quod bonum canis est esse furibundum . Similiter etiam intellectus divinus non habet superiorem regulam qua dirigatur : ideo in appetitu eius , seu voluntate non potest esse malum . In homine

autem est duplex apprehensio a superiori regula dirigenda : nam cognitio sensitiva debet dirigi per rationem , & cognitio rationis per sapientiam , seu legem divinam . Duplicitur ergo potest esse malum in appetitu hominis . Uno modo quia apprehensio sensitiva non regulatur secundum rationem : & secundum hoc Dionysius dicit iv. cap. de div. Nom. quod malum hominis est præter rationem esse . Alio modo quia ratio humana est dirigenda secundum sapientiam , & legem divinam : & secundum hoc Ambrosius dicit (Lib. de paradiso cap. viii.) quod peccatum est transgressio legis divinæ . In substantiis autem a corpore separatis est una cognitio , scilicet intellectualis dirigenda secundum regulam sapientie divinæ : & ideo in voluntate earum potest esse malum ex hoc quod non sequitur ordinem superioris regulæ , scilicet sapientie divinæ : & per hunc modum dæmones facti sunt voluntate mali .

Ad primum ergo dicendum , quod , sicut Augustinus dicit in Lib. de natura boni (cap. iv. xxvi. & xxviii.) malum non solum est privatio speciei , sed etiam modi , & ordinis . Unde dupliciter contingit in voluntate esse peccatum . Uno modo quia tendit in id quod est malum simpliciter , quasi carens specie boni ; sicut cum quis eligit furtum , vel fornicationem . Alio modo cum quis vult quod est simpliciter & secundum se bonum , puta orare , vel meditari ; non tamen tendit in illud secundum ordinem divinæ regulæ . Sic ergo dicendum est , quod primum malum voluntatis dæmonis non fuit ex hoc quod vellet malum simpliciter ; sed quia voluit quod est bonum simpliciter , & conveniens sibi ; non tamen quasi sequendo directionem superioris regulæ , id est divinæ sapientie , ut Dionysius dicit iv. cap. de divo. Nom. quod malum dæmonibus est *aversio* , scilicet a superiori regula , & *convenientium ipsi excessus* , quia videlicet bonum sibi conveniens consequi voluerunt non quasi regulati superiori regula , quod excedebat gradum eorum .

Ad secundum dicendum , quod aliquid potest immutabiliter inesse dupliciter . Uno modo ex causa positiva ; & sic impossibile est quod aliquid contra naturam existens sit immutabiliter : quia illud quod est præter naturam , per accidens se habet ad rem : unde possibile est illud abesse . Alio modo ex causa privativa ; & sic nihil prohibet , quod immutabiliter inest , contra naturam esse : quia aliquid naturale principium irre-

para-

parabiliter subtrahi potest; sicut cæcitas est contra naturam animalis; & tamen immutabiliter inest propter irreparabilitatem visus. Sic ergo malitia dæmonibus irreparabiliter inest propter privationem gratiæ.

Ad tertium dicendum, quod causa mutabilis non potest producere effectum immutabilem positive; potest autem privative, sicut voluntate hominis causatur immutabilis cæcitas alicuius.

Ad quartum dicendum, quod secundum Augustinum in Lib. de natura boni (cap. 111.) malum non solum consistit in privatione speciei, sed etiam in privatione modi, & ordinis: unde malum in actu voluntatis non solum est ex obiecto, quod dat speciem actui per hoc quod aliquis velit malum; sed etiam ex subtractione debiti modi, vel ordo ipsius actus; puta, si aliquis in hoc ipso quod vult bonum, non servat debitum modum, & ordinem. Et tale fuit dæmonis peccatum, quo factus est malus. Non enim appetiit aliquid malum, sed quoddam bonum sibi conveniens; inordinate tamen & immoderate illud appetiit, quia scilicet non appetiit illud ut assequendum per divinam gratiam, sed per propriam virtutem: quod excedebat modum suæ conditionis, ut Dionysius dicit 1v. cap. de divinis nominibus. *Aversio ergo demonibus est malum*, in quantum scilicet eorum appetitus aversit se a directione superioris regulæ, & convenientiam ipsius excessus, in quantum scilicet appetendo bona convenientia modum suum excederunt. Semper autem in peccato defectus intellectus, vel rationis, & voluntatis proportionabiliter se concomitantur: unde non oportet ponere in primo peccato dæmonis talem defectum intellectus, ut aliquid falsum existimaverit, puta aliquid malum esse bonum; sed in hoc quod deficit ab apprehensione suæ regulæ, & ordinis eius.

Ad quintum dicendum, quod ex hoc quod dæmon non utitur phantasia, nec discursu rationis, & per alia huiusmodi potest haberi, quod in his quæ ad naturalem cognitionem pertinent, non errat, ut existimet aliquid falsum esse verum: quia cum Deum (a) propter infirmitatem eius apprehendere non possit, nihil prohibet quod intellectus eius defecerit in apprehendendo sufficienter ordinem divini regiminis; & ex hoc consecutum est peccatum in eius voluntate.

Ad sextum dicendum, quod non omnia

quæ sunt supra tempus, æqualiter in æternitate sunt; & per consequens nec æqualiter immobilitatem habent: nam Deus est perfecte æternus, & immutabilis; aliæ vero substantiæ quæ sunt supra tempus, participant æternitatem, & immobilitatem unaquæque secundum suum gradum. Videmus enim quod mutabilitas consequitur quandam totalitatem. Quæ enim aliquid particulariter recipiunt, quasi de una parte in aliam mutantur; sicut materia elementorum, quia non recipit simul omnes formas corporales, vel aliquam formam completam continentem virtualiter in se omnes (sicut pater de materia cælestis corporis) inde est quod mutatur de una forma particulari in aliam; quod non contingit in materia corporis cælestis: & tamen quia corpus cælesse particulare quemdam situm habet, sit in eo renovatio situs. Sic ergo intellectus Angeli habet quidem totalitatem in obiecto per comparisonem ad nostrum intellectum, qui ex diversis singularibus colligit formam universalem. Intellectus vero Angeli ipsam formam universalem secundum seipsum apprehendit; & tamen intellectus Angeli per comparisonem ad intellectum divinum particularitatem habet in suo obiecto. Nam intellectus divinus comprehendit universaliter totum ens, & totam veritatem in uno: unde intellectus eius est omnino immutabilis secundum suam operationem: non enim habet unde de uno ad aliud transeat, quia omnia simul in uno considerat. Intellectus vero Angeli, qui non omnia in uno considerat, sed particulariter aliqua in seipsis, potest de uno in aliud pertransire. Tamen quantum ad hoc operatio eius immutabilis est, quod semper intelligit. Et similiter considerandum est circa voluntatem, cuius operatio proportionatur operationi intellectus. Unde non est inconveniens, si voluntas Angeli de bono in malum mutetur.

Ad septimum dicendum, quod peccatum dæmonis non provenit ex defectu rationis, qui haberet rationem contrarietatis: non enim approbavit malum pro bono, nec verum pro falso: sed solum ex defectu qui habuit rationem operationis, in quantum scilicet voluntas eius non fuit regulata regula divini regiminis. Qui quidem defectus potest habere locum in natura intellectuali contrarietate carente.

Ad octavum dicendum, quod corpora cælestia

(a) Forse propter infirmitatem eius, scilicet Dei.

lestia subduntur regulæ divini regiminis, non quasi se agentia, sed quasi ab alio acta vel mota. Et si in moribus eorum esset aliquis defectus, vel (a) deviatio ab ordine divinæ regulæ, non hoc redundaret in defectum Dei ordinantis, qui non potest deficere. Sed intellectuales, & rationales naturæ subduntur divino regimini, quasi se dirigentes secundum regulam divinam: unde potest inordinatio in eis accidere ex eorum defectu absque defectu regentis.

Ad nonum dicendum, quod ratio illa concludit, quod in dæmonibus non potuit esse peccatum hoc modo quod appeterent aliquid malum sibi quasi bonum: quia propter simplicitatem naturæ ipsorum, non est dare quod sit aliquid eis bonum secundum unam partem quod non sit eis bonum secundum aliam.

Ad decimum dicendum, quod intelligentia quando scirentiam suam, aut reliquas res, scit per modum substantiæ suæ. Causa autem prima excedit modum substantiæ Angelis, vel dæmonis. Unde non oportet quod Angelus cognoscendo essentiam suam apprehendat totum ordinem divini regiminis.

Ad undecimum dicendum, quod etiam ratio illa concludit, quod dæmon non peccavit ex eo quod appeteret aliquid quod esset malum per superabundantiam, vel defectum.

Ad duodecimum dicendum, quod dæmon peccavit voluntate deficiente; & ipse defectus voluntatis est peccatum eius: sicut homo currit corpore suo moto, & ipse motus corporis est cursus eius.

Ad decimumtertium dicendum, quod illorum trium moventium ad peccandum unum movet, scilicet diabolus, per modum persuadentis; alia vero duo, scilicet caro, & mundus, per modum allicientis. Et quamvis dæmones non peccaverint ex aliquo alio persuasivo, peccant tamen allelli, non a carne, quam non habent, nec a rebus sensibilibus mundi, quibus non indigent; sed a pulchritudine suæ naturæ: unde dicitur Ezech. xxviii. 17. *Perdidisti sapiensiam tuam in decore tuo.*

Ad decimumquartum dicendum, quod non est intelligendum, caritatem actualem semper diminui quando non proficit actu. Sed quando non proficit in homine, disponitur ad defectum propter seminaria peccatorum, quæ ex corruptione humanæ naturæ proveniunt. Sed hoc in Angelis locum non habet.

Ad decimumquintum dicendum, quod Angeli in primo instanti creationis actum aliquem voluntatis habere potuerunt; non tamen in primo instanti creationis ipsorum potuit esse actus ipsorum quo sunt mali effecti; cuius ratio postea ostendetur. Necesse est simile de anima humana, quæ inficitur in primo instanti suæ creationis: quia hæc infectio non est ex operatione animæ, sed ex unione eius ad corpus infectum; quod de Angelo dici non potest.

Ad decimumsextum dicendum, quod omnia quæ subduntur operi creationis, procedunt ex Deo sicut ex principio. Et quia Deus non est actor malorum, impossibile est quod aliquid malum operi creationis subiacet. Sed multa subduntur operi divinæ gubernationis, quorum Deus non est actor, sed solum permissor: & ideo gubernationi eius possint aliqua mala subesse.

Ad decimumseptimum dicendum, quod iustitiam gratuitam Deus homini subtrahere potest salva sua iustitia, etiam sine peccato: quia gratis eam dedit ex sua largitate supra modum naturæ: si tamen subtraheretur iustitia gratuita per modum prædictum, non ex hoc efficereetur malus, sed remaneret bonus bonitate naturali. Iustitia vero naturalis consequitur naturam intellectualem, & rationalem, cuius intellectus naturaliter ordinatur ad verum, & voluntas ad bonum: unde non potest esse quod talis iustitia subtrahatur a Deo rationali naturæ, ipsa natura manente; potest tamen de potentia absoluta naturam rationalem in nihilum redigere, subtrahendo influxum efficiendi.

Ad decimum octavum dicendum, quod etiam si dæmones essent corporei, non posset habere naturalem inclinationem ad malum, ratione supradicta (In corp. art.)

ARTICULUS III.

Utrum diabolus peccando appetierit æqualitatem divinam.

Tertio queritur, utrum diabolus peccando appetierit æqualitatem divinam. Et videtur quod non. Dicit enim Dionysius iv. cap. de divin. Nomin., quod averio est in dæmonibus malum. Sed ille qui appetit æqualitatem alicuius, vel similitudinem, non avertitur ab eo, sed magis suo appetitu accedit ad eum. Ergo diabolus non peccavit æqualitatem Dei appetens.

2. Præ-

(a) id. deviatio.

2. Præterea. Dionysius ibidem dicit, quod malum in demonibus est excessus convenientium ipsi, quia scilicet appetierunt excelenter habere id quod eis conveniebat. Sed habere æqualitatem Dei nullo modo conveniebat eis. Ergo non appetierunt æqualitatem divinam.

3. Præterea. Anselmus dicit in Libro de casu diaboli (cap. iv.) quod diabolus hoc appetiit ad quod pervenisset, si stetisset. Sed non pervenisset ad æqualitatem Dei. Ergo non appetiit æqualitatem Dei.

4. Sed dicendum, quod non appetiit æqualitatem Dei absolute, sed quantum ad aliquid, quantum ad hoc scilicet quod est præse multitudini Angelorum. Sed contra. Diabolus non peccavit appetendo illud quod ei competebat secundum ordinem suæ naturæ; sed ab eo quod est secundum naturam, cecidit in illud quod est extra naturam, ut Damascenus dicit (Lib. II. cap. iv. parum a princ.) Sed præse omnibus aliis Angelis competebat ei secundum ordinem naturæ, secundum quam erat eminentior aliis, ut Gregorius dicit in quadam homilia (xxxiv. in Evang.) Ergo non peccavit ex hoc quod appetiit præse multitudini Angelorum.

5. Si dicatur, quod appetiit præse multitudini Angelorum similiter sicut Deus; contra. Ioan. v. 19. dicitur: *Quæcumque facit Pater, hæc & Filius similiter facit*. Sed per hoc quod Filius similiter facit sicut & Pater, probat Augustinus (Lib. VI. de Trin. cap. 11. & 111.) quod Filius est absolute Patri æqualis. Ergo secundum hoc diabolus appetivisset absolute æqualitatem divinam.

6. Item dicendum, quod diabolus appetiit æqualitatem divinam quantum ad hoc quod est non subesse Deo. Sed contra. Nihil potest esse nisi participando divinum esse, quod est ipsum esse subsistens. Omne autem participans est subiectum participato. Si ergo appetiit non subesse Deo, sequitur quod appetiit non esse: quod est inconveniens, quia quælibet res appetit esse.

7. Sed dicendum, quod voluntas potest esse etiam impossibile, ut dicitur in III. Ethic. (cap. 11.) & ita Angelus potuit velle esse absque hoc quod subesset Deo, quamvis sit impossibile. Sed contra. Quamvis voluntas possit esse impossibile, non tamen potest esse non apprehensum: quia bonum apprehensum est obiectum voluntatis, ut dicitur in III. de Anima (com. xlix. & seq.) Sed quod aliquid præter Deum habeat esse, & non sit sub Deo, non

cadit sub apprehensione, quia implicat contradictionem: hoc enim significat esse, de quocumque alioudicatur, subiecti Deo per modum participationis. Ergo nullo modo potuit Angelus appetere non subesse Deo.

8. Sed dicendum, quod illud quod implicat contradictionem implicat, quandoque cadit sub appetitu voluntatis, quia ratio est perturbata; & ita propter perturbationem cognoscitivæ virtutis, diabolus potuit appetere illud quod contradictionem implicat. Sed contra. Perturbatio rationis est aut pœna, aut culpa. Sed primam culpam diaboli, de qua nunc agitur, non præcessit neque culpa, neque pœna. Ergo non potuit ex perturbatione rationis appetere aliquid contradictionem implicans.

9. Præterea. Diabolus per liberum arbitrium peccavit, cuius actus est eligere. Sed electio non est impossibile, licet voluntas impossibile sit, ut dicitur in III. Ethic. (cap. 11.) Ergo diabolus non potuit appetere non subesse Deo, aut æqualitatem Dei; cum hoc sit impossibile.

10. Præterea. Augustinus dicit in Lib. de natura boni (cap. xxxvi.) *Peccatum non est appetitio verum malorum, sed desertio meliorum*. Sed nihil potest esse melius quam esse Deo æquale. Ergo non potuit diabolus peccare appetendo æqualitatem Dei per hoc quod desereret aliquid melius.

11. Præterea. Sicut Augustinus dicit in Lib. I. de doctrina christiana (& Lib. I. xxxvi. Qq. quæst. xxx.) *Omnis perversitas est frui rebus utendis, aut sui rebus fruendis*. Sed si diabolus appetiit divinam æqualitatem, non appetiit eam ut utens, quia non potuit eam referre in aliquid melius; si autem ut fruens, non peccavit, quia fruebatur re fruenda. Ergo nullo modo peccavit appetendo æqualitatem Dei.

12. Præterea. Sicut intellectus fertur in id quod est sibi connaturale, ita etiam voluntas. Sed non est connaturale diabolo quod sit Deo æqualis. Ergo hoc non potuit appetere.

13. Præterea. Appetitus non est nisi boni. Sed hoc non fuisset bonum diabolo quod esset Deo æqualis: quia si in gradum superioris naturæ transiret, iam ipse a sua natura deficeret; sicut si equus fieret homo, non esset equus. Ergo diabolus non appetiit æqualitatem Dei.

14. Præterea. Ildorus dicit in Lib. de summo bono (Lib. I. cap. xii.) quod diabolus non appetiit ea quæ Dei sunt, sed quæ sua sunt. Sed æqualitas est maxime Dei.

Dei. Ergo diabolus non appetiit Dei æqualitatem.

15. Præterea. Sicut bonum, & malum opponuntur, similiter laudabile, & vituperabile. Sed esse diffimile Deo est reprehensibile, & vituperabile. Ergo laudabile est esse summe simile Deo, quod pertinet ad rationem æqualitatis. Non ergo Angelus peccavit appetendo Dei æqualitatem.

1. Sed contra est quod super illud Philip. 11. *Non rapinam arbitratus est se esse æqualem Deo*, dicit Glossa (ordinar.) quod diabolus usurpavit sibi Dei æqualitatem. Loquitur autem ibi de æqualitate Filii ad Patrem, quæ est æqualitas absoluta. Ergo diabolus appetiit æqualitatem Dei absolutam.

2. Præterea. Super illud Psalm. lxxviii. *Quæ non rapui, tunc exolvebam*, dicit Glossa (ordio. ex August.) quod diabolus voluit rapere divinitatem, & perdidit felicitatem. Ergo appetiit æqualitatem Dei.

3. Præterea. Itaque xiv. 13. dicitur de Lucifer quod dixit, *Ascendam in celum*. Sed hoc non potest intelligi de empyreo, in quo cum aliis Angelis fuit conditus. Ergo intelligitur de celo sanctæ Trinitatis. Voluit ergo confendere ad æqualitatem Dei.

4. Præterea. Sicut accipit potest ab Augustino in IX. de Trin. (Lib. X. ex prior. capit.) in ipsius fertur appetitus quam intellectus: unde anima, quæ perfecte se non cognoscit, appetit se perfecte cognoscere. Intellectus autem Angeli cognoscebat Deum esse infinitum. Ergo ad hoc magis potuit tendere eius appetitus ut appeteret Deo esse æqualis.

5. Præterea. Illa quæ non possunt dividi secundum naturam, possunt quandoque dividi secundum voluntatem, & rationem: unde nihil prohibet quod aliquis appetat id ad quod sequitur non esse, sicut carere miseria, licet non appetat non esse. Similiter ergo videtur quod nihil prohibeat quod diabolus appetierit Dei æqualitatem; quamvis ad hoc sequatur quod ipse non esset de his quæ pertinent ad esse.

6. Præterea. Augustinus dicit in Lib. de lib. arbit. (Lib. I. cap. 111. circa finem & cap. 1v.) quod libido maxime in omni peccato dominatur. Sed peccatum diaboli fuit maximum, quia fuit primum in suo genere. Ergo habuit maximam libidinem: ergo appetiit maximum bonum, quod est Dei æqualitas.

7. Præterea. Isidorus dicit in Lib. de summo bono (Lib. I. cap. xii.) quod diabolus. *S. Th. Oper. Tam. XV.*

lus peccavit in hoc quod voluit suam sortidinem non a Deo, sed a se custodiri. Sed custodire creaturam, & non custodiri ab aliquo superiori, est proprium Dei. Ergo voluit diabolus id quod est proprium Dei, & sic voluit Deo esse æqualis.

Respondeo dicendum, quod diversæ auctoritates in id tendere videntur quod diabolus peccaverit appetendo inordinare divinam æqualitatem; non autem potest esse quod appetierit divinam æqualitatem absolute: æqualitas enim relatio quædam est duorum ad invicem ex parte utriusque extremi. Huiusmodi ratio manifesta est. Primo quidem ex parte Dei, cui non solum impossibile est aliquid æquari, sed etiam hoc est contrarium essentiae eius. Deus enim per suam essentiam est ipsum esse subsistens: nec est possibile esse duo huiusmodi, sicut nec possibile foret esse duas ideas hominis separatas, aut duas albedines per se subsistentes. Unde quidquid aliud ab eo est, necesse est quod sit tamquam participans esse; quod non potest esse æquale ei quod est essentialiter ipsum esse. Nec hoc potuit diabolus in sua conditione ignorare: naturale enim est intelligentiæ, sive intellectui separato, quod intelligat substantiam suam: & sic naturaliter cognoscebat quod esse suum erat ab aliquo superiori participatum: quæ quidem cognitio naturalis in eo nondum erat corrupta per peccatum. Unde relinquitur quod intellectus eius non poterat apprehendere æqualitatem sui ad Deum sub ratione possibili. Nullus autem tendit in id quod apprehendit ut impossibile, ut dicitur in I. de celo & mundo (Lib. IV. ex com. xxxiii.) unde impossibile est quod motus voluntatis diaboli tenderet ad appetendum absolute divinam æqualitatem. Secundo hoc apparet ex parte ipsius Angeli appetentis. Voluntas enim semper appetit aliquid bonum vel sibi, vel alii. Non autem dicitur peccasse diabolus ex hoc quod voluit æqualitatem divinam alii: potuit enim sine peccato velle Filium esse æqualem Patri; sed ex hoc quod appetiit divinam æqualitatem sibi. Dicit enim Philosophus in IX. Ethic. (cap. 1v.) quod unusquisque appetit bonum sibi. Si autem fieret alius, non curat quod illi accideret. Unde pater quod diabolus non appetiit id quod existente iam ipse idem non esset. Si autem esset æqualis Deo, etiam si hoc esset possibile, iam non esset ipse idem: tolleretur enim eius species, si transferretur in gradum superioris naturæ. Unde relinquitur quod non potuit appetere absolutam Dei æqua-

KK

æqua-

æqualitatem. Et simili ratione non potuit appetere quod absolute non esset Deo subiectus: tum quia hoc est impossibile, nec potuit in eius apprehensione cadere quasi possibile, ut per supradicta patet: tum etiam quia ipse esse desineret, si totaliter Deo subiectus non esset. Et quicquid aliud dici potest quod ad ordinem naturæ pertineat, in hoc eius malum consistere non potuit: malum enim non invenitur in his quæ sunt semper actu, sed solum in his in quibus potentia potest separari ab actu, ut dicitur in IX. Metaph. (com. xxxi.) Angeli autem omnes sic conditi sunt, ut quicquid pertinet ad naturalem perfectiorem eorum, statim a principio sue creationis habuerint; tamen erant in potentia ad supernaturalia bona, quæ per Dei gratiam consequi poterant. Unde relinquuntur quod peccatum diaboli non fuerit in aliquo quod pertinet ad ordinem naturalem, sed secundum aliquid supernaturale. Fuit ergo primum peccatum diaboli in hoc quod ad consequendum supernaturalem beatitudinem, quæ in plena Dei visione consistit, non se erexit in Deum, tamquam finalem perfectiorem ex eius gratia desiderans cum Angelis sanctis; sed eam consequi voluit per virtutem suæ naturæ; non tamen sine Deo in naturam operante, sed sine Deo gratiam conferente. Unde Augustinus in Lib. de lib. arbit. peccatum diaboli in hoc ponit quod esset sua potestate destitutus: & in IV. super Genes. ad litter. dicit, quod si ad se natura angelica converteretur, sæpe Angelus amplius delectaretur quam eo cuius participatione (a) beata est, & intumescens superbia cadetet. Et quia habere finalem beatitudinem per virtutem suæ naturæ, & non ex gratia alicuius superioris, est proprium Deo, manifestum est quod quantum ad hoc appetiit diabolus Dei æqualitatem: & quantum ad hoc etiam appetiit Deo non subiici, ut scilicet eius gratia supra suæ naturæ virtutem non indigeret. Et hoc etiam congruit ei quod supra (art. præced. ad 1.) dictum est, quod diabolus non peccavit appetendo aliquod malum, sed appetendo aliud bonum, scilicet finalem beatitudinem, non secundum ordinem debitum, idest non ut consequendam secundum gratiam Dei.

Ad primum ergo dicendum, quod diabolus, appetendo Dei æqualitatem, conversus quidem est ad divina quantum ad id quod appetiit, quod erat in se bonum; sed

est averfus a Deo quantum ad modum quo appetiit, quia scilicet per hoc averfus est ab ordine divinæ regulæ: sicut & quilibet peccator quantum ad hoc quod appetitaliquid incommutabile bonum, convertitur in Deum, cuius participatione omnia sunt bona; in quantum vero inordinate appetit illud, avertitur a Deo, idest ab ordine iustitiæ eius.

Ad secundum dicendum, quod malum demonis fuit excessus convenientium ipsis, in quantum scilicet appetierunt beatitudinem, ad quam facti erant, & ad quam pervenissent, si debito modo appetissent; sed excesserunt mensuram proprii ordinis, ut dictum est.

Et per hoc patet responsio ad tertium.

Ad quartum dicendum, quod potest dici quod diabolus peccavit per hoc quod appetiit præesse multitudini Angelorum, non secundum naturalem ordinem; sed quantum ad hoc quod alii consequerentur per eius gratiam beatitudinem, quam ipse volebat consequi per suam naturam.

Ad quintum dicendum, quod in hoc non etiam appetiit similiter præesse inferioribus Angelis sicut Deus præest, ut scilicet præfesset omnino tamquam primum principium; sed potuit appetere similiter præesse Deo, quantum ad hoc quod dictum est.

Ad sextum dicendum, quod ratio illa procedit de hoc quod est non subesse simpliciter Deo: quod non potuit appetere diabolus in his quæ pertinent ad ordinem naturalem.

Et similiter dicendum ad septimum.

Ad octavum dicendum, quod in Angelo non potuit esse perturbatio in cognitione, nisi forte post peccatum; porrit tamen in eis esse defectus cognitionis respectu gratuitorum, ut dictum est.

Ad nonum dicendum, quod voluntas quæ dicitur esse impossibile, non est perfecta voluntas tendens in aliquid consequendum, quia nullus tendit in id quod existimat impossibile, ut dictum est; sed est quædam imperfecta voluntas, quæ dicitur velleitas, quia scilicet aliquis vellet id quod existimat impossibile, sed sub hac conditione si possibile esset. Talis autem non est voluntas aversionis, & conversionis, in qua peccatum, & meritum consistit.

Ad decimum dicendum, quod peccatum dicitur esse desertio meliorum, quantum ad aversionem, quæ formaliter complet ratio

nem

(a) id. beata est intumescens.

nem peccati. In peccato autem diaboli a-
versio attenditur non quantum ad id quod
appetit, sed quantum ad hoc quod neces-
sit ab ordine divinæ iustitiæ. Et secundum
hoc deferunt meliora, quia scilicet melior est
regula divinæ iustitiæ quam regula volun-
tatis angelicæ.

Ad undecimum dicendum, quod quicum-
que aliquid concupiscit appetens id sibi, ap-
petit illud propter se; & ideo se quidem
fruitur, illo autem quod concupiscit, utitur:
& secundum hoc diabolus appetens sibi di-
vinam æqualitatem, eo modo quo dictum
est, usus est rebus fruendis.

Ad duodecimum dicendum, quod volun-
tas Angeli peccantis tendebat quidem in id
ad quod natura eius ordinabatur, licet ef-
fet bonum excedens bonum naturæ ipsius;
sed tamen modus non competebat naturæ
ipsius.

Ad decimumtertium dicendum, quod ra-
tio illa procedit de appetitu absolutæ æqua-
litate ad Deum.

Ad decimumquartum dicendum, quod
quia motus recipit speciem a termino, ille
dicitur appetere quæ sua sunt, qui appetit
aliquid ut suum sit, etiam si appetat rem
alienam: & hoc modo diabolus appetit quæ
sua sunt, appetendo sibi id quod est pro-
prium Dei.

Ad decimumquintum dicendum, quod ef-
se similem Deo secundum quod competitu-
nicuique, est laudabile; perverse tamen vult
esse similis Deo qui divinam similitudinem
appetit non secundum ordinem divinitus in-
stitutum.

Ad primum vero quod in contrarium ob-
iicitur, dicendum, quod hoc pertinet ad
excellentiā Christi, quam ibi Apostolus com-
mendare intendit, quod ipse habet absolu-
tam æqualitatem ad Patrem: quam non ab-
solutam, sed secundum quid, homo, & dia-
bolus appetendo peccaverunt.

Et similiter dicendum ad secundum.

Ad tertium dicendum, quod sicut Augu-
stinus dicit in III. & XI. super Genes. ad
litter. (Lib. III. cap. x.) quidam posue-
runt demones peccantes non fuisse de cæ-
lestibus Angelis, sed de his qui præerant
terrestri ordini: & secundum hoc potest ad
litteram intelligi de ascensu in cælum cor-
porale. Sed si fuerint de cælestibus Ange-
lis, ut communis tenetur, dicendum est,
quod voluerunt ascendere in cælum sanctæ
Trinitatis, non quidem appetendo absolu-
tam æqualitatem Dei, sed aliqualem, ut su-
pra dictum est.

Ad quartum dicendum, quod quantum
ad obiecta non plus potest tendere appeti-
tus quam vis apprehensiva, quia non pot-
est esse appetitus nisi boni apprehensio; quan-
tum autem ad intentionem possunt se invi-
cem excedere, quia quandoque maior est
servor desiderii quam claritas cognitionis,
quandoque autem e converso. Potest etiam
contingere quod intellectus cognoscit aliquid,
sed non habet illud; & voluntas potest il-
lud appetere tamquam cognitum: & hoc
modo cum intellectus non habeat perfectam
sui cognitionem, quia tamen apprehendit
quid est perfecta cognitio, potest voluntas
appetere illam, sicut & e converso intel-
lectus potest apprehendere id quod non est in
voluntate. Et secundum hoc non sequitur
quod diabolus appeteret aliquid quod non
potuit intelligere.

Ad quintum dicendum, quod cum ali-
quis vult a se aliquid removere, utitur se
ut termino a quo, quod non est necesse sal-
vari in motu: & ideo potest aliquis appe-
tere se non esse, ut careat miseris. Sed
cum aliquis appetit aliquid bonum sibi,
utitur se ut termino ad quem. Huiusmodi
autem terminum necesse est salvari in mo-
tu: & ideo non potest aliquis appetere sibi
aliquid bonum, quo habito ipse non ma-
neat.

Ad sextum dicendum, quod libido maxi-
ma non oportet quod sit de maximo bono,
sed de eo quod est maximum inter appeti-
bilia.

Ad septimum dicendum, quod diabolus
voluit suam sortitudinem a se custodiri, non
quantum ad omnia, sed quantum ad hoc
quod per seipsum beatitudinem adipiscere-
tur.

ARTICULUS IV.

*Utrum diabolus peccaverit, vel peccare potue-
rit in primo instanti.*

Quarto quaeritur, utrum diabolus pecca-
verit, vel peccare potuerit in primo
instanti sue creationis. Et videtur quod sic.
Dicitur enim I. Ioan. III. quod ab initio
diabolus peccavit. Sed hoc non potest in-
telligi ab initio quo hominem tentando oc-
cidit, quia antea ipse malus erat. Ergo
hoc intelligitur ab initio quo ipse conditus
fuit.

2. Præterea. Ioan. VIII. dicitur de dia-
bolo, quod in veritate non stetit. Stetisset
autem in veritate, si non peccasset in pri-

KK 2 mo

mo instanti suæ creationis. Ergo videtur quod diabolus in primo instanti suæ creationis peccare potuerit.

3. Præterea. Potestas diaboli quam habuit in primo instanti suæ creationis, non fuit nec augmentata, nec diminuta ante peccatum. Sed potuit peccare, & peccavit post primum instant suæ creationis. Ergo in primo instanti suæ creationis peccare potuit.

4. Sed dicendum, quod si in primo instanti suæ creationis peccasset, peccatum illud retorqueretur in Deum, qui est causa naturæ ipsius. Sed contra. Deus operatur esse Angeli, quamdiu Angelus est, non solum cum primo fuit creatus, ut patet per Augustinum IV. super Genes. ad litter. (cap. xii.) unde Ioan. v. x7. dicitur: *Pater meus usque modo operatur, & ego operor*. Si ergo peccatum diaboli in primo instanti suæ creationis commissum referatur in Deum, pari ratione referetur in Deum in quocumque alio instanti peccaret: quod patet esse falsum.

5. Præterea. Potentia naturalis Angeli, quæ erat ei data divinitus, se habebat ad utrumque, scilicet ad bonum, & ad malum; nec processisset ad malum, nisi ab aliquo determinaretur in id. Non autem poterat determinari ad malum a Deo, sed solum a propria voluntate. Ergo si in primo instanti peccasset Angelus, non imputaretur Deo, sed propriæ voluntati.

6. Præterea. Effectus causæ secundæ potest esse deficiens, sine hoc quod imputeur causæ primæ; sicut claudicatio non imputatur virtutis motivæ, sed instrumento distorto. Sed Deus comparatur ad actum Angeli sicut prima causa. Ergo si Angelus peccaret in primo instanti suæ creationis, non imputaretur Deo, sed libero arbitrio eius.

7. Item dicendum, quod si diabolus peccasset in primo instanti suæ creationis, numquam potuisset esse sine peccato, & sic inesset ei malitia ex necessitate, & non ex libero arbitrio; quod est contra rationem peccati. Sed contra. Ista necessitas non est alia, nisi secundum quam necesse est esse dum est: quæ quidem necessitas invenitur in omni actu peccati. Si ergo hæc necessitas est contra rationem liberi arbitrii, retorqueretur quod nullum peccatum esset ex libero arbitrio; quod est inconveniens.

8. Sed dicendum, quod in aliis peccatis ante actum peccati, est dare aliquod instant in quo prædicta necessitas peccanti non inest. Sed contra. Nullus peccat antequam

actum peccati faciat. Sed ea quæ sunt de ratione peccati, simul sunt cum peccato. Ergo posse peccare, vel non peccare, non requiritur ante actum peccati.

9. Præterea. Peccatum diaboli fuit in hoc quod inordinate appetit beatitudinem. Sed in primo instanti potuit intelligere beatitudinem. Ergo & in primo instanti potuit inordinate velle beatitudinem.

10. Præterea. Quicumque agens non agit ex necessitate, potest vitare illud quod agit. Sed si diabolus peccasset in primo instanti suæ creationis, non propter hoc peccasset ex necessitate naturæ. Ergo nihilominus potuit peccatum vitare; & sic nihil videtur impedire quin diabolus peccare potuerit in primo instanti suæ creationis.

11. Præterea. Si diabolus non peccavit in primo instanti suæ creationis, videtur ex omni parte sequi inconveniens. Si enim antequam peccaret, non fuit præscijs sui casus, boni autem Angeli certi erant de sua stabilitate futura, sine qua beati esse non possent, sequeretur quod Deus distinguisset inter hos & illos, revelando quibusdamque ad eos pertinebant, & non alijs, absque differentia meritum præcedente; quod videtur inconveniens. Si autem fuit præscijs sui casus, habuit poenam tristitiæ ante culpam; quod etiam est inconveniens. Non ergo dicendum est, quod diabolus in primo instanti suæ creationis non peccaverit.

12. Præterea. Secundum Augustinum in I. super Genes. ad litter. (cap. xv.) informitas creaturæ conditæ non præcessit durationem, sed solum naturam, vel origine formationem, quæ describitur per opera sex dierum. Sed, sicut ipse postmodum dicit, per distinctionem lucis ad tenebras intelligitur distinctio bonorum Angelorum a malis. Ergo statim in primo instanti creationis rerum fuerunt quidam Angeli boni, & quidam mali.

13. Præterea. Dum boni Angeli sunt conversi ad Deum, mali Angeli sunt averti ab eo: alioquin non esset ratio, quare Deus illos confirmasset, & non illos, si nullum fuisset impedimentum ex parte eorum qui non sunt confirmati. Sed videtur quod in primo instanti suæ creationis Angeli boni fuerunt conversi ad Deum: quia secundum Augustinum IV. super Genesim ad litter. (cap. xxi. & xxi.) per vespertum primæ diei intelligitur conversio intellectus angelici ad suam naturam, quæ quidem fuit in primo instanti suæ creationis; per mane autem sequentis diei intelligitur conversio eius

eius ad Verbum. Si ergo secundum eius sententiam omnia fuerunt simul facta quæ referuntur in operibus sex dierum, videtur quod simul Angelus cum se cognovit in primo instanti suæ creationis, fuerit conversus ad Deum, vel avertens peccando.

14. Præterea. Secundum Dionysium vt. cap. de divin. Nomin. Angelus non habet discursivam cognitionem, sicut & nos, ut scilicet ex principiis procedat in conclusiones; sed simul utrumque considerat. Sic autem se habet finis ad ea quæ sunt ad finem, sicut principia ad conclusiones, ut Philosophus dicit in II. Physic. (com. lxxxix.) Cum ergo natura Angeli comparatur ad Deum sicut ad finem, videtur quod simul ferebatur in seipsum, & in Deum convertendo, vel avertendo; & sic idem quod prius.

15. Præterea. Si Angelus in primo instanti suæ creationis fuit bonus, constat quod diligebat Deum. Diligebat etiam naturaliter seipsum. Aut ergo diligebat se, & Deum propter se; & sic peccabat fruendo seipso: aut diligebat se propter Deum, quod est ex caritate converti in Deum. Ergo oportet quod Angelus in primo instanti suæ creationis vel converteretur in Deum, vel avertetur ab ipso; & sic idem quod prius.

16. Præterea. Homo fuit factus ad reparandam ruinam angelicam, ut sancti dicunt. Ergo non prius homo factus est quam diabolus peccando cecidit. Sed homo videtur factus fuisse in principio creationis rerum secundum sententiam Augustini, qui ponit omnia simul fuisse creata. Ergo etiam diabolus in primo instanti suæ creationis peccavit.

17. Præterea. Creatura spiritualis est virtuosior qualibet creatura corporali. Sed aliqua creaturæ corporales habent instantaneum motum, sicut lumen, & radius visualis. Ergo multo magis Angelus potuit moveri motu peccati in primo instanti suæ creationis.

18. Præterea. Quanto aliquid est nobilius, tanto minus est otiosum. Sed voluntas dicitur esse nobilior quam intellectus, quia voluntas movet intellectum ad suum actum. Cum ergo intellectus Angeli non fuerit otiosus in primo instanti suæ creationis, videtur quod nec voluntas; & ita potuit in primo instanti suæ creationis peccare per voluntatem.

19. Præterea. Angelus mensuratur zvo. Sed zvom ponitur esse totum simul. Ergo

quandocumque peccavit Angelus, peccavit in primo instanti suæ creationis.

20. Præterea. Sicut aliquis peccat per liberum arbitrium, ita & meretur. Sed aliqua creatura meruit in primo instanti suæ creationis, scilicet anima Christi. Ergo & diabolus potuit peccare in primo instanti suæ creationis.

21. Præterea. Sicut Angelus est creatura Dei, ita & anima. Sed anima pueri in primo instanti suæ creationis subicitur peccato. Ergo pari ratione Angelus potuit esse malus.

22. Præterea. Sicut creatura decideret in nihilum, nisi manu divina contineretur, ut Gregorius dicit (Lib. XVI. Moral. cap. xviii.) ita & decideret in peccatum rationalis creatura, nisi contineretur per gratiam. Si ergo Angelus in primo instanti suæ creationis non habuit gratiam, non potuit esse quin peccaret; si autem habuit gratiam, & non fuit usus ea, similiter peccavit. Si autem usus fuit ea convertendo se ad Deum, fuit confirmatus in bono, ut de cetero peccare non posset. Ergo omnes Angeli qui peccaverunt, in primo instanti suæ creationis peccaverunt.

23. Præterea. Proprium simul est cum eo cuius est proprium. Sed peccatum est proprium diaboli, secundum illud Ican. viii.

44. *Qui loquitur mendacium, ex propriis loquitur.* Ergo in primo instanti quo diabolus fuit creatus, peccavit.

Sed contra est quod dicitur Ezech. xxviii. 13. *ad diabolum in persona Regis Tyri: Plenus sapientia, & perfectus decore in deliciis paradisi Dei fuisti.*

Præterea. In Lib. de causis dicitur (prop. xxxi.) *Inter rem cuius substantia, & actio est in momento æternitatis, & rem cuius substantia, & actio est in momento temporis, media est res, cuius substantia est in momento æternitatis, & actio in tempore.* Deus autem est res cuius substantia, & actio est in æternitate; corpus autem est res cuius substantia, & actio est in tempore. Ergo substantia Angeli, qui est medius, est in æternitate, & actio in tempore. Non ergo potuit in instanti suæ creationis peccare.

Præterea. Sicut Augustinus dicit in Lib. Enchir. (cap. xxi.) malum dicitur, quia nocet: nocet autem, quia adimit bonum. Deus autem fecit Angelum bonum in integritate suæ naturæ. Cum ergo nihil possit esse simul integrum, & diminutum, videtur quod non potuit Angelus in instan-

ti suæ creationis esse malus.

Præterea: Quod non est deliberatum, non potest esse peccatum, ad minus mortale. Sed quod est momentaneum, non potest esse deliberatum. Ergo non potest esse peccatum mortale. Impossibile ergo videtur quod Angelus in primo instanti suæ creationis fuerit factus malus peccando.

R. respondeo dicendum, quod hanc questionem tractat Augustinus XI. super Genes. ad litter. (cap. xvi. xix. & xxvi.) & in XI. de civitate Dei (cap. xiii. xiv. & xv.) in neutro tamen loco aliquid super hoc assertive determinat; quamvis in XI. super Genes. ad litteram magis videatur in hoc declinare quod in primo instanti suæ creationis peccaverit; & in XI. de civitate Dei videatur magis declinare ad contrarium. Unde quidam moderni asserere præsumpserunt, quod diabolus in primo instanti suæ creationis fuit malus, non quidem per naturam, sed per motum liberi arbitrii quo peccavit. Sed hæc positio reprobata fuit ab omnibus Magistris tunc Parisiis legentibus. Et quidem quod Angelus non peccaverit in primo instanti suæ creationis, sed aliquando fuerit bonus, dicitur expresse haberi ex auctoritate canonice Scripturæ: dicitur enim Isai. xiv. 12. *Quomodo cecidisti Lucifer, qui mane oriebaris?* & in Ezech. (cap. xxviii. 13.) dicitur: *In deliciis paradisi Dei fuisti.* Quæ tamen Augustinus exponit XI. super Genes. ad litteram (cap. xiv. xxv.) ut intelligantur hæc esse dicta de diabolo quantum ad membra eius, id est quantum ad homines, qui a gratia Christi cadunt. Sed quare non potuerit in primo instanti suæ creationis peccare, assignare quidem oportet, etsi difficile sit.

Quidam enim assignarunt huiusmodi rationem ex parte naturæ angelicæ, quæ est condita a Deo: unde dicunt, quod oportuit in primo instanti suæ creationis eum esse bonum, qualis a Deo creatus est; ne aliquid ponatur simul esse integrum, & diminutum, sicut obiciebatur. Sed hoc nullam necessitatem videtur habere: quia malitia culpæ non repugnat bonitati naturæ, sed in ea fundatur sicut in subiecto: unde Augustinus dicit in XI. de civit. Dei (cap. xiii.) quod quisquis huic sententiae acquiescit, non cum Manichæis sentit, qui dicunt, quod diabolus habet naturam mali Deo contrariam. Nec esset inconveniens dicere, quod quantum est ex creatione Dei, Angelus in primo instanti habuit naturam omnino in-

tegram, ita tamen quod hæc integritas fuerit mox impedita per resistentiam angelicæ voluntatis; sicut si radius Solis impediatur ne illuminet aerem in ipso Solis exortu.

Quidam vero rationem assignant ex hoc quod existimant, in omni peccato deliberationem requiri. Et quia deliberatio non potest esse in momento, credunt quod peccatum Angelus non potuerit esse in momento. Non autem fuit malus nisi in termino peccati. Unde relinquitur quod in primo instanti suæ creationis non potuerit esse malus. Sed isti decipiuntur per hoc quod iudicant de intellectu Angelus secundum modum intellectus humani; cum tamen longe aliter se habeat. Intellectus enim humanus est discursivus; & ideo sicut procedit arguendo in speculativis, ita etiam procedit consiliando sive deliberando in agendis: nam consilium est inquisitio quædam, ut dicitur in III. Ethic. (cap. iii. a. med.) Intellectus autem Angelus apprehendit veritatem absque discursu, & inquisitione, ut dicit Dionysius vii. cap. de divin. Nomin. & ideo nihil prohibet quin Angelus in primo instanti, quo veritatem intelligit, possit eligere; quod est actus liberi arbitrii: sicut & homo in ipso instanti quo certificatur per consilium, eligit quid est faciendum. Et si certum esset quod oporteret fieri absque consilio statim in primo instanti eligeret; sicut patet in arte scripturæ, & in aliis huiusmodi, in quibus non est opus consilio. Si ergo in primo instanti Angelus apprehendere potuit quid esset appetendum, eo quod deliberatione non indiget, statim in eodem instanti potuit eligere. Non est ergo cūsa quare non potuerit peccare in primo instanti suæ creationis, quia non potuit in illo instanti eligere; quod est actus liberi arbitrii. Oportet ergo aliunde idem investigare.

Considerandum est ergo, quod differentia est inter motum qui sic mensuratur a tempore quod causat tempus, sicut est primus motus cæli, & inter motum qui mensuratur tempore, sed non causat tempus, sicut sunt motus animalium, in quibus successio temporis non correspondet diversitati, vel identitati mobilis. Contingit enim aliquod animal manere in eodem loco, tempore tamen corrente: nam quies mensuratur tempore, sicut & motus, ut dicitur in VI. Physicor. (com. lxvii. & seq.) Sed in motu quicquid causat tempus, successio temporis, & motus se consequitur: quia per prius, & per post-

rius

rius in motu, est prius, & posterius in tempore, ut dicitur in IV. Physic. (com. xcix.) Et ideo quicquid in tali motu distinguitur, est in diversis instantibus temporis: quod enim in tali motu oon est distinctum, non potest esse in diversis instantibus: unde cessante motu celi, necesse est esse simul temporis cessationem, secundum illud quod dicitur Apoc. x. 6. quod *tempus amplius non erit*. Est autem considerandum, quod in (a) conceptionibus, & affectionibus Angelorum est quædam temporalis successio: dicit enim Augustinus in VIII. super Genes. ad litter. (cap. xx. xxii. xxiii.) quod Deus movet creaturam spiritualem per tempus. Non enim Angeli omnia simul actu intelligunt: quia non omnia intelligit unus Angelus per unam speciem, sed diversis diversis speciebus: tanto enim uniusquisque Angelus naturaliter per pauciores species plura cognoscit, quanto superior est: unde Dionysius dicit xii. cap. cxi. Hier. quod superiores Angeli habent scientiam magis universalem: & in Libro de causis (prop. x.) dicitur, quod superiores intelligentie habent formas magis universales, idest ad plura cognoscibilia se extendentes: sicut etiam in hominibus videmus quod quanto aliquis est altioris intellectus, tanto ex paucioribus plura cognoscere potest. Solus autem Deus, una scilicet sua essentia, omnia cognoscit. Ideo autem homo oon potest simul multa actu intelligere, quia non potest perfecte & finaliter intellectus eius fieri in actu secundum diversas figuras. Unde & circa Angelos dicendum est, quod omnia illa quæ Angelus per unam speciem cognoscit, potest simul cognoscere; quæ autem per diversas species cognoscit, oon potest simul cognoscere, sed successive. Ista autem successio non mensuratur per tempus, quod causatur a motu celi, supra quem sunt affectiones, & conceptiones Angelorum. Superius autem non mensuratur ab inferiori, sed oportet quod ipsæ conceptiones, & affectiones sibi succedentes causent diversis instantia huius temporis. In ea igitur quæ secundum unam speciem Angelus apprehendere non potest, necesse est quod moveatur in diversis instantibus sui temporis. Ea autem quæ sunt supra naturam, ad gratiam pertinentia, circa quæ fuit peccatum Angeli, ut habitum est (art. præd.) magis distant a quibuscumque naturaliter cognitis quam

quæcumque naturaliter cognita ab invicem: unde si non omnia naturaliter cogita propter eorum distantiam potest Angelus apprehendere per unam speciem, & simul, multo minus potest simul moveri in naturaliter cognita, & io supernaturalia, quæ sunt gratuita. Manifestum est autem quod motus Angeli primo est in id quod est sibi conaturale, quia per id pertingit in id quod est supra naturam: & ideo oportuit quod Angelus in primo instanti suæ creationis converteretur ad naturalem sui cognitionem, secundum quam oon potuit peccare, ut ex supra dictis patet; postmodum vero potuit converti in id quod est supra naturam, vel ab eo averti. Et ideo Angelus in primo instanti suæ creationis non fuit neque beatus per conversionem perfectam in Deum, neque peccator per aversionem ab ipso. Unde Augustinus dicit IV. super Genes. ad litter. (cap. xxii. & seq.) quod post vesperam primæ diei fit mane, cum lux spiritalis, scilicet angelica natura, post cognitionem propriæ naturæ, quæ non est quod Deus, refert se ad laudandam lucem quæ est ipse Deus, cuius contemplatione formatur.

Ad primum ergo dicendum, quod Augustinus XI. de civitate Dei (cap. xv.) exponit quod diabolus ab initio peccat, idest ab initio sui peccati in peccato perseverat. Quidam tamen exponunt *ab initio*, idest statim post initium.

Ad secundum dicendum, quod dicitur diabolus in veritate non stetisse, non quia numquam in ea fuit, sed quia in ea non perseveravit, ut Augustinus exponit XI. de civitate Dei (ut sup.)

Ad tertium dicendum, quod hoc quod Angelus non potuerit in primo instanti peccare, non fuit neque propter defectum aliquis potentie, qui postmodum fuerit suppletus, neque propter perfectionem, quæ postmodum fuerit subtrahita ante peccatum; sed propter ordinem actus: quia primo oportebat quod consideraret id quod pertinet ad suam naturam, & postmodum moveretur io supernaturalia per conversionem, vel aversionem.

Ad quartum dicendum, quod operatio quam habet res in principio sui esse, congruit naturæ ipsius: & ideo oportebat quod retorqueretur in actorem naturæ. Sed postmodum poterat moveri ex his quæ sunt secundum naturam in alia, vel bene, vel male: & hoc non oportebat referri ad aotem

(a) *Ad* conceptionibus.

affectum naturæ, sed in voluntatem Angelī peccantis.

Ad quintum dicendum, quod voluntas rationalis creaturæ determinata est ad unum, in quod naturaliter movetur; sicut omnis homo naturaliter vult esse, & vivere, & beatitudinem. Et ista sunt ad quæ primo movetur naturaliter creatura vel intelligenda, vel volenda: quia semper actio naturalis præsupponitur aliis actionibus. Et ideo si Angelus in primo instanti suæ creationis peccasset, videretur hoc competere suæ naturæ; & ita aliquoties referretur ad affectum naturæ.

Ad sextum dicendum, quod defectus proveniens ex causa secunda non imputatur primæ in illis quæ causa secunda non habet ex prima; sicut tibia non habet curvaturam ex virtute motiva. Sed oportet quod prima actio Angelī sit secundum naturalia eius, quæ habet ex Deo: & ideo ratio non sequitur.

Ad septimum dicendum, quod illa responsio procedebat secundum hoc quod æstimatur, quod motus liberi arbitrii in Angelis procedebat ex deliberatione consilii. Oportet enim quod deliberans consiliatur de duobus, quorum utrumque potest facere, ut alterum eorum eligat in futuro. Sed quando deliberatio non præcedit electionem, tunc non requiritur quod antequam aliquis eligat, habeat potestatem eligendi, vel non eligendi; sed in ipso instanti libere fertur in hoc vel in illud.

Unde octavum, nonum, & decimum concedimus.

Ad undecimum dicendum, quod sicut Angelus non peccavit in primo instanti suæ creationis, ita nec bonus Angelus fuit perfecte beatus in primo instanti suæ creationis: & ideo non oportuit quod fuerit prædictus futuræ stabilitatis; sicut nec mali Angelī fuerunt prædicti sui casus antequam peccarent. Quia tamen beatitudo Angelī est principaliter a Deo, peccatum vero est ex libero arbitrio creaturæ, potuit Deus in primo instanti suæ creationis beatificare Angelum, movendo ipsum in id quod est supra naturam: quia & hoc ipsum quod movebatur in illo instanti in id quod est secundum naturam, erat ei a Deo. Non autem potuit Angelus per se ipsum perverse moveri in id quod est supra naturam, nisi post primum instant.

Ad duodecimum dicendum, quod ista distinctio lucis ad tenebras potest intelligi facta esse non quidem in illo rerum principio,

sed per totum tempus quod nunc agitur, in quo distinguuntur boni a malis. Sed hoc videtur ad allegoriam pertinere, ut ibidem dicitur. Et ideo ponit ibi aliam expositionem, ut per lucem intelligatur formatio primæ creaturæ, per tenebras autem informatas creaturæ nondum formatæ. Sed in XI. de civit. Dei (cap. xxix.) dicit, per hoc significatam esse distinctionem bonorum Angelorum, & malorum secundum divinam præscientiam: unde ibi dicit: *Solus ille ista decernere potuit, qui potuit prius quam caderent, præscire casuros.*

Ad decimum tertium dicendum, quod Augustinus in IV. super Genes. ad litter. (cap. xxxiv.) sub dubio derelinquit, an simul Angelī omnia illa cognoscant, & sic simul fuerit in eis dies, & vesperta, & mane, vel non simul, sed successive: & qualitercumque sit, sufficit ad eius intentionem, quod illa distinctio dierum accipiat secundum angelicam cognitionem, non autem secundum dies temporaliter currentes.

Ad decimum quartum dicendum, quod Angelus in primo instanti suæ creationis simul dum movebatur in suam naturam, movebatur etiam in Deum inquantum est actor naturæ: quia, ut dicitur in Lib. de causis (prop. xxi.) intelligentia cognoscendo essentiam suam cognoscit causam suam; non tamen tunc ferebatur in Deum, secundum quod est actor gratiæ.

Ad decimum quintum dicendum, quod diligere se propter Deum, inquantum est obiectum supernaturalis beatitudinis, & actor gratiæ, est actus caritatis. Sed diligere Deum super omnia, & se propter Deum, inquantum in eo consistit naturale bonum omnis creaturæ, competit naturaliter non solum creaturæ rationali, sed etiam brutis animalibus, & corporibus inanimatis, inquantum participant naturali amore summī boni, ut Dionysius dicit iv. cap. de divin. Nomin. Et hoc modo Angelus in primo instanti suæ creationis se dilexit propter Deum.

Ad decimum sextum dicendum, quod illa ratio deficit in tribus. Primo quidem quia homo non est simpliciter factus propter reparationem ruinæ angelicæ; sed propter fructificationem Dei, & perfectionem universi, etiam si numquam fuisset ruina angelica. Secundo quia homo ad minus secundum corpus, actu non fuit factus in operibus sex dierum secundum sententiam Augustini (Lib. VI. in Genes. cap. xv.) sed solum secundum rationes feminales. Solum autem illa quæ non prius poterant esse in rationibus

bus semalibus quam in se ipsis, secundum Augustinum fuerunt facta in principio creationis rerum. Tercio quia nihil prohibet aliquid fieri propter finem futurum, quem homo praescit; sicut aliquis praeparat ligna in aestate propter frigus futurum in hieme.

Ad decimumseptimum dicendum, quod aliquis motus liberi arbitrii in animo potest esse in instanti; non tamen (a) in primo instanti suae creationis; potuit habere motum liberi arbitrii in peccatum, ratione supradicta.

Ad decimumoctavum dicendum, quod etsi Angelus in primo instanti suae creationis habuit motum voluntatis, sicut etiam intellectus; non tamen sequitur quod habuit motum voluntatis ad peccandum.

Ad decimumnonum dicendum, quod ævum mensurat esse Angeli, non tamen mensurat actiones eius, in quibus est successio sive intellectus, sive voluntatis, ut ex supradictis (in corp. art.) patet.

Ad vicimum dicendum, quod alia ratio est de merito, & de peccato: nam meritum procedit ex hoc quod mens rationalis creaturæ movetur a Deo, qui a principio potest movere ad quod voluerit; sed ad peccandum movetur mens rationalis creaturæ a seipsa, quæ non potest se movere nisi secundum exigentiam naturalis ordinis.

Ad vicimumprimum dicendum, quod anima in primo instanti suae creationis efficitur mala, non per actionem propriam, sed per unionem ad corpus infectum: unde non est similis ratio de Angelo, qui non potuit fieri malus nisi per actum proprium.

Ad vicimumsecundum dicendum, quod ratio illa deficit in duobus. Primo quidem quia sicut creatura decideret in nihilum, nisi per divinam potentiam contineretur, ita etiam deficeret in non bonum, si non contineretur a Deo. Non tamen sequitur, quod nisi contineretur a Deo per gratiam, rueret in peccatum; nisi solum de natura corrupta, quæ de se habet inclinationem ad malum. Secundo quia homo non obligatur ex necessitate precepti ad utendum gratia semper: quia precepta affirmativa non obligant ad semper; & ideo non est necessarium quod in quolibet instanti aliquis mereatur, vel peccet.

Ad vicimumtercium dicendum, quod diabolus dicitur loqui mendacium ex propriis, non quia mendacium sit naturalis proprietas eius, sed quia ea quæ sunt vera, non habet a seipso, sed a Deo; quod au-

tem falsa loquatur, hoc habet a seipso, non autem a Deo.

ARTICULUS V.

Utrum liberum arbitrium in demonibus possit reverti ad bonum post peccatum.

Quinto quaeritur, utrum liberum arbitrium in demonibus possit reverti ad bonum post peccatum. Et videtur quod sic. Dicit enim Dionysius 1v. cap. de divin. Nomin. quod data naturalia in demonibus integra permanent post peccatum. Sed autem peccatum poterat diabolus converti ad bonum. Ergo etiam diabolus post peccatum poterit reverti ad bonum.

2. Præterea. Nihil immobiliter quiescit in eo quod est contra naturam: quia id quod est contra naturam, per accidens se habet; ea vero quæ sunt per accidens, de facili moveri possunt: quia accidens est quod adest, & abest præter subiecti corruptionem. Sed peccatum est contra naturam Angeli, quia ab eo quod est secundum naturam, cecidit in id quod est contra naturam, ut Damascenus dicit II. Libr. (orthod. Fidei cap. 1v.) Ergo non potest esse quod liberum arbitrium diaboli immobiliter perseveret in malo.

3. Sed dicendum, quod hoc convenit diabolo ratione sui status, quia scilicet statim peccando amisit statum viatoris, ad quem pertinet mutari de bono in malum, & e converso. Sed contra. Statui videtur succedere status præmii, vel poenæ, quæ est a Deo. Sed immobilitas in peccato non potest esse a Deo, quia Deus non est conservator illius rei cuius non est auctor. Ergo non potest esse quod immobilitas peccati conveniat Angelo ratione status quem nunc habet.

4. Præterea. Omne quod non inest alicui per se, oportet quod ei infir ex aliqua causa. Sed immobiliter peccare non convenit Angelo secundum se: sic enim conveniret ei secundum naturam, & sic esset naturaliter malus; quod supra (art. 2.) improbaturum est. Nec iterum convenit ei ex aliqua causa: quia neque a Deo, neque a natura, ut probatum est; neque etiam ex propria voluntate, quia cum voluntas creaturæ sit de se mutabilis, non videtur quod possit immobilitatis causa existere. Ergo immobiliter peccare nullo modo convenit diabolo.

L 1

5. Præ-

(a) in instanti.

5. Præterea. Augustinus (alius Auctor) dicit in Lib. de vera, & falsa poenitentia (cap. v.) *Si posset diabolus sperare de Deo, & culpam in se sentire; quod non invenit in se, inveniret in Dei preste, scilicet veniam sui peccati.* Sed diabolus potest sperare de Deo, quia spes oritur ex fide, sicut & timor. Dicitur autem Iacobi 11. 19. *quod demones credunt, & contremiscunt.* Ergo non est impossibile diabolum consequi veniam sui peccati; & ita non immobiliter in peccatis perseverare.

6. Præterea. Si diabolus non potest sperare de Dei misericordia, aut hoc est ex parte sua, aut hoc est ex parte Dei. Sed non est ex parte Dei: quia, sicut Augustinus in eodem Libro (cap. v.) dicit, omnis malitia brevis in comparatione ad misericordiam Dei. Si autem dicatur, quod hoc est ex parte sui, quia non potest per seipsum resurgere a peccato, pari ratione hoc competere cuilibet peccanti mortaliter: quia nullus potest per seipsum de peccato exire, nisi liberetur a Deo; nec tamen omnes peccantes mortaliter, irrevocabiler perseverant in malo. Ergo diabolus non perseverat immobiliter in malo.

7. Præterea. Ista consequentia valet. Possum currere, si volo: ergo possum currere. Sed diabolus potest converti ad bonum, si vult, quia in ipso velle consistit conversio. Ergo diabolus potest converti ad bonum.

8. Præterea. Si motus sit naturalis, sequitur quod quis sit naturalis: quia per quam naturam aliquid movetur ad locum, etiam quiescit in loco. Ergo pari ratione si motus est voluntarius, & quies voluntaria. Sed diabolus voluntarie motus fuit ad malum. Ergo voluntarie quiescit in malo: non ergo ex necessitate.

9. Præterea. Secundum Chrysostomum super Ioannem sicut le habet lux Solis ad aerem, ita se habet lux increata ad spirituales substantias. Sed quanto aer est purior, tanto magis potest percipere lucem Solis: Angelus autem est subtilioris naturæ inter spirituales substantias quam anima. Cum ergo anima post peccatum possit percipere lucem gratiæ, videtur quod multo fortius Angelus. Ergo videtur quod non immobiliter perseveret in malo.

10. Præterea. Quod natura est tale, semper est tale. Sed Angelus naturaliter habet quod possit converti in bonum. Ergo semper potest in bonum converti, sicut ante peccatum, sic & post peccatum.

11. Præterea. Diabolus non reportavit

commodum ex suo peccato. Sed ante peccatum tenebatur converti in Deum. Ergo etiam post peccatum teoetur converti in Deum. Sed nullus tenetur ad impossibile. Ergo non est impossibile diabolum converti ad Deum; & sic, ut videtur, non immobiliter maeret in peccato.

12. Præterea. Quanto aliquid agens est magis infirmum, tanto magis est determinatum ad unum; sicut corpus grave, & leve magis est determinatum ad unum motum, quam ratio, quæ potest in diversâ moveri. Sed anima est ordine naturæ iuxta Angelum. Cum ergo anima non sit determinata ad unum quin post peccatum possit reverti ad bonum, videtur quod multo minus Angelus.

13. Præterea. Inferior appetitus potest dirigi per superiorem appetitum, sicut in nobis appetitus sensitivus dirigitur per appetitum rationalem, ut dicitur in III. de Anima (com. 1v11.) Sed supra appetitum demonis est alius superior appetitus, scilicet appetitus Dei, & boni Angeli. Ergo appetitus demonis, quo tendit in malum, potest in bonum dirigi.

14. Præterea. Unumquodque naturaliter convertitur ad id quod melius est. Sed diabolus intelligit bonum divinum esse melius quam bonum suum. Ergo potest in bonum divinum converti: non ergo immobiliter perseverat in aversione a Deo, quæ est malum eius.

15. Præterea. Mutatio status non tollit diabolo libertatem arbitrii, quæ est ei naturalis. Sed libero arbitrio per se convenit converti posse in bonum: quia posse peccare non est libertas arbitrii, nec pars libertatis, ut Anselmus dicit (Lib. de liber. arb. cap. 1.) Ergo mutatio status non tollit diabolo quin possit converti in bonum.

16. Præterea. Diabolus antequam peccaret poterat converti in bonum. Si autem post peccatum non potest converti in bonum, aut hoc est per subtractionem aliquam, aut propter additionem. Sed non per subtractionem, quia potentie naturales in eis manent integræ, sicut & cetera naturalia bona, ut Dionysius dicit (cap. iv. de div. nom.) similiter etiam nec per additionem, quia quod additur alicui, adventit ei secundum modum eius. Et ita cum liberum arbitrium Angeli secundum se sit convertibile, videtur quod illud quod ei additur, vettibiliter inhaereat ei. Non ergo immobiliter perseverat in malo.

17. Præ-

17. Præterea. Voluntas proportionatur intellectui a quo movetur. Sed intellectus Angelus non ita intelligitur unum, quin etiam possit intelligere aliud. Ergo non ita vult unum quin possit etiam reverri ad aliud volendum; & ita non immobiliter perseverat in malo.

18. Præterea. Dionysius dicit iv. cap. de divin. Nomin. quod demones intelligunt, & volunt bonum. Nihil autem aliud videtur requiri ad hoc quod convertantur, nisi quod huic voluntati consentiant. Ergo videtur quod possint iterato converti in bonum.

19. Præterea. Anselmus dicit (Lib. de lib. arb. cap. 111.) quod si in demonibus est libertas arbitrii, oportet quod sit in eis vel quantum ad hoc quod possint servare rectitudinem, aut quantum ad hoc quod possint eam recuperare. Sed hoc non est in eis quantum ad hoc quod possint conservare rectitudinem, quia non habent eam; nec quantum ad hoc quod possint eam deserre, quia hoc pertinet ad posse peccare, quod non est pars libertatis. Relinquitur ergo quod sit in eis liberum arbitrium quantum ad hoc quod est potestas recuperandi rectitudinem; & ita non immobiliter perseverant in malo.

20. Præterea. Quod equaliter deformatur, æqualiter reformari potest. Sed diabolus est equaliter deformatus, sicut & multi homines, qui ex eadem causa peccant, scilicet ex malitia. Ergo cum homines possint reformari, etiam demones reformari poterunt.

21. Præterea. Sicut se habet appetitus ad bonum, & malum; ita intellectus ad verum, & falsum. Sed nullus intellectus est qui ita inhæreat falso quod non possit redire ad verum. Ergo voluntas diaboli non ita inhæret malo quin possit redire ad bonum.

Sed contra est quod I. Ioannis 1.11. 8. dicitur: *Ab initio sui peccati diabolus peccat*: quod exponens Augustinus in XI. de civit. Dei (cap. xv.) dicit, quod semper peccat ab initio sui peccati.

Præterea. Gregorius dicit XXXIV. Moralium (cap. 111.) *Cor antiqui hostis sicut lapis indurabitur, quia nulla unquam conversionis penitentia mollietur*.

Præterea. Angelus medius est inter Deum & hominem. Sed Deus habet liberum arbitrium invertibile ante electionem, & post; homo autem habet ipsum vertibile ante, & post. Ergo Angelus medio modo se habet,

ut scilicet sit vertibile ante, sed non post: nam contrarium est impossibile, ut scilicet sit vertibile post, & non ante. Non ergo post electionem peccati potest reverti ad bonum.

Respondeo dicendum, quod circa hanc questionem erravit Origenes existimans quolibet creaturæ liberum arbitrium in quolibet statu esse vertibile ad bonum, & ad malum: unde putavit etiam demones quandoque per liberum arbitrium posse redire ad bonum, & per divinam misericordiam veniam consequi peccatorum. Sed Augustinus dicit XXI. de civit. Dei (cap. xvii.) *Origenem propter hoc, & propter alia nomina reprobavit Ecclesia, quia ex hoc quod misericors videbatur, desecit faciendo sanctis veras miseras, quibus penas luerant, & falsas beatitudines, in quibus verum ac securum, hoc est sine timore certum, sempiternumque boni gaudium non haberent*. Ponebat enim eadem ratione quod & boni Angeli, & homines quandoque possent per liberum arbitrium peccare, & ita a beatitudine decidere: quod manifeste contrariatur sententiæ Domini dicentis (Matth. xxv. 46.) *Ibunt hi in supplicium æternum, iusti autem in vitam æternam*.

Considerandum est autem, quod hic Origenis error ex hoc provenit quod non recte consideravit quid per se pertineret ad liberi arbitrii potestatem, sine qua homo in nullo statu invenitur. Est ergo considerandum, quod ad rationem liberi arbitrii pertinet quod in diversa possit. Unde res cognitione carentes, quarum actiones sunt determinatæ ad unum, nihil agunt suo arbitrio. Animalia vero irrationalia agunt quidem arbitrio, sed non libero: quia iudicium, quod aliquid prosequuntur, vel fugiunt, est in eis determinatum a natura, ita ut ipsum præterire non possint, sicut ovis non potest non fugere lupum visum. Sed omne illud quod habet intellectum, & rationem, agit libero arbitrio, in quantum scilicet arbitrium eius, quo agit, consequitur apprehensionem intellectus, vel rationis, quæ se habet ad multa. Er ideo, sicut dictum est, ad rationem liberi arbitrii pertinet quod in diversa possit. Sed ista diversitas potest attendi tripliciter. Uno modo secundum differentiam rerum quæ eliguntur propter finem: nam unicuique naturaliter convenit unus finis, quem naturali necessitate appetit, quia natura semper tendit ad unum; sed quia ad unum finem multa possunt ordinari, appetitus intellectualis, vel rationalis naturæ

potest tendere in diversa, eligendo ea quæ sunt ad finem: & hoc modo Deus tamquam proprium finem naturaliter vult suam bonitatem, nec potest non velle eam. Sed quia ad bonitatem eius ordinari possunt diversi modi, & ordines rerum, voluntas eius non sic fertur ad unum in suis effectibus, quin quantum est de se possit ferri in aliud: & secundum hoc competit Deo libertas arbitrii. Simiter & Angelus, & homo habent finem naturaliter sibi præstitutum beatitudinem: unde naturaliter appetunt eam, nec possunt velle miseriam, ut Augustinus dicit in VIII. de Trin. (Lib. XIII. cap. 111. & 14.) Sed quia ad beatitudinem diversa possunt ordinari, in eligendo ea quæ sunt ad finem, potest voluntas tam hominis, quam Angeli boni, vel mali in diversa ferri. Secunda autem diversitas, in quam liberum arbitrium potest, attenditur secundum differentiam boni, & mali: sed ista diversitas non per se pertinet ad potestatem liberi arbitrii, sed per accidens se habet ad eam, in quantum invenitur in natura deficere potenti. Cum enim voluntas de se ordinetur in bonum, sicut in proprium obiectum, quod in malum tendat, non potest contingere nisi ex hoc quod malum apprehenditur sub ratione boni: quod pertinet ad defectum intellectus, vel rationis, unde causatur libertas arbitrii: non autem pertinet ad rationem alicuius potentie quod deficiat in suo actu; sicut non pertinet ad rationem visivæ potentie quod aliquis obscure videat. Et ideo nihil prohibet inveniri liberum arbitrium quod ita tendit in bonum, quod nullo modo potest tendere in malum, vel ex natura, sicut in Deo, vel ex perfectione gratiæ, sicut in hominibus, & Angelis beatis. Secunda autem diversitas, in quam liberum arbitrium potest, attenditur secundum differentiam mutationis: quæ quidem non consistit in hoc quod aliquis diversa velit: nam & ipse Deus vult ut diversa fiant secundum quod convenit diversis temporibus, & personis: sed mutatio liberi arbitrii consistit in hoc quod aliquis illud idem, & pro eodem tempore non velit quod prius volebat, aut velit quod prius nolebat: & hæc diversitas non per se pertinet ad rationem liberi arbitrii, sed accidit ei secundum conditionem naturæ mutabilis: sicut non est de ratione visivæ potentie quod diversimode videat; sed hoc contingit quandoque propter diversam dispositionem videntis, cuius oculus quandoque est purus, quandoque autem turbatur. Et similiter etiam mutabili-

tas, seu diversitas liberi arbitrii non est de ratione eius; sed accidit ei, in quantum est in natura mutabili. Mutatur enim in nobis liberum arbitrium ex causa intrinseca, & ex causa extrinseca. Ex causa quidem intrinseca, vel propter rationem, puta cum quis aliquid prius nesciebat quod postea cognoscit, vel propter ipsum appetitum, qui quandoque sic est dispositus per passionem, vel habitum, ut tendat in aliquid sicut in sibi conveniens, quod cessante passione, vel habitu sibi conveniens non est. Ex causa vero extrinseca, puta cum Deus immutat voluntatem hominis per gratiam de malo in bonum, secundum illud Proverb. XXI. 1. *Cor Regum in manu Dei, & quocunque voluerit vertit illud.* Hæc autem duplex causa cessat in Angelis post primam electionem. Et primo quidem naturaliter in his quæ ad ordinem naturæ pertinent, immutabiliter se habent: quia mutatio est existens in potentia, ut dicitur in III. Physic. (Lib. IV. com. vi. & xxxiii.) Hoc autem ad naturam angelicam pertinet, ut actu habeant notitiam omnium quæ naturaliter scire possunt; sicut nos naturaliter actu habemus notitiam primorum principiorum, ex quibus procedimus ratiocinando ad acquirendam cognitionem conclusionum: quod in Angelis non contingit, quia in ipsis principiis inveniuntur omnes conclusiones quæ ad naturalem eorum cognitionem pertinent. Et ideo sicut immobiliter nos habemus in cognitione primorum principiorum; ita intellectus eorum immobiliter se habet circa omnia quæ naturaliter cognoscit. Et quia voluntas proportionatur intellectui, consequens est quod etiam voluntas eorum naturaliter sit immutabilis circa ea quæ ad ordinem naturæ pertinent. Verum est autem quod sint in potentia respectu motus in supernaturalia, sive per conversionem, sive per aversionem: unde hæc sola mutatio in eis esse potest, ut de gradu naturæ ipsorum moveantur in id quod est supra naturam, convertendo se, vel avertendo. Sed quia omne quod advenit alicui, advenit ei secundum modum suæ naturæ, consequens est ut immobiliter Angelis perseverent vel in aversione, vel in conversione respectu supernaturalis boni. Et parte vero extrinseca immutabiles sunt vel in bono, vel in malo post primam electionem, quia tunc finitur in eis status viatoris: unde non pertinet ad rationem divinæ sapientiæ ut ulterius de omnibus gratia infundatur, per quam revocentur a malo pri-

mae averſionis, in qua immobiliter perfeverant. Et ideo quamvis diverſa eligant per liberum arbitrium, in omnibus tamen peccant: quia in omni eorum electione permanet vis primæ electionis iſporum.

Ad primum ergo dicendum, quod bona naturalia in Angelis ſunt integra quantum pertinet ad naturæ ordinem; ſunt tamen corrupta, vel depravata, ſeu diminuta per comparationem ad capaciatem gratiæ, vel gloriæ.

Ad ſecundum dicendum, quod peccatum eſt contra naturam non ſecundum id quod peccans appetit, ſed ſecundum inordinationem, ex qua habet rationem mali: & id. eo nihil prohibet quod peccator immobiliter perfeveret in eo quod peccando appetit.

Ad tertium dicendum, quod Deus eſt cauſa ſtatus Angelorum, in quo ſunt obſtinati in malo, non quidem ſicut cauſando, vel conſervando malitiam, ſed ſicut non impartiendo gratiam: ſic enim dicitur aliquos induitare, ſecundum illud Roman. ix. 18. *Cuius vult miſereatur, & quem vult induit.*

Ad quartum dicendum, quod immobiliter permanere in malo, non convenit diabolo ex una cauſa, ſed ex duabus. Nam eſſe in malo competit ei ex propria voluntate; ſed immobiliter inhereat ei ad quod voluntas applicatur, conveit ei ex propria natura.

Ad quintum dicendum, quod diabolus non poteſt in ſe proprie loquendo culpam ſentire, ita ſcilicet quod apprehendat, & reſugiat quaſi malum culpæ ſuum peccatum: quia hoc perſisteret ad mutationem liberi arbitrii: & per conſequens non poteſt ſperare ex divina miſericordia veniam, quaſi de culpa.

Ad ſextum dicendum, quod diabolus non ſolum non poteſt per ſeipſum reſurgere a peccato, ſicut nec homo; ſed ulterius ſecundum modum naturæ ſuæ competit ei ut immobiliter inhereat ei quod per propriam voluntatem elegit: & ideo peccatum eius eſt magis irremediabile quam peccatum hominis.

Ad ſeptimum dicendum, quod cum dico, Poſſum currere, ſi volo, antecedens eſt poſſibile; & ideo conſequens eſt poſſibile: ſed cum dico, Diabolus poteſt reverti ad bonum, ſi vult, antecedens eſt impoſſibile, ut ex diſtis patet: unde non eſt ſimilis ratio.

Ad octavum dicendum, quod ſicut mo-

ſtus averſionis a Deo fuit in diabolo voluntarius; ita etiam & quies in eo quod voluit, eſt voluntaria: nam voluntarie perfeverat in malo; ſed tamen voluntas eius in hoc immutabiliter manet, ratione iam diſta.

Ad nonum dicendum, quod a luce increata ſubſtantia ſpiritualis illuminatur dupliciter: uno modo lumine naturali, & ſic Angelus bonus, vel malus magis illuminatur quam anima; alio modo lumine gratiæ, & ſic malus Angelus minus eſt capax huius illuminationis propter impedimentum gratiæ, quod immobiliter in eis manet, ut diſtum eſt.

Ad decimum dicendum, quod liberum arbitrium diaboli non eſt naturaliter vertibile quantum ad naturalia ſua; ſed ſolum habet vertibilitatem reſpectu ſupernaturalium, ad quæ poteſt converti, vel ab eis averſi: quod cum ſecerit, immutabiliter in hoc perfeverat, ſicut diſtum eſt.

Ad undecimum dicendum, quod ſicut ebrius tenetur non peccare, non quidem conſiderato præſenti ſtatu, ſed conſiderata ebrietatis voluntaria cauſa, ſecundum quam impuſatur ei aliquid ad culpam; ita etiam poteſt intelligi quod diabolus teneatur converti ad Deum; quamvis hoc ei ſit impoſſibile ſecundum præſentem ſtatum, quia in hunc ſtatum ex voluntaria cauſa devenit.

Ad duodecimum dicendum, quod illud quod eſt magis infimum, eſt magis determinatum ad unum ſecundum obiecta, quia virtus ſuperior ad plura ſe extendit; ſed tamen illud quod eſt ſupremum, ratione immutabilitatis eſt, magis determinatum ad unum: & hoc modo liberum arbitrium diaboli eſt determinatum ad malum.

Ad decimumtertium dicendum, quod movere voluntatem ſolus Deus poteſt, qui etiam ſecundum abſolutam potentiam poſſet mutare voluntatem dæmonis in bonum; ſed tamen hoc non congruit naturæ iſtius, ut diſtum eſt: unde non eſt ſimile de appetitu ſenſitivo, qui ſecundum naturam mutabilis eſt.

Ad decimumquartum dicendum, quod diabolus bonum divinum, ſecundum quod eſt ſons omnis naturalis boni, intelligit eſſe melius quam bonum proprium, non autem ſecundum quod eſt proprium principium boni gratuiti: quia adhuc manet in prima perverſitate, qua ſummam beatitudinem per naturalem virtutem voluit obtinere.

Ad decimumquintum dicendum, quod per mutationem ſtatus non amiſit liberum arbitrium.

arbitrium dæmon, quin in bonum connaturaliter possit ferri; amisit tamen quod non possit in bonum gerere.

Ad decimum sextum dicendum, quod immobilitas diaboli in malo causatur proprie per adhesionem, quæ habet rationem appositionis: & ex hoc ipso quod adhæret alicui secundum modum suæ naturæ, magis sequitur quod immobiliter inhæreat quam quod vertibiliter.

Ad decimum septimum dicendum, quod appetitus diaboli potest quidem diversa appetere, ut dictum est; sed tamen in omnibus quæ appetit, in malo immobiliter perseverat, ut ex dictis patet.

Ad decimum octavum dicendum, quod ratio illa procedit de cognitione, & voluntate naturalis boni; nunc autem loquimur de bono gratuito, & de malo culpæ, quod ei opponitur.

Ad decimum nonum dicendum, quod diabolus habet libertatem servandi rectitudinem, si eam haberet. Nam, ut Anselmus dicit in eodem Libro, liberum arbitrium semper habet potestatem servandi rectitudinem, & cum habet, & cum non habet eam; sicut cum aliquis habet potestatem servandi pecuniam, si haberet, etiam si non habeat.

Ad viciesimum dicendum, quod quamvis aliquem hominem contingat ex eadem causa peccare ex qua diabolus peccavit, non tamen propter hoc omnino similiter deformatur; sed diabolus immobiliter, homo autem mutabiliter secundum convenientiam suæ naturæ.

Ad viciesimum primum dicendum, quod sicut diabolus immobiliter perseverat in malo cui inhæret, ita etiam immobiliter perseveraret in falso cui assentiret.

ARTICULUS VI.

Utrum intellectus diaboli post peccatum sit obtenebratus, ut in eum possit cadere error, vel deceptio.

Sexto quæritur, utrum intellectus diaboli post peccatum sit obtenebratus, ut in eum possit cadere error, vel deceptio. Et videtur quod sic. Dicitur enim de Leviathan, per quem diabolus intelligitur (Job xli. 23.) *Existimabit abyssum, quasi senescentem*: quod exponens Gregorius in XXXIV. Moral. (cap. 1.) dicit: „Abyssum senescere exilium qui tetinari quandoque

in suppliciis supernam animadversionem putat.“ Hoc autem est falsum. Ergo in diabolo cadit falsa, vel erronea opinio.

2. Præterea. Quicumque dubitat, potest errare. Sed diabolus quandoque dubitat, ut patet per hoc quod ipse dicit Matth. xv. 3. *Si Filius Dei es, dic ut lapides isti panes fiant*. Ergo diabolus potest errare.

3. Sed dicendum, quod diabolus errare potest quantum ad cognitionem gratiam, non autem quantum ad cognitionem naturalem. Sed contra est quod Dionysius dicit iv. cap. de divin. Nomin. *Data ipsis, scilicet dæmonibus, naturalia bona, nequaquam mutata esse dicimus; sed sunt integra, & splendidissima, quamvis ipsi non vident, claudentes suas inspectivas boni virtutes*. Sed ille qui non videt ex hoc quod suum visum claudit, potest decipi, vel errare. Ergo diabolus potest errare etiam circa sua naturalia.

4. Præterea. Ubicumque potest inveniri potentia sine actu, ibi potest esse malum, ut patet per Philosophum in IX. Metaph. (com. xx.) Sed in intellectu angelico etiam quantum ad naturalem cognitionem potest esse potentia sine actu: non enim simul actu considerant omnia ad quæ eorum naturalis cognitio se extendit; alioquin non mutarentur per tempora, ut Augustinus dicit in VIII. super Genes. ad litteram (Lib. IX. cap. xx. xxii. xxiii.) Ergo in intellectu Angeli potest esse malum. Sed malum intellectus est falsum, ut dicitur in VI. Ethic. (VI. Metaph. text. viii.) Ergo quamvis diabolus sit naturæ integræ, nihil prohibet in intellectu eius inveniri falsam opinionem.

5. Præterea. Voluntas diaboli potuit deficere per peccatum, quia est ex nihilo, ut patet per Augustinum XII. de civit. Dei (cap. vi. & vii.) Sed similiter intellectus eius est ex nihilo. Ergo pari ratione potest deficere per errorem.

6. Præterea. Peccatum excludit a beatitudine. Sed beatitudo magis pertinet ad intellectum quam ad voluntatem, secundum illud Ioan. xvii. 3. *Hæc est vita æterna ut cognoscant te Deum verum, & quem misisti Iesum Christum*. Cum ergo per peccatum sit depravata voluntas diaboli, intactum ut semper permaneat in peccato, multo magis sic est depravatus intellectus eius, ut semper permaneat in errore.

7. Præterea. Anselmus probat in Lib. de vit. (in dialog. de veritate cap. xi.) quod

quod est una sola veritas, scilicet increata, ut Augustinus (alius Auctor) etiam dicit (Lib. de spiritu, & anima cap. xii.) quod omnia videntur in lumine divino. Sed demones sunt elongati a participatione Dei, secundum illud II. ad Corinth. vi. 14. *Quae (a) conventio lucis ad tenebras?* Ergo demones nullam veritatem cognoscere possunt.

8. Praeterea. Super illud Iob xv. *Factus est ut nullum timeas*, dicit Gregorius in XXXIV. Moral. (cap. xxi.) de diabolo, quod „appetitus celsitudinis vertit in rigoris mentis, ut iam per duritiam se male esse non sentiat qui per gloriam praesae quarebat.“ Sed constat quod male est ei. Ergo habet de seipso falsam opinionem.

9. Praeterea. Quicumque opinatur falsum quod prius opinabatur verum, quandoque errat. Sed hoc convenit diabolo: quia super illud (Marth. xxvii.) *Sedente eo pro tribunali misit ad eum uxor eius &c.* dicit Glossa (ordin.) „Nunc demum diabolum intelligens, per Christum se spolia sua amissurum, sicut primum per mulierem mortem intulerat, ita modo per mulierem vult Christum de manibus Iudaeorum liberare, ne per eius mortem, mortis amittat imperium.“ Ex quo videtur quod aliquando ei videbatur sibi expediens quod Christus moreretur, dum mortem eius procurabat; postmodum autem fuit ei visum quod hoc non expediret suo dominio. Ergo videtur quod aliquando habuerit falsam opinionem.

10. Praeterea. Augustinus dicit in Lib. de vera religione (cap. lxi.) *Cavendi sunt inferiores inferi*, id est post hanc vitam poenae graviores, ubi nulla potest esse commemoratio veritatis, quia nulla ratiocinatio: & hoc ideo quia non perspicitur lumen verum, quod illuminat omnem hominem venientem in hunc mundum. Sed in statu illorum inferorum sunt demones. Ergo ipsi nullam veritatem cognoscunt, nec est in eis aliqua ratiocinatio.

11. Praeterea. Sicut se habet vera cognitio ad rectum appetitum, ita se habet falsa cognitio ad perversum appetitum. Sed non potest esse rectus appetitus, nisi praecedat vera cognitio. Ergo perversum appetitum semper praecedit falsa cognitio. Sed in demonibus semper est perversus appetitus. Ergo in eis est falsa cognitio.

12. Praeterea. Super illud Luc. x. *Plagas invisibiles agnoscunt femur relicto*, dicit quidam Glossa (ordinar.) quod homo vulneratur per peccatum in naturalibus. Sed il-

lud reformat in homine gratia quod per peccatum vulneratur. Cum ergo gratia reformat totam imaginem, sub qua comprehenditur non solum voluntas, sed etiam intellectus, videtur quod per peccatum demon fuerit vulneratus eius intellectus etiam quantum ad naturae cognitionem; & ita videtur quod etiam in naturali cognitione eius possit esse error, & deceptio.

13. Praeterea. Dionysius dicit iv. cap. de divin. Nomin. quod nullus ad malum aspiiciens operatur. Sed id quod operatur diabolus, est malum. Ergo decipitur in sua estimatione.

14. Praeterea. Augustinus dicit in Lib. de vera religione (cap. xlii.) *Ille Angelus magis seipsum quam Deum diligendo subditus ei esse voluit, & intumuit per superbiam, & a summa decencia defecit per peccatum, scilicet lapsus; & ob hoc minus est, quia eo quod minus erat, frui voluit, quia magis voluit suam potentiam frui quam Dei.* Sed in hoc ipso quod suae naturae, & virtutis perverae inhaerit, & per hoc quod inceptit minus esse, videtur ab ordine suorum naturalium defecisse. Ergo & circa cognitionem naturalem potest in ipsum cadere falsitas, sive deceptio.

15. Praeterea. Gregorius dicit in Pastoralium, quod menti furore ebrius perversum videtur esse quod rectum est. Sed mens diaboli est furore ebria: dicit enim Dionysius iv. cap. de divin. Nomin. quod malum demonis est furor irascibilis. Ergo perversum putat omne quod rectum est; & ita in sua opinione decipitur.

16. Praeterea. Universalis cognitio in nobis est deceptionis principium; sicut cum considerantes lilii albedinem, quae sibi, & multis aliis est communis, decipimur existimantes quod est album, esse lilium. Sed Angeli cognoscunt per formas universales, & tanto magis, quanto sunt superiores. Cum ergo Lucifer fuerit supremus inter Angelos, & per consequens habeat formas maxime universales, videtur quod maxime possit decipi.

17. Praeterea. Simplex, ad quod se convertit, totum se convertit. Ergo pari ratione a quo se avertit, totum se avertit. Sed diabolus est simplex secundum suam essentiam. Ergo cum sit averfus a Deo, videtur quod totaliter sit ab eo averfus, scilicet & quantum ad affectionem, & quantum ad cognitionem. Ergo videtur quod eius cognitio totaliter a veritate deficiat, cum Deus veritas sit.

18. Præ.

(a) Vulgata, *scietas lucis*.

18. Præterea. Super illud II. ad Corinth. vi. *Quæ comparatio Christi ad Belial?* dicit Glossa, quod diabolus omnia facit male. Sed ipsum intelligere est quoddam agere. Ergo videtur quod diabolus male se habeat etiam in intelligendo; & ita videtur quod in eius intellectu cadat falsa opinio.

1. Sed contra est quod Dionysius dicit vii. cap. de divin. Nomin. quod Angeli sunt simplices intellectus. Sed in simplici intelligentia, etiam humana, non potest esse falsum. Ergo multo minus in cognitione angelica. Sed diabolus est angelicæ naturæ. Ergo in eius cognitione non cadit falsitas.

2. Præterea. In dæmonibus, cum sint substantiæ incorporeæ, non est cognitio nisi intellectiva. Sed intellectus semper est rectus, ut Philosophus dicit in III. de Anima (com. It.) & Augustinus etiam probat in Lib. Ixxxiii. Quæstionum (quæst. xxxi.) quod nullus falsum intelligit. Ergo videtur quod in cognitione dæmonum non possit esse deceptio quantum ad cognitionem.

3. Sed dicendum, quod in cognitione dæmonum non potest esse deceptio quantum ad cognitionem naturalem, sed solum quantum ad cognitionem gratuitam. Sed contra. Cognitio gratuita præcipue refertur ad Deum, secundum quod excedit naturalem cognitionem creaturæ. Sed, sicut Philosophus probat in IX. Metaphysic. (com. xxx.) in cognitione substantiarum simplicium quæ super nos sunt, non potest esse falsum, sed est ibi defectus solum in non attingendo. Ergo circa cognitionem gratuitam non potest esse aliqua falsa opinio in dæmonibus, sed solum deficient in cognoscendo.

4. Præterea. Omne quod advenit alicui advenit secundum modum suæ naturæ, ut dicitur in Lib. de causis (prop. x.) Si ergo dæmones secundum suam naturalem cognitionem non possunt errare, videtur quod nec etiam circa cognitionem gratuitorum, quæ eis supervenit, errare possint.

5. Item dicendum, quod dæmones possunt errare circa cognitionem affectivam. Sed contra. Cognitio angelica excedit omnem humanam cognitionem. Sed aliqua vis cognoscitiva est in homine quæ non errat, etiam in peccatore, scilicet syndetesis. Ergo videtur quod multo fortius cognitio Angeli peccantis sit absque errore.

6. Præterea. Dæmon ex libero arbitrio peccavit, quod est facultas voluntatis, & rationis. Sed ratio, & voluntas referuntur ad diversa obiecta: nam voluntas respicit bonum, ratio autem verum. Ergo nihil

prohibet voluntatem diaboli esse deficientem circa bonum, ita tamen quod intellectus eius non sit deficientis circa verum.

7. Præterea. Nihil corrumpitur, vel diminuitur nisi per suum oppositum. Sed peccatum non opponitur naturæ. Ergo videtur quod neque corrumpat, neque diminuat bonum naturæ. Sed naturalis cognitio non patitur errorem. Ergo videtur quod nec etiam post peccatum possit in eo esse error.

8. Præterea. Gregorius dicit in IV. Dialog. (cap. xxv.) quod anima a corpore elevata cognoscit verum sine errore. Sed magis elevatur a corpore Angelus etiam multo minus quam anima. Ergo videtur quod multo minus in malis Angelis possit cadere error.

Respondeo dicendum, quod falsa opinio est quoddam defectiva operatio intellectus, sicut partus monstruosus est quoddam defectiva operatio naturæ: unde Philosophus dicit in VI. Ethic. (cap. xi.) quod malum intellectus est falsum. Defectiva autem operatio semper procedit ex defectu alicuius principii, sicut ex aliquo defectu seminis procedit monstruositas partus, ut dicitur in II. Physic. (com. lxxxii.) Unde necesse est quod omnis falsa æstimatio procedat ex defectu alicuius principii cognoscendi; sicut in nobis falsa opinio accidit plerumque ex indebita ratiocinatione. Nihil autem potest deficere quantum ad id ad quod semper est in actu secundum suam naturam; sed in eo aliquid deficere potest respectu cuius est in potentia: nam id quod est in potentia, potest subici & perfectioni, & privationi. Actus autem opponitur privationi, ad quam pertinet omnis defectus. Sicut autem supra dictum est, Angelus secundum conditionem suæ naturæ actu habet perfectam notitiam omnium eorum ad quæ vis sua cognoscitiva naturaliter se extendit: non enim discurrit a principiis ad conclusiones, sed statim in ipsis principiis notis conclusiones videt. Alioquin si actu habeas principiorum notitiam, in potentia conclusiones cognosceret, oporteret ipsum, sicut & nos, per rationis discursum per principia notitiam conclusionum acquirere: cuius contrarium patet per Dionysium vii. cap. de divin. Nomin. Sicut ergo nobis non potest inesse falsa opinio circa prima principia naturaliter nobis nota; ita nec Angelopotest inesse falsa opinio circa quæcumque quæ naturaliter eius cognitioni subiant. Et quia peccando diabolus proprietatem naturæ suæ non amisit, sed data naturalia in eis manent

uent integra, & splendidissima, ut Dionysius dicit iv. cap. de divin. Nomin. consequens est quod nec diabolus falsam opinionem habere possit in his quae pertinent ad eius naturalem cognitionem. Quamvis autem mens eius sit in actu respectu eorum quae naturaliter cognoscere potest; est tamen in potentia respectu eorum quae suam naturalem cognitionem excedunt, & ad ea cognoscenda indiget superiori lumine illustrari. Sicut enim virtus activa quanto est superior, tanto in plura aegredisse potest extendere; ita virtus cognoscitiva quae est altior, ad plura cognoscenda se extendit: undecesse est quod respectu eorum in quibus superior intellectus inferiorem excedit, inferior intellectus sit quasi in potentia, indigens perfici per superiorem. Sic ergo respectu eorum quae sunt in divina cognitione, omnis intellectus angelicus est in potentia, indigens illustrari ad ea cognoscenda quodam supernaturali lumine, quod est lumen gratiae divinae; & sic respectu huius cognitionis gratitiae potest in quolibet aliquis defectus existere; aliter tamen, & aliter. Nam in bono Angelo potest quidem respectu huiusmodi cognoscibilium esse defectus, sed simplicis negationis, secundum quod Dionysius dicit vii. cap. ecclesiast. Hierar. quod a necessitate purgantur; non autem potest in eis esse defectus falsae opinionis: quia cum voluntas eorum sit ordinata, non applicant suum intellectum ad iudicandum de illis quae cognitionem eorum excedunt. Sed in malis Angelis propter inordinatam, & superbam voluntatem potest esse respectu huiusmodi cognoscibilium etiam defectus falsae opinionis, in quantum exhibent praesumptuose suum intellectum ad iudicandum de his quae eos excedunt. Et haec quidem falsitas respectu huiusmodi cognoscibilium potest in eis esse speculative, in quantum scilicet absolute in falsum iudicium prorumpunt; & praeterea, sive affective, in quantum falso existimant aliquid esse appetendum, vel agendum in ordine ad praedicta cognoscibilia.

Ad primum ergo dicendum, quod interminabilitas divinae voluntatis non pertinet ad cognitionem gratuitam: quia ratio divinatorum iudiciorum excedit omnem naturalem cognitionem creaturae, secundum illud Psalm. xxxv. 7. *Iudicia tua abyssus multa*. Nunc tamen diabolus ignorat interminabilitatem sui supplicii: hoc enim diminueret eius miseriam. Sicut enim ad augmentum felicitatis bonorum pertinet securitas de per-

petuitate gloriae, ita ad augmentum miseriae damnatorum pertinet certitudo de interminabilitate miseriae. Unde dicendum est, quod dicitur diabolus existimare abyssum fenescentem, sicut Gregorius ibidem exponit, quia opinionem terminabilitatis poenarum mentibus hominum ingerit in hoc mundo, ut minus peccare formident.

Ad secundum dicendum, quod dubitatio diaboli fuit de mysterio incarnationis, quod excedit naturalem cognitionem etiam Angelorum.

Ad tertium dicendum, quod daemones dicuntur non videre sua naturalia, non quia absolute videant; alioquin nihil cognoscere possent: quia, ut dicitur in Lib. de causis (prop. x.) intelligentia intelligit omnia alia intelligendo essentiam suam: sed non videt ea in ordine ad bona gratuita, a quibus considerandis avertit suam intentionem, solis suis naturalibus finaliter inharens.

Ad quartum dicendum, quod habere notitiam in actu dicitur dupliciter. Uno modo quantum ad actualem considerationem; & sic non intelligitur quod Angelus habeat actualem notitiam: quia, ut dicitur in II. de Anima (com. 11.) & in VIII. Physic. (com. xxxi.) aliter dicitur aliquis esse potentia sciens ante addicere, quando scilicet nondum habet habitum scientiae, & aliter ante considerare: & hoc modo Angelus habet actualem notitiam respectu omnium quae naturaliter cognoscere potest; & istud sufficit ad repellendam falsitatem contrariam. Non enim nos semper actu consideramus principia, sed ipse habitus principiorum sufficit ad repellendum omnem contrarium errorem cum ipsa.

Ad quintum dicendum, quod ex hoc quod aliquid est ex nihilo, sequitur quod sit secundum aliquid veribile; non tamen oportet quod sit veribile quantum ad omnia. Corpora quidem caelestia mutabilia sunt secundum locum, sed non secundum substantiam. Et similiter intellectus Angeli ex hoc quod est ex nihilo, potest deficere circa supernaturalia, non autem circa naturalem cognitionem: quia etiam voluntas Angeli circa huiusmodi potest peccare, ut supra (art. 3.) habitum est.

Ad sextum dicendum, quod beatitudo activa consistit in intellectu, ad quem pertinet visio Dei, magis quam in voluntate, ad quam pertinet delectatio: quia delectatio consequitur operationem sicut causam, & adiungitur ei sicut quaedam superveniens

M m

perfe.

perfectio: unde Philosophus dicit in X. Ethic. (cap. IV. a med.) quod delectatio perficit operationem, sicut decor iuventutem. Sed appetere finem, & movere in ipsum præcipue convenit voluntati: & hoc impeditur per peccatum: & ideo peccatum magis respicit voluntatem quam intellectum.

Ad septimum dicendum, quod daemones elongati sunt a participatione divinæ veritatis, & divini luminis, secundum quod participatur per gratiam, non autem secundum quod participatur per naturam.

Ad octavum dicendum, quod diabolus non sentit se esse male, quia culpam suam non apprehendit ut malum; sed adhuc obstinata mente perseverat in malo: unde pertinet ad falsitatem practicæ, seu affectivæ cognitionis.

Ad nonum dicendum, quod effectus passionis Christi pertinet ad supernaturalem cognitionem, circa quam diabolus errare potuit.

Ad decimum dicendum, quod cum dicitur quod apud inferos non est commemoratio veritatis, non est intelligendum quasi nullam veritatem cognoscant; alioquin non cognoscerent se auctores peccatorum perpetrasse, & sic excluderetur veritas conscientie: sed est intelligendum quod non sunt in statu acquirendi cognitionem veritatis, per quam intellectus eorum perficeretur.

Ad undecimum dicendum, quod secundum Dionysium IV. cap. de divin. Nomin. bonum causatur ex tota & integra causa, malum autem ex singularibus defectibus: & ideo plura requiruntur ad bonum quam ad malum. Unde non sequitur, si ad rectitudinem appetitus requiritur vera cognitio intellectus, quod perveritas appetitus non possit esse sine falsitate cognitionis. Quamvis etiam dici possit, quod & appetitus possit esse rectus aliqua falsa cognitione præcedente, puta cum aliquis exhibet honorem paternum ei quem falso putat patrem. Et similiter appetitus perverfus semper est cum aliqua falsitate practicæ cognitionis.

Ad duodecimum dicendum, quod culpa vulnerat hominem in naturalibus quantum ad capacitatem gratuitorum, non autem ita quod adimat aliquid de essentia naturæ; & sic non sequitur quod intellectus eius erret nisi circa gratuita.

Ad decimumtertium dicendum, quod ratio illa procedit de cognitione practica, vel affectiva, secundum quam aliquis aspiciens ad bonum veligit malum.

Ad decimumquartum dicendum, quod in

hoc quod diabolus sibi magis inhæret per amorem quam Deo, peccavit circa ordinem naturalium ad gratuita, quia non retulit amorem suæ naturæ in Deum: & hoc etiam dicitur minus esse, inquantum privatus est esse gratuito.

Ad decimumquintum dicendum, quod furor de diabolo dicitur metaphorice; & ex talibus locutionibus non trahitur conveniens argumentatio: tamen etiam potest dici, quod hoc etiam pertinet ad practicam cognitionem.

Ad decimumsextum dicendum, quod universalis cognitio dicitur esse in Angelis, non quia cognoscant solam naturam universalem rerum, per quem modum universalis cognitio est in nobis deceptionis causa; sed dicitur cognitio eorum esse universalis, inquantum universatim ad multa cognoscibilia se extendit, de quibus propriam, & completam cognitionem habent.

Ad decimumseptimum dicendum, quod Angelus est simplex in essentia, sed multiplex in virtute, inquantum scilicet virtus eius ad multa se extendit, non quidem per diversarum naturarum potentias, sicut in nobis est appetitus sensitivus, & intellectivus: hoc enim repugnaret simplicitati essentie. Secundum ergo appetitum intellectualem, prout in multa se potest extendere, potest ab aliquo averti secundum aliquid, & non secundum aliud: & sic appetitus eius non est aversus a Deo secundum naturalia, sed secundum gratuita.

Ad decimumoctavum dicendum, quod diabolus omnia male agit quantum ad ea quæ agit ex libero arbitrio; sed actiones naturales in eo sunt bonæ, quia proprie loquendo actiones illæ naturales sunt Dei instituentis naturam.

Ad primum autem quod in contrarium obicitur, dicendum, quod Angelus habet simplicem intellectum quantum ad hoc quod sicut non intelligit veritatem discurrendo a principiis ad conclusiones, sed statim in principiis videt conclusionem veritatem; ita etiam non intelligit superaddendo prædicatum subiecto per modum compositionis, & divisionis intellectus nostri; sed statim in simplici consideratione subiecti considerat ea quæ subiecto conveniunt, vel quæ ab eo remouentur: utriusque enim est eadem ratio, eo quod dispositio subiecti est principium cognoscendi inhærentiam prædicati ad ipsum. Unde Angelus per simplicem apprehensionem subiecti cognoscit esse, vel non esse.

esse, sicut & nos componendo, & dividendo. Nihil enim prohibet per simplex intelligere compositum, sicut per immateriale cognoscitur materiale. Ex hoc autem in intellectu nostro componente potest provenire falsitas, inquantum iudicat aliquid esse, vel non esse. Unde in intellectu daemonis potest esse falsitas præcipue quantum ad ea quæ excedunt naturalem cognitionem.

Ad secundum dicendum, quod intellectus semper dicitur esse rectus in intelligendo: quia, ut Augustinus dicit in Lib. lxxxiii. Questionum (quæst. 121.) quicumque intelligit aliquid, intelligit illud esse ut est, potest tamen potentia intellectus non intelligendo verum, errare, ut patet in eo qui opinatur falsum.

Ad tertium dicendum, quod circa ipsam essentiam divinam non potest daemon deficere nisi in non attingendo, sicut ratio inducitur probat; sed in his quæ supernaturaliter facit in creaturis, potest intellectus daemonis deficere falsum opinando.

Ad quartum dicendum, quod modus intelligendi ipsius daemonis conformatur substantiæ suæ; non tamen oportet quod eandem vim habeat ad iudicandum de his quæ excedunt naturam suam, sicut ad iudicandum ea quæ sunt sibi connaturalia: & ideo licet nunquam falsum iudicium habeat de his quæ pertinent ad naturalem cognitionem eius, potest tamen habere falsum iudicium de his quæ naturalem eius cognitionem excedunt.

Ad quintum dicendum, quod synderefsis est cognoscitiva universalium principiorum operabilium, quæ naturaliter homo cognoscit, sicut & principia universalia speculabilium: unde ex hoc non potest concludi, nisi quod daemones in naturali cognitione non errant.

Ad sextum dicendum, quod voluntas non movetur a bono, nisi inquantum est apprehensum: unde non potest deficere ab appetitu boni, nisi etiam subit defectus aliquis circa apprehensionem, non quidem quantum ad universalia principia, quorum est synderefsis, sed quantum ad particularia eligibilia.

Ad septimum dicendum, quod quia culpa non directe opponitur naturæ, inde est quod daemones per peccatum non incurrunt falsitatem quantum ad naturalem cognitionem.

Ad octavum dicendum, quod Gregorius loquitur de elevatione animæ quæ fit per

gratiam: lumen enim gratiæ omnem falsitatem excludit.

ARTICULUS VII.

Utrum daemones futura cognoscant.

SEPTIMO queritur, utrum daemones cognoscant futura. Et videtur quod sic. Dicit enim Augustinus IX. de civitate Dei (cap. xxi.) *Temporalia divine virtutis essetia, angelicis sensibus etiam malorum spirituum potius quam infirmitati hominum possunt esse conspicua.* Sed homines considerando effectus divinæ virtutis multa de futuris præcognoscunt, ut medicus sanitatem, nauta tranquillitatem futurum. Ergo multo magis daemones futura præcognoscere possunt.

2. Præterea. Nullus vere potest prænunciare nisi illud quod præcognoscit. Sed, sicut Augustinus dicit in Lib. de divin. daemonum (cap. iv. & v.) daemones quædam vera prænuntiant de futuris eventibus. Ergo daemones præcognoscunt futura.

3. Præterea. Si daemones sint substantiæ incorporeæ, oportet quod secundum substantiam, & operationem sint supra tempus, secundum illud quod dicitur in Lib. de causis (prop. xxxi.) quod intelligentiæ substantiæ, & operatio est supra tempus. Sed præsens, præteritum, & futurum sunt differentie temporis. Ergo quantum ad cognitionem daemonis non differt, utrum sit aliquid præsens, præteritum, aut futurum. Sed daemones possunt cognoscere præsentia, & præterita. Ergo etiam possunt cognoscere futura.

4. Sed dicendum, quod ad hoc quod aliquid possit cognosci, non solum requiritur quod cognoscens sit præsentialiter, & in actu, sed etiam cognitum. Sed contra. Certior est cognitio Dei quam cognitio daemonis. Si ergo ad certitudinem cognitionis daemonis requiritur quod cognitum sit præsentialiter in actu, multo magis hoc requiritur ad cognitionem Dei; & sic nec Deus futura cognosceret: quod est inconveniens.

5. Præterea. Omnis cognitio est secundum modum cognoscentis. Sed in dæmone, cum sit substantia incorporea, non est cognitio sensitiva, sed solum intellectualis. Cum ergo intellectus abstrahat ab hic & nunc, videtur quod non differat quantum

ad cognitionem demonis, utrum aliquid sit praesens, praeteritum, vel futurum.

6. Praeterea. Manifestum est quod daemones cognoscunt singularia dum sunt. Non autem cognoscunt ea per species a rebus acquisitas, quia hoc non posset fieri nisi mediante sensu. Ergo cognoscunt ea per species innatas. Sed species innatae fuerunt in mente demonis ab initio suae creationis. Ergo ab initio suae creationis daemon cognovit omnia singularia futura.

7. Sed dicendum, quod ad ea quae excedunt naturalem cognitionem Angeli, non sufficiunt species innatae. Sed requiruntur species infusae. Sed contra. Cognitioni cui subditur quod maius est, multo magis quod minus est. Sed naturali cognitioni demonis subduntur substantiae immateriales, quae sunt multo altiores quam substantiae sensibiles. Ergo singularia sensibilia eorum cognitionem non excedunt.

8. Praeterea. Sicut ideales rationes quae sunt in mente divina, se habent in causando, & cognoscendo; ita similitudines rerum quae sunt in mente angelica, se habent in cognoscendo. Sed rationes ideales quae sunt in mente divina, aequaliter se habent ad praeterita, praesentia, & futura causanda, & cognoscenda. Ergo videtur quod species rerum quae sunt in mente angelica, aequaliter se habeant ad praesentia, praeterita, & futura.

9. Praeterea. Sicut Deus per verbum suum produxit formas (a) in materia, ita etiam in intelligentia angelica, ut patet per Augustinum II. super Genes. ad litteram. Sed formae rerum in materia corporali, eodem modo se habent respectu praesentis, praeteriti, & futuri. Ergo videtur quod pari ratione species rerum quae sunt in mente angelica; & sic videtur, quod daemones per huiusmodi species possint cognoscere futura.

10. Praeterea. Isidorus dicit in Lib. de summo bono (Lib. I. cap. xxi.) quod triplici acumine scientiae vigent daemones, partim quidem ex experientia longi temporis, partim ex subtilitate suae naturae, partim autem ex revelatione bonorum spirituum. Sed omnes isti modi possunt se extendere ad cognitionem futurorum, sicut praesentium. Ergo daemones possunt cognoscere futura.

11. Sed dicendum, quod daemones possunt cognoscere futura quae ex necessitate eve-

niunt, & quae habent causas determinatas, non autem alia. Sed contra. Experimentalis cognitio ex similibus ad similia procedit. Sed omnium quae accidunt, quantumcumque sint contingentia, aliqua similia praecesserunt in saeculis praeteritis, in quibus daemones fuerunt: dicitur enim Eccle. i. 10. *Nihil sub Sole novum iam enim praecessit in saeculis quae fuerunt ante nos.* Ergo daemones omnium futurorum contingentium cognitionem habent.

12. Praeterea. Experientia a sensu oritur: dicit enim Philosophus in I. Metaphys. (non longe a princ.) *Ex sensu fit memoria, ex multis autem memoriis unum experientiam.* Sed in daemonebus non est sensus. Ergo nihil in eis operatur experientia, ut cognoscant quaedam futura magis quam alia.

13. Praeterea. Si daemones non cognoscunt ea quae non habent causam determinatam quando sunt futura, cognoscunt autem ea quando sunt praesentia, videtur sequi quod eorum intellectus reducatur de potentia in actum. Sed hoc videtur impossibile: quia nihil reducitur de potentia in actum nisi ab aliquo excellentiori: non est autem ponere aliquid creatum excellentius intellectu angelico. Ergo videtur quod daemones cognoscant contingentia quae non habent causas determinatas, etiam antequam fiant.

14. Praeterea. Omne quod fit ex pluribus causis ordinatis, & non impeditur, videtur ex necessitate accidere. Sed omnis effectus qui accidit in hoc mundo, accidit ex concursu plurium causarum ordinarum ad invicem, & non impeditur: quia si fuisset impeditur, non esset subsecutus effectus. Ergo omnia quae sunt in hoc mundo, accidunt ex necessitate: & sic videtur quod daemones omnia futura cognoscant.

15. Praeterea. Fortuna, & casus sunt in his quae accidunt ut in paucioribus. Sed si nihil accidat ut in paucioribus, nihil erit contingens ut in pluribus, sed omnia ex necessitate evenient: ea enim quae sunt ut in pluribus, non differunt ab his quae sunt ex necessitate, nisi per hoc quod deficiunt in paucioribus. Si ergo nihil est a fortuna, & casu, sequitur quod omnia sunt ex necessitate. Sed primum videtur esse verum, secundum sententiam Augustini, qui dicit in Lib. lxxxi. *Quaestionum (quaest. xxiiv.) quod nihil agitur in hoc mundo temere, id est a fortuna, vel casu. Ergo omnia ex neces-*

(a) scilicet prope materiam, item in materia.

necessitate eveniunt; & sic daemones omnia futura cognoscunt.

16. Præterea. Omnes motus inferiorum corporum reducuntur in motus cælestium corporum, sicut in causas: dicit enim Augustinus in III. de Trin. (cap. iv.) quod Deus regit inferiora corpora per superiora. Sed motus superiorum corporum proveniunt uniformiter ex necessitate. Ergo etiam omnia quæ accidunt in inferioribus corporibus, proveniunt ex necessitate; & sic idem quod prius.

17. Sed dicendum, quod hoc habet locum in motibus pure corporalibus, non autem in his quæ causantur ex libero arbitrio. Sed contra. Principium motus hominis, & cuiuslibet animalis est ex aliquo de novo in rebus corporalibus accidenti; sicut comple re digestione homo per seipsum excitatur a fomno, & surgit, ut dicitur in VIII. Physic. Si ergo ea quæ exterius accidunt in rebus corporalibus, subduntur necessitati cælestium corporum, videtur quod pari ratione ea quæ sunt ex libero arbitrio.

18. Præterea. Liberum arbitrium ad voluntatem pertinere videtur, quæ est appetitus rationalis, cuius actus est electio. Sed voluntas movetur a bono sicut a proprio obiecto. Ergo ex necessitate movetur ad electionem boni, & ad fugam mali. Sic ergo omnia ex necessitate eveniunt, etiam quæ ex libero arbitrio fiunt; & ita ex consequenti videtur quod daemones omnia futura præcognoscere possint.

Sed contra est quod Damascenus dicit in II. Lib. (orth. Fidei cap. 11.) quod neque homines, neque daemones futura præcognoscunt, sed solus Deus.

Præterea. Unusquisque potest melius cognoscere quæ ad ipsum pertinent, quam quæ pertinent ad alios: unde dicitur I. Cor. 11. 11. (a) *Quæ sunt hominis, nemo novit, nisi spiritus hominis qui in ipso est.* Sed daemones non fuerunt præfati sui calis futuri, ut patet per Augustinum XI. super Genes. ad litter. (cap. xvi. 11. & xix.) Ergo multo minus alia futura daemones præcognoscere possunt.

Præterea. Cognitio non est nisi veri. Sed futura contingentia non habent veritatem determinatam, ut probat Philosophus in I. Perihieremias (cap. ult.) Ergo daemones non cognoscunt determinare futura.

Respondendo dicendum; quod dupliciter possunt futura cognosci: uno modo in seipsis, alio modo in suis causis. In seipsis

quidem a nullo cognosci possunt nisi Deus: cuius ratio est, quia futura, prout futura sunt, nondum habent esse in seipsis; esse autem, & verum convertuntur: unde cum omnis cognitio sit alicuius veri, impossibile est quod aliqua cognitio respiciens futura in ratione futuri, cognoscat ea in seipsis. Cum autem præsens, præteritum, & futurum sint differentie temporis, temporalem ordinem designantes, omne quod qualitercumque est in tempore, comparatur ad futura sub ratione futuri. Et ideo impossibile est quod aliqua cognitio subiiciens ordini temporis, cognoscat futura in seipsis. Talis autem est omnis cognitio creature, ut post dicitur. Unde impossibile est quod aliqua creatura cognoscat futura in seipsis; sed hoc est proprium solius Dei, cuius cognitio est elevata supra totum ordinem temporis, ita quod nulla pars temporis comparatur ad operationem divinam sub ratione præteriti, vel futuri; sed totus decursus temporis, & ea quæ per totum tempus aguntur, præsentialiter, & conformiter eius aspectui subduntur; & eius simplex intuitus super omnia simul fertur, prout unumquodque est in suo tempore. Potest autem accipi conveniens similitudo ex ordine locali. Sicut enim prius, & posterius in motu, & tempore consequitur prius, & posterius in magnitudine, ut dicitur in IV. Physicor. (com. xcix.) ita Deus præsentialiter omnia intuetur, quæ ad invicem comparantur secundum ordinem præsentis, præteriti, & futuri: quod non potest aliquis eorum cuius intuitus sub hoc ordine temporis cadit; sicut ille qui est in alta specula constitutus, videt simul omnes transcentes per viam, non sub ratione præcedentis, & subsequens quo ad ipsum, quamvis videat quosdam alios præcedere; tamen quicumque in ipsa via constitutus est in ordine transeuntium, non potest videre nisi præcedentes, vel iuxta se positos. In causis autem suis sunt aliqua futura tripliciter. Uno modo secundum potentiam tantum, quia scilicet possunt esse, vel non esse; quæ dicuntur contingentia ad utrumlibet. Quædam vero sunt in causis suis non solum secundum potentiam, sed secundum rationem cause activæ, quæ non potest impediri a suo effectu; & hæc dicuntur ex necessitate contingere. Quædam vero sunt in causis suis & secundum potentiam, & secundum causam activam, quæ potest tamen impediri

(a) Vulgata: Quæ sunt hominum scit quæ sunt hominis, nisi spiritus hominis qui in ipso est?

diri a suo effectu; & ista dicuntur continere ut in pluribus. Quia vero unumquodque cognoscitur secundum quod est in actu, non autem secundum quod est in potentia, ut dicitur in IX. Metaphys. (com. xx.) inde est quod ea quæ sunt ad utrumlibet, non possunt præcognosci in suis causis determinare, sed subdisfunctione, utpote quia erunt, vel non erunt: sic enim habent veritatem. Ea vero quæ sunt in causis suis ut ex necessitate ab eis provenientia, possunt per certitudinem cognosci in causis suis ab homine, & multo certius a demone, vel ab Angelo, quibus magis est nota virtus causarum naturalium quam hominibus. Ea vero quæ contingunt ut in pluribus, possunt cognosci in causis suis non per omnimodam certitudinem, sed per coniecturalem quandam cognitionem; certius tamen ab Angelis bonis, vel malis, quam ab hominibus. Considerandum tamen, quod cognoscere futurum in causa sua, nihil est aliud quam cognoscere præsentem inclinationem causæ ad effectum: unde hoc non proprie est cognoscere futurum, sed præsens. Unde cognitio futurorum propria est Dei, secundum illud Isaiæ xli. xxiii. (a) *Annuntiamus quæ ventura sunt, & dicimus, quod dii esset vos.*

Ad primum ergo dicendum, quod ratio illa procedit de futuris, secundum quod cognoscuntur in suis causis.

Ad secundum dicendum, quod demones de futuris quandoque vera prænuntiant, & quandoque falsa: vera autem prænuntiant prius cognoscentes ea aut ex revelatione bonorum spirituum a Deo derivata, aut in causis extrinsecis quarum virtutem cognoscunt, aut in proprio proposito, puta cum prænuntiant ea quæ sunt ipsi facturi. Falsa autem prænuntiant quandoque quidem volentes homines fallere, quia, ut dicitur Ioan. viii. 4. *diabolus est mendax, & pater eius, scilicet mendaci:* quandoque vero eo quod ipsi falluntur, utpote cum divinitus prohibentur facere quod proponebant; vel cum divina virtute aliquid contingit præter solitum cursum naturalium causarum, ut Augustinus dicit Libro de divinatione demonum (cap. vi.)

Ad tertium dicendum, quod substantia, & operatio demonis est quidem supra tempus, quod est numerus motus cæli; tamen in eius operatione adiungitur tempus, secundum quod non omnia simul actu intel-

ligit: quod quidem tempus est vicissitudo quædam affectuum, & conceptionum intelligibilium: unde Augustinus dicit io VIII. super Genes. ad litter. (cap. xx. xxi. xxi. i.) quod Deus movet creaturam spirituales per tempus.

Ad quartum dicendum, quod alia ratio est de Deo, qui totum tempus præsentialiter intuetur, eo quod eius intellectus est omnino liber a tempore, & sic respicit futurum ut existens; quod non potest dici de Angelo, vel demone.

Ad quintum dicendum, quod intellectus omnis abstrahit aliquo modo ab hic & nunc; aliter tamen intellectus humanus quam angelicus. Nam intellectus humanus abstrahit ab hic & nunc & quantum ad ipsa cognita, quia non cognoscit singularia, quæ sunt sub hic & nunc, & quantum ad ipsas species intelligibiles, quæ sunt a conditionibus individualibus abstractæ; intellectus autem Angeli boni, vel mali abstrahit ab hic & nunc quantum ad ipsas species intelligibiles, quæ sunt immateriales, & universales; non autem quantum ad ipsa cognita: cognoscit enim per species intelligibiles propriam earum efficaciam, non solum universalis, sed etiam singularis: & ita differt in cognitione demonis cognoscere præsentia, vel futura.

Ad sextum dicendum, quod Angeli non cognoscunt singularia, quando sunt in actu per species de novo acquisitas, sed per species quas prius habebant; per quas tamen non cognoscebant ea prout erant futura. Cuius ratio est, quia omnis cognitio fit per quandam assimilationem cognoscentis & cogniti: species autem intelligibiles quæ sunt in intellectu angelico, sunt directe similitudines respicientes naturas specierum, per quas tamen singularia cognoscere possunt; non tamen nisi inquantum participant naturam specierum, quod non est antequam sint in actu. Et ideo statim quando sunt in actu, cognoscuntur ab Angelo; sicut e converso accidit apud nos, quod oculus statim quod accipit speciem lapidis, cognoscit lapidem præexistentem. Formæ enim intellectus angelici præexistunt rebus temporalibus, sicut formæ rerum præexistunt sensibus nostris.

Ad septimum dicendum, quod cognoscere singularia temporalia ut sunt potentia, non est supra virtutem intellectus angelici; sed solum cognoscere ea prout sunt futura.

Ad

(a) Vulgata: *Annuntiamus quæ ventura sunt in futurum, & scimus quia dii esset vos.*

Ad octavum dicendum, quod, sicut dicit Dionysius 10. cap. de div. Nomin. *non potest inveniri diligens*, id est perfecta, *similitudo creaturae ad Deum*: & ideo licet species quae sunt in intellectu angelico, sunt utrumque similes rationibus idealibus intellectus divini, non tamen possunt eas adaequare, ut videlicet ad omnia se extendant, ad quae se extendunt rationes ideales intellectus divini. Unde licet ideales rationes intellectus divini, quae penitus sunt supra tempus, se habeant indifferenter ad praeteritum, & futurum; non sequitur quod eodem modo se habeat de speciebus intellectus angelici.

Ad nonum dicendum, quod formae quae sunt in rebus, a divina mente procedentes, habent quidem se semper eodem modo quantum ad rationem speciei, non autem quantum ad participationem individuorum: quia quandoque forma speciei participatur a quibusdam individuis, quandoque vero ab aliis: & sic etiam species intellectus angelici secundum seipsas semper eodem modo se habent; sed ex transmutatione individuorum naturalium provenit quod quandoque assimilantur speciebus existentibus in intellectu Angeli, quandoque autem non assimilantur.

Ad decimum dicendum, quod hoc quod daemones ex revelatione supernorum spirituum aliqua cognoscunt, eorum naturalem facultatem excedit; quod vero subtilitate suae naturae cognoscunt, pertinet ad cognitionem naturalem, qua in causis naturalibus effectus possunt praecognoscere. Sed circa actus humanos ex libero arbitrio dependentes, qui ex naturalibus causis praecognosci non possunt, daemones per experientiam multa cognoscunt.

Ad undecimum dicendum, quod ea quae futura sunt, praecesserunt quidem in saeculis praeteritis secundum aliquam similitudinem, non tamen quantum ad omnia; sed forte unus effectus futurus assimilatur diversis effectibus praeteritis quantum ad diversa. Et tamen cognitio, quae ex similibus procedit in rebus contingentibus, non habet certitudinem propter transmutabilitatem materiae; sed est cognitio coniecturalis.

Ad duodecimum dicendum, quod experientia procedit ex sensu, in quantum sensus est cognoscitivus alicuius praesentis: & secundum hoc in daemonibus ponitur experientia, non quia sensu aliquid percipiant, sed quia cognoscunt aliquid cum sit praesens, quod ante non cognoverant per modum praedictum.

Ad decimumtertium dicendum, quod hoc quod daemon non cognoscit id quod est futurum, non provenit ex eo quod intellectus suus sit in potentia, sed ex eo quod singulare futurum nondum participat formam speciei, cuius similitudo actu praexistit in intellectu daemonis.

Ad decimumquartum dicendum, quod quatuor viis processerunt aliqui poneotes omnia ex necessitate evenire. Quarum una fuit via Stoicorum, qui imponebant necessitatem futuris eventibus ex certa serie causarum ad invicem connexarum, quam fatum dicebant: & ad hoc tendit haec ratio. Sed Aristoteles solvit eam in VI. Metaphys. (com. vii.) dicens, quod si duo supponantur, quod scilicet omne quod evenit habet causam, & quod posita causa necesse est effectum poni, sequitur omnia ex necessitate contingere: erit enim quemlibet effectum futurum reducere in aliquam causam praesentem, vel praeteritam, quam ex quo est, vel fuit, necesse est eam esse vel fuisse: puta, quod iste occidetur, si de nocte exibat domum; exibat autem, si volebat bibere; quod volebat, si sitiet; & hoc erit, si comedit salsa; & forte iam comederat, vel comedit: unde sequitur quod necessarium erit eum occidi. Sed utraque praedictarum suppositionum falsa est. Falsum enim est quod causa posita, etiam si de se sit sufficiens, necesse sit effectum poni: quia potest impediri, puta ignis a combustionem lignorum per infectionem aquae. Similiter etiam non est verum quod omne quod evenit, habeat causam. Quaedam enim eveniunt per accidens: quod autem est per accidens non habet causam, quia proprie non est ens, ut Plato dixit. Unde quod iste fodiat sepulcrum, causam habet; & iterum quod in aliquo loco conditus sit thesaurus, causam habet: sed iste concurfus qui est per accidens, scilicet hunc volentem sepulcrum fodere in loco ubi est thesaurus reconditus, non habet causam, quia est per accidens.

Ad decimumquintum dicendum, quod quidam voluerunt imponere necessitatem futuris eventibus ex providentia divina, in qua fatum constituebant: & ad hoc videtur haec ratio tendere. Ideo enim Augustinus dicit (Lib. lxxxiii. Qq. quest. xxiv.) nihil in mundo temere fieri, quia omnia sunt providentiae divinae subiecta. Sed hoc non tollit contingentiam futurorum eventuum, neque

neque propter certitudinem divinæ cognitionis, neque propter efficaciam divinæ voluntatis. Et hoc quidem quantum ad scientiam patet ex his quæ supra dicta sunt. Sicut enim se habet divina scientia ad futura contingentia, sic se habet oculus noster ad contingentia, quæ in præsentia sunt, ut dictum est: unde sicut certissime videmus Solem federe cum sedet, nec tamen propter hoc sequitur, quod sit simpliciter necessarium; ita etiam ex hoc quod Deus videt omnia quæ eveniunt, in seipsis, non tollitur contingentia rerum. Ex parte autem voluntatis considerandum est, quod voluntas divina est universaliter causa entis, & universaliter omnium quæ consequuntur modum necessitatis & contingentie. Ipsa autem est supra ordinem necessarij, & contingentis, sicut est supra totum effectum creatum. Et ideo necessitas, & contingentia in rebus distinguuntur non per habitudinem ad voluntatem divinam, quæ est causa communis, sed per comparationem ad causas creatas, quas proportionaliter divina voluntas ad effectus ordinavit, ut scilicet necessariorum effectuum sint causæ intransmutabiles, contingentium autem transmutabiles.

Ad decimum sextum dicendum, quod quidam etiam conati sunt futuris eventibus necessitatem imponere ex virtute celestium corporum, in qua factum constituebant: & secundum hoc procedit hæc ratio. Quæ quidem deficit primo in hoc quod non omnia principia futurorum eventuum sunt subiecta virtuti celestium corporum: intellectus enim, & per consequens voluntas, quæ in ratione est, non sunt vires alicuius organi corporalis; & ideo non subduntur directe actioni alicuius corporalis virtutis. Deficit etiam quantum ad effectus pure corporales: virtus enim corporis celestis est virtus naturalis; natura autem semper tendit ad unum: id autem quod est per accidens, non est vere unum, ut dicitur in V. Metaph. (com. vii.) unde id quod est per accidens, potest quidem quandoque reduci in aliquam causam intellectualem, quæ potest accipere ut unum id quod est per accidens, non autem in causam naturalem. Manifestum est autem in effectibus pure corporalibus multa evenire per accidens, puta quod fulgur cadat in loco nemoroso, ubi sunt multe arborescæ, quæ accenduntur, & comburunt totam silvam. Unde non omnes effectus pure corporales reduci possunt sicut in causam in-

virtutem celestis corporis: & propter hoc non omnes corporales effectus celestium corporum ex necessitate eveniunt, quia possunt per accidens impediri; sicut dicitur in Lib. de somno & vigil. (de divinatio. per somnium cap. 11.) quod multa in commotionibus aeris non eveniunt quorum signa præcesserunt in celestibus corporibus.

Ad decimum septimum dicendum, quod ratio, & voluntas excitantur quidem ad agendum ab aliquo exteriori, quod inducit passionem in corpore, aut in viribus sensitivis; sed in potestate rationis, & voluntatis remanet ut operetur, vel non operetur secundum motum talium passionum.

Ad decimum octavum dicendum, quod ratio illa tangit quartam viam ex qua aliqui necessitatem actionis humanis imponere voluerunt. Sed ad hoc repellendum considerandum est, quod movetur voluntas a bono, sicut intellectus a vero. Intellectus autem ex necessitate assentit primis principiis, quæ sunt secundum se nota, & omnibus illis quæ ex his considerat ex necessitate concludi, quia sine his principia vera esse non possunt: & similiter voluntas ex necessitate appetit ultimum finem, qui est propter se appetendus (omnes enim ex necessitate volunt esse beati) similiter ea quæ considerat ut sine quibus beatitudo esse non possit. Alia vero eligibilia quæ possunt considerari vel sicut ad beatitudinem pertinentia secundum aliquam rationem boni, vel sicut impeditiva, ita tamen ut sine his beatitudo possit haberi, voluntas non ex necessitate assentit; sicut nec intellectus opinabilibus assentit de necessitate, in quibus considerat quod eis remotis nihilominus stare possunt principia per se nota.

ARTICULUS VIII.

Utrum demones cognoscant cogitationes cordium.

OCTAVO quaeritur, utrum demones cognoscant cogitationes cordium nostrorum. Et videtur quod sic. Dicit enim Gregorius in XVIII. Moral. (cap. xxxi.) *Corda nostra, quamdiu in hac vita sumus, ab altero in alterum videri non possunt, quia non intra vitrea, sed intra lutea vascula concluduntur.* Sed grossities luteorum vasculorum non potest impedire intellectualem visum, qualis est demonum. Ergo demones cordium nostrorum cogitationes cognoscunt.

2. Pra-

2. Præterea. Sicut se habet visus corporalis ad formam corporalem, ita se habet visus spiritualis ad formam spiritualem. Sed visus sensibilis corporalis potest videre formam corporalem in re sensibili existentem. Ergo visus spiritualis dæmonis potest videre formam spiritualem in nostra anima existentem. Sed secundum illam formaatur cogitationes cordis. Ergo dæmon potest cognoscere cordis humani cogitationes.

3. Sed dicebatur, quod illas cogitationes dæmon cognoscere potest in quibus, phantasmatis utimur, non autem illas quæ in pura speculatione consistunt. Sed contra est quod Philosophus dicit in III. de Anima (com. xxx.) quod nequaquam sine phantasmate intelligit anima: cuius signum est, quod corrupto organo phantasia, omnis intellectualis operatio impeditur. Si ergo illas cogitationes nostras cognoscunt dæmones in quibus, phantasmatis utimur, consequens est ut omnes nostras cogitationes cognoscant.

4. Sed dicendum, quod verbum Philosophi intelligitur de his quæ naturaliter cognoscimus, non autem de his quæ divinitus revelantur. Sed contra est quod Dionysius dicit iv. cap. cælestis Hierarchiæ, quod impossibile est nobis aliter lucere divinum radium, nisi varietate sacrarum velaminum circumvelatum. Sacra autem velamina dicit similitudines sensibiles. Ergo etiam in his quæ nobis divinitus revelantur, indigemus phantasticis similitudinibus sensibilibus rerum; & sic omnes cogitationes nostras dæmon potest videre.

5. Præterea. Intellectus noster magis cognoscit ea quæ sunt minus intelligibilia secundum naturam, propter hoc quod recipit cognitionem a sensu, quod in dæmonibus locum non habet; & sic magis cognoscunt ea quæ sunt secundum se magis cognoscibilia. Sed species in intellectu existentes sunt intelligibiles actu, & per consequens magis secundum se cognoscibiles quam formæ in rebus materialibus existentes, quæ sunt intelligibiles in potentia. Cum ergo dæmon suo intellectu cognoscat formas in rebus materialibus existentes, multo fortius cognoscere potest species intelligibiles intellectus nostri, secundum quæ formantur cogitationes. Ergo potest videre cogitationes nostras.

6. Præterea. Propter quod unumquodque, illud magis. Sed ipse intellectus noster est intelligibilis per speciem intelligibilem in eo existentem, ut patet per Philosophum in

S. Th. Oper. Tom. XV.

III. de Anima (com. xxxix.) Ergo cum dæmon cognoscat ipsam substantiam intellectus nostri, multo magis cognoscit species intelligibiles ipsius.

7. Præterea. Dæmon melius cognoscit animas nostras quam nos cognoscimus. Cogitationes autem in anima sunt. Ergo etiam cogitationes nostras melius novit quam nos.

8. Præterea. Dæmon in causis cognoscit effectus, ut supra dictum est. Sed ipse cognoscit animam nostram, & potentias, & habitus eius, quæ sunt causæ cogitationum. Ergo cognoscit cogitationes nostras.

9. Præterea. Nullus potest vere enuntiare quod ignorat. Sed, sicut Augustinus dicit XII. super Genes. ad litteram (cap. vii.) certissimis indicis constat enuntiatas a dæmonibus hominum cogitationes. Ergo dæmones cognoscunt cogitationes.

10. Præterea. Omnis cognitio fit per assimilationem cognoscentis ad cognitum. Sed per peccata cogitationum homines assimilantur dæmonibus. Ergo dæmones cogitationes tales cognoscere possunt.

11. Præterea. Verbum cordis interioris magis est simile dæmoni, qui est spiritualis substantia, quam verbum exterius, quod est corporale. Sed dæmon cognoscit verbum exterius hominis quod ore proferitur. Ergo multo magis cognoscit verbum interioris, quod pertinet ad cogitationem, ut patet per Augustinum XIV. de Trinit. (cap. vii.)

12. Præterea. Acus est magis cognoscibilis quam habitus. Sed dæmon cognoscit id quod est in habituali memoria hominis: quod patet per hoc quod Augustinus dicit XVIII. de civitate Dei (cap. xvi.) quod quidam Philosophus in somnis apparens cuidam dormienti dissolvit ei questionem, de qua dubitabat, quod videtur per dæmones procuratum. Ergo videtur quod dæmon multo magis cognoscere potest actuales hominum cogitationes.

13. Præterea. Quanto virtus cognoscitiva est magis elevata, tanto potest in aliquod maius. Sed virtus cognoscitiva dæmonis est magis elevata quam virtus cognoscitiva hominis. Cum ergo homo cogitationes cognoscere possit alterius hominis per aliqua corporalia signa, secundum illud Eccl. xix. 26. Ex visu cognoscitur vir, & ab occursum faciei cognoscitur sensatus; consequens videtur quod dæmones ulterius cogitationes hominum in seipsis videant.

14. Præterea. Si non viderent eas in seipsis, sed solum per signa corporalia, nullo modo possent eas cognoscere: quia idem si-

N n gnum

gnum corporale ad multa se habet, sicut rubor faciei potest provenire ex exteriori passione iræ, & etiam verecundiæ. Sed certum est daemones aliquid cogitationes hominum scire, ut patet per Augustinum XII. super Genes. ad litter. (cap. xvii.) & in Lib. de divinatione daemonum (cap. v.) & in Lib. Retraclat. Ergo cognoscunt cogitationes per seipsas.

15. Præterea. Signa corporalia sunt quædam sensibilia. Sed secundum Dionysium vii. cap. de divinis Nominibus, daemones non cognoscunt infallibilem veritatem ex sensibus. Ergo daemones non cognoscunt cogitationes ex corporalibus signis, sed per seipsas.

16. Sed dicebatur, quod daemon non potest cognoscere cogitationes intrinsecas per seipsas, quia in potestate voluntatis est eas occultare. Sed contra. Non occultat eas totaliter removeodo, quia sic nihil cogitare; nec iterum faciendo eas diffare, quia distantia corporalis non impedit cognitionem Angeli; nec etiam aliquid interponendo, quod nihil est in anima quod lateat daemone. Ergo nullo modo voluntas potest suas cogitationes daemoni occultare.

17. Præterea. Sicut Augustinus dicit II. super Genes. ad litter. (cap. viii.) Angeli per species quas in sui creatione receperunt, omnia quæ sunt infra eos, cognoscunt. Sed cogitationes nostræ sunt infra eos, quia ordine naturæ anima est inferior Angelo. Ergo daemones per species illas innatas possunt cognoscere cogitationes hominum.

Sed contra est quod dicitur Hierem. xvii. 9. *Pravum est cor (a) hominis, & inscrutabile: quis cognoscet illud? Ego Dominus scrutans corda, & probans renes.* Ergo solius Dei est cogitationes hominum cognoscere: non ergo daemones eas cognoscunt.

Præterea I. ad Corinth. ii. 11. dicit Apostolus (b) *Quæ sunt hominis, nemo novit nisi spiritus hominis qui in ipso est.* Cogitationes autem maxime sunt intimæ homini. Ergo daemones non possunt hominis cogitationes cognoscere, sed ipse solus.

Præterea. In Lib. de ecclesi. dogmatibus (cap. lxxxi. in princ.) dicitur: *Internas animæ cogitationes diabolum non videte certi sumus.*

Respondeo dicendum, quod, sicut Augustinus dicit XII. super Genes. ad litteram

(cap. xvii.) & in Lib. de divinatione daemonum (cap. v.) compertum est certis indicibus quod daemones cogitationes hominum aliquid cognoscunt. Quas quidem contingit dupliciter cognoscere. Uno modo secundum quod videntur in seipsis, sicut alicuius homo proprias cogitationes cognoscit; alio modo per aliqua corporalia signa, quod maxime manifestum est, cum ex interioribus cogitationibus homo ducitur in aliquam passionem: quæ si fuerit vehemens, etiam in exteriori apparentia habet aliquod indicium, per quod potest etiam a grossioribus apprehendi; sicut timentes pallescent, verucundati autem erubescunt, ut Philosophus dicit in IV. Ethic. [cap. ix. circa princ.] Sed etiam si sit levior passio, apprehendi potest a subtilibus medicis per cordis immutationem, quæ ex pulsu percipitur. Huiusmodi autem exteriora, & interiora signa corporalia, multo magis daemon cognoscere potest quam quicumque homo: & ideo certum est quod daemones aliquas cogitationes hominum cognoscere possunt, secundum modum prædictum: unde Augustinus dicit in Lib. de divinatione daemonum, quod aliquando daemones hominum dispositiones non solum voce prolata, verum etiam cogitatione conceptas, cum signa quædam ex animo exprimuntur in corpore, tota facilitate percipiunt. Utrum autem per hunc modum possint eas videre in seipsis, Augustinus sub dubio dereliquit in Lib. Retraclat. [II. cap. x.] dicens: *Pervenire ista ad notitiam daemonum, per nonnulla experimenta compertum est; sed utrum signa quædam dentur ex corpore cogitantium, illis sensibilia, nos autem latentia, an alia vi spirituali eas cognoscant, aut difficillime potest ab hominibus, aut omnino non potest inveniri.*

Ad huius ergo difficultatis inquisitionem considerare oportet, quod in cogitatione duo sunt attendenda, ipsa scilicet species, & usus speciei, qui est intelligere, vel cogitare. Nam sicut in solo Deo non differt forma, & ipsum esse; ita in solo Deo non differt species intellecta, & ipsum intelligere, quod est esse intelligentem. Circa species autem intelligibiles considerandum est, quod unusquisque intellectus aliter se habet ad species intelligibiles superiores intellectus, & aliter ad species intelligibiles intellectus inferioris. Nam species intelligibiles superioris intellectus sunt universalia.

(a) Vulgata, *crinum*, & mox, *cor*. (b) Vulgata: *Quis enim hominem scit quæ sunt hominis nisi spiritus hominis qui in ipso est?*

liores; & ideo non possunt comprehendi per species intelligibiles inferioris intellectus; & ideo inferior intellectus non potest eas perfecte cognoscere, potest autem perfecte cognoscere ea quae sunt in inferiori intellectu tamquam magis particulares, & secundum suas universales species potest de eis iudicare. Et secundum hoc cum intellectus angelicus sit superior ordine naturae nostro intellectu, possunt Angeli boni, vel mali species in anima nostra existentes cognoscere. Sed quantum ad usum considerandum est, quod usus specierum intelligibilium, qui est actualis cogitatio, dependet ex voluntate: utrimque enim speciebus habitualiter in nobis existentibus cum volumus: unde & in III. de Anima (com. xviii.) Commentator dicit, quod habitus est quo quis utitur cum voluerit. Motus autem voluntatis humanae dependet ex summo ordine rerum, qui est summum bonum, quod etiam secundum Platonem, & Aristotelem ponitur altissima causa: voluntas enim non est alicuius boni particularis, ut proprii obiecti; sed boni universalis, cuius radix est summum bonum. Id autem quod cadit sub ordine superioris causae, non potest cognoscere inferior causa; sed solum superior causa movens, & ille qui movetur. Sicut si aliquis civis est sub praeposito tamquam sub inferiori causa; & sub rege tamquam sub suprema; non poterit praepositus cognoscere circa civem, si quid immediate rex circa ipsum ordinaverit; sed hoc sciet solum rex, & civis qui movetur secundum ordinem regis. Unde cum voluntas interior non possit ab alio nisi a Deo moveri, cuius ordini immediate subest motus voluntatis, & per consequens voluntariae cogitationis, non potest cognosce neque a daemonibus, neque a quocunque alio, nisi ab ipso Deo, & ab homine volente, & cogitante.

Ad primum ergo dicendum, quod homo impeditur a cognitione cogitationum non solum ex ipsa natura cogitationum, sicut daemones, sed etiam ex ipsa grossitie luteorum corporum, quae sensus corporeus, ex quo dependet nostra cogitatio, penetrare non potest: & secundum hoc loquitur Gregorius.

Ad secundum dicendum, quod sicut visus corporalis non potest omnem formam corporalem cognoscere, sed solum sibi proportionatam (non enim noctua potest videre lumen Solis) ita etiam visus spiritualis non potest videre omnem speciem spirituales sed sibi proportionatam. Potest au-

tem visus spiritualis Angeli boni, vel mali videre formas spirituales intellectus nostri; non tamen propter hoc vident qualiter eis utamur cogitando.

Ad tertium dicendum, quod in usu cognoscendi quamdiu in hac vita sumus, semper est nobis phantasma necessarium, quantumcumque sit spiritualis cognitio: quia etiam Deus cognoscitur a nobis per phantasma sui effectus, inquantum cognoscimus Deum per negationem, vel per causalitatem, vel per excellentiam, ut Dionysius dicit in Lib. de divinis Nominibus. Non tamen oportet quod omnis cognitio in nobis causetur ex phantasmatis: quaedam enim cognitio in nobis causatur ex revelatione.

Et per hoc etiam patet responsio ad quartum, quod procedit de usu cogitationis.

Ad quintum dicendum, quod ratio illa concludit, quod daemon cognoscat formam intelligibilem nostri intellectus; non tamen ex hoc sequitur quod cognoscat cogitationem, ratione iam dicta.

Et similiter dicendum ad sextum. Quamvis etiam ad hoc dici possit quod intellectus nobis ipse est intelligibilis per speciem intelligibilem, inquantum scilicet per obiectum, cuius similitudo est forma intelligibilis, cognoscimus actum, & per actum potentiam. Non autem oportet ita esse quantum ad intellectum Angeli boni, vel mali.

Ad septimum dicendum, quod duplex est cognitio animae. Una quidem qua cognoscitur de anima quod est, discernendo ipsam ab omnibus aliis; & quantum ad hoc melius cognoscit animam daemon, qui intuetur eam in seipsa, quam homo, qui investigat naturam ipsius per actus ipsius. Alia autem cognitio est animae, qua cognoscitur de ea quod est; & hoc modo homo cognoscit animam percipiendo ipsam esse ex actibus suis quos experitur: & ad hunc modum cognoscendi pertinet illa cognitio qua cognoscimus nos aliquid cogitare. Quae autem sit natura cogitationis humanae, melius cognoscit daemon quam homo.

Ad octavum dicendum, quod quamvis daemon cognoscat aliquas causas cogitationum, non tamen cognoscit omnes: quia non cognoscit motum voluntatis, ut dictum est (in corp. art.)

Ad nonum dicendum, quod daemones euntiant cogitationes hominum, inquantum eas cognoscunt per aliqua corporalia indicia, ut dictum est (loc. cit.)

Ad decimum dicendum, quod cognitio fit per assimilationem, non quidem naturæ, sed intentionis. Non enim lapis est in anima, ut per eum lapidem exteriorem cognoscamus, ut Empedocles posuit (I. de Anima apud Aristot. text. xxv.) sed species lapidis.

Et similiter etiam dicendum ad undecimum.

Ad duodecimum dicendum, quod habitus animæ est quædam qualitas informans ipsam: & ideo magis potest demon cognoscere habitum animæ quam cogitationes ipsius, quæ subiacent voluntati. Nec tamen ex illo facto potest haberi quod demon sciatur aliqua esse in memoria hominis. Potuit enim esse quod demon satisfecit dubitanti secundum illa quæ ipse sciebat, non ex eo quod scierat Philosophum illa cognoscere: vel poterat hoc scire per aliqua exteriora signa: vel potuit hoc fieri per aliquem Angelum bonum.

Ad decimumtertium dicendum, quod demon melius cognoscit cogitationes quam animam alterius hominis, non quia videat eas in se, sed quia videt eas per exteriora signa magis occulta.

Ad decimumquartum dicendum, quod idem signum corporale in generali potest respondere multis effectibus; sed tamen in speciali sunt aliquæ differentię, quas demon melius potest percipere quam homo.

Ad decimumquintum dicendum, quod per virtutem intelligibilem, qua Angelus naturaliter cognoscit, non accipit ex sensibus; potest tamen aliquid supernaturale cognoscere ex aliquo sensibili effectū, sicut hominem esse Deum ex mortui suscitatione, non quia ex sensibilibus species intelligibiles accipiat, sed quia percipiendo effectus sensibiles, per species innatas quas habet, conicit aliqua excedentia cognitionem suæ naturæ.

Ad decimum sextum dicendum, quod nullo illorum modorum voluntas occultat cogitationes hominis; sed dicitur eas occultare, quia ex hoc ipso occultat sunt quod ex voluntate procedunt.

Ad decimumseptimum dicendum, quod Augustinus intendit loqui de naturis inferioribus, quas naturaliter Angeli cognoscunt per formas innatas, non autem de cogitationibus voluntatis.

ARTICULUS IX.

Utrum demones possint transmutare corpora transmutatione formali.

Nono quaeritur, utrum demones possint transmutare corpora transmutatione formali. Et videtur quod sic. Dicit enim Augustinus in Libro lxxxiii. Quæst. (Lib. IV. de Trin. cap. v. ante medium habetur quid simile.) *Omnia quæ visibiliter sunt, etiam per inferiores potestates aeris huius non absurde fieri posse creduntur. Sed formales transmutationes inferiorum corporum sunt visibiliter, quandoque quidem naturaliter, quandoque autem miraculose. Ergo fieri possunt per demones, qui dicuntur inferiores potestates aeris huius.*

2. Sed dicendum, quod huiusmodi transmutationes demones faciunt non propria virtute, sed per virtutem aliorum naturaliter activorum. Sed contra. Si solum per virtutem naturalium activorum demones naturalia corpora transmutare possent, non possent alias transmutationes facere quarum quæ per virtutem naturalium agentium fieri possent. Virtute autem naturalium agentium non potest transmutari corpus hominis in corpus bestiale, quod tamen demones faciunt: narrat enim Augustinus XVIII. de civitat. Dei (cap. xviii. a med.) quod Cyrces magica arte socios Ulyssis muravit in bestias, & Arcades quando transmutabant quoddam stagnum, convertebantur in lupos, & quod stabulariæ mulieres homines in iumenta convertabant. Non ergo sola virtute naturalium activorum demones corpora formaliter transmutare possunt.

3. Præterea. Super illud Psalm. xlii. *Immissiones per angelos malos*, dicit Glossa (ordin. ex Augustin.) quod Deus punit per malos angelos. Sed quandoque aliquæ punitiones sunt factæ per transformationem corporum humanorum, sicut uxor Lot Genes. xix. legitur conversa in statum salis, & socii Diomedis dicuntur conversi fuisse in volucres, sicut Augustinus narrat XVIII. de civit. Dei (cap. x.) Ergo videtur quod demones possint corpora formaliter transmutare.

4. Præterea. Quanto aliquid magis est actu, tanto efficacius est in agendo: quia unumquodque agit, secundum quod est actu; & propter hoc quia ignis est maxime formalis, habet maximam virtutem inter alia corpora inferiora in agendo. Sed cum demones

mon

mon sit substantia spiritalis, formalior est quolibet corpore, & magis in actu existens. Ergo habet virtutem magis efficacem ad agendum quam aliqua corpora. Si ergo virtute quorundam corporum corpora possunt formaliter transmutari, multo magis hoc virtute daemonum fieri potest.

5. Præterea. Illud quod habet aliquam formam, deficit quandoque a peticiendo actionem illius formæ, quia non complete recipit illam formam. Si ergo aliqua forma esset separata, haberet omnem actionem formæ. Sed cum daemones ponantur substantiæ quadam spirituales & immateriales, consequens est quod sint quadam formæ separatae. Ergo habent virtutem agendi omnem actionem formæ; & ita (ut videtur) possunt corpora formaliter transmutare.

6. Præterea. Dionysius dicit xv. cap. cæl. Hier. quod *ignis fluvii significant thearibicos*, idest divinos, *proventus copiosam ipsi, & indigentem affluentiam largientes, & vivificam naturam generabilis*. Sed generatio est transmutatio secundum formam. Ergo boni Angeli possunt corpora formaliter transmutare: pari ergo ratione & daemones, qui sunt eiusdem naturæ.

7. Præterea. Corpora cælestia moventur a Deo per ministerium Angelorum. Agunt autem Angeli per intellectum, & voluntatem: voluntas autem ad diversa se habet. Ergo Angeli possunt diversimode corpora cælestia movere. Variato autem motu cælestium corporum variantur transmutationes formales inferiorum corporum, quæ ex cælestium corporum motu dependent. Ergo videtur quod Angeli possunt formaliter transmutare inferiora corpora, prout volunt: pari ergo ratione daemones, qui sunt eiusdem naturæ.

8. Præterea. In Lib. de causis (prop. xvi.) dicitur, quod virus intelligentiæ est infinita inferiori, quamvis sit finita superior. Sed omnia corpora sunt infra intelligentiam. Ergo & infinitate suæ virtutis potest ea qualitercumque voluerit immutare. Sed intelligentiæ dicuntur Angeli sive boni, sive mali. Possunt ergo daemones corpora formaliter transmutare.

9. Præterea. Augustinus dicit in III. de Trinit. (cap. i. r. & v.) quod demonibus sub sunt ignis, & aer, & alia huiusmodi corpora, quantum eis a Deo permittitur. Sed ignis, & aer, & huiusmodi corpora sunt susceptiva formalis transmutationis.

Ergo daemones possunt huiusmodi corpora formaliter transmutare.

10. Præterea. Quicumque induci formam, formaliter transmutat. Sed daemones possunt inducere formas non solum accidentales, verum etiam substantiales: nam magi Pharaonis virtute daemonum ranas fecerunt. Ergo videtur quod daemones possint corpora formaliter transmutare.

11. Præterea. Augustinus dicit in Lib. lxxxv. Quest. (quest. lxxxix. vers. fin.) quod magi faciunt miracula per privatos contractus cum demonibus. Sed in miraculis corpora transmutantur. Ergo videtur quod daemones possint corpora transmutare.

12. Præterea. Gregorius dicit in quadam homil. (xxxiv. in Evang. ante med.) quod ad Angelos qui sunt de ordine Virtutum, pertinet miracula facere, in quibus, ut dictum est, corpora transmutantur. Sed daemones sunt eiusdem naturæ cum Angelis. Ergo videtur etiam quod daemones possint corpora transmutare.

13. Præterea. Dæmon est maioris virtutis quam anima hominis. Sed ex virtute apprehensionis animæ transmutatur formaliter materia corporalis, sicut patet in fascinatione, secundum Avicennam. Ergo multo magis dæmon potest immutare formaliter materiam corporalem.

Sed contra est quod Augustinus dicit XVIII. de civit. Dei (cap. xviii. parum ante med.) *Non solum animam, sed nec corpus quidem nulla ratione creditur demonum arte, vel potestate in bestialia lineamenta posse converti*. Sed corpus hominis non est minus passivum quam alia corpora. Ergo videtur quod etiam alia corpora demonum arte, vel potestate transmutari non possint.

Præterea. Philosophus probat in VII. Metaph. (text. xxviii.) quod generatio formarum in materia non est a formis immaterialibus, sed a formis quæ sunt in materia, ubi Commentator dicit (VII. Metaphys. text. xxxi. & Lib. XI. com. xviii.) quod subtilioris immateriales non possunt transmutare materiam ad formam. Sed daemones sunt substantiæ immateriales. Ergo videtur quod non possint formaliter corpora materialia transmutare.

Respondeo dicendum, quod, sicut Apollolus dicit ad Rom. xiii. i. (a) *quæ a Deo sunt, ordinata sunt*: unde bonum universi est bonum ordinis, ut Augustinus dicit

(a) Vulgata: Quæ autem sunt, a Deo ordinata sunt.

est in Enchir. (cap. xi.) & Philosophus in XII. Metaph. (com. lxxi. & seq.) Huic autem ordini omnes creaturae subiacentur, cum sint a Deo productae. Ipse autem Deus, qui est huius ordinis causa, huic ordini praesidet, non autem ei subicitur. Et quia unumquodque per suam formam operationem propriam habet, hic rerum ordo non solum attenditur secundum formarum excellentiam, sed consequenter secundum operationes, & motus, ut scilicet id cuius subtilior est forma, sit etiam altior operatio: & inde est quod secundum Dionysium in Lib. de caelest. Hierar. (cap. x.) infima a supremis moventur per media. Quod etiam Augustinus dicit in III. de Trin. (cap. 111. & 1v.) & hoc convenit proportioni, quae est necessaria inter agens & patiens. Cum enim suprema in entibus habeant virtutes maxime universales, passiva infima non sunt proportionata ad recipiendum effectum universalem immediate, sed per medias virtutes magis particulares, & contrarias; sicut apparet etiam in ipso ordine corporali rerum. Nam corpora caelestia sunt principia generationis hominum, & aliorum animalium perfectiorum, mediante virtute particulari, quae est in seminibus; quamvis quaedam animalia ex putrefactione generentur per solam virtutem caelestium corporum absque semine, quod accidit ratione imperfectionis eorum. Videmus enim sensibiliter quod aliquis debilis effectus producitur ab agente remoto; sed fortis effectus requirit agens propinquum: potest enim aliquid calefieri ab igne, etiam si sit remotum ab igne; sed inflammari non potest, nisi igni coniungatur: unde qui vult rem remotam ab igne, & camino accenso inflammare, facit hoc mediante caudela. Et similiter generatio perfectiorum animalium causatur a caelestibus corporibus, mediantibus propriis activis; generatio autem animalium imperfectiorum immediate. Substantiae autem spirituales sunt superiores ordine naturae etiam ipsae caelestibus corporibus: unde propria virtute non possunt formaliter transmutare inferiora corpora, nisi adhibendo aliqua corporalia activa proportionata effectibus quos intendunt; sicut homo potest calefacere per ignem.

Ad primum ergo dicendum, quod omnia quae visibiliter sunt in hoc mundo, possunt fieri per daemones, non sola propria virtute, sed mediantibus activis naturalibus, ut dictum est.

Ad secundum dicendum, quod daemon u-

titur activo naturali ad aliquem effectum producendum sicut instrumento; instrumentum autem agit non solum virtute propria, sed etiam in virtute principalis agentis: & ideo per instrumentum potest aliquid fieri ultra virtutem instrumenti absolute consideratam; sicut lectus fit per ferram virtute artis. Et similiter daemones per activa naturalia, quae adhibent ad effectus, possunt quadam facere ultra virtutem naturalium agentium; non tamen hoc quod humani corporis lineamenta io bestialia convertantur secundum rei veritatem, quia hoc est praeter ordinem a Deo naturae inditum; sed omnes praedictae conversiones factae sunt secundum phantasticam apparitionem magis quam secundum veritatem, ut Augustinus ibidem manifestat.

Ad tertium dicendum, quod Deus non semper punit per malos angelos, sed quandoque etiam per bonos; sicut patet de Angelo qui percussit castra Assyriorum, ut habetur Isaia xxxvii. Si tamen illa conversio uxoris Lot in statuam salis facta est mediantibus daemonebus, manifestum est quod in illa operatione daemon fuit instrumentum divinae virtutis: unde talem effectum produxit non propria virtute, sed virtute divina, quae non subicitur ordini rerum, sed potest immediate quoscumque effectus producere, supremos, vel infimos, prout voluerit. De sociis autem Diomedis dicit Augustinus (XVIII. de civit. Dei cap. xvi.) quod non sunt conversi in aves, sed eis submersis, daemones aves procreaverunt; per quas longo tempore homines ludificarent, quibusdam earum aliis succedentibus. Ex quo ostenditur quod non fuit solum secundum phantasticam apparitionem.

Ad quartum dicendum, quod ex hoc ipso quod substantia spiritalis est magis in actu quam corpus, consequens est quod habeat virtutem altioiorem, & magis universalem: unde infimos effectus non potest producere nisi mediantibus inferioribus causis.

Ad quintum dicendum, quod forma separata, quae est purus actus, scilicet Deus, non determinatur ad aliquam speciem, vel genus aliquod; sed incircumscripse habet totam virtutem essendi, utpote ipsum suum esse existens, sicut patet per Dionysium v. cap. de divinis Nominibus; & ideo eius virtuti subicitur omnis actio: sed aliae formae separatae habent determinatam naturam speciei: unde non potest quilibet quodlibet operari, sed unaquaeque id quod competit suae naturae absque aliquo impedimento mate-

rials

vialis defectus; sicut si calor esset forma separata, non haberet impedimentum in calefaciendo ex defectu materiz non perfecte participantis calorem, sicut ea quæ sunt debiliter calida; non tamen posset facere actionem albedinis, aut alterius formæ.

Ad sextum dicendum, quod vivifica generalitas, de qua Dionysius loquitur, potest referri etiam ad intelligibilem generationem, ut ipse dicit ii. cap. de divinis Nominibus. Aliorum patres dicuntur, quos scilicet purgant, illuminant, & perficiunt. Si tamen referatur ad corporalem generationem, intelligendum est quod datur eis virtus ad generationem causandam median- tibus corporalibus agentibus.

Ad septimum dicendum, quod ratio illa in tribus deficit. Primo quidem quia etsi Angeli cælos moveant, non tamen dæ- mones, de quibus nunc agitur. Secundo quia etsi per intellectum, & voluntatem moveant, non tamen sequitur quod possint aliter mo- vere, sed secundum modum proportionatum nature ipsorum: Angelus enim non est sua voluntas, sicut Deus; sed habet voluntatem in natura determinatam, & secundum mo- dum eius voluntas effectum sortitur. Deus autem, qui est ipsa voluntas, indifferenter potest facere omne illud quod potest cade- re sub voluntate. Tercio, dato quod An- geli aliter moverent cælos, & ex hoc se- queretur aliqua transformatio in inferiori- bus, hoc non fieret immediate ab eis, sed median- tibus corporibus cælestibus.

Ad octavum dicendum, quod virtus in- telligentiz dicitur esse infinita respectu inferiorum, in quantum non potest ab inferio- ribus comprehendi, sed superexcedit ea; non autem ita quod indifferenter omnem effectum in eis producere possit.

Ad nonum dicendum, quod ignis, & aer, & huiusmodi corpora servantur Ange- lis secundum ordinem divinitus institut- um.

Ad decimum dicendum, quod magi Pha- raonis fecerunt ranas, adhibendo quædam activa naturalia, quæ Augustinus in III. de Trin. (cap. vii. & viii.) nominat semina ex occultis elementorum finibus ac- cepta.

Ad undecimum dicendum, quod signa, sive miracula quæ magi faciunt per priva- tos contractus dæmonum, non sunt supra ordinem universalium causarum, sicut illa quæ virtute divina sunt; sed sunt virtute activorum naturalium supra hominum com- prehensionem, & facultatem, propter tria.

Primo quidem quia dæmones magis cognos- cunt naturalium activorum virtutem quam homines: secundo quia celerius possunt ea congregare: tertio quia activa naturalia, quæ assument ut instrumenta, se possunt ex- tendere ad maiores effectus ex virtute, vel arte dæmonum, quam ex virtute, vel arte hominum: & sic hominibus miracula vi- dentur quæ per dæmones sunt; sicut etiam hominibus inexpertis videntur miracula quæ per aliquos artifices sunt.

Ad duodecimum dicendum, quod ordo Virtutum facit miracula instrumentaliter a- gendo ex virtute divina.

Ad decimumtertium dicendum, quod in fascinatione dæmonum non transmutatur ma- teria corporalis ex sola vi apprehensionis, ut Avicenna posuit ex eo quod propter ve- hementem affectionem invidiz, vel iræ, seu odii, ut plerumque accidit in vetula- bus, inficiuntur spiritus; & hæc infectio pettingit usque ad oculos, ex quibus infici- tur aer circumstant, ex quo corpus ali- cuius infantis propter ténertudinem recipit aliquam infectionem, per modum quo speculum novum inficitur ad aspectum mulieris menstruatz, ut dicitur in Lib. de som. & vigil. (cap. ii. ante med.)

ARTICULUS X.

Utrum dæmones possint corpora movere lo- caliter.

Decimo quaeritur, utrum dæmones pos- sint corpora movere localiter. Et vi- detur quod non. Motus enim localis per- fectior est inter omnes alios, ut Philosophus dicit in VIII. Physic. (cap. iv. & lv.) Sed dæmones non possunt transmutare cor- pora formaliter. Ergo multo minus possunt ea movere localiter.

2. Præterea. Anima est spiritalis sub- stantia, sicut & dæmon. Sed anima non potest movere localiter corpus, nisi a se vivificatum: unde si aliquod membrum mor- tificetur, redditur immobile. Sed dæmones non vivificant aliquod corpus. Ergo non possunt aliquod corpus movere localiter.

3. Præterea. Omnis actio est per conta- ctum, ut dicitur in I. de general. Non vi- detur autem quod possit esse aliquis contra- ctus dæmonis ad corpora, quia nihil habet cum eis commune. Cum ergo movere lo- caliter sit quoddam agere, videtur quod dæmones non possint corpora localiter mo- vere.

4. Præ-

4. Præterea . Si dæmones possent aliqua corpora movere localiter , maxime possent movere localiter corpora cælestia , quæ propinquiora sunt eis in ordine naturæ . Sed corpora cælestia movere non possunt : quia cum movens , & motum sint simul , ut dicitur in VII. Physicor. (a comm. x. ad xiii.) sequeatur quod dæmones sint in cælo ; quod neque secundum nos est verum , neque secundum Platonicos . Ergo multo minus possunt movere alia corpora .

5. Præterea . Inferiora moventur a superioribus per media , ut dictum est (art. præced. in corp.) Sed inter substantias spirituales & inferiora corpora , media sunt corpora cælestia , quorum motus sunt principia omnium inferiorum motuum . Ergo dæmones non possunt movere localiter inferiora corpora , cum non possint movere cælestia corpora .

6. Præterea . Motus localis est causa aliorum motuum , ut patet in VIII. Physic. (com. lv. lvi. lvii. & lxxvii.) Si ergo dæmones possent corpora movere localiter , possent etiam per consequens ea movere formaliter : quod patet esse falsum ex prædictis .

7. Præterea . Motus naturaliter sequitur formam inclinantem ad determinatum locum , sicut patet in motibus gravium , & levium . Sed dæmones non possunt imprimere formas materię corporali , ut supra (art. præced.) habitum est . Ergo si moveant corpora localiter , motus ille erit violentus .

8. Præterea . Idem est motus totius , & partis , sicut totius terræ , & unius glebæ , ut dicitur in III. Phys. (com. xlviii.) Si ergo dæmones possunt movere glebām unius terræ , pari ratione possunt movere totam terram ; quod non possunt , quia hoc esset mutare ordinem universi . Ergo dæmones non possunt aliquid corpus localiter movere .

Sed contra est , quia , sicut Augustinus dicit in III. de Trin. (cap. viii.) dæmones colligunt femina , quæ adhibent ad certos effectus . Hoc autem sine motu locali fieri non posset . Ergo dæmones possunt corpora movere localiter .

Respondendo dicendum , quod , sicut supra (art. præced.) dictum est , in actionibus virtutum activarum considerandus est ordo rerum ; qui non solum attenditur secundum naturas ipsarum , sed etiam secundum earum motus : habent enim & ipsi motus quemdam ordinem ad invicem , & hoc duplici-

ter . Uno modo secundum propriam rationem ; & secundum hoc motus localis ad alios motus duplicem habet comparisonem . Uno modo quia est primus motuum ; alio modo quia per motum localem minima variatio fit circa mobile : nam cum per alios motus varietur aliquid quod est intrinsecum rei , puta qualitas , aut quantitas , aut etiam forma substantialis , per motum localem variatur corpus solum secundum aliquid extrinsecum , scilicet secundum locum .

Et quantum ad utrumque secundum prædicta competit quod corpora moveantur a substantiis spiritualibus motu locali immediatius quam aliis motibus . Primo quidem quia posteriora perficiuntur mediatis prioribus : unde & alii motus a substantia spirituali causantur mediante motu locali . Alio modo quia , sicut supra dictum est , effectus debiles possunt fieri immediate a remotiore agente : unde minima variatio corporalis , quæ fit per motum localem , potest fieri immediate per substantiam spiritualement , quasi per agens remotum ; non autem alia maior variatio , qualis est aliorum motuum . Alio modo consideratur ordo motuum secundum ordinem mobilium ; sicut motus cæli est prior motu corporis elementaris : & secundum hoc competit superioribus substantiis spiritualibus movere superius corpus ; ita quod motor orbis Saturni non posset movere cælum stellatum , nec motor eius posset eum movere , si haberet plures stellas , ut dicitur in II. de cælo . Sicut ergo superiores substantię spirituales movent superiora cælestia corpora , ita etiam inferiores movere possunt localiter inferiora corpora , quales sunt dæmones ; sive hoc habeant ex conditione naturæ ; sive secundum illos qui dicunt , quod dæmones non fuerunt ex illis superioribus Angelis , sed ex illis qui præficiuntur a Deo huic terrestri ordini secundum proportionem suæ naturæ ; sive etiam hoc eis conveniat ex pœna peccati , propter quam sunt detrusi a cælestibus sedibus in hunc aerem , secundum Gregorium (homil. xxxiv. in Evang.) qui ponit aliquos de supremis Angelis per peccatum cecidisse .

Ad primum ergo dicendum , quod motus localis est perfectior propter perfectionem mobilis , in quo secundum ipsum fit minima variatio .

Ad secundum dicendum , quod anima humana infimum gradum tenet in ordine substantiarum spiritualium : unde non habet virtutem movendi corpus , etiam localiter , nisi

nisi proportionatum sibi per hoc quod est vivificatum ab ea.

Ad tertium dicendum, quod daemones ad corpus non est contactus corporalis, sed virtualis: qui quidem requirit convenientiam proportionis moventis ad mobile.

Ad quartum dicendum, quod corpora caelestia excedunt proportionem virtutis demonum vel propter conditionem naturae, vel propter damnationem culpae, ut dictum est.

Ad quintum dicendum, quod motus naturales inferiorum corporum dependent ex motibus caelestium corporum, & causantur ab eis: possunt tamen aliqui motus fieri in inferioribus corporibus ex aliquibus aliis causis, puta ab ipso homine per voluntatem, & eadem ratione a demone, vel Angelo: quamvis dispositio corporum secundum quam sunt susceptiva talis motus, aliquando a corpore caelesti dependat.

Ad sextum dicendum, quod alii motus omnes naturaliter provenientes, causantur ex motibus localibus caelestium corporum, non autem ex quibuscumque aliis localibus motibus. Nec tamen si per motus locales aliquorum corporum daemones secundum alios motus corpora transmutent, hoc faciunt propria virtute: sed magis virtute corporum localiter ab eis motorum.

Ad septimum dicendum, quod nihil prohibet dicere, corpora quae moventur localiter a daemonibus, per violentiam moveri, sicut etiam cum moventur ab hominibus.

Ad octavum dicendum: quod idem est naturalis motus totius, & partis: non tamen eadem vis sufficit ad movendum totum: quae movet partem: unde licet daemones possint movere aliquam partem terrae, non sequitur quod possint movere totam terram: quia hoc non est proportionatum naturae ipsorum, ut mutant ordinem elementorum mundi.

ARTICULUS XI.

Utrum daemones possint immutare partem animae cognoscitivam, quantum ad vim sensitivam interiorem, vel exteriorem.

Undecimo quaeritur, utrum daemones possint immutare partem animae cognoscitivam, quantum ad vim sensitivam interiorem, vel exteriorem. Et videtur quod

S. Th. Oper. Tom. XV.

non. Dicit enim Augustinus XI. de Trin. (cap. 11. & 14.) quod visio tam corporalis quam imaginaria sit per aliquam formam. Forma autem quae est in sensu, vel imaginatione, est nobilior quam forma corporalis, cuius est similitudo, ut patet per Augustinum III. super Genes. ad litter. (Lib. XII. cap. xvi.) Cum igitur daemones non possint imprimere in materiam corporealem formas corporeas, ut supra ostensum est, multo minus videtur quod possint immutare sensum, vel imaginationem ad aliquid cognoscendum.

2. Præterea. Sentire, & imaginari sunt opera vitae. Sed omnia opera vitae sunt ex principio intrinseco, per quod animal vivit. Cum ergo demon sit principium extrinsecum, videtur quod non possit movere hominem ad aliquid imaginandum, vel sentiendum.

3. Sed dicendum, quod demon movet sensum, & imaginationem, non quidem imprimendo novas species, sed species præexistentes in spiritibus sensitivis reducendo ad organum imaginationis, vel sensus. Sed contra. Augustinus dicit in XI. de Trin. (cap. 14.) quod ad videndum quaecumque visione exigitur intentio, quae coniungat speciem visibilem ipsi potentiae visivae. Intentio autem pertinet ad vim appetitivam, quam demon movere non potest: quia sic hominem cogeret ad peccandum, cum in appetitu consistat peccatum. Non ergo per hoc quod reducit formas ad organum sensus, vel imaginationis, potest movere hominem ad hoc quod sentiat, vel imagineatur.

4. Præterea. Sicut se habet species intelligibilis ad intellectum, ita se habet phantasma ad imaginationem. Contingit autem quandoque quod species intelligibilis praesentialiter est in intellectu: nec tamen intellectus actu intelligit. Ergo videtur quod licet demon reducat ad organum imaginationis phantasmata, sive formas imaginatas, non propter hoc facit hominem imaginari.

5. Præterea. Huiusmodi formae in spiritibus sensitivis aut sunt in potentia, aut sunt in actu. Non autem videtur quod sint in actu, quia forma rei cognitae non videtur esse actu in cognoscente, nisi dum actu cognoscitur. Si autem sint in potentia, non poterunt movere organum imaginationis, vel sensus: quia nihil movetur ab eo quod est in potentia, sed solum ab eo quod est

Ob

est

est in actu. Ergo per reductionem spirituum ad organa sensus, vel imaginationis, non potest daemon movere hominem ad apprehendendum aliquid sensu, vel imaginatione, nisi prius huiusmodi formas de potentia in actum reduxerit; quod videtur facere non posse eadem ratione qua non potest movere materiam corporalem ad formam.

6. Præterea. Secundum Augustinum in III. de Trin. (cap. viii.) demones in rebus corporalibus operantur per quædam naturalia semina, quæ sunt agentia naturalia. Sed activum naturale, quo nata sunt moveri sensus, & imaginatio, est corpus exterius obiectum. Ergo videtur quod absque huiusmodi corporis obiecto non possint demones imaginationem, vel sensum hominis movere.

7. Præterea. Augustinus dicit in XVIII. de civit. Dei (cap. xv. circa med.) quod operatione demonum phantasticum hominis, veluti corporatum, in alicuius animalis effigie apparet sensibus alienis. Ex quo videtur quod pari ratione nihil aliud demon possit sensibus hominum ostendere, nisi per modum incorporationis.

8. Præterea. Sensus est potentia passiva. Omne autem passivum movetur ab activo sibi proportionato. Activum autem proportionatum sensui est duplex: unum quidem quasi originans, scilicet obiectum, aliud autem quasi deferens sicut medium. Sed demon, cum sit incorporeus, non potest esse obiectum sensus, neque etiam medium. Ergo videtur quod nullo modo possit movere sensum.

9. Præterea. Si demon movet vim cognoscitivam interioriorem, aut hoc facit se obiectando virtuti cognoscitivæ, aut hoc facit immutando ipsam. Non autem hoc facit se obiectando, quia oporteret quod vel assumeret corpus, & sic non posset interius ingredi ad organum imaginationis, cum duo corpora non sint simul in eodem loco; oecque etiam assumendo phantasma, quod etiam esse non potest, quia phantasma non est sine quantitate; demon autem omni quantitate caret: similiter etiam nec hoc potest facere immutando: quia aut immutaret alterando, quod videtur non posse facere, quia omnis alteratio fit per qualitates activas, quibus demones carent; aut immutaret transformando, sive localiter movendo, quod videtur esse inconveniens duabus rationibus: primo quidem quia trans-

formatio organi non posset fieri sine sensu doloris; secundo quia secundum hoc demon non postenderet homini nisi nota, cum tamen Augustinus (alius Auctor) dicat (Lib. de spiritu & anima cap. xxviii.) quod offendit hominui formas & notas, & ignotas. Ergo videtur quod demones nullo modo possint immutare imaginationem, vel sensum hominis.

10. Præterea. Secundum Philosophum in VII. Physic. transmutatio phantasmatum impedit intelligibilem cognitionem veritatis. Si ergo demon possit transmutare hominis phantasmata, sequitur quod possit eum impedire totaliter ab omni cognitione veritatis.

11. Præterea. Agens proximum oportet esse coniunctum: quia movens, & motum sunt simul, ut probatur in VII. Physic. (a com. x. ad xiiii.) Sed demon non potest esse coniunctus Interiori phantasmæ: quia super illud Abacue xi. *Dominus in templo sancto suo*, dicit Glossa Hieronymi, quod demon non potest intra idolum esse, sed exterius aliquid operatur: & multo minus iotta corpus humanum. Ergo videtur quod non potest phantasmata immediate movere.

Sed contra est quod Augustinus dicit in Lib. lxxxiii. Quæst. (quæst. xii. in princ.) *Serpi hoc malum, scilicet demonis, per omnes aditus sensuales, dat sese figuris, accommodat coloribus, adhaeret sonis, odoribus se subicit, insuavis saporibus*. Sed per huiusmodi, sensus immutantur. Ergo videtur quod demones possint sensus humanos immutare.

Præterea. Augustinus dicit XVIII. de civit. Dei (cap. xviii.) quod transmutationes hominum in animalia bruta, quæ dicuntur arte demonum factæ, non fuerunt secundum veritatem, sed solum secundum apparentiam. Hoc autem esse non posset, si demones humanos sensus transmutare non possent. Possunt ergo humani sensus per demones transmutari.

Respondeo dicendum, quod evidentibus indicibus, & experimentis apparet quod operatione demonum aliqua sensibilibus hominibus ostenduntur. Quod quidem quandoque fit per hoc quod demones aliqua exteriora corpora humanis sensibus exhibent, vel quæ præexistunt a natura formata, vel quæ ipsi formant per naturalia semina, sicut ex supradictis [art. 9. & 10.] patet: & hoc

Ad hoc non habet aliquam dubitationem. Naturaliter enim humani sensus ad praesentiam sensibilibus corporum immutatur; sed quandoque daemones aliqui faciunt hominibus apparere quae in rerum exteriorum veritate non subsistunt; & hoc habet dubitationem qualiter fieri possit. Quam quidem Augustinus tangit XII. super Genes. ad litter. [cap. xvii. xviii. & xix.] ponens tres modos, quorum altero necesse est ut hoc fiat. Cum enim praemisisset, quod quidam volunt animam humanam habere vim quamdam divinationis in seipsa (quod videtur congruere opinionibus Platoniorum ponentium animam omnium scientiam habere ex idearum participatione) excludit hanc opinionem per hoc: quia si in sua potestate anima hoc haberet, semper posset homo divinare cum vellet: quod pater esse falsum. Relinquitur ergo quod indiget ad hoc ab aliquo extrinseco adjuvari, non quidem a corpore, sed a spiritu. Quaritur autem utrius, quomodo anima iuvenit a spiritu ad aliqua videnda; utrum scilicet in corpore sit aliquid, ut inde quasi relaxetur, & emittatur eius intentio, quo in id veniat, ubi in seipsa videat significantes similitudines, quae ibi iam erant, nec videbantur, deur multas in memoria, quae non semper intuemur; an fiant illic quae ante non fuerunt; & subdit tertium membrum, vel in aliquo spiritu sint, quo illa erumpens, & emergens ibreas videt. Sed horum trium hoc tertium est omnino impossibile. Anima enim humana secundum praesentis vitae statum non potest intantum elevari, ut ipsam essentiam spiritualis, & incorporeae substantiae videat: quia in statu praesentis vitae non intelligitur absque phantasmate, per quod cognoscere non possumus de aliqua spirituali substantia quid sit. Multo autem minus potest inspicere species intelligibiles, quae sunt in mente spiritualis substantiae: quis quae sunt hominis, nemo novit nisi spiritus hominis qui in ipso est: & quidquid sit de intellectuali cognitione animae humanae, certum est quod imaginaria eius visio, vel sensualis nullo modo elevati potest ad videndam incorpoream substantiam, & species in ea existentes, quae non sunt nisi intelligibiles. Cum ergo postea Augustinus subdit [XII. super Genes. cap. xiii.] quod dubium est, utrum anima videat in seipsa, an per alius spiritus commixtionem, est intelligenda commixtio, non per hoc quod anima spiritualem sub-

stantiam videat, sed per hoc quod circa eam spiritualis substantia aliquid operetur; ut intelligatur permixtio per effectum spiritualis substantiae, non autem per ipsam eius substantiam, vel eorum quae in ipsa sunt. Similiter etiam secundum dictorum trium modorum esse non potest, ut scilicet fiant de novo in anima quae ante non fuerant. Non enim potest demon inducere novas formas in materiam corporalem, sicut ex praedictis [art. p.] patet: unde nec per consequens in sensum, & imaginationem, in quibus nihil recipitur sine organo corporali. Unde relinquitur primum membrum, ut scilicet aliquid praesistat in corpore, quod per quamdam transmutationem localem spirituum, & humorum reducit ad principia sensuum organorum, ut sic videantur ab anima imaginaria, vel sensuali visione: dictum est enim supra (art. 10.) quod daemones virtute propria possunt localiter corpora mutare. Ex transmutatione autem locali spirituum, & humorum etiam secundum naturae operationem contingit aliquid secundum imaginationem, vel sensum videri. Dicit enim Philosophus in Lib. de somno & vigilia (cap. 111.) assignans causam apparitionis somniorum, quod cum animal dormierit, descendente plurimo sanguine ad principium sensitivum simul descendunt motus, sive impressiones reflexae ex sensibilibus motionibus, quae in spiritibus sensibilibus conservantur, & movent principium apprehensivum; ita quod aliqua apparent ac si tunc principium sensitivum a rebus istis exterioribus immutaretur. Et per hunc modum daemones possunt immutare imaginationem, & sensum, non solum dormientium, sed etiam vigilantium.

Ad primum ergo dicendum, quod daemones non possunt novam formam imprimere in organa corporales sensuum; possunt tamen formas in organis sensibilibus conservatas aliquo modo transmutare, ut secundum eas aliquae apparitiones fiant.

Ad secundum dicendum, quod operatio vitae secundum quod egreditur potentia, est semper a principio intrinseco; sed secundum quod procedit ex obiecto, potest esse a principio extrinseco, sicut visio causatur a visibili: & hoc modo immutatur sensus a daemonibus, scilicet per aliquam exhibitionem obiecti.

Ad tertium dicendum, quod intentio est virtutis appetitivae actus; quae quidem est.

duplex. Una sensitiva, quæ quidem est virtus organi corporei: unde potest eius actus ab aliqua corporali transmutatione causari; sicut ex aliquo corporali appositione, vel subtractio appetitus sensitivus movetur ad aliquid desiderandum, vel fugiendum: & hoc modo demones possunt immutare appetitum sensitivum ad aliquid intendendum. Alia autem est vis appetitiva intellectiva, scilicet voluntas: quæ quia non habet organum corporale, non immutatur ex corporali immutatione, nisi dispositivo; effective autem mutari potest vel ab ipso homine, secundum quod voluntas movet seipsam, vel a Deo, qui interior operatur. Unde secundum hoc demones non possunt movere animam ad aliquid intendendum.

Ad quartum dicendum, quod ad hoc quod homo actu consideret secundum species quæ habitualiter in intellectu existunt, requiritur intentio voluntatis: nam habitus est quo quis agit cum voluerit, ut dicitur in III. de Anima (a Commentatore com. xviii.) & similiter per intentionem appetitus sensitivi contingit quod actu animal imaginetur ea quæ prius in memoria conservabantur. Potest autem & hoc in homine fieri per intentionem appetitus intellectivi, secundum quod appetitus superior movet inferiorem.

Ad quintum dicendum, quod species quæ præexistunt in organis sentiendi, medio modo se habent inter actum perfectum & potentiam puram; sicut & species quæ habitualiter existunt in intellectu, & per solam intentionem appetitus reducuntur in actum perfectum.

Ad sextum dicendum, quod apprehensio sensitiva hominis nata est immutari sicut a proprio motivo dupliciter: uno modo secundum aliquod motivum exterius, quod quidem fit secundum motum ab anima ad res: & utroque motivo demon uti potest ad immutandum hominis imaginationem, vel sensum.

Ad septimum dicendum, quod verbum illud Augustini non est sic intelligendum, quod ipsam vim phantasticam hominis, aut etiam speciem in ipsa conservarem aliquo corpore circumdet, ut sic ipsam sensibus aliorum obiciat; sed quia ipse demon, qui speciem, & imaginationem alicuius hominis format, aliam similem speciem vel corporaliter exterius aliorum sensibus obicit, vel intrinsecus in eorum sensibus similem speciem operatur.

Ad octavum dicendum, quod demon immutat potentiam imaginativam, vel sensitivam hominis, non quasi ipse se exhibeat medium, vel obiectum; sed inquantum proprium subiectum sensitivæ, vel imaginativæ virtutis deserit ad ipsam, ut supra dictum est.

Ad nonum dicendum, quod demon non immutat potentiam sensitivam, & imaginativam se ei obiciendo, ut cõsensum est; sed eam transmutando, non quidem alterando, nisi quantum ad motum localem: quia non potest de se imprimere novas species, ut dictum est. Immutat autem transmutando sive localiter movendo, non quidem substantiam organi dividendo, ut sic consequatur sensus doloris, sed movendo spiritus, & humores. Quod autem ulterius obicitur, quod sequitur quod secundum hoc demon non possit aliquid novum homini demonstrare secundum imaginariam visionem; dicendum est, quod novum aliquid potest intelligi dupliciter. Uno modo totaliter novum, & secundum se, & secundum sua principia; & secundum hoc demon non potest aliquid novum homini secundum visionem imaginariam demonstrare: non enim potest facere quod cæcus natus imaginetur colores, vel quod surdus natus imaginetur sonos. Alio modo dicitur aliquid novum secundum speciem totius; puta, si dicamus esse novum in imaginatione quod aliquis imaginetur montes aureos, quos ovis quæ vidit; quia tamen vidit & aurum, & montem, potest naturali motu imaginari in homine phantasma aurei montis: & hoc etiam modo demon potest aliquid novum imaginationi offerre, secundum diversas compositiones motuum, & specierum, quasi quorundam seminum in organis sensibilibus latentium, quorum virtutem ipse cognoscit.

Ad decimum dicendum, quod, sicut Augustinus dicit in Lib. de Trin. (Lib. III. cap. ix.) multa demones possunt virtute suæ naturæ quæ non possunt propter prohibitionem divinarum. Dicendum est ergo, quod demones possunt virtute suæ naturæ phantasmata perturbando totaliter intelligibilem cognitionem hominis impedire, sicut patet in arpepitiis; non tamen semper hoc facere permittuntur.

Ad undecimum dicendum, quod quia Angelus bonus, vel malus ubi operatur, ibi est, secundum Damascenum (Lib. I. cap. xvii. & Lib. II. cap. xij.) consequens

quens est quod quando dæmon humeres, & spiritus commovet ad aliquid ostendendum, ibi existat. Quod autem dicit Hieronymus quod dæmon non est iotus in idolo, non est intelligendum quod non possit inus esse in idolo: quia cum sit spiritalis substantia, non impeditur corpora penetrare: sed intelligitur quod non est in idolo sicut anima in corpore, ut ex idolo, & dæmone fiat aliquid unum, sicut Gentiles arbitrabantur.

ARTICULUS XII.

Utrum dæmones possint immutare hominis intellectum.

DUODECIMO quaeritur, utrum dæmones possint immutare hominis intellectum. Et videtur quod non. Intellectus enim hominis comparatur Soli, secundum illud quod dicitur Sap. v. 6. ex perfusa impiorum: *Sol intelligentie non est ortus nobis.* Sed dæmon non potest immutare Solem visibilem. Ergo multo minus potest immutare intellectum humanum.

1. Præterea. Nihil transmutatur nisi quod est in potentia. Sed anima humana est in actu completo quantum ad intelligibilia, & etiam quantum ad imaginabilia: dicere enim Augustinus XII. super Genes. ad litter. (cap. xvi. a med.) *Quamvis prius videamus aliquod corpus quod antea non videbamus, atque inde incipiat imago eius esse in spiritu nostro, quod illud cum absens fuerit recordemur; tamen eandem eius imaginem, non corpus in spiritu, sed ipsi spiritus in seipso facit: & in X. de Trinit. (cap. v. circa fin.)* dicit, quod anima imagines corporum convolvit, & rapit facta in semetipsa de semetipsa. Ergo videtur quod non possit intellectus hominis a dæmone immutari.

2. Præterea. Magis appropinquat intellectui humano vis imaginativa quam dæmon: quia vis imaginativa radicatur in eadem essentia animæ. Sed vis imaginativa non potest immutare vim intellectivam hominis, quia immateriale non immutatur a materiali. Ergo videtur quod dæmon non possit intellectum hominis immutare.

3. Præterea. Intellectus se habet ad intelligibilia, sicut materia ad formam, quæ sit in actu per formas, sicut intellectus per intelligibilia. Sed si aliqua materia sit quæ habet aliquam formam semper sibi præsentem, nunquam potest immutari ad aliam

formam, sicut patet in corpore cælesti. Intellectus autem humanus habet aliquod intelligibile semper sibi præsens, scilicet seipsum, quia ipse sibi intelligibilis est. Ergo nullo modo dæmon potest eum immutare ad aliquod intelligibile.

4. Præterea. Intellectus proprie immutatur a docente, qui reducit ipsum de potentia in actum, ut patet per Philosophum in VIII. Physic. (comm. xxxiii.) Sed solus Deus interius docet, ut patet per Augustinum in Lib. de Magist. (cap. xi. xiii. & xiv.) Ergo videtur quod dæmon non potest interius intellectum immutare.

5. Præterea. Intellectus immutatur per illuminationem. Sed illuminare intellectum humanum competit Deo, qui illuminat omnem hominem venientem in hunc mundum, ut dicitur Ioan. i. non autem convenit dæmoni, quia nulla est conventio lucis ad tenebras, ut dicitur II. ad Corinth. vi. Ergo videtur quod dæmones non immutent intellectum humanum.

6. Præterea. Cognitio intellectiva secundum duo fit, scilicet secundum lumen intelligibile, & secundum species intelligibiles. Sed dæmon non potest movere animam ad cognitionem intelligibilem ex parte luminis intellectuales, quia hoc præexistit in homine a natura: similiter etiam nec ex parte specierum intelligibilium, quia species intellectus substantiæ spiritualis sunt universales, & improprietate intellectui humano. Nullo ergo modo dæmon potest immutare animam humanam ad intelligibilem cognitionem.

7. Præterea. Augustinus dicit in Lib. xxxiii. Quæstionum (quæst. xxxii.) quod qui non intelligit verum, nihil intelligit. Sed ad dæmonem potius pertinet inducere hominem in falsitatem quam in veritatem, secundum illud Ioan. viii. 44. *Cam loquitur mendacium, ex propriis loquitur.* Ergo videtur quod dæmones non possint immutare animam hominis ad cognitionem.

8. Sed contra est quod Augustinus dicit XVIII. de civit. Dei (cap. xviii. a med.) quod quidam Philosophus quædam Platonica dogmata cuidam in somnis exposuit: quod operationi dæmonum Augustinus attribuit. Ergo dæmones possunt immutare animam hominis ad aliquod intelligendum.

1. Præterea. Super illud Iob xxxviii. In.

Ingressus bestia latibulem suum, dicit Gregorius in Moralibus (Lib. XXVII. Moral. cap. XVIII. in novis exemplar.) quod dæmon in mentem etiam sanctorum ingredi potest; sed inane ibi non potest. Ergo videtur quod possit mentem hominis movere ad aliquid intelligendum.

3. Præterea, Augustinus dicit in XIX. de civit. Dei quod dæmon potest uti anima sapientis ut vult. Sed anima sapientis est potentissima. Ergo videtur, quod multo magis dæmon possit alias animas movere ad aliquid intelligendum.

4. Præterea, Augustinus dicit XII. super Genes. ad litter. (cap. VIII. & XXVI.) quod sicut spiritus imaginarius hominis adiuvatur, ut formas imaginarias videat; ita etiam mens eius adiuvatur, ut eas intelligere possit. Sed dæmon adiuvando vim imaginariam movet ad visionem imaginariam. Ergo adiuvando mentem movet ad aliquid intelligendum.

Respondeo dicendum, quod circa operationem dæmonis duo sunt considerata: primo quidem quid possit ex virtute propriae naturæ; secundo quomodo naturali virtute utatur ex malitia propriae voluntatis. Quantum ergo ad virtutem propriae naturæ, eadem possunt dæmones quæ & boni Angeli: quia est eorum eadem natura communis. Est autem differentia in usu virtutis secundum bonitatem, & malitiam voluntatis: nam boni Angeli ex caritate hominem ad bonum iuvare intendunt ad perfectam cognitionem veritatis, quam dæmon impedire intendit, sicut & alia hominis bona. Est autem considerandum, quod intellectualis hominum operatio secundum duo perficitur, scilicet secundum lumen intelligibile, & secundum species intelligibiles; ita tamen quod secundum species fit apprehensio rerum, secundum lumen intelligibile perficitur iudicium de apprehensis. Inest autem animæ humanæ naturale lumen intelligibile, quod quidem ordine naturæ est infra lumen angelicum: & ideo sicut in rebus corporalibus superior virtus adiuvat, & confortat inferiorem virtutem; ita per lumen angelicum confortari potest lumen intellectus humani ad perfectum iudicandum; quod Angelus bonus intendit, non autem Angelus malus. Unde hoc modo Angeli boni movent animam ad intelligendum, non autem dæmones. Ex parte autem specierum Angelus bonus, vel malus potest immutare hominis intellectum ad aliquid intelligendum, non quidem influendo species in ip-

sam intellectum, sed quædam signa exteriora adhibendo, quibus intellectus excitatur ad aliquid apprehendendum; quod etiam homines facere possunt: sed etiam ulterius Angeli boni, vel mali possunt interiorius quodammodo disponente, & ordinate species imaginarias, secundum quod competit ad aliquid intelligibile apprehendendum. Quod quidem Angeli boni ordinant ad hominis bonum, dæmones autem ad hominis malum; vel quantum ad effectum peccati, prout scilicet homo ex his quæ apprehendit, movetur ad superbiam, vel ad aliquid aliud peccatum; vel ad impediendum ipsam intelligentiam veritatis, secundum quod per aliqua apprehensa ducitur homo in dubitationem, quam solvere nescit, & sic trahitur in errorem. Unde Augustinus dicit in Lib. XXXIII. Quæst. (quæst. XII.) quod dæmon quibusdam nebulis implet omnes meatus intelligentiæ, per quos pandere lumen rationis radis mentis solet.

Ad primum ergo dicendum, quod intellectus humanus possibilis non comparatur soli, sed magis aeri, vel cuiusque diaphano illuminabili. Intellectus autem agens, ut dicit Themistius in comment. III. de Anima, secundum Platonem quidem (in dialog. de iusto) comparatur soli, quia ponebat intellectum agentem esse substantiam separatam: unde Augustinus in Lib. soliloquiorum (1. cap. VII. & VIII.) Deum comparat soli: sed secundum Aristotelem [Lib. III. de Anima com. XVIII.] intellectus agens comparatur lumini in aliquo corpore participato.

Ad secundum dicendum, quod falsum est animam esse in actu completo nec quantum ad intelligibilia, nec quantum ad sensibilia. Nam respectu intelligibilium in anima humana distinguitur duplex intellectus, scilicet intellectus agens, & intellectus possibilis. Intellectus autem possibilis est in potentia ad omnia intelligibilia: unde comparatur tabule in qua nihil est scriptum, secundum Philosophum in III. de Anima (com. XIV.) Sed intellectus agens est quidam actus omnium intelligibilium, quo est omnia intelligibilia fieri, non quidem ita quod contineat in se omnia intelligibilia in actu, sicut nec lumen, cui comparatur, continet in se colores in actu; sed & lumen facit omnes colores esse visibiles actu, & intellectus agens facit omnia intelligibilia actu. Et secundum hoc species intelligibiles non faciunt corpora, aut sensus corporei

pori in intellectu; sed ipse intellectus facit eas per intellectum agentem, & recipit eas per intellectum possibilem: sicut si oculus corporalis haberet lumen, & esset lucidus actu, faceret colores visibiles actu, inquantum esset lucidus in actu, & reciperet eos, inquantum esset diaphanum carens omni colore, sicut aliquoties patet in oculo cati. Quantum vero ad imaginabilia manifestum est quod vis imaginativa non est in actu perfectio omnium imaginabilium; sed reducitur in actum per impressionem sensus. Est enim phantasia motus factus a sensu secundum actum, ut dicitur in Lib. de Anima [Lib. II. com. clxi.] aliquoties cæcus natus posset imaginari colores. Sensus autem fit in actu per actionem sensibilis in organum sensus: unde Augustinus dicit in XI. de Trinit. [cap. 11.] quod sensus accipit speciem ab eo corpore quod sentimus, & a sensu memoria, a memoria vero acies cogitantis. Quod vero dicitur in XII. super Genes. ad litter. [cap. xvt.] quod corporis imaginationem non corpus in spiritu, sed ipse spiritus in seipso facit, intelligendum est quod virtus incorporea exterioris sensibilis non est sufficiens ad hoc quod faciat speciem sensibilem, inquantum sentitur, vel speciem imaginariam, inquantum est imaginata; sed hoc est ex virtute animæ: habet tamen corpus exteriori virtutem immutandi corporea organa, quam immutationem sequitur perceptio sensus per virtutem animæ. Unde Augustinus dicit in XI. de Trin. [cap. 11.] Non possumus quidem dicere, quod sensum gignat res visibilis, gignit tamen formam velus similitudinem suam, que fit in sensu, cum aliquid videndo sentimus. Ex sic etiam intelligenda sunt omnia alia verba Augustini hisimilia. Quamvis etiam secundum quemdam alium modum possit intelligi, quod spiritus faciat formas imaginarias in seipso, inquantum scilicet diversimode componendo novas formas imaginarias gignit, sicut phantasma aurei montis, ut supra dictum est.

Ad tertium dicendum, quod vis imaginativa magis convenit cum intellectu humano, subiecto; sed quantum ad rationem speciei plus convenit cum eo intellectus Angelus boni, vel mali: unde aliquo modo potest intellectus Angelus, vel demonis movere intellectum hominis, quod non potest ipsum movere vis imaginativa; & tamen vis imaginativa quodammodo movere intellectum possibilem, non quidem virtute sua, sed

virtute intellectus agentis. Dicit enim Philosophus in III. de Anima (text. xxxix.) quod sicut se habent colores ad visum, ita se habent phantasmata ad intellectum possibilem: unde sicut lumen dat coloribus quandam virtutem instrumentalem faciendi immutationem spirituales in sensu, ita & phantasmata, inquantum instrumentaliter agunt in virtute intellectus agentis, faciunt intellectum possibilem in actu intelligibilem specierum.

Ad quartum dicendum, quod aliter est de intellectu Angelus, & intellectu humano. Intellectus enim Angelus est sicut aliquod ens actu in genere intelligibilem: & ideo intelligit essentiam suam secundum seipsam, & per eam intelligit quæcumque alia intelligit. Non enim est inconveniens quod per unam formam recipiatur alia, sicut per superficiem recipitur color: unde corpus quod semper habet superficiem, potest ab aliquo extrinseco immutari ad hoc vel illud. Sed intellectus possibilis animæ humanæ est sicut ens omnino in potentia in genere intelligibilem: & ideo non potest intelligere seipsam, nisi secundum quod fit actu per speciem intelligibilem.

Ad quintum dicendum, quod solus Deus docet interius operando, qui est actor etiam ipsius luminis naturalis; potest tamen vel Angelus, vel demon, vel homo docere, representando intellectui suum obiectum, ut supra (in corp. art. & art. præc.) dictum est.

Ad sextum dicendum, quod intellectus potest moveri non solum ex parte intelligibilis, sed etiam ex parte obiecti, ut dictum est (loc. cit.)

Ad septimum dicendum, quod bonus Angelus potest movere intellectum hominis ex parte luminis, non quidem causando lumen naturale in ipso, sed confortando, ut dictum est; sed ram Angelus, quam demon potest movere intellectum hominis ex parte speciei intelligibilis, non quidem æquales species humano intellectui ingerendo suis speciebus, sed eo modo quo supra dictum est, componendo formas imaginarias, vel etiam aliqua exteriora signa adhibendo; sicut etiam homo profundas conceptiones intelligibiles quas habet, potest aliis notificare, explanando eas secundum quod congruit intellectui auditorum.

Ad octavum dicendum, quod per ipsa vera quæ demon manifestat, intendit hominem ad mendacium perducere.

Circa

Circa ea vero quæ in contrarium obijciuntur, considerandum est, quod dæmon quod potest uti anima sapientis ut vult, indicitur ingredi posse mentem hominis, non inquantum aliquando Deo permittente im-
 pedit usum rationis in homine, sicut patet secundum substantiam, sed secundum effectum, in arreptitiis.
 Et hæc quidem circa quæstiones de malo nem ad aliquid cogitandum. Dixerunt etiam, dicta sufficiant.

Sexdecim Quæstionum de Malo Finis.

S. THO.

S. THOMAE AQUINATIS UNICA QUÆSTIO

297

De spiritualibus creaturis,

in undecim articulos divisa.



Primo enim queritur, utrum substantia spiritualis sit composita ex materia & forma.

Secundo. Utrum substantia spiritualis possit uniri corpori.

Tertio. Utrum substantia spiritualis, quæ est anima humana, uniatur corpori per medium.

Quarto. Utrum tota anima sit in qualibet parte corporis.

Quinto. Utrum aliqua substantia spiritualis creata, sit non unita corpori.

Sexto. Utrum substantia spiritualis celestii corpori uniatur.

Septimo. Utrum substantia spiritualis corpori aereo uniatur.

Octavo. Utrum omnes Angeli differant specie ab invicem.

Nono. Utrum intellectus possibilis sit unus in omnibus hominibus.

Decimo. Utrum intellectus agens sit unus omnium hominum.

Undecimo. Utrum potentie animæ sint idem quod animæ essentia.

ARTICULUS I.

Utrum substantia spiritualis sit composita ex materia & forma.

Questio est de spiritualibus creaturis. Et primo queritur, utrum substantia spiritualis creata, sit composita ex materia & forma. Et videtur quod sic. Dicit enim Boetius in Lib. de Triā. (ante med.) *Forma simplex, subiectum esse non potest.* Sed substantia spiritualis creata, est subiectum scientiæ, & virtutis, & gratiæ. Ergo non est forma simplex. Sed nec est materia simplex, quia sic esset in potentia

tantum, non habens aliquam operationem. Ergo est composita ex materia & forma.

2. Præterea. Quælibet forma creata est limitata & finita. Sed forma limitatur per materiam. Ergo quælibet forma creata, est forma in materia. Nulla ergo substantia creata, est forma sine materia.

3. Præterea. Principium mutabilitatis est materia: unde secundum Philosophum necesse est ut materia imaginetur in re mota. Sed substantia spiritualis creata, est mutabilis solus enim Deus naturaliter immutabilis est. Ergo substantia spiritualis creata habet materiam.

4. Præterea. Augustinus dicit XII. Confessionum, quod Deus fecit materiam communem visibilibus, & invisibilibus. Invisibilia autem sunt substantiæ spirituales. Ergo substantia spiritualis habet materiam.

5. Præterea. Philosophus dicit in VIII. Metaph. (com. xvi.) quod si qua substantia est sine materia, statim est ens, & unum; & non est ei alia causa ut sit ens, & unum. Sed omne creatum habet causam sui esse, & unitatis. Ergo nullum creatum est substantia sine materia: ergo omnis substantia spiritualis creata, est composita ex materia & forma.

6. Præterea. Augustinus dicit in Lib. de questionibus veteris & novi testamenti, quod prius fuit formatum corpus Adæ quam anima ei infunderetur: quia prius est necesse fieri habitaculum quam habitatorem introduci: comparatur enim anima ad corpus sicut habitator ad habitaculum. Sed habitator est per se subsistens. Anima ergo est per se subsistens, & multo fortius Angelus. Sed substantia per se subsistens non videtur esse forma tantum. Ergo substantia spiritualis creata, non est forma tantum: est

Pp ergo

S. Th. Oper. Tom. XV.

ergo composita ex materia & forma.

7. Præterea. Manifestum est quod anima est susceptiva contrariorum. Hoc autem videtur esse proprium substantiæ compositæ. Ergo anima est substantia composita, & eadem ratione Angelus.

8. Præterea. Forma est quo aliquid est. Quicquid ergo compositum est ex quo est, & quod est, est compositum ex materia & forma. Omnis autem substantia spiritalis creata composita est ex quo est, & quod est, ut patet per Boetium in Lib. de Hebdomadibus. Ergo omnis substantia spiritalis creata, est composita ex materia & forma.

9. Præterea. Daplex est communitas: una in divinis, secundum quod essentia est communis tribus personis; alia in rebus creatis, secundum quod universale est commune suis inferioribus. Singulare autem videtur primæ communitatis, ut id quo distinguuntur ea que communicant in illo communi, non sit aliud realiter ab ipso communi: paternitas enim quia Pater distinguitur a Filio, est ipsa essentia, quæ est Patri, & Filio communis. In communitate autem universalis oportet quod id quo distinguuntur ea que continentur sub communi, sit aliud ab ipso communi. In omni ergo creato, quod continetur sub aliquo genere communi, necesse est esse compositionem eius quod commune est, & eius per quod commune ipsum restringitur. Substantia autem spiritalis creata est in aliquo genere. Oportet ergo quod in substantia spiritali creata, sit compositio naturæ communis, & eius per quod natura communis coarctatur. Hæc autem videtur esse compositio formæ & materiæ.

10. Præterea. Forma generis non potest esse nisi in intellectu, vel materia. Sed substantia spiritalis creata, ut Angelus, est in aliquo genere. Forma ergo generis illius vel est in intellectu tantum, vel in materia. Sed si Angelus non haberet materiam, non esset in materia. Ergo esset in intellectu tantum; & sic supposito quod nullus intelligeret Angelum, sequeretur quod Angelus non esset; quod est inconveniens. Oportet ergo dicere, ut videtur, quod substantia spiritalis creata, sit composita ex materia & forma.

11. Præterea. Si substantia spiritalis creata, esset forma tantum, sequeretur quod una substantia spiritalis esset præfens alteri. Si enim unus Angelus intelligit alium, aut hoc est per essentiam Angeli intellecti; & sic oportebit quod substantia An-

geli intellecti sit præfens in intellectu Angeli intelligentis ipsum: aut per speciem; & tunc idem sequitur, si species per quam Angelus ab alio intelligitur, non differt ab ipsa substantia Angeli intellecti. Nec videtur posse dari in quo differat, si substantia Angeli est sine materia, sicut & eius species intelligibilis. Hoc autem est inconveniens quod unus Angelus per sui substantiam sit præfens in alio: quia sola Trinitas menti rationali illabitur. Ergo & primum, ex quo sequitur, est inconveniens, scilicet quod substantia spiritalis creata, sit immaterialis.

12. Præterea. Commentator dicit in XI. Metaph. (com. xxxv.) quod si esset arca sine materia, idem esset cum arca si quæ est in intellectu; & sic videtur idem quod prius.

13. Præterea. Augustinus dicit VII. super Genes. ad litteram (cap. vi.) quod sicut caro habuit materiam, idest terram, de qua fieret, sic fortasse potuit & antiquam ea ipsa natura fieret quæ anima dicitur, habere aliquam materiam pro suo genere spiritualem, quæ nondum esset anima. Ergo anima videtur esse composita ex materia & forma, & eadem ratione Angelus.

14. Præterea. Damascenus dicit (Lib. II. cap. 111.) quod solus Deus essentialiter immaterialis est, & incorporeus. Non ergo substantia spiritalis creata.

15. Præterea. Omnis substantia naturæ suæ limitibus circumscripta, habet esse limitatum & coarctatum. Sed omnis substantia creata, est naturæ suæ limitibus circumscripta. Ergo omnis substantia creata habet esse limitatum & coarctatum. Sed omne quod coarctatur, aliquo coarctatur. Ergo in qualibet substantia creata est aliquid coarctans, & aliquid coarctatum: & hoc videtur esse forma & materia: ergo omnis substantia spiritalis est composita ex materia & forma.

16. Præterea. Nihil secundum idem agit, & patitur; sed agit unumquodque per formam, patitur autem per materiam. Sed substantia spiritalis creata, ut Angelus, agit dum illuminat inferiorem Angelum, & patitur dum illuminatur a superiori: similiter in anima est intellectus agens, & possibilis. Ergo tam Angelus quam anima composita est ex materia & forma.

17. Præterea. Omne quod est, aut est actus purus, aut potentia pura, aut compositum ex actu & potentia. Sed substantia spiri-

spiritualis non est aëus purus, hoc enim solius Dei est; nec etiam potentia pura. Ergo est compositum ex potentia & aëu; quod videtur idem ei quod est componi ex materia & forma.

18. Præterea. Plato in Timæo inducit Deum summum loquentem diis creatis, & dicentem: *Voluntas mea maior est nexu vestro*; & inducit hæc verba Augustinus in Lib. de civit. Dei (XIII. cap. xvi.) Di autem creati videntur esse Angeli. Ergo in Angelis est nexus, sive compositio.

19. Præterea. In his quæ numerantur, & essentialiter differunt, est materia: quia materia est principium distinctionis secundum numerum. Sed substantiæ spirituales numerantur, & essentialiter differunt. Ergo habent materiam.

20. Præterea. Nihil patitura corpore nisi habens materiam. Sed substantiæ spirituales create patiuntur ab igne corporeo, ut patet per Augustinum de civit. Dei (Lib. XIII. cap. 1.) Ergo substantiæ spirituales create habent materiam.

21. Præterea. Boetius in Lib. de unitate & uno (a med.) expresse dicit, quod Angelus est compositus ex materia & forma.

22. Præterea. Boetius dicit in Lib. de Hebdomad. (inter princ. & med.) quod omne id quod est, aliquid aliud potest habere admixtum; sed ipsum essenibile omnino aliud habet admixtum; & idem possumus dicere de omnibus abstractis, & concretis. Nam in homine potest aliquid aliud esse quam humanitas, utpote albedo, vel aliquid huiusmodi; sed in ipsa humanitate non potest aliud esse nisi quod ad rationem humanitatis pertinet. Si ergo substantiæ spirituales sunt formæ abstractæ, non poterit in eis esse aliquid quod ad eorum speciem non pertineat. Sed sublato eo quod pertinet ad speciem rei, corrumpitur res. Cum ergo omnis substantia spiritualis sit incorruptibilis, nihil quod inest substantiæ spiritui creatæ, poterit amittere; & ita erit omnino immobilis, quod est inconveniens.

23. Præterea. Omne quod est in genere, participat principia generis. Substantia autem spiritualis creata, est in prædicamento substantiæ: principia autem huius prædicamenti sunt materia, & forma; quod patet per Boetium in comment. prædicamentorum (in prædic. substantiæ in fine) qui dicit, quod Aristoteles relictis extremis, scilicet materia, & forma, agit de medio, scilicet de composito, dans intelligere quod substan-

tia quæ est prædicamentum, de qua ibi agit, sit composita ex materia & forma. Ergo substantia spiritualis creata, est composita ex materia & forma.

24. Præterea. Omne quod est in genere, componitur ex genere & differentia. Differentia autem sumitur a forma, genus autem a materia, ut patet in VIII. Metaphys. (com. vi.) Cum ergo substantia spiritualis sit in genere, videtur quod sit composita ex materia & forma.]

25. Præterea. Id quod est primum in quolibet genere, est causa eorum quæ sunt post, sicut primus aëus est causa omnentis in aëu. Ergo eadem ratione omne illud quod est in potentia quocumque modo, habet hoc a potentia prima, quæ est potentia pura, scilicet a prima materia. Sed aliqua potentia est in substantiis spiritualibus creatis, quia solus Deus est aëus purus. Ergo substantia spiritualis creata habet hoc a materia quod non posset esse, nisi materia esset pars eius. Est ergo composita ex materia & forma.

1. Sed contra est quod Dionysius dicit iv. cap. in princ. de divin. Nomin. de Angelis, quod sunt incorporei, & immateriales.

2. Sed dices, quod dicuntur immateriales, quia non habent materiam subiectam quantitatis, & transmutationi. Sed contra est quod ipse præmittit, quod ab universa materia sunt mundi.

3. Præterea. Secundum Philosophum in IV. Physic. (com. xxxi.) locus non queritur nisi propter motum, & similiter nec materia queretur nisi propter motum. Secundum ergo quod aliqua habent motum, secundum hoc querenda est in eis materia: unde illa quæ sunt generabilia & corruptibilia, habent materiam ad esse; quæ autem sunt transmutabilia secundum locum, habent materiam ad ubi. Sed substantiæ spirituales non sunt transmutabiles secundum esse. Ergo non est in eis materia ad esse; & sic non sunt compositæ ex materia & forma.

4. Præterea. Hugo de sancto Victore dicit super angelicam Hierarchiam Dionysii (cap. iv. tract. 1.) quod in substantiis spiritualibus idem est quod vivificat, & quod vivificatur. Sed id quod vivificat, est forma; quod autem vivificatur, est materia: forma enim dat esse materiæ, vivere autem viventibus est esse. Ergo in Angelis non differt materia a forma.

5. Præterea. Avicenna, & Algazel dicunt, Pp 2 quod

quod substantiæ separatæ, quæ spirituales substantiæ dicuntur, sunt omnino a materia denudatæ.

6. Præterea. Philosophus dicit in III. de Anima (com. xxxviii.) quod lapis non est in anima, sed species lapidis: quod videtur esse propter simplicitatem animæ, ut scilicet in ea materialia esse non possint. Ergo anima non est composita ex materia & forma.

7. Præterea. In Lib. de causis (prop. vii.) dicitur, quod intelligentia est substantia quæ non dividitur. Sed omne quod componitur, dividitur. Ergo intelligentia non est substantia composita.

8. Præterea. In his quæ sunt sine materia, idem est intellectus, & quod intelligitur. Sed id quod intelligitur, est forma intelligibilis omnino immaterialis. Ergo substantia intelligens est absque materia.

9. Præterea. Augustinus dicit in Lib. de Trinit. [IX. cap. iv.] quod anima se tota intelligit. Non autem intelligit per materiam. Ergo materia non est aliquod eius.

10. Præterea. Damascenus dicit [Lib. II. cap. xi.] quod anima est simplex. Non ergo composita ex materia & forma.

11. Præterea. Spiritus rationalis magis appropinquat primo simplicissimo, scilicet Deo, quam spiritus brutus. Sed spiritus brutus non est compositus ex materia & forma. Ergo multo minus spiritus rationalis.

12. Præterea. Plus appropinquat primo simplici substantiæ angelicæ quam formæ materialis. Sed forma materialis non est composita ex materia & forma. Ergo nec substantia angelica.

13. Præterea. Forma accidentalis est ordine dignitatis infra substantiam. Sed Deus facit aliquam formam accidentalem subsistere sine materia, ut patet in sacramento altaris. Ergo fortius facit aliquam formam in genere substantiæ subsistere sine materia: & hoc maxime videtur substantiæ spirituius.

14. Præterea. Augustinus dicit XII. Confess. [cap. vii. in fin.] *Duo fecisti, Domine: unum prope te*, idest substantiam angelicam, *aliud prope nihil*, scilicet materiam. Sic ergo materia non est in Angelo, cum contra ipsum dividatur.

Respondeo dicendum, quod circa hanc questionem contrarie aliqui opinantur. Quidam enim asserunt, substantiam spirituales creatam, esse compositam ex materia &

forma; quidam vero hoc negant. Unde ad huius veritatis inquisitionem, ne in ambiguo procedamus, considerandum est quid nomine materia significetur. Manifestum est eorum quod cum potentia, & actus dividantur, & cum quodlibet genus per actum, & potentiam dividatur, id communiter materia prima nominatur quod est in genere substantiæ, ut potentia quædam intellecta præter omnem speciem, & formam, & etiam præter privationem; quæ tamen est susceptiva & formarum, & privationem, ut patet per Augustinum XII. Confess. & I. super Genes. ad litteram [cap. xiv. & xv.] & per Philosophum in VII. Metaph. Sic autem accepta materia (quæ est propria eius acceptio, & communis) impossibile est quod materia sit in substantiis spiritualibus: licet enim in uno & eodem quod quandoque est in actu, quandoque in potentia, prius tempore sit potentia quam actus, actus tamen naturaliter est prior potentia. Illud autem quod est prius, non dependet a posteriori, sed e converso. Et ideo invenitur aliquis purus actus absque omni potentia; numquam tamen invenitur in rerum natura potentia quæ non sit perfecta per aliquem actum: & propter hoc semper in materia prima est aliqua forma. A primo autem actu perfecto simpliciter, qui habet in se omnem plenitudinem perfectionis, cauatur esse actu in omnibus; sed tamen secundum quemdam ordinem. Nullus enim actus cauatur habere omnem perfectionis plenitudinem; sed respectu primi actus, omnis actus cauatur esse imperfectus: quanto tamen actus est perfectior, tanto est Deo propinquior. Inter omnes autem creaturas Deo maxime appropinquant spirituales substantiæ, ut patet per Dionysium iv. cap. celestis Hierar. unde maxime accedunt ad perfectionem primi actus, cum comparentur ad inferiores creaturas sicut perfectum ad imperfectum, & sicut actus ad potentiam. Nullo ergo modo hæc ratio ordinis rerum habet quod substantiæ spirituales ad esse suum requirant materiam primam, quæ est incompletissimum inter omnia entia, sed sunt longe supra totam materiam, & omnia materialia elevatæ. Hoc etiam manifestum apparet, si quis propriam operationem substantiarum spiritualium consideret. Omnes enim spirituales substantiæ intellectuales sunt. Talis autem est unicuiusque rei potentia, qualis reperitur perfectio eius: nam proprius actus propriam potentiam requirit: perfectio autem cuiuslibet intellectu-

Actualis

Aqualis substantiæ, inquantum huiusmodi, est intelligibile prout est in intellectu. Tale igitur potentiam oportet in substantiis spiritualibus requirere quæ sit proportionata ad susceptionem formæ intelligibilis. Huiusmodi autem non est potentia materiæ primæ: nam materia prima recipit formam contrahendo ipsam ad esse individuale; forma vero intelligibilis est in intellectu absque huiusmodi contractione: sic enim intelligit intellectus unumquodque intelligibile, secundum quod forma eius est in eo. Intelligit autem intellectus intelligibile præcipue secundum naturam communem & universalem; & sic forma intelligibilis in intellectu est secundum rationem suæ communitatis. Non est ergo substantia intellectualis receptiva formæ ex ratione materiæ, sed magis per oppositam quamdam rationem. Unde manifestum sit quod in substantiis spiritualibus illa prima materia, quæ de se omni specie caret, eius pars esse non potest. Si tamen quæcumque duo se habent ad invicem ut potentia, & actus, nominentur materia, & forma, nihil obstat dicere, ut non fiat vis in verbis, quod in substantiis spiritualibus est materia & forma. Oportet enim in substantia spirituali creata esse duo, quorum unum comparatur ad alterum ut potentia ad actum: quod sic pater. Manifestum est enim quod primum ens, quod Deus est, est actus infinitus, utpote habens in se totam essendi plenitudinem, non contractam ad aliquam naturam generis, vel speciei. Unde oportet quod ipsum esse eius non sit esse quasi inditum alicui naturæ, quæ non sit suum esse, quia sic finiretur ad illam naturam. Unde dicimus, quod Deus est ipsum suum esse. Hoc autem non potest dici de aliquo alio: sicut enim impossibile est intelligere quod sint plures albedines separatae, sed si esset albedo separata ab omni subiecto, & recipiente, esset una tantum; ita impossibile est quod sit ipsum esse subsistens nisi unum tantum. Omne igitur quod est post primum ens, cum sit suum esse, habet esse in aliquo receptum; per quod ipsum esse contrahitur: & sic in quolibet creato aliud est natura rei quæ participat esse, & aliud ipsum esse participatum: & cum quilibet res participet per assimilationem primum actum, inquantum habet esse, necesse est quod esse participatum in unoquoque comparetur ad naturam participantem ipsum,

sicut actus ad potentiam. In natura igitur rerum corporearum materia non per se participat ipsum esse, sed per formam: forma enim adveniens materiæ facit ipsam esse actum, sicut anima corpori. Unde in rebus compositis est considerare duplicem actum, & duplicem potentiam. Nam primo quidem materia est ut potentia respectu formæ, & forma est actus eius; & iterum natura constituta ex materia & forma, est ut potentia respectu ipsius esse, inquantum est susceptiva eius. Remoto igitur fundamento materiæ, si remaneat aliqua forma determinatæ naturæ per se subsistens, non in materia, adhuc comparabitur ad suum esse ut potentia ad actum. Non dico autem ut potentiam separabilem ab actu, sed quem semper suos actus comitetur. Et hoc modo natura spiritualis substantiæ, quæ non est composita ex materia & forma, est ut potentia respectu sui esse: & sic in substantia spirituali est compositio potentiz & actus, & per consequens formæ & materiæ; si tamen omnis potentia nominetur forma. Sed tamen hoc non est proprie dictum secundum communem usum nominum.

Ad primum ergo dicendum, quod ratio formæ opponitur rationi subiecti. Nam omnis forma, inquantum huiusmodi, est actus; omne autem subiectum comparatur ad id cuius est subiectum, ut potentia ad actum. Si qua ergo forma est quæ sit actus tantum, ut divina essentia, illa nullo modo potest esse subiectum: & de hac Boetius loquitur. Si autem aliqua forma sit quæ secundum aliquid sit in actu, & secundum aliquid in potentia, secundum hoc tantum erit subiectum, secundum quod est in potentia. Substantiæ autem spirituales licet sint formæ subsistentes, sunt tamen in potentia, inquantum habent esse finitum & limitatum. Et quia intellectus est cognoscitivus omnium secundum sui rationem, & voluntas est amara universalis boni, remanet semper in intellectu, & voluntate substantiæ creatæ potentia ad aliquid quod est extra se. Unde si quis recte consideret, substantiæ spirituales non inveniuntur esse (a) subiectum accidentium quæ pertinent ad intellectum, & voluntatem.

Ad secundum dicendum, quod duplex est limitatio formæ. Una quidem secundum quod forma speciei limitatur ad individuum; & talis limitatio formæ est per mater-

(a) M. subiectæ.

materiam. Alia vero secundum quod forma generis limitatur ad naturam speciei; & talis limitatio formæ non fit per materiam, sed per formam unius determinatam, a qua sumitur differentia: differentia enim addita super genus contrahit ipsum ad speciem: & talis limitatio est in substantiis spiritualibus, secundum scilicet quod sunt formæ determinatarum specierum.

Ad tertium dicendum, quod mutabilitas non invenitur in substantiis spiritualibus secundum earum esse, sed secundum intellectum, & voluntatem; sed talis mutabilitas non est ex materia, sed ex potentialitate intellectus, & voluntatis.

Ad quartum dicendum, quod non est intentio Augustini dicere, quod eadem numero sit materia visibilium, & invisibilium, cum ipse dicat duplicem informitatem intelligi per cælum, & terram, quæ dicuntur primo creata; ut per cælum intelligatur substantia spiritualis adhuc informis, per terram autem materia rerum corporalium, quæ in se considerata informis est, quasi omni specie carens: unde etiam dicitur *inanimis, & vacua, vel invisibilis, & incomposita* secundum aliam litteram. Cælum autem non describitur inane, & vacuum. Per quod manifeste apparet quod materia, quæ caret omni specie, non est pars substantiæ angelicæ. Sed informitas substantiæ spiritualis est secundum quod nondum est conversa ad verbum, a quo illuminatur, quod pertinet ad potentialitatem intelligibilem. Sic ergo materiam communem visibilium, & invisibilium nominat utrumque prout est informe suo modo.

Ad quintum dicendum, quod Philosophus loquitur ibi non de causa agente, sed de causa formali. Illa enim quæ sunt composita ex materia & forma, statim sunt ens, & unum, quia materia est ens in potentia, & fit ens actu per adventum formæ, quæ est ei causa essendi. Sed forma non habet sic esse per aliam formam: unde si sit aliqua forma subsistens, statim est ens, & unum, nec habet causam formalem sui esse; habet tamen causam influentem ei esse, non autem causam moventem, quæ reducit ipsam de potentia præexistenti in actum.

Ad sextum dicendum, quod licet anima sit per se subsistens, non tamen sequitur quod sit composita ex materia & forma: quia per se subsistere potest convenire formæ absque materia. Cum enim materia habeat esse per formam, & non e converso, nihil prohibet aliquam formam sine materia sub-

sistere, licet materia siue forma esse non possit.

Ad septimum dicendum, quod esse substantiæ contrariorum est substantiæ in potentia alicqualiter existentis, siue sit composita ex materia & forma, siue sit simplex. Substantia autem spiritualium non est substantiæ contrariorum, nisi pertinentium ad voluntatem, & intellectum, secundum quæ est in potentia, ut ex dictis (in corp. art.) patet.

Ad octavum dicendum, quod non idem est componi ex quod est, & quo est, & ex materia, & forma: licet enim forma possit dici quo aliquid est, tamen materia non proprie potest dici quod est, cum non sit nisi in potentia; sed quod est, est id quod subsistit in esse (quod quidem in substantiis corporeis est ipsum compositum ex materia & forma, in substantiis autem incorporeis est ipsa forma simplex) quo est autem, est ipsum esse participationem: quia in actum unumquodque est, in quantum ipso esse participat: unde & Boetius sic utitur istis vocabulis in Libr. de Hebdomad. dicens, quod in aliis præter primum, non idem est quod est, & esse.

Ad nonum dicendum, quod sub aliquo communi est aliquid dupliciter: uno modo sicut individuum sub specie; alio modo sicut species sub genere. Quodcumque igitur sub una communi specie sunt multa individua, distinctio multorum individuum est per materiam individualement, quæ est præter naturam speciei; & hoc in rebus creatis. Quando vero sunt multe species sub uno genere, non oportet quod formæ quibus distinguuntur species ad invicem, sit aliud secundum rem a forma communi generis. Per unam enim & eandem formam hoc individuum collocatur in genere substantiæ, & in genere corporis, & sic usque ad specialissimam speciem. Si enim secundum aliquam aliam formam hoc individuum habeat quod sit substantia, de necessitate oportet quod aliz formæ supervenientes, secundum quas collocatur in inferioribus generibus, & speciebus, sint formæ accidentales: quod ex hoc patet. Forma enim accidentalis a substantiali differt, quia forma substantialis facit hoc aliquid, forma autem accidentalis advenit rei iam hoc aliquid existentis. Si igitur prima forma, per quam collocatur in genere, facit individuum esse hoc aliquid, omnes aliz formæ advenient individuo subsistenti in actu; & ita erunt formæ accidentales. Sequitur etiam quod

per

per adventum posteriorum formarum, quibus collocatur aliquid in specie specialissima, vel subalterna, non fit generario, neque per subtractionem corruptio simpliciter, sed secundum quid. Cum enim generatio sit transmutatio ad esse rei, illud simpliciter generari dicitur quod simpliciter generari dicitur quod simpliciter fit ens de non ente in acta, sed ente in potentia tantum. Si igitur aliquid fiat de praexistenti in actu, non generabitur simpliciter ens, sed hoc ens: & eadem ratio est de corruptione. Est ergo dicendum, quod formae rerum specie differentium sunt ordinatae, & una addit super alteram perfectionem: & hoc patet etiam per Philosophum in VIII. Metaph. (text. com. x.) qui dicit, quod definitiones, & species rerum sunt sicut numeri, in quibus species multiplicatur per additionem unitatis; cum etiam hoc per inductionem appareat gradatim species rerum multiplicari secundum perfectum, & imperfectum. Sic igitur per hoc excluditur positio Avicbron in Lib. Fontis vitae, quod materia prima, quae omnia sine forma consideratur, primo recipit formam substantiae: quia quidem suscepta in aliqua sui parte, super formam substantiae recipit aliam formam, per quam fit corpus, & sic deinceps usque ad ultimam speciem; & in illa parte in qua non recipit formam corpoream, est substantia incorporea, cuius materiam non subiectam quantitati aliqui nominant materiam spirituales. Ipsam autem materiam iam perfectam per formam substantiae, quae est subiectum quantitas, & aliorum accidentium, dicit esse clavem ad intelligendum substantias incorporeas. Non enim ex hoc contingit quod aliquod individuum sit corpus inanimatum, & aliud corpus animatum, (a) per hoc quod individuum animatum habet formam aliquam, cui subalternatur forma substantialis corporis; sed quia hoc individuum animatum habet formam perfectiorem, per quam habet non solum subsistere, & corpus esse, sed etiam vivere: aliud autem habet formam imperfectiorem, per quam non attingit ad vitam, sed solum ad subsistere corporaliter.

Ad decimum dicendum, quod forma generis, de cuius ratione est materia, non potest esse extra intellectum, nisi in materia, ut forma plantae, aut metalli. Sed hoc genus quod est substantia, non est tale de

cuius ratione sit materia; alioquin non esset metaphysicum, sed naturale. Unde forma huius generis non dependet a materia secundum suum esse, sed potest inveniri etiam extra materiam.

Ad undecimum dicendum, quod species intelligibilis quae est in intellectu Angeli intelligentis, differt ab Angelo intellectio non secundum abstractum a materia, & materiae concretum, sed sicut ens intentionale ab ente quod dicitur esse rerum in natura, sicut differt species coloris in oculo a colore qui est in pariete.

Ad duodecimum dicendum, quod si arca esset sine materia per se subsistens, esset intelligens seipsum: quia immunitas a materia est ratio intellectusualitatis: & secundum hoc arca sine materia non differt ab arca intelligibili.

Ad decimumtertium dicendum, quod Augustinus inducit illud inquirendo: quod patet ex hoc quod illam positionem improbat.

Ad decimumquartum dicendum, quod solus Deus dicitur immaterialis, & incorporeus, quia omnia eius simpliciter comparata possunt reputari quasi corpora materialia, licet in se sint incorporea, & immaterialia.

Ad decimumquintum dicendum, quod esse substantiae spiritualis creatae est coactum, & limitatum non per materiam, sed per hoc quod est receptum, & participatum in natura determinatae speciei, ut dictum est (in corp. art.)

Ad decimumsextum dicendum, quod agit, & paritur substantia spiritalis creata, non secundum formam, vel materiam, sed secundum quod est in actu, vel potentia.

Ad decimumseptimum dicendum, quod substantia spiritalis nec est actus purus, nec potentia pura, sed habens potentiam cum actu, non tamen composita ex materia & forma, ut ex dictis (in corp. art.) patet.

Ad decimumoctavum dicendum, quod Plato appellat deos secundos, non Angelos, sed corpora caelestia.

Ad decimumnonum dicendum, quod materia est principium distinctionis secundum numerum in eadem specie, non autem distinctionis specierum. Angeli autem non sunt multi numero in eadem specie; sed multitudo eorum est sicut multae naturae specierum per se subsistentes.

Ad

(a) Erre redundat per hoc, aut ex hoc supra.

Ad vicissimum dicendum, quod substantiæ spirituales oon patiuntur ab igne corporeo per modum alterationis materialis, sed per modum alligationis, ut Augustinus dicit (Lib. XXI. de civit. Dei cap. x.) unde non oportet quod habeat materiam.

Ad vicissimum primum dicendum, quod liber de unitate & uoo non est Boetii, ut ipse stilus indicat.

Ad vicissimum secundum dicendum, quod forma separata, inquantum est actus, oon potest aliquid extraneum habere admixtum, sed solum inquantum est in potentia: & hoc modo substantiæ spirituales, inquantum sunt in potentia secundum intellectum, & voluntatem, recipiunt aliqua accidentia.

Ad vicissimum tertium dicendum, quod intentio Boetii non est dicere, quod de ratione substantiæ, quod est genus, sit esse compositum ex materia & forma, cum substantia sit de consideratione Metaphysici, non Naturalis; sed intendit dicere, quod cum forma & materia non pertineant ad genus substantiæ tamquam species, sola substantia, quæ est compositum, collocatur in genere ut species.

Ad vicissimum quartum dicendum, quod in rebus compositis ex materia & forma genus sumitur a materia, & differentia a forma; ita tamen quod per materiam non intelligatur materia prima, sed secundum quod per formam recipit quoddam esse imperfectum, & materiale respectu esse speciei; sicut esse animalis est imperfectum, & materiale respectu hominis. Tamen illud duplex esse non est secundum aliam & aliam formam, sed secundum unam formam, quæ homini dat non solum hoc quod est esse animal, sed hoc quod est esse hominem. Anima autem alterius animalis dat ei solum esse animal: unde animal commune non est unum numero, sed ratione tantum, quia non ab una & eadem forma homo est animal, & asinus. Subtracta ergo materia a substantiis spiritualibus, remanebit ibi genus, & differentia oon secundum materiam & formam, sed secundum quod consideratur in substantia spirituali tam id quod est commune sibi, & imperfectioribus substantiis, quam etiam id quod est sibi proprium.

Ad vicissimum quintum dicendum, quod quanto aliquid est plus in actu, tanto perfectius est; quanto autem aliquid est plus in potentia, tanto est imperfectius. Imperfecta autem a perfectis sumunt originem, & non e converso. Unde non oportet quod omne

quod quocumque modo est in potentia, hoc habeat a pura potentia, quæ est materia. Et in hoc videtur fuisse deceptus Avicenna in Libro Fontis vitæ, dum credit quod omne illud quod est in potentia, vel subiectum, quodammodo hoc habeat ex prima materia.

ARTICULUS II.

Utrum substantia spiritualis possit uniri corpori.

Secundo queritur, utrum substantia spiritualis possit uniri corpori. Et videtur quod noo. Dicit enim Dionysius 1. cap. de divin. Nomin. quod incorporea sunt incomprehensibilia a corporalibus. Sed omnis forma comprehenditur a materia, cum sit actus eius. Ergo substantia spiritualis incorporea non potest esse forma corporis.

2. Præterea. Secundum Philosophum in Lib. de somno & vigilia (cap. 1. ante med.) cuius est potentia eius est actio. Sed operatio propria substantiæ spiritualis est intelligere, quæ oon potest esse corporis: quia noo contingit intelligere per organum corporeum, ut probatur in III. de Anima (com. vi.) Ergo potentia intellectiva non potest esse forma corporis: ergo oque substantia spiritualis, in qua fundatur talis potentia, potest esse forma corporis.

3. Præterea. Quod advenit alicui post esse completum, advenit ei accidentaliter. Sed substantia spiritualis habet in se esse subsistentes. Si igitur adveniat ei corpus, adveniet ei accidentaliter. Non ergo potest ei uniri ut forma substantialis.

4. Sed dicendum, quod anima, inquantum est spiritus, est per se subsistens; inquantum autem est anima, unitur ut forma. Sed contra. Anima secundum essentiam suam est spiritus: aut igitur secundum suam essentiam est forma corporis, aut secundum aliquid additum essentiae. Si autem secundum aliquid additum essentiae, cum omne illud quod advenit alicui supra essentiam suam, sit accidentale, sequitur quod anima per aliquod accidens uniatur corpori; & sic homo est ens per accideos, quod est inconveniens. Ergo unitur ei per suam essentiam, inquantum est spiritus.

5. Præterea. Forma non est propter materiam, sed materia propter formam: unde anima non unitur corpori ut perficiatur corpus, sed magis corpus, si anima est forma,

uni-

unitur ei propter animæ perfectionem . Sed anima ad sui perfectionem non indiget corpore, cum sine corpore possit esse, & intelligere. Ergo anima non unitur corpori ut forma.

6. Præterea. Unio formæ & materiæ est naturalis. Sed unio animæ ad corpus non est naturalis, sed miraculosa: dicitur enim in Libro de spiritu & anima (cap. xiv.) *Plenum fuit miraculo ut tam diversa, & tam diversa ad invicem potuerint coniungi*. Ergo anima non unitur corpori ut forma.

7. Præterea. Secundum Philosophum in Lib. de celo, omnis debilitatio est præternaturalis. Quicquid ergo debilitat aliquid, non unitur ei naturaliter. Sed anima debilitatur per unionem corporis & quantum ad esse, quia corpus prægravat animam (ut dicitur in Lib. de spiritu & anima cap. xiv.) & quantum ad operationem, quia non potest se cognoscere, nisi retrahendo se ab omnibus corporeis oculibus, ut in eodem Lib. dicitur. Ergo unio animæ ad corpus non est naturalis; & sic idem quod prius.

8. Præterea. Commentator dicit in VIII. Metaph. quod eum id quod est in potentia, fit actus, hoc non fit per aliquid additum. Sed cum anima unitur corpori, additur corpori aliquid extrinsecum, quia anima creatur a Deo, & corpori infunditur. Ergo anima non est actus, seu forma corporis.

9. Præterea. Forma educitur de potentia materiæ. Sed substantia spiritualis non potest educi de potentia materiæ corporalis. Ergo substantia spiritualis non potest uniri corpori ut forma.

10. Præterea. Maior est convenientia spiritus ad spiritum quam spiritus ad corpus. Sed spiritus non potest esse forma alterius spiritus. Ergo neque substantia spiritualis potest esse forma corporis.

11. Præterea. Augustinus dicit, quod anima, & Angelus sunt natura pares, officio dispares. Sed Angelus non potest esse forma corporis. Ergo neque anima.

12. Præterea. Boetius dicit in Lib. de duob. naturis (a princ.) *Natura est unumquodque informans specifica differentia*. Sed eadem est specifica differentia animæ, & Angelus, scilicet rationale. Ergo eadem est natura; & sic idem quod prius.

13. Præterea. Anima eodem modo se habet ad totum, & partes, quia est tota in toto, & tota in qualibet parte. Sed substantia spiritualis, quæ est intellectus, nulli.

lius patris corporis est actus, ut dicitur in III. de Anima (com. vi.) Ergo substantia spiritualis non est forma totius corporis.

14. Præterea. Forma naturalis existens in corpore, non operatur extra corpus. Sed anima existens in corpore operatur extra corpus: dicitur enim in Concilio (a) *Aquileiensis de mulieribus quæ putant se ad Dianam de nocte ire, quod eis advenit in spiritu quod putant se in corpore pati; & sic etiam spiritus eorum extra corpus operatur*. Non ergo substantia spiritualis unitur corpori ut forma naturalis eius.

15. Præterea. Io Lib. de articulis fidei dicitur: *Neque forma sine materia, neque materia sine forma subiectum esse potest*. Sed corpus est subiectum aliorum accidentium. Ergo corpus non est materia sine forma. Si igitur substantia spiritualis advenit ei ut forma, sequitur quod duæ formæ erant in uno & eodem; quod est impossibile.

16. Præterea. Corruptibile, & incorruptibile differunt genere; nec aliquid de eis dicitur univoce, ut patet per Philosophum & Commentatorem ejus in X. Met. (com. xxvi.) Plus ergo differt corruptibile, & incorruptibile quam duo contraria, quæ sunt species unius generis. Sed unum contrariorum non est, nec esse potest forma alterius: Boetius enim dicit, quod unum contrarium non iuvat aliud ad esse. Ergo substantia spiritualis, cum sit incorruptibilis, non iuvat corpus corruptibile ad esse; & ita non est forma eius, cum forma det esse materiæ.

17. Præterea. Quicquid unitur alteri per id quod non est de essentia eius, non unitur ei ut forma. Sed intellectus unitur corpori per phantasiam, quod non est substantia intellectus, ut Commentator dicit in III. de Anima (com. v. & xxxvi.) Ergo substantia spiritualis, quæ est intellectus, non unitur corpori ut forma.

18. Præterea. Omnis substantia spiritualis est intellectualis. Omnis autem substantia intellectualis est abstracta a materia, cum per immunitatem a materia sit aliquid intellectuale. Nulla ergo substantia spiritualis est forma in materia; & ita non potest uniri corpori ut forma.

19. Præterea. Ex materia & forma fit unum. Si igitur substantia spiritualis unitur corpori ut forma, oportet quod ex spirituali substantia & corpore fiat unum. For-

Quæritur

(a) Anconino illis apud Regimenem Treventensem, Vile Gratianum com. Episcopi.

ma: ergo intelligibiles quæ recipiuntur in intellectu, recipiuntur in materia corporali; quod est impossibile, quia formæ receptæ in materia corporali, sunt intelligibiles tantum in potentia. Non ergo substantia spiritualis unitur corpori ut forma.

Sed contra est quod Dionysius dicit xv. cap. de divin. Nomin. quod anima est substantia intellectualis habens vitam indeficientem. Sed anima est forma corporis, ut patet per eius definitionem, quæ ponitur in II. de Anima (com. vi.) Ergo aliqua substantia spiritualis, sive intellectualis unitur corpori ut forma.

Respondendo dicendum, quod difficultas huius questionis ex hoc accidit, quia substantia spiritualis, est quædam res per se subsistens. Formæ autem debetur esse in alio, idest in materia, cuius est actus, & perfectior; unde contra rationem substantiæ spiritualis esse videtur quod sit corporis forma: & propter hoc Gregorius Nyssenus in suo Lib. quem de anima fecit, imposuit Aristoteli, (cap. vi.) quod posuit animam non per se subsistentem esse, & corrumpi corrupto corpore, quia posuit eam entelechiam, quasi actum, vel perfectionem physici corporis. Sed tamen si aliquis diligenter consideret, evidenter apparet quod necesse est aliquam spirituale substantiam formam humani corporis esse. Manifestum est enim quod huic homini singulari, ut Sotti, vel Platoni, convenit intelligere. Nulla autem operatio convenit alicui nisi per aliquam formam in ipso existentem, vel substantialem, vel accidentalem: quia nihil agit, aut operatur nisi secundum quod est actu. Est autem unumquodque actu per formam aliquam vel substantialem, vel accidentalem, cum forma sit actus, sicut ignis est actu ignis per igneantem, actu calidus per calorem. Oportet igitur principium huius operationis, quod est intelligere, formaliter inesse huic homini: principium autem huius operationis non est forma aliqua, cuius esse sit dependens a corpore, & materiæ obligatum, sive immersum: quia hæc operatio non fit per corpus, ut probatur in II. de Anima (com. vi.) unde principium huius operationis habet operationem sine communicatione materiæ corporalis. Sic autem unumquodque operatur secundum quod est: unde oportet quod esse illius principii sit esse elevatum supra materiam corporalem, & non dependens ab ipsa. Hoc autem proprium est spiritualis substantiæ. Oportet autem dicere, si prædi-

cta coniungantur, quod quædam spiritualis substantia sit forma humani corporis.

Quidam vero concedentes quod intelligere sit actus spiritualis substantiæ, negaverunt illam spirituale substantiam uniti corpori ut forma. Quorum Averroes docuit intellectum possibilem secundum esse separatam a corpore; vidit tamen quod nisi esset aliqua unio eius ad hunc hominem, actio eius ad hunc hominem pertinere non posset. Si enim sint duæ substantiæ omnino disiunctæ, una agente, vel operante, alia non dicitur operari. Unde posuit intellectum illum quem dicebat separatam omnino secundum esse a corpore, continuari cum hoc homine per phantasmata, hac ratione, quia species intelligibilis, quæ est perfectio intellectus possibilis, fundatur in phantasmatibus, a quibus abstrahitur. Sic ergo habet duplex esse: unum in intellectu possibili, cuius est forma; & aliud in phantasmatibus, a quibus abstrahitur. Phantasmata autem sunt in hoc homine, quia virtus imaginativa est virtus in corpore, idest habens organum corporale. Ipsa ergo species intelligibilis est medium coniungens intellectum possibilem homini singulari. Sed hæc continuatio nullo modo sufficit ad hoc quod hic homo singularis intelligat. Ut enim Aristoteles dicit in Lib. III. de Anima (com. xxxviii. & xxxix.) phantasmata comparantur ad intellectum possibilem sicut color ad visum. Sic igitur species intelligibilis a phantasmatibus abstracta, est in intellectu possibili sicut species coloris in seculo visus; sic autem est in phantasmatibus intelligibilis species sicut species visibilis est in colore parietis. Per hoc autem quod species visibilis, quæ est forma visus, fundatur in colore parietis, non coniungitur visus parieti ut videnti, sed ut viso: non enim per hoc paries videt, sed videtur. Non enim hoc facit cognoscentem, ut sit in eo forma cuius similitudo est in potentia cognoscente, sed ut sit in ipso cognoscitiva potentia. Neque igitur hic homo per hoc erit intelligens quod sunt in eo phantasmata, quorum similitudo, quæ est species intelligibilis, est in intellectu possibili; sed sequitur per hoc quod sua phantasmata sint aliorum intellecta. Sed oportet ipsum intellectum possibilem, qui est potentia intelligens, formaliter inesse huic homini ad hoc quod hic homo intelligat. Videtur etiam in ipsa ratione continuationis defecisse, cum species intelligibilis non sit unum cum intellectu possibili, nisi in quantum est abstracta.

ita a phantasmatibus, sic enim solum est intellecta in actu; secundum autem quod est in phantasmatibus, est intellecta solum in potentia. Per hoc igitur magis demonstratur disunctio intellectus possibilis a phantasmatibus quam continuatio. Oportet enim illa esse omnino disuncta quorum uni aliquid uniri non potest, nisi fuerit ab altero separatum.

Hac igitur opinione reiecta tamquam impossibili, considerandum est quod Plato efficacius posuit hunc hominem intelligere, nec tamen substantiam spirituales uniri corpori ut formam. Ut enim Gregorius Nyssenus narrat (Lib. XIII. qui est de scientia & Lib. XXXII. qui est de natura, & Lib. V. de natura hominis) Plato posuit substantiam intellectivam, quae dicitur anima, uniri corpori per quandam spirituales contactum; quod quidem intelligitur secundum quod movens, vel agens tangit motum aut passum, etiam si sit incorporeum. Ex qua ratione dicit Aristoteles in I. de generat. (com. xlv. xlvii. & lxxi.) quod quidam tangunt, & non tanguntur, quia agunt, & non patiuntur. Unde dicebat Plato, ut dicitur Gregorius refert, quod homo non est aliquid compositum ex anima & corpore, sed est anima utens corpore; ut intelligatur esse in corpore quodammodo sicut nauta in navi. Quod videtur tangere Aristoteles in II. de Anima (cap. x.) Sic igitur & hic homo intelligit inquantum hic homo est ipsa substantia spiritualis, quae est anima, cuius actus proprius est intelligere, hac tamen substantia forma corporis non existente. Sed ad huius rationis improbationem unum sufficit, quod Aristoteles in II. de Anima (com. xxv. & xxvi.) inducit directe contra hanc positionem. Si enim anima non uniretur corpori ut forma, sequeretur quod corpus, & partes eius non haberent esse specificum per animam: quod manifeste falsum apparet: quia recedente anima non dicitur oculus, aut caro, & os nisi equivoce, sicut oculus pictus, vel lapideus. Unde manifestum est quod anima est forma, & quod quid erat esse huius corporis, id est a qua hoc corpus habet rationem suae speciei. Qualiter autem hoc esse possit, inquirendum est. Considerandum est autem, quod quanto aliqua forma est perfectior, tanto magis supergreditur materiam corporalem, quod patet inducenti in diversis formarum ordinibus. Forma enim ele-

menti non habet aliquam operationem nisi quae sit per qualitates activas & passivas, quae sunt dispositiones materiae corporalis. Forma autem corporis mineralis habet aliquam operationem eadem qualitates activas, & passivas, quae consequitur speciem ex influentia corporis caelestis, ut quod magnes attrahit ferrum, & quod saphyros curat apostema. Ulterius autem anima vegetabilis habet operationem, cui quidem deserviunt qualitates activae, & passivae organicae; sed tamen supra posse huiusmodi qualitatum ipsa effectum proprium fortiter in nutriendo, & augendo usque ad determinatum terminum, & alia huiusmodi complendo. Anima autem sensitiva ulterius habet operationem, ad quam nullo modo se extendunt qualitates activae, & passivae, nisi quatenus exiguntur ad compositionem organici per quod talis operatio exercetur, ut videre, audire, appetere, & huiusmodi. Perfectissima autem formarum, id est anima humana, quae est finis omnium formarum naturalium, habet operationem omnino excedentem materiam, quae non sit per organum corporale, scilicet intelligere. Et quia esse rei proportionatur eius operationi, ut dictum est, cum unumquodque operetur secundum quod est ens, oportet quod esse animae humanae superexcedat materiam corporalem, & non sit totaliter comprehensum ab ipsa, sed tamen aliquo modo attingatur ab ea. inquantum igitur supergreditur esse materiae corporalis, potens per se subsistere, & operari, anima humana est substantia spiritualis; inquantum vero attingitur a materia, & esse suum communicat illi, est corporis forma. Attingitur autem a materia corporali ea ratione quod semper supremum infimi ordinis attingit infimum supremum, ut patet per Dionysium VII. cap. de divinis Nominibus & ideo anima humana, quae est infima in ordine substantiarum spiritualium, esse suum communicare potest corpori humano, quod est dignissimum, ut fiat ex anima & corpore unum, sicut ex forma & materia. Si vero substantia spiritualis esset composita ex materia & forma, impossibile esset quod (a) esset forma corporalis: quia de ratione materiae est quod non sit in alio, sed quod ipsa sit primum subiectum.

Ad primum ergo dicendum, quod substantia spiritualis, licet non comprehendatur a corpore, attingitur tamen aliquo-

Qq 2 ter

(a) *id est forma.*

ter ab eo, ut dictum est (in corp. art.)

Ad secundum dicendum, quod intelligere est operatio animæ humanæ secundum quod superexcedit proportionem materiæ corporalis: & ideo non fit per aliquod organum corporale. Potest tamen dici, quod ipsum coniunctum, id est homo, intelligit, inquantum anima, quæ est pars eius formalis, habet hanc operationem propriam, sicut operatio cuiuslibet partis attribuitur toti: homo enim videt oculo, ambulat pede, & similiter intelligit per animam.

Ad tertium dicendum, quod habet animam esse subsistens, inquantum esse suum non dependet a corpore, utpote supra materiam corporalem elevatum; & tamen ad huius esse communionem recipit corpus, ut sic fit unum esse animæ & corporis, quod est esse hominis. Si autem secundum aliud esse uniretur sibi corpus, sequeretur quod esset unio accidentalis.

Ad quartum dicendum, quod anima secundum suam essentiam est forma corporalis, & non secundum aliquid additum. Tamen inquantum attingitur a corpore, est forma; inquantum vero superexcedit corporis proportionem, dicitur spiritus, vel spiritalis substantia.

Ad quintum dicendum, quod nulla pars habet perfectionem naturæ separata a toto. Unde anima, cum sit pars humanæ naturæ, non habet perfectionem suæ naturæ nisi in unione ad corpus: quod patet ex hoc quod in virtute ipsius animæ est quod fluant ab ea quædam potentie quæ non sunt actus organorum corporaliæ, secundum quod excedit corporis proportionem; & iterum quod fluant ab ea potentie quæ sunt actus organorum, inquantum potest contingi a materia corporali. Non est autem aliquid perfectum in sua natura, nisi actu explicari possit quod in eo virtute continetur: unde anima licet possit esse, & intelligere a corpore separata, tamen non habet perfectionem suæ naturæ, cum est separata a corpore, ut Augustinus dicit XII. super Genes. ad litteram (cap. xxxv.)

Ad sextum dicendum, quod miraculum non accipitur ibi secundum quod dividitur contra naturalem operationem, sed secundum quod etiam ipsa naturalia opera miracula dicuntur, prout ab incomprehensibili divina virtute procedunt. Et hoc modo dicit Augustinus super Ioan. (tract. xxiv.) quod mirabilis est quod Deus ex paucis granis tantam segetum multitudinem producit quæ sufficiat ad totius humani gene-

ris satietatem, quam quod ex quinque panibus quinque millia hominum satiavit.

Ad septimum dicendum, quod illud per quod debilitatur aliquod præintellesta sua natura, non est naturale. Contingit tamen plerumque quod aliquid est pertinens ad naturam alicuius, ex quo sequitur in eo aliqua debilitatio, aut defectus; sicut componi ex contrariis est naturale animalis; ex quo sequitur in eo mors, & corruptio. Et similiter naturale est animæ quod indigeat phantasmatibus ad intelligendum; ex quo tamen sequitur quod diminuat in intelligendo a substantiis superioribus. Quod autem dicitur, quod anima a corpore prægratur, hoc non est ex eius natura, sed ex eius corruptione, secundum illud Sapient. ix. 15. *Corpus quod corrumpitur, aggravat animam*. Quod vero dicitur quod abstrahit se a nexibus corporalibus ut se intelligat, intelligendum est quod abstrahit se ab eis quali ab obiectis, quia anima intelligitur per remotionem omnis corporeitatis: non tamen ab eis abstrahitur secundum esse, quinimmo quibusdam corporeis organis lætis, non potest anima directe nec se, nec aliud intelligere, ut quando læditur cerebrum.

Ad octavum dicendum, quod quanto aliqua forma est altior, tanto plus indiget a potentiori agente produci: unde scum anima humana sit altissima omnium formarum, producit a potentissimo agente, scilicet Deo; alio tamen modo quam aliarum formarum a quibuscumque agentibus. Nam aliarum formarum non sunt subsistentes: unde esse non est earum, sed eis aliqua sunt: unde fieri earum est secundum quod materia, vel subiectum reducit de potentia in actum; & hoc est formam educi de potentia materiæ absque additione alicuius extrinseci. Sed ipsa anima habet esse subsistens: unde sibi proprie debetur fieri, & corpus trahitur ad esse eius. Et propter hoc dicitur, quod est ab extrinsecis, & quod non educitur de potentia materiæ.

Unde patet solutio ad nonum.

Ad decimum dicendum, quod spiritus magis convenit cum spiritu quam cum corpore convenientia naturæ; sed convenientia proportionis, quæ requiritur inter formam & materiam, magis convenit spiritus cum corpore quam spiritus cum spiritu; cum duo spiritus sint duo actus, corpus autem comparetur ad animam sicut potentia ad actum.

Ad undecimum dicendum, quod Angelus,

lus, & anima sunt pates natura generis, inquantum utrumque est intellectualis substantia; sed Angelus natura speciei est superior, ut patet per Dionysium 1v. cap. caelest. Hierarchiæ.

Ad duodecimum dicendum, quod rationale proprie acceptum est differentia animæ, non Angeli, sed magis intellectualem, ut Dionysius utitur: quia Angelus non cognoscit veritatem per discursum rationis, sed simplici intuitu, quod est proprie intelligere. Si tamen rationale large accipiat, tunc dicendum est, quod non est ultima differentia specifica, sed dividitur per alias específicas differentias propter diversos gradus intelligendi.

Ad decimumtertium dicendum, quod intellectus non dicitur esse actus partis alicuius corporis, inquantum est potentia non utens organo; ipsa tamen substantia animæ unius corpori ut forma, sicut dictum est.

Ad decimumquartum dicendum, quod illis mulieribus discursus dicitur accidere in spiritu; non quod spiritus, idest substantia animæ, extra corpus operetur; sed quia in spiritu, hoc est inphantastico animæ, huiusmodi viæ formantur.

Ad decimumquintum dicendum, quod materia sine forma proprie loquendo non potest esse subiectum, secundum quod subiectum proprie dicitur aliquid ens actu; sed quod corpus animatum sit ens actu, ut possit esse subiectum, non habet ab alia forma quam ab anima, ut infra (art. seq.) patebit.

Ad decimumsextum dicendum, quod corruptibile, & incorruptibile non conveniunt in genere secundum considerationem naturalem, propter diversum modum essendi, & diversam rationem potentie in utroque, licet possint convenire in genere logico, quod accipitur secundum intentionem intelligibilem solum. Anima autem licet sit incorruptibilis, non tamen est in alio genere quam corpus: quia cum sit pars humanæ naturæ, non competit sibi esse in genere, vel specie, vel esse personam, aut hypostasim, sed compositum. Unde etiam nec hoc aliquid dici potest, si per hoc aliquid intelligatur hypostasis, vel persona, vel individuum in genere, aut specie collocatum. Sed si hoc aliquid dicatur omne quod potest per se subsistere, sic anima est hoc aliquid.

Ad decimumseptimum dicendum, quod

illa positio Commentatoris est impossibilis, ut ostensum est.

Ad decimumoctavum dicendum, quod de ratione substantie intellectualis est quod sit immunis a materia a qua dependeat eius esse, sicut totaliter comprehensum a materia: unde nihil prohibet animam esse substantiam intellectualem, & formam corporis, ut supra dictum est.

Ad decimumnonum dicendum, quod ex anima humana & corpore ita fit unum, quod (a) tamen anima superexcedat corporis proportionem; & ex ea parte qua corpus excedit, attribuitur ei potentia intellectiva: unde non oportet quod species intelligibiles quæ sunt in intellectu, recipiantur in materia corporali.

ARTICULUS III.

Utrum substantia spiritualis, quæ est anima humana, uniat corpori per medium.

Tertio queritur, utrum substantia spiritualis, quæ est anima humana, uniat corpori per medium. Et videtur quod sic. Dionysius enim dicit viii. cap. caelest. Hierar. quod suprema coniunguntur infimis per media. Sed inter substantiam spiritualement & corpus sunt media anima vegetabilis, & sensibilis. Ergo substantia spiritualis, quæ est anima rationalis, unitur corpori mediante vegetabili, & sensibili.

2. Præterea. Philosophus dicit in II. de Anima (com. vt.) quod anima est actus corporis organici physici potentia vitam habentis. Corpus ergo physicum organicum potentia vitam habens comparatur ad animam ut materia ad formam. Sed hoc, scilicet corpus physicum organicum, non est nisi per aliquam formam substantialem. Ergo illa forma substantialis, quæcumque sit, præcedit in materia substantiam spiritualement, quæ est anima rationalis; & eadem ratione aliarum formarum consequentes, quæ sunt anima sensibilis, & vegetabilis.

3. Præterea. Quamvis materia non sit genus, nec differentia forma, quia eorum neutrum prædicatur de composito, genus autem, & differentia de specie prædicantur; tamen secundum Philosophum in VIII. Metaphys. (com. vt.) genus sumitur a materia, & differentia a forma. Sed genus hominis est animal, quod sumitur a natura sensu-

{a} al. cum anima.

fenſitiva ; differentia vero rationalis , quod ſumitur ab anima rationali . Natura ergo ſenſitiva ſe habet ad animam rationalem ut materia ad formam . Sed natura ſenſitiva perſcitur per animam ſenſitivam . Ergo anima ſenſitiva præxiſtit animæ rationali in materia , & eadem ratione omnes aliz formæ præcedentes .

4. Præterea . Ut probatur in VIII. Phyſ. (com. 111.) omne movens ſeipſum dividitur in duas partes , quarum una eſt movens , & alia mota . Sed homo , & quodlibet animal eſt movens ſeipſum : pars autem eius movens eſt anima ; pars autem mota non poteſt eſſe materia nuda , ſed oportet eſſe corpus , quia omne quod movetur , eſt corpus , ut probatur VI. Phyſ. (com. xxxii.) Corpus autem eſt per aliquam formam . Præxiſtit ergo aliqua firma in materia ante animam ; & ſic idem quod prius .

5. Præterea . Damascenus dicit (Lib. II. cap. vi.) quod tanta eſt ſimplicitas divinz eſſentiz , ut non congruat Verbum uniti carni niſi mediante anima . Diſtinctio ergo ſecundum ſimplex , & compositum impedit quod aliqua non poſſint coniungi ſine medio . Sed anima rationalis , & corpus maxime diſtant ſecundum ſimplex , & compositum . Ergo oportet quod uniantur per medium .

6. Præterea . Auguſtinus (alius Auſtor) dicit in Libro de ſpiritu & anima (cap. xiv. circa med.) quod anima quæ vere ſpiritus eſt , & caro quæ vere corpus eſt , in ſuis extremitatibus facile , & convenienter diſtinguuntur ; & in phantaſtico animæ quod corpus non eſt , ſed ſimile corpori , & ſenſualitate corporis , quæ vere ſpiritus eſt , quia ſine anima fieri non poteſt , coniunguntur . Ergo anima contungitur corpori per duo media , ſcilicet per phantaſticum , & ſenſualitatem .

7. Præterea . In eodem Libro (cap. xv. in princ.) dicitur : *Cum anima ſit incorporea , per ſubſtantiorem naturam corporis ſui , id eſt per ignem , & ærem , corpus adminiſtrat* . Eadem autem ratione corpus adminiſtrat quæ ei unitur : deſcientibus enim hiſ quibus adminiſtrat corpus , anima diſcedit a corpore , ut Auguſtinus dicit VII. ſuper Genef. ad litt. (cap. xix. a med.) Ergo anima unitur corpori per medium .

8. Præterea . Ea quæ maxime diſſerunt , non coniunguntur niſi per medium . Sed corruptibile , & incorruptibile maxime diſſerunt , ut dicitur in X. Metaphyſ. (com.

xxvi.) Anima ergo humana , quæ eſt incorruptibilis , non unitur corpori corruptibili niſi per medium .

9. Præterea . Philoſophus quidam dicit in Libro de differentia ſpiritus & animæ , quod anima unitur corpori mediante ſpiritu . Unitur ergo ei per medium .

10. Præterea . Quæ ſunt diverſa per eſſentiam , non uniuntur ſine medio . Oportet enim aliquid eſſe quod faciat ea unum , ut patet VIII. Metaph. (com. xv. & xvi.) Sed anima , & corpus diſſerunt per eſſentiam . Ergo non poſſunt uniti niſi per medium .

11. Præterea . Anima unitur corpori , ut perſiciatur per huiusmodi unionem ; quia forma non eſt propter materiam , ſed materia propter formam . Perſicitur autem anima ex unionem corporis , præcipue quantum ad intelligere phantaſticum , in quantum ſcilicet intelligit abſtrahendo a phantaſmaticis . Ergo unitur corpori per phantaſmata , quæ non ſunt neque de eſſentia corporis , neque de eſſentia animæ . Ergo anima unitur corpori per medium .

12. Præterea . Corpus ante adventum animæ rationalis in materno utero habet aliquam formam . Adveniente autem anima rationali non eſt dicere , quod illa forma deſiciat , quia neque cedit in nihilum , neque eſſet dare in quid rediret . Ergo forma aliqua præxiſtit in materia ante animam rationalem .

13. Præterea . In embryo ante adventum animæ rationalis apparent opera vitæ , ut patet in XVI. de animalibus (Lib. II. de gener. animalium cap. iv.) Sed opera vitæ non ſunt niſi ab anima . Ergo alia anima præxiſtit in corpore ante adventum animæ rationalis ; & ſic videtur quod anima rationalis uniatur corpori mediante alia anima .

14. Præterea . Cum abſtrahendum non ſit mendacium , ut dicitur in II. Phyſicor. (com. xviii.) oportet corpus de quo Mathematici loquuntur , aliquid eſſe . Cum ergo non ſit ſeparatum a ſenſibilibus , ſequitur quod ſit in ſenſibilibus . Sed ad hoc quod ſit corpus , requiritur forma corporeitatis . Ergo forma corporeitatis ad minus præintelligitur in corpore humano , quod eſt corpus ſenſibile ante animam humanam .

15. Præterea . In VII. Metaphyſic. (com. xxxvii.) dicitur , quod omnis diſſinitio habet partes , & quod partes definitionis ſunt formæ . In quolibet ergo definito oportet eſſe plures formas . Cum ergo homo ſit quoddam .

nam definitum, necesse est io eo ponere plures formas; & ita aliqua forma praexistit ante animam rationalem.

16. Præterea. Nihil dat quod non habet. Sed anima rationalis oon habet corporeitatem, eum sit incorporea. Ergo non dat homini corporeitatem; & ita oportet quod homo habeat hoc ab alia forma.

17. Præterea. Commentator dicit, quod materia prima prius recipit formas universales quam particulares, utpote prius formam corporis quam formam animati corporis, & sic deinceps. Cum ergo anima humana sit ultima forma, & maxime specifica, videtur quod presupponat alias formas universales in materia.

18. Præterea. Commentator dicit in Libro de substantia orbis (cap. 1. a med.) quod dimensiones praexistunt in materia ante formas elementares. Sed dimensiones sunt accidentia, & presupponunt aliquam formam substantialem in materia; alioquin esse accidentale præcederet esse substantiale. Ergo ante formam simplicis elementi praexistit in materia aliqua alia forma substantialis. Multo igitur fortius ante animam rationalem.

19. Præterea. Secundum Philosophum in Lib. de generatione (I. com. xxv. & xxxiv.) facilius aer convertitur in ignem quam aqua, propter hoc quod convenit eum eo in una qualitate, scilicet calore. Cum ergo ex aere sit ignis, oportet quod maneat idem calor specie: quia si differret specie calor ignis, & calor aeris, essent octo qualitates prime, & non quatuor tantum. Eadem enim ratio esset de aliis qualitatibus, quarum quilibet io duobus elementis invenitur. Si ergo dicatur, quod remaneat idem specie, sed differens numero, non erit facilius conversio aeris io ignem quam aquae io ignem, quia forma ignis habebit corrumpere duas qualitates in aere sicut in aqua. Relinquitur ergo quod sit idem calor numero. Sed hoc non potest esse nisi praexistente aliqua forma substantiali, quæ utrobique remaneat una, & conservat subiectum caloris novum: non enim potest esse accidens unum numero, nisi subiectum fuerit unum. Oportet ergo dicere, quod ante formam corporis simplicis, præintelligatur in materia aliqua forma substantialis. Multo igitur magis ante animam rationalem.

20. Præterea. Materia prima, quantum est de se, indifferenter se habet ad omnes

formas. Si igitur non praexistant quædam formæ, & dispositiones ante alias per quas approprietur ad hanc formam, vel ad illam, non magis recipietur io ea hæc forma quam illa.

21. Præterea. Materia unitur formæ per potentiam qua ei potest subsistere. Sed potentia illa non est idem quod essentia materię: sic enim esset æqualis simplicitatis eum Deo, quod est sua potentia. Cedit ergo aliquid medium inter materiam, & animam, & quamlibet aliam formam.

Sed contra est in Libro de ecclesiasticis dogmatibus (cap. xv. in priore.) *Negue duas in homine animas diciamus: unam animalem, quæ corpus vivificat; aliam spiritualem, quæ rationem ministrat.* Ex hoc sic arguitur. Sicut homo est io genere animalis, ita est in genere animati corporis, & substantię. Sed per unam & eandem formam, quæ est anima, est homo, & animal, ut prædicta auctoritate patet. Ergo eadem ratione per unam & eandem formam collocatur in omnibus generibus superioribus; & sic non praexistit ante animam aliqua forma in materia.

Præterea. Plus distat Deus, & anima, quam anima, & corpus. Sed in mysterio incarnationis Verbum est unum aomae immediate. Ergo multo fortius anima potest uniri corpori immediate.

Præterea. Medium oportet participare cum utroque extremorum. Sed non potest esse aliquid quod partim sit corporale, & partim spirituale. Ergo oon potest aliquid cadere medium inter aomam, & corpus.

Præterea. Magister dicit in 1. distinct. H. Libri Sententiarum, quod unio aomae ad corpus est exemplum illius beatæ unionis qua anima beata coniungitur Deo. Sed illa coniunctio fit sue medio. Ergo & ista unio.

Præterea. Philosophus dicit in I. de Anima (text. com. x.) quod corpus non continet animam, sed magis anima corpus: & dicit ibidem Commentator, quod anima est causa contiuitatis corporis. Sed contiuitas corporis dependet a forma (a) substantiali, per quam corpus est corpus. Ergo ipsa anima rationalis est forma io homine, qua corpus est corpus.

Præterea. Efficacior est & virtuosior anima rationalis quam forma simplicis elementi. Sed a forma simplicis elementi habet corpus simplex quidquid substantialem.

Ergo

(a) substantiales.

Ergo multo fortius ab anima corpus humanum; & sic non præexistit aliqua forma, vel aliquod medium.

Respondeo dicendum, quod huius questionis veritas aliquammodo dependet ex præmissa (art. præced.) Si enim anima rationalis unitur corpori solum per contactum virtuale, ut moror, ut aliqui posuerunt, nihil prohibebit dicere, quod sint multa media inter animam & corpus, & magis inter animam & materiam primam. Si vero ponatur anima uniti corpori ut forma, necesse est dicere, quod uoiatur ei immediate. Omnis enim forma, siue substantialis, siue accidentalis, unitur materię, vel subiecto. Unumquodque enim secundum hoc est unum secundum quod est ens: est autem unumquodque ens actu per formam, siue secundum esse substantiale, siue secundum esse accidentale: unde omnis forma est actus, & per consequens est ratio unitatis, qua aliquid est unum. Sicut igitur non est dicere, quod sit aliquod aliud medium quo materia habeat esse per suam formam; ita non potest dici, quod sit aliquod aliud medium uniens formam materię, vel subiecto. Secundum igitur quod anima est forma corporis, non potest esse aliud medium inter animam & corpus; secundum vero quod est motor, sic nihil prohibet ibi ponere multa media: manifeste enim anima per corpus movet alia membra, & etiam per spiritum movet corpus. Sed tuoc dubium restat, quod sit proprium subiectum animę: quod compareretur ad ipsam sicut materia ad formam. Circa hoc est duplex opinio. Quidam enim dicunt, quod sunt multe formę substantiales in eodem individuo, quarum una subsistit alteri; & sic materia prima non est immediatus subiectum ultimę formę substantialis: sed subiicitur ei mediantibus formis medijs; ita quod ipsa materia, secundum quod est sub forma prima, est subiectum proximum formę secundę, & sic deinceps usque ad ultimam formam. Sic igitur subiectum animę rationalis proximum est corpus perfectum anima sensitiva, & huic unitur anima rationalis immediate ut forma. Alia opinio est, quod in uno individuo non est nisi una forma substantialis: & secundum hoc oportet dicere, quod per formam substantialem, quę est forma humana, habet hoc individuum non solum quod sit homo, sed quod sit animal, & quod sit vivum, & quod sit corpus, & substantia, & ens; & sic nulla alia forma substantialis præcedit in hoc homine animam hu-

manam, & per consequens nec accidentalem: quia tunc oporteret dicere, quod materia prius perficatur per formam accidentalem quam substantialem; quod est impossibile: oportet enim omne accidens fundari in substantia. Harum autem duarum opinionum diverstas ex hoc procedit, quod quidam ad inquirendam veritatem de natura rerum, processerunt ex rationibus intelligibilibus; & hoc fuit proprium Platoniorum: quidam vero ex rebus sensibilibus, & hoc fuit proprium Philosophię Aristoteles, ut dicit Simplicius in commento super Prædicamenta. Consideraverunt Platonici ordinem quemdam generum & specierum, & quod superius potest intelligi sine inferiori, sicut homo sine hoc homine, & animal sine homine, & sic deinceps. Existimaverunt etiam quod quicquid est abstractum in intellectu, sit abstractum in re: alias videbatur eis quod intellectus abstractus esset falsus, aut vanus, si nulla res abstracta ei responderet: propter quod etiam crederetur mathematica esse abstracta a sensibilibus, quia sine eis intelliguntur. Unde posuerunt hominem abstractum ab his hominibus, & sic deinceps usque ad ens, & unum, & bonum, quod posuerunt summam rerum virtutum. Viderunt enim quod semper inferius particularius est suo superiori, & quod natura superioris participatur in inferiori; participans autem se habet ut materiale ad participatum: unde posuerunt quod inter abstracta quanto aliquid est universalius, tanto est formalius. Quidam vero secundum eandem viam ingredientibus, ex opposito posuerunt quod quanto aliqua forma est universalior, tanto est magis materialis. Et hæc est positio Avicbron in Libro fortis vitę: posuit enim materiam primam absque omni forma, quam vocavit materiam universalem, & dixit eam communem substantiis spiritualibus, & corporalibus, cui dixit advenire formam universalem, quę est forma substantię. Materiam autem sic sub forma substantię existentem in aliquo sui dixit recipere formam corporeitatis, alia parte eius, quę pertinet ad spirituales substantias, sine huiusmodi forma remanente: & sic deinceps posuit in materia formam sub forma secundum ordinem generum, & specietum usque ad ultimam speciem specialissimam. Et hæc positio, quamvis videatur discordare a prima, tamen secundum rei veritatem cum ea concordat, & est sequela eius. Posuerunt

etiam

enim Platonici, quod quanto aliqua causa est universalior, & formalior, tanto eius perfectio in aliquo individuo magis est subtrahenda: unde effectum primi abstracti, quod est bonum, posuerunt materiam primam, ut supremo agenti respondeat primum subiectum; & sic deinceps secundum ordinem causarum abstractarum, & formarum participatarum in materia, sicut universalis abstractum est formalius, ita universalior forma participata est materialior. Sed hæc posicio secundum vera Philosophiæ principia, quæ consideravit Aristoteles, est impossibilis. Primo quidem quia nulum individuum substantiæ esse simpliciter unum. Non enim fit simpliciter unum ex duobus actibus, sed ex potentia & actu, inquantum id quod est potentia, fit actu: & propter hoc homo albus non est simpliciter unum, sed animal bipes est simpliciter unum, quia hoc ipsum quod est animal, est bipes. Si autem esset seorsum animal, & seorsum bipes, homo non esset unum, sed plura, ut Philosophus argumentatur in III. & VIII. Metaph. (com. xv.) Manifestum est ergo quod si multiplicarentur multæ formæ substantiales in uno individuo substantiæ, individuum substantiæ non esset unum simpliciter, sed secundum quid, sicut homo albus. Secundo vero quia in hoc consistit ratio accidentis quod sit in subiecto, ita tamen quod per subiectum intelligatur aliquid ens actu, & non in potentia tantum; secundum quem modum forma substantialis non est in subiecto, sed in materia. Cuicumque ergo formæ subalternatur aliquid ens actu quocumque modo, illa forma est accidens. Manifestum est autem quod quælibet forma substantialis, quæcumque sit, facit ens actu, & constituit: unde sequitur quod sola prima forma, quæ advenit materiæ, sit substantialis, omnes vero subsequenter advenientes sint accidentales. Nec hoc excluditur per hoc quod quidam dicunt, quod prima forma est in potentia ad secundam, quia omne subiectum comparatur ad suum accidens ut potentia ad actum. Completior etiam esset forma corporalis, quæ præstaret susceptibilitatem vitæ, quam illa quæ non præstaret. Unde si forma corporis inanimati facit ipsum esse subiectum, multo magis forma corporis potentia vitam habentis facit ipsum esse subiectum; & sic anima esset forma in subiecto, quod est ratio accidentis. Tercio quia sequeretur quod in adptione postremæ formæ, non esset generatio simpliciter, sed secundum quid tantum. Cum enim generatio sit transmutatio

de uno esse in esse, id simpliciter generatur quod sit ens simpliciter, loquendo de non ente simpliciter. Quod autem præexistit ens actu, non potest fieri ens simpliciter, sed potest fieri ens hoc, ut alium, vel magnum, quod est fieri secundum quid. Cum igitur forma præcedens in materia faciat esse actu, subsequens forma non faciet esse simpliciter, sed esse hoc, ut esse hominem, vel alium, vel plantam. Et sic non erit generatio simpliciter. Et propter hoc omnes antiqui, qui posuerunt materiam primam esse aliquid actu, ut ignem, aerem, aut aquam, aut aliquid medium, dixerunt quod fieri nihil erat nisi alterari, & Aristoteles eorum dubitationem solvit ponendo materiam esse in potentia tantum, quam dicit esse subiectum generationis, & corruptionis simpliciter. Et quia materia nunquam denudatur ab omni forma, propter hoc quandocumque recipit unam formam, perdit aliam, & e converso. Sic ergo dicimus, quod in hoc homine non est alia forma substantialis quam anima rationalis, & quod per eam homo non solum est homo, sed animal, & vivum, & corpus, & substantia, & eos. Quod quidem sic considerari potest. Forma enim est similitudo agentis in materia. In virtutibus autem activis, & operativis hoc invenitur quod quanto aliqua virtus est altior, tanto in se plura comprehendit, non compositæ, sed unitæ; sicut secundum unam virtutem, sensus communis se extendit ad omnia sensibilia, quæ secundum diversas potentias, sensus proprii apprehendunt. Perfectiores autem agentis est inducere perfectiorem formam: unde perfectior forma facit per unum omnia quæ inferiores faciunt per diversa, & adhuc amplius: puta, si forma corporis inanimati dat materiæ esse, & esse corpus, & forma plantæ dabit ei & hoc, & insuper vivere; anima vero sensitiva & hoc, insuper & sensibile esse; anima vero rationalis & hoc, & insuper rationale esse. Sic enim inveniuntur differre formæ rerum naturalium secundum perfectum, & magis perfectum, ut patet intuitu. Propter quod species comparantur numeris, ut dicitur in VII. Metaphys. (com. xi.) quorum species per additionem, & subtractionem unitatis variantur. Unde etiam Aristoteles in II. de Anima (com. xxxi. & xxxii.) dicit, quod vegetativum est in sensitivo, & intellectivum in vegetativo, sicut trigonum in tetragono, & tetragonum in pentagono: pentagonum enim virtute continet tetragonum, habet enim hoc & adhuc amplius; non autem

R r quod

quod seorsum in pentagono sit id quod est tetragoni, & id quod est pentagoni proprium tamquam duæ figuræ. Sic etiam anima intellectiva virtute continet sensitivam, quia habet hoc, & adhuc amplius, non tamen ita quod sint duæ animæ. Si autem diceretur, quod anima intellectiva differret per essentiam a sensitiva in homine, non posset assignari ratio unionis animæ intellectivæ ad corpus, cum nulla operatio propria animæ intellectivæ sit per organum corporale.

Ad primum ergo dicendum, quod auctoritas Dionysii intelligenda est de causis agentibus, non de causis formalibus.

Ad secundum dicendum, quod cum forma perfectissima det omnia quæ dant formæ imperfectiores, & adhuc amplius; materia prout ab ea perficitur eo modo perfectionis quo perficitur a formis imperfectioribus, consideratur ut materia propria, etiam illiusmodi perfectionis quam addit perfectior forma super alias; ita tamen quod non intelligatur hæc distinctio in formis secundum essentiam, sed solum secundum intelligibilem rationem. Sic ergo ipsa materia secundum quod intelligitur ut perfecta in esse corporeo susceptivo vitæ, est proprium subiectum animæ.

Ad tertium dicendum, quod cum animal sit id quod vere est homo, distinctio naturæ animalis ab homine non est secundum diversitatem realem formarum, quasi alia forma sit per quam sit animal, & superaddatur altera per quam sit homo, sed secundum rationes intelligibiles. Secundum enim quod intelligitur corpus perfectum in esse sensibili ab anima, sic comparatur ad perfectionem ultimam, quæ est ab anima rationali, inquantum huiusmodi, ut materiale ad formale. Cum enim genus, & species significant quasdam intentiones intelligibiles, non requiruntur ad distinctionem speciei, & generis distinctio realis formarum, sed intelligibilis tantum.

Ad quartum dicendum, quod anima movet corpus per cognitionem, & appetitum: vis autem sensitiva, & appetitiva in animali habent determinatum organum, & sic ab illo organo incipit motus animalis, quod est cor, secundum Aristotelem (Lib. II. de gener. animal. cap. IV.) Sic igitur una pars animalis est movens, & altera est mota, ut pars movens accipiat primum organum animæ appetitivæ, & reliquum cor-

pus sit motum. Sed quia in homine movens voluntas, & intellectus, quæ non sunt alicuius organi actus; movens erit ipsa anima secundum partem intellectivam, motum autem corpus, secundum quod est perfectum ab ipsa anima in esse corporeo.

Ad quintum dicendum, quod in incarnatione Verbi anima ponitur medium inter Verbum & carnem, non necessitatis, sed congruentiæ: unde & separata anima a carne in morte Christi, remansit Verbum immediate carni unitum.

Ad sextum dicendum, quod Liber ille non est Augustini, nec est multum authenticus: & in hoc verbo satis improprie loquitur: utrumque enim ad animam pertinet, & phantasticum, & sensualitas; tamen dicitur sensualitas ad carnem referri, inquantum est appetitus rerum ad corpus pertinentium; phantasticum autem ad animam, inquantum in eo sunt similitudines corporum sine corporibus. Hæc autem dicuntur esse media inter animam, & carnem, non prout anima est forma corporis, sed prout est motor.

Ad septimum dicendum, quod administratio corporis pertinet ad animam inquantum est motor, non inquantum est forma. Et licet ea quibus anima administrat corpus, sint necessaria ad hoc quod anima sit in corpore, ut propriæ dispositiones talis materiæ; non tamen propter hoc sequitur quod eadem sit ratio administrationis, & formalis unionis: sicut enim eadem est secundum substantiam anima quæ est motor, & forma, sed differt ratio; ita & eadem sunt quæ sunt necessaria ad unionem formalem, & ad administrationem, licet non secundum eandem rationem.

Ad octavum dicendum; quod hoc quod anima differt a corpore ut corruptibile ab incorruptibili, non tollitur quoniam sit forma eius, ut ex supradictis patet: unde sequitur quod immediate uniatur.

Ad nonum dicendum, quod anima dicitur uniri corpori per spiritum, inquantum est motor: quia (a) primum quod movetur ab anima in corpore, est spiritus, ut Aristoteles dicit in Libro de causa motus animalium (cap. VI.) tamen etiam ille liber non est magnæ auctoritatis.

Ad decimum dicendum, quod si aliqua duo sunt diversa per essentiam, ita quod utrumque habeat naturam suæ speciei completam, non possunt uniri nisi per medium ali-

aliquid ligans & uniens. Anima autem, & corpus non sunt huiusmodi, cum utrumque naturaliter sit pars hominis; sed comparantur ad invicem ut materia ad formam, quarum unio est immediata, ut ostensum est.

Ad undecimum dicendum, quod anima unitur corpori, ut perfectior non solum quantum ad intelligere phantasticum, sed etiam quantum ad naturam speciei, & quantum ad alias operationes quas exercet per corpus. Tamen dato quod solum propter intelligere phantasticum ei uniretur, non sequeretur quod unio esset mediante phantasmate: sic enim unitur anima corpori propter intelligere, ut per eam homo intelligat; quod non esset si fieret unio per phantasmata, ut ostensum est supra.

Ad duodecimum dicendum, quod corpus antequam animetur habet aliquam formam; illa autem forma non manet anima adveniente. Adventus enim animae est per quamdam generationem; generatio autem unius est non sine corruptione alterius, sicut cum recipitur forma ignis in materia aeris, definit esse actus in ea forma aeris, & remanet in potentia tantum. Necesse dicendum, quod forma fiat, vel corrumpatur: quia eius esset fieri, & corrumpi, cuius est esse; quod non est formae ut existentis, sed sicut eius quo aliquid est. Unde & si non dicitur nisi compositum, in quantum reducitur de potentia in actum.

Ad decimumtertium dicendum, quod in embryone apparent quaedam opera vitae; sed quidam dixerunt, huiusmodi opera esse ab anima matris. Sed hoc est impossibile: quia de ratione operum vitae est quod sint a principio intrinseco, quod est anima. Quidam vero dixerunt, quod a principio inest anima vegetabilis, & illa eadem cum fuerit magis perfecta, fit anima sensitiva, & tandem fit anima intellectiva, sed per actionem exterioris agentis quod est Deus. Sed hoc est impossibile. Primo quia sequeretur quod forma substantialis reciperet magis, & minus, & quod generatio esset motus continuus. Secundo quia sequeretur animam rationalem esse corruptibilem, cum vegetabilis, & sensibilis corruptibiles sint, dum ponitur fundamentum animae rationalis esse substantia vegetabilis, & sensibilis. Non autem dici potest, quod sint tres animae in uno corpore, ut ostensum est. Relinquitur ergo dicendum, quod in generatione hominis, vel animalis sunt multae generationes, & corruptiones sibi invicem suc-

cedentes. Adveniente enim perfectiori forma, deficit imperfectior. Et sic cum in embryone primo fit anima vegetativa tantum, cum perventum fuerit ad maiorem perfectionem, tollitur forma imperfecta, & succedit forma perfectior, quae est anima vegetativa, & sensitiva simul; & ultimo cedente, succedit ultima forma completissima, quae est anima rationalis.

Ad decimumquartum dicendum, quod corpus mathematicum dicitur corpus abstractum: unde dicere corpus mathematicum esse in sensibilibus, est dicere duo opposita simul, ut Aristoteles argumentatur in III. Metaph. (com. vi.) contra quosdam Platonicos hoc ponentes. Nec tamen sequitur quod abstractum sit mendacium, si corpus mathematicum sit tantum in intellectu: quia non intelligit intellectus abstractus, corpus aliquid esse non in sensibilibus; sed intelligit ipsum, non intelligendo sensibilia; sicut si quis intelligat hominem, non intelligendo eius risibilitatem, non mentitur; mentiretur autem, si intelligeret hominem non esse risibilem. Dico tamen, quod si corpus mathematicum esset in corpore sensibilibus, cum corpus mathematicum sit dimensionale, tantum pertineret ad genus quantitatis: unde non requireretur ad ipsum aliqua forma substantialis. Corpus autem quod est in genere substantiae, habet formam substantialem, quae dicitur corporeitas, quae non est res dimensiones; sed quaecumque forma substantialis, ex qua sequuntur in materia tres dimensiones: & haec forma in igne est igneitas, in animali anima sensitiva, & in homine anima intellectiva.

Ad decimumquintum dicendum, quod partes definitionis sunt partes formae, vel speciei, non propter realem differentiationem formarum, sed secundum distinctionem intelligibilem, ut dictum est ad tertium.

Ad decimum sextum dicendum, quod licet anima non habeat corporeitatem in actu, habet tamen virtutem, sicut Sol calorem.

Ad decimumseptimum dicendum, quod ordo ille quem Commentator tangit, est secundum rationem intelligibilem tantum: quia prius intelligitur materia perfecti secundum rationem formae universalis quam specialis; sicut prius intelligitur aliquid ens quam vivum, & vivum quam animal, & animal quam homo.

Ad decimum octavum dicendum, quod quodlibet esse generis, vel speciei consequuntur propria accidentia illius generis, Rr a vel

vel speciei : unde quando iam materia intelligitur perfecta secundum rationem huius generis quod est corpus, possunt in ea intelligi dimensiones, quae sunt propria accidentia huius generis ; & sic coequeuntur ordinem intelligibilem in materia, secundum diversas eius partes, diversae formae elementares.

Ad decimum nonum dicendum, quod idem specie calor est in igne, & aere : quia quilibet qualitas specialiter attribuitur uni elemento in quo est perfecta, & per concomitantiam, vel derivationem alteri, tamen imperfectius. Cum ergo ex hoc aere sit hic ignis, calor manet idem specie, sed augmentatus ; non tamen idem numero, quia non manet idem subiectum. Nec hoc facit ad difficultatem conversionis, cum corrumpatur per accidens ex corruptione subiecti, & non ex contrarietate agentis.

Ad vicesimum dicendum, quod materia prout nuda consideratur, se habet indifferenter ad omnes formas, sed determinatur ad speciales formas per virtutem moventis, ut traditur in II. de generatione (com. lxxx.) Et secundum ordinem intelligibilem formarum in materia, est ordo agentium naturalium. Inter ipsa enim corpora caelestia unum est universalius activum quam alterum ; nec universalius agens agit seorsum ab inferioribus agentibus, sed ultimum agens proprium agit in virtute omnium superiorum. Unde non imprimuntur a diversis agentibus diversae formae in uno individuo, sed una forma est quae imprimatur a proximo agente, continens in se virtute omnes formas praecedentes : & materia, secundum quod consideratur perfecta sub ratione formae universalioris, & accidentium consequentium, sit propria ad subsequenter perfectionem.

Ad vicesimum primum dicendum, quod cum unumquodque genus dividatur per potentiam, & actum, ipsa potentia, quae est in genere substantiae, materia est, sicut forma actus : unde materia non subest formae mediante aliqua potentia.

ARTICULUS IV.

Utrum tota anima sit in qualibet parte corporis.

Quarto quaeritur, utrum tota anima sit in qualibet parte corporis. Et videtur quod non. Dicit enim Aristoteles in Libro de causa moris animalium (cap. vii.)

Nihil opus est in unoquoque corporis esse animam, sed in quodam corporis principio existere. In natura autem nihil est frustra. Non est ergo anima in qualibet parte corporis.

1. Praeterea. Ex corpore, & anima constituitur animal. Si igitur in qualibet parte corporis esset anima, quilibet pars animalis esset animal ; quod est inconveniens.

3. Praeterea. In quocumque est subiectum, & proprietas subiecti. Sed omnes potentiae animae sunt in essentia animae, sicut & proprietates in subiecto. Ergo si anima esset in qualibet parte corporis, sequeretur quod in qualibet parte corporis essent omnes potentiae animae ; & sic auditus erit in oculo, & visus in aure ; quod est inconveniens.

4. Praeterea. Nulla forma quae requirit dissimilitudinem partium, invenitur in qualibet parte, ut patet de forma domus, quae non est in quacumque parte domus, sed in tota domo ; formae vero quae non requirunt dissimilitudinem partium, sunt in singulis partibus, ut forma aeris, & ignis. Anima autem est forma requirens dissimilitudinem partium, ut patet in omnibus animatis. Ergo anima non est in qualibet parte corporis.

5. Praeterea. Nulla forma quae extenditur secundum extensionem materiae, est tota in qualibet parte suae materiae. Sed anima extenditur secundum extensionem materiae : dicitur enim in Libro de quantitate animae : *Tamen anima est animam, quantum spatia corporis esse patimur.* Ergo anima non est tota in qualibet parte corporis.

6. Praeterea. Quod anima sit in qualibet corporis parte, praecipue videtur ex hoc quod in qualibet corporis parte agit. Sed anima operatur ubi non est : quia, ut Augustinus dicit ad Volusianum (epist. cxi.) anima sentit, & videt in caelo, ubi non est. Non est ergo necessarium animam esse in qualibet corporis parte.

7. Praeterea. Secundum Philosophum (Lib. II. Topic. cap. xii.) motis nobis, moventur ea quae in nobis sunt. Contingit autem unam partem corporis moveri alia quiescente. Si ergo anima est in qualibet parte corporis, sequitur quod simul moveatur, & quiescat ; quod videtur inconveniens.

8. Praeterea. Si anima est in qualibet parte corporis, unaquaeque pars corporis immediatum ordinem habebit ad animam, & sic non deponent aliae partes a corde ; quod

quod est contra Hieronymum super Mattheum (cap. xv. super illud *De corde exiunt cogitationes*) qui dicit, quod principale hominis non est in cerebro secundum Platonem, sed in corde secundum Christum.

9. Præterea. Nulla forma quæ requirit determinatam figuram, potest esse ubi non est illa figura. Sed anima est in corpore secundum determinatam figuram: dicit enim Commentator in I. de Anima (com. lxx.) quod quodlibet corpus animalis habet figuram propriam. Et hoc manifestatur in speciebus animalium: membra enim leonis non differunt a membris cervi nisi propter diversitatem animæ. Ergo cum in parte non inveniatur figura totius, anima non erit in parte. Et hoc est quod idem Commentator dicit in eodem Libro, quod si cor habet naturam recipiendi animam, quia habet talem figuram, manifestum est quod pars eius non recipit illam animam, quia non habet talem figuram.

10. Præterea. Quanto aliquid est magis abstractum, tanto minus determinatur ad aliquod corporale. Sed Angelus est magis abstractus quam anima: determinatur autem Angelus ad aliquam partem mobilis quod movet, & non est in qualibet parte eius, ut patet per Philosophum in VIII. Physic. (com. lxxxiv.) ubi dicit quod motor cæli non est in centro, sed in quadam parte circumferentiæ. Multo minus igitur anima est in qualibet parte sui corporis.

11. Præterea. Si in quacumque parte corporis est operatio animæ, est anima, par ratione in quacumque parte corporis est operatio visivæ potentie, ibi est ipsa visiva potentia. Sed operatio visivæ potentie esset in pede, si ibi esset organum visivæ potentie: unde quod desit operatio visiva, erit propter defectum organi tantum. Erit igitur ibi potentia visiva, si ibi sit anima.

12. Præterea. Si anima est in qualibet parte corporis, oportet quod ubicumque sit aliqua pars corporis, ibi sit anima. Sed pueri crescentes partes incipiunt esse per augmentum ubi prius non erant. Ergo & anima eius incipit esse ubi prius non erat. Sed hoc videtur impossibile. Tribus enim modis aliquid incipit esse ubi prius non erat. Aut per hoc quod de novo fit, sicut cum anima creatur, & infunditur corpori. Aut per propriam transmutationem, sicut cum corpus transfertur de loco ad locum. Aut per transmutationem alterius in ipsam, sic-

ut cum corpus Christi incipit esse in altari. Quorum nullum hic dici potest. Ergo anima non est in qualibet parte corporis.

13. Præterea. Anima non est nisi in corpore cuius est actus. Est autem actus corporis organici, ut dicitur II. de Anima (com. vi.) Cum igitur non quolibet pars corporis sit corpus organicum, non erit in qualibet parte corporis.

14. Præterea. Plus differunt caro, & os unius hominis quam duæ carnes duorum hominum. Sed anima una non potest esse in duobus corporibus diverforum. Ergo non potest esse in omnibus partibus unius hominis.

15. Præterea. Si anima est in qualibet parte corporis, oportet quod ablata quacumque parte corporis, vel auferatur anima, quod patet esse falsum, cum remaneat homo vivens; vel transferatur de illa parte ad alias, quod est impossibile, cum anima sit simplex, & per consequens immobilis. Non ergo est in qualibet parte corporis.

16. Præterea. Nullum indivisibile potest esse nisi in indivisibili, cum locum oporteat æquari locato. In corpore autem contingit signare infinita indivisibilia. Si igitur anima sit in qualibet parte corporis, sequetur quod sit in infinitis: quod esse non potest, cum sit finitæ virtutis.

17. Præterea. Cum anima sit simplex abique quantitate dimensiva, nulla totalitas videtur posse ei attribui nisi virtutis. Sed non est in qualibet parte corporis secundum suas potentias, in quibus consideratur totalitas virtutis eius. Non ergo in qualibet parte corporis est tota anima.

18. Præterea. Quod aliquid possit effectum in toto, & in omnibus partibus, videtur provenire ex eius simplicitate; tamen hoc in corporibus videmus non posse accidere. Sed anima non est simplex, sed composita ex materia, & forma. Ergo non est in qualibet parte corporis. Probatio mediz. Philosophus in II. Metaph. reprehendit ponentes materiam corporalem primum principium, quia ponebant solum elementa corporum, non corporum autem non. Igitur incorporeorum est etiam aliquid elementum. Sed elementum est materiale principium. Ergo etiam substantiz incorporeæ, ut Angelus, & anima, habent materiale principium.

19. Præterea. Quædam animalia decisa vivunt. Non est autem dicere, quod altera pars vivat per totam animam. Ergo nec ante

ante decisionem tota anima erat in illa parte, sed pars animæ.

30. Præterea. Totum, & perfectum idem est, ut dicitur in III. Phys. (com. lxiii.) Perfectum autem est quod attingit propriam virtutem, ut dicitur etiam in III. Physic. (com. lxiv.) Propria autem virtus animæ secundum intellectum est quod non est actus alicuius partis. Non ergo anima est tota in qualibet parte corporis.

Sed contra est quod dicit Augustinus in III. de Trin. quod anima in toto tota est, & in qualibet eius parte, tota.

Præterea. Damascenus dicit (Lib. I. cap. xvii. & Lib. II. cap. xii.) quod Angelus ibi est ubi operatur. Pari ergo ratione & anima. Sed anima operatur in qualibet parte corporis, quia quælibet pars corporis nutritur, augetur, & sentit. Ergo anima est in qualibet parte corporis.

Præterea. Anima est maioris virtutis quam formæ materiales. Sed formæ materiales, ut ignis, aut aeris, sunt in qualibet parte. Multo igitur magis anima.

Præterea. In Libro de spirititu, & anima (cap. ix. in princ.) dicitur, quod anima præsentia sua corpus vivificat. Sed quælibet pars corporis vivificatur ab anima. Ergo anima est cuilibet parti corporis præsentis.

Respondeo dicendum, quod veritas huius questionis ex præcedentibus dependet. Oñsensus est enim prius quod anima unitur corpori non solum ut motor, sed ut forma. Posterius vero ostensum est quod anima non præsupponit alias formas substantiales in materia, quæ de se substantiale corpori, aut partibus eius; sed & totum corpus, & omnes eius partes habent esse substantiale, & specificum per animam; quæ recedente, sicut non manet homo, aut animal, aut vivum; ita non manet manus, aut oculus, aut caro, aut os, nisi æquivoce, sicut de picta, aut lapidea. Sic igitur cum omnis actus sit in eo cuius est actus, oportet animam, quæ est actus totius corporis, & omnium partium, esse in toto corpore, & in qualibet eius parte. Sed tamen aliter se habet totum corpus ad animam, & aliter ad partes eius. Anima enim totius quidem corporis actus est primo & per se, partium vero in ordine ad totum. Ad cuius evidentiam considerandum, quod cum materia sit propter formam, talem oportet esse materiam ut competit formæ. In istis rebus corruptibilibus formæ imperfectiores, quæ sunt debitoris virtutis, habent paucas operatio-

nes, ad quas non requiritur partium dissimilitudo, sicut patet in omnibus inanimatorum corporibus. Anima vero, cum sit forma altioris, & maioris virtutis, potest esse principium diversarum operationum, ad quarum executionem requiruntur dissimiles partes corporis. Et ideo omnis anima requirit diversitatem organorum in partibus corporis, cuius est actus, & tanto maiorem diversitatem, quanto anima fuerit perfectior. Sic igitur formæ infimæ uniformiter perficiunt suam materiam, sed anima disformiter, ut ex dissimilibus partibus constituatur integritas corporis, cuius primo & per se anima est actus.

Sed restat inquirendum quod dicitur, totam animam esse in toto, & totam in singulis partibus. Ad cuius evidentiam considerandum est, quod triplex totalitas invenitur. Prima quidem est maiestrior secundum quantitatem, prout totum quantum dicitur, quod natum est dividi in partes quantitatis; & hæc totalitas non potest attribui formis nisi per accidens, in quantum scilicet per accidens dividuntur divisione quantitatis, sicut albedo divisione superficiei. Sed hoc est illarum tantum formarum quæ coextenduntur quantitati; quod ex hoc competit aliquibus formis, quia habet materiam similem & in toto, & in parte: unde formæ quæ requirunt magnam dissimilitudinem in partibus, non habent huiusmodi extensionem, & totalitatem, sicut animæ præcipue animalium perfectiorum. Secunda autem totalitas attenditur secundum perfectionem essentiae, cui totalitati etiam respondent partes essentiae: physice quidem in compositis materia, & forma; logice vero genus, & differentia: quæ quidem perfectio in formis accidentalibus recipit magis & minus, non autem in substantialibus. Tertia autem totalitas est secundum virtutem. Si ergo loqueremur de aliqua forma habente extensionem in materia, puta de albedine; possemus dicere quod est tota in qualibet parte totalitate essentiae, & virtutis, non autem totalitate prima, quæ est per accidens; sicut tota ratio speciei albedinis invenitur in qualibet parte superficiei, non autem tota quantitas quam habet per accidens, sed pars in parte. Anima autem, & præcipue humana, non habet extensionem in materia: unde in ea prima totalitas locum non habet. Relinquitur ergo quod secundum totalitatem essentiae simpliciter enuntiari possit esse tota in qualibet corporis parte, non autem secundum

dum totalitatem virtutis, quia partes difformiter perficiuntur ab ipsa ad diversas operationes, & aliqua operatio est eius, scilicet intelligere, quam per nullam partem corporis exequitur. Unde sic accepta totalitate animae secundum virtutem, non solum non est tota in qualibet parte, sed nec est tota in toto: quia virtus animae capacitas corporis excedit, ut supra dictum est.

Ad primum ergo dicendum, quod Philosophus ibi loquitur de anima quantum ad potentiam motivam, quae primo fundatur in corde.

Ad secundum dicendum, quod anima non est in qualibet parte corporis primo & per se, sed in ordine ad totum, ut dictum est (in corp. art.) & ideo non in qualibet parte animalis est animal.

Ad tertium dicendum, quod secundum Philosophum in Libro de somno & vigilia (cap. 1. ante med.) cuius est potentia, eius est actio. Unde potentiae illae quarum operationes non sunt solius animae, sed coniunctae, sunt in organo sicut in subiecto, in anima autem sicut in radice. Solum autem illae potentiae sunt in anima sicut in subiecto quarum operationes anima non per organum corporis exequitur, quae tamen sunt animae secundum quod excedit corpus. Unde non sequitur quod in qualibet parte corporis sint omnes potentiae animae.

Ad quartum dicendum, quod forma domus, cum sit accidentalis, non dat esse specificum singulis partibus domus, sicut dat anima singulis partibus corporis: & ideo non est simile.

Ad quintum dicendum, quod auctoritas illa non sic intelligitur quod anima humana extendatur secundum extensionem corporis, sed quod virtualis animae quantitas non porrigitur in maiorem quantitatem quam corporis.

Ad sextum dicendum, quod omnis operatio aliquo modo accipitur ut media inter operantem & obiectum operationis; vel realiter, sicut in illis actionibus quae procedunt ab agente in aliquod extrinsecum transmutandum; vel secundum modum intelligendi, sicut intelligere, & velle, & huiusmodi; quae licet sint actiones in agente manentes, ut dicitur in IX. Metaph. (cap. xvi.) tamen significantur per modum aliarum actionum, ut ab uno tendentes in aliud. Sic ergo cum dicitur aliquis operari hic, vel ibi, dupliciter potest intelligi. Uno modo quod per huiusmodi adverbium determinetur verbum, ex quo operatio exit

ab agente; & sic verum est quod anima ubicumque operatur, ibi est. Alio modo ex ea parte qua operatio intelligitur terminari ad alterum; & sic non ubicumque operatur, ibi est: sic enim sentit, & videt in caelo, inquantum caelum sentitur, & videtur ab ea.

Ad septimum dicendum, quod anima moto corpore movetur per accidens, & non per se. Non est autem inconveniens quod aliquid simul moveatur, & quiescat per accidens secundum diversa; esset autem inconveniens, si per se simul quiesceret, & moveretur.

Ad octavum dicendum, quod licet anima sit actus cuiuslibet partis corporis, non tamen uniformiter omnes partes corporis perficiuntur ab ea, ut dictum est, sed una altera principalius, & perfectius.

Ad nonum dicendum, quod anima per determinatam figuram dicitur esse in corpore, non quod figura sit causa quare sit in corpore; sed potius figura corporis est ex anima: unde ubi non est figura conveniens huic animae, non potest esse haec anima. Sed aliam figuram requirit anima in toto corpore, cuius per prius est actus, & aliam in parte, cuius est actus in ordine ad totum, sicut dictum est. Unde in animalibus in quibus figura partis fere est conformis figurae totius, pars recipit animam ut quodam totum: quare decisa vivit. In animalibus tamen perfectis, in quibus figura partis multum differt a figura totius, pars non recipit animam sicut totum & primum perfectibile, ut decisa vivat; recipit tamen animam in ordine ad totum, ut coniuncta vivat.

Ad decimum dicendum, quod Angelus comparatur ad corpus caeleste quod movetur, non sicut forma, sed sicut motor: unde non est simile de ipso, & de anima, quae est forma totius, & cuiuslibet partis.

Ad undecimum dicendum, quod si esset oculus in pede, esset ibi potentia visiva, quia haec potentia est actus talis organi animati. Remoto autem organo, remanet ibi anima, non tamen potentia visiva.

Ad duodecimum dicendum, quod augmentum non fit sine motu locali, ut dicit Philosophus in IV. Physic. unde augmentato puero, sicut aliqua pars corporis incipit esse per se ubi prius non erat, ita anima per accidens, & per transmutationem suam, inquantum per accidens movetur, moto corpore.

Ad decimumtertium dicendum, quod corpus

pūs organicum est perfectibile ab anima primo, & per se; singula autem organa, & organorum partes in ordine ad totum, sicut dictum est (in corp. art.)

Ad decimumquartum dicendum, quod caro mea cum carne tua magis convenit secundum rationem speciei, quam caro mea cum osse meo; sed secundum analogiam ad totum est & converso. Nam caro mea, & os meum possunt ordinari ad unum totum constituendum, non autem caro mea, & caro tua.

Ad decimumquintum dicendum, quod præcisa parte non sequitur quod auferatur anima, vel quod ad aliam partem transmutetur; nisi poneretur quod in illa sola parte anima esset; sed sequitur quod illa pars destinatur perici ab anima totius.

Ad decimumsextum dicendum, quod anima non est indivisibilis, ut punctum habens situm in continuo, contra cuius rationem esset in loco divisibilis esse; sed anima est indivisibilis per abstractionem a toto genere continui: unde non est contra eius rationem, si sit in aliquo divisibili toto.

Ad decimumseptimum dicendum, quod anima ex hoc quod est indivisibilis, sequitur quod non habeat totalitatem quantitatis; nec propter hoc relinquitur quod sit in ea sola totalitas potentialium: est enim in ea totalitas secundum essentiam rationem, ut dictum est (in corp. art.)

Ad decimumoctavum dicendum, quod Philosophus in Libro illo intendit inquire de principiis omnium entium, non solum materialibus, sed etiam formalibus, efficientibus, & finalibus: & ideo redarguatur ab ipso antiqui Naturales, qui posuerunt tantum causam materialem, quæ non habet locum in rebus incorporeis; & sic non poterant ponere principia omnium entium. Non ergo intendit dicere, quod sit aliquod elementum materiale rerum incorporearum; sed quod illi sunt reprehendendi qui principia rerum incorporearum neglexerunt, ponentes causam materialem tantum.

Ad decimumnonum dicendum, quod in illis animalibus quæ decisa vivunt, est una anima in actu, & multæ in potentia; per decisionem autem reducuntur in actum multitudinis, sicut contingit in omnibus formis quæ habent extensionem in materia.

Ad vicesimum dicendum, quod cum dicitur anima esse tota in qualibet parte, ac-

cipitur totum, & perfectum secundum rationem essentiam, & non secundum rationem potentiam, seu virtutis, ut ex supradictis patet.

ARTICULUS V.

Utrum aliqua substantia spiritualis creata, sit non unita corpori.

Quinto quaeritur, utrum aliqua substantia spiritualis creata, sit non unita corpori. Et videtur quod non. Dicit enim Origenes in I. Perlacon (cap. vi. in fin.) *Solius Dei, id est Patris, & Filii, & Spiritus sancti, proprium est ut absque ulla corporea societate adiectione intelligatur existere.* Nulla ergo substantia spiritualis creata potest esse corpori non unita.

1. Præterea. Paschasius Papa dicit, quod spiritualia sine corporalibus subsistere non possunt. Non est ergo possibile spirituales substantias non unitas corporibus esse.

3. Præterea. Bernardus super Can. (ser. v.) inquit: *Liquet omnem spiritum creatum corporeo indigere solatio.* Manifestum est autem quod cum natura non deficiat in necessariis, multo minus deficit Deus. Non ergo spiritus creatus sine corpore invenitur.

4. Præterea. Si aliqua substantia spiritualis creata (x) est omnino corpori non unita, necesse est quod sit supra tempus: tempus enim corporalia non excedit. Sed substantia spiritualis creata non omnino sunt supra tempus. Cum enim ex nihilo creata sint, & per consequens a non esse incipiant, necesse est eas veritabiles esse, ut possint deficere in non esse, nisi ab alio continerentur. Quod autem potest in non esse deficere, non omnino est supra tempus: potest enim nunc esse, & in alio nunc non esse. Non est ergo possibile aliquas creatas substantias absque corporibus esse.

5. Præterea. Angeli quædam corpora assumunt. Corpus autem assumptum ab Angelo movetur ab eo. Cum igitur moveri secundum locum præsupponat sentire, & vivere, ut patet in II. de Anima (com. xxviii. xxix. xxxi.) videtur quod corpora assumpta ab Angelis sentiant, & vivant, & ita sint corporibus naturaliter uniti: de quibus tamen maxime videtur quod sint a corporibus absoluti. Nulla ergo spiritualis substantia creata est corpori non unita.

6. Præ-

6. Præterea. Angelus naturaliter est perfectior quam anima. Perfectior autem est quod vivit, & dat vitam, quam illud quod vivit tantum. Cum igitur anima vivat, & det vitam corpori per hoc quod est formaeius, videtur quod multo fortius Angelus non solum vivat, sed etiam uniatu alicui corpori cui det vitam; & sic idem quod prius.

7. Præterea. Manifestum est quod Angeli singularia cognoscunt; alioquin frustra hominibus in custodiis deputarentur. Non possunt autem singularia cognoscere per formas universales: quia sic æqualiter se haberet eorum cognitio ad præteritum, & futurum, cum tamen futura cognoscere solius Dei sit. Cognoscunt igitur Angeli singularia per formas particulares, quæ requirunt organa corporalia sibi unita in quibus recipiuntur. Ergo Angeli habent organa corporalia sibi unita; & sic nullus spiritus creatus videtur esse omnino a corpore absolutus.

8. Præterea. Principium individuationis est materia. Angeli autem sunt quædam individua, alioquin non haberent proprias actiones: agere enim per materiam est. Cum igitur non habeant materiam ex qua sint, ut supra (art. 1.) dictum est, videtur quod habeant materiam in qua, scilicet corpora quibus uniuntur.

9. Præterea. Cum spiritus creati sint substantiæ finitæ, necesse est quod sint in determinato genere, & specie. Est igitur in eis invenire naturam universalem speciei. Ex ipsa autem natura universali non habent quod individuentur. Ergo oportet esse aliquid additum per quod individuentur. Hoc autem non potest esse aliquid materiale, quod intret compositionem Angeli, cum Angeli sint immateriales substantiæ, ut supra (art. 1.) dictum est. Necesse est ergo quod addatur eis aliqua materia corporalis, per quam individuantur; & sic idem quod prius.

10. Præterea. Substantiæ spirituales creatæ non sunt materia tantum, quia sic essent in potentia solum, & non haberent aliquam actionem; nec iterum sunt compositæ ex materia & forma, ut supra (art. 1.) ostensum est. Relinquitur igitur quod sint formæ tantum. De ratione autem formæ est quod sit actus materiæ cui unitur. Videtur ergo quod spirituales substantiæ uniantur materiæ corporali.

S. Th. Oper. Tom. XV.

11. Præterea. De similibus simile est iudicium. Sed aliquæ spirituales substantiæ creatæ sunt unitæ corporibus. Ergo omnes.

Sed contra est quod Dionysius dicit 1v. cap. de div. Nom. quod Angeli sunt incorporeales, & immateriales.

Præterea. Secundum Philosophum in VII. Physic. si aliqua duo inveniuntur coniuncta, quorum unum sine altero inveniri potest, oportet & alterum sine alio inveniri. Invenitur enim aliquid movens motum: unde si aliquid est motum non movens, invenitur etiam aliquid movens non motum. Sed invenitur aliquid compositum ex substantia corporali & spirituali. Cum igitur inveniatu aliquid corpus sine spiritu, videtur quod aliquis spiritus inveniri possit corpori non unitus.

Præterea. Ricardus de S. Victore (Lib. III. de Trin. cap. 11.) sic argumentatur. In divinis plures inveniuntur personæ in una natura. In rebus autem humanis una persona in duabus naturis, scilicet anima, & corpore. Ergo & invenitur medium, scilicet (a) quod sit una persona in una natura; quod non esset, si natura spiritualis corpori unitetur.

Præterea. Angelus est in corpore assumptu. Si ergo corpus aliud sibi naturaliter uniatur, sequeretur quod duo corpora simul essent in eodem; quod est impossibile. Sunt ergo aliquæ spirituales substantiæ creatæ non habentes corpora naturaliter sibi unita.

Respondendo dicendum, quod quia nostra cognitio a sensu incipit, sensus autem corporalium est; a principio homines de veritate inquirentes solam naturam corpoream capere potuerunt, intantum quod primi (b) naturales Philosophi nihil esse nisi corpora existimabant. Unde & ipsam animam corpus esse dicebant. Quos etiam secuti videntur Manichæi hæretici, qui Deum lucem quamdam incorpoream per infinita distinetam spatia esse existimabant. Sic etiam & Antropomorphitæ, qui Deum lineamentis humani corporis figuratum esse astruebant, nihil ultra corpora esse suspicabantur. Sed posteriores Philosophi rationabiliter per intellectum corporalia transcendentes ad cognitionem incorporeæ substantiæ pervenerunt. Quorum Anaxagoras primus, quia ponebat a principio omnia corporalia invicem esse immixta, coactus fuit ponere supra corporalia aliquid incorporeum non mix-

Ss

mix-

(a) id quod sit una natura, intermedia omni. (b) id. materiales.

mixtum, quod corporalia distingueret, & moveret. Et hoc vocabat intellectum distinguentem, & moventem omnia, quem nos dicimus Deum. (Ex Lib. I. Physic. com. xxiii. & VIII. Physic. com. xxvii. & III. de Anim. com. iv.) Plato vero (dialog. x. de reipublic.) est alia via usus ad ponendum substantias incorporeas. Existimavit enim quod ante omne esse participans, necesse est ponere aliquid abstractum participatum. Unde cum omnia corpora sensibilia participant ea quae de ipsis praedicantur, scilicet naturas generum, & specierum, & aliorum universaliter de ipsis dictorum, posuit huiusmodi naturas abstractas a sensibilibus per se subsistentes, quas substantias separatas nominabat. Aristoteles vero (XIII. Metaph. text. xlv.) processit ad ponendum substantias incorporeas separatas ex perpetuitate caelestis motus. Oportet enim caelestis motus aliquem finem ponere. Si autem finis alicuius motus non semper eodem modo se habeat, sed moveatur per se, vel per accidens, necesse est illum motum non semper uniformiter se habere: unde motus naturalis gravium, & levium magis intenditur cum appropinquat ad hoc quod est esse in loco proprio. Videmus autem in motibus caelestium corporum semper uniformitatem servari, ex quo existimavit huius uniformis motus perpetuitatem. Oportebat igitur ut poneret finem huius motus non moveri nec per se, nec per accidens. Omne autem corpus, vel quod est in corpore, mobile est per se, vel per accidens. Sic ergo necessarium fuit quod poneret aliquam substantiam omnino a corpore separatam, quae esset finis motus caelestis. In hoc autem videntur tres praedictarum positionum differre, quod Anaxagoras non habuit necesse ponere secundum principia ab eo supposita nisi unam substantiam incorpoream. Plato autem necesse habuit ponere multas, & ad invicem ordinatas secundum multitudinem, & ordinem generum, & specierum, & aliorum, quae abstracta ponebat: posuit enim primum abstractum, quod essentialiter esset bonum, & unum, & consequenter diversos ordines intelligibilibus, & intellectuum. Aristoteles autem (loc. cit.) posuit plures substantias separatas. Cum enim in caelo appareant multi motus, quorum quilibet ponebat esse uniformem, & perpetuum; cuiuslibet autem motus oportet esse aliquem proprium finem, ex quo finis talis motus debet esse substantia incorporea; consequens fuit ut poneret quod substantia cuius est haec operatio, ha-

multas substantias incorporeas ad invicem ordinatas secundum naturam, & ordinem caelestium motuum: nec ultra in eis ponendis processit, quia proprium eius Philosophiae fuit a manifestis non discedere.

Sed istae viae non sunt nobis multum accommodatae: quia neque ponimus mixtionem sensibilem cum Anaxagora, neque abstractionem universalium cum Platone, neque perpetuitatem motus cum Aristotele. Unde oportet nos aliis viis procedere ad manifestationem propositi. Primo igitur appareat esse aliquas substantias omnino a corpore ab solutas ex perfectione universi. Talis enim videtur esse universi perfectio, ut non desit ei aliqua natura quam possibile sit esse: propter quod Genes. i. singula dicuntur bona, omnia autem simul valde bona. Manifestum est autem quod si aliqua duo sunt, quorum unum ex altero non dependeat secundum suam rationem, possibile est illud sine alio inveniri; sicut animal secundum suam rationem non dependet a rationali, unde possibile est inveniri animalia non rationalia. Est autem de ratione substantiae quod per se subsistat; quod nullo modo deo deat a corporis ratione, cum ratio corporis quaedam accidentia, scilicet dimensiones, aliquo modo respiciat, a quibus non causatur subsistere. Relinquitur igitur quod post Deum, qui non continetur in aliquo genere, inveniantur in genere substantiarum aliquae substantiae a corporibus absolutae. Secundo potest idem considerari ex ordine rerum, qui talis esse invenitur ut ab uno extremo ad alterum non perveniat nisi per media; sicut sub corpore caelesti invenitur immediate ignis, sub quo aer, sub quo aqua, sub quo terra, secundum scilicet convenientiam nobilitatis, & subtilitatis horum corporum. Est autem in summo rerum vertice id quod est omnibus modis simplex, & unum, scilicet Deus. Non igitur possibile est quod immediate sub Deo collocetur corporalis substantia, quae est omnino composita, & divisibilis; sed oportet ponere multa media per quae deveniatur a summa simplicitate divina ad corpoream multiplicitatem: quorum mediorum aliqua sunt substantiae incorporeae corporibus non unitae, aliqua vero substantiae incorporeae corporibus unitae. Tertio appareat idem ex proprietate intellectus. Manifestum est enim quod intelligere est operatio quae per corpus fieri non potest, ut probatur in III. de Anima (com. vi.) unde oportet

beat

beat esse non dependens a corpore, sed supra corpus elevatum: sicut enim est unumquodque, ita operatur. Si ergo aliqua substantia intelligens corpori uniat, hoc non erit inquantum est intelligens, sed secundum aliquid aliud, sicut supra (art. 2. & 3.) dictum est, quod necessarium est animam humanam uniti corpori, in quantum indiget operationibus per corpus exercitis ad complementum intellectualis operationis, prout intelligit a phantasmatibus abstrahendo: quod quidem accidit intellectuali operationi, & pertinet ad imperfectionem ipsius, ut ex his quae sunt intelligibilia solum in potentia, scientiam capiat; sicut est de imperfectione visus vespertilionis, quod necesse habeat videre in obscuro. Quod autem per accidens adiungitur alicui, non in omnibus cum eo invenitur. Oportet etiam quod ante esse imperfectum in aliquo genere invenitur id quod est perfectum in genere illo: quia perfectum est naturaliter prius imperfecto, sicut actus potentia. Relinquitur igitur quod oportet ponere aliquas substantias incorporeas corpori non unitas, utpote non indigentes aliquo corpore ad intellectualem operationem.

Ad primum ergo dicendum, quod in hoc non est auctoritas Origenis recipienda: quia multa in illo Libro erronea loquitur, sequens opiniones antiquorum Philosophorum.

Ad secundum dicendum, quod Paschasius loquitur de spiritualibus quibus sunt annexa temporalia, cum quorum venditione, vel emptione ipsa spiritualia emi, vel vendi intelliguntur: iura enim spiritualia, vel consecrationes non per se seorsum subsistunt a corporalibus, vel temporalibus, quae eis aconectuntur.

Ad tertium dicendum, quod omnis spiritus creatus indiget solatio corporeo: quidam propter se, ut anima rationalis; quidam propter nos, ut Angeli qui in corporibus assumptis nobis apparent.

Ad quartum dicendum, quod substantiae spirituales creatae quantum ad suum esse ponuntur mensurari aeo, licet eorum motus tempore mensurentur, secundum illud Augustini IV. super Genes. ad litteram (Lib. VIII. cap. xx. xxiii. xxiiii.) quod Deus movet creaturam spirituales per tempus. Quod autem dicitur, quod possit verti in non esse, non pertinet ad aliquam potentiam in eis existentem, sed ad potentiam agentis. Sicut enim antequam essent, poterant esse per solam potentiam agentis; ita

possunt non esse per solam potentiam Dei, qui potest subtrahere manum conservantem. In eis vero nulla est potentia ad non esse, ut sic tempore mensurentur, sicut quae possunt moveri. Licet autem non moveantur, tamen tempore mensurantur.

Ad quintum dicendum, quod moveri secundum locum a motore intrinseco, & coniuncto praesupponit sentire, & vivere. Sic autem non moventur corpora ab Angelis assumpta. Unde ratio non sequitur.

Ad sextum dicendum, quod vivere, & dare vitam effectivae, nobilior est quam vivere tantum; sed dare vitam formaliter, hoc est igoobilioris substantiae quam ea quae vivit per se subsistendo sine corpore. Esse enim illius intellectualis substantiae, quae est forma corporis, est magis infimum, & affine corporeae naturae, in quantum ut possit ei communicari.

Ad septimum dicendum, quod Angeli cognoscunt particularia per formas universales, quae sunt similitudines rationum idealium, quibus Deus & universalis, & singularia cognoscit. Nec tamen oportet quod cognoscat singularia futura, quae nondum participaverunt materiam, & formam, quae representatur per species intellectus angelici. Secus est autem de intellectu divino, qui in nunc aeternitatis constitutus, totum tempus uno intuitu circumspicit.

Ad octavum dicendum, quod materia est individuationis principium, in quantum non est nata in alio recipi. Formae vero quae natae sunt recipi in aliquo subiecto, de se individuat: esse non possunt: quia quantum est de sui ratione, indifferens est eis quod recipiantur in uno, vel pluribus. Sed si aliqua forma sit quae non sit in aliquo receptibilis, ex hoc ipso individuationem habet, quia non potest in pluribus esse, sed ipsa sola maet in seipsa. Unde Aristoteles in VII. Metaph. contra Platonem arguit, quod si formae rerum sint abstractae, oportet quod sint singulares.

Ad nonum dicendum, quod in compositis ex materia & forma, individuum addit supra naturam speciei designationem materiam, & accidentia individualia, sed in formis abstractis non addit individuum supra naturam speciei aliquid secundum rem, quia in talibus essentia eius est ipsummet individuum subsistens, ut patet per Philosophum in VII. Metaph. Addit tamen aliquid secundum rationem, scilicet hoc quod est non posse existere in pluribus.

Ad decimum dicendum, quod substantiae

quæ sunt a corporibus separatæ, sunt formæ tantum, non tamen sunt actus alicuius materiæ: licet enim materia non possit esse sine forma, tamen forma potest esse sine materia, quia materia habet esse per formam, & non e converso.

Ad undecimum dicendum, quod anima, quia est infima inter substantias spirituales, maiorem habet affinitatem cum natura corporea, ut possit esse eius forma, quam superiores substantiæ.

ARTICULUS VI.

Utrum substantia spiritualis celestis corpori uniatur.

Sexto quaeritur, utrum substantia spiritualis celestis corpori uniatur. Et videtur quod sic. Dicit enim Dionysius vii. cap. de divinis Nominibus, quod divina sapientia coniungit fines primorum principis secundorum. Ex quo potest accipi quod natura inferior in sui summo attingat superiorem in sui infimo. Supremum autem in natura corporea est corpus celeste, infimum autem in natura spirituali est anima. Ergo corpus celeste est animatum.

2. Præterea. Nobilioris corporis nobilior est forma. Corpus autem celeste est nobilissimum corporum, & anima est nobilissima formarum. Si ergo aliqua inferiora corpora sunt animata, multo magis corpus celeste animatum erit.

3. Sed dicendum, quod licet corpus celeste non sit animatum, tamen forma quæ illud corpus est corpus, est nobilior quam forma quæ corpus hominis est corpus. Sed contra. Aut in corpore humano est alia forma substantialis præter animam rationalem quæ dat esse corpori, aut non. Si non, sed ipsa anima dat esse substantiale corpori, cum anima sit nobilissima formarum, sequetur quod forma per quam corpus humanum est corpus, sit nobilior quam forma per quam corpus celeste est corpus. Si autem sit alia forma substantialis in homine dante esse corpori præter animam rationalem, manifestum est quod per illam formam corpus humanum sit susceptivum animæ rationalis. Quod autem est susceptivum perfectæ bonitatis, est melius eo quod non est susceptivum, ut dicitur H. de celo, & mundo (com. lxi. & seq.) Si ergo corpus celeste non est susceptivum animæ rationalis, adhuc sequetur quod forma per quam corpus humanum est corpus, sit no-

bilior quam forma per quam corpus celeste est corpus; quod videtur inconveniens.

4. Præterea. Perfectio universi requirit ut nulli corpori denegeretur id ad quod naturaliter inclinatur. Omne autem corpus habet naturalem inclinationem ad id quo indiget ad suam operationem. Operatio autem propria corporis celestis est motus circularis, ad quem indiget substantia spirituali: non enim hic motus potest consequi aliquam formam corporalem, sicut motus gravium, & levium: quia oporteret quod motus cessaret cum perverteretur ad aliquod ubi determinatum, sicut accidit in gravibus, & levibus; quod patet esse falsum. Relinquitur ergo quod corpora celestia habent substantias spirituales sibi unitas.

5. Præterea. On ne quod in aliqua dispositione existens moveatur naturaliter, in eadem dispositione existens non potest quiescere nisi violentier, sicut corpus grave, aut leve extra suum ubi existens. Sed si motus calis sit a forma naturali, oportet quod in quolibet ubi existens naturaliter moveatur. Ergo in quocumque ubi ponatur quiescere, non quiescet nisi per violentiam. Nullum autem violentum potest esse perpetuum. Non ergo in perpetuum quiescet calum post diem iudicii, ut secundum fidem ponimus. Cum ergo hoc sit inconveniens, necesse videtur dicere quod calum moveatur motu voluntario; & sic sequitur quod calum sit animatum.

6. Præterea. In quolibet genere, quod est per se, prius est eo quod est per aliud. Sed calum est primum in genere mobilium. Ergo est per se motum tamquam movens seipsum. Omne autem movens seipsum dividitur in duas partes, quarum una est movens per appetitum, ut anima, & alia mota, ut corpus. Corpus igitur celeste est animatum.

7. Præterea. Nihil quod moveatur a motore totaliter extrinseco, habet motum naturalem. Cum ergo motus calis sit a substantia spirituali (quia secundum Augustinum III. de Trin. (cap. 11. & 1v.) Deus administrat corporalem substantiam per spirituales) si illa substantia non uniretur ei, sed esset totaliter extrinseca, motus calis non esset naturalis, quod est contra Philosophum in I. de celo (com. lxxviii. & seq.)

8. Præterea. Substantia illa spiritualis movens calum si esset extrinseca tantum, non posset dici, quod moveret calum solum volendo: quia sic eius velle esset eius agere; quod est solius Dei. Oporteret igitur quod

alis

aliquid immitteret ad movendum ; & sic cum eius virtus sit finita , sequeretur quod accideret ei fatigatio in movendo per diuturnitatem temporis ; quod est inconveniens , & maxime secundum ponentes aeternitatem moris . Ergo substantia spiritalis quae movet caelum , est ei unita .

9. Præterea . Sicut habetur in IV. Physic. motores inferiorum orbium moventur per accensum , non autem motor superioris orbis . Sed motor superioris orbis unitur suo orbi ut motor . Ergo motores inferiorum orbium uniuntur eis non solum ut motores , sed ut formæ ; & sic ad minus inferiores orbes sunt animati .

10. Præterea . Ut in XI. Metaph. (com. xlviii.) Commentator dicit , substantiæ separatæ sunt in optima dispositione in qua esse possunt : & hoc est ut unaquæque earum moveat corpus cæleste & ut agens , & ut finis . Non autem hoc esset , nisi aliquo modo eis uniretur . Ergo corporibus cælestibus sunt unitæ substantiæ incorporeæ ; & sic corpora cælestia videntur esse animata .

11. Præterea . Commentator in eodem Libro (com. xlv.) expresse dicit , corpora cælestia animata esse .

12. Præterea . Nihil agit extra suam speciem : effectus enim non potest esse potior sua causa . Substantia autem vivens est melior non vivente , ut dicit Augustinus de vera relig. (cap. iv.) Cum ergo corpora cælestia causent vitam , maxime in animalibus ex putrefactione generatis , videtur quod corpora cælestia vivant , & sint animata .

13. Præterea . Commentator dicit in Lib. de substantia orbis (cap. xi.) quod motus circularis proprius est animæ . Maxime ergo videntur illa corpora esse animata quibus est naturalis circulariter moveri . Talia autem sunt corpora cælestia . Ergo corpora cælestia sunt animata .

14. Præterea . Laudare , narrare , & exultare , non convenit nisi rei animatæ , & cognoscenti . Sed præmissa attribuntur cælis in sacra Scriptura , secundum illud Psalm. cxviii. 4. *Laudate eum cæli colorem* : & Psalm. cxviii. 1. *Cæli enarrant gloriam Dei* : & Apocal. xviii. 20. *Exultate super eam cælum* . Ergo cæli sunt animati .

1. Sed contra est quod Damascenus dicit II. Lib. (cap. ix. 2.) *Nollus animatores cælos , vel luminaria existimare : inanimati enim , & inanimabiles sunt* .

2. Præterea . Anima unita corpori non separatur ab eo nisi per mortem . Sed corpora cælestia non possunt esse mortalia , cum sint incorruptibilia . Ergo si aliquæ sub-

stantiæ spirituales uniantur eis ut animæ , perpetuo erunt eis alligatæ : & hoc videtur inconveniens quod aliqui Angeli perpetuo aliquibus corporibus deputentur .

3. Præterea . Cælestis societas beatorum ex Angelis , & animabus constat . Sed cælorum animæ , si sunt cæli animati , sub nervosa parte continentur . Ergo aliquæ creaturæ rationales essent quæ non possent esse participes beatitudinis ; quod videtur inconveniens .

4. Præterea . Omnis creatura rationalis secundum suam naturam considerata potest peccare . Si igitur aliquæ rationales creaturæ sunt corporibus cælestibus unitæ , nihil prohibuit aliquam earum peccasse ; & sic sequeretur quod aliquod cælestium corporum moveretur a malo spiritu ; quod videtur absurdum .

5. Præterea . Bonorum spirituum suffragia implorare debemus . Si igitur spiritus aliqui corporibus cælestibus sunt uniti ; cum non sit conveniens ponere eos malos , sed oporteat eos bonos ponere , utpote in administratione naturæ corporum Deo servientes , sequeretur quod eorum suffragia essent imploranda . Videretur autem absurdum , si quis diceret : Sol , & Luna ora pro me . Non est ergo ponendum spiritus aliquos corporibus cælestibus esse unitos .

6. Præterea . Anima continet corpus cui unitur , secundum Philosophum in I. de Anima (com. xc.) Si igitur corpora cælestia sunt animata , sequeretur quod aliqua substantia spiritalis creata contineat totum cælum , quod est absurdum ; cum hoc solius sapientiæ increatæ sit , ex cuius persona dicitur Eccli. xxiv. 8. *Cyrum cæli circumivi sola* .

Respondeo dicendum , quod circa hanc questionem fuerunt diversæ opiniones tam inter antiquos Philosophos , quam etiam inter doctores ecclesiasticos . Anaxagoras autem existimavit corpora cælestia esse inanimata : unde ab Atheniensibus occisus est : dixit enim , Solem esse lapidem accensum . Plato vero , & Aristoteles , & eorum sequaces posuerunt corpora cælestia esse animata . Similiter inter doctores Ecclesiæ Origenes (I. Periact. cap. vii.) posuit corpora cælestia animata : quem secutus est Hieronymus , ut patet in quadam Glossa super illud Eccli. 1. *Lastrati universa in circuitu pergis spiritus* . Damascenus vero (II. Lib. cap. vi.) asserit corpora cælestia inanimata esse , ut patet in auctoritate inducta . Augustinus vero relinquit sub dubio in II. super Genesim ad litteram (cap. xv.) &

in Enchir. (cap. lvi. et lvi.) Utraque autem opinio rationem probabilioris habet. Consideratio enim nobilitatis corporum celestium inducit ad ponendum ea esse animata, cum io rerum genere viventia omnibus non viventibus preferantur; sed consideratio nobilitatis substantiarum spiritualium ad contrarium non inducit. Non enim superiores spirituales substantiae habere possunt de operibus animarum nisi quae pertinent ad intellectum: quia aliae operationes vitae sunt actus animarum inquantum est forma corporis corruptibilis, & transmutabilis: cum quaedam enim transmutatione, & alteratione corporali sunt: nec intellectus superiorum substantiarum indigere videtur ut a sensibilibus cognitionem accipiat, sicut intellectus noster. Si ergo nulla est in eis de operationibus vitae nisi intelligere, & velle, quae non indigent organo corporali: earum dignitas unionem ad corpus excedere videtur. Harum autem duarum considerationum se quoda effacior est quam prima. Ubi eoim corporis & animae non est propter corpus, ut corpus scilicet nobilitetur, sed propter animam, quae indiget corpore ad sui perfectionem, sicut supra dictum est. Si quis autem magis intime consideret, forte inveniet in his duabus opinionibus aut nullam, aut modicam dissonantiam: esse: quod sic intelligendum est. Non enim potest dici, quod motus corporis celestis consequatur aliquam formam corpoream, sicut motus sursum consequitur formam ignis. Manifestum est enim quod una forma naturalis non inclinatur nisi ad unum. Ratio autem motus repugnat unitati, quia de ratione motus est quod aliquid aliter se habeat nunc & prius: unde non inclinatur forma naturalis ad motum propter ipsum motum, sed propter esse in aliquo ubi, quo adeptio quiescit motus: & sic accideret in motu caeli, si consequeretur aliquam formam naturalem. Oportet igitur dicere, quod motus caeli sit ab aliqua substantia intelligente. Nam finis huius motus non potest esse nisi quoddam bonum intelligibile abstractum, propter quod movet substantia intellectualis, quae movet caelum, ut scilicet assequatur eius similitudinem in operando, & ut explicet in actu id quod virtute contineatur in illo intelligibili bono, & praecipue completio numeris elementorum, propter quos omnia alia esse videntur. Sic igitur erit duplex ordo substantiarum spiritualium. Quorum quaedam erunt motores caelestium corporum, & unientur eis sicut motores mobilibus, sicut & Augu-

stinus dicit in III. de Trinit. (cap. iv.) quod omnia corpora reguntur a Deo per spiritum vitae rationalem: & idem a Gregorio habetur in IV. dialogorum (cap. v.) Quaedam vero erunt fines horum motuum, quae sunt omnino abstractae, & corporibus non unitae. Aliae vero unientur corporibus caelestibus per modum quo motor unitur mobili. Et hoc videtur sufficere ad salvandum intentionem Platonis, & Aristotelis. De Platone quidem manifestum est: Platoni enim, sicut supra (art. 2.) dictum est, etiam corpus humanum non dixit aliter animatum, nisi inquantum anima unitur corpori ut motor. Et dictis vero Aristotelis manifestum est quod non possit in corporibus caelestibus de virtutibus animae nisi intellectualivam. Intellectus vero secundum ipsum nullius corporis actus est. Dicere autem ulterius, quod corpora caelestia hoc modo sint animata sicut inferiora corpora quae per animam vegetantur, & sensificantur, repugnat incorruptibilitati caelestium corporum. Sic igitur negandum est corpora caelestia esse animata eo modo quo ista inferiora corpora animantur, non est tamen negandum corpora caelestia esse animata, si per animationem nihil aliud intelligatur quam unionem motoris ad mobile. Et istos duos modos videtur Augustinus tangere in II. super Genesim ad litteram (cap. xviii.) dicens enim: *Solus quæri, utrum celi luminaria ista conspiciantur corpora sola sint, an habeant rectores quosdam spiritus suos; Et si habent, utrum ab eis etiam vitaliter inspirantur; sicut animantur carnes per animas animalium.* Sed licet ipse sub dubio utrumque relinquit, ut per sequentia patet; secundum præmissa dicendum est, quod habent rectores spiritus, a quibus tamen non sic animantur sicut inferiora animalia a suis animabus.

Ad primum ergo dicendum, quod corpus caeleste attingit substantias spirituales inquantum inferior ordo substantiarum spiritualium corporibus caelestibus unitur per modum motoris.

Ad secundum dicendum, quod secundum opinionem Averrois caelum est compositum ex materia & forma, sicut animal in inferioribus. Sed tamen materia utrobique aequivoce dicitur: nam in superioribus non est potentia ad omne, sicut in inferioribus, sed ad ubi tantum. Unde ipsum corpus actu existens est materia, nec indiget forma quod ei esse, cum sit ens actu, sed quod det ei motum solum. Et sic corpus caeleste habet nobiliorem formam quam corpus huma-

num, sed alio modo. Si autem dicatur, sicut alii dicunt, quod ipsum corpus caeleste est compositum ex materia, & forma corporali, tunc adhuc dici poterit, quod illa forma corporalis erit nobilissima in quantum est forma, & actus, quae implet totam potentialitatem materiae, ut non remaneat in ea potentialitas ad aliam formam.

Et per hoc etiam patet solutio ad tertium.

Ad quartum dicendum, quod corpus caeleste ex hoc quod movetur a spiritali substantia, sequitur quod habeat inclinationem ad ipsam, sicut ad motorem, & non aliter.

Et similiter dicendum ad quorum, & sextum.

Ad septimum dicendum, quod substantia spiritalis quae movet caelum, habet virtutem naturalem determinatam ad talis corporis motum. Et similiter corpus caeli habet naturalem aptitudinem ut tali motu moveatur. Et per hoc motus caeli est naturalis, licet sit a substantia intelligente.

Ad octavum dicendum, quod probabiliter dicitur, quod imperio voluntatis substantia spiritalis movet corpus caeleste: quamvis enim materia corporalis secundum formalem transmutationem non obediat ad nutum spiritui creato, sed soli Deo, ut Augustinus dicit in III. de Trinitate. (cap. VIII.) tamen quod ei obedire ad nutum possit secundum transmutationem localem, etiam in nobis apparet, in quibus statim ad imperium voluntatis sequitur motus corporum membrorum. Si tamen supra imperium voluntatis addatur etiam influxus virtutis, non propter hoc sequitur fatigatio ex finire virtutis: quolibet enim virtus superioris (a) ordinis, licet sit finita in se, & respectu sui superioris, est tamen infinita respectu suorum inferiorum; sicut etiam virtus Solis est infinita respectu generalium, & corruptibilium, per quorum productionem, etiam si in infinitum esset, non minoraretur. Et similiter virtus intellectus est infinita respectu formarum sensibilium: & sic etiam virtus substantiae spiritalis quae movet caelum, est infinita respectu motus corporalis: unde non sequitur in ea fatigatio.

Ad nonum dicendum, quod anima quae movet animalia corruptibilia, unitur eis secundum esse; sed substantia spiritalis quae

movet caelestia corpora, unitur eis secundum moveri tantum. Unde moveri per accidens attribuitur animae corruptibilis animalis ratione sui ipsius: oportet enim quod motu corpore, cum quo est unum secundum esse, ipsamet per accidens moveatur. Sed moveri per accidens attribuitur motori inferioris orbis, non ratione sui ipsius, sed ratione nobilis, in quantum scilicet inferior orbis movetur per accidens, ut delatus motu superioris. Motor vero superioris orbis neutro modo per accidens movetur: quia orbis eius non defertur, sed alios defert.

Ad decimum dicendum, quod super hoc invenitur Averroes varie locutus. In Libro enim de substantia orbis (cap. 2.) dixit, quod idem est quod movet corpora caelestia ut agens, & finis; quod quidem est valde erroneum, praesertim secundum eius opinionem, quia ponit quod (b) prima causa non est supra substantias moventes primum caelum. Sic enim sequitur quod Deus sit anima primi caeli, secundum quod substantia quae movet primum caelum ut agens, dicitur anima eius. Et ratio quia hoc dixit, est valde insufficiens: quia enim in substantiis separatis a materia est idem intellectus, & intellectum, existimavit quod sit idem desiderans, & desideratum; quod non est simile. Nam cognitio cuiuslibet rei sit secundum quod cognitum est in cognoscente; desiderium autem sit secundum conversionem desiderantis ad rem desideratam. Si autem bonum desideratum iocesset desideranti ex seipso, non competere ei quod moveret ad consequendum bonum desideratum. Unde oportet dicere quod bonum desideratum, quod movet ut finis, est aliud a desiderante, quod movet ut agens. Et hoc etiam idem dicit in comment. XI. Metaph. (com. xli. & xxxvii.) ponit enim ibi duos motores: unum coniunctum, quem vocat animam; & aliud separatum, qui movet ut finis. Tamen ex toto hoc non habetur amplius quam quod substantia spiritalis unitur corpori caelesti ut motor.

Ad undecimum dicendum, quod corpora caelestia dicit esse animata, quia substantiae spirituales utuntur ei ut motores, & non ut formae: unde super VII. Metaph. (com. xxxi.) dicit, quod virtus formativa feminis non agit nisi per calorem qui est in semine; non ita quod sit forma in eo, sicut anima in calore naturali, sed ita quod

(a) d. virtutis ordinis. (b) d. prima causa est supra substantias moventes primum caelum.

quod sit ibi inclusa, sicut anima est inclusa in corporibus caelestibus.

Ad duodecimum dicendum, quod corpus caeleste, in quantum movetur a substantia spirituali, est instrumentum eius; & ita movetur in virtute substantiae spiritualis ad causandum vitam in istis inferioribus, sicut terra agit in virtute artis ad causandum arcam.

Ad decimumtertium dicendum, quod ex illa ratione amplius haberi non potest quam quod corpora caelestia a substantiis spiritualibus moveantur.

Ad decimumquartum dicendum, quod secundum Damascenum caeli dicuntur enarrare gloriam Dei, laudare, & exultare materialiter, in quantum sunt hominibus materia laudandi, vel enarrandi, vel exultandi. Similia enim inveniuntur in Scripturis de montibus, & collibus, & aliis inanimatis creaturis.

Ad primum vero eorum quae in contrarium obiciuntur, dicendum, quod Damascenus removet corpora caelestia esse animata, ita quod substantiae spirituales uniantur eis ut formae, sicut corruptibilibus animalibus.

Ad secundum dicendum, quod unus Angelus deputatur ad custodiam unius hominis quamdiu vivit. Unde non est inconveniens si deputatur ad movendum caeleste corpus quamdiu movetur.

Ad tertium dicendum, quod si corpora caelestia sunt animata, spiritus eis praesidentes in societate Angelorum computantur: unde Augustinus dicit in Enchir. (cap. lxxiii.) *Nec illud certum habeo, utrum ad societatem Angelorum pertineant Sol, & Luna, & cuncta sidera; quamvis nonnullis lucida esse corpora, non tamen sensitiva, vel intellectiva videantur.*

Ad quartum dicendum, quod in hoc nihil est dubitatio, si sequamur opinionem Damasceni; (Lib. II. cap. xv.) ponentis, Angelos qui peccaverunt, de numero eorum fuisse qui corporibus corruptibilibus praesentur. Si vero secundum sententiam Gregorii (homil. xxxiv. in Evang.) etiam de superioribus aliqui peccaverunt, dicendum, quod Deus eos quos ad hoc ministerium deputavit, custodivit a casu, sicut & plurimos aliorum.

Ad quintum dicendum, quod non dicimus, Ora pro me Sol: quia substantia spiritualis non unitur corpori caeli ut forma, ut motor tantum; ut auferatur idololatris occasio.

Ad sextum dicendum, quod secundum Philosophum in IV. Physicorum, motor caeli est in aliqua parte eius, & non in toto; & sic non circuit gyrum caeli. Secus autem est de anima, quae dat esse corpori secundum totum, & partes.

ARTICULUS VII.

Utrum substantia spiritualis corpori aereo uniat.

Sextimo quaeritur, utrum substantia spiritualis corpori aereo uniat. Et videtur quod sic. Dicit enim Augustinus III. super Genes. ad litteram (cap. x.) & IV. de civit. Dei, quod demones habent corpora aerea. Sed demones sunt substantiae spirituales. Ergo substantia spiritualis corpori aereo uniat.

2. Praeterea. Augustinus in Lib. de divinatione demonum (cap. iij.) dicit, quod demones subtilitate aerei corporis sensum humanum transcendunt. Hoc autem non esset, nisi aereo corpori naturaliter unirentur. Ergo substantiae spirituales aereo corpori uniantur.

3. Praeterea. Medium non discrepat ab extremis. Sed in regione caelestium corporum invenitur vita secundum ponentes corpora caelestia animata; in regione autem terrae invenitur vita in animalibus, & plantis. Ergo & in regione media, quae est aëris, invenitur vita. Nec hoc potest referri ad vitam avium, quia aves ad modicum spatium aeris supra terram elevantur; nec videretur conveniens quod totum aliud spatium aeris vacuum vita remaneret. Oportet ergo ponere, ut videtur, ibi esse aliqua aerea animalia: ex quo sequitur quod aliqua substantiae spirituales aereo corpori uniantur.

4. Praeterea. Nobilioris corporis nobilior est forma. Sed aer est nobilior corpus quam terra, cum sit formalis, & subtilior. Si ergo corpori terrestri, scilicet humano, unitur substantia spiritualis, quae est anima, multo fortius corpori aereo uniretur.

5. Praeterea. Eorum quae magis conveniunt, facilior est unio. Sed aer magis videtur convenire cum anima quam corpus commixtum, quale est corpus hominis: quia, ut Augustinus dicit super Genes. ad litteram (Lib. VII. cap. xv.) anima per aerem administrat corpus. Ergo magis nascitur uniri anima corpori aereo quam etiam corpori commixto.

6. Præterea. Dicitur in Lib. de substantia orbis: *Motus circularis proprius est animæ*: & hoc ideo quia anima, quantum est de se, indifferens est ut moveat in omeoem partem. Sed hoc etiam videtur aeri convenire: quia est cum levis levis, & cum gravis gravis. Ergo anima maxime videtur aeri uniri.

Sed contra. Anima est actus corporis organici. Sed corpus aerium non potest esse organicum: quia cum non sit terminabilis termino proprio, sed solum alieno, non est figurabilis. Ergo substantia spiritalis, quæ est anima, non potest corpori aereo uniri.

Respondeo dicendum, quod impossibile est substantiam spirituales corpori aereo uniri: quod potest manifestari tripliciter. Primo quidem quia inter omnia alia corpora, corpora simplicia elementorum sunt imperfectiora, cum sint materialia respectu omnium aliorum corporum: unde non est conveniens secundum rationem ordinis rerum quod alicui corpori simpliciter elementari spirituales substantia uniatur ut forma. Secunda ratio est, quia aer est corpus simile in toto, & in omnibus suis partibus: unde si alicui parti aeris uniatur aliqua spiritalis substantia, eadem ratione & tota aeri uniatur, & similiter cuilibet alteri elemento; quod videtur absurdum. Tertia ratio est, quod substantia spiritalis dupliciter alicui corpori iovenitur uniri. Uno modo ad exhibendum corpori motum, sicut dictum est, quod corporibus celestibus spirituales substantiæ uniuntur. Alio modo ut substantia spiritalis per corpus uniatur ad propriam suam operationem, quæ est intelligere, sicut anima humana uniatur corpori, ut per sensus corporeos scientias acquirat. Aeri autem substantia spiritalis non potest uniri neque ratione motus, quia aer est connaturalis motus quidam, qui consequitur formam eius naturalem; nec invenitur aliquis motus aut in toto aere, aut in aliqua eius parte, qui non possit reduci in aliquam causam corporalem: unde ex motu eius non apparet quod aliqua substantia spiritalis ei uniatur. Neque etiam uniatur spirituales substantia corpori aereo propter perfectionem intellectuales operationis: corpus enim simplex non potest esse instrumentum sensus, ut probatur in Lib. de Anima (Lib. II. com. cxxix. & Lib. III. com.

S. Tb. Oper. Tom. XV.

lxxx.) Unde relinquatur quod spiritalis substantia nullo modo (a) aere corpori uniatur.

Ad primum ergo dicendum, quod ubicumque Augustinus dicit dæmones habere aerea corpora, non loquitur asserendo quasi ex sententia propria, sed secundum opinionem aliorum: unde dicit io XXI. de civit. Dei (cap. x.) *Sunt quedam sua etiam dæmonibus corpora, sicut doctis hominibus visum est, ex isto aere crasso, atque humido. Si autem nulla quisquam habere corpora dæmones asserat, non est de hac re aut laborandum operosa inquisitione, aut contentiosa disputatione certandum.*

Et per hoc patet solutio ad secundum.

Ad tertium dicendum, quod in inferiori regione, scilicet circa terram, est locus mixtionis elementorum. Corpora autem mixta quanto magis ad æqualitatem mixtionis perveniunt, tanto magis recedunt ab extremis contrariorum, & sic quamdam similitudinem consequuntur celestium corporum, quæ sunt sine contrarietate. Et sic patet quod vita magis potest esse in suprema, & infima regione quam in media; præsertim cum in istis inferioribus tanto aptius est corpus ad vitam, quanto propinquius fuerit æqualitati complexionis.

Ad quartum dicendum, quod corpus aeris est nobilius quam terra; sed corpus æqualis complexionis est nobilior utroque, quasi magis elongatum a contrarietate: & hoc solum invenitur substantiæ spiritali uniri, in quo tamen inferiora elementa plus necesse est abundare materialiter ad æqualitatem constituendam, propter excessum æthereæ virtutis in aliis elementis.

Ad quintum dicendum, quod anima dicitur administrare corpus suum per aerem quantum ad motum, quia est susceptibilior motus aliis corporibus spissis.

Ad sextum dicendum, quod aer non est indifferens ad omnem motum, sed respectu quorundam est levis, respectu aliorum gravis: unde ex hoc non habetur quod sit per se habile per animam.

T t A R.

{a} *Al. deß aere.*

ARTICULUS VIII.

Utrum omnes Angeli differant specie ab invicem.

OCTAVO queritur, utrum omnes Angeli differant specie ab invicem. Et videtur quod non. Dicit enim Augustinus in *Enchir.* *Creatura rationalis que in hominibus erat, quoniam peccatis, atque suppliciis tota perierat, ex parte reparari meruit.* Ex quo sic arguitur. Si omnes Angeli ab invicem differunt secundum naturam speciei, pluribus Angelis irreparabiliter cadentibus, plures naturæ irreparabiliter perissent. Sed hoc non patitur divina providentia ut aliqua natura rationalis ex toto pereat, ut patet ex auctoritate inducta. Ergo non omnes Angeli differunt ab invicem secundum naturam speciei.

2. Præterea. Quanto sunt aliqua propinquiora Deo, in quo nulla est diversitas, tanto minus sunt diversa. Angeli autem secundum ordinem naturæ propinquiores sunt Deo quam homines. Magis vero diversa sunt ab invicem quæ differunt numero, & specie, quam quæ differunt numero, & conveniunt in specie. Cum ergo homines non differant specie, sed numero solum, videtur quod nec Angeli specie differant.

3. Præterea. Convenientia aliorum in formali principio facit aliqua idem esse specie; differentia vero in principio materiali, facit differre numero solum. In Angelis autem ipsum esse habet ut formale ad essentiam Angeli, ut supra (art. 1.) dictum est. Cum ergo omnes Angeli conveniant in esse, differant vero secundum essentiam, videtur quod Angeli non differant specie, sed numero solo.

4. Præterea. Omnis substantia subsistens cerata, est individuum contentum sub aliqua natura communi speciei; ita quod si individuum sit compositum, natura speciei prædicabitur de eo secundum rationem compositi; si vero individuum fuerit simplex, natura speciei prædicabitur de eo secundum simplices rationes. Angelus autem est substantia creata subsistens. Sive ergo sit compositus ex materia & forma, sive simplex, oportet quod contineatur sub aliqua natura speciei. Sed naturæ speciei non derogat quod possit habere plura supposita: similiter etiam nec individuum sub ea existenti derogat, si habeat aliquod secum compar in eadem specie. Ergo videtur quod possibile sit esse

plures Angelos unius speciei. In perpetuis autem non differunt esse, & posse, ut dicitur in III. Physic. (com. xxxii.) Ergo in Angelis sunt plura individua unius speciei.

5. Præterea. In Angelis est perfectio dilectio. Nihil ergo eis subtrahendum est quod ad perfectionem dilectionis pertineat. Sed quod sint plures unius speciei, pertinet ad perfectionem dilectionis: quia omnia animalia unius speciei naturaliter se invicem diligunt, secundum illud Eccli. xiiii. 19. *Omne animal diligit simile sibi.* Ergo in Angelis sunt plures unius speciei.

6. Præterea. Cum sola species definiatur, secundum Boetium, quæcumque in definitione conveniunt, videntur in specie convenire. Sed omnes Angeli conveniunt in illa definitione quam Damascenus ponit in III. Lib. *Angelus est substantia intellectualis, semper mobilis, arbitrio libera, incorporea, Deo ministrans, secundum gratiam, non natura immortalitatem suscipiens.* Ergo omnes Angeli sunt unius speciei.

7. Præterea. Angeli secundum ordinem naturæ sunt propinquiores Deo quam homines. Sed in Deo sunt tres personæ unius naturæ secundum numerum. Cum ergo in hominibus sint plures personæ unius naturæ secundum speciem, videtur quod multo fortius in Angelis sint plures personæ in una natura speciei convenientes.

8. Præterea. Gregorius dicit (homil. xxxiv. in Evang.) quod in illa celesti patria, ubi plenitudo boni est, licet quædam data sint excellenter, nihil tamen possidet singulariter: omnia enim in omnibus sunt, non quidem æqualiter, quia aliqui aliis sublimius possident quæ tamen omnes habent. Non est ergo differentia in Angelis nisi secundum magis & minus. Sed magis & minus non diversificant speciem. Ergo Angeli non differunt specie.

9. Præterea. Quæcumque conveniunt in nobilissimo, conveniunt in specie: quia nobilissimum est quod ponitur sub specie quam quod ponitur sub genere: est enim differentia specifica formalis respectu generis. Sed omnes Angeli conveniunt in nobilissimo quod in eis est, scilicet in natura intellectuali. Ergo omnes Angeli conveniunt in specie.

10. Præterea. Si aliquid genus dividatur per duas differentias, quarum una altera sit imperfectior, sicut irrationalis per plures differentia imperfectior magis est multiplicabilis quam perfectior; species

cies multiplicatur quam rationale. Substantia autem spiritualis dividitur per unibile, & non unibile: unibile autem corpori est imperfectio in spiritualibus substantiis. Cum ergo substantia spiritualis unibilis corpori, scilicet anima humana, non distinguitur in multas species, multo fortius substantia spiritualis non unibilis, scilicet Angelus, non multiplicatur per multas species.

11. Præterea. Bonifacius Papa dicit, quod ministraciones in Ecclesia militanti sunt ad exemplum celestis militiæ, in qua Angeli differunt in ordine, & potestate. Sed in Ecclesia militanti different ordinis, & potestatis non facit homines differre secundum speciem. Ergo nec in celesti militiæ Angelorum Angeli speciei differunt, qui sunt diversorum ordinum, vel hierarchiarum.

12. Præterea. Sicut inferiora elementa sunt ornata plantis, & animalibus, & celum fidereum stellis, & Sole, & Luna, ita etiam celum empyreum ornatum est Angelis. Sed in plantis, & animalibus inveniuntur multa eiusdem speciei: similiter etiam videtur quod omnes stellæ sint unius speciei, quia communicant in una forma nobilissima, quæ est lux. Ergo videtur par ratione quod vel omnes Angeli, vel aliqui conveniant in una specie.

13. Præterea. Si plures Angeli non possunt convenire in una specie, hoc non est nisi quia in eis non est materia. Sed remotio materiæ non solum tollit pluralitatem individuum, sed etiam unitatem: quia individuum non ponitur sub specie nisi per materiam, quia materia est individuationis principium. Si ergo necesse est poni Angelos esse individua quædam, pari etiam ratione poni poterit quod sint plures in una specie.

14. Præterea. In his quæ sunt separata a materia, idem est intellectus, & intelligens, secundum Philosophum (Lib. III. de Anima text. xv.) Si igitur Angeli essent sine materia, demeresset Angelus intellectus, & Angelus intelligens. Quælibet Angelus intelligit Angelum quemlibet. Ergo sequeretur quod non esset nisi unus Angelus: quod est falsum. Non est ergo ponendum quod Angeli sint sine materia; & ita neque ponendum est quod omnes Angeli differant specie.

15. Præterea. Numerus est speciei quantitas, quæ non est sine materia. Si ergo in Angelis non esset materia, non esset in

eis numerus; quod est falsum. Ergo idem quod prius.

16. Præterea. In his quæ sunt sine materia, non est multiplicatio nisi secundum causam, & causatum, ut Rabbi Moyses dicit. Si igitur Angeli sunt sine materia, aut non est in eis multitudo, aut unum est causa alterius; quorum utrumque est falsum. Ergo idem quod prius.

17. Præterea. Creatura a Deo funditur, ut in eis divina bonitas repræsentetur. Sed in una specie Angeli repræsentatur divina bonitas perfectius quam in una specie hominis. Non ergo oportet ponere plures species Angelorum.

18. Præterea. Diversæ species secundum differentias específicas differunt, quæ ex opposito dividuntur. Non possunt autem designari tot differentiæ specierum oppositæ, quanta ponitur multitudo Angelorum. Non ergo omnes Angeli differunt specie.

Sed contra. Si aliqui Angeli in specie conveniant, maxime hæc videtur de illis qui sunt unius ordinis. Sed illi qui sunt unius ordinis, non conveniunt in specie, cum in eodem ordine sint primi, medi, & ultimi, ut Dionysius dicit x. cap. angelicæ Hierar. Species autem non prædicatur de suis individuis secundum prius, & posterius, ut dicitur in III. Metaphys. (com. xt.) Non ergo sunt plures Angeli unius speciei.

Præterea. Illa sola videntur multiplicari secundum numerum in una specie quæ sunt corruptibilia; ut natura speciei, quæ non potest conservari in uno, conservetur in pluribus. Sed Angeli sunt incorruptibiles. Ergo non sunt plures Angeli unius speciei.

Præterea. Multiplicatio individuum in una specie est per divisionem materiæ. Sed Angeli sunt immateriales: quia, ut Augustinus dicit XII. Confess. (cap. vii. in fin.) materia est prope nihil, Angeli autem prope Deum. Ergo in Angelis non est multiplicatio individuum in eadem specie.

Respondeo dicendum, quod circa hanc questionem diversimode aliqui sunt locuti. Quidam enim dixerunt, quod omnes spirituales substantiæ sunt unius speciei; alii vero, quod omnes Angeli unius hierarchie, aut etiam unius ordinis; alii autem, quod omnes Angeli ab invicem specie differunt: quod & mihi videtur propter tres rationes. Prima sumitur ex conditione substantiarum. Necesse est enim dicere, quod vel

sint formæ simplices subsistentes absque materia, ut supra (art. 1.) habitum est; vel quod sint formæ compositæ ex materia & forma. Si autem Angelus est forma simplex, abstracta a materia, impossibile est etiam fingere quod sint plures Angeli unius speciei: quia quæcumque forma, quantumcumque materialis, & infima, si ponatur abstracta vel secundum esse, vel secundum intellectum, non remanet nisi una in specie una. Si enim intelligatur albedo absque omni subiecto subsistens, non erit possibile ponere plures albedines; cum videamus quod hæc albedo non differt ab alia nisi per hoc quod est in hoc vel in illo subiecto: & similiter si esset humanitas abstracta, non esset nisi una tantum. Si vero Angelus sit substantia ex materia & forma composita, necesse est dicere, quod materiæ diversorum Angelorum sint aliquo modo distinctæ. Distinctio autem materiæ a materia non invenitur nisi duplex. Una secundum propriam rationem materiæ; & hæc est secundum habitudinem ad diversos actus: cum enim materia secundum propriam rationem sit in potentia, potentia autem ad actum dicatur, necesse est quod secundum ordinem actuum attendatur distinctio in potentiis, & materiis: & hoc modo materia inferiorum corporum, quæ est potentia ad esse, differt a materia cælestium corporum, quæ est potentia ad ubi. Secunda distinctio materiæ est secundum divisionem quantitatis, prout materia existens sub his dimensionibus distinguitur ab ea quæ est sub aliis dimensionibus. Et prima quidem materiæ distinctio facit diversitatem secundum genus: quia secundum Philosophum in V. Metaph. (Lib. IV. com. xxxiii.) genere differunt secundum materiam (a) diversa. Secunda autem distinctio materiæ facit diversitatem individuum in eadem specie. Hæc autem secunda distinctio materiæ non potest esse in diversis Angelis, cum Angeli sint incorporei, & omnino absque dimensionibus quantitativis. Relinquitur ergo, si sint plures Angeli compositi ex materia & forma, quod sit in eis distinctio materiarum secundum primum modum; & ita sequitur quod non solum specie, sed & genere differunt.

Secunda ratio sumitur ex ordine universi. Manifestum est enim quod duplex est bonum universi: quoddam separatim, scilicet Deus, qui est sicut dux in exercitu; & quoddam

in ipsis rebus, & hoc est ordo partium universi, sicut ordo partium exercitus dicit bonum exercitus. Unde Apostolus dicit Rom. xiii. 1. (b) *Quæ a Deo sunt, ordinata sunt*. Oportet autem quod superiores universi partes magis de bono universi participant, quod est ordo. Perfectius autem participant ordinem ea in quibus est ordo per se, quam ea in quibus est ordo per accidens tantum. Manifestum est autem quod in omnibus individuis unius speciei non est ordo nisi secundum accidens: conveniunt enim in natura, & differunt secundum principia individuantia, & diversa accidentia, quæ per accidens se habent ad naturam speciei. Quæ autem specie differunt, ordinem habent per se, & secundum essentialia principia. Invenitur enim in speciebus rerum una abundare super aliam, sicut & in speciebus numerorum, ut dicitur in VIII. Metaph. (com. 2.) In istis autem inferioribus, quæ sunt generabilia, & corruptibilia, & infima pars universi, & minus participant de ordine, invenitur non omnia diversa habere ordinem per se; sed quædam habent ordinem per accidens tantum, sicut individua unius speciei. In superiori autem parte universi, scilicet in corporibus cælestibus, non invenitur ordo per accidens, sed solum per se, cum omnia corpora cælestia ab invicem specie differant, nec sint in eis plura individua unius speciei, sed unus tantum Sol, & una Luna, & sic de aliis. Multo ergo magis in suprema parte universi non inveniuntur aliqua ordinata per accidens, & non per se. Et sic relinquitur quod omnes Angeli ab invicem specie differunt secundum maiorem & minorem perfectionem formatum simpliciter, ex maiori vel minori propinquitate ad Deum, qui est actus purus, & infinitæ perfectionis.

Tertia vero ratio sumitur ex perfectione naturæ angelicæ. Perfectum enim dicitur unumquodque quando nihil deest ei eorum quæ ad ipsum pertinent: & huius quidem perfectionis gradus ex extremis eorum perpendi potest. Deo enim, qui est in supremo perfectionis, nihil deest eorum quæ pertinent ad rationem totius esse: præliabit enim in se omnes rerum perfectiones simpliciter, & excellenter, ut Dionysius (cap. t. myst. Theologiæ, & cap. v. de div. Nomin.) Individuum autem aliquid in infima parte rerum, quæ continet generabilia, & cor-

(a) *id. diversam.* (b) *Vulgata: Quæ a Deo sunt, a Deo ordinata sunt.*

& corruptibilia, perfectum invenitur ex eo quod habet quicquid ad se pertinet secundum rationem individuationis suae, non autem quicquid pertinet ad naturam suae speciei, cum natura suae speciei etiam in aliis individuis invenitur. Quod manifeste ad imperfectionem pertinere apparet, non solum in animalibus generabilibus, in quibus unum indiget alio suae speciei ad convictum; sed etiam in omnibus animalibus ex femine quacunque generatis, in quibus mas indiget femina suae speciei ad generandum; & ulterius in omnibus generabilibus, & corruptibilibus, in quibus necessaria est multitudo individuum unius speciei, ut natura speciei, quae non potest perpetuo conservari in uno individuo propter eius corruptibilitatem, conservetur in pluribus. In parte autem superiori universi invenitur altior gradus perfectionis; ibi unum individuum, ut sol, scilicet est perfectum, ut nihil ei desit eorum quae ad propriam speciem pertinent. Unde & tota natura speciei concluditur sub uno individuo: & similiter est de aliis corporibus celestibus. Multo ergo magis in suprema parte rerum creatarum, quae est Deo propinquissima, scilicet in Angelis, haec perfectio invenitur, ut nui individuum nihil desit eorum quae ad totam speciem pertinent; & sic non sint plura individua in una specie. Deus vero, qui est in summo perfectionis, cum nullo alio convenit non solum in specie, sed nec in genere, nec in alio predicato univoce.

Ad primum ergo dicendum, quod Augustinus loquitur ibi de natura angelica, & humana, non secundum quod considerantur in esse naturali, sed secundum quod ordinantur ad beatitudinem: sic enim aliqui in natura angelica, & humana perierunt. Quantum autem ad ordinem beatitudinis natura humana dividitur contra totam naturam angelicam: quia tota natura angelica uno modo nata est pervenire ad beatitudinem, vel ab ea deficere irreparabiliter, scilicet statim ad primam electionem; natura vero humana per decursum temporis. Et ideo loquitur ibi Augustinus de omnibus Angelis sicut de una natura, propter unum modum ordinis ad beatitudinem, licet differant secundum speciem naturae.

Ad secundum dicendum, quod cum inquiratur de differentia, vel convenientia speciei, est consideratio de rebus secundum naturas ipsarum: & secundum hoc non est loquendum de omnibus Angelis, sicut de natura una Deo propinquissima; sed solus primus

Angelus erat secundum hoc naturae Deo propinquissima: in qua quidem natura est minima diversitas, quia nec secundum speciem, nec secundum numerum.

Ad tertium dicendum, quod ipsum esse se habet ut actus tam ad naturas compositas, quam ad naturas simplices. Sicut ergo in naturis compositis species non sumitur ab ipso esse, sed a forma: quia species praedicatur in quid est, esse autem pertinere videtur ad questionem an est: sic nec in substantiis angelicis species sumitur secundum ipsum esse, sed secundum formas simplices subsistentes; quarum differentia est secundum ordinem perfectionis, ut dictum est.

Ad quartum dicendum, quod sicut forma quae est in subiecto, vel materia, induitur per hoc quod est esse in hoc; ita forma separata individuatur per hoc quod est nata in aliquo esse. Sicut enim esse in hoc excludit communitatem universalem quod praedicatur de multis; ita non posse esse in aliquo. Sicut ergo haec albedo non prohibetur habere sub se multa individua ex hoc quod est albedo, quod pertinet ad rationem speciei, sed ex hoc quod est in hoc, quod pertinet ad rationem individui; ita natura huius Angeli non prohibetur esse in multis ex hoc quod est natura in tali ordine rerum, quod pertinet ad rationem speciei; sed ex hoc quod non est nata recipi in aliquo subiecto, quod pertinet ad rationem individui.

Ad quintum dicendum, quod cum affectio sequatur cognitionem, quanto cognitio est universalior, tanto affectio eam sequens magis respicit commune bonum; & quanto cognitio est magis particularis, tanto affectio ipsam sequens magis respicit privatum bonum: unde & in nobis privata dilectio ex cognitione sensitiva exoritur, dilectio vero communis, & absoluti boni ex cognitione intellectiva. Quia ergo Angeli quanto sunt altiores, tanto habent scientiam magis universalem, ut Dionysius dicit xii. cap. angelicae Hierar. ideo eorum dilectio maxime respicit commune bonum. Magis ergo diligunt se invicem, si specie differunt, quod magis pertinet ad perfectionem universi, ut ostensum est (in corp. art.) quam si in specie conveniunt, quod pertinet ad bonum privatum unius speciei.

Ad sextum dicendum, quod substantias separatas non potest anima nostra corpori unita secundum essentias earum intelligere, ut sciat de eis quid sunt: quia earum essentiae excedunt genus sensibilem naturarum, & ea.

& earum proportionem, ex quibus intellectus noster cognitionem capit. Et ideo substantiæ separatae non possunt definiti a nobis proprie, sed solum per remotionem, vel aliquam operationem ipsarum : & hoc modo Damascenus definit Angelum non definitione pertinente ad speciem specialissimam, sed ad genus subalternum, quod est genus, & species : unde definiti potest.

Ad septimum dicendum, quod modus distinctionis personarum divinarum est absque essentiae diversitate ; quod non patitur natura creata : & ideo non est hoc ad consequentiam trahendum in creaturis.

Ad octavum dicendum, quod magis & minus dupliciter accipitur. Uno modo secundum diversum modum participationis unius & eiusdem formæ, sicut magis album dicitur magis clarum quam minus album ; & sic magis & minus non diversificant speciem. Alio modo dicitur magis & minus secundum gradum diversarum formarum, sicut album dicitur magis clarum quam rubrum, aut viride ; & sic magis & minus diversificant speciem : & hoc modo Angeli differunt in donis naturalibus secundum magis & minus.

Ad nonum dicendum, quod illud quod constituit in specie, est nobilior eo quod constituit in genere, sicut determinatum indeterminato : habet enim se determinatum ad indeterminatum ut actus ad potentiam ; non autem ita quod semper illud quod constituit in specie, ad nobiliorem naturam pertineat, ut patet in speciebus animalium irrationalium : non enim constituuntur huiusmodi species per additionem alterius naturæ nobilioris supra naturam sensitivam, quæ est nobilissima in eis ; sed per determinationem ad diversos gradus in illa natura. Et similiter dicendum est de intellectuali, quod est commune in Angelis.

Ad decimum dicendum, quod hoc non videtur esse universaliter verum, quod imperfectior differentia generis in plures species multiplicetur. Corpus enim dividitur per animatum, & inanimatum ; plures tamen videntur esse species animatorum corporum quam inanimatorum, præcipue si corpora cælestia sint animata, & omnes stellæ ad invicem specie differant. Sed & in plantis, & in animalibus est maxima diversitas specierum. Ut tamen huius rei veritas investigetur, considerandum est, quod Dionysius Platonici contrariam sententiam proferre videtur. Dicunt enim Platonici, quod substantiæ quosunt primo uni-

propinquiores, eo sunt minoris numeri. Dionysius vero dicit in xiv. cap. angelicæ Hierarchiæ, quod Angeli omnem materiam multitudinem transcendant. Utrumque autem verum esse, aliqua potest ex rebus corporalibus percipere, in quibus quanto corpus aliquod invenitur superius, tanto minus habet de materia, sed in maiorem quantitatem extenditur. Unde cum numerus quodammodo sit causa quantitatis continuæ, secundum quod punctum constituit unitas, & punctus lineam, ut more Platoniorum loquamur ; ita est etiam in totarum universitate, quod quanto aliqua sunt superiora in entibus, tanto plus habent de formali multitudine, quæ attenditur secundum distinctionem specierum ; & in hoc salvatur dictum Dionysii : minus autem de multitudine materiali quæ attenditur secundum distinctionem individuorum in eadem specie ; in quo salvatur dictum Platoniorum. Quod autem est una sola species animalis rationalis multis existentibus speciebus irrationalium, ex hoc provenit, quia animal rationale constituitur ex hoc quod natura corporea attingit in sui supremam naturam substantiarum spiritualium in sui infimo. Supremus autem gradus aliusque naturæ, vel etiam infimus, est unum tantum, quamvis possit dici, plures esse species rationalium animalium, si aliquis poveret corpora cælestia animata.

Ad undecimum dicendum, quod homines continentur inter creaturas corruptibiles, quæ sunt infima pars universi, in qua inveniuntur aliqua ordinata non solum per se, sed etiam per accidentia : & ideo in Ecclesiâ militanti diversitas secundum potentiam, & ordinem non diversificat speciem, secus autem est in Angelis, qui sunt suprema pars universi, ut dictum est. Est autem in hominibus Angelorum similitudo non perfecta, sed qualem esse contingit, ut dictum est.

Ad duodecimum dicendum, quod ornamenta terræ, & aquæ, quia corruptibilia sunt, requirunt multitudinem in eadem specie, ut dictum est. Corpora autem cælestia etiam sunt diversarum specierum, ut dictum est : lux enim non est forma substantialis eorum, cum sit qualitas per se sensibilis, quod de nulla forma substantiali dici potest : & præterea non est eiusdem rationis lux in omnibus ; quod patet ex hoc quod diversorum corporum superiorum radii diversos habent effectus.

Ad decimumtertium dicendum, quod in-

diver-

dividuatio in Angelis non est per materiam, sed per hoc quod sunt formæ per se subsistentes, quæ non sunt natæ esse in subsiecto, vel materia, ut dictum est.

Ad decimumquartum dicendum, quod antiqui Philosophi posuerunt, quod cognoscens debet esse de natura rei cognitæ: unde Empedocles dixit (Lib. I. de Anima apud Aristot.com. xxv.) quod terram terra cognoscimus, & aquam aqua. Sed ad hoc excludendum Aristoteles posuit (III. de Anima text. xiv.) quod virtus cognoscitiva in nobis, prout est in potentia, est denudata a natura cognoscibilium, sicut pupilla a colore; sed tamen sensus in actu est sensatum in actu, in quantum fit sensus in actu per hoc quod informatur specie sensibili: & eadem ratione intellectus in actu est intellectum in actu, in quantum informatur per speciem intelligibilem: non enim lapis est in anima, sed species lapidis, ut ipse dicit (III. de Anima text. xxxviii.). Ex hoc autem test ali quid intelligibile in actu, quod est a materia separatum: & idem eo dicit (III. de Anima text. com. xv.) quod in his quæ sunt sine materia, idem est intellectus, & quod intelligitur. Non ergo oportet quod Angelus intelligens sit idem in substantia quod Angelus intellectus, si sunt immateriales; sed oportet quod intellectus unus formetur per similitudinem alterius.

Ad decimumquintum dicendum, quod numerus qui causatur ex divisione continui, est species quantitati, & est tantum in substantiis materialibus; sed in substantiis immaterialibus est multitudo, quæ est de transcendentibus, secundum quod unum, & multa dividunt ens: & hæc multitudo consequitur distinctionem formalem.

Ad decimum sextum dicendum, quod differentia secundum causam, & causatum ponitur a quibusdam multiplicare substantias separatas, in quantum per hoc quod ponunt provenire diversos gradus in eis, prout causatum est infra suam causam. Unde si ponimus diversos gradus in substantiis immaterialibus ex ordine divinæ sapientiæ causantis, remanebit eadem distinctionis ratio, etiam si una earum non sit causa alterius.

Ad decimum septimum dicendum, quod quælibet natura creata, cum sit finita, non ita perfecte representat divinam bonitatem sicut multitudo naturarum: quia quod in multis naturis multipliciter continetur, comprehenditur in Deo unite: & ideo oportet

esse plures naturas in universo, & etiam in substantiis angelicis.

Ad decimum octavum dicendum, quod oppositio differentiarum constituentium angelicas species, accipitur secundum perfectum, & imperfectum, vel excedens, & excessum, sicut est etiam in numeris, & sicut se habent animatum, & inanimatum, & alia huiusmodi.

ARTICULUS IX.

Utrum intellectus possibilis sit unus in omnibus hominibus.

NONO queritur, utrum intellectus possibilis sit unus in omnibus hominibus. Et videtur quod sic. Dicit enim Augustinus in Lib. de quantitate animæ (cap. xxxi. circa fin.) *Si dixerio multas esse animas, ipse me videbo.* Derisibile ergo videtur dicere multas animas intellectivas esse.

2. Præterea. In his quæ sunt sine materia, est unum tantum individuum in una specie, ut ostensum est (art. præced.) Sed intellectus possibilis, siue anima intellectiva; cum sit substantia spiritalis, non est compositus ex materia & forma, ut prius (art. 1.) ostensum est. Ergo est una tantum anima intellectiva, siue intellectus possibilis in tota specie humana.

3. Sed dicebatur, quod etsi anima intellectiva non habeat materiam ex qua sit, habet tamen materiam in qua est, scilicet corpus, secundum quorum multiplicationem multiplicantur animæ intellectivæ. Sed contra. Remota causa removetur effectus. Si ergo multiplicatio corporum est causa multitudinis animarum, remotis corporibus non possunt multæ animæ remanere.

4. Præterea. Individuatio fit secundum determinationem principiorum essentialium: sicut enim de ratione hominis est ut componatur ex anima & corpore; ita de ratione Sortis est ut componatur ex hac anima & hoc corpore, ut patet per Philosophum VII. Metaph. (cõm. xxxiv. & xxxv.) Sed corpus non est de essentia animæ. Ergo impossibile est quod anima individuetur per corpus; & ita non multiplicabuntur animæ secundum multiplicationem corporum.

5. Præterea. Augustinus dicit contra Felicianum (cap. xxi. circa med.) *Si originem animantis potentia requiramus, prior est anima matre, & ex hac rursus nata videtur*

cor esse cum subtile : & loquitur de anima per quam animata est mater , ut statim subdit . Ex quo videtur dicere , quod sit eadem anima in matre , & filio , & eadem ratione in omnibus hominibus .

6. Præterea . Si intellectus possibilis in me est alius , & in te , oporteret quod res intellecta esset alia in me , & alia in te , cum res intellecta sit in intellectu : & sic res intellecta numeraretur per numerationem individuorum hominum . Sed omnia quæ numerantur per numerationem individuorum , habent rem intellectam communem ; & sic rei intellectæ erit alia res intellecta in infinitum ; quod est impossibile . Ergo non est alius intellectus possibilis in me , & in te .

7. Præterea . Si non esset unus intellectus possibilis in omnibus hominibus , cum contingit scientiam a Magistro in discipulo causari , oporteret quod vel eadem numero scientia quæ est in Magistro , deflueret ad discipulum ; vel quod scientia Magistri causaret scientiam discipuli , sicut calor ignis causat calorem in lignis ; vel quod addiscere non esset aliud quam reminisci . Si enim discipulus habeat , antequam addisceret , scientiam quam addiscit , addiscere est reminisci . Si vero non habeat eam prius , aut acquirit eam existentem prius in alio , scilicet in Magistro , aut non existentem prius in alio , & sic oportet quod in eo de novo causetur ab alio . Hæc autem tria sunt impossibilia . Cum enim scientia sit accidens , non potest eadem numero transire de subiecto in subiectum : quia , ut Boetius dicit , accidentia corrumpi possunt , transmutari non possunt . Similiter etiam impossibile est quod scientia Magistri causet scientiam in discipulo : tum quia scientia non est qualitas actiua ; tum quia verba quæ Magister proferit , solum excitant discipulum ad intelligendum , ut Augustinus dicit in Lib. de Magistro (cap. xii. xiii. xiv.) Quod autem addiscere sit reminisci , est contra Philosophum in I. Poster. (com. 111. & iv.) Non est ergo alius & alius intellectus possibilis in omnibus hominibus .

8. Præterea . Omnis virtus cognoscitiva quæ est in materia corporali , cognoscit ea tantum quæ habent affinitatem cum materia in qua est ; sicut visus cognoscit tantum colores qui habent affinitatem cum pupilla , quæ est susceptiva colorum propter suam

diaphaneitatem . Sed intellectus possibilis non est susceptivus eorum tantum quæ habent affinitatem vel cum toto corpore , vel cum quacunque parte eius . Intellectus ergo possibilis non est virtus cognoscitiva in materia corporali neque in toto corpore , neque in aliqua parte eius . Ergo non multiplicatur secundum multiplicationem corporum .

9. Præterea . Si anima intellectiva , vel intellectus possibilis multiplicatur secundum multiplicationem corporum , hoc non est , nisi quia est corporis forma . Sed non potest esse corporis forma , cum sit composita ex materia & forma , ut a multis ponitur compositum enim ex materia & forma non potest esse alicuius forma . Ergo anima intellectiva , sive intellectus possibilis non potest multiplicari secundum multiplicationem corporum .

10. Præterea . Sicut Cyprianus dicit , Dominus prohibuit discipulis ne in civitatem Samaritanorum intrarent propter peccatum schismatis : quia a regno David recesserunt decem tribus , in Samaria caput sibi regni postmodum stantes . Idem (a) autem populus erat tempore Christi qui prius fuerat . Sic autem se habet populus ad populum sicut homo ad hominem , & anima ad animam . Ergo eadem ratione una anima est in eo qui prius fuit , & in alio qui post sequitur ; & sic per eandem rationem eadem anima erit in singulis hominibus .

11. Præterea . Magis dependet accidens a subiecto quam forma a materia ; cum forma det esse materię simpliciter , accidens autem non dat esse simpliciter subiecto . Sed unum accidens potest esse in multis substantiis , sicut unum tempus est in multis motibus , ut Anselmus dicit (in dial. de veritate cap. xiv. in fin.) Ergo multo magis una anima potest esse multum corporum ; & sic non oportet esse multos intellectus posibles .

12. Præterea . Anima intellectiva virtuosior est quam vegetativa . Sed anima vegetativa est potens vegetare aliquid extra corpus cuius est forma : dicit enim Augustinus in VI. Musicæ , quod radit visuales vegetantur ab anima videntis , etiam longe producti usque ad rem visam . Ergo multo magis anima intellectiva potest perficere alia corpora præter corpus in quo est .

13. Præterea . Si intellectus possibilis multipli-

(a) *Est ergo*

tiplicatur secundum multiplicationem corporum, oportet quod species intelligibiles quæ sunt in intellectu possibili in me, & in te, secundum multiplicationem corporum multiplicentur. Sed ab omnibus formis multiplicatis secundum multiplicationem materiarum corporalis potest abstrahi aliqua intentio communis. Ergo a formis intellectis per intellectum possibilem potest abstrahi aliqua intentio intellectus communis: & eadem ratione cum illa intentio intellectus multiplicetur secundum multiplicationem intellectus possibilis, erit abstrahere aliam intentionem intellectus in infinitum. Hoc autem est impossibile. Est ergo unus intellectus possibilis in omnibus.

14. Præterea. Omnes homines consentiunt in primis principiis. Sed hoc non esset, nisi id quod cognoscunt prima principia, esset unum commune in omnibus hominibus. Huiusmodi autem est intellectus possibilis. Est ergo unus intellectus possibilis in omnibus.

15. Præterea. Nulla forma individuata, & multiplicata per materiam, est intellectus in actu. Sed intellectus possibilis, cum actu intelligit, est intellectus in actu; & intellectus in actu est intellectum in actu, ut dicitur III. de Anima (com. xxxvi. & xxxvii.) sicut sensus in actu est sensatum in actu. Ergo intellectus possibilis non est individuatus, neque multiplicatus per materiam corporalem; & ita est unus in omnibus.

16. Præterea. Receptum est in recipiente per modum recipientis. Sed species intelligibilis recipitur in intellectu ut intellectus in actu, & non individuata per materiam. Ergo intellectus possibilis non est individuatus per materiam. Ergo neque multiplicatur per multiplicationem materiarum corporalis.

17. Præterea. Intellectus possibilis Sortis, vel Platonis intelligit essentiam suam, cum intellectus possibilis in seipsum reflectatur. Ergo ipsa essentia intellectus possibilis est intellectus in actu. Sed nulla forma individuata, & multiplicata per materiam, est intellectus in actu. Ergo intellectus possibilis non individuatur, nec multiplicatur per materiam corporalem; & sic relinquitur quod sit unus intellectus possibilis in omnibus.

Sed contra est quod dicitur Apocal. vii. 9. *Post hæc viderunt magnam quam dinumerare nemo poterat.* Turba autem illa non erat hominum corporaliter viventium, sed

S. Th. Oper. Tom. XIV.

animatum a corpore absolutarum. Ergo sunt multæ animæ intellectivæ, non solum nunc cum corpori uniuntur, sed etiam a corporibus absolutæ.

Præterea. Augustinus dicit contra Felicianum (cap. xxi. partem a princ.) *Finiamus, sicut plerique volunt, esse in mundo animam generalem: & postea subdit: Cum talia proponimus, impugnanda predicamur.* Est ergo improbable quod sit una anima omnium.

Præterea. Magis est alligata anima intellectiva corpori humano quam corpori celesti motor eius. Sed Commentator dicit in III. de Anima, quod si essent plura corpora mobilia, essent plures motores in orbibus celestibus. Ergo magis cum sint multa corpora humana, erunt multæ animæ intellectivæ, & non unus tantum intellectus possibilis.

Respondeo dicendum, quod ad evidentiam huius questionis oportet præintelligere, quid intelligatur nomine intellectus possibilis, & agentis. Sciendum est autem, quod Aristoteles (III. de Anima text. xxx. & seq.) processit ad considerandum de intellectu per similitudinem sensus. Ex parte autem sensus, cum inveniamur quandoque sentientes in potentia, quandoque in actu, oportet ponere in nobis aliquam virtutem sensitivam, per quam simus sentientes in potentia, quam oportet esse in potentia ad species sensibiles, & nullam earum habere, actu in sua essentia; alioquin si sensus haberet in actu sensibilia, sicut antiqui Philosophi posuerunt, sequeretur quod semper essemus sentientes in actu. Similiter cum inveniamur quandoque intelligentes in actu, quandoque in potentia, necesse est ponere aliquam virtutem per quam simus intelligentes in potentia, quæ quidem in sua essentia & natura non habeat aliquam de naturis rerum sensibilibus, quas intelligere possumus, sed sit in potentia ad omnia: & propter hoc vocatur possibilis intellectus; sicut & sensus, secundum quod est in potentia, posset vocari sensus possibilis. Sensus autem qui est in potentia, reducitur in actum per sensibilia actu, quæ sunt extra animam: unde non est necesse ponere sensum agentem; & similiter non esset necesse ponere intellectum agentem, si universalis quæ sunt intelligibilia actu, per se subsisterent extra animam, sicut posuit Plato. Sed quia Aristoteles posuit ea non subsistere nisi in sensibilibus, quæ non sunt intelligibilia actu, necesse habuit ponere aliam

V u quæ

quam virtutem quae faceret intelligibilia in potentia, esse intelligibilia actu, abstrahendo species rerum a materia, & conditionibus individuandis; & hae virtutes vocantur intellectus agens. De intellectu ergo possibili Averroes in III. de Anima (com. v. & vi.) posuit quod esset quaedam substantia separata secundum esse a corporibus hominum, sed quod continuaretur nobiscum per phantasmatum, & iterum quod esset unus intellectus possibilis omnium. Quod autem hae positio sit contraria fidei, facile est videre: tollit enim praemia, & penas futurae vitae. Sed ostendendum est hanc positionem esse secundum se impossibilem per vera principia Philosophiae. Ostensum est autem supra (art. 2.) cum de unione substantiae spiritualis ad corpus ageretur, quod secundum hanc positionem sequeretur quod nullus homo particularis intelligeret aliquid. Sed dato, dispensationis gratia, quod aliquis homo particularis per intellectum sic separatam intelligere posset, sequuntur tria inconvenientia, si ponatur quod sit unus intellectus possibilis omnium quo omnes intelligant. Primo quidem quia non est possibile unius virtutis simul & semel esse plures actiones respectu eiusdem obiecti. Contingit autem duos homines simul & semel unum & idem intelligibile intelligere. Si igitur uterque intelligit per unum intellectum possibilem, sequetur quod una & eadem numero esset intellectualis operatio utriusque; sicut si duo homines viderent uno oculo, sequeretur, quod eadem esset visio utriusque: quod patet esse omnino impossibile. Nec potest dici, quod intelligere meum sit aliud ab intelligere tuo propter diversitatem phantasmatum: quia phantasma non est intelligibile in actu, sed id quod est ab eo abstractum, quod ponitur esse verbum. Uode diversitas phantasmatum est extrinseca ab intellectuali operatione, & sic non potest diversificare ipsam. Secundo quia impossibile est esse unum numero in individuis eiusdem speciei illud per quod speciem sortiuntur. Si enim duo equi convenirent in eodem secundum numerum quo speciem equi haberent, sequeretur quod duo equi essent unus equus; quod est impossibile. Et propter hoc in VII. Metaph. dicitur, quod principia speciei, secundum quod sunt determinata, constituunt individuum; ut si ratio hominis est ut sit ex anima & corpore, de ratione huius hominis est quod sit ex hac anima & ex hoc corpore. Unde principia cuiuslibet speciei oportet pluri-

cari in pluribus individuis eiusdem speciei. A quo autem aliquid speciem sortitur, cognoscitur a propria operatione speciem consequente. Diudicamus enim esse verum aurum: quod habet propriam operationem auri. Propria autem operatio humanae speciei est intelligere: unde secundum hanc operationem, ponit Philosophus X. Ethic. (cap. vii. & viii.) ultimum hominis felicitatem. Huius autem operationis principium non est intellectus passivus, id est vis cogitativa, vel vis appetitiva sensitiva, quae participat aliquantulum rationem, cum hae vires non habeant operationem nisi per organum corporale. Intelligere autem non potest esse per organum corporale, ut III. de Anima (com. vi.) probatur. Et sic relinquatur quod intellectus possibilis sit quo hic homo speciem humanam sortitur, non autem intellectus passivus, ut Averroes finxit (Lib. II. de Anima com. v. & xxvi.). Relinquitur ergo quod impossibile sit unum intellectum possibilem in omnibus hominibus esse. Tertio sequeretur quod intellectus possibilis non reciperet aliquas species a phantasmatibus nostris abstractas, si sit unus intellectus possibilis omnium qui sunt, & qui fuerunt: quia iam cum multi homines praecesserint multi intelligentes, sequeretur quod intellectus respectu omnium illorum quae illi sciverunt, sit in actu, & non sit in potentia ad recipiendum: quia nihil recipit quod iam habet. Ex quo ulterius sequeretur quod si nos sumus intelligentes, & scientes per intellectum possibilem, scire io nobis non sit nisi reminisci; quoniam & hoc ipsum secundum se inconveniens videatur, quod intellectus possibilis, si sit substantia separata secundum esse, efficiatur in actu per phantasmatum, cum superiora in entibus non indigeant inferioribus ad sui perfectionem. Sicut enim inconveniens esset dicere, quod corpora caelestia perficiantur in actu, accipiendo a corporibus inferioribus; similiter & multo amplius est impossibile quod aliqua substantia separata perficiatur in actu, accipiendo a phantasmatibus. Manifestum est etiam quod hae positio repugnat verbis Aristotelis (Lib. III. de Anima in princ.) Cum enim incipit inquirere de intellectu possibili statim a principio, nominat eum partem animae, dicens: *De parte autem animae, qua cognoscit anima, sapit*. Volens autem inquirere de natura possibili, praemittit quamdam dubitationem, scilicet utrum pars intellectiva sit separabilis ab aliis partibus animae subiecto, ut

Plato

Plato posuit, vel ratione tantum: & hoc est quod dicit: *Sive separabili existente, sive inseparabili secundum magnitudinem, sed secundum rationem.* Ex quo apparet quod si utrumlibet horum ponatur, stabit sententia sua, quam intendit de intellectu possibili. Non autem statet quod esset separata secundum rationem tantum, si praedicta positio esset vera. Unde praedicta opinio non est sententia Aristotelis. Postmodum etiam (III. de Anima text. 5.) subdit, quod intellectus possibilis est quo opinatur, & intelligit anima, & multa alia huiusmodi. Ex quibus manifeste dat intelligere quod intellectus possibilis sit aliquid animae, & non sit substantia separata.

Ad primum ergo dicendum, quod Augustinus intelligit derisibile esse quod ponatur diversorum hominum animae multae, ita tamen quod numero, & specie differant, & praecipue secundum opinionem Platoniorum, qui supra omnia quae sunt unius speciei, posuerunt unum aliquod commune subsistens.

Ad secundum dicendum, quod Angeli sicut non habent materiam ex qua sunt, ita non habent materiam in qua sunt; anima vero habet materiam in qua est: & ideo Angeli non possunt esse multi in una specie; sed animae possunt esse multae unius speciei.

Ad tertium dicendum, quod sicut corpus se habet ad esse animae, ita ad eius individuationem: quia unumquodque secundum idem est unum, & ens. Esse autem animae acquiritur ei secundum quod unitur corpori, cum quo simul constituit naturam unam, cuius utrumque est pars: & tamen quia anima intellectiva est forma transcendens corporis capacitatem, habet esse suum elevationem supra corpus: unde destructo corpore adhuc remanet esse animae, & similiter secundum corpora multiplicentur animae, & tamen remotis corporibus adhuc remanet multitudo animarum.

Ad quartum dicendum, quod licet corpus non sit de essentia animae, tamen anima secundum suam essentiam habet habitudinem ad corpus, inquantum hoc est ei essentiale quod sit corporis forma; & ideo in definitione animae ponitur corpus. Sicut ergo de ratione animae est quod sit forma corporis, ita de ratione huius animae, inquantum est haec anima, est quod habeat habitudinem ad hoc corpus.

Ad quintum dicendum, quod Augustinus ibi loquitur ex suppositione opinionis po-

nentium esse unam animam universalem, ut ex praecedentibus patet.

Ad sextum dicendum, quod in hac ratione praecipua vim videtur Averroes constituisse (II. de Anima com. v. & xxxvi.) quia videlicet sequeretur (ut ipse dicit) si intellectus possibilis non esset unus omnibus hominibus, quod res intellecta individuaretur, & numeraretur per individuationem, & numerationem singularium hominum; & sic esset intellecta in potentia, & non in actu. Ostendendum est ergo primo, quod ista inconvenientia non minus sequuntur ponentibus intellectum possibilem esse unum quam ponentibus ipsum multiplicari in multis. Et primo quidem quantum ad individuationem manifestum est quod forma existens in aliquo individuo eadem ratione individuatur per ipsum, sive sit unum tantum in una specie, sicut Sol, sive multa in una specie, sicut margaritae. In utroque enim est clatitas individua. Oportet enim dicere, quod intellectus possibilis sit quoddam individuum singulare: actus enim singularium sunt. Sive ergo sit unus in una specie, sive multi, eadem ratione individuabitur res intellecta in ipso. Quantum vero ad multiplicationem, manifestum est quod si non sint multi intellectus possibiles in specie humana, sunt tamen multi intellectus in universo, quorum multi intelligunt unum & idem. Remanebit ergo eadem dubitatio, utrum res intellecta sit una, vel plures in diversis. Non ergo potest per hoc probare suam intentionem: quia, sua positione posita, adhuc eadem inconvenientia remanebunt. Et ideo ad huius solutionem considerandum est, quod si de intellectu loqui oporteat secundum similitudinem sensus, ut patet ex processu Aristotelis in III. de Anima, oportet dicere, quod res intellecta non se habet ad intellectum possibilem ut species intelligibilis, quia intellectus possibilis sit actus; sed illa species se habet ut principium formale quo intellectus intelligit. Intellectum autem, sive res intellecta se habet ut constitutum, vel formatum per operationem intellectus, sive hoc sit quidditas simplex, sive sit compositum, & divisio propositionis: has enim duas operationes intellectus Aristoteles assignat in III. de Anima (com. xxi.) Unam scilicet, quam vocat intelligentiam indivisibilem, quia videlicet intellectus apprehendit quod quid est alicuius rei; & hanc Arabes vocant formationem, vel imaginationem per intellectum. Aliam vero ponit, scilicet

et compositionem, & divisionem intellectuum, quam Arabes vocant credulitatem, vel fidem. Utrique autem harum operationum praestelligitur species intelligibilis, quia fit intellectus possibilis in actu: quia intellectus possibilis non operatur nisi secundum quod est in actu, sicut nec visus videt nisi per hoc quod est factus in actu per speciem visibilem. Unde species visibilis non se habet ut quod videtur, sed ut quo videtur. Et simile est de intellectu possibili, nisi quod intellectus possibilis reflectitur supra seipsum, & supra speciem suam, non autem visus. Res igitur intellecta a duobus intellectibus est quodammodo una & eadem, & quodammodo multae: quia ex parte rei quae cognoscitur, est una & eadem; ex parte vero ipsius cognitionis est alia & alia; sicut si duo videant unum parietem, est eadem res visa ex parte rei quae videtur, alia tamen & alia secundum diversas visiones: & omnino simile esset ex parte intellectus, si res quae intelligitur, subsisteret extra animam, sicut res quae videtur, ut Platonici posuerunt. Sed secundum opinionem Aristotelis videtur habere maiorem difficultatem, licet sit eadem ratio, si quis recte inspiciat. Non enim est differentia inter Aristotelem & Platonem, nisi in hoc quod Plato posuit quod res quae intelligitur, eodem modo esse habet extra animam quo modo eam intellectus intelligit, id est ut abstracta, & communis; Aristoteles vero posuit rem quae intelligitur, esse extra animam, sed alio modo: quia intelligitur abstracta, & habet esse concrete: & sicut secundum Platonem ipsa res quae intelligitur, est extra ipsam animam, ita secundum Aristotelem: quod patet ex hoc quod neuter eorum posuit scientias esse de his quae sunt in intellectu nostro, sicut de substantiis: sed Plato quidem dixit, scientias esse de formis separatis; Aristoteles vero de quidditatibus rerum in eis existentibus. Sed ratio universalitatis, quae consistit in communitate, & abstractione, sequitur solum modum intelligendi, inquantum intelligimus abstracta, & communiter; secundum Platonem vero sequitur etiam modum existendi formarum abstractarum: & ideo Plato posuit universalia subsistere, Aristoteles autem non. Sic ergo patet quomodo multitudo intellectuum non praedjudicat neque universitati, neque communitati, neque unitati rei intellectae.

Ad septimum dicendum, quod scientia a magistro causatur in discipulo, non sicut

calor in lignis ab igne, sed sicut sanitas in infirmo a medico, qui causat sanitatem, inquantum subministrat aliqua adminicula, quibus natura utitur ad sanitatem causandam: & ideo eodem ordine medicus procedit in sanando, sicut natura sanaret. Sicut enim principalis faciens est natura inferior, sic principium principaliter efficiens scientiam, & intrinsecum, est lumen intellectus agentis, quo causatur scientia in nobis dum devenimus per applicationem universalium principiorum ad aliqua specialia, quae per experientiam accipimus in inveniendo. Et similiter magister deducit principia universalia in conclusiones speciales: unde dicit Aristoteles in I. Poster. (com. xxxi.) quod demonstratio est syllogismus faciens scire.

Ad octavum dicendum, quod ex hac etiam ratione deceptus fuit Averroes: putavit enim quod quia Aristoteles dixit (III. de Anima com. xix. & xx.) intellectum possibilem esse separatum, quod esset separatum secundum esse, & per consequens quod non multiplicaretur secundum multiplicationem corporum; sed Aristoteles intendit quod intellectus possibilis est virtus animae, quae non est actus alieuius organi, quasi habeat operationem suam per organum corporale, sicut potentia visiva est virtus organi habens operationem per organum corporale: & quia non habet operationem intellectus possibilis per organum corporale, ideo non oportet quod cognoscat ea tantum quae habent affinitatem vel eum toto corpore, vel eum parte corporis.

Ad nonum dicendum, quod opinio ponens animam esse compositam ex materia & forma, est omnino falsa, & improbabilis. Non enim posset esse corporis forma, si esset ex materia & forma composita. Si enim anima esset forma corporis secundum formam suam tantum, sequeretur quod una & eadem forma perferret diversas materias diversorum generum, scilicet materiam spirituales animae, & materiam corporalem; quod est impossibile, cum proprius actus sit propriae potentiae: & praeterea illud compositum ex materia & forma non esset anima, sed forma eius. Cum enim dicimus animam, intelligimus id quod est corporis forma. Si vero forma animae esset forma corporis mediante materia propria, sicut color est actus corporis mediante superficie, ut sic tota anima posset dici corporis forma, hoc est impossibile: quia per materiam intelligimus id quod est in potentia

tan-

tantum; quod autem est in potentia tantum, non potest esse aliquid actus, quod esse formam. Si vero aliquis nomine materiae intelligat aliquid actum, non est curandum: quia nihil prohibet quod id quod vocamus actum, aliquis vocet materiam; sicut quod nos vocamus lapidem, aliquis potest vocare asinum.

Ad decimum dicendum, quod sicut fluvius Sequana non est hic fluvius propter hanc aquam fluentem, sed propter hanc originem, & hunc alveum, unde semper dicitur idem fluvius, licet sit alia aqua defluens; ita est idem populus non propter identitatem animae, aut hominum, sed propter eandem habitationem, vel magis propter easdem leges, & eundem modum vivendi, ut Aristoteles dicit in III. Politic. (cap. 11.)

Ad undecimum dicendum, quod tempus comparatur ad unum tantum motum, sicut accidens ad subiectum, scilicet ad motum primi mobilis, quo mensurantur omnes alii motus; ad alios autem motus comparatur sicut mensura ad mensuratum, sicut ulna comparatur ad virgam ligneam sicut ad subiectum, ad pannum autem sicut per eam mensuratur, sicut ad mensuratum tantum; & ideo non sequitur quod unum accidens sit in multis subiectis.

Ad duodecimum dicendum, quod visus non fit per radios extra missos secundum veritatem rei; sed Augustinus hoc dicit secundum opinionem aliorum. Hoc tamen posito anima vegetaret radios quantumcumque extra missos, non quasi extranea corpora, sed in quantum continuarentur cum corpore proprio.

Ad decimum tertium dicendum, quod, sicut ex praedictis patet, res intellecta non individuatur, nec multiplicatur nisi ex parte operationis intellectualis. Non est autem inconveniens quod a re intellecta, in quantum est intellecta, abstractatur res intellecta simpliciter, sicut ab hoc intellectu abstractatur intellectus simpliciter. Nec hoc praedjudicat rationi universalitatis. Accidit enim homini, ad intentionem speciei, quod intelligatur a me. Unde non oportet quod de intellectu hominis, aut intentione speciei sit quod intelligatur a me, vel ab illo.

Ad decimum quartum dicendum, quod consensus in prima principia non causatur ex unitate intellectus possibilis, sed ex similitudine naturae; ex qua omnes in idem inclinamur; sicut omnes oves consentiunt in hoc quod existimant lupum inimicum; vul-

lus tamen diceret in eis unam tantum animam esse.

Ad decimum quintum dicendum, quod esse individuale non repugnat ei quod esse intellectum in actu: quia substantiae separatae sunt intellectus in actu, cum tamen sint individui; alioquin non haberent actiones, quae sunt singularium: sed habere esse materiale, repugnat ei quod esse intellectum in actu: & ideo formae individuales, quae individuantur per materiam, non sunt intellectus in actu, sed in potentia tantum. Anima autem intellectiva non sic individuatur per materiam, ut fiat forma materialis, praecipue secundum intellectum, secundum quem transiit materiam corporalis proportionem; sed eo modo individuatur secundum materiam corporalem, ut dictum est, in quantum scilicet habet habitudinem ut sit forma huius corporis. Unde per hoc non tollitur quin intellectus possibilis hominis huius sit intellectum in actu, & similiter ea quae recipiuntur in ipso.

Et per hoc patet solutio ad duo sequentia.

ARTICULUS X.

Utrum intellectus agens sit unus omnium hominum.

I. P. quaest. lxxxix. art. 5.

DEcimo quaeritur, utrum intellectus agens sit unus omnium hominum. Et videtur quod sic. Illuminare enim homines est proprium Dei, secundum illud Ioan. 1. 9. *Erat lux vera quae illuminat omnem hominem venientem in hunc mundum.* Sed hoc pertinet ad intellectum agentem, ut patet in III. de Anima (com. xviii.) Ergo intellectus agens est Deus. Deus autem est unus. Ergo intellectus agens est unus tantum.

2. Praeterea. Nihil quod est a corpore separatum, multiplicatur secundum multiplicationem corporum. Sed intellectus agens est a corpore separatus, ut dicitur III. de Anima (com. xix. & xx.) Ergo intellectus agens non multiplicatur secundum multiplicationem corporum, & per consequens secundum multiplicationem hominum.

3. Praeterea. Nihil est in anima nostra quod semper intelligat. Sed hoc convenit intellectus agenti: dicitur enim in III. de Anima (com. xx.) quod non aliquando quidem intelligit, aliquando autem non.

Ergo

Ergo intellectus agens non est aliquid animæ, & ita non multiplicatur secundum multiplicationem animarum, & hominum.

4. Præterea. Nihil reducit se de potentia in actum. Sed intellectus possibilis reducit in actum per intellectum agentem, ut patet III. de Anima (com. xvii.). & xviii.). Ergo intellectus agens non radicatur in essentia animæ, in qua radicatur intellectus possibilis; & sic idem quod prius.

5. Præterea. Omnis multiplicatio consequitur aliquam distinctionem. Sed intellectus agens non potest distingui per materiam, cum sit separatus; neque per formam, quia sic differret specie. Ergo intellectus agens non multiplicatur in hominibus.

6. Præterea. Illud quod est causa separationis, est maxime separatum. Sed intellectus agens est causa separationis, abstrahit enim species a materia. Ergo est separatus; & ita non multiplicatur secundum multiplicationem hominum.

7. Præterea. Nulla virtus quæ tanto magis potest operari, quanto magis operatur, habet terminum suæ operationis. Sed intellectus agens est huiusmodi: quia cum intelligimus aliquid magnum intelligibile, non minus possumus intelligere, sed magis, ut dicitur III. de Anima (com. vii.). Ergo intellectus agens non habet aliquem terminum suæ operationis. Esse autem creatum habet terminum suæ operationis, cum sit finis virtutis. Ergo intellectus agens non est aliquid creatum; & sic est unus tantum.

8. Præterea. Augustinus dicit Lib. lxxxiii. Questionum (quæst. ix. in princ.) *Omne quod corporeis sensus attingit, sine ulla intermissione temporis commutatur. Apprehendi autem non potest quod sine ulla intermissione mutatur. Non est expectanda ergo sinceritas veritatis a sensibus corporis.* Et postmodum subdit: *Nihil est sensibile quod non habeat simile falsum, ut interiosum non possit. Nihil autem percipi potest quod non a falso discernatur. Non est ergo constitutum iudicium veritatis in sensibus.* Sic ergo probat quod per sensibilia de veritate iudicare non possumus, tum propter hoc quod sunt mutabilia, tum propter hoc quod habeant aliquid simile falso. Sed hoc convenit cuilibet creaturæ. Ergo secundum nihil creatum possumus iudicare de veritate. Sed secundum intellectum agentem iudicamus de veritate. Ergo intellectus agens non est aliquid creatum; & sic idem quod prius.

9. Præterea. Augustinus dicit in XIV. de Trin. (cap. xv. a med.) *quod impii multa recte reprehendunt, recteque laudant in hominum moribus. Quibus ea tandem regulis indicant, nisi in quibus vident quomododumque vivere debeas, etiam si nec ipsi eodem modo vivant? Ubi eas vident? neque enim in sua natura, cum eorum mentes constet esse mutabiles, has vero regulas immutabiles; nec in habitu sua memis, cum illa regula sine iniectione, mentes vero eorum esse confecti iniectiones. Ubi ergo scripta sunt, nisi in libro lucis illius quæ veritas dicitur?* Ex quo videtur quod indicare de iusto, & iniusto, nobis competit secundum lucem, quæ est supra mentes nostras. Iudicium autem tam in rebus speculativis, quam practicis nobis convenit secundum intellectum agentem. Ergo intellectus agens est lux aliqua supra mentes nostras. Non ergo multiplicatur secundum multiplicationem animarum, & hominum.

10. Præterea. Augustinus dicit in Lib. de vera religione, quod de aliquibus duobus, quorum neutrum est optimum, non possumus iudicare quod eorum sit altero melius, nisi per aliquid quod sit melius utroque. Iudicamus autem quod Angelus est melior anima, cum tamen neutrum eorum sit optimum. Ergo oportet quod hoc iudicium fiat per aliquid quod est melius utroque, quod nihil aliud est quam Deus. Cum ergo iudicemus per intellectum agentem, videtur quod intellectus agens sit Deus; & sic idem quod prius.

11. Præterea. Philosophus dicit in III. de Anima (com. xviii.). quod intellectus agens se habet ad possibilem sicut ars ad materiam. Sed in nullo genere artificiarum, & materia idem eocidunt; neque universaliter agens, & materia incidunt in idem numero, ut dicitur in II. Physic. (com. lxx.) Ergo intellectus agens non est aliquid in essentia animæ, in qua est intellectus possibilis; & sic non multiplicatur secundum multiplicationem animarum; & hominum.

12. Præterea. Augustinus dicit II. de lib. arbit. (cap. viii. parum a princ.) quod ratio, & veritas numeri omnibus rationantibus præsto est. Sed ratio, & veritas numeri est una. Ergo oportet esse aliquid unum secundum quod præsto sit omnibus. Hoc autem est intellectus agens, cuius virtute rationes universales a rebus abstrahimus. Ergo intellectus agens est unus in omnibus.

13. Præterea. In eodem Lib. (cap. ix. a med.) Si summum bonum omnibus unum est, oportet etiam veritatem in qua cernitur, & tenetur, id est sapientiam, omnibus unam esse communem. Sed summum bonum cernitur, & tenetur a nobis per intellectum, & præcipue per agentem. Ergo intellectus agens est unus in omnibus.

14. Præterea. Idem natum est facere idem. Sed universale est unum in omnibus. Cum ergo intellectus agentis sit facere universale, videtur quod etiam intellectus agens sit unus in omnibus.

15. Præterea. Si intellectus agens est aliquid (a) animæ, oportet quod vel sit creatus vestitus, seu opulentus speciebus, & sic illas species ponit etiam (b) in intellectu possibili, & non indigebit abstrahere species intelligibiles a phantasmatis; aut creatus est nudus, & carens speciebus, & sic non erit efficax ad abstrahendum species a phantasmatis, quia non cognoscat illam quam querit, postquam eam abstraxerit, (c) quin prius aliquam rationem habuerit; sicut ille qui querit servum fugitivum, non cognoscit eum cum invenerit, nisi prius aliquam eius notitiam habuerit. Non est ergo aliquid animæ intellectus agens; & sic non multiplicatur secundum animas, & homines.

16. Præterea. Posita causa sufficiente, perfectum est aliam causam ponere ad eundem effectum. Sed est aliqua causa extrinseca sufficiens ad illuminationem hominum, scilicet Deus. Ergo non oportet ponere intellectum agentem, cuius officium est illuminare. Non est ergo aliquid in anima hominis; & sic non multiplicatur secundum animas, & homines.

17. Præterea. Si intellectus agens ponitur aliquid animæ hominis, oportet quod aliquid homini conferat; quia nihil est otiosum, & frustra in rebus a Deo creatis. Sed intellectus agens non confert homini ad cognoscendum, quantum ad hoc quod illuminat intellectum possibilem: quia intellectus possibilis cum fuerit factus in actu per speciem intelligibilem, per se sufficit ad operandum, sicut & quodlibet aliud habens formam. Similiter non confert quantum ad hoc quod illuſtrat phantasmata, abstrahens species intelligibiles ab eis: quia sicut species quæ est recepta in sensu, imprimit sui similitudinem in imaginatione; ita videtur

quod forma quæ est in imaginatione, cum sit spiritalior, ac per hoc virtuosior, possit imprimere suam similitudinem in ulteriorem potentiam, scilicet in intellectum possibilem. Non ergo intellectus agens est aliquid animæ; & sic non multiplicatur in hominibus.

Sed contra est quod Philosophus dicit III. de Anima (com. xvii. & xviii.) quod intellectus agens est aliquid animæ. Ergo multiplicatur secundum multiplicationem animarum.

Præterea. Augustinus dicit IV. de Trin. (cap. xvi. in fin.) quod Philosophi ceteris meliores, non sunt in illis summis, æternisque rationibus intellectu contemplari ea (d) quæ ab historia veritatis differunt; & ita videtur quod in aliqua luce eis conaturali sint ea contemplari. Lux autem in qua contemplamur veritatem, est intellectus agens. Ergo intellectus agens est aliquid animæ; & sic idem quod prius.

Præterea. Augustinus dicit XII. de Trin. [cap. xv.] Credendum est lucis intellectualis ita conditam esse naturam, ut substantia ista sic videat in quadam luce sui generis incorporea, quemadmodum oculus carnis videt quæ in hac corporea luce circumadiacent. Lux autem ista quæ mens nostra intelligit, est intellectus agens. Ergo intellectus agens est aliquid de genere animæ; & ita multiplicatur per multiplicationem animarum, & hominum.

Respondeo dicendum, quod sicut prius [art. præc.] dictum fuit, necesse est ponere intellectum agentem Aristoteli, quia non ponebat naturas rerum sensibilibus per se subsistere absque materia, ut sint intelligibiles actu; & ideo oportuit esse aliquam virtutem quæ faceret eas intelligibiles actu, abstrahendo a materia individuali: & hæc virtus vocatur intellectus agens. Quem quidam posuerunt quendam substantiam separatam, non multiplicatam secundum multitudinem hominum; quidam vero posuerunt ipsum esse quendam virtutem animæ, & multiplicari in multis hominibus: quod quidem utrumque aliquid est verum. Oportet enim quod supra animam humanam sit aliquis intellectus a quo dependat suum intelligere: quod quidem ex tribus potest esse manifestum. Primo quidem quia omne quod convenit alicui per participationem, prius est in aliquo substantialiter; sicut

(a) *Al. deus animæ.* (b) *Al. in intellectum possibilem.* (c) *Al. nisi, item quæ, item qui, & non habuit.* (d) *Al. quæ historicæ differunt.*

ut si ferrum est ignitum, oportet esse in rebus aliquid quod sit ignis secundum suam substantiam, & naturam. Anima autem humana est intellectiva per participationem: non enim secundum quamlibet sui partem intelligit, sed secundum supremam tantum. Oportet igitur esse aliquid superius anima quod sit intellectus secundum totam suam naturam, a quo intellectualitas animæ derivetur, & a quo eius intelligere dependeat. Secundo quia necesse est quod ante omne mobile inveniat aliquid immobile secundum motum illum, sicut supra alterabilia est aliquid non alterabile, ut corpus celeste: omnis enim motus causatur ab aliquo immobili. Ipsum autem intelligere anima humanæ est per modum motus: intelligit enim anima discurrendo de effectibus in causas, & de causis in effectus, & de similibus in similia, & de oppositis in opposita. Oportet ergo esse supra animam aliquem intellectum cuius intelligere sit fixum, & quietum absque huiusmodi discursu. Tertio quia necesse est quod licet in uno & eodem potentia sit prior quam actus, tamen simpliciter actus præcedat potentiam in altero: & similiter ante omne imperfectum necesse est esse aliquid perfectum. Anima autem humana invenitur in principio in potentia ad intelligibilia, & invenitur imperfecta in intelligendo: quia numquam consequetur in hac vita omnem intelligibilem veritatem. Oportet ergo supra animam esse aliquem intellectum semper in actu existentem, & totaliter perfectum intelligentia veritatis. Non autem potest dici, quod iste intellectus superior faciat intelligibilia actu in nobis immediate, absque aliqua virtute quam ab eo anima nostra participet: hoc enim communiter invenitur etiam in rebus corporalibus, quod in rebus inferioribus inveniuntur virtutes particulares activæ ad determinatos effectus, præter virtutes universales agentes; sicut animalia perfecta non generantur ex sola universali virtute Solis, sed ex virtute particulari, quæ est in semine, licet quædam animalia imperfecta generentur absque semine ex virtute Solis: quamvis etiam in horum generatione non desit actio particularis virtutis alterantis, & disponens materiam. Anima autem humana est perfectissimum eorum quæ sunt in rebus inferioribus. Unde oportet quod præter virtutem universalem intellectus superioris participetur in ipsa aliqua virtus quasi particularis ad hunc effectum determinatum, ut scilicet fiant intelligibilia actu. Et quod

hoc verum sit, experimento apparet. Unus enim homo particularis, ut Socrates, vel Plato, facit cum vult intelligibilia in actu, abstrahendo scilicet universale a particularibus, dum fecerit id quod est commune omnibus individuis hominum, ab his quæ sunt propria singulis. Sic ergo actio intellectus agentis, quæ est abstrahere universale, est actio huius hominis, sicut & considerare, vel indicare de natura communi, quod est actio intellectus possibilis. Omne autem agens quancumque actionem, habet formaliter in seipso virtutem quæ est talis actionis principium. Unde si necesse est quod intellectus possibilis sit aliquid formaliter inherens homini, ut prius (art. præc.) ostendimus; ita necessarium est quod intellectus agens sit aliquid formaliter inherens homini. Nec ad hoc sufficit continuatio perphantasmata, ut Averroes fingit (III. de Anima com. v. & xxxvi.) sicut etiam supra (art. præc.) de intellectu possibili ostensum est. Et hoc manifeste videtur Aristotelem sensisse cum dicit (Lib. III. de Anima text. xvi. & xvii.) quod necesse est in anima esse has differentias, scilicet intellectum possibilem, & agentem: & iterum dicit, quod intellectus agens est sicut lumen, quod est lux participata. Plato vero (in dialog. vi. de iust.) ut Theophrastus dicit in comment. de Anima, ad intellectum separatum attendens, & non ad virtutem anime participatam, comparavit ipsum Soli. Quis autem sit iste intellectus separatus, a quo intelligere animæ humanæ dependet, considerandum est. Quidam enim dixerunt hunc intellectum esse infinitum substantiarum separatarum, quæ suo lumine continuantur cum animabus nostris. Sed hoc multipliciter repugnat veritati fidei. Primo quidem quia cum istud lumen intellectuale ad naturam animæ pertineat, ab illo solo est a quo animæ natura creatur. Solus autem Deus est creator animæ, non autem aliqua substantia separata, quam Angelum dicimus: unde significanter dicitur Genes. i. quod ipse Deus in faciem hominis spiravit spiraculum vite. Unde relinquitur quod lumen intellectus agentis non causatur in anima ab aliqua alia substantia separata, sed immediate a Deo. Secundo quia ultima perfectio uniuscuiusque agentis est quod possit pertingere ad suum principium. Ultima autem perfectio, sive beatitudo hominis est secundum intellectualem operationem, ut etiam Philosophus dicit IV. Ethic. (Lib. X. cap. vii. & viii.)

Si ergo principium, & causa intellectu-
tatis hominum esset aliqua alia substantia
separata, oporteret quod ultima hominis
beatitudo esset constituta in illa substantia
creata : & hoc manifeste ponunt ponentes
hanc positionem : ponunt enim quod ultima
hominis felicitas est continuari intellectus
agenti. Fides autem recta ponit ultimam
beatitudinem hominis esse in solo Deo, se-
cundum illud Ioan. xvii. 3. *Hec est vita
aeterna, ut cognoscant te solum verum Deum.*
& in huiusmodi beatitudinis participatione
homines esse Angelis aequales, ut habetur
Lucæ x. Tercio quia si homo participaret
hominem intelligibile ab Angelo, sequeretur
quod homo secundum mentem non esset ad
imaginem ipsius Dei, sed ad imaginem An-
gelorum, contra id quod dicitur Genes. i.
26. *Factamus hominem ad imaginem & si-
militudinem nostram*, idest ad communem
Trinitatis imaginem, non ad imaginem
Angelorum. Unde dicimus, quod lumen
intellectus agentis, de quo Aristoteles lo-
quitur, est nobis immediate impressum a
Deo, secundum quod discernimus verum a
falso, & bonum a malo; & de hoc dicitur
in Plat. iv. 6. *Multi dicunt: Quis ostendet
nobis bona? Signatum est super nos lumen
vultus tui, Domine* : per quod nobis bona o-
stenduntur. Sic igitur id quod facit in no-
bis intelligibilia actu per modum luminis
participati, est aliquid animæ, & multipli-
catur secundum multitudinem animarum,
& hominum. Illud vero quod facit intelli-
gibilia per modum Solis illuminantis, est
unum separatum, quod est Deus. Unde Au-
gustinus dicit in I. Soliloquiorum (cap. v.
in fine & vi. in princ.) *Propter ratio se-
demonstratur Deum nec menti, ut oculis Sol
demonstratur: nam mentis quasi oculi sunt sen-
sus animæ. Disciplinaque autem quoque cer-
tissima talia sunt qualia illa quæ Sole illu-
strantur, ut videri possint. Deus autem est ip-
se qui illustrat.* Non autem potest hoc u-
num separatum nostre cognitionis princi-
pium intelligi per intellectum agentem, de
quo Philosophus loquitur, ut Themistius
dicit (III. de Anima com. xxxv.), apud
Commentatorem) quia Deus non est in na-
tura animæ; sed intellectus agens ab Ari-
stotele nominatur lumen receptum in ani-
ma nostra a Deo: & sic relinquitur simpli-
citer dicendum, quod intellectus agens con-
est unus in omnibus.

Ad primum vero dicendum, quod pro-
prium est Dei illuminare homines, im-
primendo eis lumen naturale intellectus agen-

tis, & super hoc lumen gratia, & gloria;
sed intellectus agens illustrat phantasmata,
sicut lumen a Deo impressum.

Ad secundum dicendum, quod intellectus
agens dicitur ab Aristotele separatus, non
quasi sit substantia habens esse extra cor-
pus, sed quia non est actus alicuius partis
corporis, ita quod eius operatio sit per ali-
quod organum corporale, sicut & de iotel-
lectu possibili dictum est.

Ad tertium dicendum, quod istud verbum
non dicit Aristoteles de intellectu agente,
sed de intellectu in actu. Primo enim lo-
cutus est de intellectu possibili, & postea
de intellectu agente, & tandem incipit lo-
qui de intellectu in actu, ubi dicit (III.
de Anima com. xv. & xix.) *Idem est au-
tem secundum actum scientiarum*: & distinguit
intellectum in actu ab intellectu in poten-
tia tripliciter. Primo quidem quia intel-
lectus in potentia non est intellectum in po-
tentia; sed intellectus in actu, sive scientia
in actu, est res intellecta, vel scita in ac-
tu. Ita & circa sensum dixit, quod sensus
in potentia, & sensibile in potentia sunt di-
versa. Secundo (ibid. com. xxxviii.) com-
parat intellectum in actu ad intellectum in
potentia, quia intellectus in potentia est
prior tempore in uno & eodem quam in-
tellectus in actu: prius enim tempore ali-
quis est intellectus in potentia quam in ac-
tu; sed naturaliter est prius actus quam
potentia; & simpliciter loquendo etiam prius
tempore oportet ponere aliquem intellectum
in actu quam intellectum in potentia, qui
reducitur in actum per aliquem intellectum
in actu: & hoc est quod subdit: *Quæ ve-
ro secundum potentiam tempore prior in uno,*
omnino autem neque simpliciter, neque in tem-
pore: & ista comparatione utitur inter po-
tentiam & actum, etiam in IX. Metaphys.
(com. xxxi.) & in pluribus aliis locis.
Tercio ostendit differentiam quantum ad
hoc quod intellectus in potentia, sive pos-
sibilis, quandoque invenitur intelligens,
quandoque non intelligens. Sed hoc non po-
test dici de intellectu in actu; sicut & po-
tentia visiva, quæ quandoque videt, quan-
doque non videt; sed visus in actu est in
ipso videre actu: & hoc est quod dicit
(com. xx.) *Sed non aliquando quidem in-
telligit, aliquando autem non*: & postmodum
subdit: *Separatum autem hoc solum quod ve-
re est*: quod non potest intelligi nec de in-
tellectu agente, nec de intellectu possibili,
cum utrumque supra dixerit separatum; sed
oportet quod intelligatur de omni eo quod

requiritur ad intellectum in actu, idest de tota parte intellectiva: unde & subdit: *Et hoc solum immortale, & perpetuum est*: quod si exponatur de intellectu agente, sequetur quod intellectus possibilis sit corruptibilis, ut Alexander intellexit (Lib. III. de Anima. con. xxxvi. apud Commentatorem.) Sed hoc est contra ea quae Aristoteles superius dixerat de intellectu possibili. Hac autem verba Aristotelis hic exponere necessarium fuit, ne esset alicui occasio errandi.

Ad quartum dicendum, quod nihil prohibet aliqua duo ad invicem comparata sic se habere quod utrumque sit & ut potentia, & ut actus respectu alterius secundum diversa; sicut ignis est potentia frigidus, & actu calidus, aqua vero e converso: & propter hoc agentia naturalia simul patiuntur, & agunt. Si ergo comparatur pars intellectiva ad phantasmatum, quantum ad aliud se habebit in potentia, & quantum ad aliud in actu respectu eorum. Phantasma actu quidem est, quia habet similitudinem determinatae naturae; sed illa similitudo determinatae speciei est in phantasmate in potentia abstrahibilis a materialibus conditionibus. In parte vero intellectiva esse e converso: nam non habet actu similitudines distinctarum rerum; sed tamen actu habet lumen immateriale habens virtutem abstrahendi quae sunt abstrahibilia in potentia; & sic nihil prohibet in eadem essentia animae inveniri intellectum possibilem, qui est in potentia respectu specierum quae abstrahuntur a phantasmatibus, & intellectum agentem, qui abstrahit speciem a phantasmatibus: & esset simile, si esset aliquod numerum & idem corpus, quod esset diaphanum, existens in potentia ad omnes colores, & cum hoc haberet lucem, qua posset illuminare colores, sicut aliquomodo apparet in oculo cati.

Ad quintum dicendum, quod lumen intellectus agentis multiplicatur immediate per multiplicationem animarum, quae participant ipsum lumen intellectus agentis. Animae autem multiplicantur secundum corpora, sicut supra (art. praec.) dictum est.

Ad sextum dicendum, quod hoc ipsum quod lumen intellectus agentis non est actus alicuius organi coramini, per quod operetur, sufficit ad hoc quod possit separare species intelligibiles a phantasmatibus, cum separatio specierum intelligibilium quae recipiuntur in intellectu possibili, non sit maior quam separatio intellectus agentis.

Ad septimum dicendum, quod ratio illa magis concluderet de intellectu possibili quam de intellectu agente. Hoc enim Philosophus inducit (III. de Anima. con. vii.) de intellectu possibili, quod cum intellexeret maximum intelligibile, non minus intelliget minimum. De quocumque tamen intelligatur, non sequitur ex hoc quod virtus intellectus, quo intelligimus, sit infinita simpliciter, sed quod sit infinita respectu alicuius generis. Nihil enim prohibet aliquam virtutem, quae in se finita est, non habere terminum in aliquo genere determinato; sed tamen habet terminum inquantum ad superius genus se extendere non potest; sicut visus non habet terminum in genere coloris, quia si in infinitum multiplicarentur, omnes possent a visu cognosci; non tamen potest cognoscere ea quae sunt superioris generis, sicut universalia. Similiter intellectus noster non habet terminum respectu intelligibilium sibi connaturalium, quae a sensibilibus abstrahuntur; sed tamen terminum habet, quia circa superiora intelligibilia, quae sunt substantiae separatae, deficit: habet enim se ad manifestissimum eorum, sicut oculus nostrum ad lucem Solis, ut dicitur in II. Metaph. (Lib. I. con. i.)

Ad octavum dicendum, quod ratio illa non est ad propositum. Iudicare enim aliquo de veritate dicimus dupliciter. Uno modo, sicut medio; sicut iudicamus de conclusionibus per principia, & de regulatis per regulam; & sic videntur rationes Augustini procedere. Non enim illud quod est mutabile, vel quod habet similitudinem illius, potest esse infallibilis regula veritatis. Alio modo dicimus aliquo iudicare de veritate aliqua, sicut virtute iudicativa: & hoc modo per intellectum agentem iudicamus de veritate. Sed tamen ut profundius intentionem Augustini scrutemur, & quomodo se habeat veritas circa hoc, sciendum est, quod quidam antiqui Philosophi non ponentes aliam vim cognoscitivam praeter sensum, neque aliqua entia praeter sensibilia, dixerunt, quod nulla certitudo de veritate a nobis haberi potest; & hoc propter duo. Primo quidem quia ponebant sensibilia semper esse in fluxu, & nihil in rebus esse stabile. Secundo quia inveniuntur circa idem aliqui diversissime iudicantes, sicut aliter vigilans, & aliter dormiens, & aliter infirmus, aliter sanus. Nec potest accipi aliquid quo discernatur quis horum verius existimet, cum quilibet aliquam similitudinem veritatis habeat. Et haec sunt duo.

duæ rationes, quas Augustinus tangit, propter quas antiqui dixerunt veritatem non posse cognosci a nobis. Unde & Sociates desperans de veritate rerum capessenda, totum se ad moralem Philosophiam contulit. Plato veto eius discipulus consentiens antiquis Philosophis quod sensibilia semper sunt in motu, & in fluxu, & quod sensus circa sensibilia non habet certum iudicium de rebus, ad certitudinem scientiæ stabilendam, posuit quidem ex una parte species rerum separatas a sensibilibus, & immobiles, de quibus dixit esse scientias; ex alia parte posuit in homine virtutem cognoscitivam supra sensum, scilicet mentem, vel intellectum illustratum a quodam superiori Sole intelligibili, sicut illustratur visus a Sole visibili (dial. vi. de Repub. inter med. & fin.) Augustinus autem Platonem secutus quantum fides catholica patiebatur, non posuit species rerum per se subsistentes; sed loca earum posuit rationes rerum in mente divina, & quod per eas secundum intellectum illustratum a luce divina de omnibus iudicamus: non quidem sic quod ipsas rationes videamus, hoc enim esset impossibile, nisi Dei essentiam videremus; sed secundum quod illæ supremæ rationes imprimunt in mentes nostras. Sic enim Plato (loc. cit.) posuit scientias de speciebus separatis esse, non quod ipsæ viderentur; sed secundum quod eas mens nostra participat, de rebus scientiam habet. Unde & in quadam Glossa (Augustini) super illud (Psalm. xi.) *Diminuta sunt veritates a filiis hominum*, dicitur, quod sicut ab una facie resplendent multæ similitudines in speculis, ita ex una prima veritate resulant multæ veritates in mentibus nostris. Aristoteles autem (H. de Anima. com. clxi.) per aliam viam processit. Primo enim multipliciter ostendit, in sensibilibus esse aliquid stabile. Secundo quod iudicium sensus verum est de sensibilibus propriis, sed decipitur circa sensibilia communia, magis autem circa sensibilia per accidens. Tercio quod supra sensum est virtus intellectiva, quæ iudicat de veritate, non per aliqua intelligibilia extra existentia, sed per lumen intellectus agentis, quod facit intelligibilia. Non multum autem refert dicere, quod ipsa intelligibilia participantur a Deo, vel quod lumen faciens intelligibilia participetur.

Ad nonum dicendum, quod regulæ illæ quas impii conspiciunt, sunt prima principia in agendis, quæ conspiciuntur per lumen in-

tellektus agentis a Deo participati, sicut etiam prima principia scientiarum speculativarum.

Ad decimum dicendum, quod illud quo iudicatur de duobus quid sit melius, oportet esse utroque melius, si eo iudicetur ut regula, & mensura: sic enim album est regula & mensura omnium aliorum colorum, & Deus omnium entium: quia unumquodque tanto melius est, quanto magis optimo appropinquat. Illud autem quo iudicamus aliquid esse melius altero ut virtute cognoscitiva, non oportet esse utroque melius. Sic autem per intellectum agentem iudicamus Angelum esse animam meliorem.

Ad undecimum patet solutio ex dictis (in corp. & art. præced.) Sic enim intellectus agens comparatur ad possibile, ut ars movens ad materiam, in quantum facit intelligibilia in actu, ad quæ est intellectus possibilis in potentia. Dictum est autem (in corp. art.) quomodo hæc duo in una substantia animæ fundari possint.

Ad duodecimum dicendum, quod sic est una ratio numerorum in omnibus mentibus, sicut & una ratio lapidis: quæ quidem est una ex parte rei intellectæ, non autem ex parte actus intelligendi, quod non est de ratione rei intellectæ: non enim est de ratione lapidis quod intelligatur. Unde talis unitas rationis numerorum, vel lapidum, vel cuiuscunque rei nihil facit ad unitatem intellectus possibilis, vel agentis, ut supra magis expostum est.

Ad decimumtertium dicendum, quod veritas illa in qua tenetur summum bonum, est communis omnibus mentibus vel ratione unitatis rei, vel ratione unitatis primæ lucis in omnes mentes influentis.

Ad decimumquartum dicendum, quod universale quod facit intellectus agens, est unum in omnibus a quibus ipsum abstrahitur: unde intellectus agens non diversificatur secundum eorum diversitatem. Diversificatur autem secundum diversitatem intellectuum: quia & universale non ex parte habet unitatem quæ est a me, & a te intellectum, intelligi enim a me, & a te accidit oniversali. Unde diversitas intellectuum non impedit unitatem universalis.

Ad decimumquintum dicendum, quod inconvenienter dicitur intellectus agens nudus, vel vestitus, plenus speciebus, vel vacuus. Impleri enim speciebus est intellectus possibilis, sed facere eas est intellectus agentis. Non est autem dicendum, quod intellectus agens seorsum intelligat ab intel-

lectu possibili; sed homo intelligit per utrumque: qui quidem habet cognitionem in particulari per sensitivas potentias eorum quæ per intellectum agentem abstrahuntur.

Ad decimum sextum dicendum, quod non est ex Dei insufficientia quod rebus creatis virtutes activas attribuit, sed ex eius perfectissima plenitudine, quæ sufficit ad omnibus communicandum.

Ad decimum septimum dicendum, quod species quæ est in imaginatione, est eiusdem generis cum specie quæ est in sensu, quia utraque est individualis, & materialis; sed species quæ est in intellectu, est alterius generis, quia est universalis: & ideo species imaginaria non potest imprimere speciem intelligibilem, sicut species sensibilis imprimit speciem imaginariam: propter quod necessaria est virtus intellectiva activa, non autem virtus sensitiva activa.

ARTICULUS XI.

Utrum potentia anime sint idem quod anime essentia.

Ultimo queritur, utrum potentie anime sint idem quod anime essentia. Et videtur quod sic. Dicit enim Augustinus IX. de Trin. (cap. xv.) *Admonemur, hæc scilicet mentem, notitiam, & amorem, in anima existere substantialiter, sive essentialiter, non tamquam in subiecto, ut calor, aut figura in corpore, aut ulla alia quantitas, aut qualitas.*

2. Præterea. In Lib. de spiritu & anima (cap. att. circa fin.) dicitur, quod Deus est anima sua. Anima vero est quidam sua, scilicet potentia, & quidam sua non est, scilicet virtutes.

3. Præterea. Differentie substantiales non sumuntur ab aliquibus accidentibus. Sed sensibile, & rationale sunt differentie substantiales, quæ sumuntur a sensu, & ratione. Ergo sensus, & ratio non sunt accidentia, & pari ratione neque alie anime potentie; & ita videntur esse de essentia anime.

4. Sed dicendum, quod potentie anime neque sunt accidentia, neque sunt de essentia anime, quia sunt proprietates naturales, sive substantiales; & ita sunt medium inter subiectum & accidentis. Sed contra. Inter affirmationem & negationem non est aliquid medium. Sed substantia, & accidentis distinguuntur secundum affirmationem, &

negationem: accidens enim est quod est in subiecto; substantia vero est quæ non est in subiecto. Ergo inter essentiam rei & accidentis, nihil est medium.

5. Præterea. Si potentie anime dicuntur proprietates naturales, vel substantiales, aut hoc est, quia sunt partes essentie, aut quia causantur a principis essentie. Si primo modo, tunc pertinent ad essentiam anime, quia partes essentie sunt de essentia rei. Si secundo modo, sic etiam accidentia possunt dici essentialia, quia ex principis subiecti causantur. Ergo oportet quod potentie anime vel pertineant ad essentiam anime, vel sint accidentia.

6. Sed dicendum, quod licet accidentia causentur ex principis substantie, non tamen omne quod causatur ex principis substantie, est accidens. Sed contra. Omne medium oportet quod distinguatur ab utroque extremorum. Si ergo potentie anime sint medium inter essentiam & accidentis, oportet quod distinguantur tam ab essentia, quam ab accidente. Sed nihil potest distinguui ab aliquo per id quod est commune utriusque. Cum ergo fluere a principis substantie, propter quod potentie dicuntur esse essentialia, conveniat etiam accidentibus, videtur quod potentie anime non distinguantur ab accidentibus; & ita videtur quod non sit medium inter substantiam & accidentis.

7. Sed dicendum, quod distinguuntur ab accidentibus per hoc quod anima potest intelligi sine accidentibus, non autem potest intelligi sine suis potentiis. Sed contra. Unumquodque intelligitur per suam essentiam: quia proprium obiectum intellectus est quod quid est, ut dicitur III. de Anima (com. xxvi.) Quidquid ergo est sine quo res intelligi non potest, est de essentia rei. Si ergo anima sine potentiis non potest intelligi, sequitur quod sint de essentia anime, & quod non sit medium inter essentiam & accidentia.

8. Præterea. Augustinus dicit X. de Trin. (cap. xii. parum ante med.) quod memoria, intelligentia, & voluntas sunt una vita, una mens, una substantia; & ita videtur quod potentie anime sint ipsa eius essentia.

9. Præterea. Sicut se habet rota anima ad totum corpus, ita se habet pars anime ad partem corporis. Sed tota anima est forma substantialis corporis. Ergo pars anime, ut visus, est forma substantialis partis corporis, scilicet oculi. Sed anima secunda

dum suam effectum est forma substantialis totius corporis, & cuiuslibet partium eius. Ergo potentia vivifica est idem quod essentia animae, & eadem ratione omnes aliae potentiae.

10. Praeterea. Anima est dignior quam forma accidentalis. Sed forma accidentalis activa est sua virtus. Ergo multo magis anima est suae potentiae.

11. Praeterea. Anselmus dicit in Monologio (cap. lxx. circa med.) quod nihil potuit animae maius dari quam remitti, intelligere, & velle. Sed inter omnia quae conveniunt animae, praeipuum est sua essentia, quae a Deo est ei data. Ergo potentiae animae sunt idem quod eius essentia.

12. Praeterea. Si potentiae animae sunt aliud quam eius essentia, oportet quod fluant ab essentia animae sicut a principio. Sed hoc est impossibile: quia sequeretur quod principiatum esset immaterialius suo principio: intellectus enim, qui est potentia quaedam, non est actus alicuius corporis; anima autem secundum suam essentiam est actus corporis. Ergo & primum est inconveniens, scilicet quod potentiae animae non sunt essentia eius.

13. Praeterea. Maxime proprium substantiae est esse susceptivum contrariorum. Sed potentiae animae sunt susceptivae contrariorum, sicut voluntas virtutis & vitii, & intellectus scientiae & erroris. Ergo potentiae animae sunt substantia aliqua. Sed non alia substantia quam substantia animae. Ergo sunt idem quod animae substantia.

14. Praeterea. Anima immediate unitur corpori ut forma & non mediante aliqua potentia; sed in quantum est forma corporis, dat aliquem actum corpori. Non autem hunc actum quod est esse, quia hic actus invenitur etiam in quibus non est anima; nec iterum hunc actum qui est vivere, quia hic actus invenitur in quibus non est anima rationalis. Ergo relinquatur quod det hunc actum qui est intelligere. Sed hunc actum dat potentia intellectiva. Ergo potentia intellectiva est idem quod essentia animae.

15. Praeterea. Anima est nobilior, & perfectior quam materia prima. Sed materia prima est idem quod sua potentia: non enim potest dici, quod potentia materiae sit accidens eius, quia sic accidens praexistit formae substantiali, cum potentia in uno & eodem sit prius tempore quam actus, ut dicitur in IX. Metaph. (com. xxi.) nec igitur

est forma substantialis, quia forma est actus qui opponitur potentiae: & similiter nec substantia composita, quia sic substantia composita praecederet formam, quod est impossibile: & ita relinquatur quod potentia materiae sit ipsa essentia materiae. Multo igitur magis potentiae animae sunt eius essentia.

16. Praeterea. Accidens non extenditur ultra suum subiectum. Sed potentiae animae extenduntur ultra ipsam animam: quia anima non solum intelligit, & vult se, sed etiam alia. Ergo potentiae animae non sunt eius accidentia. Relinquatur ergo quod sint ipsa essentia animae.

17. Praeterea. Omnis substantia ex hoc ipso est intellectualis, quod est immunitas a materia, ut Avicenna dicit. Sed esse immateriale convenit animae secundum suam essentiam. Ergo & esse intellectuale: intellectus ergo est sua essentia, & pari ratione aliae eius potentiae.

18. Praeterea. In his quae sunt sine materia, idem est intellectus, & intellectum, secundum Philosophum (Lib. III. de Anima com. xv.) Sed ipsa essentia animae est quae intelligitur. Ergo ipsa essentia animae est intellectus, & pari ratione anima est aliae suae potentiae.

19. Praeterea. Partes rei sunt de substantia eius. Sed potentiae animae dicuntur partes eius. Ergo pertinent ad substantiam animae.

20. Praeterea. Anima est substantia simplex, ut supra (art. 1.) dictum est; potentiae autem animae plures sunt. Si igitur potentiae animae non sunt eius essentia, sed accidentia quaedam, sequitur quod in uno simplici sint plura, & diversa accidentia; quod videtur inconveniens. Non ergo potentiae animae sunt eius accidentia, sed ipsa eius essentia.

Sed contra est quod Dionysius dicit xi. cap. angelicæ Hierarchiae, quod superiores essentiae dividuntur in substantiam, virtutem, & operationem. Multo ergo magis in animabus aliud est earum essentia, & aliud virtus, sive potentia.

Praeterea. Augustinus dicit XV. de Trin. (cap. xxi. in fine) quod anima dicitur imago Dei, sicut tabula, propter picturam quae in ea est. Sed pictura non est ipsa essentia tabulae. Ergo nec potentiae animae, secundum quas imago Dei assignatur in anima, sunt ipsa animae substantia.

Praeterea. Quaecumque essentialiter numerantur, non sunt una essentia. Sed illa tria, secundum

secundum quæ attenditur imago in anima, numerantur essentialiter, vel substantialiter. Non ergo sunt ipsa essentia animæ, quæ est una.

Præterea. Potentia est medium inter substantiam & operationem. Sed operatio differt a substantia animæ. Ergo substantia differt ab utroque; alioquin non esset medium, si esset idem cum extremo.

Præterea. Agens principale, & instrumentale non sunt unum. Sed potentia animæ comparatur ad essentiam eius ut agens instrumentale ad principale: dicit enim Anselmus in Lib. de concordia præscientiæ, & lib. arb. (post medium) quod volucribus quæ est potentia animæ, est sicut instrumentum. Ergo anima non est suæ potentiæ.

Præterea. Philosophus dicit in Lib. de memoria & remin. (cap. t. non procul a h.) quod memoria est passio, aut habitus sensitivi, aut phantastici. Passio autem, & habitus est accidentis. Ergo memoria est accidentis, & eadem ratione aliæ potentiæ animæ.

Respondeo dicendum, quod quidam posuerunt, potentias animæ non esse aliud quam ipsam eius essentiam; ita quod una & eadem essentia animæ, secundum quod est principium sensitivæ operationis, dicitur sensus; secundum vero quod est intellectualis operationis principium, dicitur intellectus, & sic de aliis. Et ad hoc præcipue videtur moti fuisse, ut Avicenna dicit, propter simplicitatem animæ, quæ non compareretur tantam diversitatem, quanta apparet in potentiis animæ. Sed hæc positio est omnino impossibilis. Primo quidem quia impossibile est quod alicuius substantiæ creatæ sua essentia sit sua potentia operativa. Manifestum est enim quod diversi actus diversorum sunt: semper enim actus proportionatur ei cuius est actus. Sicut autem ipsum esse est actualitas quædam essentia, ita operari est actualitas operativæ potentiæ, seu virtutis. Secundum enim hoc, utrumque eorum est in actu, essentia quidem secundum esse, potentia vero secundum operari. Unde cum in nulla creatura suum operari sit suum esse, sed hoc sit proprium solius Dei, sequitur quod nullius creaturæ operativa potentia sit eius essentia, sed solius Dei proprium est ut sua essentia sit sua potentia. Secundo impossibile apparet hoc speciali ratione in anima propter tria. Primo quidem quia essentia una est, in potentiis autem oportet ponere multitudinem propter diversitatem actuum, & obiectuum. Oportet

eoim potentias secundum actus diversificari, cum potentia ad actum dicatur. Secundo idem apparet ex potentiarum differentia: quarum quidam sunt quarundam partium corporis actus, ut omnes potentiæ sensitivæ, & nutritivæ partis; quædam vero potentiæ non sunt actus alicuius partis corporis, ut intellectus, & voluntas: quod non posset esse, si potentiæ animæ non essent aliud quam eius essentia. Non enim posset dici, quod unum & idem posset esse actus corporis, & separatim, nisi secundum diversa. Tertio apparet idem ex ordine potentiarum animæ, & habitudine earum ad invicem: invenitur enim quod una aliam movet, sicut ratio irascibilem, & concupiscibilem, & intellectus voluntatem: quod esse non posset, si omnes potentiæ essent ipsa animæ essentia: quia idem secundum idem non movet seipsum, ut probat Philosophus. Relinquitur ergo quod potentiæ animæ non sunt ipsa eius essentia. Quod quidam concedentes dicunt, quod nec etiam sunt animæ accidentis, sed sunt eius proprietates essentielles, seu naturales. Quæ quidem opinio uno modo intellecta potest sustineri, alio vero modo est impossibilis. Ad cuius evidentiam considerandum est, quod accidens a Philosophis dupliciter accipitur. Uno modo secundum quod dividitur substantiæ, & continet sub se eorum rerum genera. Sic autem accipiendo accidens, positio est impossibilis. Non enim inter substantiam & accidens potest esse aliquid medium; cum substantia, & accidens dividant ens per affirmationem, & negationem; cum proprium substantiæ sit non esse in subiecto, accidentis vero sit in subiecto esse. Unde si potentiæ animæ non sunt ipsa essentia animæ (& manifestum est quod non sunt aliæ substantiæ) sequitur quod sint accidentia in aliquo eorum generum contenta. Sunt eoim in secunda specie qualitatis, quæ dicitur potentia, vel impotentia naturalis. Alio modo accipitur accidens, secundum quod ponitur ab Aristoteles unum de quatuor predicamentis in I. Topicorum (cap. xv.) & secundum quod a Porphyrio ponitur unum quinque universalium (in prædicabilibus cap. vt.) Sic enim accidens non significat id quod commune est novem generibus, sed habitudinem accidentalem prædicati ad subiectum, vel communis ad ea quæ sub communi continentur. Si enim hæc esset eadem acceptio cum prima, cum accidens sic acceptum dividatur contra genus, & speciem, sequeretur

tur quod nihil quod fit in novem generibus, posset dici vel genus, vel species; quod patet esse falsum, cum color sit generis albedinis, & numerus binarii. Sic igitur accipiendo accidens, est aliquid medium inter substantiam & accidens, idest inter substantiam prædicatum & accidentale; & hoc est proprium. Quod quidem convenit cum substantiali prædicato, inquantum causatur ex principiis essentialibus speciei: & ideo per definitionem significantem essentiam demonstratur proprietates de subiecto. Cum accidentali vero prædicato convenit in hoc quod nec est essentia rei, nec pars essentiae, sed aliquid præter ipsam. Differt autem ab accidentali prædicato, quia accidentale prædicatum non causatur ex principiis essentialibus speciei; sed accidit individuo, sicut proprium speciei, quandoque tamen separabiliter, quandoque inseparabiliter. Sic igitur potentiae animæ sunt medium inter essentiam animæ & accidens, quasi proprietates naturales, vel essentielles, idest essentialiter naturaliter consequentes.

Ad primum ergo dicendum, quod quidquid dicatur de potentis animæ, tamen nullus unquam opinatur nisi insanus, quod habitus, & actus animæ sint ipsa eius essentia. Manifestum autem est quod notitia, & amor, de quibus ibi Augustinus loquitur, non nominant potentias, sed actus, aut habitus. Unde non intendit Augustinus dicere, quod notitia, & amor sint ipsa essentia animæ; sed quod insint ei substantialiter, vel essentialiter. Ad cuius intellectum sciendum est, quod Augustinus ibi loquitur de mente, secundum quod novit se, & amat se. Sic igitur notitia, & amor possunt comparari ad mentem aut sicut ad amantem, & cognoscentem, aut sicut ad amatam, & cognitam: & hoc secundo modo loquitur hic Augustinus: ea enim ratione dicit notitiam, & amorem substantialiter, vel essentialiter in mente, vel in anima existere, quia mensamat ipsam essentiam, vel substantiam novit. Unde postea Lib. IX. cap. XIII. (cap. IV.) subdit: *Quomodo illa tria non sunt eiusdem essentia, non video; cum mens ipsa se amet, atque ipsa se novit.*

Ad secundum dicendum, quod liber de spiritu & anima est apocryphus, cum eius auctor ignoretur, & sunt ibi multa vel falsa, vel improprie dicta: quia ille quilibet compositus, non intellexit dicta sanctorum, a quibus accipere conatus fuit. Si tamen sustineri debeat, sciendum est, tri-

plex esse totum. Unum universale, quod adest cuilibet parti secundum totam suam essentiam, & virtutem: unde proprie prædicatur de suis partibus, ut cum dicitur, Homo est animal. Aliud vero est totum integrale, quod non adest alicui suæ parti neque secundum totam essentiam, neque secundum totam suam virtutem; & ideo nullo modo prædicatur de parte, ut dicatur, Pares est domus. Tertium est totum portionale, quod est medium inter has duo: adest enim suæ parti secundum totam suam essentiam, sed non secundum totam suam virtutem: unde medio modo se habet in prædicando: prædicatur enim quandoque de partibus, sed non proprie. Ex hoc modo quandoque dicitur, quod anima est suæ portionalis, vel e converso.

Ad tertium dicendum, quod formæ substantiales per se ipsas sunt ignotæ; sed intellescent nobis per accidentia propria. Frequenter enim differentie substantiales ab accidentibus sumuntur loco formarum substantialium, quæ per huiusmodi accidentia intellescent; sicut bipes, & gressibile, & huiusmodi: & sic etiam sensibile, & rationale ponuntur differentie substantiales. Vel potest dici, quod sensibile, & rationale, prout sunt differentie, non sumuntur a ratione, & a sensu secundum quod nominant potentias, sed ab anima rationali, & ab anima sensitiva.

Ad quartum dicendum, quod ratio illa procedit de accidente, secundum quod est commune ad novem genera; & sic nihil est medium inter substantiam & accidens, sed alio modo, ut dictum est (in corp. art.)

Ad quintum dicendum, quod potentie animæ dici possunt proprietates essentielles, non quia sint partes essentiae, sed quia causantur ab essentia: & sic non distinguuntur ab accidente, quod est commune novem generibus; sed distinguuntur ab accidente quod est accidentale prædicatum, & non causatur a natura speciei.

Ad septimum dicendum, quod duplex est operatio intellectus, sicut dicitur in III. de Anima (com. XXI.) Una qua intelligit quod quid est: & tali operatione intellectus potest intelligi essentia rei & sine proprio, & sine accidente, cum neutrum eorum ingrediatur rei essentiam: & sic procedit ratio. Alia est operatio intellectus compositis, sive dividitis: & sic potest substantia intelligi sine accidentali prædicato, etiam si secundum rem sit inseparabile, sicut potest intelligi corvus esse albus: non enim

enim est ibi repugnantia intellectuum; cum oppositum predicari non dependeat ex principis speciei, quæ signatur nomine in subiecto posito. Hac vero operatione intellectus non potest intelligi substantia sine proprio: non enim potest intelligi quod homo non sit risibilis; vel triangulus non habeat tres angulos duobus rectis aequales: hic enim est repugnantia intellectuum, quia oppositum predicati dependet ex natura subiecti. Sic igitur potest intelligi prima operatione intellectus essentia animæ, ut scilicet intelligatur quod quid est absque potentia; non autem secunda operatione, ita scilicet quod intelligatur non habere potentias.

Ad octavum dicendum, quod illa tria dicuntur esse una vita, una essentia, vel secundum quod comparantur ad essentiam ut ad obiectum, vel eo modo quo totum potentiale predicatur de partibus.

Ad nonum dicendum, quod tota anima est forma substantialis totus corporis, non ratione totalitatis potentialium, sed per ipsam essentiam animæ, ut supra (art. 4.) dictum est: unde non sequitur quod ipsa potentia visiva sit forma substantialis oculi; sed ipsa essentia animæ, secundum quod est subiectum, vel principium talis potentie.

Ad decimum dicendum, quod forma accidentalis, quæ est principium actionis, ipsa est potentia, vel virtus substantie agentis; non autem proceditur in infinitum, ut cuiuslibet virtutis sit alia virtus.

Ad undecimum dicendum, quod essentia est maius donum quodammodo quam potentia, sicut causa est potior effectu. Potentie etiam sunt quodammodo potiores, inquantum sunt propinquiores actibus, quibus anima suo fini inheret.

Ad duodecimum dicendum, quod ex hoc contingit quod ab essentia animæ aliqua potentia fluat, quæ non est actus corporis, quia essentia animæ excedit corpus proportionem, ut supra (art. 4.) dictum est. Unde non sequitur quod potentia sit immaterialior quam essentia, sed ex immaterialitate essentie sequitur immaterialitas potentie.

Ad decimumtertium dicendum, quod accidentium unum est alio subiecto propinquius, sicut quantitas est propinquior substantie quam qualitas: & ita substantia recipit unum accidentis alio mediante, sicut colorem mediante superficie, & scientiam mediante potentia intellectiva. Eo igitur modo potentia animæ est susceptiva contrari-

rum, sicut superficies albi, & nigri, inquantum scilicet substantia suscipit contraria secundum prædicta.

Ad decimumquartum dicendum, quod anima, inquantum est forma corporis secundum suam essentiam, dat esse corpori, inquantum est forma substantialis; & dat sibi huiusmodi esse quod est vivere, inquantum est talis forma, scilicet anima; & dat ei huiusmodi vivere, scilicet in intellectuali natura, inquantum est talis anima, scilicet intellectiva. Intelligere autem quandoque sumitur pro operatione, & sic principium eius est potentia, vel habitus; quandoque vero pro ipso esse intellectualis nature, & sic principium eius quod est intelligere, est ipsa essentia animæ intellectiva.

Ad decimumquintum dicendum, quod potentia materie non est ad operari, sed ad esse substantiale: & ideo potentia materie potest esse in genere substantie, non autem potentia animæ, quæ est ad operari.

Ad decimumsextum dicendum, quod, sicut supra dictum est, Augustinus comparat notitiam, & amorem ad mentem secundum quod cognoscitur, & amatur: & si secundum hanc habitudinem notitia, & amor essent in mente, vel in anima sicut in subiecto, sequeretur quod pars ratione esset sicut in subiecto in omnibus cognitis, & amatis, & sic accidens transiret suum subiectum; quod est impossibile: alioquin si Augustinus intenderet probare quod hæc essent ipsa essentia animæ, nulla esset eius probatio. Non enim minus verum est de essentia rei, quæ non est extra rem, quam de accidente, quod non est extra subiectum.

Ad decimumseptimum dicendum, quod ex hoc ipso quod anima immutabilis est actus materia secundum suam substantiam, sequitur quod habeat virtutem intellectivam; non autem ita quod eius virtus sit sua substantia.

Ad decimumoctavum dicendum, quod intellectus non solum est potentia intellectiva, sed multo magis substantia per potentiam; unde intelligitur non solum potentia, sed etiam substantia.

Ad decimumnonum dicendum, quod potentie animæ dicuntur partes non essentie animæ, sed totalis virtutis eius; sicut si diceretur quod potentia ballivi est pars totius potestatis regie.

Ad viceimum dicendum, quod potentiarum animæ plures non sunt in anima sicut in subiecto, sed in composito: & huic mul-

tiplicati potentiarum competit multiformitas partium corporis. Potentiae vero quae sunt in sola substantia animae sicut in subiecto, sunt intellectus agens, & possibilis, & voluntas: & ad hanc multipliciter potentiarum sufficit quod in substantia animae est aliqua compositio actus, & potentiae, ut supra dictum est. Et hæc de spiritalibus creaturis dicta sufficiant.

Quæstionis de spirit. creat. Finis.

S. T H O M A E AQUINATIS UNICA QUAESTIO

*De anima,
in viginti & novum articulis divisa.*

Primo enim quaeritur, utrum anima humana possit esse forma, & hoc aliquid.

Secundo. Utrum anima humana sit separata secundum esse a corpore.

Tertio. Utrum intellectus possibilis, sive anima intellectiva, sit una in omnibus.

Quarto. Utrum necesse sit ponere intellectum agentem.

Quinto. Utrum intellectus agens sit unus, & separatus.

Sexto. Utrum anima sit composita ex materia & forma.

Septimo. Utrum Angelus, & anima differant specie.

Octavo. Utrum anima rationalis tali corpori debeat uniri, quale est corpus humanum.

Nono. Utrum anima uniatur materiae corporali.

Decimo. Utrum anima sit tota in toto corpore, & in qualibet parte eius.

Undecimo. Utrum in homine anima rationalis, sensibilis, & vegetabilis sit una substantia.

Duodecimo. Utrum anima sit suæ potentiae.

Tertiodecimo. De distinctione potentiarum animæ, utrum videlicet distinguantur per obiecta.

Quartodecimo. De immortalitate animæ humanæ, & utrum sit immortalis.

S. Tb. Oper. Tom. XV.

Quintodecimo. Utrum anima separata a corpore possit intelligere.

Sextodecimo. Utrum anima coniuncta corpori possit intelligere substantias separatas.

Decimosextimo. Utrum anima separata possit intelligere substantias separatas.

Decimosextavo. Utrum anima separata cognoscat omnia naturalia.

Decimonono. Utrum potentiae sensitivæ remaneant in anima separata.

Vigésimo. Utrum anima separata singularia cognoscat.

Vigésimoprimum. Utrum anima separata possit pati poenam ab igne corporeo.

ARTICULUS I.

Utrum anima humana possit esse forma, & hoc aliquid.

Questio est de anima, utrum anima humana possit esse forma, & hoc aliquid. Et videtur quod non. Si enim anima humana est hoc aliquid, est subsistens, & habens per se esse completum. Quod autem advenit alicui post esse completum, advenit ei accidentaliter, ut albedo homini, & vestimentum. Corpus igitur unum animæ advenit ei accidentaliter. Si ergo anima est hoc aliquid, non est forma substantialis corporis.

1. Præterea. Si anima est hoc aliquid, oportet quod sit aliquid individuum: nullum enim universalium est hoc aliquid. Aut igitur individuatur ex aliquo alio, aut ex se. Si ex alio, & est forma corporis, oportet quod individuatur ex corpore (nam formæ individuatur ex propria materia) & sic sequitur quod remoto corpore tollitur individuatio animæ; & sic anima non poterit esse per se subsistens, nec hoc aliquid. Si autem ex se individuatur, aut est forma simplex; aut est aliquid compositum ex materia & forma. Si est forma simplex, sequitur quod anima individuatur, ab alia differre non poterit nisi secundum formam. Differentia autem secundum formam facit diversitatem speciei. Sequitur igitur quod animæ diversorum hominum sint speciei differentes: unde & homines speciei differant, si anima est forma corporis, cum unumquodque a propria forma speciem sortiatur. Si autem anima est composita ex materia & forma, impossibile est quod secundum se totam sit forma corporis: nam materia nullius est forma. Relinquitur igitur

Y y tur

tur quod impossibile sit animam simul esse hoc aliquid, & formam.

3. Præterea. Si anima est hoc aliquid, sequitur quod sit individuum quoddam. Omne autem individuum est in aliqua specie, & in aliquo genere. Relinquitur igitur quod anima habeat propriam speciem, & proprium genus. Impossibile est autem quod aliquid propriam speciem habens recipiat superadditionem alterius, ad speciei consuetam constitutionem: quia, ut Philosophus dicit VIII. Metaph. (Lib. II. com. 11.) formæ, vel species rerum sunt sicut numeri; quibus quidquid subtrahitur, vel additur, speciem variant. Materia autem & forma uniuntur ad speciei constitutionem. Si igitur anima est hoc aliquid, non uniatur corpori ut forma materiæ.

4. Præterea. Cum Deus res propter sui bonitatem fecerit, quæ in diversis rerum gradibus manifestatur, tot gradus entium instituit, quos potuit natura pati. Si igitur anima humana potest per se subsistere (quod oportet dicere, si est hoc aliquid) sequeretur quod anima per se existens sit unus gradus entium. Formæ autem non sunt unus gradus entium scorum sine materiis. Igitur anima, si est hoc aliquid, non erit forma alicuius materiæ.

5. Præterea. Si anima est hoc aliquid, & per se subsistens, oportet quod sit incorruptibilis, cum neque contrarium habeat, neque ex contrariis composita sit. Si autem est incorruptibilis, non potest esse proportionata corpori corruptibili, quale est corpus humanum. Omnis autem forma est proportionata suæ materiæ. Igitur si anima est hoc aliquid, non erit forma corporis humani.

6. Præterea. Nihil subsistens est actus purus nisi Deus. Si igitur anima est hoc aliquid, utpote per se subsistens, erit in ea aliqua compositio actus & potentie; & sic non poterit esse forma, quia potentia non est alicuius actus. Si igitur anima sit hoc aliquid, non erit forma.

7. Præterea. Si anima est hoc aliquid potens per se subsistere, non oportet quod corpori uniatur nisi propter aliquod bonum ipsius. Aut igitur propter aliquod bonum essentiale, aut propter bonum accidentale. Propter bonum essentiale non, quia sine corpore potest subsistere: neque etiam propter bonum accidentale, quod præcipue videtur esse cognitio veritatis, quam anima

humana per sensus accipit, qui sine organo corporis esse non possunt. Sed animæ puerorum antequam nascantur morientium, dicuntur a quibusdam perfectam cognitionem rerum habere, quam tamen constat quod per sensum non acquirerent. Si igitur anima est hoc aliquid, nulla ratio est quare corpori uniatur ut forma.

8. Præterea. Forma, & hoc aliquid ex opposito dividuntur: dicit enim Philosophus in II. de Anima (com. x.) quod substantia dividitur in tria, quorum unum est forma, aliud materia, & tertium quod est hoc aliquid. Opposita autem non dicuntur de eodem. Ergo anima humana non potest esse forma, & hoc aliquid.

9. Præterea. Id quod est hoc aliquid, per se subsistit. Formæ autem proprium est quod sit in alio, quæ (a) videntur esse opposita. Si igitur anima est hoc aliquid, non videtur quod sit forma.

10. Sed diceretur, quod corrupto corpore anima remanet hoc aliquid, & per se subsistens; sed tunc perit in ea ratio formæ. Sed contra. Omne quod potest abscedere ab aliquo, manente substantia eius, inest ei accidentaliter. Si igitur anima remanente post corpus, perit in ea ratio formæ, sequitur quod ratio formæ conveniat ei accidentaliter. Sed non unitur corpori ad constitutionem hominis, nisi prout est forma. Ergo unitur corpori accidentaliter, & per consequens homo erit ens per accedens; quod est inconveniens.

11. Præterea. Si anima humana est hoc aliquid, & per se existens, oportet quod per se habeat aliquam propriam operationem: quia unicuique rei per se existentis est aliqua propria operatio. Sed anima humana non habet aliquam propriam operationem, quia ipsum intelligere, quod maxime videtur esse eius proprium, non est animæ, sed hominis per animam, ut dicitur in I. de Anima (com. lxiv.) Ergo anima humana non est hoc aliquid.

12. Præterea. Si anima humana est forma corporis, oportet quod habeat aliquam dependentiam ad corpus: forma enim, & materia a se invicem dependent. Sed quod dependet ex aliquo, non est hoc aliquid. Si igitur anima est forma corporis, non erit hoc aliquid.

13. Præterea. Si anima est forma corporis, oportet quod animæ, & corporis sit unum esse: nam ex materia & forma fit unum

(a) Al. dicuntur, item docentur.

unum secundum esse. Sed animæ, & corporis non potest esse unum esse, cum sint diversorum generum: anima enim est in genere substantiæ incorporeæ, corpus vero in genere substantiæ corporeæ. Anima igitur non potest esse forma corporis.

14. Præterea. Esse corporis est esse corruptibile, & ex partibus quantitativis resultant; esse autem animæ est incorruptibile, & simplex. Ergo corporis & animæ non est unum esse.

15. Sed diceretur, quod corpus humanum, ipsum esse corporis habet per animam. Sed contra. Philosophus dicit in II. de Anima (com. vi.) quod anima est actus corporis physici organici. Hoc igitur quod comparatur ad animam, ut materia ad actum, est iam corpus physicum organicum; quod non potest esse nisi per aliquam formam, qua constituitur in genere corporis. Habet igitur corpus humanum suum esse præter esse animæ.

16. Præterea. Principia essentialia, quæ sunt materia, & forma, ordinantur ad esse. Sed ad illud quod potest haberi in natura ab uno, non requiruntur duo. Si igitur anima, cum sit hoc aliquid, habet in se proprium esse, non adiungitur ei secundum naturam corpus, nisi ut materia formæ.

17. Præterea. Esse comparatur ad substantiam animæ ut actus eius; & sic oportet quod sit supremum in anima. Inferius autem non contingit id quod est superius secundum supremum in eo, sed magis secundum infimum: dicit enim Dionysius vii. cap. de div. Nom. quod divina sapientia coniungit fines primorum principii secundorum. Corpus igitur, quod est inferius animæ, non pettingit ad esse quod est supremum in ipsa.

18. Præterea. Quorum est unum esse, & una operatio. Si igitur est animæ humanæ communis corpori sit commune corpori, & operatio eius, quæ est intelligere, erit communis animæ, & corpori: quod est impossibile, ut probatur in III. de Anima (com. vi.) Non est igitur unum esse animæ humanæ, & corporis: unde sequitur quod anima non sit forma corporis, & hoc aliquid.

Sed contra. Unumquodque sortitur speciem per propriam formam. Sed homo est homo inquantum est rationalis. Ergo anima rationalis est propria forma hominis. Est autem hoc aliquid, & per se subsistens, cum per se operetur. Non enim est intelligere per organum corporeum, ut probatur

in III. de Anima (com. vi.) Anima igitur humana est hoc aliquid, & forma.

Præterea. Ultima perfectio animæ humanæ consistit in cognitione veritatis, quæ est per intellectum. Ad hoc autem quod perficiatur anima in cognitione veritatis, indiget uniri corpori: quia intelligit per phantasmata, quæ non sunt sine corpore. Ergo necesse est ut anima corpori uniatur ut forma, & sit hoc aliquid.

Respondeo dicendum, quod hoc aliquid proprie dicitur individuum in genere substantiæ. Dicit enim Philosophus in Prædicamentis (in prædicam. substantiæ) quod primæ substantiæ indubitanter hoc aliquid significant, secundæ vero substantiæ etsi videantur hoc aliquid significare, magis tamen significant quale quid. Individuum autem in genere substantiæ non solum habet quod per se possit subsistere, sed quod sit aliquid completum in aliqua specie, & genere substantiæ: unde Philosophus etiam in Prædicamentis (ubi sup.) manum, & pedem, & huiusmodi nominat partes substantiarum magis quam substantias primas, vel secundas: quia licet non sint in alio sicut in subiecto (quod proprie substantiæ est) non tamen participant complete naturam alicuius speciei: unde non sunt in aliqua specie, neque in aliquo genere, nisi per reductionem. Duobus igitur existentibus de ratione eius quod est hoc aliquid, quidam utrumque animæ humanæ abstulerunt, dicentes animam esse harmoniam, ut Empedocles; aut complexionem, ut Galenus; aut aliquid huiusmodi. Sic enim anima neque per se poterit subsistere, neque erit aliquid completum in aliqua specie, vel genere substantiæ; sed erit forma tantum similis aliis materialibus formis. Sed hæc positio stare non potest nec quantum ad animam vegetabilem, cuius operationes oportet habere aliquid principium supergrediens qualitates activas, & passivas, quæ in nutriendo, & in augendo se habent instrumentaliter tantum, ut probatur in II. de Anima (com. xlix. & l.) complexio autem, & harmonia qualitates elementares non transcendunt. Similiter autem non potest stare quantum ad animam sensibilem, cuius operationes sunt in recipiendo species sine materia, ut probatur in II. de Anima (com. cxi.) cum tamen qualitates activæ, & passivæ ultra materiam se non extendant, utpote materię dispositiones existentes. Multo autem minus potest stare quantum ad animam rationalem, cuius operationes sunt intelli-

Y y 2 gere,

gere, & abstrahere species non solum a materia, sed ab omnibus conditionibus materialibus individuantibus, quod requiritur ad cognitionem universalis. Sed adhuc aliquod amplius proprie in anima rationali considerari oportet: quia non solum absque materia, & conditionibus materię species intelligibiles recipit, sed nec etiam in eius propria operatione possibile est communicare aliquod organum corporale, ut sic aliquod corporeum sit organum intelligendi, sicut oculus est organum videndi, ut probatur in III. de Anima (com. vi.) Et sic oportet quod anima intellectiva per se agat, utpote propriam operationem habens absque corporis communione. Et quia unumquodque agit secundum quod est actus, oportet quod anima intellectiva habeat esse per se absolutum non dependens a corpore. Formę enim quę habent esse dependens a materia, vel subiecto, non habent per se operationem: non enim calor agit, sed calidum. Et propter hoc posteriores Philosophi iudicaverunt partem animę intellectivam esse aliquid per se subsistens: dicit enim Philosophus in III. de Anima (com. xix. & xx.) quod intellectus est substantia quidam, & non corruptibilis. Et in idem redit dictum Platonis ponentis (in dialog. de pulchro ante med.) animam immortalem, & per se subsistentem, ex eo quod movet seipsam. Large enim accepit motum pro omni operatione, ut sic intelligatur quod intellectus movet seipsum, quia a seipso operatur. Sed ulterius posuit Plato (Lib. V. de natura hominis versus finem) quod anima humana non solum per se subsisteret, sed quod etiam haberet in se completam naturam speciei. Ponebat enim totam naturam speciei in anima esse, dicens hominem non esse aliquid compositum ex anima & corpore, sed animam corpori advenientem; ut sit comparatio animę ad corpus, sicut nauta ad navem, vel sicuti indui ad vestem. Sed hæc opinio stare non potest. Manifestum est enim id quo vivit corpus, animam esse; vivere autem est esse viventium: anima igitur est quo corpus humanum habet esse actus. Huiusmodi autem forma est. Est igitur anima humana corporis forma. Item si anima esset in corpore, sicut nauta in navi, non daret speciem corpori, neque partibus eius; cuius contrarium apparet ex hoc quod recedente anima, singulę partes non retinent pristinum nomen nisi æquivoco. Dicitur enim oculus mortui æquivoco oculus, sicut pictus, aut lapideus,

& simile est de aliis partibus. Et præterea si anima esset in corpore sicut nauta in navi, sequeretur quod unio animę & corporis esset accidentalis. Mors igitur, quę inducit eorum separationem, non esset corruptio substantialis; quod pater esse falsum. Relinquitur igitur quod anima est hoc aliquid, ut per se potens subsistere, non quā habens in se completam speciem, sed quā perficiens speciem humanam ut forma corporis; & sic similiter est forma, & hoc aliquid. Quod quidem ex ordine formarum naturalium considerari potest. Invenitur enim inter formas inferiorum corporum tanto aliqua alior, quanto superioribus principis magis assimilatur, & appropinquat. Quod quidem ex propriis formarum operationibus perpendi potest. Formę enim elementorum, quę sunt iofimę, & materię propinquissimę, non habent aliquam operationem excedentem qualitates activas, & passivas, ut rarum, & densum, & alior huiusmodi, quę videntur esse materię dispositiones. Super has autem sunt formę mixtorum corporum, quę præter prædictas operationes, habent aliquam operationem consequentem speciem, quam formantur ex corporibus cęlestibus; sicut quod adamas attrahit ferrum, non propter calorem, aut frigus, aut aliquid huiusmodi, sed ex quadam participatione virtutis cęlestis. Super has autem formas sunt iterum animę plantarum, quę habent similitudinem non solum ad ipsa corpora cęlestia, sed ad motores corporum cęlestium, inquantum sunt principia cuiusdam motus, quibusdam seipsa moventibus. Super has autem ulterius sunt animę brutorum, quę similitudinem iam habeat ad substantiam moventem cęlestia corpora, non solum in operatione quę movent corpora, sed etiam in hoc quod in seipsis cognoscitivę sunt; licet brutorum cognitio sit materialium tantum, & materialiter, unde organis corporalibus indigent. Super has autem ultimo sunt animę humanę, quę similitudinem habent ad superiores substantias etiam in genere cognitionis, quia immaterialia cognoscere possunt intelligendo. In hoc tamen ab eis differunt, quod intellectus animę humanę habet naturam acquirendi cognitionem immaterialem ex cognitione materialium, quę est per sensum. Sic igitur ex operatione animę humanę, modus esse ipsius cognosci potest. Inquantum enim habet operationem materialia transcendente, esse suum est supra corpus elevatum, non dependens ex ipso;

ipso; in quantum vero immaterialem cognitionem ex materiali est nata acquirere, manifestum est quod complementum suae speciei esse non potest absque corporis unionem. Non enim aliquid esse completum in specie, nisi habeat ea quae requiruntur ad propriam operationem ipsius speciei. Si igitur anima humana, in quantum unitur corpori ut forma, habet esse elevatum supra corpus, non dependens ab eo, manifestum est quod ipsa est in confinio corporalium, & separatium substantiarum constituta.

Ad primum ergo dicendum, quod licet anima habeat esse completum, non tamen sequitur quod corpus ei accidentaliter uniatur: tum quia illud idem esse quod est animae, communicat corpori, ut sit unum esse totius compositi; tum etiam quia etsi possit per se subsistere, non tamen habet speciem completam; sed corpus advenit ei ad completionem speciei.

Ad secundum dicendum, quod unumquodque secundum idem habet esse, & individuacionem: universalia enim non habent esse in rerum natura ut universalia sunt, sed solum secundum quod sunt individuata. Sicut igitur esse animae est, a Deo sicut a principio activo, & in corpore sicut in materia, nec tamen esse animae perit petente corpore; ita & individuacio animae, etsi aliquam relationem habeat ad corpus, non tamen perit corpore petente.

Ad tertium dicendum, quod anima humana non est hoc aliquid sicut substantia, completam speciem habens, sed sicut pars habentis speciem completam, ut ex dictis patet. Unde ratio non sequitur.

Ad quartum dicendum, quod licet anima humana per se possit subsistere, non tamen per se habet speciem completam: unde non posset esse quod animae separatæ constituerent unum gradum entium.

Ad quintum dicendum, quod corpus humanum est materia proportionata animae humanae, comparatur enim ad eam ut potentia ad actum; nec tamen oportet quod ei adequetur in virtute effendi, quia anima humana non est forma a materia totaliter comprehensa: quod patet ex hoc quod aliqua eius operatio est supra materiam. Potest tamen aliter dici secundum sententiam fidei, quod corpus humanum a principio aliquo modo incorruptibile constitutum est, & per peccatum necessitatem moriendi incurrit, a qua iterum in resurrectione liberabitur. Unde per accidens est quod ad immortalitatem animae non pertingit.

Ad sextum dicendum, quod anima humana, cum sit subsistens, composita est ex potentia & actu. Nam ipsa substantia animae non est suum esse, sed comparatur ad ipsum ut potentia ad actum. Nec tamen sequitur quod anima non possit esse forma corporis, quia etiam in aliis formis id quod est ut forma, & actus in comparatione ad unum, est ut potentia in comparatione ad aliud, sicut diaphanum formaliter advenit aeri, quod tamen est potentia respectu luminis.

Ad septimum dicendum, quod anima unitur corpori & propter bonum quod est perfectio substantialis, ut scilicet compleatur species humana, & propter bonum quod est perfectio accidentalis, ut scilicet perficiatur in cognitione intellectiva, quam anima ex sensibus acquirit: hic enim modus intelligendi est naturalis homini. Nec obstat, si animae separatæ puerorum, & aliorum hominum alio modo intelligendi utuntur: quia hoc magis competit eis ratione separationis quam ratione speciei humanae.

Ad octavum dicendum, quod non est de ratione eius quod est hoc aliquid quod sit ex materia, & forma compositum, sed solum quod possit per se subsistere: unde licet compositum sit hoc aliquid, non tamen remouetur quin aliis possit competere quod sint hoc aliquid.

Ad nonum dicendum, quod in alio esse sicut accidens in subiecto, tollit rationem eius quod est hoc aliquid. Esse autem in alio sicut partem (quo modo anima est in homine) non omnino excludit quin id quod est in alio, possit hoc aliquid dici.

Ad decimum dicendum, quod corrupto corpore non perit ab anima natura, secundum quam competit ei ut sit forma; licet non perficiat materiam actu, ut sit forma.

Ad undecimum dicendum, quod intelligere est propria operatio animae, si consideretur principium a quo egreditur operatio: non enim egreditur ab anima mediante organo corporali, sicut visio mediante oculo. Communicat tamen in ea corpus ex parte obiecti: nam phantasmata, quae sunt obiecta intellectus, sine corporeis organis esse non possunt.

Ad duodecimum dicendum, quod etiam anima aliquam dependentiam habet ad corpus, in quantum sine corpore non pertingit ad complementum suae speciei; non tamen sic dependet a corpore quin sine corpore esse possit.

Ad

ARTICULUS II.

Utrum anima humana sit separata secundum esse.

Ad decimumtertium dicendum, quod necesse est, si anima est forma corporis, quod animæ, & corporis sit unum esse commune, quod est esse compositi. Nec hoc impeditur per hoc quod anima, & corpus sint diversorum generum : nam neque anima, neque corpus sunt in specie, vel genere, nisi per reductionem, sicut partes reducuntur ad speciem, vel genus totius.

Ad decimumquartum dicendum, quod illud quod proprie corrumpitur, non est forma, neque materia, neque ipsum esse, sed compositum. Dicitur autem esse corporis corruptibile, inquantum corpus per corruptionem deficit ab illo esse quod erat sibi, & animæ commune, quod remanet in anima subsistente. Et pro tanto etiam dicitur ex partibus consilens esse corporis, quia ex suis partibus corpus constituitur tale ut possit ab anima esse recipere.

Ad decimumquintum dicendum, quod in definitionibus formarum aliquando ponitur subiectum ut informe, sicut cuni dicitur, Motus est actus existentis in potentia; aliquando autem ponitur subiectum formatum, sicut cum dicitur, Motus est actus mobilis, lumen est actus lucidi : & hoc modo dicitur anima actus corporis organici physici, quia anima facit ipsum esse corpus organicum, sicut lumen facit aliquid esse lucidum.

Ad decimumsextum dicendum, quod principia essentialia alicuius speciei ordinantur non ad esse tantum, sed ad esse huius speciei. Licet igitur anima possit per se esse, non tamen potest in complemento suæ speciei esse sine corpore.

Ad decimumseptimum dicendum, quod licet esse sit formalissimum inter omnia, tamen est etiam maxime communicabile, licet non eodem modo (a) inferioribus, & superioribus communicetur. Sic ergo corpus esse animæ participat, sed non ita nobilitatur sicut anima.

Ad decimumoctavum dicendum, quod quamvis esse animæ sit quodammodo corporis, non tamen corpus attingit ad esse animæ participandum secundum totam suam nobilitatem, & virtutem : & ideo est aliqua operatio animæ in qua non communicatur corpus.

Secundo queritur, utrum anima humana sit separata secundum esse a corpore. Et videtur quod sic. Dicit enim Philosophus in III. de Anima (com. xxxix.) quod sensitivum non sine corpore est, intellectus autem est separatus. Intellectus autem est anima humana. Ergo anima humana est secundum esse a corpore separata.

2. Præterea. Anima est actus corporis physici organici, inquantum corpus est organum eius. Si igitur intellectus unitur secundum esse corpori ut forma, oportet quod corpus sit organum eius ; quod est impossibile, ut probat Philosophus in III. de Anima (com. vi.)

3. Præterea. Maior est concretio formæ ad materiam quam virtutis ad organum. Sed intellectus propter sui simplicitatem non potest esse concretus corpori, sicut virtus organo. Ergo multo minus potest ei uniri sicut forma ad materiam.

4. Sed diceretur, quod intellectus, id est potentia intellectiva, non habet organum ; sed ipsa essentia animæ intellectivæ unitur corpori ut forma. Sed contra. Effectus non est simplicior sua causa. Sed potentia animæ est effectus essentia eius, quia omnes potentia fluunt ab esse eius. Nulla ergo potentia animæ est simplicior esse animæ. Si ergo intellectus non potest esse actus corporis, ut probatur in III. de Anima (com. vi.) neque anima intellectiva poterit uniri corpori ut forma.

5. Præterea. Omnis forma unita materiam individuatur per materiam. Si igitur anima intellectiva unitur corpori ut forma, oportet quod sit individua. Ergo formæ receptæ in ea sunt formæ individua. Non ergo anima intellectiva poterit universalialia cognoscere : quod patet esse falsum.

6. Præterea. Forma universalis non habet quod sit intellectiva a re quæ est extra animam : quia omnes formæ quæ sunt in rebus extra animam, sunt individua. Si igitur formæ intellectus sint universales, oportet quod hoc habeant ab anima intellectiva. Non ergo anima intellectiva est forma individua, & ita non unitur corpori secundum esse.

7. Sed

(a) id est inferioribus.

7. Sed diceretur, quod formæ intelligibiles ex illa parte qua inhærent animæ, sunt individuatæ; sed ex illa parte qua sunt rerum similitudines, sunt universales, representantes res secundum naturam communem, & non secundum principia individuantia. Sed contra. Cum forma sit principium operationis, operatio egreditur a forma secundum modum quo inhæret subiecto. Quanto enim aliquid est calidum, tantum calefacit. Si igitur species rerum quæ sunt in anima intellectiva, sunt individuatæ ex ea parte qua inhærent animæ, cognitio quæ sequitur, erit individualis tantum, & non universalis.

8. Præterea. Philosophus dicit in II. de Anima (com. xxx. & xxxi.) quod sicut trigonum est in tetragono, & tetragonum est in pentagono; ita nutritivum est in sensitivo, & sensitivum in intellectivo. Sed trigonum non est in tetragono actu, sed potentia tantum, neque etiam tetragonum in pentagono. Ergo nec nutritivum, nec sensitivum sunt in actu in intellectiva parte animæ. Cum ergo pars intellectiva non uniatur corpori nisi mediante nutritivo, & sensitivo, ex quo nutritivum, & sensitivum non sunt actu in intellectivo, intellectiva pars animæ non erit corpori unita.

9. Præterea. Philosophus dicit in XVI. de animalibus (Lib. II. de gener. animal. cap. 111.) quod non est simul anima, & homo; sed primum animal, & postea homo. Non igitur idem est quo est animal, & quo est homo. Sed animal est per sensitivum, homo vero per intellectivum. Non igitur sensitivum, & intellectivum ununtur in una substantia animæ; & sic idem quod prius.

10. Præterea. Forma est in eodem genere cum materia cui unitur. Sed intellectus non est in genere corporalium. Intellectus igitur non est forma unita corpori sicut materiz.

11. Præterea. Ex duabus substantiis existentibus actu non fit aliquid unum. Sed tam corpus, quam intellectus est substantia existens actu. Non igitur intellectus potest uniri corpori, ut ex eis fiat aliquid unum.

12. Præterea. Omnis forma unita materiz reducitur in actum per motum, & mutationem materiz. Sed anima intellectiva non reducitur in actum de potentia materiz, sed est ab extrinseco, ut Philosophus dicit in XVI. de animalibus (ubi sup.) Ergo non est forma unita materiz.

13. Præterea. Unumquodque secundum quod est, sic operatur. Sed anima intellectiva habet operationem per se sine corpore, scilicet intelligere. Ergo non est unita corpori secundum esse.

14. Præterea. Minimum inconveniens est Deo impossibile. Sed inconveniens est quod anima innocens corpori includatur, quod est quasi carcer. Impossibile est igitur Deo quod animam intellectivam uniat corpori.

15. Præterea. Nullus artifex sapiens præstat impedimentum suo operario. Sed animæ intellectivæ est maximum impedimentum corpus ad veritatis cognitionem percipiendam, in qua perfectio eius consistit, secundum illud Sapient. ix. 15. *Corpus, quod corrumpitur, aggravat animam*. Non igitur Deus animam intellectivam corpori univit.

16. Præterea. Ea quæ sunt unita ad invicem, habent mutuam affinitatem ad invicem. Sed anima intellectiva, & corpus habent contrarietatem: quia *caro concupiscit adversus spiritum, & spiritus adversus carnem*. Gal. v. 17. Non igitur anima intellectiva unita est corpori.

17. Præterea. Intellectus est in potentia ad omnes formas intelligibiles, nullam earum habens in actu, sicut materia prima est in potentia ad omnes formas sensibiles, & nullam earum habet in actu. Sed hac ratione est prima materia una omnium. Ergo & intellectus est unus omnium; & sic non est unitus corpori, quod ipsum dividet.

18. Præterea. Philosophus probat in III. de Anima (com. iv.) quod si intellectus possibilis haberet organum corporale, haberet aliquam naturam determinatam de naturis sensibilibus, & sic non esset receptivus, & cognoscitivus omnium formarum sensibilibus. Sed magis forma unitur materiz quam virtus organo. Ergo si intellectus uniatur corpori ut forma, habebit aliquam naturam sensibilem determinatam; & sic non erit perceptivus, & cognoscitivus omnium formarum sensibilibus; quod est impossibile.

19. Præterea. Omnis forma unita materiz, est in materia recepta. Omne autem quod recipitur ab aliquo, est in eo per modum recipientis. Ergo omnis forma unita materiz est in ea per modum materiz. Sed modus materiz sensibilibus, & corporalis non est quod recipiat aliquid per modum intelligibilem. Cum igitur intellectus habeat esse

se intelligibile, non est forma materiz corporali unita.

20. Præterea. Si anima unitur materiz corporali, oportet quod recipiatur in ea. Sed quidquid recipitur ab eo quod est esse a materia receptum, est in materia receptum. Ergo si anima est unita materiz, quidquid recipitur in anima, recipitur in materia. Sed formæ intellectus non possunt recipi a materia prima, quinimmo per abstractionem a materia intelligibiles fiunt. Ergo anima quæ est unita materiz corporali, non est receptiva formarum intelligibilium; & ita intellectus, qui est receptivus formarum intelligibilium, non erit unius materiz corporali.

Sed contra est quod Philosophus dicit in II. de Anima (com. vii.) quod non oportet querere, si anima, & corpus sint unum, sicut neque de cera, & figura. Sed figura nullo modo potest esse separata a cera secundum esse. Ergo nec anima est separata a corpore. Sed intellectus est pars animæ, ut Philosophus dicit in III. de Anima (in princip. & com. xvi. & xvii.) Ergo intellectus non est separatus a corpore secundum esse.

Præterea. Nulla forma est separata a materia secundum esse. Sed anima intellectiva est forma corporis. Ergo non est forma separata a materia secundum esse.

Respondeo. Ad evidentiam huius questionis considerandum est, quod ubicumque invenitur aliquid quandoque in potentia, quandoque in actu, oportet esse aliquod principium per quod res illa sit in potentia: sicut homo quandoque est sentiens actu, & quandoque in potentia; & propter hoc in homine oportet ponere principium sensitivum, quod sit in potentia ad sensibilia: si enim esset semper sentiens actu, sensus sensibilium inessent semper actu principio sentiendi. Similiter cum homo invenitur quandoque intelligens actu, quandoque intelligens in potentia, tantum, oportet in homine considerare aliquod intellectivum principium, quod insit potentia ad intelligibilia: & hoc principium nominat Philosophus in III. de Anima (com. v. & xiv.) intellectum possibilem. Hunc igitur intellectum possibilem necesse est esse in potentia ad omnia quæ sunt intelligibilia per hominem, & receptivum eorum, & per consequens denudatum ab his: quia omne quod est receptivum aliorum, & in potentia ad ea, quantum de se est, est denudatum ab eis; sicut pupilla, quæ est receptiva o-

mnium colorum, caret omni colore. Homo autem natus est intelligere formas omnium sensibilium rerum. Oportet igitur intellectum possibilem esse denudatum, quantum in se est, ab omnibus sensibilibus formis, & naturis; & ita oportet quod non habeat aliquod organum corporeum. Si igitur haberet aliquod organum corporeum, determinaretur ad aliquam naturam sensibilem, sicut potentia visiva determinatur ad naturam oculi. Per hanc Philosophi demonstrationem excluditur positio Philosophorum antiquorum, qui ponebant intellectum non differre a potentia sensitiva; vel quicumque alii posuerunt principium quod intelligit homo, esse aliquam formam, vel virtutem permixtam corpori, sicut aliz formæ, aut virtutes materiales.

Sed hoc quidam fugientes in contrarium dilabuntur errorem. Existimant enim sic intellectum possibilem esse denudatum ab omni natura sensibili, & impermixtum corpori, quod sit quidam substantia secundum esse a corpore separata quæ sit in potentia ad omnes formas intelligibiles. Sed hæc positio stare non potest. Non enim inquirimus de intellectu possibili, nisi secundum quod per eum intelligit homo: sic enim Aristoteles in eius notitiam devenit: quod patet ex hoc quod dicit in III. de Anima (in princ.) incipiens tractare de intellectu possibili: *De parte autem animæ, quæ cognoscit animā, & sapit, considerandum est*. & iterum: *Dico autem intellectum possibilem, quo intelligit animā*. Si autem intellectus possibilis esset substantia separata, impossibile esset quod eo intelligeret homo: non enim est possibile, si aliqua substantia operatur aliquam operationem, quod illa operatio sit alterius substantiæ ab ea diversæ: licet enim duarum substantiarum diversarum una possit alteri esse causa operandi ut principalis agens instrumento, tamen actio principalis agentis non est actio instrumenti eadem secundum numerum; cum actio principalis agentis sit in movendo instrumentum, actio vero instrumenti in moveri a principali agente, & movere aliquid alterum. Sic igitur, si intellectus possibilis sit substantia separata secundum esse ab hoc homine, sive ab illo homine, impossibile est quod intelligere intellectus possibilis sit huius hominis vel illius. Unde cum ista operatio, quæ est intelligere, non attribuitur alii principio in homine nisi intellectui possibili, sequitur quod nullus homo aliquid intelligat. Unde idem modus disputandi est

con-

contra hanc positionem, & contra negantes principia, ut patet per disputationem Aristotelis contra eos in IV. Metaph. (text. ix. & seq.)

Hoc autem inconueniens evitare intendens Averroes, huius positionis sectator, posuit intellectum possibilem, licet secundum esse a corpore separatum, tamen continuari cum homine mediantibus phantasmatis. Phantasmata enim, ut dicit Philosophus in III. de Anima (com. xviii. & xix.) se habent ad intellectum possibilem sicut sensibilia ad sensum, & colores ad visum. Sic igitur species intelligibilis habet duplex subiectum: unum in quo est secundum esse intelligibile, & hoc est intellectus possibilis; aliud in quo est secundum esse reale, & hoc subiectum sunt ipsa phantasmata. Est igitur quaedam continuatio intellectus possibilis cum phantasmatis, in quantum species intelligibilis est quodammodo utrobique, & per hanc continuationem homo intelligit per intellectum possibilem. Sed ista continuatio adhuc non sufficit. Non enim aliquid est cognoscitivum ex hoc quod ei adest species cognoscibilis, sed ex hoc quod ei adest potentia cognoscitiva. Patet autem secundum praedicta quod homini non aderit nisi sola species intelligibilis, potentia autem intelligendi, quae est intellectus possibilis, est omnino separata. Homo igitur ex continuazione praedicta non habebit quod sit intelligens, sed solum quod intelligatur intellectus, vel species, vel aliquid eius: quod per simile supra inductum manifeste apparet. Si enim sic se habent phantasmata ad intellectum sicut colores ad visum, non erit secundum praedicta alia continuatio intellectus possibilis ad nos per phantasmata quam quae est visus ad parietem per colores: paries autem non habet per hoc quod colores sunt in eo, quod videat, sed quod videatur tantum. Unde & homo non habebit per hoc quod phantasmata sunt in eo, quod intelligat, sed solum quod intelligatur. Et praeterea phantasma non est subiectum speciei intelligibilis secundum quod est intellectus in actu, sed magis per abstractionem a phantasmatis sit intellectus in actu (a). Intellectus autem possibilis non est subiectum speciei intelligibilis, nisi secundum quod est (b) intellectus iam in actu, & abstractus a phantasmatis. Non igitur aliquid unum est, quod sit in intellectu possibili, & phantasma.

S. Th. Oper. Tom. XV.

matibus, per quod intellectus possibilis continuetur nobiscum. Et praeterea, si per species intelligibiles non est aliquis intelligens, nisi secundum quod sunt intellectus in actu, sequitur quod nos nullo modo sumus intelligentes secundum praedictam positionem: non enim aderunt nobis species intelligibiles, nisi secundum quod sunt in phantasmatis, prout sunt intellectus in potentia tantum. Sic ergo apparet ex parte nostra praedictam positionem esse impossibilem. Quod etiam apparet ex natura substantiarum separatarum; quae cum sint perfectissimae, impossibile est quod in propriis operationibus indigeant aliquibus rebus materialibus, aut operationibus earum, aut quod sint in potentia ad alia, quae sunt huiusmodi: quia hoc etiam manifestum est de corporibus caelestibus, quae sunt infra substantias praedictas. Unde cum intellectus possibilis sit in potentia ad species rerum sensibilibus, & non compleatur eius operatio sine phantasmatis, quae ex nostra operatione dependent, impossibile, & inopinabile est quod intellectus possibilis sit una de substantiis separatis.

Unde dicendum est, quod est quaedam vis, seu potentia animae humanae. Cum igitur anima humana sit quaedam forma unita corpori, ita tamen quod non sit a corpore totaliter comprehensa quasi ei immera, sicut aliae formae materiales, sed excedat capacitatem totius materiae corporalis; quantum ad hoc in quo excedit materiam corporealem, inest ei potentia ad intelligibilia, quod pertinet ad intellectum possibilem; secundum vero quod unitur corpori, habet operationes, & vires, in quibus communicat ei corpus; sicut sunt vires partis nutritivae, & sensitivae. Et sic salvatur natura intellectus possibilis, quam Aristoteles demonstrat, dum intellectus possibilis non est potentia fundata in aliquo organo corporali; & tamen eo intelligit homo formaliter, in quantum fundatur in essentia animae humanae, quae est hominis forma.

Ad primum ergo dicendum, quod intellectus dicitur separatus, non sensus: quia intellectus remanet corrupto corpore in anima separata, non autem potentiae sensitivae. Vel melius dicendum, quod intellectus pro tanto dicitur separatus, quia non utitur organo corporali in operatione sua, sicut sensus.

Ad secundum dicendum, quod anima humana est actus corporis organici, eo quod

Zz cor-

(a) *Al. additur & abstractum.* (b) *Al. additur a phantasmatis.*

corpus est organum eius. Non tamen oportet quod sit organum eius quantum ad quamlibet eius potentiam, & virtutem, cum anima humana excedat proportionem corporis, ut dictum est.

Ad tertium dicendum, quod organum alicuius potentiae est principium operationis illius potentiae: unde si intellectus possibilis uniretur alicui organo, operatio eius esset etiam operatio illius organi; & sic non esset possibile quod principium quo intelligimus, esset denudatum ab omni natura sensibili: principium enim quo intelligimus, esset intellectus possibilis simul cum suo organo, sicut principium quo videmus, scilicet visus, simul est cum pupilla. Sed si anima humana est forma corporis, & intellectus possibilis est quaedam virtus eius, non sequitur quod intellectus possibilis determinetur ad aliquam naturam sensibilem, quia anima humana excedit corporis proportionem, ut dictum est.

Ad quartum dicendum, quod intellectus possibilis consequitur animam humanam, in quantum supra materiam corporalem elevatur: unde per hoc quod non est actus alicuius organi, non excedit totaliter essentiam animae, sed est supremum in ipsa.

Ad quintum dicendum, quod anima humana est quaedam forma individuata, & similiter potentia eius quae dicitur intellectus possibilis, & formae intelligibiles in eo receptae. Sed hoc non prohibet eas esse intellectas in actu: ex hoc enim aliquid est intellectum in actu quod est immateriale, non autem ex hoc quod est universale; sed magis universale habet quod sit intelligibile per hoc quod est abstractum a principiis materialibus individuantibus. Manifestum est autem substantias separatas esse intelligibiles actu, & tamen individua quaedam sunt, sicut Aristoteles dicit in VII. Metaph. quod formae separatae, quas Plato ponebat, individua quaedam erant. Unde manifestum est quod si individuatio repugnaret intelligibilitati, eadem difficultas remaneret ponentibus intellectus possibilem substantiam separata: sic enim & intellectus possibilis individuus esset, individuans species in se receptas. Sciendum igitur, quod quamvis species receptae in intellectu possibili sint individuae ex illa parte qua inhaerent intellectui possibili, tamen in eis, in quantum sunt immateriales, cognoscitur universale quod concipitur per abstractionem a principiis individuantibus: universalis enim, de quibus sunt scientiae, sunt quae cognoscun-

tur per species intelligibiles, non ipsae species intelligibiles, de quibus planum est, quod non sunt scientiae omnes, sed sola Physica, & Metaphysica. Species enim intelligibiles est quo intellectus intelligit, non id quo intelligit, nisi per reflexionem, in quantum intelligit se intelligere id quo intelligit.

Ad sextum dicendum, quod intellectus dat formis intellectus universalitatem, in quantum abstrahit eas a principiis materialibus individuantibus: unde non oportet quod intellectus sit universalis, sed quod sit immaterialis.

Ad septimum dicendum, quod species operationis consequitur speciem formae, quae est operationis principium, licet inefficacia operationis sequatur formam secundum quod inhaeret subiecto. Ex eo enim quod calor est, calefacit; sed secundum modum quo perficit subiectum magis, vel minus, efficacius, vel minus efficaciter calefacit. Intelligere autem universaliter pertinet ad speciem intellectus operationis: unde hoc sequitur speciem intellectus secundum propriam operationem; sed ex eo quod inhaeret intelligenti perfectius, vel minus perfecte, sequitur quod aliquis perfectius, vel minus perfecte intelligat.

Ad octavum dicendum, quod similitudo Philosophi de figuris ad partes animae attenditur quantum ad hoc quod sicut tetragonum habet quicquid habet trigonum, & adhuc amplius, & pentagonum quicquid habet tetragonum; ita sensitiva anima habet quicquid habet nutritiva, & intellectiva quicquid habet sensitiva, & adhuc amplius. Non ergo per hoc ostenditur quod nutritivum, & sensitivum essentialiter differant ab intellectu, sed magis quod unum illorum includat alterum.

Ad nonum dicendum, quod sicut non simul est quod concipitur animal, & homo; ita non simul est animal, & equus, ut Philosophus ibidem dicit. Non igitur haec est ratio dicti, quod aliud principium sit in homine substantialiter anima sensitiva quae est animal, & aliud anima intellectiva quae est homo; cum non possit dici, quod in equo sint plura principia diversa, quorum uno sit animal, & alio sit equus. Sed hoc ea ratione dicitur, quia in animali conceptu prius appareat operationes imperfectae, & postea apparent magis perfectae, sicut omnis generatio est transmutatio de imperfecto ad perfectum.

Ad decimum dicendum, quod forma non

ca

est in aliquo genere, ut dictum est: unde anima intellectiva sit forma hominis, non est in alio genere quam corpus; sed utrumque est in genere animalis, & ideo specie hominis per reductionem.

Ad undecimum dicendum, quod ex duabus substantiis actu existentibus, & perfectis ideo sua specie & natura non fit aliquid unum. Anima autem, & corpus non sunt huiusmodi, cum sint partes humanæ naturæ: unde ex eis nihil prohibet fieri unum.

Ad duodecimum dicendum, quod anima humana licet sit forma unita corpori, tamen excedit proportionem totius materie corporalis: & ideo non potest educi in actum de potentia materie per aliquem motum, vel mutationem, sicut alie formæ quæ sunt immerse materie.

Ad decimumtertium dicendum, quod anima habet operationem in qua non communicat corpus ex ea parte qua superat omnem corporis proportionem; ex hoc tamen non removetur quia sit aliquo modo corpori unita.

Ad decimumquartum dicendum, quod obiectum illa procedit secundum positionem Origenis (Lib. I. Periar. cap. vii.) qui posuit animas etætas a principio absque corporibus inter substantias spirituales, & postea eas unitas esse corporibus, quasi carceribus inclusas. Sed hoc non dicebat, animas passas innocentes, sed merito præcedentis peccati. Existimabat igitur Origenes quod anima humana haberet in se speciem completam secundum opinionem Platonis, & quod corpus adveniret ei per accidens. Sed cum hoc sit falsum, ut supra (art. præc.) ostensum est, non est in detrimentum animæ quod corpori uniatur; sed hoc est ad perfectionem suæ naturæ. Sed quod corpus sit ei carcer, & eam inficiat, hoc est ex merito prævaricationis primæ.

Ad decimumquintum dicendum, quod iste modus cognoscendi est naturalis animæ, ut percipiat intelligibilem veritatem infra modum quo percipiunt spirituales substantiæ superiores, accipiendo scilicet ea ex sensibilibus; sed in hoc etiam patitur impedimentum ex corruptione corporis, quæ provenit ex peccato primi parentis.

Ad decimumsextum dicendum, quod hoc ipsum quod caro concupiscit adversus spiritum, ostendit affinitatem animæ ad corpus. Spiritus enim dicitur pars animæ superior, quia homo excedit alia animalia, ut Augustinus dicit super Genesim contra Manichæos (Lib. II. cap. viii.) Caro autem

concupiscere dicitur, quia partes animæ carni affixæ ea quæ sunt delectabilia carni, concupiscunt; quæ concupiscentiæ spiritui interdum repugnant.

Ad decimumseptimum dicendum, quod intellectus possibilis non habet aliquam formam intelligibilem ideo actu, sed in potentia tantum, sicut materia prima non habet aliquam formam sensibilem actu: unde non oportet, nec ita ratio ostendit, quod intellectus possibilis sit unus in omnibus hominibus, sed quod sit unus respectu omnium formarum intelligibilium, sicut materia prima est una respectu omnium formarum sensibilium.

Ad decimumoctavum dicendum, quod si intellectus possibilis haberet aliquod organum corporale, oporteret quod illud organum esset principium simul cum intellectu possibili quo intelligimus, sicut pupilla cum potentia visiva est principium quo videmus; & ita principium quo intelligimus, haberet aliquam naturam determinatam sensibilem; quod patet esse falsum ex demonstratione Aristotelis supra (in corp. art.) indulta. Hoc autem non sequitur ex hoc quod anima est forma humani corporis: quia intellectus possibilis est quædam potentia eius, in quantum excedit corporis proportionem.

Ad decimumnonum dicendum, quod anima licet uniatur corpori secundum modum corporis, tamen ex ea parte qua excedit corporis capacitatem, naturam intellectualem habet; & sic formæ receptæ in ea sunt intelligibiles, & non materiales.

Unde patet solutio ad vigesimum.

ARTICULUS III.

Utrum intellectus possibilis, five anima intellectiva sit una in omnibus.

Tertio queritur, utrum intellectus possibilis, five anima intellectiva sit una in omnibus. Et videtur quod sic. Perfectio enim est proportionata perfectibili. Sed veritas est perfectio intellectus: nam verum est bonum intellectus, sicut Philosophus dicit VI. Ethic. Cum igitur veritas sit una, quam omnes intelligunt, videtur quod intellectus possibilis sit unus in omnibus.

2. Præterea, Augustinus dicit in Lib. de quantitate animæ (cap. xxxii.) *De numero animarum nescio quid tibi respondeam. Si enim dixerò unam esse animam, conturbaberis, quod in altero bruta est, & in altero*

miseria; nec una res simul beata, & misera esse potest. Si unam simul, & multas esse dicam, videbis; nec facile mihi unde tumrisum comprimam suppetit. Si multas tantummodo dixero esse, ipse me ridebo, minusque me mihi displicentem quam tibi perferam. Videtur ergo esse derisibile id pluribus hominibus esse plures animas.

3. Præterea. Omne quod distinguitur ab alio, distinguitur per aliquam naturam determinatam quam habet. Sed intellectus possibilis est in potentia ad omnem formam, nullam habens actu. Ergo intellectus possibilis non habet distingu: ergo nec multiplicari, ut sint multi in diversis.

4. Præterea. Intellectus possibilis denudatur ab omni quod intelligitur, quia nihil est eorum quæ sunt ante intelligere, ut dicitur in III. de Anima (iv. v. & vr.) Sed, ut in eodem dicitur, ipse est intelligibilis, sicut & alia. Ergo ipse est denudatus a seipso; & ita non habet unde possit multiplicari in diversis.

5. Præterea. In omnibus distinctis, & multiplicatis oportet aliquid esse commune: pluribus enim hominibus communis est homo, & pluribus animalibus animal. Sed intellectus possibilis nulli aliquid habet commune, ut dicitur in III. de Anima (com. v. & vr.) Ergo intellectus possibilis non potest distingu, & multiplicari in diversis.

6. Præterea. In his quæ sunt separata a materia, ut dicit Rabbi Moyses, non multiplicantur nisi secundum causam, & causatum. Sed intellectus hominis unius, aut anima, non est causa intellectus, aut animæ alterius. Cum ergo intellectus possibilis sit separatus, ut dicitur III. de Anima (com. xix. xx.) non erit intellectus possibilis multiplex in diversis.

7. Præterea. Philosophus dicit in III. de Anima (com. xxxvi. & xxxvii.) quod idem est intellectus, & quod intelligitur. Sed id quod intelligitur, est idem apud omnes. Ergo intellectus possibilis est unus in omnibus hominibus.

8. Præterea. Id quod intelligitur, est universale, quod est unum in multis. Sed forma intellecta non habet hanc unitatem ex parte rei: non enim est forma hominis in rebus nisi individuata, & multiplicata in diversis. Ergo hoc habet ex parte intellectus. Intellectus igitur est unus in omnibus.

9. Præterea. Philosophus in III. de Anima (com. vi.) dicit, quod anima est lo-

cus specierum. Sed locus est communis diversis quæ in loco sunt. Non ergo anima multiplicatur secundum diversos homines.

10. Sed dicendum, quod anima dicitur locus specierum, quia est specierum contentiva. Sed contra. Sicut intellectus est contentivus specierum intelligibilium, ita sensus est contentivus specierum sensibilibum. Si igitur intellectus est locus specierum, quia est contentivus earum, pari ratione & sensus erit locus specierum; quod est contra Philosophum dicentem in III. de Anima (com. vi.) quod anima est locus specierum, præter quod non tota, sed intellectiva tantum.

11. Præterea. Nihil operatur nisi ubi est. Sed intellectus possibilis operatur ubique: intelligit enim quæ sunt in cælo, & quæ sunt in terra, & quæ sunt ibique. Ergo intellectus possibilis est ubique, & ita est in omnibus unus.

12. Præterea. Quod est distinctum ad aliquid unum particulare, habet materiam determinatam: quia principium individuationis materia est. Sed intellectus possibilis non terminatur ad materiam, ut probatur in III. de Anima (com. xxxviii.) Ergo non diffinitur ad aliquid particulare, & ita est unus in omnibus.

13. Sed dicendum, quod intellectus possibilis habet materiam in qua est, ad quam terminatur, scilicet corpus humanum. Sed contra. Principia individuantia debent esse de essentia individui. Sed corpus non est de essentia intellectus possibilis. Ergo non potest individuari per corpus, & per consequens nec multiplicari.

14. Præterea. Philosophus dicit in I. de cælo, quod si essent plures mundi, essent plures cæli primi. Sed si essent plures primi cæli, essent plures primi motores, & sic primi motores essent materiales. Pari igitur ratione si essent plures intellectus possibiles in pluribus hominibus, intellectus possibilis esset materialis: quod est impossibile.

15. Præterea. Si intellectus possibiles sint plures in hominibus, oportet quod remaneant multi corruptis corporibus. Sed tunc cum non possit in eis esse differentia nisi secundum formam, oportebit quod differant secundum speciem. Cum igitur corrupto corpore speciem aliam non obtineant: quia nihil mutatur de specie in speciem, nisi corumpatur, & ante corruptionem corporum secundum speciem non differant; sed homo habet speciem ab anima intellectiva: ergo diversus

diversi homines non sunt eiusdem speciei ; quod patet esse falsum .

16. Præterea . Id quod est separatum a corpore , non potest multiplicari secundum corpora . Sed intellectus possibilis est separatus a corpore , ut probat Philosophus in III. de Anima (com. xix.) Ergo non potest multiplicari , vel distingui secundum corpora : non ergo in pluribus hominibus sunt plures .

17. Præterea . Si intellectus possibilis multiplicatur in diversis , oportet quod species intelligibiles multiplicentur in diversis , & ita sequitur quod sint formæ individuales . Sed formæ individuales non sunt intellectus nisi in potentia : oportet enim quod abstrahatur ab eis universale , quod proprie intelligitur . Formæ igitur quæ sunt in intellectu possibili , erunt intelligibiles in potentia tantum ; & ita intellectus possibilis non poterit intelligi in actu ; quod est inconveniens .

18. Præterea . Agens , & patiens , movens , & motum habent aliquid commune . Phantasma autem comparatur ad intellectum possibilem qui est in nobis , sicut agens ad patiens , & movens ad motum . Ergo intellectus qui est in nobis , habet aliquid commune cum phantasmatis . Sed intellectus possibilis nihil habet commune cum phantasmatis , ut dicitur in III. de Anima (com. xix.) Ergo intellectus possibilis est alius ab intellectu qui est in nobis ; & ita intellectus possibilis non multiplicatur in diversis hominibus .

19. Præterea . Unumquodque , in quantum est , unum est . Cuius igitur esse non dependet ab alio , nec unitas eius dependet ab alio . Sed esse intellectus possibilis non dependet a corpore ; alias corrumpere corruptio corpore . Ergo nec unitas intellectus possibilis dependet a corpore , & per consequens nec eius multitudo . Non igitur intellectus possibilis multiplicatur in diversis corporibus .

20. Præterea . Philosophus dicit VIII. Metaph. (com. xxv.) quod in illis quæ sunt formæ tantum , idem est res , & quod quid erat esse , id est natura speciei . Sed intellectus possibilis , vel anima intellectiva est forma tantum : si enim componeretur ex materia & forma , non esset forma alterius . Ergo anima intellectiva est ipsa natura suæ speciei . Si igitur natura speciei est una in omnibus animalibus intellectivis , non potest esse quod anima intellectiva multiplicetur in diversis .

21. Præterea . Anima non multiplicatur secundum corpora nisi ex eo quod unitur corpori . Sed intellectus possibilis ex ea parte consequitur animam quæ corporis excedit unionem . Intellectus igitur possibilis non multiplicatur in hominibus .

22. Præterea . Si anima humana multiplicatur secundum divisionem corporum , & intellectus possibilis per multiplicationem animarum , cum consistat quod oporteat species intelligibiles multiplicari , si intellectus possibilis multiplicetur ; relinquitur quod primum multiplicationis principium erit materia corporalis . Sed quod multiplicatur secundum materiam , est individuale , & non intelligibile in actu . Species igitur quæ sunt in intellectu possibili , non erunt intelligibiles actu ; quod est inconveniens . Non igitur anima humana , & intellectus possibilis multiplicatur in diversis .

Sed contra . Per intellectum possibilem homo intelligit . Dicitur enim in III. de Anima (com. xviii. xix. xx.) quod intellectus possibilis est quo intelligit anima . Si igitur unus sit intellectus possibilis in omnibus , sequitur quod illud quod unus intelligit , alius intelligat ; quod patet esse falsum .

Præterea . Anima intellectiva comparatur ad corpus ut forma ad materiam , & ut motor ad instrumentum . Sed omnis forma requirit determinatam materiam , & omnis motor determinata instrumenta . Impossibile est igitur quod sit una anima intellectiva in diversis hominibus .

Respondeo dicendum , quod ista questio aliquoties dependet a superiori (art. præc.) Si enim intellectus possibilis est substantia separata secundum esse a corpore , necessarium est eum esse unum tantum : quæ enim secundum esse sunt a corpore separata , nullo modo per multiplicationem corporum multiplicari possunt . Sed tamen unitas intellectus specialem requirit considerationem , quia specialem habet difficultatem . Videtur enim in primo aspectu hoc esse impossibile quod unus intellectus sit omnium hominum . Manifestum est enim quod intellectus possibilis comparatur ad perfectiones scientiarum , sicut perfectio prima ad secundam , & per intellectum possibilem sumus in potentia scientes : & hoc cogit ad ponendum intellectum possibilem . Manifestum est autem quod perfectiones scientiarum non sunt eadem in omnibus , cum quidam inveniantur habere scientias , quibus alii carens .

Uoc

Hoc autem videtur inconveniens, & impossibile, quod perfectio secunda non sit una in omnibus, perfectione prima existente una eis; sicut est impossibile quod unum subiectum primum sit in actu, & in potentia respectu eiusdem formæ, sicut quod superficies sit in potentia, & in actu simul alba.

Hoc autem inconveniens evadere nituntur quidam ponentes intellectum possibilem unum in omnibus per hoc quod species intelligibiles, in quibus consistit perfectio scientiæ, habent duplex obiectum, ut supra dictum est, scilicet ipsa phantasmata, & intellectum possibilem. Et quia ipsa phantasmata non sunt eadem in omnibus ab illa parte, nec species intelligibiles sunt eadem in omnibus. Ex illa vero parte qua sunt in intellectu possibili, non multiplicantur. Et inde est quod propter diversitatem phantasmatum unus habet scientiam, qua alius caret. Sed hoc pater frivolum esse ex his quæ superius (art. præc.) dicta sunt. Species enim non sunt intelligibiles actu nisi per hoc quod a phantasmatis abstrahuntur, & sunt in intellectu possibili. Diversitas igitur phantasmatum non potest esse causa unitatis, vel multiplicationis perfectionis, quæ est secundum scientiam intelligibilem. Nec habitus scientiarum sunt sicut in subiecto in aliqua parte pertinente ad animam sensitivam, ut dicunt.

Sed adhuc aliquid difficilius sequetur ponentibus intellectum possibilem esse in omnibus unum. Manifestum est enim quod hæc operatio quæ est intelligere, egreditur ab intellectu possibili sicut a primo principio, per quod intelligimus, sicut hæc operatio sentire egreditur a potentia sensitiva. Et licet supra (art. præc.) ostensum sit, quod si intellectus possibilis est secundum esse ab homine separatus, non est possibile quod intelligere, quod est intellectus possibilis, sit operatio huius vel illius hominis; tamen hoc causa inquisitionis dato, sequitur quod hic homo vel ille intelligat per ipsum intelligere intellectus possibilis. Nulla autem operatio potest multiplicari nisi dupliciter, vel ex parte obiectorum, vel ex parte principii operantis; potest tamen addi & tertium ex parte temporis, sicut cum aliqua operatio recipit interpolationem temporum. Ipsum ergo intelligere, quod est operatio intellectus possibilis, potest quidem multiplicari secundum obiecta, ut aliud sit intelligere hominem, aliud in-

telligere equum, & etiam secundum tempus, ut aliud sit numero intelligere quod fuit heri, & quod est hodie, si tamen discontinuetur operatio. Non autem potest multiplicari ex parte principii operantis, si intellectus possibilis est unus tantum. Si igitur ipsum intelligere intellectus possibilis est intelligere hominis huius & illius, poterit quidem aliud esse intelligere huius hominis, & intelligere illius, si diversa intelligant, cuius aliqua ratio esse potest diversitas phantasmatum; sed diversorum hominum simul idem intelligentium, ut ipsi dicunt, similiter poterit multiplicari ipsum intelligere, scilicet ut unus hodie intelligat, & alius cras; quod etiam potest referri ad diversum usum phantasmatum; sed duorum hominum simul idem intelligentium, necesse est quod sit unum & idem numero ipsum intelligere: quod manifeste est impossibile. Impossibile est igitur quod intellectus possibilis, quo intelligimus formaliter, sit unus in omnibus.

Si autem per intellectum possibilem intelligeremus, sicut per principium activum, quod faceret nos intelligentes per aliquod principium intelligendi in nobis, esset positio magis rationabilis. Nam unum movens movet diversa ad operandum; sed quod aliquæ diversa operentur per aliquod unum formaliter, hoc est omnino impossibile. Iterum formæ, & species rerum naturalium per proprias operationes cognoscuntur; propria autem operatio hominis in eo quod est homo, est intelligere, & ratione uti: unde oportet quod principium huius operationis, scilicet intellectus, sit illud quo homo speciem sortitur, & non per animam sensitivam, aut per aliam vim eius. Si igitur intellectus possibilis est unus in omnibus, velut quædam substantia separata, sequitur quod omnes homines sortiantur speciem per unam substantiam separatam, quod est simile positioni idearum, & eandem difficultatem habens.

Unde simpliciter dicendum est, quod intellectus possibilis non est unus in omnibus; sed multiplicatur in diversis. Et cum sit quædam vis, vel potentia animæ humanæ, multiplicatur secundum multiplicationem substantiæ ipsius animæ: cuius multiplicatio sic considerari potest. Si enim aliquid consideratione alicuius communis materialem multiplicationem recipiat, necesse est quod illud commune multiplicetur secundum numerum, eadem specie remanente, sicut de ratione animalis sunt carnes, & ossa: unde

distinctio animalium, quæ est secundum has vel illas carnes, facit diversitatem in numero, non in specie. Manifestum est autem ex his quæ supra (art. 1. & 2. huius quæst. & quæst. præced. art. 3.) dicta sunt, quod de ratione animæ humanæ est quod corpori humano sit unibilis, cum non habeat in se speciem completam; sed speciei complementum sit in ipso composito. Unde quod sit unibilis huic aut illi corpori, multiplicat animam secundum numerum, non autem secundum speciem; sicut & hæc albedo differt ab illa numero per hoc quod est esse huius & illius subiecti. Sed in hoc differt anima humana ab aliis formis, quod esse suum non dependet a corpore: unde nec esse individuum eius a corpore dependet: unumquodque enim, in quantum est unum, est in se indivisum, & ab aliis distinctum.

Ad primum ergo dicendum, quod veritas est adæquatio intellectus ad rem. Sic igitur est una veritas, quam diversi intelligunt, ex eo quod eorum conceptiones eadem rei adæquantur.

Ad secundum dicendum, quod Augustinus se derisibilem profitetur, non si dicat multas animas, sed si dicat multas tantum; ita scilicet quod sint multæ & secundum numerum, & secundum speciem.

Ad tertium dicendum, quod intellectus possibilis non multiplicatur in diversis secundum differentiam alicuius formæ, sed secundum multiplicationem substantiæ animæ, cuius potentia est.

Ad quartum dicendum, quod non est necessarium intellectum communem denudari ab eo quod intelligit, sed solum intellectum in potentia, sicut & omne recipiens denudatur a natura recepti. Unde si aliquis intellectus est qui sit actus tantum (sicut intellectus divinus) se intelligit per seipsum. Sed intellectus possibilis intelligibilis dicitur, sicut & alia intelligibilia: quia per speciem intelligibilem aliorum intelligibilem se intelligit. Ex obiecto enim cognoscit suam operationem, per quam devenit ad cognitionem sui ipsius.

Ad quintum dicendum, quod intellectus possibilis intelligendus est non habere commune cum aliqua naturarum sensibilem, a quibus via intelligibilia accipit; communicat tamen unus intellectus possibilis cum alio in specie.

Ad sextum dicendum, quod in his quæ sunt secundum esse a materia separata, non potest esse distinctio nisi secundum speciem.

Diversæ autem species in diversis gradibus constitutæ sunt: unde & assimilantur numeris, a quibus species diversificatur secundum additionem, & subtractionem unitatis. Et ideo secundum positionem quorundam dicentium, ea quæ sunt inferiora in entibus, causari a superioribus, sequitur quod in separatis a materia sit multiplicatio secundum causam & causatum. Sed hæc positio secundum fidem non sustinetur. Intellectus ergo possibilis non est substantia separata a materia secundum esse. Unde ratio non est ad propositum.

Ad septimum dicendum, quod licet species intelligibilis qua intellectus formaliter intelligit, sit in intellectu possibili istius, & illius hominis, ex quo intellectus possibiles sunt plures; id tamen quod intelligitur per huiusmodi species, est unum, si consideremus habito respectu ad rem intellectam: quia universale quod intelligitur ab utroque, est idem in omnibus. Et quod per species multiplicatas in diversis, id quod est unum in omnibus, possit intelligi, contingit ex immaterialitate specierum, quæ representant rem absque materialibus conditionibus individuans, ex quibus una natura secundum speciem multiplicatur numero in diversis.

Ad octavum dicendum, quod secundum Platonicos causa huius quod intelligitur unum in multis, non est ex parte intellectus, sed ex parte rei. Cum enim intellectus non intelligat aliquid unum in multis, nisi aliqua res esset una participata a multis, videretur quod intellectus esset vanus, non habens aliquid respondens sibi in re: unde coacti sunt ponere ideas, per quarum participationem & res naturales speciem sortiuntur, & intellectus nostri fiunt universaliter intelligentes. Sed secundum sententiam Aristotelis hoc est ab intellectu, scilicet quod intelligat unum in multis per abstractionem a principiis individuans. Nec tamen intellectus est vanus, aut falsus, licet non sit aliquid abstractum in rerum natura: quia eorum quæ sunt simul, unum potest vere intelligi aut nominari, absque hoc quod intelligatur, vel nominetur alterum; licet non possit vere intelligi, vel dici, quod eorum quæ sunt simul, unum sit sine altero. Sic igitur vere potest considerari, & dici id quod est in aliquo individuo, de natura speciei, in quo simile est cum aliis, absque eo quod considerentur in eo principia individuans, secundum quæ distinguitur ab omnibus aliis. Sic ergo sua abstracta.

abstractione intellectus facit istam unitatem universalem, non eo quod sit unus in omnibus, sed inquitur est immaterialis.

Ad nonum dicendum, quod intellectus est locus specierum, eo quod continet species; unde non sequitur quod intellectus possibilis sit unus omnium hominum, sed unus, & communis omnibus speciebus.

Ad decimum dicendum, quod sensus non recipit species abique organo; & ideo non dicitur locus specierum, sicut intellectus.

Ad undecimum dicendum, quod intellectus possibilis potest dici ubique operari, non quia operatio eius sit ubique, sed quia operatio eius est circa ea quæ sunt ubique.

Ad duodecimum dicendum, quod intellectus possibilis licet materiam determinatam non habeat; tamen substantia animæ, cuius est potentia, habet materiam determinatam, non ex qua sit, sed in qua sit.

Ad decimumtertium dicendum, quod principia individuantia omnium formarum, non sunt de essentia earum; sed hoc solum verum est in compositis.

Ad decimumquartum dicendum, quod primus motor cæli est omnino separatus a materia etiam secundum esse: unde nullo modo potest numero multiplicari: non est autem simile de anima humana.

Ad decimumquintum dicendum, quod animæ separatæ non differunt specie, sed numero, ex eo quod sunt tales vel tali corpori unibiles.

Ad decimumsextum dicendum, quod licet intellectus possibilis sit separatus a corpore quantum ad operationem; est tamen potentia animæ, quæ est actus corporis.

Ad decimumseptimum dicendum, quod aliquid est intellectus in potentia, non ex eo quod est individuale, sed ex eo quod est materiale: unde species intelligibiles, quæ immaterialiter recipiuntur in intellectu, existunt individuatæ, sunt intellectus in actu. Et præterea idem sequitur apud ponentes intellectum possibilem esse unum: quia si intellectus possibilis est unus sicut quædam substantia separata, oportet quod sit aliquod individuum: sicut & de ideis Platonis Aristoteles argumentatur: & eadem ratione species intelligibiles in ipso essent individuatæ, & essent etiam diversæ in diversis intellectibus separatim, cum omnis intelligentia sit plena formis intelligibilibus.

Ad decimumoctavum dicendum, quod phantasma movet intellectum prout est factum intelligibile actu, virtute intellectus agentis, ad quem comparatur intellectus

possibilis sicut potentia ad agens; & ita cum eo communicat.

Ad decimumnonum dicendum, quod licet esse animæ intellectivæ non dependeat a corpore, tamen habet habitudinem ad corpus naturaliter, propter perfectionem suæ speciei.

Ad vicecesimum dicendum, quod licet anima humana non habeat materiam partem sui, est tamen forma corporis: & ideo quod quid erat esse suum, includit habitudinem ad corpus.

Ad vicecesimumprimum dicendum, quod licet intellectus possibilis eleveatur supra corpus, non tamen elevatur supra totam substantiam animæ, quæ multiplicatur secundum habitudinem ad diversa corpora.

Ad vicecesimumsecundum dicendum, quod ratio illa procederet, si corpus sic uniretur animæ quasi totam essentiam, & virtutem comprehendens: sic enim oporteret quidquid est in anima, esse materiale. Sed hoc non est ita, ut supra (quæst. præced. art. 4.) manifestatum est: unde ratio non sequitur.

ARTICULUS IV.

Utrum necesse sit ponere intellectum agentem.

Quarto quaeritur, utrum necesse sit ponere intellectum agentem. Et videtur quod non. Quod enim potest per unum fieri in natura, non fit per plura. Sed homo potest sufficienter intelligere per unum intellectum, scilicet possibilem. Non ergo necessarium est ponere intellectum agentem. Probatio medicæ. Potentia quæ radicanter in una essentia animæ, compatiuntur sibi invicem: unde ex motu facto in potentia sensitiva relinquitur aliquid in imaginatione: nam phantasia est motus a sensu factus secundum actum, ut dicitur in III. de Anima (Lib. II. com. cxi.) Si ergo intellectus possibilis est in anima nostra, & non est substantia separata, sicut superius dictum est, oportet quod sit in eadem essentia animæ cum imaginatione. Ergo motus imaginationis redundat in intellectum possibilem; & ita non est necessarium ponere intellectum agentem, qui faciat phantasmata intelligibilia a phantasmatis abstracta.

2. Præterea. Tactus, & visus sunt diversæ potentie. Contingit autem in cæco quod ex motu relicto in imaginatione a sensu tactus, commovetur imago ad imaginandum.

aliquid quod pertinet ad sensum visus: & hoc ideo quia visus, & tactus radican-
tur in una essentia animæ. Si igitur intel-
lectus possibilis est quædam potentia animæ,
pari ratione ex motu imaginationis resulta-
bit aliquid in intellectum possibilem; &
ita non est necessarium ponere intellectum
agentem.

3. Præterea. Intellectus agens ad hoc po-
nitur quod intelligibilia in potentia faciat
intelligibilia actu. Fiant autem aliqua in-
telligibilia actu per hoc quod abstrahuntur
a materia, & a materialibus conditionibus.
Ad hoc ergo ponitur intellectus agens, ut
species intelligibiles a materia abstrahan-
tur. Sed hoc potest fieri sine intellectu a-
gente; nam intellectus possibilis, cum sit
immaterialis, immaterialiter necesse est quod
recipiat, cum omne receptum sit in reci-
piente per modum recipientis. Nulla igitur
necessitas est ponendi intellectum agen-
tem.

4. Præterea. Aristoteles in III. de Ani-
ma (com. xviii.) assimilât intellectum
agentem lumen. Sed lumen non est neces-
sarium ad videndum, nisi inquantum facit
diaphanum esse actu lucidum: est enim col-
lor secundum se visibiles, & motus lucidi
secundum actum, ut dicitur in II. de Ani-
ma (com. lxxv.) Sed intellectus agens
non est necessarius ad hoc quod faciat in-
tellectum possibilem aptum ad recipiendum:
quia secundum id quod est, est in potentia
ad intelligibilia. Ergo non est necessarium
ponere intellectum agentem.

5. Præterea. Sicut se habet intellectus ad
intelligibilia, ita sensus ad sensibilia. Sed
sensibilia ad hoc quod moventur sensum,
non indigent aliquo agente, licet secundum
esse spirituale sint in sensu, qui est susce-
ptivus rerum sensibilibus sine materia, ut
dicitur in III. de Anima (com. lxxviii.)
& in medio quod recipit spiritualiter spe-
cies sensibilibus: quod patet ex hoc quod in
eadem parte mediæ recipitur species contra-
riorum, ut albi, & nigri. Ergo nec intelli-
gibilia indigent aliquo alio intellectu a-
gente.

6. Præterea. Ad hoc quod aliquid quod
est in potentia, reducat in actum in re-
bus naturalibus, sufficit id quod est in actu
eiusdem generis; sicut ex materia quæ est
potentia ignis, fit actu ignis per ignem
qui est in actu. Ad hoc igitur quod intel-
lectus qui in nobis est in potentia, fiat in
actu, non requiritur nisi intellectus in actu,

S. Th. Oper. Tom. XV.

vel ipsamet intellectualitas; sicut quando
ex cognitione principiorum venimus in co-
gnitionem conclusionum, vel alterius, si-
cut cum aliquis addiscit a magistro. Non
est igitur necessarium ponere intellectum a-
gentem, ut videtur.

7. Præterea. Intellectus agens ad hoc po-
nitur ut illuminet nostra phantasmata, sic-
ut lux Solis illuminat colores. Sed ad nos-
tram illuminationem sufficit divina lux,
quæ illuminat omnem hominem venientem in
hunc mundum, ut dicitur Ioan. i. 9. Non
igitur est necessarium ponere intellectum a-
gentem.

8. Præterea. Actus intellectus est intelli-
gere. Si igitur est duplex intellectus, scilicet
agens, & possibilis, erit unus homini;
duplex intelligere; quod videtur inconve-
niens.

9. Præterea. Species intelligibilis videtur
esse perfectio intellectus. Si igitur est du-
plex intellectus, scilicet possibilis, & agens,
est duplex intelligere: quod videtur super-
fluum.

Sed contra est ratio Aristotelis in III. de
Anima (com. xvii. & xviii.) quod cum
in omni natura sit agens, & id quod est
in potentia, oportet hæc duo in anima esse:
quorum alterum est intellectus agens,
alterum intellectus possibilis.

Respondendo dicendum, quod necesse est
ponere intellectum agentem. Ad cuius evi-
dentiam considerandum est, quod cum in-
tellectus possibilis sit in potentia ad intelli-
gibilia, necesse est quod intelligibilia mo-
veant intellectum possibilem. Quod autem
non est, non potest aliquid movere. Intelli-
gibile autem per intellectum possibilem
non est aliquid in rerum natura existens,
nec intelligibile est: intelligit enim intel-
lectus possibilis nosse aliquid quasi unum
in multis, & de multis. Tale autem non
invenitur in rerum natura subsistens, ut A-
ristoteles probat in VII. Metaph. Oportet
igitur, si intellectus possibilis debet move-
ri ab intelligibili, quod huiusmodi intelli-
gibile per intellectum fiat. Et cum non
possit esse id quod est in potentia ut aliquid
factum ipsius, oportet ponere præter intel-
lectum possibilem intellectum agentem, qui
faciat intelligibilia in actu, quæ movent
intellectum possibilem. Facit autem ea per
abstractionem a materia, & a materialibus
conditionibus, quæ sunt principia indivi-
duationis. Cum enim natura speciei, quan-
tum ad id quod per se ad speciem perti-
net,

Aaa

net,

net, non habeat unde multiplicetor in diversis, sed individuantia principia sint præter rationem ipsius; poterit intellectus accipere eam præter omnes conditiones individuantes, & sic accipietur ut aliquid unum. Et eadem ratione intellectus accipit naturam generis abstrahendo a differentijs specificis, ut unum in multis, & de multis specificis. Si autem universalis per se subsisteret in rerum natura, sicut Platonicus posuerunt, necessitas nulla esset povere intellectum agentem: quia ipsæ res intelligibiles per se intellectum possibilem moverent. Unde videtur Aristoteles hac necessitate inductus ad ponendum intellectum agentem, quia non consentit opinioni Platoni de positione idearum. Sunt tamen & aliqua per se intelligibilia in actu subsistentia in rerum natura, sicut sunt substantiæ immateriales; sed tamen ad ea cognoscenda intellectus possibilis pertingere non potest, sed aliquoties in eorum cognitionem devenit per ea quæ abstrahit a rebus materialibus, & sensibilibus.

Ad primum ergo dicendum, quod intelligere nostrum non potest compleri per intellectum possibilem tantum. Non enim intellectus possibilis potest intelligere, nisi moveatur ab intelligibili: quod cum non præexistat in rerum natura, oportet quod fiat per intellectum agentem. Verum est autem quod duæ potentiae quæ sunt in una substantia animæ radicatz, compatiuntur sibi ad invicem; sed ista compassio quantum ad duo potest intelligi: scilicet quantum ad hoc quod una potentia impeditur, vel totaliter abstrahitur a suo actu, quando alia potentia intense operatur; sed hoc non est ad propositum: vel etiam quantum ad hoc quod una potentia ab alia moveatur, sicut imaginatio a sensu. Et hoc quidem possibile est, quia forma imaginationis & sensus sunt eiusdem generis: utraque enim sunt individuales. Et ideo formæ quæ sunt in sensu, possunt imprimere formas quæ sunt in imaginatione movendo imaginationem quasi sibi similes. Formæ autem imaginationis, in quantum sunt individuales, non possunt causare formas intelligibiles, cum sint universales.

Ad secundum dicendum, quod ex speciebus receptis in imaginatione a sensu tactus, imaginatio non sufficeret formare formas ad visum pertinentes, nisi præexistarent formæ per visum receptæ in thesauro memoriæ, vel imaginationis reservatz.

Non enim cæcus natus colorem imaginari potest per quascumque alias species sensibiles.

Ad tertium dicendum, quod conditio recipientis non potest transferre speciem receptam de uno genere in aliud, potest tamen eodem genere manente variare speciem receptam secundum aliquem modum essentialis. Et inde est quod cum species universalis, & particularis differant secundum genus, sola cognitio intellectus possibilis non sufficit ad hoc quod species quæ sunt in imaginatione particulares, in eo fiant universales; sed requiritur intellectus agens, qui hoc faciat.

Ad quartum dicendum, quod de lumine, ut Commentator dicit in II. de Anima (com. lxxvii.) est duplex opinio. Quidam enim dixerunt, quod lumen necessarium est ad videndum, quantum ad hoc quod dat virtutem coloribus, ut possint movere visum, quasi color non ex seipso sit visibilis, sed per lumen. Sed hoc videtur Aristoteles removere cum dicit in II. de Anima (com. lxxvi. & seq.) quod color est per se visibilis: quod non esset, si solum ex lumine haberet visibilitatem. Et ideo alii aliter dicunt, & melius, quod lumen necessarium est ad videndum in quantum perficit diaphanum faciens illud esse lucidum actu: unde Philosophus dicit in III. de Anima (Lib. II. com. lxxv.) quod color est motivus lucidi secundum actum. Nec obstat quod ab eo qui est in tenebris, videtur ex quæ sunt in luce, & non e converso. Hoc enim accidit ex eo quod oportet illuminari diaphanum, quod circumstat rem visibilem, ut recipiat visibilem speciem, quæ usque ad hoc visibilis est, quousque porrigitur actus luminis illuminantis diaphanum; licet de propinquo perfectius illuminet, & a longinquo magis debilitetur. Comparatio ergo luminis ad intellectum agentem, non est quantum ad omnia, cum intellectus agens ad hoc sit necessarius ut faciat intelligibilia in potentia esse intelligibilia actu. Et hoc significavit Aristoteles in III. de Anima (com. lxxviii.) cum dixit, quod intellectus agens est quasi lumen quoquo modo.

Ad quintum dicendum, quod sensibile, cum sit quoddam particulare, non imprimat nec in sensum, nec in medium speciem alterius generis, cum species in medio, & in sensu non sit nisi particularis. Intellectus autem possibilis recipit species alte-

alterius generis quam sint in imaginatione, cum intellectus possibilis recipiat species universales, & imaginatio non contineat nisi particulares. Et ideo in intelligibilibus indigemus intellectu agente, non autem in sensibilibus alia potentia activa; sed omnes potentiae sensitivae sunt potentiae passivae.

Ad sextum dicendum, quod intellectus possibilis factus in actu, non sufficit ad causandum scientiam in nobis, nisi praesupposito intellectu agente. Si enim loquamur de intellectu in actu, qui est in ipso addiscente, contingit quod intellectus possibilis alicuius sit in potentia quantum ad aliquid, & quantum ad aliquid in actu; & per quod est in actu, potest reduci etiam quantum ad id quod est in potentia in actu: sicut per id quod est actu cognoscens principia, sit in actu cognoscens conclusiones, quas prius cognoscebat in potentia; sed tamen actualem cognitionem principiorum habere non potest intellectus possibilis nisi per intellectum agentem. Cognitionis enim principiorum a sensibilibus accipitur, ut dicitur in fine Libri Posteriorum (Lib. II. com. ult.). A sensibilibus autem non possunt intelligibilia accipi nisi per abstractionem intellectus agentis. Et ita patet quod intellectus in actu principiorum non sufficit ad reducendum intellectum possibilem de potentia in actum sine intellectu agente; sed in hac reductione intellectus agens se habet sicut artifex, & principia demonstrationis sicut instrumenta. Si autem loquamur de intellectu in actu docentis, manifestum est quod docens non causat scientiam in addiscente, tamquam interius agens, sed sicut exterius administrans; sicut etiam medicus sanat sicut exterius administrans, natura autem tamquam interius agens.

Ad septimum dicendum, quod sicut in rebus naturalibus sunt propria principia activa in unoquoque genere, licet Deus sit causa agens prima, & communis; ita etiam requiritur proprium lumen intellectuale in homine; quamvis Deus sit prima lux omnes communiter illuminans.

Ad octavum dicendum, quod duorum intellectuum, scilicet possibilis, & agentis, sunt duae actiones. Nam actus intellectus possibilis est recipere intelligibilia; actio autem intellectus agentis est abstrahere intelligibilia. Nec tamen sequitur quod sit duplex intelligere in homine: quia ad unum intelligere oportet quod utraque istarum actionum concurrat.

Ad nonum dicendum, quod species intelligibilis eadem comparatur ad intellectum agentem, & possibilem; sed ad intellectum possibilem sicut ad recipientem, ad intellectum autem agentem sicut ad facientem huiusmodi species per abstractionem.

ARTICULUS V.

Utrum intellectus agens sit unus, & separatus.

Quinto quaeritur, utrum intellectus agens sit unus, & separatus. Et videtur quod sic. Quia Philosophus dicit in III. de Anima (com. xvi.) quod intellectus agens non quandoque intelligit, & quandoque non. Nihil autem est tale in nobis. Ergo intellectus agens est separatus, & per consequens in omnibus unus.

2. Præterea. Impossibile est quod aliquid sit simul in potentia, & in actu respectu eiusdem. Sed intellectus possibilis est in potentia ad omnia intelligibilia; intellectus autem agens est in actu respectu eorum, cum sit intelligibilium specierum actus. Impossibile igitur videtur quod in eadem substantia animae radicetur intellectus possibilis, & agens; & ita cum intellectus possibilis sit in essentia animae, ut ex praedictis (art. 1. 2. & 3.) patet, intellectus agens erit separatus.

3. Sed dicendum, quod intellectus possibilis est in potentia ad intelligibilia, & intellectus agens in actu respectu eorum secundum aliud & aliud esse. Sed contra. Intellectus possibilis non est in potentia ad intelligibilia secundum quod habet ea, quia secundum hoc iam est actu per ea. Est igitur in potentia ad species intelligibiles secundum quod sunt in phantasmatibus. Sed respectu specierum, secundum quod sunt in phantasmatibus, intellectus agens est actus, cum faciat ea intelligibilia in actu per abstractionem. Ergo intellectus agens est in potentia ad intelligibilia secundum illud esse secundum quod comparatur intellectus agens ad ipsa, ut faciens.

4. Præterea. Philosophus in III. de Anima (com. xvi. & xx.) attribuit quadam intellectui agenti quæ non videntur nisi substantiæ separatæ convenire, dicens, quod hoc solum est perpetuum, & incorruptibile, & separatum. Est igitur intellectus agens substantia separata, ut videtur.

5. Præterea. Intellectus non dependet ex complexione corporali, cum sit absolutus ab

organo corporali. Sed facultas intelligendi in nobis variatur secundum complexiones diversas. Non igitur ista facultas nobis competit per ipsum intellectus qui sit in nobis; & ita videtur quod intellectus agens sit separatus.

6. Præterea. Ad actionem aliquam non requiritur nisi agens, & patiens. Si igitur intellectus possibilis, qui se habet ut patiens in intelligendo, est aliquid substantiæ nostræ, ut prius (art. 3.) monstratum est, & intellectus agens est aliquid animæ nostræ, videtur quod in nobis sufficienter habeamus unde intelligere possimus. Nihil ergo aliud est nobis necessarium ad intelligendum; quod tamen patet esse falsum. Indigemus enim sensibus, ex quibus experimenta accipimus ad sciendum: unde qui caret uno sensu, scilicet visu, caret una scientia, scilicet colorum. Indigemus etiam ad intellegendum doctrina, quæ sit per magistrum; & ulterius illuminatione quæ sit per Deum, secundum quod dicitur Ioh. 1. 9. *Erat lux vera quæ illuminat omnem hominem venientem in hunc mundum.*

7. Præterea. Intellectus agens comparatur ad intelligibilia sicut lumen ad visibilia, ut patet in III. de Anima (comm. xviii.) Sed una lux separata, scilicet Solis, sufficit ad faciendum omnia visibilia actu. Ergo ad faciendum omnia intelligibilia actu sufficit una lux separata; & sic nulla necessitas est ponere intellectum agentem in nobis.

8. Præterea. Intellectus agens assimilatur arti, ut patet in III. de Anima (comm. xvii. & xviii.) Sed ars est principium separatum ab artificiaris. Ergo & intellectus agens est principium separatum.

9. Præterea. Perfectio cuiuslibet naturæ est ut simuletur suo agenti. Tunc enim generatum perfectum est quando ad similitudinem generantis pergit, & artificiatum quando consequitur similitudinem formæ quæ est in artifice. Si igitur intellectus agens est aliquid animæ nostræ, ultima perfectio, & beatitudo animæ nostræ erit in aliquo quod est in ipsa; quod patet esse falsum: sic enim animæ seipsa esset fruendum. Non ergo intellectus agens est aliquid in nobis.

10. Præterea. Agens est honorabilius patiente, ut dicitur in III. de Anima (comm. xix.) Si ergo intellectus possibilis est aliquo modo separatus, intellectus agens erit magis separatus quod non potest esse, ut

videtur, nisi omnino extra substantiam animæ ponatur.

Sed contra est quod dicitur in III. de Anima (comm. xvii.) quod sicut in omni natura est aliquid, hoc quidem ut materia, aliud autem quod est factivum; ita necesse est in anima esse has differentias, ad quorum unum pertinet intellectus possibilis, ad alterum intellectus agens. Uterque ergo intellectus, possibilis scilicet, & agens, est aliquid in anima.

Præterea. Operatio intellectus agentis est abstrahere species intelligibiles a phantasmatibus: quod quidem semper in nobis accidit. Nunc autem esset ratio quare hæc abstractio quandoque fieret, & quandoque non fieret, ut videtur, si intellectus agens esset substantia separata. Non est ergo intellectus agens substantia separata.

Respondeo dicendum, quod intellectum agentem esse unum, & separatam plus videtur rationis habere quam si hoc de intellectu possibili ponatur. Est enim intellectus possibilis, secundum quem sumus intelligentes, quandoque quidem in potentia, quandoque autem in actu; intellectus autem agens est qui facit nos intelligentes actu. Agens autem invenitur separatus ab his quæ reducit in actum; sed id per quod aliquid est in potentia, omnino videtur esse intrinsecum rei. Et ideo plures posuerunt intellectum agentem esse substantiam separatam, intellectum autem possibilem esse aliquid animæ nostræ. Et hunc intellectum agentem posuerunt esse quandam substantiam separatam, quam intelligentiam nominant; quæ ita se habet ad animas nostras, & ad totam spheram activorum, & passivorum, sicut se habent substantiæ superiores separatæ, quas intelligentias dicunt, ad animas celestium corporum, quæ animata ponunt, & ad ipsa celestia corpora; ut sicut superiora corpora a prædictis substantiis separatæ recipiunt motum, animæ vero celestium corporum intelligibilem perfectionem; ita hæc omnia inferiora corpora ab intellectu agente separato recipiunt formas, & proprios motus, animæ vero nostræ recipiunt ab eo intelligibiles perfectiones. Sed quia fides catholica Deum, & non aliquam substantiam separatam in natura, & animabus nostris operantem ponit, ideo quidam Catholicos posuerunt, quod intellectus agens sit ipse Deus, qui est *lux vera quæ illuminat omnem hominem venientem in hunc mundum.* Sed hæc positio si quis diligen-

genter consideret, non videtur esse conveniens. Comparantur enim substantiae superiores ad animas nostras, sicut corpora caelestia ad inferiora corpora. Sicut enim virtutes superiorum corporum sunt quaedam principia activa universalis respectu inferiorum corporum; ita virtus divina, & virtutes aliarum substantiarum secundarum, si qua influentia ex eis fiat in nos, comparantur ad animas nostras sicut principia activa universalis. Videmus autem quod praeter principia activa universalis, quae sunt caelestium corporum, oportet esse principia activa particularia, quae sunt virtutes inferiorum corporum, determinatae ad proprias operationes huius vel illius rei: & hoc praecipue requiritur (a) in animalibus perfectis. Inveniuntur enim quaedam animalia imperfecta, ad quorum productionem sufficit virtus caelestis corporis, sicut patet de animalibus generatis ex putrefactione; sed ad generationem animalium perfectorum praeter virtutem caelestem requiritur etiam virtus particularis, quae est in semine. Cum igitur id quod est perfectissimum in omnibus corporibus inferioribus, sit intellectus in actu, praeter principia activa universalis, quae sunt virtus Dei illuminantis, vel cuiuscunque alterius substantiae separatae, requiritur in nobis principium activum proprium, per quod efficiamur intelligentes in actu; & hoc est intellectus agens. Considerandum etiam est, quod si intellectus agens ponatur aliqua substantia separata praeter Deum, sequitur aliquid fidei nostrae repugnans, ut scilicet ultima perfectio nostra, & felicitas sit in conjunctione aliquali animae nostrae, non ad Deum, ut doctrina evangelica tradit dicens (Ioan. xvii. 3.) *Hoc est vita aeterna, ut cognoscant se Deum verum*; sed in conjunctione ad aliquam animam substantiam separatam. Manifestum est enim quod ultima beatitudo, sive felicitas hominis consistit in sua nobilissima operatione, quae est intelligere, cuius ultimam perfectionem oportet esse per hoc quod intellectus noster suo activo principio coniungitur. Tunc enim unumquodque passivum maxime perfectum est quando pertingit ad proprium activum, quod est ei causa perfectionis. Et ideo ponentes intellectum agentem esse substantiam a materia separatam, dicunt, quod ultima felicitas hominis est in hoc quod possit intelligere intellectum agentem. Ulterius autem si diligenter con-

sideremus, inveniemus eadem ratione impossibile esse, intellectum agentem substantiam separatam esse, quae ratione & intellectu possibili hoc supra (art. 1. 2. & 3.) ostensum est. Sicut enim operatio intellectus possibilis est recipere intelligibilia, ita propria operatio intellectus agentis est abstrahere ea: sic enim ea facit intelligibilia actu. Utramque autem harum operationum experimur in nobis ipsis. Nam & nos intelligibilia recipimus, & abstrahimus ea. Oportet autem in unoquoque operante esse aliquod formale principium, quo formaliter operetur: non enim potest aliquid formaliter operari per id quod est secundum esse separatam ab ipso; sed et si id quod est separatam, est principium motivum ad operandum, nihilominus oportet esse aliquid intrinsecum, quo formaliter operetur, sive illud sit forma, sive qualicumque impressio. Oportet igitur esse in nobis aliquod principium formale, quo recipiamus intelligibilia, & aliud quo abstrahamus ea. Et huiusmodi principia nominantur intellectus possibilis, & agens. Uterque igitur eorum est aliquid in nobis. Non autem sufficit hoc quod actio intellectus agentis, quae est abstrahere intelligibilia, conveniat nobis per ipsa phantasmata, quae sunt in nobis illustrata ab ipso intellectu agente: unumquodque enim artificiatum consequitur actionem artificis, cum tamen intellectus agens comparatur ad phantasmata illustrata sicut ad artificia. Non est autem difficile considerare qualiter in eadem substantia animae utrumque possit inveniri, scilicet intellectus possibilis, qui est in potentia ad omnia intelligibilia, & intellectus agens, qui facit ea intelligibilia in actu: non enim est impossibile aliquid esse in potentia respectu alicuius, & in actu respectu eiusdem secundum diversa. Si ergo consideremus ipsa phantasmata per respectum ad animam humanam, inveniuntur quantum ad aliquid esse in potentia, scilicet inquantum non sunt ab individuans conditionibus abstracta, abstrahibilia tamen; quantum vero ad aliquid inveniuntur esse in actu respectu animae, inquantum scilicet sunt similitudines determinatarum rerum. Est ergo in anima nostra invenire potentialitatem respectu phantasmatum, secundum quod sunt representativa determinatarum rerum: & hoc pertinet ad intellectum possibilem, qui, quantum est de se, est in potentia ad omnia

(a) scilicet ab animalibus.

nia intelligibilia, sed determinatur ad hoc, vel ad aliud per species a phantasmatis abstractus. Est etiam in anima invenire quamdam virtutem activam immaterialem, quae ipsa phantasmata a materialibus conditionibus abstrahit: & hoc pertinet ad intellectum agentem, ut intellectus sit agens quasi quaedam virtus participata ex aliqua substantia superiori, scilicet Deo. Unde Philosophus dicit (I. de Anima com. xv. 111.) quod intellectus agens est ut habitus quidam, & lumen: & in Psal. xv. 7. dicitur: *Signatum est super nos lumen visus tui, Domine*. Et huiusmodi simile quodammodo apparet in animalibus vicentibus de nocte, quorum pupillae sunt in potentia ad omnes colores, inquantum nullum colorem habent determinatum in actu, sed per quamdam lucem iustam faciunt quodammodo colores visibiles actu. Quidam vero crediderunt, intellectum agentem non esse aliud quam habitum principiorum indemonstrabilium. in nobis. Sed hoc esse non potest, quia etiam ipsa principia indemonstrabilia cognoscimus abstrahendo a singularibus, ut docet Philosophus in I. Poster. Unde oportet praexistere intellectum agentem habui principiorum sicut causam ipsius; ipsa vero principia comparantur ad intellectum agentem ut instrumenta quaedam eius, quia per ea facit alia intelligibilia actu.

Ad primum ergo dicendum, quod verbum illud Philosophi, *Non aliquando intelligit, aliquando vero non intelligit*, non intelligitur de intellectu agente, sed de intellectu in actu. Nam postquam Aristoteles determinavit de intellectu possibili, & agente, necessarium fuit ut determinaret de intellectu in actu, cuius primo differentiam ostendit ad intellectum possibilem: nam intellectus possibilis, & res quae intelligitur, non sunt idem; sed intellectus, sive scientia in actu est idem rei scitae in actu, sicut & de sensu idem dixerat, quod sensus, & sensibile in potentia differunt, sed sensus, & sensibile in actu sunt eorum & idem. Iterum ostendit ordinem intellectus possibilis ad intellectum in actu: quia in uno & eodem prius est intellectus in potentia quam in actu, non tamen simpliciter, sicut & multoties consuevit hoc dicere de his quae exeunt de potentia in actum. Et postea (subdir (III. de Anima. com. xx.) verbum inductum, in quo ostendit differentiam inter intellectum possibilem & inter intellectum in actu: quia intellectus possibilis quandoque intelligit, & quandoque non;

quod non potest dici de intellectu in actu. Et similem differentiam ostendit in III. Physic. (com. xcvi.) inter causas in potentia, & causas in actu.

Ad secundum dicendum, quod substantia animae est in potentia, & in actu respectu eorumdem phantasmatum, sed non secundum idem, ut supra expositum est.

Ad tertium dicendum, quod intellectus possibilis est in potentia respectu intelligibilium secundum esse quod habent in phantasmatis; & secundum illud idem intellectus agens est actus respectu eorum; tamen alia & alia ratione, ut ostensum est.

Ad quartum dicendum, quod verba illa Philosophi, *quod hoc solum est separatum, & immortale, & perpetuum*, non possunt intelligi de intellectu agente: nam & supra dixerat, quod intellectus possibilis est separatus. Oportet autem quod intelligatur de intellectu in actu secundum contextum superiorum verborum, ut supra dictum est (in solut. ad 1.) Intellectus enim in actu comprehendit & intellectum possibilem, & intellectum agentem. Et hoc solum animae est separatum, & perpetuum, & immortale, quod continet intellectum agentem & possibilem: nam ceterae partes animae non sunt sine corpore.

Ad quintum dicendum, quod diversitas complexionum causat facilitatem intelligendi: vel meliorem, vel minus bonam, ratione potentiarum a quibus abstrahit intellectus, quae sunt potentiae utentes organis corporalibus, sicut imaginatio, memoria, & huiusmodi.

Ad sextum dicendum, quod licet in anima nostra sit intellectus agens, & possibilis, tamen requiritur aliquid extrinsecum, ad hoc quod intelligere possimus. Et primo quidem requiritur phantasmata a sensibilibus accepta, per quae represententur intellectui rerum determinatarum similitudines: nam intellectus agens non est talis actus in quo omnium rerum species determinatae accipi possint ad cognoscendum, sicut nec lumen determinare potest visum ad species determinatas colorum, nisi addantur colores determinantes visum. Uterius autem cum posuerimus intellectum agentem esse quamdam virtutem participatam in animalibus nostris, velut lumen quoddam, necesse est ponere aliam causam extrinsecam: a qua illud lumen participetur: & hanc dicimus Deum, qui interior docet, inquantum huiusmodi lumen animae infundit, & supra huiusmodi lumen naturale addit: pro suo be-

neplacito copiosius lumen ad cognoscendum ea ad quae naturalis ratio attingere non potest, sicut est lumen dei, & lumen prophetiae.

Ad septimum dicendum, quod colores moventes visum sunt extra animam; sed phantasmata, quae movent intellectum possibilem, sunt nobis intrinseca. Et ideo licet lux Solis exterior sufficiat ad faciendum colores visibiles actu, ad faciendum tamen phantasmata intelligibilia esse actu requiritur lux interior, quae est lux intellectus agentis. Et praeterea pars intellectiva animae est perfectior quam sensitiva: unde necessarium est quod magis ei adsint sufficientia principia ad propriam operationem: propter quod & secundum intellectivam partem invenimus & recipere intelligibilia, & abstinere ea, quasi in nobis existente secundum intellectum virtute activa, & passiva; quod circa sensum non accidit.

Ad octavum dicendum, quod licet sit similitudo quorundam intellectus agentis ad artem, non oportet huiusmodi similitudinem quantum ad omnia extendi.

Ad nonum dicendum, quod intellectus agens non sufficit per se ad reducendum intellectum possibilem perfecte in actum, cum non sint in eo determinatae rationes omnium rerum, ut dictum est. Et ideo requiritur ad ultimam perfectionem intellectus possibilis quod uniatur aliquoties illi agenti in quo sunt rationes omnium rerum, scilicet Deo.

Ad decimum dicendum, quod intellectus agens nobilior est possibili, sicut virtus activa nobilior quam passiva, & magis separata, secundum quod magis a similitudine materiae recedit; non tamen ita quod sit substantia separata.

ARTICULUS VI.

Utrum anima composita sit ex materia & forma.

Sexto quaeritur, utrum anima sit composita ex materia & forma. Et videtur quod sic. Dicit enim Boetius in Lib. de Trinit. (ante med.) *Forma simplex subiectum esse non potest.* Sed anima est subiectum, scientiarum scilicet, & virtutum. Ergo non est forma simplex: ergo est composita ex materia & forma.

2. Praeterea. Boetius dicit in Lib. de Hebdom. (inter princ. & med.) *Id quod est, participare aliquid potest; ipsum vero esse nihil participat;* & pari ratione subiecta par-

ticipant, non autem formae; sicut album potest aliquid participare praeter albedinem, non autem albedo. Sed anima aliquid participat, ea scilicet quibus informatur Anima. Ergo non est forma tantum: est ergo composita ex materia & forma.

3. Praeterea. Si anima est forma tantum, & est in potentia ad aliquid, maxime videtur quod ipsum esse sit actus eius: non enim ipsa est suum esse. Sed unus simplicis potentiae simplicissimus erit actus. Non ergo poterit esse subiectum alterius nisi ipsius esse. Manifestum est autem quod est aliorum subiectum. Non est ergo substantia simplex, sed composita ex materia & forma.

4. Praeterea. Accidentia formae sunt consequentia totam speciem; accidentia vero materialia, sunt consequentia individuum hoc vel illud: nam forma est principium speciei, materia veto est principium individuationis. Si ergo anima sit forma tantum, omnia eius accidentia erunt consequentia totam speciem. Hoc autem patet esse falsum: nam Musicum, & Grammaticum, & huiusmodi non consequuntur totam speciem. Anima ergo non est forma tantum, sed composita ex materia & forma.

5. Praeterea. Formae est principium actionis, materia veto principium patiendi. In quocumque ergo est actio, & passio, ibi est compositio formae & materiae. Sed in ipsa anima est actio, & passio: nam operatio intellectus possibilis est in patiendo, propter quod dicit Philosophus (III. de Anima com. xii.) quod intelligere test quoddam pati; operatio autem intellectus agentis est in agendo: facit enim intelligibilia in potentia, intelligibilia in actu, ut dicitur in III. de Anima (com. xrv. xv. xvi.) Ergo in anima est compositio formae & materiae.

6. Praeterea. In quocumque inveniuntur proprietates materiae, illud oportet esse ex materia compositum. Sed in anima inveniuntur proprietates materiae, scilicet esse in potentia, recipere, subiecti, & alia huiusmodi. Ergo anima est composita ex materia & forma.

7. Praeterea. Agentium, & patientium oportet esse materiam communem, ut patet in I. de gener. (com. xlii.) Quicquid ergo pari potest ab aliquo materiali, habet in se materiam. Sed anima habet pari ab aliquo materiali, scilicet ab igne inferni, qui est ignis corporeus, ut Augustinus

duo

nus probat XXI. de civ. Dei (cap. x.)
Ergo anima in se materiam habet.

8. Præterea. Actio agentis non terminatur ad formam tantum, sed ad compositum ex materia & forma, ut probatur in VII. Metaphys. (com. xxvi. xxvii. xxxiv.) Sed actio agentis, scilicet Dei, terminatur ad animam. Ergo anima est composita ex materia & forma.

9. Præterea. Illud quod est forma tantum, (a) statim est ens, & unum; & non indiget aliquo quod faciat ipsum ens, & unum, ut dicit Philosophus in VIII. Metaph. (com. xvi.) Sed anima indiget aliquo quod faciat ipsam entem, & unam, scilicet Deo creatore. Ergo anima non est forma tantum.

10. Præterea. Agens ad hoc necessarium est ut reducat aliquid de potentia in actum. Sed reduci de potentia in actum competit solum illis in quibus est materia & forma. Si igitur anima non sit composita ex materia & forma, non indiget causa agente; quod patet esse falsum.

11. Præterea. Alexander dicit in Lib. de intellectu, quod anima habet intellectum ylealem. Yle autem dicitur prima materia. Ergo in anima est aliquid de prima materia.

12. Præterea. Omne quod est, vel est actus purus, vel potentia pura, vel compositum ex potentia & actu. Sed anima non est actus purus, quia hoc solius Dei est; nec est potentia pura, quia sic non differret a prima materia. Ergo est composita ex potentia pura & actu: ergo non est forma tantum, cum forma sit actus.

13. Præterea. Omne quod individuatur, individuatur ex materia. Sed anima non individuatur ex materia in qua est, scilicet ex corpore, quia perempto corpore cessaret eius individuatur. Ergo individuatur ex materia ex qua. Habet ergo materiam partem sui.

14. Præterea. Agentis, & patientis oportet esse aliquid commune, ut patet in I. de gener. (com. cxlxi.) Sed anima patitur a sensibilibus, quæ sunt materialia; nec est dicere, quod in homine sit alia substantia animæ sensibilis, & intellectualis. Ergo anima habet aliquid commune cum materialibus; & ita videtur quod in se materiam habeat.

15. Præterea. Cum anima non sit simplicior quam Angelus, oportet quod sit inge-

nere quasi species: hoc enim Angelo convenit. Sed omne quod est in genere sicut species, videtur esse compositum ex materia & forma: nam genus se habet ut materia, differentia autem ut forma. Ergo anima est composita ex materia & forma.

16. Præterea. Forma communis diversificatur in multis per divisionem materiz. Sed intellectualitas est quedam forma communis, non solum animabus, sed etiam Angelis. Ergo oportet quod etiam in Angelis, & in animabus sit aliqua materia, per cuius divisionem huiusmodi forma distribuitur in multos.

17. Præterea. Omne quod movetur, habet materiam. Sed anima movetur: per hoc enim ostendit Augustinus (alius Auctor in Lib. de spir. & anima cap. xi.) quod anima non est divine nature, quia est mutationi subiecta. Anima ergo est composita ex materia & forma.

Sed contra. Omne compositum ex materia & forma habet formam. Si igitur animam est compositam ex materia & forma, anima habet formam. Sed anima est forma. Ergo forma habet formam; quod videtur impossibile, quia sic esset ire in infinitum.

Respondedo dicendum, quæ circa hanc questionem diversimode aliqui opinantur. Quidam dicunt, quod anima, & omnino omnis substantia præter Deum est composita ex materia & forma. Cuius quidem positionis primus auctor invenitur Avicenna auctor libri fontis vitæ. Huius autem ratio est, quæ etiam in obiciendo (argum. 6.) est tacta, quod oportet in quocunque inveniuntur proprietates materiz, inveniri materiam. Unde cum in anima inveniuntur proprietates materiz, quæ sunt recipere, subici, esse in potentia, & alia huiusmodi, arbitratur esse necessarium quod in anima sit materia. Sed hæc ratio frivola est, & positio impossibilis. Debilitas autem huius rationis apparet ex hoc quod recipere, & subici, & alia huiusmodi, non secundum eandem rationem conveniunt animæ, & materiz primæ. Nam materia prima recipit aliquid cum transmutatione, & motu. Ex qua omnis transmutatio, & motus reducitur ad motum localem, sicut ad primum, & communiorum, ut probatur in VIII. Physic. (com. lxxi. lxxii. lxxiii. & lxxvii.) relinquunt quod materia in illis tantum invenitur in quibus est potentia ad ubi.

(a) *id. de sp. statim,*

ubi. Huiusmodi autem sunt solum corporalia, quae loco circumferuntur. Unde materia non invenitur nisi in rebus corporalibus, secundum quod Philosophi de materia sunt locuti, nisi aliquis materiam fumere velit aequivoce. Anima autem non recipit cum motu, & transmutatione, immo per separationem a motu, & a rebus mobilibus, secundum quod dicitur in VII. Phys. (com. xx.) quod in quiescendo fit anima sciens, & prudens. Unde etiam Philosophus dicit III. de Anima (com. xix.) quod intelligere dicitur pari alio modo quam sit in rebus corporalibus passio. Si quis ergo concludere velit animam esse ex materia compositam per hoc quod recipit, vel patitur, manifeste ex equivocatione decipitur. Sic ergo manifestum est rationem praedictam esse frivolam. Quod etiam positio sit impossibilis, multipliciter manifestum esse potest. Primo quidem quia forma materiae adveniens constituit speciem. Si ergo anima sit ex materia & forma composita, ex ipsa unione formae ad materiam animae, constitueretur quaedam species in rerum natura. Quod autem per se habet speciem, non unitur alteri ad speciem constitutionem, nisi alterum ipsum corrumpatur aliquo modo, sicut elementa ununtur ad componendam speciem mixti. Non igitur anima uniretur corpori ad constituendam humanam speciem, sed tota species humana consisteret in anima; quod patet esse falsum: quia si corpus non pertineret ad speciem hominis, accidentaliter animae adveniret. Non autem potest dici, quod secundum hoc nec manus est composita ex materia & forma, quia non habet completam speciem, sed est pars speciei: manifestum est enim quod materia manus non solum sua forma perficitur; sed una forma est quae simul perficit materiam totius corporis, & omnium partium eius; quod non posset dici de anima, si esset ex materia & forma composita. Nam prius oporteret materiam animae ordine naturae perfici per suam formam, & postmodum corpus perfici per animam: nisi forte quis diceret, quod materia animae esset aliqua pars materiae corporalis; quod est omnino absurdum. Item positio prima ostenditur impossibilis ex hoc quod in omni composito ex materia & forma, materia se habet ut recipiens esse, non autem ut quo aliquid est, hoc enim proprium est formae. Si ergo anima sit composita ex materia & forma, impossibile est quod anima se tota sit princi-

pium formale essendi corpori. Non igitur anima erit forma corporis, sed aliquid animae. Quidquid autem est illud quod est forma huius corporis, est anima. Non igitur illud quod ponebatur compositum ex materia & forma, est anima, sed solum forma eius. Apparet etiam hoc esse impossibile alia ratione. Si enim anima est composita ex materia & forma, & iterum corpus; utrumque eorum habebit per se suam unitatem: & ita necessarium erit ponere aliquid tertium, quo uniantur anima corpori. Et hoc quidam sequentes praedictam positionem concedunt. Dicunt enim, animam uniri corpori mediante luce: vegetabile quidem mediante luce caeli sideris; sensibile vero mediante luce oculi crystallini; rationale vero mediante luce oculi empyrei: quae omnino fabulosa sunt. Oportet enim immediate animam uniri corpori, sicut actum potentiae, sicut patet in VIII. Metaphys. (com. xv. & xvi.) Unde manifestum sit quod anima non potest esse composita ex materia & forma; non tamen excluditur quin in anima sit actus, & potentia: nam potentia, & actus non solum in rebus mobilibus, sed etiam in immutabilibus invenitur, & sunt communiora, sicut dicit Philosophus in VIII. Metaph. cum materia non sit in rebus immobilibus. Quomodo autem in anima actus, & potentia veniantur, sic considerandum est ex materialibus ad immaterialia procedendo. In substantiis enim ex materia & forma compositis tria invenimus, scilicet materiam, & formam, & ipsum esse. Cuius quidem principium est forma: nam materia ex hoc quod recipit formam, participat esse. Sic igitur esse consequitur ipsam formam. Nec tamen forma est suum esse, cum sit eius principium. Et licet materia non pertingat ad esse nisi per formam, forma tamen inquantum est forma, non indiget materia ad suum esse, cum ipsam formam consequatur esse; sed indiget materia, cum sit talis forma, quae per se non subsistit. Nihil ergo prohibet esse aliquam formam a materia separatam, quae habeat esse, & esse sit in huiusmodi forma. Ipsa enim essentia formae comparatur ad esse sicut potentia ad proprium actum. Et ita in formis per se subsistentibus invenitur & potentia, & actus, inquantum ipsum esse est actus formae subsistentis, quae non est suum esse. Si autem aliqua res sit quae sit suum esse, quod proprium Dei est, non est ibi potentia, & actus, sed actus purus. Et

hinc est quod Boetius dicit in Lib. de hebdomadibus, quod in aliis quæ sunt post Deum, differt esse, & quod est; vel, sicut quidam dicunt, quod est, & quod est. Nam ipsum esse est quo aliquid est, sicut cursus est quo aliquis currit. Cum igitur anima sit quedam forma per se subsistens, potest esse in ea compositio actus & potentie, idest esse, & quod est, non autem compositio materie & forme.

Ad primum ergo dicendum, quod Boetius loquitur ibi de forma quæ est omnino simplex, scilicet de divina essentia; in qua cum nihil sit de potentia, sed sit actus purus, omnino subsistens esse non potest. Aliæ autem forme simplices, etsi sint subsistentes, ut Angeli, & anima, possunt tamen esse subiecta secundum quod habent aliquid de potentia, ex qua competit eis ut aliquid recipere possint.

Ad secundum dicendum, quod ipsum esse est actus ultimus qui participabilis est ab omnibus, ipsum autem nihil participat: unde si sit aliquid quod sit ipsum esse subsistens, sicut de Deo dicimus, nihil participare dicimus. Non autem est similis ratio de aliis formis subsistentibus, quas necesse est participare ipsum esse, & comparari ad ipsum ut potentiam ad actum; & ita cum sint quodammodo in potentia, possunt aliquid aliud participare.

Ad tertium dicendum, quod forma aliqua non solum comparatur ad ipsum esse ut potentia ad actum, sed etiam nihil prohibet unam formam comparari ad aliam ut potentiam ad actum, sicut diaphanum ad lumen, (a) & humorem ad calorem. Unde si diaphaneitas esset forma separata per se subsistens, non solum esset susceptiva ipsius (b) esse, sed etiam luminis. Et similiter nihil prohibet formas subsistentes, quæ sunt Angeli, & animæ, non solum esse susceptivas ipsius esse, sed etiam aliarum perfectionum. Sed tamen quanto huiusmodi forme subsistentes perfectiores fuerint, tanto paucioribus participant ad sui perfectionem, utpote in essentia sue naturæ plus perfectionis habentes.

Ad quartum dicendum, quod licet animæ humanæ sint forme tantum, sunt tamen forme individuaturæ in corporibus, & multiplicatur numero secundum multiplicationem corporum: unde nihil prohibet quin aliqua accidentia consequantur eas secundum quod sunt individuaturæ, quæ non consequuntur totam speciem.

Ad quintum dicendum, quod passio quæ est in anima, quæ attribuitur intellectui possibili, non est de genere passionum quæ attribuuntur materie; sed æquivoce dicitur passio utrobique, ut patet per Philosophum in III. de Anima, cum passio intellectus possibilis consistat in receptione, secundum quod recipit aliquid immaterialiter. Et similiter actio intellectus agentis, non est eiusdem modi cum actione formarum naturalium: nam actio intellectus agentis consistit in abstrahendo a materia, actio vero agentium naturalium in imprimendo formas in materia. Unde ex huiusmodi actione, & passione quæ invenitur in anima, non sequitur quod anima sit composita ex materia & forma.

Ad sextum dicendum, quod recipere, & subiici, & alia huiusmodi alio modo animæ conveniunt quam materie primæ: unde non sequitur quod proprietates materie in anima inveniantur.

Ad septimum dicendum, quod licet ignis inferni, a quo anima patitur, sit materialis, & corporalis, non tamen anima patitur ab ipso materialiter, per modum scilicet corporum materialium; sed patitur ab eo afflictionem spirituales, secundum quod est instrumentum divinæ iustitiæ iudicantis.

Ad octavum dicendum, quod actio generantis terminatur ad compositum ex materia & forma, quia generans naturale non nisi ex materia generat; actio vero creantis non est ex materia: unde non oportet quod actio creantis terminetur ad compositum ex materia & forma.

Ad nonum dicendum, quod ea quæ sunt forme subsistentes, ad hoc quod sunt unum, & ens, non requirunt causam formalem, quia ipsæ sunt forme; habent tamen causam exteriorem agentem, quæ dat eis esse.

Ad decimum dicendum, quod agens per motum reducit aliquid de potentia in actum; agens autem sine motu non reducit aliquid de potentia in actum, sed facit esse actum quod secundum naturam est in potentia ad esse: & huiusmodi agens est creans.

Ad undecimum dicendum, quod intellectus ylealis, idest materialis, nominatur a quibusdam intellectus possibilis, non quia sit forma materialis, sed quia habet similitudinem cum materia, inquantum est in potentia ad formas intelligibiles, sicut materia ad formas sephibiles.

Ad

(a) *Al.* & ad lumen calorem. (b) *Al.* *deus* esse.

Ad duodecimum dicendum, quod licet anima non sit actus purus, nec potentia pura, non tamen sequitur quod sit composita ex materia & forma, ut ex dictis (in corp. art.) manifestum est.

Ad decimumtertium dicendum, quod anima non individuatur per materiam ex qua sit, sed secundum habitudinem ad materiam in qua est: quod qualiter possit esse, in quæstionibus præcedentibus (quæst. præced. art. 2. & 8.) manifestum est.

Ad decimumquartum dicendum, quod anima sensitiva non patitur a sensibilibus, sed consensum: sentire enim, quod est pati quoddam, non est animæ tantum, sed organi animati.

Ad decimumquintum dicendum, quod anima non est in genere proprie quasi species, sed quasi pars speciei humanæ: unde non sequitur quod sit ex materia & forma composita.

Ad decimumsextum dicendum, quod intelligibilitas non convenit multis, sicut una forma speciei distributa in multos secundum divisionem materiæ, cum sit forma spiritalis, & immaterialis: sed magis diversificatur secundum diversitatem formarum, sive sint formæ differentes speciei, sicut homo, & Angelus, sive sint differentes numero solo, sicut animæ diversorum hominum.

Ad decimumseptimum dicendum, quod anima, & Angeli dicuntur spiritus mutabiles, prout possunt mutari secundum electionem, quæ quidem mutatio est de operatione in operationem: ad quam mutationem non requiritur materia, sed ad mutationes naturales, quæ sunt de forma ad formam, vel de loco ad locum.

ARTICULUS VII.

Utrum Angelus, & anima differant specie.

SEPTIMO queritur, utrum Angelus, & anima differant specie. Et videtur quod non. Quorum enim eadem est operatio propria, & naturalis, illa sunt eadem secundum speciem: quia per operationem naturæ rei cognoscitur. Sed animæ, & Angeli est eadem operatio propria & naturalis, scilicet intelligere. Ergo anima, & Angelus sunt eiusdem speciei.

a. Sed dicebatur, quod intelligere animæ est cum discursu, intelligere vero Angeli est sine discursu; & sic non est eadem operatio secundum speciem animæ, & Angeli.

Sed contra. Diversarum operationum secundum speciem non est eadem potentia. Sed nos per eandem potentiam, scilicet per intellectum possibilem, intelligimus quædam sine discursu, scilicet prima principia; quædam vero cum discursu, scilicet conclusiones. Ergo intelligere cum discursu, & sine discursu non diversificant speciem.

3. Præterea. Intelligere cum discursu, & sine discursu videntur differre, sicut esse in motu, & esse in quiete; nam discursus est quidam motus intellectus de uno in aliud: Sed esse in motu, & quiete non diversificant speciem: nam motus reducitur ad illud genus in quo est terminus motus, ut dicit Commentator in III. Phys. (com. 17.) node & Philosophus ibidem dicit, quod *res sunt speciei motus, quæ & speciei entis sunt*, scilicet terminantis motum. Ergo nec intelligere cum discursu, & sine discursu differunt secundum speciem.

4. Præterea. Sicut Angeli intelligunt res in Verbo, ita & animæ beatorum. Sed cognitio quæ est in Verbo, est sine discursu: unde Augustinus dicit XV. de Trin. (com. xvi.) quod in patria non erant cogitationes volubiles. Non ergo differt anima ab Angelo per intelligere cum discursu, & sine discursu.

5. Præterea. Omnes Angeli non conveniunt in specie, ut a multis ponitur, & tamen omnes Angeli intelligunt sine discursu. Non ergo intelligere cum discursu, & sine discursu facit diversitatem speciei in substantiis intellectualibus.

6. Sed dicendum, quod etiam Angelorum alii perfectius aliis intelligunt. Sed contra. Magis & minus non diversificant speciem. Sed intelligere perfectius, & minus perfecte non differunt nisi per magis, & minus. Ergo Angeli non differunt secundum speciem per hoc quod magis perfecte, vel minus perfecte intelligunt.

7. Præterea. Omnes animæ humanæ sunt eiusdem speciei, non tamen omnes equaliter intelligunt. Non ergo est differentia speciei in substantiis intellectualibus per hoc quod est perfectius, aut minus perfecte intelligere.

8. Præterea. Anima humana dicitur intelligere discurrendo, per hoc quod intelligit causam per effectum, & e converso. Sed hoc etiam contingit Angelis: dicitur enim in Libro de causis (prop. 8.) quod intelligentia intelligit quod est supra se, quia est causatum ab ea; & intelligit quod est sub se, quia est causa eius. Ergo non

differ Angelus ab anima per hoc quod est intelligere cum discursu, & sine discursu.

9. Præterea. Quæcumque perficiuntur eisdem perfectionibus, videntur esse eadem secundum speciem: nam proprius actus in propria potentia fit. Sed Angelus, & anima perficiuntur eisdem perfectionibus, scilicet gratia, gloria, & caritate. Ergo sunt eiusdem speciei.

10. Præterea. Quorum est idem finis, videtur esse eadem species: nam nunquamque ordinatur ad finem per suam formam, quæ est principium speciei. Sed Angeli, & animæ est idem finis, scilicet beatitudo æterna, ut patet per id quod dicitur Matth. xxi. quod filii resurrectionis erunt sicut Angeli in cælo: & Gregorius dicit (homil. xxi. in Evang.) quod animæ assumuntur ad ordines Angelorum. Ergo Angelus, & anima sunt eiusdem speciei.

11. Præterea. Si Angelus, & anima specie differunt, oportet quod Angelus sit superior anima in ordine naturæ: & sic erit medius inter animam & Deum. Sed inter mentem nostram & Deum non est medium, sicut Augustinus dicit (Lib. XV. de Trin. in princ.) Ergo Angelus, & anima non differunt specie.

12. Præterea. Impressio eiusdem imaginis in diversis non diversificat speciem: imago enim Herculis in auro, & in argento sunt eiusdem speciei. Sed tam in anima, quam in Angelo est imago Dei. Ergo Angelus, & anima non differunt specie.

13. Præterea. Quorum est eadem definitio, est eadem species. Sed definitio Angeli convenit animæ: dicit enim Damascenus (Lib. II. orth. Fidei cap. 111.) quod Angelus est substantia incorporea, semper mobilis, arbitrio libera, Deo ministrans, gratia, non natura immobilitatem suscipiens. Hæc autem omnia animæ humanæ conveniunt. Ergo anima, & Angelus sunt eiusdem speciei.

14. Præterea. Quæcumque conveniunt in ultima differentia, sunt eadem specie: quia ultima differentia est constitutiva speciei. Sed Angelus, & anima conveniunt in ultima differentia, in hoc scilicet quod est intellectuale esse, quod oportet esse ultimam differentiam, cum nihil sit nobilius in natura animæ, vel Angeli: semper enim ultima differentia est completissima. Ergo Angelus, & anima non differunt specie.

15. Præterea. Ea quæ non sunt in specie, non possunt specie differre. Sed anima non est in specie, sed magis est pars spe-

ciei. Ergo non potest specie differre ab Angelo.

16. Præterea. Definitio proprie competit speciei. Ea ergo quæ non sunt definibilia, non videntur esse in specie. Sed Angelus, & anima non sunt definibilia, cum non sint composita ex materia & forma, ut supra ostensum est: in omni enim definitione est aliquid ut materia, & aliquid ut forma, ut patet per Philosophum in VIII. Metaphyl. (com. xv. & xvi.) ubi ipse dicit, quod si species rerum essent sine materia, ut Plato posuit, non essent definibiles. Ergo Angelus, & anima non proprie possunt dici specie differre.

17. Præterea. Omnis species constat ex genere & differentia. Genus autem, & differentia in diversis fundantur; sicut genus hominis, quod est animal, in natura sensitiva; & differentia eius, quæ est rationalis, in natura intellectiva. In Angelo autem, & anima non sunt aliqua diversa super quæ genus, & differentia fundari possunt: essentia enim eorum est simplex forma; esse autem eorum nec genus, nec differentia esse potest. Philosophus enim probat in III. Metaph. (com. x.) quod ens nec est genus, nec differentia. Ergo Angelus, & anima non habent genus, & differentiam, & ita non possunt specie differre.

18. Præterea. Quæcumque differunt specie, differunt per differentias contrarias. Sed in substantiis immaterialibus non est aliqua contrarietas: quia contrarietas est principium corruptionis. Ergo Angelus, & anima non differunt specie.

19. Præterea. Angelus, & anima præcipue differre videntur per hoc quod Angelus non unitur corpori, anima vero unitur. Sed hoc non potest facere animam differre specie ab Angelo: corpus enim comparatur ad animam ut materia; materia vero non dat speciem formæ, sed magis est converso. Nullo igitur modo Angelus, & anima differunt specie.

Sed contra. Ea quæ non differunt specie, sed numero, non differunt nisi per materiam. Sed Angelus, & anima non habent materiam, ut ex superiori questione (art. 1.) manifestatur. Ergo si Angelus, & anima non differunt specie, etiam numero non differunt; quod patet esse falsum. Relinquitur ergo quod differunt specie.

Respondeo dicendum, quod quidam dicunt animam humanam, & Angelos eiusdem esse speciei: & hoc videtur primo po-

liti: Je

fuisse Origenes: volens enim vitare antiquorum haereticorum errores, qui diversitatem rerum diversis attribuebant principiis, diversitatem boni, & mali introductentes, posuit omnium rerum diversitatem ex libero arbitrio processisse. Dixit enim, quod Deus fecit omnes creaturas rationales a principio aequales: quarum quaedam a Deo adherentes in melius profecerunt secundum modum adhaesionis ad Deum; quaedam vero a Deo per liberam arbitrium recedentes, in deterius ceciderunt secundum quantitatem recessus a Deo: & sic quaedam earum sunt incorporatae corporibus caelestibus, quaedam vero corporibus humanis, quaedam vero usque ad malignitatem demonum perverſae sunt; cum tamen ex suae creationis principio essent omnes uniformes. Sed quantum ex eius positione (Lib. I. Periar. cap. vii. & viii.) videri potest, Origenes attendit ad singularem creaturarum bonum, praetermissa consideratione totius. Sapiens tamen artifex in dispositione partium non considerat solum bonum cuius partem, aut illius, sed multo magis bonum totius: unde aedificator non facit omnes partes domus aequae pretiosas, sed magis & minus secundum quod congruit ad bonam dispositionem domus. Et similiter in corpore animalis non omnes partes habent oculi claritatem, quia esset animal imperfectum; sed est diversitas in partibus animalis, ut animal possit esse perfectum. Ita etiam Deus secundum suam sapientiam non omnia produxit aequalia, sic enim imperfectum esset univerſum, cui multi gradus entium deessent. Simile igitur est quod in operatione Dei, quare unam creaturam fecerit alia meliorem, sicut quod quare artifex in suo artificio partium diversitatem instituerit. Hac igitur Origenis ratione remota, sunt aliqui eius positionem imitantes, dicentes, omnes intellectuales substantias esse unius speciei, propter aliquas rationes quae in obiciendo sunt tactae. Sed ipsa positio videtur esse impossibilis. Si enim Angelus, & anima ex materia & forma non componitur, sed sunt formae tantum, ut in praecedenti questione (art. 1.) dictum est, oportet quod omnis differentia, qua Angeli ab invicem distinguuntur, vel etiam ab anima, sit differentia formalis; nisi forte poneretur quod Angeli etiam essent uniti corporibus, sicut & animae, ut ex habitudine ad corpora differentia materialis in eis esse posset, sicut & de animalibus dictum est supra (quaest. praec. art. 2. 3. & 5.) Sed hoc non ponitur communi-

ter: & si hoc poneretur, non proficeret ad hanc positionem, quia manifestum est quod illa corpora specie differrent ab humanis corporibus quibus animae uniuntur: & diversorum corporum secundum speciem diversas perfectiones secundum speciem oportet esse. Hoc igitur dempto quod Angeli non sint formae corporum, si non sint compositi ex materia & forma, non remanent Angelorum ab invicem, vel ab anima differentia, nisi formalis. Formalis autem differentia specie variat. Nam forma est quae dat esse rei. Et sic relinquatur quod non solum Angeli ab anima, sed ipsi etiam ab invicem speciem differant. Si quis autem ponat quod Angeli, & anima sint ex materia & forma compositi, adhuc hac opinio stare non potest. Si enim tam in Angelis, quam in anima sit materia de se una, sicut omnium corporum inferiorum est materia una, diversificata tantum secundum formam, oportebit etiam quod divisio illius materiae unius, & communis sit principium distinctionis Angelorum ab invicem, & ab anima. Cum autem de ratione materiae sit quod de se careat omni forma, non poterit intelligi divisio materiae ante receptionem formae, quae secundum materiae divisionem multiplicatur, nisi per dimensiones quantitativas: unde Philosophus dicit in I. Phys. (com. 1.) quod subtracta quantitate, substantia remanet indivisibilis. Quae autem componuntur ex materia dimensionibus subiecta, sunt corpora, & non solum corpori unita. Sic igitur Angelus, & anima sunt corpora; quod nullus sane mentis dixit, praesertim cum probatum sit quod intelligere non potest esse actus corporis ullius. Si vero materia Angelorum, & animae non sit una, & communis, sed diversorum ordinum, hoc non potest esse nisi secundum ordinem ad formas diversas; sicut ponitur quod corporum caelestium, & inferiorum non est una materia communis: & sic talis materiae differentia speciem faciet diversam. Unde impossibile videtur quod Angeli, & anima sint eiusdem speciei. Secundum autem quid specie differant, considerandum restat. Oportet autem nos in cognitionem substantiarum intellectualium per considerationem substantiarum materialium pervenire. In substantiis autem materialibus diversi gradus perfectionis naturae, diversitatem speciei constituunt: & hoc quidem facile patet, si quis ipsa genera materialium substantiarum consideret. Manifestum est enim quod corpora mixta supergrediuntur ordine

dine perfectionis elementa, plantæ autem corpora mineralia, & animalia plantas, & in singulis generibus secundum gradum perfectionis naturalis, diversitas specierum invenitur. Nam in elementis terra est infimum, ignis vero nobilissimum. Similiter autem in mineralibus gradatim natura invenitur per diversas species proficere usque ad speciem auri. In plantis etiam usque ad speciem arborum perfectarum, & in animalibus usque ad speciem hominis; cum tamen quedam animalia sint plantis propinquissima, ut immobilia, quæ habent solum tactum: & similiter plantarum quedam sunt inanimatis propinquæ, ut patet per Philosophum in Lib. de vegetabilibus: & propter hoc Philosophus dicit in VIII. Metaphys. (com. x.) quod species rerum naturalium sunt sicut species numerorum, in quibus unitas addita, vel subtracta variat speciem. Ita igitur et in substantiis immaterialibus diversus gradus perfectionis naturæ facit differentiam speciei; sed quantum ad aliquid differenter se habet in substantiis immaterialibus, & materialibus. Ubicumque enim est diversitas graduum, oportet quod gradus considerentur per ordinem ad aliquod unum principium. In substantiis igitur materialibus attenduntur diversi gradus speciem diversificantes in ordine ad primum principium, quod est materia: & inde est quod primæ species sunt imperfectiores, posteriores vero perfectiores, & per additionem se habentes ad primas, sicut mixta corpora habent speciem perfectiorem quam sint species elementorum, utpote habentes in se quicquid habent elementa, & adhuc amplius: unde similis est comparatio plantarum ad corpora mineralia, & animalium ad plantas. In substantiis vero immaterialibus ordo graduum diversarum specierum attenditur, non quidem secundum comparisonem ad materiam, quam non habent, sed secundum comparisonem ad primum agens, quod oportet esse perfectissimum: & ideo prima species in eis est perfectior secunda, utpote similior primo agenti, & secunda diminuitur ad perfectionem primæ, & sic deinceps usque ad ultimam earum. Summa autem perfectio primi agentis in hoc consistit quod in uno simplici habet omnimodam bonitatem, & perfectionem. Unde quanto aliqua substantia immaterialis fuerit primo agenti propinquior, tanto in sua natura simplici perfectiorem habet bonitatem suam, & minus indiget inherentiis formis ad sui completionem: & hoc quidem gradatim produci-

tur usque ad animam humanam, quæ in eis tenet ultimum gradum, sicut materia prima in genere rerum sensibilium: unde in sui natura non habet perfectiones intelligibiles, sed est in potentia ad intelligibilia, sicut materia prima ad formas sensibiles: unde ad propriam operationem indiget ut fiat in actu formarum intelligibilium, acquirendo eas per sensitivas potentias a rebus exterioribus: & cum operatio sensus sit per organum corporale ex ipsa conditione suæ naturæ, competit ei quod corpori uniatur, & quod sit pars speciei humanæ, non habens in se speciem completam.

Ad primum ergo dicendum, quod intelligere Angeli, & animæ non est eiusdem speciei. Manifestum est enim quod si formæ quæ sunt principia operationum, differunt specie, necesse est & operationes ipsas specie differre; sicut calefacere, & refrigerare differunt secundum differentiam caloris, & frigoris. Species autem intelligibiles, quibus animæ intelligunt, sunt aphantasmatis abstractæ: & ita non sunt eiusdem rationis cum speciebus intelligibilibus quibus Angeli intelligunt, quæ sunt eis innatæ, secundum quod dicitur in Lib. de causis (prop. x.) quod omnis intelligentia est plena formis. Unde & intelligere hominis, & Angeli non est eiusdem speciei. Ex hac differentia provenit quod Angelus intelligit sine discursu, anima autem cum discursu, quæ necesse habet ex sensibilibus effectibus in virtutes causarum pervenire, & ab accidentibus sensibilibus in essentias rerum, quæ non subiacent sensui.

Ad secundum dicendum, quod anima intellectualis principia, & conclusiones intelligit per species aphantasmatis abstractas: & ideo non est diversum intelligere secundum speciem.

Ad tertium dicendum, quod motus reducit ad genus, & speciem eius ad quod terminatur motus, inquantum eadem forma est quæ ante motum est tantum in potentia, in ipso motu medio modo interactum: & potentiam, & in termino motus in actu completum. Sed intelligere Angeli sine discursu, non est secundum formam eandem specie: unde non oportet quod sit unitas speciei.

Ad quartum dicendum, quod species reiiudicat secundum operationem competentem ei secundum propriam naturam, non autem secundum operationem quæ competit ei secundum participationem alterius naturæ; sicut non iudicat species ferri secundum

anim aduſionem, quæ competit ei prout eſt ignitum : ſic enim eadem iudicaretur ſpecies ferri, & ligni, quod etiam ignitum adurit. Dico autem, quod videre in Verbo eſt operatio ſupra naturam animæ, & Angeli, utrique conueniens ſecundum participationem ſuperioris naturæ, ſcilicet diuinæ, per illuſtrationem gloriæ. Unde non poteſt concludi quod Angeli, & anima ſint eiufdem ſpeciei.

Ad quantum dicendum, quod etiam in diuerſis Angelis non ſunt ſpecies intelligibiles eiufdem rationis. Nam quanto ſubſtantia intellectualis eſt ſuperior, & Deo propinquior, qui omnia per unum, quod eſt ſua eſſentia, intelligit, tanto formæ intelligibiles in ipſa ſunt magis elevate, & viſuoſiores ad plura cognoscenda. Unde dicitur in Lib. de cauſis (prop. x.) quod ſuperiores intelligentie intelligunt per formas magis uniuſales : & Dionyſius dicit XII. cap. cæleſt. Hierarchiæ, quod ſuperiores Angeli habent ſcientiam magis uniuſalem. Et ideo intelligere diuerſorum Angelorum non eſt eiufdem ſpeciei, licet utrumque ſit ſine diſcurſu, quia intelligunt per ſpecies innatas, non aliunde acceptas.

Ad ſextum dicendum, quod magis, & minus eſt dupliciter. Uno modo ſecundum quod materia eandem formam diuerſimode participat, ut lignum albedinem; & ſecundum hoc magis & minus non diuerſificat ſpeciem. Alio modo ſecundum diuerſum gradum perfectionis formarum, & hoc diuerſificat ſpeciem. Diuerſi enim colores ſpecie ſunt ſecundum quod magis, & minus propinque ſe habent ad lucem; & ſic magis, & minus in diuerſis Angelis inuenitur.

Ad ſeptimum dicendum, quod licet omnes anime non æqualiter intelligant, tamen omnes intelligunt per ſpecies eiufdem rationis, ſcilicet a phantaſmaticis acceptas. Unde & hoc quod inæqualiter intelligunt, conuenit ex diuerſitate virtutum ſenſitiuarum, a quibus ſpecies abſtrahuntur : quod etiam prouenit ſecundum diuerſam diſpoſitionem corporum. Et ſic patet quod ſecundum hoc magis, & minus non diuerſificat ſpeciem, cum ſequantur materiale diuerſitatem.

Ad octauum dicendum, quod cognoscere aliquid per alterum contingit dupliciter. Uno modo ſicut cognoscere unum cognitum per aliud cognitum, ita quod ſit diſtincta

cognitio utriuſque; ſicut homo per principia cognoscit concluſionem, ſeorſum conſiderando utrumque. Alio modo ſicut cognoscitur aliquid cognitum per ſpeciem qua cognoscitur; ut videmus lapidem per ſpeciem lapidis quæ eſt in oculo. Primo igitur modo cognoscere unum per alterum facit diſcurſum, non autem ſecundo modo; ſed hoc modo Angeli cognoscunt cauſam per effectum, & effectum per cauſam, in quantum ipſa eſſentia Angeli eſt ſimilitudo quædam ſuæ cauſæ, & aſſimilat ſibi ſuum effectum.

Ad nonum dicendum, quod perfectiones gratuite conueniunt animæ, & Angelo per participationem diuinæ naturæ: unde dicitur II. Petri t. 4. *Per quem maxima, & preſioſa nobis (a) dona donauit, ut diuinæ naturæ conſortes &c.* Unde per conuenientiam in iſtis perfectionibus non poteſt concludi unitas ſpeciei.

Ad decimum dicendum, quod ea quorum unus eſt ſinis proximus, & naturalis, ſunt unum ſecundum ſpeciem. Beatitudo autem æterna eſt ſinis ultimus, & ſupernaturalis. Unde ratio non ſequitur.

Ad undecimum dicendum, quod Auguſtinus non intelligit nihil eſſe medium inter mentem noſtram & Deum ſecundum gradum dignitatis, & naturæ, quia ſua natura non ſit alia nobilior; ſed quia mens noſtra immediate a Deo iuſtificatur, & in eo beatificatur: ſicut ſi diceretur, quod aliquis miles ſimplex immediate eſt ſub Rege, non quin alii ſuperiores eo ſint ſub Rege, ſed quia nullus habet dominium ſuper eum niſi Rex.

Ad duodecimum dicendum, quod neque anima, neque Angelus eſt perfecta imago Dei, ſed ſolus Filius: & ideo non oportet quod ſint eiufdem ſpeciei.

Ad decimumtertium dicendum, quod prædicta definitio non conuenit animæ eodem modo ſicut Angelo. Angelus enim eſt ſubſtantia incorporea, quia non eſt corpus, & quia non eſt corpori unita; quod de anima dici non poteſt.

Ad decimumquartum dicendum, quod ponentes animam & Angelum unius ſpeciei eſſe, in hac ratione maximam vim conſtituunt; ſed non neceſſario concludit: quia ultima differentia debet eſſe nobilior non ſolum quantum ad naturæ nobilitatem, ſed etiam quantum ad determinationem, quia ultima differentia eſt quaſi actus reſpectu omnium

(a) Vulgata, promiſſa donauit, ut per hæc aſſimilari diuinæ conſortes natura.

omnium praecedentium. Sic igitur intellectuale non est nobilissimum in Angelo, vel anima, sed intellectuale sic vel illo modo, sicut de sensibili pater: alias enim omnia bruta animalia essent eiusdem speciei.

Ad decimumquintum dicendum, quod anima est pars speciei, & tamen est principium dans speciem: & secundum hoc quod dicitur de specie animae.

Ad decimumsextum dicendum, quod licet sola species definiatur proprie, non tamen oportet quod omnis species sit definibilis. Species enim immaterialium rerum non cognoscuntur per definitionem, vel demonstrationem, sicut cognoscitur aliquid in scientiis speculativis; sed quaedam cognoscuntur per simplicem intuitum ipsarum. Unde nec Angelus proprie potest definiti: non enim scimus de eo quid est, sed potest notificari per quasdam negationes, vel notificationes. Anima etiam definitur ut est corporis forma.

Ad decimumseptimum dicendum, quod genus, & differentia possunt accipi dupliciter. Uno modo secundum considerationem realem, prout considerantur a Metaphysico, & Naturali; & sic oportet quod genus, & differentia super diversis naturis fundentur: & hoc modo nihil prohibet dicere, quod in substantiis spiritualibus non sit genus, & differentia, sed sint formae tantum, & species simplices. Alio modo secundum considerationem logicam; & sic genus, & differentia non oportet quod fundentur super diversas naturas, sed supra unam naturam in qua consideratur aliquid proprium, & aliud commune: & sic nihil prohibet genus, & differentias ponere in substantiis spiritualibus.

Ad decimumoctavum dicendum, quod naturaliter loquendo de genere, & differentia, oportet differentias esse contrarias: nam materia, super quam fundatur natura generis, est susceptiva contrariarum formarum. Secundum autem considerationem logicam sufficit qualiscumque oppositio in differentiis, sicut patet in differentiis numerorum, in quibus non est contrarietas: & similiter est in spiritualibus substantiis.

Ad decimumnonum dicendum, quod licet materia non det speciem, tamen ex habitudine materiae ad formam attenditur natura formae.

ARTICULUS VIII.

Utrum anima rationalis tali corpori debuerit uniri, quale est corpus humanum.

I. Pars. quest. lxxvi. art. 9.

Octavo queritur, utrum anima rationalis tali corpori debuerit uniri, quale est corpus humanum. Et videtur quod non. Anima enim rationalis est sublimissima formarum corpori unitarum. Terra autem est infima corporum. Non ergo fuit conveniens quod corpori terreno uniretur.

1. Sed dicendum, hoc corpus terrenum ex hoc quod reductum est ad aequalitatem complexionis, similitudinem habere cum caelo, quod omnino caret contrariis; & sic nobilitatur, ut ei anima rationalis convenienter possit uniri. Sed contra. Si nobilitas corporis humani in hoc consistit quod corpori caelesti assimilatur, sequitur quod corpus caeleste nobilior sit. Sed anima rationalis nobilior est omni forma, cum capacitate sui intellectus omnia corpora transcendat. Ergo anima rationalis magis deberet corpori caelesti uniri.

3. Sed dicendum, quod corpus caeleste nobiliori perfectione perficitur quam sit anima rationalis. Sed contra. Si perfectio corporis caelestis nobilior est anima rationali, oportet quod sit intelligens: quia quodcumque intelligens quolibet non intelligente nobilior est. Si igitur corpus caeleste aliqua substantia intellectuali perficitur, aut erit motor eius tantum, aut erit forma. Si tantum motor, adhuc remanet quod corpus humanum sit nobiliori modo perfectum quam corpus caeleste: forma enim dat speciem ei cuius est forma, non autem motor. Unde etiam nihil prohibet aliqua quae secundum sui naturam ignobilia sunt, esse instrumenta nobilissimi agentis. Si autem substantia intellectualis est forma corporis caelestis, aut huiusmodi substantia habet intellectum tantum, aut cum intellectu sensum, & alias potentias. Si habet sensum, & alias potentias, cum huiusmodi potentias necesse sit esse actus organorum, quibus indigent ad operandum, sequetur quod corpus caeleste sit corpus organicum; quod ipsius simplicitati, & uniformitati, & unitati repugnat. Si vero habet intellectum tantum a sensu nihil accipiente, huiusmodi substantia in nullo indigebit unione corporis, quia operatio intellectus non fit per organum corporis.

porale. Cum igitur unio corporis, & animæ non sit propter corpus, sed propter animam, quia materiam suam propter formam, & non e converso; sequetur quod intellectualis substantia non uniatur corpori celesti ut forma.

4. Præterea. Omnis substantia intellectualis creata habet ex sui natura possibilitatem ad peccatum, quia potest averti a summo bono, quod Deus est. Si igitur alie substantie intellectuales uniatur corporibus celestibus ut formæ, sequitur quod peccare poterunt. Pœna autem peccati mors est, id est separatio animæ a corpore, & cruciatio peccantium in inferno. Potuit ergo fieri quod corpora celestia morerentur per separationem animarum, & quod animæ in inferno retruderentur.

5. Præterea. Omnis intellectualis substantia capax est beatitudinis. Si ergo corpora celestia sunt animata animabus intellectuales, huiusmodi animæ sunt capaces beatitudinis; & sic in æterna beatitudine non solum sunt Angeli, & homines, sed etiam quædam naturæ medię; cum ramen sancti Doctores tradant societatem sanctorum ex hominibus constare, & Angelis.

6. Præterea. Corpus Adæ proportionatum fuit animæ rationali. Sed corpus nostrum dissimile est illi corpori: illud enim corpus ante peccatum fuit immortale, & impassibile; quod nostra corpora non habent. Ergo huiusmodi corpora, qualia nos habemus, non sunt proportionata animæ rationali.

7. Præterea. Nobilissimo motori debentur instrumenta optime disposita, & obedientia ad operationem. Anima autem rationalis est nobilior inter motores inferiores. Ergo debetur sibi corpus maxime obediens ad suas operationes. Huiusmodi autem non est corpus quale nos habemus: quia caro resistit spiritui, & anima propter pugnam consensuentiarum distrahitur hac atque illac. Non igitur anima rationalis tali corpori debuit uniri.

8. Præterea. Animæ rationali contingit abundantia spirituum in corpore perfectibilibus: unde cor hominis est calidissimum inter cetera animalia quantum ad virtutem generandi spiritus; quod significat ipsa corporis humani restructio, ex virtute caloris, & spirituum proveniens. Convenientissimum igitur fuisse quod anima rationalis totaliter spirituali corpori fuisse unita.

9. Præterea. Anima est substantia incorruptibilis. Corpora autem nostra sunt corruptibilia. Non ergo convenienter talibus corporibus anima rationalis unitur.

10. Præterea. Anima rationalis unitur corpori ad speciem humanam constituentem. Sed melius conservaretur humana species, si corpus cui anima unitur, esset incorruptibile: non enim esset necessarium quod per generationem species conservaretur, sed in eisdem secundum numerum conservari posset. Ergo anima humana incorruptibilibus corporibus uniri debuit.

11. Præterea. Corpus humanum, ut sit nobilissimum inter inferiora corpora, debet esse simillimum corpori celesti, quod est nobilissimum eorum. Sed corpus celeste omnino caret contrarietate. Ergo corpus humanum minimum debet habere de contrarietate. Corpora autem nostra non habent minimum de contrarietate: alia enim corpora, ut lapidum, & arborum, sunt durabiliora, cum tamen contrarietas sit principium dissolutionis. Non ergo anima rationalis debuit talibus corporibus uniri, qualia nos habemus.

12. Præterea. Anima est forma simplex. Formæ autem simplici competit materia simplex. Debit igitur anima rationalis alicui simplici corpori uniri, utpote igni, vel aeri, vel alicui huiusmodi.

13. Præterea. Anima humana videtur cum principii communionem habere: unde antiqui Philosophi posuerunt animam esse de natura principiorum, ut patet in I. de Anima (com. xx & seq.) Principia autem corporum sunt elementa. Ergo si anima non sit elementum, neque ex elementis, saltem alicui corpori elementari debuit uniri, ut igni, vel aeri, vel alicui aliorum.

14. Præterea. Corpora similium partium minus recedunt a simplicitate quam corpora dissimilium partium. Cum igitur anima sit forma simplex, magis debuit uniri corpori similium partium quam corpori dissimilium.

15. Præterea. Anima unitur corpori ut forma, & ut motor. Debit igitur anima rationalis, quæ est nobilissima formarum, uniri corpori agilissimo ad motum; cuius contrarium videmus: nam corpora avium sunt agiliora ad motum, & similiter corpora multorum animalium quam corpora hominum.

16. Præterea. Plato dicit (Lib. XXXI. in dial. x. non procul a fin. & Lib. XXXIV. in dial. de legib. inter med. & fin.) quod formæ dantur a datore secundum merita materiarum,

teriz, quæ dicuntur materiz dispositiones. Sed corpus humanum non habet dispositionem respectu tam nobilis formæ, ut videtur, cum sit grossum, & corruptibile. Non ergo anima debuit tali corpori uniri.

17. Præterea. In anima humana sunt formæ intelligibiles maxime particulatæ secundum comparationem ad substantias intelligibiles superiores. Sed tales formæ competent operationi corporis celestis, quod est causa generationis, & corruptionis horum particularium. Ergo anima humana debuit uniri corporibus celestibus.

18. Præterea. Nihil movetur naturaliter dum est in suo ubi, sed solum quando est extra proprium ubi. Cælum autem movetur in suo ubi existens. Ergo non movetur naturaliter. Movetur ergo ad ubi ab anima, & ita habet aoiam sibi unitam.

19. Præterea. Eoarrare est actus substantie intelligentis. Sed *cæli emittunt gloriam Dei*, ut in Psal. xviii. 1. dicitur. Ergo cæli sunt intelligentes, & ita habent aoiam intellectivam.

20. Præterea. Anima est perfectissima formarum. Debuit ergo uniri perfectiori corpori. Corpus autem humanum videtur esse imperfectissimum: non enim habet arma ad defendendum, vel impugnandum, neque opera, neque aliquid huiusmodi, quæ natura corporibus aliorum animalium tribuit. Non igitur talis anima tali corpori debuit uniri.

Sed contra est quod dicitur Eccli. xvii. 1. *Deus de terra creavit hominem, & secundum imaginem suam fecit illum*. Sed opera Dei sunt convenientia: dicitur enim Genes. 1. 31. *Vidit Deus cuncta quæ fecerat, & vane valde bona*. Ergo (a) conveniens fuit ut anima rationalis, in qua est Dei imago, corpori terreo uniretur.

Respondeo dicendum, quod cum materia sit propter formam, & non e converso, ex parte animæ oportet accipere rationem, qualem debeat esse corpus cui unitur: unde in II. de Anima (Lib. III. com. xxxvi.) dicitur, quod anima non solum est corporis forma, & motor, sed etiam finis. Est autem ex superius disputatis questionibus (quæst. præced. art. 3.) manifestum, quod ideo naturale est animæ humanæ corpori uniri, quia cum sit infima in ordine intellectualium substantiarum, sicut materia prima est infima in ordine rerum sensibilium, non habet anima humana intelligibiles spe-

cies sibi naturaliter inditas, quibus in operationem propriam exire possit, quæ est intelligere, sicut habent superiores substantiæ intellectuales; sed est in potentia ad eas, cum sit sicut tabula rasa, in qua nihil est scriptum, ut dicitur in III. de Anima (com. xiv.) Unde oportet quod species intelligibiles a rebus exterioribus accipiat mediantibus potentis sensitivis, quæ sine corporeis organis operationes proprias habere non possunt. Unde & animam humanam necesse est corpori uniri. Si ergo propter hoc anima humana unibilis est corpori, quia indiget accipere species intelligibiles rebus mediante sensu, necessarium est quod corpus, cui anima rationalis unitur, tale sit ut possit esse aptissimum ad representandum intellectui species sensibiles, ex quibus in intellectu intelligibiles species resultant. Sic ergo oportet corpus cui anima rationalis unitur, esse optime dispositum ad sentiendum. Sed cum plures sint sensus, unus tamen est qui est fundamentum aliorum, scilicet tactus, in quo principaliter tota natura sensitiva consistit: unde & in II. de Anima (com. xvi.) dicitur, quod propter hunc sensum primo animal dicitur: & inde est quod immobilitato hoc sensu, ut in infirmo accidit, omnes alii sensus immobilitantur: & iterum omnes alii sensus non solum solvuntur ab excellentia propriorum sensibilium, sicut visus a rebus multum fulgidis, & auditus a maximis sonis; sed etiam ab excellentia sensibilibus secundum tactum, ut a forti calore, vel frigore. Cum igitur corpus cui anima rationalis unitur, debeat esse optime dispositum ad naturam sensitivam, necessarium est ut habeat convenientissimum organum sensus tactus: propter quod dicitur in II. de Anima (com. xlix.) quod hunc sensum habemus certiorum inter omnia animalia, & quod propter bonitatem huius sensus etiam unus homo alio est habilior ad intellectuales operationes. Molles enim carnes (qui sunt boni tactus) aptos mente videmus. Cum autem organum cuiuslibet sensus non debeat habere in actu contraria, quorum sensus est perceptivus; sed esse in potentia ad illa, ut possit ea recipere, quia recipiens debet esse denudatum a recepto; aliter necesse est hoc esse in organo tactus, & in organis aliorum sensuum. Organum enim visus, scilicet pupilla, caret omnino albo, & nigro, & universaliter omni genere coloris; & simili-

militer est in auditu, & in olfactu: hoc autem in tactu accidere non potest. Nam tactus est cognoscitivus eorum ex quibus necesse est componi corpus animalis, scilicet caloris, & frigoris, humidi, & sicci: unde impossibile est quod organum tactus omnino sit denudatum a genere sui sensibilis; sed oportet quod sit reductum ad medium, sic enim est in potentia ad contraria. Corpus ergo cui anima rationalis unitur, cum debeat esse convenientissimum ad sensum tactus, oportet quod sit maxime reductum ad medium per æqualitatem complexionis. In quo apparet quod tota operatio inferioris naturæ terminatur ad hominem sicut ad perfectissimum. Videmus enim operationem naturæ procedere gradatim a simplicibus elementis commiscendo ea, quousque pervenitur ad perfectissimum commixtionis modum, qui est in corpore humano. Hanc igitur oportet esse dispositionem corporis cui anima rationalis unitur, ut scilicet sit temperatissimæ complexionis. Si quis autem considerare velit etiam particulares humani corporis dispositiones, ad hoc inveiet ordinatas, ut homo sit optimi sensus. Unde quia ad bonam habitudinem potentialium sensitivarum interiorum, puta imaginationis, & memoriz, & cogitativæ virtutis, necessaria est bona dispositio cerebri, ideo factus est homo habens maius cerebrum inter omnia animalia, secundum proportionem suæ quantitatis: & ut liberior sit eius operatio, habet caput sursum positum: quia solus homo est animal rectum, alia vero animalia curva incedunt: & ad hanc rectitudinem habendam, & conservandam necessaria fuit abundantia caloris in eodem, per quam multi spiritus generentur, ut per caloris abundantiam, & spirituum, corpus possit in directum sustineri, cuius signum est quod in senio incurvat homo, cum calor naturalis debilitatur. Et per istum modum ratio dispositionis humani corporis est assignanda quantum ad singula quæ sunt homini propria; sed tamen considerandum est, quod in his quæ sunt ex materia, sunt quedam dispositiones in ipsa materia, propter quas talis materia eligitur ad hanc formam; & sunt aliquæ quæ consequuntur ex necessitate materię, & non ex electione agentis; sicut ad faciendam terram artifex eligit duritiem in ferro, ut sit ferrum utilis ad secundum; sed quod acies ferri hebetari possit, & fieri ruginosa, hoc accidit ex necessitate materię. Magis enim artifex eligeret materiam

ad quam hoc non consequeretur, si posset inveniri; sed quia inveniri non potest, propter huiusmodi defectus consequentes non prætermittit ex huiusmodi materia convenienti facere opus. Sic igitur & in corpore humano contingit: quod enim taliter sit commixtum, & secundum partes dispositum, ut sit convenientissimum ad operationes sensitivas, est electum in hac materia a factore hominis; sed quod hoc corpus sit corruptibile, fatigabile, & huiusmodi defectus habeat, consequitur ex necessitate materię. Necesse est enim corpus sic mixtum ex contrariis subiacere talibus defectibus. Nec potest obviari per hoc quod Deus potuit aliter facere: quia in institutione naturæ non quaeritur quid Deus facere potuit, sed quid rerum natura patitur ut fiat, secundum Augustinum super Genes. ad litter. (Lib. II. par. a. prime.) Sciendum tamen est, quod in remedium horum defectuum Deus homini in sua institutione consulit auxilium iustitiæ originalis, per quam corpus esset omnino subditum animæ, quoad anima Deo subderetur; ita quod nec mors, nec aliqua passio, vel defectus homini accideret, nisi prius anima separaretur a Deo. Sed per peccatum anima recedente a Deo, homo privatus est hoc beneficio, & subiacet defectibus secundum quod natura materię requirit.

Ad primum ergo dicendum, quod licet anima sit subtilissima formarum, in quantum est intelligens; quia tamen, cum sit infima in genere formarum intelligibilium, indiget corpori uniri, quod fit mediante complexionem, ad hoc quod per sensus species intelligibiles possit acquirere, necessarium fuit quod corpus cui unitur, haberet plus in quantitate de gravibus elementis, scilicet terra, & aqua. Cum enim ignis sit efficacissimæ virtutis in agendo, nisi secundum quantitatem inferiora elementa excederent, non posset fieri commixtio, & maxime reducta ad medium: ignis enim alia elementa consumeret. Unde in II. de generat. (com. xlix.) Philosophus dicit, quod in corporibus mixtis materialiter abundat plus terra, & aqua.

Ad secundum dicendum, quod anima rationalis unitur corpori tali, non quia est simile celo, sed quia est æqualis commixtionis; sed ad hoc sequitur aliqua similitudo ad celum per elongationem a contrariis. Sed tamen secundum opinionem Avicennæ unitur tali corpori proprie propter similitudinem celi: ipse enim voluit infer-

iora a superioribus causati, ut scilicet corpora inferiora causarentur a corporibus celestibus, & cum pervenirent ad similitudinem corporum celestium per aequalitatem complexionis, fortiter formam similem corpori celesti, quod possit esse aomatum.

Ad tertium dicendum, quod de animatione corporum celestium est diversa opinio & apud Philosophos, & apud fidei Doctores. Nam apud Philosophos Anaxagoras posuit intellectum agentem esse omnino immixtum & separatum, & corpora caelestia esse inanimata: unde etiam damnatus ad mortem dicitur esse propter hoc quod dixit, Solem esse quasi lapidem ignitum, ut Augustinus narrat in Lib. de civit. Dei. Alii vero Philosophi posuerunt corpora caelestia esse animata. Quorum quidam dixerunt Deum esse animam caeli, quod fuit ratio idolatriæ, ut scilicet caeli, & corporibus celestibus cultus divinus attribueretur. Alii vero, ut Plato, & Aristoteles, licet ponerent corpora caelestia esse aomata, ponebant tamen Deum esse aliquid superius ab anima caeli omnino separatum. Apud Doctores etiam fidei Origenes (Lib. Periarch. cap. vii.) & sequaces ipsius posuerunt corpora caelestia esse animata. Quidam vero posuerunt ea inanimata, ut Damascenus ponit (Lib. II. cap. vi.) quæ etiam posio apud modernos Theologos est commuio, quod Augustinus relinquit sub dubio II. super Genes. ad litteram (cap. xv.) & in Lib. Enoch. (cap. lvi.) Hoc igitur pio firmo tenentes, quod corpora caelestia ab aliquo intellectu moventur saltem separato, propter argumenta utramque partem sustinentes, dicamus, aliquam substantiam intellectualem esse perfectionem corporis celestis ut formam, quæ quidem habet solam potentiam intellectivam, non autem sensitivam, ut ex verbis Aristotelis accipi potest in II. de Anima, & in XI. Metaphys. (Lib. X. cap. 1.) quamvis Avicenna ponat, quod anima caeli cum intellectu etiam habeat imaginationem. Si autem habet intellectum tantum, unius tamen corpori ut forma, non propter operationem intellectualem, sed propter executionem virtutis activæ, secundum quam potest adipisci divinam similitudinem in causando per motum caeli.

Ad quartum dicendum, quod licet secundum naturam suam omnes substantiæ intellectuales create possint peccare, tamen ex electione divina, & prædestinatione per auxilium gratiæ plures conservatæ sunt ne

peccarent: inter quas posset aliquis ponere animas corporum celestium, & præcipue si demones, qui peccaverunt, fuerunt inferioris ordinis secundum Damascenum (Lib. II. cap. iv.)

Ad quintum dicendum, quod si corpora caelestia sunt animata, animæ eorum pertinent ad societatem Angelorum. Dicit enim Augustinus in Enoch. (cap. lvi. in fin.) *Nec illud quidem certum habeo, utrum ad eandem societatem, scilicet Angelorum, pertineat Sol, & Luna, & cuncta sidera; quavis nonnullis lucida esse corpora, non tamen sensitiva, vel intellectiva videantur.*

Ad sextum dicendum, quod corpus Adæ fuit proportionatum humanæ animæ, ut dictum est, non solum secundum quod requirit natura, sed secundum quod contulit gratia: qua quidem gratia privamur, natura manente eadem.

Ad septimum dicendum, quod pugna quæ est in homine ex contrariis concupiscentiis, etiam ex necessitate materiæ provenit: necesse enim fuit, si homo haberet sensum, quod sentiret delectabilia, & quod eum sequeretur concupiscentia delectabilium, quæ plerumque repugnat rationi. Sed contra hoc etiam homini fuit datum remedium per gratiam in statu innocentie, ut scilicet inferiores vires in nullo contra rationem moverentur: sed hoc homo perdidit per peccatum.

Ad octavum dicendum, quod spiritus licet sint vehicula virtutum, non tamen possunt esse organa sensuum: & ideo non possunt corpus hominis ex solis spiritibus constare.

Ad nonum dicendum, quod corruptibilitas est ex defectibus qui consequuntur corpus humanum ex necessitate materiæ, & maxime post peccatum, quod subtaxavit auxilium gratiæ.

Ad decimum dicendum, quod quid melius sit, requirendum est in his quæ sunt propter finem, non autem in his quæ ex necessitate materiæ proveniunt. Melius enim esset quod corpus animalis esset incorruptibile, si hoc secundum naturam pateretur talis materia qualem forma animalis requirit.

Ad undecimum dicendum, quod ea quæ sunt maxime propinqua elementis, & plus habent de contrarietate, ut lapides, & metalla, magis durabilia sunt, quia minore est in eis harmonia, unde non ita de facili solvuntur: eorum enim quæ subtilius proportionantur, facili solvitur harmonia. Ne-

hila.

hilominus tamen in animalibus causa longitudo vitae est ut humidum non sit facile desiccabile, vel congelabile; & calidum non sit facile extinguibile: quia vita incalido, & humido consistit. Hoc autem in homine invenitur secundum aliquam menturam, quam requirit complexio reducta ad medium: unde quaedam sunt in homine durabiliora, & quaedam minus durabilia: & secundum hoc quidam homines durabiliores sunt alii.

Ad duodecimum dicendum, quod corpus hominis non potuit esse corpus simplex; nec corpus caeleste potuit esse propter passibilitatem organi sensus, & praecipue tactus; neque corpus simplex elementare: quia in elemento sunt contraria in actu; corpus autem humanum oportet esse reductum ad medium.

Ad decimumtertium dicendum, quod antiqui Naturales existimaverunt quod oportet animam, quae cognoscit omnia, similem esse actu omnibus: & ideo ponebant eam esse de natura elementi, quod ponatur principium ex quo omnia constatedicebant, ut sic anima esset similis omnibus, ut omnia cognosceret. Aristoteles autem postmodum ostendit quod anima cognoscit omnia, in quantum est similis omnibus in potentia, non in actu. Unde oportet corpus cui unitur, non esse in extremo, sed in medio, ut sit sic in potentia ad contraria.

Ad decimumquartum dicendum, quod quamvis anima sit simplex in essentia, est tamen in virtute multiplex, & tanto magis, quanto fuerit perfectior: & ideo requirit corpus organicum quod sit dissimilium partium.

Ad decimumquintum dicendum, quod anima non unitur corpori propter motum localem; sed magis motus localis hominis, sicut & aliorum animalium, ordinatur ad conservationem corporis uniti animae; sed anima unitur corpori propter intelligere, quod est propria, & principalis eius operatio: & ideo requirit quod corpus unitum animae rationali sit optime dispositum ad servendum animae in his quae sunt necessaria ad intelligendum, & quod de agilitate, & de aliis huiusmodi habeat quantum talis dispositio patitur.

Ad decimumsextum dicendum, quod Plato ponebat formas rerum per se subsistentes, & quod participatio formarum a materiis est propter materias, ut perficiantur, non autem propter formas, quae per se sub-

sistunt: & ideo sequebatur quod formae darentur materiis secundum merita earum. Sed secundum sententiam Aristotelis formae naturales non per se subsistunt: unde unio formae ad materiam non est propter materiam, sed propter formam. Non igitur quia materia est sic disposita, talis forma sibi datur; sed ut forma sit talis, oportuit materias sic disponi: & sic supra dictum est, quod corpus hominis dispositum est secundum quod competit tali formae.

Ad decimumseptimum dicendum, quod corpus caeleste licet sit causa particularium, quae generantur, & corrumpuntur, est tamen eorum causa ut agens commune; propter quod sub eo requiruntur determinata agentia ad determinatas species: unde motor corporis caelestis non oportet quod habeat formas particulares, sed universales, sive sit anima, sive motor separatus. Avicenna tamen posuit (Lib. X. Metaph. cap. 1.) quod oportebat animam caeli habere imaginationem, per quam particularia comprehenderet. Cum enim sit causa motus caeli, secundum quem revolvitur caelum in hoc ubi, & in illo, oportet animam caeli, quae est causa motus, cognoscere hic & nunc; & ita oportet quod habeat aliquam potentiam sensitivam. Sed hoc non est necessarium. Primo quidem quia motus caelestis est semper uniformis, & non recipit impedimentum: & ideo universalis conceptio sufficit ad causandum talem motum: particularis enim conceptio requiritur in moribus animalium propter irregularitatem motus, & impedimenta quae possunt provenire. Deinde quia etiam substantiae intellectuales superiores possunt particularia cognoscere sine potentia sensitiva, sicut alibi ostensum est.

Ad decimumoctavum dicendum, quod motus caeli est naturalis propter principium passivum, sive receptivum motus, quia tali corpori competit naturaliter talis motus; sed principium activum huius motus est aliqua substantia intellectualis. Quod autem dicitur, quod nullum corpus in suo ubi existens moveatur naturaliter, intelligitur de corpore mobili motu recto, quod mutat locum secundum totum, non solum ratione, sed etiam subiecto. Corpus autem quod circulariter movetur, totum quidem non mutat locum subiecto, sed ratione tantum: unde nunquam est extra suum ubi.

Ad decimumnonum dicendum, quod probatio illa frivola est, licet Rabbi Moyses eam ponat. Quod si enarrare proprie accipitur cum dicitur, *Calicebant gloriam Dei*, oportet

oportet quod cælum non solum habeat intellectum, sed etiam linguam. Dicuntur ergo cæli enarrare gloriam Dei, si ad litteram exponatur, inquantum ex eis manifestatur hominibus gloria Dei, per quem modum etiam creaturæ insensibiles Deum laudare dicuntur.

Ad viceſimum dicendum, quod alia animalia habent æſtimativam naturalem determinatam ad aliqua certa, & ideo ſufficienter poſſunt eis provideri a natura aliquibus certis auxiliis; non autem homini, qui propter rationem eſt infinitarum conceptionum: & ideo loco omnium auxiliorum quæ alia animalia naturaliter habent, habet homo intellectum, qui eſt ſpeciem, & maſus, quæ ſunt organum organorum, per quas poſſet ſibi præparare omnia neceſſaria.

ARTICULUS IX.

Utrum anima uniatur materie corporali per medium.

NONO queritur, utrum anima uniatur materie per medium. Et videtur quod ſic. Quia in Lib. de ſpiritu & anima (cap. x. circa med.) dicitur, quod anima habet vires quibus miſcetur corpori. Sed vires animæ ſunt aliud quam eius eſſentia. Ergo anima unitur corpori per aliquod medium.

2. Sed dicendum, quod anima unitur corpori mediantibus potentiis, inquantum eſt motor, ſed non inquantum eſt forma. Sed contra. Anima eſt forma corporis, inquantum eſt aſtus; motor autem eſt inquantum eſt principium operationis. Principium vero operationis eſt inquantum eſt aſtus, quia unumquodque agit ſecundum quod aſtus eſt. Ergo ſecundum idem anima eſt forma corporis, & motor. Non ergo eſt diſtinguendum de anima ſecundum quod eſt motor corporis, vel forma.

3. Præterea. Anima ut eſt motor corporis non unitur corpori per acciſens: quia ſic ex anima & corpore non fieret unum per ſe. Ergo unitur ei per ſe. Sed quod unitur alicui per ſeipſum, unitur ei ſine medio. Non ergo anima, inquantum eſt motor, unitur corpori per medium.

4. Præterea. Anima unitur corpori ut motor, inquantum eſt principium operationis. Sed operationes animæ non ſunt animæ tantum, ſed compositi, ut dicitur in I. de Anima (com. lxx.) & ſic inter animam & corpus non cadit aliquod medium quantum

ad operationes. Non ergo anima unitur corpori per medium, inquantum eſt motor.

5. Præterea. Videtur quod etiam unitur ei per medium, inquantum eſt forma. Forma enim non unitur cuilibet materie, ſed propriæ. Fit autem materia propria huius forme, vel illius per diſpoſitiones proprias, quæ ſunt propria accidentia rei; ſic ut calidum, & ſiccum ſunt propria accidentia ignis. Ergo forma non unitur materie mediantibus propriis accidentibus. Sed propria accidentia animatorum ſunt potentie animæ. Ergo anima unitur corpori ut forma mediantibus potentiis.

6. Præterea. Animal eſt movens ſeipſum. Movens autem ſeipſum dividitur in duas partes, quarum una eſt movens, & alia eſt mota, ut probatur in VIII. Phyſ. (com. xxviii. & xxx.) Pars autem movens eſt anima. Sed pars mota non poſſet eſſe materia ſola: quia quod eſt in potentia tantum, non movetur, ut dicitur in V. Phyſ. (com. viii.) & ideo corpora gravia, & levia licet habeant in ſeipſis motum, non tamen movent ſeipſa, quia dividuntur ſolum in materiam, & formam, quæ non poſſet eſſe mota. Relinquitur ergo quod animal dividatur in animam, & aliquam partem quæ ſit composita ex materie & forma: & ſic ſequitur quod anima uniatur materie corporali mediante aliqua forma.

7. Præterea. In definitione cuiuslibet forme ponitur propria materia eius. Sed in definitione animæ, inquantum eſt forma, ponitur corpus phyſicum organicum potentia vitam habens, ut patet in II. de Anima (com. viii. & ix.) Ergo anima unitur huiusmodi corpori ut propriæ materie. Sed hoc non poſſet eſſe niſi per aliquam formam, ſcilicet quod ſit aliquod corpus phyſicum organicum potentia vitam habens. Ergo anima unitur materie mediante aliqua forma primo materiam perſiciente.

8. Præterea. Genef. ii. 7. dicitur: *Formavit Deus hominem de limo terre, & inſpiravit in faciem eius ſpiraculum vite.* Spiraculum autem vite eſt anima. Ergo aliqua forma præcedit in materia unionem animæ: & ſic anima mediante alia forma unitur materie corporali.

9. Præterea. Secundum hoc formæ uniuntur materie quod materia eſt in potentia ad eas. Sed materia per prius eſt in potentia ad formas elementorum quam ad alias formas. Ergo anima, & alie forme non uniuntur materie niſi mediantibus formis elementorum.

10. Præterea. Corpus humanum, & cuiuslibet animalis est corpus mixtum. Sed in mixto oportet quod remaneant foris elementorum per essentiam; alias esset corruptio elementorum, & non mixtio. Ergo anima unitur materiæ mediantibus aliis formis.

11. Præterea. Aioima intellectualis est forma inquantum est intellectualis. Sed intelligere est mediantibus aliis potentiis. Ergo anima unitur corpori ut forma mediantibus aliis potentiis.

12. Præterea. Anima non unitur cuiuslibet corpori; sed corpori sibi proportionato. Oportet ergo proportionem esse inter aioimam & corpus; & sic mediante proportionem aioima unitur corpori.

13. Præterea. Unumquodque operatur in remotiora per id quod est maxime proximum. Sed vires animæ diffunduntur in totum corpus per cor. Ergo cor est vicinior quam ceteræ partes corporis; & ita mediante corde unitur corpori.

14. Præterea. In partibus corporis est invenire diversitatem, & ordinem ad invicem. Sed anima est simplex secundum suam essentiam. Cum ergo forma sit proportionata materiæ perfectibili, videtur quod aioima unitur primo uni parti corporis, & ea mediante aliis.

15. Præterea. Anima est superior corpori. Sed inferiores vires animæ ligant superiores corporis: non enim intellectus indiget corpore nisi propter imaginationem, & sensum, a quibus accipit. Ergo e contrario corpus unitur animæ per ea quæ sunt suprema, & simpliciora, sicut per spiritum, & humorem.

16. Præterea. Illud quo substracto solvitur unio aliquorum unitorum, videtur esse medium inter ea. Sed substracto spiritu, & calido naturali extincto, & humido radicali exsiccat, solvitur unio animæ & corporis. Ergo prædicta sunt medium inter animam & corpus.

17. Præterea. Sicut aioima naturaliter unitur corpori, ita hæc anima unitur huic corpori. Sed hoc corpus est per hoc quod est sub aliquibus dimensionibus terminatis. Ergo anima unitur corpori mediantibus dimensionibus terminatis.

18. Præterea. Distantia non coniunguntur nisi per medium. Sed aioima, & corpus humanum videntur esse maxime distantia; cum unum eorum sit incorporeum, & simplex; aliud corporeum, & maxime compo-

situm. Ergo aioima non unitur corpori nisi per medium.

19. Præterea. Anima humana est similis in natura intellectualem substantiam separatis, quæ movent cælestia corpora. Sed eadem videtur esse habitudo motorum, & mobilium. Ergo videtur quod corpus humanum, quod est motum ab anima, habeat aliquid in se de natura cælestis corporis, quo mediante anima sibi uniatur.

Sed contra est quod dicit Philosophus in VIII. Metaph. (com. xv. & xvi.) quod forma unitur materiæ immediate. Anima autem unitur corpori ut forma. Ergo unitur sibi immediate.

Respondeo dicendum, quod inter omnia, esse est illud quod immediatius, & intimius convenit rebus, ut dicitur in Lib. de causis (prop. iv.) unde oportet, cum materia habeat esse actum per formam, quod forma dans esse materiæ, ante omnia intelligatur advenire materiæ, & immediatius ceteris sibi inesse. Est autem hoc proprium formæ substantialis quod der materiæ esse simpliciter: ipsa enim est per quam res est hoc ipsum quod est. Non autem per formas accidentales habet esse simpliciter, sed esse secundum quid, puta esse magnum, vel coloratum, vel aliquid tale. Si quaeratur forma est quæ ondet materiæ esse simpliciter, sed adveciat materiæ iam existentis in actu per aliquam formam, non erit forma substantialis. Ex quo patet quod inter formam substantialem & materiam non potest cadere aliqua forma substantialis media, sicut quidam voluerunt, poentes quod secundum ordinem generum, quorum unum sub altero ordinatur, est ordo diversarum formarum in materia; utpote si dicamus, quod materia secundum unam formam habet quod sit substantia in actu, & secundum aliam quod sit corpus, & iterum secundum aliam quod sit animatum corpus, & sic deinceps. Sed hac positione facta, sola prima forma, quæ faceret esse substantiam actum, esset substantialis; alie vero omnes accidentales: quia forma substantialis est quæ facit hoc aliquid, ut iam dictum est (art. 1.) Oportet igitur dicere, quod eadem numero forma sit per quam res habet quod sit substantia, & quod sit in ultima specie specialissima, & in omnibus intermediis generibus. Relinquitur ergo dicendum, quod cum formæ rerum naturalium sint sicut numeri in quibus est diversitas speciei, addita, vel substracta unitate, ut dicitur in VIII. Me-

VIII. Metaphys. (com. x.) oportet intelligere diversitatem formarum naturalium, secundum quas constituitur materia in diversis speciebus, ex hoc quod una addit perfectionem super aliam, ut puta quod una forma constituit in esse corporali tantum: hunc enim oportet esse infimum gradum formarum materialium, eo quod materia non est in potentia nisi ad formas corporales. Quae enim incorporea sunt, immaterialia sunt, ut in precedentibus ostensum est. Alia autem perfectior forma constituit materiam in esse corporali, & ulterius dat ei esse vitale, & ulterius alia forma dat ei & esse corporale, & esse vitale, & super hoc addit ei esse sensitivum, & sic est in aliis. Oportet ergo intelligere quod forma perfectior secundum quod constituit materiam in perfectione inferioris gradus, simul cum materia compositum intelligatur, ut materiale respectu ulterioris perfectionis, & sic ulterius procedendo; ut puta materia prima, secundum quam iam constituta est in esse corporeo, est materia respectu ulterioris perfectionis, quae est vita: & exinde est quod corpus est genus corporis viventis, & animatum, sive vivens, est differentia. Nam genus sumitur a materia, & differentia a forma; & sic quodammodo una & eadem forma, secundum quod constituit materiam in actu inferioris gradus, est media inter materiam & seipsam, secundum quod constituit eam in actu superioris gradus. Materia autem prout intelligitur constituta in esse substantiali secundum perfectionem inferioris gradus, per consequens intelligi potest ut accidentibus subiecta. Nam substantia secundum illum inferiorem gradum perfectionis necesse est quod habeat quendam accidentia propria quae necesse est ei inesse, sicut ex hoc quod materia constituitur in esse corporeo per formas, statim consequitur ut sint in ea dimensiones, per quas intelligitur materia divisibilis per diversas partes, ut sic secundum diversas sui partes possit esse susceptiva diversarum formarum; & ulterius ex quo materia intelligitur constituta in esse quodam substantiali, intelligi potest ut susceptiva accidentium quibus disponitur ad ulteriorem perfectionem, secundum quam materia fit propria ad ulteriorem perfectionem suscipiendam. Huiusmodi autem dispositiones praestelliguntur formae ut inductae ab agente in materiam, licet sint quaedam accidentia impropria formae, quae non nisi ex ipsa forma causantur in materia: unde non praestelliguntur

in materia formae quasi dispositiones, sed magis forma praestelligitur eis, sicut causa effectibus. Sic igitur cum anima sit forma substantialis, quia constituit hominem in determinata specie substantiae, non est aliqua alia forma substantialis media inter animam & materiam primam; sed homo ab ipsa anima rationali perficitur secundum diversos gradus perfectionum, ut sit scilicet corpus, & animatum corpus, & animal rationale. Sed oportet quod materia secundum quod intelligitur ut recipiens ab ipsa anima rationali perfectiones inferioris gradus, puta quod sit corpus, & animatum corpus, & animal, intelligatur simul cum dispositionibus convenientibus, quod sit materia propria ad animam rationalem, secundum quod dat ultimam perfectionem. Sic igitur anima, secundum quod est forma dans esse, non habet aliquid aliud medium inter se & materiam primam. Sed quia eadem forma quae dat esse matriæ, est etiam operationis principium, eo quod unumquodque agit secundum quod est actu, necesse est quod anima, sicut & quilibet alia forma, sit etiam operationis principium. Sed considerandum est, quod secundum gradum formarum in perfectione effendi est etiam gradus earum in virtute operandi, cum operatio sit existens in actu: & ideo quanto aliqua forma est maioris perfectionis in dando esse, tanto etiam est maioris virtutis in operando. Unde formae perfectiores habent plures operationes, & magis diversas quam formae minus perfectae. Et inde est quod ad diversitatem operationum in rebus minus perfectis sufficit diversitas accidentium. In rebus autem magis perfectis requiritur ulterius diversitas partium, & tanto magis, quanto forma fuerit perfectior. Videmus enim quod igni conveniunt diversae operationes secundum diversam accidentia, sicut ferri sursum secundum levitatem, calefacere secundum calorem, & sic de aliis; sed tamen qualibet harum operationum competit igni secundum quamlibet partem eius. In corporibus vero animatis quae habent nobiliores formas, diversis operationibus deputantur diversae partes; sicut in plantis alia est operatio radices, alia rami, & stipitis: & quanto corpora animata fuerint perfectiora, tanto propter maiorem perfectionem necesse est inveniri maiorem diversitatem in partibus. Unde cum anima rationalis sit perfectissima formarum naturalium, in homine invenitur maxima distinctio partium

tium propter diversas operationes : & anima singulis earum dat esse substantiale secundum illum modum qui competit operationi ipsorum. Cuius signum est, quod remota anima, non remanet neque caro, neque oculus nisi aequivoce . Sed cum oporteat ordinem instrumentorum esse secundum ordinem operationum , diversarum autem operationum quæ sunt ab anima , una naturaliter præcedit alteram ; necessarium est quod una pars corporis moveatur per aliam ad suam operationem . Sic ergo inter animam secundum quod est motor , & principium operationum , & totum corpus cadit aliquid medium : quia mediante aliqua prima parte primo mota movet alias partes ad suas operationes , sicut mediante corde movet alia membra ad vitales operationes ; sed secundum quod dat esse corpori , immediate dat esse substantiale , & specificum omnibus partibus corporis . Et hoc est quod multis dicitur , quod anima unitur corpori ut forma sine medio , ut motor autem per medium . Et hæc opinio procedit secundum sententiam Aristotelis qui ponit animam esse formam substantialem corporis .

Sed quidam ponentes secundum opinionem Platonis animam uniri corpori sicut unam substantiam alii , necesse habuerunt ponere media quibus anima uniretur corpori : quia diversæ substantiæ , & distantes non colligantur , nisi sit aliquid quod uniat eas : & sic posuerunt quidam spiritum , & humorem esse medium inter animam & corpus , & quidam lucem , & quidam potentias animæ , vel aliquid aliud huiusmodi . Sed nullum istorum est necessarium , si anima est forma corporis : quia unumquodque , secundum quod est ens , est unum : unde cum forma secundum seipsam det esse materiæ , secundum seipsam unitur materiæ primæ , & non per aliud aliquid ligamentum .

Ad primum ergo dicendum , quod vires animæ sunt qualitates eius quibus operator : & ideo cadunt media inter animam & corpus , secundum quod anima movet corpus , non autem secundum quod dat ei esse . Tamen sciendum , quod liber qui inscribitur de spiritu & anima non est Augustini , & quod auctor illius opinatus est quod anima sit sum potentia . Unde totaliter cessat obiectio .

Ad secundum dicendum , quod licet anima sit forma inquantum est actus , & similiter inquantum est motor , & ita secundum seipsam sit forma , & motor ; tamen alius est effectus eius secundum quod est forma , & alius secundum quod est motor : & propter hoc locum habet distinctio .

Ad tertium dicendum , quod ex motore , & mobili non fit unum per se inquantum huiusmodi , sed ex hoc motore qui est anima , & ex hoc mobili quod est corpus , fit unum per se , inquantum anima est forma corporis .

Ad quartum dicendum , quod quantum ad illam operationem animæ quæ est compositi , non cadit aliquid medium inter animam & quamlibet partem corporis ; sed est una pars corporis per quam primo exercet anima illam operationem quæ cadit media inter animam secundum quod est principium illius operationis , & omnes alias partes corporis , quæ participant illam operationem .

Ad quintum dicendum , quod dispositiones accidentales quæ faciunt materiam propriam ad aliquam formam , non sunt mediz totaliter inter formam & materiam ; sed inter formam secundum quod dat ultimam perfectionem , & materiam secundum quod iam est perfecta perfectione inferioris gradus . Materia enim secundum seipsam est prima respectu infimi gradus perfectionis , quia secundum seipsam est in potentia ad esse substantiale corporeum . Nec ad hoc requirit aliquam dispositionem ; sed hac perfectione præsupposita in materia requiruntur dispositiones ad ulteriorem perfectionem . Tamen sciendum est , quod potentia animæ sunt accidentia propria animæ , quæ non sunt sine ea : unde non habent rationem dispositionis ad animam secundum quod sunt eius potentia , nisi secundum quod potentia inferioris partis animæ dicuntur dispositiones ad superiorem partem , sicut potentia animæ vegetabilis ad animam sensibilem , secundum quod ex præmissis intelligi potest .

Ad sextum dicendum , quod ratio illa concludit quod anima , vel animal dividatur in duas partes , quarum una est sicut corpus mobile , & alia sicut motor . Quod quidem verum est ; sed oportet intelligere , quod anima movet corpus præ apprehensionem , & appetitum . Apprehensio autem , & appetitus in homine duplex est . Una quidem quæ est animæ tantum , non per organum corporale , quæ est partis intellectivæ . Alia quæ est coniuncti , & est partis sensitivæ . Illa autem quæ est partis intellectivæ , non movet corpus nisi median- te ea quæ est partis sensitivæ : quia cum

Ddd motus

motus sit circa aliquid singulare, apprehensio universalis, quæ est intellectus, non movetur nisi mediante particulari, quæ est sensus. Sic igitur homo, vel animal cum dividitur in partem moventem, & partem motam, non est hæc divisio in solam animam, & solum corpus, sed in unam partem corporis animati, & animam. Nam illa pars animati corporis cuius operatio est apprehendere, & appetere, movetur totum corpus. Sed si supponatur quod pars intellectiva immediate moveatur, ita quod pars movens in homine sit anima tantum, adhuc remanebit responsio secundum præhabita. Nam anima humana erit movens secundum id quod est supremum in ipsa, scilicet per partem intellectivam; motum autem erit non materia prima tantum, sed materia prima, secundum quod est constituta in esse corporali, & vitali, non per aliam formam nisi per eandem animam. Unde non erit necessarium ponere formam substantialem medianam inter animam & materiam primam. Sed quia in animali est quidam motus qui non est per apprehensionem, & appetitum, sed motus cordis, & etiam motus augmenti, & decrementi, & motus alimentis diffusi per totum corpus, quod etiam est commune plantis; quantum ad huiusmodi motus dicendum est, quod cum anima animali non solum det id quod est proprium sibi, sed etiam id quod est inferiorum formarum, ut ex dictis patet; sicut inferiores formæ sunt principia naturalis motus in corporibus naturalibus, ita etiam anima in corpore animalis. Unde Philosophus dicit in II. de Anima (com. xxvi.) quod anima est naturalis corporis: & propter hoc operationes animæ distinguuntur in animales, & naturales, ut ita dicantur animales quæ sunt ab anima secundum id quod est proprium sibi, naturales autem quæ sunt ab anima secundum quod facit effectum inferiorum formarum naturalium. Secundum hoc ergo dicendum, quod sicut ignis per formam suam naturalem habet naturalem motum quo tendit sursum; ita aliqua pars corporis animati in qua primo invenitur motus qui non est per apprehensionem, habet hunc motum naturaliter per animam: sicut enim ignis naturaliter movetur sursum, ita sanguis naturaliter movetur ad loca propria & determinata; & similiter cor naturaliter movetur motu sibi proprio; licet ad hoc etiam coope- retur resolutio spirituum facta ex sanguine, quibus cor dilatatur, & restringitur, ut

Aristoteles dicit ubi agit de respiratione, & inspiratione. Sic ergo prima pars in qua talis motus invenitur, non est movens seipsam, sed movetur naturaliter, sicut ignis; sed ista pars movet aliam, & sic totum animal est movens seipsum; cum una pars eius sit movens, & alia sit mota.

Ad septimum dicendum, quod corpus physicum organicum comparatur ad animam sicut materia ad formam, non quod sit tale per aliquam aliam formam; sed quia hoc ipsum habet per animam, ut supra ostensum est.

Et similiter dicendum ad octavum. Nam quod in Genesi dicitur: *Formavit Deus hominem de limo terræ*: non præcedit tempore hoc quod sequitur: *Et inspiravit in faciem eius spiritum vitae*: sed ordine naturæ tantum.

Ad nonum dicendum, quod materia secundum ordinem est in potentia ad formas, non quod recipiat diversas formas substantiales ordinatim, sed quia id quod est proprium superioris formæ, non recipitur nisi mediante eo quod est proprium inferioris formæ, sicut expositum est: & per hunc modum intelligitur quod mediantibus formis elementaribus recipiat alias formas.

Ad decimum dicendum, quod formæ elementares non actu sunt in mixto secundum essentiam, licet hoc Avicenna posuerit: non enim possent esse in una parte materia; si autem essent in diversis partibus, non esset mixtio secundum totum, quæ est vera mixtio, sed esset mixtio minima, quæ est mixtio ad sensum. Dicere etiam, quod formæ elementorum recipiant magis & minus, ut Averroes dicit, ridiculum est, cum sint formæ substantiales, quæ magis & minus recipere non possunt. Nec aliquid est medium inter substantiam & accidentem, ut ipse flagit. Nec dicendum est, quod totaliter corruptantur; sed quod maneant virtute, ut Aristoteles dicit: & hoc est in quantum manent accidentia propria elementorum secundum aliquem modum in quibus manet virtus elementorum.

Ad undecimum dicendum, quod licet anima sit forma corporis secundum essentiam animæ intellectualis, non tamen secundum operationem intellectualem.

Ad duodecimum dicendum, quod proportio quæ est inter animam & corpus, est in ipsis proportionatis: unde non oportet quod sit aliqua res media inter animam & corpus.

Ad decimumtertium dicendum, quod cog-
est

est primum instrumentum per quod anima movet ceteras partes corporis : & ideo eo mediante anima unitur reliquis partibus corporis ut motor , licet ut forma uniatnr unicuique parti corporis per se & immediate.

Ad decimumquartum dicendum , quod licet anima sit forma simplex secundum essentiam , est tamen multiplex virtute , secundum quod est principium diversarum operationum . Et quia forma perficit materiam non solum quantum ad esse , sed etiam ad operandum ; ideo oportet quod licet anima sit una forma , partes corporis diversimode perficiantur ab ipsa , & unaquaeque secundum quod competitus operationi : & secundum hoc etiam oportet esse ordinem in partibus secundum ordinem operationum , ut dictum est ; sed iste ordo est secundum operationem corporis ad animam , ut est motor .

Ad decimumquintum dicendum , quod inferiores vires animae possunt intelligi ligare superiores vires corporis quantum ad operationem , prout scilicet superiores vires indigent operationibus inferiorum , quae exercentur per corpus : & eodem modo corpus per superiores sui partes coniungatur animae secundum operationem , & motum .

Ad decimum sextum dicendum , quod forma sicut non advenit matriæ , nisi sit facta propria per debitas dispositiones , ita essentialibus propriis dispositionibus forma in materia remanere non potest : & hoc modo unio animæ ad corpus solvitur remoto calore , & humiditate naturali , & aliis huiusmodi , in quantum his dispositis corpus ad susceptionem animæ . Unde huiusmodi cadunt media inter animam & corpus ut dispositiones . Quod quomodo sit , dictum est supra (in corp. art.)

Ad decimumseptimum dicendum , quod dimensiones non possunt intelligi in materia nisi secundum quod materia intelligitur constituta per formam substantialem in esse substantiali corporeo : quod quidem non fit per aliam formam in homine quam per animam , ut dictum est . Unde huiusmodi dimensiones non perintelliguntur ante animam in materia totaliter , sed quantum ad ultimos gradus perfectionis , ut supra (in corp. art.) expositum est .

Ad decimum octavum dicendum , quod anima , & corpus non sunt distantia sicut res diversorum generum , vel specierum , eum neuter eorum sit in genere , vel specie , ut in superioribus questionibus habi-

tum est , sed solum compositum ex eis ; sed anima est forma corporis per seipsam dans ei esse : unde per se & immediate ei unitur .

Ad decimumnonum dicendum , quod corpus humanum habet aliquam communicationem cum corpore celesti , non quod aliquod corpus celestis , ut lux , interveniat medium inter animam & corpus ; sed secundum quod est constitutum in quadam equalitate complexionis remotæ a contrarietate , ut in superioribus expositum est .

ARTICULUS X.

Utrum anima sit in toto corpore , & qualiter parte sua .

I. Part. quest. lxxvi. art. 2.

DECIMO quaeritur , utrum anima sit in toto corpore , & in qualibet parte eius . Et videtur quod non . Anima enim est in corpore sicut perfectio in perfectibili . Sed perfectibile ab anima est corpus organicum : est enim anima *actus corporis physici organi potentia vitam habentis* , ut dicitur in II. de Anima (com. v. & vt.) Ergo anima non est nisi in corpore organico . Sed non qualibet pars corporis est organicum corpus . Ergo anima non est in qualibet parte corporis .

2. Præterea . Forma est proportionata matriæ . Sed anima prout est forma corporis , est quidam essentia simplex . Ergo non respondet ei materia multiplex . Sed diversas partes corporis vel hominis , vel animalis sunt sicut materia multiplex , com habeant magnam diversitatem ad invicem . Non ergo anima est forma cuiuslibet partis corporis ; & ita non est anima in qualibet parte corporis .

3. Præterea . Extra totum nihil est sumere . Si igitur anima est tota in qualibet parte corporis , extra illam partem nihil est de anima . Ergo impossibile est quod sit tota in qualibet parte corporis .

4. Præterea . Philosophus dicit in Lib. de causa motus animalium (cap. vii.) *Estimandum est easse animal quædammodum civitatem bene legibus rellam . In civitate enim quando semel stabilitus fuerit ordo , nihil opus est separato Nonne reba , quoniam non oportet esse per singula rerum qua fiunt ; sed per se quilibet facit quod auxiliante ipsius ordinatum est ; & fit hoc post hoc propter consuetudinem . In animalibus autem idem hoc*

propter naturam sit, & quia natum est unumquodque sic constitutum facere proprium opus, ut non opus sit in unoquoque esse animam, sed in quodam principio corporis existente; alio quidem vivere eo quod apta nata sunt; facere autem proprium opus propter naturam. Non ergo anima est in qualibet parte corporis, sed in una tantum.

5. Præterea. Philosophus dicit in VIII. Physic. quod motor cæli oportet quod sit in centro, vel in aliquo signo circumferentiæ: quia hæc duo sunt principia in motu circulari: & ostendit quod non potest esse in centro, sed in circumferentiâ: quia quanto aliqua sunt propinquiora circumferentiâ, & remotiora a centro, tanto sunt velocioris motus. Ergo a simili oportet quod motor animæ sit in illa parte animalis in qua præcipue apparet motus. Hæc autem est eorum cor. Ergo anima est tantum in corde.

6. Præterea. Philosophus dicit in Lib. de iuventute & senect. (com. lxxiv.) quod plantæ habent principium nutritivum in medio superioris, & inferioris. Sed sicut superius, & inferius est in plantis; ita in animalibus est superius, & inferius; dexterum, & sinistrum; ante, & retro. Ergo oportet principium vitæ, quod est anima, esse in animali in medio harum particularum. Hoc autem est cor. Ergo anima est tantum in corde.

7. Præterea. Omnis forma quæ est in aliquo toto, & qualibet parte eius, denominatur totum, & quamlibet partem, sicut patet de forma ignis: nam ignis quamlibet pars, ignis est; non autem quamlibet pars animalis animal est. Non ergo anima est in qualibet parte corporis.

8. Præterea. Intelligere ad aliquam partem animæ pertinet. Sed intelligere non est in aliqua parte corporis. Non ergo tota anima est in qualibet parte corporis.

9. Præterea. Philosophus dicit in II. de Anima (com. ix.) quod sicut anima se habet ad corpus, ita pars animæ ad partem corporis. Si ergo anima est in toto corpore, non erit in qualibet parte corporis tota, sed pars eius.

10. Sed dicebatur, quod Philosophus loquitur de anima, & partibus eius, in quantum est motor, non in quantum est forma. Sed contra. Philosophus dicit ibidem, quod si oculus esset animal, visus esset anima eius. Sed anima est forma animalis. Ergo pars animæ est in corpore ut forma, & non ut motor tantum.

11. Præterea. Anima est principium vi-

tæ in animali. Si ergo anima esset in qualibet parte corporis, quamlibet pars corporis immediate acciperet vitam ab anima, & ita una pars non dependeret ab alia in vivendo; quod patet esse falsum. Nam alie partes in vivendo dependent a corde.

12. Præterea. Anima movetur per accidens ad motum corporis in quo est, & similiter quiescit per accidens quiescente corpore in quo est. Contingit autem quiescente una parte corporis aliam moveri. Si ergo anima est in qualibet parte corporis, oportet quod anima similiter moveatur, & quiescat; quod videretur impossibile.

13. Præterea. Omnes potentie animæ radicantur in essentia animæ. Si igitur essentia animæ sit in qualibet parte corporis, oportet quod quamlibet potentia animæ sit in qualibet parte corporis; quod patet esse falsum: nam auditus non est in oculo, sed in aure tantum, & sic de aliis.

14. Præterea. Omne quod est in altero, est in eo per modum eius in quo est. Si igitur anima est in corpore, oportet quod sit in eo per modum corporis. Sed modus corporis est ut ubi est una pars non sit alia. Ergo ubi est una pars animæ, non est alia, & ita non est tota in qualibet parte corporis.

15. Præterea. Quædam animalia imperfecta quæ dicuntur anulofo, decisa vivunt, propter hoc quod anima remanet in qualibet parte corporis post decisionem. Sed homo, & alia animalia perfecta non vivunt decisa. Non igitur in eis anima est in qualibet parte corporis.

16. Præterea. Sicut homo, & animal est quoddam totum ex diversis partibus constitutus, ita & domus. Sed forma domus non est in qualibet parte domus, sed in tota. Ergo & anima, quæ est forma animalis, non est tota in qualibet parte corporis, sed in toto.

17. Præterea. Anima dat esse corpori in quantum est forma eius. Est autem forma eius secundum suam essentiam, quæ simplex est. Ergo per suam essentiam simplicem dat esse corpori. Sed ab uno non est naturaliter nisi unum. Si igitur sit in qualibet parte corporis sicut forma, sequetur quod cuilibet parti corporis daret esse uniformem.

18. Præterea. Magis intime unitur forma materiam quam locatum loco. Sed unum locatum non potest esse in diversis locis simul, etiam si sit substantia spiritualis: nos enim conceditur a magistris quod Angelus sit

fit in diversis locis simul. Ergo nec anima potest esse in diversis partibus corporis.

Sed contra est quod Augustinus dicit in VI. de Trin. (cap. vi.) quod anima est tota in toto corpore, & tota in qualibet parte eius.

Præterea. Anima non dat esse corpori nisi secundum quod unitur ei. Sed anima dat esse toti corpori, & cuilibet parti eius. Ergo anima est in toto corpore, & in qualibet parte eius.

Præterea. Anima non operatur nisi ubi est. Sed operationes animæ apparent in qualibet parte corporis. Ergo anima est in qualibet parte corporis.

Respondeo dicendum, quod veritas huius questionis ex præcedenti (art. 9.) dependet. Oñsum est enim quod anima, secundum quod est forma corporis, non unitur toti corpori mediante aliqua parte eius, sed toti corpori immediate. Est enim forma & totius corporis, & cuiuslibet partis eius. Ex hoc necesse est dicere. Cum enim corpus hominis, aut cuiuslibet alterius animalis sit quoddam totum naturale, dicitur unum ex eo quod unam formam habeat, qua perficitur non solum secundum aggregationem, aut compositionem, ut accidit in domo, & in aliis huiusmodi. Unde oportet quod qualibet pars hominis, & animalis recipiat esse, & speciem ab anima sicut a propria forma. Unde Philosophus dicit (II. de Anima text. ix.) quod recente anima neque oculus, neque caro, neque aliqua pars remanet nisi æquivoce. Non est autem possibile quod aliquid recipiat esse, & speciem ab aliquo separato sicut a forma: hoc enim simile esset Platonis positioni, qui posuerunt huiusmodi sensibilia recipere esse, & speciem per participationem formarum separatarum; sed oportet quod forma sit aliquid eius cui dat esse. Nam forma, & materia sunt principia intrinsecus constituenta essentiam rei. Unde oportet quod si anima dat esse, & speciem ut forma cuilibet parti corporis secundum sententiam Aristotelis, sit in qualibet parte corporis: nam & ea ratione dicitur anima esse in toto, quia est forma totius. Unde si est forma cuiuslibet partis, oportet quod sit in qualibet parte, & non in toto tantum, nec in una parte tantum. Et hæc definitio animæ convenit: est enim anima actus corporis organici. Corpus autem organicum est constitutum ex diversis organis. Si ergo anima esset in una parte

tantum ut forma, non esset actus corporis organici, sed actus unius organi tantum, puta cordis, aut alius alterius, & reliquæ partes essent perfectæ per alias formas; & sic totum non esset unum quid naturaliter, sed compositione tantum. Relinquitur ergo quod anima sit in toto corpore, & in qualibet parte eius. Sed quia etiam queritur, an sit tota in toto, & in qualibet parte eius, considerandum est qualiter hoc dicitur. Potest autem attribui totalitas alicui formæ tripliciter, secundum quod tribus modis convenit aliquid habere partes. Uno enim modo aliquid habet partes secundum divisionem quantitatis, prout scilicet dividitur numerus, aut magnitudo. Uni autem formæ non competit totalitas auresi, nec magnitudinis, nisi forte per accedens, puta in formis quæ per accedens dividuntur divisione contiansi, sicut albedo per divisionem superficiæ. Alio modo dicitur aliquid totum per comparisonem ad partes essentielles speciei; sicut materia, & forma dicuntur partes compositi; genus, & differentia partes quodammodo speciei: & hic modus totalitatis attribuitur etiam essentialis simplicibus ratione suæ perfectionis, eo quod sic composita habent perfectam speciem ex coniunctione principiorum essentialium, ita substantiæ, & formæ simplices habent perfectam speciem per seipsas. Tertio modo dicitur totum per comparisonem ad partes virtutis, seu potestatis; quæ quidem partes accipiuntur secundum divisionem operationum. Si qua igitur forma accipiat quæ dividitur per continui divisionem, & queratur de ea utrum sit in qualibet parte corporis tota, utpote utrum albedo sit in parte superficiæ tota; si accipiat per comparisonem ad partes quantitativas (quæ quidem totalitas pertinet ad albedinem per accedens) non est tota in qualibet parte, sed tota in toto, & pars in parte. Si autem queratur de totalitate quæ pertinet ad speciem, sic tota est in qualibet parte: nam æque intensa est albedo in aliqua parte sicut in toto. Sed verum est quod adhuc secundum virtutem non est tota in qualibet parte. Non enim potest tantum in disgregando albedo quæ est in parte superficiæ, sicut albedo quæ est in tota superficie; sicut neque tantum potest calor qui est in parvo igne ad calefaciendum, sicut calor qui est in magno igne. Supposito autem ad præsens quod sit una tantum anima in corpore organici (de hoc enim posita (art. seq.) queretur) dicendum, quod non dividit.

viditur divisa quantitate, quæ est numerus. Planum est etiam quod non dividitur divisione continui, præcipue anima animalium perfectiorum, quæ decisa non vivunt. Speus enim esset forte de animalibus animalium anuloformum, in quibus est una anima in actu, & plures in potentia, ut Philosophus docet (II. de Anima com. xx.) Relinquitur igitur quod in anima hominis, & cuiuslibet animalis perfecti non potest accipi totalitas nisi secundum perfectionem speciei, & secundum potentiam, seu virtutem. Dicimus ergo, quod cum perfectio speciei pertineat ad animam secundum suam essentiam, anima autem secundum suam essentiam est forma corporis, & prout est forma corporis est in qualibet parte corporis, ut ostensum est, relinquitur quod anima tota sit in qualibet parte corporis secundum totalitatem perfectionis speciei. Si autem accipiat totalitas quantum ad virtutem, & potentiam, sic non est tota in qualibet parte corporis, nec etiam tota in toto, si loquamur de anima hominis. Ostensum est enim ex superioribus questionibus (art. 2. & 5. huius quest.) quod anima humana, quia excedit corpus capacitatem, remanet ei virtus ad operandum operationes quasdam sine communicatione corporis, sicut intelligere, & velle. Unde intellectus, & voluntas non sunt actus alienius organi corporalis; sed quantum ad alias operationes quas exercet per organa corporalia, tota virtus, & potestas eius est in toto corpore; non autem in qualibet parte corporis, quia diversæ partes corporis sunt proportionatæ ad diversas operationes animæ. Unde secundum illam potentiam tantum est in aliqua parte quæ respicit operationem quæ per illam partem corporis exercetur.

Ad primum ergo dicendum, quod cum materia sit propter formam, forma autem ordinatur ad propriam operationem, oportet quod talis sit materia uniuscuiusque forme ut competat operationi illius forme, sicut materiam ferræ oportet esse ferream, quod competit ad opus ferræ propter suam duritiam. Cum ergo anima propter suam virtutis perfectionem possit in diversas operationes, necessarium est quod materia eius sit corpus constitutum ex partibus congruentibus ad diversas operationes animæ quæ dicuntur organa: & propter hoc totum corpus, cui responderet principaliter anima ut forma, est organum; partes autem sunt propter totum: unde animæ non respondet pars

corporis sicut proprium, & principale perfectibile, sed secundum quod habet ordinem ad totum. Unde non oportet quod quilibet pars (a.) animæ sit corpus organicum, licet anima sit forma eius.

Ad secundum dicendum, quod cum materia sit propter formam, hoc modo forma dat esse, & speciem materię, secundum quod congruit suæ operationi: & quia corpus perfectibile ab anima ad hoc quod congruat diversis operationibus animæ, requirit diversitatem in partibus; ideo licet sit una & simplex secundum suam essentiam, diversimoda partes corporis perficit.

Ad tertium dicendum, quod cum anima sit in una parte corporis eo modo quo dictum est, nihil animæ est extra animam quæ est in hac parte corporis; non tamen sequitur quod anima nihil sit extra hanc partem corporis, sed quod nihil sit extra totum corpus, quod principaliter perficit.

Ad quartum dicendum, quod Philosophus ibi loquitur de anima quantum ad potentiam motivam: principium enim motus corporis est in aliqua parte corporis, scilicet in corde, & per illam partem movetur totum corpus: & hoc patet per exemplum quod ponit de rectore.

Ad quintum dicendum, quod motorem cum non circumferatur loco secundum suam substantiam; sed Philosophus intendit ostendere ubi sit quantum ad principium movendi: & hoc modo quantum ad principium motus anima est in corde.

Ad sextum dicendum, quod etiam in plantis anima dicitur esse in medio eius quod est sursum & deorsum, in quantum est principium quarundam operationum: & similiter est in animalibus.

Ad septimum dicendum, quod ideo non quilibet pars ignis est ignis, quia omnes operationes animalis est animal, sicut quilibet pars ignis salvatur in qualibet parte ignis, non autem omnes operationes animalis salvantur in qualibet parte eius, maxime in animalibus perfectis.

Ad octavum dicendum, quod ratio illa concludit animam non esse totam in qualibet parte corporis secundum suam virtutem; quod dictum est esse verum.

Ad nonum dicendum, quod partes animæ accipiuntur a Philosopho non quantum ad essentiam animæ, sed quantum ad eius potentiam: & ideo dicit, quod sicut anima est in toto corpore, ita pars animæ in parte corporis: quia sicut totum corpus con-

(a.) Forte animalis, vel corporis.

ganicum se habet ut deserviat operationibus animae quae per corpus exerceatur, ita se habet usus organum ad unam determinatam operationem.

Ad decimum dicendum, quod potentia animae radicitur in essentia; & ideo ubicumque est aliqua potentia animae, ibi est essentia animae. Quod ergo dicit Philosophus, quod si oculus animalis esset animal, visus esset anima eius, non intelligitur de potentia animae sine eius essentia; sicut & totius corporis dicitur anima sensibilis esse forma per essentiam suam, non per potentiam sensitivam.

Ad undecimum dicendum, quod cum anima opereatur in alias partes corporis per aliquam unam potentiam, corpus autem disponatur ad hoc quod sit proportionatum esse animae per actionem animae, quae est causa efficiens corporis, ut Aristoteles dicit in II. de Anima (com. xxxv.) necesse est quod dispositio aliarum partium, secundum quam sunt perfectibiles ab anima, dependeat ab una prima parte, videlicet a corde: & pro tanto vita aliarum partium dependet a corde, quia postquam desinit esse in aliqua parte debita dispositio, anima non unitur ei ut forma. Non autem propter hoc removetur quin anima sit immediate forma cuilibet partis corporis.

Ad duodecimum dicendum, quod non movetur, neque quiescit, moto, seu quiescente corpore, nisi per accidens. Non autem inconveniens est, si aliquid movetur, & quiescit simul per accidens; sicut non est inconveniens quod aliquid moveatur per accidens contractis motibus, ut puta si quis in navi deferretur contra cursum navis.

Ad decimumtertium dicendum, quod licet omnes potentiae radiceantur in essentia animae, tamen quilibet pars corporis recipit animam secundum suum modum: & ideo in diversis partibus est secundum diversas potentias; neque oportet quod in unaquaque sit secundum omnes.

Ad decimumquartum dicendum, quod cum dicitur, unumquodque esse in alio secundum modum eius in quo est, intelligitur quantum ad capacitatis ipsius modum, non quantum ad naturam eius. Non enim oportet ut id quod est in aliquo, habeat naturam, & proprietatem eius in quo est, sed quod recipiatur in eo secundum capacitatem ipsius. Manifestum est enim quod aqua non habet naturam amphorum: unde nec oportet quod anima habeat istam na-

turam corporis, ut ubi est una pars eius, ibi sit alia.

Ad decimumquintum dicendum, quod animalia anulosa decisa vivant, non solum quia anima est in qualibet parte corporis, sed quia anima eorum, cum sit imperfecta, & paucarum actionum, requirit paucam diversitatem in partibus, quae etiam invenitur in parte decisa vivente: unde cum retineat dispositionem per quam totum corpus est perfectibile ab anima, remanet in eo anima. Secus autem est in animalibus perfectis.

Ad decimumseptimum dicendum, quod forma domus, sicut & aliae formae artificiales, est forma accidentalis: unde non dat esse, & speciem toti, & cuilibet parti: neque totum est unum simpliciter, sed unum aggregatione. Anima autem est forma substantialis corporis, dans esse, & speciem toti, & partibus; & totum ex partibus constitutum, est unum simpliciter: unde non est simile.

Ad decimumseptimum dicendum, quod anima quamvis sit una & simplex in essentia, habet tamen virtutem ad diversas operationes: & quia naturaliter dat esse, & speciem suo perfectibili inquantum est forma corporis secundum essentiam, ea autem quae sunt naturaliter sunt propter finem, oportet quod anima constituat in corpore diversitatem partium, prout congruit diversae operationibus: & verum est quod propter huiusmodi diversitatem, cuius ratio est ex fine, & non ex forma tantum, in constitutione viventium magis apparet quod natura operetur propter finem quam in aliis rebus naturalibus, in quibus una forma uniformiter perficit suum perfectibile.

Ad decimumoctavum dicendum, quod simplicitas animae, & Angeli, non est estimanda ad modum simplicitatis puncti, quod habet determinatum frum in continuo: & ideo quod simplex est, non potest esse simul in diversis partibus continui. Sed Angelus, & anima dicuntur simplicitate per hoc quod omnino carent quantitate; & ideo non applicantur ad continuum nisi per contactum virtutis: unde totum illud quod virtute Angeli contingitur, respondet Angelo, qui non unitur ut forma, ut locus unus; & anima, quae unitur ut forma, ut perfectibile unum: & sicut Angelus est in qualibet parte sui loci totus, ita & anima in qualibet parte sui perfectibilis, tota.

ARTICULUS XI.

*Utrum in homine anima rationalis, sensibilis,
& vegetabilis sit una substantia.*

1. Part. quest. lxxvi. art. 3.

Undecimo quaeritur, utrum in homine anima rationalis, sensibilis, & vegetabilis sit una substantia. Et videtur quod non. Ubi cumque enim est actus animae, ibi est & anima. Sed in embryone actus animae vegetabilis praecedit actum animae sensibilis, & actus animae sensibilis actum animae rationalis. Ergo in concepto primum est anima vegetabilis quam sensibilis, & sensibilis quam rationalis; & ita non sunt idem secundum substantiam.

2. Sed dicebatur, quod actus animae vegetabilis, & sensibilis non est in embryone ab anima quae sit in embryone, sed a virtute in eo existente ab anima parentis. Sed contra. Nullum agens finitum agit sua virtute nisi secundum determinatam distantiam, ut patet in motu proiectionis: proiciens enim usque ad locum determinatum proicit secundum modum suae virtutis. Sed in embryone apparent motus, & operationes animae, quantumcumque parens distet, cuius tamen virtus finita est. Non igitur operationes animae sunt in embryone per virtutem animae parentis.

3. Praeterea. Philosophus dicit in Lib. de generat. animalium (II. cap. 111.) quod embryo prius est animal quam homo. Sed animal non est nisi quod habet animam sensibilem; homo autem est per animam rationalem. Ergo ipsa anima sensibilis est prius in embryone quam anima rationalis, & non solum virtus eius.

4. Praeterea. Vivere, & sentire sunt operationes quae non possunt esse nisi a principio intrinseco: sunt enim actus animae. Ergo cum embryo vivat, & sentiat antequam habeat animam rationalem, vivere, & sentire non crunt ex anima exteriori parentis, sed ab anima ipsius existente.

5. Praeterea. Philosophus dicit in II. de Anima (com. xxvi.) quod anima est causa corporis viventis non solum sicut forma, sed sicut efficiens, & finis. Sed non esset efficiens causa corporis, nisi adesset corpori quando formatur. Formatur autem ante infusionem animae rationalis. Ergo ante infusionem animae rationalis est in embryone anima, & non solum animae virtus.

6. Sed dicebatur, quod formatio corporis fit ab anima, non quae est in embryone, sed ab anima parentis. Sed contra. Corpora viventia secundum motus proprios movent seipsa. Sed generatio corporis viventis est quidam motus eius proprius, cum eius principium proprium sit potentia generativa. Ergo secundum istum modum res viva movet seipsam. Sed movens seipsum componitur ex movente, & moto, ut probatur in VIII. Physic. (com. xxviii. & xxx.) Ergo principium generationis, quod format corpus vivum, est anima quae est in embryone.

7. Praeterea. Manifestum est quod embryo augetur. Augmentum autem est motus secundum locum, ut dicitur in IV. Physic. Cum ergo animal secundum locum moveat seipsum, movebit etiam seipsum secundum augmentum; & ita oportet quod in embryone sit principium talis motus, & non habeat hunc motum ab anima extrinseca.

8. Praeterea. Philosophus dicit in Lib. de generat. animalium (II. cap. 111.) quod non potest dici, quod in embryone non sit anima; sed primo est ibi anima cibativa, postea sensitiva.

9. Sed dicebatur, quod hoc dicit Philosophus non quod sit ibi anima in actu, sed in potentia. Sed contra. Nihil agit nisi in quantum est actu. Sed in embryone sunt actiones animae. Ergo est ibi anima in actu; & ita relinquitur quod non sit tantum una substantia.

10. Praeterea. Impossibile est quod idem sit ab extrinseco, & intrinseco. Sed anima rationalis est in homine ab extrinseco, vegetabilis autem, & sensibilis ab intrinseco, id est a principio quod est in semine, ut patet per Philosophum in Lib. de generat. animalium (II. cap. 111.) Ergo non est idem in homine secundum substantiam anima vegetabilis, sensibilis, & rationalis.

11. Praeterea. Impossibile est ut quod est substantia in uno, sit accidens in alio: unde dicit Philosophus in VIII. Metaph. quod calor non est forma substantialis ignis, cum sit accidens in alio. Sed anima sensibilis est substantia in brutis animalibus. Non est ergo potentia tantum in homine, cum potentiae sint quaedam proprietates, & accidentia animae.

12. Praeterea. Homo est nobilior animal quam bruta animalia. Sed animal dicitur propter animam sensibilem. Ergo anima sensibilis est nobilior in homine quam in brutis.

brutis animalibus. Sed in brutis animalibus est quædam substantia, & non tantum potentia animæ. Ergo multo magis in homine est quædam substantia per se.

13. Præterea. Impossibile est quod idem secundum substantiam sit corruptibile, & incorruptibile. Sed anima rationalis est incorruptibilis; animæ vero sensibiles, & vegetabiles sunt corruptibiles. Ergo impossibile est quod anima rationalis, sensibilis, & vegetabilis fiat idem secundum substantiam.

14. Sed dicebatur, quod anima sensibilis in homine est incorruptibilis. Sed contra. Corruptibile, & incorruptibile differunt secundum genus, ut dicit Philosophus in X. Metaphyl. (com. xxvi.) Sed anima sensibilis in brutis est corruptibilis. Si igitur in homine anima sensibilis est incorruptibilis, non erit eiudem generis anima sensibilis in homine, & in equo; & ita cum animal dicatur per animam sensibilem, homo, & equus non essent in uno genere animalis; quod patet esse falsum.

15. Præterea. Impossibile est quod idem secundum substantiam sit rationale, & irrationale, quia contradictio non verificatur de eodem. Sed anima sensibilis, & vegetabilis sunt irrationales. Ergo non possunt idem esse in substantia cum anima rationali.

16. Præterea. Corpus est proportionatum animæ. Sed in corpore sunt diversæ principia operationum animæ, quæ vocantur membra principalia. Ergo non est tantum una anima, sed plures.

17. Præterea. Potentiæ animæ naturaliter ab essentia animæ fluunt. Ab uno autem naturaliter non procedit nisi unum. Si ergo anima est una tantum in homine, non procederent ab ea vires quædam passionis organæ, & quædam non animæ.

18. Præterea. Genus sumitur a materia, differentia vero a forma. Sed genus hominis est animal, differentia vero rationale. Cum ergo animal dicatur ab anima sensibili, videtur quod non solum corpus, sed etiam anima sensibilis comparatur ad animam rationalem per modum materiæ. Ergo non sunt idem in substantia anima rationalis, & anima sensibilis.

19. Præterea. Homo & equus conveniunt in animali. Animal autem dicitur per animam sensibilem. Ergo conveniunt in anima sensibili. Sed anima sensibilis in equo non est rationalis. Ergo nec in homine.

20. Præterea. Si anima rationalis, sensibilis, & vegetabilis sint idem secundum

substantiam in homine, oportet quod in quæcumque parte est una earum, sit & alia. Hoc autem est falsum. Nam in ossibus est anima vegetabilis, quia nutriuntur, & augentur; non autem anima sensibilis, quia sine sensu sunt. Ergo non sunt idem secundum substantiam.

Sed contra est quod dicitur in Lib. de eccles. dogmatibus (cap. xv.) *Neque duas animas in uno homine esse dicimus, sicut Laecobus, & alii Syrorum scribunt; & unam animalem qua animetur corpus, & aliam rationalem qua rationi ministrat; sed dicimus unam eandemque animam in homine qua corpus sua societate vivificat, & semetipsam sua ratione disponat.*

Respondeo dicendum, quod circa hanc questionem sunt diversæ opiniones, non solum modernorum, sed etiam antiquorum. Plato enim (Lib. XXXII. in dialogo de natura, & in dialogo de iusto) posuit diversas animas esse in corpore: & hoc quidem consequens erat suis principiis: posuit enim Plato quod anima unitur corpori ut motor, & non ut forma, dicens animam esse in corpore sicut est nauta in navi: ubi autem apparent diversæ actiones secundum genus, oportet ponere diversos motores, sicut in navi alius est qui gubernat, & alius qui remigat. Nec eorum diversitas repugnat unitati navis: quia sicut actiones ordinatæ uniti, ita & motores qui sunt in navi, ordinati sunt, unus sub alio. Et similiter non videtur repugnare unitati hominis, vel animalis, si sint plures animæ in uno corpore, ut motores ordinati sub invicem secundum ordinem operationum animæ. Sed secundum hoc cum es motor, & mobilis non fiat unum simpliciter & per se, homo non esset unum simpliciter & per se, neque animal; neque esset generatio, aut corruptio simpliciter, cum corpus accipit animam, vel amittit. Unde oportet dicere, quod anima unitur corpori non solum ut motor, sed ut forma, ut etiam ex superioribus (art. 8. & 9.) manifestum est. Sed etiam hoc posito, adhuc secundum Platonis principia consequens est quod sint plures animæ in homine, & in animali. Posuerunt enim Platonicæ universalis esse formas separatas, quæ de sensibilibus prædicantur in quantum participata sunt ab eis, utpote Sortes dicitur animal in quantum participat ideam animalis, & homo in quantum participat ideam hominis: & secundum hoc relinquitur quod alia sit forma secundum essentiam, secundum quam Sortes dicitur esse

Ecc

ani-

animal, & alia secundum quam dicitur esse homo. Unde ad hoc sequitur quod anima sensibilis, & rationalis secundum substantiam differant. Sed hoc non potest stare: quia ex diversis actu existentibus non fit aliquid unum per se: quia si de aliquo subiecto prædicatur aliqua secundum diversas formas per se, unum illorum prædicatur de altero per accidens; sicut de Sorte dicitur album secundum albedinem, & musicum secundum musicam: unde musicum de albo secundum accidens prædicatur. Si igitur Sortes dicatur homo, & animal secundum aliam & aliam formam, sequeretur quod hæc prædicatio, *homo est animal*, sit per accidens, & quod homo non sit vere id quod est animal. Contingit tamen secundum diversas formas fieri prædicationem per se, quando habent ordinem ad invicem, ut si dicatur quod habens superficiem est coloratum. Nam color est in substantia mediante superficie. Sed hic modus prædicandi per se non est, quia prædicatum ponitur in definitione subiecti, sed magis & converso. Superficies enim ponitur in definitione coloris sicut numerus in definitione parit. Si ergo hoc modo esset prædicatio per se hominis, & animalis, cum anima sensibilis quasi materialiter ordinetur ad rationem, si diversa sint, sequetur quod animal non prædicabitur per se de homine, sed magis & contrario. Sequetur etiam aliud inconveniens. Ex pluribus enim actu existentibus non fit unum simpliciter, nisi sit aliquid uniens, & aliquo modo ligans ea ad invicem. Sic ergo, si secundum diversas formas Sortes esset animal, & rationale, indigerent hæc duo, ad hoc quod unirentur simpliciter, aliquo quod faceret ea unum. Unde cum hoc non sit assignare, remanebit quod homo non erit unum nisi aggregatione, sicut acervus, qui est secundum quid unum, & simpliciter multus; & ita etiam non erit homo ens simpliciter: quia unumquodque intantum est ens, inquantum est unum. Iterum aliud inconveniens sequitur. Cum enim genus sit substantiale prædicarum, oportet quod forma secundum quam individuum substantię recipit prædicationem generis, sit forma substantialis; & ita oportet quod anima sensibilis, secundum quam Sortes dicitur animal, sit forma substantialis in eo; & sic necesse est quod det esse simpliciter corpori, & faciat ipsum hoc aliquid. Anima ergo rationalis, si est alia secundum substantiam, non facit hoc aliquid, nec esse simpliciter, sed solum esse secundum quid, cum adveniat

rei iam subsistenti: unde non erit forma substantialis sed accidentalis; & sic non dabit speciem Sorti, cum etiam species sit prædicatum substantiale. Relinquitur ergo quod in homine sit tantum una anima secundum substantiam, quæ est rationalis, sensibilis, & vegetabilis: & hoc consequens est ei, quod in precedentibus (art. 9. huius quest. & quest. præc. art. 3.) ostendimus de ordine formarum substantialium, scilicet quod nulla forma substantialis unitor materiæ mediante alia forma substantiali; sed forma perfectior dat materiæ quicquid dabit forma inferior, & adhuc amplius. Unde anima rationalis dat corpori humano quicquid dat anima sensibilis brutis, vegetabilis plantis, & ulterius aliquid: & propter hoc ipsa est in homine & vegetabilis, & sensibilis, & rationalis. Huic etiam attestatur, quod cum operatio unius potentię fuerit intentia, impeditur alterius operatio, & e contra fit redundantia ab una potentia in aliam: quod non esset, nisi omnes potentię in una essentia animæ radicaretur.

Ad primum ergo dicendum, quod supposito quod sit tantum una substantia animæ in corpore humano, diversimode ad hoc argumentum responderetur a diversis. Quidam enim dicunt, quod in embryone ante animam rationalem non est anima, sed quedam virtus procedens ab anima parentis, & ab huiusmodi virtute sunt operationes quæ in embryone apparent; quæ dicitur virtus formativa. Sed hoc non est omnino verum: quia in embryone apparet non solum formatio corporis, quæ potest attribui prædictæ virtuti, sed etiam aliæ operationes, quæ non possunt attribui nisi animæ, ut augeri, sentire, & huiusmodi. Postea tamen hoc sustineri, si prædictum principium activum in embryone pro tanto diceretur virtus animæ, non anima, quia nondum est anima perfecta, sicut nec embryo est animal perfectum. Sed tunc eadem remanebit difficultas. Dicunt enim aliqui, quod primo in embryone sit anima vegetabilis quam sensibilis, & sensibilis quam rationalis, non tamen est alia & alia: sed primo quidem reducitur semen in actum animæ vegetabilis per principium activum, quod est in semine; quæ quidem anima in processu temporis magis ad ulteriorem producit perfectionem per processum generationis, & ipsamet fit anima sensibilis; quæ quidem ulterius producit in maiorem perfectionem a principio extrinseco, & fit anima rationalis. Sed secundum hanc positionem

nem sequetur quod ipsa substantia animæ rationalis sit a principio activo quod est in femine; sed alia perfectio adveniat ibi ultimo a principio extrinseco; & ita sequeretur quod anima rationalis secundum suam substantiam sit corruptibilis: non enim potest esse incorruptibile quod a virtute quæ est in femine causatur. Et ideo aliter dicendum est, quod generatio animalis non est tantum una generatio simplex; sed succedunt sibi invicem multæ generationes, & corruptiones, sicut dicitur quod primo habet formam feminis, & secundo formam sanguinis, & sic deinceps quousque perficiatur generatio: & ideo cum corruptio, & generatio non sint sine abiectione, & additione formæ, oportet quod forma imperfecta quæ prius iterat, abiciatur, & perfectior inducatur; & hoc quousque conceptum habeat formam perfectam. Et ideo dicitur, quod anima vegetabilis prius est in femine; sed illa abicitur in processu generationis, & succedit illa, quæ non solum est vegetabilis, sed etiam sensibilis. Ad istam iterum additur alia quæ simul est vegetabilis, sensibilis, & rationalis.

Ad secundum dicendum, quod virtus quæ est in femine a patre, est virtus permanens ab intrinseco, non fluens ab extrinseco, sicut virtus moventis quæ est in proiectis: & ideo quantumcumque pater distet secundum locum, virtus quæ est in femine, operatur. Non enim virtus activa quæ est in femine, potest esse a matre, licet hoc quidam dicant, quod femina non est principium activum, sed passivum. Tamen quantum ad aliquid est simile: sicut enim virtus prolicientis, quæ est foeta, movet motu locali usque ad determinatam distantiam loci, ita virtus generantis movet motu generationis usque ad determinatam formam.

Ad tertium dicendum, quod illa virtus habet rationem animæ, ut dictum est: & ideo ab ea embryo potest dici animal.

Et similiter dicendum ad quartum, quintum, sextum, septimum, & octavum.

Ad nonum dicendum, quod sicut anima est in embryone in actu, sed imperfecte, ita operatur secundum operationes imperfectas.

Ad decimum dicendum, quod licet anima sensibilis in brutis sit ab intrinseco, tamen in homine substantia animæ, quæ est simul vegetabilis, sensibilis, & rationalis, est ab extrinseco, ut iam dictum est.

Ad undecimum dicendum, quod anima

sensibilis non est accidens in homine, sed substantia, cum sit idem in substantia cum anima rationali; sed potentia sensitiva est accidens in homine, sicut & in aliis animalibus.

Ad duodecimum dicendum, quod anima sensibilis est nobilior in homine quam in aliis animalibus: quia in homine non tantum sensibilis est, sed etiam rationalis.

Ad decimumtertium dicendum, quod anima sensibilis in homine secundum substantiam est incorruptibilis, cum eius substantia sit substantia animæ rationalis; licet forte potentia sensitivæ, quæ sunt actus corporis, non remaneant post corpus, ut quibusdam videtur.

Ad decimumquartum dicendum, quod si anima sensibilis quæ est in brutis, & anima sensibilis quæ est in homine, collocarentur secundum se in genere, vel specie, non essent unius generis; nisi forte logice loquendo secundum aliquam intentionem communem. Sed id quod est in genere, & specie proprie, est compositum, quod utrobique est corruptibile.

Ad decimumquintum dicendum, quod anima sensibilis in homine non est anima irrationalis, sed est anima sensibilis, & rationalis simul. Sed verum est quod potentia animæ sensitivæ, quædam quidem sunt irrationales secundum se, sed participant rationem secundum quod obediunt rationi; potentia autem animæ vegetabilis sunt penitus irrationabiles, quia non obediunt rationi, ut patet per Philosophum in I. Ethicorum. (cap. ult.)

Ad decimumsextum dicendum, quod licet sint plura principalia membra in corpore, in quibus manifestantur principia quarundam operationum animæ, tamen omnia dependent a corde sicut a primo principio corporali.

Ad decimumseptimum dicendum, quod ab anima humana in quantum unitur corpori, effluunt vires affixæ organis; in quantum vero excedit sua virtute corporis capacitatem, effluunt ab ea vires non affixæ organis.

Ad decimumoctavum dicendum, quod sicut ex superioribus questionibus patet, ab una & eadem forma materia recipit diversos gradus perfectionis; & secundum quod materia perficitur inferiori gradu perfectionis, remanet adhuc materialis dispositio ad ulterioris perfectionis gradum: & sic secundum

Ecc 2 dum

dum quod corpus perficitur in esse sensibili ab anima humana, remanet adhuc ut materiale respectu ulterioris perfectionis : & secundum hoc animal, quod est genus, sumitur a materia ; & rationale, quod est differentia, sumitur a forma .

Ad decimumnonum dicendum, quod sicut animal, inquantum animal, neque est rationale, neque irrationale ; sed ipsum animal rationale est homo, animal vero irrationale est animal brutum : ita anima sensibilis, inquantum huiusmodi, neque rationalis, neque irrationalis est ; sed ipsa anima sensibilis in homine est rationalis, in brutis vero irrationalis.

Ad vicimum dicendum, quod licet una sit anima sensibilis, & vegetabilis, non tamen oportet quid in quocumque apparet operatio unius, appareat operatio alterius ; propter diversam partium dispositionem : ex quo etiam contingit quod nec omnes operationes animæ sensibiles exercentur per unam partem ; sed visus per oculum, auditus per aures, & sic de aliis .

ARTICULUS XII.

Utrum anima sit sua potentia.

In P. quaest. lxxvii. art. 1.

DUODECIMO queritur, utrum anima sit sua potentia . Et videtur quod sic . Dicitur enim in Lib. de spiritu & anima (cap. xiiii. a med.) *Anima habet sua naturalia, & illa omnia est : potentia namque atque vires eius idem sunt quod ipsa . Habet accidentia, & illa non sunt suae vires, & suae virtutes non sunt : non est enim sua prudentia, sua temperantia, sua iustitia, sua fortitudo .* Ex hoc expresse videtur haberi quod anima sit suae potentia .

2. Praeterea . In eodem Lib. (cap. xiiii. in princ.) dicitur : *Anima secundum sui operis officium variis nuncupatur nominibus : dicitur namque anima dum vegetat, sensus dum sentit, animus dum sapit, mens dum intelligit, ratio dum discernit, memoria dum recordatur, voluntas dum vult . Illa tamen non differunt in substantia, quemadmodum in nominibus : quoniam omnia ista sunt anima .* Ex hoc etiam idem habetur quod prius .

3. Praeterea . Bernardus dicit (Lib. meditat. cap. 1.) *Tria quaedam intus in anima, memoriam, intelligentiam, & voluntatem ; & haec tria esse ipsum animam .* Sed ea-

dem ratio est etiam de aliis potentiis animæ . Ergo anima est suae potentia .

4. Praeterea . Augustinus dicit in VI. de Trin. (Lib. X. cap. xi.) quod memoria, intelligentia, & voluntas sunt una vita, una essentia . Sed non nisi essentia animæ . Ergo potentia animæ sunt idem quod eius essentia .

5. Praeterea . Nullum accidens excedit suum subiectum . Sed memoria, intelligentia, & voluntas excedunt animam : non enim sui solum anima meminit, neque se solum intelligit, & vult, sed etiam alia . Ergo haec tria non sunt accidentia animæ : sunt igitur idem quod essentia animæ, & eadem ratione aliae potentiae .

6. Praeterea . Secundum haec tria attenditur imago Trinitatis in anima . Sed anima est ad imaginem Trinitatis secundum se ipsam, & non solum secundum eius accidentia . Ergo praedictae potentiae non sunt accidentia animæ : sunt igitur de essentia eius .

7. Praeterea . Accidens est quod potest adesse, & abesse praeter subiecti corruptionem . Sed potentiae animæ non possunt abesse . Ergo non sunt accidentia animæ ; & sic idem quod prius .

8. Praeterea . Nullum accidens est principium substantialis differentiae : quia differentia complet definitionem rei, quae significat quid est res . Sed res potentiae animæ sunt principia differentiarum substantialium : sensibile enim dicitur secundum sensum, rationale secundum rationem . Ergo potentiae non sunt accidentia animæ, sed sunt ipsa anima, quae est forma corporis : nam forma est principium substantialis differentiae .

9. Praeterea . Forma substantialis est virtuosior quam accidentalis . Sed accidentalis a seipsa agit, & non per aliam potentiam mediam . Ergo & substantialis . Cum igitur anima sit forma substantialis, potentiae quibus agit, non sunt aliud quam ipsa .

10. Praeterea . Idem est principium essendi, & operandi . Sed anima secundum se ipsam est principium essendi, quia secundum suam essentiam est forma . Ergo sua essentia est principium operandi . Sed potentia nihil est aliud quam principium operandi . Essentia igitur animæ est eius potentia .

11. Praeterea . Substantia animæ, inquantum est in potentia ad intelligibilia, est intellectus possibilis ; inquantum autem est actu,

actu, est agens. Sed esse actu, & esse in potentia non significant aliud quam ipsam rem quae est in potentia, & in actu. Ergo anima est intellectus agens, & possibilis; & eadem ratione est suae potentiae.

12. Præterea. Sicut materia prima est in potentia ad formas sensibiles, ita anima intellectiva est in potentia ad formas intelligibiles. Sed materia prima est sua potentia. Ergo anima intellectiva est sua potentia.

13. Præterea. Philosophus in Lib. Ethic. (IX. cap. 1v.) dicit, quod homo est intellectus. Sed hoc non est nisi ratione animæ rationalis. Ergo anima est intellectus; & eadem ratione est etiam suae potentiae.

14. Præterea. Philosophus in II. de Anima (com. vi.) dicit, quod anima est aëlis primus, sicut scientia. Sed scientia est immediatum principium actus secundi, qui est considerare. Ergo anima est immediatum principium operationum suarum. Sed immediatum principium operationis dicitur potentia. Ergo anima est suae potentiae.

15. Præterea. Omnes partes sunt confubstantiales toti, quia totum consistit ex partibus. Sed potentiae animæ sunt partes eius, ut patet in II. de Anima (com. ix.) Ergo sunt substantiales animæ, & non sunt accidentia.

16. Præterea. Forma simplex non potest esse subiectum. Sed anima est forma simplex, ut supra (art. 6.) ostensum est. Ergo non potest esse subiectum accidentium. Potentiae ergo quae sunt in anima, non sunt eius accidentia.

17. Præterea. Si potentiae sunt accidentia animæ, oportet quod ab essentia eius fluant: accidentia enim propria causantur ex principiis subiecti. Sed essentia animæ, cum sit simplex, non potest esse causa tantæ diversitatis accidentium, quantum apparet in potentiis animæ. Potentiae igitur animæ non sunt eius accidentia. Relinquitur ergo quod ipsa anima sit suae potentiae.

Sed contra. Sicut se habet essentia ad esse, ita posse ad agere. Ergo permutatim sicut se habent esse, & agere ad invicem; ita se habent potentia, & essentia. Sed in solo Deo idem est esse, & agere. Ergo in solo Deo idem est potentia, & essentia. Anima ergo non est suae potentiae.

Præterea. Nulla qualitas est substantia. Sed potentia naturalis est quaedam species qualitatis, ut patet in prædicamentis. Ergo potentiae naturales animæ non sunt ipsae essentiae animæ.

Respondeo dicendum, quod circa hanc quaestionem sunt diversae opiniones. Quidam enim dicunt, quod anima est suae potentiae; alii vero hoc negant dicentes, potentiam animæ esse quasdam proprietates ipsius. Et ut harum opinionum diversitas cognoscatur, sciendum, quod potentia nihil aliud est quam principium operationis alicuius, sive sit aëlis, sive passio: non quidem principium quod est subiectum agens, aut patiens; sed id quo agens agit, aut patiens patitur: sicut ars edificativa est potentia in edificatore, qui per eam aedificat, & calor in igne, qui calore calefacit, & hecum est potentia in lignis, quia secundum hoc sunt combustibilia. Ponentes igitur quod anima sit suae potentiae, hoc intelligunt, quod ipsa essentia animæ sit principium immediatum omnium operationum animæ, dicentes, quod homo per essentiam animæ intelligit, sentit, & alia huiusmodi operatur, & secundum diversitatem operationum diversis nominibus nominatur: sensus quidem inquantum est principium sentiendi, intellectus autem inquantum est intelligendi principium, & sic de aliis; utpote si ignis calorem nominaremus potentiam liquefacivam, calefacivam, & desiccativam, quia hæc omnia operatur. Sed hæc opinio stare non potest. Primo quidem quia unumquodque agit secundum quod actu est, illud scilicet quod agit: ignis enim calefacit non inquantum actu est lucidum, sed inquantum est actu calidum: & exinde est quod omne agens agit sibi simile. Unde oportet quod ex eo quod agitur, consideretur principium quod agitur: oportet enim utriusque esse conformem. Unde in II. Physic. (com. lxx.) dicitur, quod forma, & generans sunt idem specie. Cum ergo id quod agit, non pertinet ad esse substantiale rei, impossibile est quod principium quo agit, sit aliquid de essentia rei: & hoc manifeste apparet in agentibus naturalibus. Quia enim agens naturale in generatione agit transmutando naturam ad formam, quod quidem fit secundum quod materia primo disponitur ad formam, & tandem consequitur formam, secundum quod generatio est terminus alterationis: necesse est quod ex parte agentis id quod immediate agit, sit forma accidentalis correspondens dispositioni materiae; sed oportet ut forma accidentalis agat in virtute formæ substantialis, quasi instrumentum eius; alias non induceret agendo formam substantialem. Et propter hoc in elementis non apparent aliqua principia actionum, nisi

nisi qualitates activæ, & passivæ, quæ tamen agunt in virtute formarum substantiarum: & propter hoc earum actio non solum terminatur ad dispositiones accidentales, sed etiam ad formas substantiales. Nam & in artificialibus actio instrumenti terminatur ad formam intentam ab artifice. Si vero est aliquid agens quod directe & immediate sua actione producat substantiam, sicut nos dicimus de Deo, qui creando producit rerum substantias, & sicut Avicenna dicit (Lib. VIII. Metaph. cap. VII. & Lib. IX. cap. V.) de intelligentia agente, a qua secundum ipsum fluunt formæ substantiales in istis inferioribus; huiusmodi agens agit per suam essentiam: & sic non erit in eo aliud potentia activa, & eius essentia. De potentia vero passiva manifestum est quod potentia passiva quæ est ad actum substantialem, est in genere substantiæ, & quæ est ad actum accidentalem, est in genere accidentis per reductionem, sicut principium, & non sicut species completa: quia unumquodque genus dividitur per potentiam, & actum. Unde potentia homo est in genere substantiæ, & potentia alium est in genere qualitatis. Manifestum est autem quod potentia animæ, sive sint activæ, sive passivæ, non dicuntur directe per respectum ad aliquid substantiale, sed ad aliquid accidentale: & similiter esse intelligens, vel sentiens actu, non est esse substantiale, sed accidentale, ad quod ordinatur intellectus, & sensus: & similiter esse magnum, vel parvum, ad quod ordinatur vis augmentativa. Generativa vero potentia, & nutritiva ordinantur quidem ad substantiam producendam, vel conservandam, sed per transmutationem materię: unde talis actio, sicut & aliorum agentium naturalium, fit a substantia mediante principio accidentali. Manifestum est ergo quod ipsa essentia animæ non est principium immediatum suorum operationum; sed operatur mediatis principijs accidentalibus: unde potentia animæ non sunt ipsa essentia animæ, sed proprietates eius. Deinde hoc apparet ex ipsa diversitate actionum animæ, quæ sunt genere diversæ, & non possunt reduci ad unum principium immediatum; cum quædam earum sint actiones, & quædam passionēs, & aliis huiusmodi differentiis differant; quæ oportet attribui diversis principijs. Et ita cum essentia animæ sit unum principium, non potest esse immediatum principium omnium suarum actionum; sed oportet quod habeat plures, & diversas

potentias correspondentes diversitati suarum actionum: potentia enim ad actum dicitur correlative: unde secundum diversitatem actionum oportet esse diversitatem potentiarum. Et inde est quod Philosophus in VI. Ethic. (cap. I. & IX.) dicit, quod scientificum animæ quod est necessarium, & ratiocinativum quod est contingentium, sunt diversæ potentie: quia necessarium, & contingens genere differunt.

Ad primum ergo dicendum, quod liber iste de spiritu & anima, non est Augustini, sed dicitur cuiusdam Cisterciensis fuisse: nec est multum curandum de his quæ in eo dicuntur. Si tamen sustineatur, potest dici, quod anima est suæ potentie, vel suæ vires, quia sunt naturales proprietates eius. Unde in eodem Lib. dicitur, quod omnes potentie sunt una anima, proprietate quidem diversæ, sed potentia una: & est similis modus dicendi, sicut si diceretur, quod calidum, lucidum, & leve sunt unus ignis.

Et similiter dicendum ad secundum, tertium, & quartum.

Ad quintum dicendum, quod accidens non excedit subiectum in essendo, excedit tamen in agendo: calor enim ignis exteriora calefacit: & secundum hoc potentie animæ excedunt ipsam, inquantum anima intelligit, & diligit non solum se, sed etiam alia. Augustinus autem inducit hanc rationem comparans nositiam, & amorem ad mentem, non ut ad cognoscentem, & ad amantem, sed ut ad cognitum, & amatum. Si enim secundum hanc habitudinem compararet ad ipsam ut accideotia ad subiectum, sequeretur quod anima non cognosceret, & amaret nisi se. Unde fortassis secundum hunc intellectum dixit, quod sunt una vita, una essentia: quia notitia in actu est quodammodo cognitum, & amor in actu est quodammodo ipsum amatum.

Ad sextum dicendum, quod imago Trinitatis in anima attenditur non secundum potentiam tantum, sed etiam secundum essentiam: sic enim repræsentatur una essentia in tribus personis, licet deficiat. Si autem anima esset suæ potentie, non esset distinctio potentiarum ab invicem nisi solis nominibus: & sic non repræsentaretur convenienter distinctio personarum quæ est in divinis.

Ad septimum dicendum, quod tria sunt genera accidentium: quædam enim causantur ex principijs speciei; & dicuntur propria, sicut risibile homini: quædam ve-

ro causantur ex principiis individui; & hoc dicitur, quia vel habent causam permanentem in subiecto, & hæc sunt accidentia in separabilia, sicut masculinum, & femininum, & alia huiusmodi; quædam vero habent causam non permanentem in subiecto, & hæc sunt accidentia separabilia, ut sedere, & ambolare. Est autem commune omni accidenti quod non sit de essentia rei, & ita non cadit in definitione rei: unde de re intelligimus quod quid est, absque hoc quod intelligamus aliquid accidentium eius. Sed species non potest intelligi sine accidentibus quæ consequuntur principium speciei; potest tamen intelligi sine accidentibus individui etiam inseparabilibus; sine separabilibus vero esse potest non solum species, sed & individuum. Potentia vero animæ sunt accidentia, sicut proprietates. Unde licet sine illis intelligatur quid est anima, non autem animam sine eis esse est possibile, neque intelligibile.

Ad octavum dicendum, quod sensibile, & rationale secundum quod sunt differentie essentialis, non sumuntur a sensu, & intellectu, sed ab anima sensitiva, & intellectiva.

Ad nonum dicendum, quod quare forma substantialis non sit immediatum principium actionis in agentibus inferioribus, ostensum est (in corp. art.)

Ad decimum dicendum, quod anima est principium operandi, sed primum, non proximum. Operantur enim potentie virtute animæ, sicut & qualitates elementorum in virtute formarum substantialium.

Ad undecimum dicendum, quod ipsa anima est in potentia ad ipsas formas intelligibiles; sed ista potentia non est essentia animæ, sicut nec potentia ad statum quæ est in ære, est essentia æris: esse enim actus, & potentia non sunt de essentia rei, quoniam actus non est essentialis.

Ad duodecimum dicendum, quod materia prima est in potentia ad actum substantialem, qui est forma; & ideo ipsa potentia est ipsa essentia eius.

Ad decimumtertium dicendum, quod homo dicitur intellectus esse, quia intellectus dicitur id quod est potius in homine, sicut civitas dicitur esse rector civitatis; non tamen hoc dictum est, eo quod essentia animæ sit ipsa potentia intellectus.

Ad decimumquartum dicendum, quod similitudo inter animam & scientiam attenditur secundum quod utraque est actus primus, non autem quantum ad omnia: unde

non oportet quod anima sit immediatum principium operationum, sicut scientia.

Ad decimumquintum dicendum, quod potentie animæ non sunt partes essentialis animæ quasi constituentes essentiam eius, sed partes potentiales, quia virtus animæ distinguitur per huiusmodi potentias.

Ad decimumsextum dicendum, quod forma simplex quæ non est subsistens, vel si subsistit, quæ est actus purus, non potest esse subiectum accidentis. Anima autem est forma subsistens, & non est actus purus, loquendo de anima humana: & ideo potest esse subiectum potentialium quarundam, scilicet intellectus, & voluntatis. Potentie autem sensitivæ, & nutritivæ partis sunt in composito sicut in subiecto: quia cuius est actus, eius est potentia, ut patet per Philosophum in Lib. de somn. & vigilia (cap. 1. ante med.)

Ad decimumseptimum dicendum, quod licet anima sit una in essentia, tamen est in ea potentia, & actus, & habet diversam habitudinem ad res; diversimode etiam comparatur ad corpus: & propter hoc ab una essentia animæ possunt procedere diversæ potentie.

ARTICULUS XIII.

Utrum potentia distinguantur per obiecta.

I. P. quæst. lxxvii. art. 3.

Tertiodecimo quaeritur de distinctione potentialium animæ, utrum videlicet distinguantur per obiecta. Et videtur quod non. Quia contraria sunt quæ maxime distant. Sed contrarietas obiectorum non diversificat potentias: eadem enim potentia albi, & nigri est visus. Ergo nulla differentia obiectorum diversificat potentias.

2. Præterea. Magis differunt quæ differunt secundum substantiam, quam quæ differunt secundum accidens. Sed homo, & lapis differunt secundum substantiam; sonus autem, & coloratum differunt secundum accidens. Cum igitur homo, & lapis ad eandem potentiam pertineant, multo magis sonus, & coloratum; & ita nulla differentia obiectorum facit differre potentias.

3. Præterea. Si differentia obiectorum esset causa diversitatis potentialium, oporteret quod unitas obiecti esset causa identitatis in potentiis. Videmus autem quod idem obiectum ad diversas potentias se habet:

idem

idem enim est quod intelligitur, & desideratur: bonum enim intelligibile est obiectum voluntatis. Ergo differentia obiectorum non est causa diversitatis potentialium.

4. Præterea. Ubi est eadem causa, est idem effectus. Si ergo obiecta diversa diversificarent potentias aliquas, oporteret quod diversitatem facerent ubique in potentiis. Hoc autem non videmus: nam quædam obiecta diversa comparantur quidem ad diversas potentias, sicut sonus, & color ad auditum, & visum: & iterum ad unam potentiam, scilicet ad imaginationem, & intellectum. Relinquitur ergo quod differentia obiectorum non sit causa diversitatis potentialium.

5. Præterea. Habitus sunt perfectiones potentialium: perfectibilia enim distinguuntur per perfectiones proprias. Ergo potentie distinguuntur secundum habitus, & non secundum obiecta.

6. Præterea. Omne quod est in aliquo, est in eo per modum recipientis. Sed potentie animæ sunt in organis corporeis: sunt enim actus organorum. Ergo distinguuntur secundum organa corporis, & non secundum obiecta.

7. Præterea. Potentie animæ non sunt ipsa essentia animæ, sed proprietates eius. Proprietates autem rei fluunt ab essentia eius. Ab uno autem non est nisi unum immediate. Ergo una sola potentia animæ est prima fluens ab essentia animæ, & mediante ea fluunt aliæ secundum aliquem ordinem: ergo potentie animæ differant secundum originem, & non secundum obiecta.

8. Præterea. Si potentie animæ sunt diversæ, oportet quod una eorum oriatur ab alia: quia non possunt omnes oriri ab essentia animæ immediate, cum sit una, & simplex. Sed impossibile videtur quod una potentia animæ oriatur ex alia, tum quia omnes potentie animæ sunt simul, tum etiam quia accidens oritur a subiecto: unum autem accidens non potest esse subiectum alterius. Non ergo possunt esse diversæ potentie animæ per diversitatem obiectorum.

9. Præterea. Quanto aliqua substantia est altior, tanto eius virtus est maior, & per consequens minus multiplicata: quia omnis virtus unita plus est infinita quam multiplicata, ut dicitur in Lib. de causis (prop. xvii.) Anima autem inter omnia inferiora est sublimior. Ergo virtus eius est magis una, & tamen ad plura se habens. Non

ergo multiplicatur secundum differentiam obiectorum.

10. Præterea. Si diversitas potentialium animæ est secundum differentiam obiectorum, oportet etiam quod ordo potentialium sit secundum ordinem obiectorum. Hoc autem non videtur: nam intellectus, cuius obiectum est quod quid est, & substantia, est posterior sensui, cuius obiecta sunt accidentia, ut color, & sonus; tactus autem est prior visu, cum tamen visibile sit prius, & communius tangibili. Ergo nec diversitas potentialium est solum secundum differentiam obiectorum.

11. Præterea. Omne appetibile est sensibile, vel intelligibile. Intelligibile autem est perfectio intellectus, & sensibile perfectio sensus. Cum igitur unumquodque appetat naturaliter suam perfectionem, sequitur quod intellectus, & sensus appetant naturaliter omne appetibile. Non igitur oportet ponere potentiam appetitivam præter sensitivam.

12. Præterea. Appetitus non est nisi voluntas irascibilis, & concupiscibilis. Sed voluntas est in intellectu, irascibilis, & concupiscibilis in sensu, ut dicitur in III. de Anima (com. xlii.) Ergo potentia appetitiva non est ponenda præter sensitivam, & intellectivam.

13. Præterea. Philosophus probat in III. de Anima (com. xlviii.) quod principia motus localis in animalibus sunt sensus, sive imaginatio, & intellectus, & appetitus. Sed potentia in animalibus nihil aliud est quam principium motus. Ergo potentia motiva non est præter cognoscitivam, & appetitivam.

14. Præterea. Potentie animæ ordinantur ad aliquid altius quam est natura; alias in omnibus corporibus naturalibus essent vires animæ. Sed potentie quæ attribuantur animæ vegetabili, non videntur ordinari ad aliquid altius quam natura: ordinantur enim ad conservationem speciei per generationem, & conservationem individuorum per nutrimentum, & perfectam quantitatem per augmentum; quæ omnia operatur natura etiam in rebus naturalibus. Non igitur ad huiusmodi ordinandæ sunt potentie animæ.

15. Præterea. Quanto aliqua virtus est altior, tanto una existens ad plura se extendit. Sed virtus animæ est supra virtutem naturæ. Cum igitur natura eadem virtute producat in esse corpus naturale, & de ei debitam quantitatem, & conservet ipsum in esse, videtur hoc fortius quod anima una

virtute

virtute operetur. Non igitur sunt diversae potentiae generativa, nutritiva, & augmentativa.

16. Præterea. Sensus est cognoscitivus accidentium. Sed aliqua alia accidentia magis ad invicem differunt quam sonus, & color, & huiusmodi, quæ sunt non solum in eodem genere qualitatibus, sed etiam in eadem specie, quæ est tertia. Si igitur potentiae distinguuntur secundum differentiam obiectorum, non debentur potentiae animæ distinguui penes huiusmodi accidentia, sed magis penes alia quæ magis distant.

17. Præterea. Cuiuslibet generis est una contrarietas prima. Si igitur penes diversa genera qualitatium possibilem diversificantur potentiae sensitivæ, videtur quod ubicumque sunt diversae contrarietates, sint diversae potentiae sensitivæ. Sed hoc alicubi invenitur: visus enim est albi, & nigri; auditus gravis, & acuti; alicubi vero non: tactus enim est calidi, & frigidi, humidi, & siccis, molli, & duri, & huiusmodi. Ergo potentiae non distinguuntur penes obiecta.

18. Præterea. Memoria non videtur esse alia potentia a sensu: est enim passio primi sensitivi, secundum Philosophum. Obiecta tamen eorum differunt, quia obiectum sensus est præsens, obiectum vero memorie præteritum. Ergo potentiae non distinguuntur penes obiecta.

19. Præterea. Omnia quæ cognoscuntur per sensum, cognoscuntur etiam per intellectum, & alia plura. Si igitur potentiae sensitivæ distinguuntur secundum pluralitatem obiectorum, oportet etiam quod intellectus distinguatur secundum diversas potentias, sicut & sensus; quod patet esse falsum.

20. Præterea. Intellectus possibilis, & agens sunt diversae potentiae, ut supra (art. 3. 4. & 5.) ostensum est. Sed idem est obiectum utriusque. Non igitur potentiae distinguuntur secundum differentiam obiectorum.

Sed contra est quod dicitur in H. de Anima (com. xxxi. r.) quod potentiae distinguuntur per actus, & actus per obiecta.

Præterea. Perfectibilia distinguuntur penes perfectiones. Sed obiecta sunt perfectiones potentialium. Ergo potentiae distinguuntur penes obiecta.

Respondeo dicendum, quod potentia secundum id quod est, dicitur ad actum: unde

S. Th. Oper. Tom. XV.

(a.) *ad animatis,*

de oportet quod per actum designatur potentia, & secundum diversitatem actuum diversificantur potentiae. Actus autem ex obiectis speciem habent: nam si sint actus passivarum potentialium, obiecta sunt activa; si autem sunt activarum potentialium, obiecta sunt ut fines. Secundum autem utrumque horum considerantur species operationis: nam calefacere, & infrigidare distinguuntur quidem secundum quod huius principium est calor, illius autem frigus, & iterum in similes fines terminantur. Nam agens ad hoc agit ut similitudinem suam in aliud inducat. Relinquitur igitur quod secundum distinctionem obiectorum attenditur distinctio potentialium animæ. Oportet tamen attendere distinctionem obiectorum secundum quod obiecta sunt differentie actionum animæ, & non secundum aliud: quia in nullo genere species diversificatur nisi differentibus, quæ per se dividuntur genus. Non enim albo, & nigro distinguuntur species animalis; sed rationali, & irrationali. Oportet autem in actionibus animæ tres gradus considerare. Actio enim animæ transcendit actionem naturæ in rebus (a) inanimatis operantibus; sed hoc contingit quantum ad duo, scilicet quantum ad modum agendi, & quantum ad id quod agitur. Oportet autem quod quantum ad modum agendi omnis actio animæ transcendat operationem, vel actionem naturæ inanimati, quia cum actio animæ sit actio vite, vivum autem est quod seipsum movet ad operandum, oportet quod omnis operatio animæ sit secundum aliquod intrinsecum agens. Sed quantum ad id quod agitur, non omnis actio transcendit actionem naturæ inanimati: oportet enim quod sit, esse naturale, & quæ ad ipsum requiruntur, sic in corporibus inanimatis, sicut in corporibus animatis; sed in corporibus inanimatis sit ab agente extrinseco, in corporibus vero animatis ab agente intrinseco; & huiusmodi sunt actiones ad quas ordinantur potentiae animæ vegetabilis. Nam ad hoc quod individuum producat in esse, ordinatur potentia generativa; ad hoc autem quod quantitatem debitam consequatur, ordinatur vis augmentativa; ad hoc autem quod conservetur in esse, ordinatur vis nutritiva. Hæc autem consequuntur corpora inanimata ab agente naturali extrinseco tantum; & propter hoc prædictæ vires animæ dicuntur naturales. Sunt autem aliae alio-

Fff res

res actiones animæ, quæ transcendunt actiones formarum naturalium, etiam quantum ad id quod agitur, inquantum scilicet in anima sunt nata esse omnia secundum esse immateriale. Est enim anima quodammodo omnia secundum quod est sentiens, & intelligens. Oportet enim esse diversum gradum huiusmodi esse immaterialis. Unus enim gradus est secundum quod in anima sunt res sine propriis materiis; sed tamen secundum singularitatem, & conditiones individuales, quæ consequuntur materiam; & iste est gradus sensus, qui est susceptivus specierum individualium sine materia, sed tamen in organo corporali. Altior autem, & perfectissimus immaterialitatis gradus est intellectus, qui recipit species omnino a materia, & conditionibus materiæ abstractas, & absque organo corporali. Sicut autem per formam naturalem res habet inclinationem ad aliquid, & habet motum, aut actionem ad consequendum id ad quod inclinatur; ita ad formam etiam sensibilem, vel intelligibilem sequitur inclinatio ad rem sive per sensum, sive per intellectum comprehensam; quæ quidem pertinet ad potentiam appetitivam: & iterum oportet consequenter esse motum aliquem per quem perveniat ad rem desideratam, & hoc pertinet ad potentiam motivam. Ad perfectam autem sensus cognitionem, quæ sufficiat animali, quinque requiruntur. Primo quod sensus recipiat speciem a sensibilibus; & hoc pertinet ad sensum proprium. Secundo quod de sensibilibus perceptis diiudicet, & ea ab invicem discernat; quod oportet fieri per potentiam ad quam omnia sensibilia perveniunt, quæ dicitur sensus communis. Tertium est quod species sensibilibus receptæ conserventur. Indiget autem animal apprehensione sensibilibus non solum ad eorum præsentiam, sed etiam postquam abierint, & hoc necessarium est reduci in aliquam potentiam. Nam & in rebus corporalibus aliud principium est recipiendi, & aliud conservandi: nam quæ sunt bene receptibilia, sunt interdum male conservativa. Huiusmodi autem potentia dicitur imaginatio, sive phantasia. Quarto autem requiruntur intentiones aliquæ, quas sensus non apprehendit, sicut nocivum, & utile, & alia huiusmodi. Et ad hæc quidem cognoscenda pervenit homo inquirendo, & conferendo; alia vero animalia quodam naturali instinctu, sicut ovis naturaliter fugit lupum tantum nocivum: unde ad hoc in aliis animalibus ordinatur aestimativa naturalis, in

homine autem vis cogitativa, quæ est collativa intentionum particularium: unde & ratio particularis dicitur, & intellectus passivus. Quinto autem requiritur quod ea quæ prius fuerunt apprehensa per sensus, & interius conservata, iterum ad actualem considerationem revocentur. Et hoc quidem pertinet ad rememorativam virtutem, quæ in aliis quidem animalibus absque inquisitione suam operationem habet, in hominibus autem cum inquisitione, & studio: unde in hominibus non solum est memoria, sed reminiscencia. Necessè autem fuit ad hoc potentiam ab aliis distinctam ordinari: quia actus aliarum potentialium sensitivarum est secundum motus a rebus ad animam; actus autem memorativæ potentie est e contrario secundum motum ab anima ad res: diversi autem motus diversa principia motiva requirunt; principia autem motiva potentie dicuntur. Quia vero sensus proprius, qui est primus in ordine sensitivarum potentialium, immediate a sensibilibus immutatur, necessè fuit quod secundum diversitatem immutationum sensibilibus in diversas potentias distingueretur. Cum enim sensus sit susceptivus specierum sensibilibus sine materia, necessè est gradum, & ordinem immutationum, quibus immutantur sensus a sensibilibus, accipere per comparisonem ad immateriales immutationes. Sunt igitur quædam sensibilia quorum species licet immaterialiter in sensu recipiantur, tamen etiam materialem immutationem faciunt in animalibus sentientibus. Huiusmodi autem sunt qualitates, quæ sunt principia transmutationum etiam in rebus materialibus, sicut calidum, frigidum, humidum, & siccum, & alia huiusmodi. Quia igitur huiusmodi sensibilia immutant nos etiam materialiter agendo, materialis autem immutatio fit per contactum; necessè est quod huiusmodi sensibilia contingendo sentiantur, propter quod potentia sensitiva comprehendens ea vocatur tactus. Sunt autem quædam sensibilia quæ quidem non materialiter immutant, sed tamen eorum immutatio habet materialem immutationem annexam; quod contingit dupliciter. Uno modo sic quod materialis immutatio annexa sit tam ex parte sensibilibus, quam ex parte sentientis; & hoc pertinet ad gustum: licet enim sapor non immutet organum sensus faciendo ipsum saporosum, tamen hæc immutatio non est sine aliquali transmutatione tam saporosam, quam etiam organi gustus, & præcipue secundum humectationem. Alio modo sic quod

quod transmutatio materialis annexa sit solum ex parte sensibilis. Huiusmodi autem transmutatio vel est secundum resolutionem, & alterationem quamdam sensibilis, sicut accidit in sensu odoratus, vel solum secundum loci mutationem, sicut accidit in auditu: unde auditus, & odoratus, quia sunt sine mutatione materiali sentientis, licet addit materialis mutatio ex parte sensibilis, non tangendo, sed per medium extrinsecum sentiunt; gustus autem solum in tangendo sentit, quia requiritur immutatio materialis ex parte sentientis. Sunt autem alia sensibilia quae immutant sensum absque materiali immutatione annexa, sicut lux, & color, quorum est visus: unde visus est altior inter omnes sensus, & universalior: quia sensibilia ab eo percepta sunt communia corporibus corruptibilibus, & incorruptibilibus. Similiter autem vis appetitiva, quae consequitur apprehensionem sensus, necesse est quod in duo dividatur: quia aliquid est appetibile vel ex ratione quod est delectabilis sensui, & conveniens; & ad hoc est vis concupiscibilis: vel ex ratione quod per hoc habetur potestas fruendi delectabilibus secundum sensum: quod quandoque contingit cum aliquo tristabili secundum sensum, sicut cum animal pugnando adipiscitur quamdam potestatem fruendi proprio delectabili repellendo impedientia; & ad hoc ordinatur vis irascibilis. Vis autem motiva, cum ad motum ordinatur, non diversificatur nisi secundum diversitatem motuum, qui vel competunt diversis animalibus, quorum quaedam sunt reptilia, quaedam volatilia, quaedam gressibilia, quaedam alio modo mobilia; vel etiam secundum diversas partes iusdem animalis: nam singulae partes habent quosdam proprios motus. Gradus autem intellectuales potentiarum similiter distinguuntur in cognoscitivas, & appetitivas. Motiva autem communis est de sensui, & intellectui: nam idem corpus eodem motu movetur ab utroque. Cognitio autem intellectus requirit duas potentias, scilicet intellectum agentem, & possibilem, ut ex superioribus patet. Sic igitur manifestum est quod sunt tres gradus potentiarum animae, scilicet secundum animam vegetabilem, sensitivam, & rationalem. Sunt autem quinque genera potentiarum, scilicet nutritivum, sensitivum, intellectivum, appetitivum, & motivum secundum locum: & horum quodlibet continet sub se potentias plures, ut dictum est.

Ad primum ergo dicendum, quod contraria maxime differunt, sed in eodem genere. Diversitas autem obiectorum secundum genus convenit diversitati potentiarum, quia & genus quodammodo in potentia est, & ideo contraria referuntur ad eandem potentiam.

Ad secundum dicendum, quod licet solus, & color sint diversa accidentia, tamen per se differunt quantum ad immutationem sensus, ut dictum est; non autem homo, & lapis, quia eis eodem modo immutatur sensus: & ideo homo, & lapis differunt per accidens, in quantum sentiuntur, licet differant per se, in quantum sunt substantiae. Nihil enim prohibet differentiam aliquam esse per se comparatam ad unum genus, comparatam vero ad aliud esse per accidens, sicut album, & nigrum per se differunt in genere coloris, non autem in genere substantiae.

Ad tertium dicendum, quod eadem res comparatur ad diversas potentias animae, non secundum eandem rationem obiecti, sed secundum aliam & aliam.

Ad quartum dicendum, quod quanto aliqua potentia est altior, tanto ad plura se extendit: unde habet communem rationem obiecti: & inde est quod quaedam (a) conveniunt in ratione obiecti superioris potentiae, quae distinguuntur in ratione obiecti quantum ad potentias inferiores.

Ad quintum dicendum, quod habitus non sunt perfectiones potentiarum, propter quas sunt potentiae, sed sicut quibus aequaliter se habent ad ea propter quae sunt, id est ad obiecta: unde potentiae non distinguuntur penes habitus, sed penes obiecta; sicut nec artificialia, penes obiecta, sed penes fines.

Ad sextum dicendum, quod potentiae non sunt propter organa, sed magis e converso: unde magis distinguuntur organa penes obiecta quam e converso.

Ad septimum dicendum, quod anima habet aliquem principium finem, sicut anima humana bonum intelligibile; habet autem & alios fines ordinatos ad hunc ultimum finem, sicut quod sensibile ordinatur ad intelligibile. Et quia anima ordinatur ad flux obiecta per potentias, sequitur quod etiam potentia sensitiva sit in homine propter intellectivam, & sic de aliis. Sic igitur secundum rationem finis oritur una potentia animae ex alia per comparisonem ad ob-

Ess 2 iecta.

(a) ad. sunt.

iecta : unde potentias animæ distingui per potentias, & obiecta non est contrarium.

Ad octavum dicendum, quod licet accidens non possit esse per se subiectum accidentis, tamen subiectum subicitur uni accidenti mediante alio, sicut corpus colori mediante superficie; & sic unum accidens oritur ex subiecto mediante alio, & una potentia ab essentia animæ mediante alia.

Ad nonum dicendum, quod anima una virtute in plura potest quam res naturalis, sicut visus apprehendit omnia visibilia; sed anima propter sui obilitatem habet multo plures operationes quam res inanimata: unde oportet quod habeat plures potentias.

Ad decimum dicendum, quod ordo potentiarum animæ est secundum ordinem obiectorum. Sed utrobique potest attendi ordo vel secundum perfectionem, & sic intellectus est prior sensu; vel secundum generationis viam, & sic est sensus prior intellectu: quia in generationis via prius inducitur accidentaliter dispositio quam forma substantialis.

Ad undecimum dicendum, quod intellectus quidem naturaliter appetit intelligibile, ut est intelligibile: appetit enim naturaliter intellectus intelligere, & sensus sentire. Sed quia res sensibilis, vel intelligibilis non solum appetitur ad sentiendum, & ad intelligendum, sed etiam ad aliquid aliud: ideo præter sensum, & intellectum necesse est esse appetitivam potentiam.

Ad duodecimum dicendum, quod voluntas est in ratione inquantum sequitur apprehensionem rationis; operatio vero voluntatis pertinet ad eundem gradum operationis potentiarum animæ, sed non ad idem genus: & similiter est dicendum de irascibili, & concupiscibili respectu sensus.

Ad decimotertium dicendum, quod intellectus, & appetitus movent sicut imperantes matrem; sed oportet esse potentiam motivam quæ motum exequatur, secundum quam scilicet membra sequuntur imperium appetitus, & intellectus, vel sensus.

Ad decimumquartum dicendum, quod potentie animæ vegetabilis dicuntur vires naturales, quia non operantur nisi quoad vitam facit in corporibus; sed dicuntur vires animæ, quia altiori modo hoc faciunt, ut supra dictum est.

Ad decimumquintum dicendum, quod res naturalis inanimata simul recipit speciem, & debitam quantitatem; quod non est possibile in rebus viventibus, quas oportet in principio generationis esse modicam quantita-

tem, quia generantur ex semine; & ideo oportet quod præter vim generativam in eis sit vis augmentativa, quæ perducit ad debitam quantitatem. Hoc autem fieri oportet per hoc quod aliquid convertatur in substantiam augmentandi, & sic additur ei. Hæc autem conversio fit per calorem, qui etiam convertit id quod extrinsecus apponitur, & resolvit etiam quod inest. Unde ad conservationem individui, ut continuo restaretur deperditum, & addatur quod deest ad perfectionem quantitatis, & quod necessarium est ad generatioem seminis, necessaria fuit vis nutritiva, quæ deservit & augmentativa, & generativa: & propter hoc individuum conservatur.

Ad decimumsextum dicendum, quod sensus, & color, & huiusmodi differunt secundum diversum modum immutationis sensus, non autem sensibilia diversorum generum: & ideo penes ea non diversificantur potentie sensitivæ.

Ad decimumseptimum dicendum, quod quia contrarietates quarum est tactus cognoscitivus, non reducuntur in aliquod unum genus, sicut diversæ contrarietates quæ possunt considerari circa visibilia, reducuntur in unum genus coloris; ideo Philosophus determinat in II. de Anima (com. lat. lxxi. lxxv.) quod tactus non est unus sensus, sed plures. Sed tamen omnes conveniunt in hoc quod non per medium extrinsecum sentiunt; & omnes dicuntur tactus, ut sit unus sensus genere divisus in plures species. Posset tamen dici, quod esset simpliciter unus sensus, quia omnes contrarietates quarum tactus est cognoscitivus, cognoscuntur per se: cognoscunt enim se invicem, & reducuntur in unum genus, sed est innominatum: nam & genus proximum calidi, & frigidi innominatum est.

Ad decimumoctavum dicendum, quod cum potentie animæ sint proprietates quoddam, per hoc quod dicitur memoria esse passio primi sensitivi, non excluditur quin memoria sit alia potentia a sensu, sed ostenditur ordo eius ad seipsum.

Ad decimumnonum dicendum, quod sensus recipit species sensibilibus in organis corporalibus, & est cognoscitivus particularium; intellectus autem recipit species rerum absque organo corporali, & est cognoscitivus universalium: & ideo aliqua diversitas obiectorum requirit diversitatem potentiarum in parte sensitiva, quæ non requirit diversitatem potentiarum in parte intellectiva. Recipere enim, & retinere in rebus mat-

rialibus non est secundum idem; sed in immaterialibus secundum idem est: & similiter secundum diversos modos immutationis oportet (a.) diversificari sensum, non autem intellectum.

Ad vicesimum dicendum, quod idem obiectum, scilicet intelligibile in actu, comparatur ad intellectum agentem ut factum ab eo; ad intellectum vero possibilem, ut movens ipsum: & sic patet quod non secundum eandem rationem idem comparatur ad intellectum agentem, & possibilem.

ARTICULUS XIV.

Utrum anima humana sit immortalis.

I. Part. quest. lxxv. art. 6.

Quartodecimo queritur de immortalitate animae humanae. Et videtur quod sit corruptibilis. Dicitur enim Eccle. 121. 19. *Unus est interior hominis, & immortalis, & aequa utriusque conditio.* Sed iumentum cum intereunt, interit eorum anima: Ergo cum homo interierit, animae eius corruptitur.

2. Praeterea. Corruptibile, & incorruptibile differunt secundum genus, ut dicitur in X. Metaph. (com. xxvi.) Sed anima humana, & anima iumentorum non differunt secundum genus: quia nec homo a iumentis genere differt. Ergo anima hominis, & anima iumentorum non differunt secundum corruptibile, & incorruptibile. Sed anima iumentorum est corruptibilis. Ergo anima humana non est incorruptibilis.

3. Praeterea. Damascenus dicit (Lib. II. orth. Fidei cap. 112.) quod Angelus est gratia, non natura immortalitatem suscipiens. Sed Angelus non est inferior anima. Ergo anima non est naturaliter immortalis.

4. Praeterea. Philosophus probat in VII. Phys. (com. viii.) quod primum movens est infinita virtutis, quia movet tempore infinito. Si igitur anima habet virtutem durandi tempore infinito, sequitur quod virtus eius sit infinita. Sed virtus infinita non est in essentia finita. Ergo sequitur quod essentia animae sit infinita, si sit incorruptibilis. Hoc autem est impossibile, quia sola essentia divina est infinita. Ergo anima humana non est incorruptibilis.

5. Sed diceretur, quod anima est incor-

ruptibilis non per essentiam propriam, sed per virtutem divinam. Sed contra. Illud quod non competit alicui per essentiam propriam, non est ei essentiale. Sed corruptibile, & incorruptibile essentialiter praedicantur de quibuscumque dicuntur, ut dicit Philosophus in X. Metaph. (com. xxvi.) Ergo si anima est incorruptibilis, oportet quod sit incorruptibilis per essentiam suam.

6. Praeterea. Omne quod est, aut est corruptibile, aut incorruptibile. Si igitur anima humana secundum suam naturam non est incorruptibilis, sequitur quod secundum suam naturam sit corruptibilis.

7. Praeterea. Omne incorruptibile habet virtutem quod sit semper. Si igitur anima humana sit incorruptibilis, sequitur quod habet virtutem quod sit semper. Ergo non habet esse post non esse, quod est contra fidem.

8. Praeterea. Augustinus dicit (Lib. XIX. de civit. Dei cap. xxvi.) quod sicut Deus est vita animae, ita anima est vita corporis. Sed mors est privatio vitae. Ergo per mortem anima privatur, & tollitur.

9. Praeterea. Forma non habet esse nisi in eo in quo est. Si igitur anima est forma corporis, non potest esse nisi in corpore: ergo perit perempto corpore.

10. Sed diceretur, quod hoc est verum de anima secundum quod est forma, non secundum suam essentiam. Sed contra. Anima non est forma corporis per accedens; alioquin cum anima constituit hominem secundum quod est forma corporis, sequeretur quod homo esset ens per accedens. Quicquid autem competit alicui non per accedens, convenit ei secundum suam essentiam. Ergo est forma secundum suam essentiam. Si ergo secundum quod est forma, est corruptibilis, & secundum suam essentiam erit corruptibilis.

11. Praeterea. Quaecumque conveniunt ad unum esse, ita se habent quod corrupto uno corrumpitur aliud. Sed anima, & corpus conveniunt ad unum esse, scilicet ad esse hominis. Ergo corrupto corpore corrumpitur anima.

12. Praeterea. Anima sensibilis, & anima rationalis sunt unum secundum substantiam in homine. Sed anima sensibilis est corruptibilis. Ergo & rationalis.

13. Praeterea. Forma debet esse materiae proportionata. Sed anima humana est in corpore ut forma in materia. Cum igitur cor-

(a.) id. diversificare.

pūs sit corruptibile, & anima erit corruptibilis.

14. Præterea. Si anima potest a corpore separari, oportet quod sit aliqua operatio eius sine corpore, eo quod nulla substantia est otiosa. Sed nulla operatio potest esse animæ sine corpore, neque etiam intelligere, de quo magis videtur: quia non est intelligere sine phantasmate, ut Philosophus dicit (Lib. III. de Anima text. xxx.) phantasma autem non est sine corpore. Ergo anima non potest separari a corpore, sed corrumpitur corrupto corpore.

15. Præterea. Si anima humana sit incorruptibilis, hoc non erit nisi quia est intelligens. Sed videtur quod intelligere non sibi conveniat: quia id quod est supremum inferioris naturæ, imitatur aliquam actionem naturæ superioris, sed ad eam non pervenit; sicut simia imitatur aliquam operationem hominis, non tamen ad eam pertingit: & similiter videtur quod cum homo sit supremum in ordine materialium rerum, imitatur aliquam actionem substantiarum separatarum intellectualium, quæ est intelligere, sed ad eam non perveniat. Nulla igitur necessitas videtur ponendi animam hominis esse immortalem.

16. Præterea. Ad operationem propriam speciei pertinent vel omnia, vel plurima eorum quæ sunt in specie. Sed paucissimi homines perveniunt ad hoc quod sint intelligentes. Ergo intelligere non est propria operatio animæ humanæ; & ita non oportet animam humanam esse incorruptibilem, eo quod sit intellectualis.

17. Præterea. Philosophus dicit in I. Phys. (com. xxxvii.) quod omne finitum consumitur, semper ablato quodam. Sed bonum naturale animæ est finitum bonum. Cum ergo per aliquod peccatum miouatur bonum naturale animæ humanæ, videtur quod tandem totaliter tollatur; & sic anima humana quandoque corrumpitur.

18. Præterea. Ad debilitatem corporis anima debilitatur, ut pater in eius operationibus. Ergo & ad corruptionem corporis anima corrumpitur.

19. Præterea. Omne quod est ex nihilo, est vertibile in nihil. Sed anima humana ex nihilo creata est. Ergo vertibilis est in nihil; & sic sequitur quod anima sit corruptibilis.

20. Præterea. Manente causa manet effectus. Sed anima est causa vite corporis. Si ergo anima semper manet, videtur quod corpus semper vivat; quod patet esse falsum.

21. Præterea. Omne quod est per se subsistens, est hoc aliquid in genere, vel specie collocatum. Sed anima humana, ut videtur, non est hoc aliquid, nec collocatur in specie, vel genere tamquam individuum, vel species, cum sit forma: esse enim in genere, vel specie convenit compositio, non materię, neque formæ, oīsi per reductionem. Ergo anima humana non est per se subsistens; & ita corrupto corpore remanere non potest.

Sed contra est quod dicitur Sapient. 17. 23. *Deus fecit hominem inextinguibilem, & ad imaginem suam similitudinis fecit illum.* Ex quo potest accipi quod homo est inextinguibilis, id est incorruptibilis, secundum quod est ad imaginem Dei. Est autem ad imaginem Dei secundum animam, ut Augustinus dicit in Lib. de Trinit. (Lib. X. cap. 1.) Ergo anima humana est incorruptibilis.

Præterea. Omne quod corrumpitur, habet contraria, vel est ex contrariis compositum. Sed anima humana est omnino absque contrarietate: quia illa etiam quæ sunt contraria in se, in anima non sunt contraria, rationes enim contrariorum in anima contrariæ non sunt. Ergo anima humana est incorruptibilis.

Præterea. Corpora celestia dicuntur esse incorruptibilia, quia non habent materiam qualem generabilia, & corruptibilia. Sed anima humana omnino est immaterialis; quod patet ex hoc quod rerum species immaterialiter recipit. Ergo anima est incorruptibilis.

Præterea. Philosophus dicit (Lib. II. de Anima text. xxi.) quod intellectus separatur sicut perpetuum a corruptibili. Intellectus autem est pars animæ, ut ipse dicit. Ergo anima humana est incorruptibilis.

Respondeo dicendum, quod necesse est omnino animam humanam incorruptibilem esse. Ad cuius evidentiam considerandum est, quod id quod per se consequitur ad aliquid, non potest removeri ab eo; sicut ab homine non removetur quod sit animal; neque a numero quod sit par, vel impar. Manifestum est autem quod esse per se consequitur formam: unumquodque enim habet esse secundum propriam formam: unde esse a forma nullo modo separari potest. Corruptuntur igitur composita ex materia & forma per hoc quod amittunt formam ad quam consequitur esse. Ipsa autem forma per se corrumpi non potest; sed per accedens.

dens corrupto composito corrumpitur, inquantum deficit esse compositi quod est per formam; si forma sit talis quae non sit habens esse, sed sit solum quod compositum est. Si ergo sit aliqua forma quae sit habens esse, necesse est illam formam incorruptibilem esse. Non enim separatur esse ab aliquo habente esse, nisi per hoc quod separatur forma ab eo: unde si id quod habet esse, sit ipsa forma, impossibile est quod esse separatur ab eo. Manifestum est autem quod principium quo homo intelligit, est forma habens esse in se, & non solum sicut quod aliquid est. Intelligere enim, ut Philosophus probat in III. de Anima (com. vi.) non est actus expletus per organum corporale. Non enim posset inveniri aliquod organum corporale quod esset receptivum omnium naturarum sensibilibus, praeterquam quia recipiens debet esse denudatum a natura recepti, sicut pupilla caret colore. Omne autem organum corporale habet naturam aliquam sensibilem. Intellectus vero quo intelligimus, est cognoscitivus omnium sensibilibus naturarum; unde impossibile est quod eius operatio, quae est intelligere, exerceatur per aliquod organum corporale. Unde apparet quod intellectus habet operationem per se, in qua non communicat corpus. Unumquodque autem operatur secundum quod est quae enim per se habent esse, per se operantur; quae vero per se non habent esse, non habent per se operationem; non enim calor per se calefacit, sed calidum. Sic igitur patet quod principium intellectivum quo homo intelligit, habet esse elevatum supra corpus, non dependens a corpore. Manifestum est etiam quod huiusmodi intellectivum principium non est aliquid ex materia & forma compositum, quia species omnino recipiuntur in ipso immaterialiter; quod declaratur ex hoc quod intellectus est universalium, quae considerantur in abstractione a materia, & a materialibus conditionibus. Relinquitur ergo quod principium intellectivum quo homo intelligit, sit forma habens esse: unde necesse est quod sit incorruptibilis. Et hoc est quod etiam Philosophus dicit (Lib. III. de Anima com. x.) quod intellectus est quoddam divinum, & perpetuum. Ostensum est autem in praecedentibus questionibus quod principium intellectivum quo homo intelligit, non est aliqua substantia separata, sed est aliquid formaliter inherens homini, quod est anima, vel pars animae. Unde relinquitur ex praedictis quod anima

humana sit incorruptibilis. Omnes enim qui posuerunt animam humanam corrumpi, interemerunt aliquid praemissorum. Quidam enim animam ponentes esse corpus, posuerunt eam non esse formam, sed aliquid ex materia & forma compositum. Alii vero ponentes intellectum non differre a sensu, posuerunt per consequens quod non habet operationem nisi per organum corporale, & sic non habet esse elevatum supra corpus: unde non est forma habens esse. Alii vero posuerunt intellectum quo homo intelligit, esse substantiam separatam. Quae omnia in superioribus ostensa sunt esse falsa. Unde relinquitur animam humanam esse incorruptibilem. Signum autem huius ex duobus accipi potest. Primo quidem ex parte intellectus, quia ea etiam quae sunt in seipsis corruptibilia, secundum quod intellectus percipiuntur, incorruptibilia sunt. Est enim intellectus apprehensivus rerum in universali, secundum quem modum non accidit eis corruptio. Secundo ex naturali appetitu, qui in nulla re frustrari potest. Videmus enim in hominibus appetitum esse perpetuitatis: & hoc rationaliter, quia cum ipsum esse secundum se sit appetibile, oportet quod ab intelligenti qui apprehendit esse simpliciter, & non hic & nunc, appetatur esse simpliciter, & secundum omne tempus. Unde videtur quod iste appetitus non sit inanis; sed quod homo secundum animam intellectivam sit incorruptibilis.

Ad primum ergo dicendum, quod Salomon in Lib. Eccle. loquitur quasi concionator, nunc ex persona sapientum, nunc ex persona stultorum; verbum autem inductum loquitur ex persona stultorum. Vel potest dici, quod unus dicitur interitus hominis, & iumentorum, quantum ad corruptionem compositi, quae utrobique est per separationem animae a corpore; licet post separationem anima humana remaneat, non autem anima iumentorum.

Ad secundum dicendum, quod si anima humana, & anima iumentorum per se collocarentur in genere, sequeretur quod diversorum generum essent secundum naturalem generis considerationem: sic enim corruptibile, & incorruptibile necesse est genere differre, licet in aliqua ratione communis possent convenire; ex quo & in unogenere possunt esse secundum logicam considerationem. Nunc autem anima non est in genere sicut species, sed sicut pars speciei. Utrumque autem compositum corruptibile est, tam illud cuius pars est anima huma-

na, quam illud cuius pars est anima sustentum : & propter hoc nihil prohibet ea esse unius generis.

Ad tertium dicendum, quod, sicut dicit Augustinus vera immortalitas est vera immutabilitas. Immutabilitatem autem quæ est secundum electionem, ne scilicet de bono in malum mutari possint, tam anima, quam Angelus habent per gratiam.

Ad quartum dicendum, quod esse comparatur ad formam sicut per se consequens ipsam, non autem sicut effectus ad virtutem agentis, ut puta motus ad virtutem moventis. Licet ergo quod aliquid possit movere infinito tempore, demonstraret infinitatem virtutis moventis; tamen quod aliquid possit esse tempore infinito, non demonstrat infinitatem formæ, per quam aliquid est, sicut nec hoc quod dualitas semper est par, ostendit infinitatem ipsius. Magis autem hoc quod aliquid est tempore infinito, demonstrat virtutem infinitam eius quod est causa efficiendi.

Ad quintum dicendum, quod corruptibile, & incorruptibile sunt essentialia prædicata, quia consequuntur essentiam, sicut principium formale, vel materiale, non autem sicut principium activum; sed principium activum perpetuitatis aliquorum est extrinsecus.

Et per hoc patet solutio ad sextum.

Ad septimum dicendum, quod anima habet virtutem ut sit semper; sed illam virtutem non semper habuit: & ideo non oportet quod semper fuerit, sed quod in futurum nunquam deficiat.

Ad octavum dicendum, quod anima dicitur forma corporis, in quantum est causa vitæ, sicut forma est principium efficiendi: vivere enim viventibus est esse, ut dicit Philosophus in II. de Anima (comm. xxxvii.)

Ad nonum dicendum, quod anima est talis forma, quæ habet esse non dependens ab eo cuius est forma; quod operatio ipsius ostendit, ut dictum est (art. 8. & p.)

Ad decimum dicendum, quod licet anima per suam essentiam sit forma, tamen aliquid potest ei competere in quantum est talis forma, scilicet forma subsistens, quod non competit ei in quantum est forma; sicut intelligere non convenit homini in quantum est animal, licet homo sit animal secundum suam essentiam.

Ad undecimum dicendum, quod licet anima, & corpus conveniat ad unum esse hominis, tamen illud esse est corpori ab a-

nima, ita quod anima humana esse suum in quo subsistit, corpori communicat, ut ex præmissis questionibus ostensum est: & ideo remoto corpore adhuc remanet anima.

Ad duodecimum dicendum, quod anima sensibilis in brutis corruptibilis est; sed in homine, cum sit eadem in substantia cum anima rationali, incorruptibilis est.

Ad decimotertium dicendum, quod corpus humanum est materia animæ humanæ proportionata quantum ad operationes eius; sed corruptio, & alii defectus accidunt ex necessitate materie, ut supra (art. 8.) ostensum est. Vel potest dici, quod corruptio advenit corpori ex peccato, non ex prima institutione nature.

Ad decimumquartum dicendum, quod hoc quod dicit Philosophus, quod non est intelligere sine phantasmate, intelligitur quantum ad statum præsentis vitæ, in quo homo intelligit per animam; alius autem modus erit intelligendi animæ separatæ.

Ad decimumquintum dicendum, quod licet anima humana non pertingat ad illud modum intelligendi quo substantiæ superiores intelligunt, pervenit tamen ad intelligendum aliquo modo, qui sufficit ad incorruptibilitatem eius ostendendam.

Ad decimumsextum dicendum, quod licet pauci perveniant ad perfectè intelligendum, tamen ad aliquatè intelligendum omnes perveniunt. Manifestum est enim quod prima demonstrationis principia sunt communes animi conceptiones, quæ intellectu percipiuntur.

Ad decimumseptimum dicendum, quod peccatum gratiam totaliter tollit; nihil autem removet de rei essentia; removet tamen aliquid de inclinatione, sive habilitate ad gratiam: & in quantum quodlibet peccatum de contraria dispositione inducit, dicitur aliquid de bono nature adimere, quod est habilitas ad gratiam. Numquam tamen totum bonum nature tollitur, quia semper remanet potentia sub contrariis dispositionibus, licet magis ac magis elongata ab actu.

Ad decimumoctavum dicendum, quod anima non debilitatur debilitato corpore, nec etiam sensitiva, ut patet per id quod Philosophus dicit in I. de Anima (comm. lxxv.) quod si senex accipiat oculum juvenis, videbit utique sicut & juvenis. Ex quo manifestum est quod debilitas actionis non accidit propter debilitatem animæ, sed organum.

Ad decimumnonum dicendum, quod id quod est ex nihilo, vertibile est in nihil, nisi manu gubernantis conservetur; sed ex hoc non dicitur aliquid corruptibile, sed ex eo quod habet in se aliquod principium corruptionis: & sic corruptibile, & incorruptibile sunt praedicata essentialia.

Ad viciesimum dicendum, quod licet anima, quae est causa vitae, sit incorruptibilis, tamen corpus, quod recipit vitam ab anima, est subiectum transmutationis; & per hoc recedit a dispositione per quam est aptum ad recipiendum vitam; & sic incidit corruptio hominis.

Ad viciesimumprimum dicendum, quod anima licet per se possit esse, non tamen per se habet speciem, cum sit pars speciei.

ARTICULUS XV.

Utrum anima separata a corpore possit intelligere.

I. Part. quaest. lxxxix. art. 3.

Quintodecimo queritur, utrum anima separata a corpore possit intelligere. Er videtur quod non. Nulla enim operatio coniuncti manet in anima separata. Sed intelligere est operatio coniuncti: dicit enim Philosophus in I. de Anima (com. lxxv.) quod dicere animam intelligere, simile est ac si dicat eam quis texere, vel edificare. Ergo intelligere non manet in anima a corpore separata.

1. Praeterea. Philosophus dicit in III. de Anima (com. xxx.) quod nequaquam est intelligere sine phantasmate. Sed phantasmata, cum sint in organis sentiendi, non possunt esse in anima separata. Ergo anima separata non intelligit.

2. Sed diceretur, quod Philosophus loquitur de anima secundum quod est unita corpori, non de anima separata. Sed contra. Anima separata non potest intelligere nisi per potentiam intellectivam. Sed, sicut dicit Philosophus in I. de Anima (com. xxi.) intelligere vel est phantasia, vel non est sine phantasia. Phantasia autem non est sine corpore. Ergo nec intelligere. Anima ergo separata non intelligit.

3. Praeterea. Philosophus dicit in III. de Anima (com. xxxix.) quod ita se habet intellectus ad phantasmata, sicut visus ad colores. Sed visus non potest videre sine coloribus. Ergo nec intellectus intelligit sine phantasmatibus: ergo neque sine corpore.

S. Th. Oper. Tom. XV.

4. Praeterea. Philosophus dicit in I. de Anima (com. lxxv.) quod intelligere corrumpitur interius quodam corrupto, scilicet vel corde, vel calore naturali: quod quidem corrumpitur anima a corpore separata. Ergo anima a corpore separata intelligere non potest.

5. Sed diceretur, quod anima a corpore separata intelligit quidem, non autem isto modo quo nunc intelligit a phantasmatibus abstrahendo. Sed contra. Forma unitus materiae non propter materiam, sed propter formam: nam forma est finis, & perfectio materiae. Unitur autem forma materiae propter complementum suae operationis: unde talem materiam forma requirit per quam operatio formae compleri possit, sicut forma ferrea requirit materiam ferream ad perficiendum opus secandi. Anima autem est forma corporis. Unitur ergo tali corpori ad complementum suae operationis. Propria autem eius operatio est intelligere. Ergo si potest sine corpore intelligere, frustra corpori unitur.

6. Praeterea. Si anima separata intelligere potest, nobiliori intelligit sine corpore quam corpori unita. Nobiliori enim modo intelligunt quae phantasmatibus non indigent ad intelligendum, scilicet substantiae separatae, quam nos qui per phantasmata intelligimus. Bonum autem animae est in intelligendo: nam perfectio cuiuslibet substantiae est propria operatio eius. Ergo si anima sine corpore intelligere potest praeter phantasmata, nocivum esset ei corpore uniri; & sic non esset ei naturale.

7. Praeterea. Potentiae diversificantur penes obiecta. Sed animae intellectivae obiecta sunt phantasmata, ut dicitur in III. de Anima (com. xxxix.) Si igitur sine phantasmatibus intelligit separata a corpore, oportet quod habeat alias potentias; quod est impossibile, cum potentiae sint naturales animae, & inseparabiliter ei inhaereant.

8. Praeterea. Si anima separata intelligit, oportet quod per aliquam potentiam intellegat. Potentia autem intellectivae in anima non sunt nisi duae, scilicet intellectus agens, & possibilis. Per neutrum autem horum potest anima separata intelligere, ut videtur: nam operatio utriusque intellectus respicit phantasmata: intellectus enim agens facit phantasmata esse intelligibilia actu; intellectus autem possibilis recipit species intelligibiles a phantasmatibus abstractas. Videtur ergo quod nullo modo anima separata intelligere possit.

Ggg

10. Prz-

10. Præterea. Unius rei una est propria operatio, sicut & unius perfectibilis una est perfectio. Si ergo operatio animæ sit intelligere accipiendo a phantasmatibus, videtur quod non possit esse eius operatio, scilicet intelligere præter phantasmata; & ita separata a corpore non intelligit.

11. Præterea. Si anima separata intelligit, oportet quod aliquo intelligat, quia intelligere est per similitudinem rei intellectæ in intelligente. Non potest autem dici, quod anima separata intelligat per suam essentiam: hoc enim solius Dei est: huius enim essentia, quia infinita est, omem in se perfectionem præhabens, similitudo est omnium rerum. Similiter etiam neque per essentiam rei intellectæ, quia sic intelligeret solum illa quæ per essentiam suam sunt in anima. Neque etiam per aliquas species, ut videtur, intelligere potest: non per species innatas, siue concreatas: hoc enim videtur redire in opinionem Platonis (in dial. de anima) qui posuit omnes scientias esse nobis naturaliter inditas.

12. Præterea. Huiusmodi species frustra viderentur esse animæ ionatæ, cum per eas intelligere non possit dum est in corpore. Species autem intelligibiles ad nihil aliud ordinari videntur, nisi ut per eas intelligatur.

13. Sed diceretur, quod anima, quantum est de se, potest intelligere per species innatas; sed impeditur a corpore, ne per eas intelligere possit. Sed contra. Quanto aliquid est perfectius in sua natura, tanto perfectius est in operando. Sed anima unita corpori est perfectior in sua natura quam cum est a corpore separata; sicut quilibet pars in suo toto existens perfectior est. Si igitur anima separata a corpore per species innatas intelligere potest, multo magis corpori unita potest intelligere per easdem.

14. Præterea. Nihil naturalium alicuius rei totaliter impeditur per id quod ad naturam pertinet. Ad naturam autem animæ pertinet ut corpori uniat, cum sit corporis forma. Ergo si species intelligibiles sunt naturaliter inditæ animæ, non impediatur per unionem corporis quin per eas intelligere possit: cuius contrarium experimur.

15. Præterea. Neque etiam potest dici, ut videtur, quod anima separata intelligat per species prius acquisitas in corpore. Multæ enim animæ humanæ remanebunt a corporibus separatæ quæ nullas species intelligibiles acquisierunt, sicut patet de animabus puerorum, & maxime eorum qui in

maternis uteris defuncti sunt. Si igitur animæ separatæ non possent intelligere nisi per species prius acquisitas, sequeretur quod non omnes animæ separatæ intelligerent.

16. Præterea. Si anima separata non intelligeret nisi per species prius acquisitas, sequi videtur quod non intelligat nisi ea quæ prius intellexit dum sit corpori unita. Hoc autem non videtur verum: intelligit enim multa de pœnis, & de præmiis, quæ nunc non intelligit. Non ergo anima separata intelligit tantum per species prius acquisitas.

17. Præterea. Intellectus efficitur in actu per speciem intelligibilem in eo existentem. Sed intellectus actu existens actu intelligit. Ergo intellectus in actu intelligit omnia illa quorum species intelligibiles sunt actu in ipso. Videtur igitur quod species intelligibiles non convertuntur in intellectu, postquam desioit actu intelligere, & ita non remanent in anima post separationem, ut per eas intelligere possit.

18. Præterea. Habitus acquisiti actus similes reddunt illis actibus ex quibus acquiruntur, ut patet per Philosophum in 11. Ethic. (cap. 1. & 11.) edificando enim fit homo edificator, & iterum edificator factus potest edificare. Sed species intelligibiles acquiruntur intellectui per hoc quod convertitur ad phantasmata. Ergo nunquam per eas potest intelligere, nisi convertendo se ad phantasmata. Separata igitur a corpore per species acquisitas intelligere non potest, ut videtur.

19. Præterea. Neque etiam dici posset, quod intelligat per species influxas ab aliqua superiori substantia. Quia unumquodque receptivum habet proprium agens a quo natum est recipere. Intellectus autem humanus natus est recipere a sensibus. Non igitur recipit a substantiis superioribus.

20. Præterea. Ad ea quæ nata sunt causari per agentia inferiora, non sufficit sola actio superioris agentis; sicut animalia, quæ sunt nata generari ex semine, non inveniuntur generata ex actione Solis tantum. Sed anima humana nata est recipere species a sensibilibus. Non ergo sufficit ad hoc quod acquirat species intelligibiles, solum influxus substantiarum superiorum.

21. Præterea. Agens debet esse proportionatum patienti, & influens recipienti. Sed intelligentia substantiarum superiorum non est proportionata intellectui humano, cum habeat scientiam magis universalem, & incomprehensibilem oobis. Non igitur anima

sepa-

separata per species influxas a substantiis superioribus intelligere potest, ut videtur; & sic non relinquitur aliquis modus quo intelligere possit.

Sed contra. Intelligere est maxima, & propria operatio animæ. Si igitur intelligere non convenit animæ sine corpore, nulla alia operatio ipsius conveniet ei. Sed si non conveniet ei aliqua operatio sine corpore, impossibile est animam separatam esse. Posuimus autem animam separatam. Ergo necesse est ponere eam intelligere.

Præterea. Illi qui resuscitati leguntur in Scripturis, eandem notitiam postea habuerunt quam prius. Ergo ootitia eorum quæ homo in hoc mundo scit, non tollitur post mortem. Potest ergo anima per species prius acquisitas intelligere.

Præterea. Similitudo inferiorum invenitur in superioribus: unde & Mathematici futura prænuunt, considerantes similitudines eorum quæ hic aguntur, in celestibus corporibus. Sed anima est superior in natura omnibus corporalibus rebus. Ergo omnium corporalium similitudo est in anima, & per modum intelligibilem, cum ipsa sit substantia intellectiva. Videtur ergo quod per suam naturam omnia corporalia intelligere possit, etiam cum fuerit separata.

Respondeo dicendum, quod huic questioni dubitationem affert hoc quod anima nostra secundum præsentem statum ad intelligendum sensibilibus indigere invenitur: unde secundum huiusmodi diversam indigentiam rationem diversimode oportet de veritate huius questionis existimare. Posuerunt enim quidam, scilicet Platonici (ut refert Arist. 1. Metaph. com. vi.) quod sensus sunt animæ necessarii ad intelligendum, non per se, quasi ex sensibus in nobis causetur scientia, sed per accedens, in quantum scilicet per sensus quodammodo excitatur anima nostra ad rememorandum quæ prius novit, & quorum scientiam naturaliter inditam habet. Et sciendum est ad huiusmodi intelligentiam, quod Plato posuit species rerum separatas: substantiales, & actu intelligibiles, & nominavit eas ideas, per quarum participationem, & quodammodo influxum posuit animam nostram scientem, & intelligentem esse: & antequam anima corpori uniretur, ista scientia libere poterat uti; sed ex unione ad corpus intantum erat prægravata, & quodammodo absorpta, quod eo-

rum quæ prius sciverat, & quorum scientiam connaturalem habebat, oblita videbatur: sed excitabatur quodammodo per sensus, ut (a) in se ipsam rediret, & remitteretur eorum quæ prius intellexit, & quorum scientiam innotam habuit; sicut etiam nobis interdum accidit quod ex inspectione aliquorum sensibilibus, manifeste reminiscimur aliquorum quorum obliti videbamur. Hæc autem eius positio de scientia, & sensibilibus conformis est positioni eius circa generationem rerum naturalium. Nam formas rerum naturalium per quas unumquodque individuum in specie collocatur, ponebat provenire ex participatione idearum prædictarum; ita quod agentia inferiora non sunt nisi disponentia materiam ad participationem specierum separataram. Et si quidem hæc opinio teneatur, hæc questio facilis, & absoluta est. Nam secundum hoc anima non indiget sensibilibus ad intelligendum secundum suam naturam, sed per accedens; quod quidem tollitur cum anima fuerit a corpore separata. Tunc enim cessante aggravatione corporis, excitante non indigebit; sed ipsa per se ipsam erit quasi vigil, & expedita ad omnia intelligenda. Sed secundum hanc opinionem non videtur quod possit assignari ratioabilis causa propter quam anima corpori uniatur. Non enim est hoc propter animam, cum anima corpori non voita perfecte propriam operationem habere possit, & ex unione ad corpus eius operatio propria impeditur. Similiter etiam non potest dari quod propter corpus: non enim anima est propter corpus, sed corpus magis propter animam, cum anima sit nobilior corpore. Unde & iocooconiens videtur quod anima ad nobilitandum corpus sustineat in sua operatione detrimentum. Videtur etiam sequi ex hac opinione quod unio animæ ad corpus non sit naturalis: nam quod est naturale alicui, non impedit eius propriam operationem. Si igitur unio corporis impedit intelligentiam animæ, non erit naturale anima corpori uniri, sed contra naturam; & ita homo qui constituitur ex unione animæ ad corpus, non erit aliquod naturale: quod videtur absurdum. Similiter in experimento patet quod scientia in nobis non provenit ex participatione specierum separataram, sed a sensibilibus accipitur, quia quibus deest unus sensus, deest scientia sensibilibus quæ illo sensu apprehenduntur; sicut cæcus natus non

Ggg 2 pot-

(a) id. in ipsa.

potest habere scientiam de coloribus.

Alia autem positio est, quod sensus profunt animae humanae ad intelligendum, non per accidens, sicut praedicta opinio ponit, sed per se: non quidem ut a sensibilibus accipiamus scientiam, sed quia sensus disponit animam ad acquirendum scientiam alium. Et haec est opinio Avicennae (Lib. VIII. Metaph. cap. vii. & Lib. IX. cap. iv.). Ponit enim quod est quiddam substantia separata, quam vocat intellectum, vel intelligentiam agentem, & quod ab ea effluunt species intelligibiles in intellectu nostro, per quas intelligimus; & quod per operationem sensitivae partis, scilicet imaginationem, & alia huiusmodi, praeparatur intellectus noster, ut convertat se ad intelligentiam agentem, & recipiat influentiam specierum intelligibilium ab ipsa: & hoc etiam consonat ei quod ipse opinatur circa generationes rerum naturalium: ponit enim quod omnes formae substantiales effluunt ab intelligentia agente, & quod agentia naturalia disponunt solum materiam ad recipiendum formas ab intelligentia agente. Secundum hanc etiam opinionem videtur quaesito haec parum difficultatis habere. Si enim sensus non sunt necessarii ad intelligendum, nisi secundum quod disponunt ad recipiendum species ab intelligentia agente, per hoc quod anima nostra convertatur ad ipsam, quando iam erit a corpore separata, per se ipsam converteretur ad intelligentiam agentem, & recipiet species intelligibiles ab ea. Nec sensus erunt ei necessarii ad intelligendum: sicut navis, quae est necessaria ad transfratandum; cum (a) autem aliquis iam transfrataverit, ei necessaria non est. Sed ex hac opinione videtur sequi quod homo statim acquirat omnem scientiam, tam eorum quae sensu percepit, quam aliorum. Si enim intelligimus per species effluentes in nos ab intelligentia agente, & ad huiusmodi influentiae receptionem non requiritur nisi conversio animae nostrae ad intelligentiam praedictam; quandocumque fuerit ad eam conversa, poterit recipere quarumcumque specierum intelligibilium influxum: non enim potest dici, quod convertatur quantum ad unum, & non quantum ad aliud: & ita caecus natus imaginando sonos poterit accipere scientiam colorum, vel quorumcumque aliorum sensibilibus; quod patet esse falsum. Manifestum est etiam quod potentiae sensitivae sunt nobis necessariae ad intelligendum

non solum in acquisitione scientiae, sed etiam in utendo scientia iam acquisita. Non enim possumus considerare etiam ea quorum scientiam habemus nisi convertendum nos ad phantasmata; licet ipse contrarium dicat. Inde enim est quod laevis organis potentiarum sensitivarum, per quas conservantur, & apprehenduntur phantasmata, impeditur usus animae in considerando etiam ea quorum scientiam habet. Manifestum est etiam quod in revelationibus quae nobis divinitus sunt per influxum substantiarum superiorum, indigemus aliquibus phantasmatibus: unde dicit Dionysius r. cap. cxi. Hierar. quod impossibile est nobis aliter lucere divinum radium, nisi variatae sarorum velaminum velatum. Quod quidem non esset, si phantasmata non essent nobis necessaria, nisi ad convertendum nos ad substantias superiores.

Et ideo aliter dicendum est, quod potentiae sensitivae sunt necessariae animae ad intelligendum, non per accidens tamquam excitantes, ut Plato posuit, neque disponentes tantum, sicut posuit Avicenna, sed ut representantes animae intellectivae proprium obiectum, ut dicit Philosophus in III. de Anima (com. xxxix.) *Intellectiva anima phantasmata sunt sicut sensibilia sensui*. Sed sicut colores non sunt visibiles actu nisi per lumen, ita phantasmata non sunt intelligibilia actu nisi per intellectum agentem: & hoc consonat ei quod ponimus circa generationem rerum naturalium. Sicut enim ponimus quod agentia superiora mediantibus agentibus naturalibus causant formas naturales: ita ponimus quod intellectus agens per phantasmata ab eo facta intelligibilia actu, causat scientiam in intellectu possibili nostro. Nec refert ad propositum, utrum intellectus agens sit substantia separata, ut quidam ponunt, vel sit lumen, quod anima nostra participat ad similitudinem substantiarum superiorum.

Sed secundum hoc iam difficultius est videre, quomodo anima separata intelligere possit. Non enim erit phantasmata, quae indigent ad sui apprehensionem, & conservationem organis corporeis; quibus solatis, ut videtur, non potest intelligere anima, sicut nec coloribus sublati, potest visus videre. Ad hanc igitur difficultatem tollendam considerandum est, quod anima, cum sit infima in ordine intellectivarum substantiarum, infimo, & debilissimo modo

par-

(a) *ut. deest autem.*

participat intellectualem lumen, sive intellectualem naturam. Nam in primo intelligentie, scilicet Deo, natura intellectualis est adeo potens quod per unam formam intelligibilem, scilicet essentiam suam, omnia intelligit; inferiores vero substantiae intellectuales per species multas: & quanto unaquaeque earum est altior, tanto habet pauciores formas, & virtutem magis potentem ad intelligendum omnia per formas paucas. Si autem substantia intellectualis inferior haberet formas ita universales sicut superior, cum non addit ei tanta virtus in intelligendo, remaneret eius scientia incompleta: quia tantum in universali res cognosceret, & non posset deducere cognitionem suam ex illis paucis ad singula. Anima ergo humana, quae est infima, si acciperet formas in abstractione, & universalitate conformes substantiis separatatis, cum habeat minimam virtutem in intelligendo, imperfectissimam cognitionem haberet, utpote cognoscens res in quadam universalitate, & confusione. Et ideo ad hoc quod eius cognitio perficiatur, & distinguatur per singula, oportet quod a singulis rebus scientiam colligat veritatis, lumine tamen intellectus agentis ad hoc necessario existente, ut altiori modo recipiantur in anima quam sint in materia. Ad perfectionem igitur intellectualis operationis necessarium fuit animam corpori uniri. Nec tamen dubium est quin per motus corporeos, & occupationem sensuum anima impediatur a receptione influxus substantiarum separatarum: unde dormientibus, & alienatis a sensibus quaedam revelationes fiunt quae non accidunt sensu utentibus. Quando ergo anima erit a corpore totaliter separata, plenius percipere poterit influxum a superioribus substantiis quantum ad hoc quod per huiusmodi influxum intelligere poterit absque phantasmate, quod modo non potest; sed tamen huiusmodi influxus non causabit scientiam ita perfectam, & ita determinatam ad singula, sicut est scientia quam hic accipimus per sensum, nisi in illis animabus quae supra dictum naturalem influxum habebunt alium supernaturalem ad omnia plenissime cognoscenda, & ad ipsum Deum videndum. Habebunt etiam animae separatae determinatam cognitionem eorum quae prius hic sciverunt, quorum species intelligibiles conservantur in eis.

Ad primum ergo dicendum, quod illa verba Aristoteles dicit non secundum propriam sententiam, sed secundum opinionem illorum quae dicebant, quod intelligere est

moveri, ut patet ex his quae praemisit ibi.

Ad secundum dicendum, quod Philosophus loquitur de operatione intellectuali animae, secundum quod est corpori unita: sic enim non est sine phantasmate, ut dictum est.

Ad tertium dicendum, quod secundum statum praesentem, quo anima corpori unitur, non participat a substantiis superioribus species intelligibiles, sed solum lumen intellectuale: & ideo indiget phantasmatibus ut obiectis a quibus species intelligibiles accipiat: sed post separationem amplius participabit etiam intelligibiles species: unde non indigebit exterioribus obiectis.

Et similiter dicendum est ad quartum.

Ad quintum dicendum, quod Philosophus loquitur secundum opinionem quorundam, qui posuerunt intellectum habere organum corporale, sicut & sensum, ut patet per ea quae ante praemittuntur. Hoc enim posito penitus anima separata intelligere non posset. Vel potest dici, quod loquitur de intelligere secundum modum intelligendi quod nunc intelligimus.

Ad sextum dicendum, quod anima unitur corpori per suam operationem, quae est intelligere, non quia sine corpore quoquo modo intelligere non posset, sed quia naturali ordine sine corpore perfecte non intelligeret, ut expositum est.

Et per hoc patet solutio ad septimum.

Ad octavum dicendum, quod phantasmata non sunt obiecta intellectus, nisi secundum quod sunt intelligibilia actu per lumen intellectus agentis: unde quaecumque species intelligibiles actu recipiantur in intellectu, & undecumque, non habebunt aliam rationem obiecti formalem, penes quam obiecta potentias diversificant.

Ad nonum dicendum, quod operatio intellectus agentis, & possibilis respicit phantasmata secundum quod est anima corpori unita; sed cum erit anima a corpore separata per intellectum possibilem, recipiet species effluentes a substantiis superioribus, & per intellectum agentem habebit virtutem ad intelligendum.

Ad decimum dicendum, quod operatio propria animae est intelligere intelligibilia actu. Nec per hoc diversificatur species intellectualis operationis, quod intelligibilia actu sunt accepta a phantasmatibus, vel aliunde.

Ad undecimum dicendum, quod anima separata non intelligit res per essentiam suam,

suam, neque per essentiam rerum intellectarum, sed per species influxas a substantiis superioribus in ipsa separatione, non a principio cum esse incepit, ut Platonici posuerunt.

Per hoc etiam patet solutio ad duodecimum.

Ad decimumtertium dicendum, quod anima, cum est corpori unita, si haberet species innatas, per eas posset intelligere, sicut intelligit per acquisitas. Sed licet sit perfectior in natura sua, tamen propter motus suos corporeos, & occupationes sensibiles retineatur ut non possit ita libere coniungi substantiis superioribus ad recipiendum influxum earum, sicut post separationem.

Ad decimumquartum dicendum, quod non est naturale animæ ut per species influxas intelligat, cum est corpori unita, sed solum postquam est separata, ut dictum est.

Ad decimumquintum dicendum, quod animæ separatæ poterunt etiam intelligere per species prius acquisitas in corpore; sed tamen non solum per eas, sed etiam per influxas, ut dictum est.

Et per hoc patet solutio ad decimum sextum.

Ad decimumseptimum dicendum, quod species intelligibiles quandoque sunt in intellectu possibili in potentia tantum: & tunc homo est intelligens in potentia, & indiget aliquo reducendo in actum vel per doctrinam, vel per inventionem. Quandoque autem sunt in eo in actu perfecto, & tunc intelligit actu. Quandoque autem sunt in eo medio modo inter potentiam, & actum, scilicet in habitu; & tunc potest intelligere actu quando voluerit. Et per hunc modum species intelligibiles acquisitæ sunt in intellectu possibili quando actu non intelligit.

Ad decimumoctavum dicendum, quod, sicut iam dictum est, operatio intellectus huius non differt specie, sive intelligibile actu, quod est obiectum intellectus, accipitur a phantasmatis, sive undecumque. Operatio enim potentia recipit distinctionem, & speciem secundum obiectum quantum ad formalem rationem ipsius, non secundum id quod est materiale in ipso: & ideo si per species intelligibiles conservatas in intellectu, prius autem acceptas a phantasmatis, anima separata intelligit non convertendo se ad phantasmata, non erunt diffi-

miles specie operatio quæ ex speciebus acquisitis causatur, & per quam species acquiritur.

Ad decimumnonum dicendum, quod intellectus possibilis non est natus recipere a phantasmatis, nisi secundum quod phantasmata sunt actu per lumen intellectus agentis, quod est quoddam participatio luminis substantiarum superiorum: & ideo non removetur quia a substantiis superioribus recipere possit.

Ad viceimum dicendum, quod scientia in anima nata est causari a phantasmatis secundum statum quo est corpori unita, secundum quem statum non potest causari a superioribus agentibus tantum; poterit autem hoc esse, cum anima fuerit a corpore separata.

Ad viceimumprimum dicendum, quod ex hoc quod scientia substantiarum separatarum non est proportionata animæ nostræ, non sequitur quod nullam intelligentiam ex earum influxu capere possit, sed solum quod non possit capere perfectam, & distinctam, ut dictum est.

ARTICULUS XVI.

Utrum anima coniuncta corpori possit intelligere substantias separatas.

I. P. quæst. lxxviii. art. 1.

Sexto deinde quaeritur, utrum anima coniuncta corpori possit intelligere substantias separatas. Et videtur quod sic. Nulla enim forma impeditur a fine suo per materiam cui naturaliter unitur. Finis enim animæ intellectivæ videtur esse intelligere substantias separatas, quæ sunt maxime intelligibiles: uniuscuiusque enim rei finis est ut perveniat ad perfectum in sua operatione. Non ergo anima humana impeditur ab intelligendo substantias separatas per hoc quod unitur tali corpori, quod est propria eius materia.

2. Præterea. Finis hominis est felicitas. Ultima autem felicitas secundum Philosophum in X. Ethic. (cap. vii. & viii.) consistit in operatione altissimæ potentie, scilicet intellectus, respectu nobilissimi obiecti, quod non videtur esse nisi substantia separata. Ergo ultimus finis hominis est intelligere substantias separatas. Inconveniens autem est, si homo totaliter deficiat a fine suo: sic enim vanum esset. Cognoscere ergo

go potest homo substantias separatas. Sed de ratione hominis est quod anima corpori sit unita. Ergo anima unita corpori intelligere potest substantias separatas.

3. Præterea. Omnis generatio pervenit ad aliquem terminum: nihil enim in infinitum movetur. Est autem quædam intellectus generatio, secundum quod de potentia in actum reducit, prout scilicet sit actu sciens. Hoc ergo non procedit in infinitum; sed pervenit quandoque ad aliquem terminum, ut scilicet totaliter sit factus in actu: quod esse non potest, nisi omnia intelligibilia intelligat, inter quæ præcipue sunt substantiæ separatae. Ergo intellectus humanus ad hoc pervenire potest quod intelligat substantias separatas.

4. Præterea. Difficilius videtur facere separatæ ea quæ non sunt separata, & intelligere ea, quam intelligere ea quæ secundum se sunt separata. Sed intellectus noster etiam corporis unitus facit separatæ ea quæ non sunt secundum se separata, dum abstractit species intelligibiles a rebus materialibus, per quas res materiales intelligit. Ergo multo fortius poterit intelligere substantias separatas.

5. Præterea. Excellentia sensibilia pro tanto minus sentiuntur, quia corrumpunt harmoniam organi. Si autem esset aliquod organum sensus, quod non corrumpetur ab excellenti sensibili, quanto sensibile esset excellentius, tanto magis sentiret ipsum. Intellectus autem nullo modo corrumpitur ab intelligibili, sed magis perficitur. Ergo ea quæ sunt magis intelligibilia, magis intelligit. Sed substantiæ separatæ, quæ sunt secundum se actu intelligibiles, utpote immateriales, sunt magis intelligibiles quam substantiæ materiales, quæ non sunt intelligibiles nisi in potentia. Ergo cum anima intellectiva unita corpori intelligat substantias materiales, multo magis intelligere potest substantias separatas.

6. Præterea. Anima intellectiva etiam unita corpori abstractit quidditatem a rebus habentibus quidditatem: & cum non sit in infinitum abire, necesse est quod perveniat abstractendo ad aliquam quidditatem quæ non sit res habens quidditatem, sed quidditas tantum. Cum ergo substantiæ separatæ nihil aliud sint quam quædam quidditates per se existentes, videtur quod anima intellectiva unita corpori intelligere possit substantias separatas.

7. Præterea. Innatum est nobis per effectus causas cognoscere. Oportet autem ali-

quos effectus substantiarum separatarum in rebus sensibilibus, & materialibus esse, cum omnia corporalia a Deo per Angelos administrantur, ut patet per Augustinum in III. de Trin. (cap. iv.) Potest igitur anima unita corpori, per sensibilia substantias separatas intelligere.

8. Præterea. Anima unita corpori intelligit seipsum: mens enim intelligit se, & amat se, ut dicit Augustinus in IX. de Trin. (cap. i. & iv.) Sed ipsa est de natura substantiarum separatarum intellectualium. Ergo unita corpori potest intelligere substantias separatas.

9. Præterea. Nihil est frustra in rebus. Frustra autem videtur esse intelligibile, si a nullo intellectu intelligatur. Ergo substantias separatas, cum sint intelligibiles, intellectus noster intelligere potest.

10. Præterea. Sicut se habet visus ad visibilia, ita intellectus ad intelligibilia. Sed visus noster potest cognoscere omnia visibilia, etiam incorruptibilia, quamvis ipse sit corruptibilis. Ergo intellectus noster, etiam dato quod esset corruptibilis, posset intelligere substantias separatas incorruptibiles, cum sint per se intelligibiles.

Sed contra. Nihil sine phantasmate intelligit anima, ut dicit Philosophus in III. de Anima (com. xxx.) Sed per phantasmata non possunt intelligi substantiæ separatæ. Ergo anima unita corpori non potest intelligere substantias separatas.

Respondendo dicendum, quod hanc questionem Aristoteles promissit determinatum in III. de Anima (com. xxxvi.) licet non inveniat determinatam ab ipso in libris eius qui ad nos pervenerunt. Unde sectatoribus eius fuit occasio diversimode procedendi ad huiusmodi questionis solutionem.

Quidam enim posuerunt, quod anima nostra etiam corpori unita potest pervenire ad hoc quod intelligat substantias separatas; & hoc ponunt esse ultimam felicitatem humanam; sed in modo intelligendi est apud eos diversitas. Quidam enim posuerunt, quod anima nostra potest pertingere ad intelligendum substantias separatas, non quidem eodem modo quo pervenimus ad intelligendum alia intelligibilia, de quibus instrumur in scientiis speculativis per definitiones, & demonstrationes; sed per continuationem intellectus agentis nobiscum. Ponunt enim intellectum agentem esse quamdam substantiam separatam, quæ naturaliter substantias separatas intelligit: unde

cum iste intellectus agens fuerit unitus nobis sic ut per eum intelligamus, sicut nunc intelligimus per habitus scientiarum, sequetur quod intelligamus substantias separatas. Modum autem quo iste intellectus agens possit sic continuari nobis, ut per eum intelligamus, talem assignant. Manifestum est enim ex Philosopho in II. de Anima quod quando nos dicimus aut esse, aut operari aliquid duobus, uoum eorum est quasi forma, & aliud sicut materia; sicut dicimus sanari sanitate, & corpore: unde sanitas comparatur ad corpus sicut forma ad materiam. Manifestum est etiam nos intelligere per intellectum agentem, & per intelligibilia speculata: uenimus enim in cognitionem conclusionum per principia naturaliter nota, & per intellectum agentem. Necessae igitur quod intellectus agens comparatur ad intelligibilia speculata sicut principale agens ad instrumentum, & sicut forma ad materiam, vel actus ad potentiam: semper enim quod est perfectius duorum, est quasi actus alterius. Quidquid autem recipit in se id quod est quasi materia, recipit illud etiam quod est quasi forma; sicut corpus recipiens superficiem, recipit etiam colorem, qui est forma quaedam superficiei; & pupilla recipiens colorem recipit etiam lumen, quod est actus coloris, eo enim est visibilis actus. Sic igitur intellectus possibilis in quantum recipit intelligibilia speculata, intantum recipit de intellectu agente. Quando igitur intellectus possibilis receperit omnia speculata, tunc totaliter recipit in se intellectum agentem: & sic intellectus agens fiat quasi forma intellectus possibilis, & per consequens unum nobis: unde sicut nunc intelligimus per intellectum possibilem, tunc intelligemus per intellectum agentem, non solum omnia naturalia, sed etiam substantias separatas. Sed in hoc est quaedam diversitas inter quosdam sectantium hanc opinionem. Quidam enim ponentes intellectum possibilem esse corruptibilem, dicunt, quod nullo modo intellectus possibilis potest intelligere intellectum agentem, neque substantias separatas: nos autem in statu illius continuationis intellectus agens nobiscum, intelligamus ipsum intellectum agentem, & alias substantias separatas per ipsum intellectum agentem, in quantum unietur nobis ut forma. Alii uero ponentes intellectum possibilem esse incorruptibilem, dicunt quod intellectus possibilis potest intelligere intellectum agentem, & alias substantias separatas. Hic autem

positio impossibilis est, & vana, & contra intentionem Aristotelis (Lib. I. Ethic. cap. vii. ante med.) Impossibilis quidem, quia duo impossibilia ponit, scilicet quod intellectus agens sit quidam substantia separata a nobis secundum esse, & quod nos per intellectum agentem intelligamus sicut per formam. Intantum enim aliquo operamur ut forma, in quantum illo adipiscimur aliquid esse actus, sicut calidum calore calefacit, in quantum est calidum actus: nihil enim agit nisi secundum quod est actus. Oportet ergo id quo aliquid agit, aut operatur formaliter, uniri ei secundum esse: unde impossibile est quod duarum substantiarum separatarum secundum esse una formaliter operetur per aliam; & sic impossibile est, si intellectus agens est quaedam substantia separata a nobis secundum esse, quod ea formaliter intelligamus: posset autem esse ut ea intelligeremus active, sicut dicimus videre Sole illuminante. Vana est etiam praedicta positio, quia rationes ad ipsam inducuntur non de necessitate concludunt: & hoc patet in duobus. Primo quidem quia si intellectus agens est substantia separata, ut ponunt, comparatio intellectus agentis ad intelligibilia speculata non erit sicut luminis ad colores, sed sicut Solis illuminantis: unde intellectus possibilis per hoc quod recipit intelligibilia speculata, non coniungitur substantiae eius, sed alicui effectui ipsius; sicut oculus per hoc quod recipit colores, non unitur substantiae Solis, sed lumini eius. Secundo quia dato quod per hoc quod recipit intelligibilia speculata, coniungatur intellectus possibilis ipsi substantiae intellectus agentis aliquo modo, non tamen sequitur quod recipiendo omnia intelligibilia speculata, quae abstrahuntur a phantasmatibus, & acquiruntur per principia demonstrationum, perfecte coniungantur substantiae intellectus agentis; nisi hoc esse probatum, quod omnia huiusmodi intelligibilia speculata adaequantur virtutem, & substantiam intellectus agentis; quod patet esse falsum: quia intellectus agens est altioris gradus in entibus, si est substantia separata, quam omnia quae sunt intelligibilia per ipsum in rebus naturalibus. Mirum est etiam quod ipsimet non intellexerunt defectum suae rationis: quamvis enim ponerent quod per unum, vel duo intelligibilia speculata unirentur nobiscum; non tamen sequitur secundum eos quod propter hoc intelligamus omnia alia intelligibilia speculata. Manifestum est autem quod mul-

to plus excedunt substantias intelligibiles separatas omoia praedicta, quae dicuntur intelligibilia speculata, quam omnia ea simul accepta excedant unum, vel duo, vel quodlibet ex eis: quia omnia ista sunt unius generis, & eodem modo intelligibilia; substantiae autem separatae sunt altioris generis, & altiori modo intelliguntur. Unde etiam si continuetur intellectus agens nobiscum, secundum quod est forma, & agens istorum intelligibilium, non sequitur propter hoc quod continuetur nobiscum, secundum quod intelligit substantias separatas. Manifestum est etiam quod haec positio est contra intentionem Aristotelis, qui dicit in I. Ethic. quod felicitas est quoddam bonum commune, quod potest accidere omnibus non orbatis ad virtutem. Intelligere autem omnia quae dicuntur ab eis intelligibilia speculata, vel est impossibile alicui homini, vel ad eorum quod nulli umquam homini hoc accidit in statu huius vitae, nisi Christo qui fuit Deus & homo. Unde impossibile est quod hoc requiratur ad felicitatem humanam. Ultima autem humana felicitas consistit in intelligendo nobilissima intelligibilia, ut dicit Philosophus in X. Ethic. (cap. vii. & viii.) Non igitur ad intelligendum substantias separatas, quae sunt nobilissima intelligibilia, secundum quod in hoc consistit felicitas humana, requiritur quod aliquis intelligat intelligibilia speculata omnia. Alio etiam modo apparet quod praedicta positio est contra intentionem Aristotelis. Dicitur enim in I. Ethic. (cap. vii. a med.) quod felicitas consistit in operatione quae est secundum perfectam virtutem. Et ideo ut appareat in quo determinare consistit felicitas, necesse habuit determinare de omnibus virtutibus, ut ipsemet dicit in fine I. Ethic. quatuor quaedam ponuntur ab ipso morales, ut fortitudo, temperantia, & huiusmodi; quaedam autem intellectuales, quae sunt quovis secundum ipsum, sapientia, intellectus, scientia, prudentia, & ars: inter quas praecipuum ponit sapientiam, in cuius operatione dicit consistere ultimam felicitatem, ut in Christo apparet. Sapientia autem est ipsa Philosophia prima, ut patet in I. Metaphys. (cap. ii.) Unde relinquitur quod ultima felicitas humana, quae potest haberi in hac vita secundum intentionem Aristotelis est cognitio de substantiis separatis, qualis potest haberi per principia Philosophiae, & non per modum continuationis quam aliqui somniaverunt.

Unde fuit alia opinio, quod anima hu-

mana per principia Philosophiae devenire potest ad intelligendum ipsas substantias separatas. Ad quod quidem ostendendum sic procedebat. Manifestum est enim quod anima humana potest abstrahere a rebus materialibus quidditates earum, & intelligere eas: hoc enim contingit quoties intelligimus de aliqua re materialis quid est. Si igitur illa quidditas abstracta non est quidditas pura, sed etiam res habens quidditatem, iterum intellectus noster potest abstrahere illam: & cum non possit procedere in infinitum, devenietur ad hoc quod intelligat aliquam simplicem quidditatem, & per eius considerationem intellectus noster intelliget substantias separatas, quia nihil aliud sunt quam quaedam simplices quidditates. Sed haec ratio omnino est insufficiens. Primo quidem quia quidditates rerum materialium sunt alterius generis a quidditatibus separatibus, & habent alium modum essendi: unde per hoc quod intellectus noster intelligit quidditates rerum materialium, non sequitur quod intelligat quidditates separatas. Item diversae quidditates intellectus differunt specie: & inde est quod etiam qui intelligit quidditatem unius rei materialis, non intelligit quidditatem alterius: non enim qui intelligit quid est lapis, intelligit quid est animal. Unde dato quod quidditates separatae essent eiusdem rationis cum quidditatibus materialibus, non sequeretur quod qui intelligit has quidditates rerum materialium, intelligeret substantias separatas, nisi forte secundum opinionem Platonis, qui posuit substantias separatas esse species horum sensibilium.

Et ideo aliter dicendum est, quod anima intellectiva humana ex unione ad corpus habet aspectum inclinatum ad phantasmata, unde non informatur ad intelligendum aliquid nisi per species a phantasmatis acceptas: & huic consonat dictum Dionysii in cap. i. cæl. Hierat. dicit enim, quod impossibile est nobis lucere divinum radium, nisi varietate sacrarum velaminum circumvolatum. Intantum igitur anima, dum est unita corpori, potest ad cognitionem substantiarum separatarum ascendere, inquantum potest per species a phantasmatis acceptas manuduci. Hoc autem nunc est ut intelligatur de eis quid sint, cum illae substantiae excedant omnem proportionem horum intelligibilium; sed possumus hoc modo de substantiis separatis aliquo modo cognoscere quia sunt; sicut per effectus deficientes devenimus in causas excellentes, ut

H h h

cogno-

S. Th. Oper. Tom. XV.

cognoscamus de eis tantum quia sunt : & dum cognoscimus quia sunt cause excellentes, scimus de eis quia non sunt tales quales sunt earum effectus : & hoc est scire de eis magis quid non sunt quam quid sunt . Et secundum hoc est aliquid verum quod inquantum intelligimus quidditates quas abstrahimus a rebus materialibus , intellectus noster convertendo se ad illas quidditates potest intelligere substantias separatas , ut intelligat eas esse immateriales , sicut ipsae quidditates sunt a materia abstractae : & sic per considerationem intellectus nostri deducitur in cognitionem substantiarum separatarum intelligibilium : nec enim est mirum, si substantias separatas non possumus in hac vita cognoscere , intelligendo quid sunt , sed quid non sunt : quia etiam quidditates , & naturam corporum celestium non aliter cognoscere possumus . Et sic etiam Aristoteles notificat ea in I. de celo & mundo (text. xviii. & xix.) scilicet ostendens quod non sunt gravia , neque levia , neque generabilia , neque corruptibilia , neque contrarietatem habentia .

Ad primum ergo dicendum , quod finis ad quem se extendit naturalis possibilitas animae humanae , est ut cognoscat substantias separatas secundum modum praedictum ; & ab hoc non impeditur per hoc quod corpori unitur : & similiter etiam in tali cognitione substantiae separatae ultima est felicitas hominis ad quam per naturalia pervenire potest .

Unde patet solutio ad secundum .

Ad tertium dicendum , quod cum intellectus possibilis continue reducat de potentia in actum per hoc quod magis ac magis intelligit ; finis tamen huiusmodi reductionis , siue generationis erit in intelligendo supremum intelligibile , quod est divina essentia ; sed ad hoc non potest pervenire per naturalia , sed per gratiam tantum .

Ad quartum dicendum , quod difficultus est facere separata , & intelligere , quam intelligere quae separata sunt , si de eisdem agatur ; sed si de aliis , non est necessarium : quia maior potest esse difficultas in intelligendo tantum aliqua separata , quam in abstrahendo , & in intelligendo alia .

Ad quintum dicendum , quod sensus respectu excellentium sensibilibus duplicem defectum patitur : unum quidem , quia non potest ipsum comprehendere propter hoc quod excedit proportionem sensus ; alium autem quia post excellentia sensibilia non percipit minora sensibilia , propter hoc quia

corrumpitur organum sensus . Licet igitur intellectus non habeat organum , quod possit corrumpi ab intelligibili excellenti , tamen aliquod excellens intelligibile potest excedere facultatem intellectus nostri in intelligendo : & tale intelligibile est substantia separata , quae excedit facultatem intellectus nostri , qui secundum quod est unitus corpori , est natus perfici per species aphantasmatis abstractas . Si tamen intellectus noster intelligeret substantias separatas , non intelligeret minus alia , sed magis .

Ad sextum dicendum , quod quidditates abstractae a rebus materialibus non sufficiunt ut per eas possumus cognoscere de substantiis separatis quid sunt , ut ostensum est .

Et similiter dicendum ad septimum : nam effectus deficientes , ut supra dictum est , non sufficiunt ut per eos cognoscatur de causa quid est .

Ad octavum dicendum , quod intellectus possibilis noster intelligit seipsum non directe apprehendendo essentiam suam , sed per speciem aphantasmatis acceptam : unde Philosophus dicit in III. de Anima (com. xvi.) quod intellectus possibilis est intelligibilis sicut & alia . Et hoc ideo est , quia nihil est intelligibile secundum quod

est in potentia , sed secundum quod est actu , ut dicitur in IX. Metaphys. (com. xx.) Unde cum intellectus possibilis sit in potentia tantum in esse intelligibili , non potest intelligi nisi per formam suam per quam sit actu , quae est species aphantasmatis abstracta , sicut & quolibet alia res intelligitur per formam suam : & hoc est commune in omnibus potentiis animae , quod actus cognoscuntur per obiecta , & potentiae per actus , & anima per suas potentias . Sic igitur & anima intellectiva per suum intelligere cognoscitur . Species autem aphantasmatis accepta non est forma substantiae separatae , ut per eam cognosci possit , sicut per eam aliquid cognoscitur intellectus possibilis .

Ad nonum dicendum , quod ratio illa omnia inefficax est propter duo . Primo quidem quia intelligibilia non sunt propter intellectus intelligentes ipsa ; sed magis intelligibilia sunt fines , & perfectiones intellectuum : unde non sequitur quod si esset aliqua substantia intelligibilis non intellecta ab aliquo alio intellectu , propter hoc effectus frustra : nam frustra dicitur de eo quod est ad finem ad quem non pertingit . Secundo quia si substantiae separatae non intelligantur

ut ab intellectu nostro secundum quod est corpori unitus, intelliguntur tamen a substantiis separatis.

Ad decimum dicendum, quod species quarum est visus receptivus, possunt esse similitudines quorumcumque corporum, sive corruptibilium, sive incorruptibilium; sed species a phantasmatibus abstractae, quarum est receptivus intellectus possibilis, non sunt similitudines substantiarum separatarum: & ideo non est simile.

ARTICULUS XVII.

Utrum anima separata possit intelligere substantias separatas.

I. P. quaest. lxxxix. art. 2.

Decimo septimo quaeritur, utrum anima separata intelligat substantias separatas. Et videtur quod non. Perfectioris enim substantiae est perfectior operatio. Sed anima unita corpori est perfectior quam separata, ut videtur: quia quaelibet pars perfectior est unita toti quam separata. Si igitur anima unita corpori non potest intelligere substantias separatas, videtur quod nec a corpore separata.

2. Praeterea. Anima nostra aut potest cognoscere substantias separatas per naturam, aut per gratiam tantum. Si per naturam, cum naturale sit animae quod corpori uniat, non impediretur per unionem ad corpus quin substantias separatas cognosceret. Si autem per gratiam, cum non omnes animae separate habeant gratiam, sequitur quod ad minus non omnes animae separate cognoscant substantias separatas.

3. Praeterea. Anima unita est corpori, ut perficiatur in eo scientiis, & virtutibus. Maxima autem perfectio animae consistit in cognitione substantiarum separatarum. Si igitur ex hoc solo quod sepatatur, cognosceret substantias separatas, frustra anima corpori uniretur.

4. Praeterea. Si anima separata cognoscit substantiam separatam, oportet quod cognoscat eam vel per essentiam eius, vel per speciem ipsius. Sed non per essentiam substantiae separate, quia essentia substantiae separate non est unum cum anima separata: similiter nec per speciem eius, quia a substantiis separatis, cum sint simplices, non potest fieri abstractio speciei. Ergo anima separata nullo modo cognoscit substantias separatas.

5. Praeterea. Si anima separata cognoscit substantiam separatam, aut cognoscit eam sensu, aut intellectu. Manifestum est autem quod non cognoscit eam sensu, quia substantiae separatae non sunt sensibiles: similiter etiam nec per intellectum, quia intellectus non est singularium; substantiae autem separatae sunt quaedam substantiae singulares. Ergo anima separata nullo modo cognoscit substantiam separatam.

6. Praeterea. Intellectus possibilis animae nostrae plus distat ab Angelo quam imaginatio nostra ab intellectu possibili: quia imaginatio, & intellectus possibilis radicantur in eadem substantia animae. Sed imaginatio nullo modo potest intelligere intellectum possibilem. Ergo intellectus possibilis noster nullo modo potest apprehendere substantiam separatam.

7. Praeterea. Sicut se habet voluntas ad bonum, ita intellectus ad verum. Sed voluntas quarundam animarum separatarum, scilicet damnatarum, non potest ordinari ad bonum. Ergo & intellectus earum nullo modo potest ordinari ad verum; quod potissime intellectus consequitur in cognitione substantiae separate. Ergo non omnis anima separata potest cognoscere substantiam separatam.

8. Praeterea. Felicitas ultima secundum Philosophos ponitur in intelligendo substantias separatas, ut dictum est (art. praec.) Si autem animae damnatarum intelligunt substantias separatas, quas non possumus hic intelligere, videtur quod damnati sint propinquiores felicitati quam nos; quod est inconveniens.

9. Praeterea. Una intelligentia intelligit aliam per modum suae substantiae, ut dicitur in Lib. de causis (prop. viii.) Sed anima separata non potest cognoscere suam substantiam, ut videtur: quia intellectus possibilis non cognoscit seipsum, nisi per speciem a phantasmatibus abstractam, vel acceptam, ut dicitur in II. de Anima (com. xlviii. & xxxix.) Ergo anima separata non potest cognoscere separatas substantias.

10. Praeterea. Duplex est modus cognoscendi. Unus modus secundum quem a posterioribus devenimus in priora; & sic quae sunt magis nota simpliciter, cognoscuntur a nobis per ea quae sunt minus nota simpliciter. Alio modo a prioribus in posteriora devenimus; & sic quae sunt magis nota simpliciter, prius cognoscuntur a nobis. In animabus autem separatis non potest esse primus modus cognoscendi: ille enim

h h h 2 modus

modus competit nobis secundum quod cognitionem a sensu accipimus. Ergo anima separata intelligit modo secundo, scilicet deveniendo a prioribus in posteriora; & sic quæ sunt magis nota simpliciter, sunt per prius ei nota. Sed maxime notum est essentia divina. Si igitur anima separata naturaliter cognoscit substantias separatas, videtur quod ex solis naturalibus possit videre essentiam divinam, quæ est vita æterna: & hoc est contra Apostolum, qui dicit Roman. vi. 23. *Gratia Dei vita æterna*.

11. Præterea. Inferior substantia separata intelligit aliam, secundum quod impressio superioris est in inferiori. Sed impressio substantiæ separata est in anima separata multum deficiente a substantia separata. Ergo non potest eam intelligere.

Sed contra. Simile a simili cognoscitur. Sed anima separata est substantia separata. Ergo potest intelligere substantias separatas.

Respondeo dicendum, quod secundum ea quæ fides tenet, convenienter videtur dicendum, quod animæ separatæ cognoscant substantias separatas. Substantiæ enim separatæ dicuntur Angeli, & demones, in quorum societatem deputantur animæ hominum separatæ bonorum, vel malorum. Non videtur autem probabile quod animæ damnatorum demones ignorent, quorum societati deputantur, & qui animabus terribiles esse dicuntur; multo autem minus probabile videtur quod animæ bonorum ignorent Angelos, quorum societate iurantur. Hoc autem quod animæ separatæ substantias separatas ubicumque cognoscant, rationabiliter accidit. Manifestum est enim quod anima humana corpori unita aspectum habet ex vi rationis corporis ad inferiora directum: unde non perficitur nisi per ea quæ ab inferioribus accipit, scilicet per species a phantasmatibus abstractas: unde neque in cognitionem sui ipsius, neque in cognitionem aliorum potest devenire, nisi in quantum ex prædictis speciebus introducit, ut supra dictum est. Sed quando iam anima erit a corpore separata, aspectus eius non ordinabitur ad aliqua inferiora, ut ab eis accipiat; sed erit absolutus potens a superioribus substantiis influentiam recipere sine inspectione phantasmatum, quæ tunc omnino non erunt, & per huiusmodi influentiam reducetur in actum; & sic seipsam cognoscet directe, suam essentiam intendo, & non a posteriori, sicut nunc accidit. Sua autem essentia pertinet ad genus substantiarum separatarum

intellectualium, & eundem modum subscendi habet, licet sit infima in hoc genere, omnes enim sunt forme subsistentes. Sicut igitur una aliarum substantiarum separatarum cognoscit aliam, intendo substantiam suam, in quantum eo est aliqua similitudo alterius substantiæ cognoscendæ per hoc quod recipit influentiam ab ipsa, vel ab aliqua altiori substantia, quæ est communis causa utriusque; ita etiam anima separata intendo directe essentiam suam cognoscet substantias separatas secundum influentiam receptam ab eis, vel a superiori causa, scilicet Deo; non tamen ita perfecte cognoscet substantias separatas naturali cognitione, sicut ipsæ cognoscunt se invicem, eo quod anima est infima inter eas, & inimo modo recipit intelligibilis luminis emanationem.

Ad primum ergo dicendum, quod anima unita corpori est quodammodo perfectior quam separata, sed quantum ad actum intelligibilem habet aliquam perfectionem a corpore separata quam habere non potest dum est corpori unita. Nec hoc est inconveniens: quia operatio intellectualis competit animæ, secundum quod supergreditur corporis proportionem: intellectus enim non est actus alicuius organi corporalis.

Ad secundum dicendum, quod loquimur de cognitione animæ separatæ quæ sibi per naturam competit: nam loquendo de cognitione quæ sibi dabitur per gratiam, & quæbitur Angelis in cognoscendo. Hæc autem cognitio, ut cognoscant prædicto modo substantias separatas, est sibi naturalis, non simpliciter, sed in quantum est separata: unde in quantum est unita, non competit sibi.

Ad tertium dicendum, quod ultima perfectio cognitionis naturalis animæ humanæ, hæc est ut intelligat substantias separatas; sed perfectius ad hanc cognitionem habendam pervenire potest per hoc quod in corpore est, quia ad hoc disponitur per studium, & maxime per meritum: unde non frustra corpori unitur.

Ad quartum dicendum, quod anima separata non cognoscit substantiam separatam per essentiam eius, sed ipsius speciem, & similitudinem. Sciendum tamen est, quod non semper species per quam aliquid cognoscitur, est abstracta a re quæ per ipsam cognoscitur; sed tunc solum quando cognoscens accipit speciem a re: & tunc hæc species accepta, est simplicior, & immaterialior

lior in cognoscante quam in re quæ cognoscitur. Si autem fuerit e contrario, scilicet quod res cognita immaterialior sit, & simplicior quam cognoscens, tunc species rei cognita in cognoscante non dicitur abstracta, sed impressa, & influxa; & sic est in proposito.

Ad quintum dicendum, quod singulare non repugnat cognitioni intellectus nostri, nisi inquantum individuatur per hanc materiam: species enim intellectus nostri oportet esse a materia abstractas. Si vero fuerint aliqua singularia in quibus natura speciei non individuatur per materiam, sed unumquodque eorum sit quædam natura speciei immaterialiter subsistens, unumquodque eorum per se intelligibile erit: & huiusmodi singularia sunt substantiæ separatae.

Ad sextum dicendum, quod imaginatio, & intellectus possibilis humanus magis conveniunt subiecto, quam intellectus possibilis humanus, & intellectus angelicus; qui tamen plures conveniunt specie & ratione, cum utrumque eorum pertineat ad esse intelligibile: actio enim consequitur formam secundum naturam suæ speciei, & non ex parte subiecti. Unde quantum ad convenientiam in actione magis attendenda est convenientia duarum formarum eiusdem speciei in diversis substantiis, quam formarum differentium specie in eodem subiecto.

Ad septimum dicendum, quod damnati sunt deordinati ab ultimo fine: unde voluntas eorum non est in bonum secundum hunc ordinem; tendit tamen in aliquod bonum, quia etiam dæmones, ut dicit Dionysius iv. cap. de div. Nomin. bonum, & optimum concupiscunt, vivere, esse, & intelligere; sed hoc bonum non ordinant in summum bonum, & ideo voluntas eorum pervertitur. Unde & nihil prohibet quin animæ damnatorum multa vera intelligant, sed non illud primum verum, scilicet Deum, cuius visionem efficiantur beati.

Ad octavum dicendum, quod felicitas ultima hominis non consistit in cognitione aliquius creaturæ, sed solum in cognitione Dei: unde dicit Augustinus in Lib. confessionum (V. cap. iv.) *Beatus est qui te novit, etiam si illa nesciat*, scilicet creaturas; *infelix autem, si illa sciat, te autem ignoret*. Qui autem te, & illa novit, non propter illa beatus, sed propter te solum beatus. Licet ergo damnati aliqua sciant quæ nos nesci-

mus, sunt tamen a vera beatitudine remotiores quam nos, qui ad eam possumus pervenire, illi autem non possunt.

Ad novum dicendum, quod anima humana alio modo cognoscit seipsam cum fuerit separata, & alio modo nunc, ut dictum est.

Ad decimum dicendum, quod animæ separatae licet competat ille modus cognoscendi quo ea quæ sunt notiora simpliciter, magis cognoscit; non tamen sequitur quod vel anima separata, vel quæcumque alia substantia separata creata, per suam naturam, & per suam essentiam possit intueri Deum: sicut enim substantiæ separatae alterius modi esse habent quam substantiæ materiales; ita Deus alterius modi esse habent quam omnes substantiæ separatae. In rebus enim materialibus tria est considerare, quorum nullum est aliud, scilicet individuum, naturam speciei, & esse. Non enim possumus dicere, quod hic homo sit sua humanitas: quia humanitas consistit tantum in speciei principii, sed hic homo supra principia speciei addit principia individuantia, secundum quod natura speciei in hac materia recipitur, & individuatur. Similiter etiam nec humanitas est ipsum esse hominis. In substantiis autem separatis, quia immateriales sunt, natura speciei non recipitur in aliqua materia individuante, sed est ipsa natura per se subsistens: unde non est io eis aliud habens quidditatem, & aliud quidditas ipsa; sed tamen aliud est in eis esse, & aliud quidditas. Deus autem est ipsum suum esse subsistens. Unde sicut cognoscendo quidditates materiales non possumus cognoscere substantias separatas, ita nec substantiæ separatae per cognitionem suæ substantiæ possunt cognoscere divinam essentiam.

Ad undecimum dicendum, quod per hoc quod impressiones substantiarum separatarum io anima separata deficienter recipiuntur, non sequitur quod nullo modo eas cognoscere possint, sed quod imperfecte eas cognoscant.

ARTICULUS XVIII.

Utrum anima separata cognoscat omnia naturalia.

I. P. quaest. lxxxix. art. 3.

DEcimooctavo quaeritur, utrum anima separata cognoscat omnia naturalia. Et videtur quod non. Quia, sicut dicit Augustinus (Lib. de divin. demonum cap. 111.) daemones multa cognoscunt per experientiam longi temporis; quam quidem non habet anima, mox cum fuerit separata. Cum igitur demon sit perspicacior intellectus quam anima, quia data naturalia in eis manent clara, & lucida, ut Dionysius dicit iv. cap. de divin. Nom. videtur quod anima separata non cognoscat omnia naturalia.

2. Praeterea. Animae cum sunt unitae corporibus, non cognoscunt omnia naturalia. Si igitur separatae a corporibus omnia naturalia cognoscunt, videtur quod post separationem, huiusmodi scientiam acquirant. Sed aliquae animae aliquorum naturalium in hac vita scientiam acquisierunt. Ergo illorum eorumdem post separationem habebunt duplicem scientiam, unam acquisitam hic, & aliam ibi; quod videtur impossibile, quia duae formae eiusdem speciei non sunt in eodem subiecto.

3. Praeterea. Nulla virtus finita potest super infinita. Sed virtus animae separatae est finita, quia & essentia eius finita est. Ergo non potest super infinita. Sed naturalia intellecta sunt infinita, nam species numerorum, & figurarum, & proportionum infinitae sunt. Ergo anima separata non cognoscit omnia naturalia.

4. Praeterea. Omnis cognitio est per assimilationem cognoscentis, & cogniti. Sed impossibile videtur esse, quod anima separata, cum sit immaterialis, assimiletur naturalibus, cum sint materialia. Ergo impossibile videtur quod anima separata naturalia cognoscat.

5. Praeterea. Intellectus possibilis se habet in ordine intelligibilium sicut materia prima in ordine sensibilium. Sed materia prima secundum unum ordinem non est receptiva nisi unius formae. Ergo cum intellectus possibilis separatus non habeat nisi unum ordinem, cum non trahatur ad diversa per sensus, videtur quod non possit

recipere nisi unam formam intelligibilem; & ita non potest cognoscere omnia naturalia, sed unum tantum.

6. Praeterea. Ea quae sunt diversarum specierum, non possunt esse uni & eidem similia secundum speciem. Cognitio autem fit per assimilationem speciei. Ergo una anima separata non potest cognoscere omnia naturalia, cum sint specie diversa.

7. Praeterea. Si animae separate cognoscunt omnia naturalia, oportet quod habeant in se formas quae sunt similitudines rerum naturalium. Aut igitur quantum ad genera, & species tantum, & sic non cognoscunt individua, & per consequens nec omnia naturalia, quia individua maxime videntur esse in natura; vel etiam quantum ad individua, & sic cum individua sint infinita, sequitur quod in anima separata sint similitudines infinitae; quod videtur impossibile. Non igitur anima separata cognoscit omnia naturalia.

8. Sed dicebatur, quod in anima separata sunt tantum similitudines generum, & specierum; sed applicando eas ad singularia potest singularia cognoscere. Sed contra. Intellectus universalem cognitionem quam habet penes se, non potest applicare nisi ad particularia quae iam novit. Si enim scio quod omnis mula est sterilis, non possum applicare nisi ad hanc mulam quam cognosco. Cognitio enim particularis praecedit naturalem applicationem universalis ad particulare: non enim applicatio huiusmodi potest esse causa cognitionis particularium; & sic particularia animae separatae remanebunt ignota.

9. Praeterea. Ubiunque est cognitio, ibi est aliquis ordo cognoscentis ad cognitum. Sed animae damnatarum non habent aliquem ordinem: dicitur enim Job x. 22. quod ibi, scilicet in inferno, nullus ordo, sed sempiternus horror inhabitat. Ergo ad minus animae damnatarum non cognoscent naturalia.

10. Praeterea. Augustinus dicit in Lib. de cura pro mortuis agenda (cap. xxi. xv. & xvi.) quod animae mortuorum ea quae hic sunt, omnino scire non possunt. Naturalia autem sunt quae hic sunt. Ergo animae mortuorum non habent cognitionem naturalium.

11. Praeterea. Omne quod est in potentia, reducit in actum per id quod est in actu. Manifestum est autem quod anima humana quamdiu est corpori unita, est in potentia.

encia respectu vel omnium, vel plurimorum quæ naturaliter sciri possunt, non enim omnia scit actu. Ergo si post separationem scit omnia naturalia, oportet quod per aliquid reducat in actum. Hoc autem non videtur esse nisi intellectus agens, quo est omnia fieri, ut dicitur in III. de Anima (com. xviii.). Sed per intellectum agentem non potest reduci in actum omnium intelligibilium, quæ non intellexit: comparat enim Philosophus in III. de Anima (com. xviii. & xxxix.) intellectum agentem luminis, phantasmata vero coloribus: lumen autem non sufficit ad faciendum visum in actu omnium visibilium, nisi & colores adsint. Ergo nec intellectus agens poterit facere intellectum possibilem actu respectu omnium intelligibilium, cum phantasmata adesse non possint animæ separatæ, cum sint in organis corporeis.

12. Sed dicebatur, quod non reducitur in actum omnium naturaliter scibilium per intellectum agentem, sed per aliquam superiorem substantiam. Sed contra. Quandoque aliquid reducitur in actum per agens extraneum, quod non est sui generis, talis reductio non est naturalis; sicut si aliquid sanabile sanetur per artem, vel per virtutem divinam, erit sanatio artificialis, & miraculosa, non autem naturalis, nisi quando sanatio fit per principium intrinsecum. Proprium autem agens, & connaturale respectu intellectus possibilis humani, est intellectus agens. Si igitur intellectus possibilis reducat in actum per aliquod superius agens, & non per intellectum agentem, non erit cognitio naturalis de qua nunc loquimur; & sic non aderit omnibus animabus separatæ, cum in solis naturalibus omnes animæ separatæ conveniant.

13. Præterea. Si anima separatæ reducatur in actum omnium naturaliter intelligibilium, aut hoc erit a Deo, aut ab Angelo. Non autem ab Angelo, ut videtur: quia Angelus non est causa naturæ ipsius animæ, unde nec naturalis animæ cognitio videtur esse per actionem Angeli. Similiter etiam inconveniens videtur quod animæ damnatorum a Deo recipiant tantam perfectionem post mortem ut cognoscant omnia naturalia. Nullo igitur modo videtur quod animæ separatæ omnia naturalia cognoscant.

14. Præterea. Ultima perfectio uniuscuiusque existentis in potentia, est ut reducatur in actum quantum ad omnia secundum quod est in potentia. Sed intellectus possibilis humanus non est in potentia naturali

nisi omnium intelligibilium naturalium, id est quæ naturali cognitione intelligi possunt. Si ergo anima separatæ intelligit omnia naturalia, videtur quod omnis substantia separatæ ex sola separatione habeat ultimam suam perfectionem, quæ est felicitas. Frustra igitur sunt alia adminicula ad felicitatem consequendam adhibita, si sola separatio a corpore, hoc animæ præstare potest; quod videtur inconveniens.

15. Præterea. Ad scientiam sequitur delectatio. Si igitur animæ omnes separatæ cognoscunt omnia naturalia, videtur quod animæ damnatorum maximo gaudio perfruantur; quod videtur inconveniens.

16. Præterea. Super illud Isa. xvi. *Abraham nescivit nos*, dicit Glossa: „Nesciunt mortui, etiam sancti, quid agunt vivi, etiam eorum filii.“ Sed ea quæ inter vivos hic aguntur, sunt naturalia. Ergo animæ separatæ non cognoscunt omnia naturalia.

1. Sed contra. Anima separatæ intelligit substantias separatæ. Sed in substantiis separatæ sunt species omnium naturalium. Ergo anima separatæ cognoscit omnia naturalia.

2. Sed diceretur, quod non est necessarium quod qui videt substantiam separatam, videat omnes species in intellectu eius existentes. Sed contra est quod Gregorius dicit (IV. dialog. cap. xxxii. & XII. Mor. cap. xiii.) *Quid est quod non vident qui videntem omnia vident?* Videntes igitur Deum vident omnia ea quæ Deus videt. Ergo eadem ratione & videntes Angelos, vident ea quæ Angeli vident.

3. Præterea. Anima separatæ cognoscit substantiam separatam, in quantum est intelligibilis: non enim videt eam visu corporeo. Sed sicut est intelligibilis substantia separatæ, ita & species in intellectu eius existens. Ergo anima separatæ non solum intelligit substantiam separatam, sed etiam species intelligibiles in ipsa existentes.

4. Præterea. Intellectum in actu est forma intelligentis, & est unum cum intelligente. Si igitur anima separatæ intelligit substantiam separatam intelligentem omnia naturalia, videtur quod ipsa omnia naturalia intelligat.

5. Præterea. Quicumque intelligit maiora intelligibilia, intelligit etiam minora, ut dicitur in III. de Anima (com. vii.) Si igitur anima separatæ intelligit substantias separatæ, quæ sunt maxime intelligibilia, ut supra (art. 5.) dictum est, videtur

deur sequi quod intelligat omnia alia intelligibilia.

6. Præterea. Si aliquid est in potentia ad multa, reducitur in actum quantum ad omnia illa ab activo, quod est actu omnia illa; sicut materia quæ est in potentia calida, & sicca, ab igne fit actu calida, & sicca. Sed intellectus possibilis animæ separatæ est in potentia ad omnia intelligibilia. Activum autem a quo recipit influentiam, scilicet substantia separatæ, est in actu respectu omnium illorum. Ergo vel reducit animam de potentia in actum quantum ad omnia intelligibilia, vel quantum ad nullum. Sed manifestum est quod non quantum ad nullum: quia animæ separatæ aliqua intelligitur quæ etiam hic non intellexerunt. Ergo quantum ad omnia. Sic igitur anima separatæ intelligit omnia naturalia.

7. Præterea. Dionysius dicit in v. cap. de div. Nomin. quod superiora in entibus sunt exemplaria inferiorum. Substantiæ autem separatæ sunt supra res naturales. Ergo sunt exemplaria rerum naturalium; & ita animæ separatæ per inspectionem substantiarum separatarum videtur quod cognoscant omnia naturalia.

8. Præterea. Animæ separatæ cognoscunt res per formas influxas. Sed formæ influxæ dicuntur esse formæ ordinis universi. Ergo animæ separatæ cognoscunt totum ordinem universi; & sic cognoscunt omnia naturalia.

9. Præterea. Quicquid est in inferiori natura, totum est in superiori. Sed anima separatæ est superior rebus naturalibus. Ergo omnia naturalia sunt quodammodo in anima. Sed anima cognoscit seipsam. Ergo cognoscit omnia naturalia.

10. Præterea. Quod narratur Luc. xvi. de Lazaro, & divite, non est parabola, sed res gesta, ut Gregorius dicit: quod patet per hoc, quod persona per nomen proprium exprimitur. Ibi etiam dicitur, quod dives in inferno positus Abraham cognovit, quem ante non cognoverat. Ergo pari ratione animæ separatæ, etiam damnatorum, cognoscunt aliqua quæ hic non cognoverunt; & sic videtur quod cognoscant omnia naturalia.

Respondendo dicendum, quod anima separatæ secundum quid intelligit omnia naturalia, sed non simpliciter. Ad cuius evidentiam considerandum est, quod talis est ordo rerum ad invicem, ut quæcumque inveniuntur in inferiori natura, inveniuntur ex-

cellentius in superiori, sicut ea quæ sunt in istis generabilibus, & corruptibilibus, sunt nobiliori modo in corporibus celestibus, sicut in causis universalibus. Calidum enim, & frigidum, & alia huiusmodi sunt in istis inferioribus velut quædam qualitates particulares, & formæ; sed in corporibus celestibus sunt velut quædam universales virtutes, a quibus derivantur in hæc inferiora. Similiter etiam & quæcumque sunt in natura corporali, sunt eminentius in natura intellectuali: formæ enim rerum corporalium in ipsis rebus corporalibus sunt materialiter, & particulariter; in ipsis vero substantiis intellectualibus sunt immaterialiter, & universaliter: unde & in Lib. de causis (prop. x.) dicitur, quod omnis intelligentia est plena formis. Ulterius autem quæcumque sunt in tota creatura, eminentius sunt in ipso Deo: in creaturis enim sunt formæ rerum, & naturæ multipliciter, & divisim; sed in Deo simpliciter, & unitè. Et istud esse rerum tripliciter exprimitur. Primo enim dixit Deus: *Fiat firmamentum*: per quod intelligitur esse rerum in Verbo Dei. Secundo dicitur: *Et fecit Deus firmamentum*: per quod intelligitur esse firmamenti in intelligentia angelica. Tercio dicitur: *Et factum est ita*: per quod intelligitur esse firmamenti in propria natura, ut Augustinus exponit, & similiter in aliis. Sicut enim a Deo profuerunt res, ut in propria natura subsisterent, ita ex divina sapientia profuerunt formæ rerum in substantiis intellectuales, quibus res intelliguntur. Unde considerandum est, quod eo modo quo aliquid est de perfectione naturæ, eo modo ad perfectionem intelligibilem pertinet: singularia namque non sunt de perfectione naturæ propter se, sed propter aliud, scilicet ut in eis inventur species quas natura intendit. Natura enim intendit generare hominem, non hunc hominem, nisi inquantum homo non potest esse, nisi sit hic homo. Et idem est quod Philosophus dicit in Lib. de animalibus (II. cap. iv.) quod in assignandis causis accidentium species oportet nos reducere in causam finalem, accidentia vero in dividi in causam efficientem, vel materialem, quasi solum id quod est in specie, sit de intentione naturæ; unde & cognoscere species rerum pertinet ad perfectionem intelligibilem, non autem cognitio individuum, nisi forte per accidentia. Hæc igitur perfectio intelligibilis quamvis omnibus substantiis intellectualibus adu, non tamen eodem modo: nam in superioribus sunt for-

mæ

mae inrelligibiles rerum magis unitae, & magis uniuersales; in inferioribus autem magis multiplicentur, & sunt minus uniuersales secundum quod magis recedunt ab uno primo simplici, & appropinquant ad particularitatem rerum. Sed tamen quia in superioribus est potentior vis intellectiua, superiores substantiae in paucis formis uniuersalibus obtinent perfectionem intelligibilem, ut cognoscant naturas rerum usque ad ultimas species. Si autem in substantiis inferioribus essent formae adeo uniuersales sicut sunt in superioribus, cum hoc quod habent inferiorem virtutem intellectiuam, non consequerentur ex huiusmodi formis ultimam perfectionem intelligibilem, ut cognoscerent res usque ad indiuisibiles species; sed remaneret earum cognitio in quadam uniuersalitate, & confusione: quod est cognitionis imperfectae. Manifestum est enim quod quanto intellectus fuerit efficacior, tanto magis ex paucis potest multa colligere: cuius signum est quod rudibus, & tardioribus oportet singulatim exponere, & addere particularia extrinseca ad singula. Manifestum est (a) autem quod anima humana est infima inter omnes intellectuales substantias: unde eius capacitas naturalis est ad recipiendum formas rerum conformiter rebus materialibus: & ideo anima humana unita est corpori, ut ex rebus materialibus species intelligibiles possit recipere secundum intellectum possibilem; nec est ei maior virtus naturalis ad intelligendum, quam ut secundum huiusmodi formas sic determinatas in cognitione intelligibili perficiatur: unde & lumen intelligibile quod participat, quod dicitur intellectus agens, hanc operationem habet, ut in huiusmodi species intelligibiles faciat actu. Quoniam igitur anima est unita corpori, ex ipsa unione corporis habet aspectum ad inferiora, a quibus accipit species intelligibiles proportionatas suae intellectiuae virtuti, & sic in scientia perficitur; sed cum fuerit a corpore separata, habet aspectum ad superiora tantum, a quibus recipit influentiam specierum intelligibilium uniuersalium: & licet minus uniuersaliter recipiantur in ipsa quam sint in substantiis superioribus, tamen non est sibi tanta efficacia virtutis intellectiuae, ut per huiusmodi genus specierum intelligibilium possit perfectam cognitionem consequi, intelligendo specialiter, & determinate unumquodque, sed in quadam uniuers-

salitate, & confusione, sicut cognoscuntur res in principiis uniuersalibus. Hanc autem cognitionem acquirunt animae separatae subito per modum influentiae, & non successive per modum instructionis, ut Origenes dicit (Lib. 1. Periarch. cap. vi.) Sic dicendum est igitur, quod animae separatae naturali cognitione in uniuersali cognoscunt omnia naturalia, non autem specialiter unumquodque. De cognitione autem quam habent animae sanctorum per gratiam, alia ratio est: nam secundum illam Angelis addquantur, prout vident omnia in Verbo. Ergo respondendum est ad obiectiones.

Ad primum ergo dicendum, quod secundum Augustinum (Lib. de diuin. demon. cap. 112. 14. & vi.) demones tripliciter res cognoscunt: quidam per reuelationem bonorum Angelorum, quae scilicet sunt supra cognitionem naturalem eorum, sicut mysteria Christi, & Ecclesiae, & alia huiusmodi; quidam vero cognoscunt acumine proprio intellectus, scilicet ea quae sunt naturaliter scibilia; quidam vero per experientiam longi temporis, scilicet eventus futurorum contingentium in singularibus, quae non per se pertinent ad cognitionem intelligibilem, ut dictum est. Unde de eis ad praesens non agitur.

Ad secundum dicendum, quod in illis qui scientiam aliquorum naturalium scibilium in hac vita acquisierunt, erit determinata cognitio in speciali eorum quae hic acquisierunt; aliorum vero uniuersalis, & confusa: unde non inutile erit eis scientiam acquisiuisse. Nec est inconueniens quod utraque scientia eorundem scibilium adstet eadem, cum non sint ambae omnis rationis.

Ad tertium dicendum, quod ratio illa non pertinet ad propositum, eo quod non ponimus quod anima separata cognoscat omnia naturalia in speciali: unde non repugnat eius cognitioni infinitas specierum quae est in numeris, figuris, & proportionibus. Quia tamen eodem modo posset concludere haec ratio contra cognitionem angelicam, dicendum est, quod species figurarum, & numerorum, & huiusmodi non sunt infinitae in actu, sed in potentia tantum; nec est etiam inconueniens quod virtus substantiae intellectus finitae ad huiusmodi infinita extendat se: quia virtus intellectiua est quodammodo infinita, inquantum non est terminata per materiam, unde & uniuersale cognoscere potest, quod quodammodo est infini-

S. Th. Oper. Tom. XV.

(a) *Id. enim.*

infini- tum, inquantum de sui ratione poten- tia continet infinita.

Ad quartum dicendum, quod formæ re- rum materialium sunt in substantiis imma- terialibus immaterialiter; & sic est assimi- latio inter utrumque quantum ad rationes formarum, non quantum ad modum ef- fecti.

Ad quintum dicendum, quod materia prima non se habet ad formas nisi dupli- citer, vel in potentia pura, vel in actu pu- ro: eo quod formæ naturales statimur sunt in materia, habent operationes suas, nisi sit aliquod impedimentum: quod ideo est, quia forma naturalis non se habet nisi ad unum: unde statim quod forma ignis est in mate- ria, facit eum moveri sursum. Sed intelle- ctus possibilis se habet ad species intelli- gibiles tripliciter: quandoque enim se habet in potentia pura, sicut ante addicere; quandoque autem in actu puro, sicut cum actu considerat; quandoque autem medio modo inter potentiam & actum, sicut cum est scientia in habitu, & non in actu. Comparatur igitur forma intellecta ad in- tellectum possibilem sicut forma naturalis ad materiam primam, prout est intellecta in actu, non prout est habitualiter. Et inde est quod sicut materia prima simul & semel non informatur nisi una forma, ita intel- lectus possibilis non intelligit nisi unum in- telligibile; potest tamen scire multa habi- tualiter.

Ad sextum dicendum, quod substantiæ cognoscenti potest aliquid assimilari dupli- citer: aut secundum suum esse naturale, & sic non assimilantur diversa secundum spe- ciem, cum ipsa sit unius speciei; aut secun- dum esse intelligibile, & sic secundum quod habet diversas species intelligibiles, sic pos- sunt ei assimilari diversa secundum speciem, cum tamen ipsa sit unius speciei.

Ad septimum dicendum, quod animæ se- paratæ non solum cognoscunt species, sed individua; non tamen omnia, sed aliqua: & ideo non oportet quod sint in ea species infinitæ.

Ad octavum dicendum, quod applicatio universalis cognitionis ad singularia non est causa cognitionis singularium, sed conse- quens ad ipsam. Quomodo autem anima separata singularia cognoscat, infra quæ- ritur.

Ad nonum dicendum, quod cum bonum consistat in modo, specie, & ordine secun- dum Augustinum in Lib. de natura boni (cap. 111.) tantum invenitur in re ali-

qua de ordine, inquantum invenitur ibi de bono. In damnatis autem non est bonum gratiæ, sed naturæ: unde non est ibi ordo gratiæ, sed naturæ, qui sufficit ad huius- modi cognitionem.

Ad decimum dicendum, quod Augusti- nus loquitur de singularibus quæ hic sunt, de quibus dictum est, quod non pertinent ad cognitionem intelligibilem.

Ad undecimum dicendum, quod intel- lectus possibilis non potest reduci in actum cognitionis omnium naturalium per lumen solum intellectus agentis, sed per aliquam superiorem substantiam, cui actu adest cog- nitio omnium naturalium. Et si quis re- cte consideret, intellectus agens secundum ea quæ Philosophus de ipso tradit, non est activum respectu intellectus possibilis dire- cte, sed magis respectu phantasmatum, quæ facit intelligibilia actu, per quæ intellectus possibilis reducit in actum quando aspec- tus eius inclinatur ad inferiora ex unione corporis. Et eadem ratione quando aspectus eius est ad superiora post separationem a corpore, sit in actu per species actu in- telligibiles quæ sunt in substantiis superioribus quasi per agens proprium; & sic talis cog- nitio est naturalis.

Unde patet solutio ad duodecimum.

Ad decimumtertium dicendum, quod huiusmodi perfectionem recipiunt animæ sepa- ratæ a Deo mediantibus Angelis: licet enim substantia animæ creetur a Deo imme- diate, tamen perfectiones intelligibiles pro- veniunt a Deo mediantibus Angelis, non solum naturales, sed etiam quæ ad myste- ria gratiarum pertinent, ut patet per Dio- nygium iv. cap. cæl. Hierar.

Ad decimumquartum dicendum, quod anima separata habens universalem cog- nitionem scibilium naturalium, non est per- fecte reducta in actum: quia cognoscere aliquid in universali, est cognoscere imper- fecte, & in potentia, unde non attingit ad felicitatem etiam naturalem: unde non se- quitur quod alia auxilia quibus pervenitur ad felicitatem, sint superflua.

Ad decimumquintum dicendum, quod damnati de hoc ipso bono cognitionis quod habent, tristantur, inquantum cognoscunt se destitutos esse summo bono, ad quod per alia bona ordinabantur.

Ad decimumsextum dicendum, quod Glo- ssa illa loquitur de particularibus, quæ non pertinent ad perfectionem intelligibilem, ut dictum est.

Ad primum veto in contrarium dicen- dum.

ARTICULUS XIX.

Utrum potentie sensitivae remaneant in anima separata.

dum, quod anima separata non perfecte comprehendit substantiam separatam; & ideo non oportet quod cognoscat omnia quae in ipsa sunt per similitudinem.

Ad secundum dicendum, quod verbum Gregorii veritatem habet quantum ad cognitionem obiecti intelligibilis, quod est Deus, quod quantum est de se representat omnia intelligibilia; non tamen necesse est quod quicumque videt Deum, sciat omnia quae ipse scit, nisi comprehendat ipsum, sicut ipse seipsum comprehendit.

Ad tertium dicendum, quod species quae sunt in intellectu Angelis, sunt intelligibiles intellectui eius cuius sunt formae, non tamen intellectui animae separatae.

Ad quartum dicendum, quod licet intellectum sit forma substantiae intelligentis, non tamen oportet quod anima separata intelligens substantiam separatam intelligat intellectum eius, quia non comprehendit ipsam.

Ad quintum dicendum, quod licet anima separata aliquo modocognoscat substantias separatas, non tamen oportet quod alia omnia cognoscat perfecte, quia nec ipsas substantias separatas perfecte cognoscit.

Ad sextum dicendum, quod anima separata reducitur a superiore substantia in actum omnium intelligibilium naturalium, non perfecte, sed universaliter, ut dictum est.

Ad septimum dicendum, quod licet substantiae separatae sint quodammodo exemplaria omnium rerum naturalium, non tamen sequitur quod eis cognitae omnia cognoscantur, nisi perfecte comprehenderentur ipsae substantiae separatae.

Ad octavum dicendum, quod anima separata cognoscit per formas influxas; quae tamen non sunt formae ordinis universi in speciali, sicut in substantiis superioribus, sed in generali tantum, ut dictum est.

Ad nonum dicendum, quod res naturales sunt quodammodo in substantiis separatis, & in anima; sed in substantiis separatis in actu, in anima vero in potentia ad omnes formas naturales intelligendas.

Ad decimum dicendum, quod anima Abraham erat substantia separata: unde & anima divitis poterat eam cognoscere, sicut & alias substantias separatas.

DEcimonono quaeritur, utrum potentiae sensitivae remaneant in anima separata. Et videtur quod sic. Quia potentiae animae vel essentialiter insunt ei, vel sunt proprietates naturales eius. Sed nec essentialia possunt separari a re, dum ipsa res manet, neque proprietates naturales eius. Ergo in anima separata manent potentiae sensitivae.

2. Sed dicendum, quod remanent in ea ut in radice. Sed contra. Esse in aliquo ut in radice, est esse in eo ut in potentia; quod est esse in aliquo virtute, & non actu. Essentialia autem rei, & proprietates naturales eius oportet quod sint in actu, & non virtute tantum. Ergo potentiae sensitivae non remanent in anima separata solum ut in radice.

3. Praeterea. Augustinus dicit in Lib. de spiritu & anima (cap. xv.) quod anima recedens a corpore trahit secum sensum, & imaginationem, concupiscibilem, & irascibilem, quae sunt in parte sensitiva. Ergo potentiae sensitivae remaneant in anima separata.

4. Praeterea. Totum non est integrum cui desunt aliquae partes eius. Sed potentiae sensitivae sunt partes animae. Si igitur non essent in anima separata, anima separata non esset integra.

5. Praeterea. Sicut est homo per rationem, & intellectum, ita est animal per sensum: nam rationale est differentia hominis constitutiva, & sensibile est differentia constitutiva animalis. Si ergo non est idem sensus, non erit idem animal. Sed si potentiae sensitivae non remaneant in anima separata, non erit idem sensus in homine resurgente qui modo est: quia quod in nihilum cedit, non potest resumi idem numero. Ergo homo resurgens non erit idem animal, & sic neque idem homo; quod est contra id quod dicitur Iob xii. 27. *Quem visurus sum ego ipse, & oculi mei conspiciuri sunt.*

6. Praeterea. Augustinus dicit XII. super Gen. ad litter. (cap. xxxi.) quod poenae quas in inferno animae patiuntur, sunt similes visis dormientium, id est secundum similitudines corporalium rerum. Sed huiusmodi visis dormientium sunt secundum ima-

ginationem, quæ pertinet ad partem sensitivam. Ergo potentia sensitivæ sunt in anima separata.

7. Præterea. Manifestum est quod gaudium est in concupiscibili, & ira in irascibili. Sed in animabus separatis bonorum est gaudium, & in animabus malorum est dolor, & ira: est enim ibi stectus, & stridor dentium. Ergo cum concupiscibilis, & irascibilis sint in parte sensitiva, ut Philosophus dicit in III. de Anima, videtur quod potentia sensitivæ sint in anima separata.

8. Præterea. Dioctysius dicit iv. cap. de div. Nom. quod malum dæmonis est furor irrationalis, concupiscentia amens, & phantasia proterva. Sed hæc pertinent ad potentias sensitivas. Ergo potentia sensitivæ sunt in dæmonibus: multo ergo magis in anima separata.

9. Præterea. Augustinus dicit super Genes. ad Iir. quod anima quædam sentit sine corpore, scilicet gaudium, & tristitiam. Sed quod convenit animæ sine corpore, est in anima separata. Ergo sensus est in anima separata.

10. Præterea. In Lib. de causis (prop. xiv.) dicitur, quod in omni anima sunt res sensibiles. Sed res sensibiles per hoc sentiuntur, quia sunt in anima. Ergo anima separata sentit res sensibiles; & ita est in ea sensus.

11. Præterea. Gregorius dicit (hom. xl. io Evang.) quod id quod Dominus narrat Lucæ xvi. de divite epulone, non est parabola, sed res gesta. Dicitur autem ibi, quod dives in inferno positus nec dubium quin secundum animam separatam vidit Lazarum, & audivit Abraham sibi loquentem. Ergo anima separata vidit, & audit; & sic est in ea sensus.

12. Præterea. Eorum quæ sunt idem secundum esse, vel secundum substantiam, unum non potest esse sine altero. Sed anima sensibilibus, & rationalis in homine sunt idem secundum esse, & secundum substantiam. Ergo non potest esse quin sensus remaneat in anima rationali separata.

13. Præterea. Quod cedit in nihil, non resumitur idem numero. Sed si potentia sensitivæ non manent in anima separata, oportet quod cedant in nihilum. Ergo in resurrectione non erunt eadem numero; & sic cum potentia sensitivæ sint actus organorum, neque organa erunt eadem numero, neque totus homo erit idem numero; quod est inconveniens.

14. Præterea. Præmium, & pœna respondent merito, & demerito. Sed meritum, & demeritum hominis consistit ut plurimum in actibus sensitivarum potentialiarum, dum vel passiones sequimur, vel eas resrenamus. Ergo iustitia videtur exigere quod actus sensitivarum potentialiarum sint in animabus separatis, quæ præmiantur, vel puniuntur.

15. Præterea. Potentia nihil est aliud quam principium actionis, vel passionis. Anima autem est principium operationum sensitivarum. Ergo potentia sensitivæ sunt in anima sicut in subiecto; & ita non potest esse quin remaneant in anima separata, cum accidentia contrarietate carentia non corrumpantur nisi per corruptionem subiecti.

16. Præterea. Memoria est in parte sensitiva secundum Philosophum (in Lib. de memoria & reminisc. cap. i.) Sed memoria est in anima separata; quod patet per hoc quod dicitur diviti epuloni ab Abraham (Luc. xvi. 25.) *Recordare quia recepisti bona in vita tua*. Ergo potentia sensitivæ sunt in anima separata.

17. Præterea. Virtutes, & vitia remanent in animabus separatis. Sed quædam virtutes, & vitia sunt in parte sensitiva: dicit enim Philosophus in III. Ethic. (cap. x.) quod temperantia, & fortitudo sunt irrationabilium partium. Ergo potentia sensitivæ manent in anima separata.

18. Præterea. De mortuis qui resuscitati dicuntur, legitur in plerisque historiis sanctorum, quod quædam imaginabilia se vidisse recitaverunt, puta domos, campos, flumina, & huiusmodi. Ergo animæ separatae imaginatione utuntur, quæ est in parte sensitiva.

19. Præterea. Sensus iuvat cognitionem intellectivam: nam cui deficit unus sensus, deficit una scientia. Sed cognitio intellectiva perfectior erit in anima separata quam in anima coniuncta corpori. Ergo magis aderit ei sensus.

20. Præterea. Philosophus dicit in I. de Anima (com. lxxv.) quod si senex accipiat oculum juvenis, videbit utique sicut & juvenis. Ex qua videtur quod debilitatis organum non debilitatur potentia sensitivæ. Ergo nec destructis, destruuntur; & sic videtur quod potentia sensitivæ remaneant in anima separata.

Sed contra est quod Philosophus dicit in III. de Anima (Lib. II. com. xxi.) de intellectu loquens, quod hoc solum separatur sicut perpetuum a corruptibili. Ergo potest

potentiæ sensitivæ non remanent in anima separata.

Præterea. Philosophus dicit in XVI. Lib. de animalibus (Lib. II. de gener. animal. cap. 111.) quod quatuor potentiæ operationes non sunt sine corpore, neque ipsæ potentiæ sunt sine corpore. Sed operationes potentiæ sensitivæ non sunt sine corpore: exerceantur enim per organa corporalia. Ergo potentiæ sensitivæ non sunt sine corpore.

Præterea. Damascenus dicit (Lib. II. cap. xxxv.) quod nulla res destituitur propria operatione. Si ergo potentiæ sensitivæ (a) remanerent in anima separata, haberent proprias operationes; quod est impossibile.

Præterea. Frustra est potentia quæ non tenditur ad actum. Nihil autem est frustra in operationibus Dei. Ergo potentiæ sensitivæ non remanent in anima separata, in qua non possunt reduci ad actum.

Respondet dicendum, quod potentiæ animæ non sunt de essentia animæ, sed sunt proprietates naturales quæ fluunt ab essentia eius, ut ex prioribus questionibus (quæst. præced. art. ult.) haberi potest. Accidens autem dupliciter corrumpitur: uno modo a suo contrario, sicut frigidum corrumpitur a calido; alio modo per corruptionem sui subiecti: non enim accidens remanere potest corrupto subiecto. Quæcumque igitur accidentia, seu formæ contrariarum non habent, non destruuntur nisi per destructionem subiecti. Manifestum est autem quod potentiis animæ nihil est contrarium: & ideo si corrumpantur, non corrumpuntur nisi per corruptionem sui subiecti. Ad investigandum igitur utrum potentiæ sensitivæ corrumpantur corrupto corpore, vel remaneant in anima separata, principium investigationis oportet accipere, ut consideremus quid sit subiectum potentiæ prædictarum. Manifestum est autem quod subiectum potentiæ oportet esse id quod secundum potentiam dicitur potens: nam omne accidens suum subiectum denominat. Idem autem est quod potest agere, vel pati, & quod est agens, vel patiens: unde oportet ut illud sit subiectum potentiæ quod est subiectum actionis, vel passionis, cuius potentiæ est principium. Et hoc est quod Philosophus dicit in Lib. de somno & vigilia (cap. 1.) quod cuius est potentia, eius est actio. Circa operationes autem sensuum diversa fuit opinio. Plato enim posuit quod anima

sensitiva per se haberet propriam operationem: posuit enim quod anima etiam sensitiva est movens seipsam, & quod non movet corpus nisi prout est a se mota. Sic igitur in sentiendo est duplex operatio: una qua anima movet seipsam; alia qua movet corpus. Unde Platonici definiunt quod sensus est motus animæ per corpus: unde & propter hoc quidam huiusmodi positionis sectatores distinguunt duplices operationes partis sensitivæ: quasdam scilicet interiores, quibus anima sentit, secundum quod seipsam movet; quasdam exteriores, secundum quod movet corpus. Dieunt etiam, quod sunt duplices potentiæ sensitivæ: quædam quæ sunt in ipsa anima principium interiorum actuum, & istæ manent in anima separata corpore destructo cum suis actibus; quædam vero sunt principia exteriorum actuum, quæ sunt in anima simul & corpore, & pereunte corpore pereunt. Sed hæc positio stare non potest. Manifestum est enim quod unumquodque secundum hoc operatur secundum quod est ens: unde quæ per se habent esse, per se operantur, sicut individua substantiarum. Formæ autem quæ per se non possunt esse, sed dicuntur entia inquantum eis aliquid est, non habent per se operationem, sed dicuntur operari inquantum per eas subiecta operantur: sicut enim calor non est id quod est, sed est id quo aliquid est calidum; ita non calefacit, sed est id quo calidum calefacit. Si igitur anima sensitiva haberet per se operationem, sequeretur quod haberet per se substantiam, & sic non corrumpereetur corrupto corpore: unde etiam brutorum animæ essent immortales; quod est impossibile: & tamen Plato hoc dicitur concessisse. Manifestum est igitur quod nulla operatio partis sensitivæ potest esse animæ tantum ut operetur, sed est compositi per animam, sicut calefactio est calidi per calorem. Compositum igitur est videns, & audiens, & omnis sentiens, sed per animam: unde etiam compositum est potens videre, & audire, & sentire, sed per animam. Manifestum est ergo quod potentiæ partis sensitivæ sunt in composito sicut in subiecto, sed sunt ab anima sicut a principio. Destructo igitur corpore destruuntur potentiæ sensitivæ, sed remanent in anima sicut in principio. Et hoc est quod alia opinio dicit, quod potentiæ sensitivæ manent in anima separata solum sicut in radice.

Ad primum ergo dicendum, quod potentiæ

[a] -d. non remanent.

entia sensitivæ non sunt de essentia animæ, sed sunt proprietates naturales; compositi quidem ut subiecti, animæ vero ut principii.

Ad secundum dicendum, quod huiusmodi potentia dicuntur in anima separata remanere ut in radice, non quia sint actu in ipsa, sed quia anima separata est talis virtutis ut si uniatur corpori, iterum potest causare has potentias in corpore, sicut & vitam.

Ad tertium dicendum, quod illam auctoritatem non oportet nos recipere, cum liber iste falsum habeat auctorem in titulo: non enim est Augustini, sed cuiusdam alterius. Posset tamen illa auctoritas exponi, ut dicatur, quod anima trahit secum huiusmodi potentias non actu, sed virtute.

Ad quartum dicendum, quod potentia animæ non sunt partes essentielles, vel integrales, sed potentiales, ita tamen quod quædam earum insunt animæ secundum se, quædam vero compositæ.

Ad quintum dicendum, quod sensus dicitur dupliciter. Uno modo ipsa anima sensitiva, quæ est huiusmodi potentialium principium; & sic per sensum animal est animal sicut per propriam formam: hoc enim modo a sensu sensibile sumitur, prout est differentia constitutiva animalis. Alio modo dicitur sensus ipsa potentia sensitiva, quæ cum sit proprietas naturalis, ut dictum est (in corp. art.) non est constitutiva speciei, sed consequens speciem. Hoc igitur modo sensus non manet in anima separata, sed sensus primo modo dictus manet: nam in homine eadem est essentia animæ sensibilis, & rationalis. Unde nihil prohibet hominem resurgentem esse idem animal numero: ad hoc enim quod aliquid sit idem numero, sufficit quod principia essentialia sint eadem numero, non autem requiritur quod proprietates, & accidentia sint eadem numero.

Ad sextum dicendum, quod Augustinus videtur hoc retractasse in Lib. retractationum (cap. xxiv.) Dicit enim H. super Genes. ad litter. (cap. xxxi.) quod pænæ inferni secundum imaginariam visionem sunt, & quod locus inferni non est corporeus, sed imaginarius: unde coactus fuit reddere rationem, si infernus non est locus corporeus, quare inferi dicuntur esse sub terra. Et hoc ipsemet reprehendit dicens: *De inferis magis mihi videtur docere debuisse quod sub terris sint, quam rationem reddere cur sub terris esse credantur, siue*

dicantur, quasi non ita sit. Hoc autem retractato quod de loco inferni dixerat, videntur omnia alia retractari, quæ ad hoc pertinent.

Ad septimum dicendum, quod in anima separata non est gaudium, neque ira secundum quod sunt actus irascibilis, & concupiscibilis, quæ sunt in sensitiva parte, sed secundum quod his designatur motus voluntatis, quæ est in parte intellectiva.

Ad octavum dicendum, quod quia malum hominis est secundum tria, scilicet phantasiam pravam, quæ scilicet est principium errandi, concupiscentiam amentem, & irrationabilem furorem; propter hoc Dionysius malum dæmonis sub similitudine humani mali describit, non ut intelligatur in dæmonibus esse phantasia, aut irascibilis, aut concupiscibilis, quæ sunt in parte sensitiva, sed aliqua his proportionata, secundum quod competit naturæ intellectivæ.

Ad nonum dicendum, quod per verba illa Augustini non intelligitur quod anima aliqua sentiat absque organo corporali, sed quod aliqua sentiat absque ipsis corporibus sensibilibus, utpote metum, & tristitiam; aliqua vero per ipsa corpora, utpote calidum, & frigidum.

Ad decimum dicendum, quod omne quod est in aliquo, est in eo per modum recipientis: unde res sensibiles sunt in anima separata non per modum sensibilem, sed per modum intelligibilem.

Ad undecimum dicendum, quod nihil prohibet in descriptione rerum gestarum aliqua metaphorice dici: licet enim quod dicitur in Evangelio de Lazaro, & divite, sit res gesta, tamen metaphorice dicitur, quod Lazarus vidit, & audivit, sicut & metaphorice dicitur quod linguam habuit.

Ad duodecimum dicendum, quod substantia animæ sensibilis in homine manet post mortem, non tamen manent potentia sensitivæ.

Ad decimumtertium dicendum, quod sicut sensus prout nominat potentiam, non est forma totius corporis, sed anima sensitiva, sensus autem est proprietates compositi; ita etiam potentia visiva non est actus oculi, sed anima secundum quod est principium talis potentia; quasi ita dicatur, quod anima visiva est actus oculi, sicut anima sensitiva est actus totius corporis; potentia autem visiva est proprietates consequens. Unde non oportet quod sit alius oculus resurgentis, licet alia sit potentia sensitiva.

Ad decimumquartum dicendum, quod præ-

præmium non respondet merito sicut præmiando, sed sicut ei pro quo aliquid præmiatur. Unde non oportet quod omnes actus refundantur in remuneratione quibus aliquis meruit, sed sufficit quod sint in divina recordatione: alias deberet iterum sanctos occidi; quod est absurdum.

Ad decimumquintum dicendum, quod anima est principium sentiendi, non sicut sentiens, sed sicut id quo sentiens sentit: unde potentie sensitivæ non sunt in anima sicut in subiecto, sed sunt ab anima sicut a principio.

Ad decimumsextum dicendum, quod anima separata recordatur per memoriam, non quæ est in parte sensitiva, sed quæ est in parte intellectiva, prout Augustinus ponit eam partem imaginis.

Ad septimum dicendum, quod virtutes, & vitia quæ sunt irrationabilium partium, non manent in anima separata nisi in suis principiis: omnium enim virtutum semina sunt in voluntate, & ratione.

Ad decimumseptimum dicendum, quod sicut ex supradictis (art. 17. & 18.) patet, anima separata a corpore non eundem modum habet cognoscendi sicut eum est in corpore. Eorum ergo quæ apprehendit anima separata secundum modum sibi proprium absque phantasmatis, remanet cognitio in ea postquam ad pristinum statum redit corpori iterato coniuncta secundum modum tunc sibi convenientem, scilicet cum conversione ad phantasmata: & ideo quæ intelligibiliter viderunt, imaginabiliter narrant.

Ad decimumnonum dicendum, quod intellectus indiget auxilio sensus secundum statum imperfectæ cognitionis, prout scilicet accipit a phantasmatis, non autem secundum perfectiorem cognitionis modum, qui competit animæ separatæ; sicut homo indiget lacte in pueritia, non tamen in perfecta etate.

Ad vicesimum dicendum, quod potentie sensitivæ non debilitantur secundum se debilitatis organo, sed solum per accidens: unde & per accidens corrumpuntur corruptis organo.

Utrum anima separata, singularia cognoscit.

I. Part. quest. lxxxix. art. 4.

Vicesimo queritur, utrum anima separata singularia cognoscat. Et videtur quod non. Quia de potentiis animæ in anima separata remanet solus intellectus. Sed obiectum intellectus est universale, & non singulare: scientia enim est universalium, sensus autem singularium, ut dicitur in I. de Anima (Lib. III. com. xx.) Ergo anima separata non cognoscit singularia, sed tantum universalia.

2. Præterea. Si anima separata cognoscit singularia, aut per formas prius acquisitas, eum esset in corpore, aut per formas influxas. Sed non per formas prius acquisitas: nam formarum quas anima per sensus acquirit dum est in corpore, quedam sunt intentiones individuales, quæ conservantur in potentiis partis sensitivæ; & sic remanere non possunt in anima separata, cum huiusmodi potentie non maneat in ea, ut ostensum est (art. præced.) quedam autem intentiones sunt universales, quæ sunt in intellectu, unde hæc solæ manere possunt. Sed per intentiones universales non possunt cognosci singularia. Ergo anima separata non potest cognoscere singularia per species quas acquisivit in corpore. Similiter autem neque per species influxas, quia huiusmodi species æqualiter se habent ad omnia singularia: unde sequeretur quod anima separata omnia singularia cognosceret; quod non videtur esse verum.

3. Præterea. Cognitio animæ separatæ impeditur per loci distantiam: dicit enim Augustinus in Lib. de cura pro mortuis agenda (cap. xlii. xv. & xvi.) quod animæ mortuorum ibi sunt ubi ea quæ hic sunt, omnino scire non possunt. Cognitionem autem quæ fit per species influxas, non impedit loci distantia. Ergo anima non cognoscit singularia per species influxas.

4. Præterea. Species influxæ æqualiter se habent ad præsentia, & futura: non enim influxus intelligibilium specierum est sub tempore. Si igitur anima separata cognoscit singularia per species influxas, videtur quod non solum cognoscat præsentia, vel præterita, sed etiam futura; quod esse non potest, ut videtur, cum cognoscere futura sit

fit solius Dei, prout dicitur *Isai. xli. 23. Annuntiate quæ ventura sunt (a) in fine, & dicam quod dii estis vos.*

5. Præterea. Siogularia sunt infinita. Species autem influxus non sunt infinitæ. Non ergo anima separata per species influxas potest singularia cognoscere.

6. Præterea. Id quod est indistinctum, non potest esse principium distinctæ cognitionis. Cognito autem singularium est distincta. Cum igitur formæ influxus sint indistinctæ, utpote universales existentes, videtur quod per species influxas anima separata singularia cognoscere non possit.

7. Præterea. Omne quod recipitur in aliquo, recipitur in eo per modum recipientis. Sed anima separata est immaterialis. Ergo formæ influxus recipiuntur in ea immaterialiter. Sed quod est immateriale, non potest esse principium cognitionis singularium, quæ sunt individuata per materiam. Ergo anima separata per formas influxas non potest cognoscere singularia.

8. Sed diceretur, quod per formas influxas possunt cognosci singularia, licet sint immateriales: quia sunt similitudines rationum idealium, quibus Deus & universalis, & singularia cognoscit. Sed contra. Dens per rationes ideales cognoscit singularia, inquantum sunt factrices materiæ, quæ est principium individuationis. Sed formæ influxus animæ separatae non sunt materiæ factrices, quia non sunt creatrices: hoc enim solius Dei est. Ergo anima separata per formas influxas non potest cognoscere singularia.

9. Præterea. Similitudo creaturæ ad Deum non potest esse per univocationem, sed solum per analogiam. Sed cognitio quæ fit per similitudinem analogiæ, est imperfectissima, sicut si aliquid cognosceretur per alterum, inquantum convenit cum illo in ente. Si ergo anima separata cognoscit singularia per species influxas, inquantum sunt similes rationibus idealibus, videtur quod imperfectissime singularia cognoscat.

10. Præterea. Dictum est in precedentibus (art. 18.) quod anima separata non cognoscit naturalia per formas influxas nisi in quadam confusione, & in universali. Hoc autem non est cognoscere singularia. Ergo anima separata non cognoscit singularia per species influxas.

11. Præterea. Species illæ influxus per

quas anima separata singularia ponitur cognoscere, non causantur a Deo immediate: quia secundum Dionysium lex divinitatis est infima per media reducere. Nec iterum causantur per Angelum: quia Angelus huiusmodi species causare non potest neque creando, cum nullus rei sit creator; neque transmutando, quia oportet esse aliquid medium differens. Ergo videtur quod anima separata non habeat species influxas, per quas singularia cognoscat.

12. Præterea. Si anima separata cognoscit singularia per species influxas, hoc non potest esse nisi dupliciter, vel applicando species ad singularia, vel convertendo se ad ipsas species. Si applicando ad singularia, constat quod huiusmodi applicatio non fit accipiendo aliquid a singularibus, cum non habeat potentias sensitivas, quæ natæ sunt a singularibus accipere. Relinquitur ergo quod hæc applicatio fit ponendo aliquid circa singularia; & sic non cognoscit ipsa singularia, sed hoc tantum quod circa singularia ponit. Si autem per species distas cognoscit singularia convertendo se ad ipsas, sequetur quod non cognoscit singularia nisi secundum quod sunt in ipsis speciebus. Sed in speciebus prædictis non sunt singularia nisi universaliter. Ergo anima separata non cognoscit singularia nisi in universali.

13. Præterea. Nullum finitum super infinita potest. Sed singularia sunt infinita. Cum igitur virtus animæ separatae sit finita, videtur quod anima separata non cognoscat singularia.

14. Præterea. Anima separata non potest cognoscere aliquid nisi visione intellectuali. Sed Augustinus XI. super Genesim ad litter. (cap. xxiv.) dicit, quod visio intellectuali non cognoscitur neque corpora, neque similitudines. Cum igitur singularia sint corpora, videtur quod ab anima separata cognosci non possint.

15. Præterea. Ubi est eadem natura, & idem est modus operandi. Sed anima separata est eiusdem naturæ cum anima coniuncta corpori. Cum ergo anima coniuncta corpori non possit cognoscere singularia per intellectum, videtur quod nec anima separata.

16. Præterea. Potentiæ distinguuntur per obiecta. Sed propter quod unumquodque, illud magis. Ergo obiecta sunt magis distincta

(a) Vulgata: in futurum, & scietis quia dii estis vos.

finis quam potentiae. Sed sensus numquam fiet intellectus. Ergo singulare, quod est sensibile, nusquam fiet intelligibile.

17. Præterea. Potentia cognoscitiva superioris ordinis minus multiplicatur respectu eorumdem cognoscibilium quam potentia inferioris ordinis: sensus enim communis est cognoscitivus omnium quæ per quinque exteriores sensus apprehenduntur: & similiter Angelus una potentia cognoscitiva, scilicet intellectu, cognoscit universalis, & singularis, quæ homo sensu, & intellectu apprehendit. Sed numquam potentia inferioris ordinis potest apprehendere id quod est alterius potentiae quæ ab ea distinguitur, sicut visus numquam potest apprehendere obiectum auditus. Ergo intellectus hominis numquam potest apprehendere singulare, quod est obiectum sensus; licet intellectus Angeli cognoscat utrumque, & apprehendat.

18. Præterea. In Lib. de causis (prop. xxi.) dicitur quod intelligentia cognoscitur res in quantum est causa eis, vel in quantum regit eas. Sed anima separata neque causat singularem, neque regit singularem. Ergo non cognoscit ea.

19. Sed contra. Formare propositiones non est nisi intellectus. Sed anima etiam conjuncta corpori format propositionem, cuius subiectum est singulare, prædicatum universale; ut cum dico, Sortes est homo; quod non possum facere nisi cognoscerem singulare, & comparisonem eius ad universale. Ergo etiam anima separata per intellectum cognoscit singularem.

20. Præterea. Anima est inferior secundum naturam omnibus Angelis. Sed Angelus inferioris Hierarchiæ recipiunt illuminationes singularium effectuum. & in hoc distinguuntur ab Angelis mediæ hierarchiæ, qui recipiunt illuminationes secundum rationes universales effectuum; & ab Angelis supremæ, qui recipiunt illuminationes secundum rationes universales existentes in causis. Cum igitur tanto sit magis particularis cognitio, quanto substantia cognoscens est inferioris ordinis, videtur quod anima separata multo fortius singularem cognoscat.

21. Præterea. Quidquid potest virtus inferior, potest superior. Sed sensus potest cognoscere singularem, qui est inferior intellectus. Ergo & anima separata secundum intellectum potest singularem cognoscere.

Respondendo dicendum, quod necesse est dicere, quod anima separata quoddam sin-

gularia cognoscat, non tamen omnia. Cognoscit autem singularem quoddam, quorum prius cognitionem accepit, dum corpori esset unita: aliter enim non recordaretur eorum quæ gessit in vita, & sic periret anima separata conscientie vermis. Cognoscit etiam quoddam singularem, quorum cognitionem accepit post separationem a corpore; aliter enim non affligeretur ab igne inferni, & ab aliis corporalibus poenis quæ in inferno esse dicuntur. Quod autem non omnia singularem cognoscat anima separata secundum naturalem cognitionem, ex hoc manifestum est quod animæ mortuorum nesciunt ea quæ hic aguntur, ut Augustinus dicit (Lib. de cura pro mortuis cap. xiii. & xv.) Habet igitur hæc questio duas difficultates, unam communem, & aliam propriam. Communis quidem difficultas est ex hoc quod intellectus noster non videtur esse cognoscitivus singularium, sed universalium tantum: unde cum Deo, & Angelis, & animæ separatæ non competat aliqua cognoscitiva potentia nisi solus intellectus, difficile videtur quod eis singularium cognitio addit. Unde quidam intantum erraverunt ut Deo, & Angelis cognitionem singularium subtraherent: quod est omnino impossibile. Nam hoc posito, providentia divina excluderetur a rebus, & iudicium Dei de humanis actibus tolleretur: auferrentur etiam & ministeria Angelorum, quos de salute hominum credimus esse sollicitos, secundum illud Apostoli (Hebr. i. 14.) *Omnes sunt administratorii spiritus in ministerium missi propter eos qui hereditatem capiunt salutis.*

Ex ideo alii dixerunt, Deum quidem, & Angelos, necnon & animas separatas singularem cognoscere per cognitionem universalium causarum totius ordinis universi. Nichil enim est in rebus singularibus quod ex illis universalibus causis non derivetur. Exponunt exemplum, sicut si aliquis cognosceret totum ordinem cali, & stellarum, & mensuram, & motus eorum, sciret per intellectum omnes futuras eclipses, & quantæ, & quibus in locis, & quibus temporibus futuræ essent. Sed hoc non sufficit ad veram singularium cognitionem. Manifestum est enim quod quantumcumque adveniat aliqua universalis, numquam ex eis perficitur singulare; sicut si diram hominem alium, musicum, & quæcumque huiusmodi addidero, numquam erit singulare: possibile est enim omnia hæc adunata pluribus convenire. Unde qui cognoscit omnes causas in universali, numquam propter hoc

proprie cognoscet aliquem singulare effectum; nec ille qui cognoscit totum ordinem caeli, cognoscit hanc eclypsum ut est hic: etsi enim cognoscit eclypsim futuram esse in tali sito Solis, & Lunae, & in tali hora, & quaecumque huiusmodi; in eclypsis observantur; tamen talem eclypsim possibile est pluries evenire.

Et ideo alii, ut veram cognitionem singularium Angelis, & animabus adscriberent, dixerunt, quod huiusmodi cognitionem ab ipsis singularibus accipiunt. Sed hoc est omnino inconveniens. Cum enim maxima sit distantia inter esse intelligibile, & esse materiale, & sensibile, non statim forma rei materialis ab intellectu accipitur, sed per multa media ad eum deducitur; puta, forma alicuius sensibilis prius fit in medio, ubi est spiritualior quam in re sensibili, & postmodum in organo sensus, & exinde derivatur ad phantasiam, & ad alias inferiores vires, & ulterius tandem perducitur ad intellectum. Haec autem media nec etiam fingere possibile est competere Angelis, aut animae separatæ.

Et ideo aliter dicendum est, quod formæ rerum per quas intellectus cognoscit, dupliciter se habent ad res: quædam enim sunt factivæ rerum, quædam autem a rebus acceptæ: & illæ quidem quæ sunt rerum factivæ, instantim ducunt in cognitionem rei, in quantum eis factivæ existunt: unde artifex qui artificiatu tradit formam, vel dispositionem materiæ, per formam artis cognoscit artificiatum quantum ad illud quod in eo causat. Et quia nulla ars hominis causat materiam, sed accipit eam iam præexistentem, quæ est individuationis principium; ideo artifex per formam, puta ædificator cognoscit domum in universali, non autem hanc domum ut est hæc, nisi in quantum eius notitiam accipit per sensum. Deus autem per intellectum suum non solum producit formam ex qua sumitur ratio universalis, sed etiam materiam quæ est individuationis principium: unde per suam artem cognoscit & universalia, & singularia: sicut enim a divina arte effluunt res materiales, ut subsistant in propriis naturis, ita ab eadem arte effluunt in substantias intellectuales separatas similitudines rerum intelligibiles, quibus res cognoscant secundum quod producuntur a Deo. Et ideo substantiæ separatæ cognoscunt non solum universalia, sed etiam singularia, in quantum species intelligibiles in eas a divina arte emanantes sunt similitudines re-

rum & secundum formam, & secundum materiam. Necesse inconveniens formam, quæ est factiva rei, quamvis sit immaterialis, esse similitudinem rei & quantum ad formam, & quantum ad materiam: quia semper in aliquo altiori est aliquid uniformius quam sit in inferiori natura. Unde licet in natura sensibili sit aliud forma, & materia, tamen id quod est altius, & causa utriusque, unum existens se habet ad utrumque: propter quod superiores substantiæ immaterialiter materialia cognoscunt, & uniformiter divisa, ut Dionysius dicit vii. cap. de divin. Nomin. Formæ autem intelligibiles a rebus acceptæ per quandam abstractionem a rebus accipiuntur: unde non ducunt in cognitionem rei quantum ad id a quo fit abstractio, sed quantum ad id quod abstrahitur tantum. Et sic cum formæ receptæ in intellectu nostro a rebus sint abstractæ a materia, & ab omnibus conditionibus materiæ, non ducunt in cognitionem singularium, sed universalium tantum. Hæc est igitur ratio quare substantiæ separatæ possunt per intellectum singularia cognoscere, cum tamen intellectus noster cognoscit universalia tantum. Sed circa singularium cognitionem aliter se habet intellectus angelicus, & aliter animæ separatæ. Diximus enim in superioribus (art. 18.) quod efficacia virtutis intellectivæ quæ est in Angelis, est proportionata universalitati formarum intelligibilium in eis existentium: & ideo per huiusmodi formas universales cognoscunt omnia ad quæ se extendunt: unde sicut cognoscunt omnes species rerum naturalium sub generibus existentes, ita cognoscunt omnia singularia rerum naturalium, quæ sub speciebus continentur. Efficacia autem virtutis intellectivæ animæ separatæ non est proportionata universalitati formarum influxarum, sed magis est proportionata formis a rebus acceptis: propter quod naturale est animæ corpori uniti. Et ideo supra dictum est, quod anima separatæ non cognoscit omnia naturalia etiam secundum species determinate, & complete, sed in quadam universalitate, & confusione: unde nec species influxæ sufficient in eis ad cognitionem singularium, ut sic possint cognoscere omnia singularia, sicut Angeli cognoscunt. Sed tamen huiusmodi species influxæ determinantur in ipsa anima ad cognitionem aliquorum singularium; ad quæ anima habet aliquem ordinem specialem, vel inclinationem, sicut ad ea quæ patitur, vel ad ea ad quæ afficitur, vel

quorumaliquae impressiones, & vestigia in ea remanent. Omne enim receptum determinatur in recipiente secundum modum recipientis. Et sic patet quod anima separata cognoscit singularia, non tamen omnia, sed quaedam.

Ad primum ergo dicendum, quod intellectus noster nunc cognoscit per species a rebus acceptas, quae sunt abstractae a materia, & a omnibus materiis conditionibus: & ideo non potest cognoscere singularia, quorum principium est materia, sed universalia tantum: sed intellectus animae separatae habet formas influxas, per quas potest singularia cognoscere ratione iam dicta.

Ad secundum dicendum, quod anima separata non cognoscit singularia per species prius acquisitas dum erat corpori unita, sed per species influxas; non tamen sequitur quod cognoscit omnia singularia, ut ostensum est.

Ad tertium dicendum, quod animae separatae non impediuntur a cognoscendis his quae sunt hic, propter loci distantiam, sed quia non est in eis tanta efficacia intellectivae virtutis, ut per species influxas omnia singularia cognoscere possint.

Ad quartum dicendum, quod nec etiam Angeli omnia futura contingentia cognoscunt: per species enim influxas singularia cognoscunt, inquantum participant speciem: unde futura quae nondum participant speciem, inquantum futura sunt, ab eis non cognoscuntur, sed solum inquantum sunt praesentia in suis causis.

Ad quintum dicendum, quod Angelique cognoscunt omnia singularia naturalia, non habent tot species intelligibiles quot sunt singularia ab eis cognita; sed per unam speciem cognoscunt multa, ut in superioribus ostensum est. Animae vero separatae non cognoscunt omnia singularia. Unde quantum ad eas ratio non concludit.

Ad sextum dicendum, quod si species essent a rebus acceptae, non possent esse propria ratio singularium a quibus abstrahuntur; sed species influxae cum sint similitudines idealium formarum, quae sunt in mente divina, possunt distincte representare singularia, maxime illa ad quae anima habet aliquam determinationem ex natura sua.

Ad septimum dicendum, quod species influxa quomodo sit immaterialis, & distincta, est tamen similitudo rei & quantum ad formam, & quantum ad materiam, in qua est distinctio, & individuationis principium, ut expositum est (in corp. art.)

Ad octavum dicendum, quod quavis forma intelligibiles non sint creatrices rerum, sunt tamen similes formis creatricibus, non quidem in virtute creandi, sed in virtute representandi res creatas. Aliquis enim artifex potest tradere artem aliquid faciendi alicui, cui tamen non adest virtus ut perficiat illud.

Ad nonum dicendum, quod quia formae influxae non sunt similes rationibus idealibus in mente divina existentibus nisi secundum analogiam, ideo per huiusmodi formas illae rationes ideales non perfecte cognosci possunt. Non tamen sequitur quod per eas imperfecte cognoscantur res, quarum sunt rationes ideales: huiusmodi enim res non sunt excellentiores formis influxis, sed e converso: unde per formas influxas perfecte comprehendi possunt.

Ad decimum dicendum, quod formae influxae determinantur ad cognitionem quorundam singularium in anima separata ex ipsius animae dispositione, ut dictum est.

Ad undecimum dicendum, quod species influxae causantur in anima separata a Deo mediantibus Angelis. Nec obstat quod quaedam animae separatae sunt superiores quibusdam Angelis. Non enim nunc loquimur de cognitione gloriæ, secundum quam anima potest esse Angelis vel similis, vel aequalis, vel etiam superior; sed loquimur de cognitione naturalis, in qua anima deficit ab Angelo. Causantur autem huiusmodi formae in anima separata per Angelum, non per modum creationis, sed sicut id quod est in actu, reducit aliquid sui generis de potentia in actum. Et cum huiusmodi actio non sit naturalis, non oportet hic quaerere medium deferens situale; sed idem hic operatur ordo naturae quod in corporalibus ordo situs.

Ad duodecimum dicendum, quod anima separata per species influxas cognoscit singularia, inquantum sunt similitudines singularium per modum iam dictum. Applicatio autem, & conversio, de quibus in objectione fit mentio, magis huiusmodi cognitionem concomitantur quam eam causant.

Ad decimumtertium dicendum, quod singularia non sunt infinita in actu, sed in potentia: nec intellectus Angeli, aut animae separatae prohibetur cognoscere infinita singularia unum post unum, cum & sensus hoc possit. Et intellectus noster hoc modo cognoscit infinitas species numerorum: sic enim infinitum non est in cognitione nisi successive, & secundum actum coniunctum.

K K K 2 cium

um potentiae, sicut etiam ponitur esse infinitum in rebus materialibus.

Ad decimumquartum dicendum, quod Augustinus non intendit dicere, quod corpora, & similitudines corporum non cognoscantur intellectu; sed quod intellectus non movetur in sua visione a corporibus, sicut sensus, nec a similitudinibus corporum, sicut imago; sed ab intelligibili veritate.

Ad decimumquintum dicendum, quod licet anima separata sit eiusdem naturae cum anima coniuncta corpori, tamen propter separationem a corpore habet aspectum liberum ad substantias superiores, ut possit per eas recipere influxum intelligibilium formarum, per quas singularia cognoscit: quod non potest dum est corpori unita, ut in superioribus ostensum est.

Ad decimumsextum dicendum, quod singulare secundum quod est sensibile, scilicet secundum corporealem immutationem, nunquam sit intelligibile; sed secundum quod forma immaterialis intelligibilis ipsum representare potest, ut ostensum est.

Ad decimumseptimum dicendum, quod anima separata per suum intellectum recipit species intelligibiles per modum superioris substantiae, in qua una virtute cognoscitur quod homo duabus virtutibus, scilicet sensu, & intellectu, cognoscit. Et ideo anima separata utrumque cognoscere potest.

Ad decimumoctavum dicendum, quod anima separata quamvis non regat res, vel cause eas, tamen habet formas similes causanti, & regenti: non enim causans, & regens cognoscit quod regitur, & causatur, nisi in quantum eius similitudinem habet.

Ad ea vero quae in contrarium obijciuntur, etiam respondere oportet, quia falsum concludunt.

Ad primum quorum dicendum est, quod anima coniuncta corpori per intellectum cognoscit singulare, non quidem directe, sed per quamdam reflexionem, in quantum scilicet ex hoc quod apprehendit suum intelligibile, revertitur ad considerandum suum actum, & speciem intelligibilem, quae est principium suae operationis, & eius speciei originem; & sic venit in considerationem phantasmatum, & singularium, quorum sunt phantasmata. Sed haec reflexio compleri non potest nisi per adiunctionem virtutis cognitivae, & imaginativae, quae non sunt in anima separata: unde per modum istum anima separata singularia non cognoscit.

Ad secundum dicendum, quod Angeli inferioris hierarchiae illuminantur de rationibus singularium effectuum, non per species singulares, sed per rationes universales, ex quibus cognoscere singularia possunt propter efficaciam virtutis intellectivae, in qua excedunt animam separatam. Et licet rationes ab eis percipiantur sicut universales simpliciter, tamen dicuntur particulares per comparationem ad rationes universales, quas Angeli superiores recipiunt.

Ad tertium dicendum, quod id quod potest virtus inferior, potest & superior, non tamen eodem modo, sed excellentiori: unde eisdem res quas sensus percipit materialiter, & singulariter, intellectus immaterialiter, & universaliter cognoscit.

ARTICULUS XXI.

Utrum anima separata possit pati ab igne corporeo.

Verisimiliter quaeritur, utrum anima separata possit pati puniam ab igne corporeo. Et videtur quod non. Nihil enim patitur nisi secundum quod est in potentia. Sed anima separata non est in potentia, nisi secundum intellectum, quia potentiae sensitivae in ea non manent, ut ostensum est (art. 19.) Ergo anima separata non potest pati ab igne corporeo nisi secundum intellectum, intelligendo scilicet ipsum. Hoc autem non est personale, sed magis delectabile. Ergo anima non potest pati ab igne corporeo puniam.

2. Præterea. Agens, & patiens communicant in materia, ut dicitur in I. de generatione (com. 1111.) Sed anima, cum sit immaterialis, non communicat in materia cum igne corporeo. Ergo anima separata non potest pati ab igne corporeo.

3. Præterea. Quod non tangit, non agit. Sed ignis corporeus non potest tangere animam neque secundum ultimam quantitatem, cum anima sit incorporea, neque etiam tactu virtutis, cum virtus corporis non possit imprimere in substantiam incorpoream, sed magis e converso. Nullo igitur modo anima separata potest pati ab igne corporeo.

4. Præterea. Dupliciter dicitur aliquid pati, vel sicut subiectum, ut lignum patitur ab igne, vel sicut contrarium, ut calidum a frigido. Sed anima non potest pati ab igne corporeo sicut subiectum passionis, quia oportet quod forma ignis sitet in anima, & sic

& sic sequeretur quod anima calefieret, & igniretur, quod est impossibile. Similiter non potest dici, quod anima patiatur ab igne corporeo sicut contrarium a contrario, tum quia anima nihil est contrarium, tum quia sequeretur quod anima ab igne corporeo destrueretur, quod est impossibile. Anima igitur non potest pati ab igne corporeo.

5. Præterea. Inter agens & patiens oportet esse proportionem aliquam. Sed inter animam & ignem corporeum non videtur esse aliqua proportio, cum sint diversorum generum. Ergo anima non potest pati ab igne corporeo.

6. Præterea. Omne quod patitur, movetur. Anima autem non movetur, cum non sit corpus. Ergo anima non potest pati.

7. Præterea. Anima est dignior quam corpus quinta essentia. Sed corpus quinta essentia est omnino impassibile. Ergo nullo magis anima.

8. Præterea. Augustinus dicit XII. super Genes. ad litteram (cap. xvi.) quod agens est nobilitas patiente. Sed ignis corporeus non est nobilior anima. Ergo ignis non potest agere in animam.

9. Sed dicebatur, quod ignis non agit in animam virtute propria, & naturali, sed in quantum est instrumentum divinæ iustitiæ. Sed contra. Sapiens artificis est uti convenientibus instrumentis ad finem suum. Sed ignis corporeus non videtur esse convenientis instrumentum ad puniendum animam, cum hoc non conveniat ei ratione suæ formæ, per quam instrumentum adaptatur ad effectum, ut dolabra ad dolandum, & ferrum ad secandum: non enim sapiens ageret artifex, si uteretur, ferrum ad dolandum, & dolabra ad secandum. Ergo multo minus Deus, qui est sapientissimus, utitur igne corporeo ut instrumento ad puniendum animam.

10. Præterea. Deus, cum sit auctor naturæ, nihil contra naturam facit, ut dicit quedam Glossa (ordinaria) Rom. xi. (super illud, *contra naturam inferius es.*) Sed contra naturam est ut corporeum in incorporeum agat. Ergo hoc Deus non facit.

11. Præterea. Deus non potest facere quod contradictoria sint simul vera. Hoc autem sequeretur, si subtraheretur alicui quod est de essentia eius; puta, si homo non esset rationalis, sequeretur quod esset simul homo, & non homo. Ergo Deus non potest facere quod aliqua res careat eo quod est ei essentialia. Sed esse impassibile est essen-

tiale animæ, convenit enim ei in quantum est immaterialis. Ergo Deus non potest facere quod anima patiatur ab igne corporeo.

12. Præterea. Unaquaque res habet potentiam agendi secundum suam naturam. Non ergo potest res aliqua accipere potentiam agendi quæ sibi non competit, sed magis alteri rei, nisi a propria oatura immutetur in aliam naturam; sicut aqua non calefacit, nisi fuerit ab igne transmutata. Sed habere potentiam agendi in res spirituales, non competit naturæ ignis corporei, ut ostensum est. Si ergo a Deo hoc habet, ut instrumentum divinæ iustitiæ, quod in animam separatam agere possit, videtur quod iam non sit ignis corporeus, sed alterius naturæ.

13. Præterea. Id quod sit virtute divina, habet propriam & veram rationem rei in oatura existentis. Cum enim divina virtute aliquis cæcus illuminatur, recipit visum secundum veram & propriam rationem naturalem visus. Si anima igitur virtute divina patiatur ab igne prout est instrumentum divinæ iustitiæ, sequitur quod anima vere patiatur secundum propriam rationem passionis. Pati autem dupliciter dicitur. Uno modo secundum quod pati dicitur recipere tantum, sicut intellectus patitur ab intelligibili, & sensus a sensibili. Alio modo per hoc quod abicitur aliquid a substantia patientis, sicut cum lignum patitur ab igne, Si igitur anima separata patiatur ab igne corporeo divina virtute, prout ratio passionis consistit in receptione tantum, cum receptum sit in recipiente secundum modum eius, sequitur quod anima separata recipiat ab igne corporeo immaterialiter, & incorporealiter secundum modum suum. Talis autem receptio non est animæ punitiva, sed perfectiva. Ergo hoc non erit ad poenam animæ. Similiter etiam nec potest pati anima ab igne corporeo prout passio abicit a substantia: quia sic substantia animæ corrumpere. Ergo non potest esse quod anima patiatur ab igne corporeo, etiam prout est instrumentum divinæ iustitiæ.

14. Præterea. Nullum instrumentum agit instrumentaliter nisi exercendo operationem propriam, sicut ferrum agit instrumentaliter ad perfectionem arcis secando. Sed ignis non potest agere in animam actione propria naturali: non enim potest calefacere animam. Ergo non potest agere in animam ut instrumentum divinæ iustitiæ.

15. Sed

15. Sed dicebatur, quod ignis aliqua actione propria agit in animam, in quantum scilicet detinet eam ut sibi alligatam. Sed contra. Si anima alligatur igni, & ab eo detinetur, oportet quod ei aliquo modo uniatur. Non autem unitur ut forma, quia sic anima vivificaret ignem; nec vultur ei ut motor, quia sic magis pateretur ignis ab anima quam e converso. Non est autem alius modus quo substantia incorporea corpori uniti possit. Ergo anima separata non potest alligari ab igne corporeo, nec ab eo detineri.

16. Præterea. Id quod est alligatum alicui, non potest ab eo separari. Sed spiritus damnati separantur aliquando ab igne corporeo aeterni: nam daemones dicuntur esse in hoc aere caliginoso; animæ etiam damnatorum interdum aliquibus apparuerunt. Non ergo patitur anima ab igne corporeo, ut ei alligata.

17. Præterea. Id quod alligatur alicui, & detinetur ab eo, impeditur per ipsum a propria operatione. Sed propria operatio animæ est intelligere, a qua impediti non potest per alligationem ad aliquid corporeum: quia intelligibilia sua in se habet, ut in III. de Anima (comment. xiv.) dicitur, unde non oportet ut ea extra se querat. Ergo anima separata non punitur per alligationem ad ignem corporeum.

18. Præterea. Sicut ignis per modum ipsum potest detinere animam, ita & alia corporea, vel etiam magis, in quantum sunt grossiora, & graviora. Si ergo anima non punitur nisi per detentionem, & alligationem, eius poena non deberet soli igni attribui, sed magis aliis corporibus.

19. Præterea. Augustinus dicit XII. super Genes. ad litteram (cap. xxxi.) quod substantiam inferorum non est credendum esse corporalem, sed spiritalem. Damascenus etiam dicit, quod ignis inferni non est materialis. Ergo videtur quod anima non patiatur ab igne corporeo.

20. Præterea. Sicut dicit Gregorius in Moralibus, delinquens servus ad hoc punitur a domino ut corrigatur. Sed illi qui sunt damnati in inferno, incorrigibiles sunt. Ergo non debent poeniri per ignem corporeum infernalem.

21. Præterea. Poenæ per contrarium sunt. Sed anima peccavit subdando se corporalibus rebus per affectum. Ergo non debet per aliqua corporalia puniri, sed magis per separationem a corporalibus.

22. Præterea. Sicut ex divina iustitia redduntur poenæ peccatoribus, ita & præmia iustis. Sed iustis non redduntur præmia corporalia, sed spiritualia tantum: unde si qua præmia corporalia iustis reddenda in Scriptura traduntur, intelliguntur metaphorice, sicut dicitur Luc. xxi. 30. *Ut edatis, & bibatis super mensam meam in regno meo.* Ergo & peccatoribus non infliguntur poenæ corporales, sed spirituales tantum, & ea quæ de poenis corporalibus in Scripturis dicuntur, erunt metaphorice intelligenda: & sic anima non patitur ab igne corporeo.

Sed contra. Idem ignis est quo poeniuntur corpora, & animæ damnatorum, & daemones, ut patet per illud Matth. xxv. 41. *(a) Ite maledicti in ignem æternum, qui parati estis diabolo, & angelis eius.* Sed corpora damnatorum necessarium est quod poeniantur igne corporeo. Pari ergo ratione animæ separatae igne corporeo puniuntur.

Respondeo dicendum, quod circa passionem animæ ab igne, multipliciter aliqui locuti sunt.

Quidam enim dixerunt, quod anima non patitur poenam ab aliquo igne corporeo, sed spiritualis eius afflictio metaphorice in Scripturis, ignis nomine designatur. Et hæc fuit opinio Origenis (Lib. II. Periar. cap. xi.) Sed hoc pro tanto non videtur sufficiens, quia, ut Augustinus dicit XXI. de civit. Dei (cap. x.) oportet intelligi ignem esse corporeum quo cruciabantur corpora damnatorum, quo etiam igne & daemones, & animæ cruciantur secundum sententiam de eo inductam.

Et ideo aliis visum fuit quod ignis ille corporeus est, sed non ab eo immediate anima patitur poenam, sed ab eius similitudine secundum imaginariam visionem, sicut accidit dormientibus, quod ex visione aliquorum terribilium quæ se perpeti vident, veraciter affliguntur, licet ea a quibus affliguntur, non sint vera corpora, sed similitudines corporum. Sed hæc positio stare non potest: quia in superioribus (art. 19.) est offensum quod potentia sensitiva partis, inter quas est vis imaginativa, non maneat in anima separata.

Et ideo oportet dicere, quod ab ipso corporeali igne patitur anima separata. Sed quomodo patiatur, videtur difficile assignare.

Quidam eorum dixerunt, quod anima separata patitur ignem hoc ipso quod videtur. Quod tangit Gregorius in Dial. (Lib. IV. cap.

(a) Vulgata: *Discedite a me maledicti etc.*

cap. xix.) dicens: *Ignem eo ipso patitur anima, quo videt*. Sed cum videre sit perfectio videntis, omnis visio est delectabilis inquantum huiusmodi: unde nihil inquantum est visum, est afflictivum, sed inquantum apprehenditur ut nocivum.

Et ideo alii dixerunt, quod anima videat illum ignem, & apprehendens ut nocivum sibi, ex hoc affligitur. Quod tangit Gregorius IV. Dial. (cap. xxx.) dicens, quod quia anima cremari se conspiciat, crematur. Sed tunc considerandum restat, utrum ignis secundum rei veritatem sit nocivus animæ, vel non. Et si quidem non sit animæ nocivus secundum rei veritatem, sequetur quod decipietur in sua assimulatione, qua apprehendit ipsum ut nocivum. Et hoc videtur inopinabile, precipue quantum ad demones, qui acumine intellectus vigent in rerum naturis cognoscendis.

Oportet ergo dicere, quod secundum rei veritatem ille ignis corporeus animæ sit nocivus: unde Gregorius IV. Dialog. (cap. xxx.) concludit dicens: *Colligere ex dictis evangelicis possumus, quod intendendum anima non solum videndum, sed experiendo patitur*. Ad investigandum ergo quomodo ignis corporeus animæ, vel demoni nocivus esse possit, considerandum est, quod nocumentum alicui non infertur secundum quod recipit id quo pericitur, sed secundum quod a suo contrario impeditur. Unde passio animæ per ignem non est secundum receptionem tantum, sicut patitur intellectus ab intelligibili, & sensus a sensibilibus; sed secundum quod aliquid patitur ab altero per viam contrarietatis, & obstaculi. Hoc autem contingit dupliciter. Impeditur enim aliquid uno modo a suo contrario quantum ad esse suum quod habet ex aliqua forma inherente; & sic patitur aliquid a suo contrario per alterationem, & corruptionem, sicut lignum ab igne comburitur. Aliquid autem impeditur ab aliquo obstante, vel contrariante quantum ad suam inclinationem; sicut naturalis inclinatio lapidis est ut seruat deorsum; impeditur autem ab aliquo obstante, & vim inferente, ut per violentiam quiescat, vel per violentiam moveatur. Neuter autem modus passionis poenalis est in re cognitione carente. Nam ubi non potest esse dolor, & tristitia, non competit ratio afflictionis, & poenæ. Sed in habente cognitionem ex utroque modo passionis consequitur afflictio, & poena, sed diversimode. Nam passio quæ est secundum alterationem a contrario, infert afflictionem, &

poenam secundum sensibilem dolorem; sicut cum sensibile excelles corruptit harmoniam sensus. Et ideo excellentiæ sensibilibus, & maxime tangibilibus, dolorem sensibilem inferunt; contemperaciones autem eorum delectant propter convenientiam ad sensum. Sed secunda passio non infert poenam secundum dolorem sensibilem, sed secundum interiorem tristitiam quæ oritur in homine, vel in animali ex hoc quod aliquid interiori aliqua vi apprehenditur ut repugnans voluntari, vel cuiusque appetitui: unde ea quæ sunt contraria voluntati, & appetitui, affligunt, & magis interduam quam ea quæ sunt dolorosa secundum sensum: præligeret enim aliquis verberari, & graviter secundum sensum affligi, quam vituperia sustinere, vel aliqua huiusmodi quæ voluntati repugnant. Secundum igitur primum modum passionis anima non potest pati poenam ab igne corporeo: non enim possibile est quod ab eo alteretur, & corrumpatur: & ideo non eo modo ab igne affligitur ut ex eo dolorem sensibilem patitur. Potest autem pati anima ab igne corporeo, secundo modo passionis, inquantum per huiusmodi ignem impeditur a sua inclinatione, vel voluntate: quod sic patet. Anima enim, & quilibet corporalis substantia, quantum est de sui natura, non est obligata alicui loco, sed transcendit totum ordinem corporalem. Quod ergo alligetur alicui, & determinetur ad aliquem locum per quandam necessitatem, est contra eius naturam, & contrarium appetitui naturali, & hoc dico, nisi inquantum coniungitur corpori, cuius est forma naturalis, in quo aliquam perfectionem consequitur. Quod scilicet aliqua spiritualis substantia alicui corpori obligetur, non est ex virtute corporis potentis substantiam incorpoream detinere, sed ex virtute alicuius superioris substantiæ alligantis spirituales substantiam tali corpori, sicut etiam per artes magicas permissione divina virtute superiorum demonum aliqui spiritus rebus aliquibus alligantur, vel anulis, vel imaginibus, vel huiusmodi rebus. Et per hunc modum animæ, & demones alligantur virtute divina in sui poenam corporeo igni. Unde Augustinus dicit XXI. de civit. Dei (cap. x.) *Cum non dicamus, quamvis miris modis, etiam spiritus incorporeos posse tanta corporalis ignis affligi, si spiritus hominum etiam ipsi profecto incorporei? Et nunc possunt includi corporalibus membris, Et tunc poterunt corporum suorum vinculis insolubilibus alligari? Addebunt ergo* fsi-

Spiritus licet incorporei corporalibus ignibus cruciandi, accipientes ex ignibus penam, non dantes ignibus vitam. Et sic verum est quod ignis ille, in quantum virtute divina detinet animam alligatam, agit in animam ut instrumentum divinarum iustitiarum, & in quantum anima apprehendit illum ignem ut sit sibi nocivum, interiori tristitia affligitur: quare quidem maxima est cum considerat se infamis rebus subdi, quare nata fuit Deo per frustrationem uniri. Maxima ergo afflictio damnatorum erit ex eo quod a Deo separabuntur; secunda vero ex hoc quod rebus corporalibus subdantur, & iohmo, & abiectionissimo loco.

Et per hoc pater solutio ad septem quæ primo obijciuntur. Non enim dicimus, quod anima patiatur ab igne corporeo vel recipiendo tantum, vel secundum alterationem a contrario, prout prædictæ objectiones procedunt.

Ad octavum dicendum, quod instrumentum non agit virtute sua, sed virtute principalis agentis: & ideo cum ignis agit in animam ut instrumentum divinarum iustitiarum, non est attendenda dignitas ignis, sed divinarum iustitiarum.

Ad nonum dicendum, quod corpora sunt convectio etiam instrumenta ad puniendum damnatos. Conveniens enim est ut qui suo superiori, scilicet Deo, subdi noluerunt, rebus inferioribus subdantur per penam.

Ad decimum dicendum, quod Deus, etsi non faciat contra naturam, operatur tamen supra naturam, dum facit quod natura non potest.

Ad undecimum dicendum, quod esse impassibile a re corporali per modum alterationis, animæ competit secundum rationem suæ essentiae: hoc autem modo non patitur divina virtute, sed sicut dictum est (in corp. art.)

Ad duodecimum dicendum, quod ignis non habet potestatem agendi in animam, ut virtute propria agat, sicut ea quæ naturaliter agunt, sed instrumentaliter tantum: & ideo non sequitur quod muretur a sua natura.

Ad decimumtertium dicendum, quod neutro illorum modorum anima ab igne corporeo patitur, sed sicut dictum est.

Ad decimumquartum dicendum, quod ignis corporeus etsi non calefaciat animam, habet tamen aliam operationem, vel habitudinem ad animam, quam corpora data sunt habere ad spiritum, ut scilicet eis aliquammodo uniantur.

Ad decimumquintum dicendum, quod anima non unitur igni ponenti ut forma, quia non dat ei vitam, ut Augustinus dicit, sed unitur ei eo modo quo spiritus uniantur locis corporeis per contactum virtutis, quamvis etiam non sint ipsorum motores.

Ad decimumsextum dicendum, quod, sicut iam dictum est, anima affligitur ab igne corporeo, in quantum apprehendit eum ut sibi nocivum per modum alligationis, & detentionis. Hæc autem apprehensio affligere potest etiam cum non est actu alligata, ex hoc solum quod apprehendit se alligatam deputatam: & per hoc dicuntur demones secum ferre gehennam quocumque vadunt.

Ad decimumseptimum dicendum, quod licet anima ex huiusmodi alligatione non impediatur ab intellectuali operatione, impeditur tamen a quadam naturali libertate, quia est absoluta ab omni obligatione ad locum corporeum.

Ad decimumoctavum dicendum, quod pena gehennæ non solum est animarum, sed etiam corporum: propter hoc ponitur ignis maxime pena gehennalis, quia ignis est maxime corporum afflictivus. Nihilominus tamen & alia erunt afflictiva secundum illud Psalm. x. 7. *Ignis, sulphur, & spiritus procellarum, pars calicis eorum.* Competit etiam amor inordinato, qui est peccandi principium; ut sicut cælum empyreum respondet igni caritatis, ita ignis inferi respondet inordinatæ cupiditati.

Ad decimumnonum dicendum, quod Augustinus hoc dicit non determinando, sed inquirendo: vel si hoc opinando dixit, expresse postmodum hoc revocat in XXI. de civit. Dei (cap. 11. & 111.) Vel potest dici, quod substantia inferorum dicitur esse spiritualis quantum ad proximum affligens, quod est igitur apprehensus ut nocivus per modum detentionis, & alligationis.

Ad vicesimum dicendum, quod Gregorius hoc introducit per modum objectionis quorundam, qui credebant omnes penas quæ a Deo iunguntur, esse purgatorias, & nullam esse perpetuam; quod quidem falsum est. Inferunt enim a Deo quædam pœne vel in hac vita, vel post hanc vitam, ad emendationem, vel purgationem; quædam vero ad ultimam damnationem. Nec tales pœne a Deo iunguntur, eo quod ipse delectetur in penis, sed eo quod delectatur in iustitia, secundum quam peccantibus pœna debetur. Sic etiam apud ho-

mines quædam poenæ infliguntur ad correctionem eius qui puniatur, sicut cum pater flagellat filium; quædam autem ad finalem condemnationem, sicut cum iudex suspendit latronem.

Ad vicissimum primum dicendum, quod poenæ sunt per contrarium quantum ad intentionem peccantis: nam peccans intendit propriæ satisfacere voluntati. Poenæ etiam est contraria voluntati ipsius, in quantum ex sapientia divina procedit, ut illud in quo querit aliquis suam voluntatem implere, in contrarium ei vertatur: & sic dicitur in Lib. Sap. xi. 17. *Per quæ peccat quis, per hæc & torquetur.* Unde quia anima peccat corporalibus inherendo, ad divinam sapientiam pertinet ut per corporalia puniatur.

Ad vicissimum secundum dicendum, quod anima premiatur per hoc quod fruitur eo quod est supra se; puniatur autem per hoc quod subditur his quæ sunt infra ipsam. Et ideo præmia animarum non sunt convenienter intelligenda, nisi spiritaliter; poenæ autem intelliguntur corporaliter.

Questionis de anima finis.

S T H O M A E AQUINATIS QUAESTIO UNICA

De unione verbi incarnati,

& habet quinque articulos.

PRIMO enim queritur, utrum hæc unio facta sit in persona, vel in natura.

Secundo. Utrum in Christo sit una tantum hypostasis.

Tertio. Utrum Christus sit unum naturaliter, vel duo.

Quarto. Utrum in Christo sit unum tantum esse.

Quinto. Utrum in Christo sit una tantum operatio.

Utrum unio verbi facta sit in persona.

QUAESTIO est de unione verbi incarnati. Et primo queritur, utrum hæc unio facta sit in persona, vel in natura. Videtur autem quod in natura. Dicit enim Athanasius (in symbolo fidei) quod *sicut anima rationalis, & caro unus est homo; ita Deus, & homo unus est Christus.* Sed anima rationalis, & caro uniuertur in unam naturam humanam. Ergo Deus, & homo uniuertur in unam naturam Christi.

2. Præterea. Damascenus dicit in III. Lib. (cap. 111.) *Hoc facit hereticis errorem, quia dicunt idem naturam, & hypostasim.* Sed hoc non videtur falsum esse: quia in quolibet simplici, & præcipue in Deo, est suppositum, & natura. Ergo non est falsum quod heretici dicunt, quod si unio facta sit in persona, sit facta in natura.

3. Præterea. Damascenus dicit in III. Lib. (ubi sup.) quod *incomunicabiliter, & inalterabiliter unita sunt ad invicem dua natura.* Sed unio naturarum videtur importare unionem naturalem. Ergo unio facta est in natura.

4. Præterea. In omnibus illis in quibus suppositum aliquid habet præter naturam speciei, vel accidens, vel naturam individuale, necesse est quod differat suppositum a natura, ut patet per Philosophum in VII. Metaph. (com. 22. & 221.) Sed si unio humanæ naturæ ad verbum non est facta in natura humana, non pertinebit ad naturam speciei ipsius verbi. Ergo sequetur quod suppositum verbi sit aliud a natura divina; quod est impossibile. Videtur ergo quod unio facta sit in natura.

5. Præterea. Omnis unio terminatur ad aliquod unum, quod est posterius ipsa unioni. Sed unitas personæ verbi, cum sit æterna, non est posteriori unioni quæ facta est in plenitudine temporis. Ergo unio non est facta in persona.

6. Præterea. Unio importat additamentum quoddam: unde non potest fieri unio in aliquo quod est summæ simplicitatis. Sed persona verbi, cum sit vere Deus, est summæ simplicitatis. Ergo in persona verbi non potest fieri unio.

7. Præterea. Duo quæ non sunt unius generis, non possunt in aliquo uniri: ex linea enim, & albedine non fit unum. Sed humana natura multo plus differt a divina quam ea quæ differunt genere. Ergo non potest

potest simul humanæ, & divinæ naturæ unio fieri in persona una.

8. Præterea. Persona, & natura verbi differunt solum secundum modum intelligendi, inquantum in persona verbi importatur relatio originis, non autem in natura. Sed per relationem originis verbum non refertur ad humanam naturam, sed ad Patrem. Ergo eodem modo se habent ad naturam assumptam persona verbi, & natura eius. Si ergo est facta unio in persona, erit facta unio in natura.

9. Præterea. Incarnatio excitat nos ad Deum incarnatum diligendum. Sed non debemus plus diligere unam personam divinam quam aliam: quia quorum est eadem bonitas, debet esse eadem dilectio. Ergo unio incarnationis facta est in natura communis tribus personis.

10. Præterea. Secundum Philosophum in II. de Anima (com. xxxvii.) vivere viventibus est esse. Sed in Christo est duplex vita, scilicet humana, & divina. Ergo est illi duplex esse, & per consequens duplex persona: esse enim est suppositi, vel personæ. Non ergo facta est unio in persona.

11. Præterea. Sicut forma partis comparatur ad materiam, ita forma totius ad suppositum. Sed forma partis non potest esse nisi in materia propria. Ergo forma totius, quæ est natura, non potest esse nisi in proprio supposito, quod est persona humana. Et eadem ratione natura divina est etiam in persona divina. Ergo si sint ibi duæ naturæ, oportet quod sint ibi duæ personæ.

12. Præterea. Omne quod vere prædicatur de aliquo, potest supponere pro ipso. Sed natura divina vere prædicatur de persona verbi. Ergo potest supponere pro ipsa. Si ergo facta est unio in persona, vere potest dici, quod facta sit unio in natura.

13. Præterea. Omne quod unitur alicui, aut unitur ei essentialiter, aut accidentaliter. Sed humana natura non unitur verbo accidentaliter, quia sic retineret suam personalitatem, & esset duæ personæ: omnis enim substantia alteri adveniens retinet suam singularitatem; sicut vestis induta, & equequitantis. Ergo advenit ei essentialiter quasi pertinet ad essentiam, vel naturam verbi. Est ergo unio facta in natura.

14. Præterea. Nihil quod comprehenditur sub alio, extendit se ad aliquid extrin-

secum; sicut quod comprehenditur loco, non est in exteriori loco. Sed suppositum cuiuslibet naturæ comprehenditur sub natura illa, unde & dicitur res naturæ: sic enim comprehenditur individuum sub specie, sicut species sub genere. Cum ergo verbum sit suppositum divinæ naturæ, non potest se extendere ad aliam naturam, ut sit eius suppositum, nisi efficiatur natura una.

15. Præterea. Natura se habet ad suppositum per modum formalioris, & simplicioris, & constituentis. Hoc autem modo non potest se habere natura humana ad personam verbi. Ergo persona verbi non potest esse persona humanæ naturæ.

16. Præterea. Actio attribuitur supposito, vel personæ: quia actiones singularium sunt secundum Philosophum (I. Metaph. cap. i.) Sed in Christo sunt duæ actiones, ut Damascenus probat in II. Lib. (cap. xv.) Ergo sunt ibi duæ personæ. Non ergo facta est unio in persona.

17. Præterea. Persona diffinitur esse natura proprietate distincta. Si ergo facta est unio in persona, sequitur quod facta sit unio in natura.

Sed contra est quod Augustinus (Fulgentius) dicit in Lib. de fide ad Petrum: *Duarum naturarum veritas manet in Christo secundum unam personam.*

Præterea, ad Orisium dicit: *Duas naturas cognoscimus in una (a) persona Filii.*

Respondeo dicendum, quod ad evidentiam huius questionis primo oportet considerare quid est natura; secundo quid est persona; tertio quomodo unio verbi incarnati facta est in persona, non in natura. Sciendum est ergo, quod nomen naturæ a nascendo sumitur: unde primo est dicta natura, quasi nascitura, ipsa nativitas viventium, scilicet animalium, & plantarum; deinde tractum est nomen naturæ ad principium prædictæ nativitatis. Et quia huiusmodi nativitatis principium intrinsecum est, ulterius derivatum est nomen naturæ ad significandum interius principium motus, secundum quod dicitur in II. Physic. (comment. i.) quia natura est principium motus in eo in quo est, per se, non secundum accidens. Et quia motus naturalis præcipue in generatione terminatur ad essentiam speciei, ulterius essentia speciei, quam significat diffinitio, natura vocatur: unde & Boetius dicit in Lib. de duabus naturis, quod natura est unumquodque informans specifi-

ca

ea differentia. Et hoc modo hic natura accipitur. Ad intelligendum autem quid sit persona, considerandum est, quod si aliqua res est in qua non sit aliud quam essentia speciei, ipsa essentia speciei erit per se individualiter subsistens: & sic in huiusmodi re idem esset realiter suppositum, & natura, sola ratione differens, inquantum scilicet natura dicitur prout est essentia speciei, suppositum vero inquantum per se subsistit. Si vero aliqua res sit intra quam praeter essentiam speciei, quam significat definitio, sit aliquid aliud vel accedens, vel materia individualis; tunc suppositum non erit omnino idem quod natura, sed habebit se per additionem ad naturam, sicut apparet praecipue in his quae sunt ex materia, & forma composita. Et quod dictum est de supposito, intelligendum est de persona in rationali natura, cum persona nihil aliud sit quam suppositum rationalis naturae, secundum quod Boetius dicit in Lib. de duabus naturis, quod persona est rationalis naturae individua substantia. Sic ergo patet quod nihil prohibet aliqua uniri in persona quae non sunt unita in natura: potest enim individua substantia rationalis naturae habere aliquid quod non pertinet ad naturam speciei: & hoc anitur ei personaliter, non naturaliter. Hoc igitur modo accipiendum est quod natura humana unita est verbo Dei in persona, non in natura: quia si non pertinet ad naturam divinam, pertinet autem ad personam ipsius, inquantum persona verbi assumendo adiunxit sibi humanam naturam. Sed de modo huiusmodi coniunctionis dubitatio, & discordia accidit. Videmus enim in creaturis quod dupliciter aliquid alicui advenit, scilicet accidentaliter, & essentialiter.

Nestorius igitur, & ante ipsum Theodorus Mopsuestenus posuerunt naturam humanam coniunctam esse verbo accidentaliter, scilicet secundum gratiae inhabitationem, ponentes quod verbum Dei unitum erat homini Christo quae habitans in ipso ut in templo suo. (a) Videmus autem quod omnis substantia coniuncta alteri accidentaliter retinet seorsum suam propriam singularitatem, sicut vestis adveniens homini, aut domus continens habitatorem: unde sequitur quod homo ille habuerit propriam singularitatem quae est personalitas eius. Sequetur ergo secundum Nestorium quod in Christo persona hominis esset distincta

persona a persona verbi, & quod esset alius filius hominis, & alius Filius Dei: unde Beatus Virginem non confitebatur matrem Dei, sed matrem hominis. Se hoc est omnino absurdum. Primo quidem quia sacra Scriptura aliter loquitur de hominibus in quibus verbum Dei habitavit per gratiam, & aliter de Christo: nam de alius dicitur quod factum est verbum Domini ad talem Prophetam; sed de Christo dicit, *Verbum caro factum est*, id est homo, quasi ipsum verbum personaliter sit homo. Secundo quia Apostolus ad Philipp. 11. hanc unionem exinanitionem Filii Dei vocat. Manifestum est autem quod inhabitatio gratiae non sufficit ad retentionem exinanitionis; alioquin exinanitio competeret non solum Filio, sed etiam Patri, & Spiritui sancto; de quo Dominus dicit Ioan. xiv. 17. *Apud vos manebit, & in vobis erit*: & de se, & Patre (verf. 23.) *Ad eum veniemus, & apud eum mansionem faciemus*. Propter hoc igitur, & multa alia praedictus error damnatus est in Concilio Ephesino.

Quidam vero cum Nestorio sustinentes humanam naturam accidentaliter verbo advenisse, voluerunt evitare dualitatem personarum, quam ponebat Nestorius, ponentes quod verbum assumpsit animam, & corpus sibi invicem non unita, ut sic non constitueretur persona humana ex anima & corpore. Sed ex hoc sequitur maius inconveniens, quod Christus non vere fuerit homo, cum ratio hominis consistat in unione animae & corporis. Et ideo etiam hic error damnatus est sub Alexandro III. in Concilio Turonensi.

Alii vero acceperunt aliam partem, ponentes naturam humanam verbo essentialiter advenire, ut quasi conflaretur una natura, sive essentia, ex natura divina, & natura humana. Et ad hoc quidem Apollinaris Laodicensis tria dogmata posuit, ut Leo Papa dicit in epistola quadam ad Constantinopolitanos: quorum primum fuit, quod posuit animam non esse unitam in Christo, sed verbum carni loco animae advenisse; ut sic ex verbo & carne fieret una natura, sicut in nobis ex anima & corpore. In quo quidem dogmate Apollinaris secutus est Nestorium. Sed quia evangelica Scriptura expresse de anima Christi loquitur, secundum illud Ioan. x. 18. *Potestatem habeo ponendi animam meam*: incidit in secundum dogma, ut poneret quidem animam

LII 2 sen-

(a) cf. Videns.

sensitivam esse in Christo, non autem rationalem; sed verbum fuisse homini Christo loco intellectus. Sed hoc est inconveniens: quia secundum hoc, verbum non assumpsisset humanam, sed bestialem naturam, ut Augustinus contra eum arguit in Lib. lxxxviii. Qg. (quest. lxxx.) Tertium dogma eius fuit, quod caro Christi non est de femina sumpta, sed facta de verbo in carnem mutato, atque converso. Hoc autem est maxime impossibile: quia verbum Dei, cum sit vere Deus, est immutabile omnino. Unde propter hæc dogmata damnatus est Apollinaris in Concilio Constantinopolitano, & Eutyches, qui eusentium dogma secutus est, in Concilio Chalcedonensi.

Sic igitur si non est facta unio in persona, sed solum secundum habitationem secundum Nestorium, nihil novum in Christi incarnatione accidit. Quod vero facta sit unio in natura secundum Apollinarem, & Eutychem, est omnino impossibile: (a) cum enim species rerum sint sicut numeri, in quibus addita, vel subtracta unitate variant speciem, ut dicitur in VIII. Metaph. quaecumque natura est in se perfecta, impossibile est quod recipiat alterius naturæ additionem; vel si reciperet, non esset eadem natura, sed alia. Divina autem natura est perfectissima, similiter etiam humana natura habet perfectionem suæ speciei: unde impossibile est quod una alteri adveniat unionem naturæ. Et si esset possibile, iam id quod ex utroque constitueretur, neque esset natura divina, neque humana: & sic Christus esset neque homo, neque Deus; quod est inconveniens. Relinquitur ergo quod humana natura non est unita verbo neque accidentaliter, neque essentialiter, sed substantialiter, secundum quod substantia significat hypostasim, & hypostaticæ, vel personaliter. Huius autem unionis exemplum in rebus creatis nullum est propinquius quam unio animæ rationalis ad corpus, quod ponit Athanasius (in symbolo fidei.) Non quidem secundum quod anima est forma corporis, quia verbum non potest esse forma in materia; sed secundum quod corpus est animæ instrumentum, non quidem extrinsecum, & adventitium, sed proprium, & coniunctum: unde Damascenus dicit (Lib. III. cap. xv.) humanam

naturam esse organum verbi. Esset autem adhuc similis, sicut Augustinus dicit contra Felicium (cap. xxi.) si fingamus, sicut plerique valent esse in mundo animam (b) generalem, (c) quæ possibilem materiam ad diversas formas, unam faceret secum esse personam. Sed tamen omnia huiusmodi (e) exempla sunt deficientia: quia unio instrumenti est accidentaliter; sed hæc est quædam unio singularis supra omnes modos unionis nobis notos. Sicut enim Deus est ipsa bonitas, & suum esse, ita etiam est ipsa unitas per essentiam: & ideo sicut virtus eius non est limitata ad istos modos bonitatis, & esse qui sunt in creaturis, sed potest facere novos modos bonitatis, & esse nobis incognitos; ita etiam per infinitatem suæ virtutis potest facere novum modum unionis, ut humana natura uniretur verbo personaliter, non tamen accidentaliter; quamvis ad hoc in creaturis nullum sufficiens exemplum inveniat. Unde Augustinus dicit in epistola ad Volusianum (iii. paulo ante med.) de hoc mysterio loquens: *Si ratio queritur, non est admirabile; si exemplum poscitur, non est singulare.* Demus Deo aliquid posse quod fateamur nos investigare non posse: in talibus enim tota ratio facti est potentia scientiæ. Et Dionysius dicit in cap. ar. de divinis Nominibus. *Iesus secundum nos divina compositio, idest unio, & inestabilis est verbo omni, & ignota menti; tamen & ipsissima dignissimum Angelorum.*

Ad primum ergo dicendum, quod similitudo non attenditur quantum ad hoc quod ex anima & carne sit una hominis natura, sed quantum ad hoc quod utrobique constituitur una persona.

Ad secundum dicendum, quod quamvis in divinis natura, & suppositum, five persona non differant realiter, differant tamen ratione, ut dictum est. Et quia idem est subsistens in natura humana, & divina, non autem eadem essentia ex utroque componitur; inde est quod unio facta est in persona, ad cuius rationem pertinet subsistere, non (d) autem ad naturam, quæ importat essentiam rei.

Ad tertium dicendum, quod naturæ quidem unitæ sunt in Christo; non tamen in natura, sed in persona; quod apparet ex hoc ipso quod dicuntur inconvertibiliter & inalterabiliter naturæ esse unitæ.

Ad

(a) scilicet, quia enim species rerum cum sint. (b) scilicet, generalem, possibilem materiam ad diversas formas, unam faceret de se personam; item possibilem materiam ad istos suos formas unam faceret de se personam. (c) scilicet, generalem. (d) scilicet, esse autem.

Ad quartum dicendum, quod haereticis dicentes, quod non est facta unio in persona, sed quod sit facta in natura, non repugnant aliud esse personam, & aliud naturam nec re, nec ratione; & ideo decipiebantur.

Ad quintum dicendum, quod proprie secundum unionem dicitur aliquid unum, sicut secundum unitatem dicitur aliquid unum. Et ideo unio non intelligitur terminari ad personam divinam, secundum quod est una in se ab aeterno, sed secundum quod est unita humanae naturae in tempore. Et ita unio secundum modum intelligendi praecedit personam, non prout est una, sed prout est unita.

Ad sextum dicendum, quod unio non dicitur fieri in persona divina, quasi ipsa persona divina constituitur ex duobus sibi invicem unitis, hoc enim eius summae simplicitati repugnet; sed dicitur unio esse facta in persona inquantum divina persona simplex subsistit in duobus naturis, scilicet divina, & humana.

Ad septimum dicendum, quod duo quae sunt diversa secundum genus, non uniuntur in una essentia, vel natura; nihil tamen prohibet quin uniuntur in uno supposito; sicut ex linea, & albedine non fit aliqua essentia, inveniuntur tamen in uno supposito.

Ad octavum dicendum, quod persona Filii Dei dupliciter potest considerari. Uno modo secundum communem rationem personae, prout significat quoddam subsistens; & secundum hoc unio facta est in persona secundum rationem personae, sicut supra dictum est (in corp. art.) Alio modo potest in persona Filii considerari id quod est proprium personae Filii, scilicet relatio qua refertur ad Patrem; & secundum huius relationis rationem non consideratur unio duarum naturarum.

Ad nonum dicendum, quod sicut incarnatio nihil bonitatis adicit ad personam divinam, ita etiam nihil adicit ei diligibilitatis: unde persona verbi incarnati non est plus diligenda quam persona verbi simpliciter; licet sit secundum aliam rationem diligenda, quae tamen ratio sub universali bonitate verbi comprehenditur: & propter hoc etiam non sequitur, si incarnationis unio facta est in una persona, & non in alia, quod propter hoc una persona sit magis diligenda quam alia.

Ad decimum dicendum, quod esse est & personae subsistentis, & naturae in qua persona subsistit, quasi secundum illam natu-

ram esse habens. Esse igitur personae verbi incarnati est unum ex parte personae subsistentis, non autem ex parte naturae.

Ad undecimum dicendum, quod non eodem modo se habet natura ad suppositum, sicut se habet forma ad materiam. Materia enim non constituitur in esse nisi per formam; & ideo forma requirit determinatam materiam, quam faciat esse in actu; sed suppositum non solum constituitur per naturam speciei, sed etiam alia quaedam potest habere. Et ideo nihil prohibet naturam aliquam attribui supposito alterius naturae.

Ad duodecimum dicendum, quod natura divina praedicatur de persona divina propter identitatem rei, non autem secundum proprietatem modi significandi; & ideo non oportet quod supposito non supponatur alterum: quia etiam in divinis haec est vera, *Persona generat*; non tamen haec est vera, *Essentia generat*.

Ad decimumtertium dicendum, quod humana natura unita est verbo, non quidem accidentaliter, neque etiam essentialiter, quasi pertinet ad divinam naturam verbi, sed substantialiter, id est hypostatice, quasi pertinet ad verbi hypostasim, vel personam.

Ad decimumquartum dicendum, quod persona verbi comprehenditur sub natura verbi, nec potest se ad aliquid ultra extendere; sed natura verbi ratione suae infinitatis comprehendit omnem naturam finitam; & ideo cum persona verbi assumit naturam humanam, non se extendit ultra naturam divinam, sed magis accipit quod est infra: unde dicitur ad Philipp. xxi. 6. *quod cum in forma Dei esset Dei Filius, semetipsum exinanivit*, non quidem deponens magnitudinem formae Dei, sed assumens parvitatem humanae naturae.

Ad decimumquintum dicendum, quod sicut natura verbi est infinita, ita & persona verbi infinita est: & ideo natura divina verbi correspondet ex aequo ipsi personae verbi secundum se; natura autem humana correspondet verbo secundum quod factum est homo. Unde non oportet quod natura sit simplicior, & formalior illo homine qui est verbum caro factum, & constituens ipsum inquantum est homo.

Ad decimumsextum dicendum, quod actio est suppositi, secundum aliquam naturam, vel formam; & ideo non solum diversificantur actiones secundum diversitatem suppositorum, sed etiam secundum diversitatem naturae, vel formae; sicut etiam in uno & eodem

eodem homine alia actio est videre, & alia audire, propter diversas potentias: unde in Christo propter duas naturas sunt duae actiones, licet sit una persona, vel hypostasis.

Ad decimum sextum dicendum, quod persona est quidem substantia distincta proprietate ad dignitatem pertinente; non autem secundum quod substantia significat essentiam vel naturam, sed secundum quod significat hypostasis.

ARTICULUS II.

Utrum in Christo sit una tantum hypostasis.

Secundo quaeritur, utrum in Christo sit una tantum hypostasis, vel suppositum, aut duo. Et videtur quod non sit una tantum. Dicit enim Augustinus in Lib. contra Felicianum (cap. xi. in fin.) *In mediatore Dei & hominum, aliud Dei Filius, aliud hominis filius fuit.* Sed nihil quod est unum suppositum, vel secundum hypostasim, est aliud & aliud. Ergo in Christo non est unum suppositum tantum, vel hypostasis.

2. Præterea. Augustinus dicit in Lib. de Trin. (II. cap. vii. circa fin.) quod in Christo utrumque est Deus propter susceptionem Deum, & utrumque homo propter (a) susceptionem hominem. Sed nihil quod est unum suppositum, vel secundum hypostasim, est duo, ut possit dici utrumque. Ergo in Christo non est una hypostasis tantum, sive suppositum.

3. Præterea. Natura humana in Christo quædam substantia est. Sed non fuit substantia universalis: quia substantia universalis non est extra animam. Ergo fuit substantia particularis. Sed substantia particularis est hypostasis. Ergo in Christo humana natura fuit hypostasis. Sed humana natura in Christo est aliquid præter hypostasim verbi Dei. Ergo in Christo est aliqua hypostasis præter hypostasim verbi Dei; & ita in Christo sunt plures hypostases.

4. Præterea. Hoc nomen *homo* univoce dicitur de Christo, & de Petro. Sed cum dicitur de Petro, nihil aliud importat, quam aliquid compositum ex anima rationali & corpore. Ergo neque etiam cum dicitur de Christo. Sed præter animam, & corpus est in Christo hypostasis, vel suppositum verbi Dei. Ergo in Christo aliud est hypostasis, vel suppositum humanæ na-

turæ, & aliud hypostasis, vel suppositum divinæ; & sic in Christo non est una tantum hypostasis, vel suppositum.

5. Præterea. Nihil infinitum contineri potest sub natura finita. Sed suppositum, vel hypostasis Dei verbi infinitatem habet. Ergo non potest contineri sub natura humana, quæ est finita. Sed omne suppositum continetur sub natura cuius est suppositum. Ergo suppositum quod est verbum Dei, non potest esse suppositum humanæ naturæ, sed necesse est esse aliquid aliud suppositum. Ergo in Christo est aliquid aliud suppositum præter suppositum quod est verbum Dei. Sunt ergo in Christo duo supposita, vel hypostases.

6. Præterea. Sicut se habet genus ad speciem, ita se habet species ad individua. Sed eadem species non potest esse in diversis generibus. Ergo unum individuum non potest esse in diversis speciebus. Sed hypostasis est substantia individua, & similiter suppositum. Ergo non potest esse una hypostasis, vel suppositum humanæ naturæ, & divinæ, quæ non sunt unius speciei.

7. Præterea. Sicut in Trinitate est una natura in tribus personis, ita in Christo sunt duæ naturæ in una persona. Sed tres personæ sunt unum propter unitatem naturæ, secundum illud Ioan. x. 30. *Ego, & Pater unum sumus.* Ergo Christus est duo propter dualitatem naturarum. Sed de nullo quod est unum suppositum, vel secundum hypostasim, potest dici, quod sint duo. Ergo Christus non est unum suppositum, vel secundum hypostasim.

8. Præterea. Christus secundum quod est Filius Dei, habet aliquid commune cum Patre; secundum autem quod dicitur filius hominis, nihil habet cum Patre commune. Ergo in Christo aliud est Filius Dei, & aliud filius hominis: non est ergo unum suppositum, vel secundum hypostasim.

9. Præterea. Id quod est de se incommunicabile, non videtur de se posse fieri communicabile; sicut nec quod de se est impossibile, potest fieri possibile, ut Commentator dicit in X. Metaph. (vers. fin.) Sed humana natura secundum quod est in Christo, de se est incommunicabilis, cum sit aliquid particulare. Ergo non potest communicari supposito divinæ naturæ: non ergo potest esse idem suppositum humanæ naturæ, & divinæ.

10. Præterea. Unumquodque resolvitur in ea ex quibus consistit. Si (b) ergo dicitur

(a) vel suscipientem. (b) vel dicitur ergo.

per impossibile quod verbum Dei deponeret humanam naturam, iam humana natura haberet hypostasim propriam, & suppositum. Ergo & adhuc unita habet propriam hypostasim, & suppositum: non ergo est ibi una hypostasis tantum, vel suppositum unum.

11. Præterea. Non magis dependet natura a supposito quam suppositum a natura. Sed non potuit a verbo Dei assumi suppositum humane naturæ, quin assumeretur ipsa natura humana. Ergo neque etiam potuit assumi natura humana, quin assumeretur suppositum humane naturæ. Sed assumens non est assumptum. Ergo suppositum humane naturæ non est ipsum suppositum verbi Dei: ergo in Christo sunt duo supposita.

12. Præterea. Anima, & corpus in Christo non fuerunt minoris virtutis, aut dignitatis quam in nobis. Sed in nobis ex compositione animæ & corporis constituitur hypostasis, sive suppositum. Ergo & in Christo. Non autem suppositum, vel hypostasis verbi Dei, quod est æternum, cum prædicta unio sit temporalis. Ergo in Christo sunt duo supposita, vel due hypostases.

13. Præterea. In Christo sunt tres substantiæ, corpus, anima, & Deus. Sed anima non est suppositum corporis. Ergo Deus non est suppositum humane naturæ.

14. Præterea. Secundum Porphyrium individuationem facit aggregatio proprietatum quas impossibile est in alio reperiri. Sed in Christo fuit aggregatio proprietatum pertinentium ad humanam naturam, quæ non possunt in alio reperiri. Ergo fecerunt individuationem. Non autem individuationem verbi Dei, quod non est susceptivum accidentium. Ergo in Christo est aliud individuum, sive suppositum quam suppositum verbi Dei: sunt ergo in Christo duo supposita.

15. Præterea. In his quorum non est aliqua proportio, non potest fieri unum. Sed divine naturæ, quæ est infinita, nulla est proportio ad humanam, quæ est finita. Ergo non potest ex duabus naturis fieri una hypostasis, vel unum suppositum.

16. Præterea. Generatio terminatur ad suppositum: particulare enim est quod generatur. Sed in Christo est duplex natiuitas, temporalis scilicet, & æterna. Ergo in Christo est duplex suppositum, & non unum tantum.

17. Præterea. Verbum Dei assumpsit corpus, & animam, non quidem ut separata, sed ut unita. Sed suppositum humane naturæ nihil est aliud quam anima & corpus prout sunt unita. Ergo in Christo est aliud suppositum præter suppositum verbi Dei.

18. Præterea. Non potest esse idem simplex, & compositum. Sed suppositum humane naturæ est compositum, nem humane naturæ sit composita: non enim suppositum potest esse simplicius quam natura cuius est suppositum. Ergo cum suppositum divine naturæ sit simplex, erit in Christo (a) aliud suppositum præter suppositum divine naturæ.

Sed contra est, quod Damascenus dicit in III. Lib. *In Domino Iesu Christo unam hypostasim cognoscimus.*

Præterea. Eorum quæ differunt supposito, unum de altero non prædicatur. Si ergo in Christo esset aliud suppositum hominis, & aliud Dei; non posset dici, quod homo sit Deus, vel Deus est homo: quod est erroneum. Non ergo in Christo est aliud suppositum Dei, & aliud hominis.

Respondeo dicendum, quod quidam volentes evitare Nestorii hæresim ponentis in Christo duas personas, posuerunt in Christo unam personam, sed duas hypostases, sive duo supposita; dicentes, hunc hominem, demonstrato Christo, esse suppositum & hypostasim humane naturæ, non autem divine, quia per hoc quod dicitur, Hic homo, nihil aliud importatur quam quædam particularis substantia ex anima & carne composita: pertinere tamen dicebant humanam hypostasim, vel suppositum ad personam verbi, propter hoc quod est a verbo assumpta. Et hæc est opinio, quæ ponitur prima in vrs. dist. III. Sentent. Sed qui hoc posuerunt, primo quidem vocem propriam ignoraverunt. Hypostasis enim nihil aliud est quam individua substantia, quæ etiam significatur nomine suppositi. Dicit autem Boet. in Lib. de duabus naturis, quod persona est *individua substantia rationalis natura*. Sic ergo patet, quod non potest esse hypostasis rationalis naturæ; quin sit persona. Manifestum est autem naturam humanam esse rationalem naturam: unde si in Christo sit propria hypostasis humane naturæ, vel proprium suppositum, præter hypostasim, vel suppositum verbi Dei, consequens est quod sit propria persona

(a) *Id. ibid.*

sona humanæ naturæ in Christo præter hypostasim verbi: & sic non differt hæc positio a positione Nestorii. Secundo quia si detur quod persona addat supra hypostasim in rationali natura proprietatem aliquam ad dignitatem pertinentem, sicut dicuntur aliqui personatum habere, quasi aliquam dignitatem habentes, sequeretur quod uero humanæ naturæ ad verbum non sit facta nisi in aliquo accidentaliter, idest in aliqua proprietate ad dignitatem pertinente; quod etiam Nestorius posuit. Unde sciendum est, hoc esse hæresim damnatam in quinto Concilio apud Constantinopolim celebrato, ubi sic legitur (actione viii. can. v. Tom. II. Concil.) *Si quis introducere conatus in mysterio Christi duas substantias, seu duas personas in unam personam dei secundum dignitatem, & bonorem, & adorationem, sicut Theodorus, & Nestorius insinuant conscripserunt; talis anathema sit. Nec enim adiectionem persone, vel substantie suscipit sancta Trinitas incarnato uno de sanctis Trinitate Dei verbo.*

Uti igitur sciri possit quid in talibus concedendum sit, & quid negandum, considerandum est, quod nomen ad individuationem pertinentium; siue sint nomina primæ impositionis, sicut *persona*, & *hypostasis*, quæ significant res ipsas; siue sint nomina secundæ impositionis, sicut *individuum*, *suppositum*, & huiusmodi, quæ significant intentionem individualitatis: quædam eorum pertinent ad solum genus substantiæ, sicut *suppositum*, & *hypostasis*, quæ de accidentibus non dicuntur, & *persona* in rationabili natura, & etiam *res naturæ* secundum acceptionem Hilarii; quædam vero pertinent ad individuationem in quocumque genere, sicut *individuum*, *particulare*, & *singulare*, quæ etiam in accidentibus dicuntur. Est autem substantiæ proprium, ut per se, & in se subsistat; accidentis autem est in alio esse: & ideo illa nomina quæ pertinent ad individuationem substantiæ, in illis solum locum habent quæ per se, & in se subsistunt: & propter hoc etiam de partibus substantiarum non dicuntur, quia non sunt in seipsis, sed in toto, quamvis non sint in subiecto; de quibus tamen dici possunt nomina ad individuationem pertinentia convenienter tam in substantiis, quam in accidentibus: non enim potest dici, quod hæc manus sit persona, vel hypostasis, aut suppositum, quan-

vis dici possit, quod sit aliquid, et si pertineat ad genus substantiæ; quia tamen non est substantia completa in se subsistens, non dicitur hypostasis, aut suppositum, vel persona. Sic igitur, quia humana natura in Christo, non per se separatim subsistit, sed existit in alio, idest in hypostasi verbi Dei, non quidem sicut accidens in subiecto, neque proprie sicut pars in toto, sed per inestabilem assumptionem; ideo humana natura in Christo potest quidem dici individuum aliquod, vel particulare, vel singulare, non tamen potest dici vel hypostasis, vel suppositum, sicut nec persona. Unde relinquitur, quod in Christo non est, nisi una hypostasis, vel suppositum, scilicet divini verbi.

Ad primum ergo dicendum, quod de Christo dicuntur & divina, & humana: & si quaratur id de quo dicuntur, unum & idem est; si autem consideretur id secundum quod predicantur, aliud, & aliud est, ut Augustinus dicit in l. de Trin. (cap. vii.) quia secundum naturam divinitatem de Christo predicantur divina quidem secundum naturam divinam, humana vero secundum naturam humanam. Cum ergo dicitur, quod in Christo aliud est Dei Filius, & aliud hominis filius, aliter non est referenda ad id de quo utrumque predicatur, quod est unum suppositum utriusque filiationis, sed ad id secundum quod predicatur. Et ideo Augustinus ibidem (contra Felicianum cap. 11. in fine) subiungit: *Aliud, inquam, pro distinctione substantiæ, idest naturæ, non alius pro unitate persone.*

Ad secundum dicendum, quod de Christo predicatur quidem divina natura, sed humana natura de eo predicari non potest, sicut nec de Petro, cum quo est univocus homo: unde non potest dici, quod Christus sit duo, vel utrumque, quasi sint duæ naturæ. Suppositum autem humanæ naturæ predicatur quidem de Christo, sed non ponitur in numerum cum supposito divinæ naturæ, ut ostensum est. Unde relinquitur, quod cum Christus dicitur utrumque, intelligatur materialiter; sicut cum dicitur, *Paries*, & *tectum* sunt domus, quia utrumque ad unam domum concurrit: unde & Augustinus in Lib. contra Felicianum (cap. i. vers. fin.) dicit, quod unus arque idem homo, & corpus (a) dicitur, & animus. Vel potest dici, quod hoc quod dicitur n-

11700-

truncque, referendum est ad numerum nominum duas naturas significantium: homo enim Christus dicitur & Deus, & homo, sicut & Deus verbum, dicitur Deus, & homo. Et hoc est quod dicitur utrumque Deus, propter suscipiendam Deum, quia scilicet hoc nomen *Deus* predicatur & de Deo, & de homine; & utrumque homo, propter (a) susceptum hominem, quia hoc nomen *homo* de utroque predicatur.

Ad tertium dicendum, quod ad rationem hypostasis, vel suppositi non sufficit quod aliquid sit particulare in genere substantie, sed alterius requiritur quod sit perfectum, & in se subsistens, ut dictum est.

Ad quartum dicendum, quod univocatio, & equivocatio attenditur, secundum quod ratio nominis est eadem, vel non eadem. Ratio autem nominis est quam significat definitio: & ideo equivocatio, & univocatio secundum significationem attenditur, & non secundum supposita. Et ideo hoc nomen *homo* univocè dicitur de Christo, & de Petro, quia utrobique significat unam naturam, scilicet humanam, compositam ex anima & corpore; sed in Christo supponit suppositum æternum, quod non supponit in Petro.

Ad quintum dicendum, quod esse infinitum convenit supposito, vel hypostasi verbi Dei; secundum divinam naturam; secundum vero humanam naturam composuit ei esse sub natura humana: unde Dionysius dicit 1. cap. de divin. Nomin. quod *intra nostram factus est naturam qui omnem ordinem, secundum omnem naturam substantialiter excedit*.

Ad sextum dicendum, quod nomen speciei significat naturam, sicut, & nomen generis: unde si una species esset in diversis generibus, sequeretur quod una natura esset duæ naturæ. Sed individuum importat aliquid quod non pertinet ad naturam: & ideo non est contra rationem individui, quod idem individuum sit suppositum duarum naturarum.

Ad septimum dicendum, quod natura divina est omnino idem secundum tem cum qualibet trium personarum, & ideo tres personæ possunt dici esse unum; sed humana natura non est omnino idem secundum rem cum suo supposito, & ideo non predicatur de eo: & sic non potest Christus dici esse duo propter duas naturas.

Ad octavum dicendum, quod Filius Dei S. Th. Oper. Tom. XV.

habet commune cum Patre divinam naturam, non autem hypostasim, vel personam; filius autem hominis non habet commune cum Deo Patre nec hypostasim, nec naturam: unde ex hoc non sequitur quod inter Filium Dei & filium hominis sit distinctio in persona, vel hypostasi, sed solum in natura.

Ad nonum dicendum, quod natura humana assumpta a verbo Dei, inquantum est individua, habet quod non possit esse in multis; & secundum hoc dicitur incommunicabilis: sed ex hoc ipso quod est natura, habet quod sit in aliquo supposito.

Ad decimum dicendum, quod humana natura quamdiu est verbo unita, quia non secundum se existit, non habet proprium suppositum, vel hypostasim præter personam verbi; sed si separaretur a verbo, haberet non solum propriam hypostasim, aut suppositum, sed etiam propriam personam, quia iam per se existeret, sicut etiam pars corporis continui quandiu est indivisa a toto, est in potentia, & non in actu, sed solum facta divisione.

Ad undecimum dicendum, quod in supposito includitur natura, non autem e converso: & ideo non potuit assumi suppositum quin assumeretur natura; potuit (a) autem e converso contingere.

Ad duodecimum dicendum, quod unio anime & corporis in Christo ex hoc ipso est dignior quam in nobis, quia non terminatur ad suppositum creatum, sed ad suppositum æternum verbi Dei.

Ad decimumtertium dicendum, quod anima unitur corpori ut forma eius ad constituendum humanam naturam; non sic autem unitur in Christo divinitas humanitati, quia non est facta unio in natura, ut (supra art. 1.) dictum est: & ideo non est similis ratio.

Ad decimumquartum dicendum, quod proprium accidentium aggregato sufficienter probat individuationem humanæ naturæ in Christo non autem quod habeat rationem suppositi, vel hypostasis, quia non potest se exilire.

Ad decimumquintum dicendum, quod non est facta hoc modo unio humanæ naturæ ad personam, vel hypostasim verbi in Christo, ut adqueatur ei quasi comprehensens ipsam, vel secundum aliquam proportionem certam a persona verbi excedatur: quia adhuc manet persona verbi excedens

M m m huma-

humanam naturam in infinitum. Qui tamen infinitus excessus non excludit quin quodam ineffabili modo persona Dei humanam naturam sibi copulaverit in unitatem hypostasis, quinimmo infinita virtus affluens efficacius ad maiorem unionem operatur.

Ad decimum sextum dicendum, quod generatio terminatur ad suppositum quidem sicut quod generatur, ad naturam autem sicut ad id quod per generationem accipitur: unde forma dicitur generationis terminus. Et quia generationes, & motus secundum terminos distinguuntur, inde est quod Christi sunt duae natiuitates secundum duas naturas, sed unus nascens propter suppositi unitatem.

Ad decimum septimum dicendum, quod anima, & corpus unita constituunt suppositum, & hypostasis, si per se existat quod ex utroque componitur; quod in proposito non contingit.

Ad decimum octavum dicendum, quod Christus est simplex secundum divinam naturam, compositus autem secundum naturam humanam, ut patet per Dionysium 1. cap. de divinis Nominibus.

ARTICULUS III.

Utrum Christus sit unum naturaliter, vel duo.

III. P. quæst. xvii. art. 1. & III. Sent. dist. vi. quæst. 11. art. 1.

Tertio queritur, utrum Christus sit unum naturaliter, vel duo. Et videtur quod sit duo naturaliter. Dicit enim Augustinus in I. de Trinit. (cap. vii.) *Quia forma Dei suscepit formam hominis, utrumque est Deus, & utrumque homo.* Sed in eo quod est unum tantum, non potest dici *utrumque*. Ergo Christus non est unum tantum, sed duo.

2. Præterea. Sicut in tribus personis divinis est una natura, ita in una persona Christi sunt duæ naturæ. Sed tres personæ divinx dicuntur unum propter unitatem naturæ. Ergo Christus dicendus est duo propter duas naturas.

3. Præterea. Augustinus dicit contra Felicianum (cap. xi. a med.) *Aliud est Filius Dei, & aliud filius hominis.* Sed nomen quod est aliud, & aliud, ibi sunt duo. Ergo Christus, secundum quod est Filius Dei, & filius hominis, est duo.

4. Præterea. Illud quod est unum supposito, sit alterum ex seipso successive propter diversum accideus, sicut Sorites (senex a seipso puero. Sed sicut differentia accidentalis facit alterum, ita differentia substantialis facit aliud. Ergo si idem suppositum mutari posset de una differentia substantiali in aliam, esset aliud, & aliud. Pari ergo ratione si idem suppositum habeat simul duas differentias substantiales, simul erit aliud, & aliud. Sed habere duas naturas, est habere duas differentias substantiales: quia natura est unumquodque informans specifica differentia, ut Boetius dicit in Libro de duabus naturis. Ergo Christus simul est aliud, & aliud; & ita simul est duo.

5. Præterea. Unumquodque est aliud quod vere de eo predicatur. Sed aliud predicat hoc nomen *homo* de Christo, & aliud hoc nomen *Deus*: hoc enim predicat utrumque nomen quod significat. Sicut enim hoc nomen *album* nihil aliud significat quam qualitatatem, secundum Philosophum (in predicamento substantiæ a med.) ita hoc nomen *homo* nihil aliud significat quam humanitatem, quæ est aliud a divinitate, quam significat hoc nomen *Deus*. Ergo Christus est aliud, & aliud; & ita est duo.

6. Sed dicendum, quod hoc nomen *homo* in sui significatione includit suppositum humanitatis, quod non est aliud a supposito divinitatis: & ideo Christus, secundum quod est Deus, & homo, non est aliud, & aliud. Sed contra. Ad diversitatem aliorum non requiritur quod sint diversi secundum omne quod in eis est; sed sufficit, si secundum aliquid sunt diversi: homo enim, & asinus conveniunt quidem in animalibus, sed differunt rationali, & irrationali differentia. Ad hoc ergo quod aliud predicet hoc nomen *homo* de Christo, & aliud hoc nomen *Deus*, sufficit, si natura significata sit alia, & alia, quamvis sit suppositum idem.

7. Præterea. Christus, in quantum Deus, est aliquid unum unitate increata; in quantum autem est homo, est unum unitate creata. Sed unitas creata, & unitas increata sunt duæ unitates. Ergo Christus est duo.

8. Præterea. Sequitur: Christus est unum tantum: ergo est hoc, & non aliud: a destructione consequenter. Sequitur, si non potest dici quod Christus sit homo, & non aliud, quod non possit dici quod Christus non sit unum tantum. Sed hæc est falsa.

Chri-

Christus est homo tantum. Ergo Christus est homo, & aliud; & ita Christus est duo.

9. Præterea. Hæc propositio, *Christus est Deus, & homo*, est propositio *plures*, cum sit de prædicato copulato. Sed omnis talis propositio prædicat plura. Ergo Christus non est unum tantum, sed plura.

10. Præterea. Secundum Philosophum in VIII. Metaph. (com. xv. & xvi.) ex pluribus quorum unum est in potentia, & aliud noo, non fit aliquid unum, sed multa: unde cum dico, Homo est animal bipes, prædicatur de homine aliquid unum, non autem cum dicitur, Sortes est albus muscus. Sed humanitas, & divinitas non se habent ut poteoria, & actus. Ergo cum dicitur, Christus est Deus, & homo, non ponitur unum, sed multa; & ita Christus non est uoum, sed duo.

11. Præterea. Suppositum dicitur id quod est subsistens. Sed alia ratio subsistendi est filii hominis, & Filii Dei. Ergo est aliud, & aliud suppositum; & ita Christus non est unum, sed duo.

12. Præterea. Differentia conducit ad pluralitatem. Sed maxima differentia est inter humanam naturam & divinam. Ergo maxime Christus est duo.

13. Præterea. Nihil unum potest participare impossibiles proprietates. Sed Christo conveniunt impossibiles proprietates, sicut esse æternum, & in tempore natum, infinitum, & loco circumscriptum, & alia huiusmodi. Ergo Christus non est unum, sed duo.

14. Præterea. Christus est homo. Homo autem est humanitas, quia essentia rei est idem cum eo cuius est essentia, ut dicitur in VII. Metaph. (com. xx.) Ergo Christus est sua humanitas. Est etiam divinitas. Cum ergo humanitas non sit divinitas, sequitur quod Christus non sit unum, sed duo.

Sed contra. Christus non est duæ personæ, nec duæ hypostases, nec duo supposita, ut ex prædictis (art. præced.) patet; nec duæ naturæ, quia humana natura non prædicatur de Christo. Ergo Christus non est duo.

Præterea. Secundum Boetium (in Lib. de Trinit. & un. non procul a princ.) unumquodque ideo est, quia unum numero est. Si ergo Christus non sit unum, sequitur quod non sit ens.

Præterea. Ea quæ de se invicem prædicantur, non ponunt in numerum. Sed homo, & Deus de se invicem prædicantur in

Christo. Ergo Christus ooo est duo, secundum quod Deus, & homo.

Præterea. Maior est unio divinæ, & humanæ naturæ in Christo, quam unio accidentis, & subiecti, ut supra (art. i.) habitum est, Sed accedens, & subiectum sunt unum numero secundum Philosophum (V. Metaph. com. vii.) Ergo multo magis Christus est uoum, secundum quod Deus, & homo.

Præterea. Athanasius dicit de Christo (in symb.) *Licet Deus sit, & homo, non duotamen, sed unus est Christus.*

Præterea. Quod factum est unum, unum est; sicut quod factum est album, est album. Sed secundum Hugonem in Lib. de sacramentis (Lib. II. part. 1. cap. rv. & 1x.) verbum Dei est factum unum com homine. Ergo Christus, Deus, & homo existens, est unum.

Præterea. Uoiras est qua unumquodque dicitur unum. Sed post unitatem Trinitatis maxima unitas est verbi incarnati. Ergo est maxime unum.

Respondet dicendum, quod masculinum genus, quia est formatum, consuevit ad personam referri: & ideo manifestum est quod Christus non est duo masculinum, sed unus: quia in Christo non sunt duæ personæ, sed una. Quidam vero ponentes in Christo unam personam, posuerunt in Christo duo supposita, aut duæ hypostases, unam Filii Dei, aliam filii hominis: unde licet noo dicerent Christum esse duos masculinos propter unitatem personæ, dicebant tamen ipsum esse duo neutraliter, propter dualitatem suppositorum. Sed quia hæc etiam opinio repugnat fidei veritati, ut supra (art. præc.) habitum est; ideo hac opinione prætermissa, considerandum est, utrum, supposito quod in Christo sit una hypostasis, & unum suppositum, Christus debeat dici duo neutraliter, vel uoum.

Ad cuius evidentiā considerandum est, quod unum deoimnativè dicitur quod habet unitatem, sicut album quod habet albedinem, sive quod ei subicitur: & eadem ratione multa deoimnativè dicuntur a multitudine, & duo a dualitate. Quia vero unum convertitur cum ente, sicut est esse accidentale, & esse substantiale; ita dicitur aliquid esse unum, vel multa vel secundum formam accidentalem, vel secundum substantialem. Secundum quidem formas accidentales dicitur aliquid multa quod est subiectum diversis formis accidentalibus vel successive, vel simul. Successive quidem,

Mmm 2 sicut

sicut Sortes sedens est alter a se stante: unde Sortes, in quantum est prius frans, & postea sedens, est multa successive. Simul autem, sicut Sortes in quantum est albus, & musciens, est multa. Quod enim animal bipes, quod praedicatur de Sorte, sit unum, & non multa, ex hoc contingit, quia unum eorum comparatur ad alterum ut potentia ad actum, ut dicitur in VIII. Metaph. (text. xv. & xvi.) album autem, & musicum non sic se habent ad invicem: & ideo Sortes, in quantum est albus, & musicus, est multa, non quidem simpliciter, sed secundum quid; sicut & secundum accidentia dicitur aliquid esse secundum quid, & non simpliciter. Secundum substantiam autem dicitur aliquid unum, & multa simpliciter, sicut ens. Sed secundum Philosophum in V. Metaph. (text. xv.) substantia secundum duos modos dicitur, scilicet suppositum, quod de alio non praedicatur, & forma, vel natura speciei, quae de supposito praedicatur: & haec quidem in creaturis puris non sunt simul unum, & multa: non est enim una numero essentia diversorum suppositorum, nec iterum invenitur in creaturis puris aliquid unum suppositum habens duas naturales substantias; sed hoc singulare est in Christo, primum autem est singulare in tribus personis divinis. Manifestum est ergo quod Christus potest dici aliquoties unum, quia est unum suppositum; & aliquoties multa, vel duo, quia est habens duas naturas, multo amplius quam Sortes de quo praedicatur unum, in quantum est unum subiecto; multa, in quantum est album, & musicum. Sed considerandum est, quid horum dicatur simpliciter, & quid secundum quid. Sciendum est ergo, quod simpliciter, & proprie dicitur aliquid esse tale quod est secundum seipsum tale. Dicitur autem aliquid esse secundum seipsum tale, quod est secundum totum, magis quam quod est secundum partem: quia pars non est simpliciter idem toti. Ipsum autem, cum sit reciprocum, est relativum identitatis. Et ideo quod convenit alicui secundum totum, magis convenit ei simpliciter quam quod convenit ei secundum partem: unde si aliquid natum sit convenire alicui secundum totum, & partem, si conveniat ei solum secundum partem, dicitur convenire ei secundum quid, & non simpliciter; sicut si dicatur Aethiops albus dentes: secus autem est de eo quod non est natum inci-

se nisi secundum partem, sicut aliqui dicuntur simpliciter crispus, si habeat capillos crispus. Manifestum est autem quod suppositum significatur per modum totius, natura autem per modum partis formalis, ut ex supradictis patet: & ideo cum unum, & multa possint referri & ad suppositum, & ad naturam, manifestum est quod si aliquid unum suppositum habeat plures naturas substantiales, erit unum simpliciter, & multa secundum quid. Cuius signum est, quia ea quae differunt supposito, & sunt unum in eo quod per se pertinet ad naturam, sunt plura quidem simpliciter, sed unum genere, vel specie: & ideo e contrario si unum suppositum habeat multas naturas, erit unum simpliciter, & multa secundum quid. Quia igitur Christus est unum suppositum habens duas naturas, sequitur quod sit unum simpliciter, & duo secundum quid.

Ad primum ergo dicendum, quod (a) hoc quod Augustinus dicit, *Utrumque Deus, & utrumque homo*, non est referendum ad dualitatem suppositi secundum quam Christus simpliciter duo esse diceretur; sed ad dualitatem naturarum per duo nomina significatarum, quae sunt *Deus*, & *homo*: quia scilicet de Deo praedicatur humana, & divina; & de homine praedicatur etiam divina, & humana.

Ad secundum dicendum, quod unaquaeque divinarum personarum est omnino idem secundum rem cum divina essentia, nec aliquid additur in persona supra naturam divinam quod aliquam diversitatem substantialem faciat: & ideo per hoc quod in natura divina conveniunt tres personae, sunt simpliciter unum. Non autem similiter se habet humana natura ad divinam personam: unde non est similis ratio.

Ad tertium dicendum, quod in Christo dicitur esse aliud filius hominis, & aliud Filius Dei, propter hoc quod aliam, & aliam naturam praedicat utrumque nomen: non propter hoc quod si aliud, & aliud suppositum; ad quod sequeretur Christum esse simpliciter duos: cum enim suppositum humanum, & divinum sint differentia, necesse esset substantialiter differre.

Ad quartum dicendum, quod diversae formae inherentes sive in eodem, sive in diversis temporibus, non faciunt aliud simpliciter, si maneat idem suppositum; sed solum propter suppositum, quando suppositum est diversum. Ad

Ad quintum dicendum, quod in hoc nomine *album* intelligitur albedo, & subiectum albedinis; sed albedo determinate, subiectum autem albedinis indeterminate. Nam cum dicimus album, intelligimus aliquid albedine informatum; non autem determinatur, quid sit illud, sicut determinatur forma. Similiter etiam cum dico hominem, vel aliquid aliud substantialiter dictum, intelligitur habens humanitatem. Sed quia aliquid determinatur ad speciem per suam essentiam, vel naturam, non autem per suum accidens; in hoc nomine homo determinatur intelligitur id quod est habens humanitatem magis quam in hoc nomine *album* intelligatur habens albedinem.

Et quia id quod per nomen determinate intelligitur, est proprie nominis significatum, magis hoc nomen *homo* significat suppositum humanitatis quam hoc nomen *album* subiectum albedinis: quoniam nec hoc nomen *homo* significat humanitatis suppositum, secundum quod est determinatum in sua singularitate, sed solum secundum quod est determinatum in natura speciei. Quia ergo suppositum humanæ naturæ, & divinæ in Christo, secundum quod accipitur in sua singularitate discretum, est unum & idem in duabus naturis determinatis; est quidem simpliciter unum secundum seipsum, secundum quid autem duo, inquantum scilicet habet duas naturas.

Ad sextum dicendum, quod ad hoc quod (a) aliquid sit aliud, non oportet quod secundum totum distinguatur; ad hoc tamen quod simpliciter sit aliud, oportet quod distinguatur secundum seipsum.

Ad septimum dicendum, quod ex hoc quod unitas creata non est unitas increata, non potest concludi quod Christus sit duo, sed quod subsistat in duplici unitate, sicut subsistit in duplici natura.

Ad octavum dicendum, quod si Christus esset unum, quod est homo, & non aliud quam homo, sequeretur quod esset unum omnino, id est & secundum naturam, & secundum suppositum; per hoc autem quod Christus est unum quod est homo, & aliud quod est Deus, sequitur quod sit duo secundum naturam, non autem quod sit omnino & simpliciter duo propter unitatem suppositi.

Ad nonum dicendum, quod illud de quo plura predicantur in propositione quæ est de copulato predicato, non oportet esse plu-

ra simpliciter; alioquin Sortes esset plura simpliciter, si sit albus, & muscus: & ideo non oportet, si Christus est Deus, & homo, quod sit duo simpliciter.

Ad decimum dicendum, quod ex divina natura, & humana non fit unum secundum naturam; concurrunt tamen in unum suppositum, propter quod Christus est unum.

Ad undecimum dicendum, quod sicut non oportet quod Christus sit duo filii, propter hoc quod alia ratione est natus a Patre, & alia a matre; ita etiam non oportet quod sit duo secundum suppositum, propter diversam rationem subsistendi qua subsistit inquantum Deus, & inquantum homo.

Ad duodecimum dicendum, quod maxima differentia quæ est inter humanam naturam & divinam, ostendit quod non potest esse una natura Dei, & hominis; non autem ex hoc sequitur quod non possit esse unum suppositum utriusque naturæ.

Ad decimumtertium dicendum, quod nihil prohibet contrarias, & impossibiles differentias inesse eidem secundum diversa; sicut homo secundum animam est incorruptibilis, & secundum corpus corruptibilis; & ita etiam in Christo opposita quædam conveniunt secundum humanam, & divinam naturam.

Ad decimumquartum dicendum, quod hæc est falsa, *Homo est humanitas*; non enim omnino idem significatur per utrumque: quia, ut Philosophus dicit in VII. Metaph. (cap. xx.) quod quid est, id est essentia uniuscuiusque, est idem cum eo quantum ad ea quæ sunt per se, non autem quantum ad ea quæ sunt per accidens. Et ideo quidquid sit illud cui potest aliquid accidere præter naturam suam speciei, non est omnino idem cum sua essentia. Homini autem multa accidunt præter essentiam speciei. Unde patet quod non est omnino idem homo, & humanitas: nam humanitas dicitur qua aliquis est homo, & sic in sua significatione includit sola ea quæ pertinent ad essentiam speciei; homo autem dicitur qui habet humanitatem, in quo etiam multa sunt alia præter essentiam speciei.

ARTICULUS IV.

*Utrum in Christo sit unum tantum esse.**II. Part. quest. xviii. art. 2.*

Quarto queritur, utrum in Christo sit unum tantum esse. Et videtur quod non. In Christo enim est esse divinum, & humanum; quæ non possunt esse unum, quia esse non dicitur univoce de Deo, & creaturis. Ergo in Christo non est tantum unum esse, sed duo.

2. Præterea. Cuilibet formæ responderi suum esse: aliud enim est esse album, & aliud esse hominem. Sed in Christo sunt duæ formæ: quia, cum in forma Dei esset, formam servi accepit, ut dicitur Philip. 2. non tamen formam Dei deposuit. Ergo in Christo est duplex esse.

3. Præterea. Secundum Philosophum in H. de Anima (com. xxvii.) vivere viventibus est esse. Sed in Christo est duplex vita; scilicet humana, quæ fuit privata per mortem; & divina, quæ per mortem privari non potuit. Ergo in Christo non est tantum unum esse, sed duo.

Sed contra. Quicquid est unum simpliciter, est unum secundum esse. Sed Christus est unum simpliciter, ut supra (art. præced.) habitum est. Ergo in eo est unum esse.

Respondendo dicendum, quod huius questionis est quodammodo eadem ratio & præmissa: quia (a) ex eodem dicitur aliquid esse unum, & ens. Esse enim proprie, & vere dicitur de supposito subsistente: accidentia enim, & formæ non subsistentes, dicuntur esse, in quantum eis aliquid subsistit; sicut albedo dicitur ens, in quantum ea est aliquid album. Considerandum est autem, quod aliquæ formæ sunt quibus res subsistens simpliciter habet esse, quia videlicet constituent esse substantiale rei subsistentis. In Christo autem supposito subsistens est persona Filii Dei, quæ simpliciter substantificatur per naturam divinam, non autem simpliciter substantificatur per naturam humanam: quia persona Filii Dei fuit ante humanitatem assumptam; nec in aliquo persona est augmentata, (b) seu perfectior per

naturam humanam assumptam. Substantificatur autem suppositum æternum per naturam humanam, in quantum est hic homo: & ideo sicut Christus est unum simpliciter propter unitatem suppositi, & duo secundum quid propter duas naturas; ita habet unum esse simpliciter propter unum esse æternum æterni suppositi. Est autem & aliud esse huius suppositi, non in quantum est æternum, sed in quantum est temporaliter homo factum: quod esse est non sit esse accidentale, quia homo non prædicatur accidentaliter de Filio Dei, ut supra (art. 1.) habitum est, non tamen est esse principale sui suppositi, sed secundarium. Si autem in Christo essent duo supposita, tunc utrumque suppositum haberet proprium esse sibi principale; & sic in Christo esset simpliciter duplex esse.

Ad primum ergo dicendum, quod esse humanæ naturæ non sit esse divinæ. Nec tamen simpliciter dicendum est, quod Christus sit duo secundum esse, quia non ex æquo respicit utrumque esse, suppositum æternum.

Et similiter etiam dicendum est ad alia.

ARTICULUS V.

*Utrum in Christo sit una tantum operatio.**III. Part. quest. xix. art. 1.*

Quinto queritur, utrum in Christo sit una tantum operatio. Et videtur quod sic. Dicit enim Dionysius in epist. ad Caium monachum: *Deo homine facta, nova quadam Dei, & hominis operatione conversatur est.* Non autem esset nova operatio Dei & hominis, nisi esset una & eadem operatio utriusque. Ergo in Christo est una operatio Dei, & hominis.

2. Præterea. Quæ concurrunt ad eandem operationem, non diversificant operationem. Sed divinitas, & humanitas in Christo concurrunt ad eandem operationem, sicut ad sanationem leprosi concurrebat divina virtus, & carnis tactus.

3. Præterea. Actio procedit ab agente per aliquod principium actionis, sicut calefactio ab igne per calorem. Ergo oportet quod multitudo, & unitas actionis consideretur, vel ex parte agentis, vel ex parte principii quo agens agit. Sed numerus actionum in Christo non accipitur secundum prin-

(a) *Al. de eodem.* (b) *Al. nec perfectior originem naturam &c.*

principium quo agens agit: quia sic essent multo plures actiones Christi quam duae secundum divexitatem potentialium animae. Est ergo dicendum, quod sit una actio in Christo propter unum suppositum agens.

4. Praeterea. Principalis agentis, & organi est una & eadem actio; sicut secare est actio carpentarii, & ferris. Sed humanitas in Christo fuit organum divinitatis in Christo, sicut dicit Damascenus in III. Lib. (cap. xv.) Ergo una & eadem est actio humanitatis, & divinitatis in Christo.

5. Praeterea. Suppositum est agere. In Christo autem non est aliud suppositum, nisi suppositum aeternum; de quo non potest dici quod agit virtute naturae humanae, quia sic acciperet aliquid ab humana natura, & haberet esse, & actualitatem per humanam naturam: quia unumquodque agit inquantum est ens actu. Ergo nulla actio est in Christo nisi quae sit virtute divinae naturae: non sunt ergo duae actiones in Christo secundum duas naturas, scilicet divinam, & humanam.

6. Praeterea. Suppositum coniunctius est naturae divinae quam operationi. Sed humana natura in Christo non habet proprium suppositum propter unionem ad divinam. Ergo nullo minus habet propriam operationem: non ergo in Christo sunt duae operationes.

7. Praeterea. Operationes sunt coniunctae: unde Philosophus dicit in I. de Anima (com. lxxv.) quod qui dixerit animam intelligere, simile est ac si dixerit eam texere, vel edificare. Sed Christi est una persona, in qua coniuncta est humanitas divinitati. Ergo in Christo est una tantum operatio.

8. Praeterea. Prima, & praecipua operatio intellectualis naturae est ipsum intelligere. Sed intelligere non est operatio in exteriorem naturam transiens, sed in ipso agente manens. Agere autem est suppositi. In Christo autem est unum tantum suppositum increatum, quod est simplex. Cum ergo in uno simplici non possit esse duplex intelligere, videtur quod in Christo non possint esse duae intellectuales operationes.

9. Praeterea. Operatio cuiuslibet rei sequitur proprietatem ipsius. Sed secundum Damascenum (Lib. III. cap. lxi.) duae naturae in Christo communicant sibi sua idiomata, id est suas proprietates, propter unitatem suppositi. Ergo pari ratione est tibi communicatio operationum; & ita non sunt

distinctae operationes secundum distinctionem naturarum.

10. Praeterea. Omnes operationes in uno homine reducuntur ad unum primum principium, scilicet ad voluntatem, quae movet alias omnes potentias ad agendum. Sed similiter in Christo est ponere unum primum principium, scilicet divinitatem, a qua eius humanitas movebatur; & ita operationes humanitatis referuntur in ipso ad divinitatem sicut ad primum principium. Ergo in Christo est una tantum operatio.

11. Praeterea. Sicut anima rationalis, & caro est unus homo; ita Deus, & homo unus est Christus, ut Athanasius dicit (in symb.) Sed operatio corporis humani, vel animae rationalis dicitur operatio humana. Ergo operatio tam divinitatis, quam humanitatis Christi debet dici operatio christiana; & sic uno erit in Christo nisi una operatio, sicut est unus Christus.

12. Praeterea. Omnis operatio procedit ab aliqua forma, vel virtute. Sed agens principale non dat aliquam formam, vel virtutem instrumentum. Ergo instrumentum non habet aliquam operationem, inquantum est instrumentum. Sed humana natura in Christo fuit organum divinitatis, ut Damascenus dicit (Lib. III. cap. xv.) Ergo humana natura in Christo non habet aliquam operationem. Sic ergo in Christo est una tantum operatio divinitatis.

13. Praeterea. Actio informat agentem. In Christo autem est tantum unum suppositum, scilicet aeternum, quod non potest informari operatione creata. Cum igitur agere sit suppositi, videtur quod in Christo non sit aliqua operatio creata; & ita est ibi una tantum increata operatio.

14. Praeterea. Unius una est operatio. Sed Christus est unum simpliciter loquendo, ut supra dictum est. Ergo in Christo est una tantum operatio.

Sed contra est quod in sententia sextae Synodi dicitur (actione 11. a med.) *Duae naturales operationes indivise, inconversibiles, inconfuse, & inseparabiliter in eodem Domino Iesu Christo vero Deo nostro glorificamus, hoc est divinam, & humanam operationem.*

Praeterea. Damascenus dicit in III. Lib. (cap. xiv. & xi.) *Duae actiones dicimus in Domino Iesu Christo: habet enim ut Patri consubstantialis divinam actionem; & ut homo subiectus humanae naturae actionem.*

Praeterea. Sicut in Trinitate est una natura

tura in tribus personis, ita in Christo sunt duae naturae in una persona. Sed totius Trinitatis est una operatio propter unitatem naturae. Ergo in Christo sunt duae operationes propter dualitatem naturarum.

Præterea. Boetius dicit in Lib. de duabus naturis, quod natura est quae agere, & pati potest; & ita actio sequitur naturam. Sed in Christo sunt duae naturae. Ergo etiam duae actiones.

Præterea. Operatio sequitur virtutem; virtus autem essentiam, quæ est natura rei. Ubi ergo sunt duae naturae, sunt duae virtutes, & per consequens duae operationes; & sic in Christo non est una tantum operatio, sed duae.

Respondendo dicebimus, quod unitas, & pluralitas actionis potest ex duobus considerari. Uno modo ex parte subiecti agentis; & ex hoc consideratur unitas, seu pluralitas actionis secundum numerum, sicut & quodlibet aliud accidens habet numeralem unitatem, vel pluralitatem ex parte subiecti: hæc enim visio, vel auditio Sortis est alia numero a visione, vel auditione Platonis. Alio modo potest considerari unitas, vel pluralitas actionis ex parte principii quo agens operatur; & ex hoc actio dicitur esse una, vel plures secundum speciem; sicut visio, & auditio sunt operationes speciediifferentes: procedit enim actio ab agente secundum rationem virtutis qua agit. Nec obstat quod actiones recipiant speciem secundum obiecta, quia determinatae virtutes determinata obiecta respiciunt. Considerandum tamen, quod si virtus, quæ est actionis principium, ab alia superiori virtute moveatur, operatio ab ipsa procedens non solum est actio, sed etiam passio, in quantum scilicet procedit a virtute quæ a superiori movetur. In homine autem omnes virtutes sensitivæ partis moventur quodammodo a voluntate, sicut a quodam primo principio: & ideo & audire, & videre, & imaginari, & concupiscere, & irasci non tantum sunt actiones, sed etiam quædam passiones procedentes a motione voluntatis, in quantum scilicet homo ex propria voluntate ad prædicta progreditur. Et ideo licet in uno homine secundum diversas potentias, & habitus videantur esse plures actiones speciediifferentes; tamen quia omnes procedunt ab una prima actione voluntatis, dicitur esse una actio unius hominis; sicut si unus artifex per multa instrumenta operaretur, una eius operatio diceretur. Secundum ergo

hunc modum aliqui posuerunt quod in Christo est una tantum operatio, eo quod humana natura in eo divinæ operationi subiacet, & ab ea movetur: & sic actio humanæ naturæ in comparisonem ad divinam magis habet rationem passionis: unde propter virtutem divinæ actionis dicebant in Christo esse unam tantum actionem. Sed hoc irrationaliter dicebatur duplici ratione. Primo quidem quia quæcumque virtus non habet dominium sui actus, sic a superiori movetur quod ipsa non agit, sed potius agit: unde & Philosophus dicit VI. Ethic. (II. Ethic. cap. 11.) quod sensus non est alicuius actionis principium. Sed virtus quæ habet dominium sui actus, scilicet voluntas, quæ movetur a superiori, scilicet a Deo, quod non solum agit, sed etiam agit. Et quia in Christo secundum humanam naturam est creata potentia voluntatis, sicut & intellectus creatus, cum nihil ei desit eorum quæ pertinent ad perfectionem naturæ humanæ, consequens est quod motus voluntatis humanæ in Christo actio sit, & non solum passio: alioquin secundum humanam naturam mereri non potuisset. Secundo quia operatio alicuius speciem, & unitatem habet a primo principio pertinente ad eandem naturam, sicut voluntas, a qua habent unitatem omnes actiones humanæ, est quoddam principium intrinsecum humanæ naturæ; non autem aliquæ actiones habent unitatem ex hoc quod reducuntur in aliquod primum principium alterius naturæ; alioquin sequeretur quod omnium rerum esset actio una, quia est unum primum principium movens omnia, scilicet Deus. Sic igitur etiam humana natura in Christo moveatur a divina, quia tamen sunt duae naturæ distinctæ, necesse est etiam quod sint duae actiones. Quia igitur ex hoc quod aliquis ponit unam actionem in Christo, sequitur quod sit ibi una sola natura, & una sola voluntas; ideo hæc positio est tamquam heretica in sexta Synodo condemnata.

Ad primum ergo dicebimus, quod operatio Christi secundum humanitatem dicitur theandrica, id est deivirilis, in quantum humanitas Christi agebat in virtute divina: & ex hoc actio humanitatis erat salutaris, sicut instrumentum agit in virtute agentis; & pro tanto dicitur nova actio facta, quia de novo factum est quod humanitas Christi est instrumentum divinitati coniunctum in unitate personæ; non autem ita quod

ex

ex duabus actionibus sit una compositio.

Ad secundum dicendum, quod divinitas, & humanitas Christi concurrunt ad eamdem operationem inconfuse: quia utraque natura, ut in epistola Leonis Papae (ad Flavianum epist. cap. iv.) dicitur, agebat quod est sibi proprium cum communione naturae alterius; puta quod divina virtus sanabat leprosum coexistente tactu humani corporis, qui fortiebatur efficaciam ex virtute divina.

Ad tertium dicendum, quod in Christo omnes actiones ad humanam naturam pertinentes reducuntur in unam actionem propter unitatem connaturalis principii, scilicet voluntatis. Non est autem eadem ratio de humanitate, & divinitate, ut dictum est.

Ad quartum dicendum, quod humana natura in Christo non est tale instrumentum quod solum agatur, sed quod etiam est principium actionis, in quantum habet dominium sui actus.

Ad quintum dicendum, quod aliquid agit virtute alterius dupliciter: uno modo in quantum movetur a virtute illius, sicut calor naturalis agit in virtute animae; alio modo in quantum aliquid agens utitur virtute alicuius instrumenti, sicut anima videt virtute oculi: & hoc modo suppositum eternum agebat virtute humanae naturae.

Ad sextum dicendum, quod suppositum est quod est ab aliis distinctum: & ideo si natura humana haberet per se suppositum, repugnaret unioni personali. Operatio autem non importat rationem alicuius distinctionis: & ideo ratio non sequitur.

Ad septimum dicendum, quod operationes sunt coniunctae ex pluribus convenientibus in unam naturam. Talis autem non est conjunctio divinitatis, & humanitatis in Christo. Unde ratio non sequitur.

Ad octavum dicendum, quod ipsum in-

telligere est intrinsecum intellectui. Sunt autem in Christo duo intellectus, scilicet creatus, & increatus: & ideo etiam est ibi duplex intelligere.

Ad nonum dicendum, quod in Christo est communicatio idiomatum, non quod sit aliqua proprietatum naturalium confusio, sed quia proprietates utriusque naturae dicuntur de eodem supposito: & eadem est communicatio operationum, quia est idem suppositum cui attribuitur eadem operatio, divina, & humana.

Ad decimum dicendum est, quod voluntas est principium connaturale aliis potentiis animae; non autem divinitas est connaturalis humanitati: unde non est similis ratio.

Ad undecimum dicendum, quod illa similitudo Athanasii attenditur quantum ad unitatem personae, non quantum ad unitatem naturae. Anima enim, & corpus conveniunt in unam personam, & in unam naturam; & ideo dicitur una operatio humana. Divina autem natura, & humana conveniunt in unam personam, sed non in unam naturam, & per consequens in unam actionem.

Ad duodecimum dicendum, quod agens non semper dat instrumento novam formam, vel virtutem quiescentem in ipso; & tamen instrumentum in quantum movetur ab agente, consequitur quandam intentionalem virtutem per influxum agentis, qui per instrumentum transit in effectum.

Ad decimumtertium dicendum, quod, sicut visio informat hominem mediante oculo, ita etiam actio creata informat suppositum eternum mediante natura humana.

Ad decimumquartum dicendum, quod Christus est unus simpliciter propter suppositum, sunt tamen in eo duae naturae: & ideo Christus est unum agens, sed sunt in eo duae actiones.

T O M I X V. F I N I S.



